

清  
實  
錄



宣宗成皇帝實錄(六)

卷三三〇至卷四〇〇  
道光二十年至二十三年

# 清實錄

第三八冊

中華書局影印

清 實 錄

(第 三八 冊)

宣 宗 實 錄 (六)

\*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

\*

787×1092 毫米 1/16·73 1/4 印張

1986 年 10 月第 1 版 1986 年 10 月北京第 1 次印刷

印數 0,001—1,500 冊

統一書號: 11018·1355—38 定價: 54.00 元



# 清實錄第三八冊目錄

## 宣宗成皇帝實錄(六)

卷三三〇	道光二十年正月	一
卷三三一	道光二十年二月	一七
卷三三二	道光二十年三月	二九
卷三三三	道光二十年四月	四五
卷三三四	道光二十年五月	六六
卷三三五	道光二十年六月	八〇
卷三三六	道光二十年七月上	一〇〇
卷三三七	道光二十年七月下	一二三
卷三三八	道光二十年八月	一二七
卷三三九	道光二十年九月	一四七
卷三四〇	道光二十年十月	一六五
卷三四一	道光二十年十一月	一八〇
卷三四二	道光二十年十二月上	二〇一
卷三四三	道光二十年十二月下	二二七
卷三四四	道光二十一年正月上	二二三
卷三四五	道光二十一年正月下	二四九
卷三四六	道光二十一年二月上	二六三
卷三四七	道光二十一年二月下	二七八
卷三四八	道光二十一年三月上	二九四
卷三四九	道光二十一年三月下	三〇八
卷三五〇	道光二十一年閏三月	三二三
卷三五一	道光二十一年四月	三三五
卷三五二	道光二十一年五月	三五三
卷三五三	道光二十一年六月	三六五
卷三五四	道光二十一年七月	三八二
卷三五五	道光二十一年八月上	四〇一
卷三五六	道光二十一年八月下	四一九
卷三五七	道光二十一年九月上	四三八
卷三五八	道光二十一年九月下	四六三
卷三五九	道光二十一年十月上	四七八
卷三六〇	道光二十一年十月下	四九五
卷三六一	道光二十一年十一月上	五二二
卷三六二	道光二十一年十一月下	五三四
卷三六三	道光二十一年十二月上	五三七

宣宗實錄

卷三六四	道光二十一年十二月下	五五四
卷三六五	道光二十二年正月上	五六九
卷三六六	道光二十二年正月下	五八六
卷三六七	道光二十二年二月上	六〇〇
卷三六八	道光二十二年二月下	六一四
卷三六九	道光二十二年三月	六三三
卷三七〇	道光二十二年四月上	六五三
卷三七一	道光二十二年四月下	六七〇
卷三七二	道光二十二年五月上	六九二
卷三七三	道光二十二年五月下	七一二
卷三七四	道光二十二年六月上	七三三
卷三七五	道光二十二年六月中	七四九
卷三七六	道光二十二年六月下	七七一
卷三七七	道光二十二年七月上	七八七
卷三七八	道光二十二年七月下	八一四
卷三七九	道光二十二年八月	八三〇
卷三八〇	道光二十二年九月上	八四九
卷三八一	道光二十二年九月下	八六四
卷三八二	道光二十二年十月上	八八〇
卷三八三	道光二十二年十月下	八九三
卷三八四	道光二十二年十一月上	九〇七
卷三八五	道光二十二年十一月下	九二二
卷三八六	道光二十二年十二月上	九三四
卷三八七	道光二十二年十二月下	九四七
卷三八八	道光二十三年正月	九六四
卷三八九	道光二十三年二月	九八一
卷三九〇	道光二十三年三月	一〇〇〇
卷三九一	道光二十三年四月	一〇一九
卷三九二	道光二十三年五月	一〇三五
卷三九三	道光二十三年六月	一〇四七
卷三九四	道光二十三年七月	一〇五九
卷三九五	道光二十三年閏七月	一〇七八
卷三九六	道光二十三年八月	一〇九六
卷三九七	道光二十三年九月	一一〇九
卷三九八	道光二十三年十月	一一二三
卷三九九	道光二十三年十一月	一一三七
卷四〇〇	道光二十三年十二月	一二五二



大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十

監修總纂官學士臣徐鴻儒等奉  
上諭旨著徐鴻儒等纂修  
臣等謹將纂修官姓名開列  
臣等謹將纂修官姓名開列

內務府大臣臣等謹將纂修官姓名開列  
臣等謹將纂修官姓名開列

臣等謹將纂修官姓名開列  
臣等謹將纂修官姓名開列

敘修

道光二十年庚子春正月壬辰朔

上詣

奉先殿行禮詣

堂子行禮遣官祭

太廟後殿率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

加大學士王鼎太子太保○命土爾扈特扎

薩克郡王多諾囉布多爾濟在乾清門行走

○賞哲布尊丹巴呼圖克圖明黃圍車轎○

賞御前大臣戶部尚書奕紀御前行走喀爾

喀土謝圖汗車林多爾濟紫韁○癸巳

上御紫光閣賜蒙古王貝勒貝子公台吉及外

藩使臣呼圖克圖等宴並賞賚有差○諭內

閣哲布尊丹巴呼圖克圖前曾賞用旗傘著

加恩仍准該呼圖克圖設用○展緩直隸滄

安西寧保安博野容城蠡雄高陽獻任邱青

靜海南皮鹽山慶雲藁城雞澤大名南樂平

鄉宣化懷來新河武邑武強饒陽阜城寧晉

二十九州縣上年歉收村莊舊欠額賦○給

江蘇邳睢寧宿遷蕭四州縣及徐州衛上年

歉收軍民一月口糧○展賑安徽泗無為望

江東流銅陵五河貴池七州縣及屯坐各衛

上年被災軍民給望江東流泗宿無為貴池

銅陵靈璧懷寧當塗蕪湖繁昌鳳陽懷遠鳳

臺十五州縣及泗州衛軍民一月口糧○甲午

高宗純皇帝忌辰遣官祭

裕陵○

上詣

奉先殿

壽皇殿行禮○是日立春順天府進土牛春山寶座○乙未

上詣

大高殿行禮○幸圓明園○詣

安佑宮行禮○奉

皇太后居綺春園○諭內閣昨據賽尚阿面奏

哲布尊丹巴呼圖克圖上年來京之時輒自

設用旗傘該院因於體制不合禁止設用嗣

經該呼圖克圖呈出乾隆年間台布策巴克

寄奉

諭旨現經該院正在查辦等語此案該院禁伊設用之時並未具奏即屬錯謬迨經該呼圖

克圖呈出前寄

諭旨何以又不具奏乃賽尚阿僅以正在查辦回奏為詞顯係支吾殊屬非是所有理藩院堂官等著交部嚴加議處承辦司員等著一併交部嚴加議處○緩徵山東濟寧章邱鄒平長山新城禹城海豐鄒單聊城冠館陶濰高密邱魚臺十六州縣並德州東昌臨清濟寧四衛上年被水被旱被丹莊屯本年上忙額賦及漕項鹽課○貸山西忻應保德興河

曲偏關神池五寨繁峙夏十州縣上年被旱

災民倉穀○丙申諭軍機大臣等本日據載

銓等呈遞琦琛親供據供文蔚查辦慶玉叅

款種種偏袒有意幹旋難免有代為囑託等

語著文蔚明白回奏原供著鈔給閱看又琦

琛之子毓馨現有應行質訊之處著文蔚派

委委員迅即押解來京歸案質訊將此諭令

知之○又諭據御史瑞肯奏吉林地方漸染

澆風各等語根本重地官民因緣為奸所關



匪細棍楚克策楞現赴黑龍江將軍新任著  
於路過吉林時沿途明查暗訪儻該處果有  
此等惡習並該管各衙門得現包庇情事即  
行據實具奏毋稍徇隱其隨帶司員現已諭  
知著英妥派著由盛京帶往查辦原摺鈔給  
閱看將此諭令知之○以吏部左侍郎許乃  
普充經筵講官○命署馬蘭鎮總兵官工部  
左侍郎文蔚來京以倉場侍郎德興署馬蘭  
鎮總兵官兼總管內務府大臣○丁酉

上詣綺春園問

皇太后安申刻復詣綺春園奉

皇太后臨視

皇后疾○貸江西德化德安瑞昌湖口彭澤鄱  
陽餘干萬年星子都昌十縣上年被水災民  
籽種○貸湖南華容武陵二縣上年被水災  
民籽種○貸陝西榆林葭神木府谷吳堡五  
州縣上年被雹被旱災民籽種口糧○貸甘  
肅寧秦臯蘭華亭環清水六州縣上年災民

籽種口糧○戊戌

世祖章皇帝忌辰遣官祭

孝陵○

上詣綺春園問

皇太后安○諭內閣前年五月據林則徐奏江  
漢安瀾懇請鼓勵各員當經降旨加恩茲據  
周天爵查明江漢隄膝漫潰情形京山天門  
二縣係安陸府所屬沔陽州係漢陽府所屬  
江夏等縣公隄係武昌府所屬此次漫潰隄  
段雖因水勢過大猝不及防究係籌辦驗收  
未能盡善所有安陸府知府周鳴鑾前加道  
銜漢陽府知府楊炳堃交部議敘之處著即  
註銷試用布政司照磨胡廷琨前請儘先補  
用之處亦著註銷其原請獎勵之調任湖廣  
總督林則徐著交部議處此次石工草工現  
已陸續興修著周天爵親往督辦勒令依限  
完竣又另片奏京山縣知縣梁芸滋應賠月  
隄潰口銀六千兩請移修渡船口楊隄灣二

處要工等語著即照所議辦理○以正黃旗漢軍參領盛璉為鑲白旗蒙古副都統○熱河都統恩銘因病解任以刑部右侍郎阿勒清阿為熱河都統調盛京刑部侍郎德誠為刑部右侍郎以都察院左副都御史惟勤為盛京刑部侍郎○己亥諭內閣昨因理藩院禁止哲布尊丹巴呼圖克圖設用旗傘並未奏明嗣經該呼圖克圖呈出乾隆年間案據該堂官等又未具奏當降旨將該衙門堂司各官交部嚴議茲據該部奏擬革職實屬咎所應得奕紀著革去御前大臣戶部尚書總管內務府大臣並革去紫韁毋庸管理理藩院事務姑從寬加恩仍留都統賽尚阿著革去都統從寬降為二品頂帶奕紀賽尚阿吉倫泰文德和均帶革職留任處分八年無過方准開復郎中惠麟著照部議革職○以大學士穆彰阿管理藩院事○調刑部尚書隆文為戶部尚書以都察院左都御史鐵麟署

刑部尚書○以吏部右侍郎恩桂為總管內務府大臣○以順承郡王春山為鑲黃旗漢軍都統○庚子享太廟遣惠親王綿愉恭代行禮○遣官祭太歲之神○諭內閣前據御史高枚奏浙江學政李國杞恣情怠逸任事廢弛當經降旨派恩桂何汝霖馳往查辦茲據查明該學政並無出題後即行退堂之事至杭州府屬入學多係富家子弟經恩桂等傳到關康甲等三十一名分日面試文理均屬明順筆跡亦屬相符其考取入學並無弊竇惟該學政於附生陸敬冊貌兩歧未經查問又於陳殿詔等四名頂名冒考年貌迴殊之處毫無覺察非尋常疏忽可比李國杞著交部議處其陳殿詔等受雇槍替各情著烏爾恭額關提要證質訊明確按律定擬商籍文童盧鯤潘馥汪鴻鑒三名亦著該撫關傳面試分別辦理新進文童關康甲等三十一名著毋庸議



○又諭烏爾恭額奏有漕州縣徵收漕糧未能一律純潔一摺本年浙江省各屬禾稻因秋雨過多致米色未能一律純潔據該撫查明屬實著照歷年例案准令紅白兼收私種並納俾小民便於輸將得以隨收隨兌依限開行仍著該撫飭令有漕各州縣認真選擇不得任意濫收致滋弊混○又諭前據琦琛供稱文蔚查辦慶王叅款有意偏袒幹旋當降旨飭令文蔚明白回奏茲據逐條剖晰並無偏袒等情著交原審之王大臣將此摺指

示琦琛質訊明確○又諭現訊慶王供稱道光十六年間說修理九洲清晏需用二丈六尺大柁曾向禧恩回明願將舊存大柁六架呈用禧恩當即飭令運送圓明園嗣後僅發給運腳銀三十兩並未發給木價等語著禧恩明白回奏並著管理圓明園大臣查明具奏尋奏慶王所運木料因虧朽未用現存圓明園公廠並未給價報聞○湖廣總督周天

爵奏現由督撫兩司暨在省道府廳縣捐資添造軍器得旨好妥為料理○以定郡王載銓為鑾儀衛掌衛事大臣莊親王綿護為鑾黃旗領侍衛內大臣惠親王綿愉為閱兵大臣○以禮部尚書奎照署鑲藍旗漢軍都統兵部尚書裕誠管太醫院事戶部左侍郎文慶總理工程處○予故前任熱河都統恩銘祭葬如尚書例○辛丑祈穀於上帝遣惠親王綿愉恭代行禮○壬寅丑刻

皇后崩

上臨視悲痛詣綺春園問

皇太后安辰刻

皇太后至澹懷堂臨奠

上跪迎於碧靜堂外侍送

皇太后還綺春園○諭內閣本日丑刻

皇后崩逝回思道光十三年奉

皇太后懿旨晉封皇貴妃攝六宮事旋於十四年冊立

皇后正位中宮先後事朕多年恭儉柔嘉盡儀足式竊冀侍奉

慈闈藉資內佐遽爾長逝痛何可言著派惠親王綿愉總管內務府大臣裕誠禮部尚書奎照工部尚書廖鴻荃總理喪儀其餘典禮著各該衙門察例辦理○又諭

大行皇后崩逝據禮部題奏儀注朕於本日起摘冠纓穿青袍褂十三日餘依議○又諭大行皇后崩逝所有年班來京之各蒙古王

貝勒貝子公等毋庸穿孝均著摘冠纓穿青袍褂○又諭富呢揚阿奏籌款採買以實倉儲一摺陝西省西安等八府州屬缺穀十三萬餘石自應籌款買補據該撫查明約需銀七八萬兩著准其於司庫現存捐監銀三萬二千五百餘兩內動支趕緊買補計該省每年收捐監銀不過三四年內即可買補足數仍著遵照前奉諭旨以五萬兩歸本省封貯以五萬兩解赴甘肅交納以實倉儲而重帑

項○又諭吳其濬奏生員鬧漕滋事教官不能約束請旨分別休致褫革一摺江西臨江府新喻縣學生員胡思泮歐陽濂張亨李恆春俱著褫革衣頂教諭王運恆訓導劉筠均著勒令休致所控各案仍著飭令該地方官訊辦○江西巡撫錢寶琛奏江西各幫船須仍在湖南軍船之前行走方免耽延窒礙得旨依議安速為之○正白旗領侍衛內大臣特依順保因病請解任允之○以修建江西豐城縣隄開各工出力予同知吳名鳳等升敘有差○癸卯

上詣綺春園問

皇太后安○至澹懷堂

大行皇后梓宮前奠酒至己酉皆如之○諭內閣各部院等衙門政事殷繁遇有應奏事件若因在素服不辦事期內不行陳奏勢必積壓著各部院等衙門於一切應奏事件仍隨時呈遞毋稍稽遲至引見各官員著於二月

初七日後各衙門照例帶領引見○又諭據文蔚奏查明慶王地畝契紙與收租帳簿不符顯有隱匿等語著原審王大臣監提該革員嚴行訊究並著直隸總督轉飭各該地方官出示曉諭佃種慶王地畝民戶據實呈報所有單開慶王財產除木料無庸解京外餘著德興照數陸續解交內務府○修直隸北運河隄壩從大學士總督琦善請也○甲辰江蘇巡撫裕謙奏查拏鴉片煙犯已有成效

可於一年半內除此痼習得旨既見成效尤不可懈勉為之○緩徵江蘇上元江寧句容江浦六合山陽阜寧清河安東鹽城高郵泰東臺江都甘泉儀徵興化銅山豐蕭碭山邳宿遷睢寧海沭陽贛榆二十七州縣並揚州淮安大河徐州四衛積歉莊屯舊欠額賦○乙巳諭內閣程楙采奏請將玩視捕務之知縣摘頂留緝一摺前署安徽歙縣事試用知縣劉鑑瀛著摘去頂帶留於地方協緝勤限

兩月務獲究辦至此案原任侍郎程恩澤棺柩被撬可恨可惡著該撫傳集該家屬將屍身有無損傷衣物有無遺失確切查明據實具奏尋奏傳到程恩澤子舉人德威詢明屍身未傷衣物亦無遺失撬棺匪犯程百兩素行無賴擬發極邊足四千里安置知縣劉鑑瀛業已獲犯請給還頂帶下部議從之○丙午月食○

上詣

安佑宮行禮○諭內閣前據已革郎中慶玉於被叅後供出琦琛收受銀米馬匹當將琦琛解任交王大臣等歸案質訊茲據載銓等呈遞琦琛親供已據供認不諱解任馬蘭鎮總兵兼總管內務府大臣琦琛以二品大員收受屬員餽送本應治以應得之罪惟慶玉係積年巨蠹經該總兵列款叅奏現經訊明各款均已得實琦琛著交部嚴加議處尋議琦琛應革職治罪得旨著革職從寬免其治罪

又諭本年開印著改於正月二十四日午時開印行禮時著穿常服掛朝珠 戊申

皇太后至澹懷堂

大行皇后梓宮前臨奠

上跪迎於碧靜堂外侍送

皇太后還綺春園 諭內閣

皇后鈕祜祿氏德東安貞禮彰雖肅珩璜協

度夙嫺九御之儀禕翟流徽早攝六宮之事

溯

萱殿祝釐之日

玉旨恭承迨椒庭作配之年璇儀益茂順昭四

德偕侍膳以承

歡勤贊萬幾佐求衣而警旦遠紹練裳之儉蘭

館垂型廣推樛木之仁蘭軒毓秀綜地道而

成妻道厚德應乎坤元自宮中以達府中芳

譽傳其異順茲於道光二十年正月十一日

崩逝睽徽音之丕著咸仰遺規宜嫺謚之崇

加式昭懋典念自入宮伊始即肇錫以嘉名

迄乎正位以來洵克符乎實行奉

慈闈而成順孝秉淑德而著醇全惟孝全二字之徽稱賅

皇后一生之懿範應即謚為

孝全皇后所有應行典禮該部照例奏聞○

又諭戶部奏雲南省銅務動用工本銀兩請

將未奉諭旨率行動用之巡撫藩司交部議

處雲南省鑄息等閒款銀十六萬二千兩據

該部查明業於上年十二月奏明撥給該省

兵餉該撫顏伯燾等於此項閒款並未奉有

諭旨輒因銅庫存銀不敷支放擅行動用若

各省紛紛效尤該部憑何指撥所有動用閒

款銀十六萬二千兩著即於該年銅本銀內

如數提回撥給該省庚子年兵餉之用其餘

閒款仍著隨時存貯入冊報撥其兵餉歲撥

等款如果緩不濟急應將實在情形奏明請

旨不得率行動用此次辦理錯誤之雲南巡

撫顏伯燾布政使劉鴻勳均著交部議處○

又諭向來帕克巴拉呼圖克圖每逾三年遣使進貢一次惟念察木多地方距京程途較遠嗣後著加恩改為間五年一次即自道光十九年為始至二十五年再行遣使進貢以後照此遞推用示體恤○四川提督齊慎奏督辦馬邊廳等處邊防將新舊兵勇嚴定賞罰章程逐日訓練數月以來咸知奮勉一洗從前惰怯積弊得旨果如是無怪乎從前愈辦愈壞也○賞章嘉呼圖克圖明黃圍車轎

（己酉）

上詣綺春園問

皇太后安○召見哲布尊丹巴呼圖克圖章嘉呼圖克圖噶勒丹錫呼圖呼圖克圖等於勤政殿○諭內閣

大行皇后梓宮奉移觀德殿後著派善燾禧恩蘇隆阿祁俊白文治喀拉春等代進內大臣班○諭軍機大臣等據林則徐奏喫哨喇國王另遣夷官嘖吐噎喇來粵係因義律所

為不合是以換人經理等語該國距內地七萬里當該國王遣官來時斷不知內地斷其貿易自應一併堅拒勿與通商以絕其逗留之念消其叵測之情庶幾大害永除勿貽後患該督於封港後早經嚴飭洋夷各商將各口貨船覈實查驗確切結報自不至再滋弊混其水陸險要之地皆當倍整軍威嚴飭文武員弁巡查防範毋稍疏懈以肅海疆而副委任至欽差大臣關防著該督暫行封貯俟

有該省大員進京之便帶繳無庸另行委員齎送將此諭令知之○兩廣總督林則徐等奏遵旨籌議御史駱秉章奏請整飭洋務章程一新例嚴禁煙土如查有夾帶分毫即將該夷商及保辦之洋商一併斥革治罪並訪查洋商如尚有朋充負欠者輕則革退重則治罪一查夷語有孖鴉名目即華言所謂買賣人也而漢奸即在其內以致暗地勾通現飭洋商令通事買辦等逐層擔保如有營私

舞弊者惟保人是問。一現在停止喫國貿易。所有喫夷並不准一名住省。其各國貿易良夷亦勒令遵例依期回國酌留一二夷人住冬。仍防閑出入不准與內地人民交接。前因三板船向無定額。於十八年十一月設立順字三板七隻。現議將此項三板一併裁撤。給味喇啞等國護照二張。凡各國夷人進省及寄信往來均令另雇民艇。赴各礮臺隘口驗明方准內駛。一夷人帶來洋銀務令以銀準貨不使餘賸帶回。下軍機大臣議從之。又奏遵查廣東韶關近無吏役包庇煙匪。冒稱別物報稅等弊。得旨隨時認真查辦。切勿一查了事也。○正白旗滿洲都統奕紀緣事革職。逮問。調鑲藍旗蒙古都統綿愉為正白旗滿洲都統。以怡親王載垣為鑲藍旗蒙古都統。○以戶部尚書隆文管圓明園八旗內務府三旗事。○命浙江學政李國杞來京。詹事府詹事李芝昌提督浙江學政。○庚戌

孝全皇后梓宮前行殷奠禮

上至澹懷堂奠酒。○諭內閣理藩院具奏哲布尊丹巴呼圖克圖呈稱因失察書吏陳天煦向商卓特巴索詐銀兩。自請交院議處。並請將商卓特巴解任等因。一摺。此次哲布尊丹巴呼圖克圖來京瞻覲。實出誠悃。朕深嘉悅。且該呼圖克圖每日惟知勤誦經卷。修作好事。此外均非應管。乃書吏陳天煦向商卓特巴索詐銀兩。更與該呼圖克圖無涉。哲布尊丹巴呼圖克圖著毋庸交院議處。其商卓特巴解任之處亦毋庸議。○辛亥

上至澹懷堂

孝全皇后梓宮前奠酒。○諭內閣前據御史張灝奏嚴煥等前次奉差家丁途次需索餽送等情。當降旨交烏爾恭額傳令嚴煥查覆。茲據該撫奏稱現據該員呈覆船過京口不住公館不用夫馬。家丁隨從在船。未經上岸。實無需索情事。並經該撫查明該員船至浙江



後於應付廩給口糧亦未支銷並無陸路夫馬等語所有該御史原奏需索餽送之處著毋庸議○又諭前據周天爵奏審擬已革巡檢宣維屏聽劉可富囑託將邵學禮濫責致受傷後自縊身死一案將宣維屏問擬絞候劉可富問擬斬候當經刑部以一命不能兩抵一事不能兩引駁令再行審訊復據周天爵堅執前擬不行覈審將劉可富更正改擬宣維屏仍擬絞候當降旨派令軍機大臣等會同詳覈妥議具奏茲據穆彰阿等奏稱定讞先重訊供共案須分首從應仍令該督親訊確情等語問罪必究所因此案邵學禮所以輕生之故是忿是痛必有所因雖活口無憑而人證具在自當究明致死根由以定罪魁著周天爵仍再行提犯證虛心研鞠詳細究明致死根由分別首從另行妥議具奏毋得固執成見以符定律○浙江巡撫烏爾恭額奏查拏鴉片煙犯分別辦理並飭各屬認

真查辦得旨嚴行查辦若再姑容則是自外生成矣○以刑部左侍郎麟魁署倉場侍郎○截留安徽太湖涇合肥舒城廬江巢天長七縣漕糧一萬三千八百餘石抵放安慶各幫災缺行月等米○壬子孝全皇后梓宮前行初祭禮上至澹懷堂奠酒○孝穆皇后忌辰遣官祭陵寢○諭內閣現在

歷代帝王廟正殿興修尚未完工二月二十八日著即在祭器庫致祭設樂於庭百官免其陪祀○廣州將軍德克金布等奏廣州燕塘旗營新造礮位演放合式情形得旨常川認真訓練精益求精萬勿疏懈○癸丑巳刻孝全皇后梓宮前行啟奠禮上至澹懷堂奠酒申刻皇太后臨奠上跪迎於碧靜堂外侍送

皇太后還綺春園復至澹懷堂奠酒○兩廣總督林則徐等奏續獲鴉片煙犯槍具並予限一年半令其自新得旨一力勉之○喀喇沁扎薩克貝勒銜貝子瑪哈巴拉以年老請解職任允之命仍留卓索圖盟長駐劄游牧辦事○達賴喇嘛遣使呈進貢物賜敕褒獎賞賚如例 甲寅

孝聖憲皇后忌辰遣官祭

泰東陵○

上至澹懷堂

孝全皇后梓宮前奠酒釋服○奉移

孝全皇后梓宮於觀德殿○諭軍機大臣等德興奏酌擬運送慶王抄產一摺所有查出舛錯遺漏之處著德興逐細檢查覈對更正分類編號貯箱釘鎖黏貼印封再行解京其各項器物除瑣屑破損粗笨物件准其移咨內務府派員前往覈估變價外餘著咨明直隸總督轉飭地方官雇備車輛人夫派委妥役

押運仍由德興派員分起陸續解京將此諭令知之○予故廣東巡撫朱桂植祭葬如總督例謚莊恪賞其子鎮舉人一體會試○乙卯

上詣綺春園問

皇太后安○諭內閣祥康等奏籌議嚴查涼水泉封禁官荒隙地屢有奸民潛入搭棚開墾皆由該員弁等查察不嚴所致嗣後著於每年芒

種之時責成烏拉總管親往周查一次秋成之時責成烏拉協領親往周查一次仍不時密派妥幹員弁往查毋許疏懈並著該將軍副都統等遇有公事之便隨時親往查察如所派員弁等奉行不力及該總管協領等有瞻徇回護之處即著嚴行叅辦併著每屆年終具奏一次○修浙江蕭山上海虞三縣海塘柴石各工從巡撫烏爾恭額請也○丙辰諭內閣理藩院奏

大行皇后事宜請照例派員頒給班禪額爾德尼代理達賴喇嘛事務之噶勒丹錫呼圖薩瑪第巴克什恩詔俾在各廟布施唵經等因請旨一摺此次

大行皇后事宜應行頒給班禪額爾德尼代理達賴喇嘛之噶勒丹錫呼圖薩瑪第巴克什恩詔及頒賞物件之侍衛部院章京喇嘛等均著毋庸派往即交回藏之來使堪布等齋往其布達拉等四大廟及在各廟布施唵

經等事著交駐藏大臣等辦理所有一切應用銀兩茶葉著四川總督照例撥給○丁巳諭內閣桂良等奏恭摺率拘犯並濫行委拏藉端索詐致釀拒捕傷官之員弁分別革職解任一摺福建羅溪縣丞許兆榕著即革職洪瀨鄉都司孫騰蛟南安縣知縣王光錫洪瀨鄉千總張選高著一併解任交鄧廷楨吳文鎔提集犯證研審確情按律懲辦○又諭三載考績激揚是重滿漢諸臣有能公勤任

事實力實心者必當甄敘年老而精力並不衰頹者仍應留任茲當京察之歲該部將京外諸臣開單題奏朕一一詳覈大學士穆彰阿潘世恩王鼎矢慎矢公贊襄攸賴刑部尚書祁埶執法精詳奉公敬慎大學士直隸總督琦善坐鎮畿疆克副委任協辦大學士兩江總督伊里布久任雲南邊防靜謐江南河道總督麟慶河東河道總督栗毓美慎厥修防安瀾奏績俱著加恩交部議敘餘著照舊

供職○以扎賚特扎薩克貝勒拉木棍布扎布為理藩院額外侍郎○戊午

孝全皇后梓宮前行大祭禮命

皇四子溥儀行禮○諭內閣前因御史蔡家珩奏稱河防弊端淮揚一帶有小船撈取隄根塊石賣與工用又柴壩亦有奸民抽取柴葦以致各工虛鬆坍塌當降旨飭令恩桂何汝霖親赴各該處查勘茲據奏稱淮揚運河一帶漕船經行兩岸未拋碎石惟各開壩及臨

湖臨江各工常有窮民乘間撈取碎石賣與工用柴埽各工間有它損情形等語沿河碎石柴埽各工原係藉資捍衛若奸民乘間撈它抽取必至各工漸就坍塌於河防關繫匪淺著該河督嚴飭廳汛各員弁督率兵役無分晝夜遇有奸民作弊立即懲辦並不時派員稽查儻兵役等得規包庇或廳員貪賤收買亦即分別叅辦毋稍姑容至河工料埽實係防險要需茲據該侍郎等遵旨查出署揚

糧廳通判張懋所辦料埽中間空虛宿南廳通判婁晉所辦料埽稍有散漫之處顯係該員等或任意偷減或辦理不合均有應得之咎張懋著交部嚴加議處婁晉著交部議處其不足之數著責令該員賠補由該河督驗收儻再不足按律究辦至各項歲料到工期限早已奏定章程惟辦料未及分數而初限已逾並無議處明文殊屬漫無限制其應如何酌定處分之處著該部妥議具奏○又諭

據刑部奏控案牽涉監督那解庫項前任山海關監督內閣學士奕毓著暫行解任已革副都統孟魁著鑲白旗滿洲都統嚴傳到案均交宗人府刑部會訊務得確情按律究辦尋奏訊明奕毓尚無虧那情弊惟因任滿回京任聽孟魁等囑令姚思瑞等將短缺庫項先行墊交接任監督重豫於各書吏名下欠解銀數當時未能詳覈請交部分別議處孟魁代奕毓設法催解稅銀亦有不合已於另

案革職應毋庸議姚思瑞等分別問擬從之○以工部左侍郎文蔚太常寺卿趙光知貢舉○己未諭內閣本年輪應查閱湖北湖南雲南貴州營伍之期湖北湖南著即派周天爵雲南貴州著即派桂良逐一查閱認真簡校如查有訓練不精軍實不齊者即將廢弛之將弁據實叅劾毋得視為具文○江蘇巡撫裕謙覆奏昨據御史張灝奏叅姜家丁途次需索奉旨查辦查道光十四年前任刑

部侍郎趙盛奎前任河東河道總督嚴煥赴浙查看海塘沿途並無備辦公館供應夫馬及餽送水禮給與門包小費情事報聞○庚申

孝儀純皇后忌辰遣官祭

裕陵諭內閣惠吉奏訪獲販煙人犯訊有職官請旨革審一摺此案榮佑翔興販煙土供係已故從九品王傳書起意王傳書之兄王傳心復經截留煙土一千兩顯有知情合夥

興販吸食情事必應徹底根究投效巴爾楚克屯田候選州同王傳心著即革職解交該都統提同全案人證研訊確情按律定擬具奏尋奏訊明王傳心販吸鴉片屬實應革職發往伊犁榮佑翔販煙七千二百兩應絞候惟煙土由葉爾羌販來須解往備質定擬下部議從之○又諭恩特亨額等奏夷商呈繳煙土等語克什米爾等處夷商剎里木愛里等呈繳煙土九萬七千九百餘兩據該大臣

等奏稱該夷商等常年貿易極為恭順此次遠在各莊未能周知禁令並非有心藏匿迨經伯克等嚴查即隨同攜煙呈繳尚屬畏法所有克什米爾夷商剎里木愛里等一十三名葉爾羌回子那斯爾等二名均著加恩免其治罪又諭達明阿奏民夷人等首繳鴉片煙土煙具一摺和闐地處邊隅往來貿易民回如有夾帶煙土自應嚴行查禁茲據該大臣奏稱安集延呼岱達沙木沙邁瑪特外

夷未及遽知禁令一經阿奇木伯克曉諭即陸續首繳煙土五百四十餘兩准其照限內自首之例免其治罪仍著隨時訪察淨絕根株不准稍有懈弛又諭富興阿奏查禁鴉片情形一摺喀什噶爾為極邊扼要之區近來外夷販貨往往將鴉片煙土夾帶進卡必應嚴禁以斷根株茲據該大臣查出夷商帶來煙土二千二百六十餘兩業已全行呈繳姑念係屬初犯准其照限內全行呈繳之例

免其治罪仍著嚴飭文武員弁並阿奇木伯克等在於所屬各處嚴密查拏並著傳知卡外各部落夷人嗣後毋許再有絲毫夾帶鴉片進卡儻有違犯即從嚴懲辦以杜弊端而重邊陲○又諭此案已革都統奕紀以一品大員管理理藩院事務撫綏外藩係其專責乃於沙布朗代送銀物並不正言拒絕輒取回收存至八日之久方始退還厥咎較重奕紀著發往黑龍江充當苦差以示懲儆已革理藩院郎中惠麟係承辦司員輒於書吏詐贓知情徇隱並聽許收受外藩銀兩情節亦重著發往烏魯木齊效力贖罪理藩院堂官雖訊無收受餽送情事惟各有失察之咎並於京察時將惠麟保列一等著交部查取職名嚴加議處尋議尚書賽尚阿侍郎吉倫泰文德和均請革職得旨均著加恩降為三品頂帶仍帶革職留任八年無過方准開復○署兩江總督麟慶奏防範蘇松海口並咨飭

鎮道查驗礮臺整理器械令水師巡哨毋懈得旨認真妥辦隨時有應奏者覈議奏聞○辛酉諭內閣本年十一月初九日亥時行孝全皇后奉安地宮禮先期於十月二十七日卯時奉移至龍泉峪所有應行事宜暨經過橋梁道路著各該衙門敬謹豫備○又諭四阿哥五阿哥六阿哥著於百日後穿尋常袍褂掛用朝珠至殯宮前仍服縞素俟二十七箇月後縞素照例焚化○又諭王公大臣

官員等著於二十七日後穿尋常袍青褂○朝鮮國王李昶遣使表賀

萬壽冬至元旦三大節並歲貢方物賞賚如例





任失察處分均著加恩寬免○以鑲紅旗蒙古副都統法豐阿為西寧辦事大臣○以拏獲教匪出力予湖北候補知府但明倫即補並加道銜巡檢張鉅下部議敘○乙丑

上詣綺春園問

皇太后安○丙寅諭內閣本年恩榮宴著照例

停止此後遇有筵宴典禮仍著照常舉行○

丁卯祭

先師孔子遣協辦大學士吏部尚書湯金釗

實錄卷三十一

二

行禮○調兵部尚書卓秉恬為戶部尚書以

都察院左都御史祁寯藻為兵部尚書吏部

右侍郎沈岐為都察院左都御史調兵部左

侍郎潘錫恩為吏部右侍郎○贈故戶部尚

書何凌漢太子太保予祭葬諡文安○戶部

議准雲南巡撫顏伯燾疏報祿勸縣開墾地

六十五畝有奇照例升科從之○戊辰祭

大社

大稷遣成郡王載銳恭代行禮○

孝淑睿皇后忌辰遣官祭

昌陵○諭內閣此案已革郎中慶玉承修工程

並不遵照原估開設運料門口輒用地車載

運重石以致

神路輒有轍跡碰損門樞其房地建造亦多違

式僭越又將回乾樹株掉換木植應行存貯

公所印文稿件攜回家內任意積壓其歷次

承辦鍍金活計雖未貽誤要工惟將領到官

金陸續積存至二百兩之多種種把持盤踞

實錄卷三十一

三

貪黷營私情節甚為可惡慶玉著發往伊犁

充當苦差年逾七十不准收贖已革內管領

魁明身任職官違例吸食鴉片著發往烏魯

木齊充當苦差○又諭德興奏查得慶玉家

院內現存各件均非伊家應有之物請飭追

究來歷等語此案現經載銓等審結具奏已

將慶玉從重發遣罪已無可再加所有該署

總兵請飭監提追究之處著無庸再行查辦

○以戶部尚書卓秉恬兼署兵部尚書○命

兵部左侍郎倭什訥。毋庸在乾清門行走。○  
貸湖南華容武陵龍陽沅江四縣修官民隄  
垸銀○已已諭內閣前據恩桂何汝霖查明  
南河各工碎石。常有窮民乘間撈取賣與工  
用柴埽各工。亦有奸民乘夜抽竊柴華並查  
出通判張懋婁晉所辦料埽空虛散漫降旨  
交部嚴議議處。本日吏部遵旨擬議已將該  
通判等分別革職降留茲又據御史馬麗文  
奏隄根撈取之石轉向隄工售賣非有扶同  
隱飾何敢明目張膽河督河道平日勘驗工  
程巡歷河干何以毫無聞見等語著吏部查  
取職名照例議處至工員所辦料埽向由河  
督河道親往驗收此次查出空虛散漫情弊  
尚在未經驗收以前所有河督河道應得處  
分著姑從寬免嗣後廳員承辦稽料該河督  
等總當隨時留心察看遇有弊混立即叅辦  
儻仍意存徇隱別經查出無論曾否驗收定  
將該河督等一併嚴懲勿謂寬典之可屢邀

實錄卷一百一

四

也懷之○引見京察三品以下京堂各官得  
旨宗人府府丞吳孝銘步履蹇澀內閣侍讀  
學士旌格禮鴻臚寺少卿葉紹奎太醫院左  
院判魯桓年力已衰均著以原品休致通政  
使司參議國盛察其才具不勝京卿之任著  
以郎中用餘俱著照舊供職○以大理寺卿  
魏元煥為兵部右侍郎○以御前侍衛巴清  
德管火器營事庚午諭內閣桂良等奏請  
將原叅已革代理知縣發往軍臺效力一摺  
此案已革前代理晉江縣事泉州府經歷顧  
堉於營弁拏獲搭坐施金船隻之吳勤娘交  
審並不究出實情迅速跟拏以致要犯施金  
日久遠颺實屬玩誤顧堉著發往軍臺效力  
贖罪以示懲儆逸犯施金蔡華等仍著該督  
等飭屬嚴緝務獲○又諭托渾布奏請將失  
察丁役得贓之知縣解任審辦一摺山東嶧  
縣知縣于芳於縣民張鑿供扳山西民人張  
彪等私載貨物一案不察虛實將張彪等枷

實錄卷一百一

五

號管押及門丁岳二等詐騙多賊又復漫無覺察。輒將張彪等顛預開釋。難保無知情徇縱情弊。于芳著解任。交該撫提集全案人證。嚴訊確情。按律定擬具奏。尋奏訊明于芳尚無知情徇縱情弊。惟輕信張壑妄供。株累多人。及石萬亮等供無私載。又不質明開釋。以致丁役乘機詐騙。實屬昏愎。應請革職。門丁岳二等發近邊充軍。張壑擬枷杖下部議。從之。○又諭裕泰奏典史走失無蹤。咨會查訪

等語。此案湖南澁浦縣典史楊承志於上年秋間。在該省地方走失。徧覓無蹤。是否痰疾復發。抑係被逼逃匿。且事關丁書舞弊串詐。自應徹底根究。著該撫嚴飭各屬。並著鄰省及該員原籍一體上緊查訪務獲。即行解往該省歸案審辦。○又諭托渾布奏請將代辦假照人犯解回原籍確訊等語。此案直隸東明縣生員王凌雲在山東為朱泳年等捐監。經該撫驗係假照。並訊據王凌雲供稱照係

左舒恭所給。現在左舒恭未經獲案。復經直隸總督查出該犯王凌雲原籍。亦有為人假照捐監情事。正在訪獲託捐之邢繼顏等審辦。是該犯舞弊已非一日。其在籍朦朧各生。亦恐不止此數。王凌雲著即解回原籍。交琦善歸案確查實訊究辦。○辛未

上詣綺春園問

皇太后安。○遣官祭

關帝廟。○遣官祭昭忠祠。○以廣西義寧協

副將李棠為右江鎮總兵官。○以籌辦夷務出力。賞廣東參將張斌。遊擊麥廷章。守備何芳花翎。千總黃者華等藍翎。餘加銜升補有差。○以緝匪出力。予陝西候補府經歷李煥。儘先補用。○以查拏鴉片煙出力。予陝西典史譚木升用。○禮部議准。湖南巡撫裕泰疏報。採訪沅陵縣節烈婦女向全氏等六十五口。請建總坊旌表從之。○貸安徽桐城縣修隄銀。以工代賑。並給災民一月口糧。○壬申。

孝康章皇后忌辰遣官祭

孝陵○

孝全皇后滿月致祭

上至觀德殿奠酒○幸圓明園○兩廣總督林則徐奏報接印日期得旨鴉片為當務之急自不待言其他皆須認真辦理○勉益加勉以副委任○朕有厚望於卿也○阿勒楚喀副都統察隆阿因病解任以黑龍江總管倭克精額為阿勒楚喀副都統○癸酉諭內閣此案

已革浙江溫州府知府劉煜復遣抱告吳芳來京翻控著交祁寓藻黃爵滋於福建查辦事竣路過浙江時提同全案人證卷宗徹底訊究以成信讞○毋許稍有不實不盡致滋枉縱○抱告吳芳該部照例解往備質○甲戌以故克勤恪郡王承碩子慶惠襲爵○以緝捕要犯出力予直隸知縣侯瑩光以知州升用○乙亥諭內閣恩桂等奏查勘東河料埧情形一摺山東曹河廳同知張鳳紀原辦料埧

未能如式迨限滿撤任仍短少五十餘埧之多既辦理草率於前復任意玩延於後非尋常遲誤可比張鳳紀著交部嚴加議處仍責令如數賠補○儻驗收時再有不足即著嚴參完辦○河南儀隴廳通判丁曉所少十六埧現已賠補全完惟並未申報輒行動用○蘭儀廳同知張承恩所少二十八埧查止賠補二十埧尚少八埧現雖據報全完惟動用既未申報賠補又復遲延丁曉張承恩著交部分別

議處○栗毓美前後咨文自相矛盾且於霜降後動用新料搶辦要工既未專摺奏明又稱挑汛買補尤為緩不濟急辦理諸多錯誤○栗毓美著交部議處○東南兩河料埧一經朕派員順道查勘均即查出弊端可見該河督等平日驗收盤查均屬具文以致工員等草率偷減殊非慎重河防之道此次尚係從寬辦理嗣後該河督等務當激發天良於屬員承辦各工認真查驗一有弊竇立即從嚴參辦

朕不論何時。仍簡派大員前往確查。儻復經查有積弊。是辜恩弱職。深負委任。定將該河督及該管河道等嚴懲不貸。勿謂言之不早也。懍之。○丙子。貴州巡撫賀長齡奏。試種桑秧木棉。教民紡織。漸有成效。得旨。實力勸導。斷不可中輟。勉之。○伊犁將軍奕山等奏。請將新定鴉片煙章程。就邊地情形。量為變通。下軍機大臣會同刑部議。尋議。夷人有明知例禁。夥販煙土入卡者。應分別首從擬斬絞立決。其僅止零星誤帶者。枷號示懲。○伊犁等處奸民。有向外來夷人接買煙土。囤積發賣。及知情寄囤者。照新例分別辦理。○伊犁等處遣犯。在限內吸煙者。照軍犯在配後犯軍流調發之例辦理。給伯克為奴。到配後枷號三箇月。在限外吸煙者。照在配罪犯絞候之例斬決。其開煙館。販煙土。製煙具。種罌粟者。查照新例。罪應擬死者斬決。犯在徒罪以上者斬候。禁卒解役等有傳遞代買。照新

例辦理。○各路夷貨入卡。派員查驗。並令夷人按限貿易。完竣出卡。逐層稽覈。各處愛曼距城較遠。令於四季出具並無栽種罌粟甘結。並飭文武地方按季具結。至伊犁東路卡臺。為商賈必由之路。應飭官兵查驗登記號簿。註明有無私攜煙土。按月造冊申報。境內五方雜處之地。令地方官按新例編查保甲之法。十家設一牌長。如有犯者。責令舉報。伊犁鋪戶最多。亦令十家互保。設立鋪長。以備訪查。從之。○貴州布政使慶豫。因病解任。以按察使李象鵬為布政使。山東鹽運使文綸為貴州按察使。○丁丑。諭內閣。翰林院侍讀侍講詹事府洗馬中允贊善等官。京察列為一等者。向例並無加級。與別項一等人員殊不畫一。自此次為始。京察一等之翰林院詹事府等官。均著准其一等加一級。著為令。○又諭裕謙奏。驗收運河挑工。附奏府縣並裁減銀兩一摺。本年江蘇丹陽丹徒二縣運

河輪屈小挑現經挑濬完竣據該撫查明挑工雖尚如式惟於未經驗收以前河身先已有水完屬辦理不善所有督修之鎮江府知府高容聲承修之署丹徒縣知縣王德茂著一併摘去頂帶責令將江浙重運漕船趕緊催趲僅有淺澀即著嚴行叅辦其原估銀兩亦不准其全銷著覈減二成以示薄懲○引見各衙門保送京察一等人員得旨此次京察一等圈出人員著各該堂官再行出具切

實考語交吏部帶領引見圈出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判等官分別選用宗人府副理事官宗室保極吏部主事阿彥達主部主事德克精額起居注主事覺羅克保侍衛處主事濟斌順天府治中史渭綸上諭處委署主事忻淳翰林院典簿松壽太常寺讀祝官德慶太常寺贊禮郎宗室清

康國子監助教蘇楞額長春毛瀚鴻臚寺鳴贊覺羅希昌鑾儀衛鳴贊鞭官台隆阿俱著交部照例以應升之缺升用太常寺贊禮郎文霖著改為二等監督大通橋戶部主事現升員外郎榮懷准其於主事任內一等加一級所有內閣侍讀定保等二百五十二員俱准其一等加一級○封浙江慈谿縣古靈山神漢驃騎將軍張意暨其子齊芳為廣顯侯從巡撫烏爾恭額請也青海左翼副盟長

公達瑪林扎布因病解任以貝勒羅布藏濟木巴為青海左翼副盟長○旌表守正被戕直隸易州民賈阜兒妻郭氏撫卹朝鮮國遭風難夷如例○戊寅春分朝日於東郊遣順承郡王春山恭代行禮○上詣綺春園問

皇太后安諭軍機大臣等前據周天爵奏留舉人江開襄辦鹽務本日有人奏安徽舉人江開黃緣在湖廣總督署中好為大言該督

為其所動。派在漢口經理鹽務。該地方呼為小總督。恐文武員弁藉為引援。易滋流弊等語。漢岸鹽務。督銷者有鹽道。查引者有同知。緝私者有委員。如果辦理不善。該督自可撤任。嚴叅。另派委員辦理。何必用一舉人。致招物議。在周天爵原奏。自初至湖北。地方官員未及周知。是以暫留該舉人襄辦鹽務。今已逾半載。該處情形。諒已熟悉。湖北湖南兩省。豈乏經理鹽務。實心任事之員。派委辦理。

以專責成。著周天爵即將該舉人飭回原籍。毋任逗留干預。又另片奏。廣東武舉韋允升。現在湖北效力。又開倖進之門等語。廣東武舉韋允升。前因訪出從逆教匪多名。經該督保奏。加恩以千總用。亦應飭回原籍。以千總用。不得久留楚省。致啓奔競之漸。將此諭令知之。尋奏。江開。韋允升。俱遣回籍。得旨。甚是。此乃朕不令卿有物議之意也。○己卯。諭內閣。嗣後遇有具奏事件及咨文等項。內均著

稱

孝全皇后。不應再用大行字樣。○庚辰。遣官

祭黑龍潭。

昭靈沛澤龍王之神。玉泉山。

惠濟慈佑靈瀨龍王之神。昆明湖。

安佑普濟沛澤廣生龍王之神。密雲縣白龍

潭。

昭靈廣濟普澤龍王之神。○遣官祭圓明園

惠濟祠。

河神廟。○諭內閣。前據林則徐等保舉廣東南雄直隸州知州余保純。當經降旨。遇有不諭何項知府缺出。即行奏補。茲據吏部奏。稱請旨之缺。例不准由外請補。余保純著遇有廣東省應選知府。無論何項缺出。准其補用。所有該省請旨七缺。概不准其奏補。以符定例。○浙江巡撫烏爾恭額覆奏。現在浙省尚無上司濫薦幕友之事。應請申明禁令。以防將來。提省案件。尋常者用文檄催提。重大者



委員守提亦無干預他事。至在省候補佐雜有勞績者另列一班與候委人員間委不准儘先至候補佐雜人數雖多而在省在府當差者皆可藉資歷練得旨覈實查辦著依議行。○四川總督寶興奏川東夔州府酉陽州所屬及川南寧遠府等處為楚滇奸販洋煙入川門戶現飭關隘按詰報獲販吸種植之案九十餘起尚屬奮勉茲復嚴檄各員於川滇交界關津嚴密盤察其有種植罌粟並買

吸之徒亦加意緝究得旨以實以嚴不准疏縱。○辛巳修湖北荊州府萬城大堤從總督周天爵等請也。○壬午諭內閣前後藏堪布入都進貢每年於新正呈遞丹書克豫於上年臘月抵都此次據理藩院奏稱前藏堪布羅桑敬邁等於正月十五日到京已令於三月初一日呈遞丹書克矣因念該處距京萬里之遙自因山川阻隔雨雪載塗以致行程不能豫定若仍令其每年輪班入貢恐屆時

急於趨程跋涉間關更增勞勩殊非優體喇嘛之意所有前藏堪布業已來京其後藏著於道光二十二年入貢輪至二十五年前藏再行入貢此後每間二年入貢一次以次遞推用示恩施格外體恤優加至意該衙門即遵諭行。○江西巡撫錢寶琛奏續獲鴉片煙犯並於信豐縣之江粵亭等處添設巡卡以資堵緝得旨好仍當常川嚴辦。○賞江南等省己亥科鄉試年老諸生張廣志等五十九

名舉人副榜有差。○展緩江西安福等幫帶交上年餘米。○癸未諭軍機大臣等前據耆英等奏盛京清寧宮工需柁樑標樣柱木驗係乾透請即擇吉開工當派敬徵裕誠承修茲據該尚書等奏稱工需柁樑長徑較大該將軍未將尺寸聲明恐成做時中心未能十分乾透等語著耆英選派熟諳工程之員照依應需丈尺先將大柁樑柱鑄砍成材再行逐細查看如中心實係乾透內外質性如一

即行據實具奏。並妥為收賒。以待臨時應用。將此諭令知之。○引見京察一等差竣回京各員。得旨吏部員外郎圖璧。戶部郎中多齡。刑部員外郎趙鏞。俱著准其一等加一級。圖出之圖璧。趙鏞。三員。著該堂官再行出具切實考語。交吏部與上次圈出人員。一併帶領引見。○以倉場侍郎德興。為馬蘭鎮總兵官兼總管內務府大臣。調兵部右侍郎德春。為倉場侍郎。以內閣學士端華。為兵部右侍郎。○甲申。諭內閣。嗣後傳習天主教人犯。於赴官首明出教。及被獲到官。情願出教。俱著遵照嘉慶年間諭旨。將該犯等家內起出素所供奉之十字木架。令其跨越。果係欣然試跨。方准免罪釋放。如免罪之後。復犯習教。除犯該死罪外。餘俱於應得本罪上加一等治罪。已至遣罪無可復加者。即在犯事地方。用重枷號三箇月。滿日再行發遣。該部即纂入則例。永遠遵行。

○又諭都察院奏。查明各省京控咨交案件逾限未結。並上次展限已逾。仍未審結各案。開具清單呈覽。各省州縣審斷不公。致令來京具控。經各衙門咨交之後。各該管上司自應勒限嚴催。將未結各案迅速審辦。以免懸宕。茲據都察院查明該衙門咨交各省逾限未結統計二十二案之多。步軍統領衙門咨交各省逾限未結統計四案之多。似此任意積壓玩泄。已極。著吏部即將承審逾限各督撫都統府尹及委審各員應得處分查取職名。分別議處。並著將未結各案迅速審辦完結。毋再任意宕延。致干咎戾。○引見內務府保送京察一等人員。得旨此次內務府三院等處京察一等圈出人員。著各該堂官再行出具切實考語。帶領引見。圈出之主事士魁。委署主事承啓。總理工程處委署主事全桂。內管領嘉惠。造辦處六品庫掌烏爾恭布。舒綸。筆帖式穆翰。福新。興綏。全祐。廣和。都虞司

筆帖式文英會計司筆帖式德溥掌儀司筆帖式文興官房租庫筆帖式恆祐御茶膳房筆帖式壽昌造辦處筆帖式官恆上駟院筆帖式瑞齡福緣武備院六品庫掌福善泰宸苑六品苑丞福隆筆帖式寶善圓明園六品苑丞廣成七品苑副嵩慶清漪園七品苑副富明靜明園六品苑丞琦慶俱著交吏部記名照例選用所有一等官員筆帖式達他等俱著准其一等加一級其年已逾歲之員外

郎明浩贊禮郎穆特恩筆帖式國瑞年力就衰俱著以原品休致○以詹事府詹事德厚太常寺卿祝慶蕃為都察院左副都御史○以湖北按察使文冲為河東河道總督山東運河道林紱為湖北按察使○贈故河東河道總督果毓美太子太保子祭葬謚恭勤賞其子燿進士一體殿試○乙酉

上詣綺春園問

皇太后安○諭內閣楊國楨奏查拏鴉片情形

一摺據奏在官人役及官親幕友長隨人等託足公門勢必互相容隱巧為彌縫請變通新例准軍民人等告發等語上年新定章程止准官弁訪拏不許旁人訐告原以杜扶嫌誣控之弊凡在官人役及官親幕友長隨人等自應責成本管官隨時查察遇有犯案嚴究有無徇隱縱庇情弊分別叅辦若准軍民告發不但仍啓扶嫌誣控諸弊且恐在官人役勾串徇隱或至化有為無以實作虛犯法

者仍至漏網首告者轉罹反坐種種弊端在所不免該撫惟當督率所屬破除積習法行自近有犯必懲務令衙署肅清以冀愚民觀感所請軍民告發之處格礙難行著毋庸議○復引見各衙門京察一等圈出人員得旨定保音德賀顏以燠吳廷珠張日章陸建瀛夏廷楨彭舒萼陶慶增朱崇慶圖璧陳士枚雙寶寶齡唐方煦瑞玉黃德峻福興阿爾蘭森珠煥徐上鏞黃恩彤宋沛霖祥麟文秀覺

羅祿昌趙鑄崇源莊瑞保齡西拉本法豐阿  
陳熙曾郭柏蔭俱著交軍機處記名以道府  
用○以刑部右侍郎德誠兼鑲紅旗漢軍副  
都統旌表守正捐軀雲南會澤縣民彭開  
沅妻道氏○修山東運河加河捕河泉河四  
廳隄壩開座從原任河道總督粟毓美請也  
○貸山西河保等營駐劄歙區兵丁倉穀○  
丙戌遣官祭賢良祠○復引見內務府京察  
一等園出人員得旨增祥富文存佳松蔚文  
炤福祥慶年明善俱著交軍機處記名○以  
故二等子福建提督馬濟勝子鳳圖襲爵○  
子鎮國公繼善故曾祖母博爾吉濟特氏祭  
一次○除江蘇江都縣水衝地七頃九十畝  
有奇額賦○丁亥  
孝昭仁皇后忌辰遣官祭  
景陵○定郡王載銓等奏宗室佛立於國服內  
違制雜髮下宗人府會同刑部定擬尋議佛  
立應革去四品頂帶斬立決得旨免其斬決

革去四品頂帶發往吉林交該將軍管束○  
予福建巡洋落水受傷外委陳飛彪兵丁林  
謙等三十人賞卹如例○貸直隸獨石口千  
家店官兵修理房屋俸餉銀○戊子以右春  
坊右庶子喻增高充日講起居注官翰林院  
侍讀學士李煌署日講起居注官○撥湖北  
司庫銀買補荊州府倉災缺兵米從總督周  
天爵等請也○己丑  
上至觀德殿  
孝全皇后梓宮前奠酒○幸圓明園○遣官祭  
歷代帝王廟○修浙江東西兩塘柴埽各工  
從巡撫烏爾恭額請也○庚寅旌表逼嫁捐  
軀陝西雒南縣民郝喜爾聘妻孫氏

— ୩୫ —

御史瑞肯奏吉林地方漸染澆風當派棍楚克策楞沿途查訪茲據奏稱棍徒遣犯開設賭場未能淨盡同知衙門未經審結案件尚有一百餘起等語開場聚賭久干例禁該協領查管街道並不實力嚴緝以致兵丁聽囑朦蔽咎有應得至未結案件積至一百餘起該同知宴安怠玩已可概見又縱役徇隱賭局殊乖職守吉林協領魁福同知慶年著交部分別議處該將軍副都統並不查明叅辦

亦著該部查取職名。照例議處。此案聽囑。徇隱之管街兵役。著該將軍等從重究辦。嗣後務須破除情面。嚴飭所屬。於一切睹局歌童鴉片積習。實力肅除。俾根本地方。日就清肅。以副委任。如再有此等惡習。未能淨盡。一經查出。惟該將軍副都統是問。懍之。○以戶部尚書隆文。管上駟院事。左侍郎文慶。管清漪園等處事。○壬辰。

上詣綺春園問

皇太后安。○諭內閣。據戶部奏。磨對泰來銀號捐簿。均與該部票簿相符。惟呈簿內僅有具呈截記。無交庫字樣。或並無具呈截記。及上兌簿與票簿有名。而呈簿反無名者。是否捐生自行具呈。該號僅為交捐。或係該捐生另行交庫。著該部將該號帳簿。交順天府查明辦理。又另片奏。查驗東省假照案內朱通濬。劉荆珍。張學道。董殿魁。朱永年。五名。部冊並無其人。板式尺寸。鈐用印信。均不相符。顯係

偽造等語。著交琦善歸案確查。嚴審究辦。尋奏。訊據革生王凌雲供。朱通濬等託捐監生。伊赴京轉交左舒恭代辦。事後始知係假照。誑騙。不敢聲張。供指甚為確鑿。左舒恭倚病狡展。應俟病痊後再行審結。報聞。○江蘇巡撫裕謙奏。禦夷之道。首在守門戶。固藩籬。尤在肅清堂奧。蘇松鎮屬與浙江定海鎮交界。若遇順風。可由浙江盡山達吳淞口。現飭兩鎮總兵駕船在盡山洋面瞭望互援。並飭水師如遇有夷船闖入。即行封港。更於劉河等口。嚴禁漢奸接濟水米。得旨。嚴行稽查。妥為防備。○以戶部右侍郎善燾署京營右翼總兵。○撫卹琉球國遭風難夷如例。○甲午。清明節。

上詣

安佑宮行禮。○遣官祭

永陵。

福陵。

昭陵

昭西陵

孝陵

孝東陵

景陵

泰陵

泰東陵

裕陵

昌陵 遣官祭

孝穆皇后

孝慎皇后陵寢 ○命皇子詣

孝全皇后梓宮前祭奠 ○遣官祭

端慧皇太子園寢 ○諭內閣朕於四月初一

日卯時御太和門閱視

孝全皇后冊寶是日午時行冊謚禮所有應

行事宜各該衙門敬謹豫備 ○旌表守正捐

軀安徽阜陽縣民韋開太妻朱氏 ○乙未諭

軍機大臣等御史陸應穀奏雲南臨安開化

二府數月之內搶劫數十案等語地方盜賊

滋擾全在該管官嚴密訪緝除莠安良若如

所奏數月之內搶劫數十案被殺十數人該

管各官不為認真緝捕尚復成何事體著桂

良顏伯燾按照該御史摺內所列各款派委

委員逐案查明如果實有其事必應按律懲

辦以儆兇頑毋得任聽屬員消弭諱飾原摺

著鈔給閱看將此諭令知之尋奏遵查倒馬

坎等處業經詳報者僅止七案與摺內所指

名目相符並無數十案之多現祇三案尚未

獲犯餘已分別辦結報聞 ○修山東水師戰

船從巡撫托渾布請也 ○丙申諭軍機大臣

等據吳文鎔奏遵旨查明洋面夷船轟擊逃

散一摺並另片奏現在辦理情形等語福建

大墜梅林等洋面於上年十月間有夷船停

泊經該提督等帶領水師驅逐用礮火攻擊

該夷船膽敢抵拒致傷兵丁不法已極現雖

據該署督查明夷船自轟擊之後即已畏懼



遠遁而夷情狡詐難保不由外洋闖入斷不容稍為懈弛以致養奸貽害著鄧廷楨吳文鎔卽飭所屬文武員弁嚴密防禦一經瞭有夷船迅速相機擊逐勿使逗留至欲杜夷蹤必先嚴察奸民勾結銷運之弊閩省漳泉二府濱海地方港汊紛歧晉江惠安二縣尤多小口防範更宜周密著照吳文鎔所奏相機布置嚴密防堵偵拏仍著水師提督帶領兵船巡歷洋面遇有夷船竄入卽行攻逐總期

水陸交嚴聲勢聯絡俾洋面肅清煙毒屏絕勿負委任是為至要將此諭令鄧廷楨吳文鎔並諭祁寓藻黃爵滋知之○以大學士潘世恩為會試正考官戶部尚書隆文禮部尚書龔宇正戶部右侍郎王璋慶為副考官○命大理寺少卿何汝霖在軍機大臣上學習行走○以工部尚書敬徵兼署戶部尚書正藍旗蒙古都統哈琅阿兼署鑲紅旗蒙古都統○命乾清門侍衛慶興往奠故科爾沁札

薩克土謝圖親王諾爾布林沁茶酒並賞銀五百兩○旌表守正捐軀江蘇蕭縣民楊允弟妻劉氏○丁酉諭軍機大臣等本日據林則徐等奏喫夷被逐逗留現將匪船燒燬拏獲漢奸懲辦一摺所辦甚好喫夷講張為幻詭計百出其虛疑恫喝實不足信若令師船整隊遠赴外洋冒險衝波轉為不值不如以守為戰以逸待勞該督等所見甚是至貿易斷絕無所顧忌奸夷載回別貨將夷埠所存

煙土換來設計誘人玩法牟利實難保其必無現經該督等督飭武弁裝駕火船由長沙灣前進將近夷船寄碇之處驟用火攻燒燬匪船二十餘隻並拏獲漢奸等十名經此次懲創足以制喫夷而懾漢奸著將所獲各犯嚴訊定擬具奏並著於各犯口供內追究夥黨悉數破案從嚴懲辦以儆其餘總之該夷自外生成既已斷絕貿易便應防其叵測之心業經示以兵威尤當處以嚴峻之法嗣後

如探有匪船在近口遊奕。即著循照前辦章程。儘力痛擊。不留餘孽。該夷等無險可據。又無人接濟。智窮勢蹙。害自祛矣。又該督另片奏。浙江黃巖鎮總兵張成龍。為水師出色之員。如果勝南澳總兵之任。即行奏請與惠昌耀對調。餘著照所議辦理。將此諭令知之。○又諭。現在噶咭喇國貿易。業經降旨停止。所有粵海關每年例進貢物三次。呢羽鐘表等件。如有不能齊全之處。著該監督即行據實

具奏。不必多方購求。將此傳諭知之。尋豫堃奏。呢羽等物出自喇嘛西等國者。亦堪服用。該國僉謂可以多製貨物。來粵貿易。噶咭喇貨物無可居奇。得旨。現在雖能照舊呈辦。設或日久有變動之處。仍應遵奉本年諭旨。不必設法購求。以副朕事務覈實之意。此批。摺著入於交代。並著督署存記。○兩廣總督林則徐奏。澳門寄居西洋夷人。歷三百年之久。噶咭喇人早已垂涎其地。自嘉慶十三年間。

噶夷突占澳門砲臺。旋被官兵驅逐。西夷始有戒心。現因西洋夷目稟稱。澳內華夷雜處。若兵役圍拏。恐致擾動。特限以日期。驅逐淨盡。若過期尚有噶夷。即暫停西洋貿易。以示操縱之意。得旨。從長計議。務出萬全。又奏。續獲鴉片奸匪鄧亞超等九百餘名。杜查緝甚好。又奏。謝賞福壽字庵鹿恩。批。願卿福壽日增。永為國家宣力也。又奏。廣東水師提督關天培。於夷情洋務極力講求。現在籌議剿捕

之際。請緩陞見。批。必當先其所急。可奏請時再行奏來。○賞大理寺少卿何汝霖。三品頂帶。○以吏部左侍郎許乃普。兼署戶部左侍郎。○戊戌。

上詣綺春園問

皇太后安。○諭內閣。據刑部奏。秋審奏銷銀兩不敷應用。請改歸原額銀六千兩。以資辦公。著准其自本年為始。將秋審奏銷銀兩改歸舊額六千兩之數。每年由戶部支領。嗣後如

有不敷不准再行奏請加增以示限制○又諭前據賀長齡奏請添設貴州都勻府屬八寨廳學並加增學額當交禮部議奏茲據奏稱向來添設學校增撥學額均由督撫會同學政詳察情形聯銜具奏此次貴州請添設廳學並加增學額係由該撫會同總督具奏該省學政並未列銜所奏著毋庸議至事關學校各省俱係會同學政聯銜具奏賀長齡何以未與學政會銜該學政何以並未列銜

著賀長齡王慶雲各行專摺明白回奏○貸山西絳吉孝義陵川萬泉榆社曲沃大同豐鎮九廳州縣上年歉收貧民倉穀並緩代賑霍右玉靈邱山陰寧武定襄渾源大同平魯五臺繁峙保德和林格爾偏關文水寧鄉懷仁寧遠武鄉河曲陽曲汾陽左雲五寨虞鄉靜樂臨汾靈石垣曲聞喜三十二廳州縣應買節年動用倉穀○己亥祭

先農之神遣怡親王載垣行禮○以湖南按

察使王藻為布政使直隸天津道王允中為湖南按察使○庚子

上幸靜明園詣

龍神廟拈香○以乾清門侍衛恩華為內閣學士兼禮部侍郎銜太常寺卿趙光為通政使司通政使翰林院侍講學士慧成為詹事府詹事○予故輔國公珠爾默特都布丹車喀鎮國公道沁旺丹祭如例○緩徵陝西神木府谷二縣上年被旱災民本年上忙額賦

○辛丑

孝賢純皇后忌辰遣官祭

裕陵○

孝全皇后二滿月致祭

上至觀德殿奠酒○還圓明園○諭內閣端多布等奏倉貯糧石盈餘請暫撤屯兵一摺塔爾巴哈台倉貯糧石扣至五年始能輪廩出清據該大臣等奏該處地方潮溼積糶過多恐至不堪食用請永遠備貯三年並援案將

屯兵酌量裁撤等語著照所請准其於現在種地兵丁七百名內暫行撤出兵三百名令四百名種地更換操練技勇俟四五年後覈計倉貯糧石數支三年再行奏請加屯耕種餘著照所議辦理○修塔爾巴哈台城垣倉庫公廨兵房從參贊大臣端多布等請也○除江蘇江都縣被水衝坍田五頃八十八畝額賦○壬寅以病痊領侍衛內大臣特依順保為鑲藍旗漢軍都統○甲辰

上詣綺春園問

皇太后安○貴州巡撫賀長齡奏黔省歲運京鉛前經奏准併歸二起茲體察情形船多人雜照料難周請仍照舊章分為四起從之○修貴州僻路塘房從巡撫賀長齡請也○乙巳遣官祭

先蠶之神○諭內閣據卓秉恬等奏訪獲良鄉縣隆峯寺僧人種種不法該處琉璃河把總不往幫捕並有與寺僧往來情事僧真碧

即三和尚空瑞等俱著交順天府嚴訊究辦把總任國立著即革職一併歸案審訊徹底根究務得確情○旌表守正捐軀安徽靈璧縣民陸大標妻余氏○丙午諭內閣朕於十一月初四日啓鑾初八日祇謁

西陵所有應行事宜著各該衙門照例敬謹豫備○諭軍機大臣等有人奏福建署淡水同知龍大惇為人庸劣專信差役署惠安縣知縣陳偕燦吸食鴉片信任門丁已叅羅溪縣

縣丞許兆榕信聽胥役藉端詐索並纒陳各該處差役衙蠹姓名及種種不法劣跡如果實有其事是官吏交通舞弊作奸犯科吏治廢弛不堪之至亟應嚴加整頓以挽澆風祁寓藻黃爵滋經朕特派查辦事件鄧廷楨甫經到任俱無所用其回護著按照摺內所指各款逐一查訪明確按律懲辦毋得遷就消弭原摺片三件均著鈔給閱看將此各諭令知之○旌表守正捐軀河南林縣民申淙詳

妻楊氏。丁未。諭內閣。理藩院。奏。輪應年班之蒙古王公等。可否准其來京一摺。本年孝全皇后崩逝。未逾一週。所有輪應年班之內外扎薩克及伊犁土爾扈特蒙古王公台吉塔布囊等。均著停止來京。○閩浙總督鄧廷楨。奏。閩省吏治民風營伍鹽政。均須次第整頓。得旨。勉力認真。以副簡調之意。又。春閩省漳泉等屬。夷船漢奸。與廣東大略相同。欲治外必兼治內。欲治民必先治官。無論奸夷奸民。見船即須攻打。水師之不用命者。罪之。員弁之不出力者。罪之。州縣則責以編查。探捕之任。庶幾積重之勢可轉。批。所論甚是。竭力為之。○以福建提標中軍參將江繼芳署南澳鎮總兵官。○戊申。

上詣

安佑宮行禮。○諭軍機大臣等。據吳文鎔奏。本年正二月間。有夷船一隻。在梅林洋面遊奕。經哨船攔截。攻逐。膽敢開礮回拒。致斃兵丁

一名。現已駛逸外洋等語。閩省海口。向不准夷船駛進。此次該夷船屢在梅林等洋面遊奕。是否因粵東查辦嚴緊。改從閩海進口。希圖銷售鴉片。抑係閩省向來海禁廢弛。常有此等夷船駛進。著鄧廷楨確切查明。據實具奏。至該夷被兵驅逐。竟敢拒捕傷兵。現雖駛向外洋。難保不復萌覬覦。著鄧廷楨督飭水師員弁。慎密堵防。如查有漢奸接濟。弁兵縱放情事。著即從重懲辦。毋稍姑容。將此諭令

知之。○又諭。巴雅爾奏。攤扣兵餉。幫貼駐京人員一摺。據奏。去年十月間。接據祥康咨文。稱特選進京當差十人。按年每人幫貼銀二百兩。共計銀二千兩。先由吉林撥給。應於次年閩省官兵名下攤扣俸餉歸款。伯都訥攤扣銀一百九十餘兩等語。吉林挑選人員進京當差。自有應得俸餉。何以於該省官兵名下攤扣餉銀。以為幫貼。現據該副都統據實參奏。著祥康明白回奏。毋許含混。將此諭令

知之○已酉。

上御勤政殿聽政○諭內閣據禮部奏國子監教習王家魁功課既無成效例應留學即不應准其報滿該監於二月二十一日業已咨取接替之人何以遲至三月初六日始行查收功課續請留學以致接替之人無缺可補等語著國子監堂官明白回奏尋恩桂等奏辦理歧誤自請議處得旨國子監堂官均著交部議處○又諭御史龔文齡奏請查禁盡

役一摺各直省額設差役全在地方官嚴加管束遇事懲創方不致養癰貽患擾害閭閻若如所奏近日各省京控之案多因差役舞弊盜案則緝捕不力反或扶嫌誣害善良命案則串通刑忤匿報傷痕株連無辜賄縱兇手其尋常細故一奉票傳即恣嚇索並有未奉官票私行緝拏小民蕩產破家以供差費稍有不遂虐押班館逼致輕生其甚者更有糾搶劫殺結盟為匪各重情等語差役橫行

無忌總由地方官平日管束不嚴遇事化大為小所致不可不力加整頓著直省各督撫嚴飭所屬遇有差役被控立即查辦其毆斃劫掠各案必當嚴辦正兇迅緝餘犯毋任漏網至結盟為匪一經密訪得實尤宜按名查拏以杜奸萌而肅吏治將此通諭知之○諭軍機大臣等寄諭欽差尚書祁寯藻等前據御史杜彥士奏請將福建巡撫駐劄泉州彈壓當降旨令察看情形據實具奏茲據該尚

書等奏稱督撫均駐省垣距漳泉幾及千里聲息既遙奉行遂懈自須大吏親往督辦以收實功惟巡撫為通省刑錢總匯政務較繁勢難兼顧請倣兩江總督前往清江浦之例令閩浙總督暫駐泉州等語通省文武均歸總督統轄著鄧廷楨於會辦事件完竣後親赴泉州駐劄督辦嗣後每歲應行前往駐劄由該督自行酌量不必拘定何時亦不必限以月日餘著照所議辦理又另摺奏提督受

傷一節。查無其事。應毋庸議。此外應行查辦各件。仍著該尚書等逐一查明。據實具奏。將此諭令知之。○又諭。御史龔文齡奏。閩省鹽務疲敝。請設法整頓一摺。據奏船私充斥。帑息過重。並代銷勻銷各弊。著鄧廷楨悉心查辦。又另片奏。疲商羅列富戶。逼令繳資津貼。約計洋銀三十萬圓。除照引勻借外。盈餘存貯道庫。或運鹽寄貯省倉。恐啓吏胥朦混分肥之漸。又近年每屆奏銷。該道先為捏報全完。再令陸續歸款。以致疲商供指富戶。抑勒津貼等語。著鄧廷楨督飭新任鹽道確切查明。應清釐者即行清釐。應禁止者嚴行禁止。毋稍回護。以副委任。原摺片鈔給閱看。將此諭令知之。尋奏。原奏西路船私充斥等語。查西路離場寫遠。無大夥私販。惟疲商以鹽抵火食船價。船戶因之影射夾帶。疲商又於中途賤售別幫。捏報失水。名為割草。到地頭不與各股勻賣。潛自出售。名為私發。諸弊歷經

查禁。無庸另立科條。至東南路私販較多。應飭嚴巡。又原奏孫爾準在鹽法道任為商人請帑調劑。坐扣陋規工食。抑勒殷戶充商。賠無著帑息。又近年每屆奏銷。鹽道先為捏報全完。再令陸續歸款等語。查俱無其事。原奏請將帑本停息。分年抽還等語。現當攻擊夷船。經費緊要。未便遽行。又原奏欠課者立即查抄治罪。不得勒令各商攤完。名為代銷勻銷等語。查該商等偶遇支絀。交相援手。非由抑勒。與其遽予斥革。課轉難追。莫若俯順通融。課歸有著。又原奏前任鹽道王耀辰任聽疲商羅列富戶。逼令繳資津貼等語。查殷戶鳩資選商代辦。雖係援案請行。並無抑勒私借。究應永遠革除。其存庫番銀。存倉鹽斤。留備秉公調劑。下部議。從之。○以詹事府少詹事賈楨為內閣學士。兼禮部侍郎銜。大理寺少卿何汝霖為宗人府府丞。通政使司通政使趙光為大理寺卿。通政使司副使劉重麟。



為光祿寺卿。○禮部以宗室會試中額請得  
旨。取中三名。○庚戌。

上詣

黑龍潭神祠拈香。○諭內閣。御史孫日萱奏  
請禁地方官違例遏糴一摺。各省州縣偶遇  
歉收。鄰近豐熟地方。理宜緩急相濟。若如所  
奏。近來地方官動以保留本處民食為名。刁  
衿劣監。糾人稟官出示禁止販運。因而胥吏  
把持。棍徒包攬。遇有往來商販。抑勒刁難。務

遂其盤踞自肥之計。由此糧價日增。有妨民  
食。上年廬州府屬即有此事等語。違例出示  
遏糴病民。殊於地方大有關繫。不可不嚴行  
禁止。著直省各督撫嚴飭所屬州縣。遇有鄰  
境偏災。遵照定例。除本處亦未豐收。准題明  
暫行禁止外。其餘概不准禁止米糧出境。如  
查有前項情弊。立即參辦。以平糧價而濟艱  
區。將此通諭知之。○諭軍機大臣等。據御史  
沈鵬奏浙江台州溫府屬偏僻之地。栽種罌粟。

熬煎煙土。並台州府知府潘觀藻吸食鴉片。  
任聽栽種等語。各省私種罌粟。熬煎鴉片。  
屢經降旨嚴禁。而積習未能盡除。總由地方  
官視為具文。不肯實力查拏。並胥役等得受  
陋規。視同利藪所致。至知府為一郡表率。如  
果吸食鴉片。尤屬有玷官方。著祁寓藻黃爵  
滋。於查辦福建事竣後。順道浙江。於台州溫府  
屬偏僻處所。嚴密訪查。如有栽種熬煎諸弊。  
即著據實嚴參懲辦。其潘觀藻是否吸食。或

沿途訪察。或密調來省。務得確情。據實具奏。  
將此諭令知之。○命伊犁將軍兼正紅旗漢  
軍都統奕山。來京供職。以察哈爾都統布彥  
泰為伊犁將軍。未到任前。以伊犁參贊大臣  
關福署理。以察哈爾副都統敬敷暫署都統。  
○辛亥。

上詣綺春園問

皇太后安。○諭內閣。錢寶琛奏請將獲解人證  
遲延之知縣撤任等語。江西署新喻縣知縣

包世臣前因京控要證延不拘解。當經降旨摘去頂帶勒限拘解。今限滿仍未解省。實屬任意遲延。包世臣著即撤任。留於該處協緝萬緡彩等務。獲解審如再遲延。即著嚴行叅處。其已革生員胡思泮等鬧漕滋事。所控各案亦著一併歸案訊辦。○又諭錢寶琛奏請將告病遊擊交部議處等語。廣東廉州營遊擊清海告病回旗。坐船路過江西。不能約束家人。致在官卡毆鬧滋事。著交部議處。○以

呼倫貝爾總管華山泰為正白旗蒙古副都統。○以阿克蘇辦事大臣壁昌為察哈爾都統。○贈故湖北提督羅思舉太子太保。賞銀三百兩治喪。予祭葬。謚壯勇。○壬子。以直隸天津鎮總兵官劉允孝為湖北提督。直隸督標中軍副將陳金綬為天津鎮總兵官。○調烏什辦事大臣齡山為阿克蘇辦事大臣。以庫爾喀喇烏蘇領隊大臣成凱為烏什辦事大臣。前任哈密辦事大臣佛林為庫爾喀喇

烏蘇領隊大臣。○禮部以會試中額請得旨。滿洲取中七名。蒙古取中三名。漢軍取中五名。直隸取中二十名。奉天取中二名。山東取中十七名。山西取中八名。河南取中八名。陝甘取中六名。江蘇取中十七名。安徽取中七名。浙江取中十八名。江西取中十七名。湖北取中六名。湖南取中五名。福建取中七名。廣東取中七名。廣西取中五名。四川取中六名。雲南取中六名。貴州取中六名。○癸丑。諭內

閣朱樹奏豫省新衛河挑挖工程未堅。先事籌辦一摺。豫省新衛河居運道上游。既為鹽船所必經。設遇水勢阻遏。無從下注。亦與漕運有關。前經蘆商捐資開濬。自應乘時趕辦。毋誤鹽漕。著長蘆鹽政查照上年派辦之案。迅飭委員帶同商人。即赴豫省及早興工。務於南漕未過以前。一律如式完竣。由地方官覈實勘驗。並著河南巡撫責成河北道親身督工。糧鹽道會同督辦。以臻妥善。○旌表守

正捐軀山西嵐縣民李申月妻高氏○准大通橋車戶承買黑豆二萬石津貼車價○甲寅諭內閣本年四月初一日初十日朕還宮時導迎樂著設而不作至殿試傳臚升殿但鳴鐘鼓樂亦設而不作自八月初一日以後仍照常作樂○補考病痊翰林於圓明園正大光明殿得旨檢討孫葆元著附入二等照例帶領引見○乙卯葉爾羌參贊大臣恩特亨額等奏阿奇木伯克伊斯瑪依爾探知各

部落外夷有販煙之事令各夷商繳出煙土十萬兩零如法燒燬俱各順從悔罪得旨務要令行禁止勉之○以承審鴉片煙案出力予葉爾羌印房章京尚安布等升敘有差○以失察官役與販鴉片煙土革葉爾羌都司陸振鴻千總朱光才職○予故土謝圖親王諾爾布林沁祭如例○旌表通嫁捐軀山東博興縣民劉二堂妻李氏○禮部議准江西巡撫錢寶琛疏報採訪龍泉縣節烈婦女劉

羅氏等一百七十三口請建總坊旌表從之○丙辰諭內閣著英奏遵旨查驗工需木植情形一摺盛京清寧宮柁樑柱木據該將軍查勘均已乾透惟先期鑄砍礙難收貯著照所請俟大工興舉之時再行鑄砍成做以昭慎重餘俱著照所議辦理○又諭載銓等奏請將曠誤值班及朦混呈報之各員交議等語鑾儀衛庫內馬銀被竊一案是日應行值班之雲慶使柯英額治儀正雙貴均未在署

值宿實屬曠誤著先行交部嚴加議處總理堂務冠軍使碩倫琦興扶同朦混呈報著革去總理堂務留冠軍使本任併著交部議處論軍機大臣等本日據都察院奏土默特貝子旗蒙古旗婦戴王氏等呈控逃軍王雨等疊搶拒捕等情已明降諭旨交阿勒清阿提審矣據控王雨等糾眾劫搶屢次拒捕現在並未在逃仍在馬鞍山盤踞等語著阿勒清阿遴選明幹員弁嚴密查拏務獲究辦該

署都統到任未久。從前奏咨交審。非伊任內之事。無所用其同護。務當嚴飭所屬。認真究辦。以副委任。將此諭令知之。尋奏。主雨等緝捕無蹤。現派千總趙文德等密赴馬鞍山偵緝。如員弁等恒怯無能。即行據實叅劾報聞。

（丁巳）

上詣綺春園問

皇太后安。○諭內閣。楊國楨奏審明疊劫巨盜。按律定擬一摺。山西介休縣撤任知縣林德

奎。於捕役被盜匪挾嫌砍傷。未能察出究辦。復於村民被劫之案。輒據保結犯供。僅以被竊稟府。並不照例詳緝。迨案犯在押病故。亦未填格通詳。實屬錯誤。林德奎著交部嚴加議處。徐溝縣丁憂知縣王文鼎。於案犯刃傷事主之處。漏未稟及。其獲犯緣由日期。亦未分晰敘明。輒爾率稟。惟拏獲鄰境巨盜。功過尚足相抵。王文鼎著加恩免議。前署汾陽縣試用知縣郭道煌。於事主劫案報竊。未能究

出實情。前署介休縣試用知縣馮新。於賊犯在押病故。並不填格通詳。前任平遙縣改簡知縣黃輔廷。於賊犯發配時。漏未刺字。汾陽府知府牛鎮。於該管汾陽縣知縣審案疏忽之處。失於覺察。太原府知府王有壬。於所屬誤稟獲犯日期。未能察出更正。郭道煌。馮新。黃輔廷。牛鎮。王有壬。均著交部議處。平遙交城二縣。查無被盜匪剝足輪姦斃命之案。平遙縣知縣楊樹年。著飭令同任。交城縣知縣

蘇元。裁著准其送部引見。○又諭。前據恩特亨額籌議。嚴禁回疆鴉片章程。當交軍機大臣議奏。茲據穆彰阿等逐條籌議。分別准駁。據奏該大臣所議卡外夷人。卡內回子罪名。或由輕改重。或由重改輕。覈與新例不符等語。嚴禁鴉片新例。業已頒發。惟新疆地方。夷回雜處。與各省不同。著恩特亨額體察情形。逐條詳悉聲明。妥議具奏。尋葉爾羌參贊大臣圖明額等奏上。下刑部議。尋議嗣後卡外

貿易夷人有誤帶煙土入卡。為數無多者。應如所奏。由該大臣等酌量枷號示懲。餘仍照定例辦理。從之。○兩廣總督林則徐奏。映咭喇被逐之後。尚有嘔吐一船。啤哩時一船。在九洲遊奕。聲言有大號兵船。將次到粵。現嚴檄員弁分往稽查。又拏獲逆夷販煙之余阿盛等二起。煙土尤多。得旨。無論虛實。總當不事張皇。嚴密防範。勉之。○緩徵山西隰薩拉齊定襄五臺崞平魯陽曲太原大同懷仁靈

邱左雲十二廳州縣上年歉收貧民舊欠倉穀。○戊午

上詣

大高殿行禮

時應宮拈香。○還宮。○諭內閣。給事中況澄奏。各省查拏鴉片。寬嚴不一。限期將滿。請飭催辦。一摺。據稱上年頒發新例。各處省城查拏嚴緊。而各府州縣辦理仍屬從寬。差役不免有包庇賣放。訛詐等弊。暗中吸食者仍多。

等語。鴉片流毒。傳染日深。經朕屢次降旨。飭令各地方官嚴行查拏。並頒發新定章程。曉諭中外。意在淨絕根株。永除大害。若止省會嚴緊。而窮鄉僻壤。仍復藏垢納汙。將來限滿。或大吏有愧心。而不願辦。州縣規避處分。而不敢辦。或因該犯等多係死罪。地方官姑息而不肯辦。種種彌縫。勢所必至。是目前但圖粉飾。限外愈滋弊端。錮習不除。實堪痛恨。各該省大吏。經朕特簡。受恩深重。具有天良。務

當嚴飭所屬。認真訪拏。商賈輻輳之地。固應逐漸清查。即僻壤窮鄉。亦宜除惡務盡。凡外府州縣。皆係該大吏等所屬。如果訓諭諄諄。督催不遺餘力。轉瞬限滿。自無觸網竊法之人。儻經此誥。誠仍復玩延不辦。或按索數起。草率塞責。是該大吏等喪盡天良。朕亦不能輕恕也。將此通諭知之。○諭軍機大臣等。有人奏湖南廣西兩省。有傳習邪教。斷絕葷腥。煉丹運氣。其傳授之書。則有性命圭旨刻本。

暨妄註大學。愚民被誘。執迷不悟者不少。湖南之寶慶常德廣西之平樂柳州傳習尤眾。地方官雖出示嚴禁。每因其別無逆跡。總未深究根由。恐傳染日深。易致滋蔓等語。著周天爵林則徐裕泰梁章鉅各飭所屬認真查察。究明偽書妖語。造自何人。起意者立予嚴懲。悔過者寬其既往。以除邪慝而正人心。原摺著鈔給閱看。將此各諭令知之。尋梁章鉅奏現查平樂柳州實無偽書妖語。其有各種

淫書。俱已銷燬。至性命圭旨係坊間習見刻本。所述導引修煉。雖不在禁例。究係雜流無益之書。亦經銷燬。得旨隨時留心查辦。不可置於度外。林則徐奏現飭員赴廣西平樂柳州各府屬訪查。嚴拏究辦。得旨嚴行查緝。裕泰奏現飭員分赴寶慶常德二府及各府屬嚴密偵訪。得旨嚴密查緝。周天爵奏現飭該管知府慎密訪拏。並將前項書本收繳淨盡。以絕根株。得旨嚴密妥辦。○浙江學政李芝

昌奏報到任日期。得旨名實當副。慎勿漸染當時之通病。○以故四川龍茂道屬土長官王維世子國賓襲職。○以孟夏時享太廟。自是日始齋戒三日。○己未修浙江海鹽縣大石塘。從巡撫烏爾恭額請也。○賞故琉球國使臣翁寬銀三百兩。○庚申以冊諡孝全皇后。遣官告祭

太廟後殿

奏先殿。○諭內閣御史陳光亨奏五城關涉旗員事件。請飭該管官速令赴城聽問一摺。嗣後五城現審事件。其案情重大者。該城御史即將應行傳詢之員。奏明請旨。其尋常事件。仍著照例辦理。○諭軍機大臣等御史陳光亨奏直隸至山西驛站有井陘縣平定州側石驛壽陽縣太安驛五處。每遇差使過境。即拏過路之車。用車一輛。餘車皆須出錢。山西壽陽縣太安驛。則不論有差無差。無日不拏車。訛錢等語。各省額設驛站。原以備應公差。

卷之三

10

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十三

前降地官禮部員外郎注官太子太師指授開大學士又湖廣巡撫關防事督理戶部事務工書局總辦傳習館院學堂董事等職  
天時府分守各處署內五級敘升十八次臣實績較敘官位歷滿官吏部尚書鑲黃旗漢軍都統管理新營學政內閣學大臣稽察內  
七倉大臣稽察同四庫館事務加一級欽此加六次建功加三級叙保五次官佐少卿歷滿文淵閣學東閣學各部尚書鑲黃旗漢軍  
內務府大臣候旨與滿洲都統協同七載大臣管理宗人府銀庫左翼初官學政連宮闈明諭各處接納聖訓查驗房鑰匙房文  
監院遊解學堂勅撰恭和十八親王阿奎爾西親教誨並諸部尚書值官加七級敘升二十次臣用祖恩奉

牧修

道光二十年庚子夏四月辛酉朔享

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100	101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200	201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300	301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400	401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----

太廟

上親詣行禮。御太和門命睿親王仁壽為正使。怡親王載垣為副使。齎冊寶詣觀德殿冊。

謚

孝全皇后冊文曰璇宮篤祉芝函永煥於千秋彤管揚輝蕙問丕彰於萬國紀鸞幃之淑範申錫彝章晉鳳綵之徽稱用光簡策聿宣令譽載表芳規惟

皇后賦質端醇  
禋躬恪慎慈惠  
協珩璜之則

夙秉淵心。齋莊樹宮闈之型。咸欽玉度。歡承  
萱殿。襄定省以無違。位正椒庭。贊旰宵而周懈。  
課成勞於繭館。節儉常先。現佳瑞於麟徵。恩  
勤並著。綜平生之懿行。莫罄揄揚。播寰宇之  
休聲。宜垂久遠。愛為孝而敬為孝。實基百行  
之原。受克全而歸克全。允繫六宮之望。爰遵  
懋典。俾永嘉名。茲以冊寶諭曰

孝全皇后於戲湖

頤養之婉愉。思深維則。備坤元之柔順。善已兼

賤。錦軸瑤編。炳丹青而有耀。金章銀鈕。榮竹

帛而流芬。默鑒追懷。式昭奕禩。命

皇四子 詣觀德殿

孝全皇后梓宮前行禮。幸圓明園。詣綺春

園問

皇太后安。諭內閣祥康等奏協領侵蝕公項

狡不吐實。請解任質訊一摺。此案協領四幅

侵蝕應行交庫地租錢文等款。業有佐領德

克精額等供證可據。乃猶執意狡展。其中恐

尚有別情。必須查訊明確。以成信讞。協領四  
幅佐領德克精額。委筆帖式吉順根喜著一  
併解任。交該將軍等提同應訊人證。徹底根  
究。務得確情。按律定擬具奏。尋署吉林將軍  
祿普奏四幅德克精額吉順根侵用入庫公項  
均請革職擬徒。根喜僅止送交公費官租銀  
錢。並無不合。應請開復。下部議從之。壬戌  
以冊諭

孝全皇后禮成。頒詔天下。詔曰。朕惟乾元布化

爰資厚載之功。坤道含章。聿著順承之義。紀

柔嘉於蘭掖。懿矩常昭。憶離肅於椒塗。隆稱

允協

皇后鈕祜祿氏鍾靈華胄。秉教璇闈。鳳軫揚

輝。踐芳規於圖史。龍章作繪。彰雅範於珩璫。

克嫺九御之儀。端莊表則。旋攝六宮之事。勤

儉。從躬湖膺

命於

慈闈



曼壽錫普天之慶遂正名於中壺徵音嗣應地之休上奉

聖母恭慈康豫安成莊惠壽禧皇太后惻惻敬誠色彰愉婉韶開

芝殿佐問安視膳以維虔瑞藹

萱庭謹夏清冬溫而罔懈垂佩協溫恭之度德懋瑤齋求衣同兢業之懷治襄黼宸星軒晨肅禮隆蘭館以條桑月極宵澄化洽睢州而芡荇耀光華於暈翟葛覃留澣濯之風敷仁

惠於螽斯瓜瓞啓蕃昌之祉嬪婦咸欽其碩訓宮庭共戴以賢聲洵內職之無違蚤聞修之特茂今道光二十年正月十一日崩逝睽惟淑行胥根順孝之忱緬厥嘉猷亶備醇全之德夫典隆議謚非朕意所能私而實足稱名本羣情所共愜爰諮禮職詳考彝章祇告太廟以本年四月初一日冊諡為

孝全皇后於戲播遺型於萬國尊式黃裳垂令聞於千秋芬流彤管頒示天下咸使聞知

○諭軍機大臣等御史賈臻奏海船販運煙土潛入小口地方官查拏不力一摺據奏廣東廉州府屬合浦縣龍頭沙地方外面濱海內地界連高州府屬及廣西鬱林州屬海船專載煙土停泊該處發售後另用漁船各執烏槍包送上岸該縣城外之週盛長泰英利各字號皆積慣因販之家有府書徐老官及該縣門丁周六為之包庇又該縣湖廉洞地方裁種罌粟縣丞王萬春曾經履勘送縣該

縣韓鳳翔並未查禁反將稟稿延擱不發意存消弭等語奸商販運煙土書吏門丁勾通包庇實屬不法至地方裁種罌粟既經該縣丞查勘送縣何以該縣延擱不發現當查拏鴉片喫緊之時不可不嚴行懲辦著林則徐確切查明據實具奏毋許稍有瞻徇姑容將此諭令知之尋奏查明該處實無販運煙土裁種罌粟包庇消弭等事報聞○以訓練巡防妥協賞福建總兵官達洪阿提督銜○癸

亥命長蘆鹽政英誠留任以催徵課餉出力予兩淮候補運判鄭士彥等即補加銜有差○甲子諭內閣奕劻等奏拏獲竊砍回乾樹梢人犯請解交刑部審辦一摺內務府幼丁清安通山在

孝東陵西河溝迤西坎上地方竊砍回乾樹梢實屬藐法著解交刑部嚴行懲辦該管官即時將該犯拏獲功過尚足相抵應得處分著加恩寬免尋刑部訊明奏上得旨清安通山

均著銷除旗檔照擬分別軍徒仍解往犯事地方加枷號一箇月滿日再行實發○乙丑閏浙總督鄧廷楨奏考驗閩省各營弁兵大半輟弱竟有用四力弓者開六力者已屬寥寥若將該管將領悉予劾參則通省竟無不入彈章之人現經勒限三箇月上緊操練如仍置若罔聞即行嚴參得旨所奏甚是依議認真督飭辦理○緩徵山東汶上魚臺二縣被水村莊新舊額賦○丙寅

上詣綺春園問

皇太后安○諭內閣禮部奏莊親王綿護之祖父母父母應否給卹致祭等語著宗人府查議具奏○諭軍機大臣等瑚松額奏查明甘肅倉庫銀糧一摺據奏甘省原虧銀穀及已經彌補數目有扣存司庫者有解交道府州庫者有存貯屬庫買糧還倉者再有數年即可一律補完其平糶糧石實因連年收成歉薄買糧還倉者雖不及十分之一惟糶獲價

銀多已解交司庫其存貯屬庫者亦不及十分之一現已催提勒解至春借秋還之案雖有氏欠為數甚微現亦嚴催徵還惟鎮西迪化二府州遠在口外所辦出借出糶各案能否如期買補催還已飭鎮迪道查辦並咨催烏魯木齊都統趕查各等語州縣虧短倉庫例禁甚嚴况甘肅為邊陲要地尤關緊要此次該督奏明原虧數目及彌補章程既不重治其罪又復予以年限已屬從寬辦理若數

年以後仍不能一律補清完款不特將各該州縣按律懲辦該督受恩深重屢奉諭旨查辦不能著有成效徒以空言搪塞朕必將該督嚴處示懲恐不能當此重咎也所奏口外買補催還各款著即趕緊清釐毋任再有延宕將此諭令知之○以己革工部尚書陳官俊為通政使司通政使 丁卯

上詣

昭顯廟

時應密拈香○還宮○漕運總督朱樹秦稟營人員於弓力多未講求另製官弓飭令練習責成該管官隨時查驗得旨不可徒尚外飾以收實效為重其加意訓練之○河東河道總督文冲奏報到任日期得旨料汝必能不染河工習氣修防以實是用特簡其勉力為之慎勿瞻前顧後當屏嫌怨以副倚畀重任之至意○以江寧布政使唐鑑為太常寺卿以常壽祀

天於

圓丘自是日始齋戒三日○戊辰諭軍機大臣等前據給事中況澄奏請停止運判運副援案改補之例以杜倖進一摺當交吏部議奏茲據該部分晰議奏已降旨依議行矣惟摺內稱浙江寧波府知府鄧廷彩之子鄧承恩生長浙江廣為結納原任紹興府通判吳燦盤踞招搖為其子吳壽昌乞婚鹽商許姓該二員之子均經捐納運副分發浙江著祁甯

藻黃爵滋於閩省事竣路過浙江時查訪鄧廷彩父子果否有朋比營私等情吳燦業已因案革職果否在浙暗中把持公事其子由運副改補運判該員等均於改補後在省在任仍用五品頂帶之處均著查明據實具奏將此諭令知之○又諭前據金應麟奏請將漕運事宜量為變通當降旨交林則徐等妥議茲據該督籌議漕務四條開單呈覽除直隸水利一條已飭琦善查議外其餘三條著

伊里布履任後體察情形妥議具奏又裕謙片稱江蘇情形以整頓營伍嚴防海口為要務著伊里布嚴飭將弁勤加訓練其各海口亦應隨時稽查有備無患原單片著鈔給閱看將此諭令知之吏部議奏給事中沉澄奏請停止運判運副援案改補查運副降補通判運判改補知縣自例文節次釐定以來久經遵守所請不准改補之處應毋庸議又稱浙江運副請由外省題補永停捐納一節查運副於乾隆年間定例先儘捐納人員如無人方准題升所請盡由外省題補既與定例不符並查各例內從無指明一項永不准捐之條亦毋庸議惟所稱報捐運判者多係分發浙江至運副祇此一缺非其父兄在浙服官即係親戚在浙為商如欲為浙江通判祇用報捐運副一經改補即是此職一節查該員等於掣省後紛紛改補誠不免有擇省之弊應請嗣後運副告降通判運判改捐知

縣均即由該督撫鹽政知照吏部將該員入於捐納通判知縣統配各省籤內另掣一省發往以昭公允而杜弊端從之○以河南按察使成世瑄為江寧布政使服闋按察使張祥河為河南按察使○已巳

上詣

南郊齋宮齋宿○諭內閣前據巴雅爾參奏吉林攤扣兵餉幫貼駐京人員當降旨令祥康明白回奏茲據奏稱備挑官兵官為覓備住

處發給費用留京當差之員每年按名接濟銀二百兩咨行各副都統照辦屬實其按通省官兵俸餉攤扣係照巡幸盛京隨營當差官兵辦理等語在京當差人員自有應領俸餉不當由本省地方捐資幫貼且挑選駐京之員與巡幸隨營者迥不相同何得妄行援引辦理實屬荒謬且諸事不能振作有負委任祥康著交部嚴加議處即來京聽候部議○以理藩院尚書賽尚阿為滿洲繙譯會試

正考官兵部右侍郎端華為副考官理藩院  
右侍郎文德和為蒙古考官○調成都將軍  
經額布為吉林將軍廣州將軍德克金布為  
成都將軍以甘肅提督阿精阿為廣州將軍  
四川松潘鎮總兵官馬騰龍為甘肅提督前  
任山東曹州鎮總兵官托明阿署松潘鎮總  
兵官○庚午常雩祀

天於

圓丘

上親詣行禮○詣

關帝廟拈香○幸圓明園○詣綺春園問

皇太后安○諭內閣給事中張秉德奏請嚴禁

關口潛帶羌土一摺鴉片煙流毒傳布甚廣

據稱回疆貿易民人每夾帶羌土由嘉峪哈

密等關潛入內地熬膏過廳與煙土無異並

有販至各省者著陝甘總督回疆各城大臣

嚴密訪查如有此種煙土名目立即拏獲懲

辦並著該督等派委妥員於進關要隘地方

常川巡察仍嚴飭嘉峪哈密等關文武員弁  
認真稽查儻有疏懈走漏及胥役賣放等弊  
即著從嚴叅辦以肅關口而祛錮習○又諭  
給事中張秉德奏請禁止銀號包攬捐職以  
防私造假照一摺著管理三庫大臣會同戶  
部議奏尋奏銀號包攬上兌久干例禁若必  
令捐生親身上兌勢難遠涉應仍照舊例託  
親託友聽捐生自便至執照按卯發給該捐  
生原籍地方官向來出榜曉諭恐日久視為

具文應飭各督撫將軍府尹轉飭各地方官  
曉諭捐生接奉部照定限一月內赴官呈驗  
俟部文到日按卯查對儻板式印篆不符及  
部文無名者即行通詳嚴辦則私造騙詐之  
弊不難立見該給事中請另議章程之處應  
毋庸議從之 辛未

孝全皇后三滿月致祭命皇子行禮 協辦大  
學士兩江總督伊里布奏到任日期得旨一  
切認真黽勉以副付畀重任之責 閏浙總

督鄧廷楨奏通飭兩省水陸各營官兵兼習鳥槍得旨所見甚是認真訓練以收實效  
壬申諭軍機大臣等昨日據步軍統領衙門奏雲南猛緬廳回民馬文昭呈遞封章懇稱回民被殺文武官員挾嫌不救等情已明降諭旨飭解雲南聽候查辦矣此案漢回互鬥致斃多命該地方官聽斷不公並不帶兵馳往解散業據伊里布等於上年九月奏請將通判張景沂參將瑞麟革職嚴訊旋據該督

等於本年正月奏稱派委大員查拏現已獲犯百餘名提省審辦等語伊里布已調任兩江此案尚未奏結桂良甫經接任無所用其回護務將前案人證提集研鞫查明因何肇釁如果地方官辦理公正何至致釀多命毋得化大為小藉詞消弭回民馬文昭不日即可解到據稱呈詞係文生員薛紀清寫就總須將該生員民人等傳集曉諭如果辦理公允自可折服其心不致另生枝節並著該督

費寶定擬具奏原呈及圖式劉付著一併發給閱看將此諭令知之○引見各衙門保送御史人員得旨劉翰華劉良駒胡元博洪錫璜王慶元張廷樺宋林曙俱著記名以御史用○兩廣總督林則徐等奏請將鴉片煙案問擬違罪以下人犯咨部後即行發配以清庶獄下部議尋奏應如所請辦理至人犯既已起解其到配日期即應以犯到之日為始該督等欲仍准部咨至配之日為始殊未允

協應毋庸議從之○以大理寺卿續齡為都察院左副都御史貸山東濟寧魚臺汶上壽張四州縣修河湖民堰銀○癸酉諭內閣德春等奏籌辦起卸漕麥情形一摺本年山東河南二省運通漕麥顆粒瘦小並有蟲蛀破碎及夾雜芒穀者業經該倉場侍郎等嚴飭各幫弁丁分別篩颺並勒令買補更換此項麥石兵食攸關雖年歲豐歉不齊亦宜加意選擇著山東河南巡撫各飭所屬嗣後偶

值歉收除五分以下照案奏明改徵外其收  
成六分以上務須加意挑選毋許攙雜蟲蛀  
等項麥石僅仍遷就徵收濫行充數即著倉  
場侍郎駁回補運以重正供而實倉儲又  
諭周天爵奏遵旨改擬已革巡檢宣維屏罪  
名一摺著刑部議奏所有該督自請嚴議之  
處著加恩改為交部察議尋奏查已革湖北  
襄陽縣巡檢宣維屏聽從劉可富囑託濫責  
邵學禮釀命該督將宣維屏劉可富均擬絞

監候經軍機大臣等會議以一命不能二抵  
共案須分首從駁令覆審茲據訊明邵學禮  
被宣維屏掌責後曾被劉可富踢傷劉可富  
仍擬絞監候業經在監病故應毋庸議改擬  
宣維屏為從請發往新疆充當苦差從之○  
又諭御史瑞岑等奏經紀濫收朽壞潮溼糧  
石延不節晾請飭究辦所有濫收較多之經  
紀何瑞趙仁楊景輝張湧安張環李德明鮑  
彬黃禹年高盛安全承續于兆祥蕭廣慶宛

鳳岐方有年張玉書馬慶祺王永年均著交  
倉場侍郎親提訊究嚴行懲辦其已收朽壞  
潮溼糧石押令趕緊節晾如有短欠勒令全  
數買補並著嚴飭坐糧廳以後認真查驗不  
得任聽該役等肆意朦混以清積弊而重倉  
儲○甲戌諭內閣載銓等奏旁支襲爵王公  
追封三代應否給冊致祭禮部例文未能賅  
備等語著宗人府會同禮部妥議章程具奏  
尋奏嗣後凡追封親王以下貝子以上王福

晉以下貝子夫人以上均給紙冊其追封親  
郡王無庸製給寶印鎮國公及鎮國公夫人  
以下均給誥命追封親王以下輔國公以上  
王福晉以下貝子夫人以上均分別給與羊  
酒紙張遣官一員致祭親王至輔國公王福  
晉至貝勒夫人均用祭文貝子夫人無祭文  
鎮國公夫人以下不遣官致祭從之○又諭  
上駟院員外郎兼佐領德春於該領催等回  
明隱匿錢糧時並不呈堂查辦僅令裁汰雖

訊無分肥情事實屬有意姑容德春著交部嚴加議處署佐領奉宸苑員外郎經文圖前任驍騎校今升副參領吉安驍騎校德貴參領上駟院郎中長潤副參領長慶均著交部分別議處敬徵裕誠文慶阿靈阿失於覺察著一併交部議處。貸直隸紫荆關並所屬浮圖峪烏龍溝寧靜安三營上年駐劄數區弁兵倉米。乙亥諭內閣祁寯藻等奏戰船修造草率及遲延積壓各情據實叅奏一摺沿海戰船巡洋緝匪關繫甚重遇有修造屆期自不得草率從事已故鹽法道王耀辰承修福廠成字四號大船一隻甫經拆造即致破壞其為從前草率無疑著即令該家屬賠補其承修草率之委員及濫行收領之營員著查取職名交部議處至該省修造戰船向有積壓情形現經該大臣等查明自道光六年起至今積壓竟有三十隻之多亦著該部查取職名分別議處並著該督等逐案查明

係何員任內之事分晰覈辦其承修領收文武各員並各衙門書吏有無情弊一併徹底嚴究現當洋務喫緊之時水師需船孔亟所有從前積壓及遭風擊碎各船除已經籌款及本無駁查並原駁情節無關緊要者著該督等即飭令趕緊興辦其餘駁查未覆及駕廠挨修各船亦著一併嚴催趕辦倘復任意遲延即行指名嚴叅至水師配兵巡洋之外各船例應隨時操練著該提鎮督令將弁按期操練並更番燁洗毋任停泊海隅日炙風乾致有朽壞以利駕駛而肅洋政。又諭祁寯藻等奏查明漳泉行使夷錢並立限收繳一摺前據御史杜彥士奏福建漳泉地方所用錢文多係安南土賊偽號內地不應有此近年以來日積日多兌換無非夷錢沿海奸民遂多私鑄等語當交祁寯藻等查辦茲據查明奏稱漳泉二府行用夷錢有光中景盛景興等種民間私圖便利相沿成風遂忘例



禁此項夷錢或由外夷流入內地或由廣東潮州嘉應州福建漳泉二府奸民私鑄著該督撫等嚴飭沿海各府州縣一面杜絕來源一面設局收繳嗣後海船進口責成地方官嚴查夾帶或有奸商囤積奸民私鑄立即嚴拏懲辦並著出示曉諭立限一年凡有夷錢赴官呈繳酌給制錢俱照所議辦理所繳夷錢均著送局鑄該廳縣每日收繳若干按旬結報以憑查覈逾限不繳者照例治罪並

著廣東巡撫嚴飭潮州府嘉應州等處查明有無私鑄私販不分畛域一體嚴禁斷不准日久生懈以重錢法而杜奸弊又諭鄧廷楨奏攻擊夷船情形一摺此次夷船駛至閩洋梅林澳寄泊經署水師提督程恩高及陸路提督余步雲督率將領弁兵兩路夾攻擊斃夷匪毀其蓬索窮追遠遁辦理尚屬認真程恩高余步雲著交部議敘所有在事出力各員著該督查明保奏候朕施恩兵丁葉國

能著咨部議卹以昭激勸諭軍機大臣等祁寯藻等奏確查閩省海口煙販情形並籌辦水陸巡防事宜一摺據稱閩省各屬具報夾板夷船多在銅山營轄之布袋澳懸鐘及金門營轄之梅林深滬街口大墜圓頭等處洋面遊奕內地奸民勾結販煙為之接濟經該督等訪聞晉江惠安等縣所屬之施姓等犯或坐莊銷售或販洋包運現在設法嚴拏期於必獲至海防專汛責在陸路據提督余

步雲業經撥派弁兵赴緊要海口分駐添防洋面機宜責在水師亦據署提督程恩高添派兵船分作二幫一由金門鎮管帶在北洋一帶梭巡堵禦一由該署提督管帶在南洋梅林等處攔截巡探相機辦理其閩津丁役人等係福州將軍專管應由該將軍嚴密稽查認真究辦仍由該臬司定案時查明案犯經過地方關津有無賄縱切實根究以清弊源等語海防之要首在嚴辦漢奸漢奸一日

不除則夷船一日不絕務須一力嚴拏不除不已該督等即當嚴飭文武各員弁一見夷船竄至水師各兵船則奮力追拏如敢拒捕即行開礮轟擊毋得稍有疏縱陸路則嚴謹把守海岸禁止奸民出海蹤跡水陸交嚴堅持勿懈總宜猛以濟寬禁絕根株為要又另片奏控制海口之法最重礮臺現在籌議變通莫如易礮臺為礮墩為穩妥人出口商船責成該廳州縣於給照時親詣稽查漁船責

成該管地方官指定埠頭編立字號責令澳甲按日稽查如有出海駛近夷船者即著官兵併力圍拏果能人船並獲即將煙土解官燒燬船隻衣物等項全行賞給至漢奸巢穴既經訪得數十鄉社確有主名盡力擒拏等語俱著照所議辦理將此各諭令知之又諭托渾布奏山東登州鎮總兵富桑阿於海疆素未閱歷一切督率操防恐難悉臻妥協等語山東水師兵額較少現既添用陸路必

須統轄大員熟諳水師情形隨時指示方收實效富桑阿於洋面事宜既據該撫察看不甚相宜著托渾布於通省副將內擇其才堪勝任者酌量保奏務於督率操防均有裨益將此諭令知之○以本年鄉試考試應開列試差人員於圓明圓正大光明殿旌表守正捐軀湖北江夏縣民張大華女小姑○丙子以翰林院侍讀學士李嵩李煌侍講學士瑞常侍講何裕承左春坊左贊善汪振基充

日講起居注官翰林院編修程伊湄王廣蔭署日講起居注官革前任吉林將軍祥康職賞藍翎侍衛為庫倫辦事大臣命庫倫辦事大臣福英來京命伊犁領隊大臣賽什雅勒泰來京以二等侍衛珠勒格善為伊犁領隊大臣丁丑

孝端文皇后忌辰遣官祭

昭陵

上詣綺春園問

皇太后安（諭內閣昨因吉林濫扣兵餉幫貼京員降旨將祥康革去將軍賞給藍翎侍衛作為庫倫辦事大臣因思該處兵丁例得餉銀皆關生計若因幫貼京員濫行攤扣恐不免於苦累著署將軍祿普副都統輯瑞查明所扣餉銀實數先於庫貯項下照數墊發按名全行給還以示體恤所墊銀兩著於祥康名下按數追賠歸款不准延宕）又諭寶興奏審擬虧那俸餉米折並徇情濫發各將弁

一摺四川已革署邑梅營守備治文諱署綏寧協右營守備許文詔於署任內任性虧那已革署綏寧協副將馬光宇任聽屬弁懇求徇私濫發現在該弁等雖將虧項全數完繳仍應從嚴懲戒治文諱許文詔馬光宇均仍著革職不准開復）又諭耆英等奏請簡派大臣勘估工程一摺盛京鳳凰樓頭層正面西邊廊柱及西面南邊廊柱沈陷二三寸不等其柱腳下檐檁接榫之處並插枋木樓板

等項均有虧朽損裂情形著該將軍等設法先行妥為保護聽候簡派大臣前往敬謹勘估再行奏明擇吉興修）又諭耆英等奏查勘工程一摺福陵應修工程既據該將軍等查勘情形均關緊要自應敬謹修理所有估需工料銀共一千六百三十二兩零著即由盛京戶部庫貯內動用並著欽天監敬謹選擇吉期趕緊興修以昭慎重 戊寅

黑龍潭

覺生寺設壇祈雨

上詣

黑龍潭神祠拈香遣睿親王仁壽詣

覺生寺拈香（諭內閣成山所出之三等懋

烈伯散秩大臣世管佐領著仍令一人承襲

於年終照例辦理）禮部以繕譯會試中額

請得旨滿洲取中二名蒙古取中一名（廣

西巡撫梁章鉅奏象州盜犯吳亞勝解審免

死發回監禁中途脫逃被獲比例問擬斬決經刑部改擬發新疆給官兵為奴此等罪犯例文既無專條成案又不足遵請飭刑部明定科條以免歧誤下部議尋議詳繹各例免死盜犯脫逃問擬斬決係指已經議結到配及題解在途並越獄脫逃者而言若甫經解審脫逃既非越獄又未議結發遣自不在例擬斬決之內應通行各直省如犯係到配後逃走及越獄逃走並定案後起解在途逃走均仍於拏獲時照例正法如尚未定案解審中途脫逃與吳亞勝案情相似者即照擬改之例辦理從之○己卯

孝全皇后百日大祭

上至觀德殿奠酒○幸圓明園○命乾清門侍衛布彥泰在御前行走○庚辰諭軍機大臣等昨因吉林攤扣兵餉幫貼京員當降旨將祥康革去將軍賞給藍翎侍衛作為庫倫辦事大臣以示懲儆矣此項攤扣餉銀據祥康

回奏曾經咨行各副都統衙門等語當該將軍定議行咨時曾否與該副都統商酌會銜抑係祥康一人私見輯瑞竟未聞知著輯瑞明白回奏將此諭令知之○又諭前據雲南猛緬廳回民馬文昭以回民被殺文武官員挾嫌不救等情來京呈遞封章已降旨交桂良提訊叢辨矣本日復據都察院奏稱雲南順寧府緬寧廳回民馬發科以挾嫌糾殺等詞赴該衙門具控又經明降諭旨交桂良親

提嚴訊該督甫經到任無所用其回護著遵照前旨務將所控各情逐一秉公研訊其呈內所稱控經督撫拏究一百餘犯魏知府一味偏袒竟以漢回械鬪朦詳完案一節是否實有其事務當查訊明確據實具奏不准稍有含混將此諭令知之○都察院議奏給事中汪報原奏京城錢鋪定例五家互保請飭順天府照嘉慶十五年舊設者免報新開者取保之例於開設之始取保不必兩縣加結

開闢時著落。追賠城內者冊。咨步軍統領。城  
外者冊。咨五城御史。一切開闢條例。順天府  
始終其事。如有開闢逃走。咨查本籍該地方  
官。不認真查拏。請定處分。得旨。著依議行。至  
錢鋪開闢逃走。咨查本籍該地方官。不認真  
查拏。亦應酌定處分。著吏部議奏。尋議該地  
方官。不認真查拏。如係失察。差保捏稟。罰俸  
六箇月。如係故意不發。含混咨覆。降一級留  
任。從之。○以大學士潘世恩協辦大學士吏

部尚書湯金鉉。刑部尚書祁項。工部尚書廖  
鴻荃。都察院左都御史沈岐。刑部左侍郎麟  
魁。王植。禮部右侍郎馮芝。為殿試讀卷官。○  
辛巳策試天下貢士。吳敬義等一百八十人  
於保和殿。制曰。朕實紹丕基。勤求上理。兢  
業業。夙夜不敢康。二十年於茲矣。仰荷

昊蒼垂佑

列聖詒庥。海宇乂安。黎民康阜。持盈保泰。廣益  
集思。爾多士拜獻先資。對揚伊始。冀聆謙諭。

式贊大猷。三易名於何代。重卦畫於何時。乾  
坤言學。有聖賢之分。泰卦九二。備保泰之道。  
能陳其義。歟。堯典舜典。何人所分。人心道心。  
何書所引。康誥酒誥。何以疏其職。官多士多。  
方何以解其篇。次行葦言射。果祭歟。臣工噫  
嘻。果戒農官歟。長發。禘歟。祫歟。出車王命。殷  
歟。周禮。周公作頌。何以有康昭以後之詩。儀  
禮體解。豚解之分。膳酒散酒之用。能詳其說。  
歟。周禮鄉大夫鄉射五物。能證以儀禮歟。月

令中星。何以與堯典異。加王於正。豈是好古  
不作之心。謂一為元。恐非大始正本之意。釋  
春秋者。豈容參以臆見。歟。漢書言泰并天下。  
幣為二等。而珠玉龜貝銀錫之屬。不為幣。孝  
武始造白金三品。尋廢不行。是上下通行之  
貨。壹皆以錢。未嘗用銀。唐時有禁斷採銀之  
詔。度支歲計。有粟布絹綿及錢。而無銀。蓋銀  
以充貢。不以為賦也。以銀為幣。始於何時。行  
於何地。鑄銀之式。輕重不同。所值亦異。厥後

銀日貴錢日賤。民間但以銀論價。市易能詳其源流。遷變歟。周官司市。無征而作布。鄭注謂金銅無凶年。因物貴。大鑄泉以饒民。說者謂泉始蓋一品。周景王鑄大泉而有二品。然觀單穆公所稱子母相權。豈一品歟。論錢法者。若賈誼。若孔覲。若陸贄。能述其梗概歟。昔在神禹。濬澮距川。亦越成周。詳昭遂溝洫之制。沿及後世。河內資漳水之利。關中賴鄭國之渠。秦漢以降。代不乏人。我朝定鼎燕京。居高御下。邦畿之內。巨川如滄陽。滹沱。清河。白溝。桑乾。潞河。灤河。支流如瀉。沼徐白加之。以浚泊水。泉未嘗無可興之水利。乃每當夏秋。淫潦膏腴。變為汙澤。不重可惜。歟。稽之元明。若虞集。若托克托。規畫若何。邱濬大學行義。稱所講求者何術。徐貞明潞水客談。陳十四利。厥指若何時。議用之於永平一帶。墾田至三萬九千餘畝。似有成效。而事卒中止。何歟。夫水聚之則害散之則利。棄之則害收之

則利。何以時其蓄洩。俾無旱澇之虞歟。用人之道在乎知人。善任。顧忠詐相似。賢奸易淆。鑒別不精。薰蕕難進。且人之材性各有攸宜。廉靜之儒。每不勝夫繁劇。方正之士。或不達於事機。善御者所以不廢。曼駕之馬也。然傷功非不勤奮。而病在庸違。試可豈無才能。而惡其圯族。口對甚悉。無取捷給之長。敦厚少文。獨許大事之屬。驥稱其德。又在此不在彼矣。夫智力有大小。用過其量。則傾。時地有難易。任違其材。則蹶。往往同此一人。而前後殊其巧拙。彼此異其功過。今將陶鑄羣倫。驅策英雋。用其長而去其短。稱其分以盡其能。使人無棄材。官無廢事。厥道何由。夫研經訓以求實用。權食貨以阜民生。講疏濬以利農功。登俊乂以昭治績。皆經邦之要道。立政之宏綱也。多士學於古訓。通知時事。以數奏為明試。毋泛母隱。朕將親覽焉。○諭內閣。前據御史石景芬奏。秦河南省各縣。當降旨飭令牛

鑑確查具奏茲據該撫查明巡撫兩司並無收受陋規之事所延幕友亦無收受現儀祥符縣知縣鄒堯廷其弟鄒廷桂同在省會眾所屬目不敢有賭博情事該御史原奏均毋庸議惟原奏所指開局賭博之幕友地棍七名除羅小峯查無其人其餘六名俱已拏獲著牛鑑即督飭屬員分別訊究按律定擬務將誘賭窩賭各犯從嚴懲辦俾知儆懼嗣後仍當隨時訪查以黜浮靡而勵風俗○壬午

引見戊戌科散館及補行散館人員得旨此次散館之修撰鈕福保林鴻年編修金國鈞業經授職二甲庶吉士沈祖懋譚光震李佐賢郭沛霖錢福元方燭梁國琮王壽劉定裕丁嘉蔭鍾音鴻徐相吳嘉賓陳源亮吳存義倉景恬金昀善支清彥段大章王履謙田雨公吳吉昌晏端書朱右曾龍元禧何桂珍毛鴻賓宗室靈桂曹澍鍾董似穀戴鸞翔李道生俱著授為編修三甲庶吉士時大杭王東

槐李臨劇曾國藩祁宿藻但鍾良俱著授為檢討梅鍾澍楊和鳴著以部屬用宗室崇文著以筆帖式用杜浣周祖銜著以知縣即用○山西巡撫楊國禎奏查閱營伍情形擡礮一項每礮重五十餘斤一位需兵五名未免笨重臣父楊遇春從前所演擡礮每礮止需兵三人甚為便捷現已籌款製造二百位每位重三十斤發給各營演習又烏槍一項製造未能如法現飭揀選如法改造得旨務須

認真訓練期收實效不可有名無實也○福建布政使吳榮光年老休致以山西按察使瑞元為福建布政使廣東鹽運使陳嘉樹為山西按察使○賞會試年老舉人葉蘭等十二名編修檢討學正職銜有差○癸未以故扎薩克圖汗瑪呢巴咱爾子車林端多布襲爵○甲申

上詣

大高殿行禮

時應官拈香○還宮○御乾清宮召讀卷官  
入親閱定進呈十卷甲第○諭內閣前據御  
史重豫奏新疆地方歲需官兵俸餉請在南  
北兩路每年添鑄錢數萬串以資挾放當經  
降旨著奕山等體察情形是否可行奏明覈  
辦茲據奏稱○新疆各城近因銅苗不旺設法  
覓採未有成效現在銅斤僅敷寶伊局春卯  
鼓鑄之用秋卯能否照常鼓鑄尚須查看情  
形斟酌辦理實不能添鑄錢文該處近來商  
賈雲集貿易四通銀兩並無壅滯錢文足資  
流轉亦不急需添鑄等語所奏自係實在情  
形著仍照舊辦理惟該處銅鉛現在既形短  
絀布彥泰到任後務當督飭各城委員留心  
相度有可開採之處實力採挖以裕鼓鑄○  
諭軍機大臣等祁寓藻等覆奏御史杜彥士  
條奏漳泉械關結會毀墳及私設銃樓一摺  
覽奏均悉其應禁革查辦各款並嚴緝兇犯  
分查屬員諱匿等情俱著照所議辦理務須

從實從嚴毋得遷就至各鄉私設銃樓名為  
保守鄉村實則豫備械鬪之用此種惡習亟  
應示禁著鄧廷楨分飭嚴查一律拆毀淨盡  
又另片奏同安縣積善里舊有淫祠著一併  
拆毀其長泰縣生員王磐等控告毀墳一案  
著交該地方官秉公查辦又另片奏被叅知  
縣陳偕燦與黃爵滋係屬同城舊識著毋庸  
會訊仍著祁寓藻等將被叅同知龍大憚等  
各案逐款查辦定擬具奏將此各諭令知之  
尋奏訊明署淡水廳同知龍大憚並無信任  
書吏胡海等交通舞弊及添設差役騷擾鄉  
民情事惟另給差役功單於鄉民送掛匾額  
不行禁止並失察丁役詐贓宿倡應交部議  
處胡海嚇詐鄉民洋銀應發近邊充軍門丁  
楊三差役陳和宿倡屬實問擬枷杖下部議  
從之○乙酉  
上御太和殿傳臚賜一甲李承霖馮桂芬張百  
揆三人進士及第二甲殷壽彭等八十七人



進士出身三甲何其仁等九十八人同進士出身○幸圓明園○詣綺春園問

皇太后安○諭內閣奉

皇太后懿旨靜貴妃博爾濟吉特氏晉封皇貴妃貴人烏雅氏晉封琳嬪應行禮儀各該衙門按例辦理○又諭林則徐等奏籌議添建礮臺一摺廣東尖沙嘴一帶地方為夷船經由寄泊之區又係該省船隻東赴惠潮北往閩浙要道該督等相度情形請於尖沙嘴及

官涌兩處各建礮臺一座聲勢既相聯絡控制亦極得宜著照所議趕緊建築以資防制其尖沙嘴礮臺估需工料銀一萬七千九百五十一兩零官涌礮臺估需工料銀一萬四千四十六兩零准其在於商捐前山營生息銀內動支給辦免其造冊報銷又另片奏新添靖遠礮臺兵丁一百五十名操演大礮及春秋兩次操演請照虎門所設各礮臺一體發給口糧每年共需銀一百二十兩即在原

清 實 錄 道光二十年四月

定寬備經費項內按次散給以示體恤亦著照所議辦理○諭軍機大臣等林則徐等覆奏曾望顏條陳一摺覽奏均悉夷情狡獪異常總不外牟利之一途惟在彼之伎倆百出不窮而在我之控制總宜堅定恭順者自未便與抗違者一同拒絕以致良莠不分現據該督等體察情形相機妥辦斷絕鴉片實為扼要首圖前此大經懲創該夷等萬不敢明目張膽運送入口而私販潛藏夾帶囤積種種弊竇在所難免該督等務當水陸交嚴趁此可乘之機永將來源杜絕至漢奸接濟淡水或代為包庇運送煙土尤應嚴密查辦毋稍疏懈每年出口大黃茶葉既據該督等奏稱三年通融併計示以酌中之道仍當嚴查偷漏毋令有名無實將此諭知林則徐怡良關天培郭繼昌並傳諭豫堃知之○廣東布政使熊常鐸因病解任以陝西按察使梁寶常為廣東布政使河南糧鹽道李星沅為陝

西按察使○改廣東澄海協副將為大鵬協副將駐大鵬九龍山澄海協都司為大鵬協中軍都司兼管左營事務駐大鵬所城大鵬營參將為澄海營參將駐澄海協大鵬左營守備為澄海左營中軍守備駐縣城澄海左營守備為左營左軍分防守備仍駐蓬州均作為外海水師題補缺添設大鵬左營把總二員外委二員額外外委二員兵二百九十一名右營千總一員把總一員外委二員額外外委二員兵二百九名撥把總一員兵七十五名防右營官涌礮臺把總一員防九龍山礮臺原駐九龍礮臺千總一員並新設額外外委一員兵一百三十名防左營尖沙嘴礮臺外委一員兵十五名防前經裁撤之左營紅爐汛從總督林則徐請也○丙戌諭內閣烏爾恭額奏查辦裁種罌粟請將緝犯無獲之府縣摘頂勒緝一摺浙江温州台州等府向有私種罌粟情事屢經飭禁如果地方

官認真查辦自己漸就肅清該民人等何敢妄干功令茲據奏稱因查拏天台縣屬村莊私種罌粟竟被奸民聚眾抗拒歷任大小文武官員養癰貽患廢弛已極況該府縣赴鄉按拏竟無一名弋獲尤屬疲懦無能台州府知府潘觀藻署天台縣知縣高振宛均著先行摘去頂帶勒限兩箇月務將朱泳丁楊士履等犯按名弋獲根究首從各情分別嚴懲限滿無獲即行嚴叅該撫仍飭該道等偏加確勘如有查辦不實之員稟明分別糾叅其偏僻村鄉私種罌粟即著一律剷除不留餘毒以示除惡務盡之意○修浙江東西兩塘柴埽盤頭各工從巡撫烏爾恭額請也○丁亥諭內閣已革候選兵馬司吏目汪毓金前因錢債細故牽控大員降旨飭令軍機大臣會同刑部審訊當經逐款訊明將該革員照告許不干已事例擬軍情允罪當毫無疑義乃該革員因監候待質輒復逞刁妄控意欲

藉端拖延茲據該大臣等將供詞呈覽憑臆  
撫拾污穢大臣此種刁風斷不可長汪毓金  
著即發往伊犁充當苦差○又諭御史善奎  
著查俸米聽受家人慫恿添派書吏並不公  
同商酌自行出票濫傳復於各糧書傳到時  
任令家人干預當堂囑令派差意存徇庇並  
不即行斥阻種種錯謬著交部嚴加議處○  
戶部尚書兼管順天府府尹事卓秉恬等奏  
審擬良鄉縣隆峯寺僧人勾引婦女拒捕毆  
差一案得旨僧人真碧著於犯事地方加枷  
號兩箇月發極邊四千里充軍空瑞著加枷  
號一箇月發近邊充軍已革把總任國立著  
發往伊犁效力贖罪○戊子  
上幸萬壽山詣  
廣潤祠拈香○遣惠親王綿愉詣  
天神壇睿親王仁壽詣  
地祇壇鄭親王烏爾恭阿詣  
太歲壇瑞郡王奕誌詣

宣仁廟  
凝和廟成郡王載銳詣  
昭顯廟  
時應宮祈雨○遣怡親王載垣詣密雲縣  
白龍潭祈雨○河南巡撫牛鑑奏察看衛河  
請循例分日濟運灌田得旨隨時酌辦濟運  
灌田原難偏廢總在辦理得宜加意為之母  
忽○以翰林院編修葉觀儀為雲南鄉試正  
考官京畿道御史陳熙曾為副考官翰林院  
編修蔡振武為貴州鄉試正考官檢討夏廷  
樑為副考官○己丑  
孝慎皇后忌辰遣官祭  
陵寢○諭內閣德興奏估變官犯家產請照例  
按股分給一摺已革郎中慶玉應抄家產前  
據供稱伊有弟兄三人同居各爨茲據德興  
奏稱已由該管各官詳查結報著准其照例  
辦理所有慶玉一股銀兩即交該處貯庫備  
抵至所請賞還瑩地房間之處除瑩地例不



督履勘與原估多有未符。且屢催迄未截事。前任荊州府告病知府王若閔任聽書吏朦估。率行詳報。荆宜施道陶樑前代理荊州府事。襄陽府同知張書年接手承辦。並不認真釐剔。均屬草率玩延。王若閔陶樑張書年著一併交部嚴加議處。全工俱不准開銷。以示懲儆。其未完工段勒令各段夫頭照依領估丈尺趕緊加培補足。刻日報竣。毋再玩延。○江蘇巡撫裕謙奏蘇省民俗浮華。現倡率屬

官躬行節儉。冀以身教並勤加勸諭。務令返樸還淳。得旨如能漸有成效。善莫大焉。勉力化導之。○壬辰

孝誠仁皇后忌辰遣官祭

景陵○諭內閣現在

孝全皇后梓宮暫安觀德殿八旗官員人等。或因此不敢嫁娶。惟已逾百日之期。其有未經嫁娶者。著即照常舉行。○湖南巡撫裕泰奏續獲販煙及吸食人犯並起獲煙土煙膏。

得旨必須始終一力查拏。不准稍懈。勉之又奏各營造補軍械完竣。批數實認真。不出此二語也。○命翰林院編修李汝璣在上書房行走。○癸巳

上詣

大高殿行禮。○還宮。○命大學士王鼎戶部尚書隆文教習庶吉士。○授一甲一名進士李承霖為翰林院修撰。二名進士馮桂芬三名進士張百揆為翰林院編修。○旌表守正捐

軀安徽天長縣民婦佟陸氏女大女。○甲午考試應開列試差滿漢二品以下京堂各官於上書房。○乙未

上幸圓明園。○詣綺春園問

皇太后安。○諭內閣現在記名應用水師總兵人員。業經用竣。著兩江閩浙兩廣總督各於水師副將內即行遴選堪勝總兵者。保奏一二員送部引見。候朕記名以備簡用。該督等統轄全省營伍。平日自當留意真才。用儲干

城之選。不得以無員可保。一奏塞責。至所保各員。即著迅速送部引見。毋稍稽遲。○以候補三品京堂連貴為大理寺卿。○調浙江定海鎮總兵官張朝發為福建海壇鎮總兵官。以福建閩安協副將吳建勳為定海鎮總兵官。○丙申。諭內閣。喀喇沁扎薩克郡王色伯克多爾濟具呈懇請於各鋪民所取該旗蒙古人利息內。抽分幫貼充公。覈與成案不符。惟既稱蒙古人產業盡被鋪民侵占。必應究

明該民人等實在有無倚勢盤剝侵奪情事。按律懲辦。著交熱河都統提傳人證。查訊明確。並將應否准令抽分幫貼充公之處。覈實定斷。以昭平允。而免濫訴。尋奏各鋪民於乾隆嘉慶年間。在王旗租地蓋房開鋪。每年交地基銀自十兩至三十兩不等。每兩折京錢一千七八百文。今該王欲抽分地鋪銀兩。雖為幫貼充公起見。究屬重徵。查各鋪民所交地租。在乾隆年間銀價本低。今則每兩易京

錢三千五六百文。應令鋪民盡交實銀。按照口外時價除交業主一千七八百文外。餘錢交該王充公。下理藩院議從之。○丁酉。以京師得雨未透。於十二日遣惠親王綿愉詣天神壇。鄭親王烏爾恭阿詣地祇壇。莊親王綿護詣太歲壇。瑞郡王奕誌詣宣仁廟。凝和廟。成郡王載銳詣昭顯廟。

時應宮祈禱。○引見新科進士。得旨。一甲三名李承霖。馮桂芬。張百揆。業經授職外。殷壽彭。莊受祺。王祖培。廉師敏。顧嘉蘅。金肇洛。厲恩。官陳。枚。黃。麟。祥。鄒。振。杰。李。載。熙。史。淳。鄭。元。璧。卓。樞。翁。同。書。方。允。鑲。王。沆。吳。敬。義。萬。青。藜。葉。球。沈。元。泰。鄭。瓊。詔。吳。保。泰。黃。兆。麟。彭。飛。鴻。許。振。初。甘。守。先。匡。源。毓。雲。范。承。典。馬。鑄。龔。紹。仁。周。炳。鑑。黃。倬。宗。室。和。潤。鄭。大。誠。蕭。時。馥。車。

順軌蔣琦淳殷兆鏞周鎮南林鶚騰蔡殿齊  
湯雲松顧開第雷維翰曹炯吳廷溥胡光泰  
何其仁虞家泰韓錦雲李祐主衡孫晉堦俱  
著改為翰林院庶吉士莫以枋董醇李希郅  
陳洪鐘楊從矩顧份鄭鈞吳台朗李銘皖椿  
壽倪應復洪國治邱璿王啓圖陳魯黃桂馥  
張清泰周連仲魏睦庭武汝清三壽何杓朗  
廷愷安鑰甯曾綸恆福熙恬謝重毅俱著分  
部學習邵綸張同登姚近韓鍾漢章俱著以

內閣中書用秦金鑑朱瀚咸貞鮑錫年朱時  
中祥恩洪起燾劉寶楠慕維城方奎炯顏履  
敬白雙南萬起鴻尹宗淳龔瑛王爰相張爾  
宇王繼閔周誠之李燁邱文藻鍾英宋衍鏞  
湯師洪李祝齡王晉薛鴻兆楊福五黃贊禹  
楊汝芝梁寶書許倫梁國珍曹士鶴李樹澤  
賈洪詔范梁黃夢菊樓瓊馮杰白聯元方銘  
賢晏芬韓捧日查日華李金鰲吳世涵朱以  
升楊春和孫肇元鄭慶祿李焜崔洲朱鎮崇

亮魏光宇侯履中華翊亨李蒙象謝寶樹姚  
銘鼎黃賜履李淳生永錫王廷幹善恆王元  
善杜廷楷李曉劉松嶺王金相張鵬程王清  
渠熊燦奎張鳴曉趙垣閻朝貴佈秀泰陳鋌  
陳嘉勳俱著交吏部掣籤分發各省以知縣  
即用禮部候補主事敬和著以主事即用餘  
著歸班銓選○戊戌以甘霖渥沛仍於十二  
日遣惠親王綿愉詣  
天神壇鄭親王烏爾恭阿詣

地祇壇莊親王綿護詣

太歲壇瑞郡王奕誌詣

宣仁廟

凝和廟成郡王載銳詣

昭顯廟

時應宮改祈為報○諭軍機大臣等給事中  
巫宜稷奏閩省漳泉二府濫雇匪徒充當民  
壯署惠安縣知縣陳偕燦信任門丁陳四等  
需索各款又另摺奏參晉江縣盡役許吉即

許開景永春州蠹役陳彩盤踞舞法屢年被控並將該二役所犯重案開單具奏閩省吏治廢弛亟應整頓若如所奏地方官縱役殃民民壯肆行酷虐種種不法貽害地方深堪髮指前有人叅奏署知縣陳偕燦吸食鴉片各款曾經降旨交祁寓藻等查辦並准黃爵滋毋庸會訊此次所交各案除陳偕燦被叅各案黃爵滋仍毋庸會訊外其餘各件著祁寓藻黃爵滋鄧廷楨英文鎔按照摺單所開逐一親提嚴訊定擬具奏原摺單均著鈔給閱看將此各諭令知之○展緩福建乏商應徵道光七十八兩年正溢課銀○己亥諭內閣給事中周春祺奏外省大員不應以隔品試用人員署理一摺著吏部議奏其署湖北臬司之候補道查廷華署直隸宣化府知府之候補同知師兆熊署長蘆鹽運司之運判楊成業是否違例之處並著該部查明具奏尋查查廷華係查炳華之誤查炳華師兆

熊揚成業等署理各缺均與例案相符並無錯誤該給事中所請嗣後不應以隔品人員署理之處應飭各督撫聲明辦理得旨嗣後凡遇藩臬運司道府出缺時著該督撫等因地因時察看情形先儘遞次應署人員署理不得遽以隔品人員署理其有一時乏人亦著將不得不以隔品及試用人員署理之處據實詳細聲明以符定例而昭體制○諭軍機大臣等林則徐等奏洋商捐繳銀兩藉供經費一摺廣東查辦鴉片驅逐夷船亟應籌措經費現據洋商伍紹榮等呈請將茶葉一項應得行用銀兩捐繳三年按卯解庫聽候提用等情著即准其捐繳俟年限屆滿由該督等覈明總數奏請恩施此項銀兩著免其造冊報銷該督等務須撙節動用覈實支銷將此諭知林則徐怡良並傳諭豫望知之○廣西巡撫梁章鉅奏覆查保甲完竣並嚴禁種買鴉片一摺得旨該何易易若稍不認真



無非空言塞責於事何益勉力為之○以翰林院編修楊能格為廣東鄉試正考官山東道御史高人鑑為副考官刑部郎中黃恩彤為廣西鄉試正考官主事林揚祖為副考官詹事府詹事慧成為福建鄉試正考官翰林院編修路慎莊為副考官○庚子

孝全皇后梓宮前月祭命皇子行禮○諭內閣明訓秦懇請開墾漁泡津貼丁差一摺盛京陵寢祭品所需魚果向有官給山場河泡派丁

採捕交納近年需用日增壯丁採辦不無竭蹶茲據該侍郎查明該衙門所管捕魚河泡內有淤塞之處相度土脈均堪耕種自應酌量調劑所有此項淤乾地畝加恩著賞給該衙門捕魚採果壯丁開墾耕種俾採辦有資仍著該侍郎派員妥為經理務使實惠均霑○又諭前據御史杜彥士奏閩省文武需索煙匪陋規各款並漳泉盜匪日多請飭認真緝拏當交祁寯藻等查辦茲據逐款詳查確

訊據實具奏所有現經拏獲黃遠等爭毆斃命一案著交臬司常恆昌審訊明確照例辦理在逃之施叔寶施金等均係通夷販煙要犯著鄧廷楨飭屬嚴拏務獲究辦至洋盜各款或現經審辦或咨緝未獲著該督嚴飭各該營縣勒緝首夥各犯務獲審究其失事地方文武有案情較重或諱劫為竊或諱多為少者即專摺奏參以示懲儆至吳偏等犯日久無獲捕務實屬廢弛著該督按其承緝月

日查取職名分別叅處仍督令嚴拏務獲以靖閭閻而安良善○旌表守正捐軀陝西臨潼縣民劉興才妻曹氏○辛丑

上詣綺春園問

皇太后安○諭內閣明歲各省舉人數計已屆四科例應大挑惟現在各省分發候補各員人數壅滯所有辛丑科大挑著暫緩一科於甲辰科會試後舉行○又諭何洛奉先因聽從劉五等行劫案內審依強盜情有可原免

死發遣到配又復脫逃經惠吉審照免死遣犯脫逃請旨即行正法茲據刑部援照道光十九年直隸拏獲逃遣王四案請照平常發遣人犯逃走例遞回發遣處枷號鞭責免死盜犯脫逃與平常遣犯逃走罪名輕重懸殊案關生死出入不厭精詳此案原犯情節是否與王四案事同一律著該部詳覈案情悉心定擬並向來新疆遇有似此案作何辦理一併查明具奏毋致兩歧○以雲南鄉試

副考官京畿道御史陳熙曾為四川夔州府知府戶部員外郎慶勛為雲南鄉試副考官○壬寅遣官祭

關帝廟○大學士軍機大臣穆彰阿等議覆兩廣總督林則徐奏請將窩販煙土人犯船貨產業分別給賞拏獲之人等語查新例凡開設窩口煙館與販鴉片本犯與知情受雇之船戶業主其房屋船隻一律入官上年籌禁浙省洋煙章程兵弁拏獲商漁船隻成箱

煙土將船及貨一半賞給首獲之人餘貨分賞同查之人又海船偷帶煙土舟人行戶首告者亦將船貨統給如貨並不在船係由水手中途偷帶者將貨給還原主船隻仍賞首告之人廣東自應一律辦理至所稱內地窩販亦可例推請無論在洋在岸一體照行等語伏思海口船隻隨處皆有員弁稽查裁賊等弊尚易覺察在岸煙土地方遼闊窮鄉僻壤稽察難周恐奸徒覬覦富民裁煙誣害不

可不防流弊所奏應毋庸議從之○以工部左侍郎文蔚署鑲黃旗護軍統領鑲白旗蒙古副都統白文治署正紅旗滿洲副都統○癸卯陝西布政使楊振麟因病解任以甘肅按察使陶廷杰為陝西布政使浙江鹽運使岳鎮南為甘肅按察使○甲辰諭內閣

天壇各壇樹株前經派員稽查迄今已閱數年著派桂輪善燾禧恩連貴桂德惠豐果升阿祁俊奕興白文治於本月十八日前往敬謹

查看並將補種回乾樹株各數目詳細查明據實具奏尋奏上得旨桂輪等奏恭查

天壇各壇樹株完竣著太常寺造具清冊咨送工部備查其內外園各處除實存各樹外所有風損回乾及缺空處所應否補種樹株著即行知該管衙門查明酌量補種○又諭哈豐阿奏查閱官兵技藝一摺鑲白旗佐領格成額鳳鳴俱年逾六旬步射平庸著勒令休致鑲黃旗恩騎尉保林正黃旗恩騎尉舒玉

俱年老力衰正黃旗雲騎尉吉陞正藍旗雲騎尉伍爾滾泰恩騎尉雙祿步箭均屬平常著照例開缺將應襲之人另請承襲奏明請旨辦理其擡礮一項不敷應用議請添鑄六十位共需工料價銀一千一百兩零著即於陝西藩庫閒款給發作正開銷毋庸捐廉辦理至該處挑出精銳備戰兵三千五百名現據查明操演均已純熟即於此項兵丁內擇其尤為熟練者選拔一千五百名一切軍火

器械妥為料理以備緩急著照所議辦理務須認真操練不得有名無實○諭軍機大臣等理藩院奏已革土默特貝子旗台吉慶寶遣抱告喇嘛洋齊克旦已在京呈控一摺已革台吉慶寶因家奴盜砍塋樹一案屢控不休曾經理藩院將本案印照並查出舊稿印式咨行熱河都統覈對訊辦業因比勘印文不符將該台吉擬罪茲又遣人呈控並牽涉承審司員喝令畫供等情案關罪名出入虛

實均應徹底根究且懸宕數年翻控不止一次必須虛衷推鞠當堂指示明確方可折服其心著阿勒清阿調取各項案卷印文提集案內人證秉公研審並著將印照及檢出鈐印陳稿對眾比較總令該台吉俯首無辭以成信讞將此諭令知之尋奏調取鈐印舊稿並印照當堂比較訊明達瑪林扎布實非慶寶家奴慶寶俯首無辭應於原犯呈遞封章邊遠軍罪上加一等發極邊煙瘴充軍係蒙

古旗人折枷免遣達瑪林扎布雖非慶寶家奴其瑩樹回乾並不向慶寶告知輒行砍伐應照不應重律酌加在瑩前枷號一箇月承審司員嚴達訊無喝令畫押等情惟未能虛衷鞠問折服其心應交部議處下部議從之○乙巳諭內閣前因吉林濫扣兵餉幫貼京員該將軍曾石與該副都統商酌會銜降旨令輯瑞明白回奏茲據奏稱此項攤扣餉銀經該將軍與前任副都統咸齡畫行存案咨行時該副都統曾經商酌會銜咨行輯瑞咸齡均著交部嚴加議處尋議革職得旨加恩賞給四等侍衛在大門上行走○御前大臣定郡王載銓等覆奏臣等面奉諭旨奏事處司員當差辛苦向無出路著酌擬鼓勵章程伏查奏事處向設司員六人內務府四人各部院二人輪班當差八年限滿差使無誤者列為二等即勤奮出色之員亦僅空列一等並無升遷外用之例今請於六人內如實有

差使奮勉始終不懈者每屆京察御前大臣將合例者保列一等一員帶領引見候旨記名召見開單請簡關差道府仍不占本衙門額缺僅循分供職即不必保奏餘照舊章毋庸更改從之○丁未上詣綺春園問皇太后安○御勤政殿聽政○諭內閣裕泰奏審擬包攬詞訟人犯一摺此案彭大等在京包攬詞訟業經步軍統領衙門拏解湖南由該撫審明定擬惟彭大之弟彭汶卓等及李義興家屬均在京居住其所開升官各店難保無外省民人投寓仍前包攬詞訟著步軍統領衙門順天府五城即將彭大家屬彭汶卓等及李義興家屬一併逐令回籍毋許逗留○又諭給事中巫宜禔奏教職保舉知縣班次壅滯請酌議疏通一摺著吏部議奏尋奏原奏請照教習之例自俸滿引見日起扣足三年呈請分發籤掣各省補用應如所奏

辦理至所請免其試用一節查各項分發皆分別試用今既援照教習之例自應試用二年不得以教職歷俸牽涉計算如有年力就衰不堪供職者照月選官例察看擬改從之○湖南巡撫裕泰奏續獲拜會搶竊匪犯得旨所辦好一力查緝毋許懈怠○鑲藍旗漢軍都統特依順保因病解任以理藩院尚書賽尚阿兼鑲藍旗漢軍都統○以雲南迪東道朱士達為四川按察使○戊申。

上詣

大高殿行禮○還宮○諭軍機大臣等據御史賀熙齡奏淮南綱引積壓太重淮北票鹽驗資太盛請亟籌變通以防誤課等語著伊里布督同該運司徹底確查通盤籌畫將前積兩綱引目如何設法疏通之處據實具奏至淮北驗資是否於淮南奏銷有礙其應如何酌量變通及將淮南無著懸引酌歸淮北之處並著該督督同運司詳籌妥議以期有利

無弊原摺鈔給閱看將此諭令知之尋總督牛鑑奏上下部議尋議據該督奏稱淮南疲乏由於積引增多目前先務不能不兼顧奏銷請以淮北協貼及代納懸引兩款銀六十萬餘兩歸入淮南正款湊報係為趕敷正課奏銷起見尚屬可行其淮北票鹽驗資增多票本增重漸為票法之害請停止驗資照上三屆販名引數分別派納開局試行應由該督體察情形辦理至所請辛丑至乙巳止

每綱提出六十萬引留為帶銷殘鹽地步其不敷雜款分派十綱帶完一節是該商等每綱實運僅止七十餘萬道停運引目幾及一半之數即使正課如額而每綱所短雜課尚有一百五十餘萬之多雜課亦關繫經費如分派十綱帶完有妨支應應請仍令照額引運不得遽請減運從之○又諭有人奏四川藩司劉韻珂訪得該省屬吏吸煙者七十餘人以員數太多至今尚未奏辦等語官員吸

食鴉片煙大千例禁該藩司既經訪聞何以不行奏辦著劉韻珂將查訪情形並訪明員數及因何不行奏辦之處不必知會寶興即自行據實覆奏儘有回護別經查出恐不能當此重咎也將此密諭知之○又諭有人奏江蘇巡撫裕謙於上年護撫時訪聞鹽務吸煙官員劉曙等十餘人札交鹽運使沈拱辰查辦延擱未行等語現當查辦鴉片喫緊之時劉曙等是否吸食及運司沈拱辰有無延擱情事必應從嚴根究著裕謙確切查明據實具奏毋任屬員消弭縱庇將此諭令知之○又諭有人奏江蘇常熟縣知縣常恩吳江縣知縣顧毓奇奉賢縣知縣景昌皆吸食鴉片聲名甚劣之員該省僅將顧毓奇景昌改簡常恩現任如故等語州縣身任民牧如果自行吸食豈能懲辦匪徒何以該省並不從嚴叅辦伊里布甫經到任無所用其回護著即嚴密訪查據實叅處將此諭令知之尋署

總督裕謙奏該員等並未吸食鴉片居官亦無劣跡惟顧毓奇辦公竭蹶請降補府經歷縣丞歸部銓選景昌性情顛預請勒令休致常恩辦事尚知奮勉應毋庸議從之○以夏至祭地於方澤自是日始齋戒三日○己酉諭內閣達明阿奏夷人呈繳煙土等語安集延回子熱霍邁提雅和普巴拉特胡達巴爾第等四名夾帶煙土進卡一聞查禁即全行呈繳尚知畏法著照例免其治罪嗣後夷人呈繳煙土或擎獲到官北路各城均著解赴伊犁交布彥泰關福驗明銷燬南路各城均著解赴葉爾羌交恩特亨額圖明額驗明銷燬以專責成而昭嚴實○諭軍機大臣等鄧廷楨覆奏查辦夷船在洋遊奕一摺覽奏均悉此種夷船始因漳泉奸民自用船隻赴粵洋購買鴉片繼則往來熟悉勾串漢奸以為內線牟利售

私總因該地方官庸懦養奸貪贖包庇以致鴉片充斥積重難返現經該督飭令水師提督等開礮轟擊先後逃逸已足震懾奸夷之膽惟該夷等嗜利藐法洋面行走熟悉難保不復萌故智多方勾引奸民再圖嘗試著鄧廷楨即照籌議章程水陸交嚴無稍鬆懈一面出示曉諭該夷現在禁絕鴉片洋面毗連內地非該夷等船隻遊奕之所自當遵懷王章駛回本國如抗拒不服即開礮轟擊其由

粵所運礮位正可妥為安置以壯聲威僅有漢奸仍前勾串作弊立即嚴拏懲辦並於粵閩交界地方多派文武員弁梭織巡查毋任走漏俟派查各案完竣該督即親赴泉州一帶兼查明漳州所屬洋面有無夷船蹤跡認真設法防堵驅逐以期弊端永絕洋面肅清是為至要將此諭令知之○以兵科給事中周頊為湖南鄉試正考官吏部主事王桂為副考官翰林院編修沈兆霖為四川鄉試正

考官羅惇衍為副考官○庚戌諭內閣德春等奏南糧幫船行程逾限請旨飭催等語南糧首二進軍船全入東境必須趕緊過關北工本年臨清開灌塘啟板逐幫積壓出關後又復節節阻淺紛紛逾限現在節交夏至若再任意耽延起卸固多掣肘回空尤虞阻滯著山東巡撫河東河道總督迅飭運河道專駐臨清籌辦灌塘啟放事宜毋再任聽稽遲其臨清夏津武城等處河道併著飭委勤幹

之員協助地方官撈淺籌剝務令在後各幫跟蹤前進以速漕行○貴州巡撫賀長齡奏拏獲興販吸食鴉片並栽種罌粟人犯及煙膏煙土煙具得旨所辦尚好一力查緝不准疏懈○以貴州查拏鴉片出力予府經歷梁汝舟等升用有差○辛亥夏至祭

地於

方澤

上親詣行禮○辛圓明園○詣綺春園問

皇太后安○協辦大學士兩江總督伊里布等奏江蘇揚通二府州屬漕糧向由揚州府糧河通判監兌惟通判兼理河務勢難兼顧請改委揚州府軍捕同知監兌以專責成下部議從之○江蘇巡撫裕謙奏拏獲吸食鴉片煙人犯得旨期於盡絕而後已勉之又奏陸續拏獲鄰省本省積盜並拏捕積匪窩家照例分別懲辦批所辦好一力勿懈○壬子孝恭仁皇后忌辰遣官祭

景陵○山東巡撫托渾布奏查辦吸食鴉片煙人犯得旨一力嚴查懲辦○調正黃旗蒙古副都統果升阿為吉林副都統賞降調副都統常恆二等侍衛為喀喇沙爾辦事大臣○以開墾塔什圖畢地畝出力予前任伊犁將軍奕山等議敘賞台吉伊什罕伯克哈里咱特散秩大臣職銜五品商伯克楚魯克花翎釋遣戍己革副都統倭楞泰等回旗回籍餘加銜升敘有差○癸丑諭內閣前據刑部議

覆免死逃遣何洛奉一案援案請照平常逃遣問擬降旨令該部覈案定擬茲據奏稱免死盜犯在配脫逃審照平常逃遣問擬者有顧守隴等四案此案何洛奉情節不符應仍照原擬斬決等語何洛奉著即照該都統原擬斬決即行正法所有辦理此案之刑部堂司各官該部自請議處之處著加恩寬免嗣後新疆地方遇有免死減等盜犯脫逃之案仍照向例問擬不准援照內地之案聲請以

杜兩歧○以鑲白旗蒙古參領國勒銘阿為正黃旗蒙古副都統○加賞二等侍衛新授喀喇沙爾辦事大臣常恆頭等侍衛○緩徵山東聊城聊城冠館陶邱德平原齊河臨邑陵德平堂邑恩高唐清平莘臨清夏津武城十九州縣並德州東昌臨清三衛被風被旱駐屯新舊額賦○甲寅

上幸靜明園詣

龍神廟拈香○諭內閣文沖奏請將開支浮



濫率請彙銷之道員勒令休致一摺河工動用錢糧全在道員搏節率屬嚴加稽查方不致有虛糜河南開歸道張坦於豫辦土工驗收後輒復以無稽之工藉稱前河臣指示添估需銀至四萬八千餘兩之多經文冲查明所稟各工既無前河臣飭辦之案又無各廳請修之稟實屬開支浮濫張坦著即勒令休致○修山東運河加河捕河上河泉河五廳土石隄埽各工從河道總督文冲請也○乙

卯諭內閣戴鈞等奏請飭工部辦理要差一摺此次

孝全皇后奉安事宜所有宮門內應搭蘆殿平臺戲橋等項著交工部派員承辦至宮門外各項棚座仍著戴鈞等查照前案督率屬員敬謹備辦○又諭楊國楨奏請將前任四川提督張必祿飭赴晉省教演營伍等語該撫雖因訓練兵丁起見但以隔省廢員無故瀆請調用殊屬不合所有該撫請將該革員

赴晉之處著不准行○調浙江黃巖鎮總兵官張成龍為廣東陽江鎮總兵官陽江鎮總兵官何岳鍾為黃巖鎮總兵官○丙辰諭內閣裕謙奏拏獲山東假照案內要犯並請將奉差不慎之府經歷革職一摺此案前據托渾布奏獲代辦假照之東明縣生員王凌雲業經降旨解往直隸交琦善審辦茲據該撫將附搭張訓書船隻之左舒恭黃樹魁二犯拏獲著即委員解往直隸歸案審辦江蘇試

用府經歷張訓書著先行革職俟左舒恭等審定後查明是否知情再行分別辦理○江蘇巡撫裕謙奏婦女出家為尼例雖不禁然傷敗風化褻瀆神明深為風俗人心之害現酌定章程嚴飭各地方官將著名淫亂及幽僻小巷各巷全行拆毀令四十以上老尼婦歸併居住三十以下幼尼均勒令還俗得旨如此任勞任怨可嘉之至○賞還三品頂帶理藩院尚書賽尚阿一品頂帶左侍郎吉倫



所加築護隄護灘。○襄河兩面隄畔。應用甄石多砌。門一交夏令。相機啓閉。○襄河水勢浩大。應添造滾壩。冬啓夏閉。倣照沿江改作之法。於兩岸低窪處所。引渠納水。俱應如該督所請辦理。惟興利必兼防患。施功貴有成謀。應令該督通盤籌畫。務須拔本塞源。為一勞永逸之計。從之。○禮部議奏。江西巡撫錢寶琛奏。審明大庾縣生員劉朝進。具控該學教官延阻增缺一案。請嗣後廩增無論何

項出缺。應由該學呈報者。於三日內具詳學政。應由學政飭知者。於三日內劄行該學。隨空隨詳。隨詳隨補。於歲科兩試解部。廩增冊內註明某人出缺。某人頂補年月日。查有逾限。即行叅處。增生補廩。所遺增缺。即照上次奏定章程辦理。茲江西學政吳其濬。准補拔貢所遺廩缺。辦理兩歧。請交部議處。從之。○庚申諭內閣。朱樹奎衛河淺阻。請飭實力疏濬。並調道員親身督催一摺。本年衛河來源

微弱。漕船出閘以後。節節淺阻。現雖籌辦撥運。仍宜加意撈挖。著飭沿河各員實力疏濬。俾資浮送。至山東濟東道。直隸天津道。均有督催之責。現在衛河淺阻。既有壅滯情形。著直隸總督山東巡撫。飭令各該道親身督辦。以免貽誤。○諭軍機大臣等。朱樹奎衛河不能下注。請飭查辦等語。前據朱樹奎看衛河奏明河南修武縣石閘兩岸。皆有渠口壩根。恐有攔截全河之弊。應飭嚴行查禁。又新鄉

縣之民樂橋有土埂一道。應令及早挑挖。原冀衛水順流。毫無阻遏。今衛河不能濟運。該二處曾否遵辦。至衛水濟運灌田。原難偏廢。但恐民間恃有便用章程。將渠河概引灌田。不令涓滴下注。於運道大有妨礙。著文冲牛鑑。察看衛河情形。將曾否查禁挑挖。及濟運灌田如何。並行不悖之處。一面妥速辦理。仍將實在情形具奏。將此諭令知之。尋文冲奏查勘修武縣之閘基壩根。新鄉縣之民樂橋

土埂均已啓除淨盡並無阻遏及截水情事查衛河需水之際正民田待溉之時民以食為天斷不能視田禾之枯槁置之不問惟天時早澇不齊自宜權其輕重嗣後如雨水愆期衛河微弱船行稍遲一二十日者一經水長仍可以速補遲毋庸變通舊章儻天時旱乾糧船阻滯日久是漕糧尤重於民田應將丹衛二河民渠民閘暫行堵閉以利漕運從之○予故兩江總督陶澍入祀名宦祠從江

蘇巡撫裕謙請也○朝鮮國使臣李時仁等三人於出入賢良門外瞻觀○辛酉諭內閣鄧廷楨等奏哨船攻擊番舶生擒黑夷拏獲漢奸一摺夷匪來至閩洋圖銷鴉片奸民勾通販運隨地蔓延經鄧廷楨等督飭員弁分路攻擊夷人受傷落水無算生擒黑夷二名並截獲通夷匪船人煙並獲所辦認真可嘉所有在事文武員弁著鄧廷楨等擇其尤為出力者酌保數員候朕施恩毋許冒濫○欽

差兵部尚書祁寯藻等覆奏訊明已革福建羅溪縣縣丞許兆榕因拘傳案證輒聽信丁書捏報移營會拏向無辜之吳田詐贓三十兩復因會營查拏被案牽控之黃親以致弁兵被傷請從重發往軍臺效力贖罪下部議從之○壬戌諭內閣寶興奏督辦防邊事宜完竣一摺四川馬邊等處夷匪頻年不靖上年特頒帑銀飭令該督籌議防邊章程期於一勞永逸茲據奏稱應建碉堡等工一律完

竣弁弁技藝改觀現在夷匪斂戢邊民復業間有夷匪潛出即經弁兵擊斃請將留防兵勇概行撤退著照所議辦理經此次籌辦之後該督等務當督飭員弁認真防範以期有備無虞毋任始勤終怠以固邊防而除民患○又諭御史萬超奏請申禁販賣幼童一摺著步軍統領衙門順天府五城會議具奏尋奏販賣子女例有治罪明文毋庸另立科條該御史奏戲班寓所藏奸納汙旗民子弟宴

飲賭博吸食鴉片。自當隨時嚴拏。所稱正陽門外五道廟名貴堂。係貴堂客寓。為販賣幼童住歇之所。現查尚無前項不法人等住歇。嗣後如有拏獲。即將該店戶送交刑部。照窩主知情與犯人同罪例治罪。並飭該管官將各地面店戶按月結報一次。戲班寓所幼童身死。令該親屬呈報。該管官驗明有無傷痕。出具切結詳辦。從之。○諭軍機大臣等。御史尋步月奏蒲灘鹵氣日盛。墾復無效。請酌量

變通一摺。山西蒲灘鹽地。是否可照浙江南沙地方認配成案辦理。抑或民曬官銷。那引分辦。其蒲灘產鹽處所。應如何設立界限。著楊國楨體察情形。妥議具奏。原摺鈔給閱看。將此諭令知之。尋奏蒲灘私曬查禁已久。且與浙江南沙地方情形不同。難以照辦。民曬官銷。那引分辦。亦屬窒礙難行。惟查禁既嚴。居民謀生乏術。不能不量為變通。懇將河工加價銀一十二萬六千餘兩一半作為蒲灘

津貼代賦一半貼補運商。以甦商困。下部議。尋議蒲灘鹽地既據該撫查明諸多窒礙。自應仍前嚴禁。惟津貼灘民。前已奏准由商人捐辦。何得再請津貼。況蒲灘地畝較前僅增南灘十五里有餘。因何津貼代賦竟需銀六萬餘兩。且河東引地鹽價多係以鹽售銀。以銀交課。何得藉詞銀價虧折。遽請貼補。應毋庸議。從之。○旌表守正捐軀安徽蒙城縣民張成妻陳氏。○修造浙江温州寧波二府巡

洋船隻。從巡撫烏爾恭額請也。○癸亥諭內閣。周天爵。伍長華奏營弁稟許知縣知縣反許總督各一摺。向來匿名揭帖概行銷燬。例不查辦。此案湖北保安汛外委陳俊烈拾獲匿名揭帖。羅列大冶縣知縣孔廣義各款劣跡。該弁呈遞時。該督即不應查辦。乃因查辦該知縣劣款。遂致反噬總督。實屬自生枝節。況孔廣義各項劣跡。該督等既稱先有風聞。即應採訪確實。按律懲辦。又何用拆閱匿帖。

作此違例之舉。若各省紛紛查辦。匿名揭帖。成何事體。伍長華奏請欽派大臣赴楚查辦。似此地方官應辦之事。總由該督等辦理。失當。以致被屬員挾制。不值欽派大臣前往。大治縣知縣孔廣義。保安汛外委陳俊烈。均著革職。即交伍長華督同藩臬。秉公嚴訊。此項揭帖。是否即係該弁挾嫌編造。抑係拾獲。著嚴拏確訊。按律治罪。並著仍照訪聞該縣各款。逐一推鞫。毋稍含混。據實具奏。匪帖內所

列各款。一概不准覈辦。周天爵摺內奏稱。既經該外委呈來。即不得謂揭帖無名。遽置不問。伍長華奏。未便因匿名揭帖。例不准辦。遂置訪聞劣跡於不問等語。實屬錯謬。不曉事體。周天爵。伍長華。均著交部議處。○吏部議奏。給事中周春祺。奏捐班候補道府。營謀保奏儘先。且補兼三兼四題缺。非所以飭官方。請嗣後保奏儘先者。補病故休致之中簡缺。於捐班內儘先補用。不准全占升調。丁憂終

養叅劾改補各缺。並兼三兼四題缺等因。查委用試用道府等官。祇補升調遺缺。該給事中請補告病病故休致之缺。係屬錯誤。請嗣後捐納道府分發試用人員。保奏先補即補者。於本班到班之前。先用准補升調所遺選缺。如該省並無題調缺分。遇有告病病故休致三項選缺。亦准扣留題補。從之。○補造福建各廠戰船。從總督鄧廷楨請也。○乙丑上詣綺春園問

皇太后安。○諭內閣吏部奏。叅員赴部具呈。並前後巡撫奏咨兩歧。請旨飭查。此案安徽前署當塗縣知縣黃鳳樓。先經前任巡撫色卜星額奏。叅該員於民人呈繳煙具。並不解驗。自行銷燬。顯有不實不盡。業經降旨交部嚴加議處。嗣據該撫程楸采。又以該員實係稟府有案。並非捏飾。咨覆到部。要與原叅不符。並據該叅員黃鳳樓赴部呈請查辦。著程楸采。即將黃鳳樓應否叅處。及前後巡撫何以

奏咨兩歧之處。查明據實具奏。尋奏黃鳳樓於民人呈繳煙具。經該府胡元煒面諭對眾銷燬立案。胡元煒旋即丁憂。未及轉稟。致黃鳳樓被叅。下部議。尋議黃鳳樓降調之案。請開復。胡元煒應申不申。罰俸六箇月。從之。○丙寅。以浙江處州鎮總兵官高明德為鑒儀衛鑒儀使。湖南寶慶協副將鄭國鴻為處州鎮總兵官。○丁卯。諭內閣。耆英等奏查勘

永陵

啓運殿應修工程一摺

永陵

啓運殿前後坡。俱有滲漏情形。自應敬謹興修。以昭慎重。所有恭移

神牌吉日吉時。著欽天監迅速敬謹選擇具奏。並著工部奏派大臣前往勘估。○又諭。此次朝鮮謝恩貢物。著准其留抵下次正貢。其年貢

孝全皇后前禮物。前經降旨發還。茲據該國

使臣復將原貢帶來。情詞懇切。具見惻忱。著准其收存留抵下次正貢。以昭體恤。○又諭御史陳熾奏。解運銅船。宜慎選船戶。並嚴查奸私。以除積弊一摺。又另片奏。銅船過境。須派勤幹之員。飭與銅船一路行走。督率催趲等語。著銅船所過省分各督撫妥議具奏。○宗人府議奏貝子奕緒主使家人強奪已革總兵琦琛車馬等物。請革去固山貝子。得旨。奕緒著加恩免其革去固山貝子。仍罰俸五

年。分作十年扣抵。○以刑部尚書阿勒清阿兼正紅旗蒙古都統。○綏遠城將軍嵩溥年老休致。以禮部左侍郎色克精額為綏遠城將軍。○轉禮部右侍郎關聖保為左侍郎。調盛京戶部侍郎薩迎阿為禮部右侍郎。盛京刑部侍郎惟勤為盛京戶部侍郎。兼管奉天府府尹事。盛京工部侍郎柏蔭為盛京刑部侍郎。以都察院左副都御史德厚為盛京工部侍郎。○禮部議准河南巡撫牛鑑疏。報採

訪正陽縣節婦賀雷氏等十口。雲南巡撫顏伯燾疏報。永北廳貞節婦女梁劉氏等四十口。各請建總坊旌表。從之。○戊辰。諭內閣。天壇各壇。

太廟

社稷壇樹株。著派善燾端華春佑禧恩國勒銘。阿祁俊盛壘綿清。會同太常寺敬謹查看。造具清冊二分。一送工部。一送御前大臣備查。其樹株內鋸鉗情形。及應去枯枝。著一併查

明具奏。○又諭四川武生何巨川來京呈獻平夷三策。著交寶興確切查明。據實具奏。何巨川著該部照例解往備詢。尋奏。何巨川前因勦辦我邊夷匪。以伊殺賊立功。捏控擬杖。納贖在案。茲作平夷三策。稱上年與朱點等在馬邊隘口防守。殺斃賊魁三名。將屍捆沈河沱內等情。查上年並無夷匪出巢。河沱內亦無屍具。差傳朱點等久經外出。所陳順風舉火掃滅夷匪一策。查夷地老林。春夏陰霧

秋冬冰雪。均不能以火攻。所陳用兵六十分為三路。乘夜按夷巢。勦殺一策。查馬邊廳跬步皆山。我兵情形不熟。設前後為所阻截。豈不進退兩難。所陳俟夷匪出巢。先將藥子山歸路紮斷一策。查夷匪出擾。斷非藥子山一處所能截。其歸路各兵分防各汛。均關緊要。豈能聚集一處。均毋庸議。何巨川捏詞屢控。應擬杖革。下部議。從之。○以通政使司參議成觀宣為浙江鄉試正考官。翰林院編修何

冠英為副考官。大理寺卿趙光為江西鄉試正考官。翰林院修撰鈕福保為副考官。編修勞崇光為湖北鄉試正考官。福建道御史陳岱霖為副考官。○以詹事府詹事李芝昌為內閣學士。兼禮部侍郎銜。仍留浙江學政任。○己巳。

孝全皇后梓宮前月祭。命皇子行禮。○諭軍機大臣等。有人奏。湖北襄陽府屬之南漳縣。於五月初一二日。傳有民變之事。民間紛紛逃



避幾至七八州縣。襄陽安陸城門晝閉。恐係  
教匪餘黨散布謠言。驚恐愚民。得以乘間竊  
發等語。是否實有其事。著周天爵。伍長華。轉  
飭該管地方文武員弁。不動聲色。嚴密查訪。  
如有教匪餘黨潛伏民間。立即嚴拏究辦。以  
淨根株。毋許諱飾。將此諭令知之。○以理藩  
院尚書賽尚阿。署鑲紅旗漢軍都統。○以吏  
部右侍郎恩桂。署禮部尚書。兼管太常寺鴻  
臚寺事。○已革協辦大學士理藩院尚書英  
和。故賞三品卿銜。○庚午。

上幸萬壽山詣

廣潤祠拈香。○諭內閣。前據耆英等奏請興  
修

永陵

啓運殿工程。當降旨交欽天監選擇吉期。茲據  
奏稱擇於六月二十九日辰時。恭請

神牌安奉等語。屆期著耆英查照向例。敬謹安  
奉。○又諭。前據御史董瀛山奏倉場積蠹。當

降旨交倉場侍郎查明辦理。茲據德春等奏  
原奏無賴之徒數十為羣。借打鴿為名。在倉  
出入一節。該侍郎等於南新富新興平舊太  
四倉亦有訪聞。著即嚴飭監督加意防範。逐  
項稽查。毋任混匿。並著步軍統領衙門隨時  
緝拏。一有獲案。嚴行懲辦。○辛未。諭內閣。朱  
樹春巡洋船隻修造遲延一摺。漕標鹽城營  
額設巡船沙船八隻。東海營額設哨船沙船  
九隻。原以備駕駛而資巡哨。茲據該漕督查

明各船無一可用。承修之員於委勘飭修後  
又復延宕未報完工。以致該營屢報雇募民  
船殊屬不成事體。著兩江總督即將承修二  
營船隻歷任遲延各員職名送部分別議處。  
仍責令迅速修造完竣。其有署事之員雖經  
卸事。亦著協同修造。不准置身事外。以昭覈  
實而重要工。○江西巡撫錢寶琛奏鴉片煙  
案人數眾多。除罪應外遣者。仍俟部覆尋常  
軍流入犯一面咨部一面定地發配下部議

尋議外遣與軍流人犯罪無甚懸殊自應一體照辦毋庸聽候部覆其罪至斬絞例應題奏或案情疑似應比例定擬者均候部覆從之○貴州古州鎮總兵官富桑阿因病解任以前任湖南永州鎮總兵官崇福署古州鎮總兵官○以緝獲鴉片煙土出力予雲南知州李杰等升敘有差○添設雲南邱北縣知縣一員定為夷疆題調要缺裁恩樂縣知縣一員移師宗縣訓導為邱北縣訓導仍定

為選缺恩樂縣典史為邱北縣典史仍定為苗疆調缺改鎮沅直隸州知州為鎮沅直隸廳同知移駐恩樂縣仍定為苗疆題調要缺改邱北縣丞為鎮沅廳分防經歷仍定為夷疆調缺鎮沅州學正為鎮沅廳教授吏目為司獄恩樂縣教諭為鎮沅廳復設訓導均定為煙瘴要缺移臨安府捕盜同知駐阿迷州雙水塘定為繁疲難題調要缺改武定直隸州知州為部選簡缺開化鎮屬石榴紅汎為

石榴紅營阿迷州屬雙水塘為雙水汎移開化鎮右營都司千總把總各一員外委二員額外外委一員兵一百七十名駐石榴紅營臨元鎮千總一員兵一百名駐雙水汎添設廣西州屬臧草竜汎移廣西州營把總外委各一員兵一百名駐守移臨元鎮右營都司把總外委各一員及蒙自縣屬簸巖汎外委一員兵一百五十名斗母閣汎兵五十名駐蒙自縣城簸巖營守備仍撥歸臨元鎮右營

留外委一員兵五十名駐守簸巖汎改蒙自縣屬二塘為汎移縣城原設把總一員帶兵五十名駐守改阿迷州屬大小石牙隸文山縣管並歸開化鎮總轄裁順雲威遠二營兵各一百名撥歸開化鎮七十名臨元鎮五十名廣西營八十名從護總督顏伯燾請也○准江南興武等幫遭風漂失米石分限買補

○壬申  
上詣綺春園問

皇太后安○甲戌命兵部尚書裕誠刑部左侍郎文蔚敬謹勘估

永陵

啓運殿並盛京清寧宮鳳凰樓應修各工○乙亥

上詣

黑龍潭神祠拈香○諭內閣此次朝鮮國進香使臣著停其在部筵宴仍將兩次桌張一併頒給其使臣等例賞加賞物件著照例賞

○賞故朝鮮國副使尹命圭銀三百兩○丙子諭內閣祁寓藻等奏審明門丁藉案詐贓並知縣被叅款跡分別定擬一摺福建署惠安縣知縣陳偕燦曾經吸食鴉片並失察書差吸煙舞弊各情其於門丁陳四焚燒民房雖非主令故縱惟明知楊典等係屬無干輒索取洋銀開發差費始准免究實屬荒謬陳偕燦著革職發往新疆效力贖罪以昭炯戒情節較重不准完贖免罪○宗人府宗令載

銓等奏增改宗人府則例四條○查遠支總族長以及族長學長並近支學長三年無過俱有議敘惟近支族長向無議敘似未畫一請一體給以議敘再近年議敘遠支總族長不論是否管理妥善但滿限給予更覺冒濫請嗣後族學長有奏叅議處罰俸或停獎賞者將總族長本年議敘扣除○宗室文職降調從六品因臣衙門無從六品缺向以七品筆帖式借補若與應升人員一體升選副理事官及員外郎似未允協請嗣後此等借補人員遇有經歷主事缺出與委署主事一體升選不得仍前越次選用○例載宗室官員人等犯軍流徒等罪俱折圈禁答杖等罪折罰養贍錢糧並無加責實責之條嘉慶十三年道光五年節次奏改章程於圈禁外加以板責細繹舊例專為官員而言新例兼開散宗室覺羅言但未明晰辦理易混應明定科條凡王公及宗室覺羅大小官員因案科罪

俱照舊例辦理。毋庸加責實責。其應從重發遣者。請旨發往盛京等處充當苦差。惟閒散宗室覺羅。准照加責實責章程辦理。○臣衙門漢主事二缺。須保列京察一等。以六部主事調補後。方得升轉。是以一等為調劑之資。何如開一平允之路。請嗣後出色人員。仍予一等。即調六部主事。尋常二等人員。計俸亦准調用。得旨。漢主事調部。稍為變通之處。著吏部議奏。餘依議。尋奏應如所請。如一等無人。准於二等內。歷俸五年以上者。以六部主事調補。設京察內。俸滿已有二員。祇准俸深一員調部。其餘一員。俟下屆京察。再行辦理。從之。○丁丑。諭軍機大臣等。有人奏福建漳泉等府販煙奸商。因該省查辦嚴緊。勾結會匪盜匪。闖入江西地方。執持器械。衝突關津。由汀州邵武等處。入江西之寧都州及建昌府新城南豐等縣。經過撫州府金溪縣之許灣宜黃縣之棠陰各地方。自棠陰分路。或走

臨川縣直抵省城。或走臨江府樟樹鎮並袁州吉安等府。分投售賣。經棠陰司巡檢申報有案。又該縣仙一都陳坊橋地方。有匪黨百餘人。將葉姓莊房放火燒燬。打搶傷人。亦經報驗有案等語。現當查辦煙匪喫緊之時。如果所奏屬實。必當嚴行懲辦。著伊里布。錢寶琛。確切查明。果有匪徒闖入。擾害情事。即著認真堵拏。毋任諱飾縱庇。以除民患。將此諭令知之。○兩廣總督林則徐等奏。查喚夷近日來船。兵械較多。仍載鴉片。在彼總欲愚弄沿海漢奸。阻撓當官禁令。臣等於前次燒燬接濟匪船二十三隻後。仍嚴飭水陸文武嚴拏懲創。以夷船最畏焚燒。函商水師提臣關天培等。分帶兵勇。暗伏島澳。於五月初九日夜。將火船移近夷船聚泊處。所先後燒燬載煙夷船一隻。大小辦艇十一隻。近岸蓬寮九座。其衝突竄逃各夷船。彼此撞碰。叫喊不絕。夷人燒斃溺斃。及被煙毒迷斃者。不計其數。

我兵並無被害。似此頻經受創。當亦共知天朝重地。非么膺異類。所可玩法偷生。嗣後尤當時加釐剔。以肅海禁。而絕詭謀。得旨所辦可嘉之至。○戊寅。諭內閣。前據禮部奏。貴州添設廳學。加增學額。該撫未與學政會銜。降旨令賀長齡。王慶雲各行專摺。明白回奏。嗣據賀長齡奏。八寨廳添設學額。與王慶雲再三面商。繕摺之時。因王慶雲出省考試。未及會銜等語。本日又據王慶雲奏。到。覈與賀長

齡所奏無異。惟事關學校。該撫該學政前此並不聯銜具奏。均屬非是。賀長齡。王慶雲。均著交部議處。所請八寨廳添設廳學。及加增學額之處。著禮部議奏。尋奏。八寨廳歲科考試童生。附入都勻府學取進。向無定額。擬請添設文武學額四名。再於都勻府學裁撥二名。共計六名。移都勻縣學訓導。為八寨廳學訓導。恩拔歲貢廩增各生。均照小學辦理。從之。○湖廣總督周天爵奏。查閱營伍情形。得

旨。承平日久。諸多廢弛。必當加意訓練。期收實效。方好。○以翰林院編修張錫庚。為陝西鄉試正考官。刑部主事王積順。為副考官。戶部左侍郎文慶。為江南鄉試正考官。翰林院編修胡林翼。為副考官。○戶部議准。直隸總督琦善疏報。順天。永平。河間。天津。正定。遵化。六府州開墾地四百四十三頃有奇。照例升科。從之。○己卯。上詣綺春園問

皇太后安。○諭軍機大臣等。多歡奏。參前任阿克蘇辦事大臣璧昌任性妄為。騷擾臺站。一摺。據稱庫車阿克蘇烏什三城餉銀舊定章程。以八成元寶二成鹽撒搭放。璧昌款目未清。先駁後索。致使車馬往返奔馳。文書星夜載道等語。著恩特亨額詳細查明。據實具奏。其自請與回務章京一併交部查議之處。亦著俟查明具奏後。再降諭旨。原摺著鈔給閱看。將此諭令知之。○命陝甘總督瑚松額撥

銀二萬四百兩有奇解赴阿克蘇八千兩解赴庫車一萬四千三百兩有奇解赴喀喇沙爾二萬九千兩有奇解赴烏什備道光二十二年經費○庚辰諭內閣烏爾恭額奏嘆夷船隻駛入浙江定海縣登岸滋事情形一摺前因查禁鴉片煙廣東省已斷絕該夷貿易疊經降旨令沿海各督撫嚴加防範何竟毫無準備形同木偶致令登岸滋事烏爾恭額祝廷彪均著先行交部嚴加議處○又諭前

據吏部叅奏鄭履和朦混截取知縣一案當派隆文何汝霖查辦茲據該尚書等查明該員朦混屬實此案鄭履和知縣截取到班並不將從前就教呈明已屬違例及至派員查辦始供倩人寫呈不諳呈式實屬粗率含混鄭履和著即革職吏部雖已查出叅奏而於該省咨文到時並未將不合例之處詳查駁正究屬疏漏所有承辦司員及失察各堂官均交都察院分別議處廣西巡撫梁章鉅率

行撤委給咨亦屬疏忽著交部照例議處至該尚書等請將大挑人員其有曾經就教者應於冊內分晰註明及舉人揀選加具印結親身呈遞之處著吏部定議章程具奏尋奏請嗣後由就教挑取二等人員於大挑二等及揀選知縣冊內註明各督撫於舉人請咨將曾否就教以及不合例等項事故飭令據實聲明舉人呈請揀選取具同鄉京官印結旗員取具本佐領圖結聲明有無就教如匿

不聲敘者舉人及出結官一併叅辦從之○諭軍機大臣等寄諭福建提督余步雲本日據烏爾恭額由驛馳奏嘆夷船駛至浙江定海縣洋面登岸滋事著余步雲即酌帶弁兵星夜馳赴該處勦辦夷匪將此由四百里諭令知之○又諭寄諭浙江巡撫烏爾恭額嘆夷因查辦煙土絕其牟利之念朕早料其必有竄入海口滋擾之舉屢經訓誡有海口各省督撫提鎮嚴密防範不許該夷駛入

本日據烏爾恭額奏。倭夷致書定海鎮總兵。肆其狂悖。並知夷人俱已上岸圍攻城池。覽奏之餘。實深痛恨。此等醜類。不過小試其技。阻撓禁令。仍欲藉勢售私。他何能為。該巡撫提督果能認真防堵。水陸交嚴。何至縱令登岸有三四千人之多。似此偶遇事端。文武大吏即張皇失措。浙江營伍廢弛。不問可知。已另有諭旨將烏爾恭額。祝廷彪。交部嚴加議處。至定海縣孤懸海外。被圍甚急。該撫自應

添撥水師。馳往救援。而西駛夷船。難保不窺伺寧波鎮海等處要口。妄希占據。著即派委將弁分路嚴防。無許夷匪竄入。本日已降旨由四百里飭令余步雲酌帶弁兵前往剿辦。計日可到。該撫等務當悉心籌畫。稍贖前愆。儻再有疏虞。必當從重治罪。將此由四百里諭令知之。○又諭。寄諭閩浙總督鄧廷楨。前因查禁鴉片煙。早經降旨令沿海各督撫嚴加防範。本日據烏爾恭額奏。倭夷匪在

浙江定海縣滋事。已有旨由四百里諭令余步雲酌帶弁兵。星夜馳往剿辦。著鄧廷楨嚴飭各海口加意防範。毋得疏懈。將此由四百里諭令知之。○以吏部右侍郎恩桂署右翼前鋒統領。工部左侍郎文蔚兼總管內務府大臣。○以故雲南景東廳屬板橋驛土驛丞雲燦。南孫現龍襲職。○辛巳遣官祭火神廟。○壬午諭軍機大臣等。寄諭盛京將軍耆英。大學士直隸總督琦善。協辦大學士

兩江總督伊里布。江蘇巡撫裕謙。山東巡撫托渾布。昨據烏爾恭額奏。倭夷致書定海鎮總兵。肆其狂悖。並登岸滋事一摺。倭夷售煙圖利。經廣東省奏明斷其貿易。早料其分竄各路。肆行擾害。是以疊降諭旨。飭令有海口各省督撫嚴密防維。有備無患。乃該夷於本月初間。帶領船隻。在浙江象山洋面遊奕。復有大小夷船。從深水洋駛入定海縣洋面。致書總兵。語言狂悖。若使該省巡撫提督先事

豫防該夷等不過稍逞小技虛疑恫喝迨至計窮勢蹙自必返棹入洋無所希冀乃烏爾恭額等事前既無準備臨事復覺張皇以致該夷船駛至定海縣縱令三四人登岸滋擾似此武備廢弛深堪痛恨已將該撫等先行嚴議並調福建提督余步雲馳往會剿惟現在該處情形不能遙度該夷等或已擊退或仍與官兵抗拒俱未可定現據烏爾恭額奏稱尚有船隻西駛恐該夷等另有勾結分竄他省情事特用再行申諭該將軍督撫分飭將弁認真操練巡察加意防堵總當先事豫籌毋得臨時掣肘儻稍有疏懈致令該夷等竄入內洋蹂躪擾害朕惟該將軍督撫是問恐不能當此重咎也懷之○癸未諭內閣前據朱樹奏參江蘇總運各官延不隨幫降旨令裕謙查明參奏茲據奏常屬總運通判陳元齡松屬總運通判薩克慎已於四月十八二十等日起程太屬總運同知劉錫恩蘇

屬總運通判錢景曾亦於五月初八九日起程均已趕幫北上尚非無故逗留等語此次總運通判陳元齡等據該撫查明各有經手事件並已趕緊北行所有該員等應行查叅之處姑著加恩寬免嗣後總運各官仍著隨幫行走儻有遲誤即行指名叅辦不得因此次倖邀寬免輒藉稱經手事件妄冀屢叨寬典也○命刑部右侍郎德誠順天府府尹曾望顏監臨順天鄉試○甲申諭內閣鄧廷楨等奏請將被揭之鹽大使分別勒休革職一摺福建署詔安場鹽大使候補大使李安坤曾經吸食鴉片前署前江場鹽大使候補大使仇俊前署浯洲場事祥豐場鹽大使金嘯浦南場鹽大使張世泰同被揭叅軌堅不承認復敢捏詞希圖避就尤為狡賴李安坤仇俊金嘯張世泰著一併革職永不敘用○又諭本日據烏爾恭額等由驛馳奏定海縣城失守現籌堵禦一摺此次悞逆船隻擁眾滋



事官兵猝遇寇賊自應出奇制勝謀定後動  
迺該總兵張朝發懷諫撤守以致喪師失城  
情罪重大遊擊羅建功等於敗後遽即回鎮  
亦屬罪有應得定海鎮總兵張朝發署中營  
遊擊羅建功護左營遊擊錢炳煥護右營遊  
擊王萬年署中營守備龔配道均著革職拏  
問交部分別定罪烏爾恭額祝廷彪籌備不  
加前降旨交部嚴議茲據該部奏請革職尚  
不足以蔽辜惟現當防堵之時若竟予罷斥

治罪轉得置身事外烏爾恭額祝廷彪著先  
行革職暫留本任戴罪圖功以觀後效署定  
海縣知縣姚懷祥典史全福不屈投水被害  
身死實屬可憫著該部加等議卹○諭軍機  
大臣等本日據烏爾恭額等由驛馳奏定海  
縣城被倭夷攻破該撫等現駐鎮海縣防堵  
瞭見夷船多隻在笠山以外往來遊奕距鎮  
海不過十有餘里現在鎮海官兵止有二千  
餘名應俟大兵雲集合謀攻擊等語著鄧廷

楨選派閩省大員帶領舟師星飛赴浙無論  
夷船在於何處即會同浙江水師合兵會剿  
以期一鼓成擒將此由五百里諭令知之○  
又諭本日據烏爾恭額等由驛馳奏定海縣  
城被倭夷攻破該撫等現駐鎮海縣防堵瞭  
見夷船多隻在笠山以外往來遊奕鎮海官  
兵止有二千餘名應俟兵集攻擊等語著伊  
里布遴派帶兵大員揀選水師數千豫備調  
遣江浙相距較近浙省儻有警報該督一面

奏聞一面派兵迅速馳往應援毋稍延誤至  
江浙交界洋面督飭水師認真防堵毋令竄  
入將此由五百里諭令知之○又諭梁章鉅  
奏越南國王豫期請示來年恭祝萬壽進關  
日期一摺越南國王阮福昶祝嘏情殷所有  
該國使臣著於來年七月內到京該撫即酌  
定進關日期照會該國王遵照辦理將此諭  
令知之○以戶部尚書隆文署步軍統領○  
以攻擊夷船出力予福建守備任經猷等升

敘有差。乙酉。刑部等部議覆欽差兵部尚書祁寓藻等奏查禁福建漳泉府屬械鬪章程六條。漳泉所屬各廳縣有素稱難治者實缺少而署事多。官有苟且之心。民無伸訴之路。請令該督撫擇州縣中操守堅定實心愛民者調補。如三年中實有成效。保奏鼓勵。如有將械鬪之案匿不具報及分案辦理者。從嚴叅辦。漳泉所屬各州縣下鄉動輒會兵擾害不可勝言。請嗣後除大夥械鬪或拒

捕已成。照例會營幫捕外。尋常緝兇案件。不許輕易會營。漳泉鄉俗。各有家長。應令地方官親赴各鄉。擇耆老中有品望者。同姓之鄉立族正一人。族副數人。雜姓之鄉立黨正一人。黨副數人。令其約束勸獎。本年內無爭鬪者。縣官給扁額花紅一年。及六年以上。由道府院司給扁。係生員由學政獎拔。查有扶同隱匿。一併究治。漳泉大鄉各養無賴惡少數十百人。助鬪為生。批釁取利。應嚴飭地

方官查拏究辦。漳泉各屬好習鳥槍私藏私造。比戶皆然。應令地方官立限收繳。官為給價。移營備用。全繳者給扁獎賞。不繳者按律治罪。並查製造工匠火藥坊肆一併究辦。漳泉各屬多買異姓幼子為子。有一人至買數十子者。平時責令販洋取利。遇有械鬪。即令持械先驅。生則逼令頂兇。死則藉屍訛詐。應令地方官傳集各鄉紳耆。諭以禮法正其宗支。勸建義學教導。均應如該尚書等所奏辦理。從之。○封瑞懷親王綿忻長女為縣君。○丙戌。

上詣綺春園問

皇太后安。○諭內閣。此次噶咭喇逆夷滋事。攻陷定海。現經調兵合剿。不難即時撲滅。因思該夷先經投遞揭帖。恣其狂悖。逆夷文字。不通中國。必有漢奸為之代撰。且夷船多隻。闖入內洋。若無漢奸接引。逆夷豈識路途。以食毛踐土之民。敢於自外生成。為夷匪主謀嚮。

導實屬罪不容誅。至沿海弁兵疏於防範。已非尋常失察可比。若竟勾通接引。尤堪痛恨。著盛京直隸山東江蘇廣東福建各將軍督撫提鎮等分飭各屬嚴密查拏。如有內地奸民潛蹤出入。一經獲案。嚴究有無通匪導逆情事。從重懲辦。其疏防縱奸弁兵。亦著一體嚴拏。加等治罪。務令奸宄淨盡。毋任一名漏網。經此次諄諭之後。如各省海口仍有漢奸出入。別經獲案。不特該管員弁從嚴究治。定

將該將軍督撫提鎮等一併嚴懲。決不寬貸。懍之慎之。將此通諭知之。○倉場等衙門議覆給事中朱成烈奏條陳倉務一。那移廩座壓陳放新諸弊。由監督憚勞好逸所致。應如所請。開倉之日。責成滿漢監督監視。先期呈報查倉科道。逐日到倉彈壓稽查。○領票之後。有將米票賣與米鋪。致花戶勾結。有併票包領。那放諸弊。應如所奏。飭滿漢官遣家人赴領。違者議處。○花戶身後把持。難期杜絕。

惟遇案嚴辦。總在監督廉正勤明。自不敢肆然舞弊。一監督上倉家人名曰內司辦事。從前久有所聞。現恐不免應隨時密查嚴拏。○南新富新舊太興平四倉相連。請同日盤查。使花戶不能補運等語。查虧空得自風聞。未便率議盤查。惟嚴飭監督留心察看。約略估計。如顯有短絀。即稟明盤查。至所請溝洞石柱厚裹棘荆。亦難經久。不若用甎堵砌。較為堅固。一放米人夫偷藏升合。實所不免。應飭

監督加意防範。○花戶探聽何色米價高昂。即將何色多放。查各倉放米。先儘零廩。然後挨放掣定整廩。科道等逐袋籤驗。向無各廩齊開。任花戶朦混搭放情事。無庸另立章程。一車戶勾串花戶。向領米之人勒索包攬。分肥。請飭步軍統領等衙門。見有車載多米。不符原票者。立拏究辦。等語。查各旗領米。均自雇車輛。數人共載一車。並無不合。未便攔阻盤詰。應毋庸議。○花戶深知各廩米色高下。

於闐威時朦混舞弊查闐廠放米科道監督驗明廠籤闐掣花戶並不經手立法周詳無可另議一監督宜加激勸並將三年內原衙門停升一條酌改等語查監督已因公離署應升缺出本衙門堂官不能出考例不准按資保題至論俸推升三年內仍照常升轉該給事中所請應毋庸議從之○丁亥諭軍機大臣等御史許汝恪奏本年五月長蘆鹽政奏請蘆商應徵十九年分商課正雜各項錢

糧有廣裕等四十二商未完銀二十七萬四千餘兩勒限三箇月追繳其中完交之多寡並未分晰遽以商眾引懸課歸無著含混懇請展限護運司楊成業督催不力日與商人來往瞻徇情面不敢深問請旨查辦等語長蘆鹽課自立章程以來年清年款歷任運司辦理無誤何以應徵上年各項錢糧忽有奏請展限之舉現在雖給限三箇月如果屆期毫無蒂欠已屬更改舊章儻竟未能如數全

完即將該商等治罪而帑項已成虛懸誰執其咎况運司無論實缺護理總應潔己奉公覈實嚴催督辦該商人等稍有疲玩即時詳叅示懲若如該御史所奏護運司楊成業與商人來往甚密既洽私情必廢公義商人積慣狡猾或因此玩視公事佯為拮据多方挾制或竟通賄賂希冀寬典種種弊竇實所難免著琦善即飭臬司金應麟親赴天津認真查明果否有前項情弊如係該護運司瞻徇

朦混即著據實叅奏毋稍回護儻查辦不實日後別經發覺惟該臬司是問將此諭知琦善並傳諭金應麟知之○成都副都統順格因病休致以青州協領多仁布為成都副都統○戊子諭內閣前因御史賀熙齡奏四川藩司劉韻珂訪得該省官員吸煙者七十餘人以員數太多未經奏辦當降旨令劉韻珂嚴查密奏茲據該藩司奏稱禁煙以後尚多畏法戒悔前曾叅辦州判萬慶齡等員若果

現在尚有多人吸煙不加懲辦則此被叅劾  
彼予姑容即萬慶齡等奚甘緘默等語劉韻  
珂遵旨密查諒不敢掩飾取咎所奏尚屬可  
信該御史原奏應毋庸議惟鴉片煙自申禁  
以來漸次肅清各直省將軍督撫等果能始  
終不懈認真查拏有犯必懲則多年惡習一  
旦痛除深愜朕懷但恐該上司等意存姑息  
轉因人數過多倖逃法網殊失朕除惡務盡  
之意特此再行申諭各將軍督撫等仍照前  
嚴密查拏審訊得實即行懲治除軍民人等  
照例覈辦外即有官員犯案者無論人數多  
寡總當一律奏辦俾就肅清切勿消弭掩飾  
自蹈愆尤儻因循懈惰別經發覺必將該上  
司從重懲處決不寬貸將此通諭知之○又  
諭著英奏請飭禁吉林地方捕打鹿茸一摺  
著著英侯經額布到任後會同妥議具奏○  
盛京將軍耆英奏宗室繁衍請添設總旗族  
長與正副管一體升用

三陵防禦下宗人府議尋議准添設族長二員  
各給圖記至與正副管一體升用覈與舊例  
兩歧恭候欽定得旨嗣後盛京宗室族長與  
正副管遇有  
三陵防禦缺出著准其一體揀選升用○以陝  
甘總督瑚松額為熱河都統熱河都統訥爾  
經額為陝甘總督○新授成都副都統多仁  
布因病休致以西安協領施蒙額為成都副  
都統

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十五



著即革職勒令回籍○以工部尚書敬徵兼署兵部尚書惠親王綿愉署正白旗漢軍都統○庚寅諭內閣前據錢寶琛以江西捐修隄工之試用縣丞黎長春題請議敘當經部駁以該撫並未專摺保奏與奏定章程不符僅將該員加級嗣據該撫奏稱該員捐數與分缺間用之例相符仍請交部覈議茲據吏部奏稱該員所捐銀數與例相符既經該撫聲明可否准其更正等語黎長春著准其仍

照分缺間用之例按班儘先補用所有該員加級之案著即註銷○以通政使司通政使隆勛為都察院左副都御史○緩徵甘肅河狄道洮州西寧碾伯五廳州縣被震被霜災區新舊額賦○辛卯諭軍機大臣等張琴奏興縣生員張相日於試卷內擅寫奏章據稱匪徒陳峻山居住深山招聚朋黨與呂千總賄買訂盟結拜兄弟周知縣置若罔聞等語匪徒潛蹤聚眾地方官縱奸殃民均屬大千

法紀著楊國楨會同張琴確切查訪如果實有其事立即嚴拏究辦該縣知縣千總果有縱庇受賄情事亦即從嚴叅處毋任諱飾彌縫以致養癰貽患至該生員擅寫封章著俟查明後分別虛實按律辦理將此諭令知之尋奏陳峻山委係安分良民該處各莊戶及雇工人等並無聚散無常行蹤詭秘情事知縣千總亦無得賄縱庇實據張相日懷疑妄控應請照例治罪下部議從之○以江蘇歙

收免各關商販米稅○癸巳諭軍機大臣等奇明保等奏豫籌防堵情形一摺據奏杭州覽子門為通江水路尤屬緊要該將軍等於水面較窄槍礮易施之潮神廟地方屯兵防守等語覽奏已悉喫夷沿海滋擾所恃船身堅大槍礮便利我兵水戰驟難制勝不若誘之登陸可期聚而殲旃但非確有成算斷不可輕舉妄動著該將軍等悉心商酌妥密調度總須計出萬全謀定後動一有夷船消息

審機度勢妥為籌辦又另片奏探查漢奸等語前已有旨通諭沿海將軍督撫等嚴拏究辦著該將軍等恪遵前旨密速查拏本日又據長喜馳奏夷船直逼乍浦海口該副都統率兵堵禦互相轟擊傷斃兵丁十餘名等語該處夷船現在雖祇一隻難保不陸續而至乍浦兵力較單亟須撥兵赴援該將軍現在省城防守不可輕動著即遴委將弁選派兵丁星夜赴乍浦海口接應相機堵逐毋稍延誤將此由四百里諭令知之○又諭本日據長喜由驛馳奏夷船直逼乍浦海口情形一摺覽奏均悉此次夷船雖祇一隻難保不陸續而至現已諭知奇明保遴派弁兵星速策應仍著該副都統督飭滿洲綠營官兵在海口悉力防堵相機籌辦所有此次傷斃各兵著即查明具奏將此由四百里諭令知之○旌表守正捐軀安徽懷遠縣民李尚修女麥姐○修浙江東西海塘柴埽盤頭各工從巡

撫烏爾恭額請也○甲午

上詣綺春園問

皇太后安○諭內閣前據御史焦友麟條奏部員壅滯亟宜整飭疏通一摺當交軍機大臣會同吏部議奏茲據穆彰阿等詳議具奏嗣後外任改補京職人員如奉旨指明何衙門員缺補用者著令其先赴該衙門行走准其遇有選缺出時先儘補用毋庸兼補題缺○又諭據祁寓藻等奏稱鄧廷楨現赴泉州所有續交各案著該尚書等會同吳文鎔提集人證卷宗逐案嚴訊究辦○又諭鄧廷楨奏廈門攻擊夷船一摺此次喫夷兵船駛近廈港稱欲求和經該文武阻斥不許上岸該逆夷膽敢換旗開礮直撲礮臺船頭一人夷服華言甘語嫚詞經署水師中營守備陳光福放箭射中洞胸斃命兵丁連放烏槍擊中夷人二名落海護參將陳勝元執矛刺中白夷一人身死哨船及岸上升兵槍礮聯絡中傷



夷人甚多所辦甚好所有在事出力各員同知蔡觀龍顧敦忠知縣胡國榮巡檢金光耀俱著交部從優議敘守備陳勝元著以都司儘先升用千總陳光福著以守備儘先升用俱加恩賞戴花翎會同攻擊之備弁林建猷魯思仁何有時閩海關委員興貴俱著以應升之缺儘先升用傷亡兵丁照例咨部議卹該部知道○諭軍機大臣等寄諭大學士直隸總督琦善本日據林則徐等奏粵洋喫夷

兵船傳言有往天津之說如係懇求貿易懇恩優禮等語天津通海各口前據該督具奏嚴密防範果有夷船駛入自可有備無虞惟夷情叵測詭計多端儻駛至天津求通貿易如果情詞恭順該督當告以天朝制度向在廣東互市天津從無辦過成案此處不准通夷斷不能據情轉奏以杜其覬覦之私儻有桀驁情形即統率弁兵相機勦辦將此諭令知之○又諭據林則徐等奏喫夷船隻散泊

外洋於海灘插立木牌寫有漢字說帖並查有船隻揚帆東向傳係駛赴浙江江蘇及天津等語該夷現在浙洋滋擾定海失守業已調兵勦辦江蘇等省亦經妥為防範其天津海口另有旨諭令琦善相機妥辦矣粵省海口最關緊要該夷詭詐百出尤當加意防範著林則徐等嚴密周防於水陸各要隘處處準備並嚴拏漢奸毋使勾通接濟該督等仍當示以鎮靜不事張皇是為至要將此諭令

知之○又諭本日奇明保由驛馳奏乍浦海口有夷匪船隻現經帶兵馳往查辦一摺據稱選派官兵二百餘員名令協領等管帶隨同前往乍浦會同長喜設法勦辦等語昨已有旨令該將軍在省城防守遴委弁兵馳赴乍浦海口接應堵逐此次防守乍浦即派恆興帶兵會同長喜妥辦該將軍仍遵前旨一面知會恆興前赴乍浦一面回至省城妥為防禦其所稱就近調撥閩省官兵以備夾攻

之處前已降旨諭令福建提督余步雲酌帶  
弁兵馳赴浙省會勦並諭令鄧廷楨派兵前  
往矣至烏爾恭額祝廷彪防禦鎮海自六月  
十三日發報以後迄今並未續奏著奇明保  
探聽鎮海現在情形據實由驛馳奏以慰廑  
注將此由四百里諭令知之○以翰林院侍  
讀學士博迪蘇為河南鄉試正考官山東道  
御史汪元方為副考官通政使司副使楊殿  
邦為山東鄉試正考官翰林院修撰林鴻年  
為副考官侍講李棠階為山西鄉試正考官  
戶部郎中有慶為副考官○乙未諭軍機大  
臣等前因浙江定海縣被逆夷滋擾當降旨  
著余步雲酌帶弁兵星馳會勦又著鄧廷楨  
選派大員帶領舟師赴浙以期一鼓殲擒該  
督等接奉後自己遵旨辦理矣茲據奏夷船  
聯踪赴浙並防守廈門臺灣情形一摺覽奏  
均悉現在逆夷占據定海依城固守烏爾恭  
額雖調兵防禦恐不足以勝重任著鄧廷楨

接奉此旨即攜帶印信馳赴鎮海籌辦堵勦  
事宜浙江巡撫印務即著鄧廷楨兼署並著  
該督於到浙後即行宣旨將烏爾恭額革職  
仍令隨營效力贖罪至閩洋緊要之區以廈  
門臺灣為最廈門一島據奏已會同該提督  
並興泉永道督飭廳營添備礮火加意周防  
自可無虞疏失其臺灣府準備事宜在籍前  
任提督王得祿最為熟悉或有應行商酌之  
處著即飛檄該鎮道與王得祿同心協力以  
資保衛至另片奏籌備經費銀十萬兩著准  
其在藩庫動支將來作正開銷現在江蘇海  
口緊要所請將陳化成調回閩省之處著毋  
庸議烏爾恭額原奏著鈔給閱看將此由五  
百里諭令知之○又諭烏爾恭額等奏探明  
夷船加增情形並經理軍需各一摺覽奏均  
悉該撫自六月十三日奏報之後朕心方深  
廑念乃相距已及半月軍務緊要不得消息  
且此次摺件仍照常由驛馳遞實屬不曉事

體糊塗已極所稱該夷依城為穴重兵把守自應俟其勢窮力竭再出奇兵制勝切不可輕舉妄動致有疏虞惟當相度機宜分飭本省將弁各守要隘毋令竄入前經飭令余步雲帶兵赴浙本日復降旨令鄧廷楨前來勦辦計該督等先後可到該撫等此時惟有嚴密防範該夷僅有近岸相逼之事即著併力擊退不可入洋窮追誤中詭計所請檄調閩廣水師著毋庸議丁憂總兵葛雲飛熟習洋面情形即著協同出力一切軍火器械迅即飭員趕緊籌備俟鄧廷楨等到浙後即須應用其糧餉火藥最關緊要必應加意慎重著即囤積寧波府城由彼陸續轉運以資接濟毋得貽誤將此由五百里諭令知之○丙申諭內閣前因御史杜彥士奏通籌臺灣利弊八條當降旨交閩浙總督查勘妥議具奏茲據鄧廷楨等奏稱委員密查訊辦除所叅臺灣縣知縣托克通阿各款業經審明定擬外

其所稱劣幕汪金聲李垂紳盤踞招搖及冒籍報捐各款雖查無其事惟以幕友充當義首跡近鑽營著撤去軍功議敘飭令各回原籍以杜弊端其餘各條籌議尚屬周妥即著照所議認真辦理毋得視為具文○又諭鄧廷楨奏請將擅拆哨船之員弁革職審究一摺福建南澳鎮左營南字五號哨船上年三月已屆大修之期乃延宕年餘竟將船身拆卸杳不交廠修葺以致哨船短絀業據該署守備傅英輝供係護遊擊汪國棟作主拆卸該護遊擊輒以遭風擊碎漂流海面督令撈拾等情具稟分辯實屬狡詐護理南澳鎮左營遊擊水師提標前營守備汪國棟署南澳鎮左營守備金門鎮右營千總傅英輝南澳鎮左營外委陳藍順著一併先行革職交該督提集人證卷宗徹底訊究並著嚴緝逃兵陳捷成歸案質訊務得確情照例懲辦又另片奏南澳鎮左營南字三號銅山營紀字二

號三號六號等船四隻業經道廠修竣移催領駕該營延不派撥弁兵赴領以致船隻日久停待又復被水衝漂雖查無需索情弊實屬有心延誤署銅山營參將南澳鎮左營遊擊湯榮標代理銅山營守備南澳左營千總許志勳署守備事南澳左營千總徐建章著一併交部議處並著查明該船如有損壞即按照該員等署事年月久暫分別責令賠修以示懲儆該部知道○又諭烏爾恭額以封

疆大吏遇有叕夷滋擾事前既無準備臨事不合機宜且該撫奏報後朕心方深廑注乃相距已及半月摺件仍照常由驛馳遞實屬督率無能糊塗不曉事體著即革職仍令隨營效力贖罪浙江巡撫著劉韻珂補授劉韻珂接奉此旨即著馳驛迅赴新任毋庸來京請訓其未到任以前著鄧廷楨兼署○賞已革閩浙總督鍾祥三品頂帶為四川布政使○丁酉諭內閣善燾等奏遵查

天壇各壇樹株並查明鋸鉗及應去枯枝情形開單呈覽據查樹株鋸口實係舊有痕跡其為歷年久遠與太常寺原奏相符所有樹株多有灰鶴結巢及高處枯乾恐傷旁枝之處俱著不准鋸鉗其低處應去枯枝著工部會同太常寺查照冊載詳慎辦理事竣知照御前大臣備查嗣後如有風損回乾應行鉗除樹株著太常寺於每年三月咨報御前大臣工部隨時載入清冊奏請派員眼同鉗除明白覆奏以昭慎重○又諭湯金釗等奏覆勘上年各省歲考前列試卷其中漏印應議者至一百三十餘卷之多似此相沿成習易滋流弊此後應如何妥立章程明定處分之處著禮部議奏尋奏嗣後歲科考試卷及各貢卷均責成本學教官於接扣處鈐印申送提調僅有遺漏即由提調補印申送學政將教官咨部議處如提調未經察出即由學政補印將提調教官一併咨部議處如學政未經

察出補印經部磨勘將學政提調教官一併議處從之○又諭前據烏爾恭額奏喚夷船隻駛至浙江定海洋面滋事定海鎮總兵張朝發復諫撤守以致喪師失城情罪重大署中軍遊擊羅建功護左營遊擊錢炳煥護右營遊擊王萬年署中軍守備龔配道於敗後遽即回營亦罪有應得當降旨將該總兵等革職拏問交部分別定罪茲據刑部將張朝發擬斬監候羅建功錢炳煥王萬年龔配道

從重發往新疆充當苦差均係按律問擬惟該總兵等當時接仗退敗情形該撫所奏未能詳悉著伊里布於抵浙後提同該革員等嚴行訊究務得確情據實具奏○諭軍機大臣等浙江定海縣逆夷滋事烏爾恭額辦理不善已降旨革職令隨營效力復因閩省亦當喫緊鄧廷楨未便遠離本日明降諭旨頒給伊里布欽差大臣關防著馳驛前往浙江查辦事件矣該督接奉此旨即將總督鹽政

關防交裕謙兼署該督即行馳赴寧波察看情形再定進剿江蘇省水陸將備如有得力者准其帶往差遣現在烏爾恭額所調本省兵諒已齊集併節次降旨令余步雲帶兵赴浙暨鄧廷楨酌派水師會剿諒亦先後可到伊里布厚集兵力相度機宜務須好謀而成以副朕望將此由五百里諭令知之○又諭朕聞福建已革舉人陳姓綽號不得已早經逆夷聘往為之主謀總兵張朝發與彼同鄉

素好定海未破之前十數日有投張朝發一帖導之從逆現已著鄧廷楨派員查拏務獲解至浙江訊究著伊里布於提訊張朝發時一併嚴訊確供據實具奏將此諭令知之○又諭昨經降旨飭令鄧廷楨余步雲先後馳赴浙江勦辦逆夷本日據鄧廷楨奏定海被圍情形並福建廈門尚須嚴密防堵前月定海失守該督此時諒已得信接奉諭旨自必兼程前往惟閩省海口歧出處處均關緊要

余步雲接奉前旨。諒已帶兵赴浙。陳階平又復賞假醫治。若鄧廷楨再離閩省。恐不足以資彈壓。本日已降旨頒發欽差大臣關防。令伊里布赴浙勦辦。浙江巡撫派宋其沅護理。鄧廷楨著毋庸前往。如已起身。仍即折回。督率將弁認真防堵。毋令逆夷竄入閩境。朕聞福建已革舉人陳姓。綽號不得已。早經逆夷聘往。為之主謀。與總兵張朝發同鄉夙好。定海未破之前十數日。有投張朝發一帖。導之從逆。如果屬實。深堪痛恨。著鄧廷楨迅即派員查拏。務獲解交浙江訊究。將此由五百里諭令知之。○命協辦大學士兩江總督伊里布為欽差大臣。馳赴浙江查辦事件。○戊戌。

孝懿仁皇后忌辰遣官祭

景陵。○諭內閣。現在軍務緊要。一切公文必須迅速按期遞送。本日據兵部奏。參差官韓揚曾於本月初七日領送閩浙兩省夾板公文。至次日方遞到良鄉縣接送。實屬玩誤。韓揚

曾著即革退差官。仍交兵部議處。嗣後如遇此等緊要公文。儻有稍誤期限者。著將該差官從嚴參辦。以重郵政。又諭。前因春佑奏中書科傳補供事有情託弊端。當降旨交隆文等查辦。並將中書萬通等解任審訊。茲據訊明。該中書等實無情託弊端。惟萬通郭翹前後回堂舛錯。致滋疑竇。徐宗勉於同鄉供事沈鈺應補額缺。不細心商酌。輒負氣不行。畫稿亦屬不知遠嫌。中書科中書萬通郭翹

候補中書徐宗勉均著交部照例議處。春佑所奏不實。著交部察議。又諭。卓秉恬等奏請將入官地畝撥充經費。著准其將昌平州良鄉縣入官地畝。歷年租息以一半賞給京城金臺書院。普濟堂育嬰堂三處添補經費。並修理房舍之用。以一半賞給昌平良鄉兩州縣本處書院。為脩脯膏火之資。即由順天府暨該州縣自行覈實經理。以垂久遠。仍咨戶部立案。免其造冊報銷。○以故土爾扈特

扎薩克貝子車林多爾濟弟烏爾圖納遜襲爵○己亥

孝全皇后梓宮前月祭命皇子行禮○諭內閣前據長喜奏夷船駛至乍浦海口該副都統率兵堵禦當降旨令查明具奏茲據奇明保等奏稱夷船被擊後退竄外洋現已哨探無蹤並查明滿漢兵丁傷斃六名請卹等語所有前次堵禦夷船傷斃兵丁著咨部照例議卹○諭軍機大臣等本日據奇明保等馳奏

夷船退出乍浦海洋一摺覽奏均悉據奏該處礮臺海汛現已加高培厚安設槍礮共計官兵一千七百餘員名鄉勇一千五百名即有匪船續至足資防堵等語所辦尚屬周妥前有旨令奇明保回省防禦一面知會恆興前赴乍浦計此時均已接奉遵旨辦理矣現在匪船雖退守禦仍宜嚴固奇明保著仍遵前旨折回杭州省城恆興著暫駐乍浦會同長喜妥為防守僅有夷船續至我兵備禦已

嚴祇須協力堵禦俟其舍舟登陸方可奮擊痛剿將此由四百里諭知奇明保並恆興長

喜知之○又諭據朱樹奏漕標所轄之青口一處坐落諸榆縣地方為商賈出入要區現在浙省洋面不靖應行一體巡防等語朱樹現在督運來通該處徵調防堵各事宜著責成裕謙一手經理將此諭令知之○旌表守正捐軀福建福清縣民林世捷女雅宋○准江西饒州幫遭風漂失米石分限買補○庚

子諭內閣前據劉誼奏湖北襄陽府屬之南漳縣於五月內傳有訛言居民紛紛逃避等語當降旨令周天爵等嚴密查訪茲據該督等查明係因丁家集窩戶熊添礪畏拏逃竄妄布謠言遂致以訛傳訛由近及遠現在浮言早息鄉民俱各安堵如常所有造謠之熊添礪一犯著該督等飭令該管道府上緊勒拏務獲究辦尋總督裕泰奏熊添礪窩留秦禿子成等行竊被拏奔竄秦禿子成等達人

攔問詭稱逃避反亂鄉民信以為實紛紛遷徙延及七八州縣熊添祿秦禘子成俱經監斃餘分別定擬流徒笞杖下部議從之○諭軍機大臣等本日據鄧廷楨馳奏由閩赴浙已另降諭旨令其折回閩省矣又另片奏定海失守之後探聞該夷於城內張榜招商銷售鴉片等語逆夷明目張膽抗違禁令深堪痛恨惟既占據城池正可免挫痛勦據鄧廷楨奏稱夷船二十餘隻聚泊港口勢類負嵎

內地師船恐難驟近必須改造堅實大船多配兵丁礮火間道而進一擁登山等情但泉州商人私信所稱恐未盡確如果該夷占據定海我兵竭力攻打朕意分兵兩路一路燒燬船隻斷其歸路一路攻復定海聚而殲旃庶足伸天討而靖海氛惟夷情詭詐百出海洋風汛靡常著伊里布於到浙後相機審勢妥為籌辦務須計出萬全確有把握一切勦辦機宜隨地隨時謀定後動朕亦不為遙制

也鄧廷楨摺片著鈔給閱看將此由五百里諭令知之○又諭此次喫咭喇沿海內犯攻陷定海現已調兵雲集自可即日翦除惟致寇根由傳聞各異有云絕其貿易有云燒其鴉片究竟啓釁實情未能確切著伊里布於到浙後密行查訪或拏獲夷匪訊取生供或偵探賊情得其實據該大臣由協辦大學士雲貴總督調任兩江今復授以欽差大臣關防專辦浙江軍務受恩深重且於從前辦理

夷務並未涉手無所用其回護著悉心訪察務得確情據實具奏將此諭令知之○又諭前因浙江有喫夷滋擾降旨令沿海將軍督撫等先事豫籌巡察防堵已據直隸山東江蘇各省將備防事宜陸續奏到盛京為根本重地朕心尤為厯注該處港汊何處可進大船該省洋面何處最關緊要著著英確切查明先行奏聞至現在作何籌辦固不可先事張皇亦不得不豫為準備以致臨事周章如



果夷船駛至盛京。該將軍即督屬堵禦相機辦理。將此諭令知之。○又諭據琦善奏。馳赴天津海口。親督籌備。並豫調兵丁。駐集防堵。其寧河等處海口。亦一體防禦等語。所辦尚屬周妥。著該督督飭所屬嚴密防範。臨時仍相機辦理。如該夷船駛至海口。果無桀驁情形。不必遽行開槍開礮。僅有投遞稟帖情事。無論夷字漢字。即將原稟進呈。將此諭令知之。○又諭本日據鄧廷楨馳奏。英夷兵船駛

入浙洋滋事。定海城池失陷。請由閩赴浙會督勦辦等語。前因閩省海口緊要。已有旨令鄧廷楨毋庸前往。現派伊里布馳往浙江督辦。提督余步雲想早領兵前往。該督接奉前旨。諒已折回閩省。務當督率將弁。於閩省近海口岸認真防堵。以期有備無患。至臺灣孤懸海外。防堵事宜尤應準備。著該督飛飭該鎮道等遵奉前旨。與前任提督王得祿同心協力。加意嚴防。毋稍疏懈。將此由五百里諭

今知之。○禮部奏八月初十日

萬壽節應行禮儀得旨。照例行禮。停止筵宴。○旌表守正捐軀四川灌縣民胡月倫媳魏氏。

○辛丑

上詣綺春園問

皇太后安。○諭軍機大臣等。本日據都察院奏。萊陽縣捐職從九品劉牧。呈控串詐不遂。毆逼父命一案。已明降諭旨。交托渾布會同劉繹審辦矣。此案控關知縣勒捐。蠹役索賄。凌虐無辜。斃命。如果屬實。殊干法紀。著托渾布。

劉繹悉心研究。務得實情。按律懲辦。以肅吏治。而懲奸蠹。將此各諭令知之。尋奏萊陽縣知縣姚澧。以該縣歛收。勸諭紳士捐賑。劉牧之父劉登。願捐制錢一百千。並非抑勒。嗣劉登因與縣民梁瑞挾嫌誣控。傳案管押。劉牧赴縣擊鼓。經該縣訊明。申飭押令出署。差役朱興等乘機嚇詐。得賄釋放。劉登在押畏罪。愁急自縊。姚澧疏於防範。應請交部議處。朱

興等分別問擬軍徒下部議從之○壬寅諭內閣我朝綱紀肅清內廷太監斷不准干預外事此案狄文學聽從族姪狄景和向順天學政潘錫恩宅內索詐該犯身充太監膽敢私至大臣宅內挾制訛詐污蔑二品大員法所難寬狄文學著改為斬監候入於本年朝審情實已革武生狄景和以傳聞無據之詞從令狄文學挾制圖詐情罪較重著改發邊遠充軍到配折責安置生員王鴻烈聽囑謄寫名單添入銀數雖訊無商同訛詐情事究屬冒昧著即斥革不准納贖○癸卯中元節上詣									
安佑宮行禮○遣官祭									
永陵									
福陵									
昭陵									
昭西陵									
孝陵									

孝東陵									
景陵									
泰陵									
泰東陵									
裕陵									
昌陵○遣官祭									
孝穆皇后									
孝慎皇后陵寢○遣官祭									
端慧皇太子園寢○									
上至觀德殿									
孝全皇后梓宮前奠酒○幸圓明園○諭內閣僧格林沁奏參並未查道之護軍統領一摺音登額年已衰邁毋庸交部議處即以原品休致○以工部左侍郎文蔚兼鑲紅旗護軍統領禮部右侍郎薩迎阿兼鑲紅旗漢軍副都統○調正紅旗蒙古副都統中山為鑲白旗滿洲副都統以乾清門侍衛慶興為正紅旗蒙古副都統調塔爾巴哈台參贊大臣端									

多布為伊犁參贊大臣以呼倫貝爾總管華  
山泰為塔爾巴哈台參贊大臣

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十七

監修臣等謹將宣宗成皇帝實錄卷之三百三十七  
天時地利人事等項加一統編而後進呈伏乞  
聖鑒訓示謹奏

奏

道光二十年庚子七月甲辰諭內閣本日據

祁寯藻黃爵滋鄧廷楨吳文鎔等連銜奏請  
籌議海防揀選水師將領一摺著照所請嗣  
後參將遊擊都司守備等官如有實在熟習  
洋面情形勇敢有為者著各直省督撫專摺  
保舉並於摺內註明該員出力實跡候旨簡  
用至戰船以資利涉火礮以備攻堅必應平  
日修造妥協臨時方可得力該督撫等有統  
轄水師之責諒已先事豫籌辦理悉臻堅固  
更應督率將弁加意修理以備不虞況戰船

每歲報銷修費而礮位分置各海口現據陸續奏報位置咸宜全在各該督撫認真查察隨時分別驗勘戰船則駕駛輕靈火礮則施放有準稍有敝壞之處即著趕緊修理毋稍懈弛正不在紛紛添造也○又諭德春等奏前任廳員應賠工程延不興修以致倒塌損益甚請嚴行飭催一摺通州石壩號房為堆貯驗卸漕糧之所因上年多有坍塌查係前任坐糧廳敬文屬同勳承修之工自應趕緊賠修以重倉貯著鑲白旗滿洲都統江蘇巡撫勒令敬文屬同勳迅速來通估工購料限於九月內興工賠修完整如屬同勳未回本籍即由江蘇巡撫傳該革員家屬訊明現在何省飛咨該督撫勒令兼程來京會同賠修儻再遲延致誤即行嚴叅究辦○諭軍機大臣等據鄧廷楨等奏酌帶官兵雇募水勇赴浙協剿一摺前因閩省緊要已疊經降旨令鄧廷楨毋庸前往浙江此時余步雲諒已領兵

赴浙協剿該督著遵前旨毋庸親往仍著馳赴泉州督率將弁於各該處近海口岸加意巡防毋任夷船偶有竄入所有省城防守事宜及鄉試監臨事務均著吳文鎔妥為辦理另片所稱委令署臬司等前往漳泉查辦海口之處著毋庸議將此由五百里諭令知之○又諭本日據琦善由驛馳奏喫咭喇夷人投遞字據聲稱訴屈尚無桀驁情形現仍飭令在攔江沙外停泊聽候奏奉諭旨遵行等語辦理甚為妥協所有該夷呈遞該督字據並給遊擊羅應鰲刊刻夷書一本覽奏均悉惟既據稱尚有別項公文應須呈遞著琦善委員查問接收一併進呈仍飭該夷船不得妄越進口俟奏奉諭旨再行遵辦將此由四百里諭令知之○乙巳馬蘭鎮總兵官德興奏查明庫貯器皿數目相符報聞又批今歲雨水甚多想各處松樹自無蟲患然亦當留心查看○丙午諭內閣戶部奏江蘇省各屬

交代徵存銀兩請旨飭提藩庫江蘇省歷年奏報交代銀款節經該部咨提從未登覆現據查明該省七十八兩年統計實存各屬未解銀至一百八十七萬四千一百餘兩之多其中有輾轉未清者有與原案銀數不符者有冊結尚未到部者實屬玩視庫款著兩江總督江蘇巡撫迅即逐案嚴追守提歸庫如查有虧那情弊即行撤任勒追並著將七十八兩年以前歷年存屬未解之款一律

嚴提○又諭伊里布等奏江南貢院積水請展限辦理鄉試一摺江南省於五六月間連次大雨山水驟發江潮湧灌入城據該督等奏稱現在貢院內積水日增無從宣洩本年八月鄉試勢難依期辦理著照所請所有江南文闈鄉試准其展限至九月初八日舉行其武闈鄉試著展至來年三月舉行該部知道諭軍機大臣等昨已降旨頒發欽差大臣關防飭令伊里布前赴浙江勦辦逆夷並

派裕謙兼署兩江總督所有徵調防堵各事宜責成裕謙一手經理該大臣等接奉諭旨諒已分別遵辦矣據伊里布等奏調兵分布堵禦情形一摺覽奏均悉現在伊里布督兵前往鎮海余步雲計日可到合師會勦兵力甚厚但恐該夷等分竄各海口滋擾著裕謙嚴飭將弁認真防堵毋稍疏虞昨據奇明保等奏稱該夷逼近乍浦業經擊退本日又據伊里布等奏稱分布各兵遙為浙省聲援所

有京口堵禦著派張仙保前往佈勒亨仍鎮守省垣似此布置內地要隘尚稱嚴密前經檄調各兵如有應行歸伍之處即著撤退以免徵調之煩又裕謙片奏江蘇省金山縣與乍浦接壤離吳淞口亦不甚遠屢次查探並無夷船蹤跡其餘各小口亦皆添兵設守等語所有採買硝磺備辦快船並豫籌米石等事俱著照所議辦理惟夷船遊奕必須探明船隻多寡並密派幹員察其來意果係尋釁

滋事。抑有呈遞字帖如該夷祇駕小舟求遞字帖務須飭令委員就近接收由驛馳奏呈覽。儻巨艦連檣來勢甚猛即著督飭將弁併力攻擊以壯聲威該署督等務當相機妥辦勿涉輕躁將此各諭令知之。○又諭據裕謙奏浙江提督祝廷彪年力近衰不甚得力等語前因該提督籌備海防不力降旨先行革職暫留本任戴罪圖功現當防堵夷船喫緊之時該提督統轄全省弁兵職任綦重斷不可遷就姑容致有貽誤著伊里布詳加察看如果精力就衰不能勝任即著一面奏聞一面於江蘇浙江兩省內遴選老成幹練熟悉行陣之員署理將此諭令知之。○又諭本日據托渾布奏夷船乘風北駛帶兵親赴登州府督防等語現在該夷船已到天津據琦善由驛馳奏尚無桀驁情形惟夷性叵測不可不加意防範該撫既帶省營兵丁並調東昌等營官兵星夜兼程馳赴督防務使沿海口

岸處處有備無少疏忽。儻該夷船駛至登郡情詞恭順即不必先開槍礮如有呈遞文書該撫即派員接收由驛進呈一面妥加撫馭密設巡防俟奏聞後遵旨辦理。至此次籌備軍需准其於藩庫動撥銀二萬兩以濟支放餘著照所議辦理將此諭令知之。○賞乾清門行走科爾沁扎薩克土謝圖親王色登端魯布三眼花翎。丁未諭軍機大臣等本日據鄧廷楨由驛馳奏閩省水師不能調撥情形一摺又另片奏勦辦機宜及折回防守等語前因閩省海口緊要降旨令該督仍回福建茲據奏稱接到余步雲赴浙協勦之旨飛即折回防守覽奏已悉所有建寧鎮標兵五百名及雇募水勇即交余步雲帶往勦辦現在該督已折回閩省仍著馳赴泉州督率將弁認真巡防所請調員代辦福建提督之處現當軍務喫緊之際就近提鎮皆有防守之責未便更調著該督自行酌量揀員代辦所

奏勦辦情形前已有旨諭知伊里布相機籌辦矣將此由四百里諭令知之。以伊犁參贊大臣滿多布係伊犁駐防仍調為塔爾巴哈台參贊大臣以喀什噶爾領隊大臣富興阿為伊犁參贊大臣塔爾巴哈台參贊大臣華山泰為喀什噶爾領隊大臣。戊申上詣綺春園問

皇太后安。○諭內閣從前奕顯緣事發往盛京嗣因伊母病故降旨釋回現在奕紀之母因

病身故奕紀係屬親子應令回京穿孝。以盡人子之情惟伊原犯情罪較之奕顯為重若遽予釋回不足以儆將來奕紀著加恩暫行釋回補穿孝服俟百日期滿仍著發往黑龍江。○又諭前因朱樹奏衛河不能下注請飭查辦當降旨令文冲牛鑑一面妥速辦理仍將實在情形具奏茲據牛鑑查明該省修武縣之閘基壩根新鄉縣之土埂均已起除河身一律通順並無阻遏自係實在情形仍著

山東河南各巡撫嚴飭各縣於衛河經行之處隨時認真挑挖毋任阻塞其向有民渠民間酌量雨水多寡以時啓閉不准民間概引灌田致礙漕運至衛源濟運本難盡恃若因風日乾燥河流淺涸輒藉此以為口實更恐意存推卸並著漕運總督嚴飭各地方官於蓄水撈剝之法務須未雨綢繆毋致張皇臨事該督撫等總當不分畛域和衷辦理以期濟運灌田兩有裨益。○以大學士穆彰阿兼

署正黃旗滿洲都統。○以工部尚書敬徵兼署吏部尚書。○己酉諭內閣都察院奏查明各省京控咨交案件逾限未結並上次展限已逾仍未審結各案開具清單呈覽。各省州縣審斷不公致令來京具控經各衙門咨交之後各該管上司自應勒限嚴催將未結各案迅速審辦以免懸宕茲據都察院查明該衙門咨交各省逾限未結統計四十五案之多步軍統領衙門咨交各省逾限未結統計

九案之多似此任意積壓玩泄已極著交部即將承審逾限各督撫都統將軍府尹及委審各員應得處分查取職名分別議處並著將未結各案迅速審辦完結毋再任意宕延致干咎戾○諭軍機大臣等伊里布奏遴派帶兵大員豫備調遣一摺前因定海失守降旨令伊里布遴派大員揀選水師豫備調遣茲據奏稱選派總兵田松林統兵候調俟浙省續有警報飭令往援等語前已明降諭旨

頒給伊里布欽差大臣關防赴浙查辦計此時當已起程崇明孤懸海外切近浙洋亦關緊要田松林著即在崇明防堵無庸派往所雇閩廣商船及選派兵丁著伊里布體察兩省情形酌量帶往慎毋顧此失彼該大臣赴浙後務須相度機宜妥為調遣如該夷船被擊逃竄即可不必窮追總期謹慎持重好謀而成以副委任將此諭令知之又諭給事中沈銑奏勦辦逆夷機宜一摺據奏該夷占

據城池設兵把守有不可徑攻之機出榜招商開設煙市有無庸急攻之勢至攻之之策或於陳地設伏或於空營縱火等語現當軍務緊要之時不妨集思廣益惟係該給事中家鄉來信及懸空揣度之詞是否可行著伊里布體察情形妥為籌辦固不可急求收復亦不可坐失機宜原摺著鈔給閱看將此諭令知之○撫卹湖北公安江陵沔陽三州縣被水災民○庚戌諭內閣文冲奏請添撥河

工防險銀兩一摺豫省河工例撥防險銀兩據該河督查明自上年購辦甄石及本年添辦稽麻積土等項支用已完請於藩庫添撥銀二十五萬兩備用著照所請准其照數撥給俾資接濟該河督務當認真勘覈不准稍有虛糜如霜降後存存餘料仍照數劃還歸款並將先後撥用工銀總數覈實奏報嗣後該河督仍當隨時實力嚴查有可節省之處即行節省以重帑項而杜浮冒該部知道○



諭軍機大臣等。著英等奏籌備防堵夷船一摺。據奏旅順口當水路衝衢。為洋船往來扼要之所。業已飛咨祥厚。遵旨辦理。並飭屬巡哨防堵。守探又另片奏。豫領明年春秋二季火藥鉛子。備用等情。覽奏均悉。儻有夷船駛至盛京。該將軍等務當相機防堵。不得於海洋與之接仗。如其入口登岸。即應竭力剿除。或來船聲稱投遞稟揭。並無桀驁情形。即行派員接收。由驛馳奏。進呈聽候諭旨。將此諭令知之。○戶部議准。福建巡撫吳文鎔疏報。侯官古田龍巖三州縣開墾田三項三十畝。有奇。照例升科。從之。○辛亥。諭軍機大臣等。據奇明保奏。遵旨馳回省城。妥為防禦一摺。並另片奏。乍浦近日設備情形等語。覽奏均悉。杭州省城地方緊要。該將軍既回至省城。務須督率員弁。防範周密。不可輕舉妄動。遇事張皇。其乍浦埋伏官兵鄉勇。自東至西。約有六里軍威。已壯。亦著該副都統等嚴加防

禦。毋稍疏懈。儻該夷有乘駕小船投遞文書者。毋庸先開槍礮。即著委員接收。由驛進呈候旨遵辦。將此諭令知之。○又諭。據裕瑞奏。密遣官兵分布沿海要隘。防堵夷船一摺。覽奏均悉。山海關地方距海口停船之老龍頭。僅止八里。秦王島亦止三十餘里。必當加意嚴防。儻有夷船駛往。即著該副都統相機堵禦。不得於海洋與之接仗。如其入口登岸。即應竭力剿除。或來船聲稱投遞稟揭。並無桀驁情形。即行派員接收。由驛馳奏。進呈聽候諭旨。將此諭令知之。○以緝獲哈薩克賊匪。予錫伯委營總富隆阿加銜升補。旌表守正。被戕四川宜賓縣民鍾志沅妻陳氏。○壬子。諭內閣。御史焦友麟奏。請嚴禁私販焰硝出洋等語。內地私販焰硝。本干例禁。况與外夷交接。私販出洋。甚至弁兵營私賣放。實屬法所難宥。必應隨時拏辦。以杜奸私。著各該將軍督撫等。督飭各關監督。嚴定章程。如遇

私販焰硝出洋者拏獲按律懲辦出力弁兵量予鼓勵賣放者查出從重治罪一切商船漁船出海著照舊定章程認真查覈務使內奸日靖海疆漸就肅清不准稍有疏懈仍致有名無實將此通諭知之○諭軍機大臣等御史陳熾奏請嚴禁流匪以杜奸萌一摺據稱川省遊民向有一種匪徒聚眾行劫在內地者謂之囑匪其竄入邊地者則為流匪凡夷匪出掠多係該匪等勾引串通地方官即

藉夷匪以為推卸不復分別辦理等語流匪不除則漢奸之根株終不淨盡著實興按照該御史摺內所指各弊嚴飭文武員弁認真巡緝探查毋稍鬆懈原摺著鈔給閱看將此諭令知之○又諭御史焦友麟奏東南海疆要地請嚴飭防禦一摺據稱澎湖為閩省過臺門戶欲固臺灣必守澎湖並請於該處招募練勇等語現在岷夷滋擾難保不覬覦臺灣而澎湖尤為緊要之區不可不嚴加防範

著鄧廷楨委派明幹將弁並責成該鎮道招募練勇勤加訓習嚴密防堵以重要地而杜奸萌是為至要原摺著鈔給閱看將此諭令知之○兩廣總督林則徐等奏續獲販煙人犯得旨外而斷絕通商並未斷絕內而查拏犯法亦不能淨無非空言搪塞不但終無實濟反生出許多波瀾思之曷勝憤懣看汝以何詞對朕也○戶部議准陝甘總督瑚松額疏報正寧縣開墾田六十畝照例升科從之

○癸丑

仁宗睿皇帝忘辰遣官祭

昌陵○

上詣

安佑宮行禮○諭內閣金應麟奏審擬已革護理運司收受商人銀兩徇情朦混一摺此案已革護理長蘆運司楊成業於護任內前後得受商人記欠規例銀四千七百餘兩復因伊兄身故收受折祭等銀實屬貪庸卑鄙著

加枷號兩箇月發往烏嚕木齊效力贖罪仍  
追銀入官庫大使錢廷頤在任得受陋規七  
百二十餘兩亦屬營私著即革職杖八十徒  
二年完繳銀兩後定地充徒欠商查慶餘等  
四十二家共欠繳銀二十七萬四千餘兩著  
與本年欠交銀兩責成新任鹽政督同運司  
先行嚴追完繳限滿日循照奏定章程辦理  
至運庫帳目輻輳不清浮費極應裁汰著新  
任運司到日提齊庫卷傳同各商分別應裁

應留再行報部以昭覈實長蘆鹽政英誠於  
屬員收受銀兩漫無覺察輒代為奏懇展緩  
實屬庸懦無能著實降二級調用○又諭昨  
派金應麟查辦長蘆護理運司收受陋規一  
案茲據究出從前運司陳崇禮李恩繹海忠  
管通羣文綸汪琳等俱得受陋規銀兩並開  
單呈覽管通羣文綸著明白回奏其餘各員  
著該旗及原籍督撫分別飭令各該員自具  
親供據實具奏○又諭周天爵等奏拏獲傳

教惑眾之西洋人並信習邪教各犯分別審  
擬一摺此案董文學以西洋人膽敢潛入內  
地傳習天主教講經惑眾實屬罪大惡極該  
州縣即將該犯拏獲並訪獲習教多人功過  
尚足相抵所有失察處分著加恩寬免至該  
犯等供出西洋人穆導沅曾至沔陽州南漳  
縣境內現在查拏無蹤難保不逗留傳教著  
各直省督撫嚴飭各州縣查拏務獲究辦○  
諭軍機大臣等昨經降旨命琦善妥辦事宜

該督接奉後諒已遵辦現據烏爾恭額奏探  
明定海夷船仍然蟻聚該夷於城內城外到  
處防閑較前更密其大頭目名為伯麥次則  
義律布耳利兩人近聞有一頭目已遭冥誅  
尚未探有確名其夷船在外遊奕者南至石  
浦北至乍浦分頭潛探未敢近岸即駛至鎮  
海洋面旋停旋去亦不敢近逼口岸現在浙  
江省各海口俱已列兵防堵等語已降旨命  
伊里布察看情形相機籌辦矣所有昨諭琦

善辦理之處仍著該督隨機應變上不可以失國體下不可以開邊釁總期辦理妥善毋負重任朕有厚望焉將此諭令知之○又諭前因喫夷占據定海縣城當經降旨頒給欽差大臣關防令伊里布帶兵馳往勦辦此時計已抵浙本日據烏爾恭額奏稱探明該夷船仍在衙頭一帶蟻聚城內城外到處防閑較前更密其大頭目名為伯麥次則義律希耳利兩人近聞有一頭目已遭冥誅甚屬秘密尚未探有確名等語著伊里布察看情形相機勦辦其定海城內之文武官員究竟如何下落兵丁傷斃者究有若干城內外居民是否逃散抑有被戕情事已遭冥誅之頭目究係何人並著詳細查明據實具奏將此諭令知之○以內務府銀庫員外郎明倫為長蘆鹽政○戶部議准陝甘總督瑚松額疏報甘肅靖遠縣開墾田五項五十畝有奇照例升科從之○甲寅

上詣綺春園問

皇太后安○諭內閣各衙門保送各倉監督滿漢司員於保送後告病或臨時告病未經引見者俱著於病痊時帶領引見此次保送後告病人員即著照此辦理○諭軍機大臣等本日據伊里布奏密陳江浙水師情形請旨飭令閩廣督臣遣兵會勦一摺又據該大臣由驛馳奏起程赴浙並帶員前往等語覽奏均悉現在余步雲已奏報帶兵赴浙計此時已抵鎮海該大臣所帶江蘇兵丁暨烏爾恭額所調浙江各營兵併鄧廷楨所撥水勇千名諒已雲集不為單弱至閩廣兩省海口隨在皆關緊要若分兵赴浙不獨鞭長莫及且恐顧此失彼未能計出萬全總之行軍之道謀略為先紀律之師以一當百該大臣老成持重必不至銳意見功或虞挫失惟喫夷現據定海主客之勢既殊若在洋面接仗彼轉得用其所長收復之策務須通盤籌畫確有

把握謀定後戰如何布置之處奏明後再行進剿至所請隨帶文武各員署鎮江府知府黃冕卸署金匱縣知縣試用通判孫逢堯及佐雜三員並狼山鎮總兵謝朝恩京口協副將林明瑞平望營都司曾得勝俱著准其帶往又另片奏請飭福建金門鎮總兵竇振彪馳赴浙省交該大臣差遣委用之處已諭知鄧廷楨檄調前來矣將此由四百里諭知伊里布並諭余步雲知之又諭本日據伊里

布奏福建金門鎮總兵竇振彪熟悉洋面情形請飭調赴浙差遣委用等語著鄧廷楨即飭該總兵速赴鎮海交伊里布差遣所有金門鎮總兵印務著即派員署理將此諭令知之○又諭有人奏江西與閩廣交界兩省遊民閩則由邵武等處至撫建一帶粵則由南韶等處至吉贛一帶成羣結黨每起皆有頭目閩人衣扣以紅呢為記粵人以青呢為記挾刃短裝形勢兇橫或百人數十人不等地

方官無敢查問等語匪徒聚眾勾結大千例禁若不設法解散恐日久滋生事端著錢寶琛密委幹員分赴撫建吉贛等處詳細訪查如果屬實即著會同該處員弁拏獲訊究按律懲辦或人數眾多必應設法先分其勢使無援引再行按名緝獲訊取口供藉除黨羽又恐此拏彼竄著琦善裕謙程琳采托渾布牛鑑宋其沅周天爵裕泰等密派幹員分布入境要隘認真巡查遇有結黨匪徒即著盤

詰來去蹤跡解省覈辦毋令勾串滋蔓是為至要將此各諭令知之○又諭有人奏匪徒糾結夥黨由閩廣竄入江西境界已降旨飭令錢寶琛查辦並諭令江蘇安徽浙江等省嚴密防範矣據稱兩省遊民每百人或數十人不等由邵武南韶等處至江西撫建吉贛一帶結黨成羣形勢兇橫閩人以紅呢繫衣扣為記粵人則青呢為記挾刃短裝每起皆有頭目詢以人數多寡皆言弟兄們二三萬

人詰其去向則語支離自四月至六月不止地方官無敢查問等語莠民出境滋擾大為地方之害況成羣結夥形跡可疑若不趁早解散恐日久滋生事端現在閩廣兩省查辦奸匪難保不因稽查嚴緊遂越境溷跡著鄧廷楨林則徐各飭所屬嚴密查察如有遊手匪徒藉詞結夥出境務即盤詰追究勿令欺朦掩飾偷入他省是為至要將此各諭令知之○又諭據托渾布奏探有夷船在東北

大洋乘風向西北駛去並未在山東洋面停泊現經調撥兵丁寬備火藥馳赴登州相機防禦等語著該撫督同該鎮道等察看情形擇要布置毋得稍有疏懈至此次防堵事宜既據該撫查明重在嚴守要隘口岸利於步兵不利於馬隊所有副都統德珠布擬帶滿洲馬隊兵五百名協領等官十七員同赴登州府協防之處著即停止毋庸前往將此諭令知之○復引見京察一等未經記名人員

得旨福祥汪振基程伊湄常興法良吳曾愉查文經嵯祿寶麟劉裕鈐洪錫璜成祥景瑞祥達翟發宗錢相毓科寶俊程庭桂愛山胡希周塔爾呢善錫麟尋步月陳克讓俱著交軍機處記名以道府用○欽差大臣協辦大學士兩江總督伊里布奏請調閩粵水師赴浙協勦得旨浙江情形雖然若是而閩粵又不關緊要乎且徵調非旦夕可至若耽延既久逆夷返棹是徒勞兵力或逆夷探知捨浙

而閩而粵該省事同一律又必請援豈非終無一成罷於奔命成何體制○命長蘆鹽政明倫仍同原衙門當差以奉宸苑卿德順為長蘆鹽政○乙卯

上詣

大高殿行禮○還宮○大學士直隸總督琦善奏連日查探夷船全行起碇自係前往山海關奉天等處窺探節次派員前往接受夷書暨送給食物屢與該夷面晤漸近習熟設法

誘探據稱自廣東封港後所帶貨物資本賠累難支是以各處尋覓馬頭鋌而走險窺其詞色似有愧悔之心再查義律係協同掌兵之人在粵年久諸事熟悉一切皆其主謀此時似先須折服義律之心其次漸可疏通且夷性最為猶豫如遽令其旋回尚恐其懷疑不從現既由臣接其字據即由臣傳旨曉諭或可冀其取信臣惟待其回至天津隨機應變詳細開導令其返樞南旋諭軍機大臣等

本日據琦善奏夷船現已他往並派員探問情形一摺所奏詳細披覽俱悉該夷狡獪異常此時起碇他往難保不赴山海關及奉天省等處昨已降旨飭令耆英裕瑞等嚴密防範並諭令設法堵禦不准與之接仗諒無他虞惟該夷意圖貿易又恐貨物微變難以回國正可乘其貪戀之私藉用羈縻之法著琦善照舊嚴密防範毋稍疏懈一俟該夷回權仍遵前旨隨機應變詳細開導總須折服其

心辦理方可得手也將此諭令知之○以祭社稷壇自是日始齋戒三日○丙辰諭內閣梁章鉅奏請將知縣解任質審一摺廣西北流縣知縣謝本嵩於武生梁戾天誣竊一案何以不行詳報輒以罰銀了事所罰銀數究有若干現存何處至雙威司巡檢徐棟如係照常服藥何以死後有流血情形其妻徐陳氏何以不願開檢其先在州縣遞呈何以不收種種疑竇必應徹底查究謝本嵩著暫行革

職交該撫親提全案人證卷宗嚴行審訊務期水落石出不准稍有朦混以致不實不盡儻訊有營私諱案及婪贓入己情事即著嚴行叅辦○諭軍機大臣等本日據伊里布奏勦辦逆夷機宜一摺據奏倭夷占住定海其船聚於港口分泊要隘據險拒守並於經由各島嶼設礮守兵攔截抗拒等語該夷船身堅大槍礮便利若在海洋接戰驟難制勝所請趕造船隻之處恐緩不濟急徒勞無功著

毋庸議現有夷船駛至天津投遞訴冤稟帖已降旨令琦善妥為辦理該大臣於抵浙後必須訪察明確謀定後動斷不可急圖收復冒昧輕進該夷人如有呈遞字件即著派員接受將原件由驛馳奏將此由四百里諭令知之又諭本日據鄧廷楨奏提督統兵赴浙勦辦一摺覽奏已悉前有旨令該督馳赴泉州巡防海口並因臺灣澎湖地方緊要諭令招募練勇訓習防堵計該督此時業已行

抵泉州備防矣此次喫夷沿海遊奕倚恃船堅礮利廈門雖獲有勝仗仍須持重謹慎著鄧廷楨統率將弁認真巡防遇有夷船駛至不值在海洋接仗儘敢進口登岸即著合擊痛剿或該夷人呈遞說帖並無桀驁情形即派員接收將原遞之件由驛馳奏其澎湖備防事宜著遵照前旨妥為布置所有福建陸路提督即著曾大觀代辦將此諭令知之○又諭周悅勝奏防堵海口情形一摺覽奏已

悉昨據琦善奏到喫夷船隻現已起破他往降旨令琦善相機辦理該提督駐劄古北口地方亦關緊要所有調撥兵丁防堵之處著即派往周悅勝接奉此旨無論行抵何處即行折回將此諭令知之欽差兵部尚書祁寓藻等覆奏遵查已革惠安縣知縣陳偕燦尚無故縱丁差擾累及濫派軍流人犯充當民壯情事惟於前任移交添雇獵戶未經裁撤轎夫搶奪民間什物並不按例治罪已發

新疆毋庸再議轎夫張火等分別杖徒又奏晉江縣蠹書許吉永春州蠹役陳彩藉案詐贓均在十兩以上擬發近邊充軍尚有被控各款犯證未集監禁待質下部議從之○以故奉國將軍慶林子齡瑞降襲奉恩將軍○調浙江定海鎮總兵官吳建勳為福建海壇鎮總兵官起丁憂總兵官葛雲飛署定海鎮總兵官丁巳命山東學政翰林院修撰劉繹陝甘學政編修孫瑞珍馳驛來京供職



大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十七

實錄卷之三百三十七

主

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十八

秋修

道光二十年庚子八月戊午朔祭

大社

大稷

上親詣行禮○幸圓明園○詣綺春園問

皇太后安○諭軍機大臣等周天爵等奏鄖房

二縣地方匪徒捏造謠帖一摺據奏鄖陽房

縣匪徒張貼謠帖指明康燦翁元等家必係

其附近有嫌之人不難從此切究來歷周天

爵現往該處查閱營伍著即督飭所屬嚴慎

防備並密拏造謠之人窮究黨羽務獲懲辦

總期盡絕根株。毋任養癰貽患。其帖內所指西安洛陽等處已諭知牛鑑富呢揚阿密查究辦矣。此案查辦完竣。該督尚有堵築撫卹事宜。湖南應閱營伍著准於明歲補行校閱。將此諭令知之。○又諭據周天爵等奏湖北鄖房二縣地方有匪徒捏造謠帖現飭查辦一摺。已有旨交周天爵等查拏嚴辦矣。其謠帖內載有接到西安省秦成公密札八月十五日要到洛陽會楚仲王議事並有八月十二日要在洪門鋪礮河武陽安陽等處辦齊糧餉等語。此等匪徒造言生事。原不足信。然亦不可不防。著牛鑑富呢揚阿派委妥員不動聲色嚴密訪查。如有捏造謠帖之人即行嚴拏務獲懲辦。以絕根株。將此各諭令知之。○己未命禮部右侍郎馮芝提督順天學政。通政使司參議成觀富提督江西學政。翰林院編修陶恩培提督福建學政。編修張鑠提督湖南學政。編修許乃釗提督河南學政。編

修李汝嶠提督山東學政。湖廣道御史焦友麟提督山西學政。翰林院編修沈兆霖提督陝甘學政。侍講何裕承提督四川學政。司經局洗馬單懋謙提督廣東學政。翰林院修撰鈕福保提督廣西學政。編修葉覲儀提督雲南學政。戶部員外郎鍾裕提督貴州學政。太常寺少卿劉誼為奉天府府丞兼提督學政。江蘇學政毛式郇安徽學政車克慎浙江學政李芝昌湖北學政朱鳳標均留任。○以詹事府詹事慧成為通政使司通政使。○庚申以祈雨靈應頒發廣西廣福王祠御書扁額曰神功普濟。○辛酉諭軍機大臣等者英等奏夷船潛入奉天洋面遊奕帶兵督防一摺。據奏喚夷來船二隻在八岔溝外洋遊奕。該將軍帶兵督防等語。覽奏均悉。此次夷船駛至奉天如情詞恭順另派小船投遞稟揭等件。該將軍不必遽開槍礮仍遵前旨派員接收將原件由驛馳奏。儻有桀驁情形

斷不准在海洋與之接仗。蓋該夷之所長在船礮。至舍舟登陸。則一無所能。正不妨偃旗息鼓。誘之登岸。督率弁兵奮擊痛剿。使聚而殲。旗乃為上策。該將軍務當謹慎持重。相機妥辦。將此由四百里諭令知之。○又諭御史焦友麟奏。風聞葉爾羌地方有旱路與英咭喇夷人交易之處。當設法嚴防等語。奸民私販焰硝。本干例禁。況與外夷交易。情罪更重。著恩特亨額確查葉爾羌地方。如果旱路可通。尤宜妥為防範。毋稍疏縱。將此諭令知之。○以內閣學士毛樹棠署禮部右侍郎。盛京戶部侍郎。惟勤署盛京副都統。○壬戌。諭內閣。嗣後紫禁城內犧牲所。著仍照舊例。奏請揀派值年。至營造司慶豐司六庫官房租庫乾果糖斤等處。所有應辦事件。即由該總管內務府大臣等公同辦理。毋庸另派值年。○又諭。昨據太常寺奏。現出有贊讀官各缺。咨取應挑人員。揀選鑲黃旗蒙古。誤將髡頭匠

哈清阿咨送。並據該佐領富陞圖片聲覆。有含混等情。當交軍機大臣傳到富陞。訊問據供。咨送哈清阿。係署佐領闊凌阿。經手辦理。傳訊闊凌阿。自認不諳定例。以致誤送。至出具圖片書寫拜唐阿字樣。富陞亦自認疏忽。辦理均屬錯誤。富陞、闊凌阿均著交部嚴加議處。太常寺承辦司員。未經查出。著交部照例議處。所有該寺學習讀祝官一缺。著即扣除。另行揀選。○諭軍機大臣等。前因有人奏江西與閩廣交界。兩省遊民成羣結黨。每起皆有頭目。詰其去向。語涉支離。當經降旨令該署督等密派幹員查拏究辦。茲又有人奏。風聞該民人等於經過地方公然開鑿吸煙。且每隊中俱有數人扛擡巨簾。詢以所載何物。即明言係販賣之煙等情。現在查辦鴉片煙正當喫緊之際。該匪等竟敢明目張膽結隊遊行。吸食販賣。實屬膽不畏法。必應從嚴懲辦。以戢刁風。著裕謙錢寶琛仍遵前旨。

派員嚴密訪拏如果有吸煙與販情事即著按律究治不准稍有疏縱將此各諭令知之

○癸亥

上御勤政殿聽政遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○諭內閣前因鴻臚寺卿金應麟奏

請飭禁漕政積弊並將漕運事宜量為變通

一摺當交兩江總督有漕督撫等議奏旋據

林則徐烏爾恭額覆奏復降旨將林則徐所

議四條飭令伊里布妥議茲據伊里布裕謙

議奏著該督撫等會同漕督和衷共濟恪守

舊章去其太甚以冀漸革積弊儻官弁軍民

有敢爭持延玩誤公者立即重治其罪毋得

託諸空言日久懈怠所有金應麟林則徐等原奏各條均毋庸議又另片覆奏鐵麟條陳幫船調次展增年限等語著該督撫督同司道隨時稽查如有刁劣幫丁立即斥革貧疲各幫裁撤歸併以期漕務日有起色所有鐵麟原奏亦著毋庸議○又諭載銓等奏續改則例內條款請旨定奪嗣後除從前移居宗室應照舊例充當族學長升任主事外其自嘉慶二十年以後各項作為移居宗室之人均不准挑補族學長升補主事若從前移居宗室戶口無多不敷升用其該營內彈壓移居宗室主事之缺並正副族學長之缺均著以盛京久住宗室充當即由該將軍揀選照例補放○又諭翰林院應行保送御史現在歷俸三年以上合例應保者人數無多著將從前曾經保送未經記名各員與應行保送之員一體帶領引見○諭軍機大臣等本日據鄧廷楨由驛馳奏留兵防堵情形一摺覽

奏均悉該夷船往來遊奕桅掛紅旗蹤跡詭  
秘難保無奸民暗為勾引著鄧廷楨仍遵前  
旨嚴密防範不必在洋與之接仗我兵外示  
鎮靜以逸待勞如果登岸再行勦除毋庸汲  
汲圖功恐有挫失是為至要又保昌等另片  
奏添鑄礮位等語著准其趕緊添鑄以資捍  
衛免其報銷鑄成之後施放果否有準致遠  
能及若干里均著遇便詳細據實具奏將此  
由四百里諭令知之○又諭本日據余步雲

奏請調撥兵丁一摺現在余步雲計應到浙  
著伊里布詳察情形悉心商酌應否調撥之  
處具奏請旨余步雲原摺著鈔給閱看將此  
由四百里諭令知之○貴州道御史萬啓心  
奏請移檄喚夷六條一粵省封港該夷總疑  
欽差大臣朦蔽朝廷絕其貿易投書申訴應  
諭以封港係該大臣因該夷不肯繳煙奉旨  
辦理並無欺誘以免藉口一夷人繳煙又以  
洋商從前私許給價嗣因欽差大臣不許未

曾得價不甘虧本為辭試思數萬煙箱架火  
燒燬共見共聞豈有用價買來燒燬之理且  
夷人與中國貿易數十年獲利不少此次不  
給價值未為虧本買賣已失近復用兵該夷  
路險且遠中國以逸待勞形勢誰難誰易費  
用孰多孰少中國堅壁清野令該夷不能上  
岸縱有利器於何用之該夷素善推計必知  
求息一鴉片煙新例應諭知夷人必不開禁  
無得意存希冀一夷人以漢奸為耳目應諭

以此等奸徒棄中國父母墳墓惟利是圖有  
何可信天下忘本之人譬如毒藥蛇蝎豈能  
有益如此諄切曉諭漢奸自不為彼所信一  
夷人上年繳煙尚屬聽命可嘉宜獎其既往  
以勸將來一茶葉大黃夷命所繫應諭以貿  
易既絕此物必不出洋俟該夷屈服後照價  
賞賜以為操縱之具得旨御史萬啓心奏曉  
諭喚夷六條著琦善體察情形如有可採擇  
之處斟酌施行該夷船隻起碇他去現在有

無著落。果否仍回津門。著將實在情形先行具奏。萬啓心原摺著鈔給閱看。將此諭令知之。○以大學士王鼎為順天鄉試正考官。工部尚書廖鴻荃左侍郎文蔚內閣學士賈楨為副考官。○以詹事府少詹事王炳瀛為詹事。○以禮部尚書龔守正兼署工部尚書。○以正黃旗護軍統領中山兼署鑲紅旗護軍統領。工部右侍郎松峻兼署京營右翼總兵。○甲子。遣官祭。

文昌帝君廟。○諭內閣。昨因太常寺咨取揀選贊禮郎人員。鑲黃旗蒙古都統將與例不符之箭匠哈清阿保送業經降旨將該都統及承辦參佐領等分別議處矣。嗣後各旗營該管大臣。凡遇揀選保送等事。務當秉公稽察。不得任聽各該章京等隱瞞欺蔽。經此次訓諭之後。所有管理旗營大臣等。各當盡心謹慎辦事。儻有仍前事件。定當從重治罪。決不寬貸。將此通諭各旗營知之。○諭軍機大

臣等據托渾布奏。現抵登州府防堵情形。又另片奏。夷船一隻。在壘磯島外洋遊奕。並駕小船。向島民乞買淡水牛隻等情。覽奏均悉。現在該夷船既向西北大洋駛去。難保其不折回。且恐復有南來船隻。山東省各口岸。內無漲沙攔阻。外無險要可守。設或夷船再至。竟有桀驁情形。不准在海洋與之接仗。該夷所恃者船礮。若舍舟登陸。則其技立窮。不妨偃旗息鼓。誘之登陸。督率兵勇聚而殲旃。該撫務當相度機宜。持以謹慎。是為至要。將此諭令知之。○以江蘇布政使邵甲名署巡撫。○以廣東督標中軍副將趙光璧為山東兗州鎮總兵官。○乙丑。

上奉

皇太后幸同樂園。賜皇子內廷王大臣及蒙古王貝子等食。○丙寅。

太宗文皇帝忌辰。遣官祭。

昭陵。○諭內閣。惠吉奏烏魯木齊各屬續報開

墾地畝一摺烏魯木齊所屬各州縣報墾地畝經該都統委員查丈共計地三萬五千六百九十餘畝現已招集戶民認種著照所請所有宜禾縣從前墾成熟地九千三百三十餘畝准其即於本年按則升科其餘新墾各地准其照例試種三年自道光二十年起扣至二十二年再行升科其尚有未墾地畝仍著該都統督飭所屬隨時籌畫水利實力招徠墾種以裕邊儲該部知道○以開墾地畝

挑濬渠道並拏獲煙犯出力予甘肅直隸州知州和塞布以知府升用○丁卯

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

顯佑宮

東嶽廟

城隍廟○

上詣

安佑宮行禮○詣綺春園

皇太后前行禮○御正大光明殿皇子及王以下文武大臣官員蒙古王公等行慶賀禮○

御同樂園賜皇子及內廷王大臣蒙古王貝子等食○祭

先師孔子遣協辦大學士吏部尚書湯金釗行禮○諭軍機大臣等本日據伊里布馳奏

子等食○祭

先師孔子遣協辦大學士吏部尚書湯金釗行禮○諭軍機大臣等本日據伊里布馳奏

抵浙籌辦情形一摺覽奏均悉。喫夷占據定海洋面。分船遊奕。蹤跡詭秘。該大臣務須加意防堵。仍密派得力之人。分投偵探。該夷所持全在船堅礮利。一經登陸。其技立窮。該大臣總當鎮靜持重。不可在海洋與之接仗。如敢登岸。即行痛剿。儻探得該夷船隻駛出外洋。即可不必窮追。所有定海縣民應行撫卹。及文武員弁應派委署理之處。著該大臣妥為辦理。至所奏調派壽春鎮兵來浙協力堵禦。並請調閩粵水師會剿之處。著候旨施行。將此由五百里諭令知之。○命翰林院侍讀學士羅文俊提督浙江學政。○戊辰。太祖高皇帝忌辰。遣官祭福陵。○孝全皇后梓宮前月祭。命皇子行禮。○諭內閣。前據給事中況澄奏。湖南廣西兩省匪徒習教。傳有性命圭旨。刻本等語。當降旨交該省督撫等查辦。茲據該督撫查明。各該處現無

習教蹤跡。仍著隨時認真訪緝。有犯必懲。至性命圭旨一書。雖無違悖不法字句。究係虛無香渺之談。恐無識匪徒藉資惑眾。著各直省一律查禁。○命翰林院侍讀溫葆淳提督福建學政。○己巳。遣官祭關帝廟。○改派戶部右侍郎善燾會同兵部尚書裕祿。誠敬謹勘估。○永陵。○啓運殿並盛京清寧宮鳳凰樓應修各工。○庚午。○上詣安佑宮行禮。○諭軍機大臣等。裕瑞奏夷船駛至老龍頭海面。帶兵防堵情形一摺。據稱。瞭見夷船一隻。相距海口五里。桅桿高大。煙氣上衝。此等夷船。係該夷探信所用。並非兵船。現在既經南駛。仍當加意巡防。該副都統先後派帶官兵相機守禦。毋少疏懈。將此諭令知之。○辛未。



上詣綺春園問

皇太后安○遣官祭昭忠祠○諭內閣前據顏伯燾奏備陳辦銅原委仍請准除借款提撥銀兩一摺當交戶部議奏茲據該部議請將每年額撥銅本銀兩提早數月撥給俾得藉以周轉著照所議嗣後滇省請撥銅本銀兩及戶部指撥著一併改題為奏以歸簡捷○壬申諭軍機大臣等本日據宋其沅奏烏爾恭額移交擎獲漢奸聞吉祥布定邦及黑夷等並安插難民等語漢奸黑夷係何人何處盤獲其被獲之時係何情形該犯等深入內地營謀何事何以束手待縛其所吐供詞大致若何俱未據該護撫詳晰奏明著伊里布查明據實具奏至該夷占據定海之後現在逃入內地者究有若干民人定海城內外仍有若干戶口既據該護撫奏稱被難民人紛紛逃入內地是定海城內情景逃民必能一一詳述著伊里布一面與該護撫籌商安插

清 實 錄 道光二十年八月

清查戶口酌給撫卹口糧俾無失所一面即向該逃民探詢定海城內民人著落詳晰奏聞現在該夷船有駛至天津海口者呈詞恭順並無桀驁情形已派令琦善妥為辦理將此由四百里諭令知之○癸酉以理藩院尚書賽尚阿兼署兵部尚書莊親王綿護署正白旗漢軍都統正白旗滿洲副都統奕興署鑲黃旗滿洲副都統○甲戌諭內閣前因御史賀熙齡奏裕謙上年訪聞鹽務官員劉曙等十餘人吸食鴉片札交運使沈拱辰查辦延擱未行當降旨交裕謙查明具奏茲據奏稱該運司先行嚴查因無確據未經詳參尚無延擱未行之事其訪查各員經該署督調取面談均無煙癮有自認曾經吸食者有詢訪僉同未據承認者請分別革職勒休等語兩淮候補運判孫玉樹鹽運司經歷楊禮源試用鹽大使劉曙梁兆祥文熙試用鹽知事宓尊相著一併革職試用運判胡毓試用鹽

一三五

知事王士奇著勒令休致均永不敘用其陳以敬等十一員仍著該署督責成該運司詳加察看如果得有確憑即行嚴叅毋稍疏縱該部知道○又諭麟慶奏拏獲夷人訊供解省一摺據奏黃河海口拏獲夷人金萬成等七名訊係朝鮮國人遭風漂流等語著該河督即派妥員將該夷人等解送禮部聽候訊辦○又諭裕謙奏申明舊章查禁糧私一摺近年歸次軍船夾帶鹽斤較前增益於楚西

銷數大有關礙自應嚴密稽查現在回空軍船正屆南下著直隸總督漕運總督長蘆鹽政並各省糧道先期出示曉諭丁舵人等每船於例帶食鹽外不准絲毫多帶並責成運弁實力稽查該署督於軍船行抵江南時即查照舊章逐段委員督察如查有夾私情事立即起除淨盡除丁舵人等按律重治外仍將該管運弁一併叅處以利釐綱而肅漕政○諭軍機大臣等據琦善馳奏夷船又復他

往一摺覽奏均悉嘆夷來至天津堅以乞恩為詞當降旨令該督再向明白曉諭該夷並不靜候輒又起破他往詭詐之情殊為巨測該督業於天津城外風神廟等處並於寧河縣屬之北塘海口分撥防守著督飭弁兵加謹防維如該夷船復行駛至著仍遵前奉諭旨明白宣諭儻該夷桀驁不馴亦不值與之在洋接仗如敢進口登岸肆行強橫即行開槍開礮痛剿該督惟當隨機應變妥為辦理

將此諭令知之○署兩江總督裕謙等奏馳抵寶山縣接辦防堵事宜得旨妥慎防之斷不可躁妄失算又奏該逆夷犯兵家之忌者八○千里飽糧師不宿飽海道數萬餘里芻糧一匱後難為繼○重洋往返動輒逾歲且掀天巨浪莫可屯兵前師一敗後師莫援○該夷國富民貧平時養民不甚愛惜一旦驅戰於數萬里之外彼兵必不用命○該夷礮火雖利然礮之為用不利仰攻且船與浪低

昂不定。施放亦難得準。該夷船身笨重。喫水極深。內洋沙線。非所熟悉。水淺沙膠。轉動萬難。一夷船雖甚堅固。然利於水者。不利於火。若用火攻。必當焚燬。一夷人腰硬腿直。善水戰。不利陸戰。一夷人不服中國水土。探聞竊據定海後。或出天花。或染時疫。死亡相繼。殆無虛日。犯此八忌。其敗可立而待。抵所論不為無理。○以捐修湖北興國州文廟。予紳士曹俊等議敘有差。○丙午諭內

閣據鄧廷楨馳奏。喫夷兵船來至廈門滋擾。官兵併力攻退一摺。喫咭喇夷船二隻。來至福建廈門滋擾。於七月二十五日懸掛紅旗。駛進青嶼。直趨水操臺。經該提督陳階平等督令水師員弁開礮轟擊。疊中該夷船尾。並擊碎其杉板一隻。次日該夷船又駛向水操臺開礮。該副將靈德等連放大礮。打中夷船二次。旋即退出。該夷又放下杉板船隻。尾追商船。該遊擊謝國標等追及。逼進嶼仔尾山

後小港開礮。擊中夷人五名。跌倒在船。旋即退去。現已起碇遠去。無蹤。此次攻擊夷船。在事出力各員。著該督擇其尤為出力者。酌保數員。候朕施恩。毋許冒濫。其臨陣受傷殞命之遊擊任經猷。其屬可憫。著交部議卹。所有陣亡官兵。並著查明分別咨部。照例議卹。○諭軍機大臣等。據裕謙等奏。夷船在洋遊奕。遵旨相機防堵。並請暫緩撤退。前調兵丁各一摺。覽奏均悉。夷船駛至江蘇海門廳糖廬

沙洋面。遙放槍礮。經防堵把總毛正和等督飭兵勇。開放槍礮。登時擊退。現仍在滯。缺銅沙等處。極東外洋。往來遊奕。該夷詭詐性成。非探我虛實。誘我追逐。即係欲圖搶掠。此等遊奕夷船。不值令舟師追擊。該署督等惟當以逸待勞。督飭文武各員。留心瞭探。嚴加守禦。儻駛入內洋。竟敢入口登岸。即著開槍開礮。相機痛剿。至崇明一縣。孤懸海外。寶山城池濱臨海口。上海縣為海舶聚集之所。防守

均關緊要現調防兵著准其暫緩撤退該署督等仍當隨時嚴密防堵相機妥辦又另片奏舵水遊匪率多亡命嗜利之徒收充鄉勇約束不易驅逐出境恐資寇用等語著該署督妥為措置要在寬猛相濟撫馭得宜勿令別滋事端是為至要將此諭令知之○又諭本日據鄧廷楨馳奏喫夷兵船連日來至廈門滋擾官兵併力攻退一摺喫夷此番舉動有異尋常浙洋逆匪既未殲除粵海兵船又未退去海岸周防實關緊要著該督嚴飭各該員弁認真防範嚴密稽查不可因夷船退去稍有疏懈總當有備無患以逸待勞是為至要又另片奏請將寶振彪仍留本任等語寶振彪著准其仍留金門鎮本任以資保障將此由四百里諭令知之○又諭據耆英等奏撥兵防守海口情形並探有夷船多隻在復州所屬之常興島塔山以南外洋停泊並向居民汲水買物等語該夷蹤跡詭秘不可

不加意防維據該將軍等稱夷人內有手執鉛筆書寫漢字顯有漢奸勾串自當嚴密設法緝獲辦理至該夷仍在塔山以南外洋拋錨難保不再行潛來著耆英等酌量情形如可量分兵弁即令前往守護並曉諭該島居民令其同心協力自固藩籬若復州海口兵力不能分撥仍以海口為重總不得與之在洋接仗如敢進口登岸即行開放槍礮率兵痛剿該將軍等惟當隨機應變妥慎辦理是

為至要將此諭令知之○順天府以宗室鄉試中額請得旨取中四名○丁丑

上奉

皇太后幸如園進膳○以輔國公綿悌為內閣學士兼禮部侍郎銜○戊寅

上詣綺春園問

皇太后安○諭內閣周天爵等奏請將知縣典史革職審究一摺此案湖北兼辦襄陽縣典史事署宜城縣田家集巡檢試用從九品范

康於家丁徐二聽受姦夫李沅青賄囑商同禁卒等將監禁犯婦吳王氏謀死滅口該典史先既毫無覺察後又捏報病故實屬徇護襄陽縣知縣毛鴻順於下鄉回署後不即稟驗輒那改日期詳報毛鴻順范唐著一併革職交該督等提集全案犯證嚴行審訊務得確情按律定擬具奏至民人吳正學是否因羞忿服毒該犯李沅青有無通同謀毒情事均著徹底根究毋許稍有實不盡○諭軍

機大臣等本日伊里布由驛馳奏籌辦夷務情形一摺據查定海鎮額設水師兵二千六百餘名又寧波府等募有水勇多名若部勒有方亦足抵水師之用等語現在閩廣水師既不能分調著即照該大臣所議妥為辦理以期厚集兵力戰守有資至該夷在天津稟訴求通貿易雖飭琦善妥辦迨琦善入奏後該夷船又復駛去無蹤夷情叵測殊未可信所有攻剿事宜該大臣仍密為部署如該夷

入口滋擾即開放槍礮盡力殲除不必因有天津稟訴一事轉滋顧慮惟不得於洋面接仗致有損失琦善所進兩次夷書著給付伊里布閱看仍俟報便封還至定海一縣數百里之地夷兵雖眾未必處處環繞且現有民人逃難渡海及官員逃避之事海洋遼闊港汊紛歧當必仍有路可通務須密加察訪以為進攻之計其定海文武官員查無下落現既有敕諭曹應穀訓導諸葛璋等逃回郡

城即可向其查問城內情形並姚懷祥等死事情節其遭寘誅之夷目究係何人查明後亦著奏聞該大臣前請調金門鎮實振彪赴浙差遣之處已據鄧廷楨奏留本任應毋庸議將此由五百里諭令知之○命翰林院修撰劉鐸仍在南書房行走○以捐建江蘇上海縣義倉予紳士李訓彝等議敘○己卯諭內閣前因御史許汝恪奏福建漳泉等府販煙奸商勾結會匪盜匪闖入江西地方分投

售賣並有放火打搶情事。當經降旨著錢寶琛等確切查拏。茲據該撫查明陳坊橋葉姓莊房被燒及打搶傷人各節。並無其事。棠陰地方亦無販煙滋事情弊。惟既有閩商多人往來出沒難保無奸匪乘間竄入不可不豫為防範。著該撫督飭所屬嚴密訪查。如有匪徒蹤跡立即緝拏務獲從嚴懲辦。不准稍有疏縱。○諭軍機大臣等前因喫夷在天津海口投遞呈詞甚覺恭順籲懇恩施當飭令琦

善剴切曉諭不准滋擾。祇許赴粵叩關。如果出於至誠該大臣等自能代為轉奏乞恩。茲據琦善奏稱該夷聽受訓諭業經全行起碇南旋並稟稱沿海各處如不開槍礮亦不敢生事端。定海之兵亦可先撤一半等語。該夷前此猖獗殊堪髮指。必應痛勦示威。現在福建之泉州府浙江之乍浦江蘇之寶山崇明各洋面均經前後轟擊夷船大挫其鋒。該夷既肯赴粵乞恩自不值窮於所往。本日已降

旨派琦善作為欽差大臣馳驛前赴廣東查辦事件。俟該大臣到粵後自能辦理妥協。但恐沿海各督撫不知現在情形。特此由五百里飛示伊里布宋其沅裕謙邵甲名托渾布。鄧廷楨林則徐等一體遵照各守要隘認真防範。如有該夷船隻經過或停泊外洋不必開放槍礮。但以守禦為重勿以攻擊為先。其應布置嚴密之處仍不可稍形鬆懈。是為至要。將此由五百里各諭令知之。○又諭本日

據琦善由驛馳奏喫夷全行起碇南旋一摺。已明降諭旨派琦善馳驛前往廣東查辦事件。直隸總督印務派訥爾經額署理琦善接奉此旨著即迅速來京請訓。一面悉心籌畫將應留應撤各兵分別覈辦。仍飭令該將弁等加意防範毋稍鬆懈。所有本日該督具奏情形均已由五百里知照江蘇浙江山東福建廣東等省遵照辦理矣。將此由五百里諭令知之。○又諭本日據宋其沅奏議覆給事

中沈錄請飭各省國練水勇一摺覽奏均悉此等無業遊民駕船往來洋面多係無賴匪徒全在平日無事之時撫綏安插使之有所業而不為盜賊若待洋面稍有不靖始設法招徠轉恐為賊匪耳目不可不防現據宋其沅奏稱每縣雇募數百名數十名不等自係因舟師助仗起見寬為豫備亦須籌畫萬全著伊里布悉心妥議此項水勇現在若何糾集是否有益將來撤伍之後作何安插務當

通盤經畫切無取便目前是為至要原摺著鈔給閱看又宋其沅另片奏出關後馳赴軍營察看一切等語此時計已赴鎮海與伊里布商辦各件著仍回省彈壓毋庸在鎮海久留將此各諭令知之尋奏各屬團練鄉勇協兵防守民心藉以鎮定不為無益雖人數較眾未必盡屬良民然在縣則有官吏稽查在局則有紳董鈐束該鄉勇等尚不敢倚眾滋事至團集之後皆係收聚口內不令出洋亦

無從為夷人耳目現擬酌量裁撤凡本有生計可圖者仍令各謀本業其實在無業遊民務令地方官妥為安插不任流而為匪得旨妥實辦理○命大學士直隸總督琦善為欽差大臣馳往廣東查辦事件以陝甘總督訥爾經額署直隸總督熱河都統瑚松額署陝甘總督○以御前侍衛玉明為內閣學士兼禮部侍郎銜○庚辰

世宗憲皇帝忌辰遣官祭

泰陵○

上詣

安佑宮行禮○諭軍機大臣等昨因琦善奏嘆夷船隻全行起碇赴粵聽候查辦當即由五百里寄諭伊里布及沿海各督撫知悉矣茲據林則徐等奏在粵夷船漸形猖獗現在擇日出洋勦辦等語覽奏均悉夷人習熟水戰該督摺內既稱不值與海上交鋒何以此次又欲出洋勦辦前後自相矛盾顯因夷兵滋

擾福建浙江又北駛至天津恐以粵東辦理不善歸咎於該督故作此舉先占地步所謂欲蓋彌彰可稱憤兵也且即欲舉動亦應由驛馳奏聽候諭旨乃摺差直至本日方行遞到殊屬不曉事體著傳旨嚴行申飭現在如已出兵攻剿著即將接仗情形迅速馳奏該督仍當持以慎重毋涉輕躁至海口防禦不可不加嚴密並著密飭在澳各員不動聲色加意防範是為至要將此諭令知之○又諭

昨已降旨將喫夷在天津海口乞恩情形並派琦善前往廣東查辦事件由五百里諭知伊里布等諒已欽遵辦理矣本日據林則徐片奏密探定海情形知此次領兵統兵及帶兵職官等名字又該夷中有偽立定海縣官能為華言並請將兵勇扮作鄉民或將鄉民練為壯勇詐為見招而返約期動手等語著伊里布密查各夷目果否實有其人現在作何舉動其所稱詐誘一節是否能行昨據該

夷稟稱定海撤兵一半果否屬實著於查明後詳晰具奏原片鈔給閱看又御史許乃安奏稱杭州居民紛紛遷徙山陰會稽等縣官用印票索借民間銀兩三千五千至一萬兩不等省垣捐助未定章程等語著伊里布宋其沅一面曉諭居民各安本業毋令虛疑驚竄一面密查該地方官有無勒捐捐輸情弊認真覈辦不得令胥役人等藉端擾害地方又該御史奏稱蘇州一帶居民亦多遷徙丹

陽縣有創議加賦激成毆官劫獄之事著裕謙加意撫綏居民示以鎮靜勿令惶恐逃亡以安眾志如查有該地方官創議加賦釀成事端著即嚴叅治罪以順輿情將此各諭令知之○辛巳諭軍機大臣等裕謙等由驛馳奏夷船駛進內洋逼令商船呈遞字帖一摺覽奏均悉天津夷船起碇回粵聽候欽差查辦業經降旨由五百里諭知伊里布暨沿海各督撫一體遵照矣現在川沙廳洋面既有



夷船寄碇該署督等仍當認真防範不可稍形鬆懈各海口防兵屯聚務當督飭文武各員嚴加約束毋許擾累居民以致別生事端是為至要將此諭令知之○又諭昨因琦善奏喚夷聽受訓諭起碇南旋當降旨將現辦情形諭知伊里布等諒已遵照辦理矣所有調至鎮海防堵兵丁著伊里布妥為約束毋許滋擾閭閻其羸弱無用兵丁著即酌量撤回以節糜費至所奏署寧紹台道覺羅桂萼

在署自縊檢閱所遺親筆家書並訊據幕友家丁僉稱委因慮有賠累憂急自盡等語該道身為監司大員何致因日後恐有賠墊猝萌短見事屬可疑著伊里布宋其沅再行密加訪察究竟有無別項情節務得確情據實具奏將此各諭令知之○尋奏署寧紹台道覺羅桂萼實因關稅賠累憂急莫釋以致輕生自縊委無別故報聞○又諭前據鄧廷楨奏廈門攻擊夷船護參將陳勝元刺中白夷身

死烏槍擊中夷人二名落海其餘中傷夷人甚多當即明降諭旨將陳勝元以都司儘先升用賞戴花翎其在事出力之蔡觀龍顧敬忠胡國榮金光耀陳光福林建猷魯思仁何有時興貴等俱分別施恩著祁寓藻黃爵滋於浙江審案完竣之後馳赴廈門密傳該處鄉民及未與是役之微員兵丁等詢以六月初間夷船駛至廈門彼時情形若何究係孰先開礮如何接仗該夷傷亡若干我兵有

無傷損其船隻何時駛去分起傳訊毋令串通並密傳提督陳階平諭以現奉密旨傳詢該提督廈門一役情形虛實若何該提督本係局外不妨據實一一縷陳毋稍瞞隱干咎並詢以始而告病繼而銷假此中有無隱情或別有齟齬之處均著詳細登答將來覆奏時我等自得之採訪斷不致將汝牽涉該大臣等照此辦理似可盡得實情據實入奏其在廈門接仗之弁兵等概毋庸查問以防欺

節而昭覈實將此諭令知之○署兩江總督裕謙密奏嘆夷呈遞夷書語句狂悖本不敢據以上聞因前次奉有諭旨不敢不代為具奏得旨所見大差遠不如琦善之遵旨曉事原字原書一併封奏使朕得洞悉夷情辨別真偽相機辦理若似汝之顧小節而昧大體必致債事殷鑒具在不料汝竟效前明誤國庸佞之所為視朕為何如主耶試思我朝之所以興開國時一切情偽無不上達之故前

明之所以亡事無鉅細率皆壅蔽故國事日非措置失宜可不懷之又懷在汝亦不值朕發此議論遇事觸懷信筆而作○乾清門侍衛恩華以箭射平常革去正藍旗滿洲副都統調鑲黃旗漢軍副都統端華為正藍旗滿洲副都統以正紅旗漢軍印務參領劉鈺為鑲黃旗漢軍副都統○旌表守正捐軀江西南城縣民婦陶池氏媳黃氏○壬午諭內閣前次保舉堪勝副都統人員現已用竣著大

學士領侍衛內大臣尚書左都御史都統等將頭等侍衛八旗各營參領給事中御史各部院郎中有堪勝副都統者各保送一二員出具切實考語由兵部彙總帶領引見毋庸專摺具奏所保人員務將平日確知人品端方者再行保舉至所保人員簡用後倘因公事獲罪其原保官著毋庸議儻有因私獲罪者惟原保官是問如所知不確著毋庸保舉○又諭棍徒克策楞等奏審擬城守尉借貸

所屬鋪戶錢文並與屬員鋪民等賭錢一摺此案解任城守尉恩福以專城三品大員不知潔已率屬所行種種不端並邀屬員鋪民進署賭錢實屬有玷官箴恩福著即行革職照賭博本例枷號三箇月滿日從重發往烏魯木齊效力贖罪以為卑鄙不端者戒○以服闋巡撫周之琦為太僕寺卿署刑部右侍郎○癸未遣官祭賢良祠○以翰林院編修程伊湄充日講起居注官右春坊右贊善邵

燦翰林院編修李嘉瑞史佩瑤署日講起居  
注官○調烏里雅蘇台將軍廉敬為成都將  
軍荊州將軍德楞額為烏里雅蘇台將軍以  
西安左翼副都統布彥圖為荊州將軍調西  
安右翼副都統齊琅阿為左翼副都統以二  
等侍衛海齡為西安右翼副都統○予故成  
都將軍德克金布祭葬諡勤勇○予廣東出  
洋被雷火燒斃把總吳國泰四川陣亡兵丁  
饒勝等三名甘肅陣亡兵丁祁柄柱等五名  
賞卹如例○禮部議准江蘇巡撫裕謙疏報  
採訪通州貞節婦女袁楊氏等五百二十三  
口四川總督寶興疏報成都各屬張高氏等  
五十八口各請建總坊旌表從之○給江蘇  
上元江寧句容溧水江浦六合常熟昭文崑  
山新陽陽湖無錫江陰金壇十四縣被水災  
民一月口糧及江陰縣民房修費○甲申諭  
軍機大臣等據寶興奏擊獲湖北江西冒充  
災黎在川滇陝西等省疊次行竊匪犯何汶

禮等及婦女幼孩共一百名口起出贓銀五  
百餘兩金鐲衣飾多件夥匪梅仕名持仗拒  
捕被格身死等語匪徒糾結夥黨詭託災民  
肆竊滋擾大為地方之害該省冕寧等縣前  
經拏獲楚省詐冒饑民疊竊匪犯張榮盛等  
多名此次所獲何汶禮等復訊由湖北結夥  
四出竊擾多省不可不嚴行禁止著周天爵  
伍長華飭屬認真查禁如係實在饑民即行  
妥為安插若係奸徒假託災黎藉端出擾立  
即嚴行緝拏總不得令其外出滋生事端以  
戢奸宄而靖地方將此諭令知之○旌表守  
正捐軀山東高唐州民劉乃枚妻杜氏○乙  
酉秋分夕  
月於西郊遣莊親王綿護行禮○  
上詣綺春園問  
皇太后安○丙戌諭內閣前據給事中況澄奏  
浙江寧波府知府鄧廷彩之子鄧承恩廣為  
結納原任紹興府通判吳嶠盤踞招搖等款

當降旨交祁寓藻等查明具奏茲據奏稱鄧廷彰鄧承恩查無朋比營私情弊吳崧亦無盤踞把持及為伊子吳壽昌乞婚鹽商之事該給事中所奏著毋庸議至吳壽昌由運副告降通判後仍用五品頂帶一節訊係該省歷年告降改補人員均於補缺後始行更換頂帶相沿已久殊於體制未協嗣後告降人員著於呈准咨部由該撫行司飭知後即行更換頂帶以昭覈實如有延不更換者即著

嚴行叅處○又諭前因御史沈鵬奏浙江台溫二府屬地方栽種罌粟煎熬煙土並台州府知府潘觀藻吸食鴉片任聽栽種等語當交祁寓藻黃爵滋查辦茲據查明潘觀藻並無吸食鴉片亦無任聽栽種罌粟重情惟於天台縣民朱泳丁栽種罌粟聚眾拒捕重案業經摘去頂帶勒限嚴緝尚有未獲要犯二十四名此外臨海縣民李檜興等拒捕傷差各案亦未將逸犯悉獲實屬疲懦無能難期

振作潘觀藻著即革職天台縣知縣高振宛及各府廳縣查辦不力各員著該撫查明分別嚴行叅處該部知道○諭軍機大臣等據祁寓藻黃爵滋奏查明台溫兩府栽種罌粟情形一摺已降旨將台州府知府潘觀藻革職並著該撫將天台縣知縣高振宛及各府廳縣查辦不力各員分別嚴行叅處矣浙江台州溫州偏僻處所私栽罌粟雖據各屬及委員稟報均已鏟除而根禁尚有留存萌芽

易致滋蔓且犯多未獲即難保其不復私栽著劉韻珂嚴飭所屬隨時周履認真查勘如有復行栽種之處盡數拔除嚴拏究辦仍令該管道府照奏定章程親往履勘查有栽種熬煎等弊即行揭叅並嚴禁營弁胥役得受陋規以清包庇若瞻徇不報一併嚴行叅處其祁寓藻等訪查之樂清縣楊公鼎高庚霸霧北閣地方有栽種罌粟之處雖經鏟除著將地戶姓名人數查明辦理並玉環廳之苔

山田畧永嘉縣之廊下花坦巖頭嶺頭柵溪  
樂清縣之芙蓉場谷平陽縣之南港赤溪金  
鄉各等處向有奸民栽種熬煙售賣亦著一  
併查禁又據訪得台州府臨海縣張明保羅  
大潮仙居縣李慶趙光美黃巖縣朱老二均  
係積慣煙匪未經破案著同朱泳丁等各案  
逸犯一併飭屬嚴拏務獲究辦將此諭令知  
之○丁亥賞烏魯木齊協領德克濟春副都  
統銜為伊犁領隊大臣

大清宣宗

道

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十九

監修臣等謹將宣宗成皇帝實錄卷之三百三十九  
天門內事恭摺仰祈聖鑒事竊臣等謹將宣宗成  
皇帝實錄卷之三百三十九內事恭摺仰祈聖鑒  
七、奉天陸軍大臣奏請將加一級等語加一級等  
由陸軍大臣奏請將加一級等語加一級等語  
監修臣等謹將宣宗成皇帝實錄卷之三百三十九  
監修臣等謹將宣宗成皇帝實錄卷之三百三十九  
監修臣等謹將宣宗成皇帝實錄卷之三百三十九

敬修

道光二十年庚子九月戊子朔禮部議准江

蘇巡撫裕謙疏報採訪太湖廳貞節婦女吳  
周氏等一千三十六口請建總坊旌表從之  
○己丑旌表守正捐軀河南封邱縣民劉旺  
妻陳氏○庚寅諭內閣前因鴉片煙流毒海  
內特派林則徐馳往廣東海口會同鄧廷楨  
查辦原期肅清內地斷絕來源隨地隨時妥  
為辦理乃自查辦以來內而奸民犯法不能  
淨盡外而興販來源並未斷絕甚至本年暎  
夷船隻沿海遊奕福建浙江江蘇山東直隸

盛京等省紛紛徵調廉餉勞師此皆林則徐等辦理不善之所致林則徐鄧廷楨著交部分別嚴加議處林則徐即行來京聽候部議兩廣總督著琦善署理琦善未到任以前著怡良暫行護理此次喫夷各處投遞稟帖訴稱冤抑朕洞悉各情斷不為其所動惟該督等以特派會辦大員辦理終無實濟轉致別生事端誤國病民莫此為甚是以特加懲處並非因該夷稟訴遽予嚴議也○又諭理藩

院奏俄羅斯達喇嘛魏若明呈稱西城兵馬司官役將西洋看墳地人拏去並將收存經書器具一併抄去等語著軍機大臣嚴行查訊務使外夷敬服不准稍有不實不盡尋奏看管西洋墳地人沈文成係因習天主教犯案被官役查拏尚無藉端滋擾情事應請將習教人犯按例治罪從之○命署陝甘總督瑚松額撥銀六萬四千九百兩解赴葉爾羌巴爾楚克七萬三千兩解赴喀什噶爾英吉

沙爾備道光二十二年經費辛卯

上詣綺春園問

皇太后安○諭內閣奇明保奏乍浦海口招募

鄉勇一千餘名准入伍充補水師弁兵等語

事多窒礙難行著毋庸議○諭軍機大臣等

托渾布奏喫夷船隻一律由東洋南還一摺

據稱夷船八隻已先撥船三隻由大洋南回

現來船五隻亦由該省洋面開帆南駛並該

省撫馭夷人酌賞食物該夷情形極為恭順

等語所辦俱合機宜喫夷船隻現俱起碇南

旋既據該撫查明與天津夷船數目相符著

托渾布體察情形將前調防守各官兵酌量

撤退歸伍以節糜費將此諭令知之○又諭

據托渾布奏喫夷船隻前由東省外洋北赴

天津共有夷船八隻現來夷船五隻已開帆

南駛其三隻亦由外洋先回該夷情形極為

恭順等語喫夷船隻現俱起碇南旋恐沿海

將軍督撫等不知現在情形特此飛示著英

裕謙怡良知悉並著詳加酌覈將前調防守各官兵分別應留應撤妥為辦理托渾布摺片著鈔給閱看將此由五百里各諭令知之○又諭據保昌等奏閩省團練水勇並澎湖地方招募練勇防堵夷船各摺片覽奏均悉○喚夷船隻前由天津起碇本日據托渾布奏折回各船查係南還聽候欽差大臣查辦等語福建省現在團練水勇是否應撤應留著保昌吳文鎔酌量實在情形妥為辦理其澎湖等處現議招募練勇亦著酌量去留妥辦○至募赴浙江水勇八百名現經登陸啓行如果接有浙省毋需調遣之信亦著即行由陸路撤回以節糜費托渾布摺片著鈔給閱看將此由五百里諭令知之○又諭本日據伊里布馳奏浙省水師分別招徠雇募毋庸另行調撥一摺覽奏均悉喚夷來至天津遞稟訴冤現經琦善妥為查辦業已起碇南旋本日據托渾布奏夷船一律折回其駛至附岸

小船查詢夷人據稱遵旨回南聽候欽差查辦等語該夷現在情詞頗為恭順著伊里布查明在浙夷船是否全行退回所有招募各水師有應撤應留之處該大臣即酌量情形分別妥為辦理再本日據鄧廷楨等奏福建前募水勇由陸啓程前進聽候調遣等語此項水勇如果無需調撥亦著伊里布飭令仍由陸路折回以節糜費至該大臣所奏寧波府屬拏獲夷匪二十餘名著即妥為收管俟有商船赴粵之便解赴廣東交琦善辦理托渾布原摺片著鈔給閱看將此由五百里諭令知之○命閩浙總督鄧廷楨來京以雲南巡撫顏伯燾為閩浙總督山西布政使張澧中為雲南巡撫廣東按察使喬用遷為山西布政使山東鹽運使王庭蘭為廣東按察使○修浙江東西兩塘柴埽盤頭各工從署巡撫宋其沅請也○壬辰諭內閣漕糧為天庾正供節經降旨令有漕各省督撫嚴飭所屬

早兌早開。剋期渡黃。毋稍遲誤。迺近年重運。漕船不能如期抵壩。抵通。以致歸次受兌。節節耽延。總緣各該督撫不肯破除情面。實力催趲之所致。現在節近寒露。水勢漸消。各省回空軍船。甫過津關。著該漕督及沿途各督撫。分飭所屬。嚴行催趲。務使連檣南下。銜尾過行。不准片刻停泊。庶幾以速補遲。如期歸次。至來年新漕。尤當趕緊辦理。按限兌開。統限於四月初十日以前。全數趲至清江。剋期抵壩。以便渡黃北上。無許稍有遲誤。儻意存怠玩。視為具文。仍致臨事周章。有逾例限定。將該漕督及各該督撫。嚴行懲處。決不寬貸。將此通諭知之。○癸巳遣官祭都城隍之神。諭內閣。管通庫奏。遵旨明白。回奏一摺。據稱伊交卸時。曾將各商繳存記欠。陋規併額支養廉。湊足銀八千兩。發交綱總商人。未敦復張大溶具領收存。以備變抵不敷之用。著訥爾經額督同德順。查明據實具奏。○又諭祁寓藻等奏。革員定罪後復行翻控。遵旨徹底訊究。定擬一摺。此案浙江已革溫州府知府劉焜。因案被議。並無枉屈。乃遣抱赴京翻控。再三曉讀。並刊刻控案。支離辯論。編造詩句。韻文紛紛布散。實屬謬妄。劉焜著發往伊犁效力贖罪。即行起解。不准耽延。○以成都鑲黃旗滿洲協領興倫。為京口副都統。○甲午。諭軍機大臣等。本年湖北省各州縣被水。民人紛紛逃往他省。雖經該督等奏請撫卹。並委員查勘。朕心實深軫念。著周天爵。伍長華。確切查明。被水州縣。是否應加調劑。候朕施恩。其民人被水逃散者。共有若干戶。其經鄰省咨送回籍者。共有若干戶。現在秋稼尚未登場。被水村莊。未知能否涸出。尚可補種。事關民瘼。該督等查明後。詳細具奏。儻含糊了事。致小民流離失所。甚或因饑寒交迫。滋生事端。該督撫恐難當此重咎也。懍之。將此諭令知之。尋奏查本年夏汛盛



漲江陵等縣間有被淹田地當經奏明撥帑撫卹嗣於九月初一日起至初十日止大雨旬山水陡發漢江漲水一丈七尺餘寸以致鍾祥潛江天門沔陽漢川等州縣晚禾亦被淹浸刻下水勢尚未全消節候已遲難再補種容即委員覆勘奏懇恩施得旨急速妥辦速行奏聞又奏查得江夏等州縣逃戶已回者共九千八百三十五戶未回者共五千八百五十八戶已回者逐戶安撫未回者分

關鄰境設法招徠報聞又諭昨據都察院奏秋審冊內官犯李嘉祥之妻他塔拉氏遣抱在該衙門代夫鳴冤據稱伊夫李嘉祥在湖北鄖陽府知府任內督買倉穀被民人江經林等以書差詐贓浮買勒折等情具控業已解省訊係誣告復經該督覆訊刑求逼令畫供問成死罪等語本日已降旨派吳其濬麟魁前往查辦吳其濬接奉此旨如新任江西學政尚未到任即將學政關防送交錢寶

琛暫護迅即馳赴湖北省城俟麟魁馳抵該省後將李嘉祥一案提集人證卷宗秉公研鞠務得確情以成信讞將此諭令知之命戶部左侍郎吳其濬刑部左侍郎麟魁馳往湖北查辦事件以福建按察使常恆昌為浙江布政使江西督糧道徐廣縉為福建按察使乙未諭內閣前派林則徐鄧廷楨在廣東查辦鴉片乃時逾兩年不但未絕根株轉致該夷赴近畿呈訴冤抑成何事體已將

該督等誤國病民辦理不善之處降旨宣示茲據吏部遵旨將該督等議以革職實屬咎所應得林則徐鄧廷楨均著照部議革職林則徐著即折回鄧廷楨亦著迅速前赴廣東以備查問差委丙申諭內閣裕謙等奏力民聚眾奪犯毆官一摺江蘇丹陽縣鄉民聚眾毆傷署知縣呂湘打毀署內房屋逼令該縣知縣將拏獲棍徒吳章行釋放又打毀鋪戶數家情節重大著即提省研訊並將首從

各犯拏獲審辦以示懲儆至此案既據吳章行之姪吳英兒供稱伊叔因完糧折銀與糧差爭論旋被岳岳邦正訐告即經該縣拏訊難保非縣差挾嫌主使至該縣家丁何遽投井身死其踏死婦女何以並無屍親情節概屬可疑吳英兒既係進城滋事之人何以自行投到糾眾毆官是否吳瑞起意均應徹底根究以成信讞署丹陽縣知縣呂湘拏辦吳章行旋被逼放把總戴永福並不妥為彈壓事

後又未獲一犯顯有激變玩視情事呂湘戴永福著一併撤任交該署督悉心研究如係頑民聚眾滋事自當按律懲治若該知縣因浮收釀成重案即著嚴叅辦理毋稍偏縱○諭軍機大臣等據托渾布奏查明夷船已出東洋並分別撤留兵丁以重要隘而節糜費一摺所辦俱是夷船雖已全出東境而沿海要隘仍不可稍形疏懈又恐曠日持久轉糜兵餉現在該撫回省酌留兵丁一半兼派道

員副將等在登州各岸分守自己足敷防堵著托渾布體察情形如夷船果已全數南旋並無蹤跡當此北風司令天氣漸寒該夷船如不能瞬息再來或祇留登州鎮所屬各兵其餘盡行撤令歸伍全在該撫悉心籌畫既不致意外疏虞復不令老師糜餉是為至要將此諭令知之禮部奏十月初十日

皇太后萬壽聖節應行禮儀得旨是照例行禮奉

皇太后懿旨停止筵宴其在外福晉命婦進內行禮之處並著停止○旌表守正被戕山東郟城縣民女楊開姐給江蘇泰興縣被水災民一月口糧丁酉諭軍機大臣等本日據伊里布奏前獲漢奸黑夷供多未確及定海難民安撫得所一摺覽奏均悉定海城內遺民僅止數十人其餘或赴鄰郡或即在郡安插收養著該大臣督飭地方官妥為經理果係難民必應加意撫卹儻有假捏避難從

中偵探者即係奸匪亦應嚴加體察分別究辦毋令朦蔽所獲黑夷六名又另片奏稱擒獲白夷一名鎮海等營縣拏獲黑夷等四名俱著暫行收管覓有商船赴粵之便派委安員解交琦善訊明辦理至漢奸勾結滋事甚屬可惡亟應嚴辦以儆兇頑聞吉祥一名到案之初既供係漢奸何以歷訊又不承認布定邦籍隸粵省何以投入夷船現在該大臣分別咨查原籍著與續獲之漢奸郁秀慶虞國禎等俟咨查明晰即將伊等細加駁詰務使案無遁情供皆確鑿據實奏聞是為至要將此由四百里諭令知之緝捕勤奮予福建巡檢陳塤等升補有差戊戌

孝全皇后梓宮前月祭

上親臨奠酒幸圓明園以兵部右侍郎魏元烺知武舉吏部右侍郎潘錫恩為武會試正考官詹事府少詹事李煌為副考官命五城於冬春二季設廠煮賑乙亥

上詣綺春園問

皇太后安諭軍機大臣等本日據伊里布馳奏夷船直逼口岸勦辦防堵情形及探明進兵路徑並先後接收夷書給與回文各一摺覽奏俱悉前因暎夷在天津海口起碇南旋已派琦善馳赴廣東查辦曾飛示伊里布等一體遵照此次伊里布因暎夷登岸督率兵勇將其船隻擊沈礮位搶獲並生擒夷匪多名自係在未經接奉廷寄之前現在該大臣業經接奉廷寄自必相機妥辦毋誤事機該夷目所投回文欲將擒獲夷人釋放於交地退兵之事並未覆及該大臣惟當剴切曉諭告以爾等之來原為訴冤乞恩起見前在定海係因言語不通以致互相攻擊傷我文武各員此次我兵擒獲該夷官兵多人亦係因該夷直逼口岸先放槍礮是以力加防禦現仍仰體大皇帝中外一家之意將所獲夷人優加養養未行傷害爾等果能迅速退兵交

還定海定將歷次所獲男婦剋日釋回天朝誠信待人斷無加以欺誑之理該大臣如此曉諭一面將擒獲夷人妥為收管一面密派明幹之人分投偵探如果該夷確係退兵交地始可將擒獲之人全數交還其前次擒獲收管白黑夷人亦著毋庸解赴廣東統俟交地時一併辦理至此次在事各員弁兵勇著該大臣暫為存記聽候諭旨將此由五百里諭令知之○又諭本日據伊里布馳奏勦辦防堵倭夷情形各一摺此次伊里布所辦勦擊各情自係未經接奉廷寄之故現已諭令將前後擒獲夷人妥為收管俟探有退地撤兵確信一併交還並著伊里布剴切曉諭妥為相機辦理矣琦善到粵後務將查辦情形一面馳奏一面知照伊里布免致彼此參差是為至要原摺片著鈔給閱看夷書並發閱過後遇便繳還前此琦善所呈夷書一併寄去無庸回繳將此諭令知之○又諭寄諭署

直隸總督訥爾經額本日據伊里布馳奏夷船駛入浙江慈谿餘姚等縣內洋直逼口岸經派委文武員弁分頭勦擊並生擒夷匪多名旋據該夷目投遞回文欲將被獲夷人釋放等語已有旨諭令伊里布剴切曉諭一面將所獲夷人收管俟該夷退兵交地再將擒獲之人交還察看情形妥為辦理矣琦善業於本月初八日馳往廣東查辦恐該夷未知琦善起程仍復折回天津該處海口前調防堵兵丁業經分別撤留是否不致疏虞著該署督於抵任後趕緊料理即行前赴天津嚴密防範並飭令員弁常川瞭望毋稍疏懈如果該夷折回復有投遞字帖等情即著該署督豫為籌畫相機辦理據實具奏將此諭令知之○又諭據耆英奏夷船在金州海洋遊奕並酌撥官兵防堵一摺又另片奏金州海口冬令尤應嚴加防禦等語覽奏均悉倭夷船隻現已乘風開帆向東南放洋駛去惟金

州所屬之小平島等八處海口均關緊要必須小心防守方可有備無患著該將軍嚴飭各員弁加意巡防留神瞭望不得稍有疏懈並體察情形如九月內海口安靖該將軍即前赴中路連雲島等處海口履勘順道回省辦理公務其防堵各海口兵役凡由各該本城出派者仍著照舊防守毋庸裁撤其餘調撥防守各官兵俱著酌量撤回以節糜費熊岳副都統祥厚錦州副都統道慶屆期無事

亦著各回本任餘著照所議辦理將此諭令知之○又諭據裕瑞奏請將檢出堪用大礮在於海口加設以資抵禦等語山海關地方秦王島老龍頭兩海口舊設礮位既不敷用自應酌量添設惟此項礮位既經蒸刷存營是否堪以應用須先試放其火藥鉛子亦應寬為儲備並酌派何人如何施放演習之處務當早為籌及臨事方有實效將此諭令知之○又諭寄諭江寧將軍佈勒亨副都統張

仙保署兩江總督裕謙據張仙保奏京口辦理防堵情形一摺喫夷船隻前據托渾布奏業已全出東境自可無虞北駛惟定海夷船現在尚未撤回所有京口前調防禦水陸各兵著該將軍等體察情形酌量應撤應留妥為辦理至此項防禦官兵口糧現在既無閒款可籌著准其在於蘇州藩庫款項每日每員名給領銀一錢以資接濟該將軍等總當悉心籌畫固不可使要隘致有疏虞亦不可

使兵餉稍有虛糜是為至要將此各諭令知之○命江寧副都統張仙保來京調西安右翼副都統海齡為江寧副都統以荊州協領甘露為西安右翼副都統○逮己革浙江巡撫烏爾恭額下部治罪○庚子旌表守正被戕四川資州無名丐女○辛丑

上御洞明堂勾到新疆雲南貴州廣東情實罪犯停決雲南絞犯一人貴州斬犯四人絞犯一人廣東斬犯三人餘八十八人予勾○諭

內閣陳階平奏加工製造火藥並將煮煉硝  
斤各條開單呈覽福建製造火藥現經該提  
督督造加工轟擊頗為得力著各直省一體  
照單如式製造以資利用○壬寅以前任伊  
犁將軍奕山為正白旗領侍衛內大臣並在  
御前大臣上學習行走○以盛京副都統署  
吉林將軍祿普為西安將軍吉林副都統果  
陞阿暫署將軍調正白旗滿洲副都統奕興  
為盛京副都統○予故西安將軍哈豐阿祭  
葬諡愍勤○癸卯旌表守正捐軀陝西藍屋  
縣民燕添佑妻王氏○甲辰諭軍機大臣等  
本日據林則徐等奏粵省水陸官兵堵禦英  
夷擊退夷船一摺又另片奏請鼓勵員弁等  
語著琦善於抵粵後將確切情形逐一查明  
據實具奏原摺片均發給閱看再本年夏間  
朕風聞有英咭喇國王給林則徐文書之事  
伊業經銷燬一併查明覆奏將此諭令知之  
○又諭前因周天爵等奏湖北保安汛外委

陳俊烈拾獲匿名揭帖稟訴大冶縣知縣孔  
廣義反噬總督一案當經降旨交伍長華督  
同藩臬臬公嚴訊茲據該撫審明定擬具奏  
著吳其濬麟魁覆加審訊務得確情至周天  
爵之子周光岳並未到案著提同全案人證  
一併訊究按律定擬具奏原摺著鈔給閱看  
將此諭令知之○以禮部左侍郎關聖保為  
滿洲繙譯鄉試正考官兵部右侍郎瑞華為  
副考官國子監司業福謙為蒙古考官○以  
盛京兵部侍郎成剛兼署戶部侍郎刑部侍  
郎柏後署管理奉天府府尹事○調鑲黃旗  
蒙古副都統文蔚為正白旗滿洲副都統以  
鎮國將軍綿悌為鑲黃旗蒙古副都統鑲黃  
旗漢軍副都統蘇隆阿署鑲黃旗滿洲副都  
統○調正黃旗護軍統領中山為正紅旗護  
軍統領○乙巳諭軍機大臣等本日據伊里  
布奏續接夷書並據夷目叩關謁見現在籌  
辦情形一摺已降旨飭令伊里布相機妥辦

上之不失國體。下亦不開邊釁。惟該夷先請將所獲男婦給還。始肯交還定海等語。情殊叵測。現在伊里布如何辦理。朕亦不為遙制。數日內伊里布必有續報情形。原摺暨該夷來書。併該大臣回文五件。均著給琦善閱看。夷書三件。遇便仍著封繳。又林則徐片奏。他夷在澳門者。因喫夷阻其貿易。均各不平。如咪喇哩、佛蘭西等國。其力皆足。頗謂喫夷船若不早回伊國。亦必遣船前來與之講理。

等語。著琦善抵粵後。訪探明確。林則徐所奏是否實情。如係謊言。即傳旨取具親供。據實奏。林則徐片著鈔給閱看。將此由四百里諭令知之。又諭本日據伊里布奏接收夷書。並據夷目叩關謁見。現在籌議酌辦情形。一摺。所辦尚合機宜。至於隨時審度。妥慎辦理。全在該大臣悉心籌畫。上則不傷國體。下則不開邊釁。想該大臣必能仰體朕意也。將此由五百里諭令知之。又諭據耆英等奏。

酌議奉天沿海居民難於團練。水勇一摺。該處民人既不諳水性。所有團練水勇一節。著毋庸議。至鄉勇易集難散。亦須酌量漸次裁撤。該將軍務當仍遵前旨。督飭弁兵。於各海口嚴密防守。並派曉事員弁留心瞭望。如有遊奕船隻。即行馳報。該將軍等知悉。毋誤事機。將此諭令知之。又諭前因裕謙等奏江蘇丹陽縣民聚眾奪犯毆官。當經明降諭旨。著該署督將首從各犯拏獲。審辦並將該署

縣呂湘挹總戴永福一併撤任。訊明有無浮收激變情事。分別辦理矣。茲據御史張灝奏。風聞此案係由該地方官豫恐承辦過境兵差賠累。欲於經徵地丁條銀項下議加錢數所致等語。著該署督仍遵前旨。確切查訊。如果果有議加錢數情事。即行據實嚴參。按律懲辦。毋稍徇隱。將此諭令知之。又諭御史張灝奏福建臺灣府及上杭縣境內素產硫磺。上杭地方所產足敷全省軍營之用。臺郡磺

山自可封禁。惟兩地逼處海疆。恐有奸民私  
窺漁利。並遠年牆壁石灰。就地可煎。亦須嚴  
除弊竇等語。硃璽為軍火要需。宜容奸民窺  
取私賣。著吳文鎔嚴飭該鎮道及地方員弁  
一律防範。如有奸民私窺。務即拏獲懲辦。以  
杜奸匪接濟之弊。將此諭令知之。○以詹事  
府詹事王炳瀛為內閣學士兼禮部侍郎銜。  
○以盛京戶部侍郎兼署副都統惟勤署吉  
林將軍。盛京兵部侍郎成剛兼署副都統。  
命翰林院編修孫瑞珍仍在上書房行走。○  
以射布靶中箭三枝。賞陝西西安鎮總兵官  
台灣花翎。丙午。

上詣綺春園問

皇太后安。遣官祭

歷代帝王廟。丁未。諭內閣前因大理寺卿  
連貴奏秋審冊內分別實緩有未允協之處。  
當降旨派軍機大臣敬徵恩桂會議具奏。茲  
據穆彰阿等奏稱查覈秋審冊內江西省緩

決犯婦王氏擅殺朱文銘身死一案。疊經法  
司詳細推求。復經歷任巡撫反覆訊鞫。定案  
既擬擅殺。自應以緩決定擬。至吉林那斯洪  
阿擅殺萬花身死一案。係屬官犯。故以情實  
定擬。常犯與官犯不同。辦理實為允協。該大  
理寺卿所奏著毋庸議。至所請嗣後明定限  
制之處。著刑部查覈具奏。諭軍機大臣等  
因慶奏俄囉斯夷人越入卡倫。妥為勸諭令  
其歸國等語。此次俄囉斯夷人達噶瑪勒薩  
滿等所屬男婦大小一百二十餘人。越入科  
布多卡倫。聲稱伊國差重法嚴。逃出偷生。該  
大臣等曉諭盟長等令其折回本國。所見甚  
是。外夷逃入卡倫。斷不可因其懇乞收留。願  
作僕役。遂爾私容潛住。惟該夷等被難偷生。  
一味嚴行驅逐。或致激成事端。現已逃入巴  
里坤界內。著阿精阿妥為辦理。如折回科布  
多。即著因慶等照依此次辦理章程派員護  
送出卡。令其歸國。並諭知該管官妥為安置。



各歸遊牧。僮由巴里坤潛入哈密古城烏魯木齊庫爾喀喇烏蘇伊犁等處。即著該將軍都統大臣等一體曉諭。令其歸國。固不許私留。潛住亦不可強逐。滋事是為至要。並著庫倫辦事大臣轉飭該國嚴禁伊等西路一帶卡倫無任夷人出外滋擾。將此各諭令知之。又諭前據裕謙奏查明江蘇沿海口岸舊存礮位不足以資防禦。請添鑄自三千斤起至八千斤止大礮數十位。建造礮臺分口排

立。當交兵部議奏。茲據奏稱此項礮位既經籌議添鑄。必須工堅料實。其備貯火藥礮子酌撥兵丁。在在亦均須籌辦等語。著伊里布於浙江事竣後。親赴江蘇沿海地方詳察情形。悉心妥議。據實具奏。將此諭令知之。○追旌拒賊捐軀湖北松滋縣明烈婦龐王氏。○戊申皇七子奕環生。諭內閣前據裕瑞奏檢出堪用大礮在於海口添設。當降旨令其將此項礮位施放演習。並將火藥鉛子寬為

儲備。茲據奏稱遵將礮位先後試放。內十五尊均堪應用。仍著認真演習。務期開發有準。以資實用。此項礮位現在演習之後。毋庸每年操演。著隔年年演放一次。其應需火藥礮子屆期即由工部請領。至此次試放火藥既由備存二十一年。應需操演火藥內動用所有該衙門二十一年應需操演火藥著該部照例如數給領。○又諭桂良奏請將京控案內被告備弁及管解人犯中途疏脫之把總革職

審辦一摺。此案雲南回民馬文昭等呈控回民被殺文武官員挾嫌不救等情。經該督查明該備弁等身膺武職。不能彈壓解散。以致釀成巨案。咎無可辭。雲南署順雲營守備鍾得禮把總王欽元俱著革職。交桂良提同原告並各要證徹底究明。該備弁有無勒結不救帶兵燬屍情弊。照例辦理。至管解此案要犯田小八等之把總范定元並不小心押解致被中途脫逃。亦著革職。一併交該督提同

兵役人等嚴審究辦其貪差不慎之署猛細通判椿齡署順雲營參將撫標右營遊擊祥瑞著先行交部議處仍著勒限嚴緝田小八等務獲究辦尋奏嚴訊已革通判張景沂於回民占地建牆得賄枉斷致漢民屈處遠等糾眾互殺兩造慘斃七百餘名併計門丁李鈞所得贓擬絞監候李鈞發新疆給官兵為奴屈庭遠擬凌遲署順寧府知府魏襄訊無朦稟偏袒惟失察屬員受賄枉斷請交部議

處已革參將瑞麟不能彈壓請發新疆充當苦差回民馬文昭馬發科誣告瑞麟縱兵助殺按律反坐守備鍾得禮把總王欽元亦無帶兵燬屍情事而奉派彈壓不能禁止革職尚覺輕縱請各枷號示懲把總范定元疏脫要犯俟提到訊明辦理逸犯嚴緝究辦下部議尋議張景沂贓五十兩罪止滿流併計擬絞與例不符應令詳審妥議瑞麟李鈞侯張景沂定案時再擬餘如該督所奏從之○諭

軍機大臣等耆英奏酌覈撤留防守官兵一摺據奏金州海口多係老水貼岸嚴寒不凍商船進口較多自應嚴為防範著該將軍遴選精細員弁常川在彼瞭望探有夷船蹤跡即行稟報調遣備禦此次酌留官兵著即撤回現在琦善馳赴廣東查辦夷務如定海夷船全數撤退屆時自當諭知也○免雲南銅廠民欠無著工本銀○已酉

上御洞明堂勾到四川情實罪犯停決斬犯二

十一人絞犯一人餘八十九人予勾○諭內閣梁章鉅奏查出鄉試士子在場滋事照例懲辦一摺廣西臨桂縣生員秦承瀛於首場點名時擁擠爭先經該教官彈壓反肆口辱罵上林縣生員李天麟於已交卷後潛入號舍經委員斥逐反行拒毆於士習殊有關繫著該撫親提研訊按律定擬具奏尋奏生員秦承瀛於點名時擁擠爭先並未辱罵教官李天麟於交卷後潛入號舍經委員斥逐向

其支撐亦無拒毆情事。惟於試場滋事。若僅斥革。照不應重律杖八十。免其發落。不足示懲。應請再加枷號兩月。以肅場規。而端士習。下部議從之。○庚戌。諭軍機大臣等。本日據伊里布奏。續接夷書。給與回文一摺。該夷探聽琦善曾否來浙。自係挾定海地方為要求之具。現已由伊里布諭令全數赴粵。聽候查辦。如該夷等果全數撤兵起碇。伊里布必將所獲各夷發還。俾該夷無所藉口。原摺及照

會均著鈔給閱看。夷書一件。著琦善閱後。遇便呈繳。將此諭令知之。○又諭。本日據伊里布奏。續接夷書。給與回文鈔錄呈覽一摺。所見甚是。照會各語亦明白正當。該夷探問琦善曾否來浙。業經告以赴粵。如果無占據定海之意。自必起碇南旋。但恐藉詞耽延。仍以定海為要求之具。該大臣自應將所獲各夷暫為扣留。於查辦更易得手。總須隨時酌量情形。於大局有裨。朕亦不為遙制。至定海交

出後。應如何妥為安撫。並酌留防護弁兵之處。著該大臣悉心籌畫。務臻妥善。又籌議前兩廣督臣破夷一摺。既不能施行。著毋庸議。其撤留各兵弁。均著照所議辦理。將此由五百里諭令知之。○辛亥。

上御洞明堂。勾到廣西福建奉天陝甘情實罪犯。停決廣西斬犯三人。絞犯一人。福建絞犯一人。奉天斬犯一人。絞犯一人。陝甘斬犯六人。絞犯二人。餘九十五人。予勾。○以辦理防

邊工程出力。予四川同知張履實等加銜升敘有差。○予四川禦夷被戕州吏目王如芬從九品吳長青冷世俊祭葬世職。○壬子。諭內閣。本年十一月初三日。

孝全皇后梓宮奉移至龍泉峪。次日行饗奠禮。後每日朝奠。著四阿哥五阿哥六阿哥輪班奠酒行禮。中晡二次設奠。著派姻戚大臣奠酒行禮。○癸丑。

上詣綺春園問

皇太后安。御洞明堂。勾到湖廣浙江情實罪  
犯停決湖廣斬犯十四人。絞犯四人。浙江斬  
犯一人。餘四十三人。予勾。諭內閣。本年十  
一月。

孝全皇后梓宮奉移至龍泉峪。所有沿途蘆  
殿內步軍統領衙門應行豫備激桶差使著  
派松峻督率照料。又諭本年十一月奉移  
孝全皇后梓宮至龍泉峪。所有在京文武各  
衙門堂官除有執事各員照例派往外。其無

執事者俱著毋庸派往。又諭綿護等奏監  
敬礮位請變通舊例以期熟練一摺。均著照  
所議辦理。至演敬礮位全在礮手熟習方能  
有準。著自明年為始著派出之都統等按例  
各演三出。後飭令管礮參領等認真督催。各  
礮手教其子弟每礮亦演三出。並著八旗漢  
軍都統等遇有礮手缺出。由礮手子弟內擇  
其精壯便捷者挑補以資操演。又諭此案  
宗室奕費溥喜於擬徒革爵之後不安本分。

滋事妄為實屬不法。均著交宗人府堂官監  
視先行重責四十板。奕費著發往吉林溥喜  
著發往盛京交該將軍嚴加管束。如到配後  
仍敢再滋事端。即著奏明嚴行鎖禁。以捐  
修四川敘永廳。

文廟考棚予同知承安等議敘。以捐修和  
闐城垣賞五品。商伯克托胡塔胡達巴爾第  
花翎六品。哈資伯克愛邁特沙等藍翎。餘升  
賞即補有差。甲寅。

孝慈高皇后忌辰遣官祭

福陵。

上詣

大高殿行禮。還宮。諭軍機大臣等。本日據  
伊里布馳奏續接夷書並催令起碇一摺。此  
次英夷照會詢問戰兵。經該大臣將所奉不  
得攻擊諭旨明白宣示。諭令安心赴粵。並催  
令起碇等語。所諭甚是。前有旨諭該大臣將  
所獲夷人妥為收管。無庸解赴廣東。俟該夷

撤兵歸地後全數給還。此次夷書並未言及交還定海之事。亦不顯請釋放各夷情殊巨。測著伊里布察看情形相機妥辦。並諭以琦善業經奉旨前赴廣東總宜剴切開導。去其驚疑。令其退出定海。前往廣東聽候琦善查辦。仍妥為布置。防其狡詐。諒該大臣必能仰體朕心也。將此由五百里諭令知之。又諭據琦善奏三次接奉廷寄。並將先後發給閱看夷書五件繳還一摺。覽奏均悉。喚夷現在接奉伊里布照會。志在戢兵復經伊里布諭以安心赴粵。不必顧慮。並令將起破日期速即字覆。勿再遲延等語。本日已有旨令伊里布相機妥辦矣。伊里布原摺及照會均著鈔給琦善閱看。夷書一件著琦善閱後。過便呈繳。將此諭令知之。以捐修貴州安順府文廟。予前任提督余步雲等議敘。以孟冬時享。太廟自是日始齋戒三日。乙卯諭內閣。鄧廷

楨吳文鎔奏請防堵經費一摺。著吳文鎔即將本省各鎮弁兵照常認真訓練。堅守海口。所需支發錢糧著斟酌籌畫裁汰浮糜。其應用款項隨時奏聞。所有該省雇募水勇租賃漁船酌量裁撤。以節浮費。而昭覈實。又諭錢寶琛奏拏獲閩廣二省煙匪請酌定省分發配等語。此種匪類斷不宜令其聚集一處。致生事端。閩廣二省自未便互相發配。即沿海省分亦不宜遣往。著錢寶琛於該犯等解省審訊後。即酌定省分均勻解發。仍嚴飭經過地方小心派役管解。毋稍疏縱。其應待贖各犯亦著速即訊辦。並著湖南湖北安徽浙江各督撫派員分路查探。如有此等匪徒偷越入境。務即嚴行截拏。以除奸慝。又諭錢寶琛奏拏獲閩廣二省煙匪多名。究出糾眾結會販土售賣各情。一摺。此案閩廣匪徒林福茂等膽敢糾眾結會。散給紅旗紅布。分帶煙土。在江西地方售賣。現經拏獲多起。所

供聞廣交界廣福亭地方究係何縣管轄張阿五一犯是否即張常秀所供起會之張羅著該撫即提各犯嚴審確情按律懲辦一面飛咨閩廣二省嚴拏李正昌等各犯務獲究辦並著福建廣東各督撫密委幹員前赴廣福亭地方訪拏起意結會首犯究明實在姓名人數按名緝拏從嚴懲治以肅法紀而靖地方又諭錢寶琛奏緝拏煙匪稽查僻路等語閩粵二省遊民販煙竄入江西界內業

經該撫飭屬拏獲多名審辦撫州建昌二府係通福建廣東要路建昌府屬廣昌縣白水寨設卡之處尤為喫緊恐該匪等風聞堵緝繞越小路著九江鎮總兵李鎬前往該府察看情形撥兵扼要嚴拏並著查明撫州一帶鄉僻小路分飭各汛卡弁兵梭織巡查此外與閩省連界之鉛山一路由閩繞浙以達江西之廣信玉山一路均關扼要亦著該總兵親往稽查其上饒廣豐二縣所轄之封禁山

與閩浙連界地方遼闊最易藏奸向例每歲秋冬之交該總兵會同福建建寧鎮總兵入山巡哨一次著李鎬於撫州等處稽查完竣後進山周歷巡察毋令匪徒潛跡至九江鎮所轄地方尚多通閩之路即著錢寶琛於校閱營伍時順道稽查以靖奸宄而肅禁令○以甘肅鎮迪道蘇彰阿為湖南按察使○賞廣安門外普濟堂賁賑小米三百石○丙辰孝敬憲皇后忌辰遣官祭

泰陵○諭內閣特依順等奏校閱營伍並請領備貯藥鉛一摺甘肅寧夏旗營現經添設擡礮應需火藥鉛子烘藥等物據該將軍等奏稱祇領現年操演之用並無餘存著准其添設一年備貯藥鉛即於明年春季請領藥鉛之時一併附領年終照例造冊報銷○諭軍機大臣等給事中萬啟心奏馭夷操縱機宜一摺著琦善體察情形妥籌久遠又阿精阿等奏圍練水勇一摺粵省水勇是否得力有

無流弊亦著悉心查議萬啓心摺阿精阿等  
摺着鈔給閱看又林則徐奏請治罪一摺並  
另片密陳夷務情形著將原摺片寄交琦善  
閱看硃筆點出之處據實查明具奏將此諭  
令知之

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百三十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十

監修臣官修臣等謹將宣宗成皇帝實錄卷之三百四十  
內府書局臣等謹將宣宗成皇帝實錄卷之三百四十  
七次臣等謹將宣宗成皇帝實錄卷之三百四十  
內府書局臣等謹將宣宗成皇帝實錄卷之三百四十  
監修臣官修臣等謹將宣宗成皇帝實錄卷之三百四十

道光二十年庚子冬十月丁巳朔享

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官詣

孝全皇后梓宮前祭奠○遣官祭

端慧皇太子園寢○幸圓明園 辰刻詣綺

春園問

皇太后安未刻如之 還宮 頌道光二十一

年時憲書 試中式武舉遮克敦布等七十

一人於太和殿前○戊午諭內閣本年十一

月奉移

孝全皇后梓宮至龍泉峪所有在京文武各

衙門司員章京等除有執事各員照例派往

外其無執事者均著無庸派往 又諭本年

開運漕糧據抽查御史瑞岑等查有二十餘

船每船短至二十餘石之多著倉場侍郎將

單開各經紀嚴行查究有無弊端照例辦理  
其所短之米著各經紀買米補完立限追繳  
○河東河道總督文冲奏報秋汛安瀾命詣  
河神廟祀謝並下部議敘出力員弁升敘有  
差○已未

上御紫光閣閱中式武舉馬步射○諭內閣前  
據御史許乃安奏蘇州一帶居民遷徙丹陽  
縣有創議加賦激成毆官劫獄等情當降旨  
飭令裕謙加意撫綏居民並著查明地方官

如有創議加賦釀成事端即嚴叅治罪茲據  
該署督查明祇有浙江居民遷至蘇州者並  
無由蘇州避往他處者至丹陽縣吳章行與  
該縣糧差滋鬧係四月間事吳瑞糾眾奪犯  
拒捕毆官係七月間事其為並非創議加賦  
以致激變似屬可信等語此案情節重大前  
經降旨飭令提省研訊並將首從各犯拏獲  
審辦著仍遵前旨嚴拏肇釁之吳章行聚眾  
之吳瑞到案徹底根究務期水落石出毋稍



寬縱尋奏丹陽縣知縣呂相徵收錢糧因銀貴加錢吳章行指為浮收創議抗霸繼知銀貴旋即完納另因誣良為竊被控獲案其族兄吳瑞糾眾塞署吳萬幅等毆傷呂相奪回吳章行訊明後恭請王命將吳萬幅斬決梟示餘定擬如例知縣呂相把總戴永福彈壓無方均請革職下部議從之緩徵盛京十里崗子等五屯被水災區倉糧貸白旗堡小黑山災戶一月口糧庚申

上御箭亭閱中式武舉技勇御乾清宮引見中式武舉親定甲乙緩徵山東歷城章邱鄒平長山新城齊河齊東濟陽德德平禹城臨邑平原長清東平東阿惠民陽信樂陵濱蒲臺商河鄒滕陽穀壽張濟寧金鄉魚臺范朝城鄆城聊城博平茌平莘高唐夏津邱陵利津滋陽汶上嘉祥濮觀城單鉅野堂邑清平恩海豐霑化招遠荷澤五十五州縣及德州東昌臨清濟寧四衛東平所永阜場被水

被蟲莊屯新舊正雜額賦 辛酉

上御太和殿傳臚賜中式武舉一甲趙雲鵬王萬壽李壽春三人武進士及第二甲遮克敦布等十三人武進士出身三甲馬振緒等五十五人同武進士出身 幸圓明園 詣綺春園問

皇太后安 署兩江總督裕謙江南河道總督麟慶奏報秋汛安瀾命麟慶詣

河神廟祀謝並下部議欽出力員升升敘有

差 禮部議准山東巡撫托渾布疏報採訪濟寧州節烈婦鄭王氏等五百八十一口請建總坊旌表從之 壬戌

上詣

安佑宮行禮 以正黃旗蒙古副都統國勒銘阿管保定等五處官兵事 命甘肅肅州鎮總兵官珠克登往喀什噶爾換防 癸亥諭內閣前據管通羣明白回奏稱伊交卸時曾將記欠陋規並養廉湊足銀八千兩發商收

領等語當降旨交訥爾經額等查明具奏。茲據奏稱提訊綱總朱敦復等並檢查運庫案卷交領銀數均屬相符惟發銀諭帖及該商領狀但稱留補變抵不敷之用並未指明此項銀兩係記欠陋規併養廉湊發該藩司原奏係以收存陋規留為分賠之用殊屬牽混。管通羣著交部嚴加議處尋議革職從之。○又諭訥爾經額奏特參玩視民瘼之知縣一摺直隸天津縣知縣張椿年於該縣被水村莊並未親往履勘遽懸定分數率行具詳且據該民人等兩次具呈到府經該府批查仍無一字稟覆實屬始終怠玩張椿年著即革職以為玩視民瘼者戒其並未會勘隨同會稟之委員署靜海縣知縣古韻著交部議處至村民兩次具呈僅止批縣查覆並不親往督勘之該管天津府知府張輔著一併交部議處。○盛京將軍耆英奏據兩廣總督咨覆查明天橋廠海口所獲船隻船主係李三興

曾於十八年十一月間換照將該船交蔡茂京管駕嗣於十九年二月另招蔡幅管理水手均係新雇因未到換照限期是以未經呈明至礮位器械均係原船舊有之物惟所帶過多與例不符應照例准其攜帶礮位二門器械盡予收領以資防捍其餘礮位扣留存庫蔡幅等概令回籍從之。○添購直隸永定河備防稽料仍增歲修稽料運腳銀從署總督訥爾經額請也。○蠲緩直隸青靜海滄薊寧河大城鹽山三河寶坻霸永清東安樂樂亭博野雄安高陽河間獻任邱東光南皮慶雲鉅鹿雞澤大名南樂豐潤玉田新河隆平阜城三十三州縣被水被雹村莊新舊正雜額賦有差賑青靜海滄三州縣災民。○甲子上詣綺春園問皇太后安。○釋遣戍已革杭州將軍和世泰回旗。○乙丑上詣綺春園問

皇太后安侍膳○諭軍機大臣等有人奏湖北候補知縣楚鏞創造刑具名曰飛禽椅墊以沙石瓷鋒跪人於上而架其兩膀瓷鋒壓入膝蓋勒取供招該員訊鞫之犯解至臬司往往翻異雖駁令再審而因傷身死者已累累相望且豫取該犯病結使屍親無可如何等語州縣為親民之官遇有案件自應細心研鞫務得實情若濫用非刑勒逼供吐三木之下何求不得著吳其濬等詳細訪查如果有

各項違例刑具及濫用非刑等事即一面將該員提訊一面據實奏聞毋稍徇隱將此諭令知之○又諭有人奏四川廣安州知州劉有儀內江縣知縣吳勤邦貪酷殃民聲名狼籍一摺州縣為親民之官全在潔己愛民方足以裨吏治若如所奏各款該州縣等擾害閭閻亟應叅劾著廉敬於到任後即照摺內所指各情節詳密查訪務得確情據實具奏毋少徇隱原摺著鈔給閱看將此諭令知之

○丙寅

皇太后聖壽節遣官祭

太廟後殿

奉先殿

上詣綺春園率皇子及王公大臣官員行慶賀

禮畢率皇子侍

皇太后膳○丁卯

上詣綺春園問

皇太后安○

孝全皇后梓宮前月祭命皇子行禮○調荊州

將軍布彥圖為西安將軍以署吉林將軍祿

普為荊州將軍○以都察院左副都御史祝

慶蕃為順天武鄉試正考官翰林院侍讀學

士陳憲曾為副考官○己巳以山東按察使

徐寶森為安徽布政使山東督糧道王篤為

按察使○庚午諭軍機大臣等佈勒亨奏撤

回防堵官兵一摺現在江蘇境內並無夷船

蹤跡所有京口防禦旗綠官兵著一併撤回

歸伍其雲山原設礮臺仍令嚴加防守毋稍疏虞將此諭令知之○辛未諭內閣前據周天爵等奏鄆房二縣地方有匪徒捏造謠帖之事當降旨令其嚴密訪拏茲據該督奏稱帖內所指之康燦等實係耕讀良民該地方亦無教匪餘黨潛匿等語所有前傳詢問之貢生康燦等著即行省釋仍嚴飭該管文武各員慎密訪查務將捏造揭帖之犯獲案究辦毋稍玩縱○諭軍機大臣等本日據伊里

布馳奏專弁前往定海詢悉夷情一摺覽奏已悉此次差弁前往定海與該夷目等見面是否在定海城中抑在該夷船上原奏未經聲敘其定海居民現在是何景象該夷船隻是否仍前占據要隘該弁等既經前往自必目擊情形著伊里布於接奉此旨後詳詢該弁據實奏聞至該夷等所呈各物該大臣奏稱恐生疑貳收貯充賞等語甚屬非是著嚴行申飭天朝大臣斷無收受外夷餽獻之理

即將原物卻退正見馭夷體統有何疑貳現在收貯各項如未經充賞著將全數發還仍善言曉諭告以天朝定制嚴禁苞苴並無厭憎拒絕之意至所稱繕發告示諭禁等語發至何處張貼再前次所奏拏獲五桅夷船礮位作何安置此外尚有何物均著明白具奏其夷書等件已發給琦善閱看諭令妥籌辦理矣又御史曹履泰奏夷船未撤請量為籌備一摺有無可採之處著伊里布體察情形

妥議具奏原摺著鈔給閱看將此由五百里諭令知之○又諭本日據伊里布馳奏專弁前往定海詢悉夷情酌擬辦理一摺已有旨諭令伊里布妥為措置矣原摺及照會告示著鈔給琦善閱看夷書二件並發閱遇便繳還又御史曹履泰奏定海夷船未撤宜量為籌備一摺各條是否可採著琦善悉心體察妥議具奏原摺著鈔給閱看將此由五百里諭令知之○壬申

上詣綺春園問

皇太后安○諭內閣朕此次恭謁

西陵啓鑾後著派莊親王綿護協辦大學士湯

金釗尚書奕經卓秉恬留京辦事○又諭

孝全皇后神牌著派工部尚書敬徵禮部侍

郎關聖保帶同中書翰林官各一員於本年

十一月初二日恭詣供奉處敬謹書寫並著

大學士穆彰阿潘世恩屆時上香行禮敬視

書寫婦青○予盧溝橋演礮傷斃護軍校阿

洪阿等賞卹如例○添製河南滿洲營擡槍

五十桿從巡撫牛鑑請也○緩徵河南中牟

杞陳留新蔡商邱睢柘城安陽湯陰內黃臨

漳濬延津封邱考城武陟陽武十七州縣被

水村莊新舊正雜額賦○貸青州德州駐防

修理官署兵房俸餉銀○癸酉諭內閣裕謙

奏駐防兵丁並未離營毋庸議給口糧一摺

所奏是京口旗營官兵防守本營汛地並無

支食口糧之例副都統張仙保率行奏請並

未與將軍會銜著交部議處尋議降一級調

用得旨著賞給四品頂帶休致○諭軍機大

臣等前曾降旨著祁寓藻等於浙江審案完

竣後馳赴廈門密查本年六月間攻擊夷船

情形據實具奏本日又據鄧廷楨等將七月

間攻擊番船擒獲黑夷漢奸之出力員弁奏

請鼓勵該尚書等此時計已行抵廈門著將

此案攻擊情形並此次所保各員弁是否覈

實一併訪查明確據實覆奏原摺著鈔給閱

看將此諭令知之○又諭前因有人奏匪徒

糾結夥黨由閩廣竄入江西境界當降旨飭

令錢寶琛訪拏復因閩廣兩省查辦奸匪恐

越境涸跡著林則徐等查察茲據奏本年夏

秋間有福建汀州府屬上杭永定及龍巖州

屬漳平等縣民人糾立紅會名目與永定連

界之廣東大埔縣人張姓亦在其內福建幫

名為太平廣東幫名為長生每幫各有頭人

衣扣各繫記認私帶鴉片潛入江西行銷現

已飛咨福建江西兩省一體兜拏等語匪徒拜會糾眾大干法紀昨據錢寶琛奏稱拏獲匪犯多名果有立會及紅布記認等情已飭令嚴訊懲辦茲據林則徐奏稱查訪得實是否即係同起匪犯抑另有分起黨羽著琦善即嚴飭原遣備弁跟蹤弋獲解省訊辦毋任漏網將此諭令知之○署兩江總督裕謙等奏防守官兵分別撤留得旨兵不可不撤防不可稍疏其加倍慎勉所奏均悉○命署陝

甘總督瑚松額撥銀六十八萬兩解赴伊犁備道光二十二年經費○蠲緩湖北漢川沔陽江陵石首監利公安江夏武昌咸寧嘉魚蒲圻漢陽黃陂孝感黃岡黃梅廣濟鍾祥京山潛江天門雲夢應城松滋枝江荊門蘄水二十七州縣並屯坐各衛被水村莊新舊正雜額賦有差賑公安監利二縣及屯坐各衛軍民給漢川沔陽江陵石首監利五州縣及屯坐各衛軍民一月口糧○乙亥諭內閣祿

普等奏吉林濫扣兵餉查出確數一摺吉林濫扣兵餉一案前經祿普等查辦奏結茲因已革佐領巴彥保具控復經查出尚有陳扣餉銀九千八百餘兩從前未經查明具奏祿普輯瑞均著交部議處伯都訥副都統巴雅爾前次未經查出著與未經阻止之各城副都統並辦理錯謬之協領參領等一併交部分別議處此項銀兩除官員攤銀毋庸給還外所有兵丁攤銀八千七百十二兩零准其

在於吉林庫貯閒款錢文內暫墊給還仍著祥康咸齡急速賠繳歸款以清庫項○緩徵江西南昌新喻新建進賢鄱陽餘干建昌安義德化瑞昌湖口彭澤清江新淦萬年都昌德安豐城峽江十九縣及九江府同知所屬災歉村莊新舊正雜額賦○丙子命兵部右侍郎端華工部左侍郎文蔚會同盛京將軍耆英敬謹承修

永陵

啓運殿及盛京清寧宮鳳凰樓工程以辦銅  
逾額加雲南知州李德生同知銜丁丑  
上御洞明堂勾到江西安徽江蘇情實罪犯停  
決江西斬犯六人安徽斬犯七人江蘇斬犯  
三人絞犯一人餘五十人予勾諭內閣昨  
日兵部將堪以守備用之青州驍騎校阿勒  
金豐陞額帶領引見該二員弓力準頭均好  
所有原保之副都統德珠布訓練有方著加  
恩交部議敘又諭德春等奏究明經紀運  
米短少請照例分別額內額外咨部覈辦一  
摺著戶部議奏尋議此案開運船米每船僅  
四百石短至二十餘石之多與定例每百石  
逾額五斗者又逾數倍請飭倉場侍郎仍遵  
前旨勒令該經紀等依限買補如再遲延照  
例治罪從之諭軍機大臣等本日據伊里  
布馳奏夷船擇期赴粵一摺覽奏已悉此次  
夷目懿律來文據稱分船赴粵惟該夷懿律  
是否親身赴粵義律諸夷是否一併隨往留

在定海者又係何人文內未經敘明自應確  
探起碇日期退去船隻數目再行酌辦惟該  
夷等既已赴粵聽候查辦何以尚有留住定  
海之人伊里布前次所獲夷目夷婦等仍著  
妥為看守俟該夷將兵船全撤交還定海再  
行放回著將此意曉諭該夷並究詰定海留  
人是何意見其夷書一件已發給琦善閱看  
又裕謙奏請重製礮位一摺已諭知裕謙准  
其動項製造惟該署督飭委署遊擊周名揚  
同地方文員勘驗於製造礮位恐未必盡行  
熟悉著伊里布遴委熟悉員弁監同妥辦總  
期堅利適用毋致有名無實現值海防緊要  
即日趕緊製造毋庸聽候部覆裕謙摺著鈔  
給閱看將此由五百里諭令知之○又諭本  
日據伊里布馳奏夷船現已擇期於十月中  
旬起碇赴粵一摺已有旨令伊里布體察情  
形俟退還定海之後再將所獲夷人交還矣  
伊里布摺著鈔給琦善閱看其夷書一件一

併發閱遇便繳還將此由五百里諭令知之  
○修製江南蘇松鎮標中左右奇四營礮位  
從署總督裕謙請也○戊寅諭內閣著英等  
奏請變通旗員升階一摺據奏盛京為根本  
重地各旗協領城守尉限於升階染成積習  
請照京員保送副都統之例一體保送等語  
雖係因公起見惟思各省駐防皆有協領等  
官朕一視同仁不能歧異若因盛京為根本  
重地吉林黑龍江二省俱有協領著有勞績  
者俱多同一根本之地豈能獨令向隅現在  
由各該省協領等特邀簡用者正不乏人又  
何待該將軍保送為耶所請著不准行○又  
諭著英等奏酌擬六品官引見請畫一辦理  
一摺盛京工部大政殿六品官嗣後遇有缺  
出引見如擬正人員奉旨補放其擬陪之員  
著即照官莊六品官擬陪定例予以記名遇  
缺坐補○旌表守正捐軀廣西全州民陸植  
元妻蔣氏己卯

上詣綺春園問

皇太后安○御勤政殿聽政○諭內閣朕因鴉  
片煙流毒中外傳染日深屢經降旨飭令地  
方官嚴行查辦上年頒發新定章程嚴立科  
條寬予期限務使吾民漸除惡習永絕根株  
惟自定例以來各省大吏奏報拏獲煙犯所  
在多有薄海內外必已父戒其子兄勉其弟  
咸知畏法自新誠恐愚民徂於積習尚存觀  
望冀倖之私即日限期屆滿或以無知觸法  
朕甚憫焉著通諭各省將軍督撫等督飭所  
屬認真查拏至京師為首善之區所有部旗  
文武大小各衙門尤當合力同心嚴查究辦  
若心存推諉試問盡職乎抑溺職乎斷不可  
因罪名較重稍存姑息之心仍蹈養奸之習  
如果實力奉行不留餘孽即從前查辦不嚴  
原可寬其既往儻因規避處分仍前玩泄以  
致錮習不除朕必不能輕恕是在內外滿漢  
諸臣訓諭督催不遺餘力轉瞬限滿無一藐



法干罪之人用副朕除惡務盡之意勉之望

之○以翰林院侍讀學士博迪蘇為詹事府

詹事○庚辰以

孝全皇后梓宮奉移

陵寢先期遣官告祭

天

地

太廟

社稷○遣官告祭

奉先殿

上御洞明堂勾到河南山西情實罪犯停決河

南斬犯三人絞犯四人山西斬犯六人餘五

十三人予勾○以故喀爾喀鎮國公噶勒藏

車凌子貢桑科爾沁鎮國公多布沁旺丹弟

烏勒濟濟爾噶勒各襲爵○命吏部左侍郎

桂輪禮部右侍郎薩迎阿乾清門侍衛常安

恭詣

西陵查看紅椿○辛巳諭軍機大臣等有人奏

江西上饒縣知縣史孟和兩目俱盲兩耳重

聽終年未嘗坐堂審案偶遇審案時奸胥蠹

役任意欺朦該縣毫無知覺閭閻縣人民稱為

土偶老爺等語上饒為廣信府首縣吳其濬

前在江西學政任內屢次按臨考試聞見自

確該員果否目盲耳聾衰庸殘廢該處胥役

曾否風聞有欺朦舞弊等情著吳其濬即將

在學政任內聞見情形據實具奏毋稍徇隱

將此諭令知之尋奏史孟和承辦考試事宜

當堂詢答並無錯誤在考棚訊案聽斷明晰

惟目力短視行走遲緩得旨著毋庸議○又

諭有人奏河南睢州知州閻應德貪鄙不法

巨盜劉玉璣糾黨搶劫各一摺州縣有牧民

之責豈容貪劣之員剝民肥己姑息養奸致

為地方之害至積年巨盜糾黨橫行亦必應

隨時拏辦以靖閭閻著吳其濬等於湖北查

辦事竣後馳赴河南嚴密訪察該州閻應德

被參各款是否屬實據實查辦並將劉玉璣

搶劫各案及該地方官是否有規避處分耽延不究情事一併確查辦理原摺二件著鈔給閱看將此諭令知之○以右春坊右贊善邵燦翰林院編修李嘉端充日講起居注官左春坊左贊善賈克慎翰林院編修郭翊清署日講起居注官○壬午以

孝全皇后梓宮奉移

陵寢行祖奠禮已刻

上至觀德殿奠酒午刻如之○幸圓明園○諭

內閣奇明保奏乍浦赴援官兵可否撤歸杭州本營一摺浙江乍浦海面現無夷船滋擾該處駐防各兵足資守禦所有前調杭州官兵二百餘員名著即撤回歸伍副都統恆興著回省城本任毋庸在彼防守潮神廟一帶屯戍之滿洲營綠旗官兵亦著一律撤回○以通政使司副使楊殿邦為詹事府詹事○換造山海關冷口喜峯口滿洲營鳥槍從副都統裕瑞請也○展八旗兵丁扣還庫銀限

期兩月○癸未

孝全皇后梓宮啓行命皇子奠酒行禮○諭內閣宗室常功著發往盛京交該將軍嚴加管束嗣後遇有宗室覺羅違犯經祖父母父母呈請發遣者即著照此辦理所有在京園禁之處著毋庸議○又諭托渾布奏議覆散歸水勇等語此項撤防水勇既經散而歸業聽其各謀生理毋庸列名在官以免擾累○諭軍機大臣等御史陳岱霖奏差竣沿途訪察

風聞直隸正定縣屬伏城驛附近地方本年九月下旬有陝西駐防武舉巴克三布在途遇賊身受重傷現在養傷未愈定州屬之清風店附近地方本年十月初旬有甘肅武舉王姓在途遇賊十餘人搶去衣物被賊扎傷又順天府屬涿州南關外南川心店近日有客車被劫之案良鄉縣城內亦有錢店被劫兇犯脫逃未獲途中向設更棚窩鋪派有兵役巡邏近日有名無實夜間並無一人等語

除暴安良全在地方官認真辦理藉安行旅而儆兇頑若如該御史所奏盜賊肆行劫掠積案疊疊地方官並不親身查察更棚窩鋪夜無一人是緝捕廢弛已極著訥爾經額卓秉恬曾望顏各飭所屬詳查果否實有其事各案要犯曾否就獲現在作何辦理據實具奏將此各諭令知之尋訥爾經額奏正定縣定州二案當將文職記過武弁摘頂勒緝正定縣賊已獲大道州縣每歲十月二十日起

至次年二月二十日止設立更棚窩鋪派兵護送行旅現選省標勤幹弁目四十人分往協巡報聞卓秉恬等奏良鄉縣城錢鋪被劫賊犯窩主已獲涿州竊案勒限嚴緝請先將知州王賡交部議處從之旌表逼嫁捐軀江蘇崑山縣民朱二觀妻陸氏守正捐軀河南溫縣民張清臣女浮姐緩徵山東平陰縣被水村莊正雜額賦甲申頒發南河風神廟

御書扁額曰功昭聖若聯曰四時叶律功潛運萬里承流浪永恬

顯王廟扁額曰烈昭淮海諭內閣楊國楨奏請將供情狡飾之駐防旗員革職嚴審一摺此案綏遠城駐防防禦哈楚暹身任職官輒敢誘取民女為妾因被控傳訊復令其母遣抱京控迨經該撫提省委審眾指確鑿猶敢一味狡飾不服審訊哈楚暹著即革職交楊國楨親提人證研審確情按律究辦至哈

楚暹所控防禦特克什布等演戲聚賭各情牽列蒙古官員婦女作證著該撫即委員前往綏遠城會同旗員傳集研訊並將哈楚暹解往質審明確後再行解省訊辦尋奏哈楚暹誘取民女為妾未成挾嫌誣控特克什布等演戲聚賭請發往新疆效力贖罪下部議從之○諭軍機大臣等據御史曹履泰奏粵東澳門傳有夷人私信請飭確探情形一摺據稱該夷占據定海之後居民不與同住亦

不賣給食物且水土不服患病甚多等語如果屬實則該夷之不能久據定海已屬顯然惟係貿易私信真偽莫辨著琦善派員妥密查探果否有此情形相機籌辦原摺原信均著鈔給閱看將此由四百里諭令知之○修築湖北京山縣楊隄灣等處隄塍從總督周天爵等請也○蠲緩湖南安鄉華容澧武陵龍陽沅江巴陵七州縣及岳州衛被水莊屯新舊正雜額賦有差○乙酉

上詣綺春園問

皇太后安○諭內閣前因禮部等衙門奏請

孝全皇后梓宮奉安龍泉峪應如何恭稱之處曾降旨著稱為龍泉峪

皇后陵寢各該衙門均應一體欽遵本日太常寺具題冬至致祭一本計日已在奉安之後乃不遵照書寫甚屬非是所有太常寺堂官著交部察議○又諭此次恭送

孝全皇后梓宮之三品以下文武各員送到

後並無執事者即於是日回京其無執事之兵丁夫役人等著原帶之員即行帶同至王大臣及派有執事之官員等俱著於差使完竣後即行回京不必隨扈行走○又諭邵甲名奏查明運司病故取具該家屬親供一摺前任長蘆運司汪琳於任內得受記欠陋規銀兩該員現已病故所有此項銀兩即著該家屬賠繳○又諭程琳奏鄉試考官中額錯誤並文慶等自行檢舉各一摺本科江南鄉試該考官等原定草榜時將下江中卷誤註上江榜發後始據查出上江正副榜各少中一名下江各多中一名非尋常疏忽可比文慶胡林翼均著交部嚴加議處其安徽少中原額著於下屆江南鄉試將江蘇額內照數扣補○烏里雅蘇台將軍德楞額年老休致調荊州將軍祿普為烏里雅蘇台將軍○命伊犁領隊大臣勒福原品休致賞火器營營總常清副都統銜為伊犁領隊大臣○命

命烏嚕木齊領隊大臣烏勒恩培來京賞健  
銳營翼長穆特恩副都統銜為烏嚕木齊領  
隊大臣○緩徵安徽東流含山五河寧國懷  
寧桐城潛山太湖宿松望江宣城南陵貴池  
青陽銅陵建德當塗蕪湖繁昌無為合肥廬  
江巢壽宿鳳陽懷遠定遠靈璧鳳臺阜陽潁  
上霍邱泗盱眙天長滁全椒來安和建平毫  
四十二州縣及宣州安慶建陽廬州鳳陽長  
淮泗州七衛被水被旱莊屯新舊正雜額賦

給東流含山二縣災民一月口糧○丙戌

上詣

安佑宮行禮○以廣州滿洲副都統奕湘為荆  
州將軍調山海關副都統裕瑞為廣州滿洲  
副都統以頭等侍衛扎拉芬泰為山海關副  
都統

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十一

[illegible]

救修

道光二十年庚子十一月丁亥朔諭內閣○前

據御史俞東枝張灝以兵差過境恐致擾累地方請嚴加約束各一摺本日據伊里布奏定海防堵各兵現已酌量撤退歸伍所有經過地方自應約束嚴明著此次統兵各員親為彈壓嚴申禁令務令按期出境不准稍有逗留亦不准額外需索如有藉端滋事即行按律嚴懲並著各督撫將軍提鎮嚴諭沿途文武員弁妥為照料不許假手丁胥藉口科派致滋騷擾以肅紀律而戢閭閻○又諭前

因本年湖北省各州縣被水民人紛紛逃往他省降旨交吳其濬等察訪情形具奏。茲據奏稱到楚後細訪致水之由。委因夏雨過多。江漢同時並漲。以致隄工潰漫成災。查閱該省奏報原稿。監利一縣被淹情形輕重不符。途次復接有武昌等處軍民呈詞懇請撫卹。現在低窪處所積水彌望。逃往各省災民遞回者僅止二百七十餘名等語。該省州縣查報災區有無疏漏。著該督撫遴委廉幹大員。

覆加履勘確實覈辦至現在遮回流民及未經逃散人民著按照戶口速行賑卹其未經歸來者著妥為招徠一俟回籍務須隨到隨賑來春應否尚需接濟一併豫為籌備毋任流離失所○又諭吳其濬等奏訊出委員濫用非刑奏請革審一摺湖北署武昌府同知候補知縣楚鏞奉委審案輒將督署所置非刑恣意施用慘酷已極楚鏞著革職拏問交該侍郎等提集董耀雄案内應訊人證嚴審

確情按律定擬具奏。諭軍機大臣等。伊里布馳奏。英夷起碇赴粵。一摺。覽奏。已悉。此次夷目懿律等。於十月十九日。帶領兵船。請咨赴粵。該大臣將前調防兵酌量撤退。商漁船隻。照舊開港。均著照所議辦理。惟該夷撤兵。已及一半。尚有留住定海之人。該大臣所留各營防兵。按照口岸分駐。仍須加意防守。不得因該夷漸次撤兵。稍形疏懈。至商漁船隻。照常出入。雖據該夷聲明。不敢滋擾。仍著嚴飭海口員弁。認真查察。毋致別滋事端。所遞夷書。已發給琦善閱看。諭令相機辦理矣。將此由五百里諭令知之。又諭御史曹履泰奏。粵東澳門。傳有舟山夷人私信。請飭確探一摺。如果此信屬實。是該夷於占據定海之後。既無居民同住。又無食物可買。且水土不服。患病甚多。勢必不能久住。惟係貿易私信。未可憑信。著伊里布派員確探。是否有此情形。相機籌辦。原摺原信。均鈔給閱看。將此附

報便諭令知之。○又諭伊里布馳奏。英船業已起碇赴粵。一摺。據稱。差弁探明。懿律等實於十月十九日。早帶領兵船八隻。起碇由外洋而去。連前所撤六隻。合計在浙久駐之船。所撤已及一半等語。該夷起碇赴粵。係為求通貿易起見。自應將定海兵船全數撤退。何以仍留兵船一半。在彼占據。著琦善到粵後。向該夷究詰。是何意見。隨時相機妥辦。伊里布摺及照會鈔給閱看。夷書一件。並給閱。遇便繳還。將此由五百里諭令知之。欽差大臣協辦大學士兩江總督伊里布奏。審明已革總兵張朝發。悞諫喪師。受傷後復不設法守城。輒遁回鎮。海乞救。以致城被攻陷。咎無可逭。業已身故。應無庸議。羅建功等。雖同時戰敗。但情罪各有不同。請飭部分別定擬。得旨。烏爾恭額。押解到京時。著派軍機大臣會同刑部。嚴訊擬罪。其羅建功。錢炳煥。王萬年。龔配道等。罪名著一併定擬具奏。免黑龍

江。墨爾根城。兩處被水。屯丁應交糧石。並貸口糧。給房屋修費。展緩黑龍江。墨爾根城。打牲烏拉齊齊哈爾等處。站丁舊欠銀糧。○戊子。諭內閣。本月十三日致祭。

景陵。輪應敬敏行禮。敬敏年近七旬。無庸前往。著改派全齡致祭。嗣後一切祭祀。差使敬敏著免其開列。己丑。

上詣綺春園問

皇太后安。○

孝全皇后梓宮至

陵

皇四子 遜向

泰陵

泰東陵

昌陵恭代行禮至

陵寢正門

皇四子 詣

孝穆皇后

孝慎皇后神牌前恭代行禮奉安於饗殿。命皇子奠酒行禮。王以下文武大臣官員均隨行禮。○遣官告祭。

泰陵

泰東陵

昌陵

孝穆皇后

孝慎皇后陵寢 遣官告祭

后土之神

永寧山神。○諭內閣。訥爾經額奏署事遊擊

稟揭前官那移白椿牽涉該管總兵一摺。前

署泰寧鎮中軍遊擊易州營遊擊喜順現署

中軍遊擊沿河口都司倭什渾均著解任交

訥爾經額派員遞至易州聽候。欽派大臣會

同該署督查辦。泰寧鎮總兵鄂爾端著一併

解任。即著折回聽候查詢。易州知州阿達順

吏目杜凌霄千總郭其昌差官李得文俱著

聽候傳質。又諭瑚松額奏南山地方緊要



請令提督前往巡查一摺陝西漢南一帶地方山境遼闊界連川楚最關緊要胡超現應查閱陝安漢中二鎮營伍所有漢南一帶地方著即派胡超前往巡查諭軍機大臣等祁寯藻等奏遵查廈門接仗情形一摺此案既據該尚書等密傳該處鄉民及未與是役之弁兵捐資招募之紳士分別訊問並據水師提督陳階平呈遞親供均相符合著毋庸議其另片奏廈門防守情形覽奏已悉惟本

日據吳文鎔奏報護督日期摺內有閩洋夷船尚未全行南駛之語該尚書等尚有續查事件計此時接奉諭旨當已折回閩省該處洋面現在有無夷船停泊自必確有見聞著查明據實具奏將此諭令知之以詹事府詹事楊殿邦充日講起居注官以工部右侍郎松峻署泰寧鎮總兵官兼總管內務府大臣蠲緩直隸天津縣被水村莊新舊額賦有差並賑災民緩徵陝西榆林葭懷遠

神木府谷綏德清澗米脂吳堡定邊十州縣被雹被旱村莊新舊額賦緩徵甘肅皋蘭渭源金靖遠寧遠安定會寧隆德固原環寧夏寧朔靈平羅崇信靈臺鎮遠十七州縣及花馬池州同沙泥州判所屬災區新舊額賦

庚寅

上啓鑒恭謁

西陵並臨視

孝全皇后梓宮奉安地宮詣盧溝橋

龍王廟拈香

孝全皇后梓宮前行饗奠禮命

皇四子行禮命戶部尚書隆文馳赴易

州會同署直隸總督訥爾經額查訊案件

以故雲南騰越廳屬明光隘派賴寨土把總

楊占和在謂襲職旌表守正被戕河南

濟源縣民郝添興養媳李閨女守正捐軀山

東鉅野縣民王雲妻薛氏免蹕路及

孝全皇后梓宮經過地方錢糧十分之五○是

日駐蹕黃新莊行宮 辛卯禮部議准山東巡撫托渾布疏報採訪荷澤縣節烈婦蕭李氏等三十二口請建總坊旌表從之 蠲緩山西河曲縣被雹村莊額賦有差並緩徵苛嵐州歉收村莊米豆 是日駐蹕半壁店行宮 壬辰以

孝全皇后梓宮奉安地宮先期遣官告祭

天

地

太廟

社稷 遣官告祭

奉先殿 諭軍機大臣等本日朱樹麟慶奏報回空軍船全數渡黃摺片等件該漕督等牌行限四百里加緊馬上飛遞字樣向來此等摺件俱照例由驛馳遞何以該漕督等不遵照舊章率用四百里加緊駭人聽聞是何意見著朱樹麟慶據實覆奏將此各諭令知之尋奏會商定稿後由麟慶拜發一時匆忙誤

填得旨麟慶著交部議處朱樹加恩寬免 旌表守正捐軀安徽績溪縣民胡富妻馮氏 是日駐蹕秋瀾行宮 癸巳諭內閣孟保等奏揀派教習字話喇嘛可否隨同下屆年班堪布赴京一摺所有派定教習唐古特學生喇嘛二名著於二十二年隨同後藏堪布來京 諭軍機大臣等本日據伊里布奏查明定海情形並酌擬籌備一摺覽奏均悉該夷歷次在浙投遞稟詞船隻並未近岸若重中約束恐夷眾妄生疑畏適肇釁端所見甚是至所獲夷礮點放不能及遠留之無用俟該夷交還定海後將前次拏獲夷匪發還時即將礮一併擲還據奏現已採有鐵斤製造大礮著仍遵前旨遴委熟悉員弁監同妥辦總期堅利適用毋致有名無實其淮南商人報效銀五十萬兩該大臣奏請撥用自係因軍需緊要惟裕謙曾否動用不能遙度著伊里布就近與裕謙商酌支用仍須覈實辦理

將此由四百里諭令知之 又諭本日據孟	保等奏廓爾喀國王呈遞夷稟等情並將該	國王原稟及檄諭稿底呈覽披閱均悉該國	王素與披楞不睦具稟請旨其意不過藉圖	報復該大臣惟當諭以大皇帝撫馭外夷一	視同仁蠻觸相爭從未過問爾等各宜戢兵	睦鄰永受天朝恩澤該大臣等仍當嚴飭所	屬邊界營官密為防範至所稱聶噶金那及	京屬等處地方究係何處部落距何處為近	著該大臣密行查訪據實具奏將此諭令知	之 賞看守各行宮弁兵半月錢糧 是日	駐蹕梁格莊行宮至丙申皆如之 甲午	上恭謁	泰陵	泰東陵	昌陵俱未至碑亭即降輿慟哭步入	隆恩門詣	寶城前行禮躬奠哀慟王以下文武大臣官員
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	------------------	-----	----	-----	----------------	------	--------------------

清 實 錄 道光二十年十一月

均隨行禮 至	孝穆皇后	孝慎皇后陵寢奠酒	孝全皇后梓宮奉安行遷奠禮畢奉移於	蘆殿	上親臨奠酒畢閱視	寶城 遣官祭	先醫之神 乙未	孝全皇后梓宮奉安地宮	上臨視奠酒畢命皇子行禮王以下文武大臣	官員均隨行禮 臨端順固倫公主園寢賜	奠 遣官告祭	泰陵	泰東陵	昌陵 遣官告祭	后土之神	永寧山神 實授松峻泰寧鎮總兵官兼總	管內務府大臣以禮部左侍郎關聖保管光
--------	------	----------	------------------	----	----------	--------	---------	------------	--------------------	-------------------	--------	----	-----	---------	------	-------------------	-------------------

祿寺事工部左侍郎文蔚兼署錢法堂事務  
以兵部右侍郎端華兼鑲白旗護軍統領  
調正紅旗漢軍副都統綿性為正白旗滿洲  
副都統以內閣學士玉明兼正紅旗漢軍副  
都統 丙申

孝全皇后神牌奉安

饗殿命

皇四子奕行禮 以總管內務府大臣阿靈  
阿為工部右侍郎兼管錢法堂事務 調直

隸宣化鎮總兵官李廷揚為浙江衢州鎮總  
兵官以直隸張家口協副將石生玉為宣化  
鎮總兵官 以

孝全皇后梓宮奉安地宮禮成予恭理事務王  
大臣惠親王綿愉等並執事各官議敘有差  
予直隸辦差之署總督訥爾經額等議敘  
兵丁賞賚有差 戶部議准署陝甘總督瑚  
松額疏報頭屯蘆草溝塔西河三所墾種地  
七頃八十畝照例升科從之 蠲緩江蘇上

元江寧句容溧水高淳江浦六合泰興武進  
陽湖無錫金匱江陰靖江丹陽金壇長洲元  
和吳吳江震澤常熟昭文崑山新陽華亭奉  
賢婁金山上海南匯青浦宜興荆溪丹徒溧  
陽山陽阜寧清河桃源安東鹽城高郵泰東  
臺江都甘泉儀徵興化寶應銅山豐沛蕭縣  
山宿遷睢寧太倉鎮洋海通如皋川沙海門  
六十四廳州縣並蘇州太倉鎮海淮安大河  
揚州徐州金山八衛被水被旱災區新舊額

賦有差賑上元江寧句容溧水高淳江浦六  
合泰興武進陽湖無錫金匱江陰靖江丹陽  
金壇十六縣災民 丁酉  
上回鑾駐蹕半壁店行宮 戊戌諭軍機大臣  
等本日據怡良奏撤防師船歸營猝被喫夷  
在洋轟擊奪去米艇兵丁一摺覽奏之下不  
勝駭異該夷性原詭譎惟在天津業經約定  
前赴粵省聽候查辦並有沿海各處如不開  
礮渠亦斷不滋擾等語且據怡良奏稱該夷

於天津情形。火輪船已為傳說。是該夷不得諉為不知。何以遽行開礮。琦善此時諒已抵粵。著傳諭該夷。天朝撫馭夷人。從不失信。既已相約戢兵。且專派欽差大臣前往查辦。代為昭雪。何以於撤防兵船。猝加轟擊。如此反覆。是誠何心。著琦善一面詳加詰問。並向該夷要回擄去兵丁船隻。一面嚴飭文武員弁。密加防範。毋許夷船駛入內洋。是為至要。怡良原摺著鈔給閱看。將此由五百里諭令知之。

○是日駐蹕黃新莊行宮。○乙亥。聖祖仁皇帝忌辰遣官祭

景陵。

上還圓明園。詣綺春園問

皇太后安。○庚子以理藩院尚書賽尚阿兼署

刑部尚書。命都察院左都御史鐵麟。毋庸兼

署。○辛丑諭軍機大臣等。本日據伊里布馳

奏。揣度夷情。一摺。前因喚夷起碇赴粵。尚有

留住定海之人。降旨令伊里布詰究該夷。是

何意見。茲據奏稱。犬羊之性。多所猶豫。惟恐兵船全撤。伊等無可挾持。是以仍將一半留住定海。現在留浙夷人。非主持此事之人。未必深知底蘊。等語。覽奏均悉。仍著伊里布隨時密探。務得確情。所獲夷目。夷婦。著仍遵前旨。俟其將兵船全撤。歸還定海後。再行給還。至蘇松礮位。該大臣飭令總兵田松林。監同鑄造。著即照議辦理。仍俟伊里布回任之日。逐加試驗。毋任有名無實。將此諭令知之。

又諭余步雲奏請留浙江。隨同防堵一摺。所請甚是。現在定海夷船。尚未全行撤去。該提督雖無承辦要件。而海口仍須防堵。著俟夷船全撤。定海收復後。與欽差大臣伊里布一同奏明。再回本任。將此諭令知之。湖廣總督周天爵奏違例用刑。自請先行革任。得旨。著俟吳其濬等審明定案後。再降諭旨。又抗嫉惡過嚴。原當若是。例外非刑。有是理乎。自古嚴明之吏。未聞創造非刑。即使情真罪當。

己為過舉。若有不自於其間。於心忍乎。於法平乎。所謂猛以濟寬。除惡務盡。並非逞一時之忿。專尚酷毒也。賞休致烏里雅蘇台將軍德楞額全俸。以捐修陝西西鄉縣城垣。予民人王世來等議敘。○辰。緩寧古塔三姓被旱歉區。舊欠銀穀。壬寅諭內閣。御史扎克丹奏。八旗年老休致微員。請籌養贍一摺。據稱八旗王公及文職五品武職四品。共放俸銀六十餘萬兩。請於每兩酌留二分養贍。

年老休致人員等語。國家養養旗人。至優極渥。休致人員。曾有出師勞績者。必分別賞給全俸半俸。以養餘年。若精力就衰。以及軍政勒休等官。雖無劣跡。然既經斥退。斷無扣取現任職官俸銀。分給衰庸之理。至另片奏。王公所領俸銀。請一律平兌等語。亦屬瑣屑。難行。均著毋庸議。○又諭御史喬邦憲奏。查辦海口經費。請嚴禁藉端攤派一摺。現在各省防禦兵勇漸次陸續撤回。所需經費。自應報

銷。但恐不肖州縣藉軍需為名。攤派閭閻。侵蝕入己。致滋擾累。著沿海各將軍督撫查明。此次經費應作正開銷者。固應奏明請旨。即由地方官捐辦。或本籍紳士捐輸。亦應妥為經畫。覈實辦理。不得藉詞津貼。抑勒捐資。如所屬州縣有攤派侵蝕等弊。即著嚴叅懲辦。以昭覈實。而免擾累。○又諭前因多歡奏。參前任阿克蘇辦事大臣璧昌於撥解餉銀款目未清。先駁後索。騷擾臺站等情。當降旨交

恩特亨額詳查具奏。茲據該大臣查明。璧昌於庫車解到餉銀。不知有當商所繳生息。碎銀在內。疑係各城多留元寶。以致成數不符。是以備文行查。其駁回餉銀亦祇一千餘兩。尚無騷擾臺站情事。惟不先行咨查。率將銀兩駁回。復又索還。致多往返。究屬不合。多歡奏參各情。措詞亦屬過當。均著交部分別照例議處。庫車回務章京文瑞派委代收餉銀。率將元寶多扣一錠。雖已補解歸款。究與章

程不合著一併交部議處○調甘肅按察使岳鎮南為直隸按察使以服闋按察使程德潤為甘肅按察使撤陝安漢中二鎮派赴巴爾楚克換防兵丁二百名即以巴爾楚克屯民募補並裁把總一員經制外委四員從葉爾羌參贊大臣恩特亨額等請也○癸卯上詣綺春園問

皇太后安○御洞明堂勾到山東直隸熱河情實罪犯停決山東斬犯四人絞犯一人直隸斬犯二人絞犯一人熱河斬犯二人絞犯二人餘五十人予勾○諭內閣奉

皇太后懿旨琳嬪著晉封為琳妃應行事宜該衙門按例辦理其嬪分冊封之禮著毋庸舉行又諭御史瑞岑等奏開運粟豆短欠遲延請嚴定章程一摺據稱抽查奉天粟米黑豆均有短少雖經如數賠補恐嗣後短少愈甚請定該經紀虧短罪名並坐糧廳失察處分又本年奉天粟豆運送遲延請嚴定限期

以昭慎重等語俱著戶部妥議章程具奏尋奏例載漕糧由開壩運至大通橋每百石准掣欠二斗其逾額五斗以上送刑部治罪追賠逾限不完抄產變抵坐糧廳監督議處等語應照定例辦理又道光十三四等年奏定奉天粟豆由直隸雇船於四月內赴牛莊等處裝載六月內抵天津海口如有遲逾短少將運委各員天津道縣分別議處勒賠嗣後請於抵津後限兩箇月赴通償還至南糧收

竣尚未完交者由倉場侍郎查明指叅從之又諭文冲奏查出前任道員辦工情形等語前經降旨飭令文冲牛鑑將前任河南開歸道張坦經手錢糧查明有無冒濫至今尚未覆奏著文冲牛鑑仍遵前旨迅速詳查據實具奏文冲片暫時留中河東河道總督文冲奏豫省現估緊要土工仍懇先借司庫銀兩興辦得旨此係從前未有之舉去歲已有旨諭不能允准嗣後亦不准再行奏請○

以烏里雅蘇台將軍祿普母老調荊州將軍  
奕湘為烏里雅蘇台將軍祿普為荊州將軍  
添備河南十三廳山東二廳防料碎石從  
河道總督文冲請也○緩徵兩淮丁豁草堰  
伍祐廟灣板浦中正臨興七場被淹埽蕩鹽  
池新舊額賦○甲辰諭內閣前據訥爾經額  
奏遊擊稟計前官那移白椿當降旨將鄂爾  
端喜順革職派隆文會同訥爾經額查明嚴  
訊茲據該尚書等勘明訊結已革總兵鄂爾  
端於

陵寢重地無端任性那移白椿並不奏明請旨  
輒令喜順查看致將民田墳冢圈占迨查知  
後復回護處分並不據實叅辦又令私行那  
進種種狂謬大膽妄為可惡之至著發往黑  
龍江充當苦差以示懲儆已革遊擊喜順奉  
委查看白椿並不按照原定章程擅自那移  
侵占民田墳冢實屬藐法著發往烏魯木齊  
充當苦差易州直隸州知州阿達順有守土

之責該武弁等違例那椿並不據實稟明直  
隸總督輒任該弁等將白椿那移亦屬昏愎  
著革職發往軍臺效力贖罪貝子載鈞公溥  
吉於該總兵那移白椿半年之久不得諉為  
不知既未阻止又不叅奏均有應得之咎著  
交宗人府嚴加議處所有椿內田地墳冢著  
交現任總兵松峻確切查明諭令各該民人  
照舊管業並於來歲春融逐段丈量後奏明  
將各椿安置妥協仍符舊誌並於丈量時詳

細繪圖錄存冊檔以備稽查而昭慎重尋宗  
人府議載鈞溥吉俱革爵得旨著加恩各改  
為罰俸五年以緝捕出力予兵馬司吏目  
陶桂森議敘以攻擊番舶出力賞福建守  
備楊靖江花翎同知顧敦忠等升敘加銜有  
差除江蘇儀徵縣坍沒蘆草地十一頃六  
十五畝有奇課銀乙巳

上御洞明堂勾到朝審情實罪犯停決斬犯二  
人絞犯二人餘十人予勾諭軍機大臣等



本日據劉韻珂奏探訪定海夷情一摺覽奏均悉已降旨飭令琦善伊里布體察情形妥辦並將原摺鈔給琦善伊里布閱看矣劉韻珂著俟武聞事竣並將各案清釐即赴鎮海再行詳細確查該夷現在情形會同伊里布妥為籌辦將此諭令知之 又諭本日據劉韻珂奏探訪定海夷情一摺覽奏均悉已諭令劉韻珂於武聞事竣馳赴鎮海會同伊里布確查情形籌辦矣夷情詭譎早在意中該撫所稱修築礮臺開通河道等情如果在定約赴粵靜候查辦以後是其無意退還定海或故為此伎倆以圖扶制已可概見况夷船既已赴粵何以十月下旬尚有六隻在象山洋面遊奕著琦善即將各情詰問該夷因何若此反覆劉韻珂奏稱未便以渠探問之詞為據著伊里布再行詳細確查定海情形究竟若何並著一面密咨琦善一面據實具奏劉韻珂原摺著鈔給琦善伊里布閱看將此

各諭令知之 又諭有人奏湖南澧州直隸州知州登銓剝民縱子眾怨沸騰鎮軍鎮兵情驕悍亟宜控制各一摺收令為親民之官豈容貪黷賤民縱子漁利致令民生日蹙物議喧騰至兵丁驕悍尤當設法控制弭患未然著吳其濬等於湖北查辦事竣後就近先赴湖南密查該州登銓被叅款跡如果屬實立即從嚴叅辦以儆官邪並將鎮軍鎮兵丁驕悍情形是否克橫玩法應如何整飭調撥不令疑忌之處一併確查具奏原摺著鈔給閱看將此諭令知之 貴州巡撫賀長齡奏現在勸導民苗廣種桑棉兼教紡織得旨所辦甚好 裁貴州長寨廳土把總缺從巡撫賀長齡請也 丙午 上詣 安佑宮行禮 諭內閣裕誠等奏侍衛處保送漢軍遊擊人員俱難入選請照例將員缺扣留歸於下月銓補著照所議辦理嗣後各衙

門保送人員務當認真選擇毋得濫竽充數並著派出揀選之大臣會同該部秉公考驗如所保之員俱難入選即著照此辦理毋稍遷就○又諭德春等奏奉天省米豆潮涇不堪收貯請買補勒限運交一摺本年奉天省起運米豆潮涇過多所有直隸委員主簿韓鉞巡檢胡力田把總尹光彩奉天委員主事英敏巡檢李燮典史劉枚均著摘去頂帶仍著落天津道縣暨直隸奉天委員將駁回米豆照數買補勒限於明春河流開凍東糧未到之先運通交納僅有遲延短少及潮涇情弊即著嚴叅懲辦○又諭德春等奏幫船虧欠糧石請援案借款買補一摺江西贛州幫應交易州截撥米石挽抵天津被風漂淌所有該幫尾欠米八百六十七石著准其援照成案於天津道庫酌借銀二千六百兩發給具領趕緊買米交納並著漕運總督江西巡撫責成該糧道按各該丁名下照數追還隨

同來年重運解津歸款毋任拖欠所有該幫領運千總楊家駿總運同知史麟善不能及早籌補均屬辦理遲延著交部分別議處○以四川裁邊夷匪窺擾即行擊退予出力千總卓秉乾等拔補降疏防遊擊湯茂嶺為守備○禮部議准江蘇巡撫裕謙疏報採訪江浦縣貞節婦女魏蘇氏等六百九十九口陝西巡撫富呢揚阿疏報岐山扶風等縣節婦王呂氏等六十九口各請建總坊旌表從之○貸成都駐防修理官署兵房俸餉銀○丁

未

上詣

大高殿

壽皇殿行禮○奉

皇太后還宮○命正紅旗漢軍都統奕山工部

尚書廖鴻荃在紫禁城內騎馬○戊申

上詣

皇太后宮問安○諭內閣烏爾恭額以封疆大

吏責在守土前因曠夷斷絕貿易朕早料其必於海疆要隘肆行滋擾屢經降旨飭令各督撫嚴加防範勿任覬覦乃烏爾恭額不能先事籌畫以致定海倉猝失守復調度無方一籌莫展似此昏憤無能罪無可逭現據軍機大臣會同刑部遵旨議罪擬將該革員發往新疆充當苦差尚不足以示懲儆烏爾恭額著改為絞監候歸入明年朝審情實已革署遊擊羅建功護遊擊錢炳煥王萬年業經

罪坐主將照原擬發往新疆充當苦差已革署守備龔配道業經革職應毋庸議○又諭吳文鎔奏琉球國遣使來閩籲請照舊間年進貢一摺向來琉球國間歲一貢上年降旨改為四年遣使朝貢一次原所以體恤外藩茲據該撫奏該國王遣使來閩請照舊間年進貢情辭極為真摯著如所請行所有該陪臣子弟四名准其隨同貢使北上入監讀書○引見各衙門保送御史人員得旨孫起瑞

陳起詩唐惇培韓椿黃宗漢徐嘉瑞朱應元俱著記名以御史用○浙江巡撫劉韻珂奏遵查溫台兩府栽種罌粟情形得旨廢弛已久言之深堪憤恨若再不振作豈不有負委任勉之○以阿克蘇屯田豐收予員弁議敘賞兵丁一月鹽菜銀○修湖北公安監利二縣老隄以工代賑並修江陵縣虎渡汛隄從總督周天爵等請也○己酉諭內閣梁章鉅奏鴉片限期屆滿懇請展限一摺上年頒發

新定章程酌予一年六箇月限為期不為不寬並因限期屆滿屢經申諭內外大臣認真辦理原期薄海蒼生早除錮習使下有畏法自新之民上有刑措不用之治京外文武大小衙門果能合力同心嚴查究辦何患不盡絕根株即謂各省道里遠近不同自應以奉到部文之日分別起限遵照新例一體懲辦本日據梁章鉅奏罪名愈重藏匿愈深查拏愈嚴趨避愈巧懇請飭部分別展限朕令出

惟行斷不為莠言所惑所請著不准行。如果地方官敢存姑息之心。仍蹈養奸之習。或規避處分。隱匿玩縱。一經發覺。朕惟執法從事。決不寬貸。懍之。又諭梁章鉅奏拏獲鴉片煙案人犯眾多。請照現在廣東江西一體辦理等語。嗣後審辦鴉片煙案內。問擬遣軍流人犯著一面由臬司具詳。該撫覈明咨部。一面將各州縣監禁人犯先行請咨解配。以免擁擠。諭軍機大臣等有人奏海防事宜。稱

有安南乳船最利等語。廣西近接安南。有無此項船隻。是否足資海防。內地可以倣照製造之處。著梁章鉅查明具奏。將此附摺便諭令知之。以翰林院侍講春熙充日講起居注官。以貴州銅仁協副將王志元為江南徐州鎮總兵官。予故烏珠穆沁輔國公濟克濟特扎布祭如例。○庚戌

上詣

火神廟

宣仁廟

凝和廟拈香。諭內閣鴻臚寺少卿張秉德。奏本年九月中旬。錢寶琛覆奏販煙奸商。稱無匪徒滋事。旋於九月下旬。奏拏獲煙犯。究出糾眾結會。販土售賣各情。前後不符。著錢寶琛明白回奏。又據奏錢寶琛以湖口縣知縣朱建溪調補廬陵縣知縣。該員先經裕謙參奏。情銷鹽引。降旨摘去頂帶。該撫奏調知縣自應與該署督札商。而屬員情銷怠玩。該

撫又豈毫無聞見。著裕謙錢寶琛各自具摺明白回奏。又諭前據牛鑑奏訪獲煙犯胡玉供有分發四川未入流之林榮捐職。府經歷之林丹在豫吸食興販。現在丁憂回籍等情。當降旨交該督撫嚴拏歸案。茲據吳文鎔奏稱拏獲犯屬。訊明林榮等先期進京呈報起復。前赴四川候補等語。著步軍統領衙門。順天府五城嚴拏該犯等。務獲並著福建河南四川各督撫一體查緝。務獲歸案究辦。○

辛亥

上詣

壽康宮前殿行禮後殿問

皇太后安○諭內閣向來都察院衙門遇有呈

控應奏事件該堂官將遞呈之人飭令司坊

官看押一面將原呈鈔錄呈覽本日據鐵麟

等奏稱僧人丹必在該衙門呈控邪教命案

等情語多不解僧人亦查傳無蹤等語既稱

關涉邪教命案何以不將原呈錄奏若將該

僧人看押尚可訊取確供今既任其逃逸復

無呈詞憑何究辦殊屬不合著即責成鐵麟

等飭知五城一體嚴拏遞呈僧人丹必務獲

具奏○命守護

西陵貝子載鈞向京穿孝輔國公溥吉佩帶承

辦事務衙門印鑰○撥盛京義州城兵一百

二名錦州等十城兵五十二名駐金州城添

設興京開原遼陽廣寧及鐵嶺等十路法庫

等十六邊門鳥槍九百八十桿並修內外各

城鳥槍從將軍耆英等請也○壬子諭軍機

大臣等本日據海齡奏查看沿江要隘一摺

江蘇吳淞狼山福山各隘口現俱有官兵嚴

密防守據稱圖山為京口門戶凡自南往北

之船必由此處經過自應加意巡察著即嚴

飭該副將李澄等認真稽查所設礮位不時

操演務令致遠有準臨時方為得力至所轄

兵丁亦當隨時訓練悉成勁旅毋得有名無

實日久視為具文將此諭令知之○又諭有

人奏浙江諸暨縣浮收地丁書役作弊百姓

按照舊規每兩加耗三錢二分概不肯收故

意令其違限往鄉勒索每銀一兩折錢二千

五六百文又有夫馬飯食等項規儼小戶往

往因欠銀二三錢完錢至千餘文本年六月

縣令公出書役門下私用官印發票橫行騷

擾又有雷籤火籤迅籤飛籤等名目民不聊

生歷經上控並向尚書祁寓藻等呈訴該尚

書等移咨該撫究辦該撫仍批回本府查究

等語州縣徵收錢糧豈容縱令門丁胥役任意勒索且上控之案批回本府查究難保無瞻徇情弊著劉韻珂親提人證並查取該縣徵收錢糧串簿覈實比較如果有浮徵勒索重情即著據實叅辦毋得稍存回護將此諭令知之○又諭本日據伊里布奏應探夷情一摺又另片密陳覽奏均悉該夷詭譎異常朝夕反覆早在意計之中朕前此准令琦善赴粵查辦蓋欲因勢利導示以羈縻及早戢兵原係為斯民謀久安長治之策該夷貪狼性成蹂躪地方挾定海以求澳門稍不如意便生覬覦澳門定海均為海疆要區安可聽其貿易此朕深慮熟籌早有定見者也現在琦善想已到粵如該夷聽受訓諭則退還定海無俟勞師實為上策儻竟不遵約束種種逞刁則琦善必據實奏聞另籌辦法統俟粵省奏到再示機宜各路調兵現已陸續歸伍而本地營兵為數不少分隘散布巡察防堵

全在加意整飭毋稍疏虞該大臣片奏鑄礮六十餘位正可於閒時操演有準以期得力○儻粵省查辦不能妥協或該夷意主尋釁其勢萬不能已彼時應調何處弁兵著伊里布一面檄調一面奏聞該大臣尤當先事綢繆計出萬全至要○儻籌辦疏懈將來有誤機宜朕惟伊里布是問恐不能當此重咎也○本日祁寓藻等陳奏摺著鈔給閱看將此由五百里諭令知之○又諭本日據祁寓藻黃爵滋奏洋面夷船停泊情形據查泉州之大陸山一帶尤為夷船往來最熟之地煙販甚多禁令雖嚴總未絕跡該尚書等十月間在泉州廈門等處詢知夷船往來蹤跡靡定自廈門滋擾之後提督巡道折回防守不能專力泉州要隘以致夷船任意遊奕等語現在琦善赴粵查辦尚未奏報情形該夷詭詐多端情殊叵測著吳文鎔督飭將弁認真巡防各口毋得稍形鬆懈是為至要將此諭令知

之。又諭本日據伊里布祁寯藻黃爵滋奏探明夷情各一摺該夷既稱赴粵聽候查辦自應將定海退還全行起碇南返何以各船仍在浙省遊奕且聞其築城添礮凌虐居民是該夷面為恭順性實貪殘著琦善詰問該夷究竟是何意見儻仍驕恣逞刃其勢萬難就撫務即迅速先行奏聞一面加意羈縻仍遵前旨辦理伊里布等各摺片著鈔給閱看將此由五百里諭令知之。以貝子綿清署

鑲黃旗護軍統領。予遇難不屈浙江定海縣知縣姚懷祥典史全福祭葬世職。賞順天等省鄉試年老諸生余會求等八十一名。舉人副榜有差。賑卹浙江定海縣內渡難民。

上以冬至祀天於

圓丘自是日始齋戒三日。癸丑除甘肅山丹縣沙壓地八頃四十八畝有奇額賦。甲寅

上詣

南郊齋宮齋宿。諭內閣吳其濬等奏審明委員非刑斃命及總督信用屬員濫刑滋擾各情一摺此案已革候補知縣楚鏞在督署審案擅用非刑酷訊斃命並因委辦鹽卡違例株連刑責並將繫桿人犯任意疊杖拖斃多命慘酷已極楚鏞著先在省城枷號兩箇月滿日發往烏魯木齊充當苦差。湖廣總督周天爵創造非刑信任楚鏞在署審案並派總管鹽卡於應歸地方官審辦之件違例專委訊辦以致恣行威福拖斃多命並將匪犯親自招傷兩目成替種種妄為現經欽差侍郎逐款訊出該督以一品大員輒逞一時之忿專尚酷毒實屬負恩任性周天爵著即革職發往伊犁充當苦差其該督署內伺候扛擡夫頭永行禁革所置非刑即著盡行銷毀並嚴禁問刑衙門效尤私設。又諭孟保等奏請將委辦夷務自行轉回之噶布倫達爾漢

堪布等摘革頂翎名號一摺噶布倫丹珍策旺等係二品番目辦事之人稟報兩呼圖克圖滋事並不等候批示輒即私行轉回實屬有乖體制其達爾漢堪布羅桑稱勒朗結隨同該噶布倫轉回亦有不合所有噶布倫丹珍策旺頂帶花翎著先行摘去羅桑稱勒朗結之達爾漢堪布名號亦著一併革去仍令迅辦完結由該大臣查明是否奮勉抑仍疲玩分別請旨辦理○河東河道總督文冲奏校閱河標官兵得旨一切修防固屬緊要而四營之操練斷不可廢弛務當勤加練習以收實效勉之烏魯木齊都統惠吉奏遵查俄囉斯逃逸夷人勸諭歸國得旨如入本境妥為料理切不可另滋事端○以湖南巡撫裕泰為湖廣總督未到任前以欽差戶部左侍郎吳其濬暫署以湖南布政使王藻護巡撫○濬山東運河從河道總督文冲等請也以伊犁銅斤不敷暫停寶伊局鼓鑄從將

軍布彥泰請也○乙卯冬至祀天於圓丘上親詣行禮遣官祭永陵福陵昭陵昭西陵孝陵孝東陵景陵泰陵泰東陵裕陵昌陵遣官祭孝穆皇后孝慎皇后孝全皇后陵寢○遣官祭



端慧皇太子園寢 停次日朝賀 詣  
皇太后宮問安 詣

開帝廟拈香 諭內閣前因都察院奏稱僧  
人丹必控告邪教人命等情既無原呈又任  
令僧人逃逸當經降旨著鐵麟等飭知五城  
查拏茲已數日之久未據弋獲該僧人所控  
開繫邪教人命重情虛實必應分別究辦著  
鐵麟等嚴飭五城司坊上緊查拏務獲毋令  
日久遠颺 諭軍機大臣等御史萬超奏風

聞直隸州縣指差苛派縱役需索一摺直隸  
省辦理差務自有舊章若如所奏蠲免錢糧  
未能實惠及民而指差苛派之條倍加繁重  
甚非剔弊安民之道著諭爾經額按照摺內  
所稱各款詳細查明如不肖州縣果有各項  
情弊即行據實奏參毋稍姑容原摺著鈔給  
閱看再昨據都察院奏僧人丹必在該衙門  
控稱寧晉縣北丁村有民人張老正等學習  
邪教並將丹必之弟毆傷身死該僧人赴趙

州具控不為審理等語現在丹必已查傳無  
蹤著該督飭屬嚴拏並查明張老正等是否  
果有誘人習教情事分別辦理具奏都察院  
摺亦著鈔給閱看將此諭令知之 又諭有  
人奏察哈爾所屬洗馬嶺王蓋素喇等處馬  
廠俱有遊民私行墾種數百頃將來漏交租  
賦而遊民日聚日眾恐生事端請飭查察其  
有妨於遊牧者概行禁止即或無礙於遊牧  
已經墾種成熟地畝亦應勘丈招佃升科勿

任久漏租稅等語著敬敷接奉此旨毋許洩  
漏俟壁昌到任後輕騎減從前赴各處詳細  
查明有無遊民私行開墾果否有妨遊牧務  
將該處情形據實具奏將此諭令知之尋奏  
洗馬嶺並無王蓋素喇等地名惟查土木路  
迤西二十餘里與察哈爾正黃旗遊牧毗連  
有王蓋素喇係該處王公馬廠名目內有公  
奕興馬廠被家奴私墾三百餘頃無妨遊牧  
除俟各犯全獲訊擬外請交戶部詢明奕興

如願報壘再行勘丈升課下部議尋議察哈爾遊牧廠地例禁開墾未便准行請飭直隸總督察哈爾都統將遊民一概驅逐毋任再有私種從之○以欽差戶部左侍郎吳其濬為湖南巡撫調吏部左侍郎許乃普為戶部左侍郎轉吏部右侍郎潘錫恩為左侍郎調刑部左侍郎王植為吏部右侍郎轉刑部右侍郎黃爵滋為左侍郎實授周之琦刑部右侍郎○賞八旗兵丁一月錢糧○丙辰諭內閣都察院堂官於僧人丹必呈控邪教命案重情不將原呈錄奏又任令該僧逃逸辦理殊屬不合疊經降旨著鐵麟等嚴飭五城司坊查拏尚未弋獲茲據該堂官奏請議處實屬咎有應得鐵麟沈岐續齡隆勛師承瀚祝慶蕃均著交部議處○諭軍機大臣等寄諭欽差大臣署兩廣總督琦善欽差大臣兩江總督伊里布盛京將軍耆英署直隸總督訥爾經額署兩江總督裕謙山東巡撫托渾布

署閩浙總督吳文鎔浙江巡撫劉韻珂廣東巡撫怡良御史蔡家珩奏籌制喫夷事宜一摺該夷目等現往廣東聽候查辦尚屬恭順毋庸遽議勦擊所有該御史籌議各條著暫為存記儻將來事有變更再行體察情形如各條內有可採擇之處酌量妥為辦理原摺著鈔給閱看將此各諭令知之○停閱八旗內務府三旗冰技仍給半賞○貸江寧八旗及江南督協各營駐劄災區兵丁餉銀

大清宣宗效天符運立中體正至文聖武智勇仁慈儉勤孝敬成皇帝實錄卷之三百四十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十二

監修官臣等謹將宣宗成皇帝實錄卷之三百四十二

天爵府尹等謹將宣宗成皇帝實錄卷之三百四十二

七倉大臣等謹將宣宗成皇帝實錄卷之三百四十二

內務府大臣等謹將宣宗成皇帝實錄卷之三百四十二

醫館諸生等謹將宣宗成皇帝實錄卷之三百四十二

教修

道光二十年庚子十二月丁巳朔禮部奏道

光二十一年元旦應行禮儀得旨是照例行  
禮奉

皇太后懿旨停止筵宴其在外福晉命婦進內  
行禮之處並著停止○戊午諭軍機大臣等  
本日據琦善馳奏暎夷回粵情形一摺覽奏  
均悉暎夷此次自浙旋回詞氣既形傲慢難  
保不別懷詭計該大臣以水師參將出名代  
撰發給夷人文稿仍於虎門妥為密防所辦  
尚屬妥協惟夷情叵測包藏禍心已非一日

彼欲肆無厭之求我當有不虞之備著琦善  
詳加體察密行偵探一面與該夷目善議戰  
兵一面整飭營伍遴選將弁槍礮務須得力  
船隻必堪駛駕妥為布置毋少疏虞如該夷  
實係恭順退還定海之外別無非禮之請自  
可仍遵前旨查辦儻敢肆鴟張始終桀驁有  
必須勒辦之勢著即一面奏聞一面相機辦  
理總之夷情不可信事機不可失該大臣受  
國厚恩必當為久遠之計至懿律既稱患病

回國而派人前往投文該夷出艙面見並無  
病容是其別有肺腸已可概見著琦善妥密  
訪探務得確情據實具奏又另片奏秋間拏  
獲白夷一名黑夷二名擬即先行釋回等語  
內地拘留夷人原屬無足重輕如果言詞恭  
順亦不妨俯順夷情是在該大臣籌度機宜  
酌量辦理以副委任將此由五百里諭令知  
之○修直隸通州石路從倉場侍郎德春等  
請也○以江南江安蘇松道屬糧價增昂暫

緩收買幫丁行月等米。○己未諭軍機大臣等昨據琦善奏。喫夷回粵情形一摺。已降旨飭令籌度機宜酌量辦理矣。該夷因斷絕貿易。貪利無厭。其始乞恩查辦。朕因該夷惟利是視。不值竭中國之財力。與之計較。故示以羈縻。原冀平其驕悍之氣。便可戢兵。乃現據琦善奏稱。此次喫夷自浙回粵。更加傲慢等語。該夷包藏禍心。狡焉思逞。恐後此無厭之求。益無底止。琦善面受機宜。現在自仍以開

導為先。但恐事有變更。如有不得不攻勦之勢。則兵貴神速。不可稍有遷延。坐失事機。特此申諭琦善。伊里布並沿海各將軍督撫等務當隨時體察。嚴密防範。其平日得力之將弁。及應用槍礮火藥等件。均當豫為籌備。務使措置得宜。操練有準。前調各兵。雖已有撤回歸伍者。而本地防兵。為數亦復不少。尤當分布要隘。有備無患。琦善又奏稱懿律即欲回國。並向東駛去等語。該夷目詭譎異常。難

保不藉詞仍回浙省。並騷擾沿海各地方。著各該將軍督撫等留意偵察。探有夷船。務察虛實。萬不可受其欺朦。致有債事。至大吏責在守土。經此次訓諭之後。自必倍加兢惕。毋稍疏懈。儻有如定海失守者。則烏爾恭額前鑒具在。朕必不稍為寬貸也。懍之。將此各諭令知之。○以故烏珠穆沁輔國公濟克濟特扎布子車凌多爾濟襲爵。○命工部左侍郎文蔚。馳往馬蘭鎮。會同總兵官德興查辦事

件。○庚申

上詣

皇太后宮問安。○諭內閣。前因奎照奏。太常寺贊禮郎善泰呈訴該堂官元祿不令典儀。復勒令告病。當派載銓等查訊。並著唐鑑。廣昌據實具奏。茲據奏太常寺卿元祿既於孟夏豫備典儀。聽出該贊禮郎聲音微啞。即應揀選另充。奏明辦理。乃並未具奏。以致善泰得所藉口。善泰於業經具呈告病後。輒稱為該

堂官勒令均屬不合。著一併交部議處。善泰著無庸充當御前典儀。○諭軍機大臣等。給事中朱成烈奏盛京地方腴田甚多。若查明墾種。以地利所入。添補海防實為久遠之策。又奏吉林阿勒楚喀雙城堡三屯地畝。共有九萬數千晌。曾移駐京旗閒散一千戶。每户授田二十五晌。今聞移駐並不足額。此項未授熟田甚多。作何開銷。未墾荒田。作何經理。伯都訥圍場有堪種荒田。大封堆地方可墾

之田六萬餘頃。均未開墾。請旨查辦等語。著耆英惟勤即將所屬各地畝。派員詳細查明。未墾荒田。果否堪以開墾。但使著有成效。則一勞永逸。實於屯田海防大有裨益。著該將軍等據實具奏。將此各諭令知之。○又諭。給事中朱成烈奏直隸查抄入官地畝。約有數萬頃。奸猾胥吏。不利變價歸公。而利認租。甚至勒索認租之人。使之逃走。胥役捏報租戶已逃。租銀無著。地方官墊解受累。請飭令百

姓承買。減原價之少半。嚴禁書差阻撓。予限一年。全行變完。至少有百十萬兩。以之籌備天津海防。山東亦有此等田產。請查明一律變價等語。入官地畝。既有書吏認租各弊。自應一律變價。俾小民以置產為樂。而州縣免於墊累。且可以所贏籌備海防。實為公私兩益。著訥爾經額。托渾布詳查入官地畝。究有若干。減價變賣。小民果否樂從。至於書吏等從中阻撓。必當嚴切禁止。毋令隱匿侵蝕。據

實具奏。將此各諭令知之。○鑄給湖南改設黔陽縣石橋巡檢印信。從前任巡撫裕泰請也。○禮部議准。江蘇巡撫裕謙疏。採訪江都甘泉二縣貞節婦女王林氏等五口。前任雲南巡撫顏伯燾疏。報昆明縣沈周氏等二十四口。前任山東巡撫經額布疏。報臨淄縣節烈婦女王高氏等一百二十八口。各請建總坊旌表。從之。○辛酉。諭內閣。前據御史焦友麟奏。葉爾羌有旱路與夷人交易等情。當

降旨令恩特亨額確查妥辦。茲據奏稱各該城並無可通噶咭喇國旱路。及與該夷貿易。並奸民私販硝磺之事。新疆重地。理宜嚴密防範。現在雖查無私販通夷情事。該大臣仍當嚴飭各城。隨時稽查。毋稍疏漏。○以吏部左侍郎桂輪署京營右翼總兵。理藩院左侍郎吉倫泰署鑲紅旗護軍統領。烏魯木齊領隊大臣穆特恩兼正藍旗蒙古副都統。○賞喀喇沙爾辦事大臣常恆副都統銜。為阿克蘇辦事大臣哈密幫辦大臣聯順二等侍衛。為喀喇沙爾辦事大臣光祿寺少卿恆毓。二等侍衛。為哈密幫辦大臣。○以塔爾巴哈台拏獲販煙夷犯。予主事烏雲珠等加銜有差。○戶部議准。湖北巡撫伍長華疏報黃岡縣新淤湖場五頃五十五畝有奇。照例升科。從之。○除浙江錢塘縣義冢田地二頃十八畝有奇。開化縣水衝田地二頃六十畝有奇。額賦。○壬戌。

孝惠章皇后忌辰。遣官祭。孝東陵。○以正黃旗漢軍副都統祁俊署正藍旗蒙古副都統。○以甘肅安西州屬馬蓮井金廠課絀。減額夫五百名為三百名。從署總督瑚松額請也。○旌表守正捐軀直隸懷安縣民董幅妻劉氏。○修浙江東西海塘柴埽各工。從巡撫劉韻珂請也。○戶部議准。前任浙江巡撫烏爾恭額疏報富陽縣開墾沙地三頃六十畝有奇。象山縣蕩田十頃十畝有奇。瑞安縣瘠田八頃一畝有奇。山田五畝有奇。廣西巡撫梁章鉅疏報天保縣開墾水田十埧一伯。均照例升科。從之。○蠲緩浙江長興烏程歸安武康四縣被水被旱災區新舊正雜額賦有差。○撫卹浙江定海縣難民。○癸亥。欽差大臣大學士署兩廣總督琦善奏粵省夷務實在情形。並節次奉旨飭查事件。除廣州將軍阿精阿等奏團練水勇。前督臣林則徐奏請鼓勵員弁。俟夷務定後再行議

奏外。一。夷人索償煙價。緣林則徐示令繳煙時。節次論文。均有奏請賞犒獎勵字樣。夷人頗存奢望。迨後每煙一箱。僅給茶葉五斤。該夷人所得。不及本銀百分之一。而又勒具以後再販鴉片船貨入官。人即正法之甘結。迄未遵依。此釁所由起也。硃筆點出林則徐奏。覓船二萬餘箱。係喫夷領事義律。自行遞稟求收等語。查義律遞稟。距林則徐撤退買辦業已五日。可見窘迫而然。非出情願。惟時義

律僅止孤身。設有黨援。未必降心俯首。一。硃諭飭查喫咭喇國王給林則徐文書。查無其事。惟呂宋國王曾給林則徐文書。或因此誤傳。一。硃筆點出林則徐奏夷信回粵。言定海陰溼病死甚多等語。咨詢欽差兩江總督伊里布。據覆該夷穀米牲畜尚充。疫癘病斃數百餘人。多係兵丁舵工。頭目死者不過數人。現已安然無恙。並未窮蹙。又奉上諭飭查御史曹履泰奏粵東澳門。傳有夷人私信等因。

從前夷書。祇言貿易。官員向不過問。自林則徐到粵。欲悉夷情。多方購求。即有漁利之徒。造作播傳。真偽互見。此時若紛紛查探。恐適墮其術中。所奏應無庸議。一。上諭飭查林則徐奏喫喇啞喇等國。僉謂喫船若不早回。伊國必遣船前來。與之講理。硃筆復點出林則徐另片各國夷商。因喫夷阻其貿易。氣憤不平等語。訪聞各夷商曾有此說。並非林則徐謊言。然迄今未見兵船前來。前有喫喇

啞夷船二隻。乘喫夷不備之時進口。至今未敢駛出。情狀畏葸如斯。且夷與夷通縱力足。顛頑。恐未肯傷其同類。一。硃筆點出林則徐奏。虎門燒燬煙土時。夷人觀者。謾夷文數千言。紀事等語。事誠有之。但詞含譏刺。並非心服。一。硃筆點出林則徐奏具結之後。查驗他國來船。絕無鴉片等語。如指上年而言。則事屬已往。船貨無憑。若指本年而言。來船尚未進口盤查。既不能知其有。亦安能信其無。奏

入。諭軍機大臣等。本日據琦善奏查明粵省夷務情形。逐條詳覆。並將各件呈覽一摺。覽奏均悉。又奏夷情日漸迫切。現在籌辦一摺。該夷反復譁張。難以理論。匪特澳門等處緊要隘口。不能准其貿易。即沿海各口岸。何處非海疆重地。今該夷挾定海為要求之具。種種鴟張。殊為可惡。若不乘機痛剿。何以示國威。而除後患。琦善現署總督。兩廣陸路水師。皆其統轄。均可隨時調撥。第念該省陸路兵丁。未必盡能得力。現已降旨。飭令湖南貴州兩省各備兵丁一千名。四川省備兵二千名。聽候調遣。著琦善一面與之論說。多方羈絆。一面妥為豫備。如該夷桀驁難馴。即乘機攻剿。毋得示弱。需用兵丁。著一面飛調。一面奏聞。該夷既有陸路兵丁名色。著琦善督飭閩省水陸將備。認真防範。以逸待勞。儻事有變。更即奮勇攻擊。以懾夷膽。並飛咨伊里布。一體準備。勦辦。將此由六百里密諭知之。○又

諭。本日據琦善奏查探夷情漸形迫切。現在籌辦等語。嘆夷居心叵測。反覆無常。不可不豫為準備。著裕泰等於湖南省派兵一千名。寶興於四川省派兵二千名。桂良等於貴州省派兵一千名。務令詳加挑選。豫備調遣。一俟接到琦善咨調。立即前往。合力堵剿。毋稍遲誤。將此由六百里各密諭知之。○又諭。本日據琦善奏查探夷情漸形迫切。現在籌辦。該夷兵船日增。駛近虎門。內有打央鬼船二隻。訪係該夷陸路兵丁名色。此係向來所無。其設心已可概見等語。從前命琦善查辦。原係朕慎重用兵之至意。今聞該夷到粵後。更形驕傲。且所願甚奢。非仁義所能感格。其勢不得不加征剿。以示創懲。除由六百里諭令琦善暫事羈縻。再行隨時將情形馳奏外。著沿海各將軍督撫等。仍遵前旨。加意操練。以期有備無患。各省濱海地方。港汊紛歧。著各酌量形勢。分撥防兵。嚴密布置。毋得稍有疏



虞。自干重咎。將此各諭令知之。又諭本日據琦善奏。喫夷情形。漸就迫切等語。已降旨飭令一面羈絆。一面豫備攻剿。並飭令湖南四川貴州三省共備兵四千名。聽候調遣。兼諭令各沿海將軍督撫嚴加防範。該夷肆求無厭。難以理論。匪特地方不能給與尺寸貿易。即煙價亦不可允給分毫。今絕其冀倖。必生覬覦。定海夷船未退。該夷藉為負隅。或竟擾及寧波一帶地方。不可不急為防範。著伊

里布嚴飭將弁。加意防堵。儻竟怙惡不悛。侵犯口岸。著即痛加攻剿。無稍示弱。特不可與之在洋接仗。致有疏虞。本日已明降諭旨。飭令韓振先。琦忠馳驛前赴浙江。聽候該大臣差遣。福建陸路亦為緊要。著伊里布俟該二員到後。即飭令余步雲迅速回閩。籌備一切。琦善原摺著鈔給閱看。將此由六百里密諭知之。又諭給事中朱成烈奏。相傳喫夷侵犯安南。安南人造軋船長僅三丈。船高於水僅

一尺。兩頭尖銳。頭可為尾。船用二十四桿。鼓楫進退。兩頭架紅衣。以擊夷船。喫夷大敗。至今望見安南軋船。即落膽而去等語。著琦善詳細採訪。有無此項船隻。如有可採。即著照式做造。以備攻剿之用。原摺著鈔給閱看。將此諭令知之。○修湖北潛江縣護城隄。從前任總督周天爵等請也。○免江蘇銅山縣義冢地二畝。有奇額賦。○甲子

上以

孝全皇后神牌升祔

奉先殿。先期親詣行告祭禮。○詣

大高殿行禮。○諭內閣。前據文綸明白回奏。稱伊在長蘆運司任內。曾將記欠陋規。作為公費。發交綱商領用等語。當降旨交訥爾經額等查明具奏。茲據奏稱。提訊綱總朱敦復等。並檢查各項帳簿。所有修理橋道。捐施棉衣銀兩數目。均與原奏相符。該臬司於所得陋規。雖已交商作為公費。究已收受在前。文綸

著交部嚴加議處尋議革職從之○戶部議准前任浙江巡撫烏爾恭額疏報開墾象山縣地四畝照例升科從之○乙丑

上詣

皇太后宮問安○

孝全皇后神牌升祔

奉先殿命

皇四子 行禮○諭內閣松桂等奏熱河北路中關至張三營等四處房間有被雨衝刷

坍塌處所等語所有該四處棟存木植及鋪墊木器等項著陸續運至熱河妥為收貯○河南巡撫牛鑑疏請故太康縣貢生楊玉鐸並無經術文章足為士林矜式復娶再醮之婦應撤出鄉賢祠從之○禮部議准湖北巡撫伍長華疏報採訪興國州貞節婦女馮慕潔等五百三十六口前任湖南巡撫裕泰疏報永明縣周氏等七十五口各請建總坊旌表從之○撥熱河生息銀每平五百兩協濟

養贍孀婦錢糧從總管松桂等請也○丙寅諭內閣裕泰奏湖北匪徒滋事派員堵緝等語據奏湖北長樂縣地方匪徒胡啓全等糾眾滋事該縣與湖南石門縣接壤現已派員馳往督緝等情俱著照所議辦理裕泰現已簡放湖廣總督著會同吳其濬督令該委員等不動聲色慎密稽查認真防堵不准任其滋蔓以靖地方○又諭前據給事中周春祺汪報原奏請將勒休開歸道張坦提訊究辦各一摺當降旨交文沖等將該員經手錢糧有無浮冒支銷查明具奏茲據奏稱該員前在開歸道任內經手工程及支發各款均經前任河督批准辦理並隨時驗收奏報現在按年確查收發銀數覈與歷年准銷工程數目均屬相符該給事中等所奏著毋庸議惟前據文沖片奏詣工次細查該員所稱應即趕辦者並非急修之工至承辦估辦各工事隔數月並未覈勘轉稟其開冊請銷之項銀

數多有輟轉不清。實屬有心牽混。張坦著即革職。勒令回籍。○又諭前據文冲奏請借動司庫銀兩。興辦緊要土工。當經批飭不准。茲據奏豫省土工。每歲估需銀兩。因前任河臣遞年提前豫辦。現在辛丑年應修之工。轉無辦理之款等語。此次姑允所請。所有該河督估需土方銀十萬餘兩。准其於開歸河北。二道庫籌墊。將壬寅年土工。先為修理一半。仍俟來年霜降後。勘估案內。劃還歸款。嗣後總

須年清年款。不准再行奏請。○又諭布彥泰奏請添設兵丁。以嚴防守一摺。伊犁卡倫地方。屢被布魯特賊匪偷搶。前經奕山籌議。於要隘處所。添置防兵。暫為試行。此次布魯特搶奪馬匹。傷斃兵丁。經副總管烏爾圖納遜。於莫多圖地方。將該匪殺獲。並將馬匹奪回。據該將軍奏稱。所設防兵得力。已有明徵。著准其即行添設。分地巡查。輪班替換。所需經費。即以裁去會哨之兵丁鹽菜支給。該將軍

仍當實力巡查。以時訓練。於一切控制防維。總期周密。不可徒事虛名。○又諭德全等奏查明越境夷人。現尚不能啓程。一摺。哈密北山土葫蘆卡倫。有俄囉斯夷人逃難越入。經該大臣等按名撫卹。諭令折回本國。據該夷訴稱。天寒雪大。山路難行。懇俟明春起身。折回等語。著該大臣等妥為安置。並嚴密防範。毋使滋擾。一俟春融。雪釋。迅即派兵護送出境。令其歸國。並著沿途一體護送。勿任逗留。

○又諭德全等奏商民因討欠債牽涉回目。檢拾餉鞘一摺。此案肅州解官王順遺失餉鞘。曾降旨交瑚松額查訊。茲據德全等奏。據哈密郡王報稱。有商民周思敬。向回子討債。說起遺失餉銀。係該回城當差頭目。咬提八海等拾去等語。所有案內之回子二等家。占咬提八海。分得卜碩庫烏宗毛拉商民周思敬。小回子呢牙子乎里合甲你牙斯阿子。合甲業在爾等。著瑚松額督同臬司程德潤。親

提人證歸案審訊務期水落石出以成信讞尋奏咬提八海等訊無夥竊餉銀情事應即省釋周思敬呢牙子乎里等以揣度之詞互相傳播尚非有心誣陷擬杖八十枷號一月解官王順疏於防範業經革職應毋庸議革職留任哈密通判訥恩登額如限滿無獲即行革任餉銀著落地方文職及解委各員分賠兵役間擬徒杖下部議從之○諭軍機大臣等據御史石景芬奏勦辦喫夷機宜一摺

前據琦善奏喫夷自浙回粵情詞傲慢已降旨令沿海各省嚴密防範並將得力將弁應用槍礮豫為籌備茲又據該御史奏請合江浙兩省兵力乘其驕惰出其不意機會可乘時不可失等語逆夷包藏禍心占據定海江浙沿海隘口必應慎密備防著伊里布裕謙按照摺內所指各海口悉心籌畫何處必須防守何處可以進剿先事豫籌密為布置並遴選將弁準備槍礮一俟廣東咨照實在情

形即行相機堵剿兵貴神速計必萬全務須一鼓作氣聚而殲旃儻事前不知籌度臨時坐失機宜朕惟伊里布裕謙是問恐不能當此重咎也石景芬原摺著鈔給閱看將此由四百里各諭令知之○以吏部右侍郎恩桂兼正黃旗漢軍都統○命署陝甘總督瑚松額撥銀五萬八千兩有奇解赴伊犁備道光二十一年閏三月經費○丁卯諭內閣吏部奏請考試中書據稱內閣漢中書在部候補

者祇有一人請倣照國子監學正學錄之例於進士舉人內考試錄用等語著照所議傳令應考之人赴部報名奏請簡派大臣考試擬取覆試後帶領引見候旨錄用○又諭御史董瀛山奏請查拏硝磺出境一摺據稱廣東奸商到湖北施南府貿易即收買線麻纏束作團內藏硝磺暗號黃羊子有開設棧房之鍾廣舉鍾天舉二人串通為奸或載至夔關宜關入江歷江西安徽江蘇直達海口又

施南府差役齎文往往盛以竹篋上插紅旗暗帶硫磺等語。硝磺出洋例禁甚嚴。若如該御史所奏。經過各關。或因線麻無稅。不事稽查。或因假託齎文。亦不究詰。殊非慎重稽察之道。著湖廣總督湖北巡撫嚴行查禁。如有前項情弊。照例懲辦。並著經過各關認真查察。毋許偷漏。其地方文武各員失察處分。應如何酌定之處。著吏兵二部議奏。諭軍機大臣等。寄諭欽差刑部左侍郎麟魁。有人奏

江西拏獲旗錢會匪。衣鑲紅藍洋呢。實有通夷暗號。請嚴飭勦除一摺。匪徒聚眾結會。販賣煙土。已屬大干例禁。若如所奏。竟有以洋呢為號。暗通夷匪。約為內應。情事尤當嚴拏懲辦。以戢奸萌。著該侍郎於查辦湖廣各案完竣後。即行馳赴江西。會同學政成觀宣。將摺內所指各情節。逐一嚴密訪查。務得確情。據實具奏。原摺著鈔給閱看。將此諭令知之。○以服闋按察使李鈞為貴州按察使。○添

設山海關滿洲營礮車十五分。從副都統扎拉芬奏請也。○戊辰。諭軍機大臣等。本日據伊里布奏。接准廣東來信。相機籌辦一摺。又另片奏。現在密加守禦等語。覽奏均悉。該夷目懿律。形蹤詭秘。夷船來往無定。該大臣既探明夷船自粵回浙。後情形與前不同。並將船內礮械運岸排列。是該夷因在粵所求無厭。不能遂其所欲。故為此挾制伎倆。灼然可見。該大臣將前擬撤退。尚未起程各兵。仍留

浙省。所見甚是。如該夷並無滋擾情事。仍著嚴密防範。勿任窺伺。僅接到廣東知會。該夷業已猖獗。必須用兵。著遵前旨。迅即督令將弁分路進剿。如該夷在浙。業已蠢動。滋擾各要隘。亦著統兵併力會剿。毋稍遷延。伊里布駐浙數月。諒於進兵路徑及何處可以戰守。一切情形均已熟悉。所需槍礮船隻。自必豫為儲備。著仍遵前旨。熟籌妥辦。勿令坐失機宜。是為至要。至懿律是否潛回浙省。亦須探

訪的確具奏。將此由四百里諭令知之。○又諭本日已降旨。將祝廷彪休致。余步雲調補浙江提督矣。祝廷彪年已七十有五。調遣難期得力。交卸後。著即飭令回籍。前有旨。令余步雲回閩。現已調任。著即接印任事。並飭令認真操練兵弁。準備攻勦事宜。毋稍疏懈。將此諭令知之。○以都察院左都御史鐵麟。為察哈爾都統。吏部右侍郎恩桂。為都察院左都御史。左侍郎桂輪。兼京營左翼總兵。工部

左侍郎文蔚。兼正黃旗護軍統領。內閣學士綿性。兼鑲紅旗護軍統領。○浙江提督祝廷彪。年老休致。調福建提督。余步雲為浙江提督。以雲南昭通鎮總兵官普陀保。為福建提督。廣西梧州協副將王鳳。為昭通鎮總兵官。○命烏什辦事大臣成凱。來京。以伊犁參贊大臣富興阿。為烏什辦事大臣。賞察哈爾都統壁昌。都統銜。為伊犁參贊大臣。○旌表守正捐軀安徽鳳臺縣民胡朋女玉姐。○戶

部議准。前任雲南巡撫顏伯燾。疏報河西祿勸三縣開墾田四十九畝。有奇。照例升科。從之。○免江蘇元和縣義冢田十六畝。有奇。額賦。○己巳。

上御乾清門聽政。○諭內閣。前據載銓等查訊舉人熊少牧。跟隨文慶入闈閱文。當降旨。令文慶明白回奏。並著胡林翼將闈內如何閱卷。據實具奏。茲據該侍郎等各自具摺覆奏。自請嚴議議處。直省正副考官。向不准帶人

入闈閱卷。此次文慶攜帶舉人熊少牧前往江南。與之參論覆看。甚屬非是。文慶著交部嚴加議處。編修胡林翼初次具摺覆奏。於文慶攜帶熊少牧入闈一節。未據聲明。迨經傳旨再令覆奏。始以失察請議。亦屬不合。胡林翼著交部議處。舉人熊少牧著交刑部照例治罪。○都察院等衙門奏。拏獲僧人丹必。得旨著交刑部審訊。尋奏丹必因張洛正暨該村人。不允占住公所。輒以張洛正等傳習邪

教喝令多人將伊弟毆斃各情赴京捏控應發邊遠充軍從之○調戶部右侍郎善燾為吏部右侍郎刑部左侍郎麟魁為戶部右侍郎兼管錢法堂事務盛京刑部侍郎柏蔭為刑部左侍郎麟魁未到任前以善燾兼署○以理藩院左侍郎古倫泰署正黃旗護軍統領調正紅旗蒙古副都統孟保為鑲白旗滿洲副都統以驍騎營印務參領西興阿為正紅旗蒙古副都統○以廣西布政使王惟誠

為太僕寺卿服闋布政使程高采為廣西布政使○賞貝子綿清子奕權奕榕輔國公祿義嗣子恩緒恆明子玉山三品頂帶閒散宗室綿華等八十四人四品頂帶○築直隸大沽北塘海口礮臺土壩並建蓋兵房添鑄礮位裁提標及宣化正定大名鎮標兵共四百二十五名如額募駐大沽等處移霸州營遊擊為葛沽營遊擊葛沽營都司為蘆臺營都司永寧營守備駐霸州滴水崖千總駐永寧

撥天津鎮把總經制外委各一員駐北塘口宣化鎮經制外委一員駐滴水崖從署總督訥爾經額請也○庚午

上詣

皇太后宮問安○諭內閣本年年班並無外藩蒙古王公等來京所有原住京之蒙古王公等元旦後筵宴著照道光十三年之例概行停止其應頒給桌張食物著照舊賞給○又諭棍楚克策楞等奏審明甲兵許告副都統

偏袒徇私各款分別定擬一摺墨爾根城副都統鄂爾托彥以專城二品大員種種徇私徇被兵丁控告著交部嚴加議處驍騎校巴揚阿著交部議處鄂爾托彥之長子鄂爾精阿據該將軍察其馬步尚優年力精壯著免其議處次子海凌阿三子海興阿著革去前鋒回黑龍江本旗挑差○諭軍機大臣等本日據琦善馳奏籌辦夷情形一摺覽奏憤恨之至逆夷要求過甚情形桀驁既非

情理可諭。即當大申捷伐。所請廈門福州兩處通商。及給還煙價銀兩。均不准行。逆夷再或投遞字帖。亦不准收受。並不准遣人再向該夷理諭。現已飛調湖南四川貴州兵四千名。馳赴廣東聽候調度。著琦善督同林則徐。鄧廷楨妥為辦理。如奮勉出力。即行據實具奏。並著琦善整飭兵威。嚴申紀律。儻逆夷駛近口岸。即行相機勦辦。朕志已定。斷無游移。該大臣受國厚恩。責任綦重。固不可失之冒昧。尤不可少有畏葸。務須計出萬全。妥為籌辦。將此由六百里諭令知之。○又諭前因喫

夷反覆無常。豫籌堵剿。降旨令湖南四川貴州各督撫挑選兵丁聽候調遣。本日據琦善馳奏夷情益形桀驁。且所願甚奢。其勢不得不大加征剿。所有前派之湖南兵一千名。著祥福帶領四川兵二千名。著張青雲帶領貴州兵一千名。著段永福帶領迅速分起前赴廣東。聽琦善調遣。毋少遲誤。並飭該員等沿

途妥為約束。不得少有滋擾。將此由六百里各諭令知之。又諭本日據琦善馳奏籌辦喫夷情形一摺。逆夷要求過甚。情形桀驁。不容不痛加征剿。以張國威。前據伊里布將擬撤防兵仍留浙省備防。所辦深合機宜。現在浙省兵力自足。數用著伊里布確探情形。儻有夷船駛近口岸。即開放槍礮痛加勦洗。其自粵回浙夷船及留屯定海逆夷一有可乘之隙。不必俟廣東知會。即行相機勦辦。固須

計出萬全。尤當一鼓作氣。諒該大臣必能仰副委任也。至逆夷在粵情形既多桀驁。如在浙投遞夷書。著即行拒絕。毋許收受。前所拏夷匪仍行羈禁。將此由六百里諭令知之。○又諭本日據琦善馳奏喫夷要求過甚。現在籌辦情形一摺。前因逆夷到粵桀驁疊降。諭旨令詢爾經額於天津海口嚴密防範。現在求請不遂。勢漸猖狂。難保不分投竄擾天津。密邇京畿。尤宜慎重防堵。著該署督迅即親



赴天津妥為籌辦該處現祇總兵陳金綬一人著該署督於總兵副將內酌派一員前往駐劄要隘協同防禦惟添鑄礮位尚須春暖開工已有旨於京師運往三十餘尊令置天津寧河等處以備安設堵禦該署督即行豫備車輛沿途接運儘該逆夷船隻復駛至天津等處逼近口岸即開放槍礮痛加轟擊如再來投遞夷書一概拒絕不准接收該署督務當嚴飭員弁等加意備防所有應調兵

弁著即酌量調撥妥為布置仍須計出萬全毋稍冒昧俟布置停當後再行回省辦事將此由六百里諭令知之○又諭寄諭盛京將軍耆英署兩江總督裕謙署閩浙總督吳文鎔山東巡撫托津布廣東巡撫怡良前因喫夷反覆無常已飭令耆英等加意防範豫備攻剿矣本日據琦善奏夷情益形桀驁不可理諭著再申諭該將軍督撫等遴選將弁整理礮械務當先事豫防毋致臨渴掘井如該

夷再求投遞稟詞一概拒絕不准接收或夷船駛近口岸即行開放槍礮痛加攻剿固當謀定後動不可稍涉鹵莽尤不可稍形畏蕙坐失機宜總期勝算先操成謀共濟是為至要將此由六百里各諭令知之○又諭現因喫夷情形桀驁降旨勦辦盛京為根本重地尤關緊要著惟勤等於吉林兵丁內挑選熟精鳥槍者五百名豫備調遣一俟接到耆英咨照即時派帶啓程毋稍遲誤將此由六百

里諭令知之○又諭現當勦辦喫夷喫緊之時復州地方緊要新任城守尉楊桑阿是否勝任著耆英於該員到任時切實察看如不勝任著即於各城遴選得力之員奏請調補再本日降旨令於吉林挑選熟精鳥槍之兵丁五百名豫備調遣儘有夷船駛至奉天著一面奏聞一面即行調撥以備攻剿將此諭令知之○又諭本日據劉韻珂奏遵赴鎮海確查夷情等語現在粵中夷情據琦善奏到

益形桀驁已飭令沿海各將軍督撫加意防範豫備攻剿矣浙江省城緊要所有定海應行籌辦事宜著劉韻珂與伊里布會同商妥後即行折回省城飭令文武員弁嚴加防守如該夷再來投遞稟詞一概拒絕不准接收或有夷船駛近口岸即行開放槍礮痛加轟擊固不可稍涉冒昧尤不可或形畏葸總期有備無患足可制勝是為至要將此由六百里諭令知之 浙江巡撫劉韻珂奏定海地方斷難准倭夷通商請飭廣東欽差大臣琦善慎重妥辦得旨此說何來或浙省有鼓簧惑人者與知道了 調盛京兵部侍郎成剛為刑部侍郎署管理奉天府尹事以內閣學士道慶為盛京兵部侍郎 調正黃旗漢軍副都統祁俊為錦州副都統 調廣西布政使程喬采為江蘇布政使署巡撫江蘇布政使邵甲名為廣西布政使 以故甘肅碾伯縣土司指揮同知阿英賢子阿文選告休

雲南騰越廳屬蓋達副宣撫司刀思鎮方子刀思相吉各襲職 添鑄浙江杭州嘉興紹興台州溫州五府海口礮位從巡撫劉韻珂請也 辛未諭內閣禮部奏稱文慶攜帶舉人熊少牧入闈請將失於稽查之監臨等官議處本年江南鄉試監臨安徽巡撫程楸采內監試江防同知周維新著交部照例議處 以刑部左侍郎柏葆兼正黃旗漢軍副都統鑲白旗蒙古副都統白文治署正藍旗蒙古副都統 以盛京副都統奕興署盛京兵部侍郎

大清宣宗敕天符運立中體正至文聖武智勇  
仁慈儉勤孝敏成皇帝實錄卷之三百四十二

寶翠卷三百四十一

ملفوظات

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十三

[illegible]

救修

道光二十年庚子十二月壬申山東巡撫托

渾布奏添製軍火礮位相度要隘修城練兵。於隙地搭蓋草房。設聞夷警。將各島民畜產。內徙掘斷島上泉脈。填平井口。使無可擄掠。誘之登岸。誘之觸礁。可一鼓成擒。得旨。所奏是。務遵節次所頒諭旨。妥為防備。勿失機宜。○旌表守正捐軀河南光州民楊成立女存女甥女王存姐。○癸酉。命大學士王鼎為正使。禮部左侍郎關聖保為副使。持節齎冊寶冊封。

靜貴妃博爾濟吉特氏為

皇貴妃冊文曰璇扉選德。壺儀允重。夫坤元  
鏐冊。鐫華懿典。特申乎異命。禮教既彰。於煒  
管。褒榮宜進。以崇階式。煥芝函。載揚蕙問。爾  
靜貴妃博爾濟吉特氏。和順宅衷。溫恭蘊性。  
當宮闈之初侍。勤內政而度協。珩璜暨綸綍。  
之疊頒。守女箴而輝流圖史。恪謹克敦。孝  
養。

萱殿承歡。寬仁聿兆。夫嘉祥。蘭軒毓秀。小心夙

秉。久傳象服之榮。華選新膺。合錫龍章之彩。  
茲奉

皇太后懿旨。以冊寶封爾為皇貴妃。爾其誠摯  
受敬。益展冬溫夏清之忱。德懋肅雍。用佐盥  
食宵衣之治。率六宮而贊化。丕樹芳型。備四  
德以垂模。永資闈助。祇承榮命。敬迓鴻禧。欽  
哉。○諭內閣。科道有風聞言事之責。內外官  
吏。貪庸不職。原許列款糾參。至賞罰大權。操  
之自上。豈容疏遜小臣。妄行干預。前據給事

中周春祺奏。奏浙江提督祝廷彪應行治罪  
等語。已屬非是。至祝廷彪年逾七旬。精力就  
衰。恐其調遣不能得力。是以降旨休致。並不  
因該給事中奏參。始有此諭。本日又據周春  
祺具摺言事。輒謂休致祝廷彪之旨。係伊參  
奏所致。竟似朝廷用舍賞罰大權。言官可以  
意為操縱。若相率效尤。成何政體。此風斷不  
可長。周春祺不勝給事中之任。著回原衙門  
行走。○諭軍機大臣等。昨有旨派裕誠等查

驗八旗礮位。並派祁俊盛。運往天津安設。  
本日據裕誠等奏。選出合式礮三十二尊。計  
年內總可運至天津。著詢爾經額妥為安設。  
各海口有應行分撥之處。酌量要隘。分別布  
置。現已帶去礮甲二十名。並著揀派兵弁。隨  
同學習演放。如已精熟。即將礮甲交祁俊等  
帶同回京。儻一時尚未演試得力。即著於礮  
甲內酌留數名。俾資練習。將此諭令知之。○  
以故三等伯常興弟常瑛。已革散秩大臣三

等伯成山族叔慶英各襲爵。○實授興倫江寧副都統海齡京口副都統。○以緝捕出力。予安徽知縣饒元英等升擢有差。○禮部議准福建巡撫吳文鎔疏報採訪歸化縣節婦陳曾氏等九口。廣西巡撫梁章鉅疏報陽朔縣趙莫氏等五口。山東巡撫托渾布疏報鄒縣貞節婦女謝步氏等六百九十九口。各請建總坊旌表從之。○撥江蘇上元江浦高郵如皋東臺五州縣漕糧一萬八千石有奇。抵

放災缺幫丁行月等米。○修浙江山陰縣魚鱗條石塘隄。從巡撫劉韻珂請也。○甲戌諭內閣松峻奏請擇吉安置白椿一摺。著欽天監敬謹選擇吉期具奏。又另片奏請動項添立石座上安白椿等語。著准其在於廣恩庫所收利銀項下領辦。工竣覈實報銷。此後更換白椿即著依此界址不得任意遠近。○又諭從前京外大員兄弟子孫每屆五年查辦一次。挑在侍衛拜唐阿上當差。原以侍衛拜

唐阿差使體面。大員子弟一經挑取之後。愈得熟習清語騎射。自道光十六年查辦以來。迄今將及五年。又屆應行查辦之時。惟念該大員子弟亦有不同。或身軀輭弱。馬上平常。或自幼讀書。不暇兼習馬步箭。即挑取侍衛拜唐阿。又安望其得力。宜量為變通辦理。嗣後在京文職三品以上。武職二品以上。在外文職自總督至按察使。武職自將軍提督至總兵。該大員兄弟子孫內有及歲似與侍衛

拜唐阿差使相宜。值五年查辦之期。情願送挑者。該大臣等仍照上次報於本旗。由該旗造冊咨送軍機處彙總具奏。將朕指出色帶領引見。儻身弱有疾。或馬步箭平常。不堪送挑者。該大臣等即據實報明。該旗轉行軍機處聽其自便。該旗亦無庸催取職名。用示朕曲成器使。旗僕至意。○又諭文慶經朕派充江南鄉試正考官。理應嚴密關防。盡心校閱。輒敢私帶舉人熊少收入闈。幫同閱卷。實屬

違例著即照部議革職。副考官胡林翼與文慶同在內簾。於熊少收藏匿閣中。豈竟毫無聞見。既不據實奏參。迨經降旨詢問。又不據實回奏。該部議以降調。各有應得。著即照部議降一級調用。不准抵銷。監臨官安徽巡撫程楙采監試官江防同知周維新僅止失察。著加恩改為降二級留任。不准抵銷。○又諭吳其濬等奏。審明已革知縣稟許總督各情。分別定擬一摺。此案湖廣總督周天爵前已

降旨革職。遣戍。著毋庸再議。湖北巡撫伍長華於飭交嚴審之案。未將應提人證到案。質訊。僅據周天爵咨覆結案。殊屬阿附不職。伍長華著與隨同審訊之布政使孫善寶按察使林紱均交部嚴加議處。武昌府知府明峻於周天爵諭令查訊李毓華行賄一節。現雖據實稟明。惟於該撫飭查時。未經明晰聲敘。亦屬不合。著交部察議。尋議上得旨。伍長華著照部議革職。孫善寶林紱著照部議降四

級調用。明峻著降一級留任。不准抵銷。○諭軍機大臣等。訥爾經額奏遵旨馳往天津。妥為籌備等語。天津海口。本有鎮標兵丁。前恐不敷防禦。令該署督酌量調撥。茲據奏稱。現在籌備。所需防兵。著照所擬兵數。先調一半。派弁管帶迅速前往。其餘一半。著各該處豫為籌備。該署督隨時體察情形。酌量調撥。總期有備無患。毋致臨事周章。再宣化鎮總兵石生玉。現已飭令迅即前往。協同防堵。其宣

化鎮總兵。著訥爾經額遴委妥員署理。以便李廷揚來京請訓。將此諭令知之。○又諭。本日據伊里布馳奏。探明夷目並未旋浙。並定海情形一摺。此次夷目懿律雖無回浙之事。而定海城中。於偽知縣加音之外。設有偽巡檢典史等官。梁驚情形。灼然可見。該大臣將攻守事宜。暗為部署。期於有備無患。所辦甚合機宜。又另片奏。酌撤客兵鄉勇水勇。及籌備防守事宜。覽奏均悉。前因琦善馳奏。遑夷

要求過甚。降旨由六百里諭令該大臣確探情形。相機勦辦。計此時當已接奉。現在定海城中。備防疏懈。著伊里布遵照前旨。確切偵探。遇有可乘之隙。即行勦辦。其遣散之鄉勇水勇。此時籌議攻勦。著該大臣體察情形。如有應行團練之處。仍行團練。現在鎮海一帶存兵九千八百餘名。自己足敷調遣。所奏多備小船。購買柴草。乘其不備。縱火焚燒一節。亦著該大臣隨時酌辦。並嚴禁沿海居民接濟食物。訪有通夷漢奸。即著嚴密按拏。該大臣務須計出萬全。一鼓作氣。以褫夷魄。而伸國威。勉之望之。將此由五百里諭令知之。○欽差戶部左侍郎吳其濬等奏。訊明已革湖北鄖陽府知府李嘉祥。於道光十六年。奉文督飭鄖縣採買倉穀。照例每石領銀六錢五分。因是年撫卹災民。捐資賠累。起意於應買一千五百石外。自照例價發銀。浮買一千二百餘石。分派鄖縣差役。赴各堡催傳鄉保領

價收過本色穀一千二百餘石。其餘概令折價。每石二千五百五十文。嗣有民人江紹鳳。赴總督衙門具控。鄉保王德修。以倉書李嘉春和等浮買勒折。赴都察院呈控。咨回該省審辦。李嘉祥幕友任小山。託廩生張經華。向王德修賄勸認誣。經前督臣林則徐究出。行提張經華解審。李嘉祥復令王德修之子克仁至省。再行說和認誣。該督周天爵旋因提訊江經林控案。究出各情。奏請將李嘉祥革審。覆訊李嘉春和等浮派勒收實數。李嘉春和等畏刑。供認派買穀三千八百石。除收一千石外。餘皆折收。李嘉祥亦恐受刑。即照李嘉春和等所供數目承認。其所供捐資撫卹等情。該督並未詳查。將李嘉祥照枉法贓滿貫律擬絞監候。不足以折服其心。應請酌減一等。發往新疆充當苦差。餘照例治罪。督臣周天爵草率定案。撫臣伍長華率行會奏。請交部分別議處。下部議從之。○調工部左侍郎文蔚為

戶部左侍郎以歸化城副都統特登額為工部左侍郎。○調鑲白旗漢軍副都統德全為鑲黃旗滿洲副都統。以阿克蘇辦事大臣常恆為鑲白旗漢軍副都統。○以前任烏什辦事大臣成凱為歸化城副都統。○以理藩院尚書賽尚阿為國史館副總裁官。○以戶部尚書隆文總理工程處。○鑄給四川改設馬邊營副將都司南坪保安鎮遠三營都司關防。馬邊營守備條記從總督寶興請也。○予

故直隸密雲縣訓導于大中。江西南昌府同知前新建縣知縣霍樹清。瑞州府同知石家紹。甘肅蘭州府知府陳士禎。廣西雅容縣知縣署永寧州知州翟奎光。入祀名宦祠。直隸故陝西渭南縣知縣馬學賜。浙江故候補訓導陳樹篁。山西故增生黃廷幹。陝西故刑科給事中王松年。甘肅故湖北鹽法道秦維嶽。廣東故浙江溫處道陳昌齊。廣西故融縣訓導梁建藩。蔣勵常。全州孝廉方正唐敦本。入

祀鄉賢祠。從署總督訥爾經額。麟慶。前任總督鄧廷楨。巡撫楊國楨。署總督瑚松額。前任總督林則徐。請也。○乙亥。以鑲黃旗護軍統領博多歡為右翼前鋒統領。調正紅旗護軍統領領中山。為鑲黃旗護軍統領。以理藩院左侍郎吉倫泰兼正紅旗護軍統領。散秩大臣綿勳為鑲藍旗蒙古副都統。○調四川按察使朱士達為陝西按察使。陝西按察使李星沅為四川按察使。○丙子。

上詔

皇太后宮問安。○諭內閣。前因奕網等奏贊禮郎文普呈首承辦差。得受銀兩。當降旨著文蔚馳往馬蘭鎮會同德興查辦。茲據訊明該贊禮郎因本年未經派差。私向麴匠索銀未允。心疑領差之員不許分給。氣忿呈告。輒捏稱畏罪自首。實屬狡詐。著交部嚴加議處。內務府郎中關瑞。伊克坦。於十九年奉派查催。亦各得受盤費銀兩。著一併交部議處。本



年領差官員外郎淳和等並未分用變價銀兩。著毋庸議。其十九年以前各員著從寬免其議處。○又諭吳文鎔奏請將鴉片案內軍流人犯先行發配一摺。福建省各屬拏獲與販吸食鴉片等犯人數眾多。監獄實形擁擠。所有照例問擬遣軍流罪人犯著一面報部一面先行定地發配。○諭軍機大臣等。本日據琦善奏籌辦夷情形一摺。覽奏均悉。前兩次由六百里諭知一切。諒已欽遵辦理。該

大臣一面備文令該夷聽候照覆。一面酌調各兵分別密防。與朕意相合。該夷反覆鴟張。即令暫時恭順。亦不可恃。惟有大加懲創。方可以褫夷魄而絕後患。著琦善仍遵前旨。厚集兵力。用張天討。現在湖南四川貴州各兵想已陸續抵粵。即可分布要隘。乘機痛剿。不留餘孽。至淡水食物必應斷絕。該夷無可接濟。不能久持。自己不戰而潰。該大臣奏稱華夷私相授受。似難驟禁。著設法防範。但有可

以禁止之處。即行籌畫辦理。朕不為遙制。切勿畏難苟安。致失機宜。所需軍費。無論地丁關稅。准該大臣酌量動用。作正開銷。儻有不敷。迅即奏聞請旨。現在定海一帶早已飛諭伊里布等加意防守。即盛京等處各直省海口亦已妥為防範。該大臣斷不必慮及粵省攻勦過甚。竄入他省。朕所望者。惟當計出萬全。謀定後動。一勞永逸。以靖海氛。其善體朕意。毋忽。將此由六百里諭令知之。○以審辦

重案出力。予貴州通判譚煒等升用有差。○給福建龍溪南靖二縣被水災民一月口糧。及房屋修費。○丁丑諭內閣。嗣後

天壇內外圍樹株。凡遇齋宿日期。著即派查壇王大臣及稽查內外

西天門之大臣等晝夜巡查。彈壓閒雜人等。儻有偷砍樹株。即行拏究。著於明年

祈穀大祀為始。○諭軍機大臣等。扎拉芬奏。派兵分布海口防範一摺。據奏揀派官兵於

老龍頭秦王島海口要隘偵察巡防並豫備兵丁礮藥等件覽奏均悉逆夷情形桀驁沿海各口均須嚴密防範山海關老龍頭等處關繫緊要著該副都統督率官兵隨時哨探加意巡防如瞭見夷船蹤影應行開放槍礮必度其地勢遠近足以相及方行轟擊無任混行施放虛糜火藥如其進口登岸即可奮力殲除並著遴選將弁豫備槍礮總期有備無患毋致臨事周章是為至要將此諭令知之

○戊寅諭內閣向來秋審朝審人犯緩決三次以上者人數積多每屆數年諭令刑部查明奏請分別減等以示法外之仁今自道光十八年查辦之後至本年秋讞入緩決者又積有一萬一千四百餘名口著刑部將本年秋審朝審緩決三次以上各犯照節次查辦之例逐一查明所犯情節奏明分別減等發落以昭矜恤該部即遵諭行○又諭富呢揚阿奏知府呈遞封章一摺坐補陝西延安

府知府邱煌並無言事之責輒繕寫封章條陳時務懇請該撫代奏本屬非是且於現在辦理情形並未知悉姑念摺內所言尚係因公亦無違悖語句邱煌著從寬免議原摺擲還○諭軍機大臣等耆英等奏豫籌海防事宜一摺據奏西南兩路責成錦州熊岳副都統督率稽察並酌備槍礮曉諭島民均著照所議辦理惟槍礮施放必期有準著該將軍嚴飭海口弁兵遇有夷船駛至度其地勢遠

近足以相及方許合力轟擊儻該夷進口登岸即著堵截痛剿務使一鼓殲除其各島大小不一或可歸併遷移之處著酌量籌辦總須嚴斷接濟夷船是為至要另片奏借用船規銀兩攤扣養廉歸款等語此項應需銀兩著准其作正開銷毋庸攤扣仍著該將軍籌節估計覈實支放毋許稍有冒濫將此諭令知之○以戶部尚書隆文都察院左都御史恩桂吏部左侍郎潘錫恩充經筵講官詹事

府詹事楊殿邦充文淵閣直閣事○乙卯諭軍機大臣等。本日據納爾經額奏遵旨調兵防守要隘等語。著該署督即協同山海關副都統扎拉芬泰相度地方情形。於山海關各要隘。豫為布置。隨時哨探。加意巡防。如瞭見夷船蹤影。應行開放槍礮。必度其地勢遠近。足以相及。方行轟擊。此次所撥八旗礮位。計應陸續運到。著督同總兵石生玉。陳金綬。酌量隘口。妥為安設。揀派弁兵。隨同礮甲學習。演放有準。以期得力。古北口地方亦屬緊要。周悅勝著無庸前赴天津。將此諭令知之。○調福建巡撫吳文鎔為湖北巡撫。未到任前。以湖廣總督裕泰兼署。以雲南布政使劉鴻翱為福建巡撫。調甘肅布政使梁夢涵為雲南布政使。以廣西按察使郭文匯為甘肅布政使。江西按察使劉體重為湖北布政使。直隸通永道存興為江西按察使。長蘆鹽運使徐璣為湖北按察使。山東濟東泰武臨道寶

清為廣西按察使。○以雲貴督標中軍副將豐伸為陝西陝安鎮總兵官。○命湖北提督劉允孝來京陛見。○庚辰命熱河總管松桂副總管那揚阿。覆勘旱河工程。○以直隸永定河防汛出力。予同知馮李曾等升敘加銜有差。○以拏獲礦犯。予熱河把總劉信等。升用加銜有差。○撥江蘇江寧淮安揚州通四府州漕糧濟放災缺兵匠等米。○貸江蘇江陰京左靖江三營兵丁餉銀。○辛巳。

孝莊文皇后忌辰。遣官祭。

昭西陵。○

上詣

壽康宮前殿行禮。後殿問

皇太后安。○諭內閣。惟勤等奏拏獲越界夷人

一摺。吉林拏獲朝鮮國夷人三名。訊係不諳

路徑。誤越境界。著惟勤等派委妥員。將該夷

人三名。解交盛京禮部。轉解鳳凰城。交該國

接收。查明辦理。○又諭。惟勤等奏吉林將軍

有食租地六十八晌。副都統有食租地二十四晌。無案可稽等語。此項地畝著即賞給吉林將軍副都統作為隨缺之地以資辦公。○又諭。惟勤等奏確查涼水泉禁荒一摺。打牲烏拉涼水泉封禁官荒隙地。前經降旨嚴查。奸民潛入搭棚開墾。茲據該署將軍等查有民人李永發在封堆外侵占官荒六千一百五十餘晌。招佃開墾。係由烏拉總管衙門發給印照招募。又民人王夢基在封堆外侵占

官荒一千一百晌。招佃開墾。係由烏拉協領衙門發給印照招募。越界開墾。久干例禁。疊經降旨飭查。何以仍有李永發等私墾地畝之事。其該民人等所執印照。究係發自何人。著該署將軍等徹底清查。嚴行叅辦。○諭軍機大臣等。本日據伊里布馳奏請調各省官兵一摺。著裕泰。吳其濬於湖北之提標。竹山協調兵一千八百名。湖南之鎮草鎮乾州協調兵一千名。選派曾經出師之鎮將備弁統

領迅速赴浙聽候伊里布分撥調遣。並嚴飭帶兵各員沿途妥為約束。毋許稍有滋擾。以靖地方。本日又據吳其濬等奏密查鎮軍兵丁情形一摺。覽奏已悉。鎮軍鎮兵現今調赴浙江其餘存營弁兵所有撫馭各事宜著裕泰。吳其濬密商妥辦。務使控制得宜。寬嚴並濟。抑其驕橫之氣。化其疑畏之心。是為至要。將此由六百里各諭令知之。○又諭著裕謙程楸采於安徽之壽春鎮調兵一千二百名。

選派曾經出師之鎮將備弁迅速統領赴浙交伊里布差委調遣。並嚴飭帶兵之員沿途毋許滋擾。以靖地方。將此由六百里各諭令知之。○又諭。本日據伊里布馳奏請調各省官兵一摺。已由六百里飛飭安徽湖北湖南照數調撥矣。其前已飭回之文武各員除謝朝恩留浙彈壓外。其林明瑞曾得勝黃冕孫逢堯陸獻封耀祖等均著准其調赴鎮海差遣委用。本日又據裕謙奏審度制勝之謀一

摺據奏定海之西境有疊名岑港為定海全境第一險要之地該夷不識地利不能併據應以精兵先據岑港再行分兵守險聲東擊西並言各省皆可議守浙江必應速戰等語所奏均不為無見著伊里布體察情形按照摺內所指各條相機妥速辦理該大臣係朕特簡大員受恩深重必能公忠體國敵愾奏功斷不可稍存彼此之見致誤事機原摺著鈔給閱看將此由六百里諭令知之○又諭

昨據裕謙奏夷情詭詐現為豫備一摺據奏江蘇洋面毗連定海崇明既孤懸海外上海為通商碼頭寶山為出入門戶該署督現將礮位撥解海口擇要安設並派員固守海口控制崇明仍確探廣東浙江情形或往蘇州或赴上海寶山相機妥辦著照議妥為辦理徐州鎮總兵王志元已明降諭旨令其馳驛速赴新任矣逆夷遊奕無定該署督嚴飭沿海弁兵隨時偵探加意巡防瞭見夷船蹤影

應行開放槍礮必度其地勢遠近足以相及方可合力轟擊儘竟進口登岸即四面堵截痛加勦洗查有通夷漢奸導引路徑接濟水米嚴拏務獲盡法懲辦本日又據裕謙奏審度制勝之謀一摺所奏不為無見已鈔給伊里布閱看令其酌量情形辦理矣至江浙膏苗相依該夷經浙省擊敗遊奕江蘇海口所奏多用小船擊擒其杉板船隻並杜絕接濟等語又另片奏修築土城加高海塘並於吳

淞海口多安礮位把守彈壓所辦均好著即妥速籌備將此附六百里諭令知之○壬午諭內閣嗣後京外各衙門除

壇

廟緊要工程仍隨時興修外其餘一切工程均著暫行停止○又諭阿勒清阿奏查圍官兵請酌設鳥槍以備巡防等語查圍官兵丁例不准攜帶鳥槍原以防微杜漸乃近年匪徒偷打牲畜一遇官兵輒敢點放鳥槍是該匪有

拒捕之器官兵轉無禦敵之資自應酌量添設所請將添設鳥槍分貯該翼長防禦等公所等語俱著照所議辦理至兵丁隨時巡查亦應派官一二員帶領不得私交兵丁攜帶其應如何覈實巡查之處著督同圍場總管妥議章程具奏尋奏圍內向設賽罕莫多勞肯格爾哈拉海吐三撥嗣後四月至十月圍場總管每月飭令三撥翼長防禦等帶兵攜槍出撥周歷正二三十十一十二等月每月十日

日出派防禦驍騎校各一二員帶兵攜槍梭緝一次得旨依議認真查緝又批不必永遠拘定十日之說遲早互有方好○在籍太子太保二等子前任浙江提督王得祿奏遵旨會同臺灣鎮道商辦防夷事宜得旨勉力防守設有逆夷侵犯相機痛剿以彰國威○命兵部尚書祁寯藻仍在南書房行走○修濬江蘇崇明縣土城濠溝寶山縣海塘順塘河從署總督裕謙請也○

上以歲暮禋祭

太廟自是日始齋戒三日○癸未諭軍機大臣等現據琦善疊次馳奏暎夷情形詭詐已降旨令乘機痛剿著裕謙錢寶琛即於江西南贛鎮選調精兵二千名派委曾經出師之鎮將備弁統領一俟琦善檄調迅速管帶前赴廣東聽候差遣並嚴飭帶兵之員沿途毋許滋擾將此由四百里諭知裕謙並由六百里諭令錢寶琛知之○又諭本日據琦善奏接

據暎夷回文及照覆等情一摺該夷所求無厭日肆猖獗若非痛剿示威恐貽後患朕屢次由六百里諭示機宜諒於接到後欽遵辦理前調湖南四川貴州兵四千飭赴廣東以為聲援計應陸續趕到著琦善即相機進剿各處緊要口隘仍須分兵防守毋稍疏虞惟調撥各兵皆係習慣陸路恐於水戰不甚得力廣東為濱海之區無業遊民類多泗水捕魚深諳水性著該大臣懸賞招募示以恩信

如有能擒獲夷目擊破夷船者即將船內輜重悉數分給該水勇等利得重賞自不為夷所誘而為我所用庶於哨探攻擊均能得力至於激勵士卒加之勸懲全在該大臣體察情形酌量辦理又恐廣東兵力單弱已降旨飭令裕謙錢寶琛揀選南贛鎮兵二千以備檄調如果兵不敷用即一面飛調應援一面具奏該夷欲約琦善前赴澳門面談該大臣未允所請國體不失庶國威可張勉建殊勳

用副朕望將此由六百里諭令知之○又諭據惟勤等奏挑兵前往盛京請令果陞阿帶往等語所有挑出之吉林兵五百名著妥為豫備一俟著英咨照到日即著果陞阿管帶前往交著英調遣果陞阿毋庸在彼防堵著即仍回本任將此諭令知之○又諭據惟勤等奏該處現已挑兵五百名一俟咨照即令果陞阿管帶前來等語著著英審度機宜如可不必添兵即毋庸議儻必須添調防堵即

行飛調以備派撥將此諭令知之○命署陝甘總督瑚松額來京請訓以葉爾羌參贊大臣恩特亨額署陝甘總督○以吉林協領烏凌額為墨爾根城副都統○賞葉爾羌幫辦大臣圖明額提督銜為參贊大臣以烏什辦事大臣富興阿為葉爾羌幫辦大臣○甲申以歲暮禋祭遣官祭

太廟中殿

後殿○諭御前大臣管武備院事定郡王載銓

嗣後每年十二月二十三日著在中正殿西廠子支搭蒙古包豫備筵宴○以已革兵部尚書奕額為理藩院右侍郎○以工部左侍郎特登額兼鑲紅旗蒙古副都統○賞福建布政使瑞元副都統銜為烏什辦事大臣以順天府府尹曾望顏為福建布政使○以喀喇沙爾屯田豐收予員弁議敘賞兵丁一月鹽菜銀○乙酉禘祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○遣官祭

太歲之神○理藩院右侍郎奕額以重聽休致以通政使司通政使慧成署理藩院右侍

郎○以正黃旗蒙古副都統國勒銘阿兼署鑲紅旗蒙古副都統○以福建按察使徐廣縉為順天府府尹未到任前以詹事府詹事楊殿邦署理浙江鹽運使裕康為福建按察使○朝鮮國使臣朴晦壽等三人於午門外瞻觀○丙戌諭軍機大臣等有人奏雲南永昌府有匪徒販賣煙土聚黨輒數百人手持槍礮各帶紅旗上書將本求利舍命取財二語往來四川順慶寧遠之間肆行無忌該處

人民栽種罌粟煎煉成土變名為芙蓉膏成羣販賣曾經會理州緝獲煙犯供在雲南拒捕戕兵含混了結等語雲南栽種罌粟前經伊里布奏明鎔毀淨盡何以尚有販賣芙蓉膏名目著桂良張澧中飭屬認真查拏究辦如有栽種罌粟立即鎔除淨絕不准稍留根株並著寶興嚴飭所屬如有煙匪入境嚴拏懲辦毋許姑息養奸將此各諭令知之○是年旌表孝子江蘇等省李德章等十五名孝



友福建等省貢生陳榮等六名孝女江蘇等省朱氏等八口孝婦江蘇等省朱張氏等四口義夫安徽等省貢生張培等二名守節合例滿洲護軍善通妻凝佳氏等一百三口蒙古護軍花連布妻博爾吉特氏等三十一口漢軍馬甲朱啓妻王氏等三十四口內務府拜唐阿那丹珠妻關氏等四口各省駐防閒散魏正會妻齊氏等二百口奉天等省田文德妻遲氏等一千三百九十九口夫亡殉節

內務府總管大臣阿爾邦阿妻陳氏等二口直隸等省汪河妻董氏等三十四口未婚守志滿洲工部司庫英華聘妻耿氏內務府披甲吉靈阿聘妻蘇氏順天等省馬麒麟妻趙氏等三十七口百歲壽民婦江蘇等省朱王氏等三十一名口五世同堂直隸等省王福兆等四十九家捐金好義江蘇等省副貢生胡起鳳等六名各給銀建坊如例○一產三男直隸等省郭有利等四家○會計天下民

數穀數除福建湖南未報外直隸等省通共大小男婦四萬一千二百八十一萬四千八百二十八名口存倉米穀三千二百三十六萬九千六百二十五石六斗三升七合八勺

大清宣宗效天符運立中體正至文聖武智勇仁慈儉勤孝敏成皇帝實卷之三百四十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十四

監修禮部尚書臣等謹將宣宗成皇帝實錄卷之三百四十四

天府府尹臣等謹將宣宗成皇帝實錄卷之三百四十四

七倉大臣等謹將宣宗成皇帝實錄卷之三百四十四

內務府大臣等謹將宣宗成皇帝實錄卷之三百四十四

監修禮部尚書臣等謹將宣宗成皇帝實錄卷之三百四十四

教條

道光二十一年辛丑春正月丁亥朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○已丑

高宗純皇帝忌辰遣官祭  
裕陵○

上詣

奉先殿

壽皇殿行禮○諭內閣朕於三月初九日啓鑾

十三日祇謁

西陵十四日節屆清明朕恭詣

昌陵行數土禮並詣

隆恩殿行大饗禮虔申孺慕禮成後旋蹕圓明

園所有應行典禮著各該衙門敬謹豫備○

諭軍機大臣等昨據琦善馳奏暎夷現在情

形一摺逆夷日肆猖獗必應痛加勦洗該大

臣接奉屢次六百里諭旨所有本省官兵自

已早經調齊布置湖南各省官兵正月內亦

可陸續到粵著遵照前旨奮力勦辦本日又

據琦善馳奏逆夷不候回文於十五日早間

起碇分隊直撲虎門外沙角大角兩砲臺又

有火輪船四隻直撲師船我兵奮力回擊無

分勝負等語。逆夷要求不遂。朕早料其必須  
勦辦。此次釁自彼開。尤屬無可藉口。所奏拒  
守虎門。及於烏涌口堵禦。並增兵防守水中  
礮臺等情。均照所議。妥為辦理。沿海各處。本  
日已由六百里分諭防守矣。又另片奏辦理  
棘手情形。現在事勢。惟有一力勦除。有何棘  
手之處。惟在該大臣相機籌辦。俾逆夷早日  
授首。以伸天討。而建殊勲。即此後逆夷窮蹙  
乞命。斷不能再邀恩宥。該大臣亦不准代為

奏請也。此次該夷受傷落海者。約有若干。內  
地官兵。有無受傷之處。著一併確查具奏。將  
此由六百里諭令知之。○又諭本日據琦善  
馳奏。喫夷現在情形。一摺。逆夷日肆猖獗。膽  
敢直撲虎門。轟擊礮臺。計惟痛加勦洗。前有  
旨令伊里布不必俟廣東照會。將自粵回浙  
夷船。及留屯定海逆夷。相機勦辦。該大臣接  
奉後。自必欽遵辦理。現在鎮海防兵。將近萬  
人。兵力不為不厚。前諭招募水勇。計已趕緊

妥辦。現當北風司令之時。該大臣務當一鼓  
作氣。乘時進發。或潛師暗渡。或據險出奇。相  
機制勝。克復定海。以奪該夷所恃。萬勿觀望  
坐失機宜。本日又據裕謙奏。陳戰守機宜。已  
有旨諭令揀選。或提督或總兵一員。酌撥兵  
弁一二千名。豫備赴浙接應。如必須調遣。該  
大臣即一面檄調。一面奏聞。總之兵貴神速。  
趁此時相機進剿。使之不能首尾相顧。是為  
至要。該大臣公忠體國。諒能勉副朕望也。琦

善摺片。裕謙摺。均著鈔給閱看。將此由六百  
里諭令知之。○又諭裕謙奏戰守機宜一摺。  
據奏收復定海。宜潛師暗渡。守據險要。出奇  
搗擊。沿海各省。宜堅守口岸。多用小船。豫備  
火攻。斷其接濟等情。已有旨由六百里諭知  
伊里布矣。本日據琦善馳奏。喫夷不候回文。  
兵船直撲虎門。礮臺業經降旨。令其相機勦  
辦。並諭知伊里布攻復定海。及沿海各處一  
體備防。江蘇逼近浙江。所奏調集官兵。選派

將備。親自帶赴上海寶山。會同提督相機辦理。均即照所議迅速辦理。並著該署督豫為揀選或提督或總兵一員。酌撥兵弁一二千名。如浙江有應行接應之處。一面飛速調撥。一面奏聞。將此由六百里諭令知之。○又諭。寄諭盛京將軍耆英。著直隸總督訥爾經額。山東巡撫托渾布。閩浙總督顏伯燾。署閩浙總督吳文鎔。前因倭夷情形桀驁。已飭令耆英等調兵防剿矣。本日據琦善馳奏。該夷不

候回文。直撲虎門。開礮我兵回攻。無分勝負。等語。沿海各省地方。必應加意防範。著各該將軍督撫等。謹遵前旨。遴選弁兵。防守要隘。如有夷船闖入。即行相機剿辦。不可稍形畏葸。致誤事機。將此由六百里諭令知之。○以興修雲南永北廳水利。予知縣熊守謙同知銜。○庚寅。

上詣

大高殿行禮。幸圓明園。○奉

皇太后居綺春園。○詣

安佑宮行禮。○諭軍機大臣等。本日據伊里布等馳奏。鎮海堵禦事宜一摺。據奏於招寶山下南首海塗。及攔江埭等處。釘椿貯石。並於相距定海道頭五十里之穿山所等處。添建土牆。以資屏蔽等情。所辦均合機宜。著即照議趕緊興築。毋稍遲延。又據伊里布奏籌備攻剿一摺。據奏現已探明路徑。密為部署。惟礮尚未齊。兵尚未集。尚難冒險等語。廣東現

已開仗。浙江必應進剿。使之首尾不能相顧。現在留駐鎮海之兵。幾及萬人。前據該大臣奏。英船自浙回粵。留屯定海。兵不過三千。即續有自粵折回。夷船為數諒亦不多。當此北風司令之時。順天時。因地利用。人和以順討逆。以主逐客。以眾擊寡。不難一鼓作氣。聚而殲旃。必待礮兵齊集。則逆夷兵礮難保不續有增添。設使逆夷先行攻擊。豈不讓彼以先發制人之勢。該大臣既經成算在胸。即當

出其不意迅速進兵務使定海刻日收復夷船片帆不返至所云漁艇密為偵探愚民猶未深信總當示以恩信加之勸賞志切同仇自無難一舉成功朕拭目以待捷音之至也又另片奏先鑄銅礮數十位濟急等語著即照所議迅速辦理將此由六百里諭令知之○又諭本日據吳文鎔馳奏調兵練勇嚴防海口一摺逆夷日肆猖獗疊經飛諭各省海口加意防範閩洋居粵浙之中廈門為咽喉

之地尤關緊要現據該署督咨行水陸提鎮標營將前次撤回之兵仍行調往協防散去鄉勇趕緊設法團練各要口亦酌量添兵戍守省城鑄就大礮分別解往安放等語均著照所議迅速妥辦該夷窺伺廈門疊次滋擾現在粵省既已動兵難保不復行竄入一切堵剿事宜著顏伯燾迅即馳往泉州督辦其未到任以前如有警報即著吳文鎔親往相機辦理其調兵練勇行裝口糧業據籌款給

發著照例覈實報銷將此各諭令知之○以正白旗領侍衛內大臣奕山為御前大臣貸湖北漢川沔陽江陵公安石首監利嘉魚廣濟八州縣並屯坐各衛上年被水軍民籽種貸湖南武陵縣上年被水災民籽種○貸甘肅皋蘭縣上年災民兩月口糧並金安定會寧秦四州縣及沙泥州判所屬災民籽種給安徽東流繁昌三縣上年被水災民一月口糧○辛卯諭內閣我朝撫馭外夷全

以恩義各國果能恭順無不曲加優禮以期共樂昇平前因西夷鴉片煙流毒日甚特頒禁令力挽澆風惟嘆咭喇恃其驕悍不肯具結是以降旨絕其貿易乃並不知愧悔日肆鴟張突於上年六月間乘駕夷船數十隻直犯定海占據城池復於福建浙江江蘇山東直隸奉天各省洋面任意往來多方滋擾該逆夷桀驁不馴至於此極原不難整我師旅悉數殲除因念該夷投遞書函自鳴冤抑不

可不為之查究。以示大公。特命大學士琦善馳赴廣東。據實查辦。儻該夷稍有天良。自應全數赴粵。靜候辦理。乃一半起碇南行。一半仍留定海。是其狡黠情形。已堪髮指。近聞數月以來。姦淫婦女。擄掠資財。建築礮臺。開挖河道。且令偽官出示。諭民納糧。百姓何辜。罹此荼毒。興言及此。寢饋難安。迨琦善抵粵後。明白開導。仍敢要求無厭。既思索償煙價。又復請給馬頭。朕早料其反覆無常。斷非信義之所能喻。特於年前簡調四川貴州湖南江西各路精兵。前赴廣東。又調湖北湖南安徽各路精兵。前赴浙江。豫備攻剿。茲據琦善馳奏該逆夷於上年十二月十五日糾約漢奸。乘坐多船。直逼虎門洋面。開礮轟擊。傷我官兵。並將大角礮臺攻破。沙角礮臺占據。是其逆天悖理。性等犬羊。實覆載所難容。亦神人所共憤。惟有痛加勦洗。聚而殲旃。方足以彰天討而慰民望。現在所調各省勁兵。計可趕

到著伊里布剋日進兵。收復定海。以蘇吾民之困。並著琦善激勵士卒。奮勇直前。務使逆夷授首。檻送京師。盡法懲治。其該夷之醜類。從逆之漢奸。尤當設法擒拏。盡殺乃止。至沿海各省洋面。疊經降旨。嚴密防範。著各將軍督撫等。加意巡查。來則攻擊。並曉諭官民人等。人思敵愾。志切同仇。迅贊膚功。共膺上賞。朕實有厚望焉。將此通諭中外知之。○又諭琦善奏。倭夷攻占礮臺情形一摺。逆夷到粵以後。日肆猖獗。疊經朕嚴諭該省慎密周防。相機勦辦。該文武大員。宜如何妥為布置。本日據琦善馳奏。該處沙角礮臺。竟為逆夷占奪。大角礮臺。亦被攻破。並有戕傷將弁。搶奪師船之事。可見該署督等於堵禦各事宜。全未豫行籌備。琦善著交部嚴加議處。仍督率調到各官兵。奮勇堵剿。迅奏膚功。關天培身任提督。統轄水師。平時既督率無方。臨事又倉皇失措。著先行革去頂帶。仍令戴罪立功。

以觀後效。所有傷亡將弁兵丁著該署督確切查明具奏。○又諭現在廣東浙江軍務緊要一切文報必須按照限行里數迅速馳遞刻不容緩著通諭各直省督撫嚴飭沿途各該州縣遇有軍務緊要文報務須隨時飛速遞送如查有遲誤之處立即指名嚴叅從重治罪。○諭軍機大臣等本日據琦善馳奏逆夷攻占礮臺一摺前因逆夷日肆猖獗疊降諭旨妥為准備相機剿辦原料其垂涎廣東

已非一日該大臣身膺重寄既知該夷情形桀驁又見該省營務廢弛自應先事豫防以期有備無患茲據奏報逆夷占奪沙角礮臺並攻破大角礮臺等情該夷甫於上年十二月十五日肆逆開礮兩礮臺均被攻破可見該省全未准備實堪痛恨已明降諭旨將琦善關天培分別摘頂嚴議矣現在逆形顯著惟有痛加勦洗以示國威尚有何情理可喻已飛飭四川湖南貴州各省官兵迅即赴粵

並飭江西前所調南贛鎮兵二千名馳赴接應矣廣東本省官兵悉歸該署督統轄現在情形緊急著先行分布要隘按段拒守毋許再有疏虞所調各兵計正月內可以陸續到粵著即督率將弁奮力勦除以圖補救至廣東礮臺前據鄧廷楨等安設排鍊阻截夷船此次攻破之大角沙角礮臺是否即係其處著琦善一併查明據實具奏將此由六百里諭令知之○又諭前因英夷情形桀驁必須

痛剿已有旨令裕謙錢寶琛於江西南贛鎮挑選精兵二千名聽候調遣本日據琦善馳奏該逆夷占奪沙角礮臺並將大角礮臺攻破等語著裕謙錢寶琛即將前選精兵二千名派委曾經出師之鎮將備弁統領迅速起程前赴廣東聽候差遣並嚴飭帶兵之員沿途妥為約束毋許滋擾將此由六百里諭令知之○又諭前因英夷日肆桀驁降旨令裕泰等將所派湖南兵一千名令祥福帶領四

川兵二千名。令張青雲帶領。貴州兵一千名。令段永福帶領。分起赴粵。本日據琦善馳奏。該夷攻破大角礮臺。並將沙角礮臺占奪。夷情猖獗益甚。必須厚集兵力。速加剿滅。所有前派各兵。著湖南四川貴州各督撫。即飭令所派帶領之員。迅速起程。前往廣東。聽候調用。毋稍遲誤。將此由六百里諭令知之。○展賑奉天白旗堡上年被水旗戶站丁。給小黑山歉收站丁一月口糧。○展賑江蘇上元江

寧句容溧水高淳江浦六合江陰靖江金壇泰興十一縣上年被水災民。○貸山西河曲縣上年被雹災民倉穀。○給兩淮廟灣場上年被水竈丁一月口糧。○壬辰

上詣綺春園問

皇太后安。○欽差大臣協辦大學士兩江總督

伊里布七十生辰。頒賜

御書扁額福壽字。並珍玩文綺。○癸巳

世祖章皇帝忌辰。遣官祭

孝陵。○江西南贛鎮總兵官長春奏。遵旨查拏閩粵二省煙匪。得旨勉力查拏。不准疏懈。○撥安徽天長貴池二縣漕糧三千石。濟放江淮興武幫丁災缺行月等米。○緩徵直隸天津青靜海滄縣寧河大城鹽山三河寶坻霸永清東安灤樂亭博野雄安高陽河間獻任邱東光南皮慶雲鉅鹿難澤大名南樂豐潤玉田新河隆平阜城三十四州縣上年被水村莊新舊額賦。加給天津青靜海滄四州縣

災民一月口糧。○緩徵山東歷城鄒平長山齊河禹城陵濱郭店汶上陽穀壽張單鄆城范聊城堂邑博平茌平莘高唐恩邱濟寧金鄉魚臺章邱齊東濟陽臨邑長清德平原德東平惠民陽信海豐樂陵利津霑化商河濮陽城四十四州縣暨德州東昌臨清濟寧四衛並東平所上年被水莊屯。本年上忙正雜額賦。○甲午。享

太廟。遣惠親王綿愉恭代行禮。○遣官祭



太歲之神。論內閣內務府奏酌議三旗管領下領食家口米石章程。請嗣後每年以六萬石為度。為數太多。著每年減為三萬石。以示限制。其應如何分別支領之處。著另行妥議。具奏。尋奏文職七品以下武職六品以下及兵丁之妻室子女。於夏冬二季。照向來整口半口人丁。應領米石數目支放。共需米二萬九千餘石。並將閏月應領米石裁撤。以示限制。從之。又諭前據御史董瀛山奏請查

拏確礮出境。當經降旨。飭令各該省認真查禁。並令吏兵二部議定地方文武各員失察處分。茲據該部悉心酌議。開單呈覽。著即依議。纂入則例。遵行。惟現當勦辦喫夷喫緊之時。所有失察確礮出境文武各官處分。雖係公罪。亦著不准查級議抵。欽差大臣大學士署兩廣總督琦善。查喫夷進兵情形。向共知其僅長水戰。今詎料其並設有陸兵。戰船則大小悉備。火器則遠近兼施。占奪礮臺。

後勢將直擊虎門。進攻省垣。拒守實難。不得已允其代為奏懇。於外洋給寄寓一所。又該夷仍欲於廣州即行開港。俟發摺後再將必須俟奏奉諭旨方可開港之處。備文照覆。向其竭力論說。儻該夷漸知改悔。固萬分之幸。如執迷不悟。再事狡逞。奴才祇得不避重罪。從權辦理。諭軍機大臣等。本日據琦善奏。喫夷占奪礮臺。難於拒守一摺。又另片奏。籲懇恩施等語。覽奏十分憤懣。該大臣自因省垣

倉庫重地。復因居民繁多。恐有激變。故為此權宜之計。伴允所請。暫示羈縻。現已降旨。授奕山為靖逆將軍。隆文。楊芳為參贊大臣。赴粵協同勦辦。又添派湖北四川貴州三省兵丁各一千名。迅赴廣東接應。一俟將備到齊。不難整頓戎行。亟籌攻勦。將軍阿精阿近駐省城。提督郭繼昌統轄陸路官兵。俱有守禦之責。著該大臣等趕緊團練兵勇。獎勵士卒。並儲備軍需糧餉。槍礮火藥。俟奕山等到後。

和衷共濟協力進剿克復海隅以申天討而建殊勲萬不可稍有畏葸致失機宜將此由六百里加緊諭令知之○又諭本日已明降諭旨授奕山為靖逆將軍隆文楊芳為參贊大臣馳往廣東辦理夷務並於前調官兵之外添派湖北四川貴州兵各一千名迅赴廣東聽候調遣矣現在啖夷情形甚屬猖獗楊芳接奉此旨後著迅即馳驛前往會同琦善相度機宜和衷勦辦至湖南官兵前曾降旨調撥一千名前往廣東此時計已起程現在如應添調若干名著楊芳酌量派撥並著遴選得力將弁管帶隨後前往廣東以資攻剿計楊芳到粵在奕山隆文之前如有可乘之機即迅速進剿總當一鼓作氣不必候奕山等到粵始行攻擊儻稍存觀望坐失事機恐該參贊不能當此重咎也將此由六百里加緊諭令知之○又諭前因勦辦啖夷有旨諭令該督等挑選精兵豫備調遣此時定已陸續起程茲據琦善奏逆夷攻占礮臺實堪髮指已特授奕山為靖逆將軍隆文楊芳為參贊大臣前往廣東勦辦著裕泰於湖北省再派兵一千名實興於四川省再派兵一千名桂良等於貴州省再派兵一千名令曾經出師之將弁迅速管帶前赴廣東聽候差遣並嚴飭帶兵之員沿途毋許滋擾將此由六百里加緊各諭令知之○又諭寄諭欽差大臣協辦大學士兩江總督伊里布盛京將軍耆英署直隸總督訥爾經額署兩江總督裕謙山東巡撫托渾布閩浙總督顏伯燾署閩浙總督吳文鎔浙江巡撫劉韻珂據黃爵滋奏籌辦海防急宜募兵節餉以操勝算一摺著伊里布暨沿海各將軍督撫各就地方體察情形酌量採擇辦理原摺著鈔給閱看將此各諭令知之○又諭據黃爵滋奏曾見啖夷哨書刻有英華書院名目此書自係漢奸所為若乘此時竟與絕市則彼與漢奸疑忌

可不攻自潰等語。著伊里布酌量辦理。原奏片著鈔給閱看。將此諭令知之。○命御前大臣正白旗領侍衛內大臣奕山為靖逆將軍。戶部尚書隆文。湖南提督楊芳為參贊大臣。馳赴廣東勦擒逆夷。○濬江蘇丹徒丹陽二縣運河從前署巡撫卽甲名請也。○撥江蘇丹陽長洲元和吳吳江震澤六縣漕糧濟放災缺兵匠等米。○撥兩淮鹽義倉穀接濟江都丹徒二縣上年被水災民。○緩徵江蘇上

元江浦六合山陽阜寧清河桃源安東鹽城高郵泰東臺江都甘泉儀徵興化銅山豐沛蕭錫山宿遷睢寧海沐陽贛榆二十六州縣暨揚州淮安大河徐州四衛上年災歉莊屯舊欠額賦。○乙未諭軍機大臣等昨經降旨調湖北四川貴州兵各一千名前赴廣東聽候差遣。該督撫等接奉後諒已挑選派員管帶前往現在粵東征勦逆夷恐尚不敷調遣著寶興於四川省再派兵一千名裕泰等於

湖北湖南兩省各派兵五百名桂良等於雲南貴州兩省各派兵五百名仍令曾經出師得力將弁管帶迅速前赴廣東聽候奕山隆文楊芳差遣並嚴飭帶兵之員沿途毋許滋擾將此由五百里各諭令知之。○命理藩院尚書賽尚阿在軍機大臣上行走。○以工部尚書敬徵兼署戶部尚書。○以莊親王綿護署正紅旗漢軍都統。肅親王敬敏署鑲紅旗蒙古都統。以正藍旗蒙古都統哈喇阿署

正白旗領侍衛內大臣。丙申諭軍機大臣等寄諭署直隸總督訥爾經額御史黎光曙奏速籌天津海防一摺。攻寇之法禦礮為先其法用麻布口袋盛沙每兵各負一袋堆成兩墩橫安一墩成字形兵勇躲在墩後土壘之法布置亦略如沙墩務須令土常溼礮子遇之而陷聞上年廈門乍浦二役用之業有成效該夷施放礮礮子洞入沙墩僅止一二尺有奇果如所奏是沙墩土壘實為禦

礮良法。但使堆築得宜。厚至四五尺。便可捍衛兵勇。令人膽壯。俟該夷勢窮力竭。再令我軍施放。大礮彼必披靡。逃潰。著該署督督率兵勇。照式堆砌。即於試礮之時。詳加體察。如何變通得力。即如何辦理。前奏稱擬鑄銅礮二十位。諒已興工趕辦。惟天津所屬海口。緊要之處甚多。即如灤州。樂亭。昌黎。撫寧。臨榆。豐潤等州縣所屬之各海口。亦宜先事豫防。礮位愈多愈好。如何添置鐵礮。即迅速督匠興造。各按隘口布置周密。以資防禦。而壯軍威。該御史摺著鈔給閱看。將此諭令知之。○改派禮部尚書奎照承修。

東陵另案工程。○命御前頭等侍衛珠勒亨。三等侍衛德冲額。乾清門二等侍衛岳松額。三等侍衛德勒格爾。隨同靖逆將軍奕山等。馳赴廣東聽候差委。○丁酉。

孝全皇太后初週年忌辰。命

皇四子 祭

陵寢。○諭軍機大臣等。寄諭署直隸總督訥爾經額。據奏籌防海口情形一摺。覽奏均悉。所有安置礮位。斷絕接濟。添設馬撥等情。辦理尚屬周到。惟覺兵力單弱。著將前次所留一半兵丁。仍准調撥。以資分堵。提督劉允孝。即日可到。著該署督會同該提督。飭令石生玉。陳金綾等。巡查要隘。認真防守。並將沙墩土壘。妥速辦理。所安礮位。試驗有準。即無須日。日演放虛糜火藥。礮位愈多愈好。直隸各鎮所設有非急須應用者。即著遣員調取。或須添造之處。著仍遵昨降諭旨。督匠興造。毋稍遲誤。天津為近畿咽喉要隘。大礮務宜多設。以壯聲威。即山海關亦應分置礮位。藉資守禦。昨降旨飭令將沙墩土壘堆砌試驗。茲特派賽尚阿。馳赴天津。會同該署督。自天津至山海關一帶。於各海口如何安放礮位。堆砌沙墩土壘之處。辦理妥協。繪圖貼說呈覽。將此諭令知之。○又諭。本日據琦善奏。嘆夷情。

形及該夷意欲繳還定海各一摺該夷反覆無常既不特定海繳還復敢屢次開礮尋釁若不加以兵威安能令其畏服現已明降諭旨布告天下志切同仇昨復派奕山隆文楊芳帶兵赴粵勦辦勢難中止今據該大臣奏稱該夷情願繳還定海沙角等處恐係巧為緩兵之計儻甫撤兵旋復猖獗是我兵進退反無所據此時惟有密為防範不可稍有疏懈致墮奸計再香港地方離省遠近若干里

地形寬狹若何在彼開港是否有關利害著一併迅速查明具奏再降諭旨將此由六百里諭令知之○又諭現在噶夷在廣東日肆猖獗已授奕山為靖逆將軍隆文楊芳為參贊大臣馳赴勦辦著錢寶琛梁章鉅各於該省揀選大礮數十尊試放有準一俟奕山等飛調即行迅速解往應用如舊礮難資得力或不敷應用即著督臣迅鑄銅礮數十尊約重三千斤為率俾資輕捷而利施放毋得遲

誤將此由五百里各諭令知之○又諭現在勦辦噶夷必須厚集兵力著惟勤於吉林派兵一千名棍楚克策楞於黑龍江派兵一千名牛鑑於河南省派兵一千名富呢揚阿於陝西省派兵一千名瑚松額於甘肅省派兵一千名妥為豫備一俟有諭旨調遣即迅速派委曾經出師之得力將弁管帶起程毋得遲誤將此由五百里各諭令知之○又諭本日據奕經奏查奉天地面西南環海旅順水

師營獨當其衝面前南北隍城二島為奉天山東兩省分轄凡船隻往來天津等處必由左右經過實為南來海路要隘請豫為把守安設礮位添駕船隻使兩省聲勢聯絡巡邏探哨並旅順水師官兵額設無多必須添募水勇方能敷用其糧子窩各海口亦須招練鄉勇協濟巡防至旅順東南一帶小島其中有可停泊夷船藏伏漢奸之處亦宜豫為稽查等語現在廣東浙江已興師征勦逆夷疊

經申諭沿海各將軍督撫等嚴加防禦天津為近畿重地尤宜整飭兵防有備無患旅順隍城諸島既為南來海路要隘是嚴守各口即足以斷夷船來路著著英於盛京存貯礮位內擇其大而有準者運往旅順各口相度形勢或築臺安設或用船駕放其迤南隍城各島要地著托渾布選運大礮一體安置設有夷船駛至兩面轟擊可期得力該將軍巡撫等務各相度機宜迅速妥辦仍將如何辦理之處各繪圖貼說具奏原摺著鈔給閱看將此各諭令知之○又諭據托渾布奏豫籌戰守事宜擬添造大礮十餘位以資攻擊並將小島併入大島擇年力強壯之人給械訓練臨時再撥兵弁協力防守併相度形勢排列沙堆挑掘濠溝豫選驍健弁兵整備軍裝器械等情尚屬周妥均著照所議趕緊辦理至請於正黃旗漢軍礮營內選擇二三千斤大礮二位並挑選該旗礮營章京一員諳練

礮手兵六名飭發山東俾資倣造教練著照所請即令參將尚五德赴京領運以供備禦將此諭令知之○又諭本日據劉允孝由驛馳奏交卸起程日期劉允孝著毋庸來京陛見即行趕赴天津會同訥爾經額督同陳金縵石生玉辦理海防事宜將此諭令知之○朝鮮國王李熙遣使表賀萬壽冬至元旦三大節進貢方物其謝恩貢物命留抵下次正貢賞賚如例○命理藩院尚書賽尚阿馳赴天津山海關會同署直隸總督訥爾經額查辦礮臺事宜○賞靖逆將軍奕山參贊大臣隆文楊芳及隨帶侍衛司員等銀幣有差○貸山東司庫銀籌備海防從巡撫托渾布請也○修直隸溫榆河上游果渠村壩埽各工從署總督訥爾經額請也○

戊戌

上詣

大高殿行禮○還宮○以次率祈穀於

上帝自是日始齋戒三日。○己亥諭軍機大臣等前據吳其濬等奏湖北省被淹州縣情形與該省奏報原稿輕重不符並軍民呈懇撫卹災民逃往各省降旨交該督撫覆勘籌備茲據伍長華奏夏秋兩次汛漲監利被淹轉重致與原稟不符覆勘並無疏漏其外出續歸之戶隨到隨撫不致失所等語所奏是否屬實著裕泰再行委員覆勘覈實查辦如有應行賑卹招徠接濟之處著即確切查明據

實具奏該督甫經到任無所用其同護務項確實覈查無任屬員諱飾將此諭令知之尋奏查監利縣之王姓八工潰口因上游石首縣屬垸隄衝決以致汎水下注漸積漸深被淹較重現派員確查如有遺漏賑撫者即當奏辦至沔陽等州縣逃出災民已回籍者共二千一百四十二名口其未回者設法招徠務使各歸故土得旨交行辦理○又諭前因逆夷猖獗節經降旨令該督調兵四千名赴

粵勦辦諒已分起遣行矣因思張必祿曾任提督統兵勦辦川夷此次赴粵之兵如有續應起程者著寶興飭知該員隨同赴粵交奕山等差遣委用如已全數出境亦著飭令迅赴廣東軍營聽候調遣將此諭令知之○浙江巡撫劉韻珂奏遵查定海逃避難民現在尚有男婦六千餘名均經府縣查明設立門牌定期五日一次散給口糧其續來者隨時查明添給該難民均沾實惠報可又奏委員

分購鐵斤解省鑄造礮位以便分解沿海各險要俾資捍衛得旨不可遲延愈早愈妙又奏遵旨嚴飭地方文武各官督率在防兵丁並添備練勇器械就現存各口礮位嚴密布置以免疏虞並嚴密防守如有可乘之機即行勦戮○以戶部右侍郎文蔚禮部左侍郎關聖保署經筵講官○予故前任浙江巡撫帥承瀛祭葬如總督例實其孫拔貢生遠燁舉人一體會試○是日立春順天府進土牛

春山寶座○庚子

上詣

南郊齋宮齋宿○諭軍機大臣等。本日據扎拉芬奏。奏本月十一日。哨探夷船一隻。在山海關。秦王島海洋遊奕。旋向東南駛去等語。該夷行蹤詭秘。不可不防。現已派哈喇阿馳赴山海關。協同防禦。並飭令著英托渾布嚴密各防要隘。但恐該處兵丁單弱。著該署督迅派兵丁八百名。撥給火藥三四千斤。由驛遞

送前往。以資捍衛。賽尚阿即於十七日起程。著納爾經額即駐劄天津。督飭將弁。加意偵察。瞭見夷船蹤跡。切勿遽行開礮。待其傍岸。或竟登陸。即奮力勦擊。斷其歸路。天津為近畿咽喉。關繫重大。該署督務當嚴密加意防範。毋稍疏虞。是為至要。再本年三月。朕恭謁西陵。著派藩司陸費瑤提督周悅勝隨扈。該署督仍駐天津。辦理防勦事務。將此諭令知之。○又諭。本日據扎拉芬奏。馳奏。山海關秦王

島有夷船遊奕。當經派兵哨探。據報有大船一隻。向東南駛去等語。山海關洋面。與秦天山東尤為切近。彼處既有夷船蹤跡。恐奉天山東兩處。亦不免有窺伺。著著英托渾布各飭將弁兵丁。勤加哨探。嚴行防守。儻有夷船闖近海口。即誘之登陸。聚而殲旃。最為上策。若甫經瞭見。遽開槍礮。轉恐未能及遠。徒糜火藥。而逆夷仍復遠颺。未足以示懲創也。將此諭令知之。○又諭。寄諭山海關副都統扎

拉芬奏。據奏。山海關秦王島洋面。有夷船遊奕。旋向東南駛去。已派兵分布各隘等語。現派哈喇阿馳驛前往。協同堵禦。並飭令納爾經額即派兵八百名。運送火藥三四千斤。交哈喇阿扎拉芬奏調遣應用。該夷船雖已駛去。難保不折回滋擾。且恐續有至者。尤宜加意偵察。認真防守。前降諭旨。飭令納爾經額於山海關各隘口。多安礮位。諒已遵辦。該副都統於瞭見夷船。度其相距遠近。足以相及。



即著奮力轟擊。仍隨時督飭兵弁。四面巡哨。毋稍疏虞。將此由四百里諭令知之。○命署正白旗領侍衛內大臣哈琅阿。馳赴山海關協辦防堵。○以惠親王綿愉署鑲藍旗漢軍都統。○辛丑。祈穀於

上帝

上親詣行禮。○詣

關帝廟拈香。○辛圓明。○詣綺春園問

皇太后安。○諭軍機大臣等。據孟保等奏。查驗

呼畢勒罕出世幼子四名。均有靈異情形。一摺。達賴喇嘛之呼畢勒罕出世。既據咨稱查驗幼子四名。均有靈異切結。著孟保等即譯咨噶勒丹錫呼圖薩瑪第巴克什。並咨行四川總督。飭將各該處幼子。令該親丁師傅。攜至前藏。由該大臣等照例會同班禪額爾德尼。及噶勒丹錫呼圖薩瑪第巴克什等。面加試驗。並令識認。從前達賴喇嘛所用什物。後繕籤入瓶。對眾籤掣。俟掣定何人。再行奏明。

辦理。將此諭令知之。○又諭據伊里布馳奏。覆籌制敵機宜一摺。前因逆夷日漸猖獗。屢經降旨。令伊里布迅速進兵。攻復定海。均由六百里遞寄。計此時當已接奉。據奏水陸兩路必須同時並舉。仍俟大兵齊集。即當設法進剿等語。現在逆夷在粵肆擾。勢不能兼顧定海。前據該大臣奏定海留屯夷匪。備防疏懈。正可出其不意。迅即出師。若待催鑄礮位。添造船隻。召募水勇。必至遷延日久。生失機

宜。著伊里布仍遵前旨。體察現在情形。遇有可乘之隙。即行進剿。至琦善所稱不宜輕進。挫衄損威之語。粵東夷情反覆。朕惟一意主剿。現雖有退還定海之語。全不足信。已授奕山為靖逆將軍。隆文。楊芳。為參贊大臣。馳往勦辦。該大臣身膺重寄。務須同仇敵愾。迅奏膚功。儻藉口廣東來信。稽遲時日。以致貽誤事機。惟伊里布是問。恐不能當此重咎也。懍之勉之。將此由五百里諭令知之。○又諭昨

據扎拉芬奏。秦王島洋面有夷船遊奕。已有旨派哈琅阿馳往查辦。並諭令訥爾經額。迅派兵丁。撥給火藥。以資捍衛。本日復據馳奏。秦王島洋面。續有夷船四隻。或停泊。或遊奕。仍駛往東南等語。著扎拉芬。遵奉前旨。加意嚴防。如該夷船復行駛至。著即會同哈琅阿。並現調兵弁。俟其船相距遠近。足以相及。方可施放槍礮。或誘之登陸。便可奮力痛剿。仍隨時巡哨偵探。毋稍疏虞。至近關一帶。

無名小海口。尤須密為布置。仍隨時隨地。相度機宜。嚴密防禦。將此諭令知之。○又諭。昨據扎拉芬奏。山海關秦王島洋面。有夷船遊奕。當降旨令著英。托渾布。嚴加防守矣。本日復據扎拉芬奏。馳奏。續有夷船三隻。在洋遊奕。又有梳蓬大船一隻。停泊洋面。旋於未刻向南駛去。其大船一隻。即刻向南駛去等語。夷情詭詐。去來無定。現在山海關洋面。既續添有夷船。奉天山東與該處洋面切近。尤

不可不防其竄入滋擾。著著英。托渾布。仍遵前旨。加意偵探。密為防範。如瞭見夷船駛近。必度量礮力可及。再行施放轟擊。或可誘之登陸。聚而殲旃。即行痛加剿洗。該將軍等總當相度機宜。於兵弁器械。應調撥者。即行調撥。應整備者。即行整備。務使勝算克操。是為至要。將此各諭令知之。○又諭。昨據扎拉芬奏。山海關秦王島洋面。有夷船遊奕。當降旨令訥爾經額。駐劄天津。督飭將弁。加意防

堵。本日據扎拉芬奏。馳奏。續有夷船四隻。或停泊。或遊奕等語。逆夷船隻。來去無定。山海關至天津一帶海口。防堵均關緊要。昨有旨著該署督。迅派兵丁。撥給火藥。交哈琅阿等調遣。計已遵奉妥辦。著即迅速由驛送往。俾資捍衛。天津為畿輔咽喉。如前調兵力。不敷堵禦。著准其相度機宜。續行徵調。該逆蹤跡詭秘。關口要隘。固宜妥為防護。至各處無名海口。更恐該逆夷出我不意。登岸滋擾。著該

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十四

[illegible]

道光二十一年辛丑正月壬寅諭內閣劉韻

珂奏請趕鑄銅礮等語。著照所請。於寶浙局酌提銅四五萬斤。趕緊督工鑄造。分撥要口。以資防禦。其銅斤價本。俟用竣後。覈計銀數。由軍需款內撥還。○癸卯。諭內閣。前據御史俞東枝奏。湖南澧州直隸州知州登銓。剝民縱子。眾怨沸騰。當降旨交吳其濬等前往查辦。茲據奏稱。原叅各款。並無被控案據。惟辦公不能振作等語。登銓著先行交部議處。仍著吳其濬撤調到省。確查有無實在劣跡。另

行奏明辦理。尋奏遵查登銓於批提案件。不知隨時清理。已屬玩延。且於捐修城工。常與首事吳經襄晤會。致招物議。已准吏部照罷輟例革職。應請免其再議。下部知之。○甲辰。諭內閣。耆英奏請豫期擇吉。恭移鳳凰樓供奉。

聖容一摺。著欽天監於三月十五日以前。敬擇吉期具奏。○又諭。前據給事中朱成烈奏。盛京腴田甚多。請飭查辦等語。當降旨令耆英

查明具奏。茲據該將軍奏稱。奉天省地方。現在委無未墾大段荒田。其封禁私開零星段落地畝。僅有三千餘畝。為數無多。所有該給事中奏請開墾之處。著無庸議。○又諭。劉韻珂奏。查取前任運司陳崇禮供詞一摺。據稱。前在長蘆運司任內。記欠領告銀十四萬兩。節次陋規。共有六千四百餘兩。此項銀兩。當作助賑。捐修橋船。及施捨衣藥等費。隨收隨發。實無存留入己情事。惟因循積弊。不能整

頓革除。實屬咎無可逭。陳崇禮著交部嚴加議處。○又諭。賀長齡奏。請將鴉片煙案遣軍流犯加枷示眾。先行發配一摺。各省審辦鴉片煙案遣軍流罪人犯。業經刑部議令覈明咨部。先行請咨發配。黔省自應一律照辦。該撫請於解配之先。先令枷號一月示眾。轉不足以昭畫一。著即照廣東等省一律辦理。○諭軍機大臣等。給事中朱成烈奏。臺灣應墾地畝甚多。請飭查辦一摺。據奏該處地方遼

廓。未墾之田極多。如果認真墾種。即以每歲所入。為福建海防。可潛消瘳夷覬覦等語。著顏伯燾。吳文鎔。即飭臺灣道府確切查明具奏。將此諭令知之。尋奏。查明臺灣界內並無未墾地畝。報聞。○貴州巡撫賀長齡奏。拏獲栽種販賣吸食鴉片人犯。得旨。當此之際。尤當上緊查拏。勉行勿懈。○盛京將軍耆英奏。現在奉天海疆安靖。官兵奮勇。並請暫緩徵調吉林官兵。得旨。覽奏均悉。隨時加意防守。

如有逆船闖入。或登岸滋擾。必當相機痛剿。以彰國威。慎毋失算。勉之。○以才不勝任。降湖北按察使徐璠為道員。以四川建昌道張日景為湖北按察使。○乙巳。諭軍機大臣等。御史喬邦憲奏。奉天所屬牛莊地方。有地名四大匡。向係回民聚處。其中多屬匪類。四出盜劫。並有土棍在牛莊把持地段。或數里。或數十里。凡有盛京販運糧車過境。即行勒索多錢。謂之攔埂。且有發遣人犯為之黨羽。該

地方官任其肆行。不能查緝等語。除暴所以安良。地方官遇有土棍及盜劫等案。必應認真辦理。况牛莊為海口要區。現當查辦海口喫緊之際。豈容此等奸民溷跡滋擾。著該將軍等密委明幹妥員。前往該處。確加訪查。如果盜劫勒索情事。即飭該地方官認真查拏究辦。以靖閭閻而安行旅。將此諭令知之。尋奏查奉天所屬。並無四大匡地名。惟從前邊外蒙古地方。有背筐丐匪。以求乞為名。乘

間搶竊。因有四大匡名目。早經查拏淨盡。城鄉內外。雖有回民散居。皆安本業。奉天例不安置遣犯。實無黨羽。惟巨流河一帶。間有棍徒攔埂。每遇漁船載運糧貨。闖入內河。挾制訛詐。甚至釀成鬪毆命案。均照例辦理。得旨。認真妥辦。○又諭本日據伊里布奏。浙江宜暫緩進兵一摺。覽奏憤懣。似此畏葸。何能迅速奏功。裕謙平日辦事。尚屬勇往。著即作為欽差大臣。兼程馳赴浙江鎮海軍營接印。會

同余步雲專辦攻剿事宜。前所調安徽兵一千二百名。湖北兵一千八百名。湖南兵一千名。諒已先後到浙。務當一鼓作氣。克復定海。佇膺懋賞。裕謙到浙後。一面傳旨接受欽差大臣關防。一面將寄信諭旨。親交伊里布祇領。原摺一併發去。兩江總督印信。著交給程喬采暫行兼護。另有寄信諭旨一道。著即加封交給程喬采。並令轉交陳化成祇領。將此由六百里諭令知之。○又諭本日據伊里布

奏浙省宜暫緩進兵一摺。覽奏憤懣。現已降旨。飭令裕謙前來。會同余步雲專辦攻勦事宜。裕謙到浙後。即將欽差大臣關防面交祇領。伊里布即星夜馳回兩江總督本任。會同提督陳化成。並督飭地方文武各員。認真防堵江蘇各海口。毋許夷船駛入。如有夷船在各海口遊奕。即著併力攻擊。毋再遲延。儻有貽誤。恐該督不能當此重咎也。將此諭令知之。○又諭。本日已降旨。飭令裕謙前赴浙江。

會同余步雲辦理進勦夷事宜。兼令摘取伊里布欽差大臣關防。即令裕謙替代。並飭伊里布星夜馳回本任矣。其未回任以前。兩江總督印信。著即派程喬采暫行兼護。江蘇海口紛歧。現經裕謙布置礮位兵弁。尚屬周密。著程喬采會同陳化成。小心籌備。毋稍疏虞。儻夷船膽敢遊奕攏近。即著併力攻勦。毋任乘虛竄入。致干咎戾。將此各諭令知之。○又諭。據吳文鎔奏。嚴飭海口。豫備攻守情形。

一摺。著照所議。迅速妥為辦理。澎湖等處地方。尤為緊要。務須會同提督陳階平加意防守。至所奏籌撥經費等語。著准其於福建藩庫撥銀二十萬兩。並着該部於福建較近省分。指撥銀二十萬兩。迅即解赴閩省。以資接濟。其沿海要口礮位。不敷分撥。著即添鑄大礮。以備轟擊。所需工料銀兩。准其即在此次所撥經費內支給應用。將此由四百里諭令知之。○又諭。怡良奏。接辦粵海關務稅課短絀一摺。據稱粵海稅課。以夷稅為大宗。本年所到夷船。不及往年十分之二。因各國之船。為倭夷攔阻。不能進口。是以六月後。正當徵輸暢旺之時。轉致短絀等語。廣東例准各夷通商。其恭順各國。自仍照常貿易。倭夷强悍。禁驚阻撓。各國生計。各該國豈肯甘心失利。著奕山。隆文。祁項。於先後抵粵時。查明各該國情形。果否怨恨倭夷阻撓生計。抑稍有缺

望於天朝。未能招徠撫綏。以致向隅失業。據

寶具奏。將此各諭令知之。○浙江巡撫劉韻珂奏。請動款採辦硫磺。下部議行。○四川提督齊慎奏。請帶兵赴粵。剿辦夷匪。得旨。所奏可嘉。然難保無另用汝之處。此時不必著急。靜候諭旨可也。○命刑部尚書祁墳。馳往廣東。督同江西布政使趙炳言。廣東布政使梁寶常。辦理糧臺事務。○丙午。山海關副都統扎拉芬奏。現在並無夷船遊奕。得旨。如再有船駛至。或商或夷。須要辨別明確。方可相機攻剿。切不可貪功妄動也。○丁未。

孝穆皇后忌辰。遣官祭。

陵寢。○諭內閣。訥爾經額奏。串捏部文執照之部書旗人等。請交部審辦一摺。直隸安肅縣旗人周環。曹全德。攬種入官地畝。既經戶部內務府查無案據。顯有捏造情弊。必應徹底根究。著交刑部審訊。戶部并田科書吏王九即王功九。又名王九思。旗人清姓。即清洛二著步軍統領衙門。順天府五城一併查傳歸。

案質訊。○又諭。德春等奏。請將監督撤任議處一摺。海運倉監督德隆阿。國仁泰。於該倉屢次被竊。毫無覺察。實屬庸懦。無能。德隆阿。國仁泰。著交部議處。撤回各原衙門行走。聽候部議。所有該倉花戶艾州等。及該班官兵。著一併交刑部審訊。○署直隸總督訥爾經額奏。遵旨於各海口安礮添兵。得旨。所辦俱好。留心防守。設遇逆船駛至。相機痛剿。以揚國威。○以浙江按察使周開麒。為甘肅布政

使。甘肅寧夏道蔣文慶。為浙江按察使。○以

拏獲興販鴉片煙土人犯。予兵馬司副指揮

陳洪。遇缺先補。○戊申。

上詣綺春園問

皇太后安。○諭軍機大臣等。本日據怡良奏。豫備防夷事宜一摺。覽奏均悉。此次逆夷攻奪礮臺。屢形反側。詭譎萬狀。非痛加勦辦。無以示懲創。現已派奕山為靖逆將軍。隆文。楊芳。為參贊大臣。馳驛前往勦辦。所調各省兵勇。

計一萬數千名。足敷調遣。兼諭令楊芳先行赴粵。相機進剿。不必候奕山等到齊。始行商辦。諒楊芳必已遵照辦理。以揚國威。著琦善、阿精阿、怡良等戮力同心。分飭所屬文武各員。水陸交嚴。認真防範。凡近省一帶內洋河面。及陸路進省之山嶺田塍各要路。均分兵布守。勿令夷匪一名竄內。昨已降旨派祁墳督同藩司梁寶常、趙炳言辦理粵省糧臺事宜。將來大兵雲集。所有軍火糧餉。定可源源

接濟。足以固眾志而壯軍心。琦善、阿精阿務即曉諭軍民人等。同心禦侮。眾志成城。萬勿稍為搖惑。將此由五百里諭知琦善、阿精阿、怡良、關天培、郭繼昌、裕瑞、英隆。並傳諭梁寶常、王庭蘭知之。○以拏獲私硝出力。予南河遊擊呂邦治等升敘有差。○以拏獲私硝出力。予安徽知縣晏淳一等優敘。○己酉。

孝聖憲皇后忌辰。遣官祭。

泰東陵。○諭內閣。前任長蘆運司陳崇禮。於記

欠陋規銀兩。雖無存留入己情事。惟不能將積弊革除。咎無可逭。著即照部議革職。○又諭。裕泰奏。請將接遞緊要公文。退回遲誤之知縣。交部嚴加議處一摺。湖北蘄州廣濟二州縣。於本省總督衙門發遞限行緊要公文。輒聽丁書人等互相推諉。任意退回。以致遲延六日之久。並將郵封排單擦損。實非尋常玩誤可比。署湖北蘄州事巴東縣知縣劉鴻庚、廣濟縣知縣蔡學清。著一併交部嚴加議處。以為玩視驛站者戒。○諭軍機大臣等。據

耆英奏。查明旅順各口形勢一摺。奉天旅順各海口。現據該將軍添募水勇。雇備驅使。並將省城所存大礮。運送各口扼要之區安設。酌撥礮手分往教演。其大小島嶼數十餘處。劃論島民。各固藩籬。責成地方官隨時稽察。辦理均屬周妥。該省現存礮位。如果不敷備用。著即趕緊興工添鑄。俾資防禦。該將軍務當相度機宜。迅速妥辦。將此諭令知之。○湖



北提督劉允孝奏報馳赴天津海口日期。得旨。一切防守事宜。或遇攻勦事務。與署督臣暨兩鎮臣和衷商榷。揚國威而制夷命。共膺懋賞。朕有厚望焉。○以陝西西安鎮總兵官台湧署湖南提督。○以通政使司通政使慧成。內閣學士李品芳。知貢舉。○庚戌靖逆將軍奕山。參贊大臣隆文。率巴圖魯侍衛章京等。陛辭。

上御勤政殿。訓示方畧。○諭內閣。布彥泰奏。臺

站馳遞摺報稽延。請飭查辦一摺。伊犂尋常摺報。往返程期。近多遲延。至七八日之久。據該將軍查由石嘴臺積壓所致。惟石嘴臺以下。花馬站以上。其中舊有三塘臺一處。現在火票內並無三塘臺名目。其遲延錯誤之故。究係何處。著陝甘總督烏魯木齊都統。沿途確切查明。照例參辦。○又諭。本年輪應查閱廣東廣西浙江福建營伍之期。著暫行停止。○又諭。余步雲奏。請將遊擊留浙差委等語。

浙省現當勦辦需人之際。所有該提督前次帶赴浙江之福建連江營遊擊張從龍。著准其隨帶福建兵數十名。暫留浙江差遣。俟軍務竣後。再行飭令回營。○諭軍機大臣等。本日據伊里布馳奏。粵省夷務查辦完竣。現飭繳還定海一摺。逆夷在粵猖獗。必得聲罪致討。聚而殲旃。方足以伸國法。此時雖有繳還之說。難保非逆夷詭計。奕山等經朕命往督辦。惟當一意進剿。無論該夷是否繳還定海。

總須一鼓作氣。設法擒渠。斷不可為其所惑。致誤機宜。且香港地方。豈容給與逆夷泊舟寄住。務當極力驅逐。毋為所據。即使該夷將來畏罪繳還香港。亦俟屆時奏明請旨。此時惟有整我師旅。悉數殲除。是為至要。伊里布原摺。及寄裕謙諭。著鈔給閱看。將此諭知奕山。隆文。並諭楊芳知之。○又諭。本日據伊里布馳奏。飭繳定海一摺。前有旨諭裕謙兼程赴浙。作為欽差大臣。會同余步雲攻勦逆夷。

克復定海。現據伊里布奏稱。接到廣東來信。並義律呈遞文件。願將定海繳還等語。逆夷反覆無常。所言殊不足信。著裕謙於馳抵鎮海後。察看情形。如定海業已繳還。著即撫卹難民。修理城濠。一切善後防守事宜。妥為經理。儻詭言獻地。仍復負隅。即遵照前旨。相度機宜。痛加勦洗。斷不可因有繳地之說。為其所愚。仍蹈伊里布覆轍。逆夷所請將貨物帶至定海行銷。懇令商民收買。斷不准行。所有

前調赴浙之皖楚等省官兵。不可中止。仍著裕謙催令前進。協力進攻。前獲夷俘晏士喇喇打釐等。必待繳還定海。方可釋放。交收伊里布原摺發給閱看。即由該大臣發交該督祇領。將此由六百里諭令知之。○署兩江總督裕謙奏報行抵上海。籌備防堵情形。得旨。已有旨授為欽差大臣矣。朕佇待成功受賞。勉力為之。○以內閣學士奕毓為國史館清文總校官。○辛亥。諭內閣前因喫夷自浙回

粵。復肆悖逆。攻陷礮臺。特授奕山為靖逆將軍。隆文。楊芳為參贊大臣。調集各路精兵。聲罪致討。茲據琦善奏。喫夷獻出沙角大角礮臺。並遣人赴浙繳還定海。懇請俯准所請。暫示羈縻等語。覽奏曷勝憤懣。不料琦善怯懦無能。一至於此。喫逆兩次在浙江廣東肆逆。攻占縣城礮臺。傷我鎮將大員。荼毒生靈。驚擾郡邑。大逆不道。覆載難容。無論繳還定海。獻出礮臺之語。不可憑信。即使真能退地。亦

祇復我故土。其被害之官弁。罹難之人民。切齒同仇。神人共憤。若不痛加勦洗。何以伸天討而示國威。著奕山隆文兼程前進。迅即馳赴廣東。整我義師。殲茲醜類。務將首從各犯及通夷漢奸。檻送京師。盡法懲治。其沿海各省將軍督撫等。尤當加意嚴防。來即攻擊。務令片帆不返。同奏膚功。至琦善身膺重寄。不能申明大義。拒絕妄求。竟甘受逆夷欺侮。已出情理之外。且屢奉諭旨。不准收受夷書。此

時膽敢附摺呈遞。並代為懇求。是誠何心。且據奏稱同城之將軍副都統巡撫學政及司道府縣。均經會商。何以摺內阿精阿。怡良等。並不會銜。所奏顯有不實。琦善著革去大學士。拔去花翎。仍交部嚴加議處。○諭軍機大臣等。本日據琦善馳奏。夷船退出外洋。親往勘辦一摺。啖夷屢次肆逆。反覆無常。藉繳還沙角等地為詞。益肆要求挾制之計。現已明降諭旨。痛加攻勦。並令奕山等兼程前進。聲罪致討。惟大兵未集以前。難保該逆不復肆猖獗。著即責成琦善設法堵禦。調兵防守。儻仍執迷不悟。以致再有挫失。朕惟琦善是問。國法具在。決不稍為寬貸也。並著阿精阿。怡良等。謹遵前旨。戮力同心。分飭所屬。水陸交嚴。認真防範。不得意存推諉。稍有疏虞。併曉諭軍民人等。同心禦侮。毋為奸夷所惑。懷之慎之。將此由六百里諭令琦善。阿精阿。怡良。關天培。郭繼昌。裕瑞。英隆知之。○又諭本日

據琦善馳奏。啖夷兵船。全數退出外洋一摺。逆夷反覆桀驁。藉繳還定海沙角大角礮臺為詞。肆其詭譎。已明降諭旨。痛加勦洗。並諭令楊芳先赴廣東督辦矣。此時定海及沙角大角礮臺。即使繳還。而前此肆其騷擾。傷我官弁兵民。罪無可逭。該將軍等膺茲重寄。必當整我師旅。聲罪致討。以張撻伐。而伸國威。況此次既不允所請。該逆夷難保不復肆猖獗。著奕山。隆文兼程前進。速赴廣東。會集各路官兵。一意進剿。設法擒渠。務殲醜類。是為至要。琦善摺著鈔給閱看。將此諭令知之。○又諭寄諭參贊大臣楊芳。本日據琦善馳奏。啖夷兵船。全數退出外洋一摺。逆夷反覆桀驁。藉繳還定海沙角大角礮臺為詞。肆其詭譎。已明降諭旨。痛加勦洗。並諭令奕山等迅速前進矣。該大臣務當兼程迅赴廣東。相機勦辦。約計程途。該大臣到粵在奕山。隆文之前。如有可乘之機。即迅速進剿。不必候奕山

等到粵。始行攻擊。此次既不允該逆夷所請。難保不復肆猖獗。儻稍存觀望。坐失事機。恐該參贊不能當此重咎也。琦善摺著鈔給閱看。將此由六百里諭令知之。○欽差大臣大學士署兩廣總督琦善奏報。嘆夷現已遣人前赴浙江。繳還定海。並將粵省之沙角大角礮臺。及原奪師船鹽船。逐一獻出。均經驗收。該夷兵船。已全數退出外洋。奴才查勘各情形。地勢則無要可扼。軍械則無利可恃。兵力不固。民情不堅。若與交鋒。實無把握。不如暫示羈縻於目前。仍備勦捕於後日。得旨。朕斷不能似汝之甘受逆夷欺侮戲弄。迷而不返。膽敢背朕諭旨。仍然接受逆書懇求。實出情理之外。是何肺腑。無能不堪之至。汝被人恐嚇。甘為此遺臭萬年之舉。今又摘舉數端。恐嚇於朕。朕不懼焉。○署兩江總督裕謙奏。宜乘時克復定海。得旨。已有旨命汝馳往鎮海。接受欽差大臣關防矣。正可相時而動。克成

大功。用膺懋賞。朕惟佇望捷音耳。慎勉行之。○壬子。諭內閣。吳文鎔奏。請將總兵暫留浙省一摺。調任廣東陽江鎮總兵張成龍。著准其暫留浙省。俾資防禦。俟夷務完竣。再行飭赴新任。○又諭奕經等奏。通州開設官硝局。並無官給印票執照。售賣漫無限制。稽察難周等語。著順天府妥議章程具奏。尋奏。嗣後各鋪戶需用硝磺。每鋪每次赴官硝局購買。照例不得過十斤之數。亦不准一戶帶買數鋪。違者以私囤科斷。該官局每日買賣硝磺斤數。設循環號簿登記。半月送交地方官查驗。責成地方官隨時稽察。至不產硝斤之各州縣鋪戶需用。呈請地方官給文領照。赴出產硝斤處所採買。每鋪每次亦不得過十斤。以符限制。從之。○諭軍機大臣等。本日據賽尚阿等奏。查辦天津海口礮臺事宜一摺。所辦甚好。天津海口。現經布置周妥。所調防兵亦可計日到齊。其沙墩土壘。經該署督檄飭

文武趕辦。該處現有劉允孝督同陳金綬。石生玉。防堵籌辦。自可不致貽誤。省城地方公事緊要。亦不可聽其積壓。訥爾經額此時毋庸駐劄天津。著即回署清釐。以免遲誤。將此諭令知之。○又諭。孟保等奏。訪明廓爾喀國王稟內所稱。聶噶金那等處地方一摺。據奏聶噶金那。係披楞洋面地名。其披楞之東。噶哩噶達地方。直達廣東邊界。噶哩噶達披楞。皆第哩巴察所屬。該夷向呼。噶哩噶達。為第哩

等語。覽奏均悉。現在廓爾喀國雖屬安靜。仍著該大臣等遵奉前旨。嚴飭所屬邊界營官。妥為防範。毋任別滋事端。將此諭令知之。○以鑄礮工竣。予福建在籍都司顧德銘。遊擊銜。○癸丑。諭內閣。惠吉奏。護送俄囉斯夷人回國。酌量情形。辦理一摺。俄囉斯夷人。潛入哈密境內。自應於春融時。護送回國。著照該部統所請。令其仍由原路行走。現在巴里坤豫備官兵。接替護送。即由巴里坤。迤北送出。

卡倫。徑入科布多地界。著固慶派撥官兵。在交界地方迎候。並派通曉該夷言語之人。護送回國。○盛京將軍耆英奏。夷船在山海關遊奕。所屬海口。遵旨嚴防。以免疏虞。得旨。開凍後。必當常川瞭望。小心防守。設或夷船竟敢侵犯。相機剿戮。以揚國威。勉之。又奏。請將道慶暫留錦州。會同副都統祁俊豫。籌防堵事宜。從之。○以內閣學士玉明。署鑾儀衛鑾儀使。刑部左侍郎柏蔭。署鑾儀衛鑾儀使。統領

○命保送河工翰林院編修劉芳。戶部主事金安瀾。兵部員外郎陳景淳。發往南河。內閣中書孫家良。吏部主事嚴文瀚。發往東河。差遣委用。○以烏魯木齊屯田豐收。予員弁議敘。賞兵丁一月鹽菜銀。○撫卹琉球國遭風難夷如例。○甲寅。

上詣綺春園問

皇太后安。○諭內閣。前據鴻臚寺少卿張秉德奏。錢寶琛以朱建溪調補廬陵縣知縣。先經

裕謙以該員情銷鹽斤。奏請摘去頂帶。該撫奏調知縣。自應與該署督札商。而屬員情銷鹽斤。又豈毫無聞見等語。當降旨著裕謙錢寶琛各自具摺明白回奏。茲據裕謙錢寶琛先後奏稱。朱建溪缺銷鹽引。先據該管鹽法道詳稱。缺銷九分以上。是以該署督照例奏。嗣後該司道等會詳。因漏繳水程。以致銷數不符。實止缺銷六分以上。例免叅處。詳請奏明更正。其時該署督赴寶山督辦防堵事

宜。往返札商。恐致稽遲時日。該撫因揀調止有一月限期。勢難懸待。照例會銜具奏。一面備文咨會。是裕謙奏。在未經更正之先。錢寶琛奏調。在續詳更正之後。均無不合。張東德所奏。著無庸議。○又諭本日巴清德奏。願赴廣東投效軍營等語。國家遇有軍興事件。滿洲臣僕。自應奮勉。惟巴清德現充御前侍衛。又兼引馬大臣。差使最為緊要。如果軍營需人。朕豈忘汝。且奕山等未經起程以前。伊

並未奏請。茲遽行奏請隨往。殊屬冒昧。巴清德著傳旨申飭。○諭軍機大臣等。本日據朱樹奏。鹽城營及海州陸路營。各管有海口二處。東海營有海口六處。現於額巡兵丁之外。增添數目。實力巡防等語。該二營本係漕督所屬。自應督飭兵弁。認真巡查。惟伊里布統轄兩江。凡各海口地方。均須預為布置。嚴密稽察。毋令逆夷闖入。轉瞬南風。司令。難保該夷船不沿邊滋擾。著伊里布會同朱樹督率

將弁兵丁。分布要隘。梭織哨探。見有夷船蹤跡。度其相距遠近。足以相及。即行開放槍礮。併力攻擊。若夷船毫無蹤影。每日施放槍礮。空糜火藥。成何事體。經此次訓諭之後。儻防堵不力。將來有夷匪竄入。惟伊里布等是問。恐不能當此重咎也。懷之。將此各諭令知之。

○乙卯。

孝儀純皇后忌辰。遣官祭。

裕陵。○

上詣

大高殿行禮。○還宮。○諭軍機大臣等。前據給事中朱成烈奏。安南軋船。足資海防。當降旨交梁章鉅查奏。茲據奏稱。軋船實利海防。喫夷見即膽落。林則徐在任時。倣照製造數隻。等語。逆夷所恃船堅礮利。惟能仰擊平擊。不能近擊俯擊。軋船專擊船底。可備火攻之策。廣東既經倣照製造。是軋船之製。已得其詳。著奕山。隆文。楊芳。祁項。於到粵後。訪察情形。如果利於攻擊。應即多為製造。以期利用。至如何多方籌備。盡力勦逐之處。總須商酌周妥。是為至要。梁章鉅原摺著鈔給閱看。將此各諭令知之。○修山東單。利津。二縣護城隄壩。從巡撫托渾布請也。○以祭社稷壇。自是日始。齋戒三日。

大清宣宗效天符運立中體正至文聖武智勇仁慈儉勤孝敏成皇帝實錄卷之三百四十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十六

監外學士官職品級日錄應照舊例官太子太保禮部尚書文淵閣學士等處各官職品級應照舊例

天府辦事處應照舊例加五級紀錄十八次

七倉大臣指分會同口糧事務加一級應照舊例加三級紀錄五十五次

內務府大臣領白旗滿洲副都統務倫司七倉大臣管理人府銀庫左翼副都統

醫院總辦處事務加十八級

道

道光二十一年辛丑二月丙辰朔命戶部撥

銀一百萬兩解交江西藩庫豫備軍需○丁

巳祭

先師孔子遣大學士穆彰阿行禮○江西巡

撫錢寶琛奏遵旨酌撥銅斤派員押運於佛

山鎮境內設廠興鑄就近購買應用物件一

經鑄成陸續由水路運赴粵省以備運營調

用得旨妥速辦理○戊午祭

大社

大稷

上親詣行禮○遣官祭

文昌帝君廟○諭內閣四公主著指配奈曼

王阿宛都瓦第扎布之子頭等台吉德木楚

克扎布授為固倫額駙所有派出偕老大臣

選擇吉期下嫁事宜著內務府大臣照例辦

理○雲貴總督桂良奏遵查緬甸國王因病

久廢讓與伊弟孟坑即孟薩鴉佈低接襲現

在夷情安帖邊境肅清報聞○己未以舉行

仲春經筵遣官告祭

奉先殿

傳心殿

上御文華殿經筵直講官裕誠卓秉恬進講孟

子君子以仁存心以禮存心講畢

上宣御論曰君子體仁足以長人嘉會足以合

禮君子之所行未有不以仁與禮為先務也

然顯之見諸施行而微之實基諸宥密則存

心其尤要矣夫仁為心之德博施濟眾有不

能盡之事而民胞物與有不容已之懷禮為



心之制威儀度數有由外飾之文而恭敬搏節有由中出之實其在下者以仁為宅以禮為門所以擴立達之量而嚴踐履之閑者其功固不可闕矣在上之君子為億兆所託命尤必極乎各正保合之量而於方寸召祥和為臣庶所歸依尤必渾乎眾寡小大之形而於軌物端表率而又非以姑息為仁致飾為禮也有時威克厥愛而春溫濟以秋肅無非出自慈祥有時至敬無文而崇實所以黜華

要必衷諸莊正虞書之言好生言祇敬周書之言懷保言懿恭胥是道也直講官恩桂許乃普進講易經理財正辭禁民為非曰義講畢

上宣御論曰天以大生覆萬物地以廣生載萬物人君中處其間有輔相裁成之道裕衣食以養民之身家即崇政教以範民之心性於是農桑樹畜之經禮義廉恥之訓條教號令之事興焉皆所以體天地生物之仁而成利

物之義也蓋天下之財天下之民不能自為生也惟在上者有以理之易田疇而薄稅斂所以開其源也敦儉樸而黜紛華所以節其流也如是則財理矣而猶恐民趨利而有爭心也為之殊貴賤以別尊卑明取予以興廉讓辨名實以昭忠信如是則辭正矣而猶恐民縱欲而不知檢也為之頒憲典以整齊其風俗申禁令以警動其耳目致刑罰以畏惕其神明而後民咸不敢為非享安平康樂之

風而遵正直蕩平之路若此者何也義也仁民之德見之於措正施行者也虞書有之六府之言惟修理財之謂也三事之言正德正辭之謂也戒之用休董之用威則禁民為非之謂也豈非守位者之要道哉禮成

上幸文淵閣賜講官及聽講諸臣茶復賜宴於本仁殿○幸圓明園○詣綺春園問

皇太后安○諭內閣裕謙奏江南江西應行引見武職請暫緩給咨一摺著照所請所有江

南江西應行引見武職俱著暫緩送部統俟防堵事竣再行考驗給咨內有升任他省之員並著免開升缺其已經赴部尚未南回者著該部速飭回營以資差遣○修山東運河等六廳閘橋隄壩各工從河道總督文冲請也○庚申諭內閣前因逆夷占據定海特命伊里布為欽差大臣相機籌辦並因該逆自浙回粵日肆猖獗屢經降旨令伊里布迅速進兵不必俟廣東知會即行攻剿乃伊里布

不遵諭旨惟知順從琦善屢次奏報始以兵礮未集藉詞緩攻繼以接得繳還定海之札即信以為實已有旨令折回本任命裕謙馳赴浙江作為欽差大臣會同提督余步雲迅速勦辦伊里布未回任以前所有兩江總督著程商采暫行兼護矣本日據裕謙馳奏逆夷未受懲創飭兵仍行前進一摺所奏均是逆夷攻據定海之後姦淫搶奪荼毒生靈凡我士民自必志切同仇人思敵愾裕謙此次

赴浙以順討逆以主逐客以眾擊寡必當一鼓作氣聚而殲旃朕佇望該大臣迅奏膚功懋膺上賞斷不可因該逆現有繳還定海之說稍事遲回又墮逆夷詭計而蹈琦善伊里布辜恩誤事之故轍懷之至伊里布身膺特簡疊次催令進兵並不遵旨勦辦株守數月觀望遷延甚屬畏葸不堪伊里布著交部嚴加議處○諭軍機大臣等本日據裕謙馳奏夷情叵測壽春鎮標官兵仍飭前進一摺逆

夷反覆無常繳還定海之說本不足信現因伊里布無能惟琦善之言是聽以致遷延誤事業經降旨交部嚴議矣裕謙經朕特簡前往督辦務即設法進兵殲除醜類定海即使繳出官弁因之傷亡人民受其荼毒思之實堪痛恨豈可復為所惑至香港一層係琦善代逆懇求朕斷不准其通商該大臣惟當一意勦辦務使片帆不返毋得存一通商之見稍事游移再壽春鎮官兵將到軍營著即催

令前進其湖廣官兵前據伊里布奏撤曾諭知該大臣催令前進不可中止現據奏稱該省官兵程途遙遠本屬緩不濟急自可毋庸再調等語現在浙江兵力自己足敷調遣惟粵省既已大張捷伐難保該逆船隻不復竄回定海將來進剿時兵力設有未敷所有前調楚省官兵著即一面檄調接應一面奏聞該大臣身受國恩總當相機妥辦佇盼捷音無負朕望將此由六百里諭令知之○欽差

大臣江蘇巡撫裕謙奏接准欽差大臣伊里布鎮海軍營發來咨文內稱粵省夷務查辦完竣現飭繳還定海所有前調之皖楚等省官兵已奏明撤退得旨無能誤國不遵朕旨惟知順從琦善蓋自有肺腸無福承受朕恩也又奏若將已調及將到軍營官兵全行撤退設該夷再有反覆更屬不成事體批汝必不知其底蘊通商香港之說並非朕允其所請琦善之罪大矣又奏飭知將到軍營之壽

春鎮官兵一千二百名仍行前進又咨會江寧將軍挑選八旗精兵三百名備帶糧礮馳赴浙江以備調遣又批佇望功成受賞渴盼捷音之至勉益加勉又奏現將上海之徐州鎮標兵六百名並續調該標兵四百名帶赴浙江其上海地方已催令前此奏明先調之漕河兩標兵六百名迅速前來防守報可○引見考取內閣中書得旨邵懿辰吳福年陳啓邁馬振衡許誦恆陳洪猷陳介祺龍啟瑞

張本先吳捧綸袁績懋何慎修何栻潘曾綬周德祚張炳彭嘉炯沈維翰鈕福厚徐榮焦祐瀛馮璟程繹藩劉鋒試張鼎輔孫鼎臣黃桐勳張榮組俱著記名以內閣中書用○辛酉諭內閣前因暎逆日肆猖獗降旨令琦善等嚴密防範如有必須攻剿之處不可遷延誤事嗣因該逆攻占礮臺特將琦善交部嚴議仍諭令奮力勦除以圖補救乃琦善到粵以後甘受逆夷播弄節經諄切告戒迷而不

返自稱專辦夷務不令阿精阿怡良等與聞  
疊次奏報情形非係開脫逆情即屬代求恩  
宥於一切防守勦堵事宜置之不問並因該  
逆有繳還定海之言輒將義律呈遞伊里布  
文件及該夷目給與留浙頭目夷信代為由  
驛遞交伊里布以致伊里布聽信順從遲延  
觀望本日據怡良馳奏喚逆投遞逆詞並在  
香港地方出有偽示一摺香港地方緊要前  
經琦善奏明如或給予必至屯兵聚糧建臺

設礮久之覬覦廣東流弊不可勝言旋又奏  
請准其廣東通商並給香港地方泊舟寄居  
前後自相矛盾已出情理之外況此事並未  
奉旨允行何以該督即令逆夷公然占據現  
據怡良奏報喚逆盤踞香港稱係琦善說定  
讓給已有文據並偽發告示稱該處百姓為  
暎國子民覽奏殊堪痛恨朕君臨天下尺土  
一民莫非國家所有琦善擅與香港擅准通  
商膽敢乞朕恩施格外是直代逆乞恩且伊

被人恐嚇奏報粵省情形妄稱地利無要可  
扼軍械無利可恃兵力不固民情不堅摘舉  
數端危言要挾更不知是何肺腑如此辜恩  
誤國實屬喪盡天良琦善著即革職鎖拏派  
副都統英隆並著怡良揀派同知知州一員  
一同押解來京嚴行訊問所有琦善家產即  
行查抄入官○又諭著英等奏請停緩應修  
各工一摺盛京清寧宮鳳凰樓應修工程著  
毋庸停緩即遵照擇定吉期敬謹興修○又

諭著英等奏奉天所屬海疆有小獐子島鹿  
島等處請分轄就近地界以專責成等語小  
獐子島在鳳凰城海洋界內著即責成鳳凰  
城旗民地方官管轄鹿島近岫巖海洋界址  
著即責成岫巖旗民地方官管轄該將軍等  
按照所轄界址飭令實力稽察如再有推諉  
即指名嚴叅○諭軍機大臣等寄諭靖逆將  
軍奕山參贊大臣隆文楊芳兩廣總督祁項  
本日據楊芳馳奏接奉諭旨先赴廣東會剿

又據怡良馳奏。喚逆投文狂悖。並在香港出有偽示各一摺。已明降諭旨。令祁墳補授兩廣總督。將琦善革職鎖拏。解京審訊。並諭令楊芳怡良等先行防堵矣。喚逆膽敢占據香港。出有偽示。不法已極。該將軍等到粵後。惟有會集各路官兵。一意進剿。設法擒渠殲除醜類。務使片帆不返。盡數殄滅。方足以彰天討而快人心。若一有通商二字存於胸中。則大負委任之意。該將軍等身膺重寄。自必志

切同仇。惟當迅奏膚功。懲膺上賞。實有厚望焉。楊芳怡良摺。俱著鈔給閱看。將此由五百里各諭令知之。○又諭本日據楊芳馳奏。接奉諭旨。先赴廣東會剿。又據怡良馳奏。喚逆書詞狂悖。並在香港出有偽示各一摺。喚逆在粵。妄肆鴟張。琦善不遵朕旨。痛加勦洗。膽敢擅給香港。縱其狂悖。本日已有旨斥革。派英隆將其鎖拏。解京究辦矣。香港地方逼近虎門。現為該逆占踞。勢必窺伺橫行。益無忌

憚。各處海口。必應刻刻戒嚴。楊芳現報行抵豐城。計日內即可到粵。怡良兼署督篆。水陸官兵係其統轄。阿精阿。關天培。郭繼昌。均有守禦防堵之責。現在大兵尚未雲集。必須一力防禦。毋稍疏懈。怡良所奏添募壯勇。固守砲臺。分守要隘。各事宜著即責成。楊芳會同怡良。阿精阿。關天培。郭繼昌等。和衷商辦。分投布置。加緊隄防。儻稍涉疏虞。定惟楊芳等是問。至香港通商。斷無是理。楊芳所奏將來

准令於偏岸小港屯集貨物之語。甚屬非是。該逆種種悖逆。必應盡數殄滅。務令片帆不返。方足以快人心。著該大臣等一俟奕山隆文到粵。即行大彰撻伐。極力攻剿。毋使稍留餘孽。致滋後患。再琦善現在帶往廣東之鮑鵬。著怡良密委員弁鎖拏。同琦善一併解京審辦。儻走漏風聲。致令遠颺。恐該署督不能當此重咎。至琦善欽差大臣關防。著怡良摘取妥貯。俟有便員來京。飭令帶京呈繳。將此

由六百里各諭令知之○又諭本日據怡良奏喚逆投書狂悖並於香港地方出有偽示又據楊芳奏勦辦喚夷事宜各一摺喚夷日肆鴟張膽敢占據香港地方指稱屬伊收管出示逼令該處民人歸順實堪髮指此皆由琦善畏蕙無能受其欺侮以致益形猖獗已有旨將琦善革職拏解來京矣至楊芳所稱現在大局或一面威服定海或一面准其在偏僻小港屯集貨物等語亦屬非是此時萬

不許作此議論裕謙現在業經到浙一切當已布置周妥惟有迅加進剿殲此醜類務使片帆不返以彰天討而快人心怡良楊芳摺並著鈔給閱看將此由五百里諭令知之○以刑部尚書祁墳為兩廣總督未到任前以廣東巡撫怡良兼署○以倉場侍郎李振祐署刑部尚書詹事府詹事王炳瀛署倉場侍郎○以伊犁將軍布彥泰為鑲黃旗蒙古都統○實授訥爾經額直隸總督恩特亨額陝

甘總督○壬戌

孝淑睿皇后忌辰遣官祭

昌陵○諭軍機大臣等前因程楙采奏請展覲降旨令於本年春間來京陛見本日據奏交卸篆務由皖起程等語程楙采著毋庸來京無論行抵何處著即折回俟夷務辦理完竣後再行奏請陛見將此諭令知之○以鄭親王烏爾恭阿仍署鑲黃旗蒙古都統○予故廣東巡撫前任貴州鎮遠府知府朱桂楨入

祀貴州名宦祠從巡撫賀長齡請也○癸亥諭內閣朕此次祇謁

西陵睿親王仁壽莊親王綿護貝勒綿恩著毋庸隨扈著派怡親王載垣車登巴咱爾帶領後扈○署閩浙總督吳文鎔奏廈門關繫重大斷不可許與喚夷通商致貽後禍得旨汝所見固是但誤國辱國之人業經拏問所言者可毋庸議矣○以故奉恩將軍興麟子英奎襲職○旌表守正捐軀江西大庾縣民劉

行素媳溫氏○修湖北荊州府萬城大隄及江陵縣支隄從總督裕泰請也○甲子遣官祭

先醫之神○諭軍機大臣等本日據賽尚阿奏查辦北塘至山海關一帶礮臺事宜一摺據查寧河北塘及豐潤灤州樂亭昌黎撫寧臨榆等各州縣海口或應增築礮臺或應添設土壘或應停辦甄石或應拆去舊臺均經該尚書督同該地方文武各員相度機宜虛

衷商定著訥爾經額迅速檄飭承辦工員分別趕辦山永協副將興泰遵化營遊擊劉正均係隨同賽尚阿周歷查看著該督即派該二員並揀派地方官一員同赴海口往來指撥督辦以期工歸實濟至安設沙墩土壘并於礮臺前築壩挖濠既足禦礮攔潮亦堪伏兵陷賊惟礮手槍兵尚宜精熟著訥爾經額督飭該管營弁勤加訓練以期得力原摺著鈔給閱看將此諭令知之○山東巡撫托渾

布奏遵查入官地尚未變賣者二百九十六頃十二畝有零尚未報部者八頃八十三畝有零予限招變以備海防經費內有撥營充公及捐入書院地畝另行籌補報聞○乙丑上詣綺春園問

皇太后安○諭內閣善燾等奏庫貯白鉛短絀請旨飭催寶泉局鼓鑄錢文兵餉攸關現在庫貯白鉛祇敷本年五月分配鑄之用所有庚子年下運一二起程圖南鉛斤著兩江總

督嚴飭沿河文武員弁迅即押令飛挽北上晝夜遄行或令隨首進糧船插檔行走無任片刻逗留並著直隸總督山東巡撫一俟該運鉛船到境專派幹員前往迎提催趲務於四月內全數抵通運局俾資接濟至在後之張士瑛陳鳳輝辛丑年上運一起王會各運鉛斤並著沿途各督撫應接運者迅即派員接運一律催押前行若各該運員藉詞延宕地方官催趲不力即著各該督撫指名嚴叅

以示懲儆。○諭軍機大臣等。本日據奕山等奏。接奉廷寄。遵旨籌辦一摺。所奏俱悉。該將軍等業已先發告示。曉諭廣東文武官員。治備戰具。嚴加防守。計楊芳早已抵粵。必應遵旨妥行堵剿。至於安南。軋船既據該將軍等查訪形式。俟抵粵後。趕緊倣造。如該省業已製造。即著派員演駕。藉資得力。並召募水勇。務當一鼓作氣。督兵進剿。斷不可稍存一通商之意。致滋游移。至於臨時相度機宜。應如何進兵得手之處。該將軍等隨機應變。必能籌畫萬全。出奇制勝。並著出示曉諭該弁兵水勇等。如果擊獲夷船。即將該船貨物悉數充賞。以勵眾心。前飭琦善查明陣亡將弁兵丁數目。茲據覆奏。已降旨交部照例賜卹。並將陳連陞父子加等議卹。惟將弁傷亡甚多。該兵丁等陣亡。恐不止此數。著奕山等查明琦善所奏。有無隱飾。又琦善與義律屢次晤面。談論香港之事。彼時有無官員在旁。該夷

目與琦善私相餽送之事。著奕山等密加查訪。據實具奏。琦善本日所奏摺片。清單六件。發給奕山等閱看。將此諭令知之。○又諭。現在軍務緊急。文報必須迅速。江西至廣東一帶驛路窄狹。著錢寶琛嚴飭所屬塘汛。多備夫馬。遇有軍報到境。即趕緊馳遞。毋得稍有遲延。儻有貽誤。立即指名嚴叅。將此諭令知之。○前任欽差大臣大學士署兩廣總督琦善。奏遵查沙角大角地方。與暎夷接仗陣亡。及傷亡水陸將弁共四十四員。兵丁七百十八名。懇恩分別賜卹。得旨。三江協副將陳連陞及其子陳舉鵬。同時殉難。尤屬忠義。可嘉。著加恩加等賜卹。餘著照例賜卹。以慰忠魂。又批。遇此不忠督臣。俱各捐軀為國。實堪憫惻。○丙寅。孝康章皇后忌辰。遣官祭孝陵。○諭內閣。訥爾經額奏。查挑剥船。請援案緩至漕竣辦理一摺。楊村滿料船隻。屈應查



挑據該督查明剝運多年。亟須趕修完整。若俟挑驗後再飭歸塢修驗。恐致有誤剝運。著准其援照成案。責成楊村通判。督同經管各州縣。驗明滿料剝船。選擇尚堪剝運船隻。加工修驗。勒限二月內一律修竣。以供剝用。俟本年漕務完竣後。同解到新船。一併調集楊村。請旨派員查挑。○又諭梁章鉅奏。越南國王阮福蛟身故。繕表告哀。該陪臣現於關上候命一摺。越南國久列藩封。今該國王身故。

遣使告哀。自應令其恭詣闕廷。著該撫即傳旨准令該陪臣入關。其一應派員伴送事宜。均照舊例辦理。計該陪臣到京尚需時日。所有襲封各事宜。屆期再行查辦。至該國王呈進萬壽貢物及本屆例貢方物。俱著停止。以示體恤。○諭軍機大臣等。據訥爾經額奏。酌議閩廣商船雇募水手。應限人數。並嚴禁多帶米石一摺。現在暎逆肆擾海面。往來船隻。必應嚴查漢奸夾帶接濟。據訥爾經額查明。

閩廣每年到津洋船水手。約計萬餘人。其實駕船力作者。每船不過二十餘人。亟應覈實稽查。以防冒充滋弊。著顏伯燾、吳文鎔、祁項怡、良巖定章程。嗣後洋船北來雇募水手。大號船不得過四十名。中號船不得過三十名。責成船戶召募有室家之良民。連環保結。呈明該管州縣點驗。將姓名年貌住址詳細填注。照內其攜帶米糧。每船只准六十石。以供往還食用。如有溢餘。治以違令之罪。並於駛

進天津口時。飭令報明天津鎮道。詳加查驗。如有不符者。即行嚴辦。似此防範周密。庶漢奸不致涸跡。而夷匪亦斷絕接濟。海面漸就肅清矣。將此各諭令知之。○丁卯。遣官祭關帝廟。○諭內閣。前有旨。諭令裕謙赴浙。接受欽差大臣關防。並將寄伊里布諭旨。飭令親交祇領。其同日寄程商采諭旨。一遵亦係專交該署撫之件。茲據伊里布奏稱。接准程商采來咨。將所奉上諭錄示。並接裕謙函稱。

尚有上諭批摺遵旨親交等情該大臣等於接奉諭旨後並不慎密遵辦輒將廷寄之件先行知會均屬粗率不合裕謙程喬采俱著交部議處○諭軍機大臣等據伊里布馳奏遣將帶兵收取定海並密籌攻剿一摺噶逆日肆猖獗前已有旨令裕謙赴浙痛剿現據伊里布奏稱該夷自願將定海呈繳其所請在浙銷貨一層業經嚴行拒絕所請先釋被獲各夷一層亦經堅持不准茲擇於二月初四日人地兩交等語所奏是否確實著裕謙到浙後將伊里布現辦情形確切查明據實具奏斷不可隨同附和代人受過致干咎戾該逆居心詭詐難以理測必應隨時防範方不墮其奸計如有棘手之處是裕謙程喬采不能遵旨慎密致伊里布先得代替之信或致另生枝節乃裕謙自取也到浙後相機妥辦如該夷係詭言繳地仍復負隅即行督率將弁及埋伏鄉勇同時並舉盡力攻擊務令

片帆不返以張國威即使該夷果將定海繳還亦當妥辦善後事宜加意嚴行防守其近海各口岸亦著嚴加守衛毋稍疏虞伊里布原摺發給閱看即由該大臣發交祇領將此由六百里諭令知之○命烏珠穆沁扎薩克車臣親王彭蘇克納木濟勒在乾清門行走○戊辰遣官祭黑龍潭  
昭靈沛澤龍王之神玉泉山  
惠濟慈佑靈渡龍王之神昆明湖  
安佑普濟沛澤廣生龍王之神密雲縣白龍潭  
昭靈廣濟普澤龍王之神○遣官祭圓明園惠濟祠  
河神廟○諭軍機大臣等麟魁奏閘漕京控重案延未辨結一摺此案是否該處民人藉稱完漕不便聚眾斂錢私造急公堂把持滋事抑該地方官實有縱兵焚搶之事均應嚴切根究既據該民婦等呈獲私書牽涉臬司

不肯重辦。巡撫意見不合等語。未便仍交該撫審辦。麟魁著於接奉諭旨後。無論行抵何處。即折回江西。提集全案人證。秉公審訊。分別從嚴懲辦。毋任消弭回護。至此案升任臬司劉體重。因何不肯重辦。錢寶琛是否能勝江西巡撫之任。並著悉心查訪。據實先行奏聞。將此諭令知之。○又諭。據麟魁等奏。查明江西省拏獲販煙會匪情形。並據另片奏稱。前在湖南時。經吳其濬言及該省郴州桂陽

州屬。稟獲匪犯多名。上年曾在廣東結盟。頂心長髮。各雜月牙形。衣扣繫帶紅布。以便販煙會遇。互相幫助。內有上年曾在江西崇義縣地方。聽從饒受廷等結立沙包會。聚賭行竊者。查據江西巡撫錢寶琛。亦稱現獲饒受廷等。起意結盟聚賭屬實。並訊有將來人多。以古錢一文為號。供詞等語。該二省拏獲沙包會匪首犯。名目既屬相符。江西省現究有以古錢為號之供。湖南省所獲煙匪。亦各有

衣扣等記號。顯係閩廣旗錢各會夥黨。不可不嚴行究辦。著裕泰、錢寶琛、吳其濬督飭所屬。將現獲各犯嚴審。並飭嚴拏各案逸犯。務獲確切根究。按例嚴懲。毋留餘孽。致滋後患。將此各諭令知之。尋江西巡撫錢寶琛奏。審訊饒受廷等犯聚賭抽頭。並非閩廣煙匪夥黨。亦不知有閩廣旗錢各會名目。至古錢為記。係備聚賭時人多起見。現在尚未散給。所獲紅布尖刀。係為包物防身之用。饒受廷應

照結會樹黨律。發極邊充軍。餘擬杖徒下部議。從之。○又諭。據賽尚阿等奏。酌議泰王島石河口安礮移營一摺。泰王島等處海口。形勢險要。業據該尚書等相度地形。分別辦理。至澄海樓等處。應設臺安礮。據該尚書等查明。現在滿洲營綠營可用礮位。不敷分設。著訥爾經額即派委妥員。將新鑄銅礮酌撥五六位。運送山海關。以資防守。將此諭令知之。○又諭。寄諭閩浙總督顏伯燾。福建巡撫調

任湖北巡撫吳文鎔兩廣總督祁項廣東巡撫怡良江西巡撫錢寶琛麟魁等奏遵查江西省拏獲販賣煙土會匪情形一摺據稱上年江西省拏獲煙匪各案詳加查覈各煙販多帶有紅旗紅布暗號內林幅茂一案供有江綠華在福建官田地方又有李正昌即張正昌在廣東福建交界廣福亭地方糾立紅會。有太平幫長生幫各名。招攬煙販。編號抽釐。分給旗布。其李正昌名下並有吳禧順總

管釐金。且詳查各犯到案初供該會頭目尚有張羅。江華雲。張七。鄒占梅。鄒亞昌。江阿華。廖文彩。薛亞生等名。雖覈與覆審在逃犯名互異。惟既經分別號次。其小頭目自必不少。難保無通夷內應情事等語。匪徒糾立紅會。招攬煙販。分途售賣。既各帶有旗布。作為記認。又復暗藏刀械。藉稱防身。實屬詭秘兇狡。必應嚴拏懲辦。著福建廣東各督撫嚴飭所屬。即將糾立紅會之江綠華。李正昌。即張正

昌。及吳禧順並各會內管事小頭目。按名嚴拏務獲。以絕根株。並著錢寶琛督飭文武員弁。於閩廣出入要隘。一體認真拏緝。並嚴飭承審各員。嚴行審究。有無暗通夷匪情事。按例辦理。無得稍有消弭輕縱。致干重咎。懷之慎之。將此各諭令知之。尋閩浙總督顏伯燾等奏。拏獲李正昌。訊明自幼學習拳棒。與在逃之江綠華素識。江綠華曾販賣鴉片。知廣東客商貿易。向有長生幫名號。商同李正昌

藉貿易名色。各於貨擔內藏放煙土。嗣後有閩廣煙販陸續入幫。江綠華見人數過多。隨編號數。分派總頭。先後行走。每號給紅布旗一面。每人分給紅布一條。掛於衣上為記。此外並無不法情事。逸犯江綠華。應俟拏獲日。照與販煙土聚眾持械為首例。擬絞監候。李正昌助匪濟惡。較僅止幫同護送者。其情尤重。應擬發新疆給官兵為奴。餘分別問擬杖流下部議。從之。○伊犁將軍布彥泰奏。塔什

圖畢三道灣開墾地九百二十四頃九十三畝。照例升科。從之。○以伊犁屯田豐收。予員弁議敘。賞兵丁一月鹽菜銀。○已巳。遣官祭昭忠祠。○諭內閣。前因倭夷在天津投遞夷書。聲稱訴冤。朕維仁育義正。無間華夷。特命琦善赴粵查辦。並諭知伊犁布爾津。緩進兵。旋因該夷日肆猖獗。疊次降旨。令伊犁布爾津進兵。攻復定海。乃伊犁布爾津奏報。總以兵礮未集。為詞。直至探明該夷願繳定海確信。

始行遣將帶兵前往。本日據奏。定海業已收復。夷船全數起碇等語。逆夷占據定海。已更數月。現因粵省命將出師。聲罪致討。方行繳還定海。全數起碇出洋。可見逆夷並無能為。設使伊犁布爾津到進兵諭旨。熟審順逆主客之勢。密籌勦防攻取之宜。一鼓作氣。四面兜擒。復我故土。殲除醜類。庶足以伸天討而快人心。乃觀望遲延。株守數月。直至該夷聞有大兵。望風遠竄。始將定海收回。可謂庸懦無

能之至。前將該督文部嚴議。該部議照溺職例革職。實屬咎所應得。姑念一時簡用乏人。伊犁布爾津去協辦大學士。拔去雙眼花翎。暫留兩江總督之任。仍帶革職留任處分。八年無過。方准開復。以觀後效。○諭軍機大臣等。本日據伊犁布爾津奏。收復定海一摺。又據琦善馳奏。查明香港地勢。及現在籌辦情形。一摺。倭逆在粵。日肆猖獗。攻擊礮臺。戕我官兵。占據香港。擅出偽示。種種不法。殊堪髮指。

前有旨。令楊芳先行赴粵會防。並令雲山等兼程前進。計已接奉遵辦。該將軍等到粵後。務即會集各路官兵。一意進剿。殲除醜類。設法擒渠。必使該逆等片帆不返。方足以彰天討。不可存一通商之見。稍涉游移。更不可因有繳地之事。少加寬縱。諒該將軍等身膺重寄。自必志切同仇。佇盼捷音。毋負委任。至琦善前奏香港地方。寬至七十八里。如或給予。必至屯兵聚糧。建臺設礮。久之覬覦廣東。流

弊不可勝言。茲又據奏香港孤懸海外。離省較遠等語。前後情詞自相矛盾。顯係不實。著奕山、隆文、楊芳、祁墳確切查明。據實具奏。即使香港並非險要。亦必設法趕緊收回。斷不准給予該夷。致滋後患。琦善原摺著發交奕山、隆文閱看。俟途遇琦善時。將前後二次硃批給閱。原摺仍由該將軍等遇便呈繳。伊里布摺並著鈔給奕山、隆文、楊芳、祁墳閱看。將此由五百里各諭令知之。○又諭本日據伊里布馳奏定海業經收復。夷船全數起碇一摺。據奏在浙夷目於本月初四日將定海城池獻納。即於次日全數撤退。率眾登舟。我兵整旅入城。現已剗飭鄭國鴻等分營駐守。並令舒恭受暫署該縣印務等語。定海甫經收復。城隍一切尚未修整。現在逆夷雖已全數起碇。若聞粵中勦辦難保不走。險復來。此時防堵尤宜格外嚴密。不得稍存大意。裕謙業經到浙。所有善後事宜自必籌出萬全。前調

安徽壽春鎮兵既已陸續抵浙。自應暫留防守。其所調楚省及本省防兵是否即可裁撤停止之處著裕謙酌量情形妥為辦理。再前所調韓振先、琦忠二員著即知照川陝二省令其折回本任。毋庸赴浙。至該縣被難民人應撫卹者即為撫卹。應安插者即為安插。其從前該夷攻陷定海時死難弁兵並在餘姚、慈谿等處擒獲夷匪之出力各員並著確切查明具奏。候朕施恩。伊里布摺發給閱看。即由該大臣發交祇領。將此由六百里諭令知之。尋奏逆夷侵犯餘姚、慈谿。經文武各員擒斬夷匪多名。兇醜稍息。惟人數過多。未敢概行保奏。除由外存記獎勵外。擇其尤為出力者繕單呈覽。至定海失守時知縣姚懷祥與史全福不屈殉難。又傷亡兵丁二十六名。報聞。○命協辦大學士四川總督寶興為大學士。仍留總督任。吏部尚書奕經協辦大學士。○庚午諭內閣前因訥爾經額赴天津籌辦

海防派令藩司陸費瑑隨扈現在該督業經回省三月祇謁

西陵仍著訥爾經額隨扈即於啓鑾前期來京展覲陸費瑑仍留省辦事臬司岳鎮南著隨扈前往○又諭孟保等奏班禪額爾德尼等呈進貢物可否交年班堪布帶京等語此次班禪額爾德尼及代辦達賴喇嘛事務之噶勒丹錫呼圖薩瑪第巴克什呈進貢物著即交二十二年後藏年班堪布帶京呈進○理

藩院奏御前行走科爾沁卓哩克圖親王巴圖阿拉善扎薩克親王囊都布蘇龍等呈請八月前來京祝嘏得旨本年朕六旬萬壽該王等呈請來京叩祝實屬出於誠悃惟念如允所請准其八月來京瞬屆十二月又值年班似此往返未免浮費著理藩院通行傳諭所有御前乾清門行走各蒙古汗王公台吉等本年八月朕六旬萬壽聖節俱著毋庸來京祝嘏用示朕軫念蒙古臣僕至意○賞江

西等省庚子科鄉試年老諸生况三壽等六十三名舉人副榜有差

大清宣宗效天符運立中體正至文聖武智勇仁慈儉勤孝敏成皇帝實錄卷之三百四十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十七

監修禮部尚書臣等謹將宣宗成皇帝實錄卷之三百四十七  
內府所存各書及臣等所存各書並臣等所存各書  
七倉大臣等會同詳核各書及臣等所存各書  
內務府大臣等會同詳核各書及臣等所存各書  
學士等會同詳核各書及臣等所存各書  
敕修

道光二十一年辛丑二月辛未諭內閣劉韻

珂奏查明杭嘉兩府海口情形擇要添工以  
資防禦一摺浙江各海口均關緊要該撫已  
親歷杭嘉二府督同該道履勘於扼要處所  
或酌添礮位增築礮臺營房撥兵駐守或堆  
砌土堡遮護兵丁以資轟擊辦理尚屬妥協  
著照所請即飭該管各府督同州縣確加估  
計購料興修仍飭該道宋國經督辦應鑄礮  
位即飭屬趕鑄分撥應用所需銀兩准其在  
軍需專款內動支工竣覈實報銷其寧波紹

興台州温州四府屬海口既據該管道府等  
有稟請修築礮臺營房及添鑄礮位之處著  
劉韻珂一併親往履勘酌量情形分飭趕辦  
○諭軍機大臣等據耆英等奏查明奉天所  
屬各城距海口里數並河海交匯之處繪圖  
貼說呈覽一摺覽奏均悉奉天各海口情形  
不一惟金州海口極多最關緊要鳳凰城雖  
無海口其東南洋面亦關緊要該將軍等現  
已揀派哈豐阿海明賡音等前往會同該城

旗民地方官督率官兵卡兵在沿海一帶防  
守瞻望著即嚴飭該員等務須隨時偵探加  
意巡防不准稍有疏懈將此各諭令知之○  
壬申  
上詣綺春園問  
皇太后安○諭內閣上年御史陳兆亨奏五城  
關涉旗員事件請飭令赴城聽問一摺當經  
降旨凡五城現審事件案情重大者該城御  
史即將應行傳訊之員奏明請旨其尋常事



件仍著照例辦理。茲又據五城滿漢御史愛崇阿等連銜奏稱。旗員被控抗不聽傳等語。五城現審事件。延宕不結。日久更形積壓。嗣後各該城遇有關係旗員案件。其案情重大者。仍遵前旨奏辦。至於尋常細故。有須質對詢問者。著備文咨交該旗。由該旗將該員傳送到城。以憑質訊。不准無故不到。如實有告假及另有差使等情。即著該旗取具親供。備文聲覆。該御史一面存案。一面即將本案分別咨結。以昭覈實。而免稽延。○又諭程喬采奏請旨派員辦理武闡鄉試一摺。江南武闡鄉試前經降旨。改於本年三月舉行。著派江寧藩司成世瑄。隨同江寧將軍佈勒亨。代行考校。○諭軍機大臣等。本日據琦善奏逆夷聞大兵將集。意圖先肆滋擾一摺。該夷妄肆鴟張。現聞內地調兵四出。窺探朕早料其必有滋擾之事。定海退去兵船。諒必歸併香港。恃眾負隅。儘力抗拒。若兵力單弱。遽行進剿。

恐有疏失。本日已降旨飭令阿精阿、怡良等暫時協力防禦。且俟大兵雲集。再行攻剿。著奕山等兼程前進。抵粵後。與楊芳會合。統領各省調集兵丁。奮勇直前。殲除醜類。毋稍觀望。琦善摺鈔給閱看。將此由六百里加緊各諭令知之。○又諭寄諭廣州將軍阿精阿兼署兩廣總督。廣東巡撫怡良。水師提督關天培。陸路提督郭繼昌。本日據琦善奏稱逆夷聞大兵將集。意圖滋擾一摺。該夷現聞內地調兵四出。窺探並有兵船數隻。迭至下橫檔山後探水。顯露詭謀。惟此時兵未到齊。尚覺單弱。該將軍等務當督飭本省兵弁。及陸續到粵兵丁。分布要隘。協力堵禦。毋稍疏虞。一俟靖逆將軍及參贊大臣等到後。自應一鼓作氣。帶兵進剿。以靖餘氛。琦善原摺著發給閱看。將此由六百里加緊各諭令知之。○旌表守正捐軀河南鹿邑縣民高明修妻李氏。○癸酉諭軍機大臣等。本日裕謙奏馳抵鎮。

海接受關防籌辦情形一摺辦理尚屬周妥定海既無礮位著照所議迅於沿海地方酌量抽撥先行解往以資抵禦所有淺擱夷船三隻著即派委將弁或用礮擊沈或圍困戮戮以絕其觀望之心其未經駛出浙境各船儘能誘入內地突出伏兵痛加攻擊亦可稍示懲創周開麒已升任甘肅藩司仍著暫留該處襄辦一切劉韻珂與裕謙晤面後所有應辦事宜會商妥協定見仍回省辦公其善後各事著即責成裕謙駐劄定海督同文武員弁體察居民及地方情形或應撫卹或應擇要固守其城垣橋梁應否即時修復添設礮位應否督匠趕辦均著悉心妥籌毋稍草率該夷行蹤詭譎難保不駛回滋擾現在大兵業已渡海有險可據軍火糧餉亦易於接濟務當督飭總兵鄭國鴻王錫朋葛雲飛等加意偵察梭織巡查瞭見夷船有回帆蹤影即著併力轟擊或繞道截其去路聚而殲旃

毋誤機宜是為至要將此由六百里諭令知之○甲戌諭內閣本年朕恭謁

西陵於

昌陵數土大饗均係親詣行禮早經降旨乃太常寺題請遣員致祭實屬辦理錯誤漫不經心所有太常寺堂司各官著交部分別議處○諭軍機大臣等前據賽尚阿哈琅阿會奏酌議秦王島石河口安礮移營一摺當降旨飭令訥爾經額派委妥員將新鑄銅礮酌撥

五六位運送山海關以資防守諒該督已遵照妥辦至摺內所議安礮移營各條著哈琅阿會同扎拉芬泰按照所議辦理將此諭令知之○修湖北沔陽州

龍王廟開座從總督裕泰請也○乙亥命山海關副都統扎拉芬泰來京以直隸督標中軍副將富勒敦泰為山海關副都統○予廣東陣亡副將陳連陞祭葬世職如總兵例並其子舉鵬加等賞卹均入祀昭忠祠○丙子

旌表守正捐軀河南西華縣民劉繼秋妻連氏丁丑以恭修

永陵

啓運殿先期遣官告祭

永陵及

后土之神諭內閣前據八旗兩翼議奏稽察門禁並內務府奏值班章程已依議行矣本日復據御史興福奏太和殿前兩翼等門遇有差使人員應收取職名開報門單閒散

人等不許穿行司庫庫使等官一體住宿等語所奏瑣屑難行著毋庸議惟禁門重地查察不可不嚴所有太和殿前兩翼等門每日於何時啓閉何項人員准令穿行出入著八旗兩翼護軍統領查明具奏諭軍機大臣等據程楸采奏福建廈門與臺灣對峙中有澎湖應行厚駐重兵多集水勇安設礮位嚴斷接濟等語現在廣東命將出師聲罪致討逆夷一經痛創難保不分頭竄突自應擇險

扼要使其首尾不能相顧惟由廣東至福建澎湖是否係必由之路著顏伯燾吳文鎔陳階平體察該處地方情形密飭員弁豫為準備儻有夷船竄入立即督率兵勇痛加剿洗務令片帆不返以靖海疆該督等總當先事豫籌期於有備無患毋致臨事周章是為至要將此各諭令知之吏部以大學士寶興應定何殿閣請得旨著為文淵閣大學士○戊寅諭內閣經額布等奏察木多喇嘛願懇

進京祝嘏一摺該喇嘛帕克巴拉呼圖克圖情殷祝嘏具見惻忱念其跋涉之勞著傳諭本年毋庸前來仍俟年班進京以示體恤○諭軍機大臣等本日據琦善等馳奏逆夷大肆猖獗礮臺據報失守一摺據奏該逆於本月初三初四等日駛駕火輪船隨帶三板多隻疊進三門口內衝撞礮檣施放火箭經副將慶宇等督兵抵禦至初六日酉刻逆夷攏岸上山橫檔永安礮臺恐被占奪等情又另

片奏靖遠鎮遠威遠肇固礮臺據稟亦俱失守提督關天培不知下落等語覽奏深堪痛恨該省海口港汊繁多保無有分路帶兵之事故特派齊慎為參贊大臣迅即赴粵會剿並諭知梁章鉅選派廣西兵二千名迅赴廣東聽候調遣其前遣赴浙之湖廣兵二千八百名已諭知裕泰錢寶琛令其改道入粵矣現在廣東省城情形喫重奕山等接奉此旨著即星夜遄行兼程赴粵會督各路精兵相機剿辦毋稍遲誤以副委任琦善等摺片鈔給閱看將此由六百里加緊諭令知之○又諭本日據琦善等奏橫檔礮臺據報失守並另片奏靖遠等礮臺據稟失守關天培不知下落等語覽奏深堪痛恨現已添派齊慎為參贊大臣赴粵會剿並調廣西省兵二千名迅赴廣東其前調赴浙之湖廣兵二千八百名亦令改道入粵並諭知奕山等兼程前進矣惟所奏失守情形皆由該弁兵探信稟

報並關天培有無下落殊深懸念計楊芳此時當已早抵廣東著即會同阿精阿怡良等確切查明迅速具奏至所奏內河由獅子洋而入烏涌獵德及二沙尾大黃滘等處均係扼要又烏涌迤西由長洲岡至黃埔深井之間有海心岡一處又折而西有白坭冲要隘亦須防堵等語現在琦善業已拏問英隆又派令押解各處要隘備防需人著楊芳阿精阿怡良郭繼昌會議熟商分頭駐守各省調到官兵亦著酌量分撥盡力堵禦至省垣重地尤關緊要必須嚴兵駐守以備不虞該大臣等務當協力同心嚴密防範毋任再有疏虞致干咎戾將此由六百里加緊諭令知之○又諭本日據琦善等馳奏暎夷大肆猖獗攻破橫檔礮臺其餘虎門各臺亦俱失守等語已降旨令怡良等協力防禦並飭令奕山等兼程前進矣現在調赴粵東各兵當已陸續到齊奕山等到後自必即議進剿因思齊

慎久歷戎行，著作為參贊大臣，酌帶川兵數百名，星馳赴粵，會同勦辦。母稍遲延，所有四川提督著寶興派員署理，將此由六百里加緊各諭令知之。○又諭各省由驛馳奏摺件，應視事之輕重，分別郵程之緩急，軍務固關緊要，然如調兵起程日期，即由馬遞奏聞，亦不為緩。桂良於遵旨調兵赴粵，輒由五百里四百里馳奏，駭人聽聞，殊屬不曉事體。著傳旨嚴行申飭，將此諭令知之。○己卯。

上詣綺春園問

皇太后安。○諭內閣程喬采奏籌撥展賑口糧需用銀款一摺。著照所請，所有江蘇省江寧通州二府州屬展賑口糧，除上年正賑案內餘存銀全數抵用外，不敷銀七萬七千兩，准其在於淮安關稅銀內協撥。其常州鎮江二府屬展賑銀四萬四千兩，准其在於撫卹正賑案內原請撥用之道光二十年秋撥存款項下動用，以資散放。僅有餘賸，即行解還歸

款如實有不敷，另於司庫正項內撥撥事竣彙冊報銷。該署撫即飭該管道府督令印委各員確查戶口覈實散給，仍隨時嚴查，如有胥役剋扣冒濫，立即參辦。毋稍姑容。務期實惠均霑，以副朕軫念民依至意。○又諭扎拉芬奏泰關外車輛壅滯，請改由北水關放行等語。該處糧貨各車向由山海關出入，並無流弊。現因關外地方年豐穀賤，販運進關售賣車輛較多，致形擁擠。業經該副都統派員

督飭疏通，尚無積壓，自可照常由該關驗放。若改道行走，添派丁役稽查，轉恐需索滋弊。且道光九年係巡幸盛京，是以往來車輛均由北水關出入。此時不得援以為例。該副都統所請將無稅車輛由北水關出入之處，著毋庸議。○又諭前據御史宜崇奏步軍統領衙門所屬領催步甲錢糧請仍由各該旗支領一摺。當經降旨交戶部會同步軍統領衙門議奏。茲據奏稱八旗步甲額缺除正身旗

人挑補外其餘應由八旗戶下家人內挑補遇有不敷向由步營自行招募民人充當即正身步甲亦有借挑之事既非該佐領素所統屬之人恐有影射代替諸弊不若仍由本管官放給耳目較近稽查易周等語所議尚屬周妥自未便復議更張致有窒礙該御史所奏著毋庸議惟該營招募之兵誠恐有匪徒冒充及虛糜餉銀之處應如何實力稽查以杜流弊著步軍統領衙門妥議章程奏明辦理○諭軍機大臣等本日戶部奏籌撥南河防汛工需一摺已降旨依議矣東南兩河籌備大汛工需原係修防要款是以准其如數動撥惟現值粵省用兵之際撥帑浩繁國家經費有常自應量為撙節著麟慶文冲將例撥銀兩覈實辦工母任廳員稍有浮糜其有可節省之處酌量節省餘騰銀兩照例專案報部查覈將此各諭令知之○庚辰諭軍機大臣等御史高人鑑奏請嚴禁匪徒以杜

勾結一摺廣東界連江西湖南廣西映表現在滋擾恐各省土盜為之附和且江西查辦旗錢會名目而前此藍逆餘黨難保不竄匿湖南廣西各省儻乘機勾結愈形滋蔓著裕泰吳其濬錢寶琛梁章鉅派委妥員無分畛域嚴密查訪如有行蹤詭秘不法匪徒立即緝拏交本地方官研究有無勾通接濟情弊從嚴懲辦將此各諭令知之○又諭據扎拉芬奏奏撥獲藏帶夷徽人犯並將抄獲夷徽等件包封進呈一摺該副都統所遞包封並未隨摺呈遞因何遺失著即查明具奏其所請將拏獲之民人曹煥英等交刑部嚴訊之處著俟覆奏後再降諭旨將此諭令知之○辛巳孝昭仁皇后忌辰遣官祭景陵○諭內閣朕此次恭謁西陵啓鑒後著派莊親王綿護惠親王綿愉大學士王鼎協辦大學士奕經留京辦事○又

諭據裕謙奏驛遞奏摺因用船轉遞遭風落水請飭查究等語該大臣由驛馳奏摺件遞到浙江山陰縣地方該知縣王燕堂雖係因向無驛馬以船代遞但據稟翻船落水情形是否人力難施抑或藉詞朦混著劉韻珂確切查究如查有捏飾之處即著嚴行叅辦以速郵傳而儆玩延尋奏山陰縣驛遞摺件實係遭風落水請毋庸議從之○又諭裕謙奏特叅託故推諉之升任藩司一摺升任甘肅

藩司周開麒經該大臣奏明調赴定海辦理撫卹各事宜輒敢託故不行實屬迨玩周開麒著開缺交部嚴加議處仍留於浙江交裕謙差委如能奮勉再行具奏儻始終玩忽即著從嚴叅辦○諭軍機大臣等裕謙奏查明夷船情形並辦理善後一摺所有定海城鎮鄉村中實在無力難民無論極貧次貧均著給予三箇月口糧其焚燬房屋查明間數照例給銀令其自行搭蓋以資棲止其餘均著

照所議辦理惟據奏夷船遊奕無定情殊巨測難保不藉端赴江蘇海口一帶滋擾江蘇各營兵力強弱裕謙素所深知儻該夷船分頭肆擾該省兵丁能否堵禦著審度情形悉心籌畫如不能深資得力即著派委總兵一員帶領兵弁馳赴江蘇應援儻有可乘之機併力攻勦亦可以示懲創至該夷船自定海前往廣東必由黃巖温州二鎮所屬洋面經過何以並未稟報著仍檄催該鎮確切查明

即行飛報勿任遷延誤事該大臣務當於江浙兩省現在夷船遊奕情形不分畛域通盤籌畫首尾相應切勿顧此失彼是為至要將此由五百里諭令知之○又諭本日據裕謙奏夷船遊奕往來並酌辦善後情形一摺已降旨飭令妥辦並諭以夷船如果北駛當與江蘇互相照會並令派委總兵帶領兵弁馳赴江蘇接應矣江蘇海口紛歧必當仍遵前旨嚴密防範毋稍疏虞儻遇夷船攏近著分



飭將弁度其地勢遠近足以相及方可開放  
槍礮伊里布等仍酌量情形或須添兵堵剿  
之處著一面奏聞一面調撥不可坐失事機  
儻防堵稍有不力或被該夷竄入港汊滋事  
惟伊里布等是問恐不能當此重咎也懍之  
將此由五百里各諭令知之○又諭據扎拉  
芬奏奏撥獲臨榆縣民曹煥英攜帶鈔來夷  
檄一紙並同伴樂亭縣民張泳成請旨飭交  
刑部嚴訊一摺曹煥英張泳成著交著英親  
提會同盛京刑部奉天府尹嚴行審訊其曹  
煥英供出之店夥李讚廷朱老起經承傅姓  
三犯即著著英迅派幹員按名拏獲歸案審  
訊確切根究來歷一有端倪即由驛密奏扎  
拉芬奏原摺並曹煥英等供詞及鈔來悖逆  
夷文均著發給閱看將此密諭知之○以甘  
肅按察使程德潤為布政使安徽寧池太廣  
道王兆琛為甘肅按察使○以福建攻擊夷  
船出力賞參將孫雲鵠花翎道員劉耀椿等

升補議敘有差○壬午諭內閣琦善等奏虎  
門礮臺失守提督陣亡一摺逆夷攻擊虎門  
礮臺及烏涌卡座廣東水師提督關天培香  
山協副將劉大忠遊擊麥廷章署湖南提督  
祥福遊擊沈占鰲守備洪達科先後被害殊  
堪憫惻俱著加恩照例賜卹以慰忠魂其傷  
亡兵丁亦著查明照例辦理○諭軍機大臣  
等寄諭欽差大臣裕謙兩江總督伊里布浙  
江巡撫劉韻珂本日據琦善等奏虎門礮臺  
失守提督關天培陣亡烏涌卡座被擊逆夷  
兵船火輪船聯結多隻乘潮迅駛距省不過  
三十里現飭將弁極力抵禦等語逆夷益肆  
猖獗不勝髮指浙省洋面現在尚有夷船遊  
奕江浙各處海口均關緊要著該大臣等務  
遵前旨加意防守毋稍疏虞又據海齡奏請  
將沿海通商各馬頭港口嚴密查察暫為一  
律封閉不准一船一人出入俾內地米糧等  
物不致偷漏出洋暗中接濟並擒捕漢奸藉



得探知夷情虛實等語。所奏自係未知收回定海一節。著該大臣等體察目前情形。是否可行。悉心妥議。具奏。海齡摺著鈔給閱看。將此由六百里各諭令知之。○又諭據裕謙奏浙江象山縣營稟報於二月初五日。有未經駛出浙境之夷船十八隻。陸續由北駛至。內九隻先後往南駛去等語。夷船由浙入粵。必由黃巖溫州二鎮所屬洋面經過。據裕謙奏屢查未見稟覆。恐所稱南駛之船難保不竄

入閩境。顏伯燾陳階平現俱駐劄泉州。防堵廈門等處要隘。著仍遵前旨。嚴密巡查。如有夷船滋擾。即著併力攻擊。以示懲創。其有應堵各港。及並著顏伯燾等分飭將弁認真堵禦。毋稍疏虞。是為至要。將此由六百里各諭令知之。○又諭本日據琦善等馳奏虎門礮臺失守。逆夷猖獗。連傷我提鎮大員。殊堪痛恨。現在逆敵方張。距省不過三十里。逼近省城。全在文武大員戮力同心。熟籌防禦之策。

以遏夷氛。著楊芳阿精阿怡良將各省調到官兵。妥為布置。併力守護。務須鼓勵將士。安撫居民。仍將近日如何接仗情形。迅速馳奏。以紓朕念。將此由六百里加緊諭令知之。○又諭據琦善等馳奏逆夷直進內洋。攻破烏涌。離省僅三十里。已降旨飭楊芳等分兵固守矣。逆夷大肆猖獗。必當盡數剿洗。著奕山等無分晝夜。兼程前進。途次如遇調赴粵省兵將。即著帶同前往。並著探明逆夷進兵路

徑。如何密遣兵弁。截其去路。使之首尾不能相顧。奮力殲戮。方可制勝。所有續調各省未到兵丁。著即星夜嚴催。迅速抵粵會剿。是為至要。琦善等摺著鈔給閱看。將此由六百里加緊各諭令知之。○癸未遣官祭賢良祠。○諭內閣前降旨。令護軍統領等將兩翼等門啓閉出入章程查明具奏。茲據濟克默特等查明。每日啓閉時刻。及應行出入人員。並請嗣後前殿各門。俟天明查驗後。落鎖開鎖等

語著照所議辦理。惟所稱應行早開日期。照例開放一節。仍著責成該護軍統領等督飭該管官嚴密稽查。毋得稍有疏懈。○以故扎魯特扎薩克貝勒布木色楞孫三音濟爾噶勒襲爵。○修江蘇黃河口重運撥船從漕運總督朱樹請也。○甲申春分朝。

日於東郊遣成郡王載銳行禮。○諭內閣嗣後朕祇謁

東陵

西陵留京王大臣及步軍統領仍照向例於煙郊黃新莊接駕。其王公大臣等除應行謝恩各員外。餘均毋庸前往。即自本年為始。○諭軍機大臣等。本日據楊芳馳奏抵粵日期防守情形一摺。據奏老城尚屬完厚。士卒協力防守分段援應。可保無虞等語。覽奏稍紓憂念。現在前後調赴粵東官兵已有一萬六千餘名。長春段永福等所帶之兵不及十分之三。計後此赴粵之兵。日內必有續到。可不至

有城大兵單之處。現在逆船駛進內河。即屬深入重地。若能抄出夷船背後。斷其歸路。前後夾攻。可期一鼓作氣。聚而殲旃。著楊芳阿精阿怡良郭繼昌相度機宜。和衷商議。償續到之兵足數。調遣遇有可乘之機。斷不可拘泥專俟。奕山等到省。然後勦辦。兵貴神速。楊芳自知若稍存觀望。坐失事機。豈不大負委任。所奏豫備竹排木桶。迎燒賊船。及設法購致水勇。懸賞殺賊等事。均著照所議妥速辦

理。楊芳久歷戎行。受恩深重。阿精阿怡良郭繼昌均有守土之責。務須同心合力。妥議熟商。應守則守。可戰即戰。一切勦辦機宜。朕亦不為遙制也。將此由六百里加緊各諭。令知之。○又諭。裕謙奏請懸賞招募水勇。以散漢奸。並准各國夷人一體殺賊。請賞等語。逆夷在粵大肆猖獗。現已調集各兵。今奕山等迅加進剿。想該將軍等到粵。自可一鼓成擒。殲茲醜類。惟所調各路官兵。長於陸戰。至出洋

燒擊攻剿或不如水勇之得力。茲據裕謙奏請懸立賞格出示招募。可補兵力之不及。著奕山等即行設法招募。務令悉為我用。以散奸黨而消賊戢。其另片奏請於懸賞告示內。聲敘各國夷人一體准其殺賊請賞。是否可行。並著奕山等酌量辦理。裕謙摺片二件。均著鈔給閱看。將此各諭令知之。○又諭。本日據楊芳馳奏抵粵日期。現在防守可期。無虞等語。覽奏稍紓憂念。前有旨令該將軍等無

分晝夜兼程前進。如遇赴粵官兵。即著帶同前往。計已奉到遵行矣。現在賊船駛進內河。離省止二十餘里。雖據楊芳奏稱防守無虞。情形究屬喫重。著該將軍等仍遵前旨。星夜遡行。遇有赴粵之兵。即催令先赴廣東。俾資防剿。毋任片刻逗留。致有貽誤。楊芳摺著鈔給閱看。再前據裕謙奏請飭將軍參贊將粵省情形隨時知會等語。著奕山等到粵後。隨時鈔錄剿辦情形。知會浙江將此由六百里

加緊各諭令知之。○又諭。本日據裕謙馳奏查探逆夷情形。豫籌防守。一摺。據稱夷船二十餘隻。停泊定海外洋。現在廣東不准通商。難保不竄回定海。已撥兵四千八百餘名。礮五十位等語。所辦尚好。惟策應之兵最為要著。著即會同余步雲先事豫籌。密為調度。毋致臨事周章。該大臣奏建築土城。雇募水勇。均屬緩不濟急。必須安設大礮。請於閩省酌借等情。已諭知顏伯燾等妥籌酌辦。惟閩省

沿海地方亦關緊要。該處新鑄礮位能否多餘。足敷借撥。尚難懸定。據奏閩省委員礮匠已至鎮海。雖製造尚需時日。可免往返搬運之勞。著該大臣迅即飭令該委員等趕緊鑄造。毋誤事機。其修城雇募各事宜。仍著隨時趕緊籌辦。次第舉行。不得以一奏了事。再該大臣前奏請飭粵省知會情形等語。本日已諭知奕山等矣。將此由五百里諭令知之。○又諭。前據裕謙奏參升任甘肅藩司周開麒

託故推諉當降旨令其開缺交部嚴加議處仍留浙江差委該部議上時自必照議革職惟現在定海辦理各事宜是否必須該員經理並該員能否得力之處著裕謙確切查明據實具奏再降諭旨將此諭令知之又諭本日據裕謙奏定海需用大礮請借閩省礮位一摺據奏閩省舊礮本多復有新鑄大礮請酌撥八千斤六千斤大礮各數位備帶合膛鐵彈各數百粒迅速解赴定海其工料價值由浙江軍需局撥還俾續鑄補數等語現在夷船停泊定海外洋自應豫籌防守惟閩省沿海地方亦關緊要著顏伯燾吳文鎔體察閩省現在情形如新舊各礮準備本省防堵之外實有多餘足數借撥即照裕謙所請如數借給不得稍存畛域之見儻僅數本省之用不能再有贏餘著一面據實具奏一面知照裕謙毋致顧此失彼是為至要將此由五百里諭令知之尋奏查閩省新舊礮位早

經分設上下游各府及臺灣澎湖等處前准裕謙咨借已據實咨覆報聞又諭裕謙奏敬陳沿海情形一摺據稱喫逆所恃惟船與礮夷船喫水甚深不畏風浪而畏礁淺瀕海各城外有淺灘十數里便不能駛近若該逆改換三板小船祇可裝載二三十人便不敢遠離大船一經登岸不難殲擒至於數千斤大礮祇可施於深水外洋不能施於近岸之內洋內洋施放亦止一二千斤及數百斤之礮較官礮畧遠一二里然亦止及數里以內實無遠及十餘里之事灘距岸遠船不能近礮即不能及再沿海洋面水中沙線千條萬縷南洋多石島之明險北洋多沙線之暗險夷船畏暗險甚於明險並非處處堪虞港港可入等語著沿海各將軍督撫通飭所屬縣營徧歷本屬洋面測量水勢淺深灘岸遠近沙線險易何處小舟可通而重載大船不能到何處內地大船可通而外洋大號夷船不

能到以及港岸口門距大洋若干里水深若干丈城池距岸距灘距洋若干里險陷暗礁若干處一一試探分別最要次要何處應安兵礮防守何處應令地方居民自為團練防守何處無庸防守一面修理軍械操練兵丁籌備糧餉製造鉛彈火藥整飭塘汛驛站以期有備無患仍著隨時偵探先行曉諭沿海各處居民如有夷船入境嚴禁淡水食物接濟如敢故行接濟者即集首示眾逆船若駛近口岸相度礮力能及再行開礮轟擊儻鋌而走險或入淺灘或登陸岸即著大加剿洗該將軍等務各酌量情形分別妥辦勿涉張皇亦毋稍貽誤是為至要將此各諭令知之

以禮部尚書龔守正兼署工部尚書以福建金門鎮總兵官實振彪為廣東水師提督以成都將軍標中軍副將琦忠為湖南鎮筵鎮總兵官○改派工部尚書廖鴻荃會同兵部右侍郎端華敬謹承修

永陵

啓運殿及盛京清寧宮鳳凰樓各工賞故吏部尚書朱士彥子百行首谷舉人百城百梅副榜乙酉諭內閣訥爾經額奏請將辦理失當之知府及冒昧妄擊之外委分別察議斥革等語此案已革道員廖均與形跡可疑之譚林同行現當盤詰奸宄嚴緊之時自應詳加查訊經訊弁拏獲送府該府於質訊後仍復併請提省均無不合河間府知府哈忠阿著加恩免其交部察議富莊驛經制外委趙德元亦著免其斥革譚林著遞回寄籍查明有無不法情事照例覈辦至廖均供稱欲圖投效軍營即屬不安本分著即遞回原籍交該地方官嚴加管束毋許出外滋事○又諭色克精額奏請將特符庇玩之呼圖克圖等分別嚴議察議等語此案達喇嘛等違例私開牧地經該將軍查辦該呼圖克圖反行護庇狡展不服聽斷實屬有意抗違多倫諾

爾昭幹珠爾巴諾們汗呼圖克圖著交該衙門嚴加議處內齊託音呼圖克圖於該將軍查傳之喇嘛疊次催提不即送案亦屬玩延著交該衙門察議又諭此案護軍德明膽敢糾同韓七十兒潛入禁城行竊庫銀韓七十兒明知內庫重地輒聽糾肆竊多賊情罪均重德明著即處絞韓七十兒依議應絞著監候秋後處決護軍巴罕太雖訊不知德明行竊情事惟因與素識輒縱令擅入禁城護

軍奇車布於德明寄放多賊知情不首巴罕太奇車布著革去護軍照擬杖六十徒一年該犯等情節較重均著實發熱河充當苦差不准照例折枷以示懲儆諭軍機大臣等本日據阿精阿等馳奏防守省垣情形一摺據奏逆夷攻破烏涌連牆駛入逼近省城現將存城滿漢官兵分布嚴防並於礮械之外多備灰石以備攻擊等語覽奏均悉昨據揚芳奏省城可期無虞降旨令該大臣與該將

軍等相機商辦由六百里加緊寄發計已接奉在先著阿精阿遵照昨旨與楊芳怡良等和衷商酌嚴密防範省垣關繫緊要母任稍有疏虞仍飭屬嚴查漢奸以防勾結將此由四百里諭令知之又諭據扎拉芬奏續獲山西平定州民李芝攜帶鈔來夷檄符書碑文請旨飭交刑部嚴訊一摺李芝一犯著交著英會同盛京刑部奉天府尹親提嚴訊其李芝供出之宋悃寶何玉林張玉崑三犯

即著著英迅派幹員按名拏獲歸案審訊確切根究來歷扎拉芬奏原摺及李芝供詞並所鈔夷檄夷供一本碑文一紙均著發給閱看將此密諭知之尋奏訊明李芝攜帶夷書雖無傳播煽惑別情實屬不安本分應照私藏妖書不送官律擬杖徒遞回原籍張玉崑鈔存治病符呪並未行用應與收藏識緯碑文之何玉林照收藏禁書律擬杖宋悃寶聽從鋪東指使並不識夷書字句應請免議下

部議從之。直隸總督訥爾經額覆奏遵查直隸抄產入官地三千二百一頃有零。除英和入官地一百五十五頃零。向由內務府莊頭承攬交租。嗣因莊頭革退。仍俟內務府挑派給領交租外。其餘歲徵租銀係為八旗兵丁年賞及新滿洲官兵地租銀兩。並恩賞大名鎮營公費之用。如一律變價。應由部另撥籌補。下部議尋議查前項地畝為每歲經費之所必需。如一律變價。豈能同時售出。每歲

少徵銀三萬數千兩。戶部亦無籌備之款。且以該督所報項數叢計。所獲有限。於事無濟。而久經入官徵租地畝。忽行勘變。吏役轉得從中滋擾。未便議行從之。以廣東順德協副將楊登俊為福建金門鎮總兵官。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十八

監修 應扶它魏廷日講起居注官太子太保體仁閣大學士文淵閣領閣事掌戶部事務上書房總師傅翰林院掌院學士兼管順

天府府尹事務隨而五載紀錄十八次以賈植鵷哉官題廷謀官吏部尚書鎮茲漢軍都統管理新營城內官序大臣侍察內

七倉大臣指聚會同四譯館書場一類隨帶加六級軍功加三級紀錄五次臣花沙納經廷議官文淵閣提舉閣事兵部尚書禮部

內務府大臣鑲白旗滿洲都統穆爾察內七倉大臣管理宗人府銀庫左翼幼學學空喜富圖等處稽提聖御茶膳房御藥房太

醫院造冊處奉洛陽京卅十八號 主阿靈河副總裁官魏廷諱官兵部尚書隨帶卅六號犯銀二十次 周祖培等奉

救修

道光二十一年辛丑三月丙戌朔諭內閣琦

忠韓振先。前有旨令其折回本任。現在無論行抵何處。著即馳驛改赴廣東。交奕山等差遣委用。○又諭周天爵著改發廣東效力贖罪。並著河南陝西巡撫迅即查明該革員行抵何處。飭令解赴廣東軍營。交奕山等酌量差遣。○又諭據刑部等衙門奏審訊舉人彭嗣昌等分別定擬一摺。彭嗣昌車輛雖據供稱誤入圓明園檔木內。惟宮衛重地。體制攸關。該衙門擬以笞四十實屬輕縱。彭嗣昌著

即革去舉人免其治罪其車夫白景奎著照例責懲○諭軍機大臣等本日據奕山等馳奏逢次調兵赴粵一摺前有旨將前調赴浙之湖廣兵二千八百名改赴廣東並調廣西兵二千名迅赴粵東聽候調遣於二月二十三日由六百里加緊諭知該將軍等計日內當已接奉矣所請將調赴浙江之韓振先琦忠二員赴粵差委已明降諭旨准行該二員前有旨令其折回本任琦忠昨已補授鎮筵

鎮總兵現據該將軍等奏現在中途尚未回任即著該將軍等就近飭令改赴廣東聽候差遣並知會陝西湖南四川等省一體遵照計該將軍等此時當已行抵江西著即星夜遄行無拘水陸迅即馳抵廣東省城以慰民望其另片所請將周天爵改發廣東之處已明降諭旨如所請行矣將此由六百里諭令知之○以拏獲偷竊庫銀賊犯賞內務府九品頂帶番役瑞泰等八品頂帶無頂帶委署



頭目祥瑞九品頂帶○旌表守正捐軀直隸  
安州民陳驢子妻田氏○丁亥

上詣綺春園問

皇太后安○山海關副都統富勒敦奏請陞  
見得旨暫緩來京即赴新任一切防勦機宜  
同哈琅阿小心籌辦毋忽○以故奉恩將軍  
伊忠阿孫志祥襲職○戊子湖廣總督裕泰  
奏飭令有缺州縣各回本任以重職守得旨  
所辦甚是○以工部尚書敬徵總理行營事

己丑

上御勤政殿聽政○諭內閣此案江西生員劉  
萃等流布傳單煽惑鄉愚勒派訟費實屬不  
安本分著該撫飭屬查拏嚴究確情按例定  
擬具奏尋巡撫吳文鎔奏劉萃因聞有欽差  
來江西查辦閩廣煙匪案件經過新喻縣地  
方遂妄稱查辦新喻一案寫立傳單按村散  
布各花戶湊錢交收以作訟費職員袁珍知  
係哄騙劉萃復商同萬廣堯等糾搶袁珍店

內錢物洩憤種種不法實為棍徒之尤應請  
發極邊充軍餘分別問擬杖徒下部議從之

○諭軍機大臣等顏伯燾奏廈門防勦情形  
一摺廈門一島孤懸閩南遠控臺澎近接金  
門與粵東毗連為全閩咽喉門戶該督於抵  
任後親赴履勘在各海口安設礮位哨船並  
派兵丁水勇等備禦儻有夷船竄至不難截  
擊兇擒此外如尚有應需添兵安礮之處著  
該督酌量情形相機妥辦現在逆夷雖退出

定海難保不竄入閩洋前經降旨令顏伯燾  
嚴密巡查分飭員弁防堵之處諒已次第部  
署該督即暫回泉州居中策應總期聲勢聯  
絡使賊兵不敢侵犯設或竄突閩洋即當併  
力攻擊痛加勦洗以伸天討而快人心方為  
不負委任將此諭令知之○又諭耆英奏山  
海關拏獲攜帶夷書人犯據供所存夷書聞  
由承德縣禮房經承傳洛步處拏來現在查  
無其人等語此案臨榆縣民曹煥英等攜帶

鈔來夷檄一紙經扎拉芬奏擊獲具奏已降旨交著英會同盛京刑部奉天府尹嚴行審訊並飭緝店夥李讚廷朱老起經承傳姓三犯歸案訊完並諭知扎拉芬將曹煥英張泳成二犯解往盛京審辦該將軍等接奉後自己遵旨辦理矣著者英等一俟人犯解到即行會同嚴訊務將夷書來歷切實根究斷不准稍有含混至經承傳洛步查無其人難保無改易姓名捏詞掩飾情事務須嚴密訪

拏確切訊究按律懲辦以杜奸萌將此諭令知之又諭著英等奏請將火藥加工製造以重軍需一摺著照所請將庫存道光十九年二十年火藥及本年應造火藥二萬七千一百五十餘斤依福建水師提督陳階平條奏將硝斤妥為煑煉火藥加添工料督飭如法碾造以資利用又另片所奏購買瓦缸盛貯火藥並於缸口用鉛裹木蓋使硝不致潮溼走瀉等語著照所議行其需用銀三百十

七兩零著准其在漫餘閒款項下動支將此諭令知之○命怡親王載垣在御前大臣上行走○以刑部石侍郎德誠兼署鑲黃旗滿洲副都統○福建水師提督陳階平以老病休致調廣東水師提督寶振彪為福建水師提督以福建海壇鎮總兵官吳建勳為廣東水師提督○展緩江西贛州等幫分限買補漂失米石○庚寅諭內閣昨因廣東虎門礮臺失守提督等陣亡降旨令兵部議卹茲據

該部議奏原任廣東水師提督關天培除照例賞給銀兩准予世職外著該督撫查明伊子孫幾人均於服闋後送部帶領引見候朕施恩原任廣東海口營參將奏補香山協副將劉大忠著加恩照副將例賜卹原任廣東碣石鎮標右營都司奏署水師提標左營遊擊麥廷章著加恩照遊擊例賜卹該二員應得卹典該部另行議奏原任湖南鎮軍鎮總兵祥福左營嚴門遊擊沈占鼐提標左營中

軍守備洪達科均照該部所議賜卹該六員統領士卒為國捐軀均堪憫惻著該督撫於事竣後即在遇害地方建立專祠以慰忠魂而彰節義○又諭前據給事中朱成烈奏吉林阿勒楚喀雙城堡及伯都訥圍場大封堆地方均有未墾荒田請旨查辦當降旨交惟勤詳查具奏茲據該署將軍等查明阿勒楚喀所屬雙城堡三屯成熟地畝除移駐京旗及原撥開地旗丁按戶授田外其未來京旗應授之田現由承種原丁納糧出糶歸補設立屯田原款新城局珠爾山等處地畝所收租錢係搭放該處官兵俸餉其餘地畝或係隨缺收租以作公費或留備無業可歸之退革兵丁作為恆產至伯都訥珠爾山並大封堆外閒荒均係溝窪蘆蕩不堪開墾自係實在情形該給事中所奏著毋庸議○賞怡親王載垣三眼花翎○以福建臺灣水師副將江繼芸為海壇鎮總兵官○甘肅西寧鎮總

兵官馬麟輝以年老休致調寧夏鎮總兵官昌伊蘇為西寧鎮總兵官以四川馬邊協副將王應熊為寧夏鎮總兵官○辛卯諭內閣楊芳奏抵粵查明前此湖南官兵在烏涌與賊相持除礮擊汨溺外短兵相接斫斃逆夷多於陣亡官兵等語可見我兵精銳奮勇直前若使調度有方必不致孤軍失守茲據奏稱陣亡鎮將備弁三十一員兵丁四百十五名除業經降旨賜卹外其餘均著該督撫查明分別奏咨議卹以慰忠魂至楊芳經朕特授參贊大臣抵粵後即能相機布置籌備合宜危城立保無虞逆夷不敢近逼各軍民等現在安堵如常同心協力誓必滅賊指日大兵雲集即可迅奏膚功楊芳曉暢軍務先聲奪人深堪嘉悅著先行交部從優議敘○又諭本日據兵部題奏廣東水師提標中營千總張清齡題補大鵬協守備尚未議准具題應照千總原銜議卹等語張清齡著即照守

備賜卹該部照例辦理○諭軍機大臣等楊芳奏布置攻守機宜一摺辦理妥協周密可嘉之至朕心甚為欣悅已明降諭旨將楊芳先行交部從優議敘矣粵東省城軍民雜處經此一番布置人心大定可期眾志成城計日奕山隆文等抵粵大兵雲集必可分兵進剿抄前襲後使該夷首尾不能相顧即令奕山等抵粵稍遲所調各路官兵陸續趕到諒楊芳必能出其不意突用奇兵爭先制勝朕

日夜盼望捷音以紓廛念至該參贊片稱將來改水師為陸路並添築寨堡之處著將軍參贊督撫會同妥議具奏將此由六百里加緊諭令知之○又諭裕謙奏查明夷船遊奕情形並鑄礮籌備火藥各一摺覽奏均悉該夷船未經全出浙境甚屬叵測現在定海兵力甚厚昨又降旨飭令裕謙駐劄定海督兵防守著仍遵前旨嚴密防範毋稍疏虞所有鑄礮及籌備加工火藥均著照所議辦理惟

製礮在於適用礮斤兩過重取料未能純淨鎔鑄未盡得宜恐一經轟擊易於炸裂轉致害事著該大臣督工選造認真講求至火藥為行軍要需著即飭劉韻珂多為豫備務期如法配合加工春煉勿使有名無實朕聞喫夷前在定海曾向伊里布索取甕器迨經送去該夷因不合意退還又伊里布與喫夷有無往來通信及私相饋送之事著裕謙密查據實具奏不可隱瞞代人受過至另片奏周

開麒已赴定海等語昨曾降旨飭令該大臣查明該藩司是否辦公得力據實具奏俟奏到再降諭旨本日楊芳具奏摺片三件鈔給閱看將此由六百里諭令知之○又諭伊里布上年抵浙後所有琦善給伊里布文書信件著伊里布即包封進呈不准有一件藏匿自取咎戾將此諭令知之○又諭現在廣東省勦辦逆夷兩廣總督廣東巡撫及粵海關監督自本年端陽起所有例進貢物俱著暫

行停止。俟夷務完竣後再行照常呈進。將此諭知祁墳、怡良並傳諭克明額知之。○以故蘇尼特貝勒那木濟勒多爾濟子三達瓦喇襲爵。○以大學士王鼎為會試正考官。兵部尚書祁寓藻、戶部左侍郎文蔚、工部左侍郎杜受田為副考官。○以刑部右侍郎德誠兼署京營右翼總兵。○以捐修陝西南鄭縣城垣予知縣陳捷魁優敘。○壬辰諭內閣：各省驛站馳遞文報現當軍務緊要必須按限行里數遞到刻不可緩。前經降旨通諭各省督撫嚴加整飭如該州縣有遲誤之處立即嚴叅該督撫等諒必恪遵辦理其廣東江西兩省驛站或山路崎嶇或風水阻滯尤宜豫為籌辦著該督撫等各飭所屬不分水陸多備夫馬船隻遇有軍報飛速接遞毋得遲延干咎。○又諭怡良等奏前奏陣亡之香山協副將劉大忠一員續行查得該副將於落海後鳧水遇救得生等語所有劉大忠卹典著即

撤銷該部知道。○諭軍機大臣等本日據怡良等奏逆夷兵船遊奕二沙尾等處力籌守城情形一摺逆夷攻破烏涌致廣西副將周枋接仗陣亡已明降諭旨交部議卹矣廣東二沙尾大黃滘等處逼近省城該署督等分派將弁兵丁於城廂內外竭力防堵足資捍衛並經楊芳到粵後飭局購備竹木排桐油棉花草船等物以備攻剿從此聲勢聯絡互相援應俾附城居民得以安堵無虞辦理尚為周密並著確探逆夷情形可戰即戰可守則守務當相機妥辦惟據奏出示招回漢奸使之立功免罪散其黨羽瀕海地方漢奸交通逆夷接濟水米自應設法招徠以杜勾結但既係漢奸自必形蹤詭秘一時無從辨別現在該署督等作何辦理能否招之使來著即查明附報具奏將此由六百里諭令知之。○又諭據怡良等奏飭令藩司梁寶常攜帶庫銀十五萬兩隨帶委員駐劄佛山鎮設局

支應並暫將關庫稅餉等項提貯內城嚴密防守等語。辦理尚為周妥。用兵以糧餉為先。前經降旨。派江西藩司趙炳言。廣東藩司梁寶常。辦理糧臺。梁寶常近在粵省。趙炳言自應赴兩省交界處所會同辦理。其應如何分路設立糧臺。以利轉輸。俾得源源接濟之處。著怡良等會同奕山。隆文。楊芳酌量情形。督同該藩司等安設妥辦。至佛山距城六十里。設局駐劄。自足以備不虞。其關庫銀兩提貯

內城。可期穩固。或有不妥之處。亦宜酌量分貯他處。該署督等盡心籌畫。務臻萬全。至劉大忠一員。既因遇救得生。已降旨將卹典撤銷。其慶宇達。邦阿二員。究竟如何下落。著查明具奏。將此由六百里諭知怡良。阿精阿。並傳諭趙炳言。梁寶常知之。○以協辦大學士吏部尚書湯金釗。署翰林院掌院學士。○以禮部尚書奎照。兼署工部尚書。○以協辦大學士吏部尚書奕經。兼署理藩院尚書。○以

睿親王仁壽。署鑲藍旗蒙古都統。○以鑲白旗蒙古副都統白文治。兼署正黃旗護軍統領。○命貝子綿勳在乾清門行走。○癸巳

上詣綺春園問

皇太后安。○諭軍機大臣等。據祁墳奏。中途疊奉廷寄。欽遵辦理。並先飭藩司運解餉銀。安設糧臺等語。現在廣東省城。自楊芳到後。民情安堵。尚堪固守。指日大兵雲集。即可分路進剿。此時奕山等諒與該督先後到粵。該督

所奏多雇漁船水勇。以助官兵。並置備柴草火船。以待攻剿各事宜。楊芳等亦已奏明豫備。當不致臨時貽誤。至部撥餉銀。已據江西藩司趙炳言稟報。撥銀六十萬兩。解赴贛南二府暫存。陸續轉解。廣東南韶連道庫收貯。此外應如何分別撥解之處。著商同奕山等妥為辦理。該督有地方重任。著即駐劄省城。督同趙炳言。梁寶常。辦理糧臺。至該藩司等應如何分路駐劄。以利轉輸。著祁墳酌量妥

辦總期源源接濟無誤供支是為至要再據駐藏大臣孟保等奏廓爾喀國王稟稱披楞與京屬漢人爭戰被京屬燒燬洋船情願去打披楞等語經該大臣等婉為飭駁旋查得披楞為啖咭喇所屬該國人常在廣東貿易其與京屬打仗據稱在聶噶金那地方因在外洋不能指實界址惟知披楞之東係噶哩噶達地方直達廣東又稱第哩巴察為西南一大國噶哩噶達及披楞皆其所屬而該夷

向呼啖咭喇為第哩等語究竟披楞是否即啖夷所屬與廣東相去遠近若何並著祁墳查訪具奏孟保等原摺著鈔給閱看將此諭令知之尋奏查加爾格打係噠呀啦地方之內城為啖咭喇屬國因夷人呼加為噶呼爾為哩故亦名噶哩噶達其地計水程二十餘日可到廣東披楞在噶哩噶達之西亦啖咭喇所屬啖夷呼官長為第哩未聞有第哩巴察之名聶噶金那即聶噶釵那倒譯作在中

國海岸五字報聞○甲午

上啓鑒恭謁

西陵○詣盧溝橋

龍王廟拈香○撥湖北司庫銀買補荊州倉

災缺兵米從總督裕泰請也○免蹕路經過

地方本年額賦十分之三○是日駐蹕黃新

莊行宮○乙未遣官祭

歷代帝王廟○諭軍機大臣等耆英等奏酌

擬添造檣槍一摺據稱鼓鑄大礮工費浩繁

且稽延時日檣槍檣演試放頗能致遠現飭

協領恆升等籌款依式監造一百三十桿分

撥金州各城每十桿為一排勤加操練足資

防禦等語著照所議辦理該將軍等務當如

式造辦並飭沿海地方官認真演習總期嫻

熟利用不可有名無實又另片奏前次奏准

添設鳥槍九百八十桿若由京部製造往返

需時現亦揀派恆升等先行墊款造成七百

桿其餘仍令趕緊製造暫分各城先資防禦

等語亦著照所議辦理。惟火藥為軍政要需，前據該將軍奏明派員製造，著即嚴飭承辦各員，如式配合，加工春煉，務期多多益善，均堪適用，將此諭令知之。○致仕大學士文孚卒，贈太保命惠親王綿愉帶領侍衛十員往奠茶酒，賞銀一千五百兩治喪，予祭葬，諡文敬，入祀賢良祠，並予其孫筆帖式裕瑛服闋後，以主事即補。○予故福建學政大學士朱珪刑部尚書史致儼吏部右侍郎張麟入祀

名宦祠。從巡撫吳文鎔請也。○是日駐蹕半壁店行宮。丙申。

孝賢純皇后忌辰遣官祭

裕陵。○諭內閣：本日據楊芳馳奏，逆夷欲進省，河官兵奮力擊退一摺。噶逆於二月二十四日駛駕兵船闖進省河，經楊芳等先期豫備，擇要埋伏，逆船開礮轟擊，總兵長春被礮子擦傷右額皮破血流，仍復奮不顧身開礮迎抵，擊沈逆夷三板船二隻，人船俱沒，並將其

大兵船擊斷大桅，該逆勢極倉皇，即時退出。等語。自噶夷犯順以來，從未受創，此次擊沈夷船二隻，殲斃夷匪多名，洵足伸天威而寒賊膽。參贊大臣楊芳調度有方，出奇制勝，朕心實深嘉悅。著交部從優議敘。南領鎮總兵長春帶傷督戰，忠勇可嘉，著加恩賞戴花翎，並賞給格特呼勇巴圖魯名號。此次傷亡弁兵及在事出力官弁，著該大臣確切查明具奏。○又諭牛鑑奏請暫借運庫銀兩趕辦衛

河要工一摺。豫省新衛河前因積淤，奏准興挑，所需銀六萬二百餘兩，因係運鹽專道，應由蘆商集資解豫。現在解到二萬二百兩，下短銀兩應隨引分捐，未能剋期集數。據該撫查明要工萬難停緩，捐款緩不濟急，著照所請，准其暫於長蘆徵存加價款內撥銀四萬兩趕緊解豫，以濟急需。此項銀兩仍著該鹽政按限嚴追清款，無任延宕。該部知道。○諭軍機大臣等：本日據楊芳馳奏，逆夷欲進省



河官兵奮力擊退一摺據奏二月二十四日  
逆夷乘駕兵船闖進省河南鎮總兵長春  
帶傷抵禦擊沈三板船一隻夷眾盡行落水  
復將一隻打穿人船俱沒其大兵船亦被擊  
斷大桅該逆倉皇退出等語覽奏為之一快  
已明降諭旨將楊芳交部優敘矣計奕山隆  
文此時當已行抵廣東所調各處官兵必已  
源源抵粵著即和衷計議乘勝進剿總須斷  
其歸路四面兜擒方可盡數殲除至該逆所

占香港務須設法克復使逆夷永絕窺伺方  
為不負委任再此次楊芳所用之礮是否係  
廣東舊有之物其擊斃夷匪數目著一併查  
明據實具奏將此由六百里加緊諭令知之  
○是日駐蹕秋瀾行宮○丁酉賞蹕路經過  
看守各行宮弁兵半月錢糧○是日駐蹕梁  
格莊行宮翼日如之○戊戌

上恭謁

泰陵

泰東陵

昌陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員  
均隨行禮○至龍泉峪

孝穆皇后

孝慎皇后

孝全皇后陵寢奠酒閱視

寶城○已亥清明節

上恭謁

昌陵未至碑亭即降輿慟哭步入

隆恩門詣

寶城行數土禮畢詣

隆恩殿行大饗禮禮成詣

寶城前行禮叩辭奠酒盡哀乃退王以下文武

大臣官員均隨行禮○遣官祭

永陵

福陵

昭陵

昭西陵

孝陵

孝東陵

景陵

秦陵

秦東陵

裕陵○遣官祭

孝穆皇后

孝慎皇后

孝全皇后陵寢（遣官祭）

端慧皇太子園寢○諭內閣恩桂等奏查驗  
龍泉峪各項樹株按照奏定章程數目有贏  
無絀惟回乾松柏檜樹一百餘株其餘各樹  
株因採辦不齊澆灌不足不能一律蕃茂等  
語著即嚴飭該賠員等將回乾樹株趕緊如  
數補齊并飭勤加澆灌務期於明春一律蕃  
盛以壯觀瞻○又諭所有補種

三陵海樹一千一百二十株是否補足著松峻  
查驗具奏○諭軍機大臣等著德興即將

東陵

列聖

列后陵寢及各處妃園寢敬謹繪圖黏貼黃簽  
書明位號具奏將此諭令知之○以內閣學  
士恩華兼鑲藍旗蒙古副都統○是日回鑾  
駐蹕秋瀾行宮○庚子諭內閣吳其濬奏拏  
獲鄰省會匪請解歸犯事地方一摺此案朱

義興等三犯。臺經郴州及委員研審。供認在廣東樂昌縣。聽從曾寶和結盟拜會。分給紅布尖刀。名為紅會。甚為確鑿。乃樂昌縣覆訊曾玉湖及販煙之羅倡魁等。俱供並無糾邀拜會。分給刀布等事。是否曾玉湖等特無實證。串供就避。抑係樂昌縣規避處分。故為消弭。著怡良提集全案人證。嚴審確情。按律定擬具奏。無任將就了案。致有不實不盡。餘著照所議辦理。尋奏訊明羅倡魁陳茂才朱義

興李其清黃阿錢等託曾玉湖販賣煙土曾玉湖恐被獲供出受累起意拜盟設誓經樂昌縣訪聞查拏提訊實無歃血焚表及開設煙館情事曾玉湖等均應照販鴉片煙土僅止一二次為數不及五百兩為首例發新疆給官兵為奴下部議從之○又諭吳文鎔奏定擬煙犯翻控請飭覆審一摺此案廣東潮陽縣監生姚嘉等前因興販鴉片分別問擬茲據該撫奏稱姚嘉之母姚鄭氏以伊子姚嘉等並未興販鴉片係被鄭認挾仇誣扳赴該撫衙門具控虛實自應徹底根究著顏伯燾提集人犯嚴審確情按律懲辦所有本年秋審案內著暫行扣除俟審明再行分別辦理該部知道○又諭德春等奏糧船抵通未能即時起卸一摺本年山東首幫糧船抵通因閘工未竣不能蓄水運行著准其暫緩起卸一俟橋工完竣開閘放水即行驗收所有該承修大臣於應修工程未能趕緊先行

修整致誤糧石起卸著交部查取職名議處○諭軍機大臣等本日據奕山等奏逢次檄調藩司趕辦後路糧臺酌撥火藥礮位一摺覽奏均悉攻剿逆夷自以兵食為要器械礮位必須豫為籌備方可無誤事機據稱先飭江西藩司趙炳言赴南安駐劄趕緊採辦兵糧順遞南雄一帶以備支放又調安徽備貯火藥及江西火藥並硝磺數萬斤先行解粵造作進攻火器之用並請將湖廣廣西存貯大礮迅速解往以備攻剿等語俱著照所奏辦理所有請運礮位已另降諭旨令裕泰吳其濬梁章鉅迅速解往矣廣東鳳凰岡有二月二十四日之捷省城自可無虞該將軍等星速前進計接奉此旨當在抵粵之後務即會同楊芳等熟籌妥辦一俟大兵齊集即設法斷其歸路痛加勦洗以彰捷伐而振國威將此由六百里加緊諭令知之○又諭本日據楊芳馳奏逆船駛進省河旋即退出一摺

此次該逆大小兵船七隻火輪船三隻三板船二十餘隻闖入省河施放礮箭因省城內外周密巡防竄出白鵝灘中心下碇旋即開離省河等語所辦尚好據奏咪喇堅領事稟稱到粵經年被喫夷牽累不能開艙並嘆國帶貨商船請准一體貿易並據洋商呈出義律筆據代懇通商等情此係該逆奸謀懈我軍心惟現在大兵未集不敷調遣著楊芳設法羈縻俾不得遠遁外洋致將來攻勦費手

其現在如何從權制馭之處朕亦不為遙制奕山隆文計已抵粵著即妥籌密商一俟續調官兵礮位足數勦辦水勇快艇足資遣用著仍遵前旨斷其後路四面兜擒克復香港以副委任將此由六百里加緊諭令知之○又諭本日據裕謙馳奏東渡定海日期擒獲夷匪正法一摺浙江洋面既有夷船遊奕應即合圍勦擊據奏誘擒白夷一名殺傷逆夷三名並奪獲夷槍鉛子皮袋等物訊係運送

糧食接濟已將逆夷在軍營正法等語所辦是惟此船所運何項糧食白夷一名如何誘擒逆夷三名如何殺傷是否兵勇上船抑係誘令登岸其所乘夷船現在作何下落著裕謙確切查明據實具奏又另片奏定海善後定見仍回鎮海軍營以禦為勦以守為攻杜絕接濟嚴防要隘僅駛近口岸度量礮力能及即行轟擊或誘令登岸勦洗等語所見極合機宜仍著趕鑄礮位訓練兵勇探有夷船

蹤跡度量礮力能及即行轟擊務須大加勦洗以示國威又另摺奏擒獲不經夷書著即對眾銷燬以免傳播將此由四百里諭令知之尋奏白夷喂咪喇帶同黑夷五人駕坐三板小船在青龍洋面遊奕經外委莊國賓將喂咪喇得獲住其受傷三人及未受傷二人乘間逃回向東南外洋疾駛而去至船內所運糧食前據喂咪喇供係豬羊肉乾麥麵餅等物報聞○又諭本日據奕山等馳奏

湖南廣西存貯大礮甚多足資守備等語著裕泰吳其濬於該省存貯大礮揀擇數十尊迅速解粵以資攻剿又據吳其濬片奏訪聞喫夷遣漢奸數人赴連州南雄一帶煽惑等語湖南郴桂一帶界連兩廣現當逆夷滋事之時難保無匪徒勾串情事著吳其濬嚴飭該處文武員弁不分畛域實力訪拏儻有匪黨滋擾著即撥兵剿除屆時該撫察看情形如須親往彈壓即前赴該處督辦務使及早

撲滅毋任蔓延將此由六百里加緊諭令知之又諭據梁章鉅奏探聞粵東喫逆滋擾出省防堵一摺廣西梧州與廣東壤地緊接現在該夷既在廣東肆逆難保不竄入西境著梁章鉅帶領兵弁親往該處督同防堵彈壓以安民心並嚴查漢奸無使勾通潛入俟逆夷擊退該撫察看情形如可無庸駐劄即行回省辦事至片奏揀選礮位既不能一時鑄造現據奕山等奏廣東需用大礮甚急著

該撫即將省城並南寧營舊存大礮十二尊同各營五百斤以上之礮數十尊迅即一併解往以備攻剿毋稍遲延將此由六百里加緊諭令知之○欽差大臣江蘇巡撫裕謙奏清字清文非旗人不能諳習該逆何竟有之實堪駭異是否暗屬漢奸設法哄誘代其繕寫圖行反間之計抑或廣東駐防中竟有習教通夷之人均未可定應請俟夷務平定後飭交廣州將軍會同督撫嚴密查辦得旨所

見固是然二百餘年以來內地漢人能習清文者自必有之即如在京各部書吏中必有粗通清文摹倣清字者何足怪哉理藩院書吏頗有通蒙古文字者亦類此也決非我八旗之所為○撥河南山西銀五十萬兩備直隸海防經費從總督訥爾經額請也○撫卹越南國遭風難夷如例是日駐蹕半壁店行宮

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十九

出師親征官親征日講起居注官太子太師親仁閣大學士文淵閣學士禮部尚書戶部尚書兵部尚書吏部尚書  
大理府尹等奉旨諭旨加三級九級十八次王曾祺奏官親征日講起居注官太子太師親仁閣大學士文淵閣學士禮部尚書戶部尚書兵部尚書吏部尚書  
七倉大臣等奉旨諭旨加三級九級十八次王曾祺奏官親征日講起居注官太子太師親仁閣大學士文淵閣學士禮部尚書戶部尚書兵部尚書吏部尚書  
內務府大臣等奉旨諭旨加三級九級十八次王曾祺奏官親征日講起居注官太子太師親仁閣大學士文淵閣學士禮部尚書戶部尚書兵部尚書吏部尚書  
習武巡撫等奉旨諭旨加三級九級十八次王曾祺奏官親征日講起居注官太子太師親仁閣大學士文淵閣學士禮部尚書戶部尚書兵部尚書吏部尚書

道光二十一年。辛丑。三月。辛丑。禮部議准廣

東巡撫怡良疏報探訪連平州節烈婦謝卓  
氏等一百五十九口。請建總坊旌表。從之。○  
旌表守正捐軀廣西天河縣民鄭倡達妻魏  
氏。○是日。駐蹕黃新莊行宮。○壬寅。

上還圓明園。○詣綺春園問

皇太后安。○癸卯。

上詣

安佑宮行禮。○諭軍機大臣等。本日據恩特亨  
額奏請補伯克一摺。已降旨將擬正之邁瑪

特塔塔里克補放矣。該參贊大臣摺內奏稱揚威將軍長齡等曾經奏明嗣後各城三品阿奇木伯克九缺暨各城伊什罕伯克仍令迴避本處等語。此次擬陪之伊薩克何以並不迴避本處。著圖明額查明具奏。將此諭令知之。尋奏遵查恩特亨額奏補伯克並未迴避本處。係照成案辦理。下理藩院議從之。○又諭現當勦辦噶夷。恐智窮勢蹙。分赴各海口滋擾。盛京最關緊要。首宜扼要防堵。昨據

耆英等奏添造擡槍一百數十桿。鳥槍九百數十桿。均經降旨允准製造。以資守衛。儻該夷舍舟登陸。便可轟擊制勝。諒該將軍等已迅速趕辦。並將火藥加工舂煉。如式配合。惟擡槍鳥槍均係陸路施用。未能及遠。設使夷船駛至。非大礮安能破敵摧堅。盛京大礮無多。據奏少則不敷分撥。大則工費浩繁。自係實情。然根本重地。所關匪淺。既不可畏難苟安。亦難因噎廢食。况夷船所放大礮。不必登

岸。已能及我。若無禦敵之具。何以固要隘而衛軍民。該將軍駐劄海口。已閱數月。該處情形諒均熟悉。萬一夷船駛回滋擾。我兵如何抵禦。及有無把握之處。著據實具奏。將此諭令知之。○甲辰諭內閣。國家設科取士。原以儲蓄人材。用備他日棟梁之選。該士子等宜如何謹飭自愛。勉副甄陶。勿存倖進之心。常切懷刑之懼。乃近來士習未醇。往往懷挾入場。冀圖鈔襲。本科會試。經王大臣等揀出十

餘名之多。已照例懲辦矣。因思士習首重立品。文藝次之。若於進身之始。已存苟且僥倖之心。微論事敗罹法。身壞名裂。即使漏網。幸掇科第。厚顏登仕。有玷科名。植本已虧。尚何論其異日居官行政耶。每科揀檢王大臣。經朕簡派。並非虛應故事。實欲釐剔弊端。如果認真揀查。毋任懷挾混入。固可轉移風氣。且懲一儆百。暗中保全尤多。此次揀檢王大臣等辦事認真。可嘉之至。嗣後王大臣等遇有

試場簡派撥檢差使。仍當嚴密稽查。毋稍疏懈。儻有玩法士子。即時懲辦。以挽頹風。該士子等有鑒前車。自應倍加兢惕。恪守場規。勿辜訓勉之詞。用副作人之化。儻仍蹈故轍。怙過不悛。朕惟執法懲辦。難邀寬典也。懍之。將此通諭知之。○諭軍機大臣等。據著英等奏。審訊鈔遞夷檄人犯。僉供曹煥英所帶夷檄。實係中後所行商李照一手內鈔來。現在查明李照一於二月十二日。由中後所前往直

隸饒陽地方。置辦口袋貨物。並稱在饒陽住萬祥店等語。李照一為此案緊要人犯。著訥爾經額即飭所屬饒陽縣知縣嚴密偵緝。務獲解往盛京。交著英等歸案審辦。毋令日久遠颺。將此諭令知之。尋奏委員查訊萬祥店戶。據稱李照一係撫寧縣牛頭巖村人。已回原籍。現飭撫寧暨沿途經由各縣一體截拏。歸案審辦。報聞。○又諭前因山海關海洋有夷船遊奕。降旨派哈琅阿前往協同堵禦。現

在該處安礮移營各事宜。業已辦竣。哈琅阿著暫行回京。聽候諭旨。所有隨帶前往之護軍參領寶玉八員名。即一併帶同回京。其餘兵弁。仍著原帶之員。率同照常防範。毋稍疏虞。將此諭令知之。○山東巡撫托渾布奏。現在親赴登州。辦理防勒事宜。得旨。自應親往妥慎辦理。萬勿疏忽。又奏。南北交界。派兵策應。批。是。設逆夷果來侵犯。尚嫌兵單。臨時母忽。又奏。捐廉添鑄大礮。批。總要推堅致遠。更

須有準方好。妥實為之。○以前任山海關副都統扎拉芬奏。署正白旗漢軍副都統。○乙巳。遣官祭

先蠶之神。○諭內閣。裕泰奏。墊修坍塌隄工。分別追賠還款一摺。湖北監利縣查王月隄。於保固限內坍塌。業經籌墊修復。自應按例分賠。追解還款。所有領修之前任監利縣現升甘肅蘭州府知府唐樹義。應賠七成銀九千五百四十六兩零。著即如數解楚。不許稍



有藉延其接防之現任監利縣知縣勞光泰應賠三成銀四千九十一兩零亦著如數完繳歸還墊款該部知道○又諭劉韻珂奏請留丁憂知縣幫辦軍務等語浙江候補知縣傅廷燾既經呈報丁憂應令回籍守制以符定例該撫所請暫留浙省幫辦局務之處著不准行○又諭劉韻珂奏請將例應迴避之員暫留浙省一摺浙江試用通判顏其庶改補縣丞汪仲洋與顏伯燾係屬族戚例應迴避惟現辦防堵鑄礮各工正在喫緊之際著准其暫留鎮海軍營俟經手事竣即行飭赴改掣省分該部知道○又諭據兵部奏陣亡遊擊業已題補參將援案奏請賜卹等語周枋著即照參將例賜卹○禮部以宗室會試中額請得旨取中二名○以故舊土爾扈特扎薩克貝勒巴雅爾莽鼐子達錫車林襲爵○予福建遭風淹斃外委楊長康祭葬卹廕兵丁呂鼎元等五十四名賞卹如例○旌表

守正捐軀江西南昌縣民萬洪晉弟婦鄭氏○丙午

上臨故致仕大學士文孚第賜奠○幸圓明園○諭內閣前因福建舉人陳姓有通夷主謀情事降旨令鄧廷楨派員查拏嗣將已革在逃之同安縣舉人陳元華獲案審訊茲據顏伯燾奏稱訊明陳元華因案斥革逃往臺灣地方所有在臺月日住處及寄帶家信各情現經逐一勘訊委無通夷受聘主謀情事等語陳元華因案斥革輒敢在押脫逃其為不安本分可知現訊各情所供並無通夷之處亦無確據除將脫逃本案訊明定擬外著顏伯燾劉鴻翱再行嚴訊確情毋任狡展○丁未諭軍機大臣等有人奏江蘇署邳州知州候補知縣賈輝山在任不理公事與該州吏目王汝誠結盟營私擅作威福並濫用非刑押斃無辜各等語州縣與屬員結盟營私殊屬大干法紀其諱盜濫刑濫押各情均不可

不嚴行究辦。著麟魁於江西審案完竣後。即行馳至該處。明查暗訪。務得確情。如果屬實。即著嚴叅懲辦。毋稍輕縱。原摺鈔給閱看。將此諭令知之。○又諭本日據都察院奏。四川文生羅錦章等。以縱夷害民全家被難等情呈控。已明降諭旨。交寶興等提審矣。夷匪滋擾邊界。該處將弁。自應合力勦擊。據實申報。茲據該生控稱。我邊參將湯孟鼎守備許天貴等。憤縱夷匪。上年八月間。夷匪突出焚掠。

伊全家被擄。湯孟鼎調回防兵。令各卡讓路。致夷匪掳殺殆盡。又復壓匿難民呈詞。串通捏稟。歷控府廳。俱未准理等語。著寶興。經額布。即將所控各情。明查暗訪。務得確情具奏。該督等果能據實檢舉。即從前失察之咎。尚可稍從寬減。儻或意存回護。扶同隱飾。將來別經發覺。恐不能當此重咎也。懍之。將此諭令知之。尋奏。我邊廳夷匪。於上年八月間出巢搶掠。官兵奮勇擊退。經提臣齊慎查覆。以

參將湯孟鼎赴擊延緩。叅奏在案。其時有零匪竄入羅錦章家。將其父羅華恫殺斃。羅錦章痛父情切。遂指湯孟鼎許天貴憤縱夷匪等情。赴京呈控。又恐情輕不能邀准。聞當時曾有廳底在齊慎處攔馬懇求提兵勦辦。未准之事。即捏稱湯孟鼎壓匿民詞。不予申報。查羅錦章起意京控。雖多捏飾。第其父被害情有可原。湯孟鼎許天貴均無縱夷之事。應請均毋庸議。下部知之。○又諭伊里布奏熟

籌沿海情形。分別添兵備防一摺。江蘇省洋面綿長。海口紛歧。經該督周歷巡查。扼要派防。並添調兵弁駐守。著照所議妥辦。該督現回上海。策應彈壓。仍著隨時親赴寶山一帶。會督提鎮妥為防範。沿海各要地。亦著嚴飭各縣營同派防官兵竭力巡防。毋稍疏懈。至該省海防緊要。鑄礮不容稍遲。既由蘇州省局撥解洋銅十二萬斤。即應趕緊開鑄。著即動款速辦。毋誤事機。又另摺奏沿海通商各

港口酌擬一律封閉等語。江蘇洋面現無夷船。遽將港口封閉。商販未免向隅。惟是漢奸之透漏消息。接濟米糧硝磺等物。亦不可不嚴密防範。著嚴飭該管司道等。於商漁船隻出入實力稽查。毋稍疏虞。亦無滋騷擾。是為至要。該省沿海各港。此時著毋庸封閉。將此諭令知之。○又諭本日據祁墳奏。途次豫籌糧臺應辦事宜一摺。前據奕山等奏。先飭江西藩司趙炳言。赴南安採買兵糧。順遞南雄一帶。當已諭令照辦。茲據該督奏稱。廣東省已先由肇慶府採買米石存貯備用。無誤供支等語。所有奕山等前奏江西採買兵糧。應否停止。抑或仍令採買。俾得源源接濟。計此時該將軍等業已抵粵。著祁墳體察情形。妥籌辦理。其提撥餉銀一節。粵省藩關運庫既有存銀可借。無虞周轉不敷。惟軍需最關緊要。毋任意存推諉。致有貽誤。所奏分設糧臺趕鑄礮位。製備火繩等情。所辦均好。即照所

奏妥速籌備。再前據怡良等奏。飭令藩司梁寶常攜帶庫銀十五萬兩。隨帶委員駐劄佛山鎮。設局支應。茲據祁墳奏。令該藩司駐省經理糧臺總局。自因未與怡良等會面。以致兩歧。著該督熟審現在形勢。究應駐劄何處。妥籌定議具奏。將此由五百里諭令知之。○又諭據顏伯燾奏。調防水陸各兵。請照軍需酌減給發。及在事文武各員支食鹽菜口糧等語。固為激勸官弁兵勇起見。惟現在大兵雲集。廣東所撥各路兵丁。已有一萬六千八百多名。先後僅撥銀三百萬兩。浙江軍營截留部撥銀亦僅九十餘萬兩。其餘防堵省分。若俱照軍需之例酌減給發。為數過寬。設各省援照奏請。既不能一概准行。又未便此准彼駁。著顏伯燾再將現在情形。通盤計畫。應如何覈減節省之處。詳議具奏。將此由四百里諭令知之。尋奏福建各處海口現已先後調派兵丁共一萬六千五百餘名。外標兵三

千名。請酌給口糧銀六分。水師兵二千六百三十二名。請酌給五分。此外尚有一萬餘名。由外標調防者。請酌給四分。由本標調防外營外汛者。請酌給三分。以上每月共用銀一萬九千七百餘兩。較之軍需則例。每月減至一萬七千餘兩。其在事武職自副將以下。文職自候補同知以下。仍請照軍需例支食鹽菜口糧。而刪除跟役武職未離本標者。都司亦不准支食。下軍機大臣會同戶部議從之。

○都察院奏。山西虞鄉縣民人孫君耀等具控。知縣宣禮開河虐民。得旨。本日據都察院奏。山西民人孫君耀等。以開河虐民。斂財入己等詞。在該衙門黏單呈控。據該民人供本村向無河道。並無水災。該縣忽出告示。以水道被占。欲從田內興挑。按畝出夫。不應役者罰銀入己。復令丁役等鎖拏。逼取甘結等語。開濬河渠。原以利民。即民間果有侵占。亦當妥為辦理。若如該民人所控。受罰者二十九

家。受責者二十三人。如果屬實。大千法紀。著焦友麟查明該縣河道。是否曾經該撫奏准疏通。該民人單開受責輸銀姓名。是否實有其事。該縣有無罰銀入己。及縱令門差沿村鎖拏情事。務須逐一密查。據實具奏。不許稍有含混。將此諭令知之。○旌表守正捐軀直隸長垣縣民婦張李氏媳徐氏。○戊申。

上詣綺春園問

皇太后安。○諭內閣。楊芳等奏。請酌加調征兵

丁鹽菜。並給長夫工食銀兩等語。著照所請。現在調征兵。應支鹽菜銀兩。准其援照出邊之例。每兵月加銀四錢。俾資食用。其官員及兵丁餘丁鹽菜。及官兵口糧。仍照例運供。至每兵百名。例給長夫四十名。日支工食銀八分。此次調征滿漢官員兵丁。均著照此例辦理。其派撥守城之督標撫標綠營及駐防滿洲營官兵。仍按防勦例酌量支給。該部知道。○諭軍機大臣等。本日據楊芳等馳奏。喫

逆退出省河。遵旨力籌堵禦一摺。據奏咪喇  
堅等國。向准貿易。商船駛進黃埔。乘時貿易  
等語。逆夷滋擾。與咪喇堅等國無涉。原可准  
予通商。惟該大臣前奏有咪喇堅等國稟稱  
英國夷商。情亦急迫。可否一體貿易。俾兵船  
有所顧忌等語。咪夷商船。雖未隨同助逆。總  
係逆嘑之人。斷不准其通商。此次各國貿易。  
如有代逆銷售。朦混影射等弊。即著嚴行查  
辦。萬不可稍存遷就之見。致逆夷得遂通商

之欲。計奕山。隆文。祁項。當已先後進省。各處  
調兵。亦必陸續抵粵。該將軍等一面防守省  
城。一面相機勦辦。所奏逆夷退出省河。是否  
仍在虎門以內。彼既深入重地。但能斷其後  
路。不難聚而殲旃。著仍遵前旨。雇募水勇。準  
備兵礮。奮力合剿。擒獲著名逆夷。朕拭目以  
俟捷音之至也。又另片奏。關天培身受多傷。  
歿於行陣。前已有旨。賞給銀兩。准予世職。查  
明子孫幾人。服闋送部引見。並於遇害地方。

建立專祠矣。所有該提督靈輓回籍時。著飭  
知沿途地方各官。妥為護送。所請酌加調征  
官兵鹽菜等銀。已明降諭旨准行矣。將此由  
六百里諭知奕山。隆文。楊芳。並阿精阿。祁項  
怡良知之。○禮部以會試中額請。得旨。滿洲  
取中七名。蒙古取中三名。漢軍取中五名。直  
隸取中二十一名。奉天取中二名。山東取中  
十八名。山西取中九名。河南取中九名。陝甘  
取中八名。江蘇取中十八名。安徽取中八名。

浙江取中十九名。江西取中十八名。湖北取  
中七名。湖南取中六名。福建取中八名。廣東  
取中八名。廣西取中六名。四川取中七名。雲  
南取中七名。貴州取中六名。○命頭等台吉  
固倫額駙德木楚克扎布。在御前行走。○己  
酉。

上詣

大高殿行禮。○還宮。○諭內閣。富勒敦奏。請  
續借稅銀。發給防兵口糧一摺。山海關防堵

官兵應給口糧。前經降旨。於稅務盈餘項下。撥銀五千兩。以供支放。茲據該副都統查明。前借銀兩。不敷支用。著准其在於山海關監督徵收稅務銀內。再行借撥銀五千兩。以備軍需。○署兩廣總督怡良奏。廣東省本年秋審人犯。廣州韶州惠州肇慶四府。佛岡綏德二廳。羅定南雄連嘉應四州。均應提訊勘審。現在逆夷滋事。若仍紛紛遞解。誠恐疏失。應請除廣州佛岡二府廳外。歸本管道勘審。下

部知之。○庚戌諭內閣。前因升任甘肅藩司周開麒於浙江臬司任內。經裕謙調赴定海辦理撫卹各事宜。託故推諉。當降旨交部嚴加議處。本應即照部議革職。姑念該員自到定海後。督辦撫卹難民。散放房屋修費。並趕築各項工程。均能覈實。尚知愧奮。周開麒著加恩賞給按察使銜。留於浙江軍營。交裕謙差委。以觀後效。○又諭。前據海齡奏。請將沿海通商各馬頭暫閉。當降旨令伊里布裕謙

議奏。旋據伊里布奏。擬一律封閉。朕即覺所議窒礙難行。降旨駁斥。茲據裕謙奏。封港之議。徒有礙於本分商漁。而於杜絕接濟。仍未得要等語。所見極是。沿海通商各馬頭。著仍照舊准商民往來貿易。毋庸封港。並嚴飭文武員弁。於商漁船隻出入。實力稽查。如有匪徒透漏消息。接濟該夷米糧硝磺等物。即著懲辦。以順輿情。而杜勾結。○諭軍機大臣等。裕謙奏。審度江蘇堵禦情形。並辦理定海善

後事宜各一摺。尚屬周妥。據奏江蘇各海口形勢。兼派撥將備。水陸交防。自可無虞失事。鎮海距寶山等處。程途雖遠。該大臣仍應隨時偵探。凡有緊要應辦之處。即飛咨伊里布。先為籌畫。一面會商定見。措置得宜。方稱妥善。定海難民。經該大臣趕辦撫卹。安集逃亡。其興辦堵禦各工。將次告竣。以工代賑。最為良法。如果人心堅定。自能眾志成城。至召募水勇。分路防守。亦應時加練習。俾知衛城。即

所以自衛。不可恃眾滋擾。務使兵民相安。守望相助。惟發給難民銀米。須責成委員親身散放。勿經胥役之手。以免侵冒剋扣。所有添設陸路官兵。以資接應之處。著即與余步雲等會商妥協具奏。至江寧河南所造糧礮。除帶赴浙江軍營一百桿外。如尚不敷用。仍著隨時調撥。又覆奏海齡請將沿海通商馬頭封閉一摺。所見甚是。已明降諭旨。毋庸封港矣。將此由四百里諭令知之。○欽差大臣江

蘇巡撫裕謙奏查康熙年間。曾准紅毛夷船在定海通商。久經停止。而該縣之南馬頭。俗尚稱為紅毛道頭。附近併有夷館基址。現在修築土城。已將紅毛道頭及夷館基址。全行拆毀。並將該處民房遷徙城內。酌留兩門出入。如內城之制。使土城以外一無所有。以絕逆夷覬覦之念。斷內地接濟之源。得旨。所辦甚好。○賞已革兩廣總督林則徐四品卿銜。命馳赴浙江聽候諭旨。○以緝獲私硝勤奮

予南河守備金承沛優敘。○撥貴州仁懷縣入官田八頃三十一畝有奇。為尚節堂及幼堂養贍經費。從巡撫賀長齡請也。○辛亥。上耕耤。詣

先農壇行禮。更服。至耤田所。

躬耕三推。復加一推。

御觀耕臺。命禮親王全齡。順承郡王春山。成郡王載銳。各五推。吏部右侍郎王植。戶部右侍郎王瑋。慶禮部右侍郎薩迎阿。兵部右侍郎

魏元烺。刑部左侍郎柏後。工部右侍郎阿靈阿。都察院左副都御史續齡。通政使司參議恆青。大理寺少卿金應麟。各九推畢。順天府府尹率農夫終畝。賞賚農夫耆老如例。○詣關帝廟拈香。○幸圓明園。○壬子。諭內閣。前因暎逆大肆猖獗。傷我提鎮大員。疊經降旨。命楊芳先行會同怡良等。領兵攻剿。以伸天討。而快人心。今據楊芳等奏。各省調兵到粵。已有八千餘名之多。尚不知及時進剿。遷延

觀望。甚至仍請准令喚夷所屬之港脚商船在粵貿易。是有意阻撓。怠慢軍心。殊出情理之外。楊芳怡良著先行交部嚴加議處。○諭軍機大臣等。前因俄羅斯逃難夷人。越入哈密卡倫。並訴稱天寒雪大。山路難行。懇俟開春折回等語。當降旨令德全妥為安置。俟春融後護送歸國。茲據奏稱。已於二月二十八日將該夷人等並馬匹什物派員護送至巴里坤交界之馬王廟。交付該處委員等接收轉送。所有去冬賞給該夷皮衣口糧。即著照所議辦理。免其咨部覈銷。又另片奏印房主事職銜聶車布。前經奏留。以資熟手。此次俄羅斯入境。該員辦理撫卹防護事宜。復躡探路徑。勸諭該夷起程。始終奮勉。可否鼓勵等語。聶車布既係得力之員。准其循照各城保奏之例。奏請恩施。毋許過優。將此諭令知之。○又諭。據麟魁奏。查明江西省閘漕京控重案。巡撫臬司意見不合情形。並訪查錢寶琛

才具。覽奏俱悉。至新喻縣革監萬惻彩等閘漕京控一案。該撫審擬罪名。是否允協。並有無不實不盡之處。著該侍郎親提全案入證。卷宗覆加詳覈。確切研訊。務期水落石出。毋許稍有枉縱。將此諭令知之。尋奏萬惻彩主令胡尚友糾眾抗官。按罪應斬。惟夥黨在逃人數眾多。應暫行監禁。俟逸犯緝獲。另行究辦。胡尚友聞拏投首。應於為從絞監候律上減一等。杖一百。流三千里。餘分別問擬。徒流下部議從之。○又諭。本日據寶興奏謝恩。請覲一摺。現當勦辦英夷緊要之時。各省俱有關會事件。寶興著毋庸來京。俟夷務告竣。再行奏請陞見。將此諭令知之。○又諭。本日揚芳怡良奏。請准港脚貨船通商一摺。又另片奏省垣情形等語。覽奏憤懣之至。已明降諭旨。將揚芳怡良先行交部嚴議矣。逆夷情狀詭譎。反覆無常。早經窺破。非大加懲創。何以揚國威而除後患。現在各路徵調兵丁一萬



六千有餘。陸續抵粵。楊芳何以不痛加勦洗。乃遷延觀望。有意阻撓。汲汲以通商為詞。是復蹈琦善故轍。變其文而情則一。殊不可解。前經奏請各國通商。朕因俯順輿情。勉從所請。今復以港脚船隻。尚無助逆情事。敢於嘗試。若如此了結。又何必命將出師。紛紛徵調官兵。且該逆傷我提鎮大員。及陣亡兵弁。為數甚夥。此等忠魂。何以克慰。楊芳等祇知遷就完事。不顧國家大體。殊失朕望。即所稱貨

船附載洋米等語。全不可信。况鴉片來源。即在於此。又何以示禁令而除流弊。此時更無他議。惟有進剿一法。奕山。隆文。經朕面諭一切。必能仰體朕意。現已到粵。兵多糧足。自當與楊芳。齊慎協力同心。為國宣勞。以膺懋賞。斷不准提及通商二字。坐失機宜。此次批摺。著發給閱看。奕山等接奉此旨。著迅速督飭兵弁。分路兜剿。務使該夷片帆不返。俾知儆畏。儻夷船聞風遠遁。空勞兵力。惟該將軍等

是問。懍之。將此由六百里加緊各諭令知之。○癸丑。諭內閣。端華等奏遵吉開工。請選擇合龍吉期。並將應領各件。開單呈覽一摺。現在修理

永陵

啓運殿工程。所有合龍吉期。著欽天監於本年四月內。敬謹選擇二日。奏明交端華等臨時酌量選用。其應領經篇藥材等項。著內務府照例備辦。由端華等派員祇領。以備恭貯。○

又諭。劉韻珂奏請飭河南省代備擡礮白蠟桿。分撥應用等語。浙江省現在防禦逆夷。軍械必應寬為儲備。著河南巡撫飭屬代為打造。擡礮五百桿。購備直長白蠟桿三千根。迅速解赴浙江省備用。惟器械固須精良。而運用尤宜嫻熟。著顏伯燾。劉韻珂。飭令各營將弁等隨時練習。以收實效。餘著照所議辦理。該部知道。○又諭。劉韻珂奏飭員趕辦寧紹台溫四府防禦各工一摺。前因該四府所屬

海口。有應修築礮臺營房。及添鑄礮位之處。當降旨令劉韻珂親往履勘。茲據奏省城防禦緊要。未敢遽行遠離。所有該四府防工業經專飭各道督屬會營勘議。酌量形勢。就近委員估計趕辦。著該撫即嚴飭承辦各員。趕緊興辦。仍飭各該道留心查察。毋任草率偷減。工竣驗收。或該撫周歷親勘。或派藩臬兩司前往之處。著屆時酌量辦理。總期工歸覈實。以肅海防而資抵禦。○命喀喇沙爾辦事

大臣凌順。往奠故和碩特盟長扎薩克貝子車登多爾濟茶酒。○修築浙江仁和海寧二州縣海塘。從巡撫劉韻珂請也。○甲寅。諭內閣。牛鑑奏革員周天爵改道解赴廣東。途次丁憂等語。周天爵著賞假百日。仍解往廣東軍營效力。○諭軍機大臣等。奕山。隆文。奉接奉諭旨。並籌辦情形一摺。覽奏均悉。據奏暫候祁項到韶州面商一切。並須製造器具。兼催趲各路官兵等語。該將軍等相機而行。極

為妥協。現在祁項想已趕到。各省官兵計應陸續抵粵。礮火及各項器具。亦不日可成。該將軍等諒早馳赴省城。會合一處。抄襲該夷前後路徑。併力攻剿。不使逃遁。昨楊芳怡良奏請准與港脚船隻通商。朕因其怠慢軍心。已降旨交部嚴議。奕山。隆文。經朕面授機宜。且屢次寄諭。飭令一鼓作氣。殄滅醜類。該將軍參贊等務當激發忠良。協力同心。以揚國威。而伸天討。切勿為浮言所動。是為至要。將

此由六百里加緊諭令知之。○又諭前因湖南江西二省。拏獲沙包會匪首犯名目相符。當交各該督撫嚴拏審究。又據御史高人鑑奏。漢夷滋擾。恐廣東連界省分。土匪附和。疊經降旨查辦。茲據吳其濬奏。稱湖南永州府及郴州桂陽州二屬。酌議團練章程。實力遵行保甲。其郴州宜章二州縣。為粵省客商往來要道。向有腳夫一項。已發給循環簿。飭令各夫行將往來人夫隨時盤詰。著即照所議

妥辦。該撫仍當隨時嚴飭所屬認真稽察。緝拏匪類。安輯流民。總期綏靖地方。所有設立團練保甲循環簿各章程。切不可有名無實。以副朕弭盜安民之至意。將此諭令知之。○又諭。現在山海關各海口。辦理礮臺事竣。所有秦王島石河口各卡駐劄滿洲營兵丁。著即調回本營。勤加操練。其所調冷口喜峰口二處防守兵丁。並著撤回歸伍。至秦王島澄海樓二處安設礮位。仍著富勒敦泰酌派弁兵。在彼常川瞭望。以免疏虞。將此諭令知之。○旌表守正捐軀安徽宿州民張仲妻陳氏。河南通許縣民劉有妻田氏。○免江蘇江海關上年封港期內短徵稅銀。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百四十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十

監修總局官選是日講起居注官太子太師禮仁閣大學士文淵閣領閣事管理戶部事務上書房總辦傳新秋院掌院學士袁黃

天行府尹黃德隆等加五級紀錄十八次並賞機機密官經定議官吏部尚書錄其據漢軍都統管理新營房城內官房大臣積聚內

七倉大臣議奏會同詳議事緣加一規隨帶加六級軍功加三規死餘五次且花沙納經延詳官文閣提舉聞事兵部尚書總管

內務府大臣領白旗滿洲都統檔客內七倉大臣管理宗人府銀庫左翼初官學監兵部圓明園等處稽放管御蘇德庫御膳房

崇禎五年八月十八日阿魯阿副總兵官程廷謀官兵部尚書隨帶加六級紀錄二十次月周報瑞等奉

救修

道光二十一年辛丑閏三月乙卯朔諭內閣

前因龍泉峪各項樹株內。回乾松柏檜樹一百餘株。降旨令松峻嚴飭該賠員等趕緊補齊。勤加澆灌。茲據奏稱該員均係在京當差。並非所屬等語。著總管內務府大臣。即行嚴飭該員等及時補種澆灌。儘明春查看。未能一律蕃茂。惟承種之員是問。○又諭前因楊芳。怡良。不能及時進勦。悞逆仍請准令所屬之港脚商船在粵貿易。降旨先行交部嚴加議處。茲據該部議照溺職例革職。實屬咎所

[illegible]

應得。惟現當勦辦喫緊之時。若竟予罷斥。轉得置身事外。楊芳怡良俱著從寬改為革職留任。以觀後效。○諭軍機大臣等。本日據裕謙奏浙江洋面安靖。定海設守完備一摺。據秦附近洋面並無夷船帆影。山陬海澨潛伏居民漁戶以待邊截夷船。現在定海有兵五千餘名。大小礮七十位。策應均已齊備。路徑亦已探明等語。覽秦均悉。仍著裕謙嚴加防範。密行偵探。現既備防周密。如有夷船駛入。即行痛加勦洗。以張撻伐。其寧海縣遊奕夷船該員弁等勦辦情形亦著據實奏聞。將此由四百里諭令知之。○改鑄四川綏定營遊擊中軍守備萬全營守備關防條記。從總督寶興請也。○丙辰。

上詣綺春園問

皇太后安。○諭軍機大臣等。京營現需製造擡槍。以資操演。著訥爾經額於直隸所製擡槍。挑取二桿解京。以便如式製造。將此諭令知

之○丁巳諭軍機大臣等。托渾布奏。勘明隍城島情形一摺。據奏添雇漁筏。多募水勇。協同官兵節節巡防。與盛京直隸各海口聲勢聯絡。互相策應等情。所議尚屬周妥。均著照議辦理。惟所奏山島安設大礮。遇有夷船駛過。兩面夾攻。度計礮力所及。止於二三十里中間百數十里洋面。斷非礮力所能邀截。現已酌撥大小礮數位。派兵弁數十名。飭赴該島駐守等語。該處山島。既係孤峰高聳。遇有夷船駛近。礮力不能遽及。又無策應。設被逆夷將山島占據。得毋借寇兵而齎盜糧耶。此一條著托渾布再行斟酌。妥議具奏。將此諭令知之。尋奏遵查該處安設兵礮。既不能堵截夷船。孤軍無援。勢實可慮。現今地方官雇小舟分布於近島各處。設聞賊警。渡民於內地。妥為安插。並將島上井泉震斷。棄此荒島。無虞賊占。報聞。○蠲緩江蘇宿遷縣被水灘地租錢有差。○戊午。

上幸靜明園詣

龍神廟拈香。○己未。改鑄四川普安右營守備條記。從總督寶興請也。○予故衍聖公孔慶鑑祭葬。○禮部議准。前署江蘇巡撫邵甲名疏報。採訪句容縣貢節婦女許氏等一千二百九十七口。安徽巡撫程楸采疏報。潁上縣嚴許氏等八百七口。前任湖北巡撫伍長華疏報。東湖縣閭柳氏等八十四口。陝西巡撫富呢揚阿疏報。中部縣柏劉氏等七十四口。各請建總坊旌表。從之。○旌表守正捐軀山西鄉寧縣民冀霖媳閭氏。○庚申。諭軍機大臣等。據耆英奏。請添鑄大礮以重海防一摺。克敵制勝。軍火為先。該將軍現在採辦鐵料二十六萬斤。為鑄造礮位礮子之用。現已飭內務府令造辦處礮匠前赴盛京聽候遣用。惟所請鑄造八千斤大礮二十尊。恐斤兩過重。運用不能便捷。著即鑄八千斤大礮四五尊。其餘鐵料酌量分鑄一二千斤二三千

斤礮位數十尊。體察復州金州各海口情形。妥為安設。以資捍衛。所需鼓鑄銀兩。准其在於徵存船規項下動支。事竣覈實報銷。將此諭令知之。○辛酉。

上御山高水長。閱侍衛騎射。○以故豫親王裕全子鎮國將軍義道襲爵。○壬戌。諭內閣。固慶等奏。巡察卡倫。請於官廠駝馬內撥用馬駝等語。該大臣等。每年春秋二季。親帶弁兵。前往霍呢邁。拉扈瑪呢圖噶都勒罕。二處巡察。哈薩克。二次。所需騎乘人役。向由各該旗傳調協濟。茲據奏各該旗扎薩克等。居住遊牧。遠近不等。如照舊章接濟。恐往返長途。有礙生理。自係實在情形。著照所請。自科布多起。至博羅布爾噶蘇八臺站。每站准於官廠存放駝馬內。撥動馬各十匹。駝各五隻。交該臺官兵牧養。專備該大臣等巡察哈薩克時乘用。無庸照例報銷。自索果克卡倫起。西至瑪呢圖噶都勒罕十一處卡倫。每站添撥駝

六隻。以為馱運口糧之用。事竣仍交官廠牧放。年終照例報銷。○諭軍機大臣等。本日步軍統領衙門奏。拏獲結夥販賣鴉片煙土人犯一案。已降旨交刑部審訊矣。此案山東民人何開順。王義為等。販運煙土。據供有李二在歷城縣屬李家莊中間路南居住。約年五十餘歲。康二在歷城縣屬東北王家莊西頭路北居住。約年四十餘歲。合夥運販。該二犯現在該縣地方潛藏窩匿。實屬目無法紀。該撫托渾布現駐登州。距省尚遠。即著藩司楊慶琛。先行飭屬將李二。康二。嚴拏務獲究辦。毋任遠颺。將此諭令知之。○又諭。本日據楊芳奏。夷船分泊情形一摺。覽奏均悉。該逆連檣停泊各口。心懷叵測。若不乘此設法取勝。一經遠遁。何由追躡。況此次出師命將。調撥糧餉。原欲大申天討。痛加勦洗。以靖邊隅。該將軍等。惟當一意勦滅。斷不可為浮言所惑。此時奕山。隆文等。計已到省。各路兵丁。諒俱

齊集。即着公同商酌。相度機宜。抄襲後路。一鼓殲除。毋令逆夷遠竄。又另片奏粵省漢奸情形等語。可恨之至。所稱關天培陣亡。因將弁不敢強兵點礮。關天培親手執火。而大礮火門早已透水。著即確切訪查。不肯點礮及火門透水之兵丁。嚴密查拏。即行梟首示眾。懲一儆百。以肅紀律。而挽頹風。將此由六百里加緊諭令知之。○又諭據裕泰奏粵省將軍參贊大營。須屯建佛山以上。或清遠三

水兩縣之間。與省城佛山犄角相維。俾後路軍聲聯絡。逆船不敢出沒西路。分我兵力。即佛山糧臺。亦可藉資保護。該夷深入省河。距虎門海口已一百餘里。現聞該逆掠食糧乏。可知暫時堅壁清野。使其師老食盡。或間道抄伏。絕其歸路。或水陸兜剿。夾用火攻。不難立制其命等語。廣東現在情形。自以保護省城。設法攻剿。為第一要務。著奕山。隆文。齊慎。到省後。與楊芳相度形勢。通盤籌畫。裕泰所

陳屯建攻剿各事宜。是否可採。悉心體察。總須聲勢聯絡。不致有顧此失彼之虞。方為妥善。將此各諭令知之。○又諭本日據裕泰奏。楚省舊礮難以適用。並現在防緝情形一摺。舊礮既難適用。自應籌鑄新礮。宜章所產南版生鐵。如果尚可鑄鑄。著即採買齊備。俟奕山等咨覆是否須用。迅速辦理。毋誤要需。惟湖南郴桂各屬。皆與粵東連界。難保無匪徒乘機勾結竄越。著與吳其濬會商。嚴加防緝。

並飭永州鎮派令臨武。宜章。桂陽等營將弁。酌撥兵丁。豫備器械。各就本汛卡實力巡防。復通飭士民團練壯丁。互相守望。使匪徒無從遁跡。而民心亦有恃無恐。仍當常川查察。無得日久生懈。至該督奏廣東防剿各情。已諭令奕山等體察情形具奏矣。將此諭令知之。○癸亥。

上詣綺春園問

皇太后安。○以禮部左侍郎關聖保為滿洲鑄

譯會試正考官內閣學士玉明為副考官。○琉球國使臣向國鼎等二人於大紅橋瞻覲。

○甲子。

上御山高水長閣侍衛騎射翼日如之。○諭內閣奕經等奏抽查漕糧御史王慶元自勒身死一案著賽尚阿黃爵滋前往驗訊該御史家人閻太薄二著交刑部審訊尋奏查王慶元以公事難辦憂愁莫釋現經眼同屍子驗明委係自勒身死閻太薄二即予省釋從之。

○乙丑諭內閣顏伯燾奏請將升任各員暫緩陞見引見等語調補福建水師提督寶振彪著毋庸來京陞見新任廣東水師提督吳建勳著即赴新任均俟軍務告竣再行奏請閩浙兩省應行引見武職各員均著俟軍務告竣再行送部升任他省者免開升缺其請升水陸武職大小各員均著該部即行給劄俾支升缺康俸以示體恤○又諭前據綿悌奏委印務章京塔清阿等稟稱參領石成等

辦理旗務不公拴馬數目不符等情當派僧格林沁賽尚阿查訊茲據僧格林沁等訊明具奏此案印務參領石成於該旗未拴馬匹輒敢私行拴養並以未經拴馬人名填寫入冊實屬有意朦混著交部嚴加議處參領百成副參領音德賀哲爾精額印務章京海興扎清阿闊靈阿額騰額私行分拴馬匹實屬不合委印務章京長慶塔清阿驍騎校德克金布先經指出馬匹不符情弊旋又遞稟飾

說意存消弭均著交部議處該旗都統烏爾恭阿副都統那桑阿失於覺察烏爾恭阿於綿悌告知後又未會銜具奏著一併交該衙門議處綿悌亦有失察之咎惟係自行查出著免其置議驍騎校福祿於長慶等呈遞稟帖一節並不知情亦著免議○以大理寺卿連貴為太常寺卿賞二品頂帶○賞御前二等侍衛特興額頭等侍衛命乾清門二等侍衛錫靈阿在御前行走○丙寅先是吏部員



外郎陳起詩以吏部尚書湯金釗據情改派倉差並有它補日期情節具呈訐告命軍機大臣查奏尋奏傳到陳起詩面詰據稱去年經湯金釗將該員保送倉差旋稟明本有監糶土米差使當即改派並將呈詞內堂標日期它補諭令無庸再向各堂呈遞今聞復送倉差故稟請查辦與湯金釗奏明摺內相符惟該員不呈控於當時反藉詞於今日顯係規避差使藉端挾制湯金釗它補呈詞致令

該員得所藉口辦理實屬錯謬均請嚴加議處下都察院議至是議上諭內閣吏部員外郎陳起詩因被保送倉差意圖規避輒敢擅遞呈詞指名訐告實屬居心險詐著即照議革職協辦大學士吏部尚書湯金釗於該員呈請改派將呈詞它補發還並諭無庸呈遞各堂致令該員得以藉詞挾制實屬錯謬亦著照議降四級調用不准抵銷○又諭奕經等奏覈議招募步甲章程一摺所稱招募步

甲取具的保切結並將結保各官隨冊聲明儻有來歷不明及匪徒冒充等事別經發覺將出具的保之步甲領催等從重治罪其率行出結各員隨案分別叅辦俱著照議辦理仍責成步軍統領總兵隨時認真稽查如有前項情弊一經發覺惟該堂官等是問○諭軍機大臣等托渾布奏校閱兵勇試驗礮位一摺所議尚屬周妥著即照議辦理惟據補行繪圖呈覽朕詳加披閱該處山坡高低不

一離海道路遠近亦異且洋面寬廣水勢深淺自各不同必當勘度地形分別最要次要酌量安設兵礮備防抵禦方能得力若於不甚險要之處按段排列轉同虛設該撫現駐登州著再體察形勢是否得力詳酌妥辦為要將此諭令知之尋奏查東省海道綿長無險可扼登州尤為全洋衝要府城迤東之太平灣起西至天橋口止夷船處處可以攏岸實為最要由天橋口迤西至田橫寨黑峯臺

一帶是為次要。現在相度情形。將各礮移置山腰之下。更為得力。得旨妥為防備。○調戶部尚書卓秉恬為吏部尚書。命協辦大學士。兵部尚書祁寯藻為戶部尚書。以戶部左侍郎許乃普為兵部尚書。調工部左侍郎杜受田為戶部左侍郎。轉工部右侍郎徐士荃為左侍郎。以內閣學士賈楨為工部右侍郎。兼管錢法堂事務。○丁卯。

上御山高水長。閱侍衛騎射。○諭軍機大臣等。

本日已降旨著伊里布來京聽候諭旨。將裕謙補授兩江總督矣。伊里布接奉此旨後。著即將兩江總督篆務。交程喬采暫行護理。即行起程來京。其家丁張禧一名。即著伊里布管帶來京。聽候查辦。毋任逃逸。再朕聞伊里布買備沙船。裝載石塊。為填塞吳淞海口之計。該處海口。關繫農田水利。一經填塞。為患不小。此議紕繆之至。現在如已填塞。著伊里布即行開通。儻辦理不善。致有淤墊漫淹等

弊。必當重治其罪。決不寬貸。將此由五百里諭令知之。○又諭據奕山等馳奏到粵察看大概情形。並籌備一切等語。現在攻戰之具。尚未齊備。惟有趕緊密為製造。毋令該夷得有傳聞。並嚴拏漢奸。不使偷漏消息。所需木排礮位。仍飭南韶連道楊九晚。廣東藩司梁寶常。分別趕緊採辦鑄造。一俟戰具齊備。該將軍參贊等。即行乘機進剿。以慰朕懷。城內既有漢奸通信。如能拏獲一名。即行梟示一

名。將來出剿時。亦須嚴密防範為要。前據楊芳奏逆夷義律。現住快蟹船中。似不難用謀擒獲。總須我兵大獲勝仗。使逆夷喪膽乞命。或縛獻義律。明正典刑。庶足振國威而伸義憤。該將軍等。斷不可因目前用羈縻之計。稍存觀望。坐失事機。朕日盼捷音之至。將此由六百里加緊各諭令知之。○又諭本日據裕謙奏。續查伊里布差人赴夷船諭話。並派家丁同去。該夷致送禮物等語。已明降諭旨。令

伊里布來京候旨。兩江總督著裕謙補授矣。裕謙接奉此旨。即將定海應辦事宜。交劉韻珂。余步雲。周開麒等妥為經理。該督即赴兩江總督新任。如有未了之事。必須親身督辦者。或於到任後。再行赴浙查辦。亦無不可。至伊里布有填塞吳淞海口之議。其患不可勝言。已降旨令伊里布將已填者速即開通。未填者即行停止。裕謙到任後。仍飭屬遵辦。以利民生。所有伊里布家丁張禧。已令伊里布

自行帶京。其陳志剛一名。即著裕謙解京。聽候查訊。將此由五百里諭令知之。○命兩江總督伊里布來京。以欽差大臣江蘇巡撫裕謙為兩江總督。調廣西巡撫梁章鉅為江蘇巡撫。以刑部右侍郎周之琦為廣西巡撫。江蘇按察使張晉熙為河南布政使。廣東鹽運使宋劬毅為江蘇按察使。○戊辰。調吏部右侍郎王植為刑部右侍郎。仍兼署吏部右侍郎。禮部左侍郎毛式郅為吏部右侍郎。仍留

江蘇學政任。轉禮部右侍郎馮芝為左侍郎。仍留順天學政任。以內閣學士毛樹棠為禮部右侍郎。○以禮部尚書龔守正為國史館副總裁官。○予福建巡洋淹斃兵丁柳敬順等二名賞卹如例。○己巳。直隸總督訥爾經額奏。遵查各州縣並無加派差徭。妄取物料。砍伐民樹。按地徵錢等事。惟肅寧縣修理監獄。發價令民購料。雖沿舊章。恐滋流弊。即出示裁革。上年蠲免錢糧。各該處均貼謄黃。普

霑實惠。又奏。寧河等海口增添礮臺。及大沽北岸礮臺工竣。均報聞。○庚午。

上詣綺春園問

皇太后安。○諭內閣。德春等奏。覆驗豫省豆石。請援案分別成色。先行開放一摺。本年河南省運到豆石。未能一律乾潔。所有九成正豆四萬七千三百六十三石零。八成正豆一萬一千八百四十五石零。著准其援照成案。驗收運倉。另廠存貯。先行開放。仍責令該糧道

等數明本色。分別賠補。於次年帶運赴通交納。此次該省玉石。成色不足。先經該撫奏明。且由該糧道詳請賠補。尚非含混交兌。所有押運員弁應得處分。著加恩寬免。○辛未。諭內閣。據祁項奏。將糧臺現辦各款開單呈覽。著該部速議具奏。尋議。一。調派守城本省駐防滿營。及督撫各標綠營官兵鹽糧。擬照離營未出省之例。准支口糧。不支鹽菜。官兵口糧。應令該督於存貯倉穀二百八十餘萬石內。先行動支。一。各省兵丁行路口糧。擬照回疆軍需成案。每日給銀一錢。從之。○諭軍機大臣等。本日據祁項奏。酌擬糧臺章程一摺。據奏三水英德二縣。及入境首站之南雄州。各設一局。委員分駐。需用餉銀。已於關庫內動銀三十六萬兩。並採買兵食。趕鑄銅礮等情。俱著照所議辦理。惟雇備漁船水勇。製辦柴草火船。及河內釘椿填石各事宜。例案既不賅載。易於因緣為奸。著祁項督飭藩司

隨時隨事。認真密查。毋任屬員藉詞無案。任意虛糜為要。再前據奕山等奏。在省各衙門。皆有漢奸。一舉一動。暗為通知等語。漢奸助逆通夷。最為可恨。兵機漏洩。貽誤非輕。著該督體察情形。應查拿者。嚴密查拏。從重懲治。應解散者。設法解散。期就肅清。內地少一漢奸。即逆夷少一黨羽。不日兵破齊集。勤辨較易為力也。將此由四百里諭令知之。○姪表守正捐軀河南汝州民張其太妻趙氏。○壬申。諭內閣。伊里布等奏。江省防堵需員。請將升署副將之水師參將。暫留本任。一摺。升署福建閩安協副將周世榮。著准其暫留吳淞營參將本任。俟逆夷蕩平後。再令前赴新任。○癸酉。諭內閣。著英等奏。請將審勘鴉片煙犯章程。畫一辦理一摺。奉天省拏獲鴉片煙犯。除情重案件。仍照例解省審勘外。其罪在軍流以下者。著即責成各該旗民地方官會同審擬詳報。由該將軍等數明咨部。如有案

情稍涉可疑。仍即提省送部會辦。○諭軍機大臣等。耆英等奏夷書案內犯證。請飭就近提訊等語。此案夷書來歷。現據王慎五供稱。得自直隸永平府灤州西南百餘里稻地鎮萬和堂煙麻糧米鋪鄭大之手。經該將軍等開具年貌。飛咨查緝。著訥爾經額飭提鄭大到案。就近追究夷書來歷下落。迅即咨覆。該將軍等覈辦。毋庸將該犯解赴奉天。以省拖累。而免遲延。將此諭令知之。○甲戌。諭內閣。

惟勤等奏印信被竊一摺。吉林將軍衙門印信被竊。該官兵等看守印庫。何竟毫無覺察。恩騎尉巴哈布著即行革職。是日值班之兵丁等著一併斥革。交該將軍等嚴訊確情。據實具奏。協領德楞額疏於防範。惟勤果陞阿失於覺察。一併交部嚴加議處。所有吉林將軍印信。著禮部趕緊另鑄。奏明頒發。○引見庚子科散館及補行散館人員。得旨。此次翰林散館之修撰李承霖。編修馮桂芬。張百揆。

業經授職。其二甲之庶吉士殷壽彭。廉師敏。金肇洛。蕭時鵬。王沆。鄭大誠。莊受祺。黃麟祥。車順軌。卓樸。沈元泰。梁同新。許振初。殷兆鏞。鄭瓊。詔吳敬義。王祖培。蔣琦淳。黃倬。范承典。馬鑄。史淳。雷維翰。吳廷溥。湯雲松。李載熙。史致諤。陳枚。彭飛鴻。顧嘉蘅。周炳鑑。厲恩官。蔡殿齊。楊福祺。翁同書。匡源。甘守先。呂倌。孫。顧開第。周鎮南。萬青藜。曹炯。胡光泰。方允鑲。鄒振杰。吳保泰。宗室和潤。孫翔林。黃兆麟。俱著。

授為編修。三甲之庶吉士何其仁。著授為檢討。李祐。虞家泰。葉球。著以部屬用。劉印星。王衡。毓雯。著以知縣即用。○改築湖北北京山縣。楊隄灣等處石壩。從總督裕泰請也。○乙亥。諭軍機大臣等。奕山等奏官兵漸次到粵。分守要隘一摺。覽奏均悉。粵東民情浮動。經該將軍等妥為布置。眾志成城。守者有堅定之心。戰者必有奮勇之氣。現在所謂各路官兵。諒已陸續到齊。雇募水勇。並備辦快蟹等船。

亦應次第齊備。該將軍等務當謀勇兼施。分路兜剿。毋令該夷聞風遠竄。惟所素由廣西購辦大木。韶州肇慶二府置造小排。並提催江西廣西礮位。尤當嚴密催辦。以應要需。該處漢奸既多。所有商辦一切機宜。自應加意慎密。毋稍洩洩風聲。另摺奏查明香港地方情形。內地尺土。皆關緊要。豈容逆夷涸跡。所有前經該夷占據之香港。並現在寄泊之尖沙嘴等處地方。均著該將軍等於進剿得手

後。將該夷驅逐。各地盡行收回。至琦善與義律如何說話。及有無餽贈往來。現在鮑鵬業經起解送京。俟抵京後再行研鞫。不難水落石出。又奕山等遵旨查明各國夷商情形一摺。既據奏稱各國並不敢觖望於天朝。自必安心貿易。毫無驚疑。即著該將軍等妥為撫綏。俾逆夷稔知惡貫滿盈。自絕生路。各國僮能輸誠效順。自顧生計。漸與暎夷攜貳。則以毒攻毒。未始非用兵權變之法。惟在該將軍

等計出萬全。揚國威而喪逆膽。朕佇盼捷音之至。該將軍等必能迅奏膚功。共膺懋賞也。勉之。將此由六百里加緊各諭。令知之。○旌表守正捐軀河南光州民魏起治妻張氏。山西靈石縣民裴瑞麟弟媳李氏。○丁丑上御閱武樓。閱大員子弟馬步射。○添造福州駐防八旗及水師旗營檣礮五十桿。從將軍保昌等請也。○戊寅。

上詣綺春園問

皇太后安。○諭內閣。惟勤等奏。審出前次印庫門鎖被賊扭斷。值班官兵等匿報。請歸案嚴訊一摺。此案印庫門上鐵鎖。先經被賊扭斷。該官兵等含混封鎖。隱匿未報。所有專司監守之值班八品廕監拜唐阿。著即革職。連該兵丁等歸案嚴審。是日掌管印庫鑰匙之參領桂福。失於覺察。著交部議處。其竊印賊犯著飭屬勒限嚴密查拏。儻逾限無獲。即著據實叅辦。○諭軍機大臣等。梁章鉅奏風聞越

南國內訌密為防範一摺。據稱探訪越南國嗣王新立。黎姓之子孫。乘機窺伺。該國保樂土州農姓已起兵相應等語。天朝撫馭外夷。一視同仁。蠻觸相爭。從不過問。僅該國有啟關籲求等事。著該撫正辭拒絕。不准該國兵民竄入內地。內地民人亦不得出外滋事。仍嚴飭沿邊文武各員。密加防範。常川梭織巡察。總以防守為先。毋得稍形疏懈。至所稱該國使臣業經回國。自係因該國滋事之故。俟

其來時。仍遵前旨。准令進關。如或不來。亦毋庸過問。將此諭知梁章鉅。並著於周之琦到任後。一併諭令知之。○庚辰。諭軍機大臣等。固慶等奏護送夷人回國情形一摺。俄囉斯越卡夷人不聽安慰。攜槍逃走。該大臣妥為勸諭。現已由科布多起程北去等情。又另片奏。該夷不願回國。先令異地散處。以分其勢。後再相機酌辦等語。覽奏均悉。外夷竄入邊界。不免滋擾遊牧。現已聽諭樂從。自不值力

爭肇釁。著該大臣等妥為勸諭。速飭歸國。無許一名逗留內地。仍嚴飭各該委員沿途彈壓護送出境。毋任滋生事端。是為至要。將此諭令知之。○又諭。本日據固慶等奏。接准烏魯木齊咨稱。派員彈壓俄囉斯夷人。至科布多交界接替。該夷不聽安慰。逃至土爾扈特所屬鄂什克地方。牧放牲畜等情。已由該大臣改從臺站護送。並異地散處。相機酌辦。有旨令該大臣等妥為護送。速飭歸國矣。現在

該夷等是否逗留鄂什克地方。有無滋擾情事。著惠吉確查具奏。仍著諄飭所屬妥為勸諭。速令折回。毋任滋生事端為要。將此諭令知之。尋奏。現移咨科布多參贊大臣。飭查該夷人如尚在鄂什克地方遊牧。應即由該大臣就近勸諭回國。報聞。○貸山西太平。鄉寧。吉陵川。猗氏。遼。和順。趙城。大寧。永和。和林格爾。十一廳州縣上年歉收。貧民倉穀。○撫卹琉球國遭風難夷如例。○辛巳。兩廣總督祁

頃奏報抵粵任事。得旨。正當本省有事之秋。勉力為之。以副委任。○壬午。

上詣

大高殿行禮。

時應宮拈香。○還宮。○以孟夏時享。

太廟。自是日始齋戒三日。○癸未。諭內閣。耆英等奏敬謹查勘

福陵

寶城北面甃牆。請擇吉興修一摺。著欽天監敬

謹相度。如方向合宜。即行選擇吉期興辦。所

有估需物料匠夫銀共三千十三兩零。准其

由盛京戶部庫貯銀內動用。○賞會試年老

舉人余會來等十五名司業檢討學正職銜

有差。○禮部議准。河南巡撫牛鑑疏報採訪

固始縣貞節婦女趙榮氏等三十六口。請建

總坊旌表。從之。○

上以常雩祀

天於

圍丘。自是日始齋戒三日。○甲申。諭內閣。前據僧格林沁奏。理藩院覈議幹珠爾巴諾們汗處分。未能詳晰。當派載銓。交經查明具奏。茲據查出歷年案據。均無呼圖克圖字樣。請飭更正等語。幹珠爾巴諾們汗。違例私開牧場。經該將軍等查辦。該諾們汗膽敢護庇。狡展不服。聽斷。有意抗違。實屬咎由自取。著仍照原議。革去本身封號。飭回遊牧處所。綏遠城將軍色克精額。及理藩院堂官。未能詳細查

明。究屬疏忽。均著交部議處。其冊檔內呼圖克圖字樣。即著該衙門更正。



大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十一

監修總戎官經廷日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣實績總覈官經筵講官吏部尚書鑲藍副漢軍都統管理新營房城內官房大臣稽察內

七、合大庄積聚會同四譯館事務加一級隨帶加六級軍功加三級紀錄五次 匪花沙納總謀官文瀚蘭提舉蘭事兵部尚書瑞普

內務府大臣豫白俄滿部帳幕內七倉大臣管理宗人府銀庫在翼如官學  
宣壽宮開明園等處精捷營新茶膳房御藥房太

醫院造新處事務簡帶加十八級臣阿靈阿副總兵官經筵講官兵部尚書簡帶加六級紀錄二十次臣周祖培等奉

救修

道光二十一年辛丑夏四月乙酉朔享

太廟。

上親詣行禮○詣

南郊齋宮齋宿。○諭內閣前因幹珠爾巴諾們汗私開牧場。護庇狡展。不服聽斷。已降旨將該諾們汗革去本身封號。飭回遊牧處所。至綏遠城將軍及理藩院堂官未能將呼圖克圖字樣詳悉查明。已將該將軍等交部議處矣。因思各呼圖克圖諾們汗等向守清規。佐朕振興黃教。深堪嘉尚。每沛恩施。今該諾們

汗不守清規有違法制朕不得已予以薄懲嗣後各呼圖克圖諾們汗等務當仰體朕心護持黃教以綏藩服而受殊恩此次該諾們汗革去封號飭回遊牧地方固屬咎由自取朕猶望其改過自新承受恩典著交西寧辦事大臣詳加察看如果安靜悔過著於一年後奏明請旨其印敕等件即著暫存該廟交諾們汗徒眾妥為封貯○丙戌常雩祀天於

圓丘

上親詣行禮○詣

關帝廟拈香○幸圓明園○詣綺春園問

皇太后安○丁亥命盛京將軍耆英會同盛京

工部恭修

福陵

寶城北面甃牆○戊子旌表宇正捐軀河南汲

縣民楊夢麟妻秦氏祥符縣民婦張高氏○

己丑諭軍機大臣等本日裕謙奏接奉寄信

諭旨擬即起程並將關防暫行封貯等語覽奏均悉該督接奉升任諭旨已函囑浙撫前赴鎮海彈壓此時劉韻珂計已到彼面商一切裕謙到兩江總督任後將各海口防堵事宜辦理妥協即著折回鎮海調度將弁並不時查訪定海情形軍民果否相安夷船有無窺探情事不准稍涉大意所有欽差大臣關防仍著裕謙管帶以專責成至提鎮各員該督相處已久其於戰守能否相宜或須酌調方可得力之處著該督隨時察看據實具奏毋稍遷就總之該督現雖授任兩江而浙省為海疆門戶與江蘇毗連不可稍分畛域現在欽差大臣關防仍令該督管帶呼應最靈所有調撥將弁撫綏軍民一切緊要事宜均責成該督認真經理務使首尾相應毋得顧此失彼致有疏虞將此由四百里諭令知之○總管內務府大臣敬徵等奏遵議東陵降調人員由郎中降一級調用者以該處

員外郎內管領用降二級調用者以該處主事副內管領用均三缺補一至郎中降三級員外降二級該處並無從六品等官應准借補九品筆帖式支從六品俸與六品官較俸升轉亦三缺補一得旨著照所議辦理該員等補缺時仍著咨送內務府帶領引見○庚寅

上幸萬壽山詣

廣潤祠拈香○諭內閣御史張廷樺奏請嚴

禁探聽策題以防弊端一摺據稱士子中式後或在內閣住宿探聽策題或賄囑供事人等代為探聽等語內閣為絲綸重地無職事人員原不准私自出入況廷試大典尤宜闢防嚴密著大學士等嚴飭所屬認真稽查毋許中式貢士於應試前在內閣私自住宿並責成派出之護軍統領於封門後周視巡查儻有閒雜人等探聽立即拏究無稍疏縱○辛卯諭軍機大臣等本日奕山等馳奏山水

盛漲省河漫灘一摺據奏選定兵弁定期進剿適值大雨滂沱河水盛漲不能剋期分剿逆夷闖進省河之後近省要隘已被據守礮臺亦皆分占現在器勇未備攻不可恃等語覽奏均悉攻剿逆夷自須計出萬全謀勇兼施該將軍等務當慎密運籌催集礮械募調水勇一俟兵械齊集即行相機進剿一鼓殲擒以伸天討固須謀定後戰亦不可坐失機宜是為至要再據御史駱秉章奏逆夷在粵

造車載礮揚言復至天津等語著該將軍等確切偵探據實具奏又另片奏湖南官兵到粵聞有騷擾情事亦著該將軍等申明紀律嚴加約束以期兵民相安將此由六百里加緊諭令知之尋奏該夷並無復至天津之意湖南兵丁亦無滋擾報聞○又諭前諭令祁墳怡良傳知林則徐賞給四品卿銜迅赴浙江候旨本日祁墳等奏稱林則徐業於上月十三日由粵馳驛赴浙等語著裕謙於林則

徐到浙後酌量相當差使奏明請旨將此密諭知之○禮部議准山東巡撫托渾布疏報採訪濮州貞節婦女黃葛氏等一百六十七口湖南巡撫裕泰疏報長沙縣楊氏等五百五十三口廣西巡撫梁章鉅疏報北流縣蔣區氏等十六口各請建總坊旌表從之○賞

壇

廟住宿兵丁口分銀○壬辰撥直隸存鉛二十四萬斤解交寶泉局配鑄從大學士管戶部

事潘世恩等請也○癸巳旌表守正被戕山

東滕縣民高丕中女南妮○甲午

上詣綺春園問

皇太后安○御勤政殿聽政○以詹事府少詹

事李煌為內閣學士兼禮部侍郎銜詹事府

詹事博迪蘇為大理寺卿○以雲南永昌協

副將善祥為貴州威寧鎮總兵官○緩徵山

西陽曲應懷仁山陰朔清水河六廳州縣積

歉貧民舊借倉穀○乙未諭內閣英隆奏押

解琦善將次到京一摺琦善著解交刑部鮑鵬亦著一併解交刑部派睿親王莊親王惠親王定郡王大學士軍機大臣六部尚書會同刑部審訊○諭軍機大臣等有人奏四川內江縣知縣吳勤邦押買田土多取稅銀甚至嚴刑逼勒縱役訛索釀成命案又採買倉穀勒派民戶分買賠補有該縣義子胡玉豐把持訛索復縱令書役多方掙括魚肉鄉民該縣典史巢鳴皋吸食鴉片吳勤邦聽其擅

受縱役誣良威逼民婦自縊又義眉縣知縣胡林秀借夷務津貼為名按地丁加派並改造米斗勒民備價領取又派差役書吏代書等出銀二千餘兩以充私橐等語州縣為親民之官豈容貪劣之員朘削良民甚至釀成命案著寶興經額布密加查訪務得確情嚴叅懲辦毋許徇隱自干咎戾原摺著鈔給閱看將此諭令知之尋奏巢鳴皋吸食鴉片於熊雷氏收買竊賊一案越分妄傳請革職吳

勤邦於修理倉廩。那用穀價盈餘銀兩。並失查巢鳴皋吸煙等情。胡林秀失察書役得受斗戶紙筆飯食錢文。請交部分別議處。從之。○以故和碩特貝子車丹多爾濟嗣子布音圖襲爵。○以故杜爾伯特貝子喇特納巴咱爾子二等台吉諾木巴達爾瑚襲爵。○以浙江擒斬夷匪及防堵出力。賞知府鄧廷彩。同知舒恭受。江蘇同知黃冕。花翎縣丞汪仲洋等藍翎。餘加銜升補有差。○以演礮傷斃兵

丁。浙江總兵官孫廷揚等議處降補有差。○戶部議准。浙江巡撫劉韻珂疏報。仁和場開墾寬蕩三頃六十三畝有奇。照例升科。從之。○丙申諭內閣。祁墳奏。廣東應行引見水陸武職。請暫緩給咨一摺。現值軍務緊要之際。差遣需人。所有廣東省前已奏咨展限。及此後續有升任。並一切應行引見水陸武職各員。俱著暫緩送部。統俟軍務告竣。再行考驗給咨。至內有升任他省之員。若本省奏留。例

應先開升缺。此次係因軍務奏留。免其先開升缺。著該部即行給劄。俾支升缺廉俸。以示體恤。而昭鼓勵。○丁酉諭內閣。軍機大臣會同內務府大臣奏。遵旨籌議添設兵額一摺。此項入官生息銀兩。籌畫妥善。既可以裕旗兵生計。兼於武備亦有裨益。著即於圓明園添設兵丁四百名。每月餉銀。即在入官生息項下按名支放。並派賽尚阿。恩桂。督率練習。務使技藝俱臻嫺熟。毋得有名無實。始勤終

怠。所有挑補一切章程。著賽尚阿。恩桂。妥議具奏。尋奏。請飭直隸總督於教演擡槍武弁內。揀派二三名。來京訓練。並於入官生息項下每月領銀一百兩。作為公費。另擬操演章程。一鳥槍營。請由營總正參領內。派翼長二員。副參領內。派鳥槍營。蘭達四員。委參領每旗各一員。鳥槍護軍校各四員。副護軍校各四員。作為專操。免在堆撥該班。一。新添兵丁。由八旗十八歲以上馬兵。養育兵。閒散內挑

取作為槍甲如有不數旗分由別旗挑補足數一演放鳥槍擡槍春季自二月至四月秋季自八月至十月於西馬廠巡南每日兩旗試演一次春秋合操各三次餘日在本旗敬場操演一擡槍鳥槍每日各演放五出鉛丸火藥等項由兵工二部領取一每旗酌挑附學槍甲十數名學習擡槍以備充補一請於八旗護軍內挑取鳥槍兵一千名以四百名常川操演不必進班以六百名作為循環兩

班下班之時令其操演一遇

皇上臨幸各處常操之兵不必派令管遵即由下班兵派往一圓明園善撲貫跤騙馬大披箭各營兵丁除現充該營教習及得有等第者暫留此缺外餘概撥歸本營當差一鳥槍護軍外應設鳥槍檔子由本旗檔子兼充設旗長隊長由操槍熟練者挑取遇鳥槍營副護軍校缺出與鳥槍護軍一體挑補至本旗副護軍校缺應歸本旗入班挑取一各旗鳥

槍護軍缺俱由槍甲內挑補各旗護軍馬甲缺亦准槍甲入於本甲喇內挑補至鳥槍副護軍校缺除鳥槍檔子鳥槍護軍旗長隊長外不准別項兵丁挑補一圓明園八旗馬甲向不在堆撥該班今挑出鳥槍護軍常川操演該班人數較少應令馬甲與護軍一體該班從之○以理藩院尚書賽尚阿管圓明園八旗內務府三旗官兵進班○戊戌

上詣

黑龍潭神祠拈香○諭內閣德春等奏買賠米石出城一摺據稱上年開運掣欠漕糧經戶部予限六箇月買補該經紀等現由城內糧店買足待運經巡視南城御史以米石出城礙難照辦移駁現在期限已屆請飭轉運完交等語京城米石向例不准出城此次買賠掣欠漕糧何得率由城內購運巡視南城御史執法斥駁甚屬可嘉該侍郎等並不查照成案辦理輒因限期甚迫餘米無多率由

城內買補奏請轉運。殊屬非是。德春、王炳瀛著交部議處。所有應賠米石著展限兩箇月。照例購齊補交。現買米石著顆粒不准出城。併著步軍統領衙門、巡城御史嚴密稽查。如有弊混據實叅奏。○諭軍機大臣等。伊里布家人張禧即張喜現據伊里布奏稱。於三月間回直隸天津縣原籍。已飛咨山東直隸各督撫並牌行經過州縣截拏等語。該犯現有應行查訊之處。既由江蘇回直隸原籍。著訥爾經額、托渾布、裕謙程喬采密派委員訪拏務獲。無論行抵何處即行押解入京。交刑部收審。斷不准任其逃逸。伊里布現已起程來京。並著訥爾經額等密飭押解各員毋令張禧與伊里布見面為要。將此各諭令知之。○己亥。命翰林院侍讀學士戴熙仍在南書房行走。○庚子。以恭修

永陵  
啓運殿成遣官告祭如儀○

上詣綺春園問  
皇太后安。○辛丑。  
孝端文皇后忌辰遣官祭  
昭陵。○諭軍機大臣等。梁章鉅奏雲南廣南府野貓洞地方聚有黑沙人滋擾抗拒官兵並在廣西所屬之西隆州各處散布揭帖希圖搶掠等語。滇省匪徒滋事難保不竄入粵境西隆州等處既有揭帖散布廣西本境不免藏奸該撫現飭文武員弁於滇省交界要隘嚴密堵緝如有滇省竄入匪徒及土匪勾通情事立即擒拏解究該撫務當持以鎮靜密加防範固不可稍形疏懈尤不可張皇滋擾是為至要將此諭令知之。○壬寅。諭內閣奕山等奏焚勦省河逆夷兵船一摺。勦辦甚屬可嘉。據稱逆夷兵船自大黃灣二沙尾兩路連檣近逼省垣該將軍等於四月初一日飭令將弁挑選熟習水勇一千七百餘名交都司胡俸仲等帶領分起攻勦暗藏火器乘駕

快艇埋伏各處。並督令官兵在沿岸乘勢轟擊。該弁勇等分為三隊。先抄後路。攻其左右。該逆四面受敵。同時火發。弁勇伏身水上。直撲船底。鉤住船身。拋擲火器。須臾燒燬西路白鷺潭大兵船二隻。大三板船四隻。小艇三板船數十餘隻。東路二沙尾小三板船數隻。逆夷被擊及溺死者不計其數。總兵張青雲等復於西礮臺督兵開礮。其逆夷上岸。均被殺斃。次日該逆駕船救援。又被官兵開礮擊

沈三板船一隻。逆夷始退等語。逆夷自去冬猖獗以來。毒焰漸張。經此懲創。足以快人心。而勵眾志。著奕山等仍加意防守。省垣毋令逆夷兵船駛入。各緊要口隘。督飭將弁分段嚴密防堵。毋稍疏虞。其應如何設法進剿之處。即著趁機籌畫。計出萬全。迅奏膚功。以膺懋賞。奕山、隆文、楊芳、祁墳督率有方。著先行交部從優議敘。發去白玉翎管一箇。四喜搬指一箇。帶鉤一箇。黃辦珊瑚豆大荷包一對。

小荷包二箇。著奕山祇領白玉翎管二箇。搬指二箇。黃辦珊瑚豆大荷包兩對。小荷包四箇。著隆文、楊芳祇領。在事出力文武員弁。著該將軍等查明覈實保奏。候朕施恩。所有傷亡兵弁水勇。著分別咨部辦理。○癸卯。旌表守正捐軀陝西郿縣民段泳讓妻許氏。妹金華。○甲辰。諭內閣。值年旗大臣奏揀選察哈爾總管。所有各旗蒙古侍衛章京內。並無通曉蒙古文字人員。請旨一摺。此次揀選察哈

爾總管。各旗蒙古既無通曉蒙古文字侍衛章京。即照從前辦過章程。於現在住京之東三省人員內。無論滿洲蒙古旗分。咨取通曉蒙古文字之頭等侍衛章京。及該處保送之雅哩木丕勒等三人。一併揀選引見。○諭軍機大臣等。前據吳文鎔片奏。接到琦善咨會。現在喫夷遵照繳還定海。已給咨該夷官由海道馳赴浙江。統撤師船回權。並給發照驗沿途准其購買食物等語。琦善既經咨照閩



省該撫曾經閱看。自必存有案據。著顏伯燾  
吳文鎔。即將琦善所發照驗。包封由驛呈覽。  
如並未存案。著將其照驗內如何措詞之處。  
詳晰具奏。毋許稍有隱飾。將此諭令知之。尋  
調任湖北巡撫吳文鎔奏。前在閩接琦善咨  
會。喫夷赴浙撤師。發給照驗。沿途准買食物。  
如逾正月十五日程限。作為廢紙等語。閩浙  
總督顏伯燾奏。閩省接琦善咨會後。並無喫  
夷持照買物。顯係詭謀狡詐。藉令粵省弛備。  
以致虎門失守。謹將咨文照驗呈覽。均報聞。  
○又諭。前據海齡奏。稱於文移內知喫逆在  
粵。以繳還定海為詞。懇請恩施。琦善即准該  
逆自粵赴浙。沿途購買食物。發給照驗。一紙  
等語。該副都統所稱移文。係接據何處移咨  
琦善。所給逆夷照驗。曾否咨會江蘇。著詳細  
查明。其照驗底稿。該副都統如已存有案據。  
即鈔錄由驛呈覽。如未有存案。即將照驗內  
作何措詞之處。詳晰具奏。將此諭令知之。尋

奏。前署兩江總督裕謙。准琦善咨會轉行。以  
喫夷自粵赴浙。沿途准買食物等語。謹將裕  
謙原文呈覽報聞。○以大學士王鼎協辦大  
學士吏部尚書卓秉恬。禮部尚書龔守正。戶  
部右侍郎許乃普。刑部右侍郎德誠。內閣學  
士李品芳。李煌。通政使司通政使慧成。為殿  
試讀卷官。○禮部尚書奎照。因病解任。以綏  
遠城將軍色克精額。為禮部尚書。兼鑲紅旗  
漢軍都統。○乙巳策試天下貢士。蔡念慈等

二百二人。於保和殿制曰。朕寅紹丕基。覃熙  
宇合仰荷。

上蒼鴻佑。

祖

考。眷貽深宮。劼愆益疊。治安茲御。極之二十有  
一年。誕敷綸詔。特開恩榜。嘉與天下士周諮  
博稽。以裨集思廣益之治。爾多士其敬聽予  
詢。士不通經。不足致用。經之學不在尋章摘  
句也。要為其有用者。漢廷治獄。多引經義。其

見於各傳者如雋不疑蕭望之輩不一而足能述其事舉其辭歟其以尚書春秋博士補廷尉史始於何人董仲舒春秋決事十六篇今佚不傳因學紀聞所載凡三此外尚有存者否周禮為周公致太平之書後之用者惟宇文泰蘇綽差為近古而劉歆王安石或以文奸或以致弊豈周官果出於偽託歟抑不善用者之過歟或謂漢法未備故有取於經後則事皆有例援古反以滋疑然例文過多

胥吏或以舞弊何以用之克善歟民生艱易賴乎守令守令廉貪視乎大吏虞廷三載考績周官六計弊治此允釐之要也漢以六條察二千石唐考功有四善二十七最宋置考官院考中外官當若何循名責實乃有裨於官箴民命歟今按兩漢循吏傳則西京所載無非郡守班固至謂令若長不聞於時何也至於東京則王湛劉矩仇覽董恢並以令長列於循吏傳而魯恭劉寬與夫潁川之四長

先後相望其故安在夫為守令者其首重者曰廉其次曰才然或潔清自好而政事不免於廢弛或才力有餘而節操不足以共信果如何而得有守有為者分布郡縣也姑息適以養奸嚴威足以禁暴攝攝位而四凶服罪孔子攝相而少正卯誅古聖以生道殺人皆此意也而酒誥之文有謂為小人傳會六經者韓非載魯哀公賁霜不殺菽之間有謂為法家託聖言以文峭刻者果定論歟善乎崔

寔之言曰以嚴致平深得達權救敝之理後儒有稱之者能引伸其說歟唐太宗論赦為小人之幸能析其義歟至若保甲之制弭患未萌法至善也乃行之熙豐而反以滋其累用之南贛而民復稱其便其故何歟吏胥所以察奸兵弁所以戢盜乃或者聲息相通反為援引何術以防之何法以懲之歟兵所以威天下實所以安天下漢之南北軍唐之府兵曠騎宋之更調明之團營皆陸路之兵也

至海疆用兵。若晉之孫思盧。循元之方國珍。皆內寇窮蹙。擁眾據險。易就削平。惟明胡宗憲。咸繼光。勦平倭寇。戰功尤著。其所撰籌海圖編。紀效新書。非空談韜略者可比。其時若朱統之。嚴海禁疏。鄭若曾之江南經略。唐順之之武編。不皆有裨於實用歟。當茲八荒在宥。七德有征。決勝機宜。權衡貴當。將卒何以汰其惰窳。偵探何以測其阻深。器械何以極其精良。內奸何以絕其勾結。歟。凡此者。通經致用。有治人而後有治功。課績考勤。有實心而後有實政。不以萬民向化。弛詰奸禁暴之防。庶幾九有歸懷。奏柔遠綏邊之績。多士橋門。釋褐學古入官。拜獻先資。毋泛母隱。朕將親覽焉。○以宗人府左宗人綿偲署鑲紅旗漢軍都統。○丙午。諭內閣。昨因陝西民人喬中和當伊母起意投窰自盡。逼令送往。該犯曾向哭阻。並邀伊母舅排解。迨因被逼扶送。旋即釋手。較之從前倪勝兒蔡允光之案。並

無加功愆。惠情事。情節稍輕。是以改為斬候。儻因此次奉有酌減諭旨。將來各省辦理此等案件。率聽案犯添捏情節。狡供避就。大非朕執兩用中之意。嗣後內外問刑各衙門。務須虛衷研鞠。詳覈案情。照例辦理。不得援引喬中和之案。有意開脫。以致逆倫重犯。倖稽顯戮。庶於罪疑惟輕之中。仍不失明刑弼教之義。將此通諭知之。○諭軍機大臣等。上年琦善赴廣東查辦事件。隨帶鮑鵬一名。係由

山東攜往。鮑鵬係廣東人。因何事至山東。何人留住。琦善何由得知其人。著托渾布確切查明。據實具奏。毋許稍有諱飾。將此諭令知之。○除江蘇吳縣義冢田一畝。有奇額賦。○丁未。

上詣綺春園問

皇太后安。○諭內閣。本日兵部議覆湖北竹山協副將都爾松阿等失察營弁營書冒支糧餉處分一摺。各直省分設營伍。按籍支糧。必

期兵皆足額。該營弁等虛冒空名糧餉。最為營務惡習。兵額不足。訓練不精。率由於此。此案竹山協副將都爾松阿。於營弁冒支兵糧。及本衙門書識兼食空餉。毫無覺察。竹山協中軍都司慶連。失察營書兼食空糧。該部議以降一級調用之處。雖係公罪。均不准抵銷。

○戊申

上詣

大高殿行禮。○還宮。○御弘德殿召讀卷官入。

親閱定進呈十卷甲第。○諭內閣。上年據御史陳熾奏。解運銅船。宜嚴查奸私。併另片奏。銅船過境。須派幹員。飭與一路同行督催等語。當降旨交銅船所過省分各督撫妥議具奏。現據江蘇等省各督撫各就所辦情形。陸續奏到。其應如何酌定章程之處。著該部議奏。尋議。○四川議。運船無論瀘州兌開重慶換載。均由地方官會同運員。每船選派頭舵經工一名。管束水手。開幫後不許擅離登岸。

如有作奸犯科。交地方官重懲。儻地方選雇不慎。運員稽查不嚴。及沿途少撥兵役。不親護送。將該管道府一併叅處。○湖南議。運船由湖南經過。僅有巴陵一縣。即責成該縣文武親詣稽查。出具印結。於詳報過境文內。齎送查考。○湖北議。運船入境。由宜昌鎮總兵督同各卡員地方官。按查順水押護。至宜昌府。移交丞倅各員。督同地方文武交替催趲出境。至漢鎮以下。另雇熟諳大江水手。由巡撫嚴飭漢黃德道。督同漢陽同知。選雇頭舵經工。查照川省新章辦理。○江西議。責成九江關監督查驗。取具運員鈐結。並盤查之員印結備案。其委員兵役護送。令下站出具實係親送印結通送。○安徽議。經過蕪湖關。責成該道查驗。○兩江議。加運銅斤及鉛。在江換船。加運責成江防同知。鉛運責成儀徵縣代為選雇水手。取具連環保結。如有疏防。由該管上司查叅。○山東議。另雇民船。責成地

方盤詰奸究。責成關隘。如有弊端。會同地方官究辦。○直隸議。銅鉛將次入境。由天津通永二道催趲彈壓。均應如所請行。得旨著照所議辦理。惟滇黔兩省辦解銅鉛。均有一定例限。近來在途耽延日期。往往轉多於例限。嗣後著責成派出之藩臬大員。嚴飭各道府及沿途地方文武員弁一體認真稽查。如該運員無故逗留。地方官扶同結報。即著該督撫嚴行叅辦。○諭軍機大臣等。本日據奕山

等馳奏官兵抵禦情形一摺。據奏逆夷兩路分攻東西礮臺。經總兵段永福琦忠長春張青雲等督率將士併力抵禦。轟沈火輪船一隻。並被兵勇拋擲火箭火器。焚燒三桅兵船一隻。東礮臺打折夷船大桅一枝。震落夷人數名。落水次日又復擁至。經遊擊伊克坦布等督率兵勇擊斃夷匪數名。夷人開礮自炸。轟碎三板船一隻等語。該將軍等經朕面授機宜到粵以後。調遣鎮將督率弁兵兩次焚

擊夷船多隻。逆情甚屬倉皇。洵屬謀勇兼施。不負委任。可嘉之至。惟續浦火船竟被漢奸焚燒。復於接仗時拋擲火罐火球。焚燒房屋。深堪痛恨。現據該將軍等拏獲多名。訊明梟示。此種奸匪。必須盡行誅戮。勸辦方可得手。著奕山等嚴密查拏。獲到一名。即於訊明時在軍前正法。慎毋姑息養奸。據奏齊慎日內可到。即令分駐佛山石門一帶。督率總兵等擇要堵禦。均著照議辦理。此次打仗守城出

力各員。著奕山等查明具奏。候朕施恩。其東礮臺打折夷船大桅之兵丁。並著查明奏請獎勵。傷亡弁兵。分別奏咨賜卹。現在招募福建水勇一千名。業經到粵。仍著該將軍等努力防守。多備礮械。出奇制勝。奮勇勦洗。迅奏膚功。同膺上賞。勉之望之。將此由六百里加緊諭令知之。○又諭有人奏本年二月內廣東夷匪滋事。該處鎮遠礮臺有九千斤大礮炸裂。傷斃守兵五百餘名。其餘兵丁一閱而

散至今未聞奏辦等語著祁頊怡良查明據實具奏又現據琦善供稱在夷船與義律講話時有直隸隨帶武弁廣東巡捕及親隨兵丁多人在旁聽聞等語琦善在蓮花岡等處屢次與義律講話是否果有員弁多人在旁抑或有時屏去從人私相談論或祇鮑鵬白合章等與聞其廣東巡捕等員概不知悉並著該督等就近查訊隨往員弁詳晰覆奏毋許徇隱至香港地方經琦善擅許逆夷在彼貿易究竟給與全島抑止給與一隅現在該夷是否退出或仍然占據亦著祁頊等查明據實具奏再前據御史高人鑑奏鮑鵬前在廣東緣事經地方官查拏竄逸等語鮑鵬即鮑聰原犯何事該地方官因何查拏有無案據著一併查明具奏並將案據解交刑部以憑查辦將此諭令知之○以緣事革退廣西安平土知州李廷植弟秉圭襲職○以擊退廣東省河夷船賞都司伍定著守備劉國榮

王金國花翎千總藍琮等藍翎餘加銜升選有差○己酉上御太和殿傳臚賜一甲龍啓瑞龔寶蓮胡家玉三人進士及第二甲何若瑤等九十六人進士出身三甲吳榮楷等一百三人同進士出身○以惇恪親王綿愷奉移園寢上臨曹八里屯暫安處賜奠○辛圓明園諭內閣前據御史許汝恪奏參江蘇署邳州知州候補知縣賈輝山在任不理公事與該州吏目王汝誠結盟營私擅作威福並濫用非刑押斃無辜等款當經降旨著麟魁馳至該處訪查懲辦茲據該侍郎奏稱賈輝山訊無與該吏目結盟及諱盜濫刑情事惟於尋常訟案率將兩造管押致職員臧敏增取保後病故究有不合且甫經署事輒藉緝捕為名諭令鄉約派捐錢文事雖未成實屬鄙謬賈輝山著交部嚴加議處邳州吏目王汝誠於該州違例派捐經費據鄉約面稟代為求免

尚無不合。著毋庸議。○又諭德厚奏查出庫貯官物互有多少。請飭審辦一摺。庫貯官物皆當覈實稽查。豈容任意短少。據該侍郎奏稱查得庫貯短少折價銀三百三十八兩零。其銀珠芋布官粉顏料線麻熟鐵及回殘礮鐵均互有多少。其中顯有情弊。至司庫惠昌所稱因公借支庫項亦屬一面之詞。必應徹底根究。著著英會同盛京刑部侍郎親提稿冊書吏樓軍人等嚴審究辦。司庫惠昌並管庫各員俱著聽候傳訊。○諭軍機大臣等本日據齊慎奏訪聞喀夷猖獗實由漢奸為之耳目。我兵舉動彼皆先知。漢奸之為夷人服役者曰沙民。與夷人貿易者曰孖穩。行蹤詭祕。現在仍為鬼子偷買口糧。是以鬼子得以久擾內地等語。廣東沿海各處漢奸充斥。疊經降旨著該將軍等於擒獲後即行正法。以示創懲。現當攻勦逆夷之際。該匪徒等尚敢偷買口糧接濟逆夷。實堪痛恨。著該將軍參

贊暨該督撫等飭地方文武員弁將沙民孖穩等漢奸設法擒拏嚴行究辦以除根莠而肅軍令。將此由五百里各諭令知之。○庚戌

命

皇四子 皇五子奕詝皇六子奕訢前往惇恪親王綿愷暫安處奠酒目送惠親王綿愉往代祭奠並送至園寢。○諭軍機大臣等甘肅為邊疆門戶足兵足食均宜豫籌倉庫錢糧不容絲毫虧短前於十五年十二月據瑚

松額密奏虧短情形旋於十六年正月經御史許球奏參十九年十一月又經給事中周春祺條奏均以錢糧倉穀虧短為辭屢經降旨飭令瑚松額破除情面趕緊設法彌補嗣於二十年四月該督奏稱甘肅原虧銀穀及已經彌補數目有扣存司庫者有解交道庫州庫者有存貯屬庫買糧還倉者再有數年即可一律補完等語查瑚松額十五年密奏情形迄今已逾數載如果漸次彌補日有起

色外間早有見聞。何至給事中等紛紛奏。即該督上年所奏亦藉口連年歉收。及鎮西迪化二府州遠在口外。已飭咨催為辭。是該省未能彌補全完。已可概見。瑚松額前密奏時。朕曾俯允所請。以為如果覈實辦理。逐款全清。奏報之數。毫無捏飾。原不必徒有參劾官員之名。而無添補足額之實。乃遷延數載。實效毫無。州縣則姑容未參。倉庫則虛懸未足。若再不力加整頓。何以符定制而儆官常。

恩特亨額經朕簡任陝甘總督。受恩甚深。責無旁貸。現已履任。著即認真稽查。設法清釐。俾倉庫實貯無虧。吏治民風蒸蒸日上。方為不負委任。將此諭令知之。○又諭裕謙奏接奉廷寄。籌畫駐劄地方一摺。覽奏均悉。江浙兩省為海防關鍵。必應防守周密。以杜夷匪竄越。裕謙現已接受兩江篆務。所有上海寶山各海口。諒經布置妥協。著酌量兩省適中之地。在彼駐劄。易於策應。如遇浙省有應辦

事件。仍可馳往調度。裕謙赴浙時。即著程潛采至上海會同提督陳化成實力巡防。其鎮海軍營事務著派劉韻珂。余步雲辦理。並著林則徐暫行協同籌辦。儻浙江省垣有應辦公事。劉韻珂回至省城。即著余步雲與林則徐周開麒會商妥辦。如有摺奏。林則徐毋庸列銜。總當和衷共濟。嚴密防堵。江浙兩省聲勢聯絡。逆夷自不敢妄生覬覦。據奏浙江洋面仍有一二夷船。忽隱忽現。著探明究係何

項船隻。現在是否尚在遊奕。據實具奏。將此由四百里諭令知之。○鑾儀衛鑾儀使高明德年老休致。以廣西右江鎮總兵官滿承緒為鑾儀使。○辛亥諭內閣。著英等奏兵丁等操演鳥槍。請示鼓勵一摺。盛京前鋒兵丁等自上年秋令以來。演習鳥槍。均臻嫺熟。著照所請。嗣後准其於每旗前鋒內。擇其槍箭出眾者。揀選二名。作為委前鋒校。賞戴金頂藍翎。又盛京滿洲蒙古漢軍領催馬甲。現於兩



季常操外。均各加添操演。並學習鳥槍。著准其於每旗再添設金頂委官二名。仍食原餉。以示鼓勵。而期振作。○又諭。伊里布現已到京。著派睿親王。莊親王。惠親王。定郡王。大學士。軍機大臣。六部尚書。會同刑部。傳訊家人。張禧著交刑部歸案審訊。○以都察院左都御史恩桂。管咸安宮官學事。○壬子。上詣綺春園問。

皇太后安。○諭軍機大臣等。諭浙江巡撫劉

韻珂。前因御史許乃安奏。杭州居民紛紛遷徙。山陰會稽等縣。用印票索借民間銀兩等語。當降旨交該撫密查。茲據查明。上年定海滋事。省垣民人。不無驚疑。旋即安靜。並無紛紛遷徙之事。其山陰會稽二縣。出有印票。實係郡城紳耆公請發給。以備勸捐防禦經費。各該縣權宜允准。設局辦理。係因急圖保衛起見。委無勒索侵蝕情弊。該御史所奏。著無庸議。至該紳耆等因城工未竣。仍求准其勸

捐。自應俯順輿情。以資保護。著照該撫所請。仍准該紳耆等妥為勸捐。總須出自樂輸。毋稍勉強。俟城工完竣後。准由該撫奏請分別獎勵。候朕施恩。將此諭令知之。○癸丑。

上詣

大高殿行禮。○還宮。

孝慎皇后忌辰。遣官祭。

陵寢。○靖逆將軍奕山等奏。夷船攻擊省城。督兵保護。幸尚無虞。而體察局勢。難期久守。湖

自夷船駛入省河。排列多艘。咽喉已為所扼。省城重地。為全省關繫。稍有疏失。則各府州縣匪徒。必致乘機蜂起。日夜焦思。萬分無術。據守堵兵。丁探報。城外夷人向城招手。似有所言。當差總兵段永福喝問。該夷目即免冠。將兵仗投地。向城作禮。稱不准貿易。貨物不能流通。資本折耗。負欠無償。祇求照前通商。並將歷年商欠清還。即將兵船全數撤出虎門以外。復據居民及眾洋商紛紛稟懇。臣等

通盤籌畫。虎門藩籬既失。內洋無所憑依。與其以全城百萬生靈。與之爭不可必得之數。似不若俯順輿情。以保危城。是以公同商酌。派署廣州府知府余保純。妥為查辦。暫准其與各國一體貿易。先蘇民困。俟夷船退出。漢奸解散之後。先從省河以及虎門各處要隘。磊塞河道。增築礮臺。添鑄礮位。門戶既固。如再鴟張。立杜通商。庶辦理有所措手。諭軍機大臣等。寄諭奕山等。朕諒汝等不得已之苦。

哀。准令通商。惟當嚴諭該夷。目立即將各兵船退出外洋。繳還礮臺。仍須懷遵前定條例。祇准照常貿易。不准夾帶違禁煙土。儻敢故違。斷不寬恕。並著將軍等會同該督撫。悉心籌議。妥定章程。夷性叵測。仍當嚴密防範。不得稍有疏懈。俟夷船退後。迅將各礮臺及防守要隘等處。趕緊修築堅固。如喫夷露有桀驁情形。仍當督兵勦滅。不得因已施恩。遂諸事任其需索。另片奏。城外居民房屋。多被焚

燒。著祁墳怡良。即派委妥員查明。妥為撫卹。將此由六百里加緊諭令知之。○以夏至祭地於方澤。自是日始。齋戒三日。

大清宣宗效天符運立中體正至文聖武智勇仁慈儉勤孝敏成皇帝實錄卷之三百五十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十二

此係宣宗皇帝御製實錄卷之三百五十二

天符府尹等官隨帶加五級紀錄十八次

七次大臣等隨帶加一級紀錄十八次

內務府大臣等隨帶加一級紀錄十八次

醫館進士等隨帶加一級紀錄十八次

秋修

道光二十一年辛丑五月甲寅朔命大學士

穆彰阿戶部尚書祁寯藻教習庶吉士○授

一甲一名進士龍啓瑞為翰林院修撰二名

進士龔寶蓮三名進士胡家玉為翰林院編

修○予福建出洋落水受傷把總王玉輅兵

丁葉上春等四十二名賞卹如例○續撥山

東海防經費銀十萬兩從巡撫托渾布請也

○乙卯戶部議准江西巡撫錢寶琛疏報鄱

陽縣開墾洲地九頃八十二畝有奇照例升

科從之○丙辰夏至祭

地於

方澤

上親詣行禮○

孝誠仁皇后忌辰遣官祭

景陵○幸圓明園○詣綺春園問

皇太后安○諭軍機大臣等本日據劉韻珂馳

奏浙洋尚有夷船遊奕加意堵禦一摺據奏

寧海縣報大佛頭外洋有夷船二隻象山縣

東嶼外洋有夷船一隻又寧海縣報大佛頭

外洋添夷船一隻並接粵咨聞有夷船往浙

之謠復接閩咨有夷船一隻從古雷外洋自

南駛北後隨小船六隻並漁船目睹小船載

有黑夷又詔安縣報有二桅夾板夷船多隻

從西南駛由畬洲外洋向東北而去南澳鎮

報有三桅夷船二隻二桅夷船二隻由西南

外洋駛往東北同安縣報在廈門大担門外

洋有二桅夷船一隻自南向東北開去又有

三桅夷船一隻由南向北並聞喚夷因浙省

拏獲白夷正法欲來浙江報復現已會同余步雲分飭在防文武乘其未至倍加防範等語覽奏均悉逆夷蹤跡詭秘粵省既稱夷船來浙閩省又稱夷船北駛自不容以浙洋未報夷船連檣而至稍疏防備所奏接築礮臺演放礮位撥解槍桿各事宜著照所議妥為辦理裕謙著馳往浙江或駐劄嘉興或徑赴鎮海該大臣酌量情形自行妥辦並著程喬采陳化成海齡長喜於所屬沿海各要隘勤加哨探密為籌備務使各處有備無患逆夷無隙可乘再據奏小船潛載黑夷難保不圖滋擾並著該大臣等先事豫籌如有夷船駛入內洋度量礮力能及即行奮力轟擊以裨逆魄其奉天直隸山東各海口已諭知耆英等一體防備矣將此由六百里各諭令知之○又諭本日劉韻珂馳奏浙洋尚有夷船遊奕加意堵禦一摺據稱接准粵省咨會有夷船往浙之語復疊據閩省稟報夷船多隻自

南駛北浙省各海口現在嚴為籌備等語逆夷蹤跡詭秘外洋既有北駛船隻且以小船潛載黑夷更難保非別圖滋擾各省海口均應一律嚴防著耆英訥爾經額托渾布各飭所屬加意巡探嚴密防備儻有夷船駛至近岸務當極力堵禦相機攻剿固不可稍涉張皇亦不可少形疏懈是為至要將此各諭令知之○命寧夏將軍特依順來京以齊齊哈爾副都統舒倫保為寧夏將軍調廣州漢軍副都統英隆為齊齊哈爾副都統○修山東運河加河捕河上河泉河隄開從河道總督文冲請也○戊午諭內閣嗣後新進士朝考閱卷著照覆試之例擬定一二三等進呈○調正黃旗蒙古副都統國勒銘阿為廣州漢軍副都統○己未引見新科進士得旨一甲三名龍啓瑞龔翼遵胡家玉業經授職外何若瑤張金鏞徐葵俞長贊蔡念慈高鴻飛周宗濂徐墉曾廣淵賈樾陳洪猷潘曾瑩劉環

趙昀洪毓琛汪堃郭禮圖李希彬陳啓邁孫  
耀先陳慶松田樹楨高延綬葛景萊童以忻  
孫鏘鳴徐玉豐朱錫珍章振甲葛高翥梁紹  
獻楊式穀文瑞張振金蔡徵藩李湘華張桐  
劉廷榆章瓊張晉祺梁國瑚郭鳳岡張樾胡  
焯盧慶綸將達彭涵霖吳鼎昌陳壽圖王鳳  
翔馬品藻張煒張興仁張衍重沈大謨宗室  
載齡顏培瑚青慶李光彥楊元白姚光發鍾  
世耀張舒翰宗室錫齡畢道遠陳鑑俱著改

為翰林院庶吉士賀霖若何國琛王大宗盧  
定勳吳祖昌麒慶劉齊銜許兆培甘晉吳父  
生錢寶青邊葆淳寶珣顧文彬陳桂籍陳象  
沛廉昌洗倬邦劉兆璜陳濬李瑞章宗室秀  
平王錫振張承諫龔達鄭子蕃湯成秀馬晉  
如何紹瑾毓祿俱著分部學習高本仁沈壽  
嵩侯雲登俱著以內閣中書用曹源夏承煜  
趙培之邵秉中王瑞慶覃懋德楊裕仁徐台  
英余錦淮張宗世鄧元資丁璜趙樾袁廷鑾

徐楊文保劉齊衢吳之觀賈廷藩郭廷鑾牛  
樹梅劉芳雲曹汝賡吳榮楷譚承禮王維桓  
謝廷榮楊德懿汪藻鄭芳蘭張墳胡廷弼尉  
光霞李榮王範龔衡齡萬兆霖薩克持鄭邦  
立張自植張炳堃多仁常山鳳孫德耀李仲  
祁劉步亭王銘鼎張兆辰張寶鎔馬振文齊  
德五秦聚奎葉逢春徐良梅楊安國郭汝誠  
姚錫華趙林成喻秉醇朱汝鵬吳調元吳世  
春馬映階吳啓楠聯凱張建翎陳鑑陳秉信

安慶瀾孫濂甯憲尚鳴岐封景岷張淳余兆  
崙盛曷郭先本卜葆鈐孫家鏐謝方潤鄭元  
善由福謙桂楸張書璽劉家達彭鳴盛朱元  
增俱著交吏部掣籤分發各省以知縣即用  
戶部候補員外郎吳若準兵部候補員外郎  
梁逢辰禮部候補員外郎聯捷著以員外郎  
即用戶部候補主事王炳勳著以主事即用  
內閣候補中書葛良治著以內閣中書即用  
餘著歸班銓選○調山海關副都統扎拉芬

奏為正黃旗蒙古副都統以散秩大臣綿悌署鑲紅旗蒙古副都統○惇恪親王綿懌安葬園寢命惠親王綿愉前往賜奠○庚申諭內閣訥爾經額奏賑借動用穀石請分別開銷徵還一摺上年直隸青縣靜海滄州三州縣大賑動過豫穀四萬三千八百九十石零著准其照案開銷其滄州出借豫穀八千石著於秋後照數催徵還倉如有無著之戶仍責成該州賠補以昭覈實○又諭顏伯燾奏請

將藉詞推諉之副將及性耽安逸之署都司革職一摺浙江台州協副將慶存於奉文調撥防兵竟敢藉詞推諉署樂清協都司事提標左營守備呂平蛟奉委測量海口並不親身前往復敢飾詞申辯現在防勦逆夷之際似此不遵軍令觀望遷延僅予革職不足蔽辜慶存呂平蛟均著革職於海口枷號一箇月滿日發往軍臺效力贖罪以為玩視軍務者戒○諭軍機大臣等據顏伯燾奏夷船兩

次滋擾銅山已飛咨前任提督王得祿迅赴澎湖駐劄防守等語所辦是銅山一島孤懸兵力單薄業經該督酌調官兵馳往防守惟澎湖地方為臺灣廈門咽喉更非銅山孤僻可比該處僅設有副將一員恐不足以資鎮守王得祿熟悉海疆情形前經降旨著該提督協同臺灣鎮道辦理防堵事宜現在澎湖防堵緊要著即駐劄澎湖督同該將備等嚴加守禦毋稍疏忽至臺灣有該鎮道等駐守

所有應辦事宜仍可就近相商王得祿受恩深重定當不負委任又另片奏盜匪出洋肆劫業經捕獲三百八十餘名等語此等匪徒逞兇不法儻與逆夷勾結或至為彼所用甚有關繫慎勿輕視務須檄飭各屬文武員弁嚴密巡哨設法兜擒毋致養癰貽患是為至要將此各諭令知之○辛酉修浙江仁和海寧三州縣海塘柴埽各工從巡撫劉韻珂請也○壬戌

上詣綺春園問

皇太后安。○癸亥。諭內閣。國家設立兵丁。勤加訓練。所以嚴武備而戒不虞。總督有統轄之責。必應於平時認真督率將備。加意練習。使之有勇知方。一旦猝遇外侮。何患不破敵摧堅立功奏凱。道光十二年。兩廣總督李鴻賓。廣東提督劉榮慶。因辦理軍務。臨事不能得力。平素毫無整頓。曾經遣戍。前任兩廣總督鄧廷楨。履任多年。懈惰因循。不加整頓。所設

排鍊。空費錢糧。全無實用。以至該省兵丁。柔懦無能。諸多畏葸。虎門之役。竟有為夷匪買通者。思之殊堪痛恨。前任兩廣總督林則徐。經朕特給欽差大臣關防。辦理廣東事件。繼復令其實授總督。全省軍務。皆其統轄。既知兵丁染習甚深。便應多方訓導。勤加練習。其於夷務。亦當德威並用。控馭得宜。乃辦理諸未妥協。深負委任。鄧廷楨。業經革職。林則徐著革去四品卿銜。均從重發往伊犁效力贖

罪。即由各該處起解。以為廢弛營務者戒。○又諭。梁章鉅奏。查明帶兵官在途辦理不善。請旨議處一摺。廣西桂林營守備沈德英。奉派帶兵前往廣東。沿途自應嚴肅安靜。乃負氣嚷罵。致令人言藉藉。實屬不合。沈德英著即撤任。交部議處。以示懲儆。○諭軍機大臣等。本日據奕山等奏。夷船退出省河。繳還礮臺。並義勇勦殺漢奸及滋事夷匪各情形。覽奏均悉。現在夷船已陸續退去。大黃滯獵德

各礮臺。已派兵防守。提督吳建勳已赴虎門。查收礮臺。所有善後事宜。自應次第籌辦。著該將軍等於夷船退出外洋後。親歷各海口。要隘。相度形勢。妥議章程。以資保障。至此次夷船闖入省河。俱是漢奸引道。業經該將軍等傳諭鄉勇。分路搜殺。漢奸及夷匪二百餘名。夷目二名。稍示懲創。此外形蹤詭秘。潛匿各處者。當尚不少。務須趁此大兵雲集之時。分飭兵勇實力搜拏。毋使漏網。斷不可稍存

姑息。蓋內地少一漢奸。即夷匪少一援。應於辦理善後事宜。尤有裨益。其在南海縣屬村莊乘勢搶劫之漢奸土匪。尤應痛加懲辦。至所稱於南岸搶斬之夷目。咱嘜是否即係領兵之伯麥。該義勇紳士等在何處擒獲。均著查明具奏。所有各礮臺及散失礮位。亟須補築添鑄。其應如何變通之處。該將軍等相度情形辦理。總期適用。各海口沈失礮位。苟可撈獲。亦應修整備用。其撫卹被火民人。招集

流亡。堵塞河口。分兵彈壓各路。俱著照所議妥速辦理。一切善後章程。即著該將軍等會同悉心妥議具奏。要期行之無弊。堪垂永久。方為不負委任。將此由六百里加緊各諭令知之。○調四川按察使李星沅為江蘇按察使。湖北按察使張日景為四川按察使。以江西吉南贛寧道趙仁基為湖北按察使。○旌表守正捐軀山東滕縣民楊文生媳鄧氏。○甲子以故二等鎮國將軍綿慎子奕霽襲職。

○除江蘇通州坍沒沙田九十二頃五十三畝有奇灘地一百三十三頃一十五畝有奇額賦。○乙丑諭內閣前據裕謙奏浙江寧波府知府鄧廷彩保守鎮海。懇恩賞戴花翎。當經降旨允准。茲據給事中陳光亨奏。州縣失陷城池。不同城之道府。例應住俸。戴罪催勦。保守他城。祇可將功抵罪。該大臣復行保奏。恐致趨避徇情等語。固屬申明定例。惟定海一縣。係孤懸海外。較之內地不同。城之知府。

自有區別。鄧廷彩保守鎮海。在事出力。經該大臣保奏。賞戴花翎。獎勵亦未為過。優該給事中。所奏著毋庸議。○以戶部右侍郎麟魁為武英殿總裁官。○旌表守正捐軀河南獲嘉縣民張傳道女大姐。守正被戕。直隸蠡縣民梁振邦女青兒。王春女昆兒。○丙寅上奉

皇太后幸觀瀾堂進膳。○遣官祭關帝廟。○丁卯貸綏遠城將軍修理衙署廳。



廉廉俸銀○戊辰諭內閣前據顏伯燾等奏請將福建前任平和縣丁憂服滿知縣陳文起暫留閩省幫同防堵口岸當經降旨允准茲據給事中巫宜禊奏稱該員雖經服滿究係丁憂尚未回籍守制即與丁憂人員無異不應奏留等語陳文起著不准留於閩省即行飭令回籍○己巳

上詣綺春園問

皇太后安○以右春坊右庶子孫瑞珍署日講

起居注官○辛未諭內閣前據御史杜彥士奏河南睢州知州閻應德貪鄙不法巨盜劉玉璣糾黨搶劫等情當經降旨著麟魁馳赴該省訪查叅辦茲據該侍郎查明告病睢州知州閻應德訊無徵糧加價勒派車輛錢文其修理城垣亦係民捐民辦訊未斂錢肥己惟紳民捐修城工事竣後例得獎敘該州並不將籌辦緣由通詳覈辦又於該首事湊用舊甄亦未明立文案使周世平藉詞上控致

滋物議實屬粗疏又承緝接緝發冢三案賊無獲各事主控經該前撫批司提捕親比該州延不批解屢催亦未申覆經該撫飭府嚴究始行解府究比殊屬徇延閻應德著交部議處並據查明劉玉璣本係夥搶婦女案內逸犯復身帶刀劍搭棚賭博屢經該省奏明勒緝未獲實屬著名匪犯仍著該撫督飭所屬不分畛域一體嚴密偵緝務獲按律懲辦其恆春等被搶被竊各案仍著勒緝賊

究辦至李保一犯據供並非劉玉璣夥黨是否屬實有無不法別情並著該撫覆查覈辦○諭軍機大臣等賽尚阿等奏圓明園八旗操演陣勢應用白蠟桿必須寬為豫備等語著牛鑑迅速派弁在該省地方採買白蠟桿二百五十桿運交圓明園八旗驗收將此諭令知之○又諭據奕山等奏查明續燒夷船及義勇擒斬夷目一摺覽奏欣悅之至新安縣武舉庾體羣義勇顏浩長龍國昭等先後

在洋面焚燒夷船。砍倒逆夷先鋒嘍囉。並斬紅旗夷目一人。黑白夷匪十餘名。該義勇紳士等志切同仇。實堪嘉尚。並前次斬獲嘍囉之義勇紳士等。著該將軍等於派員查驗明確後。一併按格奏賞。以昭激勸。又另片奏夷船全行退出虎門。已將虎門橫檔各礮臺收復等語。夷船現仍寄碇伶仃洋。迤東之裙帶路地方。著奕山等即飭提督吳建勳將礮臺基址及殘缺礮位踏勘情形。派兵防守。以便

委員查估辦理。該將軍等仍親歷查勘省河堵塞要隘。以期層層固守。將此由六百里加緊諭令知之。○又諭本日據奕山等奏參贊大臣隆文。因籌辦軍務。焦勞致疾。朕甚懸念。該參贊力疾辦公。轉恐增劇。必當遵旨暫且安心調養。以期速愈。現在軍營事務。有將軍參贊三人在彼。足敷辦理。該參贊不准勉強從事。俟病痊後再行會同籌辦一切。萬勿焦急。加意調攝。為國宣猷。歲月正長也。其善體

朕意。將此諭令知之。○以焚燬廣東省河夷船。殲逆夷。予四川總兵官張青雲提督銜。並賞花翎。賞員外郎西拉本穆騰額。李湘簪。都司馬載文。胡倬。仲薛思齊。守備孫應照。錢玉春。千總楊澤花。翎鹽運司知事喬應庚等。藍翎餘加銜升補有差。○予故河東河道總督栗毓美。入祀名宦祠。從河南巡撫牛鑑請也。○壬申。諭軍機大臣等。訥爾經額奏。究明夷書來歷一摺。此案傳鈔夷書。訊由壽春鎮

總兵王錫朋之子王承瀚。書房取來。經王承瀚供。上年十一月間。雇工王雨子回歸。帶有家信。並家人謝瑞稟帖一封。內夾夷書一紙。王承瀚拆閱後。放在書房筆筒之內。經王承祚等取閱。輾轉傳鈔等語。著裕謙飭知王錫朋。取具親供。據實具奏。家人謝瑞即著落該總兵交出。解赴直隸交訥爾經額歸案訊究。將此諭令知之。○以四川北鎮總兵官張青雲為廣東陸路提督。陝西定邊協副將韓

振先為川北鎮總兵官○添設西藏糧餉二十位從駐藏大臣孟保等請也○癸酉以督銷引鹽溢額予江西知縣高載銘同知銜○甲戌諭內閣奕綱等奏馬蘭峪地方於本月初九日風雨交作查得

陵寢各處

明樓後坡等工均有被風掀落瓦片情形必須趕緊修整即著本年另案工程承修大臣卓秉恬阿靈阿將所有應修各工一併查驗敬

謹修理以昭慎重○又諭前據黃爵滋奏籌辦海防宜募兵節餉等情當交沿海各督撫等體察地方情形酌量辦理茲據裕謙查覆原奏所稱招募鄉勇水勇等語與江浙兩省籌辦章程略同至水勇一項多係以漁為業事後遣散仍可理其故業若久聚一處恐致別滋事端且江浙兩省地窄人稠既無閒田可撥又未便另立一營所有該侍郎奏請立營屯田安插水勇之處著毋庸議○諭軍機

大臣等據都察院奏山西民人孫君耀等以開河虐民斂財入己等詞在該衙門黏單呈控已有旨交楊國楨督同臬司陳嘉樹親提審訊矣開濬河渠原以利民即民間果有侵占亦當妥為辦理若如該民人所控各情殊屬有干法紀著楊國楨督同該臬司嚴查該縣河道是否奏准疏通該民人單開受責輸銀姓名是否實有其事該縣有無罰銀入己及縱令丁役鎖拏情事務須逐一嚴究據實

奏奏毋許稍有回護將此諭知楊國楨並傳諭陳嘉樹知之尋署巡撫喬用遷奏查訊虞鄉縣知縣宣禮委無藉工影射累民肥己等事惟於鄉民黃昌英等挑挖遲延輒行掌責致刁民藉詞架控應交部議處孫君耀等告重事不實究因地畝起見量擬杖徒下部議從之○又諭裕謙奏江蘇洋面安靖查探浙洋遊奕夷船係屬貨船並非兵船等語定海洋面原不准洋船私行銷貨從前地方官諸

務廢弛以致沿海奸民貪利接買經此番整頓之後自應力杜弊端以絕其覬覦之念本日又據劉韻珂馳奏會籌鎮海要口酌添防工並勘查定海形勢各一摺據奏鎮海城北逼近海洋該處城堞並招寶山威遠城後面俱形單薄請堆積沙袋並購長大木樁杆釘填石及金雞山埂上平地築堡樹樁安礮等情均著照議辦理總以得力合用為要不可有名無實徒費周章至定海修築各工安設兵礮據奏兵民相安覽奏均悉惟各寨鄉民請官發鳥槍藥鉛刀矛一層現當團練義勇之時據奏該鄉民敵愾同仇極形踴躍惟官發鳥槍器械一節鄉民非比在官兵役祇應准其自行製備造冊報官仍著該撫留心體察不可輕率又另片奏土盜拒捕傷兵甚為可惡此等盜匪本係沿海員弁分應緝捕之事值此海氛不靖脫有夷船思逞一經利誘必至勾串通夷現在粵東勦辦均係漢奸助

逆浙省有此土盜若不及時搜捕盡絕根株必貽將來之患裕謙現赴寶山著俟蘇省海防粗有就緒即馳赴鎮海會同劉韻珂余步雲督率弁兵認真查辦毋任養癰貽害是為至要將此由四百里各諭令知之○准浙江留營差委按察使銜周開麒因病回籍○戶部議准陝甘總督瑚松額疏報烏魯木齊頭屯所墾地二十三頃七十畝有奇照例升科從之○乙亥諭內閣直省道府廳州縣人員

平日立品居心官聲輿論各督撫見聞所及隨時察看自必知之最悉著各於所屬道府廳州縣中擇其潔己愛民誠心任事確有實據者出具切實考語秉公具摺酌保數員候朕簡用該督撫務當各矢公忠據實保舉毋稍瞻徇冒濫用副朕立賢無方至意○丙子

景陵○以故貴州鎮遠府屬六品土官楊鳳翔子珣襲職○旌表守正被戕安徽宿州民陳

映田妻趙氏○丁丑

上詣綺春園問

皇太后安○戊寅諭軍機大臣等大理寺少卿金應麟奏閩省積弊請旨籌議一摺據稱該省沿海要區缺多疲累當於舊章之中量為變通使材能之員無所畏憚不肖之徒無以藉口等語州縣為親民之官地方多一疲累之員不獨民間隱受其害即公務亦必多貽誤著顏伯燾劉鴻翱即將摺內所指各條悉心查議是否可行據實具奏原摺著鈔給閱看將此諭令知之尋奏閩省難治由來已久非別作更張斷難措手惟功同創始非旦夕所能決計容俟籌議周妥再行分別條上報聞○己卯諭軍機大臣等奕山等奏籌備守禦內河情形一摺覽奏均悉據稱修復礮臺添鑄礮位非一二年不能一律完固師船礮臺皆無可恃獅子洋內不得不以省河為屏蔽等語著即照議先將要隘數處密為填塞

以絕兵船來路至省河南北二路礮臺即著趕緊興修安兵練勇加意防守內戶既固再行添製戰艦籌運甄石由內而外將各礮臺次第修復以期捍衛其應臺分兩層改造礮眼之處著細心體察如式築修總期攻擊有準不得草率了事另片奏夷匪在香港對面之裙帶路建蓋寮蓬修築馬頭等語香港地方緊要豈容該夷久據著奕山等不時密探該夷在彼有無另蓄詭謀作何舉動隨時防

範毋稍疏虞將來如有可乘之機必應將該地方設法收復方成事體義勇等擒斬夷目著仍遵前旨查明按格奏賞又另片奏楊芳現在患病著飭令安心調理即著齊慎移駐省城軍營以資彈壓調度將此由六百里加緊各諭令知之○贈故參贊大臣戶部尚書隆文太子太保子祭葬諡端毅賞銀二千兩治喪○調工部尚書敬徵為戶部尚書理藩院尚書賽尚阿為工部尚書管理藩院事以

都察院左都御史恩桂為理藩院尚書。○調福建金門鎮總兵官楊登俊為海壇鎮總兵官。海壇鎮總兵官江繼芸為金門鎮總兵官。○庚辰以烏里雅蘇台將軍奕湘為鑲紅旗蒙古都統。○以靖逆將軍正紅旗漢軍都統奕山為都察院左都御史。未到任前以理藩院尚書恩桂兼署。並管上駟院事。戶部左侍郎文蔚管總理工程處事。○旌表守正捐軀廣東翁源縣民彭有聲妻謝氏。○辛巳諭內

閣劉韻珂奏緝獲煙匪一摺。浙江定海海洋面匪船遊奕。經該撫等委員緝拏。格斃匪犯二名。拏獲七十八名。搜獲鴉片煙土二萬四百三十餘兩。並有夷字煙票二紙。現訊供詞互異。其煙土來歷亦訊無確供。該犯等販賣煙土。又有夷字票據。其為私買夷貨已有明證。難保無勾通透漏等情。必應嚴加究訊。著劉韻珂親提陳往等犯嚴訊確供。畫法懲辦。並著督飭所屬一體嚴密躡緝。遇有奸民盜匪

立拏嚴究。毋許稍有疏縱。○追予東漢吳令彭修入祀江蘇常州府鄉賢祠。從署巡撫程喬采請也。○以緣事革退廣西鎮安府屬向武土知州黃清猷弟清標襲職。○壬午諭內閣祁墳等奏嚴定商船駛赴天津等處章程一摺。閩廣兩省商船販運貨物駛往天津各處貿易。固屬例所不禁。惟現當海氛不靖之時。稽察稍有未周。沿海奸徒因而溷跡。或接濟逆匪水米。或夾帶違禁貨物。均難保其必無。著通飭沿海各督撫轉飭海口文武員弁於商船出口入口時嚴密稽察。如有前項情弊立即從重懲辦。務使漢奸無從溷跡。洋面日就肅清。僅查有稽察不嚴及得規縱庇藉端訛詐情事。即著嚴行參究。毋稍姑容。所議水手米石人數前據顏伯燾等奏請遵照舊章當令依議辦理。此次祁墳等奏限定數目之處著毋庸議。○以盛京副都統奕興為綏遠城將軍。黑龍江協領托隆武為盛京副都

統○調湖北巡撫吳文鎔為江西巡撫江西  
巡撫錢寶琛為湖北巡撫○湖南綏靖鎮總  
兵官明海以老病休致以河南荊子關協副  
將石元璣為綏靖鎮總兵官

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十二

清 實 錄 道光二十一年六月

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十三

監修鴻臚寺卿臣等謹將宣宗成皇帝實錄卷之三百五十三  
天符廟戶等語通帶加五級記敘十八次臣等謹將宣宗成皇帝實錄卷之三百五十三  
七次大臣等會同詳請加一級通帶加六級實加三級記敘五次臣等謹將宣宗成皇帝實錄卷之三百五十三  
內務府大臣等謹將宣宗成皇帝實錄卷之三百五十三  
醫院通制及醫館等項加十八級臣等謹將宣宗成皇帝實錄卷之三百五十三  
欽此

道光二十一年辛丑六月癸未朔禮部議准

前署江蘇巡撫程喬采疏報採訪寶應縣貞  
節婦女鄭氏等九十八口前任湖南巡撫裕  
泰疏報衡山縣劉向氏等四百五十二口署  
安徽巡撫徐寶森疏報廬江縣高張氏等九  
百六十五口各請建總坊旌表從之○准浙  
江海寧湖州金衢台州溫州湖南頭二三各  
幫遭風沈失米石分限買補○甲申

上詣綺春園問

皇太后安○乙酉諭內閣敬徵春本年壽安固

倫公主下嫁酌擬應設官員撥給戶口章程請將府第長史一員由現任員外郎內管領副參領內揀選充補其頭等護衛一員二等護衛二員由副內管領驍騎校護軍校內揀選充補均令仍食原俸餉銀及身而止其子孫亦不必隨往當差此四員即作為站項無庸開缺至三等護衛以下等員請仍照舊章於分給十二戶護軍披甲人內揀放均食原餉以符定制俱著照所擬辦理又另片奏會

典內載固倫公主轎車係用金黃蓋紅幃紅緣蓋角金黃垂幃著即照會典辦理○旌表守正被戕直隸昌平州民王泳德女三姐王四妻周氏○丙戌

上幸靜明園詣

龍神廟拈香○諭內閣牛鑑奏豫省原籌借項生息津貼苦缺銀兩限滿查明歸還原本數目尚有應提原本請仍照常生息以資津貼一摺河南省淇縣等苦缺前經籌借續攤

軍需銀二十萬兩發商生息藉資津貼所得息銀除以十六萬五千兩歸還原本外尚有未歸銀三萬五千兩所短無多無難陸續歸還據該撫請將此項照常生息分別加津考城等縣苦缺並陸續歸還原本著准其將此項借動銀二十萬兩照常存當生息自道光二十一年夏季起每年所得息銀二萬四千兩除去一萬四千兩仍為淇縣等十縣津貼外餘銀一萬兩以三千兩歸還原本以七千

兩加津考城信陽蘭儀虞城寧陵等五州縣計十二年原本歸清後所餘息銀三千兩或苦缺內酌量加增或另行調劑他缺臨時再行籌議其每年收支銀款毋庸造冊報部○丁亥旌表守正捐軀直隸薊州民王和妻張氏戊子諭內閣御史朱淳奏鉛船夾帶木料過多請旨飭禁一摺各省解運銅鉛關繫京局鼓鑄若如所奏運員雇船之日藉帶木之私以省水腳船戶承攬之後借運鉛之名



以脫關稅以致鉛運遲延任催同應該御史奏稱湖北之田家鎮為儲木之鄉江西之九江關為艤舟之地著湖北江西各巡撫先行出示曉諭俾居民商賈咸知法令所在再飭所屬嚴行查禁有犯必懲毋任虛應故事○己丑諭內閣吳其濬奏知州在任自縊請徹底究辦一摺湖南桂陽直隸州知州恆善到任甫逾一月即因地方疲玩難治儘可從容設法整頓何致遽爾輕生著吳其濬親提書

差人等並傳該家丁等來省徹底根究有無致死別情確切訊明據實具奏尋奏訊明恆善實因民情犢悍書差疲玩錢糧銅鉛處處掣肘情急自盡惟州書蕭明堂等另有受賄把持等事應歸各案辦理得旨遂案研訊務得確情不准顛預了結○庚寅停本年各省情實罪犯秋決○旌表守正捐軀河南固始縣民余瑾妻夏氏○辛卯上詣綺春園問

皇太后安○諭內閣給事中董宗遠奏請整飭郵政一摺各省驛馬例有額設本足敷馳遞之需近因軍務喫緊屢經降旨嚴加整飭若如所奏近來驛站多不足額且以疲瘦充數往往中途倒斃並有上下站合棚餽養通那應差之說甚至並無馬匹祇知剋扣馬乾自飽囊橐一遇公文緊要需馬甚多或取自民間或索價自辦以至奸蠹需索擾累公文互相推諉等語著各直省督撫責成臬司嚴諭

所屬力加整頓並查明驛站馬匹如有虧缺以及前項情弊即著據實從嚴參辦以肅郵政將此通諭知之○又諭伊里布著交原審之王大臣會同刑部定擬罪名具奏尋奏上得旨伊里布以欽差大臣辦理浙江夷務不能迅速收復定海屢奉諭旨即行進剿一味遷延觀望實屬庸懦無能著即革職發往軍臺效力贖罪以示懲儆○准江蘇鎮海等幫剝船遭風漂失米石以本幫及別幫餘米抵

補○旌表守正捐軀直隸天津縣民李長汰妻張氏密雲縣民劉順女刁劉氏○壬辰添設涼州駐防擡礮四桿礮手二十名莊浪駐防擡礮五桿礮手二十五名從副都統文祥請也○戶部議准直隸總督訥爾經額疏報順天河間天津遵化易五府州開墾地三百二十四頃四十二畝有奇照例升科從之○癸巳諭內閣御史盧毓嵩奏請嚴禁私硝出口酌定官為收買章程一摺私硝出口例有明禁若如該御史所奏愚民私相售賣不肖兵弁得規隱庇疏縱出洋地方官規避處分意存消弭不可不嚴立其防以杜後患至所稱產硝處所小民埽積求利應令地方官設局收買之處是否可行著該督撫妥議具奏○又諭前據福建臺灣鎮總兵達洪阿等請將拏獲鄰境盜犯之候補從九品崔寅儘先即補當交吏部議奏茲據該部奏稱該員崔寅與送部引見之例相符其儘先即補之處

應毋庸議等語因屬照例辦理惟臺灣遠隔重洋非內地可比該從九品以微末之員首先拏獲鄰境罪應斬梟盜犯三名自應量予鼓勵崔寅著准其不論繁簡遇缺儘先即補毋庸送部引見他省不得援以為例○又諭奕山等奏廣東省城神廟顯應請頒給扁額一摺據奏此次暎夷肆擾撲近城牆正欲開礮粵秀山觀音大士神像顯靈居民共見撲滅火箭雷雨傾盆衝沒漢奸夷匪多名夷人無不畏懼現在海氛既熄省垣安堵護國庇民仰邀神貺朕實深寅感著發去親書扁額交奕山等祇領虔詣廟中敬謹懸掛以答神庥尋頒御書扁額曰慈佑清海○諭軍機大臣等本日據奕山等奏請撤兵分期啓行已明降諭旨照議辦理並諭令沿海各督撫酌量情形奏

請撤兵矣。又據奕山等奏，曉諭夷，懾遵前定章程一體通商，並籌備堵禦一摺。覽奏均悉。該夷所修裙帶路寮房石路，內商既不肯前，各夷又不從此入口，是該夷銷貨不便，未必日久占據。裙帶路與香港毗連，著奕山等仍遵前旨，遇有可乘之機，設法收復。前據楊芳奏，請將水師改為陸路，自係因近來訓練不精，不能得力之故。此時固未便全改章程，其應如何變通酌劑之處，該將軍等妥議具

奏。至省河及大黃濠礮臺，據奏必須修造，據守著即趕緊興工。所有礮位一百二十餘尊，即妥為分別安放，務須布置得宜，施放有準。方稱有備無患。所有一切善後章程，著即責成奕山、齊慎、祁墳、怡良和衷商榷，妥議辦理。儻有辦理不善之處，惟奕山等四人是問。懾之將此由六百里諭令知之。○又諭，據裕謙奏，馳抵鎮海，查明夷船洋面防堵情形一摺。覽奏均悉。現在廣東夷船經奕山等疊次焚

擊，業已退出虎門。所謂各路官兵，業已陸續撤回歸伍。所有寶山鎮海等處調防各官兵，著該大臣體察情形，有可酌量裁撤之處，迅速奏聞。請旨將此由四百里諭令知之。○又諭，前因啖咭喇夷船在沿海各省口岸遊奕滋擾，屢經降旨，著該將軍督撫等調集官兵防堵勦辦。現在廣東夷船經奕山等疊次焚擊，業已退出虎門。粵省所調各路官兵，現已陸續撤回歸伍。所有各省調防官兵，著該將

軍督撫等體察情形，如可酌量裁撤，迅速奏聞。請旨將此由四百里各諭令知之。○以參贊大臣楊芳患病未愈，命回湖南提督任調理。○甲午諭內閣，本日卓秉恬等覆奏查驗工程，據稱

景陵小碑亭應修之處，須揭瓦頭，停以昭慎重。惟現在大雨時行，恐修理未能堅固，著歸入明年歲修工程內一併查辦。○諭軍機大臣等，啖夷自懲創之後，兵船退出虎門，乞恩貿

易准令通商。昨據該將軍等奏稱。向來恭順夷商貨船開風入港。告請驗貨。喚夷頗慶歡。忙免冠。感伏聲言。永不敢在廣東滋事等語。該夷人數眾多。貪利無厭。目前雖極恭順。難保日後不另生枝節。現當該將軍等辦理善。後必應計及久遠。一勞永逸。毋徒將就了事。後患潛萌。著奕山等即飭諭該夷。仍須出具切實甘結。不得夾帶鴉片。勾串內地民人。其通商口岸及夷船應停泊何處。均照舊章辦

理。不得妄生他念。另求馬頭。至貿易納稅。向有定限。已歷年所。亦毋庸輕議裁減。各沿海省分。俱有將弁防守。曉諭該夷。目嚴飭各夷。毋許駕船分赴各處。勾串銷貨。儻不遵約。束被兵弁攻擊。或將該夷擒獲治罪。該夷目不得妄生觖望。其餘善後章程。仍遵前旨周密妥辦。以副委任。將此由五百里各諭令知之。○又諭寄諭欽差大臣兩江總督裕謙等。現在粵東夷船業經退出虎門。情形恭順。已降

旨准令該夷循照舊章。在該省通商。並令其出具永不售賣鴉片煙土甘結。該夷等自不敢再在粵東夾帶銷售。惟閩浙兩省口岸甚多。該夷惟利是圖。難保不勾結沿海奸民。潛行偷售。即如閩省夷船私銷貨物。向俱視為泛常。趁此清釐之時。尤宜力加堵截。以除積弊。著該大臣等督飭所屬文武員弁。隨時偵探。加意巡查。遇有夷船在洋遊奕。即密為防範。不准其潛近口岸。稍有偷售。並嚴查內地

奸民私駕小船出洋。勾串販運。別滋事端。如仍有此等奸民。與之交接販賣。一經拏獲。即照新定章程。盡法懲治。不准稍有疏縱。以除積弊。而靖海疆。將此由五百里各諭令知之。○予江蘇故吏部尚書朱士彥。入祀鄉賢祠。從前署巡撫程商采請也。○以廣東查辦夷務停止貿易。免粵海關短收稅課盈餘銀。○乙未。諭軍機大臣等。朕聞廣東辦理夷務。四月初一日。官兵攻擊夷船。初二日。該夷駕火

輪船一隻駛至省西泥城一路開礮兵勇望風而逃被燒船隻六十餘號初三四五等日逆夷駕船十餘隻開礮攻打上岸防兵四散遁走被燒民房甚多占去四方礮臺經廣州府知府余保純向逆夷面議息兵初十日有鄉民數萬人圍困義律等眾功在須臾因余保純得義律私書出城彈壓鄉人始漸解去逆夷將大角沙角橫檔等礮臺甄石移往香港起造馬頭房屋又於香港潛開大路一通

香山一通惠州各等情如果屬實是該處情形所聞與所奏迥異梁章鉅前駐劄廣西梧州府城與廣東毗連且正值軍務喫緊之時文報相通務將所聞實在情形詳晰具奏朕於他處亦有飭諭密查該撫不准稍有含混自取咎戾也將此諭令知之尋奏開門揖盜咎在琦善而受其指使者為余保純歷訪廣東夷務情形與諭旨所開無異謹將在梧州時所接員弁報單呈覽報聞○丙申旌表守

正捐軀河南嵩縣民喬文林妻邢氏○丁酉諭內閣祁墳等奏請將辦理糧臺之藩司飭令回省並將各局酌量分別撤留等語粵省夷船現已退出虎門軍務漸定江西藩司本任事務殷繁趙炳言著即飭令回省辦事○又諭前據御史陳偉霖奏廣東夷匪滋事鎮遠礮臺九千斤大礮炸裂傷斃守兵五百餘名餘兵走散等語當有旨諭令祁墳等查奏茲據查明本年二月鎮遠礮臺並無礮位炸

裂惟威遠礮臺因與夷匪接仗連次轟擊曾炸裂八千斤大礮二位並非九千斤炸傷記委鍾朝安等二名礮兵陳榮升等四名並未斃命亦無五百名之多防臺各兵亦非因礮炸走散且查當時原防及添防弁兵計共三百二十七員名另有壯勇九十一名亦不數五百名之數該御史所奏應毋庸議○諭軍機大臣等據祁墳奏籌辦機宜等語現在夷船退出虎門近省河道自應設法整理各處

礮臺必應趕緊修築並撫卹難民招徠遷徙立於不敗之地以俟其可乘之隙所見甚是其香港地方係屬中國土地斷不准因琦善有准給寄居之說任其陰圖盤踞至漢奸通夷助逆最為可恨惟操之過嚴轉恐逼令出洋所奏亦非無見前已有旨令奕山齊慎祁墳怡良會商妥籌祁墳怡良係該省督撫尤屬責無旁貸其如何收復香港如何解散漢奸務須和衷商辦斟酌萬全以副委任將此

由五百里諭令知之○兩廣總督祁墳等奏遵查正月初三日琦善在蓮花城會晤義律一次十九日又在蛇頭灣會晤一次止鮑鵬在船傳話隨往員弁概不與聞琦善諭令鮑鵬雇覓鄉勇文稿稱為職員所捐何職無案可稽鮑亞聰因販賣煙土經林則徐訪拏未獲是否即係鮑鵬應由刑部向鮑鵬究訊報聞○戶部議准福建巡撫吳文鎔疏報古田福安龍巖等州縣開墾田一項十一畝有奇

照例升科從之○修直隸大沽南北岸礮臺及土壩等工從總督訥爾經額請也○戊戌月食○

上詣綺春園問

皇太后安○諭內閣御史劉壽秦京師地方賊匪涸跡往往有潛藏空宅乘間夜竊於城門甫啓之時紛投四出情事著步軍統領衙門順天府五城一體嚴密查辦至五城司坊營汛各官緝捕是其專職無論盜案竊案均應

一律留心偵緝乃近來議敘案較多而竊匪獲案甚少並著該管衙門嚴行查覈以杜規避而重捕務○又諭琦善著交原審之王大臣會同刑部定擬罪名具奏尋奏琦善以欽差大臣查辦夷務宜如何計出萬全該夷既形猖獗即當奏請調兵剿除乃妄冀羈縻以香港地方許給於一切防守事宜並不豫為設備以致該夷疊將礮臺攻陷要隘失守實屬有誤機宜應照守備不設失陷城寨者斬

律擬斬監候得旨著照所擬秋後處決○旌表守正捐軀河南輝縣民邵鵬來媳楊氏○己亥諭內閣楊芳奏請解任就粵調理一摺前因楊芳病體未愈當有旨諭令回湖南提督之任加意攝養著楊芳仍遵前旨即回本任安心調理俟調理痊癒即行奏聞以慰廬念又另片奏鼓勵兵勇陸續取用賞需銀二萬四千兩請將侯俸扣抵等語著加恩彙入廣東軍需款內覈銷毋庸扣俸歸款○又諭

訥爾經額奏酌量撤兵歸伍一摺前因粵省夷船業已退出虎門飭令該督將調防官兵酌量裁撤茲據奏稱直隸天津大沽海口等處前共調兵六千七百餘名現將各口情形詳加體察擬留兵三千三百名防守外其餘三千四百餘名請即裁撤歸伍等語著照所議辦理所留兵丁其大沽北塘兩處仍著陳金綬石生玉督飭管帶向榮亦仍駐山海關協同防守餘著酌留將備帶領該督仍隨時

體察情形如可陸續裁撤再行奏明量為撤減湖北提督劉允孝前經簡派在津督同防範現在各兵業已量加裁減自可無庸久駐著來京陛見再回本任○諭軍機大臣等有奏順天河間冀州所屬州縣俱有著名賊匪擾害居民吏役包庇土棍窩留州縣袒護甚至有拒捕勒贖等情畿輔重地竟有宵小之徒肆行無忌著卓秉恬徐廣縉訥爾經額等嚴飭所屬將摺內著名賊匪實力查拏窩

聚奸徒嚴行懲創儻查有縱容諱飾等情弊即著嚴行參辦原摺著鈔給閱看將此各諭令知之○又諭訥爾經額奏撤兵歸伍一摺己明降諭旨令該督酌量減撤矣其另片奏請鑄大礮經久備防等語礮位重至八千斤如果火藥力足施放有準儘可摧堅致遠若重至萬斤轉恐體質笨滯運用不靈該督請鑄萬斤銅礮四尊八千斤銅礮四尊現在萬斤銅礮如已鑄成即著擇要安設如尚未鑄

就即著改鑄八千斤礮較為便捷再上年冬間京師運往礮位三十餘尊現在天津添鑄礮位足資防守著訥爾經額即將前次運往之礮於今冬分起陸續運還京師歸局存貯將此諭令知之○禮部議准前署江蘇巡撫程喬采疏報採訪儀徵縣貞節婦女韓劉氏等四百二十九口嘉定縣王徐氏等二千一百七十五口山東巡撫托渾布疏報東阿縣殷張氏等一百三十八口安邱縣馬劉氏等四百六十一口山西巡撫楊國禎疏報鳳臺高平陽城陵川沁水五縣裴申氏等二千二百二口各請建總坊旌表從之○辛丑旌表守正捐軀山東濱州民彭景湯妻尹氏○壬寅諭內閣御史喬邦憲奏請飭禁營伍冒餉情弊一摺據稱近來營員或懸缺不補侵餉入己或將親丁捏名入伍影射錢糧及至提鎮校閱之時雇覓無籍遊民濫竿充替以至在營兵數寥寥一有調遣立形支絀等語國

家設立營伍揀選弁兵原以重操防而恃緩急必應充補足額武備修明若如該御史所奏不肖將弁苟且彌縫偶有調撥率皆相顧趑趄積習相沿亟宜整頓著各直省將軍督撫提督隨時悉心察覈仍分責鎮協於所屬營汛認真抽查一有懸缺濫充等弊立即奏革嚴究毋稍姑容不得瞻徇廢弛虛糜兵餉以齊軍實而杜浮冒將此通諭知之○又諭前因滇黔兩省辦解銅鉛船隻在途耽延著沿途各督撫酌擬催趲章程並交戶部詳加覈議即經降旨責成派出之藩臬各飭所屬實力奉行茲據戶部將經過之四川等省藩臬兩司開列名單請旨簡派著即責成派出各員遵奉前降諭旨嚴飭各道府及沿途地方文武員弁一體認真稽查如該運員無故逗留地方官扶同結報即由該道府查明詳報該督撫嚴行叅辦該藩臬等務當不時查察毋任稍有捏飾仍至有名無實將此通諭



知之○癸卯諭內閣文冲奏黃河水勢異漲  
疊出險工設法籌堵一摺據稱本年入夏以  
來黃河來源甚旺各廳紛紛報險所有下南  
廳祥符上汛三十一堡灘水已過隄頂漫塌  
二十餘丈等語著該河督督飭道廳營汛委  
員趕集料物設法籌堵迅速歲功毋再貽誤  
文冲未能先事豫防著交部嚴加議處下南  
同知高步月署守備許鑾著摘去頂帶帶罪  
搶辦所有道廳應得處分著照例覈奏○諭

軍機大臣等本日據文冲奏下南廳祥符汛  
漫口一摺已明降諭旨將該河督交部嚴議  
並將該同知等摘頂帶罪搶辦矣現在南北  
兩岸工程俱關緊要據奏漫塌隄頂尚未掣  
動大溜惟大雨時行之際水勢消長難以豫  
定不知數日來情形若何本工能否搶護不  
致再行衝塌他處險工能否保固平穩其下  
游被淹之處田廬民舍淹沒多寡文報能否  
轉遞均著據實具奏毋稍隱飾並著文冲牛

疆分別督飭文武員弁趕緊設法搶辦其應  
豫防之處務即先事綢繆加意堵築毋再貽  
誤致干重咎將此由四百里各諭令知之○  
甲辰諭內閣欽天監漢監正向來止加升衛  
並無升途較之滿洲監正得升太常寺少卿  
鴻臚寺卿者迥不相同滿漢京官食俸當差  
事同一律何以漢監正一官並無升途定例  
殊不畫一著吏部另行覈議章程具奏尋議  
請做照監副升用員外郎之例將漢監正推

升郎中得旨著毋庸議○乙巳

上詣綺春園問

皇太后安○遣官祭

火神廟○諭內閣據托渾布奏稱山東省登  
州等處海口現在體察情形各就本汛弁兵  
足資防守所有前調各兵請即行裁撤等語  
著照所議即分飭起程歸伍所有登州等處  
海口著責成王明督飭本轄弁兵嚴加巡察  
毋任稍形懈弛以肅營制而重海防○又諭

牛鑑奏黃河盛漲現在堵築情形一摺河南省城猝被水圍現雖據報已消該撫職兼河務未能先事豫防著交部議處○諭軍機大臣等據廖鴻荃等奏工程均已完竣乾透尚需時日等語此次

永陵

啓運殿工程業已承修完竣其清寧宮山牆後簷牆新經灰砌灌漿必須乾透方可磨細拘縫其天花板雖經做妥若遽行安裝裱糊恐

閒住潮氣有礙木植廖鴻荃端華現已起程回京此等零星活計及淨除地面著耆英隨時體察情形妥為辦理安裝天花板及裱糊等工著緩至二年後再行裝飾亦不為遲將此諭令知之○又諭據牛鑑奏黃河盛漲現在堵築情形一摺已降旨將牛鑑交部議處矣河南下南廳洋符汎漫口昨有旨諭令該河督等督飭員弁趕緊搶辦茲據該撫奏稱下南廳灘內居民村莊盡被水淹灘水漫頂

正馳往督辦搶築聞省城猝於十七日辰刻被水所圍勢甚危險酉刻始消復繞道進省設法防護等語省城重地最關緊要伏秋雨汎為日甚長著牛鑑趕緊設法防範厚集兵民廣備物料俾資守護並相度情形疏通去路以免續漲之虞毋再貽誤致干重咎至居民猝被水淹必應趕緊賑救其急需撫卹之處著該撫一面撫卹一面奏聞毋使流離失所是為至要將此諭令知之○以盛京戶部

侍郎道慶兼署副都統○貸山東濟寧州修楊家閘泊岸石壩銀○丙午諭內閣御史祥璋奏海口礮位應按期演放一摺沿海各省添購礮位原期施放得力以資捍衛現據各該省陸續奏到業已漸次鑄齊將來完竣後應如何妥為安設如何教演及定期演放俾不致錯滯之處著各該將軍督撫等即行妥議章程具奏○戊申除江蘇儀徵縣坍沒灘地二頃七十六畝有奇額賦○己酉諭內閣

惠吉奏官荒地畝堪以開墾。現在籌辦情形一摺。吐魯番廳伊拉里克地方官荒地畝須引用伊拉里克河水灌溉。方能開墾。前據廉敬查明。引用該處出山之水。有礙蒙古等山中草湖水漿。是以仍令拋荒。未准籌辦。茲據惠吉奏該盟長口稱。世受國恩。情詞恭順。願將出山之水。供給開墾灌溉之需。忱悃可嘉。已降旨飭令聯順宣布諭旨。將該盟長加恩矣。但念該蒙古等以水草為生計。遊牧著繁。

相安日久。若引用水源。究恐妨其生計。況建築石壩。安設卡倫。尤易滋流弊。所有該處拋荒地畝。著毋庸查辦開墾。以示體恤。而順輿情。諭軍機大臣等。牛鑑奏。折回省城。辦理撫卹。並堵截溝槽。相機興築一摺。據稱省城地勢低窪。現已宣洩積水。藉資保固。難民暫棲城堞之上。該撫發銀赴近村購買糧食。以資接濟。並多備船隻。間段布置。與河臣聲息相通。不致延誤等語。著牛鑑即督飭文武員

弁設法疏濬。積水守護城垣。所有避水難民。務即散給口糧。妥為安插。毋任流離失所。又另片奏三十二日酉刻。河水復長。大溜有掣動之勢。情形極為危險等語。祥符汛三十一堡業經漫溢。僅水勢過大。他工恐不免衝激。著文冲相度地勢。趕緊設法疏消。毋令大溜掣動。再有他虞。據牛鑑奏稱。現在省城被圍之水。僅增高三四尺。其上下各工水勢若何。大溜有無掣動。著文冲即將確實情形。迅速

具奏。將此由四百里各諭令知之。○又諭。據惠吉等奏。懇恩鼓勵盟長等語。護理土爾扈特盟長印務福晉喇什丕勒。因伊拉里克開墾地畝。需水引灌。願將大小阿勒渾流出山外之水。呈獻以伸報效。忱悃可嘉。該福晉係扎薩克卓哩克圖汗那木扎勒多爾濟之妻。現在那本扎勒珠爾默特策林永襲汗爵。年尚幼穉。該福晉現護盟長印務。有管束撫馭之責。著准其戴用伊夫汗爵頂帶。以昭獎勵。

至開墾地畝。引用水漿。雖查與蒙古無妨。惟念蒙古地面。向以水草為生計。今因墾田。引水日久。究恐窒礙。所有惠吉等奏請開墾拋荒地畝之處。已明降諭旨。著毋庸議矣。並著聯順。剴切曉諭該盟長等。俾咸知朕體恤蒙古之至意。將此諭令知之。○旌表守正捐軀河南淇縣民夏之普媳王氏。○庚戌。諭內閣。程高。奏使臣船隻遭風。請將疏於防護之知縣議處一摺。此次琉球國貢使船隻。在江

蘇郭家行地方。遇風覆溺。淹斃從人舵水等十一名。情殊可憫。著江蘇巡撫。即行厚加賙卹。並著沿途妥為護送。署桃源縣知縣左輝春。於該使臣過境。遭風覆舟。未能先事防護。著交部議處。○諭軍機大臣等。據裕泰奏。現在廣東所調各省征兵。分期凱撤回營。恐有奸販賄囑。不肖兵丁。夾帶鴉片煙土。請飭嚴禁等語。現在各省征兵。由粵起程。人數眾多。難保無夾帶煙土情弊。著該將軍通行曉諭

各省官兵一體嚴禁。儻有藉裝軍械為名。不服檢查。許沿途經過州縣據實稟辦。並著飭令帶領征兵各鎮將嚴加約束。毋致煙禁懈弛。以除積弊。將此諭令知之。○緩徵江蘇上元江寧江都溧陽泰興江浦靖江丹徒丹陽九縣積歉村莊新舊額賦。○辛亥。諭內閣。英山等奏。海洋陡發颶風。擊碎喫夷房寮馬頭。並漂沒船隻一摺。據稱六月初四日寅刻。海面颶風陡發。海濤山立。大雨傾盆。尖沙嘴所

泊大小夷船。漂泊擊碎。漢奸大小華艇。漂出大洋。所存大小四十餘船。桅舵俱壞。淹斃夷匪漢奸。不計其數。帳房寮篷。吹捲無存。所築馬頭。坍為平地。掃除一空。浮屍滿海等語。朕披覽之餘。感邀

天貺。既深欣幸。更益悚惶。該夷惡貫滿盈。肆其荼毒。多行不義。竟伏

天誅。此皆冥漠之中。

神明默佑。餘氛掃蕩。綏靖海疆。允宜虔熱鮮香。

以伸誠敬著發去大藏香二十炷交奕山等分詣各廟宇敬謹報謝並派惠親王綿愉恭詣

皇穹宇睿親王仁壽恭詣

皇祇室瑞郡王奕誌恭詣

宣仁廟

凝和廟成郡王載銳恭詣

昭顯廟

時應宮均於二十九日城內齋宿三十日分

詣行禮並著太常寺敬謹豫備○又諭此次壽安固倫公主下嫁所有額駙應進一九禮著照例在圓明園恭進其應進九九禮著毋庸呈進○又諭奕山等奏凱撤官兵陸續分起行走先令侍衛珠勒亨等回京當差侍衛巴揚阿管帶後起健銳火器各營官兵另行起程等語著直隸山東江蘇安徽江西各督撫分飭沿途州縣接站照例給付船隻夫馬毋許遲誤並著該督撫等於凱撤官兵入境

時傳旨令帶兵之員約束弁兵毋許沿途滋擾儻弁兵有需索騷擾等弊管帶官不能約束即著沿途督撫據實奏奏此旨即給與珠勒亨等閱看○諭軍機大臣等文冲奏搶堵漫口人力難施現已掣溜一摺前因下南廳祥符上汛三十一堡隄頂漫塌屢經降旨著該河督趕緊設法搶堵茲據奏稱現在漫缺之處已刷寬八十餘丈掣溜七分文冲身任河道總督河務是其專責乃未能先事防範致有漫口咎實難辭文冲著即革職暫留河東河道總督之任戴罪圖功即著督飭道廳營汛各員趕集料物設法搶辦儻能迅速立功其咎尚可稍從末減若再玩延貽誤定當重治其罪決不寬貸所有口門以上兩岸四廳各處隄工並著飭令文武員弁實力防範毋稍疏虞牛鑑著交部嚴加議處所有漫工事宜著協同趕緊辦理將此由四百里諭令知之○又諭現在俄羅斯國薩納特衙門咨

行理藩院據稱聞得天朝嚴禁鴉片入界該國已諄飭所屬不准在中國交界之處彼此互相販帶偷運等語庫倫地方與俄羅斯接壤該國辦理既如此認真該大臣等務當嚴禁內地貿易人等毋許在交界處所私行販運鴉片煙土以綏外藩而除積弊將此諭令知之○又諭本日據奕山等奏海洋陡發颶風將夷船吹擊漂沒並將寮房馬頭毀壞一摺覽奏之餘莫名欣慰此皆仰蒙

昊蒼垂佑朕心實深寅感已明降諭旨發去大藏香二十炷著奕山等分詣各廟虔誠行禮據奏夷船漂泊無存所留船隻又皆桅舵俱折該夷等惡貫滿盈竟遭

天譴從此夷膽震懾不敢再有覬覦惟所稱義律逃往澳門著即探明在何處藏匿其所駕船隻盡已摧壞各夷又復淹斃安能隻身回國如竟逃出大洋自不值窮追遠躡若查明果在澳門何難設法生擒儻罪人斯得即著

迅速奏明請旨香港一帶該夷無可棲身著即趕緊收復暫時派兵看守該處濱海一切消息易於探訪初八九日颶風所損夷船共有若干隻著飭文武員弁查明稟報據實具奏所有淹斃把總沈家珍外委吳殿鼎及兵丁七名著照例議卹將此由六百里諭令知之○壬子

上詣綺春園問

皇太后安○諭內閣前據訥爾經額奏訊究王

承祚等傳鈔夷書一案係由壽春鎮總兵王錫朋之子王承瀚處取來王承瀚供係家人謝瑞稟帖內寄到當有旨令裕謙飭取該鎮親供並將謝瑞交出歸案訊究茲據該督訊明謝瑞寄帶夷書各情並取具該鎮親供具奏謝瑞著即解赴直隸交訥爾經額歸案審訊王錫朋在浙洋帶兵無從覺察著加恩免其密議嗣後各省傳播夷書夷事如實係有關重大者著各該將軍督撫酌量情事分別

奏辦其止係從前傳聞互相鈔寫並無關於國事者著即銷燬毋庸根究以杜滋擾○諭軍機大臣等寄諭安徽巡撫程琳采據牛鑑奏河南祥符上汛三十一堡漫口掣動大溜現由陳留杞縣東南一帶而去已飭下游歸德陳州兩府並飛咨安徽一體豫防等語安徽與豫省接界河水既已漫溢該省難保無橫溢淤墊之處著該撫督飭所屬於各緊要地方先事豫防妥為布置毋致他虞是為至要將此諭令知之○又諭牛鑑奏漫工掣溜分股旁趨搶堵城隍缺口一摺據稱二十四日大溜全行掣下由漫隄建瓴而下直衝護城隄瀉下緊對省城入隄後溜忽改道偏西離省刷成深槽向南衝下由東南缺口而出現在省城雖免被淹修守不可不嚴惟所稱通飭南北兩岸各廳將存料調取並熟練官弁兵夫飛調至省等語省城固為緊要亦不可顧此失彼著文冲牛鑑悉心商酌多集人

夫料物設法分疏溜水一面搶築護隄缺口毋再貽誤再昨據文冲奏大溜掣動七分此次牛鑑奏大溜全掣上游溜勢既掣下游是否斷流現在正河水勢趨往何處作何歸宿之處著一併查明具奏將此由五百里各諭令知之

大清宣宗效天符運立中體正至文聖武智勇仁慈儉勤孝敏成皇帝實錄卷之三百五十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十四

大府戶部等處加五級紀錄十八次

七次

內務府大臣

教修

道光二十一年辛丑秋七月癸丑朔享

太廟

上親詣行禮○諭內閣前據給事中杜彥士奏  
雲南匪徒聚黨往來四川販賣煙土當有旨  
諭令桂良等查辦茲據奏稱偏查永昌及滇  
屬地方實無匪徒聚黨持械書旗違禁販煙  
之事及裁種罌粟收漿售賣之人亦無改名  
芙蓉膏遊就處分情弊其元謀縣緝獲煙犯  
亦經照例擬辦並無含混了結惟此等匪徒  
貪利效尤必應淨絕根株嚴加防範著該督

等嚴飭地方員弁隨時隨地認真訪拏勿使  
日久生懈並飭沿邊各屬督令各土司再於  
所管夷地周歷巡查如有私種罌粟私藏煙  
膏立即鑪除銷毀一遇漢奸入境收販務當  
嚴拏解究毋稍姑容仍於接壤川省各要隘  
地方加派兵役認真堵緝並著寶興飭屬一  
體截拏總期有犯必懲以靖奸宄○命刑部  
左侍郎柏葰馳往熱河查辦事件○甲寅頒  
發天津海口

海神廟

御書扁額曰靈昭析木

火神廟曰德威海濱○修江西豐城縣石隄  
從前任巡撫錢寶琛請也○緩江西各幫丁  
應扣上年借領剝價銀○乙卯諭內閣恩特  
亨額奏賊番圖搶營馬經官兵捕逐出卡一  
摺此案卡外賊番膽敢於白晝突至香溝河  
圖搶營馬迨經官兵堵禦復敢逞兇抗拒傷  
斃官兵弁兵丁兇惡已極著恩特亨額馬騰龍



趕緊選派得力弁兵嚴緝正賊務獲懲辦不得藉口賊已遠遁任意疏玩並嚴飭沿邊營汛加意巡防毋再任令竄入滋擾署察漢俄博營都司事南川營都司劉大慶察漢俄博營把總馬三元一聞賊匪竄入馳往堵禦致被戕害著該部照例議卹其陣亡受傷官兵一併咨部照例辦理署永固協副將循化營參將賡音未能先事豫防著交部議處○諭軍機大臣等文冲奏祥符漫口現辦情形一

摺祥符上汛三十一堡漫口現值長水之候一時未能興堵著准其將口門兩岸裹頭埽趕緊鑲做盤壓穩實以免再行刷寬其堵築事宜必須豫為籌備仍著該河督督飭員弁多備料物遇有可以措手之處即行上緊堵築以期迅速合龍如稍有遲誤自問當得何罪懍之將此諭令知之○命遣戍伊犁已革兩廣總督林則徐折回東河效力贖罪○丙辰諭軍機大臣等牛鑑奏河南省城自上游

水勢大溜掣動以後由城北護城隄衝入斜向南行刷成深槽直衝而下黃水經過之處已成河形去路已暢不致再有他虞並飛咨安徽江蘇等處先事豫防現在南北兩岸各廳料物接濟間段趕緊挑水壩三道外砌乾坡深資抵禦五城分設五廠賑濟難民並於朱仙鎮等處購糧運濟又將饕餮分給城外災民以資全活等語所辦均屬周妥惟現當伏秋大汛來源正旺水勢靡定牛鑑務當督

率文武員弁極力設法疏濬毋令省垣受衝所有城內城外被水災民著妥為撫卹勿令失所一俟水退即當分別安輯復其舊業其下游陳留等縣被淹亦著派員會同地方官查明妥辦又另片奏現於城內適中之地設立總局等語著即督飭署理藩臬各員認真經理以昭慎重而歸覈實將此由五百里諭令知之○命大學士王鼎通政使司通政使慧成馳往河南督辦大工○河南按察使張

祥河緣事解任以開歸陳許道況澄署按察使起丁憂布政使鄂順安署河南布政使○丁巳諭內閣朕於本月十六日起閱看三旗侍衛步射著領侍衛內大臣等每日排列十五名豫備○諭軍機大臣等本年雨水較多畿輔一帶恐有蝻子萌生急須豫防著該兼尹等通飭順天府所屬並直隸地方官查明境內如有蝗蝻萌動情形務即撥挖淨盡如羽翼已成即督飭人夫趕緊撲捕勿令稍留餘孽儻該地方官遲延玩誤致令損傷禾稼即著指名嚴叅從重懲處將此各諭令知之○又諭據奕山等奏查明剿辦夷匪各情形一摺據奏撈獲落水堪用礮位五十尊內有大鐵練大鐵錨並夷礮九尊著即於各礮臺配搭安置其餘不敷礮位即委委員迅速鑄造現在善後事宜最為緊要著奕山等於河水消落後即會同怡良親歷查勘悉心妥議章程具奏將此由五百里諭令知之○以勦

辦廣東夷匪出力賞知府余保純主秀和在籍刑部郎中潘仕成副都統裕瑞副將關亮祺壽遊擊崑壽伊克坦布葉璞崇額尹希成佛隆達三參將慶寅秦定三蔭德布春福劉定選雙保都司譚學玉守備李英魁徐懷瑞高殿甲千總黃者華協領全太董明文國蔭花翎知縣梁星源等藍翎餘加銜升補有差○戊午

上御勤政殿聽政○以內閣侍讀學士訥勒亨額為詹事府詹事○己未

上詣綺春園問

皇太后安○諭軍機大臣等前因河南祥符上汎三十一堡漫口掣動大溜由陳留杞縣東南一帶而去安徽與豫省接壤曾降旨著程楙采豫為防禦本日又據文冲奏稱大溜業已全掣下游正河斷流現在水勢口門下分為兩股一繞省城西南下注一由東南而行均至歸德陳州兩府屬歸入江境等情是江

蘇安徽兩省漫溢淹浸之處定已不少著麟慶梁章鉅程楸采即將漫水作何歸宿被淹者若干處情形輕重若何迅速查明據實具奏將此各諭令知之又諭本日據文冲兩次由驛馳奏漫口大溜全掣下游正河斷流並現在水勢歸宿及搶築情形各等語祥符上汛三十一堡口門續又刷寬現已共寬百餘丈且分為兩股一繞省城西南下注一由東南而行均至歸德陳州兩府屬歸入江南

境下游汗漫其尚無歸宿可知上游四廳雖據奏可保無虞但水性靡常防守不可鬆懈至河南省城尤關緊要該河督既於西門外分股處趕築甌石埽壩挑禦如能攔截斷流或大溜分歸北門護城堤外東注則距城稍遠情形自可稍輕著該河督會同牛鑑將堵築事宜盡心查勘迅速辦理其保護省城應調撥官弁兵夫料物著文冲分飭各廳源源接濟方為妥善將此各諭令知之庚申諭

內閣御史黎光曙奏請將揭參免議之例量為變通一摺外省督撫保舉屬員不實例有處分其訪察揭參免議之例正以杜其回護徇庇之習斷不能限以時日輕改舊章該御史所奏窒礙難行著毋庸議 禮部奏八月初十日

萬壽節應行禮儀得旨本年朕六旬萬壽著無庸舉行告祭禮所有升殿筵宴均著停止仍照常年恭詣

皇太后宮行禮後升正大光明殿受賀○辛酉諭軍機大臣等劉韻珂奏彙查浙省兵勇數目一摺鎮海定海及乍浦等處鄰省本省防守兵丁一萬五千餘名官弁四百餘員官兵久駐不免糜餉老師著裕謙劉韻珂仍遵前旨於鎮海定海緊要處所酌留弁兵外餘俱酌量裁撤其在洋盜匪仍著督飭文武嚴密巡防勒限拏獲盡法懲辦毋任漏網將此諭令知之○浙江巡撫劉韻珂奏寧波富商葉

仁等捐辦木椿并釘阻遏夷船請分別獎勵得旨并釘木椿固屬阻遏夷船之一策然逆夷果欲思逞數百釘椿必不能阻其衝駛仍屬徒勞無益現在捐輸既屬踴躍胡不將此移作雇募水勇之費既可節省軍需兼可捕盜以靖地方况釘椿無非救急之舉豈經久之事耶其審度之○修浙江上虞縣呂家埠等處塘工從巡撫劉韻珂請也○壬戌孝懿仁皇后忌辰遣官祭

景陵諭內閣前據顧伯燾奏酌覈閩省軍需條款當降旨交軍機大臣會同該部議奏茲據會同查照例案分別准駁俱著照所議辦理國家經費有常豈容漫無限制該省先後動撥銀數業有一百五十萬兩之多該督務當力加撙節覈實支發並嚴飭承辦局員毋許絲毫捏飾事竣造冊報部詳細覈銷俾昭慎重儻任意浮冒於現撥款項外再行續請動撥亦斷不能允准也○諭軍機大臣等牛

鑑奏保守省城情形一摺據奏正河業已斷流各廳無工可施護隄缺口勢難搶築惟以保守省城為要等語著牛鑑仍遵前旨多集夫料趕緊鑲築現在秋汛方長該撫保衛省城責無旁貸不得藉口水勢漲發人力難施致有疏失至旁溜注射之水亦著設法疏消以免浸灌其下流歸宿之處得有確耗即行迅速奏聞將此由四百里諭令知之○賈授李振祐刑部尚書調禮部右侍郎毛樹棠為倉場侍郎以內閣學士王炳瀛為禮部右侍郎○以陝西延榆綏道郭熊飛為湖北按察使○癸亥

上幸萬壽山詣廣潤祠拈香諭內閣裕謙奏查明原任廣東水師提督關天培現有子孫並該故員尚有親母等語關天培次子關從龍現年已十八歲著於服闋後送部引見伊母吳氏年逾八十著地方官每月酌量給予銀米以養餘

年○諭軍機大臣等據裕謙奏本年五月中  
 旬江潮盛漲江寧揚州二府所屬沿江濱河  
 之區多有被淹田畝衝坍廬舍又安徽省沿  
 江之安慶池州廬州太平和州等府州及江  
 西省之德化湖口等縣亦因江水陡長隄破  
 田淹現在分別籌辦撫卹等語該省地方連  
 年積歉現在又罹此厄情殊可憫著裕謙即  
 會同該管各巡撫派員迅速查勘分別情形  
 輕重妥為辦理其有急應撫卹之處即妥籌  
 撫卹毋任流離失所將此諭令知之○甲子  
 諭內閣阿勒清阿奏防禦越次呈懇補還占  
 挑甲缺訊無情弊請將各員議處一摺熱河  
 防禦富克金泰因本旗甲缺被占多名並不  
 向園場總管申訴輒赴都統衙門呈控殊屬  
 冒昧翼長寶琛並不稟請總管申理亦屬不  
 合富克金泰寶琛均著交部照例議處其左  
 翼四旗所占右翼各旗甲缺一百六十六分  
 將來如何陸續撥還之處著該都統督率該

總管妥議章程覈辦以昭平允○署江蘇巡  
 撫程商采奏請嚴緝煙犯盡法懲辦得旨○所  
 見甚是竭力查拏斷不可稍形疏懈○  
 修浙江東西兩塘柴埽各工從巡撫劉韻珂  
 請也○乙丑正紅旗漢軍副都統常明因病  
 解任以科布多參贊大臣固慶為正紅旗漢  
 軍副都統○丙寅  
 上詣綺春園問  
 皇太后安○予故鄂爾多斯扎薩克貝子端多  
 布色楞察如例○丁卯中元節  
 上詣  
 安佑宮行禮○遣官祭  
 永陵  
 福陵  
 昭陵  
 昭西陵  
 孝陵  
 孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭內閣達賴喇嘛呼畢

勒罕○於明年四月十六日生牀○所有頒給數

書賞賚等件○著理藩院揀派司員二人○馳驛

齎往○沿途經過直隸山西陝西四川等處地

方○著各該督撫派委道府副參大員○妥為護

送○並著寶興○於司庫提銀一萬兩○俟該司員

等到省時○交給帶往○一併賞給達賴喇嘛○至

打箭鑪以西○著該督知會前途○照例豫備馬

匹○勿致遲誤○戊辰

上奉

皇太后幸觀瀾堂進膳○賞前任寧夏將軍特

依順都統銜為參贊大臣○馳赴廣東辦理夷

務○旌表守正捐軀四川岳池縣民卿世弟

女喜姑○己巳○以巡查邊界撫馭得宜○賞伊

犁領隊大臣花沙布花翎○戶部議准○山西

巡撫楊國楨疏報續墾莊親王空閒馬廠地

一千一百頃有奇○照例升科○從之○庚午○諭

軍機大臣等○麟慶奏○祥符漫口○豫籌折壩○啓

放等語○現在祥符漫口○大溜業已全掣○若由

該省歸德陳州一帶○轉入安徽○匯注洪澤湖○

勢難容納○該河督將束清西壩折展○俟湖水

再增○則隄先放外南廳順清河及吳城七堡○

以資分減○著即督飭道將○趕緊興辦○所奏緩

啓禦黃壩一節○因為工費繁重起見○惟全黃

灌入湖身不能容受○則高堰山盱隄工喫重○

淮揚等處情勢可危○著該河督豫為籌備○如

禦黃壩必須拆展○即一面奏聞○一面相機趕

辦○其山盱三壩○啓放歸江○擬請亦從緩辦之

處亦著酌量情形分別辦理。儘稍存大意。致失機宜。設遇全黃灌入江境。一時措手不及。致有疏虞。惟該河督是問。所奏清水暢出。刷沙濟運。外南北以上直至河南交界。挑淤淤墊等語。著俟勘定黃水入境。要工後次第籌辦。將此諭令知之。又諭。文冲奏勘明漫口情形。暫緩興堵。一摺。據奏。勘商圍築。越堰挑壩施工。並丈量河面情形。請照昨工漫口成案。暫緩堵築等語。著王鼎、慧成於到省後。審

度地理水勢。悉心籌議具奏。至所稱省垣卑溼。亦須另擇善地。早為遷避一節。省城建置。歷有年所。擇地遷移。關係重大。並著會同牛鑑詳勘。周咨妥議具奏。文冲原摺著鈔給閱看。將此諭令知之。辛未諭。內閣。設徵等奏。掌儀司司印被竊。請將司員等交部議處等語。內務府掌印郎中富文。值月筆帖式貴善。俱著交部照例分別議處。失去印信。著該衙門嚴行訊鞫。上緊訪查。並著步軍統領衙門

順天府五城一體嚴拏。務將印信及竊印正賊緝獲。歸案審辦。○壬申諭。內閣。劉韻珂奏。沿江石塘坍塌。現飭查勘一摺。浙江蕭山縣四字等號塘身。外連坦水內及田廬。猝然陷沒。該處為山陰、會稽、蕭山三邑保障。現值秋潮旺盛。亟應趕緊修復。俾資保護。惟塘身坍塌甚寬。深幾十丈。是否應在原處修建。抑須移築堅處。著該撫相度地勢。妥議籌辦。以期鞏固。所有被陷田廬被淹人口。並著查明酌

量撫卹。尋奏。該塘坍塌過深。原處不能築復。須擇堅實地段一律改建。所有淹斃人口二十三名。沉陷民房二十四間。已查明分別撫卹。報聞。○諭。軍機大臣等。牛鑑奏省城水圍市月來源盛漲。現在喫重情形。一摺。據稱省城自黃水全掣以後。西城稍見安定。北城又添分溜注射。勢漸裏臥。情形更為危迫。其餘四面城身久泡酥損等語。著牛鑑等設法疏濬。以免浸灌。其應如何挑溜。勿令水勢衝射。

之處仍著悉心妥辦現當秋汛正長尤當加  
意防護毋得再有疏虞所有河南司庫報存  
正雜銀除分解湖北南河外實存銀三十五  
萬五千一百二十餘兩又庫存封貯銀十五  
萬兩均准該撫動用事竣覈實報銷惟省城  
猝被水圍百姓困苦情形已堪憫惻設使水  
勢日長急切不能消退百萬生靈俱歸沈沒  
朕心實有不忍因思與其拆移艱石剝肉補  
瘡徒事補苴終難保護莫若即所撥庫銀以  
為遷徙賑卹之需著牛鑑等悉心妥酌剴切  
曉諭凡此城內居民各有父母妻子趁此及  
早遷徙以冀生全如有安土重遷不願輕去  
其鄉者亦不可加以逼迫其文武大小官員  
兵丁人等僅至事出危急亦即隨時酌量就  
近遷避不必以城已就湮因有守土之責徒  
作無益之舉據奏本省被水各屬亦著分派  
幹員前往加意撫卹其下游水勢究竟作何  
歸宿該撫務即偵探確信迅速馳奏以慰廑

念將此由五百里諭知牛鑑並傳諭鄂順安  
知之○以故科爾沁輔國公博羅特子帕拉  
巴襲爵○福建汀州鎮總兵陶飛熊以年老  
休致以山西殺虎口副將烏爾清阿為汀州  
鎮總兵官○癸酉  
上詣綺春園問  
皇太后安○以故四川建昌道屬三大校土百  
戶印照學子玉龍襲職○甲戌諭內閣德厚  
奏請將司庫解任審訊一摺據稱盛京司庫  
葉普肯被書吏稟稱有私取庫銀情弊等語  
案關管帶庫輪之員私取庫貯銀兩虛實均  
應徹底根究葉普肯著解任交盛京將軍會  
同盛京刑部提同書吏人等研訊確情按律  
定擬具奏○乙亥諭內閣前因河南祥符上  
汛三十一堡漫口掣動大溜由陳留杞縣東  
南一帶而去安徽與豫省接壤疊經降旨著  
程楙采豫為防禦並將漫溢淹浸之處查明  
具奏本日據麟慶奏稱金黃入湖現在啓放



順清河宣洩並將空運挽渡乘流暢順等語  
祥符漫水入湖必由安徽經過被淹之處定  
已不少該撫至今尚未馳奏玩泄已極現在  
該省被淹地方究有若干經過州縣情形輕  
重若何著即迅速查明據實具奏諭軍機  
大臣等給事中鄭世任奏風聞湖南瀏陽縣  
北鄉大屋墩地方逃軍張顯揚窩匪百餘人  
自稱江湖朋友四出偷竊該逃軍窩藏贓物  
明目張膽肆無忌憚三日內許事主持銀贖

取附近十里之內皆其耳目聲息相通誠恐  
愈積愈多蔓延勾結等語在配潛逃人犯地  
方官不加究辦致有窩匪行竊計贓勒贖種  
種不法情事若不及早查拏必致釀成巨案  
著裕泰吳其濬遴委幹員嚴密查拏以靖奸  
究儻該地方官規避處分意存消弭或致該  
匪犯聞風遠颺著即嚴行叅處將此各諭令  
知之尋奏查拏張顯揚先已聞風逃逸追至  
零陵縣地方捕獲訊據該犯供認窩留羅德

新張揚二等行竊分贓屬實現已緝獲夥犯  
多名按擬究辦報聞又諭麟慶奏全黃入  
湖啓放順清河宣洩並將空運挽渡兩下一  
摺此次黃水全勢南趨洪湖盛漲該河督啓  
放順清河引清入黃並將吳城七堡及清口  
替河灘面趕挑川字河等工以洩河漲而刷  
河淤並先啓揚莊頭壩折展二三兩壩現在  
軍船回空業由中河挽放所辦尚屬周妥該  
河督務當仍遵前旨一切疏濬防守事宜豫

為籌備相機趕辦另片奏本年湖水已旺全  
黃匯注而江湖盛漲項托不消運河東隄與  
重等語現當秋稼登場下游居民田廬恐被  
淹浸該河督如能於各口隘設法疏通不致  
水勢漫溢則田廬禾稼皆可保全朕心實所  
欣慰儻水長不已情形十分喫重則高郵四  
壩應如何豫為曉示居民趕緊啓放之處該  
河督務宜慎重辦理固不可遲緩誤工尤不  
可孟浪債事是為至要又東河祥符汎漫口

其刷寬文數及水所經過由何處入謝著麟慶派員詳晰查明繪圖貼說呈覽將此諭令知之。丙子諭內閣文沖奏各廳工程平穩祥符上汛口門河勢及省城情形一摺據奏祥符上汛口門東岸裏頭埽業已盤起並催集船隻趕運甄石稽料保守省城等語著該河督竭力防守將西岸裏頭埽及運赴省城物料趕緊辦理所請酌撥庫銀接濟准其於例撥銀二十五萬兩內酌撥藩庫銀十五萬以資接濟除劃還藩庫借款外餘銀撥存道庫以備上游防險之用仍著隨時實力嚴查毋任虛糜又另片奏鄭上汛胡家屯埽工匯壑現在搶辦等情即著該河督馳往督辦採購料物趕緊補鑲○諭軍機大臣等據法豐阿奏請禁歇店人等保欠各弊一摺西寧丹噶爾地方每年冬間有四川所屬德爾格及西寧所屬玉舒等番前來貿易據該大臣飭查近年貨多壅滯恐歇店人等有保欠拖累

等弊請嗣後嚴行飭禁並取具甘結等語是否可行有無流弊著恩特亨額派委妥員詳細察看妥議章程具奏原摺鈔給閱看將此諭令知之尋奏番漢貿易相安已久並無保欠拖累等弊未便強禁現酌擬章程四條○番商來丹貿易有未賣貨物寄存歇店次年來時令將貨價交清如有拖欠准番商稟明地方官如數比追一番商來丹出賣貨物責令歇店將價交清儻故意拖延騙勒照匪騙律治罪仍加號一箇月○內地商人赴丹買貨值番商在丹責令以現銀交易或番商回吐應由歇店將所存貨物公平交易俟次年番商來丹照數清交不准賣多報少以示懷柔○歇店寄存番貨應比照典商收當之例如遇失火燒燬或收藏不謹被人竊取或雨水滲漏及蟲傷鼠齧均照原價賠償鄰火延燒者酌減十分之二如被盜搶劫及雨水衝塌成災免其賠補若並未被災詐言水火盜

賊者除勒限賠償外計賊准竊盜論從之○  
以浙江瑞安協副將鄭宗凱為定海鎮總兵  
官○旌表守正被戕貴州都江廳民楊得泰  
弟媳陶氏守正捐軀山東滕縣民鄧卯東妻  
張氏○丁丑

仁宗睿皇帝忌辰遣官祭

昌陵○

上詣

安佑宮行禮○諭內閣都察院奏查明各省京

控咨交案件通限未結並上次展限已逾仍  
未審結各案開單呈覽各省州縣審斷不公  
致令來京具控經各衙門咨交之後各該管  
上司自應勒限嚴催將未結各案迅速審辦  
以免懸宕茲都察院查明該衙門咨交各省  
通限未結統計三十二案之多步軍統領咨  
交各省通限未結統計五案之多似此任意  
積壓玩泄已極著吏部即將承審通限各督  
撫都統府尹及委審各員應得處分查取職

名分別議處並著該督撫等將未結各案迅  
速審辦完結毋再任意宕延致干咎戾○又  
諭惠特亨額等奏賊番搶劫牲畜經該管盟  
長擊散一摺此次果洛克等賊番竄至青海  
地面搶劫蒙古番族牲畜等物經該盟長郡  
王棍楚克濟克默特帶兵前往擒剿膽敢開  
槍抗拒復經該盟長督同勒捕殲斃賊番多  
名奪獲被搶牲畜洵屬奮勉可嘉棍楚克濟  
克默特著賞給大緞四匹仍交部從優議敘

其沿邊要隘仍著該督飭令各營汛嚴加守  
禦毋稍疏懈以勒辦福建臺灣匪徒出力  
賞知府熊一本遊擊洪志高都司呂大陞守  
備陳連斌花翎千總曾玉明藍翎餘升敘有  
差戊寅諭內閣此案鮑鵬以疊次代人買  
煙之犯黃夜前赴夷船傳話並隨琦善前赴  
粵東經王大臣等擬照交結外國例加等發  
遣鮑鵬著發往伊犁給官兵為奴遇赦不赦  
山東濰縣知縣招子庸明知鮑鵬係不安本

分之。人。不加拒絕。仍留住署內。薦舉傳話。各無可辭。招子庸著即革職。無庸再交部議。該革員任內有無經手未完事件。著該撫查明辦理。山東巡撫托津布。聽從招子庸薦舉。派令鮑鵬前往。乘船傳話。亦有不合。著交部議處。諭軍機大臣等。本日據牛鑑馳奏。省城情形危急。儘力搶護一摺。據奏口門潰出。溜。與旁溜合併。直衝城角。拋輒不能得力。現擬運石搶拋攔護。催集河工稽料等語。著牛鑑加意防守。毋稍疏懈。前有旨諭。知牛鑑事出危急。城內居民及早遷徙。官員亦酌量遷避。由五百里寄知。計此時當已接奉。現在秋汛方長。水勢靡定。儻萬分危急。不能保守。著即遵照前旨。先儘城內居民。擇地遷避。文武大小官員。以次遷避。牛鑑身任巡撫。自應照料妥當。隨後起身。此次議遷。萬不獲已。原以保全百姓。總須先民後官。以免驚竄紛擾。是為至要。將此由五百里諭令知之。○己卯。諭

內閣。程林來奏。沿江州縣。續又被水。現在籌辦捐輸。接濟一摺。安徽省本年江水盛漲。沿江州縣。田廬多有受淹之處。前經該撫遣員分往查勘撫卹。茲據奏稱。交秋異漲。各州縣續又被水。自應妥為妥撫。所有被災較重之望江縣。准其一體撫卹。即著飭令該縣妥為勘辦。其情形較輕之蕪湖繁昌和州貴池等州縣。臺經災歉之後。民力亦形拮据。若待秋後再籌接濟。難免覓食流離。現據該撫等倡率捐輸。即著飭令委員酌帶捐項銀兩。前往各州縣確查實在貧民。妥為經理。此外各屬如有被淹之處。仍著該撫隨時察看情形。豫籌接濟。務使本境窮黎。不致紛紛外出。以資口食而免流亡。○諭軍機大臣等。前據麟慶奏。全黃入湖。啟放宣洩。並將空運挽渡南下情形。所辦尚屬周妥。有旨將一切疏濬防守事宜。著該河督豫為籌備。相機趕辦。本日據松琳奏。祥符漫限大溜南趨。下游高寶等湖。

江潮頂托。淮揚運河隄工。處處喫重等語。現  
在浙江防堵事宜。尚未全竣。南河啓故各工。  
均關緊要。麟慶身任河督。責無旁貸。所有折  
展各壩。啓放湖流。及回空漕船南下渡黃各  
事宜。著責成麟慶妥速辦理。稍有疏虞。惟該  
河督是問。懍之慎之。將此諭令知之。○又諭  
桂良等奏。南掌國遣使敬闡。恭請入貢一摺。  
南掌國長。召喇嘛呢呀宮滿。情殷祝嘏。並例  
貢屆期。遣使敬闡。呈進貢物。所有該國使臣。

計八月內。方可行抵雲南省城。該督等於該  
貢使到省後。務令照常行走。於封印前抵京。  
並派委文武各員。妥為護送。將此諭令知之。  
○又諭。裕謙奏。酌撤江浙兩省防兵一摺。據  
奏。浙省沿海口岸。加築土城礮臺。安設礮位。  
已極周密。江蘇洋面。並無夷船蹤跡。守禦已  
甚完備。所議陸續裁撤各兵。均著照議辦理。  
程高采准其暫回蘇州。所有上海防堵事宜。  
責成該道王翊會同陳化成。王志元妥為彈

璽。裕謙仍移駐江浙兩省通中之地。會同劉  
韻珂。程高采。余步雲。陳化成。通盤籌畫。隨時  
酌量情形。陸續撤防。仍不得稍存大意。致有  
懈弛。又另片奏。江蘇安徽二省。江潮泛溢。祥  
符漫隄。大溜南趨。下游處處喫重等語。裕謙  
現在辦理江浙兩省防堵要務。自未能兼顧  
河防。所有折展各壩。啓放湖流各事宜。已有  
旨責成麟慶妥為辦理矣。將此諭令知之。○  
晉贈故致仕戶部尚書黃鉞。太子太保。子泰

彝。謚勤敏。入祀賢良祠。○以輝盜出力。予福  
建參將孫雲鴻等。加銜升補有差。被戕外委  
鍾成。功。祭葬世職。鄉勇余富等。賞卹如例。○  
命陝甘總督恩特亨。額撥銀五萬兩。解赴塔  
爾巴哈台。備道光二十三年經費。○庚辰。  
上詣綺春園。問  
皇太后安。○諭。內閣。各省實缺知縣。到任在半  
年外。不勝民牧者。即予休致。不得因其正途  
出身。率請改敘。道光二年所降諭旨。甚明。本

日據陝甘總督恩特亨額奏請將難勝民社之成縣知縣陳大均以教職改用覈其到任已逾定限所奏著不准行陳大均著即以原品休致恩特亨額著交部議處○又諭賽尚阿奏據馬甲開太告知有確房辛姓等向伊轉託說情並稱曾託在賽尚阿家教讀之山東海陽縣拔貢宮鴻緒代為說過等語案關商民干預情託且難保無影射誑騙情事必應徹底訊辦著步軍統領衙門即將確房辛

姓孫姓嚴拏務獲交刑部確切根究並著該部行提宮鴻緒到案質對務期水落石出以儆刁風馬甲開太著聽候傳質尋山東巡撫托渾布奏查明宮鴻緒於道光十九年九月間自京帶病回籍十月間在籍病故下部知之○諭軍機大臣等本日顏伯燾奏夷船闖入廈門情形劉鴻翔等奏現在嚴密防守省垣各一摺據稱逆夷兵船於七月初九日闖進青嶼口門顏伯燾親自督戰奮力拒敵開

礮擊沈火輪船一隻兵船五隻該夷一面回礮一面蜂擁而進是日南風大作該逆船隻又占上風我軍煙火迷目以致廈門失守等語該夷如此猖獗實堪痛恨廈門為閩省鎖鑰豈可令該夷日久占據著顏伯燾督同實振彪普陀保趙此未及安定之時設法克復本省兵勇諒已陸續調撥協力攻剿其應如何雇募水勇團練鄉勇之處務即迅速辦理勿再遲誤至閩安協所轄五虎門為省垣咽喉尤當嚴密分兵防守不可大意該夷伎倆原祇恃船堅礮利習慣風濤令該逆登陸占據礮臺是防之之術必應水陸交嚴方不致倉卒失事顏伯燾退守同安保昌等堅守省城均屬職任重大但兵力單弱已降旨飭令吳文鎔迅調精兵二千名赴閩應援該督撫等總當激勵眾心及早克復廈門毋得坐失機會漸形滋蔓所有陣亡將弁兵丁著奏明交部照例賜卹該督自請治罪並請將各員

分別交議之處。著俟收復廈門後再降諭旨。將此由六百里加緊各諭令知之。○又諭本日據顏伯燾等由驛馳奏。逆夷兵船突至福建廈門失守各情形。建廈門失守各情形。逆夷貪得無厭。肆其猖狂。殊堪痛恨。現已占據廈門。難保不乘風北駛。擾及沿海各省。盛京為根本重地。尤為緊要。前經降旨著該將軍嚴密防範。本日又飭惟勤調兵一千名。前赴盛京。交該將軍分派防堵矣。又飭棍楚克策楞調兵一千名。暫留盛京。以備直隸調撥之用。至逆夷習於水戰。向來議者皆以彼登陸後即無能為患。乃今占據廈門。是陸路亦不可不加嚴備。著耆英相度機宜。妥為籌畫。萬一夷船駛至。即激勵將士同心敵愾。以彰天討。將此由六百里加緊諭令知之。○又諭本日據顏伯燾等由驛馳奏。逆夷兵船突至福建廈門失守各情形。逆夷貪得無厭。難保不乘風北駛。擾及沿海各省。天津附近京師尤關緊要。前經降旨著

該督嚴密防範。諒已各口均有準備。如有應添防兵。著酌量情形。一面奏聞。一面飛調。現在已調吉林兵一千名。前赴盛京。交耆英派撥防守。又調黑龍江兵一千名。暫留盛京。如直隸兵力較單。即可調撥應用。訥爾經額著即馳赴天津。相機籌辦。萬一夷船駛至。不可迎面攻擊。或於要口設伏。或兩面夾攻。方能取勝。所有北塘一帶。及各處沿海居民。務須剴切曉諭。夷人初到。始以購買食物為詞。繼且搶掠姦污。無所不至。莫如各自團練。保護身家。眾志成城。自然勇氣百倍。切勿受其詭騙。以至身家受害。或另有良策。保衛鄉民。必須籌度萬全。是為至要。顏伯燾原摺著飭給閱看。將此由六百里加緊諭令知之。○又諭本日據顏伯燾等由驛馳奏。逆夷兵船突至福建廈門失守各情形。已降旨調江西兵二千名。前赴福建應援矣。逆夷貪得無厭。難保不乘風北駛。擾及沿海各省。江浙兩省毗連

閩界前經降旨著裕謙等嚴密防範諒已各加準備如兵力不敷准其酌量調撥該大臣等務須妥為布置毋稍疏虞萬一夷船駛至即激勵將士同心敵愾以彰天討將此由六百里加緊各諭令知之○又諭本日據顏伯燾等由驛馳奏倭夷兵船突至福建廈門失守各情形逆夷貪得無厭難保不乘風北駛擾及沿海各省山東各海口港汊紛歧前經降旨著托渾布嚴密防範諒已早為準備如

兵力不敷准其酌量調撥該撫務須妥為布置無稍疏虞或須親赴海口防堵即著迅速前往如有夷船駛至觀面難以取勝或須設伏夾攻出其不意著該撫悉心籌畫以固疆圉將此由六百里加緊諭令知之○又諭本日據顏伯燾奏逆夷滋擾廈門失守著吳文鎔挑選江西省精兵二千名令曾經出師之將弁管帶前往迅速起程並著申明紀律毋許沿途滋事江西與閩省接壤該撫務當嚴

飭文武員弁擇要防堵毋稍疏虞將此由六百里加緊諭令知之○又諭倭咄咄夷船現仍肆行滋擾盛京為根本重地亦應豫籌防守著惟勤迅撥吉林兵一千名揀派曾經出師之副都統一員管帶前往盛京交著英分派防堵果升阿著毋庸派往將此由六百里加緊諭令知之○又諭倭咄咄夷船現仍肆行滋擾盛京為根本重地亦應豫籌防守著棍楚克策楞迅即選撥黑龍江兵一千名揀

派曾經出師之副都統一員管帶前往盛京交著英分派防堵將此由六百里加緊諭令知之○越南國嗣阮福暉遣使請封恭進方物命留抵下次正貢賞賚如例○予故越南國王阮福暉祭一次以其嗣福暉為越南國王命廣西按察使寶清往封○越南國使臣李文馥等三人於大紅橋瞻觀○辛巳諭軍機大臣等昨日曾降旨飭令訥爾經額趕赴天津防堵籌備一切並將顏伯燾原摺發給



閱者矣。該夷兇狠異常。行蹤詭秘。從前議者皆謂該夷習於水戰。若誘之登陸。便無能為。故人人意中。以為祇須於海口嚴防。毋庸計及陸路交戰。今福建廈門之役。該夷竟敢登岸。奪據礮臺。傷我將兵。又據閩省奏稱。該夷有偽稱陸路提督名目。是逆夷助惡之具。百計環生。著訥爾經額於各海口分派重兵。嚴加堵禦。僮逆夷竟敢率眾登岸。所有火礮及一切設伏機宜。務當先事豫籌。操必勝之權。視奸夷之膽。該夷即使登陸。各處山岡陂陀。未必遽熟路徑。我兵出奇制勝。前後勦擊。似不難一鼓殲擒。若祇恃沿海火礮攻擊。而陸路攻剿。毫無準備。迨至逆夷乘勢掩入。我兵全無把握。豈不自紊紀律。何以操勝算。而固軍心。著該督調集總兵以下大員。面告一切機宜。並令豫將所鑄大礮。一一演試。其各岸應如何設兵應接。及逆夷登岸。如何四面兜剿。盡殺乃止之處。均著悉心商辦。有備無患。

陳金綬近在津門。諸事自必加意籌辦。僮總兵副將以下大員。不敷調遣。即著迅速奏調。以供驅策。至沿海各州縣。必須通行飭知。激勵將弁。團練鄉勇。進可以戰。退可以守。稍有疏虞。致令生民受其荼毒。惟訥爾經額是問。再昨調吉林黑龍江兵二千名。將來若有應調之處。境內一切車馬。務要先期豫備。以應急需。毋稍遲誤。將此由六百里諭令知之。○又諭。昨因夷船在廈門滋事。當經降旨飭令者英嚴加防範。並調吉林兵一千名。交該將軍分撥防堵矣。夷人此次到閩。已有陸路提督偽官名目。恐其招集閩廣漢奸。為登陸交戰之計。現在籌備海防。不可以堵禦口岸。即為無患。當計及登陸後。如何設法夾攻兜剿。出其不意。方能制勝。該將軍酌量情形。於各口妥為布置。僮或逆夷駛至。務當鼓勵將士奮勇攻擊。盡殺乃止。所謂吉林黑龍江兵。行至盛京境內。所有夫馬車輛。應豫為籌備。該

二省兵二千名一經直隸調取即令迅速前往免致臨事延誤此項官兵善於衝突陸路接仗是其所長斷不可派在海口防堵顏伯燾摺著鈔給閱看將此由六百里諭令知之○又諭昨因夷船在廈門滋事當經降旨飭令沿海各督撫加意防範托渾布接奉後自必妥為布置矣惟念夷人此次到閩已有陸路提督偽官名目恐其不但在海口滋擾並有登陸交戰之計現在籌備海防不可以堵禦口岸即為無患尤當計及登陸後如何設伏夾攻兇讎出其不意方能制勝托渾布是否已前往海口彈壓調度儻逆夷駛至務當激勵將士一鼓殲擒其沿海各口居民有能團練鄉勇堪助軍威者著該撫優加勸諭俾人人自衛眾志成城是為至要顏伯燾摺著鈔給閱看將此由六百里諭令知之○命陝甘總督恩特亨額撥銀一萬四千三百兩有奇解赴喀喇沙爾備道光二十三年經費

大清宣宗發天符運五中體正至文聖武智勇  
仁慈儉勤孝敏成皇帝實錄卷之三百五十四

[illegible]

道光二十一年辛丑八月壬午朔諭內閣據

刑部題駁直隸民人閻二小把傷胞叔閻日  
新身死一案此案關繫服制罪名自應審慎  
周詳無枉無縱該省初次定擬斬決未經敘  
明是否有心干犯迨經部駁覆訊又將供招  
全行翻異難保無改造口供情弊著直隸總  
督另委賢員研訊明確悉心妥議併將有無  
改造口供之處一併查明據實具奏尋奉審  
明有心干犯前係畏罪翻異查無改造口供  
情弊遵駁定擬斬決下部議從之諭軍機

大臣等牛鑑秦河南省城被水情形。斷難議遷。並日內保護綏輯一摺。又另片秦省城西北角以至西門趕築挑水大壩。以資抵禦等語。覽奏均悉。河南省城屢次危險。復保安全。該撫虔祀。

河神大溜劃分兩股離城身五六丈得以搶築完固此皆仰叨

神佑曷勝寅感著發去大藏香五炷交牛鑑祇領敬謹祀謝至域內民人現留十分之七。

有難以遷徙之勢。自係實在情形。著牛鑑督飭文武員弁。將應辦各工迅速妥辦。現在節交白露。可冀水漸消落。仍當察看大溜。勿令衝射。據稱料物不敷。已降旨飭令文冲趕緊運赴省城。源源接濟。不准稍有遲延。該撫驗收料物後。即派熟悉幹員督率夫役分工堵築。毋得遲緩誤事。至省外被水各屬亦應查明派員撫卹下游水勢。作何歸宿。仍遵前旨確查具奏。將此由五百里諭令知之。○又諭

本日據牛鑑馳奏省城險工疊出請嚴飭接濟料物以應急需一摺。河南省城水圍匝月。全河大溜直注西北角城。刻刻生險。致城垣間段坍塌。裂縫屢經竭力搶護。得保危城。惟大溜奔騰。自應寬備料物。源源接濟。據該撫查明兩岸各廳所存料垛。俱有數千。一月以來。運到省城者。不過五六十垛。該廳員等所司何事。實屬玩視要工。著文冲即督飭廳營員弁。將料物趕緊運往。以應急需。省城現當危急之時。間不容髮。務令迅速趕運前進。不得以水大溜急為詞。儻稍有遲延。致誤要工。該河督自問當得何罪。懍之將此由五百里諭令知之。○又諭。吳夷現又肆行滋擾。占據廣門。沿海各省口岸。均應嚴加防守。天津附近京師。尤關緊要。著富呢揚阿會同提督胡超。於陝西兵內挑選二千名。分起迅速啓程。前赴天津。其第一起。即著胡超管帶。其餘各起。著該撫揀派。曾經出師之將弁管帶前往。

並著申明紀律。毋許沿途滋擾。固原提督印務著恩特亨額派員署理。將此由六百里各諭令知之。○又諭。前因夷船突至福建廈門。失守。當經降旨飭令沿海各督撫嚴加防範。矣。茲據裕謙奏。浙江洋面夷船續有增添。請將各路官兵暫緩啓程等語。所奏甚是。逆夷在閩省滋事。情形兇狠。深堪痛恨。浙江與閩省毗連。兵力不可單弱。所有前撤各兵。未啓程者。著一概緩撤。其已經啓程者。亦著概行截回。以資防禦。如再不數。即著該大臣酌量情形。於所轄安徽江西二省兵內。一面飛調。一面奏聞。毋稍遲誤。萬一夷船駛至該大臣。即督飭鎮將激勵兵民。同心敵愾。雖據奏兵情踴躍。皆以未得立功為恨。然不可存輕敵之心。總須謀勇兼備。方為節制之師。該大臣身膺重任。其加意慎勉。以副朕望。至江蘇吳淞口一帶。地勢平衍。並無要隘。可扼。尤宜妥為布置。無稍疏虞。是為至要。將此由五百里

諭令知之○安徽巡撫程楸采奏續獲煙犯。按例嚴懲。得旨。查拏甚好。毋稍懈弛。○癸未遣官祭

文昌帝君廟。○諭軍機大臣等。昨已降旨令富呢揚阿挑選陝西兵二千名。並派胡超管帶。迅赴天津。以備調遣矣。本日據訥爾經額奏。馳赴天津籌辦海防一摺。覽奏均悉。所有沿海一帶。前後共已調官兵七千六百名。兵力不為單薄。山海關設立糧臺。著准其飭令

高樹勳。前往經理彈壓。並著令其督飭各地方官。認真團練。嚴密協防。至北塘地方。現已派員防範照料。各處要口。設伏夾攻。亦已妥為籌備。均著照所議辦理。該督現已馳往天津。務將一切防勤機宜。豫為籌備。一有夷船進口。即行奮力攻擊。大加懲創。以褫夷魄。而靖海疆。將此諭令知之。○熱河都統瑚松額。因病解任。以吏部左侍郎桂輪為熱河都統。○以惠親王綿愉署正藍旗蒙古都統。怡親

王載垣署正白旗領侍衛內大臣。○賞隨往山海關防堵正白旗副護軍參領保玉護軍校長保。正紅旗護軍校貴隆。鑲藍旗藍翎長伊精額。治裝銀有差。○補賞福建等省庚子科鄉試年老諸生吳人瑞等二名舉人副榜有差。○命陝甘總督恩特亨額撥銀七千兩。解赴和闐。備道光二十三年經費。○甲申。諭軍機大臣等。劉鴻翱奏請撥軍需銀兩一摺。又另片奏。招募民人相機進剿等語。省城南

臺以下沿河村莊。自五虎門至省。港面寬深。又有支港可通。恐該夷乘潮駛入。該撫現飭司道查勘。多用磐石攔堵。總期得力。毋稍疏虞。廈門匪回難民。著妥為撫卹。至泉漳民人素習武藝。現在該督等擬招募壯勇二三萬名。所見近理。著即廣為招募。以資攻剿。惟該水勇等素性強悍。要在駕馭得宜。既以恩信激其天良。復以嚴明消其跋扈。寬猛相濟。始克奏功。顏伯燾現守同安。即當一面整備礮

火器械。一面招募民兵。戮力同心。奮勇勦擊。以期克復廈門。顏伯燾失守之罪。或可稍從末減。若再有貽誤。自問當得何罪。所需銀三百萬兩。著戶部速議具奏。並准其暫於藩庫各款內先為墊應。俟部項解到歸補。將此由六百里各諭令知之。○又諭。本日據劉鴻翔奏。逆夷滋擾廈門。硝磺一項。為行軍要需。請於湖南湖北安徽江西四省。各撥硝十萬斤。硝二萬斤。即日馳解來閩。以應急需等語。著

裕泰。程楸采。吳文鎔。吳其濬。如數籌撥。迅速委員馳解福建。毋稍遲誤。將此由六百里各諭令知之。○又諭。本日據劉鴻翔奏。逆夷滋擾廈門。硝磺一項。為行軍要需。請於山東河南二省。各撥硝二十萬斤。硝四萬斤。解閩以應急需。並稱該撫已飛咨該二省趕緊籌撥等語。此項硝磺。已降旨。在湖南湖北安徽江西等省籌撥。毋庸在山東河南撥給。將此由六百里諭令托渾布。牛鑑知之。○調戶部右

侍郎麟魁為吏部左侍郎。兵部右侍郎端華。為戶部右侍郎。兼管錢法堂事務。以通政使司通政使慧成。為兵部右侍郎。內閣學士恩華。為理藩院右侍郎。○轉京營右翼總兵文蔚。為左翼總兵。以正藍旗滿洲副都統端華。為京營右翼總兵。正紅旗護軍統領吉倫泰。為鑲白旗漢軍都統。正紅旗漢軍副都統玉明。為正紅旗護軍統領。調鑲紅旗漢軍副都統德誠。為正黃旗滿洲副都統。以頭等侍衛奕縉。為鑲紅旗漢軍副都統。○乙酉。

上詣

大高殿行禮。○還宮。○諭內閣。裕泰奏湖南提督回省。請賞假暫緩接印一摺。楊芳自粵回至湖南。病體尚未痊愈。著賞假調理。暫緩接印。以期速痊。所有湖南提督篆務。仍著台湧署理。○諭軍機大臣等。據麟慶奏。祥符漫口全黃入湖。現在拆展禦黃束清等壩。仍不足以資宣洩。除禮智信三壩。早已啓放。義河亦

經啓通過水。惟林家西壩。難議輕啓。酌俟湖水長至二丈一尺以外。再行啓放等語。該壩地當湖心。洩水過猛。下游喫重。且堵閉費大。著該河督督飭員弁。將堰圩二廳石工加築子堰。添備料物。極力巡防。林家西壩。能不至啓放。自為上策。如秋風司令。湖水增長。情勢可危。再行啓放。以保湖隄。該河督務當慎重辦理。不可稍涉大意。至下游車邏等壩。業據陸續啓放。自因義河已啓。有不容不啓之勢。

惟下游田廬。有無被淹。著查明具奏。將此諭令知之。尋奏此次啓壩。節逾白露。早中二稻。業已登場。其晚稻多在高阜。有圩保護。且於未經啓壩。已諭農佃加築高厚。無礙田廬。查壩下各州縣。均係勘不成災。得旨所辦甚好。○又諭前據顏伯燾等奏。夷船駛入閩洋。廈門失守。已降旨令該督等設法克復矣。前因逆夷占據香港。有旨令該將軍等相機收復。現在該逆滋擾福建。粵洋夷船。自必減少。若

乘其勢分力弱之時。督率兵勇。痛加勦洗。使彼首尾不能相顧。但須謀定後動。計出萬全。固不可坐失事機。尤不可再有挫失。且該逆前踞定海。經琦善議給香港。始將定海退還。現在琦善。伊里布。均獲重譴。此次該逆既占香港。又復攻擊廈門。難保不故智復萌。又思更換以售其詭騙。愚弄之計。奕山。齊慎。經朕特簡。祁項。怡良。均有地方之責。著即體察情形。乘機進剿。如能設法攻復香港。則從前辦理不善。尚可少贖罪戾。若狃於前議。觀望遷延。又墮逆夷更換詭計。則覆轍具在。不能輕恕也。懍之勉之。將此由六百里加緊諭令知之。○以祭

社稷壇。自是日始。齋戒三日。○丙戌。遣官祭

開帝廟。○諭軍機大臣等。前因祥符汛漫口。水勢漸逼河南省城。降旨飭令牛鑑會同鄂順安商酌一切。如城垣不能堅保。即設法遷徙。原因數百萬生靈。不能坐待淹浸。且錢糧

用至數十萬。似亦足資搬運之資。與其倉皇補苴。而終歸莫保。不若事先綢繆。更為妥協。旋據牛鑑奏稱。有斷難遷徙之勢。朕以為該撫揣度情勢。保護城垣。必有把握。故不為遙制。本日據文冲奏。省城西北隅。甚為險要。西壩裏頭。尚不敢輕率動工。恐激怒溜勢。省城喫重。將來籌堵口門。更恐逼射城垣。又運送料物船隻。一經運到。輒被地方各員扣留。移住眷口。停泊城隅。又不載送上隄。俾資輪轉。

等語。現在秋汛正長。若果如所奏。水勢激射。裏頭尚不能興工。則將來籌堵口門。溜勢更急。彼時城垣愈酥。安能保其無傾圮之患。若牛鑑果有把握。必能力保無虞。則應飭令運料船隻。源源輪替接送。不應任聽各員扣留。城隅寄居眷口。儻祇苟安目前。毫無權變。設水勢愈大。人力難施。數百萬生靈。與夫城內錢糧倉庫。俱付漂沒。咎將誰執。王鼎慧成。現在河工。見聞較確。如可以進城。即著會同牛

鑑鄂順安。熟籌定議。妥速具奏。將此由五百里諭知王鼎慧成。牛鑑。併傳諭鄂順安知之。○又諭。前據牛鑑奏。河南省城。水圓市月。各廳料塔。未解接濟。情形危急。當降旨令文冲迅飭廳營。將料物趕運。以應急需。茲據文冲奏。所雇船隻。一經運往省城。即被地方各員扣留。屢催不返。查係各員移住眷口。停泊城隅。又不載送上隄。俾資輪轉。現在黃河以內。實已無船可覓。並將祥河同知王憲。派赴上

城防護。開歸道步際桐。調赴省垣。未准來工。支發錢糧。乏人經理等語。所奏是否確實。著王鼎等密查具奏。毋稍瞻徇。將此由五百里諭令知之。○調鑲紅旗漢軍副都統奕縉。為正紅旗漢軍副都統。正紅旗漢軍副都統固慶。為鑲紅旗漢軍副都統。以鑲藍旗滿洲副都統綿清。署正紅旗護軍統領。○旌表守正捐軀山東金鄉縣民婦宋董氏女大姐。○丁亥祭



先師孔子遣大學士潘世恩行禮。○諭軍機大臣等。昨有旨令王鼎慧成將河南省城現在應否遷徙著會同牛鑑鄂順安妥議具奏。本日據牛鑑馳奏省城大局可保無虞。並現在辦理情形一摺。河南省城被水卅月。現據該撫奏稱搶護無害。礙難議遷。究竟情形若何。是否確有把握。著王鼎等詳細體察情形。確實具奏。又文冲本日具奏摺片二件。一併鈔給閱看。將此由五百里諭令知之。○又諭

文冲奏陳明先後函商實情一摺。又另片一件。本日據牛鑑奏被衝塌卸城角俱經隨時鑲補。溜勢漸緩。城身並無續塌。城根水勢已落有五六尺。現在多拋甃石攔護。並擬築挑水大壩。以免城身喫重。大局可保無虞。日來催運河工稽料。亦漸齊集。除鑲用外。現積有存料四十餘垛等語。該撫有守土之責。既據查明省城可保無虞。遷徙自為緩計。惟秋汛方長。必應寬備料物。源源接濟。該河督務當

恪遵前旨。多備料物。俾應急需。慎勿存吟域之見。致誤事機。是為至要。將此由五百里諭令知之。○又諭據牛鑑馳奏現在水消溜緩。省城大局無礙。一摺。據稱節逾白露。水勢日消。較之從前落水已有五六尺。現將西南淤墊之土開挖寬深。導水西行。城根一帶。亦已多拋甃石攔護。漸見安定。河工稽料。漸已齊集。現積有存料四十餘垛。擬築挑水大壩。以免城身喫重。目前人心安固。不移等語。河

南省城為百萬生靈所聚。籌謀遷避。原係萬不獲已之舉。既據該撫奏稱水消溜緩。人夫料物已充。民情安定。自以保護省城為是。但秋汛方長。水勢靡定。該撫總宜竭力籌防。悉心保護。至所稱現於水落稀淤處所。接鑲木筏以通道路。即著照所議辦理。將此由五百里諭令知之。○又諭前據劉鴻翔請撥軍需銀三百萬兩當交戶部建議。本日已據該部酌撥浙江等省各項銀兩。飛咨各該省委員

起解矣。現因閩省軍務緊要，不惜帑金如數撥解。著顏伯燾、劉鴻鵠覈實支放，搏節動用。毋任管局各員稍涉浮冒。該逆前在廣東、奕山等倉卒許給商欠銀兩，竟致飽其所欲，以致滋擾無厭。此次該夷又復占踞廈門，難保不復萌故智。顏伯燾業已深知廣東辦理不善，儻該逆再有要求，或因急圖繳還廈門，又墮詭計，致失國體，並貽後患。是既失地於前，又復遷就了事，罪在不赦矣。懷之慎之，將此

由六百里諭令知之。○又諭據托渾布奏帶兵親赴登州督防一摺，現在喫逆突陷廈門，猖獗已甚。如果乘風北駛，必應厚集兵力，痛加剿洗。登州海口留防各兵雖有一千四百名，尚覺單薄。所有前次撤回之東昌、臨清、高唐、泰安、濟寧等營兵七百名，及應行添調兵一百名，即著迅速檄調。該撫即親赴海口，相度機宜，分兵嚴守。其陸路應豫為布置之處，亦著妥密籌辦。毋稍疏虞。又另片奏海豐

縣與直隸接壤，現撥武定營官兵並責成該府縣團聚鄉勇協力防守。其文登營官兵仍令移駐榮成縣之處，均著照所議辦理。將此諭令知之。○又諭前因喫逆突至福建，廈門失守，已降旨令沿海各省督撫嚴加防範矣。茲據劉韻珂奏稱浙洋現在亦增添逆船，請將調防官兵暫緩撤退，著照所議辦理。裕謙現在駐劄鎮海，於相離較遠之地，一時自難兼顧。所有乍浦海口即著飭令杭嘉湖道宋

國經會同湖州協副將陳述祖督率兵勇實力防守，並著奇明保、劉韻珂長喜一體妥為防禦。其尖山離省咫尺，即著該撫就近督防，以衛根本。至所稱多雇壯勇豫備陸戰，此次廈門之役，該夷竟敢登岸，奪據礮臺，復有偽稱陸路提督名目，是該夷不止利於水戰，現經該撫飭屬添雇壯勇，並曉諭紳耆趕緊團練，以資攻戰，尚恐少不濟事。著該撫廣為招募，務於沿海要口足資防守，而於登陸各處

尤須酌量要隘。分頭設伏。庶可以我所長攻彼所短。以壯軍聲而褫夷膽。將此諭令知之。

○戊子祭

大社

大稷

上親詣行禮。○幸圓明園。○詣綺春園問

皇太后安。○諭內閣。據禮部奏。廢員耆民具呈

祝嘏。請令一體隨班行禮等語。本年朕六旬

萬壽。前經降旨停止升殿筵宴。所有該廢員

耆民等呈請隨班叩祝之處。著不准行。該部

堂官未經先期奏明。又未將歷屆成案聲敘

殊屬疏忽。著交部議處。○又諭前因御史劉

得奏河南祥符漫口。聞係在張家灣地方。是

否以有工處所。捏報無工。當交王鼎等查勘

具奏。茲據查明奏稱祥符三十一堡。即係張

家灣。並非兩處。實無工段。該御史所奏著毋

庸議。○又諭前據牛鑑奏署河南藩司張祥

河因省城被水。稟商河督欲於上游胡家屯

一路設法宣洩等情。當交王鼎等前往查辦。

茲據奏稱。查詢該署藩司實因省城危迫。眾

紳民等均以上游設法宣洩為詞。據情稟商

河督。原非意在必行。取具親供呈覽。張祥河

以藩臬大員。於省城猝被水圍之時。輒據紳

民之情。遽為稟商。殊屬輕率。張祥河著交部

議處。○諭軍機大臣等。據王鼎慧成馳奏查

勘河南決口。現在守護省城情形一摺。河南

省城被溜頂衝。昨經牛鑑奏稱。現已水消溜

緩。大局無礙。茲復據王鼎等奏。現在省城搶

護情形。官民同心合力。可保無虞。省城水勢

雖已漸定。惟現距霜降尚遠。來源正旺。所有

挑水大壩。是否業已挑築。現在料物已漸齊

集。即著趕緊興辦。以免城身喫重。其餘亦著

督令各員晝夜防守。如有塌卸之處。即行隨

時鑲補。至省垣議遷一節。本屬萬不得已之

舉。現在水勢既漸消落。民情更復團結。自前

自可緩議遷移。惟城身被浸日久。垣牆難免

酥損。且地形窪下。更難保無淤墊之憂。況四境之景象。豈能復舊。將來大工合龍後。可否仍為省會。著即詳查具奏。又所稱漫口暫緩堵築。眾論皆不以為然。此事關繫非止一省。尤不可稍有冒昧。著與牛鑑等熟商定議。再行奏聞。將此由四百里諭令知之。○又諭。據裕謙馳奏。浙洋夷船日增。情形叵測。一摺。據奏鎮海定海交界之青龍港洋面。有夷船五隻。火輪船一隻。寧海縣大佛頭洋面。有夷船

三隻等語。前因逆夷滋擾廈門。有旨令裕謙等密加防範。水陸交嚴。由六百里寄知。計此時當已接奉。現在浙洋既有夷船遊奕。即著該大臣督飭鎮將。嚴密防堵。相機勦辦。務使大加懲創。不可令其稍有得手。是為至要。其江蘇洋面。有無夷船蹤跡。著即飛咨梁章鉅查探明確。據實具奏。將此由四百里諭令知之。○又諭。據裕謙奏。浙江洋面青龍港大佛頭等處。報有夷船八隻。又火輪船一隻。已諭

知裕謙嚴密防堵矣。浙洋既有夷船遊奕。盛京直隸山東等省沿海地方。難保不分頭北駛。著著英訥爾經額。托渾布。督令各屬勤加偵探。遇有夷船駛近口岸。一面奏聞。一面相機勦辦。毋稍疏虞。將此由四百里諭令知之。○又諭。據奕山等奏。分鄉團練。撤兵募勇。一摺。據稱香港洋面。尚有逆夷船隻。戰船造未完工。客兵不可久居。現擬撤兵募勇。分鄉團練等語。逆夷反覆無常。必應隨時設備。該省

現練有水陸義勇三萬六千餘名。並將各鄉丁壯。分成團練。此項練勇。俱係民兵。祁墀怡良。有守土之責。著會同奕山等。和衷共濟。派委員弁管束。認真訓練。加以激勵。俾收實效。所有前調各省官兵。著仍遵前旨分撤。其各營所帶糧餉。著准擇其堅固者。留粵備用。至香港地方。昨有旨令奕山等。乘機攻復。現在招練戰勇。願效前驅。正可一鼓作氣。設法進剿。該將軍等務宜妥速酌辦。慎勿再失機宜。

致千重咎。將此由六百里諭令知之。○又諭顏伯燾馳奏。現在籌辦情形一摺。據奏泉州郡城須安大營。並設糧臺。現在懸立重賞。召募新兵。刻下應募已有三千餘人。其廈門各鄉。亦經該道劉耀椿飭屬團練義勇一萬數千餘人。內應外援。布置周妥等語。覽奏均悉。所請籌撥銀三百萬兩。昨已有旨如數撥解。由六百里寄知該督現駐泉州。著即會同普陀保。實振彪。妥籌熟商。一俟應募新兵足資

調遣。即行兩路進攻。一鼓破敵。乘此逆夷甫經占踞。各鄉人心思奮之時。及鋒而用。滅此朝食。兵貴神速。無使滋蔓。其陣亡之金門鎮總兵江繼芸。准升福建遊擊。凌志汀州守備王世俊。水師把總紀國慶。楊肇基。李啓明。均著該部照例賜卹。被傷遊擊那丹珠。楊靖江及其餘傷亡兵丁。仍著確切查明具奏。將此由六百里諭知顏伯燾。實振彪。普陀保知之。○以廣東崖州協副將陳朝良。為江南蘇松

鎮總兵官。廣東龍門協副將賴恩爵署福建南澳鎮總兵官。福建澎湖水師副將詹功顯為金門鎮總兵官。○命陝甘總督恩特亨額撥銀二萬九千兩。解赴烏什。備道光二十三年經費。○己丑。

上詣綺春園問

皇太后安。○諭軍機大臣等。據訥爾經額奏豫籌防堵情形一摺。據奏天津海口。添調大名鎮兵八百名。宣化鎮兵八百名。三屯協兵四

百名。先分布防守。俟陝西兵到。察看酌撤。山海關遵調黑龍江兵一千名協防。並將新舊各礮。按期演試。各處層層設伏。互相策應。其豐潤一帶海口。添挖陷坑。分置兵勇。隨處瞭望。及嚴防漢奸內應等情。所議尚屬周妥。即著照議辦理。惟所調黑龍江兵一千名。一時未即能到。山海關兵力尚單。恐不敷調遣。著訥爾經額體察情形。如有應調官兵。先行分布防守之處。一面奏聞。一面派撥。毋誤事機。

將此諭令知之。○又諭前有旨。豫派吉林黑龍江官兵各一千名。赴盛京候撥。所有此項官兵應用馬匹。著耆英即傳知錦州副都統祁俊。將大凌河驕馬。迅速先期多為挑備。毋致臨時遲誤。將此諭令知之。○直隸總督訥爾經額奏。馳抵海口。籌辦防剿逆夷情形。得旨。覽卿奏。一切防守。均屬妥協。朕心稍慰。該逆不犯。則已。設若承突而來。料卿必能揚國威而殲醜類。佇膺懋賞。勉之慎之。○庚寅秋

分夕

月於西郊。遣莊親王綿護恭代行禮。○

太宗文皇帝忌辰。遣官祭

昭陵。○諭軍機大臣等。富勒敦泰奏。度地派兵

一摺。據奏。泰王島海口。地臨偏僻。口岸淺窄。

距關三十餘里。現有都司駐劄。請將滿洲官

兵撤回。仍留礮位。飭交都司管帶等語。該島

距關稍遠。綠營官兵。是否足資防堵。設或逆

夷由彼登岸。滿洲官兵。能否要截往助。著哈

琅阿會同富勒敦泰體察情形。妥議具奏。總期有備無患。毋致臨事周章。是為至要。將此諭令知之。○以江蘇淮揚道朱襄為河東河道總督。○以捐墾伊犁地畝。賞五品商伯克愛里雜特藍翎。餘加銜升敘有差。釋已革喀喇沙爾辦事大臣海亮等同旗。○辛卯。萬壽節。遣官祭太廟後殿。○遣官祭福陵。

昭陵

昭西陵

孝陵

孝東陵

景陵

泰陵

泰東陵

裕陵

昌陵。○遣官祭

孝穆皇后

孝慎皇后

孝全皇后陵寢○遣官祭

顯佑宮。

東嶽廟。

城隍廟。○

上詣

安佑宮行禮。○詣綺春園

皇太后前行禮。○御正大光明殿。皇子及王以

下文武大臣蒙古王公越南國使臣等行慶

賀禮。○御同樂園賜王子及內廷王大臣蒙

古王公等食。○壬辰

太祖高皇帝忌辰遣官祭

福陵。○諭內閣。文冲身任河道總督。河務是其

專責。乃未能先事豫防。致有漫口。當經降旨

革職。暫留河東河道總督之任。責令戴罪圖

功。以觀後效。乃遷延日久。並不趕緊搶堵。致

大溜全行掣動。下游州縣多被漫淹。糜帑殃

民。厥咎甚重。著即革任。交王鼎等傳旨。即將

文冲加號河干。以示懲儆。朱襄未到任以前。

所有河東河道總督印務。著王鼎暫行署理。

○又諭程楙采奏。查探黃水直注皖境。匯入

洪湖情形一摺。祥符漫口。掣動大溜。亳州係

屬項衝。據稱渦河先後長水七尺。尚未出槽。

趙旺河黃水奔趨。溢出隄岸二三尺不等。下

游太和。懷遠。靈璧等屬窪地。均被漫淹。現在

皖境情形。患在秋霖泛溢。如以後河流順軌。

當不至有他虞等語。安徽與豫省接壤。河水

既已漫溢。正河業經斷流。順軌二字。從何用

之。且自六月至今。黃水下注。該省州縣被淹

者若干處。情形輕重若何。水勢作何歸宿。均

未據詳晰聲敘。該撫不知事之輕重。如在夢

中。實出情理之外。程楙采著交部議處。仍著

查明被災各州縣。及下游水勢歸宿之處。據

實具奏。毋得玩視民瘼。致干重咎。○諭軍機

大臣等據王鼎等奏黃河決口難緩堵合省

城重地。難遽遷移。並河臣遲延貽誤。各一摺。已明降諭旨。將文冲革任。交王鼎等傳旨。加號河干。以示懲儆。新任河督朱襄未到任以前。即著王鼎暫行署理河督印務矣。現在黃流橫決。下游州縣被淹。且已直注洪澤。其害不可勝言。必當迅速興工。刻期合龍。斷無任令橫流。稍為停待之理。王鼎既暫署河督。著先行會同慧成。牛鑑。體察情形。悉心籌備。俟朱襄到後。會商督飭工員。趕緊興辦。至開封

府城。難議遽遷。俟河流稍定。再行徐議。相機辦理。將此由五百里諭令知之。○又諭顏伯燾奏。逆夷竄離口岸。船隻開去一摺。據稱我兵正擬進剿。夷眾悉數搬移下船。於七月二十一日黎明。開去船三十餘隻。聲言大隊不日復來。留船五隻未開。等語。該督機謀不密。致令漢奸漏洩。夷船大半遠颺。總因未加懲創。故逆夷沿海肆掠。要求無厭。惟詭譎之性。不可不防。安知非隱匿僻島。懈我軍心。著顏

伯燾等督飭文武員弁。加意偵探。一有機會。便當督兵進剿。毋再觀望畏葸。至漳泉所募新兵壯勇。現已有萬餘人。不為單薄。該夷既有陸路名目。自應豫為準備。俾資攻剿。該督既稱不與海邊交鋒。則該夷如果登陸。必能痛洗。著即照議。圍集兵勇。埋伏扼要之地。俟其登陸。盡力攻擊。聚而殲旃。儻再空逞大言。不敢動手。致有貽誤。恐該督等不能當此重罪也。懍之。將此由六百里諭令知之。○又諭

據耆英等奏。遵旨籌防。並豫備吉林黑龍江官兵過境事宜一摺。所有調去吉林兵一千名。著分撥五百名。赴山海關交哈喇阿富勒敦。泰遣用其五百名。即令前往錦州駐紮。聽候調用。至黑龍江兵一千名。即著該將軍分派省城各要隘。酌量陸路地勢。妥為安設。仍遵前旨。不可派在海口防堵。是為至要。所需例發鹽菜口糧等項銀兩。准其即在船規項下動支。給發。將此諭令知之。○癸巳



上奉

皇太后幸同樂園進膳賜皇子及內廷王大臣

蒙古王公等食○遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園惠濟祠

河神廟○甲午

上詣

安佑宮行禮○詣綺春園問

皇太后安○遣官祭昭忠祠○諭內閣程楸采

奏續查鳳願兩府屬淮黃並漲低壤被淹一

摺據查豫省黃河漫水灌入亳州渦河復由

鹿邑歸併入淮以致各屬被災較廣小民蕩

析離居殊堪憫惻急宜妥為查勘分別接濟

所有被災較重之太和縣既據該撫飭司酌

發銀兩派員前往著即查明戶口妥加撫卹

並先行碾動常平倉糧藉資口食其鳳臺五

河鳳陽懷遠等縣如察看民力未逮亦即碾

動倉穀以濟急需儻有不敷准其由廬鳳道

酌發銀兩解往接濟事竣由司解還歸款其

亳州壽州阜陽靈璧霍邱潁上蒙城盱眙等

州縣雖被水較輕惟豫省漫口未堵水勢未

定著飭該管道府查明實在情形相機辦理

至沿淮之定遠宿州天長等州縣低窪被淹

有無黃水灌入亦著查明迅速覈辦無使一

夫失所以仰副朕軫念災黎之至意○諭軍

機大臣等裕謙奏擒斬登岸逆夷並將原定

賞格及逆夷供詞開單呈覽一摺覽奏均悉

此次所獲逆夷即時正法以堅眾志甚有定

見惟該夷敢於如此猖獗總因未加懲創故

沿海滋擾藉端要求如龍處處痛勦中威使

首尾不及相顧該夷定帖耳懾服現在廈門

留泊兵船五隻其餘三十餘隻業經開駛本

日據裕謙奏青龍港洋面。又有火輪船遊奕。難保非即廈門開放之船。來浙滋擾。著裕謙嚴飭將弁。分路防堵。倘有夷船攔近。其勢足以相及。即著併力轟擊。或設伏抄其後路。使無應援。斷不可掉以輕心。失之大意。是為至要。提督余步雲。從前致力邊疆。尚無貽誤。於海洋要地。或非所宜。難資得力。該督如於各省提督內有真知灼見。決其必能殺賊立功。或無論何省總兵各員內有堪勝海疆重任者。著即據實奏明請旨。候朕酌定。將此由五百里諭令知之。○又諭。著英等奏接到廣東咨會。夷船欲赴天津。請飭吉林黑龍江官兵。徑赴直隸防堵一摺。逆夷有起碇北來之信。天津海口。早經飭令直隸總督等嚴密防堵。所有調取吉林兵一千名。著仍遵前旨分撥五百名赴山海關。五百名往錦州聽候調用。至黑龍江兵一千名。仍著該將軍分派各要隘防堵。俟該夷乘突而來。如果登陸。即痛加

勦洗。倘逆船駛近海濱。或誘之上岸。盡力攻擊。聚而殲旃。盛京為根本重地。該將軍等務當加意偵探。相機妥辦。不可稍有疏虞。至另片奏於奉天省城各旗甲兵內。挑選勁旅千名。以備陸路調撥等語。亦著照所議辦理。將此諭令知之。○又諭。本日玉明由天津回京。朕召見垂詢一切。所有訥爾經額籌備防堵事宜。頗為周密。其礮位之前。設立標桿取準。此法甚好。然礮體甚重。遠近低昂。亦當確有把握方好。著該督悉心比較演試。務期均能命中。方稱得力。至北塘地方。人煙稠密。倘該夷倉卒而來。總須豫為準備。或可誘之登陸。伏兵四發。聚而殲旃。不至臨事周章。是為至要。將此諭令知之。○乙未。

上詣綺春園問

皇太后安。○諭內閣。前據文冲奏。河工運料船隻。一經運往省城。即被地方各員扣留。移住春口。難資輪轉。祥河同知王憲派赴上城防

設開歸道步際桐調赴省垣。未准來工。支發錢糧。乏人經理等語。當降旨交王鼎等密查具奏。茲據奏稱運料之船。平面無蓬。官眷難以居住。安用扣留。至祥河同知王憲所管汛地。無工可做。是以調省協同防護。開歸道步際桐例駐省垣。開封是其本轄。河工需用錢糧。河臣儘可隨時飭調支發。不致貽誤。所有文冲原奏著毋庸議。此次祥符汛決口。其事轄各工文武員弁。均著王鼎等詳細查明。奏。新任河道總督朱襄現在尚未到任。並著王鼎慧成會同牛鑑先將應估各工及需用料物。趕緊興辦。毋稍遲延。○丙申。

上詣綺春園問

皇太后安。○諭內閣。戶部奏請飭催各省開鑄一摺。各省鼓鑄錢文。搭放兵餉。以便流通。現據該部查明停鑄省分至十一省之多。且停鑄多年。恐錢法漸至廢弛。不足以資民用。著直隸山西陝西江蘇江西浙江福建湖南湖

北廣西貴州各督撫。務照每年應鑄印額。迅速開鑄。其有鉛斤不敷之處。亦著趕緊購辦。毋稍遲逾。○又諭。達賴喇嘛於明年四月十六日坐牀。屆期著派孟保會同成都副都統什蒙額。及章嘉呼圖克圖看視。章嘉呼圖克圖由京馳驛前往。著由廣儲司賞銀三百兩。製辦行裝。所有頒給金冊。即著章嘉呼圖克圖齎往。○諭軍機大臣等。哈喇阿等奏酌撤官兵。防護關城一摺。秦王島留駐滿洲營官

二員。甲兵二十名。著准其撤回城內。以資防護。據奏該島駐劄綠營兵一百三十名。兵力稍單。本日已據訥爾經額奏添調提標鎮協等兵一千名。赴關聽調。著哈喇阿等分撥防守。前有旨令著英撥吉林兵五百名赴山海關聽調。計到關尚需時日。直隸所撥各兵。應令暫留防堵。俟吉林兵到。即行知照訥爾經額。令其酌撤數百名。另行撥派。將此諭知哈喇阿。並富勒敦泰知之。○又諭。訥爾經額奏。

添調防守弁兵一摺。前有旨諭知者。著將吉林兵一千名。分撥五百名赴山海關。五百名往錦州聽調。其黑龍江兵一千名。令該將軍分派各要隘防堵。茲據訥爾經額奏添調提標兵三百名。宣化鎮標兵三百名。三屯協兵四百名。派赴山海關聽調。並另片請將黑龍江兵駐劄錦州等語。自係未知有分撥吉林兵之旨。著該督俟吉林兵五百名到山海關後。即將此次添調之兵。酌撤六七百名。改撥別處要隘防堵。所請將黑龍江兵駐劄錦州之處。著毋庸議。將此諭令知之。○准江西湖南等幫遭風沈沒軍船官為成造。賞卹淹斃人口如例。

纂修書堂

上

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十五

纂修書堂

上

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十六

臣等謹將宣宗成皇帝實錄卷之三百五十六

臣等謹將宣宗成皇帝實錄卷之三百五十六

臣等謹將宣宗成皇帝實錄卷之三百五十六

臣等謹將宣宗成皇帝實錄卷之三百五十六

臣等謹將宣宗成皇帝實錄卷之三百五十六

敬修

道光二十一年辛丑八月丁酉卯刻

上詣綺春園問

皇太后安午刻如之諭軍機大臣等據王鼎  
等馳奏遵旨熟籌定議一摺覽奏均悉河南  
省城水勢日平西壩裏頭必應趕緊興辦著  
王鼎等恪遵前旨督飭工員迅速籌辦毋誤  
機宜至省垣可保無虞現已確有把握惟被  
淹日久將來景象能否復舊可否仍為省會  
之處著俟大工合龍後會同詳細查看情形  
妥議具奏將此諭令知之又諭本日據裕

謙馳奏夷船在浙分口滋擾業經登時擊退

一摺此次逆夷駛放三板小船在雙壘地方

登岸放火經太平營參將文斌督飭守備黃

夢齋擊傷夷匪奪獲器械逆夷逃竄回船其

石浦夷船亦據署同知李華等稟報擊退等

語覽奏均悉惟威盛逆夷大船仍在該處十

餘里外遊奕福建分竄之夷船三十餘隻據

報駛往東北浙洋未見大幫行蹤詭秘情事

叵測此次雖經擊退並未大加懲創難保不

伺隙而來不可不嚴行防範仍著裕謙激勵

將士勸諭居民堅壁清野據險設伏遇有夷

匪登岸一鼓作氣四面兜擒總須痛加剿洗

方為不負委任所有傷亡兵丁及石浦擊退

情形著即迅速查奏其另片奏籌辦情形尚

屬周妥逆夷四出紛擾蹤跡無定沿海各口

防兵均有定額若處處添兵策應適墮其計

儘能多募鄉勇駕馭得宜則以本處義民守

禦本處地方可期得力即著該大臣分飭所

屬妥速辦理將此由五百里諭令知之○又諭顏伯燾奏夷船三十餘隻竄出外洋現在廈門僅止留船五隻當降旨諭令顏伯燾實振鹿普陀保相機進剿由六百里寄知計此時當已接奉因思該逆船僅止五隻現在新兵壯勇已有二三萬之多如果謀勇兼施兵民齊奮則以順討逆以主逐客何患不摧枯拉朽聚而殲旃著該督等嚴飭水陸將弁圍集兵勇或縱火燒其船隻或設伏殲其醜類

務使夷船片帆不返廈門即日收復尚可少贖罪戾儻仍觀望畏葸任聽逆船自行逃竄或致貽患他省顏伯燾等自問當得何罪懔之再本日據吳文鎔奏籌款買米解閩購辦十萬石解運本年江西被水恐妨民食已諭知吳文鎔酌購五萬石解閩如有不敷著劉鴻翱即於本地及臺灣地方設法購買以濟軍糈將此由五百里諭令知之○又諭吳文鎔奏籌款買米解閩一摺據稱接准福建巡

撫劉鴻翱函稱閩省軍興之際米糧不足請於江西籌撥解閩濟用其價值即於撥解餉內坐扣現已飭屬在附近水次米糧聚集之區購米十萬石腳價等項約需銀二十餘萬兩等語閩省籌備兵糧自係要務但江西省本年亦有被水地方若採買較多恐糧價增昂於民食不無妨礙亦應豫為籌畫此次著准其趕緊設法購米五萬石委員解運赴閩其應發價值即著酌留銀十萬兩應用餘仍

照數撥解將此諭令知之○命廣東巡撫怡良馳往福建查辦事件以廣東布政使梁寶常署巡撫○緩徵陝西華大荔臨潼渭南高陵華陰朝邑潼關八廳州縣被水村莊額賦給華大荔二州縣災民一月口糧並房屋修費是日

上居綺春園涵秋館至庚子皆如之○戊戌

上詣皇太后前問安○修浙江山陰縣塘坦從巡撫

劉韻珂請也 以江蘇糧價昂貴免進開商船米稅 己亥

上詣

皇太后前問安 諭內閣前據顏伯燾奏逆夷於七月初九日闖進廈門青嶼口門當經在事文武擊沈火輪船一隻兵船五隻該逆蜂擁而進分路上岸以致廈門失守當降旨責令顏伯燾迅速收復本日據報廈門各處街巷並無夷人蹤跡商民復業臺米流通等語

逆夷沿海滋擾廈門尤其垂涎之地屢經諭知顏伯燾嚴密防範該督駐劄廈門半年之久不能先事豫防以致倉卒失事本屬罪無可逭姑念逆夷乘突而來弁兵奮力抵拒擊沈夷船六隻此時廈門業已收回著從寬免其治罪仍著交部嚴加議處 諭軍機大臣等本日據奕山等馳奏逆夷阻撓善後情形一摺據奏七月二十六日有火輪船一隻三桅兵船三隻自外洋駛泊橫檔海面縱火燬

折蓬寮牆屋又有火輪船兵船駛入大石四沙等處攔阻填河焚燒船隻並在近村攫搶食物現在加意防範等語覽奏深堪痛恨前此准令通商本非正辦此時若再有要求斷不准議及前據該將軍等奏南海番禺兩縣村社練有義勇三萬六千餘名省城所留精銳官兵亦有五千餘名如果謀勇兼施兵民齊奮現在廣東夷匪為數無多乘此挑釁生事之時聲罪致討激勵士民同仇敵愾將

留粵夷匪痛加勦洗收復香港搗其巢穴不但粵中海氛可期永靖且先聲所至閩浙各處防勦事宜均易為力勉之又勉將此由六百里諭令知之 又諭據奕山等奏六月初四日海面颶風陡發所有尖沙嘴裙帶路帳房寮蓬悉被吹捲無存所造之屋亦並折毀掃蕩一空等語是該處已無房寮可住自不致仍有夷人在岸占踞乃昨據裕謙奏擒獲夷匪供稱香港地方現在岸上有兵一千名

兵房數百間與該將軍等所奏情形何以迥不相符著即詳細查明據實具奏再關天培陣亡時不肯點礮及火門透水之兵丁必應嚴拏從重懲治並慶宇達邦阿二員究竟如何下落均經降旨飭查何以延未覆奏著即一併查明迅速具奏將此諭令知之又諭朕聞噶咭喇逆夷在浙滋擾有越南國貿易人聲言噶夷悖亂天常稱兵犯順並云彼國善製船礮工且迅速各項火器精於噶咭喇

所為若有文檄與之彼國自能效順等語逆夷近日屢肆猖獗必應設法大加懲創越南是否素為該夷所最畏船礮火器是否能制噶夷之命其願為效順之語果否出於至誠抑係別有所圖著祁項梁寶常確探密查並於接奉後密行知照廣西巡撫周之琦一體查探據實具奏事關重大毋稍含混亦慎勿漏洩是為至要將此密諭知之又諭本日據顏伯燾馳奏收回廈門口岸一摺據奏廈

門各處街巷並無夷人蹤跡商民復業臺米流通等語覽奏已悉現在大擔東稅一帶大洋帆影不絕廈門港內夷船來往遊奕是此時廈門街巷雖無夷人難保不別懷奸計欲進故退該督務須督飭水陸將弁加意嚴防本日已降旨寬治該督應得之罪交部嚴加議處儻再有疏虞罪在不赦矣懍之該逆聲言鼓浪興起益夷樓俟官為給銀全行開駛顯因粵東代還商欠得遂所欲又欲踵其故

智該督深知廣東辦理不善若尤而效之罪又甚焉該逆如果呈遞夷書斷斷不准接交現在辦理機宜可堵則堵可剿即剿此外更無酌量辦理之法又另片奏此次夷船探聞義律在內仍著嚴密偵探遇有獲到夷人細加詢問可得其實該逆如果復來自當痛加剿洗即僅數人數十人登岸亦當盡殺乃止現在該省新兵義勇已有二三萬之多若駕馭得宜據險設備亦不慮其滋擾牽制該夷



屢經犯順未受大創。正當乘其驕橫之際。力挫其鋒。若外託持重之說。內存畏蕙之見。尚安望其一鼓作氣。大伸國威耶。將此由五百里諭顏伯璽。並竇振彪。普陀保知之。又諭本日據劉韻珂奏。逆夷分擾各縣。業已擊退。現在撥兵防堵要口。及籌衛省垣一摺。覽奏均悉。此次逆夷在浙洋盛舉。石浦地方。分船滋擾。雖經該處文武督兵擊退。尚未大加懲創。難保不伺隙復來。昨據裕謙奏到。已有旨

飭令嚴加防範。茲復據該撫奏稱。逆船現在各洋遊奕。誠恐竄入乍浦。亟須豫為籌備。該處本係通商馬頭。閩省遊民聚集甚多。其中之強壯馴良者。固可挑募以資捍衛。而獷悍之徒。既難全行收養。恐不免別生事端。該撫請添兵彈壓。及令該道挑充鄉勇之處。均著照所議辦理。至尖山口為省垣門戶。該處水陸既無可以堵截。現經該撫團練鄉勇。豫備陸戰。尤以多多為善。如該夷一經登岸。即行

奮力痛剿。務殲醜類。而靖海氛。將此由四百里諭令知之。又諭哈琅阿奏。陳明山海關現在兵力。礙位各情形一摺。前已有旨。諭令哈琅阿等。俟著英所撥吉林兵到關時。即將直隸添調之兵。酌撤數百名。另行撥派。茲據該都統奏稱。該處沿海地方。登岸之處甚多。請再添調綠營官兵若干。派總兵以下大員一二員。隨時差遣等語。哈琅阿所奏。自係未經接奉前旨。山海關防守固關緊要。惟現在

該處兵丁。已不為少。將來吉林兵到時。尚須酌撤。此時自可毋庸添調。又另片奏。吉林官兵籌備馬匹。並請將山海關盈餘稅銀。暫緩撥解。以應急需。各等語。所有馬匹一項。前已有旨。令著英於大凌河挑備濟用矣。糧臺需用銀兩。准其於關稅盈餘銀內。撥銀五千兩應用。著該都統。撙節辦理。事竣歸入軍需業內報銷。至該都統所發摺報文。移儘可借用。山海關副都統印信。所請雕刻木鈴記之處。

著毋庸議。將此諭令知之。又諭新任盛京副都統托隆武。朕召見時。知其曾經出兵。尚諳軍務。現在盛京正當防堵喫緊之時。著耆英酌量情形。俟該副都統到任後。如果海口有警。所有調防官兵。即可令托隆武統率防剿。以期得力。將此諭令知之。○庚子。

上詣

皇太后前問安。遣官祭賢良祠。以鑲白旗漢軍參領阿彥泰為鑲白旗漢軍副都統。

以江西布政使趙炳言為湖北巡撫。○辛丑。上詣

皇太后前問安。還圓明園。諭軍機大臣等。裕謙奏大幫夷船。開入內洋。調兵堵剿一摺。又另片奏。不肯以保全民命為辭。接受逆夷片紙等語。所論甚是。具見惻忱。此次逆夷船隻。由閩赴浙。尋釁滋擾。總因未能大加懲創。以致毒蝨愈張。現在該督水陸交嚴。分兵防守。又飛調江寧八旗官兵八百名。壽春鎮標

官兵一千名。兵力不為單薄。即著相機攻剿。毋稍觀望。仍當謀勇兼施。殲厥醜類。以揚國威。而膺懋賞。至夷船連檣近逼鎮海。該督親身駐紮。其堵剿事宜。諒能布置周密。但該夷詭譎多端。或聲東擊西。或分船肆擾。令我不能兼顧。務當處處有備。無患是為至要。儻有捷音。即由六百里加緊馳奏。以慰朕懷。將此由六百里諭令知之。○又諭前據奕山等奏。逆首義律革去領事。駁回該國。茲據顏伯燾

奏。廈門停泊夷船。探聞義律亦在其內。該犯係首先造逆之人。行蹤詭秘。深可痛恨。著沿海將軍督撫等。留心偵探。遇有拏到夷匪。細加訊究。是否潛留內地。據實奏聞。將此各諭令知之。○以山西按察使陳嘉樹為江西布政使。陝西督糧道羅繞典為山西按察使。○命浙江告養在籍布政使鄭祖琛赴鎮海軍營。隨同欽差大臣兩江總督裕謙商辦事件。○班禪額爾德尼六十生辰。賞

御書福壽字並珍玩文綺壬寅

上詣綺春園問

皇太后安○諭內閣福建提督實振彪於夷匪滋擾廈門未能先事豫防著交部嚴加議處其防堵不力各員弁例有處分著顏伯燾查明參奏○諭軍機大臣等王鼎等奏籌備興辦祥符上汛堵築工程請飭部撥解銀四百七十五萬兩一摺著戶部速議具奏現在各省需用孔亟王鼎等務當督飭承辦各員認真

真搏節毋稍浮濫切不可比照從前成案任意虛糜如該道廳等查有冒濫等弊立即嚴叅示懲毋得姑容所有各項物料諒已次第購辦朱襄不日到工即著和衷商酌趕緊辦理總之工程斷不可草率而鉤稽綜覈得省即省是為至要另片奏前任上南河同知羅綬熟諳修陟著准其調赴工所差遣所請將前任開歸道張坦調工之處著不准行又另摺奏請調江南河營參將張兆並文武員弁

各三四名已降旨飭令麟慶遵照調撥至所

請飭調河兵四五百名著毋庸議俟興工時於南陽河北兩鎮內飭令總兵一員酌帶兵弁常川駐工梭織巡防彈壓工竣仍飭歸伍將此諭知王鼎慧成牛鑑並諭令朱襄知之○又諭王鼎等奏循例請調南河員弁襄辦大工等語向來東河遇有要工俱調南河熟練工員幫辦據查江南河營參將張兆係歷辦大工熟悉之員該員現在告病著麟慶飭

令於病痊後迅速前赴東河交王鼎等差遣委用其南河各廳汛文員及河營參遊以下各官有曾歷大工著有成效及雖未經歷而確係熟練河務者並著該河督詳加遴選文武各派三四員飭令迅速赴豫趕於霜降以前到工交王鼎等派令承辦工程以資熟手將此諭令知之○癸卯

上詣綺春園問

皇太后安○諭軍機大臣等據步軍統領衙門

奏四川天全縣民人燕萬春在該衙門呈遞封章已明降諭旨將該民人解回原省交該督等親提研究矣四川省各州縣開設醴坊多者千座更有醴坊染坊亦皆耗散米穀致妨民食該民人封章內所稱是否屬實著實與督同藩司鍾祥臬司張日晟詳加研鞠其應如何將醴坊裁禁並醴坊染坊禁止耗散米穀之處著酌量飭屬查辦又據稱湖廣鐵民往來川地恐生劫掠之端等語現在湖廣被水有無鐵民逃入川中亦著查明妥為辦理將此諭知寶興並傳諭鍾祥張日晟知之尋奏造酒別有酒穀雜糧熬醴皆用蔗漿染坊刮布用石膏調膠水塗刷均於民食無礙且日用所需似無庸禁止俾免紛擾滋弊至楚省鐵民來川覓食事所常有已分飭各屬查察妥為撫卹按程遞送回籍設有棍徒假冒即按名拏獲執法嚴懲下部知之又諭現在天津各海口安設礮位以備轟擊逆夷

果來其萬斤大礮摧堅致遠自必得力儻該夷用小船分撲礮臺蜂擁登岸大礮既無所施而我之擡槍烏槍勢能及彼者彼之火器亦能及我未足制勝如將一二千斤以下小礮分布要隘逆夷登岸手持火器尚未及我而我所開放之小礮較之火器自更及遠乘其倉皇踐踏之際伏兵齊出更用擡槍烏槍刀矛火箭奮勇攻勦必能制其死命聚而殲旃著訥爾經額廣諮博採悉心體察並密授將備機宜以奏膚功而收實效將此諭令知之（甲辰）

世宗憲皇帝忌辰遣官祭泰陵

上詣

安佑宮行禮詣綺春園問皇太后安諭軍機大臣等劉韻珂奏請撥濟軍需銀兩一摺據稱浙洋夷船日增前撥銀兩業經支用已盡現在鎮海等處添兵雇勇

急籌堵剿請再行撥給銀一百萬兩以資接濟等語所有該省現經戶部撥解雲南省壬寅年銅本之二十年地丁銀三十萬兩又撥解雲南省壬寅年春季兵餉之二十一年地丁銀二十萬兩均著准其截留再該省藩庫現存二十一年秋撥造報銀十五萬八千兩捐監銀二萬二千兩織造衙門徵收二十一年正月起到八月止北新關稅課銀十二萬兩運庫現存秋撥造報銀十萬九千兩秋撥截數後應歸二十二年春撥造報銀九萬一千兩俱著准其收入軍需專款以備分解寧波乍浦海寧並為省局一應支發之用該省需用孔亟是以俯如所請該撫務當督飭局員力加撙節斷不可稍任虛糜致滋浮冒該撫所稱雲南省銅本兵餉請由部另籌撥解等語著戶部速議具奏將此諭令知之又諭訥爾經額奏演試礮位及北塘防堵情形一摺據奏海河設伏扼要處所分設標桿對

準演試其北塘河面設伏及後路伏兵層層策應一律周密兩岸可以登陸之處添挖暗坑後設伏兵誘令登岸並大沽暫為封港河心暗釘木椿水中橫堆鐵錨沿岸安放鹿角並勸諭紳士團練鄉勇等語布置頗為妥密朕心甚慰前調陝西兵二千名已諭知富呢揚阿胡超令該提督管帶頭起官兵徑赴山海關後起官兵暫行歸伍聽候諭旨矣另片奏前次撥赴山海關兵一千名酌撤六百名

因思山海關有吉林兵五百名現又添派胡超帶領陝西兵赴關計兩處官兵到後該關足資防禦前撥直隸兵一千名即可全行裁撤另派附近要隘防堵已諭知哈琅阿遵照辦理著訥爾經額俟該都統知照到時將此項官兵陸續撤回直隸另行撥派所奏礮位之下添作木板機軸之處著即照議妥為辦理將此諭令知之又諭前有旨令富呢楊阿會同胡超挑選陝西兵二千名即著胡超

管帶第一起前赴天津防守現在該省頭起官兵已報啓程即著胡超管帶徑赴山海關會同哈琅阿防堵其二三起官兵無論已未啓程俱著該撫飭令暫行歸伍聽候諭旨將此諭令知之 又諭山海關防守緊要已有旨令陝西提督胡超帶令陝西官兵迅赴山海關協同防堵著哈琅阿俟胡超到時將應行籌防堵剿事宜悉心會商妥為辦理至前調直隸官兵一千名本日據訥爾經額奏候

吉林兵到關時即遵撤六百名分撥附近要隘等語其餘四百名著俟陝西兵到後即行裁撤交訥爾經額另行撥派將此諭令知之 又諭寄諭黑龍江將軍棍楚克策楞前有旨令該將軍將黑龍江兵一千名調赴盛京聽候撥用現在暫可無庸調撥所有前調之兵無論已未啓程即著撤回再候諭旨將此諭令知之 又諭寄諭盛京將軍耆英前有旨令該將軍將所調吉林兵一千名以五百

名赴山海關五百名赴錦州其黑龍江兵一千名分撥要隘現在黑龍江兵已有旨令棍楚克策楞暫緩調撥所有吉林兵到後該將軍仍遵前旨以五百名派赴山海關其餘五百名或即在省城各隘分撥抑或仍派赴錦州防堵之處著該將軍酌量情形熟籌緩急總期布置得宜有備無患是為至要將此諭令知之 又諭寄諭署吉林將軍惟勤前有旨令耆英調撥吉林兵一千名以五百名赴山海關五百名赴錦州現在所調黑龍江兵已有旨令棍楚克策楞暫緩調撥如已行至吉林即著截回所有吉林兵一千名仍遵前旨調往盛京交耆英酌量分撥將此諭令知之 命乾清門侍衛瑞華在御前行走 乙

上詣綺春園問

皇太后安 諭內閣裕謙奏逆夷大幫侵犯定海官兵登時擊退一摺據奏八月十二日逆

船二十九隻。掛帆起碇。先有火輪船二隻。引帶大夷船二隻。乘潮開入竹山門。經定海鎮總兵葛雲飛在半塘土城看準苗頭。開礮擊斷逆夷頭桅一枝。該逆無暇拒敵。冒死竄出吉祥門。旋復繞入大渠門。又經鎮標左營遊擊張紹廷在東港浦土城督率弁兵迎頭轟擊。該逆即時退出。我兵一無損傷等語。覽奏欣慰。此次大幫逆船直撲定海。總兵葛雲飛乘彼礮不能及我之時。迎頭攔擊。將首先開

入之船擊斷頭桅。挫其兇鋒。遊擊張紹廷督兵轟擊。逆船即時退出。均屬奮勇可嘉。前據裕謙奏逆夷併幫犯浙。盛壘石浦等處。經官兵兩次擊退。茲復於大幫攻撲之時。先機迎擊。俾逆夷不及措手。冒死竄回。該大臣督率有方。先行交部議敘。仍俟大功告成。再膺懋賞。葛雲飛著加恩賞加提督銜。先換頂帶。張紹廷著以參將即行升用。其餘在事出力員弁。該大臣秉公保奏。候朕施恩。○諭軍機大

臣等。前據王鼎等奏查勘黃河決口。難緩堵合。當降旨諭令督飭工員迅速籌辦。並將西壩裏頭趕緊興築。王鼎等接奉後。諒已遵照辦理矣。現在黃水所經。由祥符下注。安徽鳳潁泗等府州皆被淹浸。若不及早堵合。下游各處民田廬舍。存在可虞。著王鼎等恪遵前旨。即將堵築工程趕緊估辦。朱裏不日到工。並著悉心會籌。妥為辦理。決口早一日堵塞。下游早得一日安居。而洪澤湖亦免受淤墊。

王鼎等務當仰體朕意。迅速興工。剋期合龍。以奠民居。而慰朕望。將此諭知王鼎。慧成。牛鑑。並諭令朱裏知之。○又諭據程楫奏。查明黃水下注入淮。經由地方統計。鳳潁泗三府州屬。太和鳳臺五河三處情形最重。太和縣現經由司發給銀兩。並令該縣賑動倉糧。又據署潁州府捐發錢文。委員散放。鳳臺五河亦由廬鳳道庫墊發銀錢。分別撫綏等語。本年黃河決口。分趨入淮。該省被淹地方較

廣著該撫派委妥員詳悉履勘各該州縣分別被災輕重情形應撫卹者即行撫卹應賑濟者即行賑濟務須妥為籌畫毋令一夫失所此次黃水下趨因值淮河頂漲由民田散漫而行現雖未致淤墊至將來有無淤墊之處並著該撫隨時察看據實具奏將此諭令知之○又諭本日據裕謙馳奏逆船大幫侵犯官兵登時擊退一摺覽奏欣慰已明降諭旨將該大臣交部議敘葛雲飛張紹廷分別

升賞矣逆夷來浙犯順經該大臣於盛巖石浦兩次擊退此次大幫直撲乘其不能開礮之時先將逆船頭桅擊斷軍威既震兵氣自揚即日殲醜擒渠宣威海徽朕拭目以待捷音之至也所奏逆船聯幫停泊恐又另生詭計該大臣務須慎之又慎嚴益加嚴總期謀勇兼施相機痛剿一有捷音即由六百里加緊奏聞本日據劉韻珂奏防堵乍浦尖山等處已諭令該撫督率兵勇慎密防範矣將此

由六百里諭令知之○又諭劉韻珂奏浙洋逆船日有增添鎮海定海等處固應從嚴防堵其乍浦尖山二處口岸尤宜亟為準備等語此次逆船在浙洋各畧分船滋擾當經官兵擊退現在大幫復敢連檣而至本日據裕謙奏稱逆船直撲定海經我兵開礮擊斷頭桅當即竄遁雖已略示懲創惟現在該夷併幫寄碇鎮海洋面難保不四處分竄乍浦尖山係屬浙西要口該撫仍遵前旨多募壯勇

密為防範一經駛入即行痛加剿洗務使處處皆受挫衄該夷自不敢再行肆逆庶足伸天討而靖海氛至所稱部撥閩省軍需內有本省先行請撥及報部支銷之款未能如數解閩現在浙省情形尤屬緊要所有該撫奉撥閩省短解銀十六萬兩應由別省籌撥足數已飭戶部速議辦理矣將此諭令知之○又諭耆英等奏分撥官兵駐劄候調並陸路添兵設伏一摺又另片奏鑄就大礮運赴海



口安設等語。昨有旨諭知該將軍於吉林兵到時。分撥五百名赴山海關。其餘五百名。或即在省城各隘分撥。或仍派赴錦州防堵。令該將軍酌量布置。其黑龍江兵。亦有旨暫緩調撥。該將軍接奉後。自必遵照辦理。本日據奏黑龍江兵。業已陸續啓程等情。黑龍江現調各起官兵。如已行至盛京地方。即著該將軍咨令撤回。再候諭旨。至奉天海口紛歧。現經該將軍擬於陸路添兵設伏攻剿。並將鑄

成礮位。分撥各口安設。布置自屬周妥。惟現設大礮尚少。恐尚不敷抵禦。儻於該夷未經登岸之先。業將大礮開放。萬一該夷用小船蜂擁登岸。我之擡槍鳥槍。勢能及彼。而彼之火器。亦能及我。似尚未足制勝。該將軍既於陸路設伏。如將一二千斤以下小礮。分布要隘。乘彼火器尚未及我之時。開放轟擊。復乘其倉皇踐踏之時。更用擡槍鳥槍刀矛火箭。奮力攻剿。必能制其死命。著耆英悉心體察。

並密授將備機宜。毋致臨事周章。是為至要。將此諭令知之。○禮部奏壽安固倫公主下嫁應行禮儀。得旨。此次壽安固倫公主下嫁。升與前著免其行禮。○丙午。

上詣綺春園問

皇太后安。○諭軍機大臣等。孟保等奏夷匪勾結搶占。派兵防堵一摺。拉達克部落頭人。勾結森巴生番三千餘人。將唐古特所屬營寨奪占。經該大臣等派後藏番兵一千名。並前藏烏槍番兵三百名。撥派土兵一千名。派員管帶啓程。分撥堵禦。軍火口糧。咨行噶勒丹錫呼圖薩瑪第巴克什籌辦接濟。均著照所議妥為辦理。又另片奏森巴拉達克部落。雖與廓爾喀相近。該國近尚安靜等語。覽奏。悉。另摺奏請緩閱後藏三汛營伍。著准其緩。至來年秋季。再行前往。其派員就近查閱。及酌撥盤費銀兩。分賞物件。亦均照議辦理。將此諭令知之。○旌表守正捐軀浙江麗水縣

民劉慶銓妹瀾嫻。○丁未。

上詣綺春園問

皇太后安。○諭軍機大臣等。祁墳等奏查明防守不力之副將。請旨革職一摺。據奏本年二月間。逆夷駛來攻擊。肇慶協副將慶宇。在永安臺內。香山協副將劉大忠。在橫檔馬頭。被逆打傷。慶宇左臂左腿。劉大忠亦被打傷。腰腿。督標中軍副將達邦阿。防守橫檔礮臺。被石塊打中腰腿。均各帶傷落海。遇救得生。經

該督等面加究詰。尚無遁飾等語。該副將等。如果臨陣受傷。該督等既經剴調進省。當面究詰。一經親驗傷痕。虛實立見。何以遲至數月之久。僅憑該員等一面供詞。草率覆奏。所稱尚無遁飾。殊難憑信。著祁墳。梁寶常。親自驗明。將該員等果否受傷。確切查明。據實具奏。不得任聽該員等飾詞捏稟。致有避就。將此附報。便諭令知之。○賞達賴喇嘛父策旺敦珠布。公爵。○戊申。

上詣綺春園問

皇太后安。○諭內閣。裕謙奏定海失守。現先嚴守鎮海。一面調兵進剿一摺。據稱八月十三日。夷船駛至竹山門。經總兵葛雲飛等督兵開礮。擊斷夷船大桅。當即竄去。十四日。逆夷由竹山礮登岸。經總兵鄭國鴻督兵開放礮。擊殺夷匪無數。十五日。在五奎山支搭帳房。我兵猶擊斃逆夷十餘名。十七日。進攻定海。葛雲飛親自開礮。擊中夷船火藥。當即焚

燒。該逆分作三路進攻。我兵前隊陣亡。後兵繼進。所用擡礮。至於紅透。不能裝打。猶捨命轟擊。該總兵等苦戰六晝夜。連得勝仗。無如連日風逆浪大。逆船梗阻。策應之兵。無從東渡。我兵勢難抵敵。十七日。定海失守。裕謙自請從重治罪等語。裕謙著交部嚴加議處。其陣亡之總兵王錫朋。鄭國鴻。葛雲飛。署定海縣知縣石浦。同知舒恭受。均著交部照例賜卹。所有陣亡弁兵。著裕謙查明咨部辦理。○

諭軍機大臣等。本日據裕謙馳奏。逆夷大肆猖獗。定海失守情形。憤恨之情。難以言喻。該逆招集閩廣匪徒。助其兇鋒。廈門之後。復陷定海。難保不乘風北駛。已降旨令胡超速帶頭起陝西兵。即赴山海關。其後起官兵。著富呢揚阿派員管帶。迅速趕赴天津。交訥爾經額分撥防守。所有前調黑龍江兵一千名。著調赴錦州。其吉林兵一千名。均著調赴山海關。亦經諭知耆英。哈琅阿。棍楚克策楞。惟勤

等。迅速調撥矣。天津海口。業經該督密加防範。布置周詳。萬一夷船駛至。當必有備無患。該督經朕屢次指示機宜。諒必能運謀制勝。以慰朕懷。裕謙摺鈔給閱看。將此諭令知之。○又諭。本日據裕謙奏。逆夷在浙洋滋擾。定海地方。業已失守。該逆肆行無忌。難保不乘風北駛。錦州山海關等處海口緊要。亟應添兵防守。以備不虞。所有前調吉林兵一千名。著惟勤迅速催令馳往盛京。交耆英一併派

赴山海關。交哈琅阿派撥防堵。毋庸酌撥省城及錦州等處。其黑龍江兵一千名。仍著棍楚克策楞迅即調往盛京。交耆英派赴錦州。分撥防堵。所有陝西頭起官兵。已另降諭旨。著胡超迅即管帶前赴山海關矣。該都統將軍等務當先事豫籌。將所調各兵。妥為布置。以期有備無患。是為至要。將此各諭令知之。○又諭。前有旨令該提督管帶陝西頭起官兵。前赴山海關防堵。其後起官兵。暫令歸伍。

本日已諭知富呢揚阿。將後起官兵。催赴天津。交訥爾經額撥派矣。現在山海關地方海口最關緊要。著胡超即將所帶頭起官兵。兼程馳赴山海關。會同哈琅阿力籌防剿。不可稍有遷延。將此由六百里加緊諭令知之。○又諭。托渾布奏。親赴登州籌備陸路戰守情形。一招。據稱詳勘地勢。採訪輿情。地方紳民各顧身家。人思自衛。業經派員會同地方官剴切曉諭。令其團練壯勇。扼險防守等語。著

即照議妥辦。於沿海港汊。夷匪可以登岸之處。實力籌防。多備壯勇。令各自團練。保衛身家。一有夷船北駛。即探明賊蹤。酌派將弁馳往。督同民勇。奮力攻剿。盡殲醜類。務使眾志成城。方為有備無患。將此諭令知之。○又諭。前有旨。諭令富呢揚阿。挑選陝西兵二千名。令胡超管帶頭起。徑赴山海關。並諭令其餘各起官兵。暫行歸伍。聽候諭旨。現在逆夷猖獗。浙江定海。業已失守。天津海口。亟應加意

嚴防。除胡超所帶頭起官兵。徑赴山海關外。其餘各起官兵。著富呢揚阿仍遵前旨。即飭曾經出師之將弁。迅速管帶起程。前赴天津。交訥爾經額調撥。不可稍有遲延滋擾。將此由六百里加緊諭令知之。○又諭。裕謙奏。定海失守一摺。已明降諭旨。將該督交部嚴議。並將王錫朋。鄭國鴻。葛雲飛。舒恭受等。交部賜卹矣。現在兵力單薄。著准其將調赴閩省之江西兵二千名。截赴浙江。聽候調遣。其餘

州鎮標官兵三百名。早已到鎮海軍營。著一面嚴守各要隘處所。一面厚集兵丁。廣募水勇。團練鄉民。相度機宜。乘時進攻。收復定海。切勿遲延觀望。儻再有疏虞。試問該督能當此重罪否耶。懍之。將此由六百里加緊諭令知之。○續撥山東海防經費銀十五萬兩。從巡撫托渾布請也。○給河南祥符陳留通許杞。淮寧太康。睢。柘城鹿邑。九州縣被水災民一月口糧。○己酉。

上詣綺春園問皇太后安。○諭內閣。兩江總督裕謙。經朕特簡欽差大臣。駐劄浙江。專辦防海事務。乃會同提督余步雲。在鎮海軍營籌辦半年之久。未能先機布置。致定海縣城失守。昨已降旨將裕謙交部嚴議。余步雲亦著交部嚴加議處。浙江巡撫劉韻珂。專在省城籌防。未能兼顧。與烏爾恭額尚屬有間。著交部議處。○諭軍機大臣等。昨據裕謙奏定海失守情形。已明

降諭旨。將裕謙交部嚴議。本日又據劉韻珂奏請議處。並懇調鄰省勁兵一摺。已飭裕泰吳文鎔。每省各調精兵一千名。迅赴浙江。交該撫調遣。並降旨。將劉韻珂交部議處矣。浙江乍浦及尖山口。最為緊要關隘。該逆乘此克敵。難保不四出滋擾。該撫已分調本省兵勇。就近防守。並著廣募水勇。團練鄉民。諭以爾等同心為國出力。即可自保身家。眾志成城。何敵不克。一俟湖北江西兵丁到齊。彼時

相度機宜。如能一面防堵。一面協同裕謙助其進剿。更為得力。是在劉韻珂籌畫盡善。總之我兵首尾相應。不得顧此失彼。是為至要。將此由六百里加緊各諭令知之。○又諭。現在逆夷猖獗。浙江定海。業已失守。據劉韻珂奏。乍浦海口。及浙江省垣。亟須添兵防堵。著裕泰挑選湖北黃州協等處精兵一千名。吳文鎔挑選江西九江鎮精兵一千名。飭令曾經出師之明幹鎮將管帶。迅速前赴浙江。交

劉韻珂調遣。毋許沿途滋擾。將此由六百里加緊各諭令知之。○又諭。給事中朱成烈奏拒礮之法。以牛革兩片。聯而為一。使尖其脊。如蛤之開合。負於背後。高出於首。如開礮則羣伏於地。牛革上窄下寬。礮子必皆滾落。此陸戰之法。若於水戰。則以木驢置於小舟之上。亦以牛革為之。如船蓬式。而尖其脊。礮子到脊。滑不能住。皆從兩旁滾入水中。且小舟高不過一尺。木驢高不過三尺。大礮自六七

尺以上。飛過不能擊及。可操必勝之權等語。現在逆賊兇惡。全恃礮火。我兵於避礮之法。不可不博採眾論。加意講求。著該將軍參贊及沿海各將軍。參贊體察情形。該給事中。所陳禦礮之法。是否可行。據實具奏。將此各諭令知之。○又諭。逆夷現在浙洋滋擾。定海地方。業已失守。據裕謙等馳奏。此次犯順情形。該夷匪等。竟敢於登岸。與我兵接仗。以致眾寡不敵。城池失陷。江蘇寶山等處。最關緊要。

沿海各口岸。固宜密為防堵。其陸地要隘處所。尤當相機設伏。防其登岸肆擾。著梁章鉅、陳化成、晏密熟籌。相度地勢。豫為布置。務使水陸交嚴。該逆無隙可乘。不可稍存大意。是為至要。將此由六百里加緊諭令知之。○以浙江湖州協副將陳述祖為定海鎮總兵官。山東文登營副將梁勝額為浙江處州鎮總兵官。○庚戌。

上詣綺春園問

皇太后安。○諭內閣。漕糧為天庾正供。節經降旨。令有漕各省督撫嚴飭所屬。早兌早開。剋期渡黃。毋稍遲誤。迺近年重運漕船。不能如期抵壩抵通。以致歸次受兌。節節耽延。總緣各該督撫不肯破除情面。實力催趲所致。現在節逾寒露。水勢漸消。著漕運總督及沿途各督撫分飭所屬。嚴行催趲。且本年各省回空軍船。連檣渡黃南下。銜尾進行。毫無周折。定能如期歸次。來年新漕。尤當趕緊辦理。按

限兌開。統限於四月初十日以前。全數趲至清江。剋期抵壩。以便渡黃北上。毋許稍有延誤。儻意存怠玩。視為具文。仍致臨事周章。有違例限。定將該漕督及各該督撫嚴行懲處。決不寬貸。將此通諭知之。○諭軍機大臣等。訥爾經額奏。籌備水陸攻剿情形。另片奏。吉林頭起官兵抵關等語。覽奏均悉。所有該督籌辦一切。頗為妥協周密。朕心甚慰。惟該夷兇悍情狀。昨發去裕謙摺件。閱之自悉。儻該夷乘突而來。我兵連環開礮。層層設伏。當可取勝。但該夷在廈門定海兩次猖獗。據該督等奏。皆係攻殺一層。又添一層。愈殺愈多。拚死拒敵。竟能苦戰六晝夜之久。是逆夷逞兇。腎不畏死。已可概見。我兵槍礮登時將賊擊退。自足以懾其膽。設或逆夷冒死迎拒。前陣已陷。後陣復起。相持過久。槍礮紅透。不能施放。又將操何術以制勝。凡此種種情形。皆當豫為籌畫。毋致臨時掣肘。該督務宜密為布

置慎之又慎。該處明幹鎮將不妨細與講求。以收實效。而操全勝。朕實有厚望焉。將此諭令知之。○又諭。據梁章鉅奏。查勘吳淞海口。並演試新鑄大礮情形等語。逆夷占踞定海。距江蘇吳淞海口甚近。亟宜加意籌防。該撫既親歷查勘。會同提督陳化成。逐一詳加準備。並將上海礮局續鑄四千餘斤銅礮十尊。解至吳淞試演。均能致遠。萬一逆夷竄至。自己備無患。該撫務當激勵將士奮勇爭先。處處布置周密。勿令逆夷稍有得手。如察看兵力尚單。即行會商調撥。以期聲勢聯絡。戰守有資。水陸交嚴。不可稍存大意。是為至要。將此諭令知之。○辛亥。諭內閣。訥爾經額奏。請援案支給調防兵丁口糧等語。現在調赴山海關防堵之吉林兵五百名。並陝西頭起官兵。均著援照成案。每日折給銀一錢五分。支給報銷。以昭畫一。其吉林兵另有每名給馬三匹。所需馬乾及跟役等折給鹽糧銀兩。

較之綠營兵丁應支數目稍優。著各按本例支領。不得一律援照。○諭軍機大臣等。哈琅阿奏籌畫布兵安礮一摺。所請將各兵營盤改移之處。著照所議辦理。惟此次逆夷滋擾陸路。亦甚兇悍。昨在定海。與我軍對敵。殺去一層。又添一層。直是拚死上前。熱戰六晝夜之久。我兵槍礮紅透。接濟不來。遂致失事。據奏將礮位安置土壘之上。俟逆夷登陸。施放攻擊。所見甚是。山海關礮位不多。如果逆夷登岸。必豫先吩咐兵弁。見有數百數十夷人。再行開放槍礮。不可因見一二夷人。遂將火藥空放。及至大隊前來。火藥反不敷用。且礮位暗藏之地。尤應機密。不可令夷人窺探明白。致有準備。胡超不日即抵山海關。務當和衷商量。布置妥協。以操全勝。嗣後凡有奏報之事。俱著兩人會銜。將此諭知哈琅阿。並諭令胡超知之。○以河南荊子關協副將尤渤。為江南壽春鎮總兵官。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十六

宣宗實錄卷之三百五十六

三十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十七

宣宗實錄卷之三百五十七

宣宗實錄卷之三百五十七

宣宗實錄卷之三百五十七

宣宗實錄卷之三百五十七

宣宗實錄卷之三百五十七

宣宗實錄卷之三百五十七

道光二十一年辛丑九月壬子朔諭軍機大臣等本日據劉韻珂奏餘姚縣知縣舒明勸捐不善已明降諭旨將該縣革職舉人施襄等一併斥革究辦矣又據御史汪元方奏該縣刻有樂輸木戳每畝勒派大錢五十文復將呈阻紳士押禁以致聚眾滋鬧嚴與劉韻珂所奏大略相同浙省現辦防堵事宜用民之力必須順民之情若州縣藉端科斂吏役舞弊侵吞以致釀成事端成何政體著劉韻珂確切查明秉公嚴審固不可縱容劣紳

宣宗實錄卷之三百五十七

三十九



尤不可回護屬員。致有不實不盡。將此諭令知之。尋奏餘姚縣知縣舒明勸捐防堵。據紳士朱文治等呈請按畝捐資。議請每畝捐錢五十文。並刊刻捐單。蓋用樂輸戳記。給發各捐戶收執。即批准照辦。並非因公科歛。所收錢文。均係公捐公用。並無侵吞情弊。其革舉施襄等具呈請見。因其藉端扶制。諭差看守。稟請交辦。尚無不合。惟未將按畝捐輸章程。收錢數目。隨稟聲明。致滋藉口。辦理究屬非

是。應請旨開復原官。交部照例議處。下部議從之。○又諭保昌等奏。防守省垣情形一摺。據奏收回廈門之後。尚有逆船數隻。盤踞廈港孤峙之鼓浪嶼。省城各處要隘。現已截港設伏。逆船不敢闖入等情。布置尚屬周妥。仍著加意嚴防。無稍疏懈。前調江西兵二千名。現經裕謙截赴浙江矣。另片奏需用鉛子二十四萬斤。已咨各省督撫趕緊籌撥。但現在逆夷占據定海。浙省軍務緊要。硝磺鉛丸亦

在所急需。如該省足敷應用。著即分給浙省。交裕謙分貯。以備應用。該將軍等酌量籌辦。毋存畛域之見。將此諭令知之。○癸丑。

上詣綺春園問

皇太后安。○諭內閣。向例國倫額駙之衣服等項。俱係照貝子之例穿用。固倫額駙德木楚克扎布著加恩賞給寶石頂帶。三眼花翎。及衣服等項。均照貝子之例。○又諭浙江定海鎮總兵提督銜葛雲飛。處州鎮總兵鄭國鴻。

江南壽春鎮總兵王錫朋。當定海失守之時。同時陣亡。已降旨令該部照例賜卹。本日據裕謙奏。此次轉戰六晝夜。開放大礮。擊焚逆船。惟葛雲飛所練親兵。最為得力。陸路殺賊。壽春處州官兵。均極勇敢。勤殺逆夷一千數百名。因該逆驅使閩粵漢奸。捨死登岸。眾寡不敵。以致失事。現在葛雲飛。鄭國鴻屍身。業已從厚殯殮。王錫朋屍身。尚無著落。覽奏為之墮淚。該總兵等奮勇殺賊。效命疆場。深堪

憫惻。除照例賜卹外。加恩各賞銀五百兩。由各原籍藩庫給發。並著該省督撫查明該故員子孫幾人。據實具奏。葛雲飛鄭國鴻王錫朋。俟定海收復後。建立專祠。王錫朋仍於該原籍建立專祠。該故員等靈柩回籍時。並著各該地方官妥為照料。此次隨同葛雲飛鄭國鴻王錫朋陣亡將弁兵丁。除分別奏咨照例卹賞外。並著裕謙確切查明。分咨各原籍督撫。將其家屬從厚撫卹。用示朕憫卹節昭忠。

有加無已至意。○又諭裕謙奏請將部撥解閩軍需。改解浙江一摺。所有撥解福建之兩淮運庫銀七十萬兩。著准其改解浙江。其福建應撥軍需。著戶部速議具奏。○又諭王鼎等奏參河工疏防員弁一摺。河南祥符汛漫口失事。專轄之知府銜開封府下南河同知高步月。署下南河協備許鑣。防守之祥符上汛縣丞秦華。曾千總高振。外委劉讓。平時未能小心防範。臨事又不克迅速搶堵。以致大

溜全掣。厥咎均重。著一併交部嚴加議處。兼轄之開歸陳許道步際桐。雖於下游辦工處所。聞報折回搶堵。究竟保護未穩。咎亦難辭。著交部議處。尋議上。得旨專轄之下南河同知高步月。協備許鑣。祥符上汛縣丞秦華。曾千總高振。外委劉讓。均著即行革職。於河干加號一箇月。滿日發往新疆充當苦差。兼轄之開歸陳許道步際桐。亦著即行革職。留工效力。○諭軍機大臣等。王鼎奏黃河長水遞消。口門省城情形一摺。據奏祥符上汛西岸裏頭埽已報壞。省城西北角迎溜之處。河水遞落。日漸鬆緩。各廳撥運料物。搶護應手等語。覽奏均悉。仍著王鼎督飭所屬。先行相度地勢。挑挖引河。總期一律深通。迅即堵築口門。進占合龍。以副委任。另片奏河督事務紛繁。病體勢難兼顧等語。現已有旨諭知朱襄。迅即赴豫。想指日即可到任。王鼎俟朱襄到後。即卸署河督篆務。會同慧成。朱襄。牛鑑。

辦理堵築事宜。仍當加意調攝。以慰廛注。將此諭令知之。○又諭據王鼎等奏。酌議購料挑河章程一摺。此次祥符三十一堡漫口。寬至三百餘丈。尤須廣集稽料。現在該處本年所產。既屬歉少。自應分途採辦。著照所議。即飭令各該州縣。趕緊購採。至挑挖引河。總須趕在壩工以前。先期完竣。且此次工段既長。受淤較厚。自應酌分大小段落。派員承挑。飭令該管守備。出具保結。並著按段守催稽察。

毋許稍有徇隱。所需銀兩。業已飭催速解矣。至片奏。歷辦大工。均須分設局廠。內有必不能省之需。而皆例不應銷之款。既係歷屆皆然。著准其照扣。以資辦工。如有餘銀。繳庫存公。即有不敷。亦照成案辦理。不得另立扣款名目。又片奏。請於南河調撥河兵四百名。已飭令麟慶趕緊挑選。迅速赴豫矣。總之。此次大工。務當急為籌辦。以冀剋期合龍。是為至要。將此由四百里諭令知之。○又諭本日據

王鼎等奏。河工需用甚亟。請將部撥銀兩。星速解工。期於九月望前到齊等語。所有應解該省銀兩。著訥爾經額。迅即派委妥員。赴部具領。毋稍遲誤。將此諭令知之。○又諭前有旨。令麟慶於廳汛文員。及河營參遊以下各官。遴選熟習河務者。文武各三四員。迅速赴豫辦工。並飭令告病參將張兆。於病痊後赴工差遣。該河督接奉後。諒已遵照辦理矣。茲據王鼎等奏。東河歷辦大工。因本地河兵。未

能熟練。向皆調撥南河河兵。赴工襄辦。請循案飭調等語。此次堵辦祥符汎大工。所有椿埽鑲捆。進占各事宜。最關緊要。著麟慶於各廳營內。慎選精壯幹練兵丁四百名。隨同所調員弁。迅即赴豫。並著該員弁等。沿途妥為約束。毋令稍有滋擾。將此諭令知之。○又諭前有旨。將朱襄補授河東河道總督。並令接奉諭旨後。馳驛速赴新任。現當籌辦堵築喫緊之際。著朱襄謹遵前旨。速赴新任。毋稍遲

延將此諭令知之。又諭本日據裕謙馳奏。查探定海夷情。籌備堵剿一摺。據奏夷船二十八隻。散泊遊奕。阻我道路。尚有船十餘隻。除焚燬擊損外。不知去向。該逆詭詐性成。去來無定。現有逆船四隻。駛進蛟門。該大臣已豫備攻剿。一有捷音。即行馳奏。所奏鳳陽縣州二府鄉勇。已飭太平府知府舒夢齡前往雇覓。徐州鄉勇。已經麟慶招有成數。飛咨分起管帶備遣。江西兵二千名。分駐策應之處。均著照所議妥為辦理。新放定海鎮總兵陳述租本係浙江副將。即著該大臣迅速飭赴軍營。無庸來京請訓。其新放之處州鎮總兵梁勝瀨。壽春鎮總兵尤渤。已諭知托渾布。牛鑑。轉飭該鎮兼程赴浙矣。另片奏定海縣差役李彪。先被逆夷擄去。現仍帶回定海。已專人前往招撫。著該大臣俟其來時。密詢該逆船隻多寡。礮位約有若干。現欲分竄何處。意欲何為。詳細究詰。至其人是否有可用之處。

著該大臣察看情形。酌量辦理。現當軍興之際。固須多用間諜。惟該逆既有令漢奸詐為逃兵之語。亦須慎防奸細。至定海縣義民徐保兄弟四人。竊負葛雲飛。鄭國鴻屍身來營。有踰牆走壁之能。即著裕謙量材委用。從前三省教匪滋事之時。儘有由義勇出力。擢至大員者。署定海縣舒恭受。前已有旨賜卹。如果未死。令善為調養。以備驅策。所請改撥解閩軍需。業已降旨准行。其葛雲飛等陣亡情形。亦明降諭旨。加恩優賞矣。將此由六百里加緊諭令知之。又諭山東文登協副將梁勝瀨。昨經簡授浙江處州鎮總兵。河南荆子關協副將尤渤。昨經簡授安徽壽春鎮總兵。現當浙江軍務喫緊之際。著托渾布。牛鑑。即飭知該總兵。馳驛兼程。速赴浙江軍營。聽候裕謙差委。毋庸來京請訓。將此各諭令知之。盛京將軍耆英等奏。請以吉林官兵練習水戰。得旨。此乃萬不可行之事。不知是何意。

見○以詹事府詹事楊殿邦為內閣學士兼禮部侍郎銜○豫購河南十三廳山東二廳來年河工歲料從大學士署河道總督王鼎請也○甲寅

上詣綺春園問

皇太后安○諭內閣兵部奏請將王錫朋鄭國鴻照總兵例賜卹葛雲飛可否照提督例賜卹具奏請旨葛雲飛前經賞給提督銜先換頂帶著即照提督例賜卹王錫朋屢著戰功

被害尤慘著加恩亦照提督例賜卹鄭國鴻照總兵例賜卹該故員本兼雲騎尉世職此次應給騎都尉世職如何歸併分襲著該部覈議具奏至同知舒恭受議卹之處著該部聽候諭旨遵行○諭軍機大臣等據阿勒清阿奏平泉州知州英寶等以該屬回子地方被匪徒多人放火延燒二十餘家該回民先已聞知逃避並無燒斃人口具報經該署都統嚴飭緝究迄今月餘未據報獲現派該

府前往查勘等語匪徒聚集多人膽敢放火延燒房屋不可不嚴行懲辦著桂輪迅將此案人犯即行拏獲訊明放火之人是否係屬礦匪挾嫌謀害抑或另有別情按律究辦至該州文武各官既經疏防又復觀望是否意圖消弭規避處分並著確切查明據實參奏將此諭令知之○安徽巡撫程楸采覆奏皖省產硝處所向係官為收買於道光十八年奏定章程可毋庸議得旨實力認真查辦○

乙卯遣官祭

都城隍之神○諭內閣成凱等奏吏書侵盜庫銀審明定擬一摺此案九品筆帖式職銜糧餉章京恩祥於該管吏書侵盜庫銀如果僅止失察應交吏部嚴加議處如係通同舞弊分肥入己應即革職拏問交刑部照例治罪該大臣於該章京曾否通同舞弊有無分肥入己等情並未詳悉訊明率請交部嚴加治罪原奏甚不分明部中憑何擬議著成凱

法福哩。再行秉公嚴訊。務得確情。不准徇隱。按律定擬具奏。其自請議處之處。著俟奏到時再降諭旨。○諭軍機大臣等。本日據奇明保等奏。鎮海失守一摺。已授奕經為揚威將軍。哈琅阿。胡超為參贊大臣。馳驛前往浙江辦理軍務矣。杭州省城緊要。劉韻珂著駐劄杭州。會同奇明保。恆興。督率滿漢兵勇。協力防堵。並於定海鎮海兩處。招集散亡。安撫居民。仍嚴防奸宄。涸跡。以杜內應。所奏保護紹

興等處。已飭臬司蔣文慶帶兵前往。並委另補知府王壽昌。帶銀雇募鄉勇等語。均著照所議辦理。據奏余步雲現尚無恙。著仍移駐寧波府。督同鹿澤長。鄧廷彩。招集兩處兵勇。協力固守。俟剋日大兵抵浙。會同攻剿。所有前調江西湖北安徽各兵。已由六百里加緊諭知裕泰。吳文鎔。程楙采。飭令帶兵各員。迅即赴浙。並令胡超帶領陝西官兵。先行抵浙。應用軍需。已飭戶部速議矣。其鎮海失守情

形。著即查明迅速奏聞。將此由六百里加緊諭令知之。○又諭。本日據奇明保等馳奏。鎮海失守。已有旨授哈琅阿為參贊大臣。赴浙辦理軍務矣。哈琅阿著即馳驛來京。陛見。所著交倭克精額。富勒敦。泰管理。將此由六百里加緊諭令知之。○又諭。本日據奇明保等馳奏。鎮海失守。已有旨授胡超為參贊大臣矣。胡超著即帶領陝西頭起官兵。迅速起程。徑赴

浙江軍營。辦理防剿事宜。毋庸來京請訓。所有該省後起官兵。已降旨令訥爾經額。楊國楨。富呢揚阿。飭催速行。該大臣途次遇見續到官兵。並著管帶前往。以資調遣。將此由六百里加緊諭令知之。○又諭。本日據奇明保等馳奏。浙江鎮海失守。所有前調陝西兵二千名。已飭令胡超將所帶頭起改赴浙江軍營。其二三起無論行抵何處。著富呢揚阿。飭令管帶之員。帶同迅速赴浙江軍營。沿途著

訥爾經額楊國楨。迅即催往浙江。毋稍遲延。將此由六百里加緊各諭令知之。○又諭。前因逆夷在浙滋事。有旨令裕泰挑選湖北黃州協等處精兵一千名。吳文鎔挑選江西九江鎮精兵一千名。迅速赴浙。又經裕謙奏准。將調赴閩省之江西兵二千名。截赴浙江。並飛咨程楸采調用安徽壽春鎮兵一千名。本日據奇明保等奏。逆夷猖獗異常。鎮海復又失守。所有前調湖北江西安徽各兵著裕泰。

吳文鎔程楸采飛飭帶兵鎮將。迅速馳赴浙江。以資堵剿。毋得稍有遲誤。將此由六百里加緊各諭令知之。○又諭。前任福建水師提督陳階平。本日已明降諭旨。仍以提督用。飭令馳驛迅赴浙江軍營矣。朕聞陳階平現在清江一帶。麟慶接奉此旨。即將本日諭旨給看。飭令迅赴浙江。毋稍遲延。將此由六百里加緊諭令知之。○杭州將軍奇明保等奏報。接據寧波府知府六百里稟稱。逆夷攻犯鎮

海。欽差大臣裕謙督兵堵禦。不能抵當。隨即殉難。被百姓救護出城。送至郡城。昏迷不醒。鎮海業已失守。得旨憤恨之至。○命協辦大學士吏部尚書奕經為揚威將軍。正藍旗蒙古都統哈琅阿。因原提督胡超為參贊大臣。馳赴浙江辦理軍務。○命前任福建水師提督陳階平。仍以提督用。馳赴浙江軍營。○命陝甘總督恩特亨額撥銀七萬六千八百四十兩。解赴喀什噶爾。英吉沙爾六萬四千九

百四十五兩。解赴葉爾羌。巴爾楚克備道光二十三年經費。○丙辰。諭內閣。前經降旨將顏伯燾寬免治罪。仍交部嚴加議處。茲據該部議請革職。已屬從寬。姑念廈門業已收復。著加恩降為三品頂帶。革職留任。以觀後效。○又諭。托渾布奏。奏帶兵都司一摺。山東臨清營都司奎英。奉派帶兵駐防。膽敢宿倡聚賭。藉端滋擾。種種不法。甚屬可惡。奎英著與同犯姦宿之所。轄千總馬國慶一併革職。交

托渾布先行重責四十板。再於防所枷號三箇月。滿日發往伊犁充當苦差。以示懲儆。○諭軍機大臣等。托渾布奏密防曹郡匪徒等語。山東曹州府地方。時有捻匪出沒。現值豫省黃河漫口。與該府壤地毗連。難保無被水災民流徙入境。勾結滋事。著托渾布嚴飭所屬文武員弁。稽查彈壓。遇有外來災民。即行妥為資送。如有本處匪徒。乘間竊發。務當嚴密查拏。按律懲治。毋致養癰貽患。以靖地方。

將此諭令知之。○又諭顏伯燾以封疆大吏。責在守土。前因防堵不力。廈門失守。本應治罪。姑念旋即將廈門收復。已明降諭旨。將該督加恩降為三品頂帶。革職留任矣。閩省為海疆要區。廈門尤為全省關鍵。誠恐逆夷復來滋擾。現在該督等招募水勇。團練鄉民。已有成效。仍著加意訓練。激勵眾心。同禦外侮。本日已派廣東巡撫怡良。作為欽差大臣。會同顏伯燾。劉鴻翱。辦理軍務。顏伯燾身罹重

譴。經朕格外施恩。垂瑕錄用。應如何激發天良。力圖報效。儻夷船駛至。必當設法攻剿。轉敗為功。庶可稍贖前愆。如仍前畏葸無能。貽誤大事。必將該督加等治罪。決不寬貸。懍之慎之。將此由五百里諭令知之。○又諭昨日據劉韻珂等馳奏。浙江鎮海縣城失守。當即由六百里加緊諭令余步雲等。督率滿漢兵勇。協力防堵。本日據余步雲奏。鎮海失守情形。一摺。著仍遵前旨。招集散亡。安撫居民。嚴

防奸宄潛跡。以杜內應。據奏現在退守寧波。會同道府督率文武。收集散兵。著加意防堵。毋令逆夷竄入郡城。一俟大兵雲集。再當協力進剿。至摺內所稱裕謙退回郡城。隨即起程前去等語。究竟裕謙現在何處。著查明具奏。其陣亡鎮將兵弁。亦著確查咨明。該撫辦理。將此由六百里諭令知之。○又諭逆夷猖獗。鎮海失守。現已令將出師征剿。著鄂順安迅速挑選河南精兵一千名。派委曾經出師



之將弁。管帶前赴浙江軍營。聽候調遣。沿途嚴加管束。毋許滋擾。將此由五百里諭令知之。○又諭。昨已降旨。將所調陝西兵二千名。改赴浙江軍營。並諭。訥爾經額於該省官兵過境時。催令迅速前進矣。現在山海關兵力較單。所有前次所撥直隸兵一千名。著毋庸裁撤。如已起程。即著飭令迅速折回。以資防堵。將此諭令知之。○又諭。據耆英等奏。已到瀋陽之黑龍江官兵。分起撤回一摺。黑龍江

官兵。前經諭令撤回。昨已有旨。著棍楚克策楞仍令前調兵一千名。迅即前往盛京。著該將軍仍遵前旨。派赴錦州分撥防堵。至所奏奉天南路西路各海口。均已分派兵勇。水陸分防。並將一二千斤以下小礮。分布要隘。俟逆夷登岸。出其不意。用礮轟擊。辦理均屬周密。該將軍務當隨時偵探。嚴密豫防。不得以海口封凍屆期。稍存大意。將此諭令知之。○又諭。寄諭浙江巡撫劉韻珂。昨因鎮海失守。

已由六百里加緊諭令該撫妥籌辦理矣。因思大兵指日到浙。必應設立糧臺。廣為儲備。方足以聯眾志而壯軍心。著該撫妥為籌畫。應設立何處。最為妥協。該撫總理局務。其派管之員。即著遴選藩臬監司。專司稽覈。儻浙省大員。不敷差遣。即著奏明請旨。此事關繫重大。務使源源接濟。毋誤軍需。儻臨時遲誤。惟該撫是問。將此由五百里諭令知之。○命廣東巡撫怡良。為欽差大臣。馳往福建。會同

總督顏伯燾。巡撫劉鴻勳。辦理軍務。○賞頭等侍衛富僧德。副都統銜。命馳往山海關。會同阿勒楚喀副都統倭克精額。山海關副都統富勒敦泰。辦理防堵。○賞已革馬蘭鎮總兵官容恩。三等侍衛。命馳往浙江軍營。交揚威將軍奕經等差委。○命御前頭等侍衛明慶。二等侍衛西凌阿。乾清門四等侍衛伊昌阿。藍翎侍衛穆騰阿。隨揚威將軍奕經。馳往浙江。聽候差委。○以理藩院尚書恩桂署吏

部尚書。步軍統領。吏部左侍郎麟魁。署禮部尚書。戶部左侍郎文蔚。署都察院左都御史。○以鑲白旗滿洲都統僧格林沁署正黃旗滿洲都統。○以河南巡撫牛鑑署兩江總督。署河南布政使鄂順安。署巡撫。○命貴州鎮遠鎮總兵官榮玉材。馳驛來京。陛見。○釋已革大學士琦善。發往浙江軍營效力贖罪。○釋遣戍黑龍江已革戶部尚書奕紀。發往廣東軍營效力贖罪。○予廣東勦辦逆夷陣亡都司王世臣。王懷貴。守備胡國順。薛發千。總田宏盛。滿長順。李文炳。翟向陽。劉鈞榮。歐占魁。高雲龍。羅起龍。李士恆。鄧發甲。把總宋開選。巨文泰。唐致斌。萬士和。史樂章。王萬春。外委張必得。萬大鵬。周正朝。姜成。劉宏玉。畢開琥。藍銅馬兵騰傳受。龍延鳳。祭葬世職。○丁巳。

上詣綺春園問  
皇太后安。○遣官祭

歷代帝王廟。諭內閣。御史松年奏。請飭各省辦災人員。認真安集流民一摺。各直省偶遇偏災。朕不惜帑金。諭令地方官隨時撫卹。無如不肖州縣。視辦災為利藪。朘削脂膏。自肥囊橐。遂至災黎失所。蕩析離居。弱者轉於溝壑。強者流為盜賊。因此釀成事端。不可不嚴加整頓。著責成各直省督撫。飭令屬員。於辦理災務。覈實稽查。認真散放。勿致遺漏。遇有流民過境。尤當加意安撫。隨時資送。勿令轉徙流離。儻查有侵漁浮冒等弊。立即指名嚴參。毋許稍有瞻徇。該督撫務當實力奉行。勿視為誥誡之具文也。將此通諭知之。○諭軍機大臣等。奕山等奏。相機克復香港一摺。據稱現在粵省內外。不能兼顧。自係實在情形。惟水陸義勇。既有三萬餘人。加以所留各處精兵數千名。兵力不為單薄。一有可乘之隙。自當相機攻剿。動出萬全。所云招回漢奸數百名。固可為耳目之用。此最要之機。間不

容髮。務宜獎勵激勸。妥速為之。以收實效。至礮位為行軍要需。趁此暇時。督率工匠趕緊興鑄。無論大小銅鐵。總期質地精純。試放適用有準。是為至要。將此由五百里諭令知之。○又諭。昨已明降諭旨。將顏伯燾降為三品頂帶革職留任。並由五百里諭令該督會同怡良妥籌勦辦矣。本日據該督奏籌辦堵禦一摺。又另片一件。巧言宛轉。無非飾其不敢舉動之非。現在該夷船大幫去後。所留無幾。

正當乘機整旅。痛加攻勦。况據稱水勇鄉勇及調集各處兵丁。共計已有三萬餘名。較之夷匪已多數倍。不乘時激勵眾心。殲除醜類。尚復何待。著即督率將弁鄉勇等。迅速設法攻擊。痛加勦滅。使逆夷首尾不能相顧。自必知懼知儆。稍形斂跡。儻仍遲延退縮。藉詞支吾。必將該督加等治罪。決不寬貸。懍之。將此由五百里諭令知之。○又諭。據訥爾經額奏。籌辦防堵逆船。惟陷穽之計。可以阻其蜂擁。

登岸。現於海邊偏窠陷坑。以代兵力。各處海岸。凡有可通礮臺之路。均已設伏窠坑。逆夷若分起而來。擡礮鳥槍。亦分數起輪流裝打。並擬於河內設伏鐵錨之處。兩旁密釘木椿。將河身擠窄。使逆船不能連檣並進等語。所擬均屬周密。著即妥為辦理。又另片奏直隸山東交界之狼坨子。迤南八里許。為大口河海口。該處河面既寬。河水亦深。逆夷設用三板船進口登岸。難保不四出竄擾。該督現於扼要處所。派員督率兵勇防堵。並於附近村莊。廣為團練。以資協防。亦著照所議辦理。務使兩省聲勢聯絡。俾逆夷不致竄越滋擾。是為至要。將此諭令知之。○又諭。現在逆夷滋擾浙江。已降旨飭令劉韻珂嚴防痛勦。並多鑄礮位備用矣。因思江蘇為沿海之區。處處皆關緊要。江西界連閩浙。亦應加意豫籌。著梁章鉅。吳文鎔。迅即派員雇覓工匠。將礮位多多鑄造。或銅或鐵。各重數百斤至二三千

斤不等。以備調撥。該撫等務當督飭認真趕辦。選料加工。演試總期有準適用。揚威將軍軍營。如有調撥。斷不准片刻遲延。懾之。將此諭令知之。○又諭。梁章鉅奏遵查夷船蹤跡。並添兵防堵陸路一摺。據奏江蘇洋面。現在並無夷船。惟寶山上海兩處縣城。不可稍有疏虞。已添兵防堵等語。江蘇上海馬頭。為逆夷所垂涎。必須增添兵力。方可有備無患。現在該撫飛調各標營兵共二千名。於上海寶山兩縣陸路要隘處所。分別安插。辦理均屬周妥。至金山縣地方。與浙江乍浦海口相連。情形喫重。著准其於添調各營兵內。抽撥三百名。赴該處分駐防堵。該撫仍當隨時偵探。嚴密豫防。勿因夷船現無蹤跡。稍存疏懈。將此諭令知之。○又諭。據納爾經額奏。直隸山東交界之狼坨子。迤南八里許。為大口河海口。該處河面既寬。河水亦深。逆夷設用三板船乘勢進口登岸。則南通山東武定等處。北

通直隸鹽山滄州等處。難保不四出竄擾。該督已於扼要後路羊兒莊地方。派員督率兵勇。豫為防堵。著托渾布於該處要隘地方。相度機宜。添兵設伏。務期兩省聲勢聯絡。俾逆夷不敢竄越滋擾。毋得稍存畛域之見。致有疏虞。是為至要。將此諭令知之。○又諭。據劉韻珂馳奏。截留散兵。遣赴寧波。聽候余步雲調遣。以資防守。並查裕謙下落等語。浙江鎮海失守。已由六百里加緊諭知該撫等防堵事宜。本日又降旨。令前任藩司鄭祖琛。卞士雲。候補知府孫善寶。即赴浙江省城。隨同劉韻珂辦理糧臺事務矣。逆夷既占鎮海。必窺寧波府城。該撫已派員至紹興一帶。將過境兵丁截赴寧波。著仍遵前旨。會同督率兵勇協力防守。俟大兵雲集。剋期進剿。至礮位為軍中利器。鎮海礮位。已為逆夷奪據。必得趕緊另鑄。著該撫即委幹員。採辦銅鐵。鼓鑄一二千斤上下大礮數十位。以備要需。至裕謙

投入洋池。副將豐伸泰等所稟是否屬實。現在究竟作何下落。仍著查明具奏。將此由五百里諭令知之。○又諭本日余步雲由六百里奏寧波郡城空虛。設法捍禦一摺。昨因鎮海失守。該提督退保寧波郡城。僅能捍禦無虞。尚可為浙省障蔽。茲據該提督奏稱。職位無存。兵丁無可調撥。空虛景象。遙想可知。現在逆夷已在城外量水深淺。必乘虛攻擊。如該地方鄉民等力保孤城。正在危急。著劉韻

珂設法救援。惟省城尤為緊要。又恐該夷聲東擊西。使我不能相顧。是在該撫通盤籌畫。擇要防守。如寧波已被逆夷滋擾。占據即著該撫傳旨飭令余步雲同在省城協力防堵。其紹興郡縣與寧波毗連。僅有可救援之處。亦著極力設法。分別扼守。總之勢能兼顧。務當勉力為之。以副朕望。將此由六百里加緊諭知劉韻珂。並著諭令余步雲知之。○命告養布政使鄭祖琛。丁憂布政使卞士雲。候補

知府孫善寶赴浙江省城。隨同巡撫劉韻珂辦理糧臺。○命戶部左侍郎文蔚馳往浙江。隨同揚威將軍奕經辦理軍務。○以正黃旗滿洲副都統麟魁為總管內務府大臣。兼署都察院左都御史。京營左翼總兵。○戊午。諭內閣。載鈞等奏。請酌留期滿總管一摺。西陵設有總管三缺。向例均於五年期滿後。調京更換。歷屆遵行。並無窒礙。何得輕改舊章。率請留任。致滋流弊。所請俟慶祿期滿後再

留一任之處。著不准行。○諭軍機大臣等。著英等奏分飭吉林黑龍江官兵。赴山海關防堵一摺。錦州山海關海口。防禦緊要。現在黑龍江兵一千名。已改撥錦州駐劄。俟有直隸調撥之信。即迅速調往。吉林兵除已赴山海關五百名外。其已抵錦州駐劄之五百名。亦已分起馳赴山海關。著交富僧德等分布防堵。至逆夷滋擾浙洋。難保不即行北駛。該將軍等務當先事豫籌。以期有備無患。毋稍疏

忽。是為至要。將此諭令知之。○又諭天津地方緊要。本日已明降諭旨。著胡超帶陝西頭起官兵一千名。前赴天津。會同訥爾經額籌辦防堵事宜。其參贊大臣。已改派文蔚矣。因思官兵槍礮排列。前路固宜精銳。後路尤應層層設伏。疊出不窮。方足以聯聲勢而懾夷膽。此項陝西官兵到後。毋庸分派海口。另作後路應援之兵。其應在何處屯營接應之處。著妥議具奏。又察哈爾本年應交馬匹。現已屆期。已降旨飭令鐵麟等認真挑選交納。著該督派委妥員覈實驗收。總期臚壯足額。毋令經手官弁。朦混滋弊。並著派委弁兵。分別餵養牧放。俾臻肥碩。不特畿輔足資乘騎衝突。設或他處調取。亦可驅遣得力。萬勿散置各營。臨時致有掣肘。是為至要。將此諭令知之。○又諭前因逆夷滋擾浙江。已降旨令裕泰調湖北黃州協等處兵一千名赴浙矣。茲特授奕經為揚威將軍。哈琅阿。文蔚。為參贊

大臣。馳往浙江勦辦。著裕泰於湖北省再挑選精兵一千名。令曾經出師將弁迅速管帶前赴浙江。交奕經等調遣。並嚴飭帶兵之員。毋許兵丁沿途滋擾。將此由六百里諭令知之。○又諭前授胡超為參贊大臣。諭令馳赴浙江辦理軍務。本日已降旨將參贊大臣改派文蔚矣。現在天津最關緊要。亟應豫籌防堵。胡超久歷戎行。深明韜略。籌辦防勦。必合機宜。著即帶領陝西兵一千名。迅速前赴天津。作為後路應援之兵。並杜其北竄之路。著會商訥爾經額。於何處屯駐得力。毋稍遲緩。其陝西後起兵一千名。著原派將備管帶。兼程前赴浙江。以資調遣。將此由六百里諭令知之。○又諭寄諭察哈爾都統鐵麟等。察哈爾牧青馬匹。每年於霜降後解交直隸。以備差操。現在籌辦防勦事宜。陸路官兵。皆須乘騎馬匹。著該都統等於解往時。詳加選擇。務期臚壯。足資馬隊衝突之用。斷不准以駑駘

充數。貽誤臨時。是為至要。將此諭令知之。○命戶部左侍郎文蔚為參贊大臣。○命固原提督胡超帶陝西兵一千名馳往天津會同直隸總督訥爾經額辦理防堵。○命戶部右侍郎端華馳往浙江查辦事件。○以吏部右侍郎善書署戶部右侍郎兼管錢法堂事務。並署京營右翼總兵。正白旗漢軍副都統春佑署鑾儀衛鑾儀使。○以故雲南臨安府屬納更山土巡檢龍慶孫章襲職。○旌表守正

捐軀安徽太和縣民陳耀松妻王氏。○己未上諸綺春園問

皇太后安。○諭內閣兩江總督裕謙功臣後裔世為忠貞。經朕擢任封圻適當逆夷滋事。特派為欽差大臣辦理浙江軍務。該督銳意圖功。方資倚畀。茲以鎮海縣城失陷。投水殉節。為國捐軀。深堪憫惻。著加恩贈太子太保銜。照尚書例賜卹。任內一切處分悉予開復。伊祖班第於乾隆年間在伊犁殉節。入祀昭忠

祠。今該督臨危致命。不忝前人。著附祀昭忠祠。並俟軍務完竣後。再於鎮海縣建立專祠。以彰蓋節。其靈柩回京時。著沿途地方官妥為照料。並著伊弟裕恆前赴江蘇迎接。到京時准其入城治喪。應得卹典該衙門察例具奏。○諭軍機大臣等。本日據劉韻珂奏。欽差大臣裕謙殉節一摺。已明降諭旨加恩賜卹矣。另片奏逆夷情形。覽奏憤恨。仍著劉韻珂竭力籌防。設法堵禦。相機妥辦。毋失機宜。一

俟大兵雲集。即行奮力進剿。殄滅醜類。至所稱裕謙家人稟內。牽及提督余步雲心懷兩端等語。已諭知揚威將軍奕經到省查辦。以期水落石出。此時不可稍有漏洩。所有江寧城守副將豐伸奏著該撫迅即調往浙江省城聽候差委。不必派令他往。將此由六百里諭令知之。○又諭寄諭直隸總督訥爾經額天津為緊要之區。屢經降旨飭令該督加意籌防。層層設伏。諒已遵辦。本日據劉韻珂奏。

逆夷情形兇悍異常等語。該夷捨命格鬪。兇  
賊愈張。當浙江鎮海接仗時。我兵由上壓下。  
本屬得勢。該夷蜂擁而上。被殺一層。復添一  
層。我兵設伏抵禦。亦應分番更替。疊出不窮。  
方可制勝。所有預備後路兵丁。及槍礮火藥。  
總須足敷五六月鏖戰之用。方為有備無患。  
至該督布置一切周密妥協。萬無一失。現又  
降旨飭令胡超將後起官兵一千名。亦帶赴  
天津防堵。更足以壯軍威。惟天津既有港汊。

該夷小船。亦可乘勢駛入內河。其應如何杜  
其分竄潛渡之處。著該督悉心籌畫具奏。劉  
韻珂片著鈔給閱看。將此諭令知之。○又諭。  
寄諭揚威將軍奕經。劉韻珂奏據裕謙家丁  
余升稟稱。提督余步雲心懷兩端。並據江寧  
城守副將豐伸泰稟稱。曾見余步雲上城。與  
裕謙附耳密語等語。本日已降旨令劉韻珂  
將豐伸泰調赴省城。聽候差委。並令裕恆至  
江寧迎護裕謙靈柩。後即將余升交出。該將

軍抵浙後。查訪明確。並傳集豐伸泰。余升。詳  
細訊明。據實具奏。不准稍有含混。原片一件。  
及稟詞兩件。均著鈔給閱看。將此諭令知之。  
○又諭。本日已明降諭旨。將牛鑑補授兩江  
總督。並令迅速馳驛前往。毋庸來京請訓。江  
蘇各海口防堵事宜。亟須籌辦。該督接奉此  
旨後。務即迅速起程。馳往該省。親歷各處海  
口。相度情形。悉心籌畫。將一切防勤事宜。趕  
緊妥為辦理。務使處處有備。不致臨事周章。

是為至要。將此由五百里諭令知之。○又諭。  
本日已明降諭旨。著哈琅阿仍回山海關。辦  
理防堵事務。毋庸前往浙江矣。哈琅阿奏請  
帶吉林兵五百名前往浙省。甚不曉事。著不  
准行。山海關逼近海口。尤為緊要。仍著哈琅  
阿會同富僧德。倭克精額。富勒敦泰。督飭弁  
兵嚴密防守。毋得稍有疏虞。將此諭令知之。  
○又諭。昨因逆夷占據浙江定海鎮海。已降  
旨授奕經為揚威將軍。文蔚為參贊大臣。馳



驛前往辦理矣。浙江夷務緊急。著特依順無  
論行抵何處。迅即折回。由驛馳赴浙江。同奕  
經等辦理軍務。特依順參贊大臣關防。即由  
揚威將軍奕經帶往面交。將此由六百里諭  
令知之。又諭昨經降旨。令胡超將所調陝  
西官兵帶領一千名。迅赴天津。其後起官兵  
一千名。著原派之將備管帶赴浙矣。天津毗  
連畿甸。防備尤為緊要。所有陝西後起兵一  
千名。仍著富呢揚阿飭令前赴天津。以資調  
遣。並著胡超管領與所帶頭起一千名到後。  
並作為後路應援。該提督仍遵前旨。會同訥  
爾經額商定屯駐地方。以期得力。僅陝西後  
起官兵行抵山西。即著楊國楨飭屬沿途截  
回天津。毋稍遲誤。將此由六百里諭令知之。  
命參贊大臣特依順。無庸前往廣東。改赴  
浙江辦理軍務。正藍旗蒙古都統哈琅阿。無  
庸作為參贊大臣。仍回山海關辦理防堵。  
命戶部尚書祁寯藻。在軍機大臣上行走。

實授牛鑑兩江總督。○命伯都訥副都統福  
勒洪額。馳往山海關外。會同墨爾根城副都  
統烏凌額管帶黑龍江官兵。辦理防堵。○以  
正紅旗滿洲副都統關聖保署正黃旗護軍  
統領。銀藍旗蒙古副都統恩華署鑲白旗護  
軍統領。○庚申。固原提督胡超。謝授參贊大  
臣恩。得旨。朕因浙省兵將。立時不能到齊。汝  
先趕到。亦礙難進剿。而天津一帶口岸。距京  
不遠。最關緊要。沿海雖經訥爾經額布置周  
妥。但後路一無接應。陳金綬。石生玉。又不充  
分身。朕十分放心不下。知汝忠勇自矢。又率  
本省之兵。於天津迤北。或一處二三處。擇要  
屯駐。既可沿海接應。又為京師屏障。甚屬有  
裨。汝其盡心盡力。慎勉防守。如有動作。務要  
計出萬全。勇加百倍。朕實有厚望於汝。但切  
忌恃勇輕率。毋忽。○賞揚威將軍奕經參贊  
大臣文蔚。文綺。侍衛等治裝銀有差。○命已  
革戶部尚書奕紀。改發天津效力贖罪。不准

進京。○修浙江仁和海寧二州縣海塘。從巡撫劉韻珂請也。○辛酉。諭軍機大臣等。本日據奇明保等馳奏。寧波府城失守。防禦紹興府及省城一摺。據奏八月二十九日。更船八隻。駛進郡城。連開大礮轟擊。城內兵數無多。即行失陷等語。覽奏憤恨之至。所奏曹娥江為緊要關隘。飭令在籍藩司鄭祖琛會同總兵李廷揚。該道鹿澤長等。協力堵禦。並令臬司蔣文慶。駐劄聲援。安設糧臺等語。均即照所議辦理。所調江寧旗兵八百名。尚恐無濟於事。省城募練民勇。勢不能分。壽春江西湖北等處官兵。尚未抵浙。著劉韻珂先就現在情形。妥為籌辦。至省城地方。關繫緊要。業已命將調兵。惟總須兩月內外。方能抵浙。仍著劉韻珂會同奇明保。恆興相機設法。竭力保守。以待大兵之至。其提督余步雲實在下落。著查探明確。據實具奏。毋稍含混。另片奏招集鄰省鄉勇。恐致勾結土匪。所見大有深意。

既據移咨麟慶程楸采。緩為遣發。亦著依議辦理。已諭知麟慶程楸采。即行停止。浙省所調湖北江西安徽河南兵共七千名。已由六百里加緊分諭各該督撫令其兼程赴浙矣。將此由六百里加緊諭令知之。○又諭本日據劉韻珂等奏。寧波府失守。現在防禦紹興及保守省城一摺。該省兵力甚為單弱。朕心焦急之至。前所調湖北兵二千名。江西兵三千名。安徽河南兵各一千名。著裕泰吳文鎔程楸采鄂順安迅即派委曾經出兵將弁。管帶起程。即交劉韻珂等分撥防堵。官兵早一日到浙。浙省早得一日之用。著裕泰等諄飭帶兵各員。兼程赴浙。沿途毋許逗留。仍嚴行約束。毋任滋擾。將此由六百里各諭令知之。○又諭前據裕謙奏明。飭委舒夢齡雇募鳳陽潁州二府鄉勇。並飛咨麟慶將徐州府鄉勇招募赴浙備遣。本日據劉韻珂奏。吳逆在浙滋擾。大兵指日雲集。無須假力於鄰省之

民人等語。著麟慶程祿采。即行停止雇募。將此各諭令知之。○又諭海齡奏請豫籌防堵一摺。江浙洋面毗連。現在逆夷在浙猖獗。江蘇海口。必應嚴密防堵。京口為入江門戶。本年江蘇江潮漲旺。尤應加意嚴防。現經海齡派撥旗營官兵。嚴位分布要隘。惟水師營弁兵。除調防及守汛外。僅數百名。兵力尚單。著佈勒亨。與倫。於江寧駐防內酌撥兵弁。協同防堵。將此各諭令知之。○禮部奏十月初十日。

皇太后萬壽聖節。應行禮儀。得旨。是。照例行禮。奉。

皇太后懿旨。停止筵宴。其在外福晉命婦進內行禮之處。並著停止。○命貴州安義鎮總兵官段永福。馳往浙江。隨同楊威將軍奕經。辦理軍務。○賞已革安徽布政使管通羣。六品頂帶。隨同楊威將軍奕經。前往浙江辦理糧臺。○命江西南贛鎮總兵官長春。四川川北。

鎮總兵官韓振先。綏寧協副將楊開雲。貴州松桃協副將達騰超。甘肅中衛協副將哈拉吉那。湖北施南協副將岱昌。馳驛來京聽候召見。○湖南提督楊芳。因病乞假。並回籍省墓。尤之。○命已革大學士琦善。發往軍臺充當苦差。無庸赴浙江軍營。○釋已革浙江巡撫烏爾恭額。發往軍臺充當苦差。○壬戌。上詣綺春園問。

皇太后安。○諭內閣。本日召見載銓。步履尚未。

照常。著賞假安心調理。其所管一切差使。無庸派署。○以兵部左侍郎朱嶸。知武舉。內閣學士王炳瀛。為武會試正考官。都察院左副都御史帥承瀚。為副考官。○命怡親王載垣。在御前大臣上學習行走。○命青州副都統德珠布來京。以烏魯木齊領隊大臣穆特恩。為青州副都統。○命伯都訥副都統巴雅爾。西安左翼副都統齊琅。阿來京陛見。○癸亥。諭內閣。自上年暎逆犯順以來。滋擾廣東福。

建浙江三省沿海居民慘罹鋒鏑或被搶掠一空或致流離失所朕統御寰區惻隱在抱每聞各處奏報為之寢食不安已命奕經為揚威將軍特依順文蔚為參贊大臣調集各路精兵剋期進剿大兵到浙自必迅速藏功惟各路所調官兵經過郡縣地方恐或約束不嚴藉端騷擾著責成該將軍等嚴飭管兵各員分飭所屬謹守紀律秋毫無犯違者即以軍法從事如有縱容徇隱別經舉發惟該

將軍等是問其沿海各處鄉村均宜自行團練鄉勇聯絡聲勢上為國家殺賊下即自衛身家其有奇才異能足備禦侮之用者許赴軍營自行投效該將軍等量才器使遇有出力之處隨時保奏候朕施恩從前三省教匪滋事儘有由義勇出身擢至大員者該將軍等務當多方激勸咸使有勇知方一技一長毋稍屈抑凡茲薄海臣民皆係朝廷赤子二百年來食毛踐土具有天良當此逆夷不靖

自必志切同仇斷不可為奸夷所惑自外生成其或被脅陷賊自拔來歸亦即有其既往予以自新俾得同贊膚功共享太平之福著沿海各督撫刊刻謄黃徧行曉諭用示朕外攘內安至意○又諭前有旨將琦善烏爾恭額發往軍臺充當苦差茲據兵部奏稱軍臺祇有效力贖罪並無苦差可以充當既係向辦成案琦善烏爾恭額均著改為發往軍臺效力贖罪○諭軍機大臣等訥爾經額奏遵

旨籌撥兵馬一摺又另片奏豫備鉛丸火藥及沿海擇要防範等語所辦均屬周妥惟北塘海口前經該督將山海關撤兵六百名撥赴該處協防現已飭令折回山海關是該處兵力尚嫌單薄不足以資守禦仍著該督相度形勢再行添撥官兵務期得力所奏牛革拒礮已經演試不能抵拒等情覽奏已悉所有給事中朱成烈前奏禦礮之法著毋庸議將此諭令知之○又諭前因逆夷在浙滋事

有旨令吳文鎔挑選九江鎮精兵一千名。迅速派員管帶赴浙。此項官兵。現在無論已未起程。俱著即撤回歸伍。其前經調赴閩省後又截赴浙江之江西兵二千名。仍著催令速往。將此由六百里諭令知之。○又諭。吳逆在浙猖獗。寧波失守。已授奕經為揚威將軍。出師征剿。著寶興迅速於四川建昌松潘兩鎮屬內。挑選精兵。其該省屯兵有可調用者。亦著一體挑選。共足二千名之數。派委曾經出

師之鎮將管帶前赴浙江軍營。聽候調遣。沿途嚴加管束。毋許滋擾。將此由六百里加緊諭令知之。○又諭。奕經等奏請調派員弁赴浙差委一摺。四川省遊擊張富。李嘉猷。都司許超。梁有才。守備伍玉琳。張定川。顏朝武。千總鄭心廣。王國英。李超。劉炳熊。肅飛。把總彭友泉。朱暉南。劉天培。陝甘省除遊擊田太武。王貴。本日據富呢揚阿奏明現派帶兵外。參將唐璣。雷捷。凱。遊擊謝天貴。吳珍。都司趙東

喜。守備劉奇。李偉。舉。牟成烈。陳芝蘭。甘貴。千總曹正喜。李尚鳳。沈仁貴。羅文。膠。竹秉元。葉榮。顏長春。把總黃國才。毛喜。朱京美。李洪升。馬永泰。羅得。鄒步雲。李榮。陸俊德。張映川。河南省都司劉天保。外委羅錦川。著寶興。恩特。亨。額。富。呢。揚。阿。鄂。順。安。即。劉。飭。該。員。弁。等。各酌帶精壯親信勁兵十數名。速赴浙江軍營。聽候差委。此內如有先經帶兵前赴他省。與現有事故。未經在營當差者。即著毋庸派往。

其已調赴浙江者。即著遵前旨催令速往。將此由六百里各諭令知之。○命乾清門三等侍衛伊興阿。隨揚威將軍奕經等前赴浙江。聽候差委。○以副都統銜頭等侍衛富僧德。為正藍旗蒙古副都統。○甲子。諭內閣。桂輪奏。查辦匪徒放火延燒房屋大概情形一摺。熱河平泉州屬回子地方。被匪徒多人放火延燒房屋。該州英寶。與知縣仲淳。所稟情形互異。顯有不實不盡。此案放火人犯。著即

飭令承德府知府上緊緝拏務獲。交該都統提同應訊人證。究明何處匪徒。是否曠匪挾嫌謀害。嚴行懲辦。儻該地方文武各官有諉卸消弭情事。即著據實奏。毋稍姑容。○諭軍機大臣等。據孟保等奏。拉達克夷人森巴生番。占據唐古特邊界。現在添派番兵勦捕。並籌辦口糧等語。拉夷勾結森番。侵占藏境。奪據達壩噶爾。及雜仁補仁三處營寨。經前派查辦之戴琿比喜。與賊接仗。互有殺傷。賊

勢猖獗。自應添派番兵。以資堵禦。除前次派往番兵一千三百名外。著再行揀派如琿二名。甲琿四名。定琿二十名。前後藏番兵五百名。兼程前往。飛飭前次派往之噶布倫等。相機設法攻勦。所需口糧。准其將各營官寨所貯青稞。趕於大雪封山之前。全行運到軍營。毋稍遲誤。該大臣等務須妥為籌辦。以期迅速完竣。至另片奏。丁大呼圖克圖藉病未回。以致往來差使。每多阻滯。現飭守備謝國

泰馳往打箭鑪。會同糧員王椿源設法開導之處。已諭知四川總督委員協同辦理矣。將此諭令知之。○又諭。據孟保等奏。丁大呼圖克圖住居打箭鑪所屬之少悟石地方。藉稱患病未回。以致往來差使。行抵丁。每多阻滯。現委守備謝國泰。馳往打箭鑪。會同糧務王椿源設法開導。督催該呼圖克圖速回。丁。聽候剖斷。以期大道疏通等語。該呼圖克

圖等。疊觸相爭。固可置之不理。惟丁。阿足王卡一帶地方。為前藏通衢。未可令其阻梗。孟保等派員前往開導。僅止會同糧員。恐不足以資彈壓。著實與即委幹員馳往。會同妥協辦理。將此諭令知之。○又諭。天津海口緊要。經該督調撥官兵駐紮防堵。尚屬周密。惟轉瞬即交冬令。氣候嚴寒。該夷是否北馳。未可豫定。如屆期酌撤兵弁。則恐夷情詭詐。萬一北來。一時調撥。緩不濟急。如概行留駐。又

恐該兵丁等冒雪衝寒。巡邏防守。自必倍形勞苦。宜如何妥為安置。著該督察看情形。豫籌妥議具奏。將此諭令知之。○又諭。余步雲奏寧波失守。退保上虞。收集散兵一摺。曹娥江距上虞數十里之遙。為省城門戶。最關緊要。昨據劉韻珂奏。現已飭令鄭祖琛。李廷揚。鹿澤長等。協同堵禦。並令將文慶駐劄聲援。著余步雲趕緊收集散兵。認真防堵。無令逆夷竄入。該提督不必赴省。將此由六百里諭

令知之。○又諭。前因鎮海失守。曾經降旨諭令劉韻珂。飭知余步雲。在浙江省城協力防堵。茲據余步雲馳奏。寧波失守。該提督現已退至上虞等語。曹娥江為緊要門口。該撫前派鄭祖琛帶兵防堵。現已諭令余步雲。速赴曹娥江。協同守禦。至此後浙江辦理防勦情形。該撫一面奏聞。一面即將奏稿咨會揚威將軍奕經等。不可遺漏遲誤。將此由六百里諭令知之。○以怡親王載垣為鑒。儀衛掌衛

事大臣。○以鑲白旗蒙古副都統威燠署正藍旗蒙古副都統。○命陝甘總督恩特亨額撥銀二萬四千二百八十四兩。解赴阿克蘇。備道光二十三年經費。○撥江南上元。東臺。當塗。廬江。東流。五縣漕米六千九百四十五石。濟放江安各幫丁災缺行月等米。○緩徵陝西葭州被雹村莊下忙額賦。○乙丑。

上詣綺春園問

皇太后安。○命陝甘總督恩特亨額撥銀八萬

二千九百九十三兩。解赴烏魯木齊。備道光二十三年經費。○丙寅。揚威將軍奕經陞辭上御勤政殿。訓示方略。○諭內閣。本日據御史史佩瑤奏。請查禁胥役藉差擾累行旅一摺。各州縣額設驛馬。自應隨時稽查足數。遇有差使。方數應用。若如該御史所奏。近來馬不足額。胥役遇有差徭。輒攔截過路車輛。將客商行李拋擲道旁。驅車徑去。藉端婪索。瀆水地方拏船。行戶胥役。表裏為奸。直省皆然。直

隸山西尤甚等語。如果屬實，大干法紀。現在兵差絡繹，更宜禁暴安良，師行不擾，僅胥差擾累種種弊生，尚復成何事體？著直省各督撫嚴飭該管道府，飭屬查明嚴禁，所有各站驛馬務令買補足額，毋令丁胥人等藉差肆擾。至沿途舟車來往，尤當斥堠肅清，嚴拏盜賊。各該督撫即嚴申禁令，督責屬員認真查緝，隨時懲辦，以肅捕務，而清盜源。將此通諭知之。諭軍機大臣等，嘆夷滋擾浙省，指日

宣宗實錄卷三

四

大兵雲集，剋期進剿，糧臺為行軍要需，必應安置妥協，毋誤轉輸。方足以壯軍聲而堅眾志。昨已降旨，令劉韻珂總司局務，並派令前任藩司鄭祖琛、卞士雲暨孫善寶管通羣。管理糧臺事件。惟浙省現在逆夷逼處，自不便於省城設立總局。牛鑑到任，尚需時日。著梁章鉅先行籌畫適中之地，何處建設總局，何處分局，總期調度得宜，源源接濟，不致有意外之虞。方為妥善。鄭祖琛現經劉韻珂派赴

曹娥江防堵。其卞士雲、孫善寶管通羣先後路過江蘇，應如何分布辦理之處，著梁章鉅一面調遣，一面奏聞。並著飛咨揚威將軍奕經等知之。俟牛鑑到後，再行會同妥商籌辦。以昭慎重。而濟軍需。將此由五百里諭知牛鑑、梁章鉅，並諭令劉韻珂知之。

宣宗實錄卷三

四

大清宣宗效天符運立中體正至文聖武智勇仁慈儉勤考敏成皇帝實錄卷之三百五十七



[illegible]

道光二十一年辛丑九月丁卯諭軍機大臣

等寄諭都統哈琅阿等逆夷情形說謊難保不四出滋擾山海關為畿輔重地儻有夷船駛至必應痛勦示懲現在黑龍江官兵駐劄錦州作為後援如屆時有須調撥之處著一面奏聞一面飛咨著英等迅速飭令前往已另降諭旨飭知著英烏凌額祁俊矣將此諭令知之又諭本日已降旨飭知哈琅阿等如山海關有夷船駛至須進兵攻勦即飛調黑龍江官兵應援著耆英等將軍裝等件備

辦妥協。一接哈喇阿等調兵之信。即著烏凌額帶兵兼程前往。毋稍遲誤。將此各諭令知之。○又諭。據劉韻珂奏查探逆夷在寧波聲言欲至天津。懇求在浙通商哄誘愚民。可惡之至。現在揚威將軍業已起程。該撫仍遵前旨。嚴密防堵。安輯民人。以待大兵之至。總兵謝朝恩。遊擊林亮光。縣丞李向陽。知縣葉墮。或係陣亡。或係自盡。雖據該鄉勇來省呈報。仍俟該撫飭查明確。再降諭旨。署定海縣知

縣舒恭受既經內渡即著派令在曹娥江招募鄉勇。隨同鄭祖琛等妥協防堵。其餘文武各員。查無下落者。亦著分別查明具奏。將此由五百里諭令知之。○江南河道總督麟慶奏報秋汛安瀾。命詣

河神廟祀謝並下部議敘出力員弁升敘有差○命丁憂布政使卞士雲馳往浙江會同布政使常恆昌辦理軍需准浙江派員赴湖北江西安徽江蘇招商販米免輸關稅以

備兵民口糧。從巡撫劉韻珂請也。賞廣安門外普濟堂養賑小米三百石。戊辰。參贊大臣文蔚。率巴圖魯侍衛章京等。陛辭。

上御勤政殿。訓示方略。諭軍機大臣等。盛京海口緊要。現在省英籌辦防堵事宜。所有小雪後照例打圍進鮮。著停止一年。並著派委妥員。嚴密查拏偷竊之弊。將此諭令知之。又諭。本日據海齡奏。京口地方緊要。已諭令嚴密防範。因念該處滿洲綠營官兵。是否足敷防堵。著牛鑑。梁章鉅體察情形。如有應行添撥之處。一面奏聞。一面先行調派。毋誤事機。現在浙洋逆夷滋擾。江蘇地面毗連沿海各州縣衛。多有逆夷垂涎之處。著牛鑑。梁章鉅擇要防守。妥密布置。不得以現在夷船尚無蹤跡。稍存大意。其安撫居民。嚴拏土賊各事宜。尤宜妥為料理。以杜驚擾。總須先事豫備。毋致臨事周章。是為至要。將此由五百里諭令知之。○又諭。海齡奏請簡員堵剿浙洋

逆夷一摺。已有旨命奕經為揚威將軍。特依順。文蔚為參贊大臣。調集各省精兵。剋期進剿。吉林黑龍江官兵。現已派往盛京及山海關防堵。至浙洋逆夷滋擾。京口為入江門戶。甚關緊要。著該副都統嚴加防範。毋致疏虞。現已諭令牛鑑。梁章鉅。令其體察情形。酌量調撥矣。將此諭令知之。○己巳。

上御演武廳。閱火器營操。庚午。諭軍機大臣等。據劉韻珂馳奏。籌度浙省現在情形一摺。據稱寧波失守。紹興可虞。曹娥江最為扼要。現委鄭祖琛帶兵駐劄。並令余步雲即赴該處會籌防堵。所辦甚是。現在江寧旗兵八百名。湖州兵二百名。已抵曹娥江。截留之。江西頭二三起兵一千五百名。亦將次到彼。著劉韻珂撥令嚴密防堵。毋稍疏虞。至省垣重地。備禦尤不可稍疏。該撫擬俟江西未起兵。五百名到浙。即行留衛省垣。並擬將壽春兵一千名。一半留省。一半遣赴曹娥江。並令臬司

蔣文慶同省襄辦等語。均著照所議妥辦。又另片奏定海鎮總兵陳述祖在乍浦防守。亦關緊要。仍令暫署湖州協印務。亦著照所議辦理。將此由六百里諭令知之。○又諭。本日據余步雲馳奏。夷蹤現無滋蔓。請添兵防堵一摺。據奏。假寓義民告示。徧處虛傳。逆匪退回寧波。驚疑不出等語。覽奏已悉。所調衢州等處官兵一千二百員名。並募鄉勇等情。均即照議辦理。前已有旨。令該提督駐守曹娥。

江著仍遵前旨。協同鄭祖琛等加意防守。阻截逆船。如有疏虞。惟余步雲是問。現據劉韻珂奏。江寧湖州兵一千名。已抵曹娥江。又擬分撥壽春等處兵協防。足資抵禦。所請調陝省官兵。前因天津亦須防堵。已令胡超帶領精兵二千名協防。至浙省軍營。已調江西安徽湖北河南四川五省精兵。俟揚威將軍奕經到浙。諒已足敷勦辦矣。將此由六百里諭令知之。○以試演抬槍有準。予管火器營大

臣僧格林沁等加級賞賚有差。○給江西德化建昌新建進賢湖口都昌星子彭澤德安瑞昌十縣被水災民一月口糧。○辛未上詣綺春園問

皇太后安。○諭軍機大臣等。本日據都察院奏奉天民人楊泳清以積兇強盜白晝劫殺等詞。赴該衙門具控。已有旨交耆英會同盛京刑部審訊矣。該民人所控新民廳屬土豪設立大綆小綆名目。良民橫被劫殺。上年春間

該盜越境打劫。經海城縣出示令各屯民人互相緝拏等語。土匪肆行劫掠。各屯民人自顧身家。原許拏獲送官究治。若由該管官出示令其互相緝拏。恐啓挾嫌報復。誣良為竊諸弊。且官設捕役。又何所事辦理。殊屬非是。著耆英成剛呈麟飭屬查明。如果屬實。即行飭禁。仍著該地方官設法。將未獲正賊嚴拏歸案審辦。將此諭令知之。尋奏先後拏獲擱緝案內人犯十一名。應訊人犯六名。正在審

辦。楊泳清咨解到案。提訊海城縣知縣強上林所出告示。實係責成鄉總守堡。通知兵役協擊。並無飭令各村莊互相緝拏情事。得旨嚴行查緝。毋留後患。又諭王鼎等奏。勘明壩基。興築引河一摺。據奏引河頭一段。暫留一百數十丈。俟南河將升到豫覆勘。再行搶挑。其挑河築壩等工。已於九月十五日動工興辦。繪圖呈覽。覽奏均悉。現屆霜清水落。正宜趕緊興工。若至冰凌凍結。又恐工程不能堅實。著王鼎等督飭在工員弁。催齊料物。計日程功。總期一律深通。不可任其草率偷減。一面分路催提銀兩。源源接濟。以便逐段進占。迅速合龍。是為至要。另摺奏請將兩淮銀兩易錢解工。由水路分批解汴等情。著即照議咨行兩江總督。剴飭運司妥速辦理。毋誤要需。將此諭令知之。○壬申。諭內閣。足兵所以衛民。各直省設立營伍。遇有徵調。每以老弱遊民充數。平日營伍。本不足額。迨經調撥。

遂致人數愈少。設有緩急。更安望其折衝禦侮耶。著各督撫飭令州縣。於添設民壯之外。招募土兵。勤加訓練。選其精銳。收置營伍。既可保衛地方。兼可豫備徵調。該督撫務當行之。以實。不得虛應故事。冒濫名糧。致滋流弊。將此通諭知之。○又諭著英等奏估修被衝土隄等工一摺。永陵明堂前土隄泊岸。因伏雨連綿。自草倉河至西堡止。下馬牌前地面。均有被水衝成溝坎之處。自應敬謹修理。著欽天監選擇明年三月內開工吉期。知照該將軍等。以便派員興修。至夏圍行宮等處。著毋庸修理。○諭軍機大臣等。給事中駱秉章奏。暎夷向曾攻其近國。譚沽倖敗。誘之登岸。空城居之。破以地雷。盡賊其軍。又該逆兵目。以象皮銅片包護上身。刀刃不能傷。粵省義民。以長槌俯擊其足。應手即倒等語。用兵之妙。當以計勝。奕經等抵浙後。務須相度地勢。察看情形。諸

如此類必當留心妥協計算方能制勝隨時設法慎密為之至長挺擊賊一法亦著飭諭鎮將及弁兵等咸使知悉俾收實效將此諭令知之又諭前因天氣漸屆近寒降旨著訥爾經額酌議體恤防兵茲據該督奏稱弁兵內查有衣袴單薄者酌給棉衣一領其餘量與炭薪以資禦寒等語已著照所議辦理矣其在防黑龍江兵事同一例著著英妥為籌辦俾兵丁等挾纊感恩人思奮勇將此諭

令知之又諭給事中駱秉章奏天津山海關已有重兵禦敵其臨清德州徐州淮安等處為南北通衢儻奸宄窺竊梗塞南糧其患非小等語所奏不為無見著訥爾經額等各於所轄境內察看要隘派兵巡查毋令匪徒滋擾又據奏稱山東青州曹州兩府俱有土匪劫掠候選員外郎林光盛來京在清河縣半壁店被劫一空路上報搶之案不一而足等語著訥爾經額牛鑑梁章鉅托渾布嚴飭

所屬認真緝拏如有似此被劫之案即將匪犯全行弋獲嚴行懲辦不止安行旅靖兇頑於國事必有益處也勉之母忽將此各諭令知之又諭訥爾經額等奏陝西官兵行抵天津會同勘議屯營以資策應一摺據稱大沽海口至天津郡城道路綿長地面遼闊後路之防尤宜嚴密現將陝西頭起官兵一千餘員名於相距大沽海口三十餘里之葛沽地方駐劄防守西可為天津郡城屏障東可

為大沽礮臺接應南可控制滄州鹽山境內各小海口後路聲勢相聯頗為扼要等語著即照所議辦理其陝西後起兵一千名即日亦可行抵天津著訥爾經額會同胡超相度機宜妥為屯駐務須布置周密足資策應使該夷無隙可乘是為至要將此諭令知之又諭訥爾經額奏遵旨斟酌豫備戰守機宜並籌議體恤弁兵各一摺覽奏甚慰總在臨時審度操必勝之權萬一該匪突來務當激

勵將士奮勇攻擊使其無一生還方足以揚國威而破賊膽至冬令以後河水結凍其調防弁兵相距本營較近者著照所議暫行酌撤至弁兵內查有衣袴單薄者酌給棉衣一領以資禦寒其餘在防弁兵俱著量予薪炭其陝西兵二千名當此五寒之時事同一例著訥爾經額會同胡超妥籌辦理至山海關及吉林各兵著會同哈琅阿富僧德等一體妥辦俾該弁兵等人皆挾纊益知感奮至另片奏北塘安設兵丁等語准其俟陝西官兵到齊後在於大沽海口防兵內酌撥督標兵三百名正定鎮兵二百名大名鎮兵一百名前赴北塘安設以壯聲威將此諭令知之○又諭據富僧德奏履勘海岸情形一摺石河口秦王島各口岸必須嚴加守禦該副都統到關後親往履勘所有營盤土壘陷坑戰壕各事宜均已辦理周妥至近海礮臺三座每臺安設鐵礮一尊其餘大小礮位撤安土壘

之上亦著照議妥辦該副都統仍當與哈琅阿等和衷共濟協力防堵不可稍有疏虞將此諭令知之成都副都統什蒙額因病休致調伯都訥副都統福勒洪額為成都副都統○給江蘇上元江寧句容溧水高淳江浦六合常熟昭文新陽十縣被水災民一月口糧○癸酉諭軍機大臣等寄諭盛京將軍耆英直隸總督訥爾經額兩江總督牛鑑江蘇巡撫梁章鉅閩浙總督顏伯燾福建巡撫劉鴻翔兩廣總督祁項署廣東巡撫梁寶常浙江巡撫劉韻珂山東巡撫托渾布前因訥爾經額奏天津等處海口酌籌添駐官兵並建蓋墩臺營房以資經久當降旨令軍機大臣會同該部議准即在直隸各營內抽撥三千二百名外省簡僻營分抽裁二千八百名飭令訥爾經額分布坊墩以資經久因思沿海各省兵額無多逆夷去來無定欲為經久之計必先籌屯兵之方計七省大小口岸險要

處所應行添兵防守與直隸情形相同自應一律籌添著該將軍督撫等將該省險要各海口查明共若干處何處應添兵若干名即於本省各營內或量為裁撥或分年換防逐一詳細查明妥議具奏請旨庶額餉不至增添而客兵亦可省徵調至夷匪沿海滋擾民間防守莫善於團練而拒礮之法惟土堡最為得力前據訥爾經額奏麻袋貯土堆壘九層百步之外試以大礮穿至七層而止將井得以避其飛礮火彈人心安定又賊撲浙江定海時先向土城開放大礮不能損傷士卒是土堡之能禦礮歷有明徵著將軍督撫等諭令沿海居民處處倣此辦理以古人堅壁清野之法變通而為清海之法其村居團聚地勢寬平者四面圍築土堡此外畸零村落亦可相度地形於傍海一面用沙墩土壘自為障蔽惟以土堡禦礮尤須以人力守堡大村團練數百人小村百人或數十人互相聯

絡置墩瞭望鳴鑼相聞一有緊急團練之民齊至而附近防兵亦可聞聲應援由各村推之各縣眾志成城海濱自可安堵著將軍督撫等遵選有守有為素得民心之州縣廣為勸諭飭令築堡自衛一切用項章程聽民間自行捐辦地方官隨時與之講論籌畫嚴禁胥役等干預其事不時訪查俾在官人等咸知自斂無可染指儻該員果能如此實力辦理著有成效據實保奏從優甄敘及此官民共憤之日併力舉行一半年間沿海各省均可有備無患切勿奉行故事視為具文至各海疆省分紳士商民果有捐資助餉修建城堡及雇募義勇造船鑄礮有益軍需者其急公好義即與出力將士無異若仍照捐輸常例議敘不足以示鼓勵著覈實保奏候朕破格施恩此外各省士民如有赴各海疆捐資助餉者亦著一體請獎無阻其嚮善之志凡此團練鄉勇建築土堡行之於民則自衛其

生勸之於官。則化行倍速。如能認真經理。日久不懈。靖夷氛而收實效。朕有厚望焉。將此各諭令知之。○又諭。訥爾經額。屢次奏天津設兵防堵情形。知已布置周匝。足以禦敵。惟北塘一帶。甚為慮念。該處兵力。已不單弱。惟該夷每到一處。先用大礮轟擊。奪據礮臺。再行搶掠。是其故智。濱海人煙稠密。我兵沿岸結營。後路又無接應。豈非束手受敵。廈門等處失事。皆由於此。為此再諭。訥爾經額。妥為

籌畫。或將該處商民。勸令遷移。令其無可肆掠。或團練鄉勇。各自保衛。該夷來時。不見兵丁礮位。疑有設伏。不敢輕進。即令鼓眾直前。而離船稍遠。其氣已餒。彼時我兵誘之深入。待其力盡。分路夾攻。槍礮齊發。使之首尾不能相顧。再以各村接應伏兵。出其不意。痛加攻勦。可無噍類矣。至設兵原以衛民。必使膽壯氣盛。始克制勝。該夷槍礮猛烈。若我兵無所蔽障。志已先沮。則兵不能自衛。何以衛民。

其應如何設法遮護。使之有恃無恐。著該督妥為籌辦。其大小礮位。均著安置得宜。參差不一。或深林密箐。或村落坡陀。以備賊來抄襲。夾攻之用。斷不可平列岸前。一望而盡。該督數月來。與鎮將等講求戰略。必能領會。參變布置咸宜。以慰朕念。將此諭令知之。○又諭。該夷犯順。滋擾沿海。受其荼毒。總由漢奸為之引導。故愈形猖獗。因思奸民之甘為夷用者。一則貪彼重利。一則畏我科條。今若予

以自新。懸以重賞。必有自拔來歸。為我間諜者。以沿海情形而論。現在浙江尤為喫緊。著奕經等。剴切曉諭。立定賞格。如有能殺獲大小夷目。黑白夷鬼。焚燒兵船火藥。即分別從重給賞。以堅其悛悔之心。至各省紳士商民。如有捐資助餉。修建城堡。及雇募義勇。造船鑄礮。有益軍需者。其急公好義。即與出力將士無異。若仍照捐輸常例議敘。不足以示鼓勵。著奕經等。酌量奏請恩施。以昭獎勵。惟該



夷所恃以定海鎮海為巢穴。毫無後顧之慮。我兵恐難得手。如能多備商漁各船。裝載礮械柴葦。與舟師暗伏港汊。一聞岸上交戰。各路齊出。繞其船後。開礮縱火。彼必一面在岸迎敵。一面回顧彼船。其勢既分。其心必亂。我兵乘機進剿。定可大挫其鋒。此等船具。用之於洋面攻剿。則不足。用之於海口牽制。則有餘。用之於白晝。則彼易防。用之於夜攻。則彼必擾。著奕經等廣募水勇。駕駛商漁船隻。乘機焚擊。使夷眾驚懼。首尾不能相顧。如此水陸交攻。痛加剿戮。該夷必紛紛逃竄。不戰自潰。此亦制夷之勝策也。將此諭令知之。○又諭。據劉韻珂奏。浙江團練義勇沙民防守省城。日待大兵之至。該將軍等起程後。自必迅速前進。以圖保護。惟是逆夷蹤跡無定。海洋處處可通。即如江蘇海口。其為夷船可到者。不止一處。該將軍等於入江蘇境後。一路探聽夷船蹤跡。如已擾及江蘇海口。即當先其

所急。至省城。因為緊要。但該將軍等專駐省城。恐又蹈廣東故轍。其應於何處駐剿。或分或合。屆時相度形勢。妥為布置。以資策應。劉韻珂摺著鈔給閱看。將此諭令知之。○又諭。據劉韻珂奏。省垣及海寧州守禦情形。一摺。浙江省城東南兩面。環繞錢塘大江。直達海寧州境。以該州尖山一口。為江海交匯之處。尖山近連乍浦。遠接定海等洋。逆船可由乍浦而至。亦可由定海等洋遵海而來。防守不容稍忽。該撫因省城兵力稍單。節經勸諭紳士。團集義民沙民二萬餘人。分插城內城外。駐剿巡守。並於軍需項下提銀三萬兩。分別給賞。以資鼓舞。海寧州除駐設兵丁七百六十餘名外。亦經雇募鄉勇一千餘名。團練義民一千四百餘名。分駐巡邏。厚給雇資。並酌給安家銀兩。所辦均屬周妥。仍著督飭文武員弁。董率該兵丁義勇沙民等。嚴密防堵。時加激勵。以期眾志成城。一俟大兵雲集。即可

相度機宜。剋期進剿。以申天討。而靖夷氛。將此由六百里諭令知之。○浙江巡撫劉韻珂奏遵旨令寧波軍需局給陣亡總兵葛雲飛。鄭國鴻王錫朋銀三千兩。以資喪費。並查明陣亡兵弁家屬。從厚撫卹。得旨覽奏。不勝憫惻。繼之以憤懣髮指。俱依議行。○以巡查邊界訪獲賊犯。予伊犁領隊大臣花沙布優敘。○甲戌諭軍機大臣等。前經降旨派怡良為欽差大臣。馳驛前往福建。會同該督撫等辦理軍務。怡良接奉諭旨。諒已迅速起程。計此時將抵福建。所有廈門失事。顏伯燾既督同文武各員。在彼守禦。何以夷船突至。即潰敗不支。究竟夷船共來若干隻。廈門防兵共有若干。其接仗情形何若。該處居民被夷騷擾。是否盡行遷避。該夷既據廈門。何以又舍而赴浙。現在廈門鼓浪嶼一帶。尚有夷船若干隻。並各島嶼有無夷船占據。顏伯燾招募水勇。現已招致若干名。能否得力。如何布置。是

否隨時操練。足資攻剿。著怡良一併詳細查明。據實密奏。將此由四百里諭令知之。○又諭劉韻珂奏籌議設立糧臺處所。並趕鑄礮位一摺。覽奏均悉。礮火為攻賊要需。斷不可少。著該撫即就現在浙省所存鐵斤。趕緊飭令匠役添堵鑪座。剋期鑄鑄。總須適用。毋稍遲延。應於何處鄰省咨取鐵斤之處。一面酌辦。一面奏聞。其烏槍擡槍擡礮等件。均著趕緊製造。至糧臺必須建設適中之地。而錢糧分貯。尤當籌畫妥善。不致有意外之虞。該撫已將藩運各庫額貯銀兩分運嘉興湖州衢州嚴州四府。並咨明江蘇督撫。將奏撥軍需銀兩一半解存蘇州藩庫。一半仍存兩淮運庫。均屬妥協。俟揚威將軍等到時。即著會同商酌。糧臺總局分局。究以何處建設為便。奏明辦理。據奏壽春鎮官兵業已陸續到省。即著派同本省兵弁分處防堵。該兵丁等所帶多係弓箭藤牌等物。不能適用。已降旨飭令

奕經等途中籌議應於附近何處調取軍械。即著迅速趕辦。毋誤要需。該撫仍遵前旨督率兵弁及義勇沙民協力防堵要緊口隘。一俟大兵雲集。再行進剿。又另片奏揀發廣東知府郭恆辰留於浙江差遣。已明降諭旨准行。其所請將伊里布改發浙江效力贖罪之處著不准行。將此由五百里諭令知之。○又諭據劉韻珂奏籌設糧臺並趕鑄礮位以資攻剿等語。現在剿夷要務火器為先。所需礮

位前已有旨令江蘇浙江江西鑄造分撥。本日又降旨令劉韻珂趕緊鑄造礮位及擡礮臺槍應用。惟據查壽春鎮兵丁止有弓箭藤牌。現不適用火器長矛甚少。著奕經等酌量在沿途地方調取以資應用。至糧臺視大營為進止。俟該將軍行抵江蘇仍遵前旨酌量分設。劉韻珂摺著鈔給閱看。將此由五百里諭令知之。○湖廣總督裕泰覆奏請嗣後產硝各崗責令該州縣嚴行封禁。俟奉文購買

方准開採。其開採期內小民埽積散碎硝斤官為收買解省。無庸在該處設局。仍飭各關卡嚴查偷漏。得旨認真嚴辦。此時若仍視為泛常自問忍乎安乎。○以故鄂爾多斯扎薩克貝子端多布色楞子精密特多布扎勒襲爵。○賞荊州左翼副都統鍾靈花翎。○旌表守正捐軀廣東翁源縣民彭有聲妾謝氏。○乙亥諭軍機大臣等本日據都察院奏安徽監生劉梅遣抱告劉升以官衿串謀勒派濫

押威逼斃命等詞。赴該衙門具控。已明降諭旨令慧成馳驛前往查辦矣。案關劣衿串通地方官勒派濫押並有家丁勒索規禮威逼人命情事。且據控聲稱知府與巡撫姻親等語。虛實均應徹底根究。以成信讞。不可稍有含混。著慧成迅即酌帶司員馳驛前赴安徽提同人證。秉公嚴審。務期水落石出。究出確情。按律懲辦。事竣後仍折回工次。毋庸來京覆命。該抱告呈詞著鈔給閱看。將此諭令知

之○又諭寄諭揚威將軍奕經等。據梁章鉅等奏續調官兵。分布水陸各口防禦一摺。江蘇寶山上海兩處。為江南全省門戶。必應分駐重兵。而上海縣商賈雲集。尤為逆夷垂涎之地。其餘各廳縣洋面。亦俱毗連浙省。該撫等現已添調徐州等營兵一千七百名。分別防堵。著該將軍等行抵江蘇時。與牛鑑。梁章鉅。陳化成。熟籌妥議。應如何擇要防堵。添兵守禦之處。體察情形。會商辦理。如浙江所調

之兵。有可留備江蘇應用者。亦即隨時截留分撥。該將軍等務當因地制宜。先其所急。毋令逆夷竄入。是為至要。梁章鉅等及余步雲原摺。均著鈔給閱看。將此由五百里諭令知之。○又諭梁章鉅等奏續調官兵防禦。並遵旨趕鑄礮位各一摺。江蘇寶蘇局銅鐵。現已用盡。經梁章鉅委員赴湖北採購精鐵。並將廢礮改鑄數百斤至二三千斤礮位。以備調撥。著即趕緊鑄造。隨時演試。如有調撥。即行

飛速解往應用。毋稍遲誤。至上海等處各海口。應如何添調兵丁。分駐防堵之處。已諭知揚威將軍奕經等。路過江蘇時。會同體察情形。酌量調撥。總期有備無患。足資防剿。是為至要。將此由五百里諭令知之。○又諭余步雲奏保護上虞曹娥江。現在無事情形等語。該處防兵既少。自當設為疑兵。毋使夷匪知我虛實。夷船近日既未出擾。江西兵已到一千名。分撥餘姚上虞防守。該提督仍遵前旨。加意防堵。往來策應。毋稍疏虞。一俟揚威將軍奕經等到浙。聽候調遣。將此由五百里諭令知之。○故參贊大臣戶部尚書隆文靈柩到京。命惠親王綿愉前往奠醊。○旌表守正捐軀山東萊陽縣民喬位兒妻于氏。○丙子。上御閱武樓。閱健銳營操。○兩江總督牛鑑奏。馳往江蘇。籌畫各海口防勦事宜。得旨。一切勉力為之。以副委任之意。○以試演擡槍有準。予健銳營翼長霍隆武等加級。○丁丑。

上詣綺春園問

皇太后安。諭內閣裕泰奏請將被控知州解任提審一摺。湖南郴州直隸州知州王景章被該州士民等呈控該員於蒞任後拆毀神廟虐政繁興。甚至有加徵賦餉。科派軍需。及動用非刑情事。列款既多。控情尤重。必應嚴切根究。以成信讞。王景章著先行解任。交裕泰提集案證。按照所控各情。秉公逐一研鞫。定擬具奏。不得因該員保奏在先。稍存回護。

致有不實不盡。又諭前因廣東副將陳連陞父子陣亡有旨令祁墳察看該故員等子嗣才具。奏聞候旨。茲據奏稱該故員等子嗣陳起鵬陳受桂等現在湖北原籍並未來粵。無憑察看等語。著湖廣總督裕泰就近傳喚察看才具。奏明候朕施恩。該副將父子同時盡節。忠孝兼全。勇烈尤著。著准其一體在陣亡處所建立專祠。以慰忠魂。諭軍機大臣等寄諭揚威將軍奕經等。劉韻珂奏查明鎮

海失守情形及各文員下落。並逆夷闖入餘姚縣城。旋即退出等情。各一摺。該夷肆行無忌。於占據寧波府城後。復敢闖入餘姚縣城。砍破縣監。放走監犯。衙署縣庫均被拆毀。退出後。又至奉化縣境內。量水窺探。以致居民紛紛竄避。慈谿縣監犯乘間逸出。現經該撫派撥兵勇扼要守禦。該將軍等抵浙後。務即相度機宜。痛加勦辦。至所查文員內定海縣岑港巡檢趙廷詔一員。何以上年定海失守

時該員既未被害。亦未逃避。此次又復仍在本任。安然無恙。著該將軍等查明實在情形具奏。又另片奏余步雲於鎮海失守時退回寧波情節。查與裕謙家丁原稟不符。並據謝朝恩之子候補縣丞謝榮光稟稱該員先奉鹿澤長委令帶鄉勇在金雞山後小浹港防堵。旋奉江南候補知府黃冕將鄉勇撤退。令同官兵在沙蟹嶺防堵。迨至接仗時。夷匪由小浹港上岸。以致勢不能支等語。小浹港地

方既經鹿澤長飭委謝榮光率勇防堵何以黃冕忽令撤退著詳細查明毋稍含混黃冕現已回蘇並著該將軍等於路過江蘇時即將該員傳訊確情據實具奏將此由六百里諭令知之○予在浙殉節兩江總督裕謙祭葬世職如尚書例諡靖節○貸福建龍溪南靖二縣修復隄岸銀○戊寅

孝慈高皇后忌辰遣官祭

福陵○

上詣

大高殿行禮○還宮○諭內閣江南狼山鎮總兵謝朝恩臨陣捐軀屍骸未獲浙江鎮海縣縣丞李向陽自縊殉節殊堪憫惻著加恩交部賜卹以慰忠魂○諭軍機大臣等據劉韻珂奏查明鎮海失守情形並各文員下落又逆夷闖入餘姚併至奉化境內窺探暨慈谿監犯因變逸出各等情覽奏均悉遊擊林亮光既據查明為營員中得力之人並其餘被

救得生各員均著留營驅策至該逆滋擾餘姚等三縣皆在曹娥江之外該撫已分撥兵勇八百名前往餘姚扼要處所守禦計日揚威將軍奕經到浙各省徵調兵丁亦陸續可到該撫仍先加意防範毋誤事機其另片奏余步雲實與裕謙同時退回並謝朝恩之子謝榮光稟稱各情節已降旨交奕經等查辦又另摺奏請將各兵分撥萬松嶺等處即著照所議辦理將此由六百里諭令知之○實

授托明阿四川松潘鎮總兵官○以甘肅西安協副將順保為江南狼山鎮總兵官○以故湖南石門縣丞平所細沙隘土把總伍萬岐弟萬爵襲職○旌表守正捐軀陝西興平縣民范文欣妻王氏甘肅靖遠縣民張添祥妻王氏直隸南樂縣民郭楨妻張氏○除直隸滄州荒廢官地三頃七十六畝有奇租額○給奉天遼陽牛莊廣寧蓋州岫巖鳳凰城等處被水旗人站丁及承德蓋平新民廣寧

遼陽海城岫巖七廳州縣民戶一月口糧緩徵承德縣歉收民地額賦○以孟冬時享太廟自是日始齋戒三日○己卯諭軍機大臣等據倉場侍郎德春等奏豫籌積貯以裕支放一摺漕糧為天庾正供必應先事豫籌著朱樹分咨有漕省分各督撫將道光二十二年漕糧除蠲緩外實在起運約計若干萬石確切查明咨覆由該漕督彙齊趕緊先期具奏毋任玩延貽誤將此諭令知之○命翰林院侍讀學士李萬提督安徽學政○旌表守正捐軀浙江平陽縣民陳大新妻胡氏○戶部議准前任廣西巡撫梁章鉅疏報天保縣開墾水田二十五埤有奇照例升科從之○准大通橋車戶分限勻扣應賠欠銀○庚辰孝敬憲皇后忌辰遣官祭泰陵

大清宣宗效天符運立中體正至文聖武智勇仁慈儉勤孝敏成皇帝實錄卷之三百五十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十九

聖祖純皇帝親臨日壇禮祭上帝于太極壇仁廟會士文廟開廟廟事聖祖皇帝親臨日壇禮祭上帝于太極壇

長府尹尹等恭進等加五載紀錄十八次自官補應官應進諸官吏部尚書張蔭桓等加五載紀錄十八次自官補應官應進諸官吏部尚書張蔭桓等

六倉大臣等恭進等加一歲等加五載紀錄十八次自官補應官應進諸官吏部尚書張蔭桓等加五載紀錄十八次自官補應官應進諸官吏部尚書張蔭桓等

四庫全書總纂修官等恭進等加五載紀錄十八次自官補應官應進諸官吏部尚書張蔭桓等加五載紀錄十八次自官補應官應進諸官吏部尚書張蔭桓等

聖祖純皇帝親臨日壇禮祭上帝于太極壇仁廟會士文廟開廟廟事聖祖皇帝親臨日壇禮祭上帝于太極壇

敬修

道光二十一年辛丑冬十月辛巳朔享

聖祖純皇帝

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵遣官祭

孝穆皇后

孝慎皇后

孝全皇后陵寢遣官祭

端慧皇太子園寢頒道光二十二年時憲  
書試中式武舉張育英等七十二人於太

宣宗實錄卷五十九

和殿前諭內閣桂輪奏訊明礦匪挾嫌放

火情形一摺熱河平泉州屬回子地方被

礦匪挾嫌放火延燒該州知州英寶已非尋

常疏防可比乃失事將及兩月犯未緝獲實

屬漫不經心捕盜千總趙文德把總楊鳳林

緝匪是其專責迄今犯無一獲實屬因循疏

懈建昌縣知縣仲淳既經訊明轉山子係所

屬地方礦匪聚散又在所屬猶復互相推諉

顯係有心卸責捕盜千總王璞奉委緝犯並



無弋獲均難辭咎英寶趙文德楊鳳林仲淳王璞著一併摘去頂帶英寶仍先行解任留於該州協緝均勒限三箇月嚴拏礦匪務獲究辦僅限滿無獲即行分別嚴叅八溝營參將豐生額建昌營都司烏勒西春均不上緊協緝亦著交部照例分別議處此案礦匪滋擾前據阿勒清阿叅有意圖消弭情事該地方文武官既經疏防又復觀望究竟有無諱飾等情仍著桂輪確切查訊據實叅奏餘均

實錄卷五十九

著照所議辦理諭軍機大臣等前據裕謙奏香港尚有夷兵房屋降旨令奕山等覆奏茲據奏稱原報掃蕩一空係指葵寮木棚而言該逆嗣又搭造房屋貯貨藏身並圖招商走私原奏實無捏飾等語覽奏已悉其關天培陣亡情形卷查參將李賢原稟並各處密為訪查關天培係激於忠義毅然誓死並非兵心叛貳以致自盡惟當逆夷攻陷礮臺之時兵丁散失致令主將陣亡甚為可惡著奕

山等將首先散走之兵丁確查嚴訊從重懲辦又另片奏香港地方逆夷藉以挾制並不久居現在填塞省河並不阻撓業已趕緊興工建臺鑄礮等語浙江命將出師一經勦辦難保不竄回廣東復圖滋擾現據奏稱該逆以貨船改造兵船其心叵測該省礮臺礮位必須及早建鑄方可有備無患若此時稍存玩愒臨事再有疏虞惟該將軍等是問該省各鄉團練義勇紳士捐辦礮位果能眾志成

實錄卷五十九

城何患不擒渠殲醜至招回漢奸固當防其內應若示以恩信不特散其黨與即可藉以殺賊著該將軍等明定賞格剴切曉諭有能焚燒夷船擒斬夷目即行據實具奏候朕破格施恩至香港地面如有可乘之機仍著相機收復為要將此由五百里諭令知之○又諭本日據奕經奏山西陝西擡礮擡槍最稱利用請每省酌調二百桿每桿酌派兵丁二三人委員管帶赴浙應用等語著楊國楨於

山西省挑選礮臺槍二百桿委員迅速解  
浙毋誤要需至陝西省前已調兵二千名所  
帶器械諒已不少著富呢揚阿察看陝西現  
存礮臺槍如足數調用即著由陝西委員  
徑解浙江軍營程途較可捷速儘不敷撥解  
即著恩特亨額於甘肅省所存礮臺槍一  
併挑選務足二百桿之數迅速解浙應用將  
此由六百里各諭令知之 又諭本日據奕  
經奏山東濟南城守營參將托金泰在登州  
創造三輪車礮靈便可用現在浙江應需如  
式製造著托渾布飭令該參將帶領熟習工  
匠迅速馳赴浙江軍營聽候差委毋稍遲誤  
將此由六百里諭令知之尋奏托金泰現在  
登州防堵遵飭回省酌帶弁兵工匠赴浙差  
委報聞 又諭現在浙江勦辦逆夷需用長  
矛必應寬為籌備河南素產白蠟長矛著鄂  
順安選取數百桿派委委員迅速解赴浙江  
軍營應用毋稍遲誤將此由六百里諭令知

之 又諭祁墳等馳奏遵查越南國人阮得  
烘在粵守候追欠曾於梟司衙門呈稱喫夷  
招徠專恃船堅礮利該國所造之船頗為堅  
厚如中國給該國王文書即可代造揆其情  
詞不過冀懇追欠現在欠項全清已經飭令  
回國至該國之船礮果否堅利尚須查探等  
語廣東距越南較遠一時難得確據自係實  
在情形著祁墳梁寶常確加查訪該國船礮  
火器是否精於喫逆所有該國王有無至誠  
效順之意逐一設法探詢確實即行奏聞事  
關外夷諸宜慎密將此由五百里諭令知之  
又諭訥爾經額奏籌議海口情形一摺據  
奏北塘南北兩岸業已因地設險居民可無  
遷避後路亦有接應官兵皆有障蔽並經胡  
超帶同陳金綬前往察看知石生玉防守嚴  
密等情布置尚為周妥朕心甚慰現屆北風  
司令逆船未必即來一切防守事宜正須先  
時籌辦免致臨事周章仍著訥爾經額相度

形勢慎密防堵如有夷船駛進口岸即照所畫機宜痛加勦洗務有以制其死命僅該夷竟敢紛紛登岸又將作何準備仍當先事豫籌不可稍存大意是為至要將此諭令知之○又諭盛京直隸各海口前經該將軍總督妥為布置想已周密惟思夷乘船近岸滋擾船之大小不一總視水之深淺以為進退即如鎮海寧波等處該夷皆先用火輪船測量水勢是該逆何項船隻能到海岸可以測

水而知盛京直隸山海關各處所轄海口甚多水之深淺不一該夷兵船最大其次如三板火輪等船何項喫水若干諒該將軍總督早已諮訪得實著即派委明幹妥員各就海口近岸水勢詳細測量何處深淺何項船隻可以攏岸何項船隻能離岸若干遠近不能直逼口岸其海潮增長之時水勢深淺均著一併查明繪圖貼說據實具奏又各海口情形不一或灘或沙或洲或島或居民屋宇

或曠遠地面何處最為險要應如何設法勦禦之處亦著詳細查明附奏將此各諭令知之○壬午諭內閣麟魁等奏查明

天壇各壇內剽朽樹株請旨飭辦著派阿靈阿會同王明綿性培成載增前往敬謹察看辦理○又諭御史雙壽等奏因案盤獲在逃太監一摺太監張國興著交內務府審辦又另片奏太監逃走地方官應嚴為緝拏等語著直隸總督轉飭所屬州縣嗣後如有太監逃

回本籍立即嚴密查拏並責成地保戶長隨時呈報違者治以隱匿之罪如該州縣不能實力奉行即著該督叅處○又諭德興奏酌擬抽裁兵丁一摺馬蘭鎮屬遵化薊州二營兵丁係專操營汛著即按成抽裁其餘左右兩營曹家路牆子路黃花山五營路所設兵丁均有專司守護之責著毋庸抽裁所有奉寧鎮屬專司守護之兵丁亦著毋庸抽裁至應行添駐官兵仍著訥爾經額酌量地方情

形均勻裁撥以足額數○諭軍機大臣等。訥爾經額覆奏籌議防堵一摺。據奏現已諭令沿海居民添築土堡。以為自固藩籬之計。並令各州縣親身勸導。嚴禁胥吏干預其事等語。著該督即廣為曉諭。以百姓之力。護百姓之身家。勸導有方。眾擎易舉。其有捐資助餉。修建城堡。及雇募義勇。造船鑄礮者。亦即覈實保奏。候朕破格施恩。惟州縣賢否不一。務當稽查。勿令藉端勒派。騷擾地方。僅查有州縣科派病民。即著嚴叅示儆。其有覈實辦公。民情愛戴。日久著有成效者。自當據實保奏。以示鼓勵。另片奏屯駐兵丁策應等語。現在陝西後起官兵。行抵天津。著即照議屯駐。葛沽地方。該處既屬扼要之區。可為各路應援。著訥爾經額即會同胡超。妥為安插。務令聲勢聯絡。有備無患。將此諭令知之。○又諭。前因給事中駱秉章奏。臨清德州及淮安徐州等處。為南北通衢。恐有奸宄窺竊。梗塞南糧。

當經降旨。著該督撫等。察看要隘。派兵巡查矣。江南瓜洲河口。為南五省漕糧總匯。扼要之區。所關非細。如果下游海口防堵嚴密。俾各省漕船照常穩渡。庶京倉無匱乏之虞。著牛鑑通盤籌畫。先事豫防。所有通海之狼山鎮。崇明等處。及運道必經之瓜洲等口。務使處處有備。毋致臨時稍有阻滯。是為至要。將此諭令知之。○江南河道總督麟慶覆奏。遵查黃河大溜。直奔河南省垣西北城角。分流為二。匪向東南下注。至距省十餘里之蘇村口。又分南北兩股。其北股溜止三分。南股溜有七分。計經行之處。河南安徽兩省共五府二十三州縣。被災輕重不等。現在勘估挑河。若歲內興工。即可以工代賑。得旨。江南興工於附近窮民。自有裨益。若遠方遷徙之民。紛紛覓食。人數眾多。不能徧及。難保無流離之苦。著河南安徽各巡撫。妥籌善策。多方安撫。俾災黎無憂失。所以副朕軫念民依至意。

添購直隸永定河備防稽料仍增歲料運腳銀從總督訥爾經額請也○癸未

上御紫光閣閱中式武舉馬步射○壽安固倫公主下嫁奈曼頭等台吉德木楚克扎布○諭軍機大臣等本日據奕經奏沿途籌畫防勦事宜一摺據奏江蘇一路張貼告示定立賞格解散漢奸並與特依順文蔚籌議分合因地制宜正奇間用遠近交攻等語所論均合機宜其江蘇海口緊要設有警報即將現

調赴浙之河南湖北四川官兵沿江截留亦著照所議辦理至籌備漁船小艇柴草硝磺火箭噴筒等物著牛鑑梁章鉅先期豫備以濟急需務須適用毋得遲誤是為至要將此由五百里各諭令知之○又諭本日據梁章鉅奏上海防堵情形一摺江浙地面毗連現經該撫續調官兵添設礮位川沙等各廳州縣均已團練鄉勇雇募漁船上海扼要處所練有精壯義勇並快船海燕子船沙船多隻

排列堵禦豫備鑿沈攔阻現在商民安堵等語所辦尚屬周妥均著依議辦理其查驗商船陸續放行一節果係清白商船自應放令進口以安商旅而免脅從惟逆夷占據寧波府城難保不令漢奸四出窺伺該撫將商船照舊放行並募雇各項船隻務須查驗明確加意慎防斷不可稍存大意致有漢奸乘機滲入是為至要又另摺奏設立糧臺事宜准其於蘇州省城設立總局嘉興府城設立分局以資接應卞士雲前已有旨令赴浙江幫同藩司常恆昌辦理事件毋庸截留在蘇該處經管需人著俟孫善寶管遘羣二人到蘇酌留一人俾司總局奕經等到蘇後先將江蘇防堵及安設糧臺之處與牛鑑梁章鉅公同商酌悉心籌畫以期盡善將此由四百里諭知奕經特依順文蔚牛鑑梁章鉅並諭令劉韻珂知之○撥河南司庫銀十萬兩採辦碎石從河道總督朱襄請也 甲申

上御箭亭閱中式武舉技勇○御乾清宮引見中式武舉親定甲乙○諭軍機大臣等本日劉韻珂奏請添派兵丁防剿一摺已由六百里諭令恩特亨額富呢揚阿迅速派撥精兵二千名赴浙調遣矣又另片奏逆夷船隻分泊各處在郡操演陸戰等語該夷心懷叵測不可不防且既有直犯省垣及赴上海之說著劉韻珂分飭文武各員加意防堵毋令竄入該夷雖操演陸戰誠恐詭計聲東擊西各海口緊要仍不可不加意防守奕經等計日到蘇務當相機籌畫使江浙兩省聲息相通互為應援所調各省兵丁陸續到齊足資防剿該夷每到一處慣用大礮轟擊火藥庫局著奕經等分飭兵弁先將火藥分貯僻靜處所小心防護勿令聚於一處是為至要又另片奏提督陳階平現在曹江軍營防堵著劉韻珂諭令奮勉效力俟揚威將軍等到後聽候調遣劉韻珂摺著鈔給奕經特依順文蔚

閱看將此由五百里各諭令知之○又諭據劉韻珂奏現在逆夷猖獗各處海口亟須添兵防堵著恩特亨額富呢揚阿於甘肅陝西二省各挑精兵一千名飭令曾經出師之明幹鎮將管帶迅速前赴浙江交奕經等調遣毋許沿途滋擾將此由六百里各諭令知之○又諭逆夷侵犯海疆每到一處必先將內地所貯火藥開放槍礮焚燒得以乘機肆擾不可不豫為之防著耆英等相度情形務將應用火藥分貯數處派委委員設法密為防範使逆夷無所施其狡詐伎倆不可稍有疏虞是為至要將此各諭令知之○禮部議准前署江蘇巡撫程蔭柔疏報採訪武進縣貞節婦女周氏等一百九十五口山東巡撫托渾布疏報平度夏津博興三縣姜李氏等一千七百四十一口各請建總坊旌表從之○乙酉上御太和殿傳臚賜殿試武舉一甲德麟王振

隆劉宗漢三人武進士及第二甲張鳳春等十三人武進士出身三甲吳德水等五十五人同武進士出身○幸圓明園○詣綺春園問

皇太后安○諭內閣本月初十日

皇太后萬壽慶辰所有王公一二品文武大臣及內廷行走大臣著在綺春園二宮門外行禮三品以下各員著在長信門外行禮俱著鴻臚寺堂司官贊禮○命陝甘總督恩特亨

額撥銀六十八萬兩解赴伊犁備道光二十三年經費○丙戌

上詣

安佑宮行禮○諭軍機大臣等著恩特亨額富呢揚阿即於甘肅陝西兩省各營內挑選精兵二千名各帶精良器械派曾經出師之鎮將管帶於來年正月由陝西省城起程前赴天津聽候調遣所調兵丁著該督撫於陝甘兩省內統計酌調毋庸拘定每省一千之數

總期遠選精銳其所帶軍器內火器一項尤為緊要務須揀擇工料精堅運用便利者發交該兵丁等備用至昨有旨調赴浙江兵丁如未起程所帶器械亦著一併挑選精利以期得力將此由四百里各諭令知之○又諭本日據耆英奏酌給防兵棉衣炭薪以資禦寒一摺黑龍江官兵一千名人數眾多若官為製辦棉衣量給炭薪恐未周妥著每兵賞銀二兩令其自備禦寒之具以示體恤將此

諭令知之○丁亥諭軍機大臣等王鼎等奏那展壩基河頭及跟挑引河工段情形一摺現在河溜既有北移之象自應那展壩基以為進占得力地步所有加幫東西兩壩基並挑挖埽地及跟接挑挖引河工段業已多集人夫鳩工興辦仍著王鼎等督飭在工員弁實力催趲計日程功毋稍遲延所有部撥銀兩已降旨飭令各督撫迅速解交工次以濟要需將此諭令知之○又諭本日據奕經奏

接奉諭旨並劉韻珂摺底一摺覽奏均悉奕經此時已入江南境界其應如何分兵防守及豫備攻剿之處諒與牛鑑等會商妥辦昨據劉韻珂奏浙省兵力單弱已降旨飭令恩特亨額富呢揚阿挑選陝甘精兵二千名剋期赴浙交奕經等調遣以壯軍威參將唐儼現在廣東軍營千總曹正喜張映川羅文聰或帶兵前赴天津或在塔爾巴哈台換防均不能赴浙其遊擊謝天貴等各員弁已各帶

精壯親信勁兵十餘名馳赴浙江俟其到時自當分別差遣以資得力前因裕謙請覓徐鳳穎等處義勇旋經劉韻珂奏稱該三府習俗獷悍其願來者無非不安本分之無賴遊民為益甚微為害甚大當即降旨飭令麟慶程楫采停止該將軍等到蘇後悉心籌畫如必須該處義勇著一面奏聞一面飛咨麟慶程楫采迅速招募飭赴軍營聽候調遣至鎮海縣童生陳在鎬現經該將軍飭令押赴江

浙一帶暫事羈縻設法究詰著即多方盤問務得該夷確情毋任狡飾儻有可乘機使用或斷難得力之處著隨時酌量辦理將此由五百里諭令知之○貸河南駐防被水官兵三月口糧○戊子諭軍機大臣等訥爾經額奏準備逆夷登岸情形一摺又另片奏水陸兼防以操全勝及測量海口水勢各等語覽奏均悉現在大沽北塘兩路安置兵礮聲勢聯絡層層設伏該夷進則無所障蔽必致全

傷於礮退則急切不能回船必致慌亂我兵擡礮鳥槍趁勢攻剿均足制其死命此時天寒冰結夷船未必遽來明春南風司令河冰解釋該督務當先事籌畫無一時不留心體察無一處不加意防維總使該夷不能近岸我之槍礮已能及彼即令偶被竄入我兵前後左右處處伏兵齊發該夷方不能首尾相顧諒該督必能仰體朕意相機勦辦以副委任其各海口水勢深淺現已派員詳查著仍



遵前旨繪圖貼說確覈具奏至陝西兵丁二千名所帶器械如不適用著訥爾經額會同胡超查明趕緊添造發給以資得力將此諭令知之尋奏陝西兵丁所帶器械均堪適用惟白蠟桿無多現已另撥五百根並挑選小礮火藥一併解往備用得旨嘉獎○又諭據奕山等奏廣東水師未便遽改陸路一摺又另片奏招回漢奸嚴防水路各等語楊芳前奏請將水師改為陸路諒以其時虎門失守

中路水師不能得力之故茲據奕山等體察情形虎門扼中路之衝實為外海藩籬必藉舟師之力以資捍衛若改為陸路不但自棄天險而香山新安等縣聲勢不能聯絡賊艘益無顧忌所有楊芳前奏著毋庸議統俟籌辦善後事宜如有應行變通之處再由該將軍等酌議具奏至逆夷招集漢奸為勾引煽惑之計既經該將軍等購覓眼線先後招回一千餘名並有呈繳船隻礮位情願立功贖

罪者可見食毛踐土具有天良該將軍等務當恪遵前旨明定賞格示以恩信散其黨與不但可以自固藩籬相機仍可得力現在沙角橫檔各口既仍有夷船駛入尤宜激勵兵勇水陸嚴防如有可乘之機即當加以懲創方為不負委任將此由五百里諭令知之○命御前大臣僧格林沁工部尚書賽尚阿正白旗護軍統領巴清德馳赴天津查閱海口以睿親王仁壽乾清門侍衛扎勒罕奏署

火器營事調署正黃旗滿洲都統博多歡署鑲白旗滿洲都統以鑲藍旗蒙古都統載垣署正黃旗滿洲都統兵部尚書裕誠署鑲藍旗漢軍都統已丑

上詣綺春園問

皇太后安○命江寧將軍布勒亨來京以前任青州副都統德珠布為江寧將軍○以喀爾喀親王車登巴咱爾署正白旗領侍衛內大臣兵部左侍郎倭什訥署正白旗護軍統領

○緩徵直隸武清寶坻大城雄安河間天津青靜海滄南皮雞澤大名南樂阜城井陘新河十七州縣被水被雹村莊新舊正雜額賦

○庚寅

皇太后聖壽節遣官祭

太廟後殿

奉先殿

上率皇子及王公大臣文武官員詣綺春園行

慶賀禮侍

皇太后膳○諭軍機大臣等本日據劉韻珂馳奏軍需總局請在浙省設立一摺前經梁章鉅奏於蘇州設立總局當經降旨准行仍令奕經等於到蘇後與牛鑑梁章鉅商酌籌畫茲據劉韻珂請於蘇州杭州各設總局一處紹興另設分局上虞餘姚等縣即由杭紹兩局派員往彼分設糧臺支應局歷次奉撥軍需銀兩均在蘇局存貯兵糧礮械分頭採製蘇省辦理兵差不得支銷浙省軍需蘇局備

辦米糧器物由蘇運杭不必存貯嘉興等語著奕經等於到蘇州後會同牛鑑梁章鉅悉心酌議固須支用便捷尤須籌畫妥善不致有意外之虞為要卞士雲前有旨令赴浙江毋庸截留在蘇蘇省總局即於孫善寶管通羣二人中酌留一人著牛鑑等仍遵前旨辦理本日又據特依順奏請調密雲寧夏等處官兵礮械等語密雲拱衛京師不宜調遣著毋庸議寧夏程途太遠亦著奕經悉心斟酌

如必須此項官兵即奏明候旨其特依順在京時飭交包封等件即由該參贊大臣遇便呈繳將此由五百里諭知奕經特依順文蔚牛鑑梁章鉅劉韻珂知之尋奏各省滿漢官兵已到浙省者均經劉韻珂分撥省城曹江屯紮防守其河南湖北二起官兵均已到蘇四川兵二千名已報起程現又派員雇覓鄉勇足數攻剿寧夏距浙較遠特依順前奏請調該處兵丁之處應毋庸議從之○辛卯

上御同樂園賜皇子公主額駙等食 諭內閣  
前有旨將陳述祖授為定海鎮總兵惟伊向  
在陸路效力於水師事務未經熟諳陳述祖  
著仍留乍浦防堵俟定海收復後該總督於  
所屬總兵內酌量一員奏明對調○又諭達  
洪阿等奏擊沈夷船擒斬逆夷奪獲礮位一  
摺本年八月以來夷船疊向臺灣外洋遊奕  
停泊經該總兵等飭屬嚴防堵禦是月十六  
日卯刻該夷船駛進口門對二沙灣礮臺發  
礮攻打經該參將邱鎮功等將安防大礮對  
船轟擊淡水同知曹謹等亦在三沙灣放礮  
接應邱鎮功手放一礮立見夷船桅折索斷  
退出口外衝礁擊碎夷人紛紛落水死者無  
數其上岸及乘船駛竄者復經該參將督同  
署守備許長明等帶兵駕船趕往生擒格殺  
黑夷多名復經即用知縣王廷幹等駕船出  
洋幫同出力生擒黑夷多名並見白夷自行  
投水其時復經千總陳大坤等駕船開礮擊

沈三板船一隻格殺白夷並生擒黑夷多名  
又據曹謹等在大武崙港外追獲外竄三板  
船一隻刺死白夷及生擒黑夷多人並撈獲  
黑白夷屍身礮位擒獲圖冊此次文武義首  
人等共計斬獲白夷五人紅夷五人黑夷二  
十二人生擒黑夷一百三十三人撈獲夷礮  
十門擒獲夷書等件辦理出力甚屬可嘉提  
督銜臺灣鎮總兵達洪阿著賞換雙眼花翎  
臺灣道姚瑩著賞戴花翎達洪阿姚瑩及道  
銜臺灣府知府熊一本均著交部從優議敘  
其在事出力各員弁兵勇義首人等著據實  
保奏候朕施恩傷亡兵勇查明照例賜卹已  
革候補同知前臺灣縣知縣託克通阿丁憂  
候補同知前署澎湖通判徐桂邦休致通判  
銜前福清縣知縣盧繼祖均著准其留於臺  
灣差委此因軍務緊要是以允准其餘不得  
援以為例該部知道○諭軍機大臣等據達  
洪阿等奏逆夷滋擾臺郡官兵沈船奪械擒

斬夷匪多名一摺覽奏嘉悅之至已明降諭旨將該鎮道等賞戴花翎分別議敘矣此次僅止雙桅大船一隻帶領三板多隻來臺窺伺經該總兵等督率員弁沈船奪礮擒斬多名該夷被殲之後難保無大隊匪船闖入報復著達洪阿等嚴飭在事文武添派兵勇嚴密防範不可因獲有勝仗稍存大意前任提督王得祿駐劄澎湖現在臺灣地方緊要該提督威勇素著熟悉海洋著即移駐臺灣協

同勦辦其澎湖防守事宜已諭令顏伯燾派員更替矣又另片奏現將巡洋舟師收回填塞各處口門添鑄礮位團練壯勇所辦均好即著照議辦理請撥軍需銀兩已諭知顏伯燾等迅即撥解臺防同知今卜年准其專辦局務所請革休丁憂各員准其留臺現在浙洋夷匪大肆滋擾廈門之鼓浪嶼尚有夷船停泊該鎮道等務宜先事豫防一切妥為布置毋致臨事周章是為至要發去賞達洪阿

雙眼花翎一枝賞姚瑩花翎一枝著即祇領嗣後攻勦夷匪摺應由五百里奏報如大獲勝仗即由六百里奏報將此由五百里諭知達洪阿傳諭姚瑩並諭王得祿知之又諭寄諭閩浙總督顏伯燾等本日據達洪阿等奏夷船滋擾臺灣經該總兵等督率員弁痛加勦洗覽奏為之一快惟逆夷被殲之後難保無大夥匪船闖入滋擾該督等接奉此旨即飭王得祿迅速移駐臺灣協同攻勦其澎

湖防守事宜著遴委委員前往再據該總兵奏道庫僅存銀五萬餘兩本年所撥經費銀十萬兩現存無多請由省撥銀三十萬兩接濟等語著該督撫飭司如數動撥迅速委員起解無誤要需將此由五百里諭令知之○命江寧將軍德珠布馳赴青州挑選滿洲營精兵五百名帶往新任壬辰諭內閣益保等奏請將矛手番兵改挑槍手一摺前後藏各汛所設番兵向來分習鳥槍弓箭矛手技

藝茲據該大臣等查明矛手番兵不能得力  
若改挑鳥槍尚可裨實用著照所請嗣後  
前後藏矛手番兵四百六十八名內遇有缺  
出均著改以槍手挑補每番兵一千名酌定  
弓箭兵三百名鳥槍兵七百名以為定額該  
大臣等仍當認真訓練務令技藝嫺熟一兵  
有一兵之用毋致日久懈生有名無實○諭  
軍機大臣等據孟保等奏接據廓爾喀國王  
呈遞夷稟一摺覽奏均悉天朝制度向無賞

賜外夷銀兩之例該國王因披楞聚兵恐其  
侵擾懇求賞賜銀兩抵禦業據該大臣等繕  
檄飭駁所辦甚是該大臣等現已嚴飭各邊  
界密防著即不動聲色嚴密防範毋稍疏虞  
是為至要將此諭令知之 又諭楊國禎奏  
遵調擡礮槍現已分起委員管帶赴浙覽  
奏已悉現需挑選山西精兵著楊國禎於省  
北大同等鎮挑備一千名候旨調撥該省擡  
礮槍已據該撫酌調解浙所有現飭挑備

兵丁將來如有調撥應用擡礮槍亦須備  
帶足用現在該省是否足數挑用著即查明  
具奏將此諭令知之尋奏飛咨大同鎮屬挑  
選兵丁七百名太原鎮屬挑選兵丁三百名  
豫備調撥並查明舊存新製擡礮槍足數  
挑用報聞○癸巳諭內閣阿靈阿等奏察看  
樹株據實覆奏一摺

天壇各壇剝朽樹株據阿靈阿等前往察看所  
有回乾松槐樹應行起除者仍著阿靈阿等

眼同各該衙門起除以昭覈實餘依議○諭  
軍機大臣等現在天津各海口所鑄大礮訥  
爾經額諒早演試所奏設立標桿開礮取準  
是否確有把握著僧格林沁等於查閱海口  
之便就近將新鑄大礮抽查十分之一二於  
空曠處所裝放礮子試演能擊遠近若干里  
並用廢船裝載柴葦各件其高低倣照夷船  
尺寸從上流放下引至標桿之處我兵觀準  
用礮轟擊果否發無不中抑或微有參差如

能演試純熟實有把握軍心自固儻須斟酌  
妥善始克有準著該大臣等即與訥爾經額  
會商妥辦據實具奏將此諭令知之○又諭  
著布彥圖於西安滿洲官兵內挑選精兵一  
千名聽候諭旨調遣所有該兵丁等隨帶軍  
器務須揀擇精良妥為豫備將此諭令知之  
○以翰林院編修郭翊清充日講起居注官  
侍讀吳鍾駿侍講張芾署日講起居注官○  
甲午諭軍機大臣等本日據御史黎光曙奏

天津海防籌備一摺朕詳加披閱所稱天津  
抵禦之兵宜分三層布置一條早經降旨令  
訥爾經額與胡超會商將各兵分駐要隘並  
將陝西兵丁作為後路應援諒均布置妥協  
至所稱已設海口之礮那至後面等語此時  
亦未便遽行更張著毋庸議又請飭海口繪  
圖呈進一條昨已降旨飭令訥爾經額等繪  
圖貼說著仍遵前旨將海口水勢深淺詳細  
查明具奏又請將藤牌改用牛皮一條前據

訥爾經額覆奏試用牛皮不能禦礮均著毋  
庸議至請覈實演驗礮位一條昨降旨令僧  
格林沁等抽查礮位十分之一○猶恐驗試  
過必不能信心著僧格林沁等即於各海口  
礮臺之上額外多試數尊務期通用又新調  
各兵宜加撫綏一條前經降旨飭令該督等  
酌給棉衣量予薪炭並諭令會同哈琅阿富  
僧德一體妥辦諒已加意撫卹俾各兵挾纊  
知恩至所稱天津海口兵丁滋鬧知縣郭紹

曾彈壓被其斥罵因躲避不出等語如果屬  
實必應嚴行懲辦以肅軍令著訥爾經額胡  
超據實查明辦理勿稍姑容又新調各兵宜  
選宜練一條此次所用防堵兵弁其本省調  
取者訥爾經額固已選擇勁旅即外省所調  
之兵亦經該督撫提督遵旨遴選斷不致以  
疲羸充數惟駐防數月之久或兵丁等有始  
勤終怠及老弱患病等事著訥爾經額胡超  
陳金綬等隨時留心察看至決勝於一時尤

當鼓勇於平日其應如何飭令帶兵將備講求攻守之法俾臨陣不致張皇束手之處諒該督等必能仰體朕意指示有方又天津土兵宜廣為召募一條著該督即遵前降諭旨飭令州縣廣為召募及早收為我用如查有匪徒與夷通者嚴密拏辦以絕萌芽又招商儲備米糧一條據稱天津食米全恃奉天接濟若至防堵加緊之時海汊小口俱已堙塞使不及早儲備米糧爾時米船不能進口則

人心不安等語著該督及早多方儲備毋致臨事周章是為至要總之事貴廣益不厭精詳以上各條其已行者務求覈實有效其未行者不妨採擇辦理勿存成見勿掉輕心該大臣等晤面之後將一切機宜熟籌妥辦以操勝算而固畿疆該御史原奏併著鈔給閱看將此各諭令知之。又諭據托渾布奏遵旨查明海豐縣大沽河一道與直隸鹽山縣狼坨子接壤查係荒僻海灘近口十餘里有

攔沙橫阻登岸數十里並無居民廬舍情形雖不甚險要究為兩省接壤之區現在該撫已添兵雇勇派員分段防守著僧格林沁等於查閱海口行至狼坨子地方時再加履勘該撫所奏情形是否確實其布置一切是否可資得力據實具奏托渾布摺著鈔給閱看又硃封一件發交僧格林沁賽尚阿祇領將此諭令知之。又諭據托渾布奏遵旨添兵設伏等語山東海豐縣城北大沽河與直隸

鹽山縣狼坨子接壤該撫先已就近撥兵雇勇擇要防守茲復添撥武定營兵一百名添雇鄉勇二百名派委武定府知府陶慶增會同遊擊阿麟保親往勘度於該河要隘徧釘木樁並於各村莊掘溝設阱將所撥兵丁及雇募鄉勇分段設守辦理尚屬妥協著仍飭該府陶慶增時往督查務與直隸狼坨子駐防官兵互相巡哨不分畛域設遇夷船闌入彼此知會協力攻剿不得以海灘寬漫無界

可分。稍存推護之見。將此諭令知之。○緩徵山東章邱臨邑鄒平平原濟寧魚臺齊河歷城長山禹城鄒聊城金鄉冠濟陽長清德惠化滋陽滕往平朝城武城齊東惠民陽信定陶單商河樂陵嘉祥邱夏津三十三州縣並德州東昌臨清三衛被水被旱被雹被蟲莊屯新舊額賦。乙未諭內閣給事中鄭世任奏請嚴禁州縣詞訟案件需索訟費息費以除積弊一摺。各省州縣官均有審理詞訟之責。遇有控案。理應速行訊結。庶案無積壓。民免拖累。若如該給事中所奏。近來州縣縱令書差把持勒索。案懸數年。延不審理。即如湖南各屬州縣一案到官。需費種種。以閤閤之脂膏飽胥役之囊橐。積習相沿。牢不可破。一省如此。他省可知。不可不嚴行禁革。嗣後著責成各省督撫。嚴飭所屬州縣。毋許書差巧立名色。需索訟費。息費。凡遇民間詞訟案件。立為訊結。不准稍延時日。致令書差等藉端

勒索。儻不肖州縣。徇庇書差。不行查禁。或竟有從中染指情事。著該督撫指名嚴參。以肅官方。而除積弊。將此通諭知之。○諭軍機大臣等。據給事中鄭世任奏。湖南署澧州州判徐大亨串通丁役勒索多贓。奏賊誣良聲。名狼籍等語。佐雜擅受婪贓。大干法紀。著吳其濬即將所指各款逐一詳查。如果屬實。即行據實嚴參。不准稍有徇隱。原片著鈔給閱看。將此諭令知之。○又諭御史福珠隆阿奏請暫留罪夷。以便究訊。一摺。臺灣擒獲逆夷多名。據達洪阿等奏稱。俟解郡訊明後。即行正法。現在該逆犯等如尚未正法。即著劉鴻翱飭令達洪阿等。按照該御史摺內所陳各條。除千里鏡一節毋庸查究外。其餘逐層究詰。務得實情。密籌辦理。冀有裨於攻勦。機宜嗣後各省拏獲夷匪。俱著詳加訊究。照此妥辦。該御史原奏著鈔給閱看。將此諭令。揚威將軍奕經靖逆將軍奕山參贊大臣特依順文



大清宣宗效天符運立中體正至文聖武智勇  
仁慈儉勤孝敏成皇帝實錄卷之三百五十九

此際職輟官歸夏月攝理唐法曹太子太師魏仁問領閩省軍機戶部書院之書房魏問傳謝映庵陳學淳邵士賢曹國  
大府尹尹書及隨筆加五級紀錄十八次又曹魏職輟官監江蘇省吏部兩書庫舊撫清軍功紀錄加六級又領閩省吏部兩書房吏務稽察  
七次又任督學司同知領學務加一級又督辦六次軍功加五級紀錄六次又任沙州縣同知領官文書房吏務稽察閩事共兩書庫督  
同領水陸大運糧由旗滿洲都統轉發內七倉倉吏官領宗人府銀庫左翼右翼官書案要密賞同知閩省吏務稽察同知谷膳房副廳房吏  
署理吏部吏部每得銀十八級又阿達爾副總兵官巡理兵部兩書庫加六次紀錄二十次周周結結等奉

戰修

道光二十一年辛丑十月丙申

上詣綺春園問

皇太后安  
以祈禱靈應頌南河

龍王廟

御書扁額曰神功普佑

水府都君祠曰靈應波恬。丁酉。

上御勤政殿聽政諭內閣阿精阿等奏請裁

減馬匹添設無米礮手兵一摺廣州省城額

設礮位尙止有漢軍礮手二十四名現在不  
數遣用著准其添設無米礮手四百名即在

滿漢餘兵及無米養育兵閒散人等內均勻挑補所需月餉准其將該旗額設馬匹照議裁減四百六十匹以資支放其請將弓箭兵三百八十五名改為槍兵亦著准其照改俾捍衛益資得力該部知道又諭呈遞圖說之山東民人張鴻著兵部解交楊威將軍奕經查詢供詞圖式併交諭軍機大臣等御史松年奏請籌議添造八旗槍礮一摺據稱江南省會旗營駐防舊有擡礮百尊鳥槍八百桿自上年逆夷滋事經浙江將擡礮運去六十尊京口運去二十尊鳥槍則派往浙營者四百桿派往京口者一百二十桿該旗所餘無幾請飭撥款添造等語駐防軍器最關緊要該營現存擡礮鳥槍是否足資備禦應否趕緊添鑄著德珠布牛鑑據實察看如必須添鑄即飭該藩司酌撥款項由該營派員迅速領辦工竣覈實報銷毋稍貽誤將此諭令知之吏部奏向例六部理藩院步軍統

領衙門主事准保直隸州知州此項人員有出差京通各倉者應請准由倉場衙門一體保送並請嗣後各倉監督遇有員外郎保送御史小京官保送撫民同知通判一律辦理從之○兵部奏湖北施南協副將岱昌到京得旨明日召見嗣後該鎮將等到京即令自行遞牌無庸另奏○兩江總督牛鑑奏設法招徠漢奸親赴吳淞海口詳細察看得旨慎密為之○山東巡撫托渾布奏遵議御史殷德泰招集漁戶一摺現在登郡所雇水勇定為分班輪操間日仍令捕魚為業雖未編設隊伍既經官為統領即與兵丁無異不必別立科條前籌防各島時並將島民戶口委員分晰編查擇各島曉事耆民立為社長如內地保甲法得旨依議妥為之又奏派員彈壓運河匪徒報聞又奏外洋島嶼寒冷較早請將登州鎮營防兵暫令歸伍各處遠營之兵移駐於登郡近城地面以禦風寒從之以

太常寺卿連貴通政使司副使侯桐為內閣學士兼禮部侍郎銜大理寺少卿惠豐為通政使司通政使服闋詹事府詹事周祖培為詹事○以內閣學士連貴兼管太常寺事○戊戌諭內閣前據御史盧毓嵩奏請嚴禁私硝出口酌定官為收買章程當降旨令該督撫妥議具奏茲據吳其濬奏湖南各屬所產土硝本係官為收買現因軍務撥解及本省操防收買既多不致餘騰請仍循舊章酌行封採毋庸另議設局等語著照所議辦理仍著該撫責成該管地方官隨時嚴密稽查遇有硝戶私售出境以及奸民私煎販賣兵役得規包庇均著嚴拏究辦儻該管地方官隱縱不拏即行嚴參治罪○又諭前因裕泰奏湖南郴州直隸州知州王景章被該州士民列款呈控當降旨將該員解任交裕泰秉公研審茲據吳其濬奏稱該州毗連廣東樂昌縣境現值礦匪滋事堵緝喫緊之時該

員捕務嚴緊匪徒素知畏懼未便另委他員致疏防範等語王景章著准其暫緩解任責令督飭營縣將礦匪嚴密堵拏毋許稍有疏縱其原控之案著該督撫逐款查訪如所告得實即會同從嚴參辦毋少徇庇該部知道○湖廣總督裕祿奏撥解硝磺等辦火繩並做明臣戚繼光成法製造火箭五百枝解赴浙江軍營應用報聞○湖南巡撫吳其濬奏遵議御史喬邦憲奏請飭禁冒餉查湖南兵

皆實缺並無冒餉至操習技藝一節前經奏調河南武陟汛千總牛嵩山來南教演該弁教練頗為認真並將兵丁生計時為察訪寓體恤於勸賞之中得育教養兼施務期兵歸得力又奏浙營需才孔亟飭令河南千總牛嵩山並所帶兵徒五人往聽差遣又奏閩省借撥槍礮鉛子六萬斤各省所鑄槍礮口門大小不同鉛子恐難合用請一律改撥鉛斤並照鉛彈做法則例每一百斤加耗十斤共

撥鉛六萬六千斤以資實用均報開 禮部  
議准山東巡撫托渾布疏報採訪嘉祥縣節  
婦王吳氏等一百三十四口請建總坊旌表  
從之 旌表守正捐軀直隸新城縣民徐瀾  
祥妻陳氏 撥湖南司庫銀二十萬兩解赴  
浙江以備軍需 蠲緩湖北沔陽黃梅廣濟  
江陵公安石首漢川潛江嘉魚江夏孝感武  
昌咸寧蒲圻黃陂黃岡蕪水鍾祥京山天門  
雲夢應城監利松滋枝江荊門興國大冶漢  
陽蘄三十州縣並蘄州衛被水莊屯新舊額  
賦有差給沔陽黃梅廣濟江陵公安石首漢  
川潛江嘉魚九州縣暨屯坐各衛軍民一月  
口糧加賑潛江公安嘉魚三縣暨屯坐各衛  
軍民 己亥諭內閣昨召見五城會奏御史  
雙壽陳光亨喬邦憲宜崇並未到園本日據  
該御史等奏請議處或因審案或因感冒等  
情尚非無因惟於聯銜摺內未經註明究屬  
不合雙壽陳光亨喬邦憲宜崇均著交部議

處 修浙江尖山汎石塘並改築蕭山縣沿  
江石塘從巡撫劉韻珂請也 庚子諭內閣  
前據宗人府奏固山貝子綿勳抗斷爭訴藍  
甲一案當交軍機大臣會同宗人府查議具  
奏茲據奏稱藍甲既分之後從無撤回之案  
永裕所遺藍甲受分已久未便以現無繼嗣  
遽由襲爵之人自行撤回所有永裕名下藍  
甲十副仍著給與綿堃承管俟永裕立繼有  
人即行如數撥給綿勳於宗人府斷結後輒  
復抗斷瀆訴殊屬不合著退出乾清門交宗  
人府議處 又諭賀長齡奏遵旨酌議黔省  
嚴禁私硝章程一摺黔省上游各屬間有硝  
多之處必應官為收買以絕私販之根著照  
所議設局收買並妥為存貯迨收買儲蓄足  
備一二年之用即著停採暫將廠硎嚴行封  
閉仍著該撫督飭地方官隨時稽察儻有奸  
商私挖偷漏弁兵得規隱庇俱著嚴拏懲究  
毋稍姑容該部知道 蠲緩湖南華容安鄉

武陵龍陽沅江澧巴陵臨湘八州縣並岳州衛被水莊屯新舊正雜額賦有差給華容縣岳州衛軍民一月口糧貸安鄉縣災民籽種○辛丑諭軍機大臣等僧格林沁等奏查閱天津大沽海口駐兵設礮形勢機宜一摺覽奏甚屬明晰又另片奏試演礮位皆能致遠有準朕心寬慰現在大沽海口既有攔江沙天險可恃復經該督等於沙內層層布置並各礮臺聲勢聯絡兵丁技藝精嫻足資捍衛惟南北礮臺僅存防兵二千五百餘名稍形單弱准其將西沽新城駐劄原備後路官兵六百名調歸大隊俾厚兵力而資操練其西沽新城駐有直隸練勇五百名固原陝勇五百名著責令胡超陳金綬分派將弁不時操演期收實用至於後路即以胡超管帶之固原兵二千名留備策應其賀家口一帶地勢寬展尚可屯兵備撥著訥爾經額胡超臨時再行履勘酌辦至礮臺兵丁施放大礮尤須

運用靈捷方能致遠摧堅該大臣等已諭令各將弁於礮兵中擇其技藝極為可靠者分撥礮臺施放大礮其次分撥土壘施放小礮仍著按期分臺如法演習現當天氣嚴寒所有守護礮臺兵丁准其每臺酌留兵四百名分作兩班五日為期循環輪換以示體恤將此諭知僧格林沁賽尚阿巴清德胡超並諭令訥爾經額知之○又諭本日據奕經文蔚奏帶兵前進撥兵留防上海一摺據稱十月初十日奕經與文蔚在揚州會齊河南徵兵已到簡閱技勇精熟該夷有來上海之語不可不慎密防守已將湖北二起官兵改道前赴上海聽候調撥將來擬將河南兵一千名在浙江嘉興一帶暫行擇要屯紮聲勢聯絡俟川陝各兵漸次會齊相機進剿等語辦理甚為妥協上海已有重兵把守自可無虞其續調赴浙之陝甘四川兵丁計歲內總可全到著奕經等一面會商安置糧臺事宜一面

籌辦如何進剿之法其建營處所務選適中之地與乍浦上海兩處聲息相通是為至要惟各口情形不同該將軍等尤宜擇要防守若將兵弁分派各處轉覺單弱不能得力其偏僻海口夷船不能傍岸或可無庸屯兵防堵之處著該將軍等籌畫妥辦又參將雷捷凱守備千貴千總鄒步雲現在口外屯防班滿尚未撤回千總鄭心廣出師廣東把總彭友泉派防臺藏把總李榮業已病故朱暉南查無其人將此由五百里諭知奕經文蔚並諭令特依順知之又諭訥爾經額奏請酌給防兵銀兩一摺所有陝西兵二千名著准其每名折給銀二兩自製禦寒之具留防之吉林兵亦著照此賞給其大沽北塘至山海關一帶各海口調防之本省弁兵一萬數百名著准其將相去本營較近者暫行酌給三分之一其留防兵丁著一體每名折給棉衣銀二兩以示優恤將此諭令知之大學士

四川總督寶興奏川省現在夷漢相安囑匪斂跡請馳赴海疆軍營效力得旨卿為國宣力之心朕已洞悉然浙省命將出師尚未勦辦閩省逆船已退再犯與否尚未能知粵東則正辦防勦責成該將軍督撫矣此時無論何處礙難命卿前往卿姑待之可也又奏遵派指調之順慶營遊擊張富川等併添派署松潘鎮總兵恆裕管帶兵丁二千名及各員弁親信勁兵赴浙差委報聞○命刑部左侍

郎黃爵滋大理寺卿博迪蘇馳赴楊村查驗剝船○以詹事府詹事周祖培充日講起居注官○予浙江殉難縣丞李向陽祭葬世職○緩徵齊齊哈爾墨爾根城廠區舊欠銀○壬寅

上詣綺春園問

皇太后安○諭內閣八旗漢軍都統等覆奏會議加演槍礮併酌賞兵丁章程一摺著照所議辦理總須認真加演務令兵皆得力陣不

生疏不可有名無實所需酌賞錢文著在於  
長蘆帑本項下每年山東應解內務府修理  
營房需用銀二萬五千兩數內由內務府提  
銀三千兩按年支給散放又諭松峻奏援  
案豫栽樹株一摺據稱培養樹秧豫備補種  
著准其援照成案採買樹株擇地栽種以備  
將來換補回乾樹株之用仍著責成該司員  
等督率兵丁樹戶勤加澆灌實力培養此項  
錢糧准其於廣恩庫現存長蘆每年解交利

銀項下照例動支該部知道諭軍機大臣  
等本日奕山等奏體察拒礮之法如式演試  
不能得力一摺所有給事中朱成烈原奏應  
無庸議據奕山等奏稱粵省現製長牌慢以  
牛皮覆以溼被陸戰尚屬可用又陸續招徠  
水勇二百餘人隨大船出沒或可制勝等語  
著奕山等即將現募水勇勤加練習其拋擲  
火彈火礮務令隨時演試使之便捷有準該  
夷兵船笨重如能用小船牽制繼以火攻亦

可得手該將軍等仍當相度情形一遇可乘  
之機即時進剿收復香港切不可因循怠玩  
坐失機宜所有特依順繳留參贊關防著交  
奕山暫時存貯將此由五百里諭令知之○  
又諭前據哈喇阿富僧德先後具奏山海關  
防堵情形將礮位安置土壘之上俟逆夷登  
陸施放攻擊業經降旨照議辦理矣現在僧  
格林沁等計已到關著即將該處防堵情形  
詳細履勘所辦是否周妥現在海口礮位無

多該逆設或登岸滋擾必當豫為設伏或突  
出攻擊或截其歸路是以前次所調吉林官  
兵曾經降旨不可派在海口防堵以備陸路  
接仗衝突之用該處現辦事宜果否確有把  
握礮夷船駛至能否誘之登陸設法兜剿大  
加懲創該大臣等務須詳加察看期於計出  
萬全如有未盡妥善之處著即與哈喇阿等  
悉心籌議務求一制勝之策奏明辦理將此  
諭令知之○又諭盛京旅順口與山東廟島

相對其間海面相距百數十里為海舶至天津必由之路若設兵防堵其勢有所難及朕聞夷船堅固惟於夜間從後尾轟擊較可得力儻能雇募海濱善泅之夫多置小木筏筏上安設數百斤礮位令善泅者伏於筏下遇有夷船停泊該處洋面我兵即可乘夜繞至船尾開礮轟擊如能損其船舵固可乘機攻勦否則多方以擾之亦使知我有備孤疑而不敢進即或夷船揚帆徑過有此尾追木筏

該夷不能無後顧之虞如此設法牽制虛虛實實既可張我聲勢且令該夷進退趨避不致毫無顧忌是否可行著耆英托渾布相度情形妥議具奏將此各諭令知之○命正藍旗蒙古副都統富僧德來京伯都訥副都統巴雅爾馳赴山海關會辦防堵○蠲緩江西南昌新建進賢都陽餘千萬年星子都昌建昌德化德安瑞昌湖口彭澤安義豐城清江新淦新喻峽江廬陵吉水泰和二十三縣被

水被旱村莊新舊額賦有差給德化德安湖口都昌建昌新建進賢星子彭澤瑞昌十縣災民一月口糧○蠲緩山西薩拉齊奇嵐二廳州被災村莊新舊額賦有差賑薩拉齊廳災民給房屋修費○癸卯諭軍機大臣等該夷詭詐異常現在浙江演習陸戰並製造號褂頂帽安綴假辨意欲與我兵濶跡因思前在粵省即係裝成官兵混入伍內以致將城北礮臺占據況此時漢奸尚未斂跡更易混

淆不可不加意查察著將軍參贊暨沿海將軍督撫等密飭鎮將大員悉心籌畫隨時嚴密防維不致被其朦混是為至要將此各諭令知之○予故山西巡撫申啟賢入祀名宦祠從巡撫楊國禎請也○甲辰諭軍機大臣等該夷自犯順以來擾及沿海據我土地傷我官兵猖獗情形中外共憤粵省為該逆蹂躪之始必應大彰撻伐始足以快人心而崇國體前經特派奕山為靖逆將軍楊芳齊慎



為參贊大臣諭令會同該督撫妥籌進剿並調撥兵丁一萬餘名如果彼時謀勇兼施痛加勦洗使該夷知所儆懼何至蔓延他省禍及鄰封即云虎門失事之後藩籬未固不敢輕動乃近來屢次奏報據稱已招募義勇三萬餘名又稱已收回漢奸一千餘名並稱省河亦次第修復堵塞似此防守可恃即應趁勢修築虎門各處礮臺並進兵收復香港何以數月以來奏報摺件多係尋常事件任意

敷衍搪塞而於進剿之方未及一語是該將軍等所稱由內及外由近及遠等語全不足信此時夷船大幫在浙滋擾粵省所存夷船無多若不趁此相機攻擊使之首尾不能相顧更何所待況聞該省士民志切同仇咸思滅此朝食該將軍等既募有水勇多名復收回漢奸使之策應正可激勵兵民同心敵愾乃竟袖手坐視隱忍苟安不圖攻剿之謀祇為退縮之計老師糜餉是誠何心朕於此事

屢經降旨催令進攻至再至三該將軍等置若罔聞豈半年之久竟無可乘之機耶奕山等現在坐守粵省辦理何事究竟是何意見該將軍等空糜糧餉坐失機宜能否當此重咎著據實具奏將此由五百里諭令知之○又諭據牛鑑梁章鉅奏覆陳嚴防進口商船以杜漢奸並設立糧臺及趕鑄礮位各一摺上海各項船隻有南洋北洋之分北洋沙船有印照戳記南洋閩粵各船歸行戶專管雖

皆有人識認不能混行出入然逆夷詭計多端往往賄買漢奸為其所用不可稍存大意致有疏虞務須嚴飭海口員弁詳細盤查驗放如有形跡可疑及人浮於數者即行查拏究辦以杜奸蹤至設立糧臺應在何處仍著牛鑑梁章鉅劉韻珂俟將軍參贊到時會商奏聞再降諭旨總期轉輸便利防禦周詳為要其提撥寶蘇局洋銅趕鑄礮位之處著照所議速辦惟上海濱臨外洋現在設立礮局

在彼鑄造萬一該逆豕突而來稍有疏失豈不反為賊有其應於何處鑄礮更為相宜著牛鑑梁章鉅於將軍參贊到時會同詳議酌定地方一面鑄造一面奏聞將此由五百里各諭令知之。又諭朕聞逆夷所用火礮內暗藏火礮大者每枝價銀十二兩小者每枝價銀六兩著奕經等於抵浙後設法取得數枝遇便送京呈覽將此諭令知之。尋奏近獲逆夷火礮二枝尚有奪獲雙筒手槍鳥槍礮

彈等件一併送呈得旨大礮火礮經朕飭令僧格林沁著火器營製造業經造成數百枝平放可及三百弓猛烈堪用。○乙巳諭內閣劉韻珂奏鑄大礮所用洋銅價本及收買商船價腳准於軍需項下分別撥還給發所請截留漕糧准其於道光二十一年應行起運漕米內截留十五萬石以資接濟。○諭軍機大臣等前據王鼎等奏那展壩基跟挑引河等情當經飭令鳩工趕辦距今將屆兩旬

未將辦理情形續奏朕心實深繫念現在該處溜勢是否悉已北移料埒到工已有若干開工後已進幾占工程共有幾分目前已交冬節轉瞬即屆春融必須一氣趕辦庶可剋期竣事著王鼎等嚴行督催毋任工員稍有遲緩並著將現在所辦情形先行具奏江南河營參將張兆年逾七十現雖力疾赴工如該處河形壩勢必須該參將隨時相度自應仍留工次如精力實已衰頹著飭令即回江

南林則徐前據奏令襄辦文案稽覈總局其辦工一切是否有必須該革員襄理之處抑或別無要件並非不可少之員亦即據實具奏將此諭令知之。○又諭據耆英奏遵議海防機宜一摺又另片奏移貯火藥並擬於明歲春正親往南路籌防等語覽奏均悉奉天各海口惟金州為最要之區現當北風司令各船雖未敢北駛一經春融冰泮即難保其不分竄而來該逆現經在浙演習陸戰陣法

防禦之法必應水陸交嚴方為盡善現在該將軍籌備防堵是否專恃海口安設礮位抵禦萬一登岸滋擾如何層層布置憑何制勝當此海疆戒嚴之時務須籌畫萬全庶足制其死命著該將軍即將現在籌備情形詳細據實具奏將此諭令知之尋奏金州之柳樹屯黃土崖復州之長嶺子地方均經安礮設伏誘其深入截其歸路槍箭齊發定可制其死命得旨應先用大礮次小礮先行轟擊槍

箭次之為是○又諭本日據劉韻珂馳奏逆夷窺伺慈谿派兵防守一摺據稱本月十一日逆夷二百餘人攜帶礮械由陸竄至該縣西壩地方經兵勇將渡船拔上逆夷不能過渡已飛咨余步雲陳階平勤加偵探如有滋擾即酌派一人帶兵接應等語慈谿向稱殷富難保無從逆奸民勾串夷匪前往藉圖乘機搶奪曹娥江兵數尚單勢難多派約計揚威將軍奕經等即日可抵浙江應如何添兵

防守著即會商妥籌毋致疏虞為要其片奏省城防守情形現已圍集義勇數萬人雇備船隻於錢塘江一帶巡邏偵緝不任漢奸潛入現在匪徒絕跡民間安堵覽奏甚慰即照所議妥為辦理又另摺奏續鑄大礮一節據奏現已鑄成大礮八十二位均在一二千斤上下堪以適用並於楚省購買鐵斤及提寶浙局洋銅一面赴蘇添購銅錫源源製造所辦尚屬周妥著即嚴飭趕辦以濟要需毋稍

遲滯台州温州海道梗塞米穀不能內運著該撫設法運至省城以裕兵食仍嚴防該處奸民影射濟匪情事將此由五百里諭令知之○又諭前因黎光曙奏天津食米應行儲備當降旨令該督及早籌計該督接奉前旨自己設法妥為辦理矣茲據續齡奏天津山海關現駐多兵以銀易糧為日稍多自必糧價日增有礙民食且恐兵不宿飽等語糧糈為軍民日用要需現在自足數用至將來如

續有添調各官兵該處糧米是否足敷食用著該督通盤籌畫寬為儲備毋致臨事周章是為至要將此諭令知之 丙午

上詣

安佑宮行禮 諭軍機大臣等王鼎等奏引河普律插鋤及兩壩接手進占一摺現在引河既已估定段落自應趕緊插鋤興挑著即飭令承挑各員按照所估寬深丈尺勒限四十日一律如式挑挖務須趕在壩工以前完竣

毋任稍有草率遲緩至口門溜勢較前已弱尤應及早下埽據稱現在情形應由西壩先行進占俟溜勢東趨再行兩壩並進即著照議辦理惟現在既已進占必須一氣呵成萬不可停工待料致誤機宜所有到工料垛現止十分之三著即嚴催源源運送總期按日程功庶可剋期蒞事將此諭令知之○又諭各省官兵調赴浙江軍營者數已不少計該將軍到浙以後足敷勦辦現在京口亦須防

堵江寧省城尤關緊要所有裕謙前調之江寧駐防兵丁著奕經等全行撤回江寧以免顧此失彼至各省赴浙官兵難保無老弱充數其先經赴粵續調赴浙之兵尤恐銳氣已挫不堪驅策著奕經等於抵浙後嚴飭帶兵各員認真校閱如有前項情事立即分別撤回毋致臨陣誤事用兵之道選練為上諒該將軍等必能妥為布置也再前有旨令恩特亨額富呢揚阿挑選陝西甘肅精兵二千名於明年正月聽候調用如現在到浙之兵挑撤過多不敷差遣著即一面奏聞一面飛調赴浙以資勦洗將此諭知奕經特依順文蔚並諭劉韻珂知之○又諭富呢揚阿奏挑選檣礮檣槍解赴浙江軍營一摺據奏撫標挑選檣礮三十五位檣槍十桿連鎮標檣礮二十五位檣槍三十桿共一百桿委員帶兵管解趕赴浙江軍營其餘一百桿亦在附近各營挑選足數陝省所存檣礮為數無幾移咨

甘肅量為酌撥等語均著照議辦理惟念陝甘兩省地處邊陲軍器甚關緊要現雖通融辦理究恐有誤操防著恩特亨額富呢揚阿飭屬趕緊製造並應用火藥等物趕補足額以實邊防所製槍礮務在便捷利用著以三十斤為率不得過於笨重將此諭令知之○又諭據興倫奏請前赴浙江帶領江寧官兵協同勦辦等語現已有旨諭知揚威將軍奕經等將前次調赴浙江之江寧官兵撤回江

南該副都統著毋庸前赴浙江京口地方緊要必應加意防守仍著該副都統會同海齡將堵剿各事宜悉心熟籌妥為布置毋得少有疏虞是為至要將此諭令知之○以頭等侍衛官文為廣州漢軍副都統展八旗兵丁應扣借支庫銀限期兩月○丁未

上詣

大高殿

壽皇殿行禮○奉

皇太后還宮○諭內閣劉鴻翱奏請將丁憂官員暫留軍營差遣等語福建前任前江場鹽大使保泰候補縣丞黃許桂現在丁憂著即飭令各回旗籍守制所請留營差遣之處著不准行○戊申

上詣

皇太后宮問安○諭內閣桂輪奏緝獲礦匪訊明挾嫌放火情形一摺熱河平泉州屬回子地地方被礦匪挾嫌燒燬房屋現據該都統

奏緝獲礦匪首從二十一名並據首犯李長春供認與高升等五人起意書寫名帖邀人放火洩忿各情此案礦匪聚眾滋事至二百餘人之多恐為首不止五人現在獲犯僅有十分之一恐各犯現供尚有不實不盡仍著該都統嚴飭各屬將未獲首要各犯上緊緝拏務獲同現獲各犯訊取確供分別從重懲辦儻所屬各員不能迅速獲犯著即嚴叅辦理千總何承泰收到礦匪名帖匿不稟報著

即照議斥革千總劉德印自甘譴竊亦屬不合著交部照例議處該部知道尋奏續獲賈汶仲等一百三名訊明實因挾村民架名偷竊之嫌放火洩忿請將為首偷竄金砂起意糾眾之李長春擬斬立決併傳首犯事地方以昭炯戒張幗太等二十五犯除為從然火止發近邊充軍輕罪不議外應請照偷竄砂例發極邊煙瘴充軍餘分別問擬流徒下部議從之諭軍機大臣等御史張庭樞奏

保舉人員被控請飭查辦一摺已有旨派慧成馳驛前往湖南查辦矣此案郴州知州王景章先據裕泰將該員明保復據裕泰因該員被該州士民鄧得彩等聯名列款呈控奏請解任提審嗣據吳其濬以該員堵緝礦匪奏准暫緩解任仍飭該督撫訪查辦究竟該員列入保舉是否允協被控加徵科派各款是否屬實吳其濬將該員奏留緝匪有無袒護消弭等情著慧成逐層詳細查究毋稍

含混原摺著鈔給閱看將此諭令知之○又諭前因裕謙家人呈訴余步雲心懷兩端並於臨陣聲言保全生靈顧惜妻女等情當經面諭該將軍等到浙後確查究辦本日據余步雲奏衛署被毀請給王命旗牌等件因思該提督當鎮海將陷之時裕謙決意殉節余步雲有妻女三十餘口可憐並伊女今日出閣之語迨鎮海失守退入寧波寧波失守退保上虞所稱巷戰被傷殊不足信現稱衛署

盡被拆毀文卷全行焚燒如果屬實則該提督三十餘口妻女勢必不能生全疊據奏報情形並無家口被擄被殺情事是但知保護家屬而於王命旗牌等要緊物件一切置之不問著該將軍等確切查訊如何向裕謙密語如何連次退避寧波失守以後該家屬等語有無被難如何出城逐一查訊明確務使水落石出如果該提督實有心懷兩端臨陣退避及保護眷屬罔顧職守情事一面由驛具

奏一面傳旨將該提督革職拏問嚴行懲辦  
浙江提督著段永福暫行署理再余步雲奏  
陸續收回散兵三千餘名此項散兵自係定  
海鎮海寧波三處潰散之兵即不能盡數誅  
夷亦當分別懲治若臨陣任其退縮事後招  
回入伍該兵丁等復何憚而不畏死偷生也  
現當軍務喫緊之際各省精兵勁旅固當體  
恤愛護此種失律士卒必應明正軍法俾將  
士知所儆懼著奕經等訊明逃散實情將首

先潰散之人於軍前正法示眾即稍有可原  
情節亦當分別輕重按律懲處斷不可任其  
濫廁軍籍仍糜糧餉反使勇將勁兵見而解  
體再定海鎮海寧波失守以後陣亡將士朕  
已逾格施恩至逃避將弁必當重治其罪亦  
著該將軍等確切查明按律究辦毋任諱飾  
避就以肅戎行余步雲摺鈔給閱看將此由  
五百里諭令知之○欽差正藍旗都統哈琅  
阿奏遵旨酌撤防堵山海關綠營官兵三分

之一計前後共撤八百二十三員名聞日起  
行三起歸伍其餘留防兵丁地方官一律辦  
給蘆棚以資棲止得旨依議妥辦添設熱  
河旗營擡礮二十桿礮兵六十名從都統桂  
輪請也○旌表守正捐軀湖北天門縣民董  
先揚女大姑○蠲緩安徽和懷寧鳳陽懷遠  
含山貴池宿松巢廬江宿壽建平亳蒙城霍  
邱阜陽潁上潁定遠潛山太湖舒城宣城天  
長盱眙全椒合肥南陵青陽建德望江無為

銅陵當塗蕪湖繁昌東流鳳臺太和五河靈  
璧桐城泗四十三州縣及屯坐各衛被水災  
區新舊額賦有差賑望江無為銅陵當塗蕪  
湖繁昌東流鳳臺太和五河靈璧泗十二州  
縣及屯坐各衛軍民給房屋修費並給無為  
銅陵靈璧泗太和鳳臺東流和懷寧鳳陽懷  
遠含山貴池宿松十四州縣及屯坐各衛軍  
民一月口糧減免直隸新河寧晉隆平安  
天津五州縣積滂地畝本年額賦有差○己

西

上詣

火神廟拈香○莅壽安固倫公主第○諭內閣。此案匪徒多人。在官柴廠聚賭。經番子劉福興會同把總李長青等帶兵查拏。該匪徒等膽敢閉門奪犯。毆打弁兵。致外委姜鈺因傷身斃。實屬督不畏法。著步軍統領衙門。順天府五城及內務府番役一體上緊緝拏。務將該匪徒等全行弋獲。交刑部認真嚴訊。按

律懲辦。以儆兇頑。西城吏目康宗彝未能即時設法協拏。以致各犯逃逸。著交部議處。尋刑部奏。訊明賈三主使拒捕殺差。擬斬立決。梟首示眾。田玉幫同拒捕殺差。擬絞監候。梁六兒等照為從例擬發極邊足四千里充軍。餘分別定擬流徙。從之。○河東河道總督朱襄奏。祥工失事。大溜旁趨。限身應大加培補。得旨。河防固屬緊要。不可疏失。然值此經費短絀之時。不能不通盤計算。設法慎為之。

添備河南山東各廳防料碎石。並濬山東運河。從河道總督朱襄等請也。○庚戌。

上詣

壽皇殿行禮○諭內閣。黃爵滋等奏查驗續增剝船一摺。據稱查看尚堪留用船三百十九隻。不堪修用船二百四隻。此項尚堪留用之船。一經修整。尚不致為廢材等語。著直隸總督即飭天津道責令承管各州縣認真修理。毋任草率了事。其不堪修用之船。即照例變

價雇船項補濟。運又據查此項剝船一千隻內尚有南省應行賠造船一隻。歲久延未補解。並著直隸總督查案嚴催。以符定額。○又諭德興奏。東路煙郊等處行宮應請黏修一摺。又另片奏。盤山行宮內坍塌各款。並請派員查辦等語。著暫緩一年。再行辦理。該衙門知道。○又諭。牛鑑等奏。請將揚州關徵存稅銀留撥賑需等語。本年南河豫購歲料工需。經戶部咨撥揚州關稅銀五萬兩。茲據該督



等奏稱江蘇省賑濟即須覈給散放著准其將揚州關徵存稅銀六萬兩留撥賑需其所撥南河歲料銀短少五萬兩著戶部另行籌款具奏○諭軍機大臣等據都察院奏安徽桐城縣監生林光勳以平夷各策赴該衙門呈請代奏等語該監生所呈水陸並攻二策防守天津一策禦敵伏兵陷人諸法是否可行著該將軍等酌量採擇原呈鈔給閱看將此諭令奕經特依順文蔚著英訥爾經額牛

奏奉

奉

鑑梁章鉅托渾布知之○都察院奏嗣後呈遞海防事宜請飭赴軍營自行投遞從之○蠲緩江蘇長洲元和吳江震澤常熟崑山新陽華亭奉賢婁金山上海南匯青浦川沙武進陽湖無錫金匱江陰靖江丹徒山陽阜寧清河桃源安東鹽城高郵泰東臺甘泉興化寶應銅山豐沛蕭瑤山宿遷睢寧太倉鎮洋海沐陽江都上元江寧句容溧水高淳江浦六合儀徵泰興宜興荆溪丹陽金壇溧陽

六十一廳州縣及蘇州太倉鎮海淮安大河徐州金山揚州八衛被水災區新舊額賦有差賑上元江寧句容溧水高淳江浦六合儀徵泰興宜興荆溪丹陽金壇溧陽十四縣及揚州衛軍民○緩徵河南尉氏中牟蘭儀商水西華項城扶溝夏邑永城虞城安陽湯陰臨漳內黃延津考城原武武陟孟溫陽武孟津汝陽上蔡新蔡遂平二十六縣被水村莊新舊額賦

奏奉

奉

大清宣宗效天符運立中體正至文聖武智勇仁慈儉勤孝敏成皇帝實錄卷之三百六十



○又諭據僧格林沁等奏查閱南路海口形勢一摺據奏祁口河狼坨子等處分設重兵再於沿海添設馬撥面商該督意見相同應即照議辦理其沿海哨探各兵著訥爾經額體察地勢酌定名數奏明籌辦其鄉勇一項祇能各保村莊即使官為操練恐臨陣亦難得力總在該督隨時激勸調度得宜庶可以收實效至天津拱衛京師地方緊要迥非閩粵浙江等處可比現在北風司令逆夷未必

前來明春東風解凍難保不乘潮北駛若稍有警動關繫匪輕訥爾經額身任總督且經籌辦年餘責無旁貸必須相度形勢設法隄防不在節節添駐重兵萬不可因府城距海尚遠稍存大意以致臨事周章是為至要將此諭令知之○又諭前據托渾布奏查明海豐縣海口情形當有旨諭令僧格林沁等馳往履勘茲據奏稱該處城子莊等處近海一帶情形暨水陸設伏處所與原奏無異惟道

海內河一道河口較寬東風潮長時有寧波商船乘潮駛入販運雜貨現在關家莊尚有三桅商船九隻在河守凍等語噶逆詭詐異常該處海口內地商船既可駛進即難保夷船不從此竄入且恐其飾作商船潛跡窺伺必應未雨綢繆不動聲色密加防範該海口為兩省接壤之區若僅駐兵數百名安礮數尊未必遽能得力然遽議添兵添礮又未免徒滋更調至鄉勇一項祇能保衛村莊儻恃

此臨陣攻勦恐亦難收實效該撫務乘此潮枯水落之際應如何擇要據險妥為布置使之有備無患著即悉心體察情形妥議具奏將此諭令知之○命戶部尚書祁寯藻兵部尚書許乃普刑部尚書阿勒清阿李振祜理藩院尚書恩桂都察院左都御史沈岐在紫禁城內騎馬○以捐修安徽寧國府城垣書院予候選教諭汪際虞等儘先選用○癸丑上詣

皇太后宮問安。○諭內閣。據禮部奏查明南掌國承襲王爵。應頒誥敕等語。著即遵照嘉慶二十四年成案。於敕書外再行頒給誥命一道。以符定制。俟該國年貢使臣到京時。一併給該使臣。敬謹齎交該國王祇領。○諭軍機大臣等。據奕經等奏。抽撥兵丁設法防守。並酌擬先行分兵赴浙。豫為應援各等語。覽奏均悉。現在浙江本省及調撥兵丁。已共有萬餘名。加以募雇義勇沙民等三萬餘人。以之分守水陸要隘。如能調度得宜。已足互為照應。斷無偶見夷船。輒議添兵之理。著該將軍等詳察情形。分別最要次要。將現在調集兵勇。抽撥分段防守。務使疏密相間。首尾相應。如尚嫌兵力單弱。浙江本省鄉勇義勇。亦無難續行招募。總宜善於調遣。毋使顧此失彼。為要。至逆夷先開數船。欲往上海天津之語。雖係傳聞。究宜豫為防備。牛鑑現已趕赴上海查看情形。如果有夷船滋擾。該將軍等即

帶領調到之河南湖北兵丁前往勦辦。如該處現尚安靜。即無須截留赴浙兵丁。著照所議。仍將城內守兵移駐緊要口岸。於適中處所屯紮大營。以壯聲勢。如有不敷。再就近酌調本省官兵。豫為來春防禦地步。該將軍等俟安設糧臺及上海防堵事宜商辦妥協。即帶兵赴浙。與特依順會同相機進剿。或分或合。朕亦不為遙制。佇盼捷音。以慰廑注。將此由六百里諭令知之。○戶部奏籌議折支俸甲米石。○外任有世職人員。例准將俸米留京關支。其盛京官員無世職者。應令就任所支食。○向例官兵得缺之日。在開放以前。准其趕領世職出膺外任。及告假出京者。准將米石留京。隨時補領。應請將此項米石全行折銀。○遵化。易州。良鄉。密雲。滄州。寶坻等處駐防官兵俸餉。向於漕糧內分別撥運。應請由直隸總督籌款半折。改運京倉。從之。○命塔爾巴哈台領隊大臣伊勒東阿庫車辦事

大臣多歡來京。以乾清門侍衛那敷德為塔爾巴哈台領隊大臣。正黃旗蒙古副都統扎拉芬泰為庫車辦事大臣。○以四等侍衛輯瑞為烏魯木齊領隊大臣。○以翰林院侍讀李崇階署日講起居注官。○予故前任烏里雅蘇台將軍慶山祭葬。○緩徵吉林伯都訥新城局珠爾山。歛收各屯額租。○甲寅遣官祭

先醫之神。○諭軍機大臣等。昨據奕經等奏。

倭夷有赴上海等處滋擾之說。該將軍等現與牛鑑商辦防堵。惟該逆詭詐異常。往往聲東擊西。現在該逆株守寧波郡城。故作操演情形。安知不以數船遊奕上海等處。使我移兵往援。而彼則水陸並力。徑攻浙江。抑或在浙虛張聲勢。佯言攻擊杭紹諸郡。而暗遣兵船潛赴上海等處滋擾。凡此種種詭謀。該將軍等不可不防。務當謀勇兼施。計出萬全。處處皆有準備。事事皆操勝算。是為至要。前此

粵東辦理軍務。布置尚未妥協。該夷即肆其猖獗。漢奸乘間助逆。以致我兵倉卒應敵。不能得手。現在大兵尚未到齊。僅彼復用其故智。為先發制人之計。將如何豫為準備。總須反覆計較。確有把握。始足以破奸膽。而張吾軍。至行軍之際。兵民雜處。人數眾多。一切機謀。尤宜慎密。凡奏報事件。某封有關繫重大者。即將某封用黃紙包封。蓋用揚威將軍印信。仍納入封筒內。朕親加拆閱。昨日所寄密

諭一道。係朕面諭軍機大臣承旨繕發。即軍機章京等皆不得而知。可見慎之又慎矣。將此諭令知之。○又諭。前據劉韻珂奏浙江兵丁未能得力。現在雇募義勇沙民。藉資防堵。辦理尚為妥協。惟念逆夷詭計多端。往往潛令漢奸煽惑勾結。甚至賄買內地奸徒。為其間諜。不可不密加防備。浙江省義勇沙民。人數既多。即難保無匪徒潛跡其中。必應稽察周防。勿墮詭計。至於管領之人。尤為緊要。必

當慎選結實可靠。激於忠義者。派領一隊。方無意外之虞。著劉韻珂即將現募義勇人等。設法稽查。密加釐剔。信賞必罰。以作士氣。而杜奸萌。將此諭令知之。○予故戶部尚書隆文。入祀賢良祠。賞其子桂清。服闋後以刑部主事遇缺即補。懷清服闋後以六部筆帖式遇缺即選。○乙卯。諭軍機大臣等。恩特亨額奏。彌補甘省虧款一摺。據奏該省虧銀四十萬八千餘兩。錢十萬二千餘串。自原議分別生息捐攤立限之日起。截至本年秋季止。已彌補銀二十萬七千餘兩。錢五萬七千餘串。限期尚無遲逾。並無虛捏情弊等語。是辦理已有成效。其未完銀十八萬九千餘兩。錢四萬五千餘串。著即分別責成道府實力督催。務令埽數全完。無任再有懸宕。俟彌補全完後。即行奏聞。至所奏嚴禁新虧章程。著即照議。責成該管各道府州。於所屬倉庫實力稽查。不准絲粒續虧。該督仍不時密查。僅有虧

那情弊。立即從重究辦。並將稽查不力。未經揭報之該管上司。隨案併參。毋稍姑容。將此諭令知之。○賞挑往江寧防堵青州滿洲營員弁俸銀一年。及兵役行裝銀。○丙辰。諭軍機大臣等。現在天氣嚴寒。河水凍結。天津防堵事宜。疊據奏報情形。布置已屬周妥。約計封印以前。省城應辦事件。當必不少。著訥爾經額酌量情形。奏明暫行回省。俟明年二月初間。再赴津門督辦。先期請旨來京陛見。在防官兵。著該督與胡超等悉心體察。妥為安頓。總期體恤防範。事事妥協。方為有備無患。將此諭令知之。尋奏。大沽北塘兩處。除將兵房主房分勻居住外。其餘弁兵。同陝兵二千名。擬將帳房數架連為一處。外用秫秸編織成簾。四面遮護。塗以厚泥。足蔽風雪。豐潤等處。亦俱照此辦理。並量予薪炭。以為向暖之需。礮臺等處。仍令輪班駐守。得肯著照所議妥辦。○丁巳。旌表守正捐軀河南正陽縣民

范雙喜妻何氏山西絳縣民賈鶴田妻李氏  
○緩徵河南祥符陳留杞太康通許淮寧西  
華孟沈邱項城商水舞陽鄆城中年鄆陵扶  
溝禹許長葛洧川臨潁尉氏蘭儀滎澤滎陽  
汜水密新鄭鄭武涉溫濟源河內新鄉汲湯  
陰原武延津輝安陽林修武四十二州縣被  
水引地新舊額課○  
上以冬至祀  
天於

園丘自是日始齋戒三日○戊午諭軍機大臣  
等王鼎等奏進占丈尺及引河挑成分數一  
摺據稱自十月二十日截至十一月初一日  
止西壩已做成三十三丈挑水壩做成三十  
一丈其各分引河牽計已挑成三分有餘將  
來試放清水再搶挑溝線等語所辦尚屬周  
妥惟河溜勢漸趨東須防撻底初進數占亦  
應將前宅埽池逐節加宅深長以期根底穩  
實引河以下抽溝溝線工段著照所議分派

下游各廳承挑並咨會南河同時趨挑至稽  
料辦麻現已報明備辦五分仍當嚴飭各州  
縣迅速解運務期源源接濟工需及早合龍  
以慰廑念又另摺奏參將張兆業回南河林  
則徐襄辦河工深資得力等語覽奏均悉著  
即督飭工員趕緊催辦毋稍遲緩將此各諭  
令知之○己未

上詣

南郊齋宮齋宿○諭內閣黃爵滋等奏審明運

員拖欠剝船銀米請勒限嚴追一摺此案湖  
南運員兆瑞奉委採辦例木運京因賠修船  
隻資費罄盡將民人羅大華等應領水腳銀  
兩拖欠雖訊無剋扣情弊惟經年累月不為  
措給控經都察院等衙門咨行直隸總督提  
追仍復藉端延緩以致該民人情急復控實  
屬玩愒兆瑞著交部嚴加議處其所欠該民  
人銀七千七百餘兩准其援照成案由天津  
道庫借領油脰項下銀一千五百兩給發該

民人等先行具領。著湖北巡撫於伊子巴揚阿應領鶴峯州任內全廉扣解。以清庫項。其餘下欠之數。現經兆瑞書立分限歸還手帖。著訥爾經額派員將兆瑞押解湖南。交該撫勒限一年追出。給該民人等具領。儘逾限不完。即按例懲辦。○諭軍機大臣等。牛鑑奏吳淞海口緊要情形一摺。據奏江南第一扼要之區。全在寶山海口。能守寶山。則上海可保。全省皆安。該處沿海兩岸。築有土塘。形如雄堞。現雖派兵防守。並無起伏照應之法。擬於兩岸適中。紮大營。分設遊兵奇兵。以防逆船乘間豕突等語。所見甚是。著即照議辦理。其由吳淞口至上海適中之東溝地方。測探水勢。中洪約深三四丈。已於兩岸派兵添礮。它濠築臺。並土裝麻袋堆積高寬。伏兵轟擊。所辦均屬周妥。惟鑿沉船隻一節。逆夷詭譎異常。必不能攔截彼船。徒勞無益。若以小木筏多載柴草硫磺引火之物。昏夜四路埋伏。

但見夷船。即各路齊出。繞至彼船前後兩傍。縱火焚燒。其駕筏漁戶。素諳水性。儘可跳入水中。不慮為夷礮所擊。庶足以制其死命。所請調河南兵一千名。已由五百里諭令鄂順安迅速派兵。交遊擊陳平川管帶赴蘇矣。又另摺會同梁章鉅奏京口官兵足資防守。毋庸添撥等語。該處地方亦關緊要。著牛鑑。梁章鉅督飭沿江弁兵。一律嚴防。毋得稍存大意。將此諭知牛鑑。並梁章鉅知之。○又諭。據牛鑑奏。江蘇防兵不敷。請飭調河南兵一千名。令河北鎮標遊擊陳平川管帶赴蘇等語。著鄂順安即於河南省挑選精兵一千名。應帶軍器。揀擇精良。務期適用。飭令遊擊陳平川迅速管帶。前往江蘇。交牛鑑調遣。毋稍遲誤。並飭該遊擊沿途妥為約束。不得少有滋擾。將此由五百里諭令知之。○庚申冬至祀天於圓丘。



上親詣行禮○遣官祭	永陵	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后	孝慎皇后	孝全皇后陵寢○遣官祭	端慧皇太子園寢○停次日朝賀○	上詣	皇太后宮問安○諭內閣程琳采奏壽費雇募
-----------	----	----	----	-----	----	-----	----	----	-----	----	--------	------	------	------------	----------------	----	--------------------

土兵一摺安徽省江北各州縣於添募民勇之外挑選驍勇四百名所需經費著准其由司庫存貯社穀息銀項內酌提給發所選驍勇著該撫隨時察看或令充補歸伍支食兵糧或分派各州縣收隸壯班蓄以待用至此項驍勇固宜勤加訓練期收實效而各營額兵尤當認真操演不得以老弱游民濫行充數總期有勇知方毋致有名無實該部知道○諭軍機大臣等前據達洪阿等奏八月間夷匪闖入臺灣經該總兵等督兵痛剿擊沈大船擒獲紅白黑夷一百餘名當將該鎮道分別加恩仍諭令嚴加防守恐其大隊報復並諭知顏伯燾劉鴻翱飭令王得祿移駐臺灣協同攻剿迄今未得續報朕心實深廛念臺灣遠隔重洋文報或致稽遲顏伯燾現駐廈門劉鴻翱駐劄省城該督撫皆有統轄臺灣之責何以八月之事至今並無奏報究竟該處現在情形若何有無夷船續來滋擾著	夷匪闖入臺灣經該總兵等督兵痛剿擊沈大船擒獲紅白黑夷一百餘名當將該鎮道分別加恩仍諭令嚴加防守恐其大隊報復並諭知顏伯燾劉鴻翱飭令王得祿移駐臺灣協同攻剿迄今未得續報朕心實深廛念臺灣遠隔重洋文報或致稽遲顏伯燾現駐廈門劉鴻翱駐劄省城該督撫皆有統轄臺灣之責何以八月之事至今並無奏報究竟該處現在情形若何有無夷船續來滋擾著
--	---

怡良、顏伯燾、劉鴻翱，迅即探訊明確，隨時據實馳奏。毋再遲延。再前據顏伯燾奏，夷匪由粵入閩，義律亦在其內。現在臺灣擒獲夷匪，有一百餘名之多。若隔別詳訊，可得實情。著即飭知達洪阿等詳悉究辦。將此由四百里各諭令知之。尋奏臺灣距省較遠，前接鈔摺，已在出奏月餘之後，以後情形，又須該鎮道覆到，方敢敘述。報聞。賞八旗兵丁一月錢糧。○辛酉，諭內閣：蘇隆阿奏滄州地近海濱，

請添設鳥槍，以資操演。該處原設鳥槍，除撥給寶坻、東安、采育等三處外，存九十桿。著責成該城守尉等督率兵丁，勤加演放，務期精熟有準，以壯聲威。至所請添設鳥槍六十桿之處，著俟明春再行酌議。○諭軍機大臣等：訥爾經額覆奏一摺，據稱南路海口防兵，現已歸併祁口、狼坨子、齊家莊三處，共五百名。其餘四百餘名，俱撤歸大沽軍營。天津城內議添新兵一千名，業據左右城守三營召募

餘丁足數，復於紳商設立救火局內，挑選一千餘人，並因添兵製造，擡礮一百桿，又分派鹽務巡役，協同地方官所派幹役，布列關廂內外梭巡等語。所辦甚屬周妥。惟團練鄉勇，但可使之自衛身家，或作為後隊，以壯聲勢。至於臨陣衝鋒，恐難得力。天津府城距海口百里而遙，即使該夷登陸，斷不能奔馳百餘里。直犯府城，是該處不必多設兵弁。徒勞罔功。不若就河面寬窄形勢，擇要設伏，或誘之

深入，或扼其歸路，用計用智，以謀制勝。儻該夷敢由河道內駛定，可剿戮無遺。若陸路內犯，我兵四路抄襲，該逆首尾不能相顧，必致潰散。轉瞬春融，即當妥為布置。著訥爾經額悉心體察，豫操成算，勿致臨時周章。是為至要。又覆奏御史殷德泰奏，招集漁戶團練水勇一摺，此項漁戶，其鳥槍祇能擊打禽鳥，恐難施於行陣。據稱現在所募漁戶，即在鄉勇之中，自宜就其所長，量為驅使，不必強以所

難轉致有名無實。將此諭令知之。○令刑部左侍郎柏蔭黃爵滋馳赴陝西查辦事件。○緩徵陝西榆林懷遠神木府谷綏德清澗米脂吳堡葭州縣歉區額賦及舊貸銀穀。○壬戌諭軍機大臣等。據奕經等奏。覆陳江蘇海口防堵情形。並會商蘇州省城應設糧臺總局一摺。現在大兵進剿。必須通盤籌畫。兩省地勢情形。方為妥善。所有軍裝器械等物。必待浙省行取。未免緩不濟急。著照所議。准

其於浙省設立前路糧臺。蘇省設立後路糧臺。大兵在嘉興以北。即由江蘇支應。在嘉興以南。即由浙江支應。以後應用各物。仍由兩局分辦。所有浙江前路糧臺。即著下士雲會同藩司常恆昌臬司蔣文慶督同辦理。蘇州後路糧臺。即著孫善寶會同程裔采黃恩彤督同辦理。其該將軍等隨營糧臺。並著江浙兩省派委委員。會同管通羣辦理。應用各物。均於江浙兩省就近行取。如有貽誤。惟各該

處承辦之員。是問。以專責成。至江蘇製辦一切將來軍需告竣。仍歸浙江省一併覈銷。以免牽混。而昭畫一。將此由五百里各諭令知之。○又諭奕經等奏。江蘇海口派防周密一摺。據奏現在上海寶山一帶。調集官兵分段派防。頗為周密。所調湖北征兵。即令赴浙。毋庸留江協防。並豫籌來年春汛。奏請另調河南官兵等語。特依順。即日抵浙。所有河北官兵。即著帶兵將備帶領赴浙。聽候調遣。奕經

文蔚著揀選適中扼要地方。屯紮大營。以壯聲勢。前調河南各兵。著奕經等帶赴浙江。昨已降旨飭令鄂順安挑選河南兵一千名。計明年正月可到。即留為江蘇防堵之用。將此由五百里諭令知之。○又諭浙江現在辦理軍務。所有本年例貢。著即停止。無庸呈進。將此諭令劉韻珂知之。尋奏。現在浙江後路糧臺應辦事宜。漸有頭緒。應進例貢。業已先期齎進。報聞。○又諭現在江蘇辦理各海口防

堵事宜。所有本年應進創貢。著該督撫察看。若無暇及此。著即停止。將此諭令牛鑑。梁章鉅。知之。尋奏本年例貢。已於十一月初專弁齎送入都。得旨。既經解送。自應收留。明春若軍務匆忙。端陽貢。停緩可也。○予查拏官柴。廠賭犯傷亡外。委姜鈺祭葬世職。○癸亥。聖祖仁皇帝忌辰。遣官祭。

景陵○

上詣

壽皇殿行禮

關帝廟拈香。○諭軍機大臣等。著英奏遵旨體察情形一摺。據奏奉天水師營。向設水手。均能駕駛船隻。亦有能水者。現選四十名。並於額兵內揀選精壯四十名。派員駕船管帶。密藏槍礮。乘夜相機攻勦等語。覽奏均悉。著即照議妥為辦理。現屆天氣嚴寒。逆夷不敢北駛。網繆未雨。正在此時。轉瞬春融。難保不北來滋擾。如有夷船駛至奉天。該將軍即相

度形勢。探明虛實。務令奇正相生。制其死命。為要。將此諭令知之。○甲子。

上詣

皇太后宮問安。○諭內閣。此案已革司庫吉蘭。奏聽從已革筆帖式文元。扣留折賞紡絲。據供庫貯紡絲。有盈無絀。扣下紡絲。因未得便運出。業已歸入正款。並從正款內抽換徽爛紡絲。另貯庫內等語。所供殊難憑信。著內務府派員赴庫徹底盤查。以昭覈實。其廣儲司

辦理折賞。由銀兩折為絀緞數目。著內務府明定章程。額設書吏。亦著認真查覈。無任再有扣留絀緞。及世缺掛名。需索使費等弊。以昭定制。而杜弊混。至貢馬折賞。向由理藩院支領給發。應如何明定章程。互相稽察。不致滋生弊端之處。著總管內務府大臣。會同理藩院妥議具奏。○諭軍機大臣等。前有旨令吳文鎔於江西省派員多鑄礮位。以備調撥。因思該省鑄礮。解赴軍營。既需轉運之繁。且

恐不能適用。現已諭令該撫即行停鑄。其軍營應用鑲位著奕經等於江浙兩省適中之處派委妥員選擇良匠興工鑄造。由該將軍等就近撥用。仍嚴飭該委員等迅速趕鑄。不得有誤要需。是為至要。將此附報便諭。令知之。○又諭戶部奏各省辦理軍需河工災賑一年有餘。請撥銀兩已至二千一百餘萬之多。除動用地丁鹽課關稅外。實撥內務府廣儲司及部庫銀七百三十萬兩。請飭力求搏

節等語。國家經費有常。自應量入為出。現在軍需河工災賑先後頒發帑金數已不少。著各將軍府尹督撫及漕運河道各總督於必不可緩之需力加撙節。並嚴飭承辦各員毋許絲毫浮濫。事竣覈實報銷。嗣後遇有請帑事件務須妥為籌畫。不得率聽所屬詳稟。動輒援案聲請。以致漫無限制。其直省常平義倉存穀原備賑卹之用。並著各督撫等體察情形覈實散放。毋庸概給折色銀兩。以裕民

食而期節用。該督撫等受恩深重。當此制用孔亟之時。諒能仰體朕心。分別緩急。通盤籌度。不致視為誥誡虛文也。將此各諭令知之。

○頒發江西

鄱陽湖神廟

御書扁額曰正供利涉。聯曰應躋靈蹟千秋著。轉漕風波萬頃恬。○旌表守正捐軀直隸蔚州民王和妻張氏。○乙丑修浙江東西兩塘柴埽盤頭各工。從巡撫劉韻珂請也。

大清宣宗效天符運立中體正文聖武智勇仁慈儉勤孝敏成皇帝實錄卷之三百六十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百六十二

監修總裁官經廷日講起居注官太子太保禮仁閣大學士文淵閣領閣事管理戶部事務上書房總師傅翰林院掌院學士兼管順

天府月事略隨帶加五版紀錄十八次臣等竊熾數官雖隨講官吏部尚書錄監撰漢軍都統管理新營城內官房大臣播賽由

七合大臣務家會同四譯館事務加一級隨帶加六級軍功加三級紀錄五次臣花沙納總護官支洞閣提舉閣事兵部尚書總管

內務府大臣鑲白旗滿洲都統博爾內七倉大臣管理宗人府銀庫左翼幼官學  
室書宮閤明閣等處稽揀管御茶膳庫御藥庫

醫洗造鄉處事務總帶加十八級臣阿靈阿副總裁官饒廷讓官兵部尚書隨帶加六級紀錄二十次臣周祖璽等奉

執修

道光二十一年辛丑十一月丙寅

上詣

宣仁廟

凝和廟拈香○諭軍機大臣等奕興奏請演  
放舊存礮位等語綏遠城存貯軍器內查有  
九節十成銅礮三尊威遠銅礮三尊著該將  
軍飭令弁兵試為演放如果致遠有準即著  
每歲同子母礮出演備用儻演試不能適用  
即行存貯將此諭令知之○又諭耆英等奏  
鼓鑄礮位工竣繪圖呈覽一摺又另片奏鼓

五  
一  
四

勵各員等語。此次所鑄礮位。著即安放各海口。妥為演試。務使有準。所派各員認真督辦。自應量加獎勵。惟前經該將軍等具奏。金州八千斤大礮。點放炸裂。並轟斃兵丁二名。其為料物不精製造未善。已可概見。所有督造之員。亦應示以區別。著耆英等詳細查明。據實具奏。再降諭旨。將此諭令知之。○丁卯諭。內閣。前因祥符漫口。大溜全行掣動。下游多被淹浸。文冲身任河道總督。不能先事豫防。

又不趕緊搶堵。糜帑殃民。厥咎甚重。降旨革任。交王鼎等傳旨枷號示懲。現在枷號已及三月。著王鼎等傳旨將文冲疏枷發往伊犁充當苦差。○諭軍機大臣等。哈琅阿奏請將酌撤綠營兵丁仍暫留防一摺。現在海口已經上凍。著仍照前議。按三分之一酌量裁撤。即使得有夷船北駛確信。亦無難隨時調遣。也將此諭令知之。○引見翰林院保送御史人員。得旨黃贊湯桑春榮蘇廷魁蔡振武。王

通昭黃鍾音陳壇俱著記名以御史用○直隸總督訥爾經額議覆御史黎光曙條奏海防事宜海口兵丁並無滋鬧調防兵丁並無畏葸現在既招鄉勇又募新兵收羅之法已備天津食米向來商販流通有盈無絀仍俟春融出示招販寬為豫備得旨覽奏俱悉依議妥辦○旌表守正捐軀山東濱州民彭景湯妻尹氏 戊辰旌表守正捐軀直隸遷安縣民張克勤女改姐○准直隸動用部撥銀五十萬兩作為海防經費從總督訥爾經額請也○緩徵兩淮富安豐稟梁垛東臺何垛丁豁草堰劉莊伍佑新興廟灣板浦中正臨興十四場被水歉區新舊額賦 己巳

上詣

皇太后宮問安 諭內閣前據稽查南新倉御史松年奏參該倉滿漢監督支放倉米顯有情弊當經降旨著戶部倉場衙門查明據實具奏茲據奏稱該御史前參該監督等甫將

文移送交輒即自行支放之處係屬誤會劄倉及開放日期著毋庸議至該監督等開放零檔米石僅於放大檔俸米時面告該御史並未具文知照究屬不合著交部議處○又諭前因成凱等奏審擬吏書侵盜庫銀一案未將該管糧餉章京恩祥曾否通同舞弊之處詳悉訊明當降旨飭令嚴訊確情茲據奏稱隔別覆審該員實無通同舞弊分肥入己情事惟該章京係專司錢糧之員於吏書侵盜庫銀一千四百餘兩普爾錢六百餘串之多始終未能覺察實屬昏憤溺職恩祥著交部嚴加議處成凱法福哩自請議處之處著交部議處所有前擬吏書周殿甲等各罪名均著刑部覈議具奏○諭軍機大臣等本日據鄂順安奏請將河南被水州縣籌議加賑蠲緩並據稱該州縣內有存倉穀石較少之處請全行折色等語已明降諭旨照所請行矣各省常平義倉存穀原備賑恤之用若概

行折色轉置倉穀於不用且難保非所存穀數業已虧缺現在已無可放之米於倉儲大有關繫嗣後如有應需加賑之處著該撫體察情形覈實散放米穀毋庸概給折色銀兩以節帑金而裕民食儻查有倉穀虧缺即行據實叅辦毋稍姑息將此諭令知之尋秦祥符被災最重存倉穀石須留為來春接濟之用應仍全放折色其陳留通許八州縣應按照倉存穀石分別成數銀穀並放下部知之

○又諭本日奕經文蔚奏訊明童生黨逆情形仍應留質一摺所奏是鎮海縣童生陳在鎬始而為逆夷畫策並令夷人設立漢巡查繼而乘機討書來杭投遞該夷人數甚多該童生無不認識所獻破夷之策似乎取信於人細審之則奸狡畢露矣且既不肯招撫漢奸又不肯漏洩夷情即其姓名亦屬詭秘逆謀昭著顯係從夷之後復代為出力窺探我兵虛實與粵東鮑鵬伎倆大致相同更為可

惡惟現當招徠漢奸之時若即行正法恐有自拔來歸者反聞之裏足著即照議將該犯解赴黃河以北暫時禁錮已另降旨飭令牛鑑程商米派員妥為看守毋令與外人交接以絕奸萌嗣後有悔罪投誠者奕經等務當加意察看如有似此詭詐覬覦之人隨時妥為辦理勿任欺朦致誤大事是為至要前據顏伯燾奏廈門停泊夷船探聞義律亦在其內著該將軍等留心偵探遇有拏到夷匪細

加訊究是否潛留內地據實奏聞陝西漢中鎮略陽營千總竹東元告病規避業經恩特亨額斥革內閣貼寫中書慶福呈遞稟件其條陳夷務是否可採著詳加籌議該員願赴軍營效力已傳旨准其自備資斧前往矣再火龍經三本未知卿等獲觀與否順便奏來特依順連發驛遞奏摺二件一由五百里奏稱前赴江蘇一由五百里加緊奏稱接領參贊大臣關防並無緊要事件驚駭耳目實屬



不曉事體。著傳旨嚴行申飭。將此由五百里諭令知之。○又諭鎮海縣童生陳在鎬。現據揚威將軍等訊明。實屬首鼠兩端。行蹤詭秘。已交江蘇巡撫解至黃河以北。著牛鑑程喬采。即派委妥員。將該犯嚴行看守。不准與外人交接。以杜奸萌。將此由五百里諭令知之。○予河南搶辦險工。溺斃目兵郭奉臣賞卹如例。○蠲緩河南祥符陳留杞通許淮寧太康睢杞城鹿邑九州縣被水村莊新舊正雜

額賦有差。並賑災民。○庚午諭內閣。前因裕泰奏請將湖北荊州改設關口。俾免繞越偷漏一摺。當降旨交部覈議。茲據工部奏請酌量移設。以裕稅課。著照所議。准其將周正關移設柳家集地方。改名柳關。周支關改為柳支關。自此量為變通。商販無從繞越。竹木稅課不致偷漏。仍著該督飭令該道認真稽查。徵稅如有盈餘。儘數報解。試行一二年後。有無成效。據實具奏。其周老嘴地方關口。著即

裁撤。僅有藉名影射之弊。嚴行叅辦。以昭覈實。○諭軍機大臣等。據御史龔文齡奏。福州海口以五虎門為門戶。一進口門金牌實為扼要。近聞籌辦海防。處處設兵。而於金牌要害之區。防堵轉形鬆懈。金牌江面雖寬一百餘丈。中多礁淺之處。僅容大船二三隻。對面為長門兩山。皆可屯兵設礮。事半功倍等語。防夷之法。自以扼要為先。如能據險設防。則兵力以少勝多。不致顧此失彼。據該御史奏

該處江面雖寬。中多礁淺。對面兩山。皆可屯兵設礮。果如所言。有險可據。何以不設重兵。以固脣齒。是否未經詳查形勢。抑兵丁練勇不敷調撥。或該處竟難以設法屯兵。著怡良劉鴻翱詳細查明。妥議具奏。原摺著鈔給閱看。將此各諭令知之。○又諭本日據僧格林沁等奏。履勘山海關防堵情形。布置極為周妥。調度甚合機宜。朕心頗慰。惟該處吉林官兵營盤內。皆係單布帳房。天氣嚴寒。殊難棲

止昨據訥爾經額胡起奏大沽北塘兩處除有兵房土房可以儘令各兵分勻居住外其餘弁兵及陝西兵二千均用林楷編簾塗以厚泥遮護帳房並量予薪炭以為向煖之需至山海關留防之兵亦據訥爾經額函商哈琅阿並札飭地方道府一律妥為安頓吉林官兵事同一例著訥爾經額哈琅阿迅飭照此辦理俾人皆挾續蓄稅養鋒明春可資得力至吉林馬隊人皆年力富強將來可收衝

突之效惟所備馬匹率多疲瘦茲據僧格林沁等查明大凌河馬不堪用者二百三十五匹山海關馬不堪用者二十九匹又倒斃馬十三匹均著訥爾經額於直隸營馬內先行如數撥換其換下馬匹分別飭令原處領回牧放明歲春融尤當多備馬匹恐臨時尚有撥換之處務當嚴飭各營趁早飼養一律臚壯毋致誤事將此各諭令知之又諭據僧格林沁等奏查閱天津東路海口情形一摺

據查寧河之北塘口昌黎之蒲河口撫寧之洋河口或以江沙攔阻或以口岸逼隘且數其潮長水勢總在二丈以內逆夷大船似難駛入即使用小船由沙線溝口乘潮駛入內河而潮落亦必攔淺等語所有沿海現駐防兵著暫仍其舊統俟明春由該督體察情形應添應減覈實奏明請旨辦理至該大臣等按營抽查試用刀矛火槍均屬可觀惟施放礮中靶分數較少業經逐一如法指示並

嚴飭該將備時加操練俾各精嫻仍著訥爾經額通飭沿海各將弁督率兵丁留心演習依法施放其食藥務足分量裝藥務臻結實烘藥務靈苗頭務準講求不厭精詳庶幾各臻嫻熟足以致遠摧堅該督其實心訓練勿負朕諄諄誥誡之至意將此諭令知之○又諭據僧格林沁等奏查閱北塘防守情形該處現募有習水打雁民人二十名設立排靶演試銃無虛發請廣為招集充作水勇等語

此項打雁民人既經該大臣等當場演試足備募兵之用著訥爾經額即照該大臣等所議章程以二人管駕一船以五船聯為一排裝載硝磺柴草製備鐵鍊鋼釘鐵錘等項器具於今冬無事之時廣為招募多備船隻木筏勤加練習以備明春之用並著遴派參遊以上大員管帶彈壓如差委之人即著奏明請旨原片著鈔給閱看將此諭令知之○江蘇巡撫梁章鉅因病賞假以布政使程商采

署巡撫命成郡王載銳於故欽差大臣兩江總督裕謙靈柩到京後往奠茶酒免玉舒耆族被雪壓斃人戶應徵銀辛未諭內閣祁項等奏遵旨查驗副將等受傷情形一摺廣東肇慶協副將慶字香山協副將劉大忠督標中軍副將達邦阿前據該督等奏因防守礮臺不力被傷落海遇救得生奏請革職當飭令祁項梁寶常將該副將等果否受傷確切查明具奏茲據該督等親提驗明慶

宇等所受傷痕委無欺飾情弊慶宇劉大忠達邦阿著照前議一併即行革職○諭軍機大臣等奕山等奏填塞省河要隘並防堵情形一摺據奏獵德等處均已設法堵塞將次工竣續又查出潭洲等處俱屬要隘均須次第築堡修臺等語逆倭犯順以來從未大加懲創近則大幫逆船自閩入浙粵東存船無幾正可乘機勦洗屢經諭令該將軍及時進兵收復香港以期少贖罪戾此次奏報仍止

填塞省河一切勦辦機宜未提隻字豈朕命將出師專為堵塞省河而作豈不貽笑諸夷況據奏稱外洋香港及潭仔洋並內伶仃洋等處夷船十六隻又火輪船一隻往來不定並聞省河建臺塞路膽敢攔截石船焚燒撞沈並在香山縣屬挂碇遊奕桀驁情形殊堪髮指總緣該將軍等坐擁重兵一籌莫展以致逆夷日形猖獗現在奕經等即日抵浙一經勦辦難保不竄回廣東再肆滋擾該將軍

等若趁此北風司令逆船勢分之時相機奮擊使之首尾不能相顧則浙江勦辦亦可易於歲功若復觀望遲延擁兵株守設使將來大幫逆船竄回廣東或另擾他處該將軍等自問當得何罪又另片奏兵丁每名懇加賞借銀一兩各營將領員弁酌給養廉飭令藩司發給仍移咨各該省在應得俸餉項下分李扣還歸款之處著即照議辦理又祁墳梁寶常奏招集漁戶漢奸妥為安置酌給口糧

船價等語此次招徠漢奸令其立功贖罪開其悔過之忱原係格外從寬權宜辦理冀收以賊破賊之效若仍按兵不動則此項漁戶漢奸盡歸無用所給口糧船價全屬虛糜且若輩心性靡常見利即趨此時雖見招而來安保不仍被誘而往著奕山齊慎會同祁墳梁寶常將所招漁戶漢奸悉心體察其實有才能可用者不妨從優賞賚勸令立功儻不安本分再行滋事即應隨時查拏從嚴懲辦

此外人本輟弱不堪訓練入伍及臨時不足供我驅遣者即編入戶冊妥為安置毋令別滋事端該將軍等務即通盤計較其應如何分別留用及早為解散之處迅速妥議據實具奏至另片奏防守壯勇三萬餘名請於設防之日起給予口食銀兩一節著照議辦理惟兵勇必有實用庶帑項不致虛糜奕山齊慎均係特簡大員祁墳梁寶常均有地方之責應如何愧奮圖功剋期奏績儻仍自甘庸

懦置若罔聞經年累月一無所布惟知填河而已豈大清臣子之所為且填河必能保其能阻逆舟耶朕惟有執法從事不稍貸也懍之慎之將此由五百里諭令知之○又諭祁墳等奏請再撥軍需及截留關餉一摺據稱現在籌備防堵約計所存軍需餉銀僅可支三四月之用請再撥發銀一百五十萬兩並請將粵海關庫現存稅銀五十萬兩一併截存備支等語著戶部速議具奏廣東自軍興

以來不惜帑金撥給備用原期捍患禦侮迅  
嚴大功乃合計動撥軍需及藩關運三庫銀  
已至二百七十餘萬兩之多於夷務仍毫無  
所濟該督撫身膺重寄虛糜國帑撫衷自問  
何以克安現在復因防堵緊要豫請撥發備  
用朕已如所請飭部議撥該督撫稍有天良  
必當覈實支銷力加撙節並將現辦防剿各  
事宜認真督辦務期大功迅嚴帑不虛糜毋  
再遷延致干罪戾將此附五百里報便諭令

知之 旌表守正被戕浙江平陽縣民陳大  
新母胡氏 士申四川總督寶興奏遵鑄  
礮二十二位逐一演放均極堅固委員解赴  
前後藏報聞 以一等海澄公黃嘉謨孫慶  
春襲爵賞頭等侍衛 癸酉緩徵甘肅皋蘭  
河狄道靖遠安定固原安化寧環武威寧夏  
寧朔靈中衛平羅西寧碾伯靈臺十八州縣  
及花馬池州同沙泥州判東樂縣丞所屬被  
雹被霜被水歉區舊欠額賦 甲戌諭內閣

前因安徽監生劉楹在都察院遣告前任頤  
州府知府現任安慶府知府徐思莊有勒派  
濫押威逼等情當降旨飭令慧成馳驛前往  
查辦茲據奏稱查訊明確該知府並無勒捐  
分肥之事其將劉楹交縣看管亦因他案未  
結並非無故濫押惟於姚祥慶訐告劉瀚事  
不干己之案業經該縣照例批斥立案不行  
輒批准嚴訊以致姚祥慶疊控殊屬不合著  
交部照例議處廬鳳道鄭家麟失察家丁書

差得贓前任霍邱縣知縣楊景於羅中興自  
縊一案未能審出劉楹威逼實情以致失出  
杖罪均著交部照例議處○諭軍機大臣等  
本日據王鼎等奏自十一月初二日起至十  
七日止西壩築工續得四十丈五尺東壩亦  
續得十七丈五尺兩壩共做成九十一丈挑  
水壩做成九十八丈五尺承挑引河已及五  
分有餘抽溝及溝線各工承挑各廳報有分  
數自三四分至五六分不等等語現當天氣

晴和正易施工據奏麻斤短絀著即嚴催委員上緊購買解赴工次毋任稽延儻能迅速合龍則下游可免浸灌帑項亦可節省朕心盼望之至斷不准稍有耽延至兩淮應解銀兩前因王鼎等奏請儘數易錢已降旨飭令兩淮照辦茲又奏稱截回易銀為數過多且業經起解勢難更換現已降旨飭牛鑑傳諭沈拱辰將未經易錢之銀仍照舊解赴工次其已經易錢者不必截回以濟要工而免紛

煩將此諭令知之○又諭據王鼎等奏河南奏撥工需銀兩內有兩淮鹽課銀四十萬兩前經奏明令兩淮易錢解豫旋知揚州錢少已將銀兩起解在途當即在豫廣為易錢足敷工用茲復據運司沈拱辰呈稱仍照奏案將部撥銀兩易錢由水路赴豫請飭該運司將所易錢文截回仍撥銀四十萬兩赴豫等語河南工需銀兩既由本省廣易錢文足敷用度但兩淮已將錢文起解若再令截回更

換銀兩徒多周折業經降旨著王鼎等將已經起解錢文毋庸截回其未經起解錢文仍著兩淮易銀起解務須迅速到豫毋誤要需將此諭知牛鑑並傳諭沈拱辰知之○山東巡撫托渾布奏遵議嚴禁私硝章程應令產硝州縣概設硝戶擇於城市設局熬煎不准零星埽積其熬成硝斤除留備官用及賣與有印結之商人外餘俱儘數繳官酌中給價不准偷漏得旨所議甚屬周到飭屬實力奉行勉之○修湖北潛江縣民隄以工代賑並修鍾祥縣隄從總督裕泰等請也○乙亥

上詣

壽康宮前殿行禮後殿問

皇太后安○以右翼前鋒統領博多歡為正黃旗蒙古都統鑲黃旗護軍統領中山為右翼前鋒統領調正黃旗護軍統領文蔚為鑲黃旗護軍統領以禮部左侍郎關聖保兼正黃旗護軍統領○以兵部尚書裕誠署正紅旗

漢軍都統○以怡親王載垣為鑲黃旗領侍衛內大臣喀爾喀親王車登巴咱爾署正白旗領侍衛內大臣○調鑲藍旗蒙古副都統恩華為正紅旗滿洲副都統以兵部右侍郎慧成兼鑲藍旗蒙古副都統○命瑞郡王奕誌帶領侍衛十員往奠故莊親王綿護茶酒諡曰勤○蠲緩浙江建德淳安仁和烏程歸安長興德清武康富陽九縣及嘉湖衛被水莊屯新舊正雜額賦有差○撫卹朝鮮國遭風難夷如例○丙子諭軍機大臣等奕興等奏大青山後牧地現復搭蓋房屋請飭查辦一摺大青山後沙拉穆楞昭暨諾們汗昭等處牧地久經封禁即不應任令私行耕種搭蓋房屋惟據該將軍等奏稱此項遊民均係內地無業貧民潛居口外現在積聚過多請飭山西巡撫派員押歸原籍收管等語遊民占據遊牧有礙蒙古生計自應嚴行驅逐惟人數過多聚散無常山後地方遼闊稽查亦

恐難周著楊國楨悉心籌畫妥議具奏務使該遊民等既不致侵擾遊牧且不致因官為驅逐別釀事端是為至要將此諭令知之○浙江學政羅文俊奏紹興台州二府請俟軍務平定後再行補試從之○丁丑諭軍機大臣等據劉韻珂奏海口封閉日久商民失業請照舊開港並酌定稽查章程等語浙江省乍浦等處各海口商船出入貨物流通貧民得資餬口既據該撫奏稱該處舵水人等屢

次籲求開港自宜俯順輿情所有乍浦及溫台等處商漁船隻均著准其照舊出入仍責成各地方官協同守口員弁實力稽查其令各牙行聯環互保並查驗違禁各物各給腰牌以免混雜及漁船責令埠頭行戶具結互保各章程均著照所議辦理惟逆夷詭計多端海口奸民嗜利往往為其所用儻該夷雇覓商船裝載漢奸令其滙入港內然後乘機竊發出我所備之外又將何以應之總宜先

事密籌無微不至勿墮詭計其江蘇上海縣海口前經降旨准其開港與浙江事同一律著奕經特依順文蔚會同牛鑑劉韻珂嚴飭兩省各口文武員弁密查出入船隻毋得稍有疏虞庶於通商恤民之中仍寓防弊察奸之法將此各諭令知之○又諭劉韻珂奏兵勇領項不敷食用請援案酌增一摺浙江省調防海口各官兵節經劉韻珂等奏准分別折給口糧並給與錢文以資口食茲據該撫

查明該兵丁等在防日久情形困苦自應量加調劑以固兵心所有現在調防各兵准其將未出曹娥江以前外省連口糧鹽菜兩項每兵每日折支銀一錢二分本省三百里外者連口糧柴薪兩項每名每日折支銀八分三百里內及在各本境防守者並外省本省各兵餘丁跟役均著每日折支銀五分其已逾曹娥江以後無論外省本省均著照例每月加給銀四錢在防之本省各營員亦著按

品給與鹽糧併給跟役俸資辦公至所雇鄉勇請酌給錢文並安家銀兩亦著照所議辦理以示體恤統俟事竣之日按款覈實報銷該撫務當隨時查察毋任稍有浮濫以歸撙節而收實效將此諭令知之○又諭前因逆夷滋擾浙江出師征剿當經降旨著寶興於四川挑選精兵二千名著恩特亨額富呢揚阿於甘肅陝西二省各挑精兵一千名迅速赴浙交揚威將軍調遣此項兵丁尚未到浙

未知現在行抵何處著裕泰趙炳言鄂順安查明該兵丁等過境飭令帶兵各員星夜兼程赴浙如已過境亦著飛咨沿途督撫及地方各員一體催趨毋稍遲延將此由六百里各諭令知之○以工部尚書賽尚阿管戶部三庫事○命御前頭等侍衛珠勒亨甘肅中衛協副將哈拉吉那湖北施南協副將岱昌馳赴浙江軍營交揚威將軍奕經差遣委用○廣東學政單懋謙因病解任命廣東道御



史高人鑑提督廣東學政。予故廣西巡撫升任雲貴總督趙慎畛。入祀廣西名宦祠。從巡撫周之琦請也。旌表守正捐軀湖南麻陽縣民鄭侶達妻魏氏。戊寅諭軍機大臣等據奇明保等奏餘姚失守情形一摺。覽奏殊深憤懣。該處防堵既派有江西兵一千名。鄉勇八百餘名。何以逆夷一到遽爾失守。可見將懦兵疲全無鬪志。非逆夷兇銳竟不可當。實我兵弁臨陣脫逃。幾成習慣。現在該逆

占據餘姚。則慈谿等縣更為可慮。將來赴寧波進剿。既多阻梗。且難保不分頭內犯。曹江潛窺省垣。昨據奕經等奏特依順已帶兵赴浙。劉韻珂等自必協同籌畫防守。不致內竄。俟大兵齊到。該將軍參贊等自必即圖進剿。以靖夷氛。至另片奏請暫留江寧旗兵防守曹江。並壽春兵將來應調回保衛省城之處。均著照所議辦理。其寧波等處逃出難民。准其一體加給錢米收養。或資送他處安插。毋

使失所。又沿海各屬漁船該撫已全數截留。不准放至餘姚等處。其前已放行者。即設法招回。毋為逆夷所掠。柴船等項一體照辦。其中高大堅固各船。已雇至錢塘江為配。兵攻勦之用。其不堪雇用者。現當封禁。無以謀生。著該撫等酌給安家口糧。以資養贍。至此次餘姚潰散兵丁。恒怯已極。豈堪復令入伍。致誤事機。著該撫等察看情形。妥為辦理。此時總以激勵兵民。申明紀律為要。慎勿以不堪

驅策之人。濫行充數也。將此諭知奇明保。劉韻珂。恆興。並諭奕經。特依順。文蔚。知之。○又諭現在逆夷勢甚猖獗。由寧波進占餘姚。必須重兵嚴防。扼其要害。方不致竄入腹地。余步雲身任提督。一味退縮。前自鎮海寧波。逐漸向內逃避。現在曹娥江駐守。所有防堵兵丁。皆伊管轄。似此喪良畏怯。祇知自顧性命。各兵安得不相率奔逃。此時若再姑容。必致誤事。曹娥江為紹興門戶。尤宜加意防堵。該

處武職大員祇陳階平一人未知病體能否勝任而段永福又無抵浙消息當此防勦喫緊之際不容稍有疏虞著奕經等悉心商酌迅即另揀勇敢可靠大員量為更換以期得力將此由五百里諭令知之又諭現在山海關駐紮吉林兵一千名明春如有需用馬隊之處著派巴雅爾倭克精額分領管帶將此諭令知之又諭寄諭盛京將軍耆英山東巡撫托渾布奉天山東各海口節經降旨飭令嚴防自己妥為籌辦惟逆夷詭計多端海口奸民嗜利往往為其所用儻該夷雇覓商船裝載漢奸令其涸入內河乘機竊發出我所備之外又將何以應之該將軍等務當先事密籌所有各項商漁船隻出口進口應如何設法稽查使夷匪漢奸無從涸跡即著安立章程認真辦理勿致稍有疏虞是為至要將此各諭令知之○緩徵福建廈門被災滋擾災區額賦已卯

上詣

皇太后宮問安 諭內閣發去造辦處庫貯圓城礮十五位木靶子母礮十二位著珠勒亨哈拉吉那岱昌帶往浙江軍營交揚威將軍奕經等備用○諭軍機大臣等山東登州海口為北來船隻必由之路疊據托渾布奏報防守情形布置已屬周妥惟該處大小島嶼共有幾處何處居民最多何處人數寥寥該逆儻敢揚帆北駛料必占據海中島嶼一二處則彼既有巢穴可居且米糧淡水取攜甚便不特島民受其蹂躪並恐駐足有所則後顧無虞其北駛更覺易易該逆到處皆是此等伎倆此時若處處添兵設礮既嫌調撥不敷且亦無此辦法托渾布久駐海口情形諒已深悉乘此無事之時著體察地勢豫為籌畫總使該逆到彼明知實無可圖之利占據亦屬無益即偶爾寄碇既無水米接濟並有木筏小船乘夜牽擊彼必進退趑趄不敢肆

行無忌較之添設兵礮更為得力該撫惟當用智用計先事豫籌其如何妥密布置之處著即定議速行具奏將此諭令知之○撥山東司庫銀一萬三千四百七十兩有奇津貼運河冬挑工費河南司庫銀八萬二千五百兩津貼十三廳料價從河道總督朱襄等請也

大清宣宗效天符運立中體正至文聖武智勇仁慈儉勤孝敏成皇帝實錄卷之三百六十二

大清宣宗效天符運立中體正至文聖武智勇仁慈儉勤孝敏成皇帝實錄卷之三百六十三

道光二十一年辛丑十二月庚辰朔諭軍機

大臣等據開散宗室和昶具呈登州等處海防情形並願往效力已有旨令珠勒亨等帶往山東交托渾布詢問矣呈內所稱防守各策是否可行著該撫面加詢問詳細定議具奏該宗室情願效力之處並著該撫留心察看可留則留如不可留即行飭送回京原呈鈔給閱看將此諭令知之○禮部奏明年元旦應行禮儀得旨是照例行禮奉  
皇太后懿旨停止筵宴其在外公主福晉命婦

進內行禮之處並著停止。山西巡撫楊國楨覆奏晉省硝斤向在省城設立官店民間埽積荒硝不知煎提無從出售應仍歸省城硝戶領給印票赴產硝各縣收買責成陽曲縣稽查經理毋庸另議設局得旨嚴密稽查著依議行。○停閱本年八旗及內務府三旗冰技仍給半賞。○以山西銀價昂貴暫停寶晉局鼓鑄印錢從巡撫楊國楨請也。○辛巳添設巡捕營槍兵一千名裁藤牌等兵三百

八十三名從署步軍統領恩桂等請也。○壬午旌表守正捐軀直隸安肅縣民婦魏陳氏姑賈氏。○癸未諭內閣用兵之道貴乎紀律嚴明賞罰必信誠以紀律嚴則法度自昭賞罰信則德威並濟我國家承平垂二百年各省將弁所以恩養而教育之者至優極渥遇徵調宜何如乎先思奮為國立功乃自上年軍興以來屢與喫夷接仗惟定海一役力戰六晝夜之久擊斃夷匪無數其餘各仗帶

兵各員不能申明紀律激勵士卒以致臨陣脫逃非逆夷之先跋竟不可當實由統兵大臣一味姑容故將士不能用命若不亟加整頓何以挽積習而勵軍心著揚威將軍參贊大臣等查明失守各城首先逃走之將弁兵丁嚴切訊明即照軍法從事毋稍寬縱惟犯法者既正刑誅立功者當膺懋賞激勵以壯其氣錫賚以獎其勞全在該將軍等開誠布公勸以忠義使人人有勇知方同心敵愾似此貪狡兇夷罪惡貫滿揆之人心天理殲滅何難若使紀律嚴明賞罰必信自可迅奏膚功茲特發去內庫花翎五十枝搬指八十箇翎管四十箇小刀九十把火鏢七十五把六品頂六十箇七品頂八十箇著珠勒亨等帶往軍營交揚威將軍奕經等祇領其將備兵丁及收羅異材並檄調各省官弁人等內如有拔賊先登不避鋒鏖斬獲夷目者該將軍等即將頒去各件優加賞賚仍敘述事跡據

實保奏。朕必破格施恩。該將軍等惟當思威並用。整飭戎行。以副朕綏靖海疆之意。諭軍機大臣等。金應麟奏進呈火器圖說一摺。據奏逆夷漢奸互相猜疑。宜為用間。夷船畏火。宜於乘夜潛攻。所進圖說多係前人成法。又另片密陳用計破船之法。現值軍務緊要。正宜集思廣益。該將軍等於一切攻戰器具。及逆夷情形。當已習有成竹。該少卿所奏各情。及所進圖說。自在該將軍等意計之中。或

採訪尚有未及。不妨博取備用。著將原摺片及圖說一併發給閱看。是否可行。著即悉心籌議。隨時陳奏。將此遇報便諭。令知之。尋奏用計破船之法。必須寧鎮民人而該處民人多係漢奸。未敢輕率施行。火器圖說查與火龍經金湯十二籌等書大同小異。器式藥方間亦採用容俟悉心選擇再行製造。得旨所奏俱妥。務操必勝之權。一鼓蕩平。悞逆勉之。改山東曹州府糧河通判為曹單通

判從巡撫托渾布請也。甲申上詣

皇太后宮問安。諭軍機大臣等。劉韻珂奏逆夷退出餘姚。闖入慈谿。並餘姚失守情形。一摺。據奏逆夷於十五日駕火輪三板及內地漁釣等船。由寧波駛至餘姚。各處防守兵勇即時潰散。該逆向城開礮。江西將弁經該縣跪地叩求。始定守城之計。旋被逆夷攻進。各兵奔出。逆復闖入慈谿。爬越入城。焚毀衙署。

現仍退回寧波等語。此次逆夷侵犯。統計在船登岸。不過二千餘名。我兵數足相當。且有城池礮位。主客勞逸。形勢瞭然。乃既不能衝鋒擊賊。復不能嬰城固守。一見逆夷。輒即紛紛潰散。以致該逆肆意滋擾。如入無人之境。國家安用此債軍之將失律之兵耶。江西所調官兵如此。臨陣倉皇不戰先遁。尤堪痛恨。現據該撫飭司確查。派員密訪。著奕經特依順文蔚迅飭查明。首先潰散之兵。即於軍前

梟首示眾其望風奔竄之將弁亦即查明據實參奏請旨正法毋稍姑息江西將懦兵疲全不足恃儻仍留營聽調不止不能得力將來各省勁兵相率效尤更屬不成事體著即全數撤回由該將軍等通盤籌算應調何處官兵著即一面奏聞一面先行咨調毋誤事機其餘姚縣知縣彭崧年投河遇救一節仍著劉韻珂確查具奏現在賊船已回寧波其餘姚慈谿等處若復添兵防守直同兒戲且

恐他處兵力轉單毫無裨益著奕經等出示曉諭該處義勇人等認真團練各保身家其先經遷徙各戶暫緩歸來以絕逆夷之望被難在逃者由該撫設法妥為安置毋令轉於溝壑至該逆現有欲犯曹江奉化省垣之語特依順現已抵浙著即會同劉韻珂相機酌辦現在曹娥江最為扼要應如何添兵駐守著即妥速籌商辦理並責成該提督余步雲竭力保守儻敢於屢次退走之後再有疏虞

惟該提督是問將此由六百里諭令知之○  
乙酉

孝惠章皇后忌辰遣官祭

孝東陵○諭內閣據兵部奏驛站接遞緊急奏摺遲誤時刻請旨飭查等語江蘇揚州府高郵州所屬界首驛至下站安平驛計程六十里按五百里計算應行一時四刻該部將奕經等奏摺傳牌覈對時刻均有遲逾現當軍務緊要之時沿途接遞文報豈容片刻耽延

著兩江總督江蘇巡撫即將該地方官查明從嚴參辦以為玩視軍務者戒又諭著英等奏鼓鑄礮位工竣請旨命名一摺盛京新鑄礮位其二千五百斤三千斤四千斤五千斤八千斤者著命名鞏定將軍一千斤一千五百斤者著命名振武○諭軍機大臣等訥爾經額奏遵旨招募雁戶並於新兵中擇素識水性之人派令雁戶教演等語該處習水打雁民人統無虛發前經降旨飭令廣為招

募茲據奏此項水勇若一色招募雁戶不能甚多此時各海口招募新兵亦有素識水性均可挑出教演著該督責成沿海州縣暨該管道府先儘雁戶招募如不能多得即擇素識水性年力強壯之人廣為招致派令雁戶教演水中打槍務臻熟練俟募有成數即專派參遊以上大員管帶所有船隻木筏硝磺柴草一切器具並著多為豫備該督務當實力實心勤加訓練一經遣派人人得力方為

有益不得濫行充數以致有名無實是為至要將此諭令知之又諭著英奏查明奉天沿海情形並繪圖貼說呈覽朕詳加披閱據稱該省大小海口三十九處島嶼二十二處惟金州所屬海口內間有老水貼岸之處復州所屬常興島以南濱臨大洋無論大小船隻皆可逼近口岸其餘海口非水淺灘薄即礁石沙線大船斷難進口但三板夷船均可乘潮攏岸等語奉天海外島嶼甚多若處處

駐兵安礮不但不能得力且亦無此辦法著查明民戶寥寥不難遷移者即明白示諭令其暫移腹地以避其鋒並將島內淡水設法下毒以絕其占據之心其有島嶼較大居民不能全移者除諭令自為團練各保身家外並酌留淡水一二處供民汲取餘皆置放毒物使啖逆暗受其害較之設兵防堵更為有益至各屬海口雖有礁石沙線曲折旋繞有路可通者尚恐三板夷船隨潮潛入均須密

加防範毋稍疏虞該將軍身膺重任務當實心實力審度機宜庶幾有備無患將此諭令知之盛京將軍著英等奏查明所屬產金產煤處所並無私挖開採情弊報聞以盛京鑄礮工竣賞協領恆升烏爾滾珍花翎佐領榮琪藍翎協領烏爾滾泰下部優敘修直隸溫榆河果渠村壩埽等工從總督訥爾經額請也減免江蘇六合縣被水窪地一十四項有奇額賦丙戌諭內閣各直省督

撫等遵旨薦舉人才必應深知其賢始登薦牘如到任未久不妨稍緩時日詳加察看本日據吳文鎔保舉摺內稱為到江未久未能深悉底蘊容再察看數月又稱先將潔已愛民誠心任事者出具考語呈覽該撫於屬員之賢否尚未深悉底蘊何以遽行保奏實屬自相矛盾有見好屬員之心所保各員著毋庸議又諭雙德奏籌辦加添擡槍一摺密雲營伍操防僅設有擡槍二十桿今該副都

統自行籌添八十桿請飭工部給領鉛藥於操防不為無益著准其添設並免造冊報銷其另片請將新建擡槍歸入大陣合操不過取其聲音宏大專為壯觀而設於武備何益且與添設擡槍本義甚相刺謬其如何演放務歸有準有用與鳥槍長槍互相保護俾資得力之處著該副都統另行妥議具奏尋奏擬將擡槍兵列十六隊居頭層鳥槍兵列十六隊居二層挑長矛單刀兵八十名列十六

隊居三層擡槍鳥槍挨次演放連環進步刀矛手乘間齊出合對披擊得旨擡槍打連環若遇對敵之際馬能槍槍下子仍歸無用汝祇知崇尚虛文營中惡習漸染已深朕不能訓飭汝亦斷不能會悟也○諭軍機大臣等王鼎等奏兩壩趕緊進埽引河併力搶挑並續得丈尺挑成分數一摺據稱自交冬至後大河業已凜凌經王鼎等督飭文武員弁設法趲辦截至十一月二十九日西壩續得三

十六丈五尺東壩續得三十九丈二尺兩壩連前共做成一百六十六丈七尺上下邊埽各夾土壩亦隨正壩一律跟進挑水壩連前做成一百四十丈合計全工業已過半所購稽埽麻斤均已全行運到正雜料物足敷支用各分引河溝工牽計已有九分工程若得天氣常晴臘月十五以後即可相機合龍覽奏深慰廑念此次興辦大工正值嚴寒之際王鼎等親駐壩頭晝夜催趲不辭勞瘁現已



將次竣事。實屬奮勉可嘉。另摺所請續撥帑銀三十萬兩。已交戶部建議具奏矣。王鼎等仍當嚴督工員。益加勤奮。務使兩壩剋期並進。毋稍停留。俾工程指日告成。是為至要。將此各諭令知之。○荊州右翼副都統穆精阿因病休致。以打牲索倫總管德齡阿為荊州右翼副都統。○展緩江西南昌新建德化鄱陽餘干建昌瑞昌湖口彭澤清江新淦萬年都昌德安新喻峽江廬陵泰和吉水進賢豐

城星子二十二縣及九江府同知所屬被水歉區帶徵額賦 丁亥

大高殿設壇祈雪

上親詣行禮。諭軍機大臣等。奕經等奏潰散將弁俟查明再行懲辦一摺。據奏段永福已赴曹娥江。俟到防後一切略為熟悉。再將余步雲遵旨查辦收集散兵。現在分撥防守。擬俟各路防堵事竣。再行分別懲辦等語。著即照議辦理。切勿失之姑息。其餘姚失守之將

備兵丁前有旨諭令確查懲辦。現據奏稱移咨特依順劉韻珂就近查辦。著俟查明後遵照前旨嚴行懲創。所有飾詞捏病之餘姚縣知縣彭崧年即與防守餘姚帶兵各員一併摘去頂帶。仍令該縣赴省候質。俟查明實在情形分別懲究。其慈谿縣土匪導引逆夷下船登岸拆毀衙署。現雖退出。仍恐復來滋擾。已函致特依順擇要屯紮藉資應援等語。亦著照議妥辦。段永福現已到防。曹娥江關繫

緊要。該鎮人雖勇敢。亦須帶有勁兵方可有備無患。著奕經等酌撥得力弁兵交該鎮管帶以資防守。另單奏漢奸梁仁管理寧波事件夷目羅布坦最為狡詐。漢奸李姓用事著俟大兵進剿時設法擒獲。毋任漏網。其別國聘來大力軍二百餘人係由何國聘來何以稱為大力亦著確探奏聞。又據稱夷性多疑貪利。各城頭目心不一。令不一。令正宜乘此用計兵法攻瑕不可錯過。又另摺奏火龍

經已見過軍中現有此書已在營中製造各項火器並由牛鑑購買毒草製藥撥解備用等語覽奏已悉此外有可制勝之器不妨多為製備該將軍等到浙後務宜謀勇兼施毋負委任朕拭目以待捷音之至也將此由六百里諭令知之又諭奕山等奏查覆籌備情形一摺據奏逆夷遣人回國添調兵船欲於來春分擾臺灣並赴天津廣東靈河鑄礮修臺造船均須曠日持久且有逆夷攔阻水

陸壯勇三萬餘名僅能分據把守未能出洋攻勦志切同仇者不過紳衿數十人此外非利不動等語香港現有夷船十四隻三板數十隻漢奸海盜萬餘人不時窺伺該將軍等惟知填塞省河此外別無良策現在逆夷製造火滾欲沈水擊打石碇可見沈石填河亦不能阻其內犯且填河鑄礮團練鄉勇各節皆地方官應辦之事又何待將軍參贊為耶摺內又稱守為上策攻戰次之是攻戰既無

把握萬一逆船復來侵犯未知作何抵禦戰既不敢守又不敢經年累月虛糜帑項該將軍等自問當得何罪至所稱不走私不接濟逆夷自可氣沮粵中漢奸甚夥現用何計可以斷絕恐又係徒託空言藉此延宕再修復礮臺究竟何時可以工竣至前奏每月軍需幾及三十餘萬該將軍等擁兵坐視但倖賊之不來不求事之有濟株守省城何時方可藏事著奕山齊慎祁墳各抒所見不必會

商分摺密奏儘仍以浮詞搪塞亦斷難逃朕之洞鑒也將此由五百里諭令知之○又諭前據達洪阿等奏逆夷滋擾臺郡官兵擊沈船隻奪獲器械擒斬夷匪多名當有旨諭令該總兵等嚴飭在事文武添派兵勇嚴密防範並諭令王得祿移駐臺灣協同勦辦嗣因日久未據續報復諭令怡良等確探馳奏迄今又將市月朕心實深廬念臺灣為閩海要區向係該逆垂涎之地此次駛入逆船復經

該總兵等殲勦難保無匪船闖入冀圖報復現據奕山等奏逆夷有遣人回國添調兵船於明春滋擾臺灣之語該總兵等接奉前旨後於一切堵剿機宜自己先事豫籌妥協現在情形若何有無續來滋擾萬一該逆大隊復來該處駐守弁兵及招募義勇是否足資抵禦其如何定謀決策層層布置可操必勝之權著達洪阿等會同王得祿悉心定議一併會銜具奏並著怡良等密速確探現在情

形據實奏聞毋再遲延將此由六百里諭知怡良等並傳諭姚瑩知之○又諭浙江已革辛巳科舉人徐廷策因案發配陝西聞現在漢中府著伯蔭黃爵滋於山西查辦事竣後馳赴陝西將徐廷策提到親加驗訊令其默寫三代履歷並中式是何題目考官及房官係屬何人文詩能否記憶當面默寫數語並因何事犯案何時發到陝西一一責令據實供吐隨時具奏毋許走漏消息致有不實不

盡將此諭令知之○命土默特扎薩克貝子德勒克色楞固倫額駙德木楚克扎布在紫禁城內騎馬○科爾沁達爾漢親王索特納木彭蘇克等二人喀爾喀車臣汗阿爾塔什達等四人巴林扎薩克郡王那木濟勒旺楚克等二人喀喇沁扎薩克郡王色伯克多爾濟等二人教漢郡王幹咱巴拉阿巴噶郡王薩爾濟勒多爾濟於養心門內瞻覲○戊子諭內閣前因顏伯燾陳奏廈門失守情

形恐有不實不盡面諭端華馳往密查茲據該侍郎覆奏大致均屬相符即新兵水勇數目多寡亦不甚懸殊惟以總督大員駐劄廈門專辦防堵事宜已閱半年之久乃一經逆夷突至廈門登時失守輒即退保同安泉州庸懦無能罪無可逭嗣因廈門業已收回從寬免其治罪降為三品頂帶革職留任原期愧奮圖功藉資補救近閱歷次奏報無非虛詞搪塞全無實際其現應如何設法攻勦之

處概未籌及種種荒謬屬孤恩溺職顏伯  
燾著即行革任○又諭佈勒亨奏酌籌旗營  
添造鳥槍一摺江寧駐防旗營准其添造鳥  
槍二百桿此項工料銀兩係由該營公捐著  
免其造冊報銷其每年應操火藥鉛斤仍著  
歸江寧藩司估令城守副將一體添造解赴  
旗營俾資操防所需鳥槍兵丁二百名現由  
小甲閒散內揀選遇有正額馬甲缺出即著  
在此二百名內挑補毋庸議給糧餉○諭軍

機大臣等牛鑑奏防護漕船及江海情形一  
摺據奏夷匪不離大船漢奸不離夷匪該逆  
性多狐疑斷不敢冒險入江阻我漕道且江  
海水勢沙線各別船隻制度器具各異下游  
堵禦既嚴瓜洲防護亦密明年漕運可以無  
虞等語覽奏深慰廑念仍著小心防範毋以  
地利可恃防守已嚴稍存大意所奏明春潮  
汛未旺以前一律趲進瓜洲口屆期專委道  
府大員會營彈壓護送即著照議妥為辦理

惟思漢奸人數眾多行蹤詭秘擅船水手雖  
有冊籍可稽惟沿途雇覓難保無匪徒潛跡  
其中且每年重運抵通其附載北上者甚不  
乏人姓名籍貫稽查難周現當海防喫緊之  
時一切宜加謹慎應如何妥為防範密為稽  
查俾漢奸無從潛入仍處以鎮靜不致張皇  
驚擾著牛鑑會同朱樹程喬采悉心籌畫妥  
議具奏將此諭令知之○以山西巡撫楊國  
禎為閩浙總督山西布政使喬用遷署巡撫

○旌表守正捐軀雲南太和縣民婦楊富氏  
女汶姑○己丑

上詣

皇太后宮問安○都察院左副都御史帥承瀚  
因病解任以宗人府府丞何汝霖為都察院  
左副都御史○以雲南布政使梁萼福為山  
西巡撫直隸按察使岳鎮南為雲南布政使  
直隸大順廣道李億為按察使以江蘇按  
察使李星沅為江西布政使廣東惠潮嘉道

崇恩為江蘇按察使○庚寅

上御乾清門聽政。諭軍機大臣等孟保等奏  
攻勦拉夷森番得獲勝仗收復補仁營寨情  
形一摺。前因拉夷森番占據藏境經該大臣  
等奏請添兵進勦茲據奏稱嚴飭噶布倫等  
進兵攻勦殲斃生擒賊匪多名收其險要克  
復補仁營寨惟該匪占據唐古特地方計已  
一千七百餘里其餘營寨尚多必應趁此獲  
勝之後一鼓作氣設法進攻以期全行收復

所調唐古特騎馬土兵著即分撥前赴軍營  
並將藏營所存劈山大礮交該兵隊運往以  
資攻勦毋稍遲延將此諭令知之。又諭托  
渾布奏額兵不敷裁撥酌議分年換防並編  
諭沿海紳民團築土堡團練鄉勇以資防衛  
一摺據奏山東兗州登州曹州三鎮分列三  
十營兼轄一百三十四汛駐汛兵多者六七  
十名少者止於二三十名一經抽撥新兵仍  
屬不敷防堵尚須添調沿海多兵坐食而腹

地兵單不敷差遣等語著即照議就現在額  
兵擇近酌調分年換防既可以均勞逸復可  
以節糜費不致有顧此失彼之虞至沿海州  
縣村莊該撫已諭令各州縣選擇公正紳耆  
勸諭鄉民團築土堡畸零村莊酌量歸併用  
沙墩土壘自為障蔽著該撫隨時稽查務令  
認真辦理毋稍疏忽惟團練鄉勇須擇年力  
強壯者時加訓練地方官激其忠義之氣俾  
人人樂於自衛以收實效其驍勇健捷者臨

時官為募用亦可助兵力之未逮將此諭令  
知之○以太常寺少卿廣昌為太常寺卿○  
辛卯諭軍機大臣等惟勤等奏查明擅給印  
照越界墾荒一摺吉林封禁官荒既據查明  
實有貪展越界之事自應嚴切究辦現在原  
領官荒並未開齊該委員等所稟原撥之地  
不足應領之數封禁官荒實足五萬三千餘  
晌請另立封堆將貪展之地補不足之數等  
情又據該署將軍等請飭開齊履勘年終結

報一次並請將發給印照另案降調之協領郭興阿嚴議事關給照墾荒所訊恐仍有不實不盡之處著經額布到任後確切查明嚴行究辦毋稍含混再雙城堡各旗屯界現據惟勤等查無有眷流民潛入影射該處移駐京旗斷不容有眷流民潛入居住致礙旗人生計該將軍等每屆年終具奏一次儻竟視為年例虛應故事恐將來流民攜眷潛居日漸加多迨至生齒日繁又稱礙難驅逐從此

因循遷就必致別釀事端不可不防其漸並著經額布嚴飭確查認真驅逐毋得視為具文以致有名無實將此諭令知之尋奏委員赴雙城堡一百二十屯挨屯逐戶詳查移駐奉天吉林二省旗丁均各自力務農並無一戶招留流民居住移駐京旗有自力耕種者有與旗丁夥種者惟查有廷璋等六戶將地租與屯界附近王知禮等八戶耕種立即飭該管官驅逐界外將地撤出責令與旗民夥

種餘並無內地流民潛入居住得旨明察暗訪隨時認真辦理斷不可因循苟且致成積重難返之勢懍之江蘇巡撫程高奏接據揚威將軍等咨取蘇省加工火藥一萬斤及腰刀鳥槍等項並將存貯在蘇之銅礮十三門一併解浙報聞戶部議准浙江巡撫劉韻珂疏報富陽象山上虞淳安四縣開墾荒田蕩地十四頃一十四畝有奇照例升科從之封閉吉林田家屯煤窯從前任將軍

惟勤等請也壬辰諭內閣寶興奏請將浮開船價之遊擊革職一摺四川廣元營遊擊梁有才分起帶兵赴浙因聞湖北州縣折給船價無多輒商明巴縣知縣李世彬於船領內豫行浮開冀圖多領且另有縱兵勒索之處實屬任意妄為梁有才著即革職無論行抵何處即行撤回川省所帶官兵著沿途督撫就近委員管領赴浙李世彬當該遊擊向商並未阻止著寶興確查有無通同徇縱情

事另行分別辦理。直隸總督訥爾經額奏  
前飭各營招募土兵茲據副都統富勒敦泰  
函稱山海關滿洲駐防及歲閒散未經挑差  
者尚有三百餘人現在山海關應添新兵一  
千名請挑補二成入伍一切俱照綠營章程  
辦理下部知之。山東巡撫托渾布覆奏海  
豐縣海口內河進口八里許地名蜊隍河身  
僅寬四丈擬用船載土束以鐵鍊船內添載  
重石船後排釘粗大木椿橫河嚴堵並請撥  
省城新鑄大礮六位以資捍衛得旨逆夷若  
不來侵或無暇施其奸謀原可無事如銳意  
逞兇朕看汝所備船石木椿大礮六位定皆  
化為烏有矣所議不妥趁此閒暇之時悉心  
再行妥議具奏。癸巳諭內閣前因給事中  
和豐等奏請將現居城外之宗室人等一體  
編查保甲當降旨交宗人府覈議茲據載銓  
等奏稱應如該給事中等所奏一體由該城  
坊編查列入甲冊隨時察覈其有復移入城

居住者自行呈明該城坊將甲冊之名裁撤  
等語宗室覺羅向例原不應在城外居住所  
有現在暫居城外各戶不可漫無稽覈自應  
一體編查保甲僅於城坊編查時不違約束  
應如何德治之處宗人府再行酌議具奏○  
又諭昨據寶興奏四川廣元營遊擊梁有才  
帶兵赴浙有縱兵勒索浮開船價等弊已降  
旨將該遊擊革職撤回四川茲復據裕泰奏  
四川官兵路過江陵縣於阻風之際四出強  
拉客船任意訛詐以致商運官鹽全載沈溺  
帶兵遊擊梁有才置若罔聞等語梁有才著  
寶興嚴切訊究定擬具奏○諭軍機大臣等  
奕經等奏暎夷竄入奉化旋復退出一摺寧  
波距奉化僅九十里該知縣既探有夷船南  
駛之信豫將監犯提出另行管押並非意料  
所不及何以尚令鄉勇散處四鄉並不於衝  
要之處防禦直待夷船駛近北渡始行知會  
以致該夷入城滋擾現雖退出而地方官及

弁兵等。或則聞風潰逃。或則投河遇救。習成故套。甚屬可恨。著奕經等會同劉韻珂確切查明。嚴行懲辦。奉化縣知縣金秀堃著先行摘去頂帶。並將該縣營員一併摘去頂帶。均聽候查訊。毋稍寬縱。又據奏先撥義勇暫屯海寧口岸行營。即日移駐嘉興。一摺。夷情多詐。知大兵全行赴浙。或徑由大洋先趨上海。使我兵救應不及。亦不可不防。著即照議選擇諳習水性健壯之人。在平湖乍浦一帶暗

伏各處。設逆夷有犯上海之信。即乘虛攻其巢穴。使不能北渡。彼時水陸夾攻。甚易得手。至鼉子門逼近海寧。尤宜防守。著即撥往現募勇壯千餘名。以資策應。將來即由此地分遣潛赴寧鎮。不致迂折。仍當嚴飭段永福整飭官兵。加意防守。曹江不可使逆夷再進一步。該將軍等現赴嘉興。逆夷竟敢竄入錢塘江內。著奕經等即帶兵由乍浦追入江口。掩其歸路。此時兵勇僅數調遣。自應先其所

急。若再多派兵丁分赴奉化等處。恐他處兵力反單。該將軍等務須妥為籌酌。毋令顧此失彼。前經降旨諭以兵丁如不敷調撥。即奏調陝甘所備精兵。迄今未據覆奏。著奕經等酌量現在情形。果否須調此項兵丁。速行據實覆奏。又另片奏奉化縣知縣金秀堃所稟監犯被搶等語。情節支離。殊難憑信。著與前情一併查明嚴辦。將此由五百里諭令知之。貴州巡撫賀長齡覆奏御史花詠春請飭

邊疆訓練事宜。查全黔形勢。四鎮分設四隅。貴東道與古州鎮同城。鎮遠鎮所駐之鎮遠府。亦係該道管轄。貴西道與威寧鎮同城。安義鎮所駐之安義府。亦係該道管轄。所有四鎮兵馬糧械訓練一切。應責成該兩道就近分查。并請將駐省之糧儲道加兵備道銜。所轄貴陽石阡平越仁懷等處。責令分查。俱定為每年一巡。因公順道查驗。統於年終結報一次。下部議。從之。又奏遵旨製造福建提督



陳階平所奏加工火藥業經試驗實勝尋常  
惟硝斤提淨每百斤約折耗三四成應請提  
出一年額貯硝磺如法淨製由將備呈提鎮  
驗收以後逐年添辦專備軍需常操仍用常  
藥得旨依議妥實為之○以吉林協領富春  
為黑龍江副都統○貸湖北江陵公安二縣  
修隄銀○甲午諭內閣劉韻珂奏杭嘉湖等  
府被雪較重續成災歉委員查勘一摺本年  
浙江杭嘉湖三府屬田禾先因雨水過多播

種稍遲茲復被雪成災收成歉薄必應量加  
軫恤著該撫迅即委員勘明被災輕重情形  
分別應蠲應緩及應否賑濟據實奏明辦理  
又另片奏查勘災區嚴辦匪徒等語小民偶  
遇偏災地方官原應隨時撫卹毋使一夫失  
所若各屬刁民或有冒稱災歉抗納田租及  
向富戶索詐滋鬧等弊亦應查明懲辦該撫  
務當寬嚴並用威惠兼施以靖地方而安黎  
庶○諭軍機大臣等昨據奕經文蔚奏喚逆

竄入奉化旋復退出已降旨將該縣知縣金  
秀堃及營員一併摘去頂帶並飭令奕經等  
會同劉韻珂確切查明嚴行懲辦矣本日復  
據劉韻珂馳奏奉化被擾情形內稱該縣知  
縣稟稱率領兵勇入城攻擊以致逆夷退去  
殊難憑信著奕經劉韻珂仍遵前旨派員查  
明喚逆來去實在情形分別辦理至逆夷東  
衝西突飄忽無常屢至縣境總係探我虛實  
現在浙江兵勇無多俱各分守要隘若再多

派兵勇分赴奉化等處轉恐要地兵力單弱  
不足以資防勦該撫所見甚是著即照議仍  
飭令士民團練義勇自行守衛其曹江及甌  
子門等處皆為內地咽喉防守不可稍懈總  
當加意籌畫毋令顧此失彼又另片奏探得  
逆夷有由曹江上虞並由海寧犯省城等處  
之謠復備有烏山小船數十隻廣購油燭冀  
欲內犯等語此項小船既可駛入內港即應  
設法嚴防勿墮奸計曹江一帶有限永福帶

兵防堵其與海寧逼近之鼈子門業經奕經將現募壯勇千餘名撥往守禦並為將來潛赴寧鎮地步是該撫所稱逆夷將欲攻犯之境我兵皆有準備特慮各兵沾染畏葸習氣不能十分得力著奕經劉韻珂等激勵眾心示以賞罰儻稍有退縮怯懦者即以軍法從事一俟大兵雲集便可分路進剿速藏大功朕日盼捷音之至也將此諭令知之○又諭前據奕山等奏廣東紳民捐資報效情形請

將收捐章程量為變通當降旨交戶部議茲據戶部奏稱該將軍等以粵東紳士商民踴躍輸將如准其就近上兌即毋庸再請部撥餉銀且收捐祇粵東一省亦與各省分開事例者不同著照所請除捐復等項人員應由吏兵二部覈定准駁及改捐降捐遞捐人員有例無明文應由戶部查核數者仍令赴部呈捐外其由貢監生報捐文武各官及本係職官改捐別項例有專條者均准其照

例定銀數就近在廣東省藩庫上兌發給實收隨時報部該捐生將實收加結具呈由戶部換給執照其截卯限期統於道光二十二年七月底截止造冊分咨吏戶兵各部以憑覈辦惟該省辦理防勦事宜前後動撥銀幾及四百萬地丁關稅鹽課盈餉靡不留備軍需現復就近收捐更足隨時接濟該將軍督撫等身膺重寄自當激發天良凡事認真督辦即如前奏添鑄礮位建復礮臺修造師船

堵塞河道是否工歸實用帑不虛糜其招募水陸各勇糧名有無浮捏均應詳加查察嚴予鈎稽勿令承辦之員任意開銷藉端朦混嗣後辦理捐務尤當悉心經畫力杜弊端著責成祁墳梁寶常督率查覈毋許經手官吏從中滋弊庶於捐務軍需確有裨益將此由五百里諭令知之○浙江巡撫劉韻珂奏兵力難用疊飭各提鎮及在防文武認真嚴守咨請將軍參贊嚴行申飭以挽積習並自陳

感悚情形得旨汝之焦急情狀朕已洞悉有將不可恃有兵不可用文職以投水遇救習為護身之符而又多方掩飾深堪痛恨汝一到任即遇有事之秋非汝之過汝其殫心竭力一切軍需襄助揚威將軍速殄逆孽克復郡縣朕將酬庸之不暇尚其舉汝手勿為過慮勉之又勉毋負朕意○以科布多屯田豐收予員弁議敘賞兵丁一月鹽菜銀○禮部議准江蘇巡撫梁章鉅疏報採訪長洲元和吳三縣貞節婦女趙氏等六百四十八口山東巡撫托渾布疏報齊東莘三縣趙王氏等一百四十三口河南巡撫牛鑑疏報遂平縣崔馬氏等二十口各請建總坊旌表從之○以江南江安蘇松道屬糧價增昂暫緩收買幫丁行月等米

大清宣宗效天符運立中體正至文聖武智勇仁慈儉勤孝敏成皇帝實錄卷之三百六十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百六十四

茲修飛校官起履日講起居注太子太保體仁閣大學士文淵閣領閣事管理戶部事務上書房總辦翰林院掌院學士兼管順

大府所事務監帶加五級從錄十八次臣賈賴應奏官經廷議官吏部尚書錢謙益據漢軍都統管理新營房城內官房大臣稽察內

七倉大臣指容同四譯館事務加一級隨帶加六級軍功加三級紀錄五次臣花沙納鑾廷議官文淵閣提舉閣下兵部尚書總管

內務府大臣鑲白旗滿洲都統稽察內七倉大臣管理宗人府銀庫左翼副官學憲專管閩閩等處捐提堂和恭廳房御藥房太

督院送鮮處事務伯寧加十八級。臣阿靈阿副總裁官經廷孫官兵部尚書隨寧加六級。紀錄二十次。臣周祖培等奉

敕修

道光二十一年辛丑十二月乙未

上  
詣

皇太后宮問安。諭內閣內務府官柴廠地處城外該衙門稽察難周嗣後著該坊編入保甲認真稽查毋任匪徒涸跡以清地面。○以雲南曲尋協副將積慶為河南河北鎮總兵官。○戶部議准雲南巡撫張澧中疏報豫勸縣開墾田二十五畝有奇照例升科從之。○緩徵浙江橫浦浦東三場歉收竈地新舊額賦。○丙申月食。○諭軍機大臣等給事中陳

光亨奏湖北應修隄垸奸民書役勾串擾民一摺據稱近年疊被水災戶口流散地方土棍勾串書差勒令住戶捐修舉報大業大戶富戶名目指名拘押賠累輕生復混充首事斂費包修工程草率經費虛糜等語湖北臨江濱漢必須隄垸堅固方可保衛田廬若任奸民蠹役藉端滋擾勢必良民被累水患頻仍著裕泰趙炳言轉飭所屬嚴行禁止如有前項情弊立即嚴拏懲辦毋稍姑容所奏循

照舊章。曉諭業戶。未潰則各防各汛。既潰則各修各工。間有逃亡。合垸攤修等語。是否可行。並著悉心妥議具奏。原摺鈔給閱看。將此諭令知之。尋奏近年川陝貧民於深山邃谷中開闢墾種。以致山水漲發。沙土順流而下。江漢底墊日高。隄塍愈形卑矮。而土棍書差藉名修隄。勾串舞弊。在所不免。惟垸中有逃戶。歸於合垸興修。民情未必樂從。必須體察情形。分別釐剔籌辦。報聞。○以己革奉義侯

琦善族姪松桂故三等子白王子蘇泰二等男哈普齊賢嗣子恆山各襲爵。丁酉諭軍機大臣等戴銓等奏南苑恭備祭祀鹿隻不敷應用。請旨飭下盛京馬蘭鎮備辦等語。盛京因有防堵事宜前經著英奏請將應交奉宸苑鹿羔展限捕送當降旨准行。所有馬蘭鎮應交小鹿六十隻著該總兵照例於明年秋間送交該衙門並著於六七月間先行添交三十隻以備祭祀之用。將此諭令德興知

之。又諭現當軍務喫緊之際非賞勸不足以激士氣而勵軍心。昨降旨發去翎枝等件並諭令揚威將軍等隨時將有功員弁兵丁敘述事跡保奏施恩諒已宣諭軍中同深歡忭。惟念軍營用人之際流品不齊而得力之處又不能拘定一格。其有勞績頗著者不可不優加賞賚立見施行。俾羣相觀感愈形踴躍。惟軍營得賞之人攜帶重資轉覺不便若不明示以信又恐阻其奮勉之心茲先行發

去新製武功賞牌七百五十張註明銀兩數目計銀七萬兩交奕經等祇領其有爭先出力奮勉立功者著即覈其功之大小隨事酌量分別賞給並於執照內註明俟大功告竣後或由戶部或由各省藩庫驗明支領該將軍等務即曉諭軍民人等及時自奮銳意圖功以副朕鼓勵軍心有加無已至意將此由五百里諭令知之。直隸提督陳金綬等奏海濱苦寒每於天氣晴霽無風之日教練兵

勇得旨必須言行相符勉之加意惠養各處兵丁更要嚴行約束俾無犯法。熱河總管景福等奏請撥道庫生息閒款作為額魯特官兵餵養海青鵝免鵝等鷹口分得旨現養之各種鷹隻俱著賞額魯特官兵人等口分裁撤。○命新授閩浙總督楊國禎來京請訓再赴新任。○命四川布政使鍾祥來京陛見。○以貴州都勻協副將淳慶為雲南普洱鎮總兵官。○以修理塔爾巴哈台城垣各工

賞遊擊楊萬春花翎餘加銜升敘有差○以阿克蘇喀喇沙爾屯田豐收予員弁議敘賞兵丁一月鹽菜銀○戶部議准浙江巡撫劉韻珂疏報江山縣開墾荒田一項二十六畝有奇照例升科從之○戊戌諭內閣奉皇太后懿旨明年元旦令節著停止升座行禮所有王公一二品大臣及御前行走乾清門行走之蒙古王公是日俱著仍在

慈寧門外行禮三品以下各員是日俱著在午

門外行禮又諭宗人府奏酌量暫居城外宗室覺羅編查保甲章程所議尚未盡善現在宗室人等住居城外戶口較多若概令移居城內殊多窒礙自應一體編查保甲以資稽覈惟司坊官員職分較小儻意存容隱不敢認真稽查轉致有名無實著宗人府派委司員傳知該族學長先行按戶曉諭俾令靜聽編查毋稍違抗儻查有不安本分或任意容留閒雜人等即由巡城御史密呈都察院

堂官酌其情節較輕者知照宗人府迅即派員會同城坊查究其情節較重者即由都察院奏聞請旨辦理○又諭吳其濬奏請將被叅州判革職嚴審一摺湖南試用州判徐大亨以州判暫行代理州篆妄思考試以致物議沸騰並擅用徵存地丁銀兩藉口應付兵差難保無侵欺入己情事徐大亨著即革職俟由閩解回楚省後交該撫提同人證逐款嚴審務得確情按律辦理尋奏訊明徐大亨

尚無勒贓養賊等情惟失察書識代人寫稟及家丁等得受陋規以致物議沸騰業經革職應免治罪下部議從之○諭軍機大臣等前據訥爾經額奏請揀發武職各員以資差委本日由兵部將該員等帶領引見已降旨揀發副將參將遊擊各二員交訥爾經額差遣矣惟該員等並未經歷行陣若遽派令帶兵訓練及海口防堵恐不能得力著該督於該員等到省後留心察看量材器使或於所

屬實缺內。揀員派往海口。即令揀發之員署理各篆。庶可以收實效而資練習。將此諭令知之。○予故河南郟縣知縣孫珩商城縣知縣周振之。四川重慶府知府汪日宣。福建漳浦縣知縣周錫齡。泉州府學教授鄭秉才。浙江杭嘉湖道前任湖北襄陽縣知縣寶啟峻。入祀名宦祠。貴州故興義縣學訓導張廷倬。江蘇故生員顧炎武。安徽建德縣知縣貢震。江西故陝西從陽縣知縣周崧曉。廣西故貢

生陸喜雲。廩生陸慶明。陝西故生員張秉直。浙江故貢生崇炳。福建故候補內閣中書高樹勳。入祀鄉賢祠。從總督寶興。裕泰。裕謙。巡撫牛鑑。吳文鎔。賀長齡。錢寶琛。梁章鉅。富呢揚阿。劉韻珂。請也。○乙亥。諭內閣。前有旨。令各省督撫。飭令州縣招募土兵。茲據楊國楨奏。晉省不便招募土兵。應請添設民壯等語。著照所請。准其於額設民壯二千八百餘名外。添設二成。加入原額。共得三千四百五十

餘名。該撫即飭令該管官認真挑選。隨營操演。遇有營兵缺額。即以民壯撥充。總期聲勢聯絡。兵民相安。毋任老弱濫充。仍致有名無實。○庚子

上詣

皇太后宮問安。○諭軍機大臣等。主鼎等奏。長河水冰凌驟下。埽工搶護平穩。並續得丈尺一摺。據奏本月初四日以後。東南風作。上游冰凌漸解。隨溜衝激。撞壞船隻。觸斷蘆繩。現將

做成埽段。多加繩木防護。工程平穩。日來冰凌漸稀。雨壩續又進占。連前做成二百二十餘丈。全工已及十分之八。引河挑工及抽溝溝線。已報全行完竣。並照歷辦成法。逐段試放清水。如有高仰之處。即行搶挑。務期通暢等語。覽奏甚慰。現在工屆垂成。口門愈收愈窄。河溜愈束愈高。必須慎之又慎。勉益加勉。以期指日告成。此次工隨凍築。來春水漲。凍消能否堅實。並著隨時體察。先期防範。為要。

將此諭令知之。尋奏查厯屆大工多在嚴冬興舉。每因冰結。敲鑿施工。此次豫為防範。十月間即多雇船隻。在工所河面晝夜往來。水活溜行。並無凍阻。報聞。○又諭前有旨諭令柏後黃爵。馳赴陝西時。傳提發配該省之浙江已革舉人徐廷策。親加驗訊。令將三代履歷。並中式題目。及考官何人。詩文能否。記憶。當面默寫數語。該侍郎等到陝後。自必欽遵辦理。現據禮部查出徐廷策。癸未科會試

落卷三本。著發給該侍郎等。帶往將徐廷策所默字跡。認真覈對。是否相符。隨時據實具奏。將此諭令知之。尋奏徐廷策所供三代履歷。及考官房官姓名。均屬相符。默寫詩文。亦與落卷筆跡相合。實係正身。報聞。○緩扣湖廣荊州。荆左。荆右。沔陽。岳州。五衛被水。幫丁借造剝船銀。○辛丑。諭內閣。前因內務府繳庫司員書吏。有扣留折賞銀匹等弊。當於結案後。飭令總管內務府大臣。會同理藩院。妥

議章程。茲據該衙門會議具奏。俱著照所議辦理。惟理藩院司員赴庫支領次日。當堂放給之時。著派該院堂官一人。眼同督飭放給。以杜弊端。而昭慎重。至廣儲司書吏既擬裁汰。即照議將都虞司會計司掌儀司營造司。慶豐司及管理三旗銀兩莊頭處書吏一併陸續裁汰。此項人等。積慣舞弊。往往已革復充。身後辦事。是雖有役滿之名。而勾通影射。弊仍未除。著內務府大臣。飭令各司員隨時

認真稽查。嚴加防範。如查有冒充頂替。及年滿戀缺等弊。即著從嚴懲辦。勿令有名無實。○諭軍機大臣等。本日奕經等奏。行營移駐嘉興。並緩撤兵丁酌撥義勇一摺。覽奏均悉。俱著照所議辦理。江西浙江兵丁大半怯懦無能。著俟四川陝西兵丁到浙。即陸續裁撤。臬司蔣文慶。金華協副將朱貴。均准其派往曹江協同防堵。並辦理後路糧臺事宜。所募河北勇壯。妥為布置。務須加意體察。勿令漢



奸混入走漏消息。且定海孤懸海外。應如何  
內外交攻。總俟該處覆有確信。即行相機剿  
襲。浙省明年糧艘減運。擬用水手作為鄉勇。  
可免滋擾地方。所見亦尚周到。惟此項水手。  
强悍性成。全在用之得法。方不至別滋流弊。  
惟在該將軍等通盤籌畫。計出萬全。謀定後  
動。一戰奏功。膺懋賞而建殊勳。朕佇望捷音  
之至也。勉之。又另摺奏民人張鴻呈遞陣圖。  
礙難採擇。著即交地方官遞回原籍。毋庸解

交刑部訊辦。將此由五百里諭令知之。○以  
戶部尚書祁寯藻禮部尚書色克精額禮部  
左侍郎關聖保充經筵講官。以江西錢價  
日減。暫停寶昌局鼓鑄卯錢。從巡撫吳文鎔  
請也。○准江西永建等幫遭風漂沒軍船給  
料成造。淹斃人口。賞卹如例。以福建廈門  
海口戒嚴。暫停開關徵稅。○展賑河南祥符  
陳留杞通許太康唐邑六縣被水災民。一月  
貸睢柘城三州縣災民籽種口糧。平糶淮寧

縣倉穀。○壬寅。

上御撫辰殿大幄次。賜蒙古王貝勒貝子公額  
駙台吉等宴。並賞賚有差。○諭內閣。工部奏  
查明本年東南兩河另案工程動用銀數。南  
河另案用銀。比較上三年為數增多。雖據該  
河督奏稱。因黃河來源甚大。險工疊生。復值  
豫工決口。黃流匯注。洪澤堰圩大隄危險。工  
用繁多。其裏河廳拆造惠濟正閘。係專款另  
案。本非常年所有。現經列入清單等語。是本

年動用銀數較多。尚非無因。然較上三年究  
屬有增無減。國家經費有常。自宜力加撙節。  
嗣後水平工穩之年。仍著該河督等擇要勘  
估。不得稍有浮糜。以謹度支。而昭覈實。○諭  
軍機大臣等。本日裕泰等奏湖北崇陽縣匪  
徒聚眾攻入縣城。一摺。據稱該縣刀徒鍾人  
杰。前因包庇程中和。挖煤圖利。擬徒配逃。查  
拏未獲。與民人挾有夙嫌。欲圖報復等語。該  
犯鍾人杰。以無賴匪徒。何至因有釁端。輒敢

聚眾入城搶劫監獄倉庫拒捕捆官情節殊難憑信據該縣師長治之子稟稱匪徒黨羽甚多恐係蓄謀已久該縣僻處山陬地面並不遑閱何以匪徒聚眾該縣毫無聞見其中顯有別情著裕泰趙炳言一面派兵緝拏各犯一面飛咨鄰省協力防堵其為首之犯務當即速拏獲毋任遠颺滋蔓裕泰現已帶兵前往並有郭熊飛等會同兜拏著即嚴切訊究起釁根由何人為首是否係地方官激成事端總須水落石出分別嚴辦迅速完結湖北省城一帶饑民甚多趙炳言坐鎮省垣必須妥為彈壓不可令其聞風驚疑或致勾串儻現獲各犯供出黨羽散在各處亦即密咨分緝勿留餘孽是為至要將此諭令知之○直隸總督訥爾經額奏浙省情形較天津為急請將續調陝西來津勁兵二千名改赴浙營以資敵愾得旨候朕酌之○兩江總督牛鑑等覆奏江蘇向無漁人登戶名目沿海窮

民駕駛小船海濱採捕早出晚歸素尚安分強入隊伍恐不足用報聞○命科爾沁達爾漢親王索特納木彭蘇克喀爾喀扎薩克親王額林沁多爾濟在御前行走○命截留江蘇蘇松道屬漕糧六萬石協濟防堵兵丁口糧並豫備崇明縣民食○撥江蘇興化等縣漕糧二萬四千七百餘石抵放江淮興武等幫災缺行月等米○阿克蘇三品阿奇木伯克頭等台吉愛瑪特等三人伊犁四品伊什罕伯克頭等台吉散秩大臣銜哈里雅特和闐四品伊什罕伯克阿克阿布都瓦依特等二人賽哩木四品伊什罕伯克沙米斯頂等二人庫車五品噶雜納齊伯克邁瑪底里等二人拜城五品伊什罕伯克阿那雅特等二人喀什噶爾五品阿奇木伯克阿布都色瑪依特等二人葉爾羌五品訥克布伯克邁瑪特哈色木等二人於中正殿門內瞻覲○癸卯上御重華宮賜阿克蘇伊犁和闐賽哩木庫車

拜城喀什噶爾葉爾羌各城伯克台吉並朝鮮南掌國使臣等食○熱河都統桂輪奏勘估挑挖旱河需銀五千餘兩得旨旱河情形非從前年年蹕路經由者可比著自本年為始停止奏挑如遇有大妨礙之處再行專摺具奏工費不准過二千兩之數○盛京將軍耆英等覆奏確查奉天沿海居民向多服田力穡雖有捕魚之人祇能於風平浪靜時入水捕魚不能久伏海底亦不能於水面有所

施展礙難團練水勇報聞 甲辰

孝莊文皇后忌辰遣官祭

昭西陵

上詣

慈寧宮

壽康宮前殿行禮後殿問

皇太后安○諭軍機大臣等裕泰奏匪徒戕官

據險現在添兵勦辦一摺據奏崇陽縣幕丁

稟稱匪徒鍾人杰陳寶銘等糾集黨羽二三

千人設立帥臺占據縣城戕害知縣現據肇獲奸細供稱蒲圻接壤之洪下地方現有匪黨僧人占據拒守等語匪徒聚眾據城戕官罪大惡極必須一鼓殲除斷不可耽延時日致有滋蔓該督現已續調省標官兵督同勦辦如兵力尚單准於北南兩省附近營分酌調以期早為撲滅計該督此時當已行抵縣境著即探明路徑出奇夾擊迅速肅功並先就所獲各犯確訊起釁根由毋稍諱飾至該

縣師長治城破被害家屬同時殉節又典史外委是否自盡均應確切查明據實具奏將此由五百里諭令知之○熱河都統桂輪等奏遵查七寺食餉喇嘛額缺八百九十六名自道光十四年十月起至二十一年十二月止前後裁過二百五十三名現存六百四十三名實無虛報冒領情弊得旨留心密查無被欺飾為要○展賑江蘇上元江寧句容溧水高淳江浦六合泰興金壇溧陽十縣被水

災民一月給新陽縣災民一月口糧是日  
壬寅年立春順天府進土牛春山寶座乙  
巳諭軍機大臣等托渾布奏體察各島情形  
豫為籌畫布置一摺所議尚屬周妥該夷船  
如果北駛占島掠取薪水自以斷絕接濟為  
第一要務如蓬萊縣之大竹山等處十三島  
居民多少不等著即諭令屆期塞斷上岸道  
路團練島民自守其大小欽島及廟島等處  
遠隔重洋民力難施不得不為臨時遷避之

計該撫即豫令所屬地方官雇覓商漁船隻  
以備島民挈資內渡又福山等縣各島孤懸  
大洋必應埋伏槍礮暗行設守並將各井泉  
掘斷或置毒藥即令該逆強行占據而薪水  
無從擄掠久留必致乏食是我一煩一兵已  
足制該逆之命該撫惟當剴切曉諭居民使  
之樂於從事其有實在不能遷徙者仍著酌  
量派兵防守或令其投充水勇鄉勇協同兵  
力分守口岸至於臨時以漁筏小舟暗藏火

具燒擊夷船以為牽掣之術是在該撫隨機  
應變出奇制勝又另摺奏嚴定各海口稽查  
章程以杜夷匪漢奸冒混一摺著即照議凡  
有南船進口之時非地方官驗明人票相符  
不准收口交易並著本地行戶詳加認識取  
有切實保結方令該船正商上岸至本省商  
漁各船向俱編有字號著各地方官於商船  
出口時取其保結遇有南人不准受雇其捕  
漁各船照常營生遇有警報先將各船收回

如此層層稽查漢奸自難涸跡惟在該撫飭  
屬奉行認真辦理以收實效毋得視為具文  
也將此諭令知之○以淮關監督琰珠為武  
備院卿○江蘇巡撫梁章鉅因病解任實授  
程喬采江蘇巡撫調江西布政使李星沅為  
江蘇布政使以雲南按察使費開綬為江西  
布政使○以順天府府尹徐廣縉為四川布  
政使直隸按察使李德為順天府府尹○以  
山西河東道文柱為直隸按察使江西鹽法

道葉名琛為雲南按察使

上以歲暮裕祭

太廟自是日始齋戒三日。丙午諭軍機大臣等劉韻珂奏杭州湖州等府奸民藉災逞刃聚眾抗租訛詐搶奪餘杭縣匪徒以呈請賑濟為名擁入倉內兇鬧歸安縣鄉民亦藉災滋事並敢恃眾拒傷兵役雖經委員帶兵獲犯解省審辦而匪徒煽惑脅誘愚民人數較多自難悉加誅戮該撫已繕寫諭單徧加曉諭該鄉民等如知畏法即將首犯獻出其餘准予免罪以安民心儻始終逞強難於解散再行派兵勦辦其紹興之山陰等縣亦有刁佃抗租搶奪之事嘉興等屬秋收亦難保不接踵而起該撫惟有體察情形寬嚴並用督飭屬員妥加彈壓遇有聚眾滋事之處設法解散其無業貧民實因年饑不能自贍者隨時撫卹總期內地民情安固庶足以禦外侮而靖海氛將此諭令知之。又諭本日劉

韻珂奏夷船竄至乍浦洋面現已飛飭堵禦又另片奏逆夷火輪船駛進海寧州尖山口內旋即退出等語該逆每至一處必先以火輪船測量水勢此次該逆雙桅夷船四隻小船數十隻於本月十七日駛入乍浦所轄之彩旗門洋面十八日復有火輪船二隻駛進海寧州尖山口內顯係窺探虛實冀圖內犯省垣為根本之地毗連海寧而海鹽又與乍浦接壤逆船已至乍浦漸欲內犯是欲固守內地必先於扼要口岸併力防堵勿令乘勢竄入乘經前已派撥壯勇千餘名在鼈子門堵禦現在又派兵押送器械前往策應夷船或不敢內竄至省城除本處滿洲綠營各兵二千名外又有客兵三千數百名俱歸特依順劉韻珂統領調遣加以沙民義勇人數雖已不少未必悉為勁旅當此喫緊之際自不可分其兵力致令單薄特依順劉韻珂惟當激勵兵勇諭以大義儻能殺賊立功必膺重

賞至奕經文蔚現在因乍浦來有夷船欲乘虛直搗寧波自應集思廣益斟酌盡善然後一鼓前行計此時各省所調弁兵應已陸續到齊務須確有把握計出萬全戰守悉得其宜奇正皆可制勝朕日盼捷音之至也又另片奏代理餘姚縣事司獄林朝聘親赴夷船諭以大義斥令退回以安黎庶等語以微員而能勇敢尚屬可嘉著將軍等查明保奏施恩至江西弁兵六名既被逆夷獲去何以復

行折回著查訊實在情形是否係逆夷送回抑係該弁兵乘間逃出該逆曾交水勇陳美金夷字二紙是何文理亦著譯出一併具奏將此由六百里諭令知之○以新授四川布政使徐廣縉暫署順天府府尹○丁未以歲暮裕祭遣官祭

太廟中殿

後殿○諭軍機大臣等惟勤等奏確查卡倫外舒蘭等六處禁山及涼水泉禁荒各一摺據

奏舒蘭等六處禁山拏獲創地種菜挖窯燒炭人犯三名此外並無流民潛入砍樹墾地涼水泉五萬三千餘畝禁荒界內亦無偷墾奸民等語吉林所屬封禁山地難保必無外來遊民潛入偷墾該署將軍等於年終奏報一次深恐視為年例具文虛應故事迨至因循日久宵小潛滋又稱人數眾多礙難驅逐殊不成事經額布甫經簡放無所用其回護著於到任後隨時密查不必拘定日期使匪

徒聞風遠避仍致有名無實將此諭令知之

○戊申裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○遣官祭

太歲之神○諭內閣前因御史張廷樺奏保舉人員被控一案當有旨派慧成前往查辦茲據該侍郎訊明具奏此案郴州知州王景章被控各款均無實據即徵收錢糧亦因近年銀貴按照時價折算尚無浮收勒派情弊惟不循照歷次折錢舊價以致該士民等藉口滋訟究屬不合王景章著交部議處該督裕泰因該員平日辦事勇敢列入保舉尚無

不協其被控後該撫吳其濬以該員堵緝礦匪喫緊未便遽易生手奏請暫緩解任亦係為慎重地方起見裕泰吳其濬均著免議○又諭達洪阿等奏擊退夷船並帶兵勦辦臺灣南北兩路逆匪均經擊散各一摺本年八月喚逆駛進臺灣口門經該鎮道等督率兵勇擊沈船隻擒斬夷匪多名當降旨分別加恩茲據奏稱逆夷復於九月間乘駕三桅船隻至淡水雞籠口滋擾該逆突進口門直撲

礮臺大礮齊發勢甚猛烈經我兵開礮回擊三沙灣地方復有夷匪登岸其勢甚兇亦經我兵開礮擊斃二人眾始駕駛逃竄當此逆夷滋擾之時突有北路嘉義匪徒鳴鼓搖旗乘機滋事該鎮道等親統精兵馳往勦辦拏獲股首江見等及夥匪多名並槍斃殺死賊匪無算其先因播散謠言拏獲在監欲為內應之江坡一犯亦經該府熊一本提出杖斃該鎮道等正在提辦並拏餘黨間復有南

路鳳山匪徒暨旗響應亦經該鎮道等調集兵勇兩路合擊生擒股匪吳慈等及夥犯無算現在賊匪均經擊散地方安靜等語逆夷兩次侵犯臺郡該鎮道等均能督率兵勇奮力攻擊兩月之內連獲勝仗其南北兩路乘機滋事匪徒亦被該鎮道等親督文武兵勇即時撲滅辦理妥速甚屬可嘉達洪阿著賞給騎都尉世職姚瑩熊一本均著賞給雲騎尉世職在事出力各員弁兵勇義首人等著

據實保奏候朕施恩傷亡弁兵查明咨部照例賜卹○諭軍機大臣等達洪阿等奏續擊逆夷兵船並帶兵勦辦匪徒擊散兩路逆匪各一摺覽奏欣悅已明降諭旨分別賞給達洪阿姚瑩熊一本世職矣○逆此次續來滋擾開礮攻破石壁經我兵開礮擊斃登岸夷匪二人該匪見人眾山險駛逃出口竄向外洋北去其嘉義鳳山匪徒乘機滋事均經大兵擊散拏獲首從各犯分別正法辦理迅速

可嘉之至惟嘆逆前次創鉅痛深此次詭稱贖還前獲夷人開礮肆逆又被官兵據險擊退該逆犬羊成性未必不仍圖報復設或大幫匪船再行乘突而來不可不先期防範前經諭知達洪阿等嚴密防備並令王得祿回臺協勦會銜奏事計此時王得祿當已抵臺著達洪阿等和衷會商妥籌一切戰守機宜務須層層布置計出萬全斷不可稍存輕敵之見致涉大意所議批取民勇作為新兵分

配各營支領歸伍等情所辦均好著即照議辦理其自盡之白夷一名著該鎮道提到現獲夷匪訊明究係何名是否即係此次在船賊首取具確切供詞隨時具奏至南北兩路匪徒乘間蠢動尤須加意慎防所有未獲各要犯著即嚴飭所屬搜捕淨盡毋留餘孽仍當拊循良善消患未萌以期內安外攘永承恩眷將此由四百里諭令知之○大學士穆彰阿六十生辰賜



御書扁聯福壽字並珍玩文綺 乙酉  
上御保和殿筵宴朝正外藩科爾沁巴林喀喇  
沁奈曼敖漢浩齊特阿巴噶喀爾喀鄂爾多  
斯翁牛特烏珠穆沁烏喇特蘇尼特克什克  
騰青海察哈爾伊克明安土爾扈特土默特  
王貝勒貝子公額駙台吉塔布囊及朝鮮南  
掌國使臣等隨文武大臣依次就坐諸樂並  
作

上進酒召左翼科爾沁卓哩克圖親王巴圖科

爾沁達爾漢親王索特納木彭蘇克科爾沁  
扎薩克冰圖郡王林沁扎勒贊巴林扎薩克  
郡王那木濟勒旺楚克喀喇沁扎薩克都楞  
郡王色伯克多爾濟奈曼扎薩克郡王阿宛  
都瓦第扎布教漢郡王幹咱巴拉浩齊特扎  
薩克郡王吹精扎布阿巴噶郡王薩爾濟勒  
多爾濟科爾沁貝勒貢格喇布坦右翼喀爾  
喀車臣汗阿爾塔什達喀爾喀賽因諾顏扎  
薩克親王車林多爾濟喀爾喀扎薩克親王

額林沁多爾濟喀爾喀扎薩克郡王托克托  
瑚圖魯喀爾喀扎薩克親王車登巴咱爾科  
爾沁扎薩克郡王僧格林沁喀爾喀扎薩克  
郡王那遜巴圖科爾沁扎薩克貝子濟克默  
特土默特扎薩克貝子德勒克色楞奈曼固  
倫額駙德木楚克扎布至  
御座前賜酒成禮諭軍機大臣等本日奕經  
等奏川陝各兵前起已抵浙境並夷船沿海  
駛竄旋復退去一摺覽奏均悉此次進剿兵

勇據稱已有一萬三千餘名毋庸另籌徵調  
川陝各兵陸續已到一千一百餘名與後募  
之勇壯分起撥往曹江前進並將崇明水勇  
屯紮平湖一帶以便乘勢下海釣船柴船及  
趕造火器均於半月內外即可全備所辦俱  
屬周妥著奕經等臨時相機攻剿務令布置  
嚴密不致有顧此失彼之虞至逆夷詭言散  
布復在洋面遊奕意欲牽制我兵不即前進  
現經該將軍調度諭令將弁不可以我兵排

列海岸直當夷廠總須暗中潛伏俟逆夷登岸再行兩旁截殺復派容照帶兵前往乍浦助勦種種布置尚合機宜該逆船隻駛進乍浦見我兵伏列不動不敢停泊旋即駛去可見運籌有方必可制勝該將軍等仍遵前旨斟酌盡善計出萬全然後一鼓前行迅奏膚功以膺懋賞其川陝各兵到齊後即擬撥赴曹江換撤浙江提標及江西防守兵丁所見甚是文蔚現已督兵前赴省城據片奏未經

帶有隨員等語吏部學習主事何紹瑾工部學習主事劉兆璜均准其帶赴軍營隨事察看如果得力即行留備驅策儻無裨益之處仍著飭令回籍將此由五百里諭令知之○綏徽浙江鹽課銀是年旌表孝子江蘇等省湯仲等十五名孝友福建錢能大等四名孝義直隸等省張如連等二名孝婦江蘇等省湯盧氏等五口孝女江蘇等省徐氏等四口守節合例宗室覺羅白佳氏等十口滿洲

盛保妻辰佳氏等一百十四口蒙古霍倫泰妻何佳氏等三十五口漢軍王文彬妻唐氏等四十三口內務府祥雲妻蘇氏等十一口各省駐防加渾妻王氏等二百四十六口奉天等省吳德妻董氏等一千五百二口夫亡殉節直隸等省袁士龍妻王氏等四十五口未婚守志滿洲塔克慎聘妻那拉氏等二口江蘇等省陸張氏等二十六口百歲壽民婦貴州等省晏紹賢等八十三名口五世同堂

江西等省高鳳翱等十五家各給銀建坊如例○一產三男甘肅等省王進祿等四家○會計天下民數穀數直隸等省通共男婦四萬一千三百四十五萬七千三百一十一名口存倉米穀三千二百六萬一千五百四十石三斗六升三合四勺



五六九

壽皇殿行禮○御乾清宮賜皇子親藩等宴○

諭軍機大臣等。本日裕泰奏。拏獲奸細。究出賊勢情形。現在添調官兵。妥籌堵剿。一摺。逆犯鍾人杰等。膽敢戕官據城。威脅各鄉保正。令其幫助。現在收取鄉間銅鐵。製造軍器。並將各要隘。斷路徑。設卡拒敵。實屬罪大惡極。必應迅速撲滅。以伸國憲。裕泰現駐咸寧。著提督劉允孝。迅即揀帶精兵。前往會剿。毋稍遲延。致令滋蔓。至崇陽通城各縣。與江西湖南接壤。恐該逆受創後。四路分竄。已降旨

由五百里飭令吳文鎔。吳其濬。派委委員。各就所屬。認真防堵。又恐湖北省兵力單弱。復降旨。由五百里飭令恩特亨額。富呢揚阿。將前經奉旨調集陝甘官兵二千名。趕緊派員管帶赴楚。交裕泰。劉允孝。剋期進剿。以資得力。此等奸徒聚眾憑險。必應及早勦辦完結。方免日久蔓延。該督等務即相機前進。一面設法攻擊。一面解散黨羽。斷不可因地處萬山之中。藉詞延玩。致誤事機。所有此次調派

官兵。雇募鄉勇。所需口糧等項。准其籌款辦理。事竣覈實報銷。將此由五百里諭令知之。○又諭。據裕泰奏。湖北崇陽縣匪徒鍾人杰等聚眾滋事。業經該督帶兵勦捕。自不難即時撲滅。惟該逆等黨羽既多。一經官兵征剿。恐竄入鄰境。更有滋蔓之虞。著吳文鎔。吳其濬。各派委員。帶兵前往交界處所。嚴密防堵。如有匪徒竄入。協力捕拏。毋使漏網。將此由五百里各諭令知之。○又諭。前有旨。諭令恩

特亨額。富呢揚阿。於甘肅陝西兩省各營內。挑選精兵二千名。於本年正月前赴天津。聽候調遣。現在湖北崇陽縣匪徒滋事。亟須添兵勦辦。著該督撫等。即將前經諭令。挑備陝甘精兵二千名。揀派曾經出師之將弁管帶。迅速起程。前赴湖北。聽候裕泰。劉允孝。調遣。並著申明紀律。毋許沿途滋擾。將此由五百里各諭令知之。○以怡親王載垣。為御前大臣。○辛亥。諭軍機大臣等。昨據裕泰奏。湖北

崇陽縣匪徒鍾人杰等滋事。戕官據城。已有旨諭令裕泰劉允孝揀帶精兵前往會剿。並有旨挑備陝甘精兵二千名。迅赴該省候調矣。該匪憑險負固。黨羽漸多。現在阻塞要隘。製造軍器。必應及早撲滅。方免蔓延。齊慎著仍作為參贊大臣。攜帶關防。迅速馳驛兼程前往湖北。會同裕泰劉允孝迅加勦辦。將此由六百里諭令知之。○又諭。昨因崇陽縣匪徒滋事。降旨令吳其濬嚴密防堵。本日據該

撫馳奏。親往岳州督辦一摺。據奏湖南省臨湘平江二縣相距崇陽不遠。現已派副將哈豐阿等各帶兵丁馳往。會同地方文武實力堵截等語。覽奏已悉。岳州府為湖南入境門戶。地當扼要。該撫現已帶兵親往。著仍遵前旨。在於界連湖北各要隘嚴密防堵。盤查奸細。如有匪徒竄入境內。立即擒拏訊究。惟現在所調營兵尚覺單弱。著該撫於就近營分酌量添調。以期防禦得力。僅有疏虞。致令該

匪徒蔓延湖南境地。惟該撫是問。至岳州漕船正在歸次上兌之際。丁舵水手人數眾多。且有災民過境。均應彈壓稽查。該撫務當嚴加查察。鎮撫得宜。儻辦理不善。致奸民乘機滋事。或有意外之虞。亦惟該撫是問。恐不能當此重咎也。懷之慎之。將此由四百里諭令知之。○又諭。據台湧馳奏湖北崇陽縣匪徒聚眾滋事。帶兵馳往岳州防堵一摺。崇陽縣匪徒鍾人杰等戕官據城。經裕泰吳其濬先

後奏到。已有旨諭令該督帶兵前往會剿。並令該撫酌添兵弁。親赴岳州督辦矣。岳州府屬平江臨湘兩縣與湖北蒲圻通城接壤。現在該匪已將通城占據。黨羽漸眾。難保不蔓延鄰境。該署提督現帶之兵尚覺單弱。著即酌量添派管帶前往。會同吳其濬於毗連湖北各要隘嚴密防堵。斷不准該匪徒等竄越入境。僅稍有疏虞。惟該署提督等是問。將此附本日四百里報便諭令知之。○又諭。劉韻

珂奏逆船自乍浦退回一摺。據奏逆夷駛近乍浦。擄去內地船內之人。揚帆駛向東南。乍浦以西各洋。並未續有夷船等語。覽奏均悉。現在逆夷各處遊奕。來去無定。意圖牽制我兵。文蔚現已督兵赴省調撥一切。仍著劉韻珂會同特依順。文蔚嚴密防堵。毋致疏虞。又另片奏。諸暨縣匪徒聚眾搶掠。已飭該道鹿澤長等帶兵查辦等情。現當防夷喫緊之時。內地奸民。又復聚眾滋事。該撫惟當速飭所屬解散。毋致激成事端。其所請選備兵丁。聽候調撥。並動穀平糶。以安民心。均著照所議妥為辦理。將此由四百里諭令知之。○鑄緩浙江仁和錢塘嘉善石門烏程歸安德清武康海寧九州縣並嘉湖衛上年被雪災區額賦有差。給仁和錢塘烏程歸安德清武康海寧七州縣並嘉湖衛軍民口糧。○壬子。

高宗純皇帝忌辰遣官祭

裕陵○

上詣

奉先殿

壽皇殿行禮。○癸丑。

上御紫光閣。賜蒙古王貝勒貝子公額駙台吉及外藩使臣等宴。並賞賚有差。○賞御前行走奈曼扎薩克郡王阿宛都瓦第扎布黃韁。科爾沁達爾漢親王索特納木彭蘇克喀爾喀扎薩克親王額林沁多爾濟乾清門行走。科爾沁扎薩克冰圖郡王林沁扎勒贊紫韁。命喀爾喀扎薩克親王車林多爾濟在御前行走。○甲寅。諭軍機大臣等。前因湖北崇陽匪徒滋事。當降旨令吳其濬添調兵丁嚴密防堵。並諭令署提督台湧帶兵會辦。茲據該撫奏稱。行抵湘陰。復知通城失守。賊匪已至巴陵交界處。所等語。該處額兵既少。且事起倉猝。若不調兵堵截。恐致蔓延。該撫現已札調鎮軍兵丁練勇共四百名。飭令曾經出師各弁星赴岳州協堵。其湖南糧船水手現在

聚集河干。正可招募應用。著照所議辦理。知府姚熊飛。同知黃宅中。著准其暫留差遣。岳州距通城僅百餘里。現在兵力尚單。且正值兌漕之時。尤關緊要。該撫務即遵照前旨。添調兵丁。會同署提督。台湧督率文武員弁。加意防守。毋令該匪徒竄越入境。是為至要。將此由四百里諭令知之。○又諭。前因裕泰奏崇陽縣匪徒滋事。當降旨飭令裕泰。劉允孝。揀帶精兵。前往會剿。本日據劉允孝奏。現於

提標各營添調兵丁五百名。揀派將弁。由穀城馳赴咸寧。與裕泰會商辦理。所見甚好。惟該提督前後調兵。僅止九百名。尚形單薄。昨雖飭調陝甘兵丁二千名。到楚亦需時日。著該提督與裕泰晤面後。妥籌進剿之方。如能設法即時撲滅。俾免滋蔓。即著趁此黨羽未成之時。攻擊解散。甚不費手。若賊勢甚熾。我兵單弱。即著嚴密堵截。毋令竄逸。俟各兵齊集四面兜剿。一鼓成擒。總當通盤籌畫。謀定

後動。固不可冒昧輕進。亦不可觀望遲逾。該提督必能相機妥辦。以慰朕望也。將此由四百里諭令知之。○以直隸銀價增昂。暫停寶直局鼓鑄。從總督訥爾經額請也。○乙卯。上詣

皇太后宮問安。○諭軍機大臣等。福建廈門等處防堵情形。疊據該督撫奏報。惟浙江現籌勦辦。其得手之後。難保逆夷不竄回閩省。且該處係逆夷曾經滋擾之地。設或復行竄入。

應如何防剿。不致再有疏虞。自應早為布置。其鼓浪嶼夷船。現在尚有幾隻。應如何相機攻剿。沿海礮臺土壘。是否修整完竣。著怡良。劉鴻翱。悉心籌畫。斷不可因循玩視。致誤事機。將此諭令知之。○命新授福建金門鎮總兵官詹功顯。暫留澎湖防堵。○貸江西德化。德安。瑞昌。湖口。彭澤。星子。都昌。七縣上年被水災民籽種。○貸湖南武陵縣上年被水災民籽種。○貸湖北嘉魚。漢川。黃梅。廣濟。潛江。

公安石首蒲圻監利九縣並屯坐各衛上年被水軍民籽種○貸陝西榆林懷遠葭神木府谷五州縣上年被雹災民籽種口糧○丙辰

世祖章皇帝忌辰遣官祭

孝陵○閩浙總督楊國棟因病解任以廣東巡撫怡良為閩浙總督廣東布政使梁寶常為巡撫江西按察使存興為廣東布政使廣東鹽運使文俊為江西按察使○展賑安徽望

江銅陵東流當塗蕪湖繁昌無為靈璧鳳臺太和五河桐城十二州縣及屯坐各衛上年被災軍民並給銅陵桐城當塗蕪湖繁昌無為靈璧東流鳳臺懷寧和鳳陽懷遠含山貴池宿松廬江巢阜陽毫全椒泗二十二州縣及屯坐各衛軍民一月口糧○緩徵山東章邱鄒平長山臨邑平原鄒濟寧魚臺八州縣及德州臨清二衛上年被水被雹莊屯本年上忙額賦○貸派撥京口防守江寧駐防官

兵半年俸餉銀丁巳諭軍機大臣等前因湖北崇陽縣匪徒滋事當降旨著吳文鎔派員帶兵防堵茲據該撫奏稱崇陽地方與江西義寧州連界業經派委文武各員會同該州相機緝捕並飭附近之武寧等縣營一體防堵等語該匪徒等人數眾多難保不此擎彼竄現在該州已團練義勇各鄉村列卡分守並移營分段巡防尚屬嚴密該撫所調袁州吉安及省標精兵先行豫備仍飭帶兵各員確探該匪徒等如有竄入江西之勢立即馳往會剿勿令蔓延將此諭令知之○又諭據福建舉人黃蕙田呈進平夷策略內稱逆夷由安海放桅而來日食乾糧不敢然火其地黑暗須半月日始出口方至息辣裝載糧食而行過廣南境七日而至廣東又逆夷素畏廣南廣南人善沒水昔紅毛呷板船誤入廣南灣該國以小舟數百人背竹筒攜細縷沒水密釘細縷於呷板船底遠槳牽拽船心



淺掘火焚而取輜重。今紅毛呷板以不見廣  
南山為戒等語。逆夷赴粵經由之路果否有  
安海息辣等項地名。夷船既須放桅。其地又  
復黑暗。則路徑窄狹。有妨掛礙。可知。著祁墳  
等確切查明據實具奏。將此諭令知之。○又  
諭前據怡良等奏商辦夷務情形一摺。閩省  
各海口布置兵勇並團練鄉兵。教演水勇。及  
造船鑄礮均係應辦之務。惟前奏自係該督  
與顏伯燾等公同商辦。現在怡良已簡放閩

浙總督。責無旁貸。著再通盤籌畫。會同劉鴻  
翱另行妥議具奏。總以得收實效。毋託空言  
為要。再據福建舉人黃蕙田呈進平夷策略  
各條。其言是否可採。著怡良劉鴻翱公同商  
酌具奏。該舉人現已回籍。原呈著鈔給閱看。  
將此諭令知之。○撥江蘇熟田漕糧二萬五  
千九百石有奇。抵放災缺幫丁行月等米。○  
濬江蘇丹徒丹陽二縣運河。從巡撫程商采  
請也。○緩徵江蘇上元句容江浦六合山陽

阜寧安東鹽城高郵泰東臺江都甘泉儀徵  
興化銅山豐沛蕭宿遷睢寧海沐陽贛榆泰  
興二十五州縣並淮安徐州揚州三衛熟田  
舊欠額賦。○戊午享

太廟遣惠親王綿愉恭代行禮。○遣官祭

太歲之神。○諭軍機大臣等御史劉壽奏河  
工漸次合龍。饑民宜妥為安置一摺。據稱河  
南祥符工次聚集饑民有數萬之多。開工之  
時以工代賑。現在引河挑成。饑民無所餬口。

竟有偷竊柴草搶奪食物之事。將來大工告  
竣窮民無依。必至流而為匪。不可不豫防其  
漸等語。河南饑民以工代賑。本屬善舉。惟大  
工指日告竣。饑民盈千累萬。若不豫為安插。  
恐人數眾多。日久滋弊。著王鼎等會同查看  
河工合龍之後。該處遊民尚有若干。其有  
家可歸。及力能離省自投親友者。務即曉諭  
聽其自散。儻實有老弱不能自給。或年幼強  
壯。非工作不足以資養贍者。著王鼎等悉心

商酌妥為設法分別安置總須籌畫盡善解  
散其勢勿令仇離失所流而為匪是為至要  
將此諭令知之○又諭據吳其濬奏查探崇  
陽匪徒據險拒守尚未竄入湖南境內已於  
各處要隘派兵防堵情形一摺所辦甚好現  
在該逆匪等已據通城則蒲圻最為要路該  
撫現已派員帶領兵勇在臨湘縣之把截坳  
地方紮營防堵其餘臨湘巴陵平江等處均  
經分布兵勇防禦自可得力該撫暫駐湘陰

調度策應此時台湧想已馳赴岳州督辦防  
守一俟湖北兵力厚集該督撫等即當相度  
機宜四路兜剿斷不可任其竄越以期迅速  
藏功至通城紳士既據吳其濬偵探願為內  
應著即乘機激勸一面設法進攻一面散其  
黨羽該逆匪既有欲向通山蒲圻一帶竄往  
漢口等情著裕泰等即添派官兵於該二縣  
要隘處所嚴密防守毋令再行滋蔓致將來  
辦理費手是為至要將此由四百里各諭令

知之○展緩直隸武清寶坻大城雄安河間  
天津青靜海滄南皮雞澤大名南樂阜城井  
陘新河十七州縣上年被水被雹村莊舊欠  
額賦○展賑奉天遼陽牛莊蓋州岫巖鳳凰  
城廣寧六處及承德海城新民錦西廳縣上  
年被水災民一月○貸山西薩拉齊廳上年  
歉收貧民倉穀○

上以次辛祈穀於

上帝自是日始齋戒三日○己未諭軍機大臣

等裕泰奏籌擬派兵堵剿機宜一摺據奏賊  
匪突至通城失守官弁潛逃並殺害不肯附  
和民人及搶掠富戶開倉散穀要結人心等  
語逆匪種種情狀殊堪痛恨該督現擬多設  
疑兵虛張聲勢由咸寧蒲圻分兵前進並由  
通山暨湖南臨湘倍道抄入後面腹背夾擊  
已密咨台湧帶兵馳赴臨湘俟湖北官兵及  
劉允孝到後訂期分途進剿覽奏均悉計此  
時劉允孝當已趕到即著會商辦理如兵數

足數調遣時不可失。即照議妥密布置。迅速進剿。僅兵力尚單。不敷派撥。著即飛催在途之陝甘官兵。令其趕緊赴楚。俟有數起到來。即行妥速剿辦。斷不可坐失機宜。通城縣知縣李壘典史單名揚。外委謝奕武。均有守土之責。乃不能先事籌防。一經賊匪突入。即各懷印奔逃。殊出情理之外。均著先行革職。交該督等嚴審確情。治以應得之罪。餘俱著照所議辦理。本日又據趙炳言奏。雇募鄉勇保

衛防堵一摺。現在武昌漢陽兩府存城之兵。僅止一千餘名。該撫雇募鄉勇二千餘名。配給器械。防守城垣。均著照議辦理。惟崇陽民人在省貿易傭工者。未免聞信驚疑。固當妥為安撫。而其中良莠不齊。難保無被奸匪暗中勾結。為之探聽消息。及遠為應援之事。尤應嚴密稽查。以杜奸計。又另片奏。接准裕泰咨。會省城設立總局。派委司道經理等語。此等奸匪聚眾滋事。不過小醜跳梁。無難即日

撲滅。若遽照向來軍營設立總局分局。派委多員。不但徒滋糜費。亦覺過涉張皇。該督撫等惟當斟酌緩急。認真搏節。勿任屬員張大其詞。豫為開銷地步。懍之慎之。將此由四百里諭令知之。○庚申。

上詣

南郊齋宮齋宿。○

孝全皇后二週年忌辰。遣官祭

陵寢。○諭內閣。裕泰奏。賊匪乘夜撲卡。官兵勦

殺擊退一摺。上年十二月。湖北崇陽縣逆匪鍾人杰等。戕官據險。經該督馳赴咸寧督辦。密派將弁兵勇。在蒲圻縣屬之丁泗橋防堵。接應。三十日夜。賊匪二千餘人。分撲守備王榮。把總陳錦兩營。經副將雙福等帶領弁兵趕到。槍械兼施。殺斃賊匪五十餘人。斬獲首級六顆。槍傷賊匪多名。奪獲賊械。始行畏懼逃逸。並捉獲匪黨王得榮。及前獲奸細邱名標。均於軍前正法。又據通山縣稟報。正月初

一日逆匪千餘前來撲卡。該縣會同營將督兵開礮殺斃賊匪十餘人。擊斃數十餘人。捉獲二人。賊即退去等語。賊匪四出搶擾。均經派防守卡官兵。用少擊退。即時殺退。所有在事出力員弁。著裕泰查明保奏。候朕施恩。傷亡兵勇。咨部議卹。另片奏盤獲崇陽汛兵廖清泰。及外委鄧永煊之子鄧芳義。到案訊明。鄧永煊並未被害。伊等係求陳寶銘放回等語。外委汛兵。責在防禦。或未被賊戕害。或竟

求賊放回。均難保無從賊情事。著裕泰確切查明。與懷印奔逃之通城縣知縣李壘等。一併嚴行懲究。按律辦理。不准稍存開脫之見。致守土各官弁。毫無顧忌。羣以潛逃為得計也。諭軍機大臣等。王鼎等奏。大工因風蟄失。趕緊補築。並展緩合龍日期一摺。據稱祥符大工。正在加壓門占。忽於上年十二月二十七日。陡起東北暴風。東壩各埽蟄至三四十丈。西壩蟄動。亦自七八丈至十餘丈不等。

幸料物應手。均經一律補鑲完足。詎本年正月初三日。又復大起北風。至初五日夜子刻。上游溜被風掣。其甫經補鑲之二十三。四兩占。水入埽眼。復走失正壩十二丈有零。幸後占不致帶動。西壩各埽。亦皆屹立不搖等語。大工將次合龍。必應倍加慎重。此次蟄失埽段。係因連日暴風。措手不及所致。於大局尚屬無礙。且在未經合龍以前。所有王鼎等自請交部議處之處。均著加恩寬免。現在補還

埽占各工。固不可少。事緩延尤不可稍有草率。著王鼎等督率員弁。設法搶築。務求倍加堅實。以保萬全。其合龍日期。仍著相機妥辦。不可過於求速。致留後患。儻將來堵合口門以後。復有蟄失之事。惟王鼎等是問。懷之慎之。將此諭令知之。○又諭裕泰奏。官兵勦殺賊匪情形一摺。已明降諭旨。令該督確查出力員弁。並傷亡兵弁矣。此次逆匪鍾人杰等。占據崇陽通城二縣。復遣匪黨分路滋擾。必

應及早撲滅以靖地方。昨有旨令會同劉九  
孝相機勦辦。如兵力尚單。即飛催陝甘官兵  
到楚協勦。著該督於接奉後。遵旨妥辦。前據  
奏崇陽典史外委均經自盡。現據查明鄧永  
煊並未自盡。其典史曾否縊死。亦應確查。其  
教官是否奉委外出。先期告假。均難保無捏  
飾情弊。至崇陽汛兵求賊放回。顯有從逆之  
事。該縣師長治被賊戕害。眷口多已自盡。家  
人亦均被殺。是否屬實。著該督一併確查。據

實具奏。毋任稍有捏飾。至匪徒鍾人杰。陳寶  
銘。注敦族。並鍾人杰之弟及劉姓。又前奏洪  
下地方有詭稱術能封槍之僧人。均係著名  
要犯。總須生擒解京。盡法懲治。以伸國法。而  
快人心。如已被官兵殺斃。亦須確得實據。不  
准含混了事。將此由四百里諭令知之。又  
諭吳文鎔奏添兵堵拏湖北匪徒。並委署臬  
司親往督辦一摺。覽奏均悉。江西省義寧州  
與湖北崇陽縣壤地毗連。所有三界尖等處

各隘均關緊要。現在該省匪徒已據裕泰等  
密咨台灣劉九孝帶兵分途前往相機夾擊。  
難保不此拏彼竄。亟宜嚴密防堵。斷其後路。  
既據該撫添兵前往堵拏。並令署臬司葉名  
琛親往督辦。即著照議。飭令帶兵各員嚴守  
各隘。並確探該匪等如有竄入之勢。即行併  
力撲捕。斷不准其闌越入境。致有蔓延。將此  
諭令知之。○辛酉祈穀於  
上帝。

上親詣行禮。○詣

關帝廟拈香。○詣

皇太后宮問安。○諭內閣太常寺奏恭送庫倫  
罕山肯特罕山二處春秋致祭帛香。據庫倫  
辦事大臣咨稱。短少制帛一端。柱香二炷。並  
磨破制帛一端。現經該衙門照數豫備補送。  
等語。此項帛香係祭祀供用品。物由驛遞送。  
向無貽誤。此次短少磨破。據該堂官查明。承  
辦司員並無缺誤。難保非驛站道路被竊遺

失嗣後遞送帛香著太常寺堂官派委委員詳細檢點封固發往行至張家口時由察哈爾都統復加檢查並飭所屬管理驛站各官員嚴行稽查以昭慎重○又諭訥爾經額奏道員經徵稅銀請旨展限一摺直隸天津道經徵上年海稅短收正餘銀一萬七千六百五十餘兩據該督查明尚無徵多報少情弊著照所請准其展限三箇月責成該道補徵截數奏報如有溢餘儘數報解儻仍徵不足

顧即著照數賠補○諭軍機大臣等本日據祿普忠靈奏請帶兵協剿一摺此次湖北崇陽縣匪徒滋事經裕泰劉允孝管帶兵勇四路兜拏並有旨令陝甘挑選精兵二千名赴楚候調著裕泰酌量情形緩急如果必須就近添調即著忠靈選帶精兵數百名前赴協剿儻現調各兵已數撥用即無庸議將此各諭令知之○又諭奕經等奏大兵將次到齊行營進駐杭城並撥兵乍浦兼資防剿一摺

奕經現領河南兵馳赴杭州省城調撥一切文蔚亦馳赴曹江督飭撤換整頓後路並擬分隊前進督兵攻剿布置甚為周妥惟乍浦濱臨大海地勢散漫甚為緊要本省守兵大半輟弱恐難深恃除新募山東壯勇一千餘名外已將陝甘兵六百餘名撥往乍浦連前次撥往山西陝西兵四百名一併飭令總兵德珪督率扼要屯紮著即嚴飭管帶將備東顧上海西援海寧一路與江浙為犄角之勢

不可顧此失彼將來大兵前進逆夷或從別路繞竄是後路尤宜加意至逆夷船隻沿海遊奕並不停泊並將財物搬運上船似此行蹤詭秘非欲往他處滋擾分我兵勢即係遠竄出洋惟此次命將出師必須將該逆夷大加懲創方足以寒賊膽而杜後患各處要隘已經防堵周密無虞竄入惟在該將軍等豫為籌畫乘機進取俾逆夷首尾被擊不致揚帆遠遁庶可一鼓成擒揚國威而膺懋賞在

此舉也。勉之慎之。又另摺奏請將督防總兵撤回省城等語。總兵陳述祖。彈壓兵丁。既不如法。著即照議撤回浙江省城防守。其所帶兵丁。暫交副都統長喜管帶。計此時哈拉吉那。岱昌均已抵浙。著奕經於該二員內。揀派一員。管帶綠營兵丁。會同長喜辦理防剿一切。將此由五百里諭令知之。○揚威將軍奕經等奏行營現駐杭城。官兵亦將次到齊。並撥兵乍浦。為防剿之計。得旨。我君臣共迓新

禧仰叩

天佑。迅奏膚功。佇膺懋賞。卿等宜加勉。加慎。合力同心。揚我國威。而殄逆眾。又奏。內閣貼寫中書慶福條陳。不盡可採。其人尚屬謹飭。堪以留營差遣。報聞。○以

祈穀大祀。禮儀嫺熟。賞太常寺贊禮郎明昌。五品頂帶花翎。○以玩視巡防。革直隸千總張連元等職。參將達崇阿等下部議處。○貸江南京右高資等營。駐劄災區兵丁一季餉銀。

○壬戌

上詣

大高殿行禮。幸圓明園。○奉

皇太后居綺春園。○詣

安佑宮行禮。○諭軍機大臣等。牛鑑奏。河南弁兵陸續到齊。防禦海口。並稽查商船。嚴拏漢奸一摺。所辦俱甚周妥。吳淞海口。地方緊要。該督已於東西礮臺及東溝地方。分紮四營。作為游兵。奇兵。期於彼此接應。所調河南兵

丁亦派赴上海寶山兩縣適中之地。屯紮。以為諸路應援。該督仍當嚴飭陳化成。王志元。督飭各兵。操演礮位。晝夜分班瞭望防守。毋稍疏虞。至海口土塘上土牛。有似雉堞。缺口俱安礮位。各兵貼伏塘後。塘土務厚。該兵丁等有衛身之具。自可益壯軍心。倍形勇往。務即曉諭各兵。儻該逆來時。開礮亂轟。須靜守勿動。俟其礮火將竭。大船漸近。度我礮力可及。再覷定準頭。眾礮環發。萬一豕突登岸。守

塘之兵與接應之兵四路齊出連環夾擊當可一鼓成擒不留餘孽該督辦理防禦已有把握朕心甚慰仍當隨時體察籌畫毋涉大意據稱浙江拏獲漢奸供出在蘇州上海者共十八人此等貪利悖逆之人實堪痛恨必應淨絕根株方不致煽惑勾結但恐驟加搜查轉致民心惶惑著牛鑑設法認真稽查妥辦以除奸慝而靖海疆將此由四百里諭令知之○泰寧鎮總兵官松峻因病賞假以刑

部右侍郎德誠署泰寧鎮總兵官兼總管內務府大臣吏部右侍郎善燾兼署刑部右侍郎○癸亥

上詣綺春園問

皇太后安○御奉三無私殿賜皇子親藩等宴○諭軍機大臣等趙炳言奏續撥兵丁馳往威寧調遣並添調附近營兵到省協防一摺又另片奏被水災民現俱安靜情形覽奏均悉崇陽縣匪徒滋事節經降旨著裕泰劉允

孝帶兵勸捕該督現駐威寧劉允孝未到以前兵力單薄自應撥兵接濟該撫已續撥省標兵丁並配給鄉勇派員管帶馳往聽候調遣又因省城存兵短少札調附近之黃州德安二營兵丁到省協防當足以資堵禦而安民心至武昌漢陽地方現在收養貧民當逆匪滋事之時該民人等尚不至聞風驚疑除年壯貧民志切同仇者應募鄉勇外其餘仍飭該地方官加意安撫至各屬災民或賣賑散錢或修隄力作均使餬口有資毋令失所是為至要將此諭令知之○又諭前經降旨飭令奕訢齊慎祁墳將現在辦理夷務情形何時歲事各抒所見分摺具奏茲據奕訢奏稱廣東虎門礮臺不能不修香港全島不能不取現在香港漢奸頭目傾心報效者已有十之五六必須順潮出其不意方可一炬而燼等語齊慎奏稱已將水戰器械等物製備齊全現在挑選兵勇候新正風順即水陸並



進等語。祁墳奏稱虎門礮臺未修。則香港不能復。現在合計新築及修復礮臺共七處。土臺土牆約三十餘處。虎門礮臺十處。現亦剋期興工等語。所奏雖有主戰主守之不同。而毫無確見。則同。殊失朕望。奕山等自派委辦理夷務以來。已及年餘。何於此事竟全無把握。自古用兵之道。無論或戰或守。皆必確有把握。乃能迅速奏功。若如奕山所奏。既稱香港不能不取。何以又云必須能守。而後能戰。

祁墳稱為嚴防省城大局。似可無虞。又云香港無陸路可通。不敢謂遽能得手。似此游移無定。徒以重兵坐擁。每月糜費軍需三十餘萬。毫無裨益。何所底止。據稱該省存貯及報捐銀數可數數月之用。究竟可數幾月。亦未聲明。仍係約略之詞。儻遷延日久。不能蔽功。再請軍需。豈能復邀允准耶。茲特再行申諭奕山。祁墳。梁寶常。會同妥議。從長籌畫。如省河一帶。漸次將礮臺石椿等件修理鞏固。是

否足以防禦外侮。即使逆夷由他省受創。不突而來。無虞竄入。可以議守。抑或兵勇器械等件。均已訓練整齊。剋期進攻。必能操勝。可以議戰。均著據實覆奏。朕亦不為遙制。若再徒託空言。支吾搪塞。自問當得何罪。又稱威遠等十處礮臺。如用石修築。兩月可竣。土築難以經久等語。自應用石堅築。以期久遠。將此由五百里各諭令知之。○又諭奕山等覆奏安置招集漁戶。漢奸一摺。據稱逆夷猖獗。

全賴漢奸為羽翼。香港尚有漢奸六百餘人。亟圖招撫。勉其帶罪立功。庶不致為賊所用。將來歲事之後。分別鼓勵。及收入行伍。有家者散令歸農。無家可歸者。或分撥內河各縣。官設巡船。充當水手。並飭地方官編列名冊。隨時稽查約束等語。均著照所議辦理。惟此時權宜之計。招徠漢奸。免為賊用。日後歲事。該將軍督撫等。必當籌畫盡善。分別安置。如果實能悔過出力。不致再為利誘。則量材器

使俾有餬口之資。亦招安善策。儻察看情形。未必人人可恃。是在該將軍督撫等分別妥為辦理。毋滋流弊。勿謂已邀允准。概視為真能遷善之徒也。慎之。將此各諭令知之。○又諭據祁墳等奏。覈計存貯及報捐銀數。僅數數月之用。等語。該省現存銀兩。究可敷幾月用度。現在辦理夷務。尚無歲事之期。曠日持久。虛糜糧餉。伊於胡底。著該督等通盤籌畫。從長計議。據實具奏。所有洋商鹽商紳民人等捐輸銀兩。及捐資鑄礮築臺置辦軍械並捐資出力各紳士。均著該督撫會同該將軍查明捐輸姓名銀數。分別開單具奏。候朕施恩。至所查越南國船礮火器情形。覽奏甚為詳細。該國既不能與暎逆抗拒。著無庸議。將此諭令知之。○江南河道總督麟慶奏。籌辦河口運道情形。得旨。如能清高於黃。無須灌放。更好。相機妥辦。○修浙江錢塘縣江塘。從巡撫劉韻珂請也。○甲子。

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○諭內閣。本日裕泰由驛馳奏。續擊賊匪一摺。據稱本月初二日。成刻崇陽縣逆匪復撲營卡。經該副將雙福等豫為布置。連環槍礮四面施放。直前攻擊。至次日賊眾潰散。轟斃逆賊七十餘人。帶傷竄逸者不計其數。我兵受傷僅止四名。初三日另股賊匪數百名。由嚴家山界水嶺等處繞出。欲撲通山縣北境。當經趕殺數名。槍礮擊傷數十名。旋即解散等語。所辦甚好。著裕泰即查明此次實在出力將弁兵丁。分別保奏。候朕施恩。毋許冒濫。該匪等肆行悖逆。罪不容誅。指日大兵進剿。無難立時殄滅。惟崇陽通城兩縣居民。良莠不齊。大半皆被威脅。未必果甘心從逆。王師入境。民困立蘇。著裕泰嚴飭帶兵將弁。務當詳加辨別。其有逆跡昭著。實證確鑿者。立正典刑。以彰國憲。或老

幼無知。脅從可憫。著即分別釋放。俾各復舊業。共荷生成。不得玉石俱焚。概行誅戮。以示朕除莠安良。惠愛羣黎至意。○諭軍機大臣等。本日裕泰馳奏。續勦逆匪一摺。已明降諭。旨飭裕泰將出力將弁兵丁保奏。所請軍需銀二十萬兩。已令戶部速議具奏。並由五百里飭知富呢揚阿。及沿途各巡撫。將所調陝甘兵丁二千名截回陝西省駐劄。毋庸赴楚矣。此次賊匪於初二初三等日。膽敢撲我營

卡。並欲撲通山縣北境。經該督飭令將弁等分別擊斃逆賊七十餘人。帶傷竄逸者不計其數。即時解散。辦理頗好。朕心甚慰。該逆等屢次受創。當已膽裂心寒。計窮勢蹙。但恐分竄各路。妄思逃竄。藉免刑誅。著裕泰嚴飭將弁。各就所守要隘。認真防堵。毋令一名竄逸。仍遵前旨。將著名各要犯生擒解京懲辦。至該省所調官兵已有五千餘名。足敷調撥。劉允孝此時計已馳抵軍營。著即會商迅速設

法進兵。及早勦滅。毋令日久滋蔓。將此由五百里諭令知之。○又諭。前因湖北崇陽縣匪徒滋事。當降旨著恩特亨額。富呢揚阿。將挑選陝甘精兵二千名。派員管帶前赴湖北。聽候裕泰等調遣。茲據裕泰奏。該逆等屢次受創。指日即可蕩平。所有前調陝甘兵丁。無論行抵何處。著沿途各巡撫即行截回。並著富呢揚阿於該兵丁等回陝時。妥為安插。仍令駐劄省城。俟旨調遣。將此由五百里各諭令

知之。○以廣州將軍阿精阿。年力就衰。命來京調盛京將軍。著英為廣州將軍。以內閣學士禧恩署盛京將軍。未到任前。以盛京兵部侍郎道慶護理。○命三等侍衛輔國將軍載堪在乾清門行走。



該逆旋即開船而去。實屬勇敢。有為林朝聘著加恩。以知縣儘先升用。留於浙江遇缺即補。並給予六品軍功頂帶。賞戴藍翎。以示激勵。○諭軍機大臣等。奕經等奏演試器械。不堪應用。請將監造驗收各員。交部議處一摺。克敵制勝。器械必須堅利。惟在製造得法。方足以收實用。據該將軍等奏。前在蘇州時。即札飭各局監造人員。不可稍事疏忽。乃移駐杭城。調取該省局所製各樣器械。逐一演試。

其鳥槍竟於試放之時。每多炸裂。腰刀一項。質體尤多薄脆。或致彎曲如環。現當軍務喫緊之際。似此辦理草率。不可不嚴行懲辦。著劉韻珂即飭監造各員。趕緊賠修。務期一律堅利適用。所有前次監造及驗收文武各員。即著該撫查取職名。交部分別議處。其前已解赴曹江各器械。並著文蔚就近查驗。如有不堪應用之處。即行一體參辦。仍著嚴飭各局員認真監製。毋得再有貽誤。致干重咎。將

此由五百里諭令知之。○戊辰

上御山高水長。賜王公大臣蒙古王貝勒貝子公額駙台吉及外藩使臣等食。○諭內閣。前據王鼎等奏。大工將次合龍。被風蟄失埽段。因念後占不致帶動。壩埽亦皆屹立。尚於大局無礙。當將王鼎等自請交議之處。加恩寬免。茲據奏稱。暴風連刮三晝夜。河溜併力南趨。兩壩口門。刷深至七八丈。引河又須挑深。料物必須添購等語。口門將堵。險工疊生。王

鼎等不能先事豫防。咎無可辭。王鼎慧成。朱襄鄂順安均著交部議處。所請續撥銀一十萬兩。著戶部遵議具奏。○又諭劉韻珂奏。請將幫丁積欠展限扣交。並將餘米變價給丁濟運一摺。本年浙省漕船因災減歇。所有各幫丁積欠。司道庫銀兩。及失風曬颺等米。自應分別展緩扣交。以免苦累。除起運各幫應扣銀三萬餘兩。仍著全數坐扣。應帶交米二千三百餘石。亦著購買搭運。此外減歇各

幫船應扣銀兩。及帶交米石。均著准其展緩一年。其本運留南餘米變價一項。著准其給丁濟運。應抵還縣庫借款。仍著遞緩一年。其寧前等三幫應行交倉之米。亦准再留一年。一體給丁濟運。俾資調劑。○又諭。劉韻珂奏。原任壽春鎮總兵王錫朋屍身。現已尋獲。棺殮。請再加賞喪費等語。上年定海陣亡各鎮所有葛雲飛。鄭國鴻。均經於軍需款內提給銀三千兩。王錫朋因屍身無著。並未飭給。該

鎮為國捐軀。事同一例。現在其子扶柩回籍治喪。自應照葛雲飛等之例。一體給予喪費。王錫朋除前已恩賞銀五百兩外。著直隸總督於該省藩庫內補給銀二千五百兩。傳屬具領。以示優卹。至狼山鎮總兵謝朝恩前已有旨交部賜卹。現在屍身無著。且與王錫朋等臨陣捐軀。已得確據者。究有區別。著毋庸另給喪費。○貸杭州駐防修理兵房餉銀。○己巳。

上詣綺春園問

皇太后安。○諭內閣。前據給事中陳光亨奏。四川廣安州知州劉有儀。內江縣知縣吳勤邦。貪酷殃民。聲名狼藉。一摺。當交廉敬於到任後。詳密查訪。據實具奏。茲據該將軍查明。原摺所參劉有儀。因籌辦軍需。修築城垣。濫行科派。並令富戶報捐耆老。收受白役規禮。與吏目索賄分肥。又收生監為門生。伊子報捐佐貳多人等款。吳勤邦設立夫馬局。按糧派徵。於民間買賣田宅。擡價勒稅。並縱差霸占民妻。勒索錢文。於冤抑控案。一概批回各情。或查無其事。或係循照舊章辦理。該二員均尚無貪酷殃民情事。惟劉有儀年力實已衰邁。難膺民社。著即勒令休致。吳勤邦業已另案革職。著毋庸議。○又諭。本日裕泰由驛馳奏。官兵勦擊賊匪。大獲勝仗。一摺。據稱正月初十日。崇陽縣逆匪數千人。由通山縣西越嶺突入。又有數千從小路盤踞高山。欲行撲

城。施放槍礮。經派防參將清保等率兵迎剿。把總魏鴻興奮勇先登。官兵齊上。奪據險要。殺傷賊匪百餘人。追殺擊斃。不計其數。該匪等身受重傷者數十人。皆被擒獲。於軍前斬首。餘匪逃散。又經官兵追擊斃賊數百名。奪獲槍礮器械多件。又初九日賊匪用小船多隻。擁至蒲圻。占據城外東山坡。官兵轟擊。先後斃賊數百人。該匪恃眾拒敵。四面撲城。勢甚猖獗。經揀發副將雙福等帶領兵勇奮

力進攻。擊斃二千餘人。落水死者百餘人。生擒多名。奪獲礮位燒燬船隻。賊匪復於十一日撲城。守備王貴登城抵禦。頗中槍傷。復經雙福策應。賊始敗去。現在追逐搜查等語。覽奏甚為欣悅。逆匪恃眾撲城。該兩邑派防文武員弁。合力堵擊。用少擊眾。連次大獲勝仗。挫其兇鋒。可嘉之至。把總魏鴻興先登奪險。加恩著以守備儘先升用。先換頂帶。揀發副將雙福著賞戴花翎。遇缺即補。守備王貴著

賞戴花翎。以都司儘先升用。該督裕泰勸辦逆匪。現在崇陽通城兩縣。雖未即時克復。惟督派將弁連獲勝仗。尚屬調度有方。著加恩賞戴花翎。在事出力員弁。仍著該督查明保奏。候朕施恩。傷亡兵勇。查明咨部照例議卹。○諭軍機大臣等。本日據裕泰馳奏。賊匪分股攻撲。官兵大獲勝仗。一摺。覽奏欣悅。已明降諭旨。賞給裕泰花翎。雙福王貴魏鴻興分別升賞。並令酌舉出力員弁。議卹傷亡兵勇。

矣。賊匪雖已屢敗。仍據兩城。且人數尚多。出沒無常。難保不重來滋擾。我兵仍須處處嚴防。不可因連獲勝仗。稍存大意。據奏探明崇陽通城各處要隘。分道進兵。並設疑兵牽制。募人暗發滾木伏弩。攜沙填濠。越壑等情。布置俱好。即著照所議辦理。現在劉允孝已抵咸寧。鄭陽宜昌兩鎮。及湖南提標官兵。日內亦即到齊。著該督等通盤籌畫。如已足敷調遣。即乘此屢勝之威。分道進兵。四面兜剿。迅

即攻復崇陽通城二縣。生擒首要各犯。解京盡法懲治。母任漏網。署湖南提督台湧。已諭令前赴臨湘。會同商酌。相機防剿矣。將此由五百里諭令知之。○又諭吳其濬奏。遵旨嚴密防堵。並拏獲逆黨。究出賊情一摺。湖北崇陽縣匪徒鍾人杰等聚眾滋事。通城界連湖南臨湘等縣。經該撫派兵防堵。拏獲匪黨黎雪寒一名。訊取供詞。有汪敦族現在通城。著譚六向四鄉富民借錢。並封倉穀。遣人潛赴

岳州長沙探聽。如有官兵。汪敦族即回崇陽。否則仍在通城等語。逆匪探聽消息。亟應嚴拏。以杜窺伺。著吳其濬即飭長沙岳州各府縣迅速嚴密訪緝。務將各奸細弋獲究辦。並著親提黎雪寒。確究有無別情。再行具奏。本日據裕泰馳奏。蒲圻通山連獲勝仗。追逐擒查。剋期進剿。著台湧即帶領弁兵前往臨湘駐劄。會同裕泰相機堵剿。總期四面兜擊。俾該逆匪腹背受敵。一鼓殲除。毋任一名漏網。

至該省辦理軍需。著准其於湖南藩庫暫行借動封貯銀三萬兩。以資支發。將此由五百里諭令知之。○又諭劉鴻翱等奏。動撥寶福局銅斤鑄礮等語。福建廈島原設礮位。毀棄無存。各要口所安之礮。亦不敷用。自應設廠撥銅。廣加鑄造。惟所鑄礮位。不在重大。必須堅固如法。足以摧堅致遠。方為適用。其安礮地方。亦必揀擇要隘。或明露。或隱藏。虛虛實實。嚴密防守。萬不可令逆夷一望而知。轉得

用礮轟擊。巧為搶奪之計。至管礮弁兵。尤應勤加練習。施放有準。始不至臨時貽誤。若僅鑄造多位。於各海口礮臺安置一二。全不籌及後路接應。萬一逆夷復行竄入。不特無以制勝。且恐反資寇用。著怡良。劉鴻翱。督飭屬員認真辦理。其鑄造安置操練防守各事宜。均須講求盡善。庶幾相機攻取。可資得力。不可草率了事。仍致有名無實。是為至要。將此諭令知之。○庚午。



孝穆皇后忌辰。遣官祭。

陵寢。○辛未。以故莊親王綿護弟綿詳襲爵。○

調直隸正定鎮總兵官王宗貴。為雲南鶴麗

鎮總兵官。以直隸開州協副將向榮。為正定

鎮總兵官。○實授崇福貴州古州鎮總兵官。

○壬申。

孝聖憲皇后忌辰。遣官祭。

奉東陵。○諭內閣。本年輪應查閱山東河南江

蘇安徽江西等省營伍之期。山東著即派托

渾布。河南著即派鄂順安。江蘇安徽江西著

即派牛鑑。逐一查閱。認真簡校。如查有訓練

不精。軍實不齊者。即將廢弛之將弁。據實參

劾。毋得視為具文。其上年暫停查閱之廣東

廣西浙江福建等省。仍著俟軍務完竣。再行

派員查閱。○又諭。孟保等奏攻勦森巴番夷。

殺斃首惡一摺。森巴大頭目倭色爾蠶食侵

占邊外大小部落。實屬強橫。茲復帶領賊眾。

搶占唐古特營寨數處。並敢屢次抗拒官兵。

洵為此案渠魁。現經該大臣等札飭噶布倫

等帶兵四面夾攻。將倭色爾殺斃。又殲斃大

小賊目四十餘名。賊匪二百餘名。餘賊紛紛

潰散。逃往賊寨。並據拉達克頭人及八底部

落部長等。呈獻軍器。情願投降。所辦甚好。著

該大臣等即將逃散賊匪。設法追拏。按勒淨

盡。務使不留餘孽。仍督飭該噶布倫等。將達

壩噶爾等四處營寨夷賊。探明多寡虛實。進

兵勦捕。及早蕞事。至此次攻勦出力官兵。著

即查明據實保奏。候朕施恩。○又諭。孟保等

奏達賴喇嘛例應呈遞丹書克貢物等語。達

賴喇嘛之呼畢勒罕祇領金冊。並坐牀後。均

例應呈遞丹書克貢物。惟該處距京遙遠。跋

涉維艱。所有應遞兩次丹書克貢物。著俟道

光二十五年。前藏輪應入貢之期。一併呈遞。

以示體恤。至該堪布進京時。仍照向來年貢

道路行走。○諭軍機大臣等。英經等奏。探視

逆夷近日情形。並各路壯勇節次斬獲白夷。

黑夷各緣由一摺。所辦甚好。據稱逆夷知大兵已到。中情畏怯。東駛西竄。來去無常。又時駕小船多隻。四出梭羅。詐嚇我兵。等語。逆夷出沒分竄。顯係畏怯。現在各路壯勇。斬殺白黑逆夷。並生擒黑夷二名。難保該逆等知覺。不早作準備。該將軍等於進攻一切機宜。務當十分嚴密。不可稍有漏洩。仍著札飭各該委員。曉諭壯勇人等。分路潛伏。毋許輕動。免致賊情生疑。聞風先遁。該逆現既倉皇無備。

趁此機會。各路勦襲。似易得手。朕並非催促進兵。總之行軍之道。全在審時度勢。固不可冒昧輕進。尤不可坐失事機。諒英經等必能計出萬全。速建大勳。以膺懋賞。朕亦不為遙制也。另摺奏。遣通事江彬外委陳志剛。前赴寧郡等語。將計就計。深得用兵之道。又另摺奏。賞需銀兩。請由捐輸項下動支報銷等語。著即照所議。擇節辦理。將此由五百里各諭令知之。○癸酉。諭內閣。吳其濬奏賊匪偷劫

軍營。被兵勇擊斃。逃回通城一摺。據稱本月十三日丑刻。有匪徒二千餘人。前來偷劫平江軍營。我兵開槍轟斃一百餘名。副將哈豐阿督率守備賈鑑財。追擊傷斃數十名。賊匪於辰刻始行奔逃。次日戌刻。賊匪復自西山泉水洞突出。即放槍礮。傷斃賊匪十數名。等語。所辦甚好。該逆匪等屢經湖北官兵挫其兇鋒。現在窮蹙奔逃。冀欲免脫。著吳其濬督飭將弁。加意堵截。勿令竄入南境。湘潭守備

賈鑑財。甫經調赴軍營。即能奮力當先。不避險阻。實為備弁中出色之員。著加恩賞戴花翎。以示鼓勵。其餘出力兵弁鄉勇。及陣亡兵勇。著詳查咨明。裕泰。龔泰。齊奏。請獎卹。○諭軍機大臣等。吳其濬奏。匪徒劫營。兵勇擊斃多名。現又增兵防守一摺。該匪等經南北兩路分頭夾擊。勢已窮蹙。著吳其濬嚴飭將弁。仍當加意防堵。勿令一名竄入。俟兩省兵丁到齊。密訂合剿之期。再行進兵攻剿。一鼓成擒。

通城職員黎錫康業已暗募練勇。各守要口。我兵逼近通城。如有賊匪滋擾。即可協同攻擊。使之首尾不能相顧。平江縣既有賊匪窺伺。自當加意防守。臬司蘇彰阿帶領鎮軍兵丁前往各交界處所。日夜巡邏。並著台湧擇要派防。勿稍疏懈。該撫惟當激勵紳士。招募壯勇。認真防禦。要隘以安眾志。而杜賊蹤。將此由五百里諭令知之。○又諭據海齡奏。瓜洲距海口不過六百餘里。現值東南風司令。

潮水漸旺。江中雖有淤沙。而逆夷三板釣船。未能保其不來。請飭該督撫責成常鎮道招募水勇。雇覓船隻。備辦木筏等件。會同水師副將督率弁兵。於鵝鼻嘴團山要隘。相度情形。攔江堵截。可期水陸交嚴等語。瓜洲為南省漕船經行要路。距海口不遠。當此逆氛未靖之際。必當加意防範。以免疏虞。海齡所奏是否可行。著牛鑑程耆耆酌量情形。會議具奏。將此諭令知之。尋奏長江距海六百餘里。

節節俱有淺灘。又有鵝鼻嘴團山關焦山。象山等隘。重重鎖鑰。該逆斷不敢舍其大船用三板小船。深入滋擾。得旨。所奏情形。既然如此。海齡所奏。著毋庸議。○甲戌。諭內閣。裕泰等奏。清圻防兵。續獲勝仗一摺。據稱本月十六日。崇陽賊匪。由洪下地方水陸並下。奔占山嶺。經副將雙福等。身先據險。揮兵奮擊。斃賊多名。參將劉定選等。復從東西兩路抄入。賊眾向南奔潰。我兵合力追剿。又斃賊三百餘人。槍礮傷者七八百人。生擒五人。追殺十餘里。奪獲礮械船隻。我兵並無傷損。現在分路進剿等語。所辦甚好。所有此次在事出力員弁等。著裕泰查明據實保奏。候朕施恩。現在賊勢窮蹙。該督等。惟當乘機進剿。迅復二城。其匪黨務即搜捕淨盡。毋留餘孽。至被脅良民。尤應查明妥為安撫。俾無失所。○諭軍機大臣等。本日據裕泰等奏。防兵續獲勝仗。現擬分道進剿一摺。覽奏欣慰。已明降諭旨。

餘人。槍礮傷者七八百人。生擒五人。追殺十餘里。奪獲礮械船隻。我兵並無傷損。現在分路進剿等語。所辦甚好。所有此次在事出力員弁等。著裕泰查明據實保奏。候朕施恩。現在賊勢窮蹙。該督等。惟當乘機進剿。迅復二城。其匪黨務即搜捕淨盡。毋留餘孽。至被脅良民。尤應查明妥為安撫。俾無失所。○諭軍機大臣等。本日據裕泰等奏。防兵續獲勝仗。現擬分道進剿一摺。覽奏欣慰。已明降諭旨。

令該督酌保出力員弁矣。據奏先復通城。以孤賊勢密飭台湧帶領官兵。由臨湘已陵進取。副將雙福等管帶兵勇。由間道馳往通城。收復該縣以後。即由南面進攻崇陽。又派參將清保等攻奪界頭賊卡。由東面進攻崇陽。其西北兩路。派遊擊謝正國等帶兵奪取小嶺賊卡。劉允孝擬由白楊畈奪據西嶺等處。進攻等語。所辦甚好。似此四面兜擒。公曆小醜。無難一鼓殲除。朕佇待捷音之至也。惟克

城以後。務將著名首要各犯。設法生擒解京。盡法處治。以彰國憲。如果臨陣伏誅。亦必得有真實確據。斷不可輕聽帶兵各員游移無據之詞。將就了事。致貽後患。其從逆匪黨。自應按捕淨盡。無留遺孽。被難良民。仍當妥為撫卹。毋令玉石俱焚。另摺奏武昌漢陽水路委員防堵等情。著即知照。趙炳言實力清查嚴防勾結。並隨時知照吳其濬一體防堵。毋使竄越。其典史王光宇已據供報自盡外。委

鄧永煊是否從賊。並教官有無捏飾。著俟克復二城後。確切查明。同逃出已革知縣李壘等分別究辦。以肅國紀。而勵官方。斷不可因大功已藏。稍從末減。致守土文武官員。無所儆懼。相率效尤。至湖南提督楊芳假滿回任。現當防勦喫緊之際。台湧現在帶兵。未便更易生手。所有湖南提督。仍著台湧署理。督辦軍務。俟大兵告竣後。著裕泰察看楊芳精神。能否勝提督重任。據實具奏。候旨遵行。將此

由五百里諭令知之。○又諭王鼎等奏補築壩工挑深引河一摺。據奏河底刷深八丈有餘。比前加倍洶湧。料工均須添湊。引河既築。攔壩壩內壩外停淤。自應挑挖。加倍求深。現於河形彎曲之處。擇要抽溝引溜。一俟報完。即將正壩趕進數占。察看水勢。仍即開放引河。相機堵合等語。著王鼎等督飭在工員弁。乘此桃汛未屆以前。趕緊如法堵築。不可少事緩延。而水勢變遷無定。尤不可稍有草率。

致留後患。其前請續撥銀兩。已由該部如數籌款。迅即撥解矣。又另片奏。現在留工傭力者。本地之人較多。約計合龍以後。有家可歸。及力能投親友者。曉諭解散。其實在老弱不能自給者。即加展賑期。強壯者尚有善後工程。可資餬口等語。覽奏均悉。仍著隨時察看。設法安置。無使他離失所。流而為匪。將此諭令知之。○班禪額爾德尼遣使呈進貢物。賜救褒獎如例。○以烏魯木齊屯田豐收。予員

弁議敘。賞兵丁一月鹽菜銀。○展緩浙江仁

和錢塘海寧嘉善石門烏程歸安德清武康

九州縣並嘉湖衛上年災歉莊屯積欠額賦

○乙亥

上詣綺春園問

皇太后安○朝鮮國王李魯遣使表賀

萬壽冬至元旦三大節並貢方物賞賚筵宴如

例○南掌國王召喇麻呢呀宮滿遣使表賀

萬壽並貢方物賞賚筵宴如例○丙子諭內閣

前因湖北蒲圻縣勒擊賊匪大獲勝仗當經降旨將守備王貴賞戴花翎以都司儘先升用茲據兵部奏稱該員前已擬補鄖陽鎮標前營都司等語王貴著仍賞戴花翎並交部議敘○又諭祁墳等奏請將疏防大藥作坊之同知交部嚴議一摺廣東理事同知覺羅德隆於該省城大藥作坊係屬專管並不加意隨時嚴防致令工匠失火轟斃多命非尋常疏忽可比德隆著即行革職祁墳梁寶常

未能督飭認真巡查均著交部議處○又諭祁墳奏請將鹽課奏銷援案展限一摺粵省行銷二十年分引鹽例應於二十一年年底截數奏銷惟上年夏雨連綿兼值暎夷滋事阻礙運道一時銷解不及尚係實在情形加恩著照所請所有省河各商二十一年應完二十年分課餉著展至二十二年三月底全完俾紓商力此後遞年仍著起早一月至二十四年年底復歸原限其招收等七場應徵課

銀二千七百餘兩。已據飭令各場員照常完解。著即將年底完過數目。咨部查覈。於省河各埠全完之後。彙同造冊具題。○又諭裕泰等奏官兵運奪賊卡。分道進剿一摺。據奏提督劉允孝。於正月十八日。督兵由丁泗橋行抵桂家嶺。進攻西嶺賊卡。該匪阻塞路口。在嶺拒敵。我兵槍礮齊發。擊墮崖下者十餘名。餘皆驚竄。當即揮兵追捕。復越巴牛薄力等嶺。賊匪聞聲奔逃。追擒二名。焚燬各卡。即由

石盤山分隊前進。遊擊謝正國。知縣夏廷機。義勇頭目楊成。會帶兵勇。亦於十九日進攻小嶺。奪獲賊卡數座。殲斃逆匪數十名。生擒頭目二名。並獲刀械多件。差探參將清保。知府周鳴鸞等。同日由通山進奪泉口界頭等卡。即日會合進圍崇陽。所辦甚好。裕泰。劉允孝。調度有方。著加恩先行交部議敘。在事出力各員。據實保奏。候朕施恩。現在崇陽被脅民人。多已解散。所餘賊黨。分布抗拒。不難一

鼓撲滅。著裕泰等飛檄各路將備。分進會剿。並咨明各鄰境。一律防禦。毋令乘間竄逸。以期迅速。○諭軍機大臣等。怡良等奏會勘金牌海口情形一摺。前據御史龔文齡奏。福州金牌海口緊要。降旨令怡良。劉鴻翔詳查議奏。茲據怡良進省會勘。該處水面寬一百十餘丈。深十二三丈不等。其山腳直插水中。並無寬闊處所。不宜多設兵礮。惟距省三十里之少岐地方。河身稍狹。兩岸稍寬。可以

屯兵設伏。業用船載石沉塞。復用大石四面鑲築成堆。更於淺處釘椿設障。大船不能闖入。烏龍江在少岐攔截之外。上通洪山橋。業已豫籌於距城二十里之洪塘河。釘品字木椿四層。藏兵護椿等語。覽奏均悉。金牌長門地方。或限於地勢。或難容多兵。現在各處要隘。皆有準備。著怡良。劉鴻翔督率員弁。時加測探。遇有坍塌卑矮處所。隨時增補。以期有備無患。仍不得遇事張皇。致經費先已虛耗。

是為至要。又另片奏臺灣防守事宜。業已逐節準備。惟該處地方緊要。逆夷屢經敗衄。難保無大幫逆船。乘潮駛入。冀圖報復。著怡良等飭知達洪阿。姚瑩。並王得祿。嚴密防守。務標必勝之權。不可因屢獲勝仗。稍存大意。並著怡良等設法探聽。有無滋擾確信。隨時馳奏。將此諭令知之。○以戶部右侍郎端華。陳官俊。署經筵講官。○丁丑。諭內閣。本日據裕泰等由六百里馳奏。收復崇陽縣城。生擒首要各犯一摺。覽奏欣慰。之至。湖北崇陽縣逆匪鍾人杰。本係在逃徒犯。膽敢聚眾戕官。連陷崇陽通城。設立鍾勤王偽號。並豎立都督大元帥紅旗。分設知縣千總偽職。遣令匪黨攻撲附近城邑。罪大惡極。覆載不容。經總督裕泰馳往咸寧。就近調撥官兵。分守要隘。賊匪攻犯通山。蒲圻。均經官兵擊斃。嗣提督劉允孝帶兵會剿。調集官兵。分兵五道。同時並進。昨據報到。連奪賊卡。已降旨將裕泰劉允

孝。交部議敘。本日據奏。大兵將次進攻。先遣前署咸寧縣知縣夏廷樾。前署崇陽縣知縣金雲門。懸賞招覓士民。羈縻首要各犯。劉允孝亦募紳民嚮導內應。自石盤山進攻夏廷樾會同遊擊謝正國。在黑橋接仗。陣殲賊匪三百餘名。追殺一百餘名。距賊巢白蟻橋五里地方。又殺賊五十餘名。該邑紳士乘機誘令首逆出城。經官兵義勇趕至合圍。立將首犯鍾人杰。及要犯陳寶銘。汪敦族。一併生擒。

該督即由洪上地方前進。收復崇陽縣城。安撫居民。分兵前往通城。接應收復等語。逆匪於上年十二月十二日。據城戕官。建立偽號。經該督等調兵防剿。謀勇兼施。在事文武官員弁兵紳民。均能同心協力。迅掃機槍。甫及四旬。收復崇陽縣城。生擒首要各犯。辦理迅速。甚屬可嘉。裕泰前已賞戴花翎。著加恩賞加太子太保銜。並賞換雙眼花翎。劉允孝亦著加恩賞換雙眼花翎。發去花翎二枝。交裕

著加恩賞換雙眼花翎。發去花翎二枝。交裕

奏劉允孝祗領在事文武各員弁並嚮導內應羈縻誘令之紳士民人及出力各義勇均著據實保奏候朕施恩據奏該督行營經過地方紳民焚香跪道帶兵各員均能不妄殺戮現在地方救謐朕心甚慰所有留撤官兵及善後事宜均著裕泰妥籌具奏逆匪鍾人杰陳寶銘汪敦族著即遵委妥員檻送京師盡法處治以伸國憲而快人心將此通諭中外知之○諭軍機大臣等本日據裕泰等馳

奏收復崇陽縣城生擒首要各犯一摺覽奏欣慰之至已有旨賞給裕泰太子太保銜並與劉允孝一併賞換雙眼花翎矣所有現獲之首要各犯鍾人杰等著遵派妥員押解來京其逆犯家屬及在逃各要犯務當設法按捕毋令一名漏網致留餘孽再前奏詭稱術能封槍之僧人現在曾否拏獲如已伏誅該逆僧是何名姓憑何確據著該督確切查明如尚漏網仍當生擒解京以免煽惑至此次

該逆匪等以么麼小醜膽敢戕官據城其起釁根由是否該地方官辦理不善以致激變抑係該匪等蓄謀已久有心肆逆亦著詳細確查據實具奏該縣師長治業經被害其家屬自盡及典史王光宇果否自縊俱著與陣亡官弁兵勇一併詳查具奏至外委鄧永煊知縣李壘等逃出各情著仍遵前旨查明分別究辦崇陽現已攻克通城賊匪無多勦辦更易得手著裕泰劉允孝督率官兵勇一

鼓作氣乘勝收復並移會鄰封一體堵禦毋令他竄至被脅良民前有旨妥為分別安撫現在焚香跪道以迓大兵著嚴飭文武員弁加意撫卹毋妄株連是為至要所奏未到官兵飛速截回現在官兵分別撤留及善後各事宜著照議妥辦將此由六百里諭令知之○調盛京刑部侍郎成剛為刑部右侍郎○奉寧鎮總兵官松峻因病解任實授德誠泰寧鎮總兵官兼總管內務府大臣○戊寅



孝儀純皇后忌辰。遣官祭。

裕陵。○諭軍機大臣等。前因湖北逆匪滋事。降

旨。令齊慎攜帶參贊大臣關防。馳往勦辦。昨

據裕泰奏。報收復崇陽縣城。生擒首要各犯。

該省軍務已竣。齊慎毋庸前往。四川提督統

轄全省營伍。亦關緊要。未便久懸。齊慎接奉

此旨。無論行抵何處。即行折回四川本任。其

參贊大臣關防。即著派員齎京恭繳。將此諭

令知之。○以通政使司通政使惠豐為盛京

刑部侍郎。○調正藍旗漢軍副都統倭什訥。

為正黃旗滿洲副都統。以內閣學士連貴兼

正藍旗漢軍副都統。鎮國將軍奕綰署鑲黃

旗滿洲副都統。○己卯。

上詣

大高殿行禮。○還宮。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百六十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百六十七

臣等謹將宣宗皇帝實錄卷之三百六十七

宣宗皇帝實錄卷之三百六十七

宣宗皇帝實錄卷之三百六十七

宣宗皇帝實錄卷之三百六十七

宣宗皇帝實錄卷之三百六十七

設修

道光二十二年壬寅二月庚辰朔諭軍機大

臣等吳其濬奏籌畫收復通城並查明通城  
匪徒聞官兵四路齊進逃回崇陽各一摺據  
稱署提督台湧前赴臨湘紮營計復通城又  
稱該縣紳士紛紛赴營咸稱匪徒聞知官兵  
前來一時竄回崇陽經紳士引導兵丁前往  
城內查看並搜獲匪徒二十餘名等語該逆  
等因崇陽賊股前往附合現在崇陽業經收  
復首逆鍾人杰等又復就擒所有逃往各匪  
無可糾結必四路逃竄通城賊匪本少其勢

甚孤該撫已札派蘄州知州勞光泰入城辦  
理一切事宜如能挨戶清查將良民剔出該  
匪亦無可藏匿是此時毋庸進兵攻剿全在  
按拏零星賊匪淨絕根株其該處痞棍亦須  
實力查拏懲辦不可稍留餘孽致貽後患著  
吳其濬台湧察看情形儘裕泰派兵前來會  
同收復通城諸事辦理妥協吳其濬即回省  
城辦公或暫留台湧酌帶親隨兵丁各路搜  
查賊匪嚴究有無黨羽分散他處覈實懲辦

勿令漏網其餘所調各兵著即飭令歸伍以  
節糜費所有此次軍需著該撫覈實作正報  
銷毋令浮濫亦不必捐辦將此由四百里諭  
令知之 又諭有人奏襄陽匪徒成黨請飭  
該督撫及早緝治一摺據稱風聞湖北襄陽  
縣北鄉黑龍集四里加家岡地方搶案林立  
其著名匪犯余均道等四十餘人疊犯命案  
均未議抵復有糾搶連劫各案至今並未呈  
報該縣捕役包庇各匪表裏為奸該縣知縣

湯譽光既畏該匪強橫不敢究辦。復性情疏懶兼嗜博蒲不足以資整頓。又另片奏鄭陽府屬之房縣知縣施仲麟曾經民人在都察院控告浮收該縣條糧不過三千石充當糧書者至百餘人之多。地方受其擾累各等語。匪徒擾害良民全在地方官平日留心察訪消患未形。若如該御史所奏兇徒結黨肆意橫行。地方官全不究辦以致該匪等目無法紀必致釀成巨案。著裕泰趙炳言即將摺內

所指各犯密加查訪嚴拏懲治並查湯譽光施仲麟如有劣跡據實叅辦毋稍徇隱。原摺片鈔給閱看將此諭令知之。尋奏襄陽縣匪徒余均道因竊割張連舉地內麥穗致將向阻之張四十兒用刀扎傷旋即平復應照關毆例擬發近邊充軍。余黑積夥同徐懷禮等行竊張玉華家現在尚未結案自應從重問擬此外實無糾搶連劫之事未獲各犯獲日另行究辦縣役丁正全等訊無包庇情事該

縣知縣湯譽光亦查無劣跡房縣知縣施仲麟被控勒折浮收之案俟人證解到即行審辦下部議從之。又諭據吳其濬奏現獲甘三黎形蛇二犯形狀兇狡本係痞棍並不剃頭供稱甘心從逆者俱不剃頭等語此等痞棍甘心從逆其黨羽自必眾多若不趁此時撥捕淨盡必致貽患將來著裕泰密行查訪該匪等是否於從逆之後始不剃頭抑係痞棍惡習平日即不剃頭著查明據實覆奏如

有不法情事務當隨時緝拏嚴行懲辦以淨根株將此諭令知之。尋奏湖北首逆鍾人杰等數名並其頭目於滋事後即不剃頭此外附從各犯仍照常剃頭實無痞棍平日蓄髮情事惟從逆餘匪恐有竄匿現已委員分赴各處撥查以期淨絕根株不留餘孽報聞。辛巳以舉行仲春經筵遣官告祭

奉先殿  
傳心殿

上御文華殿經筵直講官裕誠龔守正進講中  
庸言願行行願言講畢

上宣御論曰天道至教不外乎蒸民日用之間  
聖人至德祇求乎言行相符之理道貴交修  
功由實踐如中庸所謂言願行行願言者洵  
入德之始基誠身之要務也蓋本天之所以  
範乎人者而奉為持循即本天之所以牖斯  
民者而敷為訓典言與行本一原也自世之  
人歧而視之復泛而求之於是乎言與行不  
相符合遂日流為無所忌憚之勢惟君子不  
以大言苟為異為其行之約而精也不以瑣  
言苟為同為其行之擴而大也言必踐之以  
行斯言有所不敢肆矣不以奇行欺人為其  
言之近而賅也不以惰行自棄為其言之勉  
而赴也行必踐乎其言斯行有所不敢寬矣  
夫言行之相符必由於言行之相顧然則民  
之質也即聖之功也有所顧則為君子而無  
所顧則為無忌憚之小人矣可不慎與直講

官關聖保潘錫恩進講書經安民則惠講畢  
上宣御論曰天生民而立之君所以安之也古  
之聖人存心於天下加志於窮民憫萬姓之  
其咨慮羣生之昏墊一民饑曰我饑之一民  
寒曰我寒之一民有罪曰我陷之信乎其有  
以久安之矣而臯陶謨之言安民則惠猶曰  
惟帝其難何也夫安民之道莫大於政教而  
行惠之實莫要於敬勤天秩天敘教原於天  
所以安民性也敬以施之則典禮協而民性  
純矣天命天討政原於天所以安民生也勤  
以施之則政事當而民生遂矣况夫天聰明  
天明威民心所存即天心所寄天不忍黎庶  
之阻饑君敢任府事之不治乎天不忍彝倫  
之攸斁君敢任董勸之不明乎惠迪者天之  
道惠愛者君之仁允迪厥德用保乂安誠憂  
憂乎其難之也若夫寅恭之誼懋勉之勞君  
咨之臣亦贊之豈弟君子惠我嘉師是又有  
賴於天工人代者矣禮成

上幸文淵閣。賜講官及聽講諸臣茶。復賜宴於本仁殿。幸圓明園。詣綺春園。問

皇太后安。諭內閣。昨據吳其濬奏。籌畫收復通城。並稱該縣匪徒。逃回崇陽。委員入城。拏餘匪。安撫居民等語。本日復據裕泰等。由六百里馳奏。收復通城。縣城續獲逆黨一摺。覽奏欣慰。據稱首逆鍾人杰。攻占通城後。派令逆黨汪敦族為偽知縣。隨帶崇陽匪徒千餘人。在彼據守。嗣聞官兵分道進剿。即將汪

敦族招回。派令但扶瀧為通城偽官。該縣士民探聞崇陽各逆首就擒。即於正月二十二日。將據城逆黨。但扶瀧及要犯。但十沈長捆送行營。現派文武員弁馳往安撫居民等語。此次逆匪先後占據兩城。擾害地方。經裕泰劉允孝帶兵屢次挫其兇焰。又經吳其濬台湧堵截去路。不致蔓延。該督撫提督等調度有方。剋期蕆事。尚屬安速。除裕泰劉允孝業經加恩。湖北文武員弁。崇陽紳民義勇。已飭

令保奏外。吳其濬台湧防堵出力。均著交部從優議敘。所有湖南派出之文武員弁兵丁。義勇等著吳其濬台湧查明實在出力者。咨部議敘。通城縣紳民嚮義輸誠。縛獻據城逆犯甚屬可嘉。著裕泰查明保奏。候朕施恩。但扶瀧但十沈長三犯著裕泰審明後。即於該處正法。裕泰仍當派委妥員安撫兩城居民。各復舊業。勿令失所。其善後一切章程。悉心籌議辦理。將此通諭中外知之。諭軍機大

臣等昨據吳其濬奏。籌復通城。並摺獲匪徒。安撫居民各情。本日復據裕泰等。由六百里馳奏。收復通城。並續獲據城逆黨一摺。已明降諭旨。宣示中外矣。現在兩城收復。首逆就擒。餘匪恐尚未摺查淨盡。楚省南北界連湖湘。出沒易於藏奸。著該督撫提督會商飭屬分投拏拏。勿使稍留餘孽。致貽後患。兩城驟遭蹂躪。居民不無播遷之苦。並著妥為安撫。俾人人各復舊業。所調兵丁。迅即撤回歸伍。

招募各處鄉勇水手亦著於獎勵後分別解散其善後一切章程務即妥籌覈辦以靖閭閻據裕泰奏湖南委員通判唐鳳德赴通城縣將匪犯數名帶去問供未奉令檄擅離卡所辦理隔省招撫事件查明另行覈奏等語該員唐鳳德係奉該撫差委兩省軍務係一督臣統轄原不應分畛域該督所請另行查奏之處著毋庸議其唐鳳德所獲匪犯著解往湖北交裕泰一併審辦將此由四百里各

諭令知之○護盛京將軍道慶奏遼陽等處上年被水成災遵旨散賑查該處旗民慣食雜糧照例每米一石折銀六錢又附近災區糧價昂貴隨時察看情形酌借口糧從之○壬午遣官祭

文昌帝君廟○諭內閣劉韻珂奏軍需項下動支銀兩等語揚威將軍等所委各員及地方紳士分赴各處籌辦攻勦事宜需用銀兩均係在省局及紹興糧臺曹江糧臺乍浦支

應局支領又將軍參贊到浙後陸續札提銀錢應用均經各局臺如數批解所有上年十一月起至本年正月二十一日止共支提過銀五十七萬四千三百兩零著准其於軍需項下作正開銷事竣覈實報部○又諭劉韻珂奏請將監造軍器未能合法各員分別議處並自請議處一摺浙江金華等府及永康縣承辦鳥槍腰刀各件多未合用驗收委員亦未能嚴加釐剔當此軍務緊要之時若不

分別示懲不足以資整頓所有承造鳥槍之金華府知府崇福溫州府知府于鼎培嘉興府知府劉崇熙處州府知府恆奎署衢州府事揀發知府珠頰前署永康縣縣丞事試用縣丞楊肇修承造腰刀之永康縣知縣羅超曾驗收鳥槍之撫標中軍參將尚安泰驗收腰刀之城守營把總聞繼昌俱著交部分別議處仍將各槍刀勒令承造各員等賠修配用劉韻珂著交部察議其丁憂嘉興縣縣丞

龔振麟承造鳥槍不合用者亦有四桿。惟製造各項軍器為數甚多。著有勞績。據該撫另片保奏。著加恩免其議處。並准其仍留浙江軍營以資驅策。事竣後再行飭令回籍。諭軍機大臣等。奕經等奏徵調兵丁招募勇壯均已到齊。剋期進剿。並將各路調撥情形開單繪圖呈覽一摺。覽奏欣慰。此次進兵收復各城。分路會齊。明攻暗襲。該逆受創之後。必四路分竄。該將軍等已慮及乍浦海寧上海等處。恐為遁逃淵藪。均派重兵防堵。又將庸懦士卒撤換。江西柔弱兵丁。祇派令護送礮位看守糧臺。並將余步雲派赴距寧波府城較遠地方防守。未令赴敵。種種布置。詳慎周密。朕心欣悅。諒該將軍等必能剋期進剿。揚我國威。斷不令該逆揚帆遠遁。朕引領東南日盼捷音之至也。勉之。又另摺奏請將已革四川遊擊梁有才暫行管帶屯土兵丁等語。著准其暫帶各兵。俟事竣派員押赴四川候

訃將此由五百里諭令知之。○前任江寧將軍佈勒亨以年老休致。○以湖北武昌漢陽黃州荊州等府糧價增昂。命平糶倉穀。○癸未遣官祭關帝廟。○以拏獲礦匪首夥各犯。予喀喇沁王色伯克多爾濟等議敘。升用有差。○甲申遣官祭先醫之神。○修山東運河。河捕河上河泉河五廳開壩隄工。從河道總督朱襄請也。○乙酉上詣大高殿行禮。○還宮。○命安徽按察使文麟來京陛見。○以祭社稷壇。自是日始齋戒三日。○丙戌孝淑睿皇后忌辰。遣官祭昌陵。○命東河差委已革兩廣總督林則徐。仍發往伊犁效力贖罪。○以拏獲鄰境盜犯。予廣西試用通判向培芳儘先補用。○丁亥祭

先師孔子。遣協辦大學士吏部尚書卓秉恬行禮。○以江蘇銀價未平。暫停寶蘇局鼓鑄。卯錢從巡撫程喬采請也。○戊子祭

大社

大稷

上親詣行禮。○諭內閣裕泰奏逆犯全數擒獲。並拏獲首要家屬。分別辦理一摺。除鍾人杰陳寶銘汪敦族三犯仍遵前旨派員解京外。其僧白青鍾十四二犯著於訊明後即在該

處正法。逆屬十四名口。從犯一百二十五名。及各逆田產。著該督分別照例辦理。提督劉允孝著即回任。以重職守。其所帶官兵亦著凱撤歸伍。所有善後一切事宜。著裕泰妥為籌辦。並將遷避居民出示招回。俾各安本業。無令失所。此次裕泰辦理軍務迅速。厥功且於收復兩城之後。即將首要各犯並逆匪家屬全行生獲。不留餘孽。甚屬可嘉。著再加恩。交部議敘。○諭軍機大臣等。御史張灝奏湖

北鄖陽府屬之房縣向無漕米。有兵米一千八百九十餘石。近來每石米折制錢二十餘千。每兩銀折制錢八千。道光二十年該縣生員王日昇民人鄧必達等。歷控書役金有聲金道文何鳳鳴程明介傅克明等二十五人勒折浮收。通同舞弊。經該省巡撫審訊。斥革在案。金有聲等更名復充。該縣施仲麟形同聲贖。並稱革役金道文綽號金三王。金有聲之胞兄武生金道忻綽號金大王。請飭懲辦

等語。革役復充。久干例禁。若如該御史所奏。把持盤踞。勒折浮收。該縣徇庇不辦。必應徹底根究。著裕泰趙炳言親提人證。東公審辦。以除積蠹。而飭官方。將此諭令知之。尋奏查房縣卯簿內糧書實止八人。每書名下清書二人。尚無多設。縣書魏世青與革書金有聲即金道文。只向花戶多索票錢。實無浮收銀米之事。亦無金大王金三王綽號。應均按例擬邊遠充軍。鄧必達雖非平空誣控。究屬失



實應按律杖一百折責四十板該縣施仲麟查無劣跡惟失察縣書需索票錢應交部照例議處下部議從之○又諭德珠布等奏遵旨酌添江寧旗營擡礮鳥槍一摺據查前赴浙營之江寧官兵計日即可回省酌議添鑄擡礮二十尊鳥槍二百桿估需工料銀七百九十二兩零著江寧藩司動款撥解趕緊督造工竣造冊報部覈銷其充當槍礮兵丁即在八旗弓箭甲兵內挑選每年所需火藥鉛斤即由該藩司按季造解操演又另片奏請留青州官兵一百名並佐領久住驍騎校岳莎佈二員在江寧教習馬陣其餘兵四百名協佐等官十三員即令該協領倭克進帶領並隨帶該營火器軍械前赴京口防堵換回江寧官兵四百名一體防範省城等語均著照所議辦理所有青州官十五員兵五百名例支口糧鹽菜等項准其就近由鎮江府丹徒縣在於蘇州糧局支領給發至本年係江

寧買補口馬之年准其將青州官兵所帶馬匹截歸江寧仍照該營原購價銀發交青州帶兵官員就近赴口購買現在該將軍即赴京口查閱操防省城重地必須大員彈壓即著副都統興倫移回省城以資統率將此諭令知之○己丑春分朝日於東郊上親詣行禮○幸圓明園詣綺春園問皇太后安庚寅

孝康章皇后忌辰遣官祭

威京工部庫貯鉛子經將軍衙門咨取防堵及運送黑龍江等處用過外現在所存不敷支放若俟題請鑄造未免有稽時日著該侍郎即行派員採買黑鉛六萬斤儘數鑄造所需鉛價工價准其在威京戶部庫貯銀兩項下動支並著該侍郎督率鑄造之員覈實辦理務使帑歸實用不准稍有浮冒○撥戶部

及山東等省地丁鹽課銀二百萬兩解往浙江以備軍需。○辛卯諭內閣王鼎等奏查明掌壩廳員搶工墮水沈沒一摺知府銜河南下河南同知王漢因黑夜搶工以致隨埽墮水沈沒殊堪憫惻王漢著交部照陣亡例賜卹又山東加河同知譚為紹以知州用之河南臨漳縣知縣賴福邦南河桃南營千總韓兆吉均在工因勞病故應否照軍營因勞病故例量予軫卹之處著該部一併議奏。○諭

軍機大臣等王鼎等奏壩工補築已完引河仍前通暢大局穩定已於初八日寅時兩壩同時進占金門斷流大溜東趨一摺覽奏欣慰惟大局雖已穩定壩下尚有翻花未盡閉氣王鼎等仍須慎益加慎親行察看必使全工一律鞏固並無涓滴滲漏不至稍留餘患方可放心切勿稍存大意再有疏虞將此諭令知之。○又諭據牛鑑奏兩淮鹽運使沈拱辰丁憂缺出已派委常鎮通海道但明倫兼

署並請迅賜簡放等語兩淮鹽務殷繁運使一缺關繫緊要但明倫能否即勝是任著該督察看據實具奏俟奏到時再降諭旨。又另摺奏江南蘇松鎮總兵現在派委太湖協副將汪士達往署該鎮駐劄地方孤懸海外防堵亦關緊要汪士達於鈐束整飭既有未宜所有蘇松鎮總兵著該督另行揀員署理將此諭令知之。○又諭奕經等奏勦襲寧鎮兩城未能即時克復一摺據奏正月二十九日

四鼓官兵潛赴寧波南門內應接入殺斃守門守礮逆夷該逆等攜有手槍並施放三火火塊及火球火箭等物漢奸冒充鄉勇黑夜不能辨認人眾擁擠礮械難施仍行陸續退出鎮海城內亦經官兵衝門而入擊殺夷匪因火攻船隻未到亦仍退回等語逆孽兇殺情狀殊堪髮指該將軍等現於寧波城外焚燒火輪船一隻三板船三隻擊斷三桅大船頭桅燒去上蓋復於鎮海城外焚燒三桅大

船一隻梅墟一帶亦經開礮擊壞三板夷船又兩路擊斃夷匪四百餘名現在我兵爭先思奮仍當激勵士氣以期剋日奏功萬不可稍形畏蒞此次官兵既進復退或因樓高路窄兵械未能施展或因所備火船未及臨期接應尚屬有因嗣後必須一鼓作氣奮勇直前毋許稍萌退志仍蹈從前覆轍是在該將軍等嚴申紀律密運韜鈴以副委任此次出力員弁及傷亡兵勇著即確切查明據實具

奏鎮海火攻船隻果能按期齊到焚燒夷船城內奸夷自必驚惶無措我兵更易得手乃竟遷延不至以致逆夷毫無顧忌併力抗拒此項船隻因何遲悞並著一併查明具奏該將軍等自請嚴議之處此時暫無庸議諒該將軍等必能通盤籌畫謀勇兼施斷不因一時未能得手自隳銳氣至定海一路尚無消息朕心實為懸念一俟得有確信即行馳奏將此由五百里諭令知之○又諭本日據奕

經等奏勦襲寧鎮兩城逆夷未能即時克復一摺原摺著鈔給訥爾經額閱看將此密諭知之○壬辰遣官祭黑龍潭

昭靈沛澤龍王之神玉泉山

惠濟慈佑靈渡龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園惠濟祠

河神廟諭軍機大臣等麟慶奏查勘洪湖水勢請改建滾壩豫籌宣洩一摺洪湖蓄洩機宜最關緊要近年逐漸墊高設有盛漲勢難容納自應添籌分洩之路現據該河督查明山盱仁河原建壩底過水猛驟易於衝跌請改建滾水壩一座較舊制增長三十丈俾洩水得以舒暢並於壩下添築順堰攔堰等工自係為慎籌宣防起見惟工程較大本年既難應用設遇大汛經臨信智等壩斷不足

以資分減。據稱擬將舊義河再行權放一次。而衝跌過甚。越堵為難。該河督於全湖形勢。素所諳悉。此次所議改建石壩。及權放義河之處。於全局大有關繫。該河督仍當悉心相度。斟酌盡善。妥籌辦理也。將此諭令知之。○又諭據程林采奏。請飭籌堵渦河決口一摺。上年河南祥符汎漫口。大溜直趨鹿邑渦河。致將南岸觀武集鄭橋口劉窪莊古家橋及淮寧縣管轄之閭家口吳家橋徐家灘婁家

林李家樓等處隄頂漫塌九段。安徽太和縣民田悉成巨浸。阜陽以次州縣亦被漫淹。現在豫省大工口門挂纜。業經定有成局。渦河決口若不及時興修。恐下游受害益深。著鄂順安即速遴員確切勘明。迅將鹿邑淮寧渦河漫口趕緊籌議興工修築完固。俾資保障。將此諭令知之。○又諭本日奕經奏長溪嶺慈谿山營盤被焚一摺。據奏逆夷於二月初四日駕駛大船徑進大西壩。復有火輪船駛

至丈亭。漢奸為之指引。並假扮商民鄉勇。橫衝營盤。慈谿山後突有夷人扒越山頂。槍礮齊發。我兵力不能支。其長溪嶺山口亦有假扮鄉勇難民賊匪。施放火箭。焚燒營盤。文蔚移駐紹興府城。奕經即由曹江帶兵渡江。應援尖山一帶等語。覽奏不止失望。憤恨之懷。難以言喻。已由六百里諭知齊慎令其兼程赴浙。並調陝甘兵二千名赴浙會剿矣。該將軍等暫令戴罪立功。以觀後效。現在存營官

兵計尚不少。據奏遊擊謝天貴凌長星都司劉天保業已趕到。副將朱貴等尚無確耗。著將現在存營兵數同傷亡將士一併詳查。據實具奏。該將軍等身膺重寄。仍當激勵將士。另行設法。慎密布置。可戰則戰。當守則守。斷不可以偶爾失挫。少形畏葸。以致兵氣不振。所關甚鉅。至乍浦地方甚關緊要。尖山一帶逼近省垣。務須嚴密備防。不可稍有疏失。將此由六百里諭令知之。○又諭劉韻珂奏大

兵尚未克復郡縣現飭各屬加意防堵一摺  
覽奏已悉本日復據奕經等馳奏逆夷勢甚  
猖獗兼有漢奸扮作商民鄉勇肆行抗拒傷  
我官兵殊甚痛恨所有尖山各處海口亟宜  
設法防堵著該撫隨時咨商將軍參贊等妥  
為辦理毋稍疏虞又另片奏先提運庫銀三  
十萬兩應用如山西等省銀兩及部撥銀兩  
未經解到再於藩庫備銀十五萬兩運庫備  
銀二十萬兩接續支提均著照議辦理至所

稱再有不敷請於江蘇藩運庫內備銀三十  
萬兩等語即著移咨江蘇督撫豫為籌備將  
此附本日六百里報便諭令知之○又諭本  
日據奕經等奏長溪嶺慈谿山營盤被賊焚  
燒文蔚已退回紹興府城奕經帶兵渡江應  
援尖山一帶已諭令嚴密防範矣江蘇上海  
寶山一帶與浙洋地面毗連難保逆夷不乘  
間竄入著牛鑑督飭在防員弁小心偵探認  
真備防毋稍疏虞將此由六百里諭令知之

○又諭前有旨令齊慎折回四川現在浙江  
軍務緊要齊慎無論行抵何處接奉諭旨即  
著馳驛兼程前赴浙江會同奕經等辦理夷  
務將此由六百里諭令知之○又諭前有旨  
令富呢揚阿等豫備陝甘官兵二千名聽候  
調撥現在浙省軍務緊要著該撫一面知照  
恩特亨額一面選派曾經帶兵員弁即日分  
起管帶飭令迅速前赴浙江交奕經等差遣  
毋稍遲誤仍飭沿途嚴加約束毋使滋擾將

此由六百里諭令知之○撥浙江軍需截留  
漕糧三萬九百十石協放海寧嘉善烏程歸  
安德清武康六州縣緩缺南米○癸巳遣官  
祭昭忠祠○諭內閣刑部奏各省辦理火器  
殺人案件多涉遷就請飭另行審擬一摺所  
奏甚是向來因爭鬪施放鳥槍殺人者以故  
殺論斬定例綦嚴從前舊案間有因本犯正  
欲捕打鳥獸適與人口角爭鬪被毆失跌以  
致震動火機斃斃人命酌擬絞候原以其事

出無心量從寬典近來外省問刑衙門感於救生不救死之說每遇火器傷人案件動輒援照定擬案情之真偽既難則罪名之出入易淆若各直省俱似此辦理或聽兇犯狡供或任書吏朦蔽何以飭法紀而重民命嗣後著各該督撫將軍都統府尹遇有火器傷人之案督同問刑各員詳細推鞠務得確情不得概以震動火機為辭稍涉遷就所有湖南省傳四發槍傷傳賤隴身死一案江西省溫

儀豐銃傷甘景安身死一案著該撫等另行審訊實情定擬具奏○又諭前因訥爾經額奏保薦道員順天府尹未經覈准會題當降旨著吏部於直隸霸昌道豐林俸滿帶領引見時聲明請旨茲據吏部奏該督具題日期係在未接順天府批覆之先與例不符所有豐林保薦卓異之處著即撤銷訥爾經額於例應會題事件未經商定遽行具題實屬不合著交部議處○甲午諭軍機大臣等逆夷

占據浙江郡縣將軍參贊等攻勦未能得手據稱徧地皆屬漢奸為之導引且逆夷詭譎異常往往於接仗之際扮作鄉勇商民難民使我兵不能辨別臨時脫去號褂及外面衣服手持槍械併力抗拒該逆如此詭詐殊堪痛恨既恃船堅礮利遊奕海面復假扮內地良民巧為混跡又分作數路同時突出使我兵應接不暇以致勢將得手旋被橫衝浙省如此他省恐不免施此伎倆奉天直隸山東

漢奸雖未必如南省之多而亦難保必無誠恐貪嗜重利為之勾串引導不可不先事豫防該夷若施詭計必於黑夜之中令漢奸假扮兵勇商民潛入內地更難辨別著禧恩訥爾經額托渾布各就所屬海口情形嚴加堵禦不時偵察如實係商民難民固不可任聽吏胥按求滋擾儻其形跡可疑必須切實根究勿令奸匪竄匿其間其營中一切衣裝號令務當隨時密傳不令夷人漢奸豫行知覺

無論晝夜。我兵易於辨識。所謂晝戰目相視。足以相識。夜戰聲相聞。足以相知也。至該夷船隻四出擾累沿海省分。難保不乘潮遊奕。前來窺伺。設使該逆復萌故智。將夷匪及漢奸扮作鄉勇商民難民。分路登岸。該將軍督撫作何辨別策應。並如何杜絕奸謀之處。著分別妥議具奏。至天津商船到口之時。必應如何稽察。不致奸民混入。此層最關緊要。尤當悉心籌畫。毋得稍存大意。並著剴切曉諭

軍民人等。該逆悖理絕義。定遭天譴。兇鋒不能久張。遊魂漸就漸滅。仍當同心戮力。敵愾奏功。斷不可稍形畏葸。自隲銳氣。以副朕激勵眾心。豫杜奸萌至意。將此各諭令知之。○又諭現當海防喫緊之際。訥爾經額調度一切。必應擇要駐紮。呼應始靈。胡超帶領精兵。亦須屯紮海濱。方資捍衛。著訥爾經額即移駐葛沽。胡超移駐大沽。所有糧臺軍火一切。俱著移近該督行營。以便隨時支撥。本日已

降旨派穆彰阿前往天津。會同商辦事件。該督接奉此旨。即著在天津府城靜候穆彰阿到時。妥商一切。將此諭令知之。○命大學士穆彰阿馳往天津。會同直隸總督訥爾經額商辦事件。○改江蘇揚州府總捕同知為糧捕同知。通州糧河通判為運河通判。各換給關防。從前任巡撫梁章鉅請也。○以嵩老山空。封閉廣西維容縣鐵廠。從巡撫周之琦請也。

大清宣宗效天符運立中體正至文聖武智勇仁慈儉勤孝敏成皇帝實錄卷之三百六十七







勢將得手。旋被橫衝。以致各兵潰散。人心惶惑。所奏俱係實在情形。現在奕經等分據要隘。務當各矢血誠。安撫士民。保衛郡縣。該逆兇鋒甚熾。必四路分竄。擄掠省城。為根本重地。劉韻珂調度守禦。力恐不支。該將軍參贊等。必應極力防堵。毋稍疏虞。其曹江尖山乍浦等處。均應分兵防禦。處處周密。斷不可因偶爾失利。自隳銳氣。以期勉贖前愆。又另片奏。壯勇戰敗潰散。連日攜帶器械。紛紛抵省。

該撫業經咨會各督撫等語。此項壯勇。本皆獷悍之徒。若聽其同時四散。恐飢驅勢迫。轉為夷人所用。此層不可不慮。該將軍等務當從長計較。或酌留備用。或咨令回籍。無滋後患。其已經出境者。現已降旨。由四百里諭令江蘇安徽山東河南各督撫沿途妥為彈壓。毋令滋事。並將健壯者酌留備用。所持器械。追繳入官。諒該督撫等必能遵照妥辦。又另片奏。逆夷張貼偽示。勒令慈谿殷戶付給銀

兩。並有火輪三板等船。在餘姚縣城外等語。該逆窺探需索。難保不乘機內犯。著奕經等與劉韻珂嚴密防範。體察情形。總以保衛城池為要。本日已降旨。飭將伊里布改發浙江效力。並令耆英馳赴浙江。署理杭州將軍篆務。不日均可抵浙。該將軍等惟當協力同心。攘外安內。切不可再失事機也。將此由六百里各諭令知之。○又諭。寄諭欽差大學士穆彰阿。本日據劉韻珂馳奏。勦辦逆夷情形。現

已有旨諭令伊里布前赴浙江軍營效力。並令耆英帶同前往矣。劉韻珂原摺片著鈔給閱看。將此諭令知之。○又諭。寄諭察哈爾都統鐵麟等。本日已明降諭旨。將伊里布改發浙江軍營效力。著該都統等派員帶同伊里布。即日由驛星馳到京。毋得遲延。將此諭令知之。○又諭。據劉韻珂奏。浙江所募各省壯勇。因未能得力。聽其自回原籍等語。該壯勇等性多兇悍。浙省既無須留用。應將所執槍

刀等物追繳。庶免持械滋事。現已陸續啓程。恐在浙不能收繳淨盡。著牛鑑程喬采程楸采托渾布鄂順安各飭所屬一體巡查。如有成羣結隊執持器械過境者。該地方官妥為彈壓。並設法將器械追繳入官。其壯勇內如有驍健堪資效力者。分別酌留。以備驅策。此外散歸各壯勇俱著查明咨送回籍。交該地方官妥為安置。毋令滋事。將此各諭令知之。○以理藩院尚書恩桂署都察院左都御史。

吏部右侍郎善燾署京營左翼總兵。○命廣州將軍耆英馳往浙江。署杭州將軍。杭州將軍奇明保侯耆英到浙後。來京候旨。○以前任廣州將軍阿精阿仍暫署將軍。○命遣戍軍臺已革協辦大學士兩江總督伊里布。改發浙江軍營效力。○以河南祥符辦工出力賞按察使張祥河。知府王掌絲。同知何俊隨帶郎中蔣方正。主事吳光業。中書張亮基。花翎同知龔慶祥等。藍翎餘加銜升敘有差。○

丁酉諭軍機大臣等。御史黃銘先奏請整飭捕務一摺。據稱本年二月初二日夜。河南滎澤縣拔貢李廷元坐車來京。行至直隸柏鄉縣北關外。被賊多人搶劫。車上銀七百餘兩。並將同行之己亥科副貢生王化堂毆傷。是夜又有江蘇元和縣候選從九品盧毓峻大車一輛。亦在該縣地方被賊搶去銀二百餘兩等語。近畿通衢。賊匪肆劫。必應嚴行究辦。著訥爾經額督飭所屬。確切查明。如果實有

其事。即將失事地方該管員弁嚴叅。勒限緝拏。務令人贓並獲。毋任諱盜為竊。致滋輕縱。將此諭令知之。尋奏查盧毓峻係與李廷元王化堂搭幫進京。行至柏鄉縣被竊。拒傷王化堂與車夫余四海。請將署知縣蕭馥遠。署外委劉進忠。斥革留緝從之。○又諭天津海口緊要。已據訥爾經額層層布置。惟該逆詭詐多端。斷不敢於現有礮臺重兵防守處所。蜂擁而進。儻遣人改裝易服。於遼闊無人之

境陸續上岸。暗伏各處。迨聚至多人。然後繞至礮臺後面突出逞兇。我兵瞥見後路有賊勢。必羣相驚疑。不戰自潰。是我兵所不及防之處。皆該逆所必乘之隙。既不能處處添駐重兵。尤不可因水淺泥深。遽信該逆不能登岸。著穆彰阿會同訥爾經額。悉心體察。妥密籌商。務使無隙可乘。方為盡善。至天津府城乃五方雜處之區。尤關緊要。儻該逆因海口嚴防。分遣漢奸匪黨。扮作商民。難民。僧道。乞

丐。及各色技藝人等。形狀潛蹤分起。涸跡入城。作為內應。我兵縱能環衛城垣。力禦外寇。而倉卒之際。該逆從中滋擾。或放火延燒。或衝門橫突。又將何以禦之。並著穆彰阿等妥商定議。設法嚴防。斷不可僅就形跡可疑之人。查拏了事。全在派出得力各員。弁處處留心。密為偵察。俾地方不致騷擾。而奸徒亦無從託跡。方為周妥。至現在江蘇安徽山東河南各省壯勇。有經浙江遣散者。難保不關入

直隸境內。尤恐漢奸假託壯勇名色。潛來窺伺。著訥爾經額分飭所屬。於該省交界地方。嚴密稽查。毋任此輩匪徒。潛入滋事。是為至要。將此諭令知之。○戊戌諭內閣。前據海齡奏。旗營官兵防堵日久。請暫借俸餉。由江蘇藩庫撥歸旗庫還款。當經降旨允准。茲據牛鑑等奏。稱京口旗營官兵。防守本境。汎地例不准支給口糧。亦無借給俸餉之例。該副都統請借俸餉。與例不符。自應不准借給。惟此

項銀兩。該副都統業經先由旗庫給發。旗庫正款。未便久懸。著姑准其於江蘇藩庫撥項歸款。仍分限八年按季扣還。此外防守本境汎地官兵。不得援以為例。海齡於旗庫正款未經奏明。輒行動借。殊屬不合。著交部議處。諭軍機大臣等。吳其濬奏請將疊獲逆匪分別解審。一摺。據奏湖北委員勞光泰稟稱。被獲匪犯吳植三。被徐升堂挾嫌串誣。作為逆黨。經該撫查明尚無確據等語。軍營員弁

妄拏邀功最為惡習。惟案關從逆情罪較重。亦不可率聽犯屬一面之詞。任其串供狡卸。所有吳植三一犯著吳其濬親提到案。虛衷研訊。無稍枉縱。其鄭初度吳谷九二犯並著該撫確切訊明。如實有偽二王爺及偽九王名號。即行派委妥員解送京師。審明懲治。此外各犯應由本省審辦者。即著該撫秉公訊辦。應由湖北辦理者。即行解交湖北歸案訊辦。慎毋稍存畛域之見。將此諭令知之。尋奏

吳植三一犯現飭湖北通城縣查提族鄰來湖南質訊。其吳谷九鄭初度二犯俱係聽邀入夥為賊頭目。勒索居民錢穀。鄉人因呼吳谷九為九王爺。鄭初度為二王爺。並非鍾人杰等所封偽號。自可無庸解京審辦。均應按律擬斬立決。並臬示以昭炯戒。下部議從之。○又諭山東海口備防。疊據托渾布奏報情形。布置當已周密。惟該逆詭詐多端。於礮臺屯駐重兵處所。必不逞兇突犯。或乘風雨黃

夜於遼闊無人之處。改裝登岸。暗行埋伏。迨聚集多人。抄入礮臺後面。突出肆逆。致我兵驚疑失措。甚為可慮。著托渾布悉心體察。再行妥密布置。固不能處處添兵駐守。斷不可以地非險要。稍存大意。又該逆或因海口嚴密。無隙可乘。分遣漢奸匪黨。扮作商民。難民僧道乞丐。及各色技藝人等。潛蹤分起。潛跡城市。豫為內應。表裏為奸。尤不可不先事豫防。並著托渾布諄飭派出員弁。隨時隨地留

心偵察。不獨形跡可疑之人。立即拏究。遂信為查拏淨盡。務使匪徒無從託足。而地方仍不致騷擾。是為至要。至浙省調去山東及各該省壯勇。現經遣回。尤難保無助逆漢奸。乘機混入。並闖入直隸境界。昨有旨諭令該撫彈壓安置。並著飭屬嚴密盤詰。其該省回籍壯勇。固當妥為約束。即外來路過各項人等。亦須設法稽查。勿令奸匪溷跡。假道山東沿海地方。竄入天津一帶。致滋事端。將此諭令

知之○以直隸天津等處海口酌添官兵駐防抽裁江西兵九十名安徽兵六十名撥歸直隸募補從兩江總督牛鑑請也○己亥遣官祭

歷代帝王廟○諭內閣牛鑑等奏籌撥展賑口糧需用銀款一摺江南省江寧通州所屬之上元江寧句容溧水高淳江浦六合泰興等八縣本年展賑一月口糧現據該督等查明除於上年正賑撫卹案內餘贖銀兩全數

撥用外尚不敷銀十一萬八千七百餘兩准其在於龍江淮安揚州等關徵收商稅及司庫屬解蘆課並戶屬事案銀內分別湊足動撥其蘇州所屬之新陽鎮江所屬之金壇溧陽等縣需銀四萬三千六百餘兩准其即在正賑案內原請動用之正項封貯水利經費等款內動用以資散放餘贖銀兩照數解還事竣彙冊報銷該督等即嚴飭該管道府督同印委各員趕查戶口覈實散給務使實惠

均霑如查有吏胥剋扣冒濫情事即行嚴叅究辦用副朕軫念民依至意○又諭裕泰奏察看陳連陞子嗣才具尚堪造就一摺原任廣東副將陳連陞長子陳展鵬次子陳起鵬著於服闋後送部引見再降諭旨其陳連陞義子陳舉鵬之嗣子陳受桂俟及歲時再行送部引見○諭軍機大臣等據鄂順安奏請鼓勵倡捐工賑紳士一摺已降旨逾格施恩將郎中劉燦然等分別優加獎勵矣河南省

城被水之後應辦諸務工鉅費繁該撫擬請勸諭捐輸以濟急用著照所議妥為辦理其有好義急公者准其據實保奏候朕施恩仍嚴飭各州縣等毋許藉端抑勒致滋流弊所有應辦工賑各事宜著即分別緩急次第舉行毋致遲誤將此諭令知之○又諭奕經等奏請調官兵進剿一摺據奏火山一帶水面太寬礮力難及惟七堡地方稍為險要已有博勒恭武帶兵防守其銀杏埠渡口緊接省

垣已將河南兵酌撥屯紮與萬松嶺為犄角之勢又派壽春鎮兵前赴海寧防守現在兵力尚有不敷請旨徵調等語前已有旨飭令陝甘官兵二千名迅即赴浙會剿其各省勁兵亦已豫備候調矣此後再圖進剿立功贖罪究竟該將軍等有無把握至逆夷呈遞書函擬請暫示羈縻該將軍等作何羈縻之處所奏殊未明晰其單開所獲白黑夷人究係在彼充當何項名色單內所稱老將頭目兵

丁水手恐非確實尤當詳加究詰不可稍為含混此時著暫留省城妥為安置不准遽行釋放更不准遽加殺害應如何設法令該逆聞知俾內地被擄官兵亦不致受其戕害總在該將軍等悉心籌畫相機辦理其前此雇覓壯勇現議遣散惟此輩多係無業遊民豈能安分歸里著奕經等擇其精壯可用者留營調撥其餘亦應妥為彈壓分起遣歸以免沿途滋擾現在留營將士及各路防守官兵

雖不敷進剿之用亦何至無守禦之方仍責成該將軍等妥為布置激勵眾心勉圖後效儻再有疏虞惟該將軍參贊是問懷之其段永福朱貴各路帶兵官兵曾否全數回營兵丁傷亡若干遣往定海官兵弁勇等究竟作何下落摺內未據詳敘著一併查明具奏又另片奏令提督余步雲屯紮上虞以資防守亦著照議辦理將此由六百里諭令知之○又諭著鄂順安於河南省挑選精兵一千名

周之琦於廣西省挑選精兵一千名候旨調撥應帶軍器著一體揀擇精良妥為豫備將此由四百里諭令知之○揚威將軍奕經等奏逆夷呈遞書函酌擬暫示羈縻並請續調官兵力圖進剿得旨事已如此添調何難前番布置似乎確有把握一經動作受虧退步又欲俟數千里外續調之兵到齊再圖進剿無論曠日持久必能保其成功乎○庚子諭內閣裕泰奏請將殉節之知縣等分別賜卹

一摺湖北崇陽縣知縣師長治到任甫及百日倉卒遇難典史王光宇及該縣師長治之妾吳氏姪女師氏同時自盡並被殺之家人曹斌均堪矜憫其應如何分別賜卹之處著該部查議具奏○諭軍機大臣等王鼎等奏查看省垣情形暫緩遷移一摺河南省城議守議遷關係非細必應通盤籌計衷於一是豈容兩持其說迄無定見現在大工合龍一切形勢無難逐加履勘著王鼎等再行會同

妥商即將該處省垣究竟應遷應守之處定議具奏昨據鄂順安奏稱省城為保障攸關先須起除淤墊開挖溝濠以及應修要工安撫災民各節次第辦理等語著該撫通籌大局先將萬難從緩各務即行妥為籌辦此外諸務繁多斷難同時並舉仍著分別緩急次第舉行將此諭令知之○又諭前因糧船水手人數眾多恐有漢奸潛入降旨令牛鑑悉心籌畫旋據奏稱漢奸皆係閩廣浙江匪類

漕船水手皆籍隸江蘇山東直隸並無閩廣浙江匪徒容俟會同漕臣撫臣籌議具奏等語現尚未據該督撫等會議奏到因念浙省辦理軍務不能得手皆由漢奸充斥助逆肆兇是此項匪徒為害滋甚不日南漕北上難保該逆不分遣匪黨潛入水手之中潛伏附近天津一帶別圖滋擾不可不豫為防範著朱樹諄飭各糧道轉飭總運等官責成領運千總各就所管之幫逐船按照花名清冊自

開兌以至沿途隨時點驗某船水手若干名遇有冊內短少及冊外增添之人立即根究來歷毋稍容隱其交卸回空時尤應驗明人數隨幫帶回並逐日點卯毋任一名借故留住天津通州等處以杜意外之虞並著麟慶朱襄於催趲糧船之便留心稽查毋任匪徒潛跡亦不准水手人等一名上岸並知照經過地方各督撫一體嚴查無分畛域再聞漕船經行處所皆有短緯此輩更無冊籍可稽



奸匪尤易匿跡著該督等密飭所屬如何設法嚴防妥議章程具奏務使奸匪無從託足而漕行仍不致驚擾方為妥善將此諭令知之○欽差大學士王鼎因病乞假命俟會議事竣後緩程來京安心調理○以勦辦湖北崇陽縣逆匪功賞按察使郭熊飛知府周鳴鸞周啓運同知郭夢齡舒昇額通判陸咸升知縣夏廷樾副將金萬全參將清保遊擊謝正國吉興都司王楷守備薛升堂王榮翟萬林鮑雲肅丁存英張登明花翎知縣金雲門等藍翎副將雙福都司王貴色圖魯名號餘加銜升敘有差○辛丑諭內閣昨據裕泰奏湖北鹽法道葉敬昌總理軍需局務並捐資雇募鄉勇隨同防剿武昌府知府明峻辦理行營糧務又帶鄉勇收復通城均為出力懇恩分別鼓勵並請將該二員應得處分量予寬免等語崇陽縣係該道府所屬此次逆匪滋事例有應得處分至該員等於軍務出力

係屬分所應為不應論以功過相抵葉敬昌明峻均仍著交部照例議處所有該督奏請鼓勵之處著不准行此外失察文武各員著裕泰一併查明具奏不准稍有隱飾○諭軍機大臣等託渾布奏調防弁兵的帶健馬等語所議未見周妥南人畏馬固屬不易之論惟馬隊之得全恃馬上兵丁持有槍箭利器故一經衝突賊勢遂即披靡逆喫如果登岸斷非徒手其所持各種火器紛紛轟擊我之馬隊手無利器何以抵禦若被擊退回不但後面步兵必遭踐踏且馬隊在前我之步兵從後施放槍礮既不能擊中逆喫而倉卒之間馬隊轉致誤擊况綠營之馬隊本不若東三省矯健加以馬上更無長技又何所持以禦敵種種窒礙實非攻勦善策所有託渾布請酌帶健馬之處著再行悉心另籌以操勝算而資得力將此諭令知之○以前任禮部尚書奎照署都察院左都御史○修山東



臨清德三州倉廩從巡撫托渾布請也○壬寅

上詣綺春園問

皇太后安○命翰林院侍讀李棠階提督廣東學政○撫卹琉球國遭風難夷如例○癸卯諭軍機大臣等訥爾經額奏遵旨覆籌天津海口府城等處防堵稽查情形一摺所議甚屬周妥已降旨飭令提督周悅勝赴天津協同防堵矣逆夷如果北駛攔江沙內礮臺分布其迤南道溝子地方亦安設伏兵杜其抄襲之路所有南北兩岸守護礮臺將弁必應遴選健壯可恃者勤加訓練臨時方可得力並派員嚴密稽查勿令漢奸潛入至天津為五方雜處最易藏奸該督現於城之内外密派各員嚴分街道專司偵察無論居民鋪戶店寓寺觀一體編列保甲並令紳耆協同稽查所辦固屬周密但自天津府城以至大沽沿河兩岸村莊人煙稠密軍民良莠不齊務

當設法時時訪查不可令匪徒潛蹤影射其所派委各員仍應暗加偵察勿令虛應故事日久生懈是為至要上年所撤海口防兵著准其如數仍調赴防所以資堵禦所有該處南岸礮臺著派妥協弁兵嚴行守護陳金綬作為守護礮臺之接應周悅勝到時駐劄南岸作為陳金綬之接應胡超著移駐北岸石生玉在北塘一帶防護胡超作為石生玉之接應其各路接應將弁兵丁應駐劄地方及

大沽北岸礮臺應歸何處照應管轄始能得力之處著訥爾經額周悅勝胡超等會議具奏訥爾經額統轄將弁兼理糧餉著即駐劄天津府城隨時調度一切聯絡聲援惟當激勵眾心養鋒蓄銳以資捍衛而備干城將此各諭令知之○命直隸提督周悅勝帶兵赴天津辦理防堵以江西南贛鎮總兵官長春署直隸提督○命四川提督齊慎仍為參贊大臣馳往浙江辦理軍務○賞已革協辦大

學士兩江總督伊里布七品銜已革四等待衛咸齡四等待衛交廣州將軍耆英帶往浙江差遣○移貴州都勻縣訓導駐八寨廳鑄給條記從巡撫賀長齡請也○以伊犂屯田豐收予員弁議敘賞兵丁一月鹽菜銀○禮部議准前任山西巡撫楊國禎疏報採訪渾源州貞節婦女賈趙氏等四十九口請建總坊旌表從之○旌表守正捐軀湖北歸州民王棕釗童養媳向女○甲辰清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵 遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭內閣裕泰奏參湖北

署蒲圻縣事揀發知縣蕭蔭恩於稟報港口

官塘二驛前此被逆匪搶去馬匹與委員等所查多寡懸殊又屢次領銀並不開明用款總以籌墊甚鉅空言請益顯有希圖浮領馬價及冒銷經費情事現當覈實軍需之際必須嚴行究辦以儆將來該縣曾經裕泰保奏賞加知州銜著即撤銷仍著先行撤任交該督督同司道飭提該驛丁書冊檔到案逐一徹底根究如查有浮冒情弊即著從嚴叅辦尋奏查蒲圻縣三驛失馬一百一十七匹數

目相符現均陸續查獲其倒斃無著馬匹已如數賠補墊用軍需銀一萬一千二百九十五兩零因款目紛雜曾請事竣造報亦非朦混冒銷惟具稟輕率應將該署縣蕭蔭恩知州銜撤銷免其再議從之○又諭經額布奏查出朦混撥地並刪改委員稟單各員請分別革職解任審辦一摺前因惟勤等奏查明擅給印照越界墾荒一案恐仍有不實不盡之處當經降旨交經額布確切查明嚴行究辦茲據奏稱查出凉水泉荒地除撥給打牲烏拉總管及烏拉協領津貼兵丁地二萬晌外另有撥給瑪延官莊地一千晌之事並據委員依祿稟稱主事巴克唐阿將伊查荒稟詞內所敘瑪延官莊地一千晌語句塗刪詢之原派撥地之委員永山扎克當阿則稱原割遺失徧查並無案據所有鈔存之割檔僅係撥給烏拉總管等二萬晌並無撥給瑪延官莊地之文其中顯有情弊佐領永山扎克

當阿著即革職主事巴克唐阿著解任交該將軍嚴行審訊徹底根究仍檢尋撥地原稿務獲並委員指明地段確切丈量毋任稍有隱飾○諭軍機大臣等御史呂賢基奏豫籌南河葦蕩以防水患而節經費一摺是否可行著麟慶將摺內所陳各款體察情形妥議具奏原摺著鈔給閱看將此諭令知之尋奏南河柴額自雍正四年議定歲交一百五十萬束嗣後屢經增添至嘉慶年間前河臣黎

世序等始奏明儘蕩撥採將歲完正餘外餘柴五百一十六萬九千八百束作為定額臣到任後因右營產柴短缺議以分年築堰蓄水養苗自後左右兩營均皆逾額至河工經費不敢稍有浮銷一切弊端亦當隨時釐剔該御史所奏各條實無益於工用反有礙於舊章應請毋庸置議從之○又諭經額布奏吉林將軍印信向貯衙門印庫其鑰匙係將軍佩帶現在查明印務主事巴克唐阿於用

印後並不即時封鎖入庫業已明降諭旨將該主事交部議處矣嗣後吉林將軍印信應否仍貯印庫抑或存留該將軍寓所其用印時應如何派員監視以專責成之處著經額布妥議章程具奏將此諭令知之尋奏遵議吉林將軍印信擬存將軍寓所用印時擬輪派印務主事協領一員酌派筆帖式二員監視並將每日用印文書於號簿內詳細註明件數鈐蓋印信似可除朦混之弊從之○又

諭寄諭直隸總督訥爾經額據穆彰阿面奏該督所造弩弓甚為便捷著即將弩弓並箭檢齊二副派員齎送來京呈覽將此諭令知之○乙巳

孝昭仁皇后忌辰遣官祭

景陵○丙午遣官祭賢良祠○諭內閣前因奇明保年逾七旬精力就衰降旨命耆英馳往浙江署理杭州將軍因念省城為根本重地防堵尤關緊要將軍參贊分駐各處要隘祇

有特依順一人帶兵在省恐不足以資控制耆英著頒給欽差大臣關防馳驛前赴浙江省城會同特依順嚴密防守如兵力尚單應調本省及他省官兵即著斟酌情形一面飛檄調取一面由驛具奏備有疏虞惟耆英特依順是問劉韻珂身任巡撫守土是其專責一切防堵事宜亦著會同籌辦至浙省沿海各處口岸仍責成英經文蔚齊慎擇要防守相機攻剿該將軍大臣等惟當同心協力以期戰勝守堅毋負委任勉之望之○諭軍機大臣等麟慶奏黃水暢流歸海各工修防平穩一摺覽奏均悉近年南漕北上均因黃高於清灌塘濟運原係一時權宜辦理上年祥工漫口南河下游業經清水刷濬河身自必一律深通本年黃水歸海迅駛東趨流行極為暢順瞬息軍船抵壩放渡之期該處禦黃壩如能照舊啓放較之灌塘濟運豈不更善該河督現在迎提軍船相機放渡自必因時

制宜妥為籌畫。所有挽渡各機宜。能否復歸舊制之處。著該河督察看情形斟酌妥辦。總期河務漕行兩無妨礙。是為至要。將此諭令知之。○丁未諭內閣。朕維攘外必先安內。禁暴即以愛民。近因逆嘖犯順。不得已而用兵。每逢徵調。必諄諭各省督撫嚴飭管帶員弁。毋任沿途滋擾。並因浙江將出師。明諭該將軍等分飭所屬謹守紀律。秋毫無犯。違者即以軍法從事。諒該將軍督撫等必能仰體

朕心。不致重貽民困矣。本日據御史呂賢基奏。近海之區。藉防堵以派費。徵兵之境。借調發以索財。並各經過地方。以護送供給為名。科斂無度。湖北湖南安徽等處。皆有加派勒捐之事。浙江直隸山東亦然。請旨飭禁等語。地方遇有軍行。偶爾借資民力。各省士民自必志切同仇。羣思報效。朕屢經降旨將捐輸踴躍者破格施恩。所以嘉其急公慕義之忱也。儻地方官奉行不善。或至加派勒捐。是陽

借辦公之名。陰圖肥己之橐。甚或縱令吏胥藉端需索。致國家衛民之舉。先滋病民之弊。亦不可不防其漸。著各該督撫諄飭所屬。遇有捐輸各項。務當覈實辦理。俾士民咸知所輸之款。一一皆歸實用。官吏毫無染指。庶使感奮之氣。上下相孚。並著該督撫等隨時密查。如有前項情弊。立即據實嚴參。毋稍姑息。用副朕愛惜民力。戢暴安良至意。將此通諭知之。○諭軍機大臣等。本日據王鼎等密陳

河南省垣情形一摺。已有旨飭令鄂順安妥行辦理矣。王鼎現已就道。著仍遵前旨。緩程行走。抵京日。如自揣精力實已復原。即與慧成一同具摺請安。如尚須調理。著慧成先行復命。王鼎仍俟病體痊愈後。再行具摺請安。將此諭令知之。○又諭。前據鄂順安奏。省城被水之後。應辦諸務。工鉅費繁。擬請勸捐濟用。當有旨諭令妥為辦理。並飭嚴禁州縣抑勒等弊。其省城究竟應遷應守。復有旨諭令

會同王鼎等妥商定議。本日據王鼎等奏。民情安土重遷。原以不遷為妥善。現在踴躍捐輸。應俟要工舉行。再彰明定議等語。著鄂順安屆時定議具奏。所有該省城應辦各工。及安撫各事宜。著該撫即恪遵前旨。分別緩急。次第妥辦。一切工程。務須堅固。毋得將就塞責。至省垣被水以後。應如何先事豫籌。足資保衛之處。尤當通籌大局。設法辦理。其勸諭捐輸之事。仍著嚴飭各州縣等。毋許藉端抑

勒。致滋流弊。儻辦理不善。以致勒捐加派。滋擾閭閻。一經舉發。惟鄂順安是問。再本日據御史呂賢基奏。河南河內修武。武陟安陽湯陰封邱濬縣等七縣。因派料勒捐。曾有百姓聚眾上堂。凌辱官長等語。是否實有其事。著該撫確查具奏。將此諭令知之。尋奏豫省捐料一事。先將各州縣派定垛數。應領價銀。逐一臚列出示曉諭。並無短價勒捐。及河內等七縣百姓上堂辱官情事。惟料價昂貴。所發

銀數不敷。小民赴縣籲求。各該縣或捐廉幫貼。或由官添購。迄今半載。料物久已購齊。官民實屬相安。報聞。○又諭據恩桂等奏。山東臨清州已革縣丞王慶元。呈稱情願捐資團練鄉勇。赴浙江軍營投效。伊弟山東候補把總王慶平。現赴湖南長沙等處招募鄉勇。伊弟王慶杓。伊姪王華庭。王輝庭。伊姪孫王映鼈。王登鼈。伊戚許維釗。許維泗。黃成文。黃成武。王維王治。陳陞。賀清平。賀太平。共十四人。

均在山東高唐州地方團練鄉勇。湖南山東約有一千餘人。俱可竭力報效等語。著托渾布即查明該革員平素居鄉。是否安分。伊弟王慶平現在是否已赴湖南。所稱在山東團練鄉勇。是否實有其事。並現已募有若干人。至伊弟王慶杓等。向在本省作何生業。有無藉端滋擾情事。一併確切查明。據實具奏。將此諭令知之。○又諭據恩桂等奏。山東臨清州已革縣丞王慶元。呈稱該革員前在湖南

試用因那移穀石叅革追賠銀兩限內交完  
本省並未開復十三年伊子王印庭來京抱  
告經欽差會同本省訊明仍照前議辦理伊  
不甘廢棄現在伊胞弟山東候補把總王慶  
平已赴湖南長沙等處招募鄉勇赴浙江軍  
營投效等語著吳其濬即查明王慶平曾否  
已赴湖南招募鄉勇現已募有若干人及有  
無騷擾情事並將該革員叅革原案一併查  
明具奏將此諭令知之○戊申

上詣綺春園問

皇太后安○諭內閣奕經等奏查明接仗情形  
並拏獲漢奸訊取供詞一摺逆夷竊據三城  
肆行滋擾又復勾結奸匪窺探軍情實堪髮  
指茲據奏逆首噶嘯嘯於上年八月定海打  
仗時被葛雲飛用礮擊斃現在夷船噶姓係  
屬假冒並慈谿接仗時礮斃逆夷頭目寧波  
城內夷人盡為掛孝據報即係逆夷巴姓又  
逆夷安突德臂受一槍並有大夷目受傷甚

重死夷屍身共載五船運往定海埋掩又最  
要漢奸陳秉鈞等五犯現已拏獲訊明正法  
其餘所獲夷目漢奸人數甚多等語現在著  
名緊要逆夷或臨陣受誅或被傷垂斃其助  
逆肆惡之漢奸亦經先後擒獲是逆夷以漢  
奸為爪牙漢奸即以逆夷為利藪表裏為奸  
殊堪痛恨該將軍等既經剴切曉諭於前茲  
復查拏懲辦於後想軍民人等自當曉然於  
順逆利害之故志切同仇益加感奮著奕經

等激勵將士相機進剿其未獲奸匪仍當嚴  
密查拏毋稍疏懈務期迅復郡縣盡掃逆氛  
以伸天討而儆奸邪○諭軍機大臣等本日  
據奕經等馳奏戴罪圖功並訊取漢奸供詞  
各一摺覽奏俱悉漢奸助逆肆惡殊堪髮指  
若不翦其著名黨羽何以激勵眾心現獲之  
陳秉鈞等五犯既已訊供正法其前獲之陳  
在鎬一犯已諭知牛鑑等解赴軍營著與供  
詞未確之葉雙太等八犯一併嚴切訊究務

得確情由驛具奏所獲漢奸內除現無確供及應留備質各犯外餘著於審明後即在軍營正法梟示以昭炯戒至夷船或泊定海或泊寧鎮來往既無一定姓名又復互異據稱嘯聚已於上年定海打仗時被葛雲飛用礮擊斃現在寧波尚有安突德嗎哩遜郭士立諸逆而助逆之漢奸曹江以東仍復充斥必應相機進剿一鼓殲除現經該將軍等酌派將弁教練官兵並將岱山撤回勇壯屯紮偏僻處所豫備將來接應其舟山一帶仍令勇壯埋伏以為後路牽制著奕經即與特依順文蔚隨時商酌將戰守事宜妥為布置現在寧波鎮海定海三處究有夷船若干隻夷匪若干人前此單開所獲白夷是否內有要緊頭目其管糧餉二等頭目是否即在此內均應向現獲各犯確切訊明至逆夷掛孝送殯之已死夷目究係何人安突德曾經受傷是否屬實慈谿礮斃之夷目是否即係巴逆

與該夷書所稱巴姓是否即係一人其所稱近來白黑夷人往往失去又或有身無首究係在何處被何人所殺均須逐一追究明確據實具奏將此由五百里諭令知之○又諭前據牛鑑等奏遵旨將遞送夷書之鎮海縣童生陳在鎬解赴邳州監禁現在浙江軍營有應行提訊之事著該督等遴派員弁嚴密押解交奕經等審辦毋稍疏虞將此由五百里諭令知之○漕運總督朱樹奏浙江白糧幫丁應支食米因上年災歉蠲緩不敷支放請改給折色每石給銀二兩八錢從之○以故三等輔國將軍奕順子載福降襲三等奉國將軍已酉諭軍機大臣等此次揚威將軍等於正月二十九日進兵攻剿寧波城內逆夷旋於二月初間在慈谿接仗我兵未能得手頗有傷亡聞逆夷被我兵擊斃殺傷者亦復不少此內有著名頭目受傷身死聞係巴逆郡城內逆夷盡皆掛孝甚至所過城市



以洋布貼地行走據此情形似又較已逆尤為緊要又有擊斃逆夷屍身共載大小五船運往定海掩埋著劉韻珂於姪來定海之人詳細詢問或密遣人前往訪查所有兩次接仗究竟擊斃逆夷若干名有無著名頭目在內其運往定海屍身果否有五船之多務得實在情形遇便具奏將此諭令知之○以教演臺槍得加予直隸把總周永泰等升補有差○予湖北殉節知縣師長治典史王光宇

祭葬世職

大清宣宗效天符運立中體正至文聖武智勇仁慈儉勤孝敏成皇帝實錄卷之三百六十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百六十九

監修宣宗實錄臣等謹將宣宗成皇帝實錄卷之三百六十九

天恩聖訓臣等謹將宣宗成皇帝實錄卷之三百六十九

七倉大臣將倉司四詳實錄臣等謹將宣宗成皇帝實錄卷之三百六十九

內務府大臣將內務府實錄臣等謹將宣宗成皇帝實錄卷之三百六十九

戶部大臣將戶部實錄臣等謹將宣宗成皇帝實錄卷之三百六十九

欽此

道光二十二年壬寅三月庚戌朔諭內閣據

戶部奏粵省歷年藩道各庫借出各款及閩  
省應解歸款銀兩截至上年年底逾限未完  
銀積至五十九萬餘兩之多經徵各員難保  
無那移彌縫情弊著兩廣總督廣東巡撫閩  
浙總督迅即催追務令趕緊歸還清完毋許  
藉欠並將經收遲延及督催不力各職名報  
部查議如再怠玩及查有那移情事立即指  
參毋稍徇庇又歷年行查未覆未報各案經  
戶部查明積有六十六案併著該督撫嚴飭

藩司遵照定限分別造報登覆以重帑項而  
清案牘○謹表守正捐軀河南商邱縣民楊  
詳妻劉氏○辛亥

上詣綺春園問

皇太后安○遣官祭

先農之神○諭軍機大臣等據載銓等奏正

白旗宗室佛英額正藍旗宗室折桂鑲紅旗

宗室純誠於道光十九年二十年間先後告

假三箇月前往盛京遼陽界等處地方祭掃

墳塋迄今逾限二三年之久未據來京銷假  
等語該宗室等因祭掃告假何以逗留不返  
是否資斧不給無力回京抑或情願在盛京  
居住著禧恩查明據實具奏將此諭令知之  
尋奏遵查宗室佛英額因呈控莊頭拖欠差  
銀在盛京戶部候訊宗室折桂因病未痊故  
均逾限未歸現俱情願回京應即派員解送  
宗人府照例辦理其宗室純誠因地畝無人  
照料情願移駐盛京應交宗室營主事等管

理安置報聞。○又諭。訥爾經額奏。體察閩廣商船情形。續籌嚴密防範章程一摺。所議尚屬周妥。嗣後福州廈門潮州之洋船出口。該省地方官。擇令天津有字號之商人。出具並無夾帶奸匪切結。到津之時。復責令原字號商人。先行確查。如有來歷不明之人。即行呈報。仍令出結。以後如有發覺。兩處商人一體治罪。其廣州詔安之洋船出口。該地方官。責令保船稅行出結。由各處給照衙門。鈐印黏連船牌尾後。以憑到津查驗。如無加黏印結。不許進口。儻該船有夾帶奸匪情事。即將出結之稅行治罪。鈐印之員。叅處。至洋船未經裝載之先。雇定水手。呈報原籍州縣。給發印照。註明年貌姓名。並每名發給腰牌。黏貼印花。以憑到津查驗。若由別處裝貨後。或須添雇幫駕之人。著持照赴所至州縣。或丞倖衙門報明。黏單蓋印。仍發給印花腰牌。如有奸匪混匿。特黏單蓋印之員。叅處。斷不准沿海

口汛巡檢外。委擅與護帖。其有客民臨時搭載來津貿易。亦應遵例赴廳州縣衙門請給印照。將年貌籍貫年月填註明白。如無印照。不許一名搭載。迨商船駛至海口。由天津鎮道督率文武員弁。按照舊章。逐加查驗。如有姓名年貌與印照不符者。即行嚴訊究辦。到津時。船隻停泊。不准在城鄉人煙稠密之地。祇許離城三四里外寬闊處所。間段挨次下碇。不得擁擠一處。在船人等除與行戶交易之商人。准令上岸外。其餘水手。均不准上岸。並於兩岸分段多派兵役彈壓巡查。催令早卸貨物。即速解纜出口。無任逗留。儻商船到口時。夷船適亦到口。則商船自不准放入。以防混淆之弊。如此層層防範。奸匪自難涸跡。著閩廣督撫。及直隸總督。轉飭各該地方官。一體遵照辦理。務當覈實稽查。日久不懈。切勿視為具文。以致有名無實。將此各諭令知之。○壬子。

上啓鑒幸南苑。○諭軍機大臣等。奕山等奏籌議戰守情形。並祁項等奏。軍需數目。應辦事宜。各一摺。據奏逆夷囁嚅。自浙駛回香港。添船自固。並邀他國貨船同泊。議戰實無把握。惟議守省城。可保無虞。各處星羅密布。密為豫備。逆夷聞入。必受大創。等語。覽奏均悉。著即責成奕山等。嚴密防範。慎固封守。儻有疏虞。惟奕山等是問。惟所奏添造兵船。曠日糜費。又係徒託空言。殊屬無謂。至虎門十處

礮臺。據稱無船不能護修。若必待船隻造成。始行動工。為日甚長。何時方可蒞事。其酌裁兵勇一節。准其將廣西兵一千八百名留東備防。貴州四川江西湖北各兵。著即分別盡撤。另挑本省兵勇防守。儻本省之兵。勤加訓練。可資得力。即廣西之兵。亦可隨時酌撤。再現存義勇二萬六千餘名。為數亦覺太多。著該將軍等會同遴選。擇其精銳得力者。令其協同官兵分地駐守。餘著酌量再行裁減。仍

須妥為安頓。毋任別滋事端。所奏每月需銀十三萬九千二百餘兩。如能將兵勇逐漸裁撤。經費自更節省。著祁項梁寶常。力加撙節。毋任虛糜。又另片奏。噶爾西國王因聞噶逆犯順。遣令兵頭來粵解散等語。夷情詭譎。所稱善為解散。恐難憑信。且該夷如何向噶夷解說。即能解散之處。又不肯明白具稟。况現在浙江集兵攻剿。亦無廣東遽作議和之理。惟該國向通貿易。素稱恭順。現既來粵遞稟。

著該將軍等傳諭該夷。爾國向來恭順。原准照常貿易。如果能為天朝出力。大皇帝自必嘉悅。至被噶逆擾累。自為保護。及如何藉詞交兵等情。中國例不過問。該將軍等仍須嚴密防範。勿墮奸計。為要。將此由五百里各諭令知之。○禮部奏。查則例內載乾隆五十年奉

上諭。每歲春三月。應祭

先農壇。行耕耤禮。嗣後我子孫繼承奕祀。惟

當不懈益勤。凡遇耕耨典禮。若年在六十以內。禮部照例具題。年年躬行。若年逾六十。禮部先期以親莅或遣官之處題請著為令。欽此。恭思

皇上壽逾六旬。屆期或親詣舉行。或不親詣之處。理合遵照前期奏請。得旨本年不親行。○兩江總督牛鑑奏。遵查常鎮道。但明倫公正廉明。遇事頗有斷制。曾任山西河東道。熟悉鹽務情形。請即以該道升署兩淮運使。得旨

兩淮運使著准其以但明倫升署。一年後再請實授。○賞貝勒綿恩黃韁。○以辦理廣東守禦事宜得力。免已革湖廣總督周天爵罪。仍留軍營效力。○是日駐蹕新衙門行宮。○癸丑

上行圍。○是日駐蹕圓河行宮。至乙卯皆如之。

○甲寅

上行圍。○以南苑牲獸眾多。草木繁茂。予管奉宸苑事定郡王載銓等議敘。○賞南苑管圍

總領章京等銀帶有差。○賞南苑看守各行宮苑戶一月錢糧。海戶銀一千兩。○乙卯。諭內閣。奕經等奏。查明與逆夷接仗陣亡各員。請分別賜卹一摺。覽奏深為惻惻。浙江金華協副將朱貴身。受三處槍傷。臨陣戰歿。其子武童朱昭南。隨同打仗。身受兩槍。同時殉難。實屬忠義可嘉。朱貴著照總兵例賜卹。朱昭南並著一併議卹。仍著該將軍等查明朱貴現尚有子幾人。及朱昭南有無子嗣之處。即

行具奏。候朕施恩。甘肅西寧鎮左營遊擊黃泰。陝西隆德營守備徐官。署陝甘督標都司下馬關營守備陳芝蘭。四川大金河千總加副將銜巴圖魯阿木穰。瓦寺土守備哈克里。浙江候補知縣顏履敬。均著照例賜卹。以慰忠魂。○諭軍機大臣等。奕經等奏。現辦防勦事宜一摺。據奏總兵段永福。及帶兵將備均已回營。四川兵丁張光福。接到逆夷回信。要將王幗保。陸心蘭。放回。所獲白黑夷人。現據

查明白夷確名味雙噶士。係屬船主。並非水手。黑夷係克什米爾回民。被逆要挾來浙。現求放回本國。所雇河南河北壯勇。除陣亡走散。及裁汰回籍外。留營計有二千名。定海潛伏之兵。現亦分別撤留。一面分探各城夷情。另行踏看水陸進兵道路。文蔚調撥兵勇。陸續東進。作為防守前路。仍伺隙攻勦等語。覽奏均悉。現在續調各路精兵。計可先後到浙。該將軍等惟當慎密籌商。固不可冒昧輕進。

尤不可坐失機宜。其陝甘兵二千名。前已有旨調撥。現又飛催河南廣西省將前經有旨豫備各一千名。迅速赴浙。所請貴州四川官兵。未便再行調撥。齊慎計可不日到浙。即著前往曹娥江一帶。會同文蔚或分或合。作為前路。遇有可乘之隙。即行照會該將軍相機攻勦。至所獲白黑逆夷回民。及從逆漢奸。仍遵前旨。不准釋放。亦不准殺害。並著查明前此訊出供詞。有無捏飾。務得確情。其所稱老

將頭目。恐難憑信。又另片奏。該逆添有夷船多隻。難保非虛詞。恫喝著俟偵探得實。即行馳奏。又另片奏。火攻船隻。伏應參差各情。著即令承辦各該員帶罪圖功。責令捐辦。不准開銷。以觀後效。其失陷城內之守備王國英。及兵勇四十餘名。現在有無確耗。均著查明具奏。將此由五百里各諭令知之。○又諭。舊恩奏查看海口情形。並開單繪圖呈覽一摺。盛京海岸。總互一千八百餘里。所有著名口

岸。固應處處嚴加防範。而其最要之處。尤應控制得宜。現據該署將軍查明。據銜扼要。不過數處。著即審度形勢。層層布置。務期聲勢聯絡。有備無患。其前由省派調復州金州協防兵五百名。業於冬令撤回。現在該二城兵勇。既敷防守。自可停其派往。其祥厚所選熊岳兵丁二百名。即著認真訓練。以備協助。並著該副都統常川往來各隘查看。以專責成。其黑龍江兵。現在連山高橋一帶屯紮。係在

關門奉天適中之處。尚為得地。惟當妥為安置。俾益作其勇敢之氣。至所稱團練旗勇一節。此項壯丁。皆係八旗子弟。自應勤加訓練。令其一體嫻熟。其各城所練鄉勇。除留備完濠築壘等事驅使外。即酌量陸續裁汰。以節糜費。又各島居民。其有不入戶籍者。岸上既無居業。自難令其遷移。著酌留泉水數處。以便島民食用。其餘有應堵者。即行堵塞。不准將食物柴薪淡水接濟該逆。違者即以通逆

治罪。又該省運赴海口安設之礮。既有不能適用者。即著承修官賠修。務臻穩固。仍飭令各該城勤加演試。其雇募商漁船四十隻。現據驗明。於內洋試演。駕駛不穩。若外洋風浪尤覺無濟於用。亦著即行撤散。將此諭令知之。又諭前有旨。令鄂順安挑選河南省精兵一千名。周之琦挑選廣西省精兵一千名。候旨調撥。現在浙江軍務緊要。著該撫等即選派曾經帶兵員弁。分起管帶。飭令迅速赴

浙交奕經等差遣。毋稍遲誤。仍飭沿途嚴加約束。毋使滋擾。將此由五百里各諭令知之。○以浙江勦擊夷匪出力。賞御前侍衛珠勒亨。呢鏢額巴圖魯名號。都司張奉明。劉天保。守備年成烈。千總劉炳花。千總史榮椿等。藍翎。餘加銜升用有差。○以河南保護省城出力。賞守備曹百安。花翎。同知印德本。藍翎。餘加銜升補有差。○丙辰。

上詣

元靈宮。

永慕寺。行禮。○詣

關帝廟拈香。○以湖北銀價未平。暫緩寶武局鼓鑄印錢。從總督裕泰請也。○修湖北沔陽州潰口江隄等工。從總督裕泰請也。○是日駐蹕舊衙門行宮。○丁巳。

上還圓明園。○詣綺春園問

皇太后安。○遣官祭

先蠶之神。○諭內閣。前因南苑圍場牲畜稀

少。草木未能暢茂。降旨將該管大臣懲處。本年駐蹕行圍。漸復舊規。即將該管王大臣等交部議敘。南苑為我朝肄武之地。必應培植草木。秦養牲畜。以備春秋臨幸。我大清億萬年皇子皇孫。敬遵

家法。於此習勞講藝。豈容隨扈官員兵役人等。任意馳驅。獵取牲畜。昨朕偶爾登樓眺望。迤北蒙古包一架。帳房數架。該處有來往乘騎馳聘之人。所獲兔隻。攫取而歸。本日詢問御

前大臣。知係額駙德木楚克扎布住宿之所。行宮密邇。例禁恭嚴。該額駙初次當差。不知謹飭。任令屬下人等肆意妄為。著交該衙門議處。此外必有私行弋獵之人。實屬大膽。可惡。可恨。嗣後著責成八旗護軍統領。屆時於行宮附近地方。各按應駐方位。環列周查。並各飭官兵認真稽察。不論大小官員軍民人等。如有違例獵取牲畜者。立即稟明該管官。叅辦。並著總理行營大臣。及管理奉宸苑王

大臣不時遠近巡察。毋稍疏懈。不准瞻徇情面。代人受過。致蹈欺罔。至南苑為駐蹕禁地。理應嚴肅。以昭慎重。近聞來往行人。頗有由各門內取徑出入者。著管理奉宸苑王大臣出示嚴禁。時加訪查。不得視為具文。致干咎戾。並著南苑各門各錄一通。永遠遵循。○戊午。諭內閣。朕恭閱

世宗憲皇帝實錄。雍正六年。

諭直省督撫等。知府一官。管理通郡。有察吏之

責。如知府得人。則察吏以安民。於地方實有裨益。但知府內有僅係循分供職。不能察吏。而又素無過犯。不至於叅劾者。此等人員。若令其久任地方。於屬員賢否。必不能詳察周知。於吏治無益。欽此。仰見

聖謨深遠。洞見吏治本原。

垂訓煌煌。允宜遵守。州縣為親民之官。知府有表率之責。州縣之賢否。全恃知府詳加體察。隨時將屬員能否勝任情形。達於大吏。所謂



察吏乃可安民。關繫甚大。若知府未能振作。有為。僅循分供職。於屬員賢否。不能深知。其地方一切公事。尚安望其表率羣僚。隨時整頓。不致廢弛。著各直省督撫。於所屬知府內。詳加查察。如有才具中平。雖無過失。而實不能有為者。著隨時奏聞。請旨。不必俟大計之年。始行甄別。以示朕整飭官常至意。○又諭。巡視西城給事中。和豐等奏。火藥局碾藥廠內。有燒燬器物情形一摺。著管理火藥局之

堂官。帶同司員。前往詳加勘驗。訊明具奏。又另片奏。火藥局圍牆間有缺口。著工部查勘修理。尋奏。火藥局失火。實係碾造火藥。後打掃碾盤。石碰火星。致然烘餘藥。將碾盤架木熏灼。請將是日值宿之筆帖式。盧銘璋。交部察議。從之。○又諭。阜東恬等奏。查明糧價情形。請緩採買一摺。前據給事中李純奏。請發帑採買高粱穀石。經戶部議覆。請飭順天府詳查糧價。茲據奏查明。現在高粱粟穀。每倉

石價銀自一兩一二三錢。至六錢餘不等。不特價銀一兩。時值不敷。且現當青黃不接之時。市集糧價。有增無減。若採買數十萬石。斷難剋期立辦。勢必糧價日增。轉於民食有妨。所奏自係實在情形。著准其暫緩採買。仍俟秋收後。察看情形。再行酌量辦理。○又諭。劉韻珂奏。秋審人犯。請按道里遠近。委司道大員審訊一摺。現在秋審將次屆期。浙江省辦理軍務。未便紛紛提犯到省。自應量為變通。

以昭慎重。著照所請。嘉興湖州金華衢州嚴州等五府人犯。俱著運司常大淳。前往提審。寧波紹興二府人犯。就近交臬司蔣文慶審訊。台州府屬人犯。著就近解至溫處道審訊。以歸簡易。○命四品頂帶丁憂布政使卞士雲。專司浙江杭州軍需總局。○己未。諭內閣。壽臧和碩公主。著指配二等男爵侍順之子。閒散恩醇。作為和碩額駙。所有派出偕老大臣。選擇吉期下嫁事宜。著內務府大臣照例。

辦理○諭軍機大臣等穆彰阿等奏遵議帑項軍儲一摺據奏財賦所入歲有常經糧餉所資用無定數請飭各督撫體察輿情熟籌良法等語國家經費有常必應量入為出現在軍務緊要費鉅用繁尤須妥為籌畫前據鄂順安奏豫省城工勸諭紳民捐輸興築此外山東兩淮浙江長蘆均經先後報捐是在外籌畫一費即在內省撥一項著各該督撫體察輿情熟籌良法其應如何因地制宜於

經費實有裨益而仍無拂於民情即行條議具奏至應徵一切新舊正雜錢糧亦著統行查覈轉飭按款依限徵收無使短絀將此諭令知之○庚申

孝賢純皇后忌辰遣官祭

裕陵○諭內閣吳其濬奏請將被控知州扣留質訊一摺湖南郴州直隸州知州王景章前因保舉單內圈出由部調取引見茲據該撫奏稱該州屬民人黃陋苟以該員酷刑誣斃

七命等情呈控自應徹底根究以成信讞王景章著即扣留交該撫提同全案人證秉公嚴訊務得實情具奏不得因係保舉之員稍有徇縱尋奏黃陋苟之父黃六壽齋等實係窩竊銷贖先後因病身故黃陋苟控訴不實應照律杖一百折責發落知州王景章尚無酷刑誣斃等事惟審案遲延並隱匿案情具詳草率應請革職下部議從之○諭軍機大

臣等前因浙江遣散壯勇在途恐不安靜降旨令牛鑑等飭屬彈壓收繳器械咨送回籍安置本日據程高奏到境之奚殿阜等十三名已據呈繳器械其餘趙義元等一百數十名詢稱已在浙江繳過器械現在責成地方隨時隨地加意巡察等語覽奏均悉惟所稱逐程咨送既虞照料難周未必全遵約束並恐辦理不善轉滋事端聽其自行回籍一節此等無藉之徒設或沿途滋擾並竄入直隸及各省地方甚或有從逆漢奸溷跡其中

不可不嚴行查察。著牛鑑程喬采。程楫采。托  
渾布。郭順安。分飭所屬於該壯勇等到境時。  
嚴行彈壓。密為稽查。如何押遞回籍。妥為安  
置。仍著妥籌酌辦。務使奸匪無從遁跡。方為  
妥善。將此各諭令知之。○又諭。現在山海關  
駐劄吉林兵一千名。內有原籍彈春地方。平  
素能駕威。祜船隻。善於泅水。並能出洋之人。  
共有若干名。著哈琅阿查明據實具奏。將此  
諭令知之。尋奏。吉林兵內原籍彈春者。僅五

十名。並無能駕船泅水出洋之人。報聞。○以  
湖南銀價未平。暫緩寶南局鼓鑄印錢。從巡  
撫吳其濬請也。○辛酉。

上奉

皇太后幸慎德堂進膳。○諭內閣。朕恭閱

世宗憲皇帝實錄。雍正六年。

諭諸王大臣等。以立身行己待人接物。當嚴公  
私和同之辨。諄諄

垂訓。切中近日流弊。著在京文武大小衙門。各

恭錄一通。敬謹懸掛。永遠懷遵。○諭軍機大  
臣等。訥爾經額等奏。遵議大沽北塘屯營安  
兵情形一摺。據奏大沽南岸各礮臺。並迎面  
攔潮壩上。安設礮位兵丁。派副將勝魁等管  
帶。陳金綬即在臺後東沽地方。帶兵駐劄。周  
悅勝在於葛沽地方接應。北岸礮臺。派遊擊  
羅應鰲等帶兵防護。其北塘各礮臺。派副將  
台斐音泰等駐守。石生玉駐劄村後接應。胡  
超駐劄新河莊地方。距北岸礮臺十里餘。距

北塘十五六里。為兩處後路扼要。北岸礮臺  
即歸胡超照管。由葛沽至天津郡城。沿河村  
莊均已團練埋伏。訥爾經額駐劄郡城。相機  
接應等語。所辦甚屬周密。著即照議辦理。又  
訥爾經額另摺奏。各處海口後路。擇要添兵  
安營一摺。據奏豐潤。樂亭。昌黎。撫寧。均有後  
路接應。惟灤州之劉家河。昌黎之浪窩口。均  
無兩路適中要隘。現在團練鄉勇。招募新兵。  
派員管帶。操演接應。均可得力。其海河釘椿

之處亦無慮該逆抽拔等語覽奏均悉仍著該督等慎密防範期於確有把握毋任稍留罅隙以致臨事周章是為至要將此各諭令知之○又諭怡良等奏籌議閩省海口情形一摺據奏現在先須保護居民飭令同知顧教忠等駐守廈門辦理聯鄉之事民間尚聽勸諭漳州同安泉州等處兵勇不能過少餘均撤減以節糜費現須鑄礮練兵等語覽奏均悉現在浙江勦辦尚未得手閩省必應嚴加防範該督奏稱待之於陸尚有把握惟當竭力堵守儻逆夷膽敢蜂擁登岸我兵奮勇前進較之沿海轟擊當易為力萬不可令逆夷登陸後再行得手又據奏地方殷戶稀少雖經奉旨鼓勵捐輸甚屬寥寥等語國家經費有常仍著該督等悉心籌畫力加撙節毋任虛糜該督甫經簡任務須體察該省水陸情形妥密布置期於有備無患方為不負委任勉之又勉將此諭令知之○又諭朱樹奏

現辦嚴防匪徒涸跡情形一摺糧船水手向易滋事現當浙省夷氛不靖之時尤應嚴加防範據該漕督奏稱停運水手設法安插並於過淮時照冊盤驗其冊外增添之人復令各幫另造一冊責令自行稽查等語俱著照所議妥為辦理至交卸回空時務飭所屬驗明人數隨幫帶回並逐日點卯儻有一名留住天津通州等處惟該漕督是問其沿途所雇短絛只准其至所雇之地折回不准攜帶長行又另片奏糧船本屬狹窄行走又復迂緩加以沿途稽查外來之人難逃眾人耳目漢奸無從涸跡等語每年重運抵通往往有附載北上之人原難一概禁止其姓名籍貫總當設法稽查著該漕督分飭所屬密籌妥辦斷不可任奸匪涸跡其中是為至要將此諭令知之○命前任四川布政使鍾祥以三四品京堂候補○晉故太子太保二等子致仕浙江提督王得祿伯爵並太子太師賞銀

五百兩治喪。予祭葬。謚果毅。○禮部議准。山東巡撫托渾布疏報。採訪金鄉縣貞節婦女張尋氏等五百十四口。請建總坊旌表。從之。○壬戌。調甘肅西寧鎮總兵官昌伊蘇。為伊犁鎮總兵官。伊犁鎮總兵官福珠洪阿。為西寧鎮總兵官。○貸江寧京口駐防修理官署兵房俸餉銀。○癸亥。

上詣綺春園問

皇太后安。○諭內閣。牛鑑奏。特參承辦官運各

員。請革職查辦一摺。兩淮泰州分司運判許惇詩。淮北批驗所大使葛方履。承領庫款。暫行官運。許惇詩短交庫本銀五千六百餘兩。葛方履短交庫本銀三萬五千餘兩。均未呈繳盈餘。經該督飭司勒追。兩月有餘。該員等仍未將課銀呈繳。實屬任意延玩。著一併先行革職。交牛鑑督同運司。但明倫徹底清查。勒限追同庫本。仍令解繳盈餘。以清帑項。儻查有侵蝕肥己情弊。即著該督嚴參究辦。前

任兩淮運司沈拱辰在任有年。未據隨時查辦。殊屬不合。著交部議處。○諭軍機大臣等。寄諭兩江總督牛鑑。御史黎光曙奏。兩淮釐務宜暫為變通。請飭妥議一摺。據稱兩淮釐務。自淮北改行票鹽以來。商販輻輳。若暫停淮南一年之引。將淮南引地。概准票販行銷。則票資無庸發還。除解足淮南正雜款銀外。尚可多得數百萬兩。於國計不為無補等語。著該督體察情形。通盤籌畫。是否可行。妥議

具奏。原摺著鈔給閱看。將此諭令知之。尋奏查淮南鹽課。較之淮北尤為重大。每年徵收正雜課項。實近年奉撥各款所從出。若將引地。概准票販行銷。勢必商課停徵。專行票運。萬一試行無效。則課款必致虛懸。是徒變成章。仍無裨於實用。該御史所奏。應毋庸議。從之。○以右春坊右庶子王廣蔭。著日講起居注官。○甲子。准大通橋車戶承買黑豆二萬石。津貼車價。○丙寅。諭內閣。經額布等奏。請

將佐領等官分別革職解任審辦一摺。前任烏拉協領現已降調之郭興阿。前在協領任內。侵用津貼兵丁地租錢文入己。復於查訊時。恃官投執實屬刁玩。著即革職。烏拉鑲白旗佐領瑚松阿。列款訐告後。又復砌詞添控。扶制問官。抗不遵訊。著即解任。交該將軍等一併歸案研審確情。按律定擬具奏。尋奏。訊明郭興阿侵用公項屬實。依例擬流限內完贓免罪。業已奏請革職。應無庸議。瑚松阿所

控尚屬得實。但係事後扶制。究屬刁玩。已因抗不具供革職。亦無庸議。下部議。尋議。郭興阿應照監守自盜本律。準徒五年。該將軍依例擬流。與律不符。應更正。餘如所擬完結。從之。○丁卯。

上詣

安佑宮行禮。○諭軍機大臣等。河南省城向有護城隄一道。上年被水衝開。聞現在積沙高過隄頂。將來修復舊隄。如能即就現存沙面。

加高培築。既可省起除之費。且事半功倍。更易措手。是否可行。著鄂順安體察情形。妥籌具奏。將此諭令知之。尋奏。勘明豫省護城大隄。可就現存沙面加築。無須另行起除。擬俟秋後厚集人夫。督率妥辦。得旨依議。屆時認真妥辦。務期堅固。○己巳。

上御閱武樓。閱宗室挑選侍衛馬步射。○諭內閣。現當查驗軍器之年。業經兵部奏派大臣查驗矣。所有滿洲文武官員軍器。固宜齊備。

其八旗及各京營軍器。尤關緊要。著該管大臣認真查驗。如有殘缺及不堪用者。移咨武備院如式製造繕修。以儲軍實。儻仍有未能適用之件。惟該管大臣是問。毋得視為具文。○又諭。內務府奏請查驗龍泉峪樹株等語。所有該員等初限栽種樹株。前經恩桂等查有同乾樹一百七十七株。現已補種。著照所請。交德誠查驗接收。其二限栽種各項樹株。現在保固限滿。著派敬徵於四月前往時認

真查驗。○諭軍機大臣等。昨因灌塘濟運。係屬一時權宜辦理。業經降旨諭令麟慶妥為籌畫矣。因思糧艘銜尾北來。於灌塘時緊相跟接。不下數千百船。所雇水手。皆係無賴遊民。難保無匪徒涇跡。致生意外之虞。不可不嚴為防範。著牛鑑等於糧艘經過時。飭令文武員弁旗丁伍長等嚴密查訪。如有形跡可疑之人。立即盤獲究辦。務使漕船一無梗阻。而奸究無所容身。是為至要。將此諭令知之。

○又諭朱襄奏稽查糧船水手。並籌議嚴防短絳章程一摺。據稱短絳人夫。無冊可稽。奸匪尤易匿跡。亟應加意嚴防。現議由該幫運弁先發腰牌。註明拉至某處。工食若干。兼各烙花押。免致混淆等語。著即照議妥為辦理。所雇短絳。只准其至所雇之地折回。不准攜帶長行。惟所議責成各省糧道嚴飭各幫運弁。凡沿途雇覓短絳。不准有一閩廣浙江之人。因思閩廣口音易辨。一經留心查察。或難

涇跡。至浙江省本有出運糧船。其水手人等多隸本籍。沿途所雇短絳。尤應認真稽查。遇有形跡可疑者。立即根究。毋得視為具文。總之糧船北上。人數眾多。全在地方官隨時查驗。斷不准奸匪涇跡其中。別滋事端。是為至要。將此諭令知之。○庚午。

上詣綺春園問

皇太后安。○御閱武樓。閱挑選侍衛馬步射。○諭內閣。奕經等奏。密派委員焚燒逆夷船隻。

燒斃夷匪一摺。據奏二月二十五日夜間。經奕經等並劉韻珂飭令鎮海縣知縣葉肇高同鎮海縣生員王師真統領火藥船隻。及水勇數十名。由僻港駛至鎮海。緊對逆夷大船發火。即將停泊稅關衙頭之大夷船後尾燒然。該逆夷等驚起呼號。不及解放三板。紛紛竄入水中。彼時生員王師真即乘勢督催水勇頭目人等將火藥船隻重重繼進。各三板船四面圍住。過船撥察火具。觸動機關。各船

火藥立時並發。附近暗伏鄉勇亦各發火開槍。作為疑兵應援。鄉勇水勇陸續撤退。並無一人受傷。焚燬夷船及燒斃逆夷不少等語。該逆經此懲創。自己膽懾心驚。著奕經特依順文蔚奏。慎。劉韻珂。仍當商同相機攻剿。無失機會。鎮海縣生員王師真設法密辦藥船。親往督催鄉勇攻燒逆夷。實屬勇敢出力。著加恩賞給六品頂帶。並賞戴藍翎。鎮海縣知縣同知銜葉望。上年失守縣城。本有應得之

罪。姑念此次辦理火攻船隻焚燒夷船。尚為出力。著從寬免其治罪。仍責令設法防剿。如果始終奮勉。殺賊立功。必當再沛恩施。以昭獎勵。所有奕經等請將該員賞戴花翎之處。著毋庸議。○又諭。裕泰等奏審明逆犯委員解京訊辦。並自請議處一摺。崇陽匪徒滋事。該督撫平日失於覺察。本有應得之咎。姑念勦辦尚為迅速。裕泰趙炳言均著加恩免其議處。所有失察之湖北鹽法道葉敬昌武昌

府知府明峻前已有旨降調。著毋庸議。又另片奏前任崇陽縣知縣折錦元。於刁民胥吏挾嫌構訟。不能隨時懲治。難勝民社之任。折錦元著即行革職。○諭軍機大臣等。本日據奕經等奏廣東送來通事二名。熟悉夷語。現派司員向逆夷等連日隔別詰問等語。白夷幹布爾既屬頭目。必知該國一切情形。且現有通事二名。自可一面妥為撫養。一面細詢該國底裏。著奕經等詳細詢以喫咭喇國距

內地水程。據稱有七萬餘里。其至內地所經過者幾國。克食未爾距該國若干路程。是否有水路可通。該國向與喫咭喇有無往來。此次何以相從至浙。其餘來浙之噶喇。大小呂宋。雙英國。夷眾係帶兵頭目。私相號召。抑由該國王招之使來。是否被其裹脅。抑或許以重利。該女王年甫二十二歲。何以推為一國之主。有無匹配。其夫何名。何處人。在該國現居何職。又所稱欽差提督各名號。是否係



女主所授。抑係該頭目人等私立名色。至逆夷在浙。鴟張所有一切調度偽兵。及占據郡縣。搜括民財。係何人主持其事。義律現已回國。果否確實。回國後作何營謀。有無信息。到浙。該國製造鴉片煙。賣與中國。其意但欲圖財。抑或另有詭謀。以上各條。該將軍等即分別詰問。詳晰具奏。將此各諭令知之。○又諭本日據奕經等馳奏。派員用火藥船隻焚燒夷船。並燒斃逆夷一摺。已明降諭旨。將鎮海

縣知縣葉肇。並生員王師真。分別加恩獎勵矣。逆夷經此懲創。自己膽懾心寒。著該將軍參贊會同劉韻珂。密商定計。趁此機會。乘間出奇。痛加攻剿。收復郡縣。又奕經特依順。文蔚覆奏。盤詰夷俘。究出從前接仗傷斃逆夷姓名一摺。覽奏均悉。該逆狡獪異常。詐言添兵。將船隻隨時增減。其實在情形。仍應密加訪查。小心防範。不可再墮奸計。據奏查明最大頭目有啊啡吧。咖噠。噠噠等名字。又漢奸

郭士立等。隨同啊啡等辦事。可恨已極。總之該夷膽敢深入內地。肆行猖獗。皆恃漢奸為之羽翼。果能將從逆漢奸訪拏懲治。不遺餘力。或接仗時痛加剿洗。則漢奸各顧性命。必不肯拚死為彼出力。該逆失其爪牙。勢必自生疑懼。日見孤危。然後將著名夷目設法生擒。自可剋期殄滅。該將軍等諒已籌畫及此。惟當相機辦理。以贖前愆。而膺懋賞。朕實有厚望焉。將此由五百里各諭令知之。○又諭

上年臺灣嘉義鳳山等處匪徒乘機滋事。經總兵達洪阿等帶兵剿捕。即時撲滅。不致蔓延。茲據該總兵等奏。續獲大股首匪陳疆等七十六犯。陳冲等七十三犯。分別懲辦。現在南北兩路均已肅清。所辦甚好。該地方人情浮動。且甫經用兵。尤宜妥加彈壓。以消內患。該總兵由內山搜捕餘匪。順途往彰化巡閱。即由海口仍駐嘉義大營。如有夷船駛至。務須相度機宜。痛加剿戮。該逆如果受創逃遁。

亦不必出洋遠追。至上年所獲夷匪一百餘名。前經降旨著怡良等飭知達洪阿詳悉究辦。至今未據奏到。如已訊有實情。即行具奏。此次出力文武義首人員。准其酌量保奏。候朕施恩。餘著照所議辦理。將此由四百里諭知達洪阿。並傳諭姚瑩知之。○以募勇防剿。並捐助軍需。賞湖北在籍道員姚必遠花翎。鹽運使銜。○予故浙江巡撫帥承瀚。入祀名宦祠。從巡撫劉韻珂請也。○辛未禮部議准。

廣東巡撫梁寶常疏報。採訪長寧縣貞節婦女何藍氏等九十八口。請建總坊旌表。從之。

○壬申。

上御閱武樓。閱挑選侍衛馬步射翼日如之。○諭內閣。鐵麟等奏。軍臺效力廢員。被控畏罪脫逃。請飭嚴拏懲辦一摺。廢員金亮。張進發。均因吸食鴉片煙案內。擬發軍臺。輒因索欠細故。持械毆人成傷。及事發到官。復敢聞拏脫逃。種種不法。兇惡已極。據查廢員金亮係

江蘇淮安府人。原任江蘇泗州前幫試用千總。張進發係福建同安縣人。原任福建金門鎮把總。著原籍之江南福建督撫。及各直省督撫。並步軍統領衙門。順天府五城。一體飭屬嚴拏務獲。歸案從重究辦。又另片奏。廢員成順係京城滿洲正黃旗人。原任兵部筆帖式。亦因吸食鴉片煙。擬發軍臺。現在查無蹤跡。著該旗及步軍統領衙門。順天府五城。一體查拏。務獲訊辦。向來發往軍臺效力各廢員。均應住居口外。不准擅行進口。似此紛紛逃遁。顯有私住口內情弊。如果係由口外逃走。何以管口官員毫無覺察。嗣後應如何責成該管各官。隨時認真查察。著鐵麟等妥議章程具奏。○癸酉。諭內閣。鄂順安奏。綠營官員缺出。差委乏人。請以滿洲營佐領等官暫行委署等語。著照所請。河南省綠營武職。現在所遺各缺。准於滿洲營未經保舉佐領防禦內。擇其才具明幹者。暫行委署。一俟委用

有人仍照常改委以符定制○又諭祁項泰請將升補外省遊擊留粵補用一摺廣東順德協左營都司李文亮業經推升江南提標右營內河水師遊擊例不准其奏留茲據該督以該省軍務喫緊援案奏請留粵以資熟手李文亮著准其以遊擊仍留順德協左營都司之任遇有本省相當遊擊缺出題請補用此係為海疆軍營一時需員姑准所請嗣後他省不得援以為例所有江南提標右營

內河水師遊擊員缺即著兵部另行選補○諭軍機大臣等上年河南祥符漫口下游各處間被淹浸又兼江水盛漲江寧安徽江西湖北等省均有被災地方現在大工合龍在工傭趁窮民自己陸續遣散其各該處饑民流離載道均應分別安輯量為撫卹著牛鑑程喬采程懋采吳文鎔裕泰趙炳言鄂順安嚴飭該地方官留心查察妥為安撫俾窮黎不致失所別滋事端是為至要將此各諭令

知之○參贊大臣四川提督齊慎奏現已行抵浙江省垣並擬即赴曹娥江一帶扼要防守得旨諸事慎勉佐將軍早建大勳共膺懋賞朕實有厚望焉○停緩河南鄭州鹽課地一百三頃二十六畝有奇歷欠額賦○甲戌戶部議准陝甘總督恩特亨額疏報烏魯木齊頭屯所等處開墾地三十六頃照例升科從之○乙亥

上御閱武樓閱挑選侍衛馬步射翼日如之○

諭內閣前據祁項泰奏在粵投效人員該督撫先行驗看一年期滿再行赴部引見並以本員換有部照之日作為到省日期當令該部議奏茲據吏部奏稱捐納人員例應取具文結赴選且須欽派大臣科道驗看引見分發若於一年期滿始行補選則試用期內委署缺分以未經覈准分發之員身任地方不成政體且恐該員等初捐時並無赴選冊結或有不合例處無可稽查易滋弊混等語所

有廣東省就近上兌分發人員。仍照例取具赴選冊結送部驗看引見。再行給照試用。該督等請俟期滿後補行驗看引見之處。著毋庸議。○展賞大學士王鼎病假一月。○太僕寺卿王惟誠以親老乞養。允之。○以陝西銀價未平。暫停寶陝局鼓鑄印錢。從巡撫富呢揚阿請也。○丙子。諭內閣。奕經等奏定海焚燒夷船。打獲勝仗一摺。原任處州鎮總兵鄭國鴻之子候補批驗所大使鄭鼎臣等前經該將軍等派令招集水勇。雇募火攻船隻。會同營員渡洋。暗伏定海縣城內外。並各島。豫備焚燒攻剿。茲據奏稱。三月初四日。鄭鼎臣暗向各船裝載柴草火藥等物。駛至梅山港。分三路向北前進。守備徐櫟寶督率火攻船隻。先由十六門分作七排。放進衙頭。該處停泊大夷船三隻。各排船隻。重重繼進。圍住逆船。即時引然。正值東南風大作。火光燭天。人聲鼎沸。逆夷始猶用礮轟擊。繼見篷索全

然。無處躲避。向三板船逃竄。武舉蔣忠清等帶兵接應。亦開槍放礮。迎而攻擊。逆船驚亂。復自相觸沈多隻。並有退回仍被焚燒者。及逆夷放礮。反致自行擊斷大桅兩根。其逃走三板夷船。奔向竹山門。水勇頭目袁高榮帶船自小渠山駛來。該逆用槍箭擊射。轉將柴草燒然。直向噴燒。又焚夷船多隻。其蝦峙港停泊最大夷船一隻。千總韓慶瑞。主廷鼐。並勇壯頭目李世茂等。帶領大號火攻船二十餘隻。一齊放進。乘風發火。首先燒然大桅。篷索等件。該逆僅止開放四礮。艙板均已引然。不及解放三板船。各逆焦頭爛額。兔水逃生。逆船大藥被燒。煙燄飛過山頂。即時桅倒船沈。不見蹤跡。惟時軍功頂帶詹成功。把總吳大升。在定海城內望見火燄。知係火攻得手。當即放火延燒逆夷房屋。擊殺逆夷數十名。生擒白夷一名。奪獲刀槍等件。其城外埋伏之委員銀沆等。焚燒沿城房屋。以助聲勢。鄭

鼎臣復見五奎山有逆夷屯劄上山攻擊逆夷旋即潰散我兵追殺十餘人奪獲夷箱等物其自北駛來接應之火輪船二隻亦被開槍擊破統計燒燬大夷船四隻燒燬觸沈三板船數十隻燒斃沈溺擊殺逆夷三四百人我兵並無傷亡等語覽奏曷勝嘉悅逆夷自上年侵擾海疆從未在海洋大受懲創此次奕經文蔚由蘇至杭運籌數月密派員弁先期埋伏乘風潮順利之時焚燬大小夷船擊殺逆匪數百名實屬調度有方出奇制勝奕經著加恩賞換雙眼花翎發去雙眼花翎一枝並白玉喜字翎管一箇交奕經祇領文蔚賞加頭品頂帶特依順駐守省城盡心防禦著與奕經文蔚均交部從優議敘其在事出力員弁及水陸兵勇著奕經等查明據實保奏分別鼓勵候朕施恩○諭軍機大臣等本日據奕經等馳奏定海焚燒夷船打獲勝仗一摺覽奏實深嘉悅已明降諭旨將奕經等

分別加恩矣逆夷侵擾海疆肆行猖獗本年二月鎮海衛頭雖經我兵焚燒夷船擊斃逆匪尚未大加懲創本月初四日復於定海各洋督催水勇用火攻船焚燒大夷船三隻三板船數十隻並燒沈大夷船一隻城內洋面復擊殺夷匪數百名該逆受此次懲創自必心膽俱懾我軍亦應倍加氣壯著該將軍等激勵將士乘勝前進相機攻剿收復郡縣以奏膚功以膺懋賞惟該逆詭詐異常各處停泊船隻現有準備情形該將軍等務當出奇制勝慎益加慎密益加密萬不可因已獲勝仗稍涉大意此次在事出力員弁兵勇一併確切查明據實保奏候朕施恩將此由六百里諭令知之○以陝西巡撫富呢揚阿為陝甘總督伊犁參贊大臣壁昌為陝西巡撫壁昌未到任前以布政使陶廷杰署理○命安徽按察使文麟以四品京堂候補以甘肅平慶涇道萬貢珍為安徽按察使○以攻剿湖

北崇陽縣逆匪出力。賞提督劉允孝子耀武藍翎。以千總補用。○予故陝甘總督恩特亨額祭葬。○旌表守正捐軀安徽懷寧縣民葉金玉妻丁氏。○丁丑。

上奉

皇太后幸慎德堂。進膳。○諭軍機大臣等。據托渾布覆奏。宗室和昶所陳海防各策。尚有可採。惟所稱扼守海島情形。經該撫派員會同該宗室徧歷各島。詳觀形勢。覆稱大洋之中。

實無要隘可守等語。山東各海島。均在大洋之中。既無要隘可守。著無庸議。宗室和昶著即飭令回京。將此諭令知之。○湖南提督楊芳因病解任。賞全俸。以江西南贛鎮總兵官長春為湖南提督。未到任前。仍以陝西西安鎮總兵官台湧署理。○賞甘肅巴里坤鎮總兵官慶昌副都統銜。為伊犁參贊大臣。以直隸督標中軍副將善祿。為江西南贛鎮總兵官。四川夔州協副將伊隆阿。為巴里坤鎮總

兵官。○戊寅。

上御閱武樓。閱挑選侍衛馬步射。○以福建閩安協副將周世榮為江南蘇松鎮總兵官。

大清宣宗效天符運立中體正至文聖武智勇仁慈儉勤孝敏成皇帝實錄卷之三百六十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十

監修總裁官總纂修臣徐恩臣等奉  
天序府尹等官等奉  
七舍大臣等奉  
內務府大臣等奉

監修總裁官總纂修臣徐恩臣等奉  
天序府尹等官等奉  
七舍大臣等奉  
內務府大臣等奉

監修總裁官總纂修臣徐恩臣等奉  
天序府尹等官等奉  
七舍大臣等奉  
內務府大臣等奉

監修總裁官總纂修臣徐恩臣等奉  
天序府尹等官等奉  
七舍大臣等奉  
內務府大臣等奉

監修總裁官總纂修臣徐恩臣等奉  
天序府尹等官等奉  
七舍大臣等奉  
內務府大臣等奉

奏

道光二十二年壬寅夏四月己卯朔享

太廟遣禮親王全齡恭代行禮○吏部議覆都  
察院條陳稽查保甲章程嗣後奸細被鄰境  
首拏本境僅隨同獲犯者改為降二級調用  
其首先拏獲鄰境奸細罪應斬候者送部引  
見協獲者准予加級若犯在本境潛匿即逃  
往鄰境由本境跟蹤首拏者祇准免議協拏  
者祇准減議得旨京師為輦轂重地舊有稽  
查章程層層統轄立法已為周密如果該御  
史等實力奉行奸宄自難涸跡原不在多設

科條轉滋推卸所議訪拏協拏各處分俱著  
照議辦理嗣後遇有來歷不明行蹤詭秘之  
人該城科道及步軍統領順天府各衙門務  
當嚴飭所屬認真查察儻敢視為具文互相  
推諉別經發覺定將失於覺察及廢弛容隱  
各員從重懲處決不寬貸○庚辰

上詣綺春園問

皇太后安○諭內閣牛鑑奏查明上海火藥局  
被焚趕緊賠造並自請從重議處一摺藥局  
重地理應小心防守據該督奏稱上海秋水  
亭一局存貯火藥二萬五千斤被燒致傷斃  
委員及兵丁等多名實非尋常疏忽可比牛  
鑑未能先事豫防著交部嚴加議處被焚火  
藥著即如數賠製仍嚴飭文武員弁慎密防  
範不准再有疏虞○諭軍機大臣等本日奕  
經等馳奏大兵陸續前進及逆夷寄答回書  
送出失陷兵勇各緣由一摺覽奏均悉浙省  
自二月以來尖山以內江海淺涸漲起新淤

逆夷大船不能駛進。現將熟悉沙線之水手拘集到省。不令為逆所用。辦理甚為周妥。偽水師提督更換頭目師地。其從前領兵頭目。現在作何下落。守備王國英。果否因傷病故。亦著查詢明確。如吐叻所回之信。著准令喀哩吐閱看。其辦布爾之信。亦准令遣人寄去。並傳知辦布爾。汝等如有回書。務須從實寫明。現在相待甚好。如被掠內地兵勇。好好看待。中國斷不肯將所俘夷人。遽行殺戮。儻或

傷害一人。伊等性命即不能保全。至現在內地所獲夷人。不准書內開寫數目。亦不准敘及別事。又據奏。查明朱貴之子朱廷瑞。朱暉南。朱共南。均在軍營效力。著奕經等察看才具。分別酌量差遣。伊孫朱綱。年甫四歲。俟及歲時。由該部帶領引見。候朕施恩。又據劉韻珂片奏。該逆製造木排。蒙以牛皮。在城內小河演習水戰。並聞其製有木首竹身假人。為進攻時誘我槍礮之用等語。逆夷狡獪異常。

以假為真。又安知其不以真為假。該將軍等務當嚴飭所屬隨時查察。勿令該逆售其奸計。至定海所獲白夷一人。究係何名。現在已否解赴來營。並著查明具奏。將此由六百里諭令知之。○又諭據劉韻珂奏。逆夷船隻在尖山等處窺探。並現在辦理情形等語。寧波鎮海等處既有傳言。該逆糾兵添船。自粵來浙。雖未知其真偽。而溫台各屬。報有夷船在洋北駛。平湖海鹽各洋面。又有火輪等船往

來遊奕。並內窺尖山。數日始行退去。逆情叵測。殊屬可恨。著劉韻珂仍遵節次諭旨。嚴加防範。毋少疏虞。至該逆製造木排。蒙以牛皮演習水戰。並製有木首竹身假人。誘我槍礮。萬一逆船內犯。必須查探確實。再行開放槍礮。勿墮奸計。朕已通諭沿海將軍督撫一體加察矣。其海鹽縣駕船為業之民。名為登潮老大。明於海中沙線。准其全數雇覓來省。派員管帶。日給雇值。優加養贍。俾該逆無指引。



之人不至肆行闖入至各場漁船前經封禁停泊內河茲據查明場窻需用孔迫自應量為變通准其將小號漁船飭令開禁運漁供煎仍令互相保結責成各場官認真稽查如有奸究涇跡即行嚴拏究辦以免勾結將此諭令知之○又諭據劉韻珂奏嘆逆在寧波等處製造木排蒙以牛皮演習水戰並聞其製有木首竹身假人為進兵時誘我槍礮之用等語該逆詭詐多端情殊叵測著沿海各

將軍督撫密飭帶兵將弁萬一夷船乘夜內犯必須查探確實再行開放槍礮不可墮其奸計是為至要將此各諭令知之○直隸總督訥爾經額奏嚴防逆夷漢奸冒充營中夜裝號令隨時密傳逐日更換無論戰守晝夜皆能自辨海船進口查明實係浙省商民難民並無攜帶器械方准登岸如晝夜覓隙登岸其為夷匪漢奸詭計無疑應以槍礮轟擊得旨覽奏均屬周妥如遇有用之時慎密為

之○兩江總督牛鑑等奏會議稽查糧船水手章程責成糧道督率運弁隨時按名點驗並將附載北上之人另立一冊以備稽查得旨認真查辦○命翰林院侍讀張芾侍講李嘉端在南書房行走○辛巳上御閱武樓閱挑選侍衛馬步射○以福建銀價未平仍停寶福局額鑄從總督怡良請也○撫卹朝鮮國遭風難夷如例○壬午上詣

時應宮昭顯廟拈香○還宮○諭內閣禧恩等奏查勘各工情形分別應修應緩一摺○永陵果樓三間大班房五間茶廚房五間據該署將軍等勘明情形較重自應即時修理著欽天監敬謹選擇吉期具奏所有估需工料銀一千三百七十八兩零准其在盛京戶部庫貯銀兩內動用該署將軍等即督派妥員敬謹興修○又諭禧恩等奏會勘各工應修

情形一摺。

太廟西配殿三間。西配房二間。隨牆門二座。東配殿三間。東配房二間。東西便門二座。宮門東西紅牆。院內東西紅牆並海墻。據該署將軍等勘明。俱係緊要處所。自應及時興修。著欽天監敬謹選擇吉日具奏。所有估需工料銀一千六兩零。著由盛京戶部銀庫動用。該署將軍等即督派妥員敬謹興修。○諭軍機大臣等。瑞元等奏請將挾嫌稟揭之撤任都

司。革職審訊一摺。此案烏什城守營都司升任遊擊徐慶元。因在營放債。勒扣名糧被控。復因查有虧短額馬。攤扣錢文之事。經瑞元等撤任飭審。輒投稟列款。將原審官印房章京佛呢音布。糧餉章京煜堃。副將圖拉布等稟揭。並牽涉該大臣等查庫不實。縱容為盜。及家人放債縱賭等款。事關撤任屬員列款稟揭。虛實均應徹底究辦。壁昌現經簡任陝西巡撫。著於行抵烏魯木齊時。會同惠吉親

提全案人證。卷宗秉公審訊。如果該都司各項劣款屬實。復敢逞刁挾制。自宜治以應得之罪。其原審各官及瑞元等被揭各款。亦當逐一查究。如有應行解任革職歸案質審之處。著據實具奏。毋許稍涉含混。致有不實不盡。原摺著鈔給閱看。徐慶元原稟併發。將此諭令知之。○以盛京兵部侍郎道慶管宗室覺羅學事。○以常雩祀

天於

圓丘。自是日始。齋戒三日。○癸未。諭內閣。本日達洪阿。姚瑩。由五百里馳奏。逆夷復犯臺港。破舟殲逆一摺。據稱淡水同知曹謹。署鹿港同知魏瀛。澎湖通判范學恆。彰化縣知縣黃開基。護副將關桂。稟報正月三十日。有三桅夷船及三板船。在淡水彰化交界之大安港外洋。欲行入口。見兵勇眾多。攻撲不進。復退出外洋。經貓霧揀巡檢高春如。及大甲巡檢謝得琛。所募之漁船。粵人周梓等。與夷船上

廣東漢奸作土音招呼。誘從土地公港駛進。果為暗礁所攔。其船敝側入水。該處埋伏兵勇齊起。關桂及署北路右營遊擊安定邦。督令署守備何必捷。千總何建忠。李青雲。把總翁標桂。林飛鵬等。施放礮。奮力攻擊。其船遂破。逆夷紛紛落水。死者不計其數。復有數十人手持短械。跳上漁船。該廳縣將備同大甲巡檢謝得琛。竹塹巡檢汪昱。外委蕭振輝。李吳魁等。及義首總理兵勇奮力圍擊。殺斃白夷一人。紅黑夷數十人。生擒白夷十八人。紅夷一人。黑夷三十人。廣東漢奸五名。奪獲夷礮十門。又獲鐵礮。鳥槍。腰刀。圖書。各件等語。覽奏欣悅。大快人心。該逆上年窺伺臺灣。業被懲創。復敢前來滋擾。達洪阿姚瑩以計誘令夷船淺攔。破舟斬馘。大揚國威。實屬智勇兼施。不負委任。允宜特沛殊恩。以嘉懋績。達洪阿著加恩賞加太子太保銜。並賞加阿克達春巴圖魯。姚瑩著賞二品頂帶。達洪阿

姚瑩均仍交部從優議敘。所有在事出力文武員弁。及義首義勇人等。均著開單保奏。候朕施恩。○諭軍機大臣等。達洪阿姚瑩由五百里馳奏。逆夷復犯臺港。破舟殲逆一摺。已明降諭旨。將達洪阿姚瑩分別加恩矣。據奏該逆三桅大船三隻。在五叉港外洋向北駛去。僅只擊沉一船。其餘二隻。究竟駛往何處。再此次生擒逆夷數十名。且獲廣東漢奸五名。正可隔別嚴鞫。令其據實供吐。逆夷屢次前來臺灣。係何人指使。意欲何為。所獲白夷十八人。有無得受偽職之頭目在內。此次滋擾臺灣船隻。由何處駛來。現在廣東福建浙江各洋面口岸。夷船共有若干隻。各處夷船分額頭目幾人。漢奸內最為該逆信任者幾人。其姓名並詭譎蹤跡。務當層層分晰。訊取確實供詞。與保奏摺件。均由五百里覆奏。取供之後。除逆夷頭目暫行禁錮。候旨辦理外。其餘各逆夷。與上年所獲一百三十餘名。均

著即行正法。以抒積忿而快人心。至該逆屢經懲創。難保不再來報復。達洪阿等仍當加意督飭文武員弁。鼓勵士卒。小心防範。切勿因屢次得手。稍形鬆懈。是為至要。將此由五百里諭知達洪阿。並傳諭姚瑩知之。○旌表守正捐軀山東曹縣民李庭賓女賢姐。四川彭縣民高淙富妾羅氏。○續撥山東司庫銀十五萬兩。為登州等處海防經費。從巡撫托渾布請也。○除江蘇江都縣水衝洲地八頃。

二十一畝有奇額賦。○貸山西嵐襄陵太平。吉臨靈邱鳳臺榮河沁陽城絳大寧平定忻十四州縣上年歉收貧民倉穀。暫緩採買。右玉寧武平魯代繁峙保德隰寧鄉河曲陽曲五寨靈石寧遠十三廳州縣節年動缺倉穀。○甲申。

上詣

南郊齋宮齋宿。○諭軍機大臣等。本日據達洪阿等馳奏。遵旨嚴訊夷供一摺。上年淡水鷄

籠海口生擒夷犯。現經黑夷頭目咀莉啞等供係紅毛望結仔畔勝油地方夷船。向屬喫逆管轄。喫逆因中國嚴禁鴉片。於檳榔嶼等處。雇調兵船七十餘隻。大船用夷人八九百名。小船五六百名。分擾廣東福建浙江等處。伊等來臺窺伺。被官兵用礮擊破船隻。將伊等生擒。該逆打仗。最怕擱淺。最怕火攻等語。覽奏均悉。據奏稱該逆等罪大惡極。若解省訊辦。洋面恐有疏虞。仍請在臺正法。所見甚是。著即照議辦理。再昨據奏報逆夷復犯臺港。經該總兵等生擒白夷十八人。紅夷一人。黑夷三十人。漢奸五名。該逆夷中必有洞悉夷情之人。究竟該國地方周圍幾許。所屬國共有若干。其最為強大。不受該國統屬者。共有若干。又喫咭喇至回疆各部。有無旱路可通。平素有無往來。俄囉斯是否接壤。有無貿易相通。此次遣來各偽官。除喫咭喇係該國王所授。此外各偽職。是否授自國王。抑即由

帶兵之人派調著達洪阿等逐層密訊譯取明確供詞據實具奏毋任諱匿將此由四百里諭令知之○又諭據訥爾經額奏籌畫經費並將捐輸軍需之官紳商民懇恩鼓勵一摺已將單開各員名降旨交吏部議奏矣現在軍務緊要費鉅用繁據該督體察情形惟勸諭捐輸並無拂乎民情可有裨於國用著照所議妥為辦理該省官紳商民實係踴躍輸將急公好義准該督據實保奏候朕逾格施恩從優獎勵該督仍當嚴飭所屬毋得藉端抑勒致滋流弊其蘆商前捐破臺經費銀五萬兩及商船戶所捐銀兩均著俟完繳全足時一併分別等差奏請甄敘將此諭令知之○又諭奕經等奏夷情窘迫及時進剿一摺據奏二月接仗以後擒獲白黑逆夷三名並溺斃二十餘名又復焚燒房屋飲食中毒乘間刺殺多名現在派員明攻暗伏與城內聯絡逆夷自三月中旬以後故作添兵稱欲

滋擾奕經文蔚齊慎相機分路進剿等語覽奏欣悅昨據達洪阿等奏二月初間逆夷攻犯臺港經該總兵等擊破大船一隻逆夷紛紛落水並生擒紅白黑夷及漢奸多名前此定海兵勇又經焚燒該逆大小船多隻該逆疊經懲創定已膽落自應及時進剿收復三城著奕經等相度機宜剋日進發朕佇盼捷音之至惟逆夷詭譎多端據探各情是否確實萬不可墮其奸計該將軍等仍當加意謹慎以期迅奏膚功勿因夷情窘迫稍存大意僅能將逆夷頭目及著名漢奸設法生擒解京懲治尤足大快人心勉之望之將此諭令知之○以上年勦捕福建臺灣夷匪出力賞副將邱鎮功署守備許長明花翎縣丞定惟懷等藍翎餘加銜升補有差○乙酉常寧祀天於圓丘上親詣行禮○詣

關帝廟拈香。○幸圓明園。○詣綺春園問皇太后安。○丙戌諭內閣德春等奏請飭催南糧幫船等語。近年南糧抵通每多遲滯。現已節交夏令。各幫漕船尚未據報挽入東境。天庾正供攸關。豈容任意延宕。著漕運總督兩江山東直隸各督撫嚴催各幫飛挽北上。毋令沿途逗留。並多派員弁認真上緊趲催。務使早抵通壩。跟接驗收。剋期蒞事。以重漕務。○又諭向來京外現任大員子弟每屆五年查辦一次。挑取侍衛拜唐阿。嗣後如遇挑取侍衛年分。所有大員子弟著毋庸排列。○丁亥命

皇四子 皇五子奕諒皇六子奕訢詣

孝全皇后陵寢行釋服禮。○密雲副都統雙德奏檮槍造成擬每月加演六次以期便捷嫻熟得肯依議認真操練斷不可有名無實。○戊子諭內閣前有旨諭令德興馬蘭鎮應交小鹿六十隻著於明年秋間送交奉宸苑衙

門併著於六七月間先行添交三十隻。茲據該總兵奏稱山鹿產羔須在小滿以後迨至餵養成活已屆八月中旬非至寒露霜降節候不敢送交。從前園內積年餘鹿尚多。先於二月四月送交二十隻。近因捉捕較稀園內僅存餘鹿九隻。除先行交送外所有添交鹿隻惟有極力多為捉捕屆期儘數呈進等語。此項鹿隻係恭備祭祀之用必須豫為備辦以免臨時不敷。惟所稱捉捕餵養情形既難先期送交著准其先將餘鹿九隻送交奉宸苑其餘無庸限定月分統俟茁壯後隨時察看再行運送斷不准稍有缺額以致臨期貽誤。○又諭劉韻珂奏匪徒藉端阻考。妥為查辦等語。浙江縉雲縣匪徒胡喜芹等乘該縣考試文章之際擁眾入場挾制官長勒索減價完糧告示復求釋監犯不遂兩次阻考持械拒捕實屬目無法紀該撫劉韻珂現經委員前往查究著即飭令迅速妥辦勒拏首要

各犯務獲。按律懲治。並嚴查該縣向來收糧有無浮勒。該匪何以藉口屢次滋鬧。務得確情分別辦理。尋巡撫梁寶常奏。訊明胡喜芹等兩次罷考挾制。持械拒捕。胡喜芹擬斬。為從之。宋米有擬絞。俱已在監病故。應毋庸議。朱廬金發近邊充軍。朱汶曰等杖流該縣錢糧查無浮勒情弊。照舊徵收。下部議從之。○諭軍機大臣等。禧恩等奏遵議分別禁止捕打鹿茸章程一摺。奸民偷窺鹿窩。捕打鹿茸。

於園場大有關係。前據耆英奏請吉林與奉天一體飭禁。當交該將軍等會議具奏。茲據奏稱。吉林旗人兵丁歸屯後。向以務農打牲為業。且可熟習技藝。未便一併禁止。著照所議。所有吉林禁山以外。仍照道光十一年奏定章程。准令旗人打牲。習練技藝。惟奸宄漁利之徒。借名影射。不可不嚴行查禁。著經額布即飭守卡官兵實力巡查。如有偷窺鹿窩捕打鹿茸匪犯。立即嚴拏懲辦。至奉天邊外

園場。自應一體飭禁。著禧恩嚴飭邊卡各官與吉林地方會哨梭巡。勿容奸匪偷入禁山。捕打牲畜。以收實效。如該官弁等查緝疏懈。或有得規縱庇情事。著即據實嚴參。毋稍回護。將此各諭令知之。○又諭據劉韻珂奏。夷船全數退赴鎮海一摺。又另片奏。鎮海夷船陸續開往定海等語。據稱前聞逆夷有欲退出寧波。分犯杭州等處之謠。復聞該逆在定海製有小船。夷酋馬利遜亦自粵帶有兵礮

來浙等詞。三月二十四五等日。瞭有火輪船在紹興府屬之三江口。滬海所。夏蓋山等處遊奕。二十九等日。忽據慈谿等縣稟報。寧波郡夷目一名。率領夷眾千餘人。攜帶行李。乘坐釣船。於二十六日開往鎮海。郡城所泊夷船六隻。亦於二十七日開行赴鎮。並於二十八等日。陸續退往定海。現在招寶山上。尚住有夷匪二三百名等情。逆夷詭詐異常。忽稱添兵自粵來浙分擾。忽又將寧波鎮海停

泊各船。遽行開駛。情形殊覺叵測。該逆來往船隻。必由閩粵各洋經過。有無逆船自粵赴浙。抑或有逆船由浙南駛。經過該二省洋面之處。著奕山。祁項。梁寶。常。怡。良。劉。鴻。翹。飭屬確探。再香港逆夷情形若何。廣東有無傳聞該逆國中有無事故。一併探明。隨時由驛迅速奏報。其廣東省虎門以外。及福建省之鼓浪嶼。前泊夷船。現在有無移動情形。亦著一併確探具奏。將此由五百里各諭令知之。○

以浙江籌辦防堵。無誤漕運。督糧道趙光祖下部優敘。○以江西湖南防堵鄰境逆匪出力。賞外委黃義福等藍翎。餘加銜升敘。及開復處分有差。陣亡兵勇。勝加富等七名。賞卹如例。○已丑諭內閣。奕經等由驛馳奏。大兵進攻寧郡。逆夷畏懼竄退。現在派員收復一摺。據稱夷情近已窘迫。經該將軍等密派將備委員。帶領兵勇。分路進發。嗣因鄭鼎臣等焚燒大小夷船。殺斃逆夷數百名。寧鎮兩城

逆夷驚惶無措。又加伏勇隨處驚擾。自二月以來。先後擒斬沈溺各逆。不下數百名。眾逆益覺窮蹙。現經管帶官兵之遊擊高峻。及分帶勇壯之請升副將托金泰。帶兵趕近夷船。乘勢截擊。該逆等遠見兵勇至。不敢迎拒。紛紛奔上船隻。沿途遺棄物件。倉皇遁赴鎮海。即於三月二十七日收復寧波郡城等語。該逆自上年八月占據鎮海之後。並據寧郡蹂躪居民。勒索財物。可恨已極。現因屢次被

創。勢蹙力窮。又以大兵截擊。紛紛逃遁。似此窘迫情形。不難立就殄滅。著該將軍參贊等乘勝跟蹤追襲。相機收復鎮海。所有此次在事出力人員。著確切查明。據實保奏。○諭軍機大臣等。前據賀長齡奏。遵旨酌議。摺節各款。並捐廉以資經費一摺。業經降旨依議。並飭該部知道矣。因思黔省地屬苗疆。賀長齡所議裁汰銜僻各路鋪夫通事土弁苗弁苗兵六項。此項人等。或係為苗傳語之通事。或



係與苗雜處之鋪夫。一經汰除名役。恐不免餬口無資。至土弁苗弁苗兵。一旦全行汰去。設使其中有不逞之徒。藉口奪其衣食。互相勾結。難保不別生事端。於邊疆殊有閼繫。自應熟籌妥善。以免後慮。著桂良。賀長齡。再行悉心體察。有無流弊。詳覈妥議具奏。將此諭令知之。尋奏興義銅仁等府土弁苗弁。應察看情形。酌留彈壓。近來苗人皆知漢語。無藉通事代傳。苗兵並無操防之責。止供差遣。請

俱裁撤。銜路各廳州縣公文。俱係馬夫專差馳遞。裁汰鋪夫。可分別挑補壯丁。選充差役。僻路鋪夫。均係農民充當。原額冗多。裁二留八。足敷應役。下部議從之。○又諭據奕經等奏。逆夷兩次送出失陷兵勇。並查明守備王國英不屈被害一摺。王國英奮勇打仗。罵賊不屈。致被逆夷戕害。殊堪憫惻。已明降諭。肯將該守備從優賜卹矣。至寧波接仗。陷入城內之官兵壯勇。除歷次送出到營外。現尚留

禁二名。著即查明該二人姓名。並曾否被逆夷帶往何處。附報具奏。又另片奏委員鄭鼎臣之水勇總目袁高榮帶領釣船。在洋操防。突遇夷船撲擊。水勇袁高友。唐良斗。趙三仁。樂永水。首先跳過逆船。砍死夷賊二名。生擒白黑夷各一名。奪獲三板船一隻。並夷刀等件。到營呈驗等語。該水勇等不避火礮。身受重傷。斬擒夷匪。奮勇可嘉。著與在事出力員弁兵勇一併查明。歸入鄭鼎臣燒燬夷船案

內。分別保奏。候朕施恩。現在該將軍等派委將弁帶兵跟蹤收復鎮海。尤應妥為籌畫。俾兵勇源源接應。痛加剿滅。不致再墮奸計。是為至要。將此由六百里諭令知之。○又諭寄諭盛京將軍禧恩。直隸總督訥爾經額等。現在浙江逆夷船隻。全行退出寧波郡城。勢已窮蹙。誠恐該逆等情急分竄。駛向各海口滋擾。著該將軍督撫等。督飭文武員弁一體嚴密防堵。毋得稍有疏虞。將此由四百里各諭

令知之。○予浙江陷賊被戕四川守備王國英祭葬世職如參將例。賞銀五百兩。其子外委錫文以千總拔補。○予上年浙江陣亡遊擊重祥張玉衡。托雲保都司張樞。守備李雲龍李躍淵千總王萬龍陳慶三洪式琮周萬治把總岳永壽金崑汪宗斌解天培胡大純馬錦龍蔡步高外委湯國英武英太林賡吳定江金釗祭葬世職。○禮部議准安徽巡撫程楙采疏報採訪定遠縣貞節婦女凌盛氏等五百四十二口山東巡撫托渾布疏報益都縣楊賈氏等二百六十六口各請建總坊旌表從之。○旌表守正捐軀庫倫旗蒙古純沁扎布妻雅黎花。○以直隸糧價增昂免奉天河南山東商販米稅三月。○庚寅諭內閣此次定海焚燒夷船據奕經等屢次查訪確實並經委員呈有斬獲夷首及夷衣物件夷船板漿可憑又訊據鄭鼎臣稟覆如有不實願甘軍法等語該逆占據郡邑勢甚猖獗儻

非經此大創何至張皇窘迫遽將大小船隻退出寧郡是定海夷船被焚毫無疑義護理定海鎮總兵遊擊周士法稟報浙江巡撫與該委員等所查情形不符顯有不實著交部嚴加議處。○又諭前因御史盧毓嵩奏請嚴禁私硝出口酌定官為收買章程當降旨令各督撫議奏茲據祁墳等奏稱廣東省採辦硝斤章程向由地方官給照硝商領照採買並非私自交易商民相安已久各州縣地方遼闊儻在縣城設局收買遠鄉商民往返不便若各鄉設局不免假手於書役地保人等恐侵利擾民轉滋弊竇等語自係實在情形所有廣東省採辦硝斤著仍照舊章辦理惟硝斤為軍火要需現當海防喫緊之際該督撫等仍當隨時飭屬認真訪察如有奸民偷漏出洋接濟及弁兵得規隱庇即行嚴拏究辦其各員弁及沿海口岸關隘兵役有緝獲私硝者按照斤重酌予獎勵為數較多者從

優保奏。僕失察疏縱。並規避處分。意存消弭。即將該管文武員弁。分別嚴叅治罪。以示勸懲。而免偷漏。○諭軍機大臣等。奕經等奏。確查定海委員打獲勝仗得實一摺。此次定海焚燒夷船。屢經該將軍等訪查。逐層向委員鄭鼎臣盤詰。並據該員具有願甘軍法覆稟。是逆夷被創。甚屬可信。該將軍參贊惟當益矢血誠。激勵將士。痛加攻勦。以揚國威。如果迅奏膚功。羣言不辨自明。不必因周士法妄

稟參差。致生疑惑。昨據奏報。逆夷船隻已退出寧郡。即應跟蹤乘機收復鎮海。所有該逆勾結漢奸。現在散往何處。其漢奸內最為該逆信任者。是否同赴鎮海定海。抑別有所往。均著密查確實具奏。定海捉獲漢奸陳礪著暫行禁錮。以待質訊。其所供郭士力受傷身死。是否可信。仍著密訪確實。切勿輕信。墮其奸計。至該逆既有打仗不怕暗算可怕之說。該將軍等惟當明攻暗伏。出其不意。以期一

鼓成功。將此由六百里諭令知之。○揚威將軍奕經奏。請飭派耆英會同辦理軍務。得旨。所奏與朕意大不相符。卿斷不准稍有瞻顧。朕惟責卿以勦賊復地。卿無恤其他。若能速奏膚功。朕立頒懋賞。至耆英原因另有委用之處。果否施行。俟朕隨時裁奪。如能勿用。朕所深願。止須卿成功後。不待辨而俱明晰矣。○辛卯。諭軍機大臣等。敬徵奏。遵旨查驗樹株。據實覆奏一摺。龍泉峪回乾樹株。現已飭

令乘時更換。如數補齊。著德誠查收接管。責成該司員等。勤加澆灌。務期一律蕃茂。又另片奏。應行移栽各樹。及將成樑之樹移出。其餘刪去等語。著德誠查照妥辦。將此諭令知之。○又諭御史蘇廷魁奏。粵海逆夷潛遁。當乘機速辦善後事宜一摺。據稱傳聞逆夷為噓。啊喇攻破。逆夷兵船紛紛遁回。請選派鄉勇。厚集兵力。趕緊修築虎門礮臺。安置礮位。以壯聲勢。而資抵禦。廣東省城東北陸路名

燕塘墟賊若乘間而入頃刻可至其要隘莫過於城東之大沙河宜築長隄省城西南地名龜岡其東岸宜設營兵使彼首尾不能照應水陸皆可制勝等語逆夷惡貫滿盈結怨各國現在傳聞有噶喇喇攻擊之語著奕山等密查粵省所泊夷船駛去若干隻夷眾傳說若何如果該國有事逆夷陸續逃遁該國夷人在粵甚眾總可得其實在底裏或係他國與逆夷有爭鬪之事或噶喇喇糾集別國與之為難均著查訪明確據實速奏該將軍等前奏修復虎門各路礮臺必須由內及外次第辦理此時該逆如果將船隻陸續撤退留泊廣東無幾正可趁此趕緊購料興工集事毋稍觀望並著奕山相度機宜儘可乘該逆窘迫之際出其不意明攻暗襲殄滅無遺亦足以抒眾憤而快人心至燕塘墟大沙河龜岡為賊陸路所必經應否築隄設營水陸交嚴之處著奕山等相度地勢妥籌辦理該

御史原奏著鈔給閱看將此由五百里諭令知之○又諭據御史蘇廷魁奏傳聞噶逆本國為噶喇喇攻破緣噶喇喇為夷船聚集之所噶逆占據盡收其稅噶喇喇怨之最深乘虛搗擊是以逆夷兵船紛紛遁回救援等語逆夷惡貫滿盈上千天怒現在浙省疊次受創若復為鄰國所襲則首尾不能相顧自必勢窮力竭著奕經等趁此夷情窘迫之際乘機進剿大彰捷伐以揚國威斷不可坐失機宜至福建省洋面鼓浪嶼等處尚有夷船停泊亦宜及時攻剿著怡良等相度情形力加懲創毋得稍存觀望將此由五百里諭令奕經特依順文蔚齊慎著英怡良劉鴻翱劉韻珂知之○以通政使司副使陳孚恩為太僕寺卿○以右春坊右庶子孫瑞珍充日講起居注官○司經局洗馬孫葆元署日講起居注官○壬辰上詣綺春園問

皇太后安。○諭內閣。孟保等奏。攻克幾湯賊寨。收復達壩噶爾等四處營寨。地方一摺。上年森巴番夷。勾結三部落賊匪。侵占唐古特營寨地方。經該大臣等進兵攻剿。殲斃賊首倭色爾。並拏獲勾結滋事之拉達克賊目谷朗堪等四名。前後共殺斃森巴及拉達克賊目四十餘名。投降者八百三十六名。及幾湯克復未及兩月。即將夷賊所占之達壩噶爾等處營寨地方一千七百餘里。全行收復。現在邊境肅清。孟保。海樸。督辦軍務。調度有方。戴功迅速。均著交部從優議敘。所有出力官弁。著即查明據實保奏。候朕施恩。陣亡番官番兵。查明照例辦理。其堆噶爾本各營寨逃散番民。並著札飭噶布倫等妥為安撫。應辦善後事宜。著孟保等體察情形。妥議章程具奏。○諭軍機大臣等。據孟保等奏。審訊夷賊滋事情形。並安置投降賊匪等語。該夷賊等勾結滋事。因森巴頭人倭色爾被唐古特殺斃。

率眾乞降。本屬法無可貸。惟既經悔罪投誠。未便概行誅戮。所有現在投降之八百三十六名。著照所議。於藏屬設有營官處所。酌量地方大小。人數多寡。均勻攤派。責成各該處營官。嚴加拘禁管束。是否安靜。仍造具花名。按季結報。以備查覈。將此諭令知之。○又諭。本日著英等奏。逆夷大幫船隻。竄至乍浦洋面一摺。據稱初七日午刻。有逆夷火輪船二隻。大小夷船二十餘隻。由乍浦所轄之黃盤山東首洋面而來。未刻。火輪船拖帶三板船。自彩旗港駛入西行汛停泊。旋復往來遊奕。已函致副都統長喜。會同揚威將軍等派令員弁。督率兵勇。晝夜防守。並委令伊里布帶員馳往。設法羈縻等語。該逆甫經退出寧波。又復駛至乍浦外洋。意圖攻擊。猖獗可恨。現已由六百里諭令奕經及牛鑑等。加意防範。相機攻擊。著英特依順。劉韻珂。仍當督飭文武員弁。一面嚴密防維。一面詳加體察。如有

可乘之隙。務當明攻暗襲。切勿任其披猖。其尖山等處附近省垣。尤當小心防禦。恐該逆聲東擊西。暗施詭計。不可不嚴加防範。毋許稍有疏虞。將此由六百里各諭令知之。○又諭本日著英奏逆夷大幫船隻竄至乍浦洋面一摺。據稱初七日午刻。有逆夷火輪船二隻。大小夷船二十餘隻。由乍浦所轄之黃盤山東首洋面而來。未刻。火輪船拖帶三板船。自彩旗港駛入西行汛停泊等語。該逆猖獗異常。甫經退出寧波。又復駛至乍浦外洋。意圖擾掠。實屬可恨。現在著英等極力防堵。並於尖山等處加意嚴防。誠恐該逆分踪肆擾。乘勢竄入上海各海口。著牛鑑陳化成督率文武員弁認真防範。毋稍疏虞。牛鑑前奏。於緊要海口加築土塘土牛以資捍衛。是該督於防守要隘。尚有把握。著即諄囑將弁兵丁。如有夷船駛至。切勿早開槍礮。俟該逆逼近。其勢足以相及。再行併力轟擊。以收實效。而

壯干城。將此由六百里諭令知之。○又諭本日據著英等奏逆夷大幫船隻於初七日由乍浦所轄之黃盤山洋面駛至。往來遊奕。已函致副都統長喜派令員弁督率兵勇晝夜防守。並委令伊里布帶員馳往設法羈縻等語。逆夷詭譎異常。甫經退出寧波。復往乍浦洋面窺伺。總因未受大創。以致肆行無忌。現在省城並尖山等處已諭令著英等加意防守。並諭令牛鑑等防守上海各口矣。該逆此次駛至乍浦。本在意中。諒該將軍等早應料及。豫作準備。惟該處兵力是否足敷攻剿。僅稍形單弱。著即酌調各路勁旅。並可靠將備。速赴該處嚴密防堵。如有可乘之隙。仍遵節次諭旨激勵將士相機攻擊。斷不可令該逆再為得手。是為至要。將此由六百里諭令知之。○貸河南孟縣修築護城隄銀。○癸巳諭內閣。托渾布奏請將秋審題本展限等語。該撫現赴登萊青一帶閱兵。並辦理防堵事宜。

所有本年山東省秋審著派藩司楊慶琛會同臬司勘審具題。○諭軍機大臣等托渾布奏查勘海口校閱營伍一摺據奏萊州府屬之膠州即墨各海口為南汎藩籬青州府屬各海口亦通南商船隻必須親往履勘順道考覈膠州等營官兵即由青州趕回省城勘辦秋審等語已明降諭旨派藩司楊慶琛同臬司王篤會勘該省秋審矣昨據耆英等奏逆船退出寧波後近有二十餘隻在乍浦洋面遊奕該逆行蹤詭秘出沒無常山東防堵事宜甚關緊要著托渾布於閱伍事竣後仍行駐劄登州將一切防堵事宜再行妥密布置期於有備無患是為至要將此諭令知之

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十一

監修魂官經遠日講起居注官太子太保體仁閣大學士文淵閣領學士掌戶部事務上書房頭師傅翰林院掌院學士兼掌

天府府尹事務隨帝加五級紀錄十八次。貞寶積德。載官經足。議官吏部尚書錄並提議。軍都執管。理斯營居城內。官房大屋。皆營內。

七倉大臣稽察會同四譯館事務加一級隨帶加六級軍功加三級紀錄五次臣花沙納懇請官又調開投筆聞書兵部尚書總管

內務府大臣錢曰振滿洲郡缺請參內七倉大臣管理宗人府銀庫左翼的官學 宣惠宮圓明園等處指撥掌御茶膳房御藥房

醫院進科處事務隨帶四十八級良阿雲阿刻題職官經定謀官兵部尚書隨帶四六級號銀二十次良周祖培奉

救修

道光二十二年壬寅四月甲午

黑龍潭。

覺生寺設壇祈雨

上  
讀

黑龍潭神祠拈香命

皇四子  
  
請

覺生寺皇五子奕諒諸清漪園

龍神祠皇六子奕訢詣靜明園

龍神祠拈香○諭軍機大臣等奕經等奏江

面釘樁築壩阻截夷船進兵攻取鎮海一摺。

六七〇

據奏浙洋海水由鎮關直達慈谿餘姚擬於  
蜀山渡及梅墟地方相度形勢釘椿築壩設  
法收復鎮海定海等語覽奏已悉逆目羅卜  
丹帶領夷匪千餘人在招寶山駐守鎮海夷  
船停泊三隻意圖牽制我兵得以大幫分擾  
他處現在乍浦已有逆船二十餘隻該處毗  
連江蘇地方緊要尖山一帶係屬省城門戶  
儻有逆船駛入關繫非細該二處兵力如覺  
單薄自應添兵防守若以全力攻復鎮定二

城轉至乍浦尖山或有疏虞實屬得不償失。

著該將軍等一面於曹江餘姚等處嚴密防

堵一面速派參贊一人統帶得力弁兵馳往

乍浦相度機宜可剿即剿當守則守切勿顧

此失彼致墮逆夷詭計昨據耆英等奏派委

伊里布咸齡。馳赴乍浦。設法羈縻一節。是一

見逆船。即驚惶失措。先事羈縻。辦理殊未得。

宜已明降諭旨令耆英即赴廣東將軍任矣

所帶伊里布咸齡即交奕經留營差遣如無

\_\_\_\_\_



可委用之處。即一面奏聞。一面飭令回京。該將軍等受國重寄。責無旁貸。現在逆夷已在江浙交界處所。分兵遊奕。務當通籌全局。和衷商榷。總使逆夷詭譎伎倆。不得再施。庶可設法殲除。不致蔓延江浙沿海地面。方為不負委任。勉之又勉。打獲勝仗。由六百里或六百里加緊馳奏。自不待言矣。如別有緊要情事。亦著由六百里馳奏。將此由六百里加緊諭令知之。○又諭本日已降旨著英馳驛

前赴廣州將軍之任矣。廣東自上年喚逆犯順以來。占據香港。闖入虎門。前據奕山等奏報。香港未能即時收復。惟議守省城。以填塞省河為先。其次修築虎門礮臺。進取方有把握等語。現在省河填塞究竟若何。是否足資抵禦。其虎門礮臺。現在是否動工修築。何時可以工竣。著英到任後確切查明。據實具奏。至香港地方。豈容被逆夷久據。現在廣東礮臺等工。如已妥為豫備。正可乘機進取。明

攻暗襲。收復香港。以伸國威。即著責成該將軍。一力籌辦。毋負委任。其欽差大臣關防。即著帶赴廣東任所。將此由六百里加緊諭令知之。○以參贊大臣特依順署杭州將軍。○湖北布政使劉體重因病解任。以陝西按察使朱士達為湖北布政使。廣東鹽運使傅繩勳為陝西按察使。○乙未。

孝端文皇后忌辰。遣官祭。

昭陵。○諭軍機大臣等。著英等奏。逆夷攻陷乍

浦。現在省城及嘉興府危急一摺。據奏本月初九日。逆夷將大小各船排列陣勢。另用三板船數十隻。分撲西山嘴唐家灣等處。大船開放大礮。直向內逼。復由燈光山等處登岸。火箭齊發。城內漢奸接應。各兵紛紛潰散。乍浦失守等語。現在乍浦業已被陷。逆氣離省甚近。省中兵力單薄。地勢綿長。嘉興府城為江浙咽喉之地。設有疏失。兩省文報不通。關繫非細。寧波鎮海俱係殘破之城。收復自可

從緩者。英等撥往嘉興之陝甘兵一千名。不敷策應。著奕經等接奉諭旨。酌留參贊一人。在曹娥江一帶駐守。杜其竄入紹興之路。該將軍同參贊一人。迅即統得力弁兵。馳往嘉興駐紮。應援省城。儻該二處稍有疏虞。惟該將軍等是問。懷之。至此次逆夷攻撲乍浦。人數並不甚多。我兵果能人人思奮。勇往直前。何至遽被攻陷。可見官兵並未與逆夷接戰。一見賊船。遂爾紛紛潰散。此皆平日紀律不嚴所致。思之深堪痛恨。著奕經等查明是日情形究竟若何。其首先逃散弁兵。著一面即在軍營正法。一面據實奏聞。毋得稍存姑息。其江蘇防堵事宜。已諭知牛鑑陳化成。嚴密辦理矣。將此由六百里加緊諭令知之。○又諭。著英等奏。逆夷攻陷乍浦。現在省城嘉興危急一摺。覽奏憤恨之至。據奏乍浦既失。逆氛離省甚近。省中兵力單薄。地勢綿長。漲沙遇雨衝失。逆夷製有小船。淺處皆可行駛。其

嘉興府城。平湖海鹽二縣均極危迫。現撥陝甘兵一千名分往防守。俟河南廣西兵到。截留保衛等語。已由六百里加緊諭令將軍參贊等酌留一人駐守曹江。餘即統帶弁兵。馳赴應援。諒即日自可趕到。該大臣等務當持以鎮定。以安眾心。仍嚴飭將弁竭力保守。以待大軍之至。毋稍疏虞。所有該處文武下落及副都統長喜落水遇救。副將哈拉吉那被矛戳傷。現在情形若何。均著查明具奏。將此由六百里加緊諭令知之。○又諭。本日據著英等馳奏。逆夷攻陷乍浦一摺。據稱逆夷退出寧波。早有滋擾他處之語。本月初七日。突有夷船二十餘隻。自江蘇金山洋面轉入乍浦遊奕。初九日辰刻。將船隻排列陣勢。開礮內逼。另用三板船分撲西山嘴唐家灣等處。旋由燈光山等處登岸。火箭齊發。乍浦城內復有漢奸施放火箭接應。以致各兵潰散。乍浦失守等語。乍浦洋面。緊與蘇省之金山上。

海洋面毗連。該逆現在攻陷乍浦。蘇省海口地方。即可朝發夕至。且上海商賈輻輳。粵人寄寓者甚眾。難保無漢奸潤跡其中。必應豫加防範。免蹈乍浦覆轍。前據牛鑑奏。於吳淞緊要海口。扼要設伏。並添調精兵防守。布置自己妥密。現當防堵喫緊之時。著牛鑑。陳化成。督率文武員弁。晝夜竭力嚴防。毋稍疏虞。該逆兇猷雖張。我兵果能紀律嚴明。有進無退。何至一見賊船。遽爾潰散。並著該督等剴

切申諭將弁兵勇人等。恪遵紀律。併力守禦。其有首先卻退者。即以軍法從事。一面先行正法。一面奏聞。毋得稍存姑息。致壞大局。是為至要。將此由六百里加緊諭令知之。○又諭。本日據耆英等奏。逆夷攻陷乍浦。勢甚猖獗等語。嘉興近接乍浦。毗連江省。為漕運必經之地。萬一稍有梗阻。關繫匪輕。現在浙江糧艘已抵浙墅關。著程商承嚴飭該幫弁。催令迅速渡江。其現在尚未渡江者。並著朱樹

麟慶派員前往迎提。仍飭令沿途地方實力催趲。毋許片刻停留。是為至要。將此由六百里各諭令知之。○又諭。奕經等馳奏。逆勢猖獗。乍浦失守一摺。本日據耆英等馳奏。乍浦失守情形。降旨諭令奕經等酌留參贊一人駐守曹江。該將軍同參贊一人。迅即馳往嘉興應援。現據奏稱。該將軍即日渡江回省。商調官兵。著即留文蔚在紹興一帶接應防堵。奕經即與齊慎酌量情形。星速馳往平湖嘉

興海鹽一帶扼要之地。調兵駐紮。嚴密防範。毋得再有疏虞。其省城之尖山各海口。並責成一律防禦應援。不可顧此失彼。至現在寧波鎮海所存官兵。亦即酌量改撥扼要處所用。資接應。不得亟圖收復二城。轉至要處兵單。是為至要。將此諭令知之。○又諭。本日因耆英等奏。乍浦失守。降旨諭令牛鑑等嚴密防範。茲於未刻據牛鑑奏。江蘇洋面尚屬安靜。漕船照常行走一摺。據奏逆夷前在寧波。

不肯舍船就陸。此次未必敢犯嘉興吳江。其由海入江。經歷多處。斷不冒險而入。阻我漕運等語。逆匪詭詐多端。仍不可恃為無虞。稍存大意。所奏金山士民紛紛搬移一節。居民聞難遷徙。驟難禁止。但恐匪徒乘機搶掠。重貽民困。著即嚴飭所屬妥為彈壓。毋致別釀事端。所請酌留陝西河南兵一千名。准其如數截留。以資捍衛。將此諭令知之。○以浙江乍浦失守。揚威將軍奕經。參贊大臣文蔚。特依順巡撫劉韻珂下部嚴議。尋議上。得旨。均著加恩。改為革職留任。奕經前次賞戴雙眼花翎。文蔚賞加頭品頂帶。並交部議敘。及特依順前次從優議敘之處。一併撤銷。○丙申。諭軍機大臣等。現值暎逆在浙省滋事。天津沿海口岸。早經布置妥密。惟防堵要地。不厭周詳。著鐵麟。敬敷。豫備察哈爾蒙古精兵二千名。聽候調撥。並於總管叟齊。秦旺。扎木蘇。巴雅斯胡朗。達什德里克。四員內酌派二員。

其扎蘭章京佐領等官。由該都統等酌量選派。以備屆時分起管帶。再於商都達里岡愛。挑備壯馬二千匹。所需器械衣甲帳房馬乾。著一併豫備。惟此項兵丁口糧。與內地不同。所有沿途需用牛羊肉乾及奶子乾糧。均須逐一製備應用。此係豫為籌備。候旨施行之件。該都統等務須妥密布置。不得稍涉張皇。將此密諭知之。○湖南巡撫吳其濬奏。現在委員製備火箭筒八千枝。大飛槍藥筒二千枝。解赴福建備用。報聞。○以拏獲湖北崇陽縣逆黨出力。予湖南糧道金開第等加銜升敘有差。○旌表守正捐軀河南淮寧縣民李拉妻張氏。○撥湖南司庫銀七萬兩。解往湖北。以備兵糈。○貸湖南鳳凰。乾州。永綏。古文坪保靖。五廳縣屯丁苗佃籽種口糧。○丁酉。上詣大高殿行禮。○還宮。○諭內閣。前因鐵麟等奏軍臺效力廢員金亮。張進發等。犯案脫逃。進

口。又成順一員。查無蹤跡。當降旨將該廢員等查拏訊辦。並著鐵麟等妥議查察章程具奏。茲據奏到酌擬章程各條。朕詳加披閱。其所請責成該管站部員每月出口親查一次。及令蒙古官員就近稽察呈報之處。均著毋庸議。嗣後著該都統等不拘年月。派委妥員出口稽查。如有擅離口外者。嚴行叅處。拏獲後照由配脫逃例治罪。○諭軍機大臣等。本日奕經等奏。逆夷欲自內河攻犯嘉興一摺。

據稱逆夷於攻陷乍浦之後。將所帶三板船擡入內河。又捉拏內地各船。拆去圍棚。裝載礮位火箭各物。擬進攻嘉興等語。嘉興為浙省腹地。且與江蘇毗連。儻為該逆所據。則南北文報不通。關繫重大。此時自以扼守嘉興為第一要務。鎮海寧波俱係空城。無庸重兵駐彼。亟應先其所急。將寧鎮之兵趕緊撤回。派赴嘉興等處。以杜逆夷內竄。至內河河道甚窄。迥非大洋不能接戰。可比。即令該逆小

船闖入。我兵或兩岸互擊。或用火攻燒其船隻。俟彼離大船既遠。或截其後路。使彼首尾不能相顧。當可制其死命。至曹江為紹興藩籬。昨有旨令文蔚在彼駐守。現據奏稱。將該處兵丁抽撥赴省。即著於鎮海寧波撤回兵丁內。照數補撥如額。以資防禦。惟該逆詭譎異常。或揚言進擾嘉興。使我兵有所牽制。復乘間由海道衝突海寧尖山等處。肆行滋擾。不可不防。著奕經等設法保衛。如探有入寇

信息。即合力攻擊。勿得再墮奸計。朕近聞奕經耆英等各摺。顯有議攻議撫意見不合之處。當此軍務喫緊之時。正當各矢公忠。和衷共濟。遇事則虛心商榷。應變則彼此相關。攻以助守之勢。守以堅攻之心。庶可眾志成城。將士用命。斷不可稍分畛域。致失事機。至各處失陷。均由士氣不揚所致。思之殊堪痛恨。該將軍等惟有將順逆之故。剴切宣諭。並將首先潰散之將備兵丁查出。即以軍法從事。

以儆其餘。若再一味姑容。縱添兵益將。亦復何益。將此由六百里加緊各諭令知之。○又諭。現在逆夷猖獗。乍浦失守。距江蘇海口及內河不遠。恐該逆分竄肆擾。不可不加意嚴防。著裕泰等挑選實在得力精兵。或一千名。或數百名。並備帶器械。交劉允孝管帶迅速起程。由長江行走。徑赴江蘇。與牛鑑面商。擇要防守。毋稍遲滯。其湖北提督篆務。著裕泰派員署理。將此由六百里加緊諭令知之。○又諭。寄諭兩江總督牛鑑。現在逆夷猖獗。江蘇海口。必應加意嚴防。已諭令裕泰等挑選精兵。或一千名。或數百名。交劉允孝管帶迅速赴江蘇矣。逆夷詭計多端。現有由乍浦直犯嘉興之說。儻一入內河。則蘇省河道處處可通。不但海口宜防。即內河亦須扼要嚴守。杜其竄入。著該督體察情形。熟籌防堵。萬勿顧此失彼。劉允孝到後。著即會商將所帶勁兵酌量派撥。以壯聲威。將此由六百里加緊諭

令知之。○予故致仕烏里雅蘇台將軍德楞額祭葬。○濬山東恩縣四女寺支河。並修壩座。從巡撫托渾布請也。○戊戌。上御太和殿視朝。王以下文武升轉各官謝恩。○辛酉。○諭內閣。前據恩桂等奏。山東臨清州已革縣丞王慶元呈稱。清順團練鄉勇。赴浙江軍營投效。伊弟王慶平。現赴湖南招募。王慶杓等。均在山東團練等情。當經降旨。交托渾布。吳其濬。確查具奏。茲據托渾布奏稱。偏查臨清高唐等州。並無王慶元團練鄉勇之事。且王慶平。現在原籍。亦未前赴湖南。並據吳其濬奏稱。訪查境內。並無山東候補把總王慶平在湖南招募鄉勇之事。該革員以毫無影響之詞。妄行呈訴。實屬不安本分。王慶元著交軍機大臣會同刑部嚴行審訊。尋奏。王慶元上書不實。請發往新疆效力贖罪。從之。○諭軍機大臣等。前因糧船水手人數眾多。加以沿途雇覓短絳。恐滋流弊。降

旨飭令該督撫妥議章程。諒該督撫等必能遵照新定章程認真辦理。惟逆夷兇狡甚熾。擾及沿海省分。每藉漢奸為引導。愚民惑於重利。往往被其煽誘。所有各處失陷之由。皆係漢奸作為內應。貽害非淺。實堪痛恨。北地距南省甚遠。查禁甚嚴。不至為其脅誘。但思患豫防。亟宜早為之備。現在江浙糧船陸續北駛。該船水手舵丁短絳人等。類皆無業遊民。傭工餬口。其中安分者固不乏人。而貪利兇頑之徒。正復不少。設使藉端隱匿。孽萌漸滋。為害甚鉅。著該督撫等揀派明幹員弁。各飭所屬於軍船經過地方。認真嚴密稽查。不准該舵丁水手人等無故登岸。其所雇短絳。祇准至所雇之地折回。不准幫丁攜帶長行。儻有不遵約束者。立即從嚴懲辦。勿稍姑容。至該水手等儻欲因緣為奸。必藉各口岸土著匪徒互相援引。始能容其隱匿。是欲除軍船之奸惡。必先清沿海之匪徒。著該督撫於

軍船將到之時。豫派員弁分駐口岸。稽查戶口門牌。有一來歷不明。行蹤詭秘之人。即行究辦。庶匪徒聞風斂跡。而水手人等屆時亦無可勾串寄頓。通州為各省糧船屯聚之所。自通州以下。節節皆有糧船停泊。畿輔近地尤宜加意防維。著訥爾經額督飭該地方官嚴行稽查。毋稍鬆懈。南北口音最易審辨。務當認真體察。隨時留心。見有形跡可疑者。即時盤詰究訊。以杜奸萌。經此次諄諄訓諭之後。儻有匪徒別經弋獲。訊係由各該省經過。漏未查出。定將該督撫嚴行懲處。決不寬貸。懷之慎之。將此各諭令知之。○又諭。前因牛鑑奏。乍浦失守。後蘇州必應嚴防。請酌留陝西河南兵一千名。以資捍衛。當經降旨允准。茲據程喬奏。省城兵丁不敷防守。已將過境之河南官兵五百名。截回吳江。其未過境之五百名。亦飭沿途加緊催趨。迅赴蘇州駐劄。並飭臬司崇恩馳往平望鎮。會同將弁實

力防堵。其金山縣地方逼近乍浦。已由該督札飭參將許聯鑣酌帶兵丁前往策應等語。均著照所議辦理。所有截留官兵。若分布各處。則為數無多。斷難得力。著即擇扼要地方。或併歸一處。或酌分兩處。庶兵力較厚。足資防禦。至平望鎮為浙蘇二省交界。吳江一帶。港汊紛歧。處處可通舟楫。務飭該臬司會同帶兵各將弁嚴密巡查防守。勿令逆夷竄入。並嚴查漢奸涸跡。毋稍疏虞。其浙江糧艘均已趨過許關。著該撫即飛飭沿途文武員弁設法催提。剋日渡江。毋許片刻停留。是為至要。將此由四百里諭令知之。○以湖南臨湘縣糧價增昂。命平糶倉穀。○乙亥。

上詣綺春園問

皇太后安。○諭內閣。前據御史松年等奏請照舊公同駐劄大通橋。抽查漕糧。當交戶部速議具奏。茲據該部奏稱。南糧到通之時。每日例須起米三萬石。抽查之責。攸關緊要。應如

該御史所奏。滿漢御史二員。仍照舊駐劄大通橋。公同抽查。著即照所議行。至內河一帶。聞官委員巡役人等。勤惰不齊。仍責成該御史等嚴加查察。以杜弊端。○又諭。此次失察。常海擅入禁門之該門值班章京護軍等。本有應得之咎。姑念該犯當經拏獲。功過尚足相抵。所有應得處分。著加恩寬免。嗣後各門章京護軍等於禁門嚴肅之地。務當隨時留心查察。如有閒雜人等混入。立即拏獲。梟究。儆該員等稽查懈惰。致有違例出入之人。定將該員等從重懲處。決不寬貸。○廣西提督薛蔭。因病解任。以貴州安義鎮總兵官段永福為廣西提督。○庚子。諭內閣。浙江提督余步雲。經朕畀以海疆重任。上年定海失陷。總兵王錫朋等帶領各路官兵。轉戰六晝夜之久。該提督並不督兵應援。以致孤城失守。迨至鎮海寧波。接踵失事。總督及總兵等先後殉難。余步雲輒敢節節退避。當鎮海寧波未



失之時。與定海尚隔海洋。若使鼓勵士卒奮勇當先。嬰城固守。地勢既據上游。精兵復聚重鎮。何至四路潰散。頃刻不支。言念及此。實堪痛恨。總緣該提督平時既訓練無方。臨事復貪生畏敵。首先退縮。大懈軍心。作此厲階。罪難擢髮。早經降旨飭令揚威將軍奕經查明屢次退敗情形。按律治罪。用彰國憲。比因軍務喫緊。查訪非倉卒所能。遂先其所急。暫緩建問。乃軍營將弁兵丁等相率效尤。紛紛潰散。此皆余步雲為之倡也。昨據奕經等奏稱。乍浦失守。不過數時之久。該處將弁兵丁。不為單弱。何至逆夷甫至。尚未交鋒。遽爾奔潰棄城。幾同兒戲。總因余步雲身為提督。屢失城池。並未查究。遂人人各懷倖免之心。不思破敵之計。遲延觀望。坐失事機。若再不整飭紀綱。大申軍令。何以挽惡習而振軍容。余步雲著即革職。交奕經傳旨鎖拿。派委妥員押解送京。交軍機大臣會同刑部審訊治罪。

至前次飭查失守定海鎮海寧波三城。及此次乍浦失事。各文武員弁兵丁。除鎮海縣知縣葉瑩著有微勞。功過尚足相抵外。其餘均著奕經分別查明。首先潰散之員弁兵丁。開單請旨。此後務當嚴申紀律。如再有臨陣退怯。首先潰散者。即以軍法從事。一面正法。一面奏聞。毋許仍存姑息。致令士氣不揚。該將軍等其整勵戎行。副朕委任。○又諭孟保等奏酌擬拉達克及八底部落人等。准其投誠。商上。並添設防範。定金番民章程一摺。上年森巴番夷侵占唐古特營寨地方。業經該大臣等勦除首惡。收復地方。邊境肅清。茲據噶布倫策璽等稟。據拉達克番民及八底部落人等。公同懇求。准其投歸唐古特商上。情願各防邊界。協力堵禦等情。拉達克等部落向與唐古特通商。茲既願投商上。自應俯如所請。以順輿情。惟該部落既歸商上。必應妥立章程。以為久安之計。著照該大臣等所

議將堆噶爾本宅金番民酌定五百名。由前後藏番民內擇其精壯。派令前往充當金夫。此內揀選明白曉事者十人。作為頭目。以資約束。並於前後藏揀派熟悉操演之戴琇一名。如琇二名。甲琇二名。定琇四名。前往駐守。教習技藝。該番民等既以宅金為業。毋庸另籌經費。至派往之戴琇等在彼駐守。准其以二年更換。如果地方安靜。教習亦有成效。由駐藏大臣量加鼓勵。儻有廢弛。查明懲辦。惟該戴琇等在藏均有操防之責。著俟試看三四年後。由該大臣會同噶勒丹錫呼圖薩瑪第巴克什酌量情形。再行撤回歸伍。其教習等事。即責成該處營官按照妥辦。以資防範。

○諭軍機大臣等。奕經等由六百里馳奏逆船已至尖山海口。逼近省垣一摺。據稱該逆火輪三板各船。駛近尖山口外之鳳凰山洋面遊奕。並聞海鹽一帶。間有礮聲等語。該逆於十五日用火輪三板船。由乍浦駛近尖山

口外。十六日復有大夷船帶同三板船停泊。其為尋釁滋擾。已可概見。著該將軍等督飭城內及沿海將備兵弁。各就所守地方。加意堵禦。毋稍疏懈。江蘇截留河南兵丁一千名。已由六百里加緊諭令牛鑑等先行撥赴浙江省城。以資防禦。至杭州省城。現在十分喫重。著奕經等激勵將士。設法守禦。朕亦不為遙制。至前獲黑白各夷。業經解至嘉興。著耆英相機妥辦。仍慎密防守。毋墮奸計。是為至要。海鹽既有礮聲。究竟情形若何。著探聽確實。迅即馳奏。將此由六百里加緊。各諭令知之。

○又諭前因牛鑑程商奏先後奏請截留赴浙之河南官兵一千名。防守江蘇地方。當經降旨允准。茲據奕經等馳奏。浙江省城情形危急。已咨明江蘇。仍將截留河南官兵派員星夜管帶赴浙等語。現在夷船竄至尖山。自應先其所急。著牛鑑等即行遵照辦理。毋令遲延。至江蘇省城兵力亦單。前已降旨調

取湖北精兵。派劉允孝管帶赴蘇。協同防守。惟湖北距蘇較遠。調兵一時未能即到。著該督撫酌量情形。先行就近調撥。以資捍衛。如本省官兵不敷調撥。須向鄰省徵調。著一面奏聞。一面飛咨調取。毋誤事機。將此由六百里加緊諭令知之。○調廣西提督段永福為浙江提督。以廣東高州鎮總兵官達里保為廣西提督。廣東南雄協副將趙承德為高州鎮總兵官。直隸河屯協副將秦鍾英為貴州

安義鎮總兵官。○以攻勦森巴番夷出力。賞駐藏大臣孟保幫辦大臣海樸花翎。仍下部議敘。餘加銜升敘承襲並賞翎頂有差。○戶部議准浙江巡撫劉韻珂疏報海沙場新漲草蕩三十一畝有奇。照例升科。從之。○辛丑諭軍機大臣等。前經降旨著楊國楨於山西省北大同等鎮挑選精兵一千名。豫備調遣。嗣據該撫奏稱。已於大同鎮所屬各營內挑選七百名。太原鎮屬挑選三百名。各派得力

將弁管帶豫備矣。現在浙江乍浦失守。江蘇省城喫重。著喬用遷即將所挑精兵。選派將弁管帶。迅速馳赴蘇州省城。交牛鑑程商。調遣以資防堵。所需軍裝器械。務須選擇精良。一併攜帶。將此由六百里諭令知之。○揚威將軍奕經等奏。錢江水勢未落。省城戒嚴。得旨。逆夷奸計發則中。將軍等之謀勇。迄無一應。前奏該逆情形。窘迫一摺。朕已深疑其詐。然數千里外。若遽為斷制。又恐或誤事機。

軍營有掣肘之虞。不久果中逆夷奸計。朕之憂憤苦衷。將誰言之。惟有仰叩

天恩。敬祈

祖祐。加護大清。殄逆安民。以宥朕罪。在事文武。宜如何體諒朕心。同心協力。奮勉交加。速建奇功。以副簡命也。○直隸總督訥爾經額奏。各屬續得雨澤。尚未霑足。現仍設壇祈禱。得旨。京師於二十一日酉時後。雷電交作。甘霖徹夜未止。約有六寸。朕欣感之至。各屬一得

透雨。即行奏報。○福建學政溫葆淳。因病解任。命翰林院侍講李嘉端。提督福建學政。○  
壬寅。

上詣

黑龍潭神祠謝雨。命

皇四子

覺生寺。皇五子奕諒詣清漪園

龍神祠。皇六子奕訢詣靜明園

龍神祠拈香。○諭軍機大臣等。奕經等奏尖

山逆船。開赴外洋。據奏尖山口外之鳳凰山海面夷船。退往東南而去。平湖之蘇家壩。海鹽之方家壩等處。又被逆匪擡礮轟擊。省城陰雨連朝。江水陡漲。沙線既無可恃。瞭望未能真確。已將駐劄紹興兵勇催調渡江。並將浙省各鎮營未調官兵。抽撥二千名赴省捍衛等語。覽奏均悉。此次乍浦失守。自係該逆夷探知我兵亟圖收復。寧波鎮海該逆將計就計。駛往乍浦。攻我不備。以致立時失陷。現

若將紹興兵勇調回省城。難保該逆不又因紹興兵力單弱。徑赴紹興。曹江及慈谿等處肆行滋擾。顧此失彼。復墮奸計。寧波鎮海均係殘缺之區。屢經降旨暫緩收復。該處之兵自應撤回。派撥曹江紹興等處。以免乘虛竄入。斷不可一誤再誤。坐失事機。所奏退出外洋之船。究竟駛往何處。著即確切探明。迅速具奏。現在段永福已授浙江提督。著該將軍等迅即諭知該提督統帶官兵。擇要防守。又據奕經特依順另摺奏查明長喜宋國經退守嘉興等情。既稱三板船七十八隻。每隻約三四十人。是合計不過三千有餘。何以又稱愈擊愈眾。不下萬人。至宋國經稟稱擊斃逆眾無數。長喜稟稱傷斃逆匪甚多。究竟所傷黑白夷及漢奸。實在數目若干。著該將軍等確查具奏。斷不可稍有含混捏飾。並將首先潰散官兵查明。按軍法懲治。毋得稍存姑息。余步雲現已拏問。鄭祖琛又經調回。現在曹

賊江一帶係何人駐守。紹興地方現祇文蔚一人。著即揀派得力武職大員。幫同帶兵防禦。是為至要。將此由六百里加緊諭知奕經。特依順劉韻珂。並諭令耆英。文蔚齊慎知之。○又諭奕經等奏尖山逆船。開赴外洋一摺。據稱尖山口外之鳳凰山洋面夷船。仍行退往東南而去。又平湖縣屬之蘇家埭。海鹽縣屬之方家埭等四處。逆匪數百人。四出擄掠。並扛擡礮位轟擊。旋即散去等語。逆船忽去。忽來。蹤跡詭秘。江蘇洋面。緊與浙省毗連。必應扼要嚴防。杜其竄入。其內河一帶交界處所。亦應嚴行防堵。昨因該省兵力尚單。已有旨諭令山西巡撫將備調大同等鎮精兵一千名。派將弁管帶迅赴蘇省。俾資防堵。著牛鑑程喬采酌量情形。與前調之河南湖北等省官兵。擇要安置。嚴密防守。不可奇零散布。以致不能得力。仍嚴申紀律。毋任臨時退縮。致誤事機。至尖山等處逆船。現既開赴東南。

外洋。即難保其不乘風乘潮。突入江境肆擾。著該督等飭屬隨時確探。儻有警報。遠省官兵一時未能即到。著仍遵前旨。酌於本省鄰省就近徵調。一面飛咨調取。一面奏聞。毋稍貽誤。是為至要。將此由六百里加緊諭令知之。○緩徵山西陽曲薩拉齊二廳縣歉收貧民節年積欠倉穀。○癸卯。展賞大學士王鼎病假一月。○甲辰。諭軍機大臣等。達洪阿等奏籌議臺灣防夷章程一摺。據奏臺灣海口林立。民情不靖。現在閩省防夷緊要。客兵地利生疏。均難立調。惟用本地義勇。自衛鄉邦。現已練勇四萬七千有餘。設有大幫逆船。調取陸營官兵。及團練義勇出禦等語。所見甚是。所辦甚好。仍著達洪阿等相機度勢。協力同心。平日嚴申紀律。臨時籌度機宜。設有大幫逆船突犯。勿與海上爭鋒。俟其登岸。設伏殲除。可操必勝之道。所奏塞港禦礮。破島槍守城邑。及稽察奸民五條。均屬周妥。著即照

議辦理。前獲夷匪一百六十餘名。業已諭知即在臺灣正法。計此時當已接奉。著即遵旨辦理。另片奏請將出力弁兵義民賞給六七八品軍功頂帶。彙案奏咨。亦著如所請行。將此由五百里諭知達洪阿。並傳諭姚瑩知之。○又諭著英等奏馳抵嘉興。體察情形一摺。據奏逆夷船隻於十八日開放二十餘隻。駛向東南外洋。尚留四隻收拾蓬索。亦將開行。究竟駛往何處。著即確切偵探。迅速具奏。現在夷船既已開行。其奕經等送到夷俘。著該將軍等仍於杭城暫行收管。此時乍浦夷船業經退出。不值仍留重兵守此空城。轉令扼要處所兵力單薄。著即飭令該處文武督同鄉勇嚴密防守。至鎮海城外有無夷船在彼。亦著奕經等查探明確。據實具奏。另摺奏查明乍浦滿營官兵。分起送交杭州滿營。著即留於省垣。俾資棲止。乍浦副都統。即令薩弼爾翰暫行護理。前有旨令著英即赴廣州將

軍之任。現在嘉興乍浦一帶。尚須布置。著暫緩起程。俟諸務妥協。折回杭州省城。協同奕經等加意防守。杭州將軍。仍著特依順署理。將此由五百里諭知奕經。著英特依順。劉韻珂。並諭文蔚。齊慎知之。○又諭著英奏乍浦夷船於本月十八日陸續開放二十餘隻。駛向東南外洋而去。尚留四隻。乍浦城內並無夷人等語。夷情詭詐異常。逆船忽去忽來。殊為叵測。現雖駛往東南外洋。難保其不乘風乘潮折回北駛。沿海各口。必應扼要嚴防。杜其竄入。著訥爾經額。托渾布。牛鑑。程喬采。督飭員弁。認真堵禦。仍遵前旨申明紀律。嚴查漢奸。勿稍疏虞。致有貽誤。該逆行蹤無定。總須早為豫備。著該督撫等各雇商漁船隻。隨時出口確探。瞭見逆船蹤跡。一面飭屬防堵。一面飛速奏聞。無誤機宜。是為至要。將此由五百里各諭令知之。○旌表守正捐軀山東東平州民婦王趙氏女忙姐。○乙巳。諭內閣

朕以鴉片煙流毒中國。貽害生民。前歲特降諭旨。飭令各省嚴禁。再三剴切申誡。因廣東為外夷通商之所。特令林則徐前往查辦。各國夷商均遵約束。獨喫咕喇逆夷義律。以燒燬煙土之故。藉口滋事。因林則徐辦理不善。旋亦罷斥遣戍。乃該逆於道光二十年六月。潛竄浙洋。竊據定海。繼復於天津海口呈遞稟詞。朕惟中外一體。念切懷柔。不以其侵犯在先。許辦在後。遽加屏絕。復命琦善前往廣東確查數辦。又將伊里布在浙擒獲逆夷頭目安突德等多名。特予寬典。免其誅戮。於定海退出之時。即行給還。乃該逆夷狡詐反覆。要求無厭。明知琦善意存撫馭。不設防守。竟爾稱兵首禍。疊犯大角沙角各礮臺。傷我提鎮大員。擾我海疆黎庶。是逆夷因私販煙土。肇啓釁端。復陽為乞請。陰施詭計。背信負恩。神人共憤。朕之命將出師。實由此也。及至靖逆將軍奕山等到粵。逆夷已竄入內港。窺伺

省垣。彼時帶兵守土大吏。貪以該逆貪利性成。希冀通市。懇將商欠該夷銀兩。准令給還。朕至誠待物。從不以逆德為懷。如果得利相安。不至別圖滋擾。區區之施。實非所吝。蠢爾醜類。何足為難。此又朕軫念薄海民生。不得已之權宜也。孰意逆夷包藏禍心。欺天滅理。粵東甫經斂跡。閩浙又復揚波。定海再窺。連城襲據。以致督臣殉節。鎮將捐軀。荼毒生靈。罪難擢數。爰命揚威將軍奕經等帥師攻剿。數月以來。賊退寧波。旋陷乍浦。是該逆在粵則以厚施為飽颺之謀。在浙則以擄掠為齎糧之具。察其兇狡情狀。實已罪惡貫盈。上天降監。必加誅夷。下民何辜。罹茲慘酷。朕撫躬循省。五內焦勞。每念毒孽未除。顛連莫拯。痛心自責。恨才德之未逮。夙夜難安。將軍參贊督撫及內外文武諸臣。亦宜仰體朕懷。亟蘇民困。勿存苟安之見。狃於目前。勿懷倖免之私。貽臭於後。至於將弁兵丁。動謂船堅礮



利。兇談難當。因而見賊倉皇。望風先潰。殊不知賊之深入。早已自蹈危機。果人人奮勇直前。有進無退。加以鄉民義勇。層層接應。則主客之勢既異。取寡之數又殊。因地乘機。何難制勝。是逆夷之肆意猖獗。皆士氣不揚所致也。其從逆漢奸。原係窮蹙愚民。或以生計維艱。為利所誘。遂至甘心從賊。暫飽身家。試思蹂躪者誰之鄉里。搶奪者誰之貲財。賊來則驅之使前。俾當鋒刃。賊去則委之於後。仍蹈刑誅。苟有人心。當知悔恨。朕為天下生民主。若祇顧目前。苟安無事。不思大者遠者。一聽煙毒橫流。不行禁止。是朕上負皇考付託之重恩。下不能保吾民之生命。思及此。曷肯不竭力禁之。更曷敢不竭力禁之也。目前雖奸夷倣擾。日肆貪殘。爾間帥疆臣。身膺重寄。宜如何激發天良。申明紀律。凡奮勇爭先者。賞不逾時。退縮不前者。誅之無赦。如此則何攻不克。何守不固耶。從前辦理不善。

諸臣除分別懲儆外。餘令戴罪圖功。原冀其知感知奮。勉贖前愆。儻復坐失事機。殃民縱寇。國法具在。不能為若輩再寬也。至士民中果有謀勇出眾之材。激於義憤。團練自衛。或助官軍以復城邑。或扼要隘以遏賊鋒。或焚擊夷船。擒斬大慝。或聲明大義。開啓愚頑。能建不世之殊勳。定膺非常之懋賞。總之禁煙所以恤民命。禦寇所以衛民生。朕宵旰思艱。兢兢業業。爾諸臣亦惟和衷共濟。鼓勵戎行。不難不疎。以作士氣。必能翦除夷孽。掃蕩海氛。與天下蒼生共享昇平之福。茲將辦理夷務前後情形。及朕為民除害之本意。特諭中外知之。○諭軍機大臣等。奕經等奏夷船退出乍浦。現在調兵分赴鎮海定海攻剿一摺。據奏鎮海招寶山。現添夷船二隻。定海共泊夷船十八隻。係由東北駛來等語。前據耆英奏。逆船於十八日開放二十餘隻。駛向東南外洋。此次鎮海定海添泊夷船。或即此項船



隻。惟定海所泊船十八隻。由東北駛來。其餘乍浦所退船隻。駛往何處。著確切查明具奏。所奏撥兵收復鎮海。及相機截剿。設法驚擾。並令火船焚燒等情。該將軍是否確有把握。如亟攻鎮海。安知該夷不一面牽制我兵。一面滋擾他處。看來鎮海現已添船。並非欲阻進攻定海之路。實欲潛兵內犯。留鎮海作後路引援。若再中彼奸計。則我腹背受敵。又蹈乍浦故轍。不可不慎密防範。至勢窮竄歸之說。必得確有憑據。方可信之。另片奏齊慎將前路兵丁抽撥二千名赴省。所見甚是。現在該處一應防剿事宜。責成奕經等妥籌辦理。其羈縻一節。已諭令著英妥為商辦。毋庸會銜。將此由六百里諭知奕經。特依順。齊慎並諭文蔚知之。○又諭著英奏遵旨馳赴廣東一摺。昨已有旨令該大臣暫緩赴粵。俟諸務妥協折回杭州省城。協同防守。現在嘉興乍浦一帶尚須布置。著英著遵照昨奉諭旨。於

嘉興乍浦一帶酌量扼要處所。駐劄控制。妥辦諸務。該逆於退出寧波之後。忽將大幫逆船攻陷乍浦。既陷乍浦之後。忽又駛出東南外洋。倏去倏來。是何意見。該大臣昨奏外委陳志剛回稟。該逆不願戰禍。祇求通商。該外委既經面見逆酋。必非兩言而止。此外有何言語。並未詳晰聲敘。著著英據實具奏。本日又據奕經等奏。請將辦理羈縻事宜。專交著英辦理。著即責成著英妥為商辦。奕經毋庸會銜。將此由五百里諭令知之。○又諭昨據著英奏。乍浦夷船於本月十八日陸續開放二十餘隻。駛向東南外洋而去等語。逆船忽去忽來。殊為叵測。現在駛向東南外洋。如經過閩粵各海口。著奕山。祁項。梁寶常。怡良。劉鴻翱。嚴飭隨時哨探。並分遣商漁各船出洋探望。其喚夷船隻。有無自北駛回及自南駛至者。一面嚴密防堵。一面飛速奏聞。將此由五百里各諭令知之。○揚威將軍奕經等奏

查訊白夷供稱。該國至廣東。風順不過三箇月。至遲六箇月。所過地方。如佛蘭機。噠欲。峇土。哪。噶。喇。喇。吵。姑。路。庇。吟。噶。勒。格。星。加。坡。等處。皆該國所屬。其經過別國。均難指實名目。克食米爾。即噠。喇。所屬。噠。喇。又。噠。咭。喇。所屬。此次來浙之兵。係該國王所調。祇本國入當兵。別國之人。乃帶兵官。雇來辦事。及充當水手。該國女主名域多喇。年二十二歲。係老國王姪女。國王無子。故立為主。其夫乃該國所屬渣噶喇國王之子。名鼻噠士阿喇拔。該國稱為法是噶。乃第一等官職。並不干與國事。兵船一切事件。從前係咭哪。噶。架。噶。頓調度。該逆死在定海。現係咭哪。噶。付。調度。鴉片煙土。出在噠。喇。噠。米。鄉。就深山秘製。本國人非置造煙土者。不准入鄉看其製法。噠。咭。喇。及西洋等國。俱由該處販入內地。但欲圖利。並無詭謀。報聞。○兩廣總督祁項等奏。遵查曾到噠。咭。喇。貿易人朱京玉。據稱息辣

又名新噴噴。即新寄坡。乃該逆埠頭。其荷蘭國所屬噶喇。有上峽中峽兩處。名為吧。噠。咭。該處劫賊名為噠。噠。賊。又附近有石湖。每日必有颶風數次。一遇風雨。驟至。上下黑暗。夷船如向經過。即打入吧。噠。咭。地界。船遂擱淺。噠。噠。賊。出向搶劫。噠。逆。最畏此路。其地至廣東程途十日。此外另有噠。噠。亦噠。噠。賊。聚集之所。未聞有安海名目。至嘉慶十三年。噠。逆。兵船駛入越南國。被誘入內河。用火焚燒。未聞有細縷密釘船底之事。報聞。○鑲紅旗護軍統領綿性。以訓練無方革職。以兵部左侍郎倭什訥。兼鑲紅旗護軍統領。○以廣東崖州協副將李賢為碣石鎮水師總兵官。○丙午。上詣綺春園問皇太后安。○諭內閣。牛鑑奏。特參移駐弁兵之遊擊等語。所奏是。江蘇金山營遊擊塔明阿。前因夷船駛入乍浦。遽將守塘弁兵移至西

門外駐守。雖據同知沈炳垣查稟。西門為乍浦來路。該遊擊因乍浦民人紛紛東來。駐兵彈壓盤查。現已照舊移回塘岸。尚無退避情事。惟軍旅之事。有進無退。寇虜在前。遽爾回兵遠岸。難保不人心動搖。紀律不嚴。往往由此。塔明阿著降為守備。留營差遣。以觀後效。俾效尤者知所儆戒。○又諭湖北崇陽縣戶書。向花戶勒索耗銀樣米。由來已久。此次逆犯鍾人杰等滋事。訊非因此起釁。惟此等積弊。亟應禁革。嗣後著該督撫等嚴申例禁。並不准地方劣生人等包攬完納漕糧。以安閭閻而肅法紀。○諭軍機大臣等。牛鑑奏上海寶山一帶防堵嚴密。夷船駛入金山外洋停泊。旋即起碇開行。各一摺。據稱十九日有大

小夷船二十二隻。先後開向金山篠館墩洋面下碇。二十日對墩開礮。旋即掛篷向東南全數開去等語。該逆行蹤詭秘。既舍乍浦。又復停泊金山外洋。開放大礮。離塘岸尚遠。礮

子即行落水。似非立意尋釁。然逆夷巨測。避實無定。難保不故作違窺情形。懈我軍心。仍恐復來滋擾。著牛鑑照舊嚴密認真防禦。勿稍疏懈。當逆夷船隻排列篠館墩洋面。相持半日。我兵相度礮力尚不能及。未肯輕放槍礮。甚合機宜。至上海一帶。該督已周歷巡視。防範極嚴。並督飭陳化成。王志元。駐守海塘。聲勢聯絡。吳淞東西礮臺。已宿重兵。伏兵兼可應援堵截。種種布置。必當慎之又慎。加意

小心。切勿自恃無虞。稍墮奸計。又另片奏。已通飭文武員弁。勿被逆夷誘致槍礮。並製造水輪船隻。安放礮位。行駛捷速等語。著嚴密妥辦。以資得力而助水攻。將此由五百里諭令知之。○又諭據劉韻珂奏。乍浦夷船於十八日開出二十餘隻。餘船四隻。於十九日一併開行。俱向東南大洋而去。並查該逆搶掠倉米財物。燒燬船隻民房等情。一摺。該逆攻陷城池。輒肆荼毒。實堪痛恨。且其忽來忽去。

居心叵測。安知不久往江蘇各海口滋擾。該撫已飛咨防堵。該逆擄去戰船商船。復恐假扮弁兵商賈。闖入各口。咨行各處認真稽查。所見甚是。其所議先委文武員弁酌帶兵勇。撫輯難民。彈壓土匪。均合機宜。該撫務當實力辦理。以蘇民困而安眾心。將此由五百里諭令知之。○兩江總督牛鑑奏。奏松江府知府福祥當防堵緊要。遽請病假。顯有規避情事。得旨。所奏甚是。福祥著即革職。以示懲儆。

○以廣東按察使王庭蘭為江寧布政使。廣東鹽運使徐繼畬為按察使。○予浙江陣亡署乍浦同知韋逢甲祭葬。世職如例。○旌表守正捐軀河南許州民寇王淋妻潘氏。山東齊東縣民王花仔妻李氏。○湖北崇陽縣逆犯鍾人志、陳寶銘、汪敦族伏法。○丁未。

孝慎皇后忌辰。遣官祭。

陵寢。○諭內閣。奕經等奏。定海兵勇連次奪獲。焚燒逆夷大小船隻一摺。據稱初八日勇壯

頭目王建功等。在定海螺頭門槍擊逆夷。鄉勇白成位等用火罐拋擲。燒然夷船。該逆竄避落水。王建功帶領鄉勇民人將船奪獲。駛回。並將逆目丁時儀之弟砍倒。割獲首級。水勇沈仁足等砍斃白夷一名。委員鄭鼎臣等接奉札諭。裝載火藥。從後路進兵牽制。十二日南風大作。副將鄭宗凱遊擊池建功派令守備徐櫟寶將火攻船裝配七十餘隻。督同兵勇水勇將船繞近該逆大船。先暗放火藥。礮一聯。即時轟破逆夷船頭。我船連排繼進。火銃飛騰。四面放槍喊殺。逆船多被焚燒。計燒斃沈溺及擊斃者約有三百餘人。將兩桅大船燒去半截。三桅大船三隻。兩傍燒燬。並燒斷大桅兩根。燒壞大三板船四隻。奪獲大火箭夷帽。檣片船板。並逆夷救火之水鼓等件。解赴到營。呈驗等語。該逆屢肆猖獗。總因未受懲創。今被焚燒。亦知船堅礮利之不足恃。如果將軍參贊及沿海封疆大吏處處皆

能準備火攻船隻。相機籌辦。該逆必膽裂心寒。不敢再行窺伺。此次火攻夷船。其最為出力之副將鄭宗凱。著升補福建福寧鎮總兵。遊擊池建功。著以參將遇缺即行升用。均著賞戴花翎。委員鄭鼎臣。前次焚燒夷船多隻。此次復能奮勇立功。自應優加鼓勵。鄭鼎臣著先賞給四品頂帶。並賞戴花翎。該將軍等調度有方。奕經著賞還雙眼花翎。文蔚著賞還頭品頂帶。特依順齊慎。均著交部從優議敘。其在事出力文武員弁及兵丁鄉勇水勇民人等。均著該將軍參贊查明保奏。候朕施恩。○諭軍機大臣等。奕經等奏定海兵勇連次奪獲焚燒夷船一摺。披覽之餘。稍紓忿恨。已明降諭旨。將該將軍等分別加恩矣。又另摺奏特依順擬酌帶兵丁。前赴乍浦防堵。並確查失守情形等語。現在乍浦滿洲營駐防官兵業已歸併省城。特依順著仍在省城駐劄防守。毋庸前往乍浦。其乍浦應行撫輯難

民彈壓土匪各事宜。昨已降旨令薩爾爾翰護理乍浦副都統。並責成該地方文武各員弁妥為辦理。至該處被燒營房民舍。著暫緩修葺。俟夷務稍簡。再行查明具奏。現在逆船既分泊定海鎮海洋面。恐其乘我不備。復來滋擾。著照該將軍等所議。即派齊慎前赴上虞以東。辦理防剿。至紹興一路。現有文蔚帶兵駐劄尖山一帶。有該將軍調度防禦。務當嚴申紀律。毋得再有疏虞。其乍浦失守情形。仍俟查明確實。即行具奏。將此由六百里諭令知之。○命山西太原鎮總兵官台費音來京。調江西南贛鎮總兵官善祿。為太原鎮總兵官。以甘肅莊浪協副將伍魁英。為南贛鎮總兵官。○福建福寧鎮總兵官邱奉岐。以年老休致。○戊申。以勦辦番夷。捐資助賞。加班禪額爾德尼宣化綏疆封號。薩瑪第巴克什懋功封號。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十二

林修

道光二十二年。壬寅五月。己酉朔。諭內閣。前

宣宗實錄卷之三百七十一

因御史韓椿奏請防範京城火藥局一摺。當  
交賽尚阿等會議。茲據查勘情形。並籌議分  
貯火藥章程具奏。所有該御史奏請疏通溝  
渠改移橋座之處。著毋庸議。至牆垣以資防  
衛。如有圯壞。隨時繕修完整。毋庸另議加高。  
該班弁兵。責成監督稽查。不足以昭慎重。嗣  
後著派八旗漢軍都統副都統二員。隨時稽  
查。如有濫竽充數。或定額不符。一經查出。即  
行叅奏。其值宿官員兵丁。應添添軍械。著漢軍

各旗每旗備辦一分。交該官兵等備用。至外圍牆以外。即係街道。自宜嚴加防護。著即責成該汛該坊不時親查。仍由該營員該城御史巡查。儻有無業遊民。近局窺探。即行查拏究辦。嗣後如有疏失。但由局外查出。該坊一併叅處。至本年製造火藥較多。現在籌議分貯。除左右翼前鋒營八旗新營房等三處。額領斤數無多。毋庸加撥外。其餘圓明園八旗官兵處。健銳營內火器營外火器營。八旗漢軍槍營。八旗漢軍礮營。內務府新陳槍營等七處。著照所議。如數分別加撥火藥。各該處自行籌備乾潔地方。嚴密分貯。俟屆十年後。照例出陳易新。作為演放火藥抵用。屆時覈計數目。分別辦理。此次應撥火藥。著各旗營等處迅即備文支領。○又諭。嗣後火藥局八旗漢軍該班弁兵。著派八旗漢軍都統副都統二員隨時稽查。由值年旗奏請簡派。兩年更換。○諭軍機大臣等。奕經等奏查探逆夷

情形。逆夷詭詐百出。船隻分駛南北。又有久據招寶山之意。定海鎮海兩處。船隻增減靡常。又將連次被陷兵勇陸續送回。既以通商為詞。不待覆信。急急起碇駛去。種種詭秘。莫測端倪。著奕經等照舊督飭文武員弁認真防堵。勿稍疏懈。致墮奸計。伊里布現已授職著奕經耆英等體察現在情形。或令在杭州省城。或令在嘉興一帶。駐劄彈壓。務即相機妥辦。前有旨令特依順仍在浙江省城協同堵禦。暫緩前赴乍浦。此時諒已接奉諭旨。折回省城。所有乍浦陣亡官員兵弁。著即查明奏請交部覈辦。以慰忠魂。將此由六百里諭令知之。○又諭。牛鑑奏江蘇洋面靜謐。現仍遵旨嚴防等語。據該督體察情形。逆夷不犯內河。確有把握。蘇省海防。止須扼定吳淞一口。所慮內地居民遽事遷移。土匪乘機搶掠。別生事端。此時要務。惟以安輯人心。嚴查奸宄為主。蘇州省城兵力較單。前經調撥湖北

精兵。交劉允孝管帶赴蘇。以資防禦。俟到蘇後。該督即會同派撥。以壯聲威。儻逆船遠駛。無蹤。本省兵丁足敷防守。著即照所議。將湖北兵丁截回。以節勞費。惟是逆夷反覆無常。斷不可稍存大意。該督仍當會同提督陳化成。巡撫程喬采等。外嚴防禦。內示撫綏。以期眾志成城。俾閭閻悉臻安堵。是為至要。將此由六百里諭令知之。○又諭本日據麟慶奏查勘海口。晝夜巡防等語。黃河灌河射陽湖。

海口三處均關緊要。現在重運漕船連檣北上。難保逆夷不心存窺伺。更恐內地奸民潛相勾結。不可不加意嚴防。著麟慶於漕船經行各處嚴密稽查。並著督飭弁兵晝夜瞭探。巡防固不可稍疏。而遇有形跡可疑之漢奸。尤當盤詰嚴拏。認真究辦。其河營各兵丁務須勤加訓練。以壯聲威。而資彈壓。將此諭令知之。○賞七品頂帶已革協辦大學士兩江總督伊里布。四品頂帶署乍浦副都統。○太

子太師大學士王鼎卒。晉贈太保。命成郡王載銳帶領侍衛十員。往奠茶酒。賞銀一千五百兩治喪。予祭葬。謚文恪。入祀賢良祠。命其孫瓊瑤。均俟及歲時由吏部帶領引見。○旌表守正捐軀山東寧海州民薛汶明妻姜氏。○庚戌。以鴻臚寺少卿駱秉章為奉天府府丞。兼提督學政。○禮部議准。山東巡撫托渾布疏報。採訪單縣貞節婦女萬張氏等一百五十五口。請建總坊旌表。從之。○旌表守

正捐軀安徽鳳臺縣民盛萬年女了姐。山東歷城縣民黃庭女茫姐。○辛亥。

孝誠仁皇后忌辰。遣官祭

景陵。○諭內閣。本日據吏部題請將碾造火藥防範不嚴之筆帖式盧銘璋降一級留任。並查級抵銷等語。火藥局碾造火藥。必應嚴密慎重。該筆帖式係是日值宿之員。並不小心防範。以致餘藥烘然。非尋常疏忽可比。本應加重斥革。以示懲儆。姑念此次火藥烘然。僅



止薰灼礮盤木架。並未傷人。且由礮石擊觸所致。尚無別項情形。盧銘璋著改為降二級留任。不准抵銷。嗣後管理火藥局堂官。務當嚴飭所屬加意防範。毋得再有疏虞。○又諭奕山等奏。查明前任提督關天培陣亡時兵丁散走情形。設兵所以衛民。必期有勇知方。近日海疆防守官兵。奮勇殺賊者固不乏人。至於臨陣退避。見賊先逃。以致主帥陣亡。汎地失守。此種失律士卒。不難悉數駢誅。因念罪有首從。不忍概予誅夷。特命將軍督撫等將首先潰散之犯。嚴查懲辦。該將軍督撫等身膺重寄。具有天良。自應將實在情形迅速覆奏。候朕酌量情節。法所難宥者。立正刑章。情有可原者。量從末減。庶於嚴申紀律之中。仍寓欽恤慎刑之意。乃本日奕山等奏。關天培在靖遠礮臺陣亡。兵眾同時逃走。並無確切證據等語。郭標等五名。既據何居桐指出。即應親提研訊。方可得有實據。乃直至該把

總畏罪自盡。始行親提。以至恃無質證。率即擬結。僅請將郭標等五名革伍責懲。殊屬輕縱。所有逃散之兵丁郭標。歐振彪。唐成恩。吳就榮。蘇勝亮。均著發往新疆充當苦差。以示懲儆。又另片奏。拏獲漢奸溫東幅一名。究出被脅入夥。赴官投首之從犯蘇亞馨等三名。將溫東幅正法。蘇亞馨等擬軍等語。廣東漢奸。在在皆有。該省年餘來僅獲一溫東幅。而被脅入夥之蘇亞馨等三犯。又稱赴官投首。

可見平日並不認真查拏。不過以此塞責。奕山身任統帥。祁墳。梁寶常。俱係封疆大吏。乃陳奏事件。如是不誠不實。跡近欺詐。辦理亦屬錯謬。奕山。祁墳。梁寶常。均著交部嚴加議處。○又諭奕山奏。請將隨帶司員分別撤留等語。穆騰額著即回京供職。李湘榮。慶福著分別赴選赴任。其福奎。董作模二員。著准其仍留軍營。○諭軍機大臣等。本日奕山等馳奏。軍營官兵壯勇。分別撤減。並現籌防守情

形一摺。前因暎逆在粵滋事。調集各省官兵。並團練各路壯勇。俾資勦辦。此時防守之兵。本省既足資調遣。本日據奏分別撤減。仍留廣西兵一千八百名備防。所招壯勇亦仍留二萬一千餘名未經遣散。似此虛糜帑餉。何所底止。前奏每月需銀十三萬九千二百餘兩。曾諭令力加撙節。此次摺內仍未將應減分數覈實計算。國家經費有常。豈容如此含混。著奕山祁墳梁寶常仍遵前旨。力籌撙節。其所需經費。每月總不准過十萬兩之數。該將軍等務當激發天良。認真覈辦。至所奏逆夷現在情形。稱有續到兵船四隻。火輪船三隻。究竟此項船隻。是否由閩浙折回。抑係由該國續到。並未據確切查奏。著該將軍等查明由驛馳報。再軍犯二百四十餘名。既據該將軍等留營效力。自未便遽議解散。著即責成管帶之員認真稽查。嚴行約束。毋令別滋事端。是為至要。將此由四百里諭令知之。○

以頭等男陳良桂。三次報病。未經考驗。勒令休致。○壬子。

上詣綺春園問

皇太后安。○江蘇巡撫程喬采奏省城民情靜謐。現於吳江震澤一帶。擇要防守。得旨小心防堵。無漢奸暎逆不敢輕入。是以嚴拏漢奸為第一要著。懍之勉之。○英吉沙爾領隊大臣塔們布因病解任。賞前鋒參領齋清額副都統銜。為英吉沙爾領隊大臣。○命左春坊

左贊善何桂清。在南書房行走。○癸丑。諭軍機大臣等。本日據都察院衙門奏。葉爾羌參贊大臣圖明額。幫辦大臣富興阿。咨送喀喇沙爾年滿筆帖式珠爾罕安遞呈文一案。已降旨令惠吉。壁昌。親提審訊矣。案關屬員。訐告上司。放缺徇私。並牽及同官鑽營漁利。虛實均應嚴究。壁昌前派烏嚕木齊審案。現在是否業已完竣。啓程。所有此案應於何處提訊。著該都統等即行會商酌量地方。前往審

鞫如該筆帖式所控皆虛。自應治以應得之罪。若該大臣圖明額等果有徇私及額勒春實有結交鑽營情事。亦不准稍存袒護。以儆官邪。而成信讞。將此諭令知之。○又諭。前據牛鑑奏。江蘇防堵止須扼定吳淞一口。逆夷不犯內河。確有把握。當即諭知該督等外嚴防禦。內示撫綏。期於眾志成城。閭閻安堵。計此時當已接奉。本日據劉韻珂馳奏。乍浦口外小羊山洋面。泊夷船二十二隻。大樹下洋面。泊夷船六隻。定海縣道頭地方。泊夷船十三隻。鎮海縣招寶山下。泊夷船兩隻。滬港洋面。泊有夷船一隻。小羊山係江浙交界。可以直至上海。亦可轉至尖山海口。逆船聚泊於此。情殊叵測。且又製造三板船三十隻。竹排一百餘架。恐有四出滋擾之意。等語。江蘇海口。自以吳淞口為扼要處所。該督前奏水陸內侵。均可無虞。自係實在情形。惟逆夷詭詐多端。現又製造三板。添設竹排。安知不於福

山。狼山。及揚子江一帶。虛作攻犯聲勢。冀圖牽制。俟該督聞警前往該處。彼轉以大幫船隻突攻寶山。上海等處。使我兵彼此不能兼顧。致墮該逆聲東擊西之計。該督惟當專駐上海。督辦攻剿一切。至福山。狼山。及揚子江一帶。備防亦須加嚴。該督祇須酌派得力員弁。將水師戰船。並招募沙船水輪等船。管帶駛駕。如遇夷船駛入內河。或用火攻。或設法夾擊。總應先事豫籌。不可稍存大意。是為至要。將此由六百里諭知牛鑑。陳化成。程喬采知之。○直隸總督訥爾經額奏。天津海稅短徵正額銀九百六十八兩零。責令該道陸建瀛賠足。短徵盈餘銀一萬四千兩。請俟道光二十年賠項交清後。續分三年解交。下部議。尋議。二十年欠解銀扣至二十三年始行限滿。若將二十一年應賠盈餘。俟上屆扣完後。再行續扣。有需時日。應請扣至二十四年三年期滿。按年賠解。從之。○浙江巡撫劉韻珂

奏據石浦同知舒恭受稟稱。慈谿之戰。逆夷死者二百餘人。傷斃頭目。係偽提督郭恩。其屍棺上船。自城外至江邊。各逆用洋布貼地行走。該逆深以為諱。又民人王東河供稱。逆夷在寧波。被擊斃者二十餘人。聞頭目郭士力受傷病死。偽官俱穿孝服。又餘姚縣知縣林朝聘等稟稱。該逆在慈谿傷斃約二百名。其傷斃頭目。無從查探。至用洋布貼地行走。夷人換季風俗如此。非由掛孝。又據投誠漢奸周淦供稱。慈谿之戰。夷兵死傷二百餘人。夷官止四員。其職不過如中國千把之類。逆酋郭姓。巴姓。未死。各夷身穿白衣。乃陸兵號褂。並非掛孝。該逆詭譎多端。難測其實。查探不能一律報聞。○調西安左翼副都統齊琅阿為正紅旗蒙古副都統。正紅旗蒙古副都統西興阿為西安左翼副都統。○甲寅。浙江巡撫劉韻珂奏。乍浦失守後。現在嘉興府設立糧臺。並收養被難旗民。資送各縣安插。報

聞。○以故大學士王鼎靈柩入城治喪。命都察院左副都御史何汝霖前往奠醊。○乙卯。諭軍機大臣等。有人奏風聞湖北武昌。漢陽。荊州。黃州。安陸等府。自去年九月以來。有悍猾之徒。連結饑民。少則百餘人。多則數百人。甚至千餘人不等。均因歲荒之故。以乞食為名。沿途強索。閭閻大受其害。以致劫案時聞。而地方官為規避處分起見。姑為隱飾。置之不問等語。湖北省頻年被水。饑民載道。地方官不加意撫綏。致為民累。該省崇陽逆匪甫經勘定。此等無業遊民。結黨成羣。尤慮滋生事端。不可不豫籌安輯。著裕泰。趙炳言。飭屬查明酌量情形。妥為辦理。以靖地方。至於不肖州縣。規避處分。隱匿劫案。以致民不聊生。情節尤為可惡。如果實有其事。著即嚴叅懲辦。毋稍徇隱。將此諭令知之。尋奏。沔陽。監利等州縣。多有搶劫拒捕之案。已將地方官奏叅。勒限嚴緝。貧苦饑民。妥為安輯。如再有匪

徒勾結索槍。立即查拏嚴辦。得旨。務要言出法隨。認真查辦。儻有另滋事端。則責有攸歸也。懍之。○又諭。奕經等遵旨覆奏一摺。所查乍浦接仗情形。並逆夷大小船隻。竄赴江蘇洋面。覽奏均悉。本日據牛鑑馳奏該省洋面。現有夷船往來窺伺。已降旨飭令牛鑑在各海口要隘分兵防堵矣。奕經等現恐逆夷竄入。已於各口岸添兵守禦。其省城尖山平湖等處。尤當互為聲援。切勿顧此失彼。至該逆將船隻分駛江蘇洋面。儻有警報。著奕經等或派大員帶兵前往接應。或因逆船多赴江蘇。則浙省船隻必少。趁此時攻襲鎮海。或遣派兵勇潛赴定海焚燒逆船。庶使該逆多所牽制。首尾不能相顧。其應如何辦理。方可得手之處。總在該將軍等熟籌現在情形。相機決勝。朕亦礙難懸揣遙制也。至逆夷全恃漢奸為引導。不除漢奸。無以克敵。據稱乍浦接仗時。有現充鄉勇之福建同安縣人勾引逆

夷扒城放火。此等悖逆兇頑。殊堪髮指。斷難稍從寬宥。現既攜眷寄居乍浦。何難按名弋獲。著奕經等迅即查明。以軍法從事。該將軍參贊惟當激勵將士。敵愾同心。如果殄滅醜類。迅奏膚功。必當特沛殊恩。立加懋賞。所有前此辦理未善之處。概不深究也。勉之望之。將此由六百里加緊諭令知之。○又諭。牛鑑奏江蘇省城靜謐。內河防守嚴密一摺。又另片奏黃家灣有夷船往北駛行等語。覽奏均悉。該逆舍浙江而入江蘇境界。顯有窺伺滋擾之意。內河以王江涇平望鎮兩處最為扼要。現有揚州營官兵在彼防禦。湖北山西兵丁陸續可到。足資調撥。據稱小羊山後面探有停泊夷船。又黃家灣外塘二十里之遙。亦有船往北駛行。其為窺伺吳淞口岸。已可概見。現在該督親往督兵。著先申明紀律。加意防守。如將弁兵丁有臨陣退縮者。即以軍法從事。至逆夷全恃漢奸為接應。尤當嚴加防

範勿稍大意。該逆三板船隻較大船更為便捷。每當槍礮轟發。煙火迷離之際。輒趁勢攏撲。使我兵倉卒不能辨別。及至近岸。已有措手不及之勢。著該督剴切曉諭將弁兵丁。總俟夷船駛近。度量礮力可及。然後奮加轟擊。斷不可一見帆影。紛紛開放槍礮。致墮奸計。崇明地方孤懸海外。為內地脣輔。亦應派兵協守。以固疆圉。江蘇省前調各省官兵及本省兵勇共有若干名。是否足資派撥。此次所

調湖北山西官兵未到。僅有警報。著該督仍遵前旨。酌將本省鄰省官兵一面飛調。一面奏聞。不可稍有遲緩。至江浙連界之內河。固須調兵防守。而海口扼要處所。尤宜厚集兵力。如崇明。吳淞。上海等處。兵力尚單。著即於調到湖北山西兵內酌調。以資防剿。不可顧此失彼。致誤事機。將此由六百里加緊諭令知之。○揚威將軍奕經等奏。乍浦失事。自請從重治罪。得旨。總因朕未能先示機宜。即將

汝等治以重罪。又於事何益。爾將軍參贊等務當體朕憂苦之懷。同心合力。盡謀盡勇。速殄逆倭。以靖海疆。朕必論功行賞。不究其他。速加慎勉。以副朕之深望也。○兩江總督牛鑑奏。兩淮商力疲乏。請免加鹽價。以重奏銷。准北驗贖派號章程。流弊日增。於票鹽有礙。請永行停止。下部議從之。○丙辰。上御勤政殿聽政。○諭內閣。孟保等奏。達賴喇嘛等懇請呈進貢物一摺。據稱達賴喇嘛祇領金冊。及噶勒丹錫呼圖薩瑪第巴克什。例應另備謝恩貢物。又班禪額爾德尼。因六十賞壽謝恩。謹備貢物。一併據情代奏等語。達賴喇嘛等誠悃可嘉。均著准其呈進。並著毋庸多備。以示體恤。所有貢物。著交章嘉呼圖克圖帶京呈遞。○諭軍機大臣等。程禹來奏。河南官兵全數赴浙。現在籌辦防堵情形。並查明夷船在江蘇外洋遊奕。各一摺。又另片奏嚴密巡查奸徒等語。覽奏均悉。河南官兵



已全數飭令赴浙。所有平望王江涇兩處。為江浙交界之地。最關緊要。現祇有揚州營官兵三百名駐彼。是否足資防禦。著與牛鑑會商妥辦。至湖北山西兩處官兵。陸續可到。應如何分撥駐劄。亦應豫為籌畫。臨時方可得力。該逆船隻現在外洋遊奕。窺伺吳淞海口。牛鑑已帶兵前往防剿。惟逆夷內犯。全恃漢奸為引導。上海距蘇州府城稍遠。其餘各海口港汊紛歧。在在均關緊要。該督恐難兼顧。

著程喬采於省城人煙輻輳之地。認真嚴密稽查。不使奸匪溷跡。至向來販賣洋貨之人。尤易與夷奸熟識。更當留心查察。以防臨時作為內應。其餘各海口。亦應派委妥員。一律加意防範。勿墮逆夷聲東擊西奸計。所有乍浦逃散鄉勇。並著留心飭屬彈壓偵察。毋使藉端滋擾。以杜奸究。而靖閭閻。將此由五百里諭令知之。○江蘇巡撫程喬采奏。現委各糧道稽查水手。分日分船點卯。審辦口音。如

有行蹤詭秘者。即行送究。得旨。行蹤詭秘之徒。固當嚴究。即使無可疑者。又誰能保其清白。總之不准託故沿途存住。或可消除隱患。勉之勉之。○以翰林院侍講學士舒興阿。為詹事府詹事。降調協辦大學士吏部尚書湯金釗。為光祿寺卿。○以故廣西太平府屬佶倫土知州馮鑣子名器襲職。○丁巳。

上詣綺春園問

皇太后安。○諭軍機大臣等。托渾布奏。勘明膠

州等處海口。折回登州。督辦防堵事宜一摺。據稱萊青海口。有長沙橫互外洋。足為保障。夷船不入登州府屬洋面。輾轉駛進。不能徑達萊青海口。該處防守。較易於登郡等語。該撫既周歷履勘。詳察情形。著仍督飭文武員弁加意防堵。勿稍疏懈。至登州為海口扼要之處。該撫駐劄防禦。現已團練鄉勇。並於近莊環築土堡。其商船會集金家口等處馬頭。復分撥兵勇。嚴密防守。遇有南船入境。非取

本地殷實行戶認識保結。不准駛入口岸。所辦固屬周妥。惟該逆內犯。全恃漢奸為引導。而漢奸之助惡。不必豫為雇倩。即尋常洋行貿易之人。素與熟識。臨時皆可作為內應。即如乍浦地方。向有福建同安人在彼寄居。該將軍等曾募充鄉勇數百名。乃一經逆夷攻犯乍浦。該匪徒等竟敢勾引夷匪扒城放火。以致兵眾驚潰。實堪痛恨。因思逆夷近逼之際。未必與各匪徒早有糾約。總因平時與之貿易。臨時心自外向。無非希冀得彼財物。故肯代為出力。此等情形。不可不豫為防範。著托渾布派委妥員。於各海口留心偵察。不但形跡可疑者應加究詰。即尋常販賣洋貨之人。其有來自閩粵。或非土著者。均應加倍查察。設法防維。勿墮內外交通奸計。是為至要。將此諭令知之。○以怡親王載垣為閱兵大臣。○以右春坊右中允蕭良城署日講起居注官。○正藍旗漢軍副都統福璘緣事休致。

以頭等侍衛珠勒亨為正藍旗漢軍副都統。○新授光祿寺卿湯金釗以老病乞休。賞二品頂帶休致。○以故貴州永寧州屬盤江從九品土官李鎮衡子元勳襲職。○旌表守正捐軀山東黃縣民石明春妻焦氏。○戊午諭內閣。前因奕山等覆奏關天培陣亡時兵丁走散情形。跡近欺詐。辦理錯謬。當降旨交部嚴議。茲據該部議以革職。實屬咎所應得。奕山著革去御前大臣。領侍衛內大臣。都察院左都御史。從寬仍留正紅旗漢軍都統。與祁墳。梁寶常均著改為革職留任。以觀後效。○湖北巡撫趙炳言奏查閱本標官兵情形。得旨由近及遠。兩營兵弁。雖不常在面前。應差者亦當輪流訓練。務成勁旅。勉之。○以鑲黃旗漢軍副都統蘇隆阿署正白旗蒙古副都統。○予傷亡乍浦副都統長喜祭葬卹廕。○己未。

上詣



大高殿行禮。○還宮。○諭軍機大臣等。本日據奕經等奏。查探夷蹤。意圖北竄。一摺。據奏福建鈔錄偽示。有戰船三十餘隻。小船一百餘隻。由廈門寄碇。協同前往天津之語。已有旨諭知訥爾經額。確探嚴防矣。逆夷狡獪披猖。甚堪痛恨。浙江洋面夷船。現已減少。僅乘機攻復鎮海定海。俾逆夷多所牽制。首尾不能相顧。當可得手。至聲東擊西。逆夷慣技。或故作北駛之謠。添船來浙。亦未可定。著該將軍等嚴密備防。無少疏懈。仍著確探逆蹤。迅速具奏。該逆現在江蘇遊奕滋擾。已據牛鑑調取壽春鎮總兵尤渤帶兵一千名應援。諒已飭令赴蘇。本日又有旨將調赴江蘇之山西官兵一千名。截留赴津協防。計江蘇兵力恐尚不敷。已諭知牛鑑。如果江省需兵。即札致奕經。就近由浙撥赴差遣。該將軍接到江蘇札調信件。飛速派兵應援。毋稍遲誤。將此由六百里加緊諭令知之。○又諭牛鑑奏吳淞

海口逆船相待。現在防堵情形一摺。據奏五月初一日。逆夷三桅船一隻。火輪船二隻。停泊吳淞口外。開放大礮。該督現飭備戰各船一百餘隻。橫排口內江面。以防奸細竄入。並出示諭止各商船。俟逆船退後。再行進口。該逆船與強脅之商船二十餘隻。停泊口外。相持五日。不見動靜。其停泊羊山蕺山之十一隻。並黃家灣以東之三隻。亦未駛來等語。逆船停泊洋面。數日內開礮一百數十餘出。我軍並未施放一槍一礮。靜以待動。不至為其所誘。辦理甚合機宜。提督陳化成等設伏安礮。將士用命。民情固結。自無難收戰勝守堅之效。惟該逆夷詭詐多端。難保不因此處防守甚嚴。或分駛兵船。前赴崇明一帶海口。乘虛占據。意圖牽制。旋復窺伺吳淞。不可不慮。處防範圍周密。使彼無虛可擊。又另片奏。飛調壽春鎮總兵尤渤帶兵一千名。馳至上海應援等情。所見甚是。即照議辦理。又本日據奕

經等奏查探夷蹤。風聞閩粵夷船意圖北竄等語。該逆聲東擊西。伎倆最為狡獪。各省海口。必應節節嚴防。所有前調赴蘇之山西大同等鎮官兵。現已諭令沿途截留。赴天津聽候調遣。如頭起已行抵江南境界。該督即飭令管帶員弁飛速折回赴津。此時蘇省防堵亦關緊要。如兵力尚單。不敷抵禦。著一面奏聞。一面即飛咨奕經。將浙省調到各路防兵內。擇其距江蘇較近者。速行飭往應援。毋稍遲誤。本日已有旨諭知奕經等妥為豫備矣。將此由六百里加緊諭知牛鑑。並陳化成知之。○又諭。本日據牛鑑奏。吳淞海口逆船相持。並防堵情形。又奕經奏查探夷蹤。意圖北竄各一摺。逆夷狡獪異常。所稱前往天津。難保非聲東擊西之計。惟既稱有大幫逆船協同來津之語。必應嚴密防範。不可稍存大意。現已將調赴江蘇之山西官兵一千名。飭令沿途截留。迅赴津門。著訥爾經額飭屬確切

哨探。一有夷船蹤跡。飛速奏聞。並著禧恩。托渾布。督飭員弁。先事籌防。毋稍大意。牛鑑奕經摺片。均著鈔給閱看。將此各諭令知之。○又諭。本日奕經等奏。風聞閩浙夷船意圖會同北竄一摺。據奏有人自福建寄來鈔錄偽示一紙。內稱戰船三十餘隻。淺水港小船一百二十隻。欲往廈門寄碇。於四月間協同廈門船隻。前往天津等語。逆夷詭詐異常。難保無故作北駛之謠。為聲東擊西之計。或欲再犯廈門。或就近駛向臺灣。欲圖報復。均未可定。著怡良。劉鴻翱。確切查探。果否有夷船多隻在廈門寄碇。並有無來津確信。現在夷船在閩者。共有幾隻。由六百里加緊迅速具奏。並著督飭員弁。加意嚴防。毋得稍存大意。將此由六百里加緊諭令知之。○又諭。前有旨令喬用遷將所挑山西精兵一千名。選派將弁管帶。迅赴江蘇防堵。已據該署撫奏明。於四月二十九。五月初二等日。分起行走。取道

河南。前赴蘇州省城。現在天津防堵。尤為緊要。著喬用遷。鄂順安。飛飭沿途地方。將調赴江蘇之山西兵一千名。無論行抵何處。即行折回。飭令帶兵將弁迅速馳赴天津。交訥爾經額調遣。毋得稍有遲誤。將此由六百里加緊諭令知之。○又諭。前有旨。諭令鐵麟。敬敷豫備。察哈爾蒙古精兵二千名。聽候調撥。並令將管帶各員酌量選派。及應用馬匹器械衣糧。逐一備齊。應用。該都統等當已妥密豫籌矣。逆夷儻敢乘風北駛。天津海口。尤應先事豫防。所有豫備之兵。著該都統等即令分起管帶。先行駐劄口上遊牧。聽候諭旨。其應用馬匹器械衣糧等項。務須揀擇臚壯。挑選精利。悉遵前旨。豫備齊集。不論何時。一經奉到諭旨。即日啓程。毋許稍有遲誤。將此由六百里加緊諭令知之。○命山西太原鎮總兵官善祿。暫留天津協同防堵。○調理藩院尚書恩桂。為禮部尚書。仍兼署吏部尚書。以理

藩院左侍郎吉倫泰為尚書。署盛京將軍禧恩。為理藩院左侍郎。仍署盛京將軍。○實授奎照都察院左都御史。兼鑲紅旗漢軍都統。○轉刑部右侍郎王植為左侍郎。仍兼署吏部右侍郎。調兵部右侍郎魏元烺為刑部右侍郎。以都察院左副都御史何汝霖為兵部右侍郎。○予故禮部尚書色克精額祭葬。○以夏至祭

地於

方澤。自是日始。齋戒三日。○庚申。諭內閣。前經降旨。稽查京城火藥局。由值年旗將八旗漢軍都統副都統開單具奏。本日已派出恩桂。玉明。專司稽查。火藥局防範。必應嚴密。著恩桂等隨時前往。認真查察。儻該班弁兵等查有曠誤及頂替等弊。立即從嚴懲辦。毋得日久生懈。視為具文。○諭軍機大臣等。前據耆英等豫籌海防事宜。開單具奏。內稱夷匪赴各島取用淡水。應令無水可取。以制其命。食

物首重牛羊。應令居民早為收拾。海岸所生柴薪。勿資逆夷。取用等語。該逆如果北馳。非淡水無以為生。沿途必多方購取。著禧恩即照耆英前議章程。飭令地方官親赴各島。將瀑布流泉。或散其脈絡。或截令中斷。或使之伏流。勿使逆夷得汲取之便。島內井眼。應運石於旁。偵探逆夷來時。其常用之井。即將石塊填塞井眼。其居民不用之井。或臨時投以毒藥。俾令服之自斃。仍當暗為記認。俟逆夷去後。得以設法淘汰淨盡。所有附近海濱地方。禁止牧放成羣牛羊。以免該逆覬覦。海外島嶼居民有牛羊之家。仍當剴切曉諭。令其早為藏匿。勿使掠取其產柴薪海岸。酌令居民砍伐焚燒。並留為火攻之用。勿使該逆搬運上船。如此層層設法準備。該逆沿途無可肆掠。自形窘迫。禧恩務當飭令地方官先事豫籌。辦理周密。庶免臨時張皇。致有疏失。將此諭令知之。○又諭。昨經降旨將山西太原

鎮總兵善祿暫留天津。協同防堵。並飭調山西官兵一千名。迅赴天津。交該督調遣矣。此項官兵將次抵境時。即著善祿迎提管帶。以專責成。而資得力。將此諭令知之。○以正藍旗蒙古都統哈琅阿。兼正白旗領侍衛內大臣。○辛酉。遣官祭關帝廟。○諭軍機大臣等。牛鑑奏逆船連艘駛至海口。尚未開仗情形一摺。據奏逆船自南駛來。共有二十餘隻。在東礮臺洋面擱淺二隻。其西礮臺一處。海口深洪。去臺甚近。我兵貼伏塘內。伺其近岸。即用連環大礮轟擊。逆夷斷難躲閃。由西礮臺至寶山縣城東門。現已安礮屯兵。由東門至小沙背一帶。深洪去岸較遠。亦已層層設礮。節節埋伏等語。覽奏甚慰。逆船二十餘隻。駛入江省海口。經該督等審勢料敵。水陸交嚴。深得以靜制動之法。如此豫備嚴密。必能迅奏殊勳。朕拭目以待捷音之至也。惟防守雖已周密。臨事仍須

謹慎諒該督等必能同心協力計出萬全其東礮臺之黃家灣廟港等處深洪去岸雖遠儻該逆用小船冒死闖入亦屬可慮自當先事豫防該處兵丁一千數百名是否足資防勦著該督相機布置勿致顧此失彼為要至擱淺船隻現在作何下落著即查明馳奏將此由六百里諭知牛鑑並諭陳化成知之○又諭據劉韻珂奏逆船漸已自南而北天津海口亟宜豫為籌備一摺覽奏均悉逆夷船

隻先自寧波退赴乍浦旋自乍浦退赴江蘇行蹤漸已北馳居心實為叵測江蘇停泊逆船現據牛鑑奏報水陸交嚴相持數日該逆已有擱淺船隻防堵尚為得法其天津地方亦經朕諭知訥爾經額相機妥備矣浙江定海等處停泊逆船據奏占據未退近日實在情形若何各處夷船共有若干隻其浙省所傳該逆另有兵船在廈寄碇之語閩浙聲息相通著劉韻珂隨時確探據實馳奏至所奏

自乍浦失守後病勢日增等語該省軍務緊要該撫總當以國事為重若日加焦慮無益於事務須加意調攝以慰朕懷將此由六百里諭令知之○浙江巡撫劉韻珂奏請曉諭兵民該逆祇能在深水大洋出沒不能棄船冒險輕進則人心自定得旨覽卿奏誠悃可嘉朕自當相機妥備也○以故喀爾喀扎薩克圖汗扎薩克輔國公桑都布多爾濟子車登端多布多爾濟襲爵○壬戌夏至祭

地於

方澤

上親詣行禮○幸圓明園○詣綺春園問皇太后安○諭內閣牛鑑奏逆船闖入吳淞提督陣亡寶山失守一摺逆夷突集船隻攻犯寶山江南提督陳化成督率弁兵在塘堵禦相持七日之久開礮轟壞夷船三隻傷斃夷匪數十人該縣地本濱海該逆輒將巨礮安於大船桅上施放致將土塘轟裂捍蔽無資

該提督陣亡。該縣城旋亦失守。覽奏曷勝悼惜。陳化成久歷海洋。素昭忠勇。此次臨敵。亦極果敢。竟爾捐軀。允宜特沛殊恩。以慰忠藎。陳化成著交該部照提督例賜卹。仍加恩賞銀一千兩。即由江蘇軍需局給發。並著該原籍督撫查明該故員子孫幾人。據實具奏。併於殉難處所及該原籍各建專祠。該故員靈柩回籍時。併著各該地方官妥為照料。其陣亡將備兵丁。由該督一併查明具奏。○諭軍

機大臣等。牛鑑奏。逆船闖入吳淞。提督陣亡。寶山失守一摺。據奏初八日卯刻。驟聞塘岸礮響。知係開仗。該督親往督戰。遙見該逆將巨礮安於大桅之上。重疊施放。陳化成在塘對擊。轟壞夷船三隻。傷斃夷匪數十名。該逆仍疊放大礮。火箭不止。將教場房屋將臺打破。旋報提督陣亡。該督退至嘉定。收集潰兵。馳抵太倉。防堵劉河。以遏入省要道等語。覽奏憤懣填膺。寶山為上海屏蔽。現在失陷。該

逆已有進口之船。自應竭力防守。著牛鑑一面將各營潰兵收集。一面查探逆踪。飭令員弁等各就所守要口。嚴密防範。勿使該逆乘勢內犯。此次該督身冒矢石。親自督戰。因該處地濱海口。無可捍蔽。以致有此挫失。著暫緩治罪。該督惟當振刷精神。力圖補救。不可稍挫銳氣。以致再有疏虞。現已有旨飭令奕經酌派參贊一人帶兵赴蘇。並令耆英、伊里布、馳赴上海。會同該督相機籌辦。江南提督已諭令劉允孝兼程赴蘇署理矣。將此由六百里加緊諭令知之。○又諭。奕經等奏。查探夷船情形一摺。據奏浙洋招寶山仍泊夷船二隻。定海各港共泊船十五隻。前在羊山游奕之船。並未駛回定海。現在羊山洋面。未見有船等語。覽奏已悉。本日據牛鑑奏。寶山失守。提督陣亡一摺。覽奏憤恨之至。現在江蘇軍務緊要。著奕經酌派參贊大臣一人帶領弁兵。馳往江蘇。會同牛鑑竭力防守。據奏乍



浦滿洲營駐防官兵。半在省城。半在嘉興。現已有旨令耆英與伊里布馳赴江蘇辦理夷務。乍浦副都統著特依順派員暫署。再據德珠布奏江寧旗兵八百名請飭撤回江省著奕經即將此項旗兵撤回駐防其浙江防守事宜仍著會同特依順劉韻珂妥商辦理毋致再有疏虞。是為至要。將此由六百里加緊諭知奕經。文蔚齊慎並諭令特依順劉韻珂知之。○又諭前有旨諭知耆英令其暫緩赴

粵。俟乍浦嘉興一帶布置妥協折回杭州省城。當已遵旨回浙。本日據牛鑑奏寶山失守提督陣亡一摺。覽奏憤恨之至。現在上海崇明一帶勢甚危急。著耆英接奉此旨迅即攜帶欽差大臣關防與伊里布馳往江蘇會同牛鑑酌量情形妥為商辦。乍浦副都統已諭知特依順令其派員暫署矣。將此由六百里加緊諭知耆英並伊里布知之。○又諭前據劉允孝奏報遵旨挑選精兵派員管帶赴蘇

該提督亦於四月二十八日先行起程等語。本日據牛鑑奏逆夷闖入吳淞提督業已陣亡寶山旋亦失守。該省防堵事宜現在十分喫緊。劉允孝接奉諭旨著即兼程星夜馳抵該省海口署理江南提督會同牛鑑相機堵剿毋稍遲滯。將此由六百里加緊諭令知之。○又諭著經額布於吉林挑選精兵一千名棍楚克策楞於黑龍江挑選精兵一千名豫備天津一帶防剿之用。先期分派得力之員

妥為管帶候旨調遣。所有馬匹器械等件均著揀擇臚壯精利務期適用。一俟奉到諭旨即日起程不准片刻遲誤。將此由六百里加緊諭令知之。○又諭德珠布等奏江南省城衝要宜加慎重一摺。據稱江南省會水陸要隘甚多。現在省城滿洲兵不敷防守。請將浙省暫留旗兵八百名撤回防堵等語。已諭知奕經即將調往浙江旗兵撤回江南矣。至京口地方尤關緊要。請將青州兵四百名移入

京口城內駐劄。亦著照所議辦理。該將軍等仍當實心訓練。毋稍疏懈。以振軍威而資捍衛。將此諭令知之。○癸亥。諭軍機大臣等。前因定海疊次燒燬夷船。降旨令奕經等將在事出力人員。查明具奏。原因該弁兵等打仗出力。實能奮勇立功。是以令其分別保奏。該將軍等自應將其如何出力之處。或係擒斬夷匪。或係焚燒逆船。或係密參謀議。詳細查明。茲據奕經等開單奏請鼓勵。朕詳加披覽。

人數既多。而內中保奏之員。是否皆定海出力之員。亦未聲敘明晰。礙難一體施恩。著該將軍等再行詳查。該員弁等究因何事出力。逐一聲明具奏。再降諭旨。將此由報便諭令知之。○又諭。奕山等奏廣東逆夷來往各船隻。並香港情形一摺。據稱查探逆船蹤跡。有僅在粵洋遊奕者。有駛往閩浙者。有去而復返者。現在香港對面尖沙嘴地方。有該國新到及自浙駛回之三桅兵船巡船。較往時加

多。該逆火輪船直到黃浦窺伺。尤為巨測。又該逆夷在尖沙嘴修建營房礮臺。均有夷目帶領夷兵駐守。更有漢奸修造草棚鋪房。交通買賣等語。覽奏均悉。逆夷蹤跡靡常。情形詭詐。著該將軍等隨時偵探。即行具奏。仍嚴密防堵。毋稍疏虞。至該逆國中究竟有無事故。仍著留心訪察。再行具奏。將此由四百里諭令知之。○又諭。昨據牛鑑奏。寶山失守情形。係因縣城濱海。雖後路層層埋伏兵勇。期

於接應。奈逆船疊放礮箭。我兵迫於地勢。力不能支。以致失事。推原其故。寶山之兵。但於沿海岸上開礮轟擊。該逆船在水中。或遠或近。既難得有準頭。且彼桅上之礮向岸施放。我兵站立不住。一經退後。彼即蜂擁而上。雖有槍礮。不及開放。此寶山不能得力之故也。天津地勢處處有攔江沙。逆船既不能靠岸。則桅上之礮亦無所施。我兵之後層。去岸較遠。又復層層有礮。俟彼登岸。或從後抄出轟



擊。或張兩翼橫截掩殺。逆夷不識路徑。可期  
勦殺淨盡。大獲勝仗。著訥爾經額相度形勢。  
先事密籌。其自潤河至山海關一帶沿海已  
安礮位。現在處處設有後路。若將前路之礮  
酌移後路。待逆夷登岸時。點放轟擊。當更得  
力。該督惟當激勸軍心。諭以以主逐客。以逸  
待勞之勢。庶眾志鎮定。不致臨時倉皇。萬不  
可因寶山失挫之事。妄為傳播。致懈士心。是  
為至要。至山東登州海口。離城遠近若何。前

平定全書卷三

三

後各路若何接應。務須計出萬全。不可復蹈  
江蘇覆轍。牛鑑原摺。著鈔給訥爾經額。托渾  
布。閱看。將此諭令知之。○又諭據怡良等奏。  
遵旨查明閩洋經過夷船。開單呈覽。據稱自  
上年八月以來。節據各鎮營稟報。夷船往來  
無定。其鼓浪嶼夷船。現有八隻。且時有火輪  
船來往等語。逆夷詭詐異常。現又陷我江蘇  
寶山。提督陣亡。該逆狡獪披猖。深堪痛恨。閩  
洋時有夷船經過。鼓浪嶼仍被占據。著怡良。

劉鴻翱嚴密防範。毋稍疏懈。嗣後夷船蹤跡  
如何。有無增減。隨時查明。迅速具奏。將此由  
四百里諭令知之。○又諭據程藩來奏。逆船  
二隻。駛入黃浦江內。蘇省防範加嚴一摺。逆  
夷侵犯寶山。縣城失守。現在逆船又已駛入  
黃浦。該處逼近上海。所有存貯上海縣城之  
軍火器械餉銀等項。著即趕緊移貯他處。省  
城為根本重地。寶山上海一水可通。更恐該  
逆裏脅商船。裝載夷奸。連檣駛入內河滋擾。

平定全書卷三

三

不可不加意嚴行堵禦。所調漕河徐州等標  
兵。著該督撫等酌量調撥。其奏調在浙之壽  
春鎮兵二千名。即照議飭赴蘇城。毋庸前往  
上海。餘均照所議嚴密妥辦。至省城居民務  
當剴切曉諭。各安本業。儻有土匪乘間搶掠  
貲財。即以軍法從事。毋稍姑息。至該逆船隻  
儻有北駛之信。一經探明。即飛速奏聞。是為  
至要。將此由六百里各諭令知之。○撥戶部  
銀一百萬兩。解往江蘇。以備軍需。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十二

實錄卷二百七十二

旱

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十三

[illegible]

救済

道光二十二年壬寅五月甲子諭軍機大臣

等。奕山等覆奏。御史蘇廷魁條奏夷務情形。一摺。覽奏均悉。粵洋夷船近日逐漸加增。所有近省各隘。必應嚴密防守。據奏上年冬月均已陸續修復。即著該將軍等嚴飭管理鎮道大員。督同員弁。相度地勢。勤加訓練。該將軍等仍輪流巡閱。毋使稍有懈玩。至虎門為全省屏蔽。該處礮臺。仍著乘機修復。又所稱喫逆國中現除啞啊喇外。復訪聞有恩田。與該逆奪地起釁。干戈未息。及該逆與喀布

爾並治拉拉拔打仗各情。是否傳播有因。仍著隨時探明具奏。其自四月二十日後。陸續新到逆船。是否仍泊粵洋。或已駛往閩浙。一經探明。即行奏聞。將此由四百里諭令知之。○又諭。寄諭直隸總督訥爾經額。前因天津海防緊要。諭令察哈爾都統豫備蒙古精兵馬匹。駐劄口上候調。茲據鐵麟等奏稱。業經挑選精兵二千名。商都牧羣馬二千匹。於博羅柴濟遊牧駐劄。所有由口起程至津沿途經過地方。應行豫備店房樓居。並載運器械車輛。及每站每馬應支七斤重空草一束。著密飭地方官先期妥為豫備。毋稍貽誤。將此諭令知之。○又諭。昨據僧格林沁面奏。已於哲哩木。卓索圖。昭烏達等三盟內自備蒙古精兵三千名。攜帶器械衣甲帳房等件。派員管帶。在於各該盟近口地方駐劄。聽候調遣。此項官兵將來調遣時。著禧恩妥為豫備。所需鉛丸火藥。即著於盛京就近給發。將此諭

令知之。○又諭。鐵麟等奏。遵旨挑選官兵一摺。察哈爾蒙古官兵馬匹。業據該都統等挑選。齊集於博羅柴濟遊牧。該處距張家口六十里。准其在彼駐劄。一經札調。毋許遲誤。所請援照成案。給發銀兩。准其照數動支。所有蒙古官兵二千名需用火藥鉛丸。已諭令該部照例辦理。所請經過地方豫備車輛草束之處。已諭令訥爾經額照例豫備矣。將此諭令知之。○奉天府府尹呈麟。因病解任。以內閣侍讀學士賡福為奉天府府尹。○以擊獲哈薩克賊匪。賞佐領花里雅遜。協領銜。先換頂翎。○乙丑。諭軍機大臣等。前經屢次降旨。諭令沿海各將軍督撫等。夷船駛入。不得與之海上爭鋒。致難得力。計惟誘之登陸。我兵分路橫擊。或從背後抄截。自可制其死命。逆夷兩次侵犯臺灣。達洪阿等遵奉前旨。誘令深入。然後勦擊。是以得手。本日據牛鑑奏寶山接仗情形。恨不全力拒守東溝等語。是沿

海堵禦不能決勝。後路拒守。實關緊要。已可概見。現據奕經等奏。夷船多隻駛過浙洋。並有北赴天津之謠。難保不乘風北駛。著訥爾經額、禧恩、哈琅阿、托渾布、相度地勢。先事豫籌。務將前路兵礮移置後層。待其舍舟登陸。厚集兵力。聚而殲旃。當可大獲勝仗。斷不可沿海迎戰。再蹈覆轍。是為至要。牛鑑原片著鈔給閱看。至大沽以東至山海關一帶。既難處處添增兵礮。設使該逆於海岸空闊處。所以小船裝載逆夷礮位。分路登岸。肆行滋擾。又將何以禦之。並著訥爾經額等先事備防。勿留罅隙。將此各諭令知之。○又諭牛鑑奏調遣防禦省城情形一摺。逆船已進吳淞。未抵上海。所有近省各隘。既據該督分派將備帶兵前往。務當實力堵截。毋稍疏虞。至崑山縣西為進省要路。該逆三板船既可駛入。尤應設法防範。該督擬將破壞糧船實以泥糞填塞河心。是否足以斷其來路。且逆船如果

駛進。兩岸皆須伏有精兵。槍礮夾擊。始可制其死命。不得因該逆大船不能深入。稍存大意。又片奏遊擊張蕙面稟此次接仗情形。可見洋面接仗。我兵槍礮即將逆船打中。亦屬無益。是以朕早諭及矣。而逆船轉能將巨礮安設大桅之上。居高擊我。其礮子能及若干里。此外三板火輪船。是否亦有桅上之礮。該遊擊既係目擊身經。著再行詳細面詢。馳奏至。崇明孤懸海中。現在逆船既在該處遊奕。著該督飭令署總兵林明瑞等協力堵禦。務須加倍小心。是為至要。松江提督已有旨令劉允孝署理。並飭令星馳赴蘇矣。將此由六百里諭知牛鑑。並程喬采知之。○又諭奕經等奏續撥官兵赴蘇。並近日夷船情形一摺。覽奏均悉。逆夷現在攻陷寶山。逼近上海。蘇州省城緊要。該督撫等咨調壽春鎮總兵尤渤所帶官兵二千名。著即飭由嘉興馳赴蘇州。以資捍衛。至江寧旗兵八百名。前已有旨

諭令撤回江寧駐防。所有嘉興一帶著該將軍等另撥官兵前往防守。現在定海衛頭及岑港歧頭各洋面既有分泊夷船十三隻。又報有火輪船三隻。大小夷船八隻。向東北外洋駛去。夷船二十一隻。在金塘洋面遊奕。該逆來往靡常。情形叵測。該將軍等務須嚴密防範。毋少疏虞。或乘此大幫船隻前赴蘇省之時。設法進剿。多方牽制。當可得手。仍著確探逆船蹤跡。隨時迅速具奏。將此由六百里

諭令奕經特依順。齊慎知之。○又諭。現聞山西平定州民人實計小子。年約二十歲內外。道光十七年。逃至直隸平山縣地方。覓得磨坊生理。現有應訊重情。著訥爾經額密飭該縣即將實計小子訪獲。一面具奏。一面解赴省城。妥為看管。毋稍疏虞。至該民人係無罪之人。母任官吏人等藉端凌虐。將此諭令知之。○以經徵銀米五載全完。賞浙江知縣倪玠。知州銜。儘先升用。○丙寅。命禮部尚書龔

守正。為正使。內閣學士王明。為副使。持節齎冊印。晉封。

琳嬪烏雅氏為

琳妃。冊文曰。朕惟升椒佐治。揚麻資四德之賢。衍趾推恩。備位重六宮之選。既寵膺夫晉秩。爰申錫以褒稱。爾琳嬪烏雅氏。賦質金昭。秉心玉粹。勤修嬪則。恩早沛夫龍章。恪守女箴。吉允符乎燕喜。侍慈顏於萱幄。久分愉翟之榮。懋蕃祉於蘭室。克

贊睢麟之化。茲仰奉

皇太后懿旨。冊封爾為琳妃。爾其祇承異命。膺象服以彌恭。協珥坤儀。迓鴻禧而篤慶。欽哉。○諭軍機大臣等。前因牛鑑奏寶山接仗情形。當經降旨。著訥爾經額等先事豫籌堵禦。並將自潤河至山海關一帶沿海前路之礮。酌移後路。該督於接奉後。如何籌備。以臻妥善。著即迅速具奏。茲發去籌議防勸機宜各條。並著訥爾經額體察情形。悉心覈辦。總期

布置周密。以操勝算。而遏逆氛。是為至要。將此諭令知之。○又諭據內閣侍讀學士王福綸奏。泰寧遠州知州陳瀛到任以來。每年在署三四箇月。其餘俱在省城常住。以派審為名。專辦摺稿事件等語。州縣為親民之官。豈容擅離職守。寧遠州濱海臨關。地方緊要。如果該州陳瀛久住省城。實屬有曠職守。著賡福抵任後。查明該員因何在省久住。據實具奏。該府尹甫經到任。無所用其回護。將此諭令知之。尋奏。陳瀛歷次進省。均係奉文飭調。委審要案。事竣即回。並未辦過摺稿。經理防堵事宜。尚屬得力。報聞。○旌表守正捐軀直隸定州民康狼兒妻安氏。江西新建縣民婦邱靳氏女邱氏。○貸河南武陟縣修培沁河民隄銀。○丁卯諭內閣。前因海疆經費浩繁。降旨令各督撫熟籌良法。茲據寶興奏。自該督以至知府。各有捐輸。藉伸報效等語。國家經費有常。當此制用孔亟之時。必應寬為儲

備。全在該督撫因地制宜。悉心籌畫。總期於經費有盈。而仍無拂於民情。即如紳士商民情殷報效。原不能阻其急公好義之忱。亦不可稍涉抑勒。若現任各官員一律捐資。殊非朕意。所有該督等自請捐輸之處。事不可行。著毋庸議。○諭軍機大臣等。牛鑑奏。上海失守。逆船駛抵松江城外。並查明吳淞接仗情形。一摺。覽奏均悉。該逆占據寶山。將本地強壯丁男。為之搬運物件。陸續留住。補充斃夷之數。殊堪痛恨。前在吳淞接仗時。擊壞大船二隻。是否即係擱淺之船。該逆於十一日從新開繞進上海北門。上海遽已失守。該處是否有將弁防禦。曾否交鋒。現在文武員弁作何下落。逆船由浦江駛入松江城外。官兵出城嚴陣以待。該逆開放大礮五六十聲。我兵回擊。逆船仍由原路駛回。既已接仗。何以並未擊壞該逆一船。其三板船丈尺約有若干。有無裝載大礮。據稱由上海新開至青浦。黃

渡橋四江口崑山之三江口均已節節設伏。所奏亦未明晰。仍著該督逐條查明。並將如何堵截之處。迅速詳晰具奏。至松江由泖湖而進。直達蘇郡。實為省垣要隘。著牛鑑督飭文武員弁。併力防堵。勿令逆夷竄入。其附近各處港汊。亦應協力分防。切勿顧此失彼。又另片奏松江防兵。未便撥往蘇州等語。昨已降旨諭令耆英。伊里布。前來協同籌辦。並諭令奕經於參贊大臣內酌調一員赴蘇統兵防禦。劉允孝所帶之兵。如尚未到。著即探明催提。務令及早抵蘇。該督惟當公同商酌。保守省垣。並相度機宜。力籌攻剿。是為至要。將此由六百里諭令知之。○又諭。據訥爾經額奏。遵旨籌備一摺。又另片奏查察天津地勢情形等語。朕詳加披閱。所議各條。尚屬周妥。其中有一二處尚須究論。以臻盡善者。著俟賽尚阿到後。與該督詳細籌畫。再行具奏。將此諭令知之。○命工部尚書賽尚阿。為欽差

大臣。馳往天津。會同直隸總督訥爾經額。辦理防堵事務。○浙江黃巖鎮總兵官何岳鍾。因病解任。以四川懋功協副將恆裕。為黃巖鎮總兵官。○戊辰。

上詣綺春園問

皇太后安。○諭內閣。昨據寶興奏。自該督以至知府。各有捐輸報效。當以事不可行。降旨毋庸議。因思前據賀長齡奏。貴州官員。自巡撫以至州縣。每年養廉。分別捐出二成一成。儲備經費。朕以分年捐出。且為數無多。業經允准。惟現在四川官員捐輸。既已未允。所請。所有貴州前請按年扣廉之處。亦著毋庸議。捐以昭畫一。而示體恤。○諭軍機大臣等。據奕經奏。防勦事宜五條。可備採擇。茲先鈔錄原奏。發交訥爾經額閱看。著俟賽尚阿到後。會同相度情形。酌量布置。以臻周密。現在直隸兵丁尚須添派。著該督於所屬各營挑選步隊兵丁一二千名。前赴天津。以資防堵。更為

周密現已調察哈爾官兵二千名赴津。又調吉林黑龍江兵一千名派往洋河口至黑沿子一帶擇要駐紮。以壯聲威。所謂山西官兵著於河南一帶迅速迎提。將此諭令知之。○又諭昨據牛鑑奏逆夷闖入上海縣城失守。已降旨諭令極力防堵要隘。本日據程蔭采奏逆船駛近上海縣城。署遊擊封耀祖守備王嘉謨等督兵守衛。力不能支。旋即失守等語。覽奏憤懣。該處兵弁究有若干。何以尚未交鋒。遽致失守。現在文武員弁作何下落。有無逃避情事。著查明具奏。其各郡縣餉銀文卷現已運赴松江府。自不如運至省垣。更為妥協。又牛鑑程蔭采奏請蘇州設立糧臺一摺。所有蘇州省城設立糧臺。即著派令孫善寶就近兼辦。仍會同藩臬兩司。稽察文案簿籍。勿令混淆。其分局轉輸。統歸糧臺綜覈。以昭慎重。前經降旨諭令著英。伊里布。馳赴江蘇。會同牛鑑等商辦一切。諒於接奉後遵照。

辦理。惟蘇州省城為根本重地。松江黃浦及青浦崑山等處。為入省要隘。處處均關緊要。著牛鑑等嚴督將弁。加意分段防禦。可剿則剿。當守則守。毋稍疏懈。以致再有疏虞。其調取湖北兵丁。著星速催提入境。以資協防。而壯聲勢。將此由六百里各諭令知之。○又諭現在逆夷猖獗。天津海口防禦尤關緊要。著喬用遷。鄂順安。將該省所存擡礮擡槍酌量挑選二三百桿。委員解赴天津。交訥爾經額收存備用。儻該二省所存擡礮擡槍無多。並著趕緊製造。陸續添補。其前調之山西兵一千名。經過河南。著鄂順安催令迅速前赴天津。毋得稍有遲誤。將此由六百里加緊諭令知之。○又諭所有駐劄高橋之黑龍江兵一千名。本日已降旨調往山海關矣。著禧恩於大凌河馬匹內再行挑選五百匹。速解往山海關。以備更換。將此由六百里加緊諭令知之。○又諭昨據鐵麟等奏豫備蒙古兵二千。



已駐劄口上遊牧。聽候調遣。著飭令迅速啓程。前赴天津。所有直隸牧青馬匹。著全數調回京師牧放。並著該都統等酌量於上駟院太僕寺牧羣內挑選二千匹。派員管解來京。牧放備用。將此由六百里加緊諭令知之。○又諭。現在駐關之吉林兵一千名。著哈琅阿留五百名在關防守。其餘五百名。著派往洋河口至黑沿子一帶駐劄。又前駐高橋之黑龍江兵一千名。著即飛調來關。留五百名。其餘五百名。亦著派往洋河口至黑沿子一帶駐劄。並著於巴雅爾倭克精額。烏凌額。德齡。阿富勒洪額。五人內公同商酌。三人管帶前往。擇要駐劄。以資防禦。將此由六百里加緊諭令知之。○又諭。前有旨諭經額布挑選吉林精兵一千名。棍楚克策楞挑選黑龍江精兵一千名。候旨調遣。該將軍等接奉後。定已妥為揀調。分派得力之員管帶矣。現在逆夷猖獗。有分隸北駛之謠。天津重地。不可不密

加防範。著經額布即將所挑吉林兵一千名。派員管帶。前往錦州高橋駐劄。棍楚克策楞所挑黑龍江兵一千名。派員管帶。前往盛京駐劄。以備調遣。所有該兵丁隨帶器械。務須精良適用為要。將此由六百里加緊諭令知之。○漕運總督朱樹奏。酌議稽查糧船水手章程四條。一。派員駐劄通州。會同該處衛千總專司稽查。一。浙江幫船。專派委員管押北上。並率同回南。一。更換水手。應令確有下落。仍隨船南下。一。附載之人下船後。由重空運官具文呈報。得旨。所議尚屬周妥。其糧船抵壩後。不准水手人等留住通州。該漕督現派把總一員前往通州。會同該處衛千總認真稽查。著即責成該衛千總等及地方官查明出結。詳報直隸總督順天府查覈。至本年浙江幫船。該漕督添派衛千總四員專押北上。隨時查點。抵通後押令水手短絳人等隨幫回南。不准一名留住通州天津等處。亦著責

令該衛千總等會同該地方官出結詳報直隸總督順天府以備稽考。該漕督卽札飭各糧道廳弁一體認真遵辦毋得視為具文。○命正白旗護軍統領巴清德鑲黃旗蒙古副都統那桑阿乾清門侍衛托精阿伊克精阿倭哩布長山隨同欽差大臣工部尚書賽尚阿馳赴天津防堵。○山東巡撫托渾布因病賞假以吏部左侍郎麟魁署山東巡撫。○撥戶部銀三十萬兩解赴直隸以備軍需。○緩

徵山東朝城章邱鄒平長山臨邑平原德歷城齊河德平禹城陵滋陽河澤濮鄆城鉅野聊城茌平冠陶恩臨清武城夏津邱軍二十七州縣並德州東昌二衛被風被旱莊屯新舊正雜額賦○免江蘇長淮衛幫船遭風漂沒米石。○己巳諭軍機大臣等德珠布與倫奏江寧京口重地加意謹防一摺據稱江南省會要隘殊多京口迫臨江岸為南北咽喉最要之區逆夷雖未入江甚為可虞等語

江南省城現有旗兵二千餘名京口駐兵一千五百餘名僅敷守禦所請調西安旗兵一千名程途遼遠恐緩不濟急即使調齊而以一千名兵丁分隘防守亦覺單弱無濟於事惟有就本地原設兵弁加意防堵或激勸本地土著民人同心防守或於江河扼要處所設法填塞阻其內犯之路現已諭知楊威將軍參贊大臣酌撥兵丁一二千名前來應援矣至漢奸為逆夷助虐尤為可恨該將軍副

都統等務當隨時留意偵察嚴行懲辦以絕奸萌將此由五百里各諭令知之○又諭據德珠布等奏江寧京口重地兵力較單恐逆船入江內犯等語著奕經等在統領各兵內挑選一二千名派員管帶速赴江蘇交牛鑑等酌派要隘以資防堵毋稍遲誤將此由五百里諭令知之○以貴州銀價未平暫停寶黔局額鑄卯錢從巡撫賀長齡請也○命八旗漢軍每旗挑選神機神樞礮共二百位交

欽差大臣工部尚書賽尚阿帶往天津備用。  
○以睿親王仁壽署鑲藍旗漢軍都統。正白旗漢軍副都統春佑兼署正白旗護軍統領。正紅旗漢軍副都統扎勒罕奉署管理火藥局事。武備院卿琰珠署總管內務府大臣。吏部右侍郎善燾署京營左翼總兵。○以翰林院侍講學士錫祉充日講起居注官。○予故喀爾喀車臣汗扎薩克貝勒索諾木多布沁祭一次。○庚午諭軍機大臣等。前因逆夷有

北赴天津之謠。有旨諭令禧恩托渾布相度地勢。豫籌防範。現當南風司令。難保該逆不乘風北駛。盛京山東海口。係逆船必由之路。即難保其不分路登岸滋擾。該逆船堅礮利。斷不可與之沿海迎戰。若徒恃沿海之礮擊退夷船。必無把握。該將軍等務當恪遵前旨。將前路兵礮移置後層。待其舍舟登陸。先以大小礮相機轟打。分路橫擊。或從背後抄截。庶可制其死命。著各先事豫籌。毋致臨時貽

誤。至盛京為根本重地。防範尤應加嚴。該處礮位本屬無多。若僅於海口安設。後路無繼。斷難得手。著禧恩妥為相度。於各口扼要處。所將礮位那移安置。層層設伏。厚集兵力。俟其離岸較遠。聚而殲旃。是為至要。昨有旨挑備吉林兵一千。往錦州駐劄。黑龍江兵一千。往盛京駐劄。原以備天津調遣之用。儻盛京兵力尚單。著該將軍酌量截留。俾資堵剿。再前據僧格林沁奏。自備三盟蒙古精兵三千

名。於近口地方駐劄候調。萬一吉林黑龍江之兵全赴天津。而盛京兵力不敷。即於此項兵丁內酌量截留。以為策應。著該將軍通盤籌畫。速行奏聞。揚威將軍防夷各條。及牛鑑片。均著鈔給禧恩。托渾布閱看。將此各諭令知之。○又諭。牛鑑奏。逆船再犯松江。復經官兵擊退一摺。據奏十四日寅刻。該夷又以火輪船二隻。二桅大船三隻。駛向東江。似欲上岸接仗。壽春鎮總兵尤渤整隊相持。逆船連

放大礮。我兵均伏在地。隨用擡礮火槍更番疊進。逆船始行怯退。駛去等情。覽奏已悉。惟泖湖已有夷船駛入。測量水勢。是現雖暫退。難保不別有詭謀。仍思一逞。該督惟當竭力防禦。不可稍存大意。所收潰散兵丁四千餘名。為數不少。尤當剴切激勸。俾人人思奮。志切同仇。毋得稍挫銳氣。至蘇州城外之寶帶橋。係入省要隘。該逆三板船可由泖澱諸湖駛入。必應重兵駐守。所派徐州揚州及漕河

各營之兵。尚嫌單弱。恐不足資抵禦。著該督即於收回各兵內酌撥前往。協同防堵。當更得力。另片奏。此次逆夷攻陷寶山。一無所得。現在攻犯松江。意在劫掠。疊經尤渤帶兵擊退。該城自可保全。萬一逆夷突而來。力難抵禦。亦必豫籌轉敗為功之策。前此寶山上海。一經逆匪入城。勢如瓦解。皆未能豫設埋伏之故。著該督酌量地勢。僮於松江近城處所。先伏精兵。以備接應。即使我兵不支。逆夷

蜂擁入城。恣意擄掠。正可出其不意。揮兵進剿。可期聚而殲旃。惟該逆詭譎異常。尤須慎之又慎。不可稍有漏洩。該督撫等自請治罪之處。暫緩置議。務須激勵將士。嚴密防堵。期於戰勝守堅。以贖前愆。而圖後效。將此由六百里諭令知之。○兩江總督牛鑑奏。逆夷船堅礮利。水上難與爭鋒。請飭沿海專備陸戰。得旨。此朕早已料及。早經飭諭。奈沿海堵禦總要海上交鋒。反致兇鋒益張。徒損國威。為

之奈何。○陝甘總督富呢揚阿奏。報接印任事。得旨。諸務認真整頓。斷不可苟。且目前勉力為之。以副委任。○賞欽差大臣工部尚書賽尚阿。正白旗護軍統領巴清德。鑲黃旗蒙古副都統那桑阿。緞匹。並隨往乾清門侍衛托精阿等銀有差。○辛未。

孝恭仁皇后忌辰。遣官祭。

景陵。○諭軍機大臣等。前有旨。將先調之吉林黑龍江兵共二千名。令哈琅阿留兵一千名。

在關防守。其餘一千名。派往洋河口至黑沿子一帶駐劄。其續調之吉林兵一千名。派往錦州高橋駐劄。黑龍江兵一千名。派往盛京駐劄。諒已遵旨辦理矣。現已派賽尚阿為欽差大臣。馳赴天津。會同訥爾經額辦理防勦事宜。著哈琅阿將前諭留關之吉林黑龍江兵各五百名。飭赴天津聽候調遣。並著禧恩於續調派令駐劄盛京錦州之吉林兵一千名。黑龍江兵一千名內。各分五百名。飭赴山海關。交哈琅阿差遣。該都統俟此項官兵到關後。再將前次留關之吉林兵五百名。黑龍江兵五百名。飭令赴津。儘速船駛至盛京。距山海關不遠。即著哈琅阿派副都統一員。酌帶弁兵前往接應。將此各諭令知之。○又諭。牛鑑奏。吳淞逆船。於十五日全數退出距城十里之洋面停泊等語。逆夷前在浙江退出乍浦。旋即入犯吳淞。攻陷寶山上海。現在既由黃浦兩次欲犯松郡。並分艖駛入泖湖。測

量水勢。何以忽又全行退去。此必另有奸謀。寶山上海兩縣。不必添設重兵。趕緊修復。其前此遷徙民人。此時若遽行搬回。難保逆夷不復再來。轉得肆其擄掠。該督惟當飭令文武員弁。小心防範。松江及省城一帶口岸。尤為緊要。不得因夷船暫退。稍形疏懈。至此次吳淞退出之船。是否仍在該處洋面停泊。或已駛往何處。著飭令各口探明。飛速奏聞。陳化成屍身。務當查明下落。妥為棺殮。將此由六百里諭令知之。○陝西巡撫壁昌奏。報接印任事。得旨。現有派審案。務要認真確訊。不准稍有不實不盡。懷之。○賞調赴天津防堵察哈爾蒙古官兵銀兩羊隻。○旌表守正捐軀山東萊蕪縣民王繼妻畢氏。○壬申。諭軍機大臣等。有人奏。逆夷擄掠貨財。載回廣東香港。裙帶路收貯。現在該處建造樓房寮廠。礮臺。其偽官最著者。為贊遜也哩時哈等。堅其幕容著名者。為馬履遜匪倫。各處渡船小

艇均須獻納陋規。方准出海。否則被其劫貨。留船。又新安士民。屢欲燒船殺賊。因該將軍等出有通商告示。不敢舉動。其漢奸曾給翎頂者。惟盧景尤為首惡。其人已死。漢奸船隻。礮械俱全。替夷運貨。搶掠鄉村。其餘如聯義堂。忠心堂。均係漢奸自立名目等語。逆夷占住香港地方。據為巢穴。這勒陋規。因該將軍等准其通商。以致被害士民不能報復。又有漢奸助逆。已死。為之羽翼。如果屬實。為害匪細。著奕山。祁項。梁寶常。確切查明。據實具奏。毋許稍有隱匿。其助逆之漢奸。既有姓名堂名。不難按名查拏。著奕山等嚴密訪查。按律懲治。不准畏難姑息。將此諭令知之。○又諭。前據朱樹奏。酌議稽查糧船水手章程。已降旨照所議行矣。現在江浙湖廣糧船。將次抵通。水手短絳人數眾多。稽查尤應嚴密。該漕督前定章程。已屬周妥。所屬糧道及在事文武員弁。儻視為具文。仍屬有名無實。著該漕

督再行嚴切曉諭所屬。務於各幫船抵通時。切實查明。某幫某船原有水手短絳若干名。逐一點驗明確。即飭令按數回南。毋得一人逗留。儻有奉行不力。任聽該水手短絳人等。借詞暫留。不即回南者。即行指名參奏。毋許稍存徇庇。將此諭令知之。○癸酉。諭內閣。每年需用餉銀。養贍兵丁。原為效力國家。以衛地方百姓。近因喫夷在江蘇沿海一帶猖獗。已由察哈爾調派兵丁二千名。前赴天津防堵。該兵丁等均係世受國家重恩。淳良蒙古臣僕。一切自知檢束。惟慮有性情愚魯之人。因車馬食物。妄行勒索驛站。沿途任意騷擾。轉覺不成事體。著派僧格林沁。車登巴咱爾。俟此次兵到教場之日。即將此旨傳諭眾官兵等。務各奉法在途行走。速抵天津。跟隨欽差大臣。妥為堵禦。共與國家宣力。以圖仰報君上重恩。儻有妄行勒索驛站。任意騷擾地方百姓者。除將犯法之人立即照軍法從事

外。仍將該管官指名奏。一併嚴議。決不寬貸。將此道諭知之。○又諭。前令鐵麟等將察哈爾領放直隸牧青馬匹。全數調回京師。並令於上駟院太僕寺牧羣內挑選二千匹。管帶來京。所有此項馬匹抵京後。即於南苑牧放。著派培成。貴成。巴里善。前往妥為照料。○又諭。朱樹奏。懇請終養一摺。該漕督之母。現係迎養在署。自可隨時侍奉。無庸急於回籍。著俟本年新漕抵通交卸。幫船一律歸次後。

再行具摺奏請。○欽差大臣廣州將軍耆英等奏。遵旨馳抵江蘇。接據該苗目來文。內稱現已集兵。不得不戰。並有約實一處。辦事地方等語。繹其詞意。似約地會商。事較危迫。不得不設法辦理。現在發給照會。問其定在何處公商。派外委陳志剛等星馳送往。俟有覆信。再行奏聞。諭軍機大臣等。逆夷披猖日甚。現雖退出江蘇洋面。情殊叵測。覆文內既稱現已集兵。不得不戰。又有約實一處。辦事之

語。可見夷情詭詐。全不可信。著該大臣等仍遵前旨。斷不可輕身前往。即該逆前來請見。亦不可與之會晤。僅有應行商辦之處。祇可令陳志剛等持書前去。免致墮彼奸計。如覆書內有分外要求。萬難應許事件。即與牛鑑一意防守。可勦即勦。當堵則堵。慎勿稍存游移之見。是為至要。所請酌帶員弁。著准其帶往。本日又據牛鑑奏。夷船退出吳淞。蘇省暨水陸各要隘。業經分兵守禦。毋庸再事徵調。

等語。已有旨諭令奕經。毋庸派參贊大臣帶兵前往矣。惟夷船雖退。逆情叵測。著耆英等相度現在情形。應於何處扼要之區。暫行駐劄。以資接應。務即妥籌辦理。將此由六百里加緊諭令知之。○又諭。本日據耆英等奏。馳赴江蘇一摺。前經伊里布書寫照會。令陳志剛馳送。責其稱兵失信。該逆覆稱既已集兵。不能不戰。復有約地會商之語。可見逆情叵測。全不足信。已諭知耆英等。不可前往會晤。

如該逆有分外要求事件。萬難應許。即會同牛鑑一意勦辦矣。該大臣到津後。著與訥爾經額力籌防堵。儘速船北駛。即行相機勦辦。慎勿稍存游移之見。本日又據牛鑑馳奏。十五日酉刻。瞭見羊山洋面。有大小夷船四十餘隻。往北駛去。顯有滋擾山東天津情形等語。著賽尚阿。訥爾經額。加意慎防。毋稍疏懈。著英牛鑑片各一件。著一併鈔給閱看。將此諭令知之。○又諭牛鑑奏逆船退出吳淞。母

事徵調一摺。據奏江寧旗營兵八百名。俟廣西兵到。飭回江寧防堵。御湖要口。業已堵塞。松江郡城。尤渤帶兵在彼。足資保障。江蘇各口。已擇要防禦。請飭前派參贊及著英。伊里布。毋庸來蘇等語。已有旨諭知奕經。毋庸派參贊帶兵前往。並著著英。伊里布。自行酌定地方駐劄矣。尤渤現駐松江。俟劉允孝到後。再行酌量調派。所奏轟損夷船。擊斃夷匪等情。覽奏均悉。另片奏。大小夷船四十餘隻。往

北駛去。顯有滋擾山東天津情形。已諭知托渾布。王明。備防哨探。並飭賽尚阿。訥爾經額。加意嚴防矣。惟江蘇海口紛歧。逆夷出沒無定。該督仍當加意嚴防。不可稍存大意。是為至要。將此由六百里加緊諭令知之。○又諭寄諭揚威將軍奕經。前令該將軍派參贊一人赴蘇協勦。本日據牛鑑奏。逆船全數退出吳淞。著毋庸派參贊帶兵前往。仍由該將軍酌量浙省現在防勦情形。妥為布置。將此由

六百里加緊諭令知之。○又諭本日據牛鑑馳奏羊山洋面。有夷船四十餘隻。往北駛去。顯有往山東直隸滋擾之意。所有山東防堵事宜。該撫仍當加意防範。毋稍疏懈。並著飛飭各口員弁。不時瞭探。如見有逆船向北竄駛。即著由六百里加緊馳奏。將此由六百里加緊諭令托渾布。王明。知之。○又諭據鐵麟等奏。察哈爾官兵。分起按隊。由口啓程。一摺。覽奏均悉。著照所議妥為辦理。又另片奏派



往防堵之蒙古兵丁跟役三百名。無力自備騎乘。現據該處鑲黃旗驍騎校拉什棟魯布。捐馬一百匹。正黃旗原任總管鄂特渾之孀婦代孫幼丁巴彥保捐馬一百匹。鑲紅旗公中佐領貢素隆扎布捐馬一百匹。作為跟役兵丁騎乘馬匹。該員等急公好義。甚屬可嘉。其應如何鼓勵之處。著該都統等定擬具奏。候朕施恩。將此諭令知之。○直隸總督訥爾經額奏遵旨籌議防勦事宜。一。大沽南岸至

山東連界之狼坨子。後路應用察哈爾馬隊接應。請於羊兒莊。商各林。兩處各安插馬隊五百名。迎南迎東。均可接應。一。大沽北岸至北塘一帶。澗河口至洋河口一帶。豐山海關秦王島。三處地面遠近不同。接應馬隊應於何處安營。俟咨商都統哈琅阿等籌議。一。北塘北岸。後路尚須接應。已函商提督胡超。酌撥陝兵數百名。以備臨時揀員帶往。一。天津城內少井。取汲外河。慮該逆攜帶毒物。乘潮

長時投入。擬示諭兵民。潮退再行汲水。至郡城布置嚴密。各路扼要。皆有大員防堵。擬臨時往來策應。不必專駐郡城。亦不必專駐他處。一。逆夷船載馬匹。多置竹人。恐用真馬假人燒營之法。沿海所挖陷坑。當可制此。又各營俱有藤牌兵。或其馬不盡墮坑。即用藤牌滾刀伏斫馬足。無虞衝突。一。大沽南岸淺灘多張旗幟。使其望見奔赴。必可攔淺。其大沽北塘一帶。於蘆葦之處。支搭敗舊帳房。

虛張旗幟。以為疑兵。一。自澗河至山海關。於兵勇漁戶內擇親信有膽者。臨時雜扮商漁分布。引誘夷船攔淺。仍加意隄防。勿致為夷所餌。一。大沽北塘攔江沙外。夷船礮力不能及我礮臺。恐用三板船駛入。以火箭火彈焚擊臺上之兵。請於臺上飭堆土壘。橫直兩層。用水浸溼。前一層用直。在各礮之兩旁。後一層用橫。在各礮之後身。而於後層上橫以木梁。覆蓋土壘。聯絡成棚。外實中空。旁有走路。

裝藥時皆有遮護。該逆火器自不能傷及我兵。三板駛入內河。較易攻擊。擬於滿河沈鋪漁網。入水五六尺。柔韌牽纏。可以繳輪掛舵。淺灘之上。用木椿鹿角杈。刺其小船。使雖知覺。無可如何。再用槍礮乘勢攻勦。足可制勝。恐其於閑曠處用小船載人。分起運送上岸。或聲東擊西。繞至後路。應請於潤河口一帶。即用北路之兵接應。祁口一帶。即用南路之兵接應。大沽北塘兩處大營。屹然不動。決不可舍此顧彼。後路層層安兵。既為接應礮臺。即以防其抄襲。前後攻擊。更見得力。恐其於偏僻海邊運礮上岸。應於岸上設伏抄擊。設竟登岸。即分報後路馬隊及接應之兵。均各就近馳往。趁勢轟擊。得旨。所議均屬周妥。間有應行斟酌之處。已將原摺交賽尚阿帶赴天津。著該督俟賽尚阿到津後。再行會同參酌。務臻盡善。○越南國王阮福嶺。遣使表謝賜祭並襲封恩。進貢方物。命留抵下

次正貢。○浙江巡撫劉韻珂。因病賞假。賞四品頂帶。前任湖南布政使卞士雲。三品頂帶。署浙江巡撫。命六品頂帶已革安徽布政使管道羣。接辦浙江糧臺事務。○旌表守正捐軀山東東阿縣民姜振江童養媳時氏。○甲戌。諭軍機大臣等。前據劉允孝奏。遵旨管帶湖北精兵一千名。前赴江蘇。與牛鑑商辦防守。現在逆船既有北駛之信。著劉允孝無論行抵何處。接奉諭旨。即管帶湖北兵一千名。迅速改赴山東登州。會同托渾布。麟魁。商辦防堵事宜。將此由六百里加緊諭令劉允孝。牛鑑知之。○又諭。程蔭采奏。逆夷全數退出英淞口一摺。覽奏均悉。該逆雖已退去。詭譎萬端。情殊叵測。前此寶山上海遷徙一空。是以逆夷旋入旋退。此時正可作堅壁清野之計。儻急於修復。又生逆夷覬覦之心。難保不去而復來。轉墮奸計。著仍遵前旨。曉諭居民。俾知利害。昨因牛鑑奏。水陸要隘。業經分兵

守禦。毋庸再事徵調。已有旨諭令耆英。伊里布。相度現在情形。暫行扼要駐劄。以資接應。所有防堵事宜。仍著會同牛鑑商辦。至揚子江為南北要道。關繫緊要。其餘各處港汊口岸。亦多與內地相通。著程蔭采分派將弁。扼要防守。其有應行堵塞者。均著設法辦理。勿令逆夷內犯。該逆既有欲犯崇明之謠。該處孤懸海外。亦著互為聲援。聯絡一氣。庶該逆不敢攻犯。又另片奏。接據寶山等處探報等

語。逆夷大小船多隻。現將北駛。已有旨諭令山東天津一律防堵矣。將此由六百里諭令知之。○又諭。昨因牛鑑馳奏。夷船四十餘隻北駛。已有旨諭托渾布等加意防範矣。現在登州一帶海口。正當喫緊之際。本日已由六百里加緊諭令劉允孝。將所帶前赴江蘇之湖北精兵一千名。迅速管帶改赴登州。以備防剿之用。著托渾布。麟魁。俟劉允孝到後。妥為商辦。務遵前旨。不可與該逆海面交鋒。擇

要防守。毋稍疏虞。將此由六百里諭知托渾布。麟魁。並諭令玉明知之。○又諭。據哈喂阿奏。遵旨備防逆夷一摺。並請調兵嚴防石河口等語。現在逆船北駛。必應早為嚴防。據稱曉諭官兵。誘其棄船登陸。不許輕放槍礮。俟相離較近。伏兵四起。盡力攻剿。並於礮臺左右虛張聲勢。相機進取。或從左右攻擊。或兜後勦殲。所奏深合機宜。該都統惟當激勵將士。加意嚴防。不可稍留罅隙。至上年在石河

口防堵之官兵二百名。前經撤回歸伍。著仍准其調赴石河口防堵。以壯聲威。將此諭令知之。○賞還故已革貝勒奕綺原爵。予祭葬。嗣子載華。仍降襲貝子。○以大學士穆彰阿。署管理戶部三庫事。○以江南壽春鎮總兵官尤渤。署提督。○貸江蘇山陽縣及淮安。大河。二縣倉穀。○乙亥。

上詣綺春園問

皇太后安。○諭軍機大臣等。德春等奏南糧幫船脫空淺阻。請旨飭催一摺。據稱風中常。江淮九等幫。過關脫空。十日至四日一日不等。查因衛河水勢微弱。各關啓放需時。以致臨清夏津武城一帶處處淺阻。及行至鄭家口。又因故城恩縣景州等處。撥船不敷輪轉。耽延時日。業經飛咨該督撫並漕運總督上緊嚴催等語。本年漕務情形。尤應迅速抵壩。及早運京。方昭慎重。著直隸總督山東巡撫。迅即查明幫船於何處耽延。嚴飭沿途文武員弁。實力催趲北上。毋使一幫脫空。其河道淤淺處所。即著設法趕緊挑挖。並多備撥船濟運。毋稍遲誤。儻水勢太淺。難資浮送。不得不權為截卸之舉。亦應豫為籌畫。相度地方。奏明辦理。總期漕糧迅速抵通。而回空亦不至稍遲。方為妥善。將此諭令知之。○又諭天津為畿輔重地。關繫緊要。訥爾經額身膺疆寄。自履任以來。朕屢加訓諭。示以海防事宜。辦

理已臻周密。昨因賽尚阿曾經兩次到津。地方情形。較為熟悉。且有與訥爾經額面商事件。又以蒙古馬隊。必得通曉語言之人。方可指揮如意。是以派巴清德那桑阿帶領。即令賽尚阿作為欽差大臣。統率前往。並非該處軍務。皆歸欽差大臣一人總統也。賽尚阿到津後。自能與訥爾經額和衷商榷。期於共濟。惟講求固須盡善。而責成不可不專。所有軍營一切調度。訥爾經額自應與賽尚阿公同酌商。而責成則專在訥爾經額。馬隊一切布置。賽尚阿亦應與訥爾經額公同酌商。而責成則專在賽尚阿。不可推讓。亦不可將就。至將弁兵丁。亦須先期剴切曉示。所調之兵。無論本省外省。馬隊步隊。必應聯為一氣。彼此相顧。不得爭功嫉能。強分畛域。亦不得坐觀成敗。致誤事機。果能紀律嚴明。賞罰必信。自然戮力同心。一舉可以制勝矣。將此諭知賽尚阿。訥爾經額。並諭令哈琅阿。巴清德。那桑

阿。周悅勝。胡超。陳金綬。石生玉。向榮等知之。  
○又諭寄諭署盛京將軍禧恩等。現據程簡  
采奏。浙洋夷船逐漸增添。有前往天津等處  
窺伺之謠。所有盛京直隸山東各海口。務當  
隨時偵探。加意嚴防。不可稍留罅隙。是為至  
要。程簡采摺。著鈔給閱看。將此諭令知之。○  
又諭有人奏。直隸冀州知州趙庭椿藉團練  
鄉勇為名。拘傳保甲。按戶挑派。戶有三丁。以  
二丁充募。不願者派出雇直。殷實之戶。有勒  
索制錢百千至數百千不等。不出雇直。即予  
重責。並私製重枷。違例濫刑等語。現在海疆  
防禦。州縣團練鄉勇。原可以濟兵力。所不及  
若地方官藉端勒派。任意需索。則是以寓兵  
於民之法。轉成滋擾。閭閻之端。不可不嚴行  
查辦。著訥爾經額確切查明。如果有前項弊  
端。即著覈實嚴辦。以儆貪酷。將此諭令知之。  
○前任杭州將軍奇明保。以年老休致。○丙  
子。諭內閣。余步雲現據奕經等派員解京。俟

解到時。著交軍機大臣會同三法司嚴訊定  
擬具奏。候補知府黃寬。裕謙家丁余升。著一  
併歸案質訊。○諭軍機大臣等。禧恩等奏。接  
據朝鮮來咨。嚴禁沿江邊地蓋房墾地。查拏  
究辦一摺。據奏該國王咨稱。上土滿浦兩鎮。  
有內地民人潛赴邊外蓋房墾地之事。禧恩  
等現已派員前往嚴密查拏。所辦甚是。著即  
將越邊墾地各犯。按名弋獲究辦。並將私蓋  
房舍。偷墾田土。全行焚毀。毋許留寸椽尺地。  
以淨根株。仍俟原派之員查覆後。由該將軍  
等揀派誠實可靠之員。前往覆加查勘。儻有  
隱匿遺漏等弊。即行從重奏辦。斷不准稍有  
含混。將就了事。是為至要。將此諭令知之。○  
又諭奕經等奏。查探近日夷情。商令參贊大  
臣帶兵就近控制。並遵旨將余步雲派員解  
京各一摺。余步雲現已派員解京。所有從前  
三城失守。究由何路首先潰散。其帶領各兵  
係何將備。官兵傷亡若干。著仍遵前旨。與乍

浦失事情形。分別查明具奏。段永福甫經到任。必當飭令確查。無所用其回護。參贊大臣齊慎。即照議帶兵駐劄王江涇扼要地方。如江蘇有警。迅速前往應援。該處距浙江乍浦尖山等處。均在二百里內外。亦應一體互為聲援。藉資聯絡。至鎮定兩處夷船漸少。其應如何設法勦襲牽制之處。仍著奕經等妥籌辦理。勿失機會。未到各路兵丁。著即嚴催擇要安置。將此由六百里諭令知之。○又諭朕

料逆夷如果上岸逞兇。必用車載礮。或單輪或雙輪。推運而前。天津海口一帶。泥淖處所不能行車。其有海岸可以行車之處。應如何防範堵截。俾該逆礮車不能運轉前進。著賽尚阿。訥爾經額會同察看。妥議辦理。迅即具奏。將此諭令知之。○又諭天津防堵。現當緊要之時。來往商船。尤宜加倍認真查察。聞向來各處貨船到津。多在六七八數月內。閏船到在六月。粵船到在七月。茲聞近數日間。已

有粵船多隻到津。較往年更早兩月。且在閩船之先。粵省商船。與喫逆熟識者多。難保無漢奸在內。藉圖勾引。此等貨船到津之時。應如何派員稽查。令於何處停泊。不可稍涉疏虞。致有勾結情事。亦不可遇事掇求。致安分商民。轉滋擾累。著訥爾經額悉心籌議。嚴密稽查。如有形跡可疑之人。即應切實根究。杜其交通之路。勿生隱患。是為至要。將此諭令知之。○又諭本日據喬用遷奏。委員解送晉

省擡槍擡礮共二百桿。並鉛丸火藥。備帶足用。起程前赴天津等語。此項擡槍擡礮。原備天津防勦之需。如天津現在所貯業已數用。著訥爾經額即將此項擡槍擡礮。酌於鄰近地方先行妥為收貯。俟應用時調取。不可濫行費用。其應在何處收貯。酌定後即派員前往迎提。與晉省委員一同解交收貯。將此諭令知之。○又諭據喬用遷奏。委員解送擡槍擡礮共二百桿。迅赴天津。現在晉省擡槍擡

礮所存無多。著該署撫即趕緊補造各數百桿。務須精良有準。以備調用。將此諭令知之。○又諭。禧恩奏。確探夷船蹤跡。嚴密防堵。一摺。逆船北駛。必應嚴密偵探。加意巡防。該署將軍現飭沿海各旗民地方官。將該逆需用淡水食物。嚴行杜絕。自足制其死命。其海堰所設礮位。或量為移置。略後地面。較為得力。至該逆如果豕突而來。務即諄諭帶兵將備。斷不可在傍海岸上與之交鋒。總當設法誘令登岸。俟其深入。然後伏兵齊發。聚而殲旃。務當籌畫萬全。勿墮逆夷奸計。是為至要。將此諭令知之。○署盛京將軍禧恩奏。續估太廟配殿工程。需銀五百五十九兩有奇。請由盛京戶部動支備用。下部知之。○丁丑。諭內閣。前據御史陳熾奏。在配人犯脫逃。請將配所專管官處分酌量加重。當交吏部議奏。茲據該部酌覈具奏。均著照議辦理。配所疏脫人犯。該管官本有應得處分。惟逃後所犯罪

名既有輕重。該管官處分自應示以區別。嗣後自配所逃回之犯。除所犯罪名在絞候斬候以下者。配所地方官仍照舊例議處。如有另犯凌遲斬梟斬決絞決罪名者。該配所專管官。應如何酌加處分之處。著吏部再行覈議具奏。尋議。請嗣後配所逃回人犯。另犯謀逆重案。罪應凌遲者。將配所專管官革職。罪應斬梟者。降三級調用。罪應斬決者。降二級調用。犯各項凌遲者。降一級調用。犯各項斬梟者。革職留任。犯各項斬決者。降三級留任。犯各項絞決者。降二級留任。兼轄官依次遞減。均係公罪。若能於另犯後自行拏獲。照例免議。其謀逆重案在釀成以後。雖經本員拏獲。仍不准免議。從之。○諭軍機大臣等。怡良等奏。鼓浪嶼夷船現有九隻。並無動靜。仍嚴行戒備。不敢疏忽等語。該處既有夷船停泊。恐其伺隙進窺。必當嚴加防範。如有可乘之機。該督等仍宜酌量勦辦。嗣後夷船有無增

減。仍著查明隨時奏報。至該逆在濱海地方私行交通貿易。固為貪利起見。總由內地民人代為銷售。希圖牟利。地方官既縱容於事前。又不肯禁止於事後。無非昧良苟且。委過前人。天理良心何在。現任文武果能忠誠為國。嚴行禁止。不准一人與之往來。則所帶貨物無處售賣。該夷人何肯涉險前來。作此無利可圖之事。著該督等申明例禁。認真稽查。嗣後夷船駛入口內。一切貨物概不准私相交易。久之該夷自必窮蹙遠遁矣。其應如何斟酌辦理之處。總在該督等體察情形。妥為籌辦。慎勿一味因循也。將此諭令知之。○吉林副都統果陞阿奏。遵查產葭山場事竣。回任。得旨。所查情形若何。有無弊竇。一語不及。無怪乎年來吉林所進之葭。甚覺不堪。想葭務廢弛極矣。○以山東布政使楊慶琛。為光祿寺卿。○以廣西新太協副將德年。為浙江溫州鎮總兵官。○予陣亡江南提督陳化成

祭葬世職諡忠愍

大清宣宗效天符運立中體正至文聖武智勇仁慈儉勤孝敏成皇帝實錄卷之三百七十三



大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十四

欽此

奉旨

著

著

著

敬啟

道光二十二年壬寅六月戊寅朔日食○諭

軍機大臣等奕山等奏查探逆船情形一摺  
據奏粵東洋面自二月以前至五月初六日  
止共計逆船六十七隻除起碇東駛者四十  
八隻尚存逆船十九隻其新到巡船內載有  
番婦番孩裙帶路造有夷樓五十餘間裝兵  
船內載去馬匹礮車等項覽奏均悉逆夷於  
香港裙帶路地方公然建造樓房安置婦孺  
顯有久據之意該將軍等相度情形如能於  
逆黨聚居之處掩其不備乘間縱火焚燒亦

足快人心而褫逆魄惟廣東漢奸最多務須  
密為布置懸立重賞招致義民斷不可稍露  
風聲致逆夷豫為準備又祁墳梁寶常奏夷  
務用過銀數一摺據奏水陸各勇尚存二萬  
有奇既不用以攻剿未免徒糜糧餉著奕山  
等勤加訓練簡其精壯勇敢者暫留調遣其  
老弱無能者即予裁汰庶帑項不至虛糜兵  
勇悉成勁旅所奏現存銀兩及每月用度務  
當力加撙節可省即著仍遵前旨不得過

十萬兩之數將此由四百里諭令知之○又  
諭怡良等奏續查南北駕駛夷船經過閩洋  
隻數一摺據稱喚逆船隻往來無定鼓浪嶼  
所留之船多時或至十二三隻少亦有七八  
隻之數大約均聽在浙逆夷號令等語該逆  
滋擾江浙聚集逆船多隻條行退出外洋遊  
奕聞省呼吸相通且現有停泊夷船即難保  
其不伺隙復行滋擾著該督等督飭員弁嚴  
密防範如有可乘之機仍酌量妥為剿辦其

沿海地方務當恪遵前旨申明例禁認真稽  
查毋許內地民人私與往來代銷貨物慎勿  
再事縱容是為至要嗣後夷船有無增減仍  
著分遣商漁船隻隨時探報得有確信即行  
據實具奏將此由四百里諭令知之○又諭  
麟慶奏嚴防海口並覆陳漕運經行各處情  
形一摺南河所轄黃河灌河射陽湖三處海  
口該逆三板小船既可駛入自應嚴加防範  
著該河督嚴飭各營巡防瞭探並將所選河

兵勤加訓練毋任稍有疏懈俟湖南幫船過  
竣即飭委該道親往督巡至漕運經行要道  
南河以瓜洲江口為門戶而自海入江要隘  
則以江陰鷺鼻嘴為最該處江窄山峻下有  
伏礁若於此處扼險守禦如有逆船駛近我  
兵轟擊自可得力其應如何添兵駐防之處  
著牛鑑麟慶程商采會同商酌務令足資防  
守毋稍大意其瓜洲江口內河亦著該督等  
督飭所屬小心籌防遇有形跡可疑漢奸即

行盤詰嚴拏以重防守而利漕行將此各諭  
令知之○旌表守正捐軀河南武安縣民李  
山妻楊氏○己卯諭軍機大臣等著英等奏  
逆船折回吳淞聚泊現議設法防堵一摺據  
奏該逆北竄之船四十多隻仍復折回聚泊  
吳淞口外崇明縣及劉河福山各口均有夷  
船遊奕並有欲犯江寧之說牛鑑已往揚子  
江京口溯流而上竭力防範會同德珠布商  
辦一切並飛催齊慎至蘇會同耆英伊里布

程商采籌商防守等語逆夷勾結醜類添船  
多隻並擄截沙烏等船在吳淞口演習駕駛  
意圖內犯江寧襟江帶海雖有暗礁伏沙大  
船不能直入其火輪三板等船難保不駛入  
江內惟該處江口究與外海不同前據牛鑑  
奏有水師戰船十六隻並招募各船大小七  
十隻派令田浩然等管帶另製水輪船四隻  
派劉長清管帶內河可與接仗不致疏虞等  
語此項船隻雖不能敵其大號兵船若火輪

三板等船乘潮駛入酌帶礮位當可與之水戰著牛鑑於入江要隘處所分布各船責令管帶各員儘有逆船駛入可戰即戰當守則守斷不可稍有疏虞致沿江紅船漁船反資賊用是為至要其崇明劉河福山各口均須分兵防守已有旨諭知奕經等酌派精兵一二千名接應交齊慎管帶至蘇著俟該參贊到蘇後該督酌量扼要地方令其駐劄以資控制至江省委口甚多雖經設法填塞難保

該逆不乘間竄入不可不豫為防範前此寶山上海逆夷因無可搶掠是以旋入旋退因思各處果無輜重可擄自不致受其荼毒但須俯順輿情妥為籌酌固不可強之使遷轉滋驚擾亦不可禁其他往致有疏虞又者英伊里布奏接閱首目回信一摺覽奏可惡之至該逆既不肯戢兵若再事羈縻不特於事無益且恐有傷國體著與牛鑑程喬采專意勦辦無稍游移另片奏江陰靖江一帶逼近

京江已將徐州鎮兵七百名馳赴江陰即由王志元統帶並飭京口副都統海齡督帶各兵屯紮京口均著照所議辦理伊里布另摺一件著發還將此由六百里加緊諭知著英伊里布牛鑑程喬采並齊慎知之○又諭據耆英等奏逆船多隻北竄現仍折回吳淞口外聚泊一摺逆夷詭譎叵測北竄之船現復折回聚泊吳淞口外崇明及劉河福山各口亦均有夷船遊奕又復擄截沙船烏船演習

駕駛逆蹤勢將日張齊慎前經帶兵駐紮王江涇地方江蘇現在防堵緊要著即飛行照會該大臣迅速前往蘇省駐紮扼要處所俾資應援並著奕經等於浙省調到各官兵內挑撥精兵一二千名派員管帶迅赴江蘇交齊慎會同耆英伊里布牛鑑程喬采體察情形相機堵勦將此由六百里加緊諭令知之○又諭奕經等奏查探逆船蹤跡一摺據稱招寶山停泊夷船如欲定海逆船開出九隻

由鎮海洋面北駛二十日招寶山後復添夷船十餘隻寄碇尚未據報何往其定海衛頭等處仍泊船十八隻現在暗中設法將其衙頭修補之火輪船一隻沈沒溺斃夷匪二十餘人又兩次黑夜暗截纜索漂沈其巡船及三板數隻等語鎮海等處逆船視前為數較少該將軍等現雖暗中驚擾究未能大加懲創著密飭員弁兵勇多方牽制如有可乘之機即行設法進剿並嚴飭各海口要隘嚴

密防範毋少疏虞逆船蹤跡仍隨時探明具奏又另摺奏夷船北駛請飭嚴拏漢奸等語已有旨分飭隨時嚴密查辦矣將此由六百里諭令知之○又諭奕經奏夷船北駛請飭嚴拏漢奸一摺據奏逆夷到處暗遣漢奸探信布謠導引接濟每年夏秋之交閩廣商船到津尤須嚴切稽查等語著賽尚阿訥爾經額設法嚴查以杜漢奸涸跡至所奏商漁船隻不許出海外來者不准攏岸各條是否可

行並著悉心酌議具奏奕經摺鈔給閱看又本日據御史徐嘉瑞奏通州漕糧雲集請飭嚴加防護一摺著一併鈔給訥爾經額閱看將此諭令知之○又諭前有旨令劉允孝將所帶赴蘇之湖北精兵一千名管解改赴登州本日據牛鑑奏該提督業已行抵江寧現在江蘇防堵緊要劉允孝著仍留江蘇署理提督會同牛鑑籌辦攻剿其應於何處擇要駐紮亦著與該督妥商辦理如已起程赴東

無論行抵何處即著迅速折回帶兵前往江蘇無稍遲誤將此由六百里加緊諭令知之○又諭奕經奏京城內外五方雜處良莠不齊正陽門外南營地方尤甚朝陽門外為達通州赴天津大路廣渠門東便門各有捷徑可抵天津一路飯店小店皆為單身行旅託足之所等語京師為輦轂重地現有夷船北駛天津之謠斷不容漢奸藏匿致有探聽信息散造謠言之事著諭知步軍統領衙門順

天府並著都察院堂官密飭五城御史各就所屬地面設法嚴查斷不可僅止照例稽查門牌戶口為了事尤不許少涉張皇以致訛言四起務於嚴詰奸宄之中仍寓安輯居民之意此中關繫甚鉅諒諸臣亦必知之應如何妥密查辦以保無虞著步軍統領衙門順天府及巡城五城御史各自具摺密行陳奏奕經原摺鈔給閱看將此各諭令知之○以正白旗漢軍副都統春佑為內閣學士兼禮

部侍郎銜○以山東按察使王篤為布政使調江蘇按察使崇恩為山東按察使以江南鹽法道黃恩彤為按察使○禮部議准山東巡撫托渾布疏報採訪武城縣貞節婦女邱趙氏等八十九口魚臺縣徐戴氏等六十二口朝城縣左蔡氏等四十四口請各建總坊旌表從之○庚辰諭內閣前有旨派培成貴成巴里善於挑選牧羣馬匹抵京後前往南苑妥為照料本日據豫堃斌良奏上駟院牧

羣驕馬一千二百匹業於五月二十七日啓程太僕寺牧羣驕馬八百匹業於五月二十五日啓程此項馬匹抵京著培成貴成巴里善一同送往南苑其逐日照料牧放著分為三班每人五日一班輪流更換○諭軍機大臣等賽尚阿等奏豫籌沿海後路分駐官兵一摺據奏察哈爾馬隊官兵到津擬分五六營撥兵一千五百名作為大沽迤南南路後勁餘兵五百名於大沽北岸分駐二百五十

名北塘北岸分駐二百五十名均在現設營盤之後吉林黑龍江兵二千名內各酌撥兵五百名即於豐潤縣屬之李八廠等處屯駐均著照所議辦理惟現當炎暑本省兵丁尚皆習慣其滿洲蒙古兵丁朕甚軫念卿等務須妥為安置勿致有損方好慎毋率忽另片奏沿海泥淖無可行車因思自海豐縣至山海關道里綿長豈處處盡屬泥淖儻該逆用小船裝載礮車從偏僻地面陸續上岸亦未

可定斷不可以泥淖難行。礮車笨重。遽信為無從登陸。稍存大意。又訥爾經額奏稽查到口商船一摺。現在並無夷船北駛。各處到津商船既經驗係良民。自應准其進口。但俱係閩粵江浙客民。時常來津貿易。路徑均素熟悉。萬一為賊所用。藉以招引路徑。即與漢奸無異。總須於該商船進口卸貨完竣後。不准一人逗留在津。其牙行貿易人等。亦不准一人附載南回。庶奸匪無從湊跡。昨據耆英等

奏。逆船折回江蘇一摺。已有旨諭令專意攻剿。毋庸再事羈縻。昨降諭旨。及耆英等原摺著鈔給。賽尚阿訥爾經額閱看。逆夷出沒無定。此時雖已折回。難保不乘風北駛。仍著賽尚阿等慎密防範。不可將摺內情形稍有洩漏。致懈軍心。是為至要。將此諭令知之。○辛巳。諭軍機大臣等。巴雅爾等奏。領兵赴防。啓程日期一摺。據稱巴雅爾帶領吉林黑龍江兵各二百五十名。赴洋河口。富勒洪額。德凌

阿帶領黑龍江吉林名各二百五十名。赴黑沿子駐紮。在關之吉林黑龍江兵各五百名。俟續調官兵到關時。俟克精額烏凌額帶赴天津等語。官兵前赴天津。已有巴雅爾等三人足資管帶。惟山海關地方緊要。關內關外防堵應援。在在需人。著哈琅阿即將倭克精額烏凌額二人酌留。一人帶兵在關。一人帶兵駐紮高橋。將此諭令知之。○壬午。

上詣綺春園問

皇太后安。○諭內閣。前據禧恩等奏。朝鮮國王咨稱。有內地民人潛赴邊外。構舍墾田。當經降旨飭令派員查勘。並嚴拏越邊各犯。按律懲辦。茲據禮部奏。該國王咨稱。內地民人在該國沿江近地。構舍墾田。請旨飭禁等語。內地民人私越邊界。構舍墾田。本干例禁。著該將軍等仍遵前旨。將越邊各犯按名弋獲。究辦。不准仍留一椽尺地。並派員前往覆加查驗。以免隱匿遺漏。所有失察民人私越邊界

之該管各官著查取職名照例議處○癸未諭軍機大臣等禧恩奏嚴防後路扼要拒守並籌辦軍火一摺據稱金州復州二處海口最關緊要已將原設大小礮位撤歸後路適中扼要之所妥為安置等語著即照所議妥辦並飭令熊岳水師營二處各備精兵屆期應援關外尚有黑龍江官兵一千名如有警報兵力覺單著該將軍隨時酌量即飛咨哈喇阿於駐關吉林兵丁內酌撥三五百名以資協剿亦無不可仍當誘令該逆登岸設法抄襲攻擊方可得手至蒙古兵丁除哲哩木一盟接壤奉天外其卓索圖昭烏達兩盟兵丁詢據僧格林沁稱係由邊外行走並不取道古北口喜峯口等處著即飭該三盟各兵丁分屯邊外遊牧該三盟之兵應調與否著禧恩酌量情形隨時妥辦將此諭令知之○又諭有人奏浙江藩司常恆昌於該省軍務一味推諉時常告假所委州縣或有延至數

月不赴任者該藩司並不飭催以致諸事廢弛杭州府知府凌泰封年力漸衰精神萎靡屢次稱病不出儘日上樓看書於地方公事置之不問等語藩司首府為通省緊要之職況浙省當辦理軍務之時尤宜振作有為以資表率果如所奏庸懦無能貽誤匪淺豈容任其戀棧著奕經查明據實奏原摺鈔給閱看將此諭令知之○甲申諭內閣牛鑑奏叅營員稟報不實請旨革職訊辦等語所叅

甚是江蘇署楊舍營都司淮安城守營守備世襲雲騎尉葉養福於商船回至福山口誤認夷船張皇稟報以致商民紛紛遷避實屬昏庸紕繆葉養福著即革職交牛鑑督飭臬司提訊究辦○諭軍機大臣等奕經等奏遵旨撥調官兵赴蘇防守一摺據稱現撥調江西兵二千名飭令李錡統帶分起赴蘇並將省局新鑄大礮撥出四十位新製擡礮一百桿即交江西頭起帶兵官一併迅速解往江

蘇等語覽奏均悉現在浙省征兵尚有九千三百餘名分紮防守省城要隘及七堡海寧尖山滬海所平湖嘉興紹興等處該將軍等務須嚴飭各弁兵小心防堵勿稍疏懈如鎮海定海有可乘之機即密行調撥進剿搗其巢穴以為牽制之舉毋致坐失機宜是為至要將此由六百里諭令知之○又諭據牛鑑奏京口為大江鎖鑰現在逆夷窺伺長江必須嚴加防守已催齊慎迅赴京口等語昨已

有旨諭令劉允孝仍留江南署理提督該督俟齊慎劉允孝到後即將一切防勦事宜商同妥辦並令齊慎劉允孝各擇扼要處所分營駐紮以資得力仍當各設後路接應是為至要該逆詭譎萬端居心叵測萬一逆船竄入江面關繫匪淺務當處處嚴防設法守禦不可稍有疏虞是為至要將此由六百里諭令知之○又諭本日據鄂順安奏委員解送豫省擡槍擡礮共二百三十六桿前赴天津

等語此項擡槍擡礮原備天津防勦之需如天津現在所貯業已數用著訥爾經額即酌量收貯郡城俟應用時調取仍派員前往迎提與豫省委員一同解交收貯又據牛鑑奏粵東傳述逆喫欲以馬車馬礮運往天津一帶陸路接仗其馬高大約有數百匹不可不先事豫防等語天津為緊要之地必應加意防堵前據奏稱沿海泥淖無可行車已諭以僅該逆用小船裝載礮車從僻路陸續上岸

不可稍涉大意諒該大臣等必已加意防範因思天津濱海夏令潮長泥淖難行自可無慮儻秋後水涸沙灘顯露之時其馬車馬礮能否登岸著賽尚阿訥爾經額悉心籌辦加意設法防維儻海豐縣至山海關一帶竟有該逆車馬上岸惟該大臣等是問懍之牛鑑原片著鈔給閱看將此諭令知之○又諭托渾布奏遵旨籌備防堵情形一摺據查登州府城東北兩面環海距口岸止二三里北面



水城傍海為垣礮力可及情形最為危險該撫已於海灘排築護城沙隄絮被以禦逆礮究竟能否禦之度量明確具奏又於城後山嶺埋伏馬隊精兵為橫衝旁擊之計所有沿海安設大礮均移置近城地方專備陸路攻守辦理尚屬周妥惟該逆大船能否貼岸其桅上之礮是否可以轟至城內仍著派員測量水勢據實具奏至該省兵力強健人心亦固著托渾布麟魁會同登州鎮總兵王明申

明紀律激勵軍心嚴密防堵托渾布現當賞假調理期內尚能力疾周巡以安眾志一俟病痊著即銷假任事麟魁俟托渾布病痊後即馳驛來京供職又據牛鑑奏粵東傳述逆欲以馬車馬礮運往天津一帶陸路接仗等語自應豫為籌畫設法堵禦斷不准令該逆馬車馬礮上岸僅有疏虞惟托渾布麟魁是問牛鑑片著鈔給閱看將此諭令知之○又諭牛鑑奏粵東傳述逆欲以馬車馬礮

運往天津一帶陸路接仗其馬高大約有數百匹不可不先事豫防等語該逆如果北駛滋擾盛京為緊要之地必應加意防堵其傍海口岸應如何設法俾馬車馬礮不能徑行登岸之處著禧恩嚴密妥籌辦理不可稍涉大意儻日後該逆車馬竟至上岸稍有疏虞惟禧恩是問懍之原片著鈔給閱看將此諭令知之○兩江總督牛鑑奏逆夷情形日肆鴟張從古制夷之道不外羈縻請倣照乾隆

年間征緬罷兵仍許朝貢事准予通商得旨中伊里布之害不淺矣曷勝憤懣又批朕之用兵實出於萬不得已若將征緬之事比擬事不相類擬甚不倫想卿必為伊里布簧惑矣朕愈加憂憤儻將士有所窺伺稍有解體將成瓦解可設想耶總因朕無知人之明自恨自愧○欽差大臣廣州將軍耆英等奏奉到諭旨專意勦辦無稍游移惟當江水盛漲逆船折餞往來不可嚮邇我兵銳氣全消如

與爭鋒難望得如甚至地方糜爛民困滋深若一意堅守長江既為所扼則聲勢梗阻戰守兩難懇恩俯念東南時勢曲予矜全報聞命署乍浦副都統伊里布同任欽差大臣廣州將軍耆英留江蘇會同總督牛鑑等商辦防勦事宜○裁安徽華陽鎮及江西沙灣馬當二處巡催鹽船員弁從總督牛鑑請也○以捐輸馬匹賞太僕寺左右兩翼總管布彥德勒格爾扎密彥扎布三品頂帶翼長齊默特旺布色博勒多卜珠爾車凌棟魯布諾林丕勒花翎○旌表守正捐軀直隸長垣縣民曲林山妻李氏○貸歸化城副都統修理衙署廉俸銀○乙酉欽差大臣廣州將軍耆英等奏夷人於寶山地方張貼偽示無非意在通商情詞尚屬恭順諭軍機大臣等逆嘖犯順以來屢肆猖獗貪黷兇狠難以理喻惟該逆孽釁究不外牟利之心此朕所深知本日閱耆英等呈遞照鈔偽示內有因該逆商

船誤傷廣東商人三名故中國不許通商該國求和不肯保奏朝廷等語該逆如果真心求和於通商而外別無妄求朕豈不思保全沿海生靈聊為羈縻外夷之術著耆英即作為己意諭以大皇帝恩威並用大度包容未因誤傷人命不許爾國通商之事爾國妄行滋擾占我城池傷我百姓天道好還眾怒難犯似此行為揆之天理人情順乎逆乎亦安能常享貿易之利乎今汝既有悔罪之意如將各船全數退回廣東我必奏明大皇帝降旨允和同享太平之福耆英得有覆信即著據實密奏斷不准走漏消息致懈軍心儻該逆執迷不悟妄肆要求出於情理之外朕亦惟有一面防堵一面攻勦而已將此由六百里加緊密諭知之○又諭耆英等奏逆船逼近江口現在防堵情形一摺覽奏均悉該逆詭譎異常情殊可恨天津一帶已防範嚴密惟江蘇處處港汊皆可直達內河防堵不

容稍懈江口為各路匪總尤宜加意堵截牛鑑等帶兵分段駐紮聲勢聯絡當不至再有疏虞齊慎劉允孝前已有旨留於江蘇擇要分屯協同牛鑑等辦理攻剿事宜尤勅帶兵防衛松江郡城昨據奕經奏前後撥兵六千餘名前赴江蘇應援兵力不為不厚惟在該督等激勸將士同心戮力應守則守應剿則剿該逆自不敢分竄滋擾斷不可稍存畏蕙致懈軍心是為至要將此由六百里各諭令知之○又諭本日據耆英等奏逆船逼近江口現在防堵情形一摺已諭令分路堵截毋令逆夷竄入內地惟據稱該逆偽示有直抵京師之謠詭譎情形殊為可恨該逆船已北駛忽又轉回吳淞停泊現在該處肆意窺伺尋釁復又造謠北上種種變態不可不加意防範免墮奸計因思天津沿海業經布置周密由該處抵京雖有數百里之遙而節節皆須扼要防守方昭慎重除通州屆期由朕另

派大員安設重兵外其由天津至通州中間仍須有兩處寬闊地面駐紮兵丁既可為天津接應並可拱衛京師著賽尚阿訥爾經額嚴密派員相度地方繪圖具奏屆時當由京營派兵前往耆英等原摺及暎逆偽示均著鈔給閱看將此諭令知之○又諭哈琅阿奏遵旨分兵駐紮並請將前次駐關之吉林兵五百名現在到關之黑龍江兵五百名仍行留關駐紮俟續調吉林黑龍江兵各五百名進關時飭赴天津各等語覽奏均悉著照所議辦理此項官兵到天津時所需馬匹及鍋帳等件即著哈琅阿飛咨直隸總督就近備辦以歸簡易又昨據牛鑑奏粵東傳述暎夷欲以馬車馬礮運往天津一帶陸路接仗等語亦著豫為籌畫設法堵禦萬一逆船駛至斷不可令該逆馬車馬礮上岸是為至要牛鑑片著鈔給閱看將此諭令知之○又諭著長春於古北口挑選精兵五百名雙德於密

雲挑選精兵一千名併各準備精良器械聽候調遣為京師防禦之用一聞調撥即派明幹將弁分起管帶迅速前來將此各諭令知之○吉林將軍經額布等奏雙城堡三屯倉貯穀石照依時價出糶得旨穀石若干價銀若干全未聲敘何粗率不明至此○丙戌諭內閣吳其濬奏請將交審案件解往湖北提審等語此案湖北崇陽縣人吳植三是否實係良民並未從逆徐升堂有無串同誣指情事必須徐升堂到案方可確切質訊惟入證俱在湖北未便紛紛提質所有吳植三一犯著即解往湖北交裕泰趙炳言就近提集人證秉公審訊按律定擬具奏○諭軍機大臣等昨因耆英等奏嘆逆出有偽示有直達京師講話之謠降旨諭令嚴密防範因思天津沿海均有攔江沙大船不能駛進其火輪三板等船乘潮皆可攏岸然必有漢奸導引方敢舍舟登陸設使該逆主使漢奸假扮商漁

混入探道或邀截商漁船隻脅誘使用必應嚴行防範著賽尚阿訥爾經額設法籌防會商妥議具奏再逆夷詭譎異常僅經探知天津水路無隙可乘或由陸路如近京之涿州良鄉等處潛入京師豫先埋伏一經竄入城內則散漫無稽勢難查察該督惟當嚴飭所屬近京各州縣地方官務於行旅客商自南來北必由之路認真稽察遇有面生可疑之人嚴加究詰斷不可令匪徒涸跡入城散布謠言致滋搖惑仍嚴禁胥役人等不得藉端滋擾至天津沿海火藥馬匹當已足敷應用現據火藥局添製火藥存貯在京並有察哈爾牧羣馬匹在京牧放如天津尚形短絀即著賽尚阿訥爾經額具奏請領再有人奏天津北門外大關有浮橋一處為南運河歸入海河之上游其北關外三里餘有浮橋一處為大清永定各河匯歸北運河之地俱係聯絡船隻為浮橋實南北往來車馬行旅由津

赴京之要津請飭直隸總督選派員役駐紮橋邊每日實力稽查夜則調開浮橋船隻不准私自過渡等語是否可行亦著訥爾經額妥籌具奏將此諭令知之○又諭牛鑑奏逆船闖入江陰縣境現在相機防禦一摺據奏夷船五六十隻駛近福山其火輪船二隻已乘潮駛過江陰之驚鼻嘴大小逆船均在江中寄碇等候探水該督現已分飭鎮道將前備之火攻船整理周密相機截擊齊慎牛鑑均已趕赴京口等情覽奏均悉逆夷由海入江先遣火輪船闖入江陰即難保無大幫逆船跟蹤內犯大江形勢究與外海不同如果逆船駛進務將備防之火攻等船相機截剿一面於京口上下地方嚴行防堵再於驚鼻嘴下游沙線彎曲處所用船裝載沙石填塞要害斷其歸路其江北口岸亦須派員帶兵嚴密防禦前據奕經等奏已將派撥之江西兵二千名攜帶大礮四十位擡礮一百桿迅

解江蘇計此時當已抵蘇著著英齊慎牛鑑劉允孝程商采會同商酌於扼要處所駐紮如兵力尚單即著曉諭紳民人等雇備船隻團練義勇激以忠義許以重賞既可為國殺賊即以自衛身家當可濟兵力之所不逮該大臣等務當設法拒守力求保全之策方於國事有益而殊勳立奏也本日據德珠布等奏請撥兵應援一摺現在齊慎牛鑑業已馳抵京口江寧省城緊要應如何添兵防守著該督等妥商辦理無稍疏懈將此由六百里各諭令知之○又諭禧恩奏籌畫防夷事宜一摺所奏均屬周妥能中肯要盛京為根本重地防範夷匪必應計出萬全據奏逆夷船堅礮利總不與海上交鋒現籌陸路埋伏攻剿並將扼要處所礮位安置後路業於省城挑選精兵一千名又加選精壯二千名並於南路之熊岳鳳凰城遼陽西路之廣寧義州各選精兵二百名加以海口原有兵勇設伏

進攻均足敷用該將軍務當嚴飭所屬勤加操練毋致有名無實仍著隨時察看如尚須調他處協防之兵著即遵前旨一面咨調一面奏聞至該省沿海地方雖有沙線淺灘明險暗險亦難保無漢奸導引乘駕三板小船登岸滋擾且恐該逆將帶來舊有漢奸扮作客商及行路之人混入探道並恐商漁船隻為其邀截使用該將軍現將偏僻小口設法堵截嚴行盤詰奸宄並將商漁各船收回內

地水師戰船一律防範俱著照所議認真辦理該逆沿海擄掠各處果能堅壁清野自必勢窮力蹙所有該省海口鋪商著該將軍臨時酌量飭令豫為搬移如不願遷即令自行團練島嶼煙戶亦令遷徙腹地毋使臨時反為逆夷所用又另片奏前諭留駐盛京之黑龍江兵五百名擬令在大凌河駐紮如有徵調可期迅速遞行等語亦均著照所議行將此諭令知之○又諭德珠布等奏逆夷欲犯

省城請就近撥兵應援一摺迭船現在逼近江口江寧省城防堵緊要昨據奕經等奏前已撥兵六千餘名前赴江蘇並據牛鑑奏稱現將江陰及京口焦山一帶布置妥協即至省城與該將軍等會商一切所有江寧省城應如何添兵堵禦之處本日已諭知牛鑑與該將軍等妥商籌辦其京口沿江各隘前已有旨飭令劉允孝仍回江蘇與齊慎擇要分屯互為聲援該將軍等仍當嚴飭所派弁

兵實力防守不獨省城根本之地固應慎重即各汛要隘亦當一體嚴密巡防毋使稍有疏懈是為至要將此諭令知之○以正紅旗漢軍副都統扎拉罕奏管火器營事○以捐製蒙古官兵帳房賞張家口左司員外郎福申花翎餘加銜升補有差○丁亥安徽巡撫程楸采奏勸令紳民捐修隄埝並集資募勇巡防得旨妥行酌辦切忌強押○舉行本年軍政侍衛處鑾儀衛滿洲蒙古漢軍各旗營

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十四

其後總辦官署並口開辦各法官米子米穀稅關人關大學士一洞開預備官署理戶部事務士官房開辦傳輪船稅關改官稅院士其開辦  
天開戶部戶部總辦官署並口開辦各法官米子米穀稅關人關大學士一洞開預備官署理戶部事務士官房開辦傳輪船稅關改官稅院士其開辦  
七會天府府會同四譯館官署一級總辦官署並口開辦各法官米子米穀稅關人關大學士一洞開預備官署理戶部事務士官房開辦傳輪船稅關改官稅院士其開辦  
內務府大臣漢滿洲部總辦官署內之金太監官署理宗人官稅房左翼右翼官署 並是官署明開普寺時校官署滿洲各縣各官署並口開辦  
崇仁進朝式各縣官署十八級官署並口開辦各法官米子米穀稅關人關大學士一洞開預備官署理戶部事務士官房開辦傳輪船稅關改官稅院士其開辦

致修

等特依順奏請將乍浦滿洲營現存官兵併眷屬家口統歸嘉興駐劄等語乍浦滿洲營官兵除陣亡外現存一千餘員名著准其統歸嘉興暫行駐劄以資防守該官兵等眷屬家口即令隨往郡城駐防俾令兼顧家計仍著該署將軍派委妥員前往彈壓照料毋任滋事至乍浦防堵事宜現經派令德坤哈拉吉那管帶陝甘官兵一千名扼要分守著飭令該總兵等隨時加意防備不得稍有疏懈

將此諭令知之○又諭賽尚阿等奏續商防堵事宜及密奏設伏情形遵議防勒五條各一摺據奏察哈爾官兵已於本月初九日埽數到津擬撥大沽北塘五百名其一千五百名仍在新城一帶駐紮暫緩遷移以資休養該處距各海口不遠一經調遣呼吸相通已清德移駐新城照料等語覽奏已悉其逆夷黑夜潛來亦經安設馬撥五十餘處晝夜傳籤足資守望又添馬隊會哨拔巡稽察益密至沿海各處深淺不等實皆泥淖如果乘間上岸現有傳籤會哨兵丁分投馳報可期兇擊夾攻等情均著照議辦理仍當嚴飭管帶員弁認真巡哨毋任有名無實至吉林黑龍江官兵前奏分駐李八廠等五處尚未周密准其酌撥黑龍江兵二百名在適中之洋河口地方後路屯紮牛鑑所奏喫逆欲以馬車馬礮運往天津肆擾早經該督究掘陷坑不任馳驅覽奏甚屬放心所奏窩蜂礮子擊人

之法及沿海十一處埋伏並北塘迤南鹽溝埋伏陝兵各情形所議俱屬妥當即著照議辦理另片奏北塘北岸防兵於南岸撥兵湊足一千名之數仍於添調宣化兵內撥兵防守南岸所辦甚好其奏經前奏防勒五條現據查明天津貨船不能直抵關門如有逆船北駛消息即著嚴禁出入以杜漏洩軍情並免搶奪船隻擡礮現已演習均能及遠有準大沽北塘各處並無繞至管後路徑該逆亦不能以大隊攻撲所議均屬周妥惟逆夷慣用炸礮我兵宜以散隊進攻著俟臨陣時相機布置毋墮奸夷詭計前諭添派兵丁赴津防禦現已調取提標及正定大名宣化天津各鎮標兵來津分撥防堵前後馬步隊實不為少其察哈爾吉林黑龍江山西各兵援案折給口糧鹽糧並馬匹分別給予豆料折色之處均照所議辦理將此諭令知之○又諭前因山西平定州民人竇計小子現在直隸



平山縣地方磨坊生理當有旨諭令訥爾經額飭屬訪獲茲據奏稱委員會縣於各村莊磨坊逐一密查委無實計小子其人惟查據該縣開設錢鋪之山西人竇姓據稱道光二十年間曾有實計小子在平山縣磨坊生理聞其已回該州城北距城八里之小河村原籍等語該民人近年曾在平山縣磨坊生理現今甫回原籍是實計小子實有其人著梁萼涵派委妥員將該民人密速訪獲妥為看管毋許與外人交接並不准官吏人等藉端凌虐速行奏聞候旨辦理將此諭令知之○賞浙江陣亡總兵官葛雲飛長子以簡文舉人次子以敦武舉鄭國鴻長孫銘次孫鐸文舉人一體會試○蠲緩湖北崇陽通城蒲圻三縣暨武昌武左二衛被賊滋擾災區新舊額賦有差○己丑

上詣綺春園問

皇太后安○諭軍機大臣等齊慎奏京口情形

危急請截留官兵協防一摺據奏初七日逆夷火輪兵船已過圖山關距京口數十里該大臣僅止帶兵七百名現已咨會劉允孝將所帶官兵一千名截留協防等語劉允孝已於初五日自王家營折回江蘇計此時已與該大臣會晤著即照議協同防剿毋致疏虞逆夷由海入江大江以內淺灘暗礁隨處皆有該逆冒險深入地勢未必周知又非海洋可比著該大臣等懸立重賞趕募水勇雇備

小船暗伏葦洲豫備乘夜火攻其江面官設紅船及湖廣裝貨江船數亦不少水手素稱矯捷著以重價雇覓相機調撥萬勿為該逆所得是在激以忠義勉以功名人既盡為我用地又有險可扼逆夷深入之時進易退難當可制其死命陸路再妥布兵勇必能得力著齊慎牛鑑劉允孝趕緊妥辦務期得手斷不可藉口兵單一味江岸株守坐視逆船揚帆徑入甚或搶奪官民財物辦理更形棘手

也將此由六百里加緊諭令知之○又諭昨據牛鑑奏逆船闖入江陰縣境降旨令耆英等竭力防範並曉諭紳民人等雇備船隻團練義勇由六百里諭知計已接奉遵行本日又據齊慎奏喫夷火輪兵船已過圖山關距京口祇數十里已諭令募船雇勇趕緊辦理矣因念喫夷橫行海壖因恃船堅礮利且恃外洋路徑四通八達得以來去自如若大江則袤延數百里別無港汊可通大海是出入

祇此一條江路江中處處葦洲林立儘可埋伏小艇豫備火攻加以沿江船戶民人多能泅水或黃夜鑿其船底壞其槳舵較海面當易得手況逆夷即敢冒險深入不能不從原路退回俟其揚帆直趨鎮江揚州江寧等處我兵從後路多方攔截即或該逆偶爾得手其搶奪財物自必仍由原路運至大船所雇水勇船戶果能將其船隻奪獲殺賊立功即將船上所有之物盡數賞給其有能將逆船

焚燒者亦必加以重賞該逆內犯全恃小船為爪牙果能將小船設法殲除自足奪其所恃斷不可因一時失守遽爾潰散總當自鼓銳氣凡有可相機制勝之策極力籌畫以期轉敗為功江蘇士習民風向稱醇謹涵濡教澤二百餘年當此海疆不靖自必志切同仇況已窺伺沿江剝膚災近必有智勇之士慕義而起上為國家殺賊建立功名下即自衛身家免遭荼毒如果眾志成城羣思敵愾較

之各路調集客兵當更得力但必有先導之人方可聞風感奮該省在籍大員品望素著眾所推服者頗不乏人即或官職稍卑而謀勇可稱鄉評夙洽亦可效忠倡義廣募鄉勇共襄此舉著牛鑑程高采選擇紳耆諭以理勢俾各號召義徒自相團練或捐資置備船械或協力遙應官兵因此地利濟以人和儻能懋著殊勳朕必恩施格外也將此由六百里加緊諭令知之○又諭雙德奏選派精壯

官兵聽候調遣一摺。據稱現已選派官二十一員。擡槍鳥槍等兵共一千名。應需軍器藥鉛均已豫備。聽候調遣。並懇請俟調撥之際。親身帶領等語。此項官兵。俟奉到諭旨。調撥即著該副都統帶領前來。所有印務著派委員署理。將此諭令知之。○庚寅諭內閣。培成等奏上駟院太僕寺送到牧羣馬匹。俱已照數驗收。所有護送來京之官員兵丁等。上駟院著留官八員。太僕寺著留官六員。兩處各留兵丁二十名。幫同南苑官員等隨時稽查。妥為照料。其餘均令各回本處。○諭軍機大臣等。寄諭兩江江蘇浙江閩浙福建兩廣廣東各督撫。據著英奏。該逆每日閱看京報。請飭密查等語。該逆閱看京報。必有輾轉遞送之人。其為漢奸無疑。可恨可惡之至。著該督撫等派員嚴密查拏。將遞送該逆京報之人。一面正法。一面奏聞。並著隨時隨地留心稽查。務使內地機密要事。勿為該逆竊探。是為

至要。將此諭令知之。○又諭據牛鑑奏。籌防江口情形。並以兵力單弱。請撥兵往援等語。該將軍接到該督咨文。諒已酌量辦理。浙江防堵固屬緊要。惟現當逆夷大隊船隻竄入江境。自當先其所急。著奕經再撥兵丁一二千名。派委將備管帶前往應援。無稍遲誤。此時逆船漸已駛入團山關。顯欲進犯鎮江揚州江寧各處。惟該省內地祇此一條江路。該夷肆意深入。實屬自蹈危機。現已諭令齊慎牛鑑等截其後路。當可得手。著奕經悉心籌畫。飭令將弁兵丁會同該督等所派各路兵勇協力攻守。並助其縱火焚燒該逆船隻。僅兵到之際。正值逆船已入大江。或將欲退出江口。著即飭設伏要隘。明攻暗襲。斷其歸路。勿令該逆三板火輪等船與大船聯絡一氣。自可奪其所恃。江浙一體勿分彼此之見也。將此由六百里加緊諭令知之。○又諭現在逆夷猖獗。有由揚子江直犯江寧之謠。該逆

如由內河北駛必多備小船由瓜洲進口直趨揚州淮安各處不可不加意嚴防此時牛鑑駐守江寧省城勢難兼顧著責成麟慶於由江入河扼要處所嚴密防堵毋令連艘直入如兵力稍單即趕緊團練水勇設法守禦或雇覓小船裝載柴草引火各物暗伏港汊乘夜縱火焚燒使不得揚帆徑渡是為至要如防堵不嚴稍留罅隙致河面有夷船闖入惟該河督是問將此由六百里加緊諭令知

之○又諭昨因齊慎奏逆夷火輪船隻已過圖山關距京口祇有數十里當降旨令雇船募勇趕緊辦理並諭著英齊慎牛鑑程喬采劉允孝等豫備小艇火攻或該逆船揚帆闖進我兵從後路設法攔截並懸立重賞購募水勇船戶及曉諭紳耆捐資團練以期保衛諒著英等接奉此旨即已相機籌辦茲據著英程喬采等奏逆船闖入江口扼要地方現在分別防守一摺著遵前旨竭力籌畫防堵

毋稍疏虞至揚州兵力單弱本日已降旨令麟慶帶兵堵禦斷其由江入河之路以資江北保障將此由六百里加緊諭令知之○又諭牛鑑奏籌防江口情形一摺覽奏均悉牛鑑馳抵京口與齊慎海齡晤商戰守事宜已擇要布置現在該督馳赴江寧省城保護根本重地惟京口係各路匪總要道該逆船隻所必經若將京口設法守住自不至分竄各處並直犯省城著劉允孝帶兵駐劄京口堵

禦南北兩路即令已到江寧仍即迅速折回毋稍遲誤該逆火輪船駛至圖山關被我兵擊中後艙當即南駛難保不糾約大幫乘潮內犯現經該督飭屬備辦火攻船隻著即相度要隘屆時縱火焚燒惟雇船切宜慎密既恐漢奸勾串反為賊用又恐船戶詭譎貪取逆夷重利臨時並不攏近祇於空闊處所點放虛火黑夜之間但見火光不能辨其近遠何由知其曾否燒船此弊不可不知並著仍

遵前旨。俟逆船直趨鎮江等處。我兵從後路多方攔截。或趁其仍由原路運回財物之際。截其後路。不難制其死命。總在該大臣等一面激勵將士。智勇兼施。立功膺賞。一面勸諭本地紳民。協同號召義徒。齊心敵愾。該逆如果受創。必不敢深入內地。肆行無忌。據稱防堵兵丁單薄。已由六百里加緊諭知。揚威將軍奕經遣兵應援矣。將此由六百里加緊各諭令知之。○又諭舒倫保奏校閱兵丁槍礮馬步射。分別賞罰等語。據稱派委委員擇其精壯兵丁二百名。演習馬上鳥槍。所辦甚好。如果得力。著即隨時增添。一律勤加練習。以期得用。又據稱每歲學習打圍。按年更換官二十員。兵五百名。照例每官借銀五兩。每兵借銀二兩。均作為二年扣還。著照所議辦理。該將軍即與副都統恆通。按年更換帶領官兵前往賀蘭山一帶。指教行圍。務須認真練習。俾成勁旅。而收實益。將此諭令知之。○辛

卯諭軍機大臣等。祿普等奏荊州大隄衝決。郡城被淹一摺。據稱萬城以上之吳家橋地方。水閘衝開。並萬城下十餘里上漁埠頭大隄被水衝決。直衝郡城西門。致江水灌進城內。多被淹浸等語。荊江大隄為閩府田廬保障。現因江水陡發。兵民人等猝被淹浸。亟應分別撫卹。著裕泰等迅委委員前往查勘。一面將被水兵民酌給口糧。毋令一夫失所。一面將應修隄工城垣趕緊修築。以禦伏汛。至荊州隄工屢經動項修築。何以一遇盛漲。即有衝決之事。著裕泰查明歷任承修各員。據實奏。將此諭令知之。○又諭逆夷犯順以來。恃其船堅礮利。橫行海上。荼毒生靈。總因內地師船小大懸殊。不能相敵。是以朕屢降諭旨。飭令將軍督撫。但為陸守之計。勿與海上交鋒。兩載以來。迄無成效。推原其故。由於無巨艦水師。與之接戰。其來不可拒。而其去不能追。故一切來攻埋伏。抄前襲後之法。皆

不能用。以致沿海州縣屢經失挫。七省防邊勞師糜餉。言之憤恨。因思逆夷所恃者。中國戰船不能遠涉外洋。與之交戰。是以肆行無忌。若福建浙江廣東等省。各能製造大號戰船。多安礮位。度其力量。堪與逆船海洋接仗。上之足殲醜類。次亦不失為尾追牽制之計。設有如定海鎮海廈門之事。我陸兵戰於前。水師戰於後。該逆將無所逃命。沿海州縣庶可安堵無虞。惟是逆船徧海。此時聞我造船。勢必設計阻撓。乘機搶劫。不可不豫為之防。著福建浙江廣東各督撫。各就本省情形。詳加籌畫。密為辦理。前據奕山奏。廣東曾捐造大船一隻。頗能駕駛出洋。可見木料人工。隨地皆有。急公好義。正不乏人。嗣後如有捐資製造戰船礮位者。該督撫查明保奏。朕必照海疆捐輸人員從優鼓勵。惟此項船隻。必難剋期成造。事先務當密之又密。斷不可走漏風聲。致有貽誤。將此各諭令知之。○又諭。前

經降旨著長春於古北口挑選精兵五百名。並備精良器械。聽候調遣。茲據該署提督奏稱。所屬各營兵丁。除節經撥往天津外。現存營兵止八百餘名等語。本日已降旨停其調撥。著訥爾經額於直隸山西各兵內酌量挑選五百名。俟長春來京。有旨令其赴津。即將此項兵丁交長春管帶前往。所有需用器械。即著訥爾經額挑選精良。以備攜帶。將此諭令知之。○又諭。有人奏。破夷之法。先破其船用巨木捆縛有力。上置引火各物。下繫石塊。不致漂蕩。安置上游。夷船入口。便將捆縛巨木順流放下。使之借助水力。急湍激發。衝擊逆船。便可破碎。又於木端用各種鐵鉤。鉤住船板。不能立脫。傳聞海外之國。曾以此法破暎夷。此次逆船若由江入河。著麟慶即擇急流處所。做照前說。製造巨木。或整或散。順勢直放。如果試驗得力。即著購木趕辦。俟逆船駛入。即以此法破之。務當悉心籌畫。以求有

濟將此諭令知之。○庫倫辦事大臣祥慶因病辭任。賞已革侍郎文慶三等侍衛。為庫倫辦事大臣。○壬辰月食。○諭內閣。昨據祿普等奏。荆江大隄衝決。郡城被淹。已降旨交裕泰等查勘辦理矣。茲據該督等奏。荆江水勢盛漲。連日大雨。將上漁埠頭工段漫缺一口。刷寬數十丈。水由西門繞過。以致城垣倉庫監獄均被淹浸等語。荆州萬城大隄。為閩郡保障。現在江水盛漲。城鄉被淹。亟應查明撫卹。裕泰已由水程馳赴荆州。著即督飭該地方官。將被水居民妥為安撫。毋使流離失所。並將隄工趕緊修築。以禦伏汛。至歷任承修各員。著該督仍遵前旨。據實參奏。不准稍有瞻徇回護。○諭軍機大臣等。本日據德珠布興倫奏。逆船聚泊焦山一摺。又另片奏。現於烏龍山設伏。並用小船裝載柴薪備攻等語。覽奏均悉。逆船越過圓山關。向東馬頭而來。在防官兵開礮轟擊。當即退去。但恐大幫來

犯京口。必應嚴加防禦。該處有齊慎劉允孝帶兵協防。揚威將軍撥兵往援。計已到彼首尾互應。當不致再有疏虞。惟江寧省城為根本重地。士民聞風驚惶。在所不免。著牛鑑德珠布協力同心。和衷商辦。斷不可稍形畏葸。株守省城。輒稱人力難施。一籌莫展。至省城紳士不乏急公好義之人。即百姓亦豈無勇敢慕義者。惟在該將軍總督激勵眾心。諭以大義。號召團練。以滅寇氛。其軍糧一切所關匪細。斷不容稍有缺乏。糧臺現在蘇州。已有旨諭令著英程高米等設法轉輸。源源接濟。仍著牛鑑責成。江寧江蘇兩藩司妥速辦理。不准稍形推諉。至火藥鉛斤官兵糧餉。為行軍要需。豈容缺少。本日已有旨諭令程樾采速籌運濟。並揀派精兵以為聲援。至江寧地方據稱江面深闊。惟烏龍山狹窄。可以設伏。德珠布現派兵丁千餘名。安礮守禦。著即併力防堵。所備柴薪船隻。僅能乘機縱火焚燒。

逆船該夷自必遠遁不敢深入。庶省城能保無虞。該將軍之功甚偉也。將此由六百里加緊諭令知之。○又諭常恆昌奏浙江洋面有盜船在石浦地方登岸搶掠玉環廳及太平縣等處。亦有盜匪滋擾。石浦光鐵尤甚。業經該提督段永福派員帶兵馳往勦捕。並派舟師在洋截擊。石浦太平盜匪均經擊退。玉環廳格斃盜匪一名。擒獲一名。惟樂清縣洋面仍據報有盜船遊奕等語。該省現在防夷喫緊。洋盜乘間竊發。剽掠商民。地方更形擾累。著卞士雲、段永福嚴飭各屬文武員弁協力勦捕。並派舟師出洋巡緝。毋令滋蔓。揚威將軍暨參贊大臣雖係專辦夷軍務。惟盜船出沒與逆夷同一貽害地方。該將軍等統轄重兵駐劄該省。亦著酌量情形撥兵會捕。前據牛鑑奏吳淞口外有草鳥船二十餘隻。與夷船聯幫等語。今據常恆昌奏查草鳥船即係盜船。且以各處所稟計算已在百隻以外。

此等犷悍之徒。僅被逆夷勾結。轉致增其羽翼。著即剴切曉諭。果能悔罪投誠。或責令隨同官兵殺賊立功。即將夷船貨物全數賞給。或將草鳥船及舊有器械一併呈繳。亦可赦其罪戾。予以自新。是在該將軍等妥速籌畫。勦撫兼施。以靖地方。而弭後患。至該省命盜各案。現均咨部展限。其拏獲洋盜案件。仍著勒限一箇月。訊取確供。覈明情罪。即將法無可貸之犯。由該地方官就近正法梟示。以昭炯戒。餘著照所議辦理。將此由六百里加緊諭令知之。○又諭本日據德珠布奏稱。逆船闖入圖山關。被兵礮擊退。現仍聚泊焦山。恐欲內犯江寧省城。已飭令牛鑑會同該將軍等妥為防禦矣。京口屯兵不厚。糧餉不敷。且有未經到齊之兵。情形頗為喫重。現經德珠布等派兵在烏龍山扼要處所。併力防守。但恐逆夷蜂聚。勢或不支。該處糧草火藥鉛斤等件。又覺不敷應用。著英係欽差大臣均應



統轄有不用命。或貽誤軍情者。俱當據實嚴叅。著英程高。即飭蘇州藩司於糧臺內。將該二處各項需用之物。源源接濟。勿令稍形缺乏。至蘇州距京口稍遠。恐兵力應援不及。亦應於入江口隘。設法接應。使該逆有所牽制。懼截後路。當不敢肆行深入。種種布置。全在該大臣等悉心籌畫。與京口等處聯絡一氣。首尾相顧。切不可因距彼稍遠。株守坐視。致失事機。是為至要。將此由六百里加緊

諭令知之。○又諭連日據牛鑑等報。逆夷船隻已入江口。停泊焦山等處。並聲言欲犯江寧等語。大江沂流而上。即係安徽連界處所。逆夷大幫船隻。雖未必能深入。其三板小船。儘可乘潮駛進。亟宜加意嚴防。程楸米此時自己派員帶兵。馳赴防堵。並將軍火器械糧餉。備帶足數矣。現聞江寧告警。一切火藥糧餉。實不敷用。著程楸米趕緊寬為豫備。運往接濟。並挑派精兵赴援。毋少遲延。將此由六

百里加緊諭令知之。○又諭前據禧恩等奏。接朝鮮國來咨。有內地民人潛赴邊外。蓋房墾地。當經降旨飭令查拏懲辦。茲據經額布奏稱。寧古塔所屬琿春地界。與朝鮮接壤。僅一土門。江之隔。亦難保無奸民潛往結屋墾地之事。著該將軍派員確查。如有潛赴土門江一帶結屋墾地之人。即行拏獲究辦。並將房地平毀。不准留寸椽尺地。以淨根株。仍俟原派之員查覆後。再由該將軍揀派誠實可

靠之員。前往覆加查勘。僅有隱匿遺漏等弊。即行從嚴叅辦。毋得稍有瞻徇。將此諭令知之。○又諭惠吉奏。巴里坤宜禾縣地方。猝遭地震。受災甚重。飭員前往督辦撫卹。一摺。巴里坤為新疆東路瘠苦之區。現猝遭地震。兵民房屋陡被震塌。必致失所無依。情殊可憫。該處距烏魯木齊一千數百里。若俟委員往查後再行籌辦。未免往返稽延。自應急為撫卹。著該都統即飭鎮迪道酌帶銀兩。親往督

同該府縣及委員等確查被災情形。先將貧苦之戶。壓斃者妥為收殮。壓傷者酌給藥餌之費。棲止無所者量給房費。均著隨時查明。即行散放。毋任稍有遺漏。冒濫。至極貧無業之戶。應否再加調劑。著查明情形。另行覈辦。總期災黎無致失所。將此諭令知之。○雲貴總督桂良等奏。遵旨籌議節用。請將滇省歲修塘房銀四千六百兩有奇。暫行停發。開化等府緝捕經費銀八千五百兩。辦銅各廠員薪水銀二千兩有奇。俱減半扣發。解運京銅委員增給經費銀一萬三千兩。酌減一成扣發。糧道兼管大修海口積存銀六千七百兩。又節省銀一千五百兩。應俟五年後察看情形再行覈辦。黑鹽井於辦供正溢課款外。每年設法趲解銀一萬兩。以上各項計五年內可共得銀十一萬四千兩有奇。下部議從之。○准浙江宣波後幫湖北三幫軍船遭風沈失米石分限買補。○蠲緩浙江定海鄞鎮海

餘姚慈谿奉化象山平湖海鹽海寧嘉興秀水十二州縣被夷滋擾災區新舊額賦有差。○癸巳諭內閣。德春等奏。酌覈浙江江廣各幫船請援案寄剝等語。本年浙江江廣各幫軍船入關北上。計期已屆秋令。正值水勢漸消之候。若令抵壘轉恐回空淺阻。致延時日。著照所請。自三進浙省杭嚴三幫起。至湖南三尾幫止。共三十三幫。准其援照成案。由楊村寄剝北上。軍船即由彼處就近南下。以速回空而免擁擠。○諭軍機大臣等。本日據齊慎海齡奏。夷船駛至京口。開礮攻撲我兵連日接仗。奮力堵擊。又據耆英奏。馳往應援各一摺。覽奏均悉。此次逆夷連日攻撲口岸。經齊慎等奮勇擊退。可嘉之至。齊慎劉允孝。久歷戎行。忠勇素著。海齡亦能協同出力。朕心欣慰。惟盼迅奏膚功。即膺懋賞。所有出力之滿洲綠營弁兵。著查明保奏。候朕施恩。逆夷經此懲創。必糾約大幫前來。併力攻撲。著齊

慎劉允孝海齡等一面防守城垣一面督率兵丁在口岸拒敵僅兵力單薄本日已諭牛鑑於江西兵丁內酌量何處緊急即留何處應援現在劉允孝帶兵駐劄英經所派官兵亦陸續前來著英齊慎等惟當籌畫萬全分布要隘以資防禦京口為鎮江各路咽喉如能併力守住該逆自不敢深入著英到京口時或該逆業已內犯即著堵截後路勿令退出當可制其死命即令夷船大幫前來兵力

難支偶有小挫亦當於萬難之中力求補救之策激勵士心勉圖後舉或分兵擇要設伏出奇制勝或以葦船裝載引火各物遣赴焦山一帶焚其後路船隻俾逆夷有所牽制首尾不能相顧齊慎劉允孝素諳兵法虛虛實實謀勇兼施諒不肯以數千官兵排列江口作為孤注也將此由六百里加緊各諭令知之○又諭據齊慎等奏逆夷攻撲京口我兵連日接仗奮力堵擊情形一摺已諭令該參

贊大臣等相機竭力防勦矣惟是京口兵力單弱現在逆勢方張必得添兵接應李銓所帶江西兵二千名已留一千名在京口防勦其餘一千名著酌量江寧京口何處緊急即留何處防勦其尤勦帶領兵丁是否必須在松江一帶防堵抑或堪以調往京口應援之處著牛鑑等酌量情形辦理至江北瓜洲口岸前已諭令麟慶帶兵防守仍恐兵力不敷徐州官兵除業經徵調外是否尚敷調撥足

備江北防禦之用亦著牛鑑妥為籌畫飛咨麟慶辦理以資應援現在逆船已直抵金山江面京口瓜洲最為喫重該二處向有大號紅船並停泊江船亦復不少能否召募雇作師船或在江心攔阻或抄前襲後出奇制勝方能杜其深入之謀是在該大臣等相機應變迅奏膚功又據程喬采奏江陰海口有逆船勒令漁船代遞夷書向民間索買雞鴨豬牛等物著該督撫等曉諭沿海居民逆夷所

需食物始則用價購買繼則肆行搶掠所過之處皆然萬勿貪其小利致受滋擾務於夷船未到之先豫將一切牲畜設法隱藏庶不致轉資寇糧也將此由六百里加緊諭令知之○又諭本日據齊慎等奏逆船駛至京口連日接仗情形一摺京口為大江鎖鑰該逆分舢肆擾並有大幫兵船隨後繼進若逆船由瓜洲進口直趨揚州淮安一帶則處處防範宜嚴前已有旨諭令該河督設法堵禦儻

兵力尚單或就近酌調徐州兵丁以資策應或於隱僻之處潛設伏兵俟逆船駛入縱火焚燒再以精兵截其歸路當可得手該河督辦理河工於軍務雖非專管但際此逆夷猖獗之時自當協力同心不分畛域儻能相機妥辦俾運道無阻塞之虞而揚州一郡得獲安全是該河督之功甚偉也將此由六百里加緊諭令知之○甲午諭軍機大臣等程高奏奏夷船闖過圖山關江寧情形危急一摺

據奏揚郡兵力單弱已飭兩淮運司督同揚州府等勸諭紳商團練鄉勇又於蘇州擊獲搶犯多名將首犯即時處斬民心藉以安定所辦甚好所奏吳淞停泊夷船既未遠徙劉河等處亦有番舶往來恐其再入黃浦復犯松江請飭省英仍留蘇州等語前據省英奏馳往京口應援當經降旨准行京口地方現關緊要著英毋庸折回蘇州伊里布前已有旨飭回浙江本任現在省英已赴京口伊里

布著暫留於江蘇與程高妥協同防守如已啓行無論行抵何處即行折回另片奏江省待用孔亟已飭江寧藩司將寄貯之浙江餉銀暫行借用仍俟本省商捐解到由蘇庫撥還並牛鑑在常州府寄貯浙江軍需內提銀二十萬兩解赴江寧又提銀四萬兩分貯鎮江江陰兩處覽奏均悉即著照議辦理將此由六百里諭令知之○又諭牛鑑奏逆船闖過京口省城情形危急一摺逆夷船隻已乘

大汛越過圖山關現復由京口揚帆上駛欲至江寧該督因其來甚猝省城兵力單薄商同嬰城固守著德珠布興倫會同該督竭力守禦毋稍疏虞該省城雖高厚萬一該逆以小船攏岸扒城而入尤應嚴密防範凡可以攀登之城堞分別派兵拒守並著相視攏岸處所駕巨礮於城上向擊著該將軍等會商妥辦現已有旨諭令奕經帶領將弁星速赴援俾衛省垣並諭齊慎劉允孝酌量一人帶

兵赴省協防江南提督准仍以尤渤暫署所請將聚寶通濟兩門留放米商並任聽居民搬運出城等語俱著照所議妥辦該督務須遣委妥幹員弁嚴密稽查彈壓米石一經截卸即趕緊催令米販出城毋使奸匪得以涸跡藉端滋擾是為至要將此由六百里加緊諭令知之○又諭牛鑑奏逆船闖過京口江寧情形危急一摺江寧為省垣重地防守最關緊要現在逆船已乘大汛越過圖山關直

至京只瞬息可達江寧該處僅有滿洲營及督標兵四千餘名不足以資堵禦著耆英等迅撥精兵於齊慎劉允孝二人內酌量一人統帶前往應援或由水道或由陸路著即相度情形徑行馳赴總以行程妥速為要至京口地方防守亦屬喫緊仍著該大臣等激勵將士竭力堵禦如逆船揚帆竟過有可從後截擊之處務須設法趕辦俾有牽制毋得坐失事機再夷船至京口者大小若何其喫水

深淺若何是否止係三板及火輪船抑另有安設大礮之兵船其兵船大者幾桅長約若干丈安礮約若干門並著確切偵探據實具奏將此由六百里加緊各諭令知之○又諭前因逆夷欲由大江內犯鎮江揚州江寧特諭奕經派兵前往京口應援並設法截其後路自己遵旨辦理矣本日據牛鑑奏逆船闖過京口江寧省城十分危急等語浙江防堵事宜固屬緊要現有文蔚特依順段永福等

在彼足資防守。江寧情形喫重。著奕經即速帶領得力將弁兵勇。星夜馳往江寧應援。會同德珠布牛鑑辦理防堵。務當悉心籌畫。保衛省垣。毋稍疏虞。是為至要。將此由六百里加緊諭令知之。○又諭本日據牛鑑奏。逆船聞過京口。瞬息可到江寧。現在竭力防守。一摺。江寧為省會重地。牛鑑現在彼專辦防堵。江北一帶。勢難兼顧。著責成麟慶加意嚴防。毋使逆船竄入。致運道文報稍有阻礙。且江北向有鹽梟出沒。當此逆夷肆擾之際。恐其乘機竊發。騷擾地方。或潛投逆黨。反為所用。不可不力加防範。著麟慶嚴密稽查。毋致別釀事端。是為至要。將此由六百里加緊諭令知之。○以捐資雇募義勇。製造礮車。賞江蘇外委龐聯奎藍翎。○乙未

上詣綺春園問

皇太后安。○諭軍機大臣等。昨因逆船聞過京口。江寧省城危急。有旨諭令奕經馳往應援。

本日據德珠布奏。逆夷猖獗。大幫船隻已將瓜洲口門封堵。京口江寧現俱危急。並有夷船駛進儀徵口。揚州亦甚可危。又據齊慎等奏。夷船五十六隻。由京口至瓜洲一字排列。並於金山插有紅旗各等語。逆夷闖入大江。勢甚猖獗。江寧鎮江揚州一帶。防堵均十分緊急。著奕經迅即帶領得力將弁兵勇。星夜馳往該省。度量情形緩急。如江南喫重。即馳往江南。江北喫重。即馳往江北。該將軍務當接奉諭旨。即速啓行。毋稍貽誤。將此由六百里加緊諭令知之。○又諭德珠布奏。逆船大幫。已將瓜洲口門封堵。江寧省城危急等語。昨據牛鑑奏到。已有旨諭令奕經帶領將弁。星速赴援。並諭齊慎劉允孝酌量一人帶兵赴省協防。該將軍等仍遵前旨。會商妥辦。務須激勵將士。竭力守禦。毋稍疏虞。御史呂賢基所陳防堵情形一摺。著鈔給閱看。將此由六百里加緊諭令知之。○又諭本日據德珠

布將常鎮道周頊原稟鈔錄呈覽內稱鎮江於初八日開城城上開放槍礮擊殺平民指為漢奸又在城內挖索漢奸每日約殺十餘人頗有冤枉以致城內漢人近城傍晚不得行走府庫銀兩為都統所據該府係其姻親一切附和妄行等語者英此時當已行抵鎮江著將原稟摘錄發給閱看一面詳悉訪查一面安撫軍民毋致別滋事端是為至要將此由六百里加緊諭令知之○又諭齊慎奏

夷船駛至京口江面鎮江情形危急一摺逆船由甘露寺至金山銀山直達瓜洲河口排列意欲上岸攻撲經齊慎等於城外整兵靜待相機勦擊儻該逆敢豕突而來該大臣等務須激勵將士奮勇堵截於危急之中力圖保全之策現在耆英馳赴京口計已可到著即會同妥為商辦毋致稍有疏虞本日據御史呂賢基奏籌度防堵情形一摺著一併鈔給閱看將此由六百里加緊諭令知之○賞

已革湖廣總督周天爵四品頂帶以知府候補迅赴江蘇交欽差大臣廣州將軍耆英兩江總督牛鑑差遣委用○丙申諭軍機大臣等本日據伊里布等奏京口情形危急一摺伊里布現已馳赴鎮江會同耆英商辦夷務蘇州省城防守撫綏均關緊要著程藩采妥為籌度設法保衛毋得稍有疏虞又據程藩采奏江蘇米商稀少請飭鄰省採買米十萬石等語已諭知程琳采吳文鎔裕泰趙炳言

飭委委員採辦足數趕緊運蘇所需價腳仍由蘇省照數報撥至此次江蘇需米緊要所有安徽江西湖北採辦米石經過各關請一體免予徵稅之處著照所議辦理將此由六百里諭令知之○又諭現在逆船駛入大江所有江北一帶防守緊要前已有旨諭令麟慶設法堵禦惟河工向無帶兵之員著都勒豐阿迅即馳赴清江浦會同該河督協力守禦該總兵如有素經練習親兵可期得力者

即著管帶前往仍著鄂順安挑選精銳數百名並將應用器械豫備齊集聽候麟慶等調撥毋稍遲誤南陽鎮篆務著鄂順安派員署理將此由四百里諭令知之○又諭據耆英奏逆夷扼據長江勢甚緊迫一摺據稱夷船四十餘隻沿江停泊丹陽新豐鎮為京口江寧後路現經調派署參將劉長清安營防守並派侍衛咸齡等時往察看截留解往京口之礙位槍桿交該參將擇要安設並咨商巡撫擇要分設糧臺腰站等語逆夷船隻沿江停泊新豐鎮為後路要區必應分兵設礮俾資應援著該大臣督飭現派員弁嚴密防堵毋稍疏懈至江甯省城通濟門前經牛鑑奏請留放米商業經有旨允准現在計已遵辦該大臣所奏江浙食米半藉川楚設法曉諭米商繞道前往以資接濟等語本日已諭知程楸采吳文鎔裕泰趙炳言飭委妥員趕緊採辦矣將此由六百里加緊諭令知之○又

諭據耆英片奏探見逆夷登岸京口情形危迫又伊里布奏馳往京口會同耆英籌辦一摺伊里布著即會同耆英妥籌商辦該逆既來訴冤推誠曉諭當可就我範圍該大臣等經朕特簡務須慎持國體俾兵萌早戢沿海解嚴方為不負委任將此密諭知之○又諭牛鑑奏逆夷圍攻鎮江府城勢甚不支一摺江甯省城緊與鎮江毗連一帆可至難保不乘勢駛至省城且恐鹽梟乘間勾結該督現在駐守省城著竭力保衛該處在籍紳士如蔡世松周開麒及寄籍之湯貽汾等素受國恩自顧身家定必同深敵愾著傳知該員等撫慰人心幫同守禦如果出力有效朕必破格施恩其城外如有可設伏防堵處所仍著牛鑑相度機宜豫為妥辦毋稍疏懈所請設法羈縻之處本日已有旨諭知耆英伊里布前往京口妥為辦理萬一該逆駛至省垣肆擾准該督暫事羈縻將此由六百里加緊諭



令知之○又諭牛鑑奏逆夷攻圍鎮江府城齊慎劉允孝業已退至新豐鎮等語新豐為京口江寧後路本日據耆英報到已調派劉長清安營防守並將解往京口之礮位槍桿擇要安設齊慎劉允孝現在退守該處著即收集潰散之兵密探江南江北何處喫緊與耆英會同商酌前往應援是為至要將此由六百里加緊諭令知之○又諭前因逆船駛入江口諭令程楙采派兵前赴江寧救援本日據牛鑑奏該逆於十四日由京口登岸攻圍鎮江府城勢已不支由長江至安慶水程甚速等語安省兵數本不甚多若再撥往江寧誠恐本省防堵轉形單薄著程楙采於該省要隘設法嚴防惟該逆兇銳甚張若專恃兵力礮械恐不足制其死命務須度量該逆經由之路擇要設伏以圖截擊其後路埋伏官兵務當處處接應使該逆進有所扼退有所制自不至遽逞其志若兵數不敷一面飛

調一面奏聞將此由六百里加緊諭令知之○署山東巡撫麟魁奏報任事得旨一切認真辦理查奸宄嚴海防尤係當務之急懍之勉之福建漳州鎮總兵官文興因病解任以湖南永綏協副將張元真為漳州鎮總兵官命四川候補都司張必祿迅赴江蘇交欽差大臣廣州將軍耆英兩江總督牛鑑差遣委用○丁酉諭內閣耆英齊慎奏鎮江勦擊情形各一摺逆夷船隻闖入大江攻犯京

口我兵開礮擊斃逆夷數十人並落水多名該逆復聚集多船蜂擁而至驟由西北分路登岸經齊慎等督率將弁迎敵把總周兆熊手點擡礮擊斃騎馬紅衣夷目一人官兵乘勢下壓槍礮齊施並令刀矛手左右抄襲傷斃逆夷三百餘名該逆復用車推礮上岸我兵仍奮力前進傷斃逆夷不計其數該逆突由間道攻撲北門經副都統海齡督率弁兵併力堵禦詎復分股攻擊西南兩門城內突

清 實 錄 道光二十二年六月中

有火起提督劉允孝帶兵往救該逆用礮塞斷各路漢奸到處放火截殺前隊多有受傷不能前進惟時西南門竟被攻破府城失守逆夷猖獗我兵相持七八晝夜卒因兵分力單以致不支所有副都統海齡及府城文武官員現在作何下落並此次傷亡弁兵著英等迅即查明具奏其首先擊斃夷目之把總周兆熊著加恩以守備儘先升用先換頂帶齊慎劉允孝自請從重治罪之處仍暫令戴罪立功以觀後效○諭軍機大臣等賽尚阿等奏遵旨籌辦情形一摺據奏澗河以東至山海關一帶先期遣人密與漁戶雜處如逆夷於空僻處所登岸以便導引誘入或該逆主使漢奸混入探道即可將計就計其陸路自良鄉縣起至山東交界之景州已委朱壬林督飭偵察行旅不令漢奸潛竄等語覽奏均悉其火藥現飭各營加工碾造可資接濟馬匹一項已令巴里善管帶來津矣所奏

天津浮橋准其照舊安設仍派員弁駐守查察毋稍大意賽尚阿奏請於直省調到新舊各兵內酌撥二千名之處著訥爾經額照數撥發以資差操另片奏沿江勦辦機宜已諭知奕經著英麟慶酌量辦理本日齊慎奏到鎮江勦擊潰散情形著鈔給賽尚阿訥爾經額閱看將此諭令知之○又諭本日據英齊慎馳奏鎮江失守情形各一摺已明降諭旨令查明海齡等下落矣據奏劉允孝帶兵一千名馳往江寧應援齊慎亦擬收集官兵隨後趕往等語昨有旨諭知劉允孝齊慎密探江南江北何處喫重馳往應援現在劉允孝已抵江寧齊慎著仍遵前旨探明何處喫重再行統帶弁兵前往接應將此由六百里加緊諭令知之○又諭前因逆夷闖入大江江寧鎮江揚州一帶防堵緊急諭令奕經迅即馳往應援昨據牛鑑奏鎮江府城被攻危急業經有旨諭令著英伊里布馳往設法羈

廢計已遵旨妥辦。該將軍著姑緩前往。暫於嘉興之王江涇一帶駐劄。聽候消息。所帶得力將弁兵勇。仍著妥為豫備。儻該逆詭詐。不受羈縻。該省事仍緊急。著即遵前旨。星夜馳往酌量喫重地方。竭力堵禦。本日據賽尚阿等片奏。沿江防剿情形。是否可行。著鈔給閱看。將此由六百里加緊諭令知之。○又諭。著英奏逆夷攻陷鎮江府城一摺。京口為江寧門戶。鎮江既已失守。省城尤為喫緊。劉允孝現已將湖北兵一千名帶往應援。惟該逆此次船多人眾。且用車推礮上岸。排列轟擊。劉允孝所帶之兵。若仍於城外江岸接仗。實恐不能得力。著牛鑑等會同商酌。即於城內擇要分設。務使該逆無隙可乘。足資守禦。本日已有旨。諭令奕經帶領兵弁。在嘉興之王江涇一帶駐劄。聽候消息。若該逆仍肆猖獗。萬難理喻。該督即飛咨該將軍星馳赴援。協同防堵。該督等總當酌量情形。相機保衛。毋使

省城稍有挫失。將此由六百里加緊諭令知之。○又諭。現在逆船駛進江口。鎮江失守。江北地方密邇。難保不闖入滋擾。前已有旨令麟慶嚴加防範。順保駐劄江北。著即激勵將士。與麟慶妥速籌商。何處扼要。即行前往防堵。毋稍疏虞。將此由六百里加緊諭令知之。○又諭。逆夷兩載以來。流毒閩粵江浙。近復由海入江。擾及京口。總緣各該省武備廢弛。水師戰船有名無實。以致沿海郡縣屢遭挫失。挫因思逆夷所恃。惟有船堅礮利。設我沿海各省亦有大小戰船。可以多安礮位。一聞夷警。各處應援主客之勢。既殊勞逸之形。迥異。彼以孤軍深入。我可首尾夾攻。且跨海遠來。後無所繼。我能制其死命。逆必不敢跳梁。惟廣東福建浙江江蘇現在用兵。無暇辦理。況製造大船。必資巨木。四川湖廣向係產木之區。著寶興裕泰廣購木料。雇覓工匠。約計每年可得船若干隻。如何駛往閩粵江浙等省。

妥議章程先行具奏一面趕緊製造務須十分堅固度其力量堪與逆船接仗方為適用其工匠應由各省調取者即行調取毋稍遲誤所有方熊飛所遞原呈著鈔給閱看將此諭令知之○欽差大臣工部尚書賽尚阿奏查閱海口礮臺防堵嚴密情形得旨卿等所奏如是自足可恃妥為防備可也○賞已革理藩院尚書奕紀四等侍衛交欽差大臣工部尚書賽尚阿差遣委用○命乾清門侍衛巴里善挑選南苑牧馬一千匹押赴天津即留軍營差委

大清宣宗效天符運立中體正文聖武智勇仁慈儉勤孝敏成皇帝實錄卷之三百七十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十六

臣等謹將宣宗成皇帝實錄卷之三百七十六

臣等謹將宣宗成皇帝實錄卷之三百七十六

臣等謹將宣宗成皇帝實錄卷之三百七十六

臣等謹將宣宗成皇帝實錄卷之三百七十六

臣等謹將宣宗成皇帝實錄卷之三百七十六

奏

道光二十二年壬寅六月己亥諭內閣巴里

善現赴天津所有南苑牧放馬匹著添派賽  
什雅勒泰與培成貴成輪班照料○諭軍機  
大臣等逆夷闖入大江鎮江失守江寧揚州  
等處防堵宜嚴所有江北一帶地方已諭令  
麟慶帶兵堵禦惟瓜洲口為軍船回空必由  
之路若屆時不能前進水手繚夫聚集一處  
恐滋事端不可不早為籌及現在南糧抵通  
軍船已有陸續回空者著朱樹不必押運北  
上無論行抵何處即行折回沿途察看情形

除江北各幫就近可以歸次外所有各省回  
空軍船著於黃河南北一帶酌量寬闊地方  
分幫寄泊並剴切曉諭妥為安置仍隨時認  
真查察俾無恃取滋弊之事其如何嚴密防  
範之處著該漕督悉心妥議具奏將此諭令  
知之○又諭奕經等奏調撥兵勇設法牽制  
一摺現在逆船已入大江江寧省城危急浙  
省進兵牽制之說恐已無及該將軍仍遵前  
旨暫行駐紮王江涇一帶聽候消息儻江寧

事仍緊急即著星馳前往酌量堵剿其所奏  
撥調壽春鎮兵五百名迅赴江蘇聽候該督  
差遣之處著照所議辦理將此由六百里諭  
令知之○又諭朕思陸路與逆夷接仗當以  
大小礮位為先繼以擡礮擡槍又繼以鳥槍  
若至短兵相接必先能禦其火槍為要欲禦  
其火槍我兵人各執兩層藤牌夾以牛皮復  
用水浸透可以抵禦火槍一手執鈎連槍蜂  
擁前進有藤牌以蔽其槍箭復以鈎連槍鈎

取逆匪足脛令其顛仆又繼以刀矛手奮勇  
砍扎似能得力而又有馬隊相機衝勦著賽  
尚阿訥爾經額即依照前說認真演試練習  
以資得力將此諭令知之○庚子遣官祭  
火神廟○諭內閣棍楚克策楞等奏參擅自  
放回卡倫兵丁人員一摺俄囉斯界卡倫關  
繫緊要佐領諾木保因馬甲那木薩賴等往  
取盤費擅自給假輒離卡倫殊屬不知慎重  
諾木保著交部議處嗣後著嚴諭卡倫各官  
兵等務須慎重邊疆○又諭前據御史黃銘  
先奏山西平定州民人竇計小子被毆身死  
一案竇計小子現在存活當降旨交梁萼涵  
派員將該民人訪獲奏聞候旨茲據奏稱將  
竇計小子獲案是死者究係何人並是否楊  
穩毆斃人命所關甚鉅亟應徹底根究著梁  
萼涵親提人證卷宗秉公嚴審確情按律定  
擬具奏毋許稍存徇隱致有不實不盡○諭  
軍機大臣等麟慶奏籌防江北河道以杜夷

船內竄情形一摺覽奏均悉逆船入江滋擾  
江北兵單清江浦為水陸咽喉五方雜處今  
又添運庫移貯銀兩時屆大汛河湖長水修  
防喫緊在在均關緊要麟慶即在彼彈壓調  
度不能遠離自係實在情形前有旨諭令狼  
山鎮總兵順保與該河督籌商扼要防堵復  
飭令河南南陽鎮總兵都勒豐阿先帶練習  
親兵前來策應本日復降旨飭令鄂順安挑  
選精兵數百名又諭令托渾布麟魁挑選曹  
州兗州兩鎮兵丁一千名或數百名均攜帶  
擡槍擡礮前來交麟慶調度差遣各路兵丁  
到齊已數調撥揚州為清江浦門戶且為江  
北藩籬必須將該處保住江北始獲安全著  
麟慶即將河標所轄及河南山東陸續已到  
各兵丁分撥揚州各口岸嚴密防範勿令逆  
船駛入所有揚州府防堵事宜著即責成但  
明倫督辦並飭令淮揚道恩齡淮海道趙廷  
熙各就所管地方分頭堵禦要隘毋稍疏虞

所奏夷船入河趕即啓壩使水陡落以膠其舟著隨時體察相機酌辦至京口儀徵為文報必經之路牛鑑現在守衛江寧省城勢難遠及清江浦至儀徵尚近其應如何接遞或改道行走俾無貽誤之處著迅與程喬采會商妥議嗣後有關軍務摺件著由六百里馳奏賽尚阿片著鈔給閱看將此由六百里諭令知之○又諭禧恩奏嚴防海疆並深窵濠溝杜絕夷馬路徑一摺據查錦州復州兩處

海口距城較遠惟金州最為近海其西南面距城自二三里至十數里不等在在皆可登陸逼近城垣現將礮械軍火運至距海較遠之處並於海口可通陸路地方挖濠溝排釘木椿散布蒺藜等語所辦俱屬周妥惟金州老水貼岸在在皆可登陸僅能曉諭居民早為遷徙既係空城仍可相機設法埋伏後路又有伏兵勦殺當更得力各處馬隊現已足敷調遣恐步隊兵力尚單如有警報著該

署將軍酌量奏調或團練義勇以資防勦朕聞陸路與逆夷接仗當以大小礮位為先繼以擡礮擡槍又繼以鳥槍若至短兵相接必先能禦其火槍為要我兵各執兩層藤牌夾以牛皮復用水浸透可以抵禦火槍一手執鈎連槍鈎取逆匪足脛令其顛仆繼以刀矛手砍扎又繼以馬隊衝突似能得力著即倣照前說認真演試又另片奏該逆糾集天竺佛喃呂宋等夷請曉諭解散斷其接濟所言

不為無見俟相機酌量施行將此諭令知之○又諭前有旨令都勒豐阿迅赴清江浦會同麟慶協力守禦並著鄂順安挑選精銳兵丁數百名豫備精良器械聽候麟慶等調撥計此時都勒豐阿定已起程前往矣該逆攻陷鎮江江北情形極為喫緊著鄂順安即將所挑精銳兵丁數百名派令曾經出師之員迅速管帶前赴清江浦並著多備擡槍擡礮一併帶往交麟慶等撥用毋稍遲誤將此由

六百里諭令知之○又諭據程喬采奏京口失守情形並請飭麟慶帶兵移駐揚州等語現在該河督因時屆大汛修防喫緊不能遠離本日已降旨責成鹽運使但明倫專司揚州防堵事務至江北一帶防兵短少已飭河南山東調兵前往應援該二省兵未到以前該撫先行體察情形妥籌團練並飭但明倫帶領兵勇彈壓梟徒勿令釀成腹心之患其江陰洋面尚有夷船停泊該撫已將浙江撥到之廣西兵丁七百名咨交耆英統帶在無錫縣地方堵禦以防該逆乘虛闖入著照所議辦理至副都統海齡遇害該府縣尚不知下落俟查明確實再降諭旨將此由六百里諭令知之○又諭現在喫逆攻陷鎮江江北一帶防守緊要著托渾布麟魁迅速於兗州曹州兩鎮內挑選精兵或一千名或數百名並選精良器械多備擡槍擡礮即交趙光璧管帶迅赴清江浦會同麟慶協力守禦毋稍

遲誤所有兗州鎮篆務著該撫等派員署理至擡槍擡礮為行軍要需並著該撫等仍飭屬多為製造以備隨時調用將此由六百里諭令知之○以新選安徽寧國府知府李湘蔡署太常寺少卿命馳赴清江浦會同江南河道總督麟慶辦理江北防堵事務並會同漕運總督朱樹勳彈壓回空軍船○賞兩淮鹽運使但明倫按察使銜辦理揚州至清江浦一帶防堵事宜○以故甘肅碾伯縣屬土指揮同知李繩武子政襲職○辛丑諭內閣耆英奏查明鎮江城陷時京口副都統海齡並其妻及次孫同時殉節該副都統為國捐軀忠義可嘉著加恩照都統例賜卹並著耆英派委妥員尋覓該副都統及伊妻伊孫屍身妥為殮殮併查其現存子女一同護送回旗該副都統有子幾人著俟百日孝滿後由該旗查明一併帶領引見候朕施恩俟軍務完竣著該地方官建立專祠以表忠蓋伊妻及



伊次孫俱著附祀又據秦驍騎校祥雲投水殊堪憫惻著者英於查明確實後咨部加等賜卹並著於該副都統祠內一併附祀尋予海齡謚昭節○諭軍機大臣等昨召見巴里善察其精力迥非從前可比恐難勝帶兵重任著賽尚阿訥爾經額於該員到津後詳加察看如果不能得力即飭令回京將此諭令知之○又諭昨有旨令趙光璧管帶兗州曹州兩鎮精兵前赴清江浦會同麟慶協力守

禦因思該鎮有催趲軍船彈壓回空之責在在均關緊要未便遠離東省著托渾布麟魁將所挑兗州曹州兩鎮精兵另派曾經出師之員管帶迅赴清江浦交李湘棻統領趙光璧毋庸前往將此由四百里諭知托渾布麟魁並諭令趙光璧知之○又諭本日據耆英奏京口陷後分守嚴防齊慎奏擇要屯防各一摺覽奏均悉此次鎮江失守情形言之憤恨此時惟有截其內竄各路免致蹂躪居民

著耆英齊慎會商何處扼要即駐紮何處竭力防堵鎮江失守以後該逆是否在彼占據江北一帶曾否擾及江寧省城現在情形若何俱著隨時確探馳奏京口副都統海齡夫婦及次孫同時殉節忠義可嘉已明降諭旨賜卹其次子及女著耆英訪明下落派人送回本旗勿使散失其收集京口逃散男婦三百餘名著即送往常州府一帶妥為安插撫卹均無庸交江寧將軍辦理鎮江理事同知

全興於城陷之日潛藏民家旋即逃出鎮江府知府祥麟投水遇救各情節均著耆英詳查研訊定擬具奏又齊慎片叅常鎮道周頊託詞不知何往亦著查明具奏又逆夷接仗之際所帶夷兵何以能使有進無退暨不畏死若此著於擒獲白黑逆夷時詳細訊問遇便具奏將此由六百里加緊諭令知之○又諭有人奏喫逆糾集天竺佛喃及呂宋等國夷船數十隻同惡相濟請飭曉諭解散等語

此等遠夷被該逆糾合自係迫以威利未必真心相助果能設法解散以孤其勢此事或有轉機著該將軍督撫體察情形悉心籌畫如果各夷可以理諭即剴切宣示曉以大義俾不為悞逆所愚但須斟酌盡善然後舉行又須持以慎密斷不可少露風聲原片著鈔給閱看將此由四百里諭令知之○揚威將軍奕經奏江省待援緊急浙省防勦亦不容緩不敢率行帶兵前往候旨遵行得旨兩省將軍督撫籌辦逆夷將及一載自問有何功效迨成今日之勢尚自從容候旨遵行朕念憑而外有何堪諭自恨無知人之明也○欽差大臣廣州將軍耆英奏長江天險一旦失守是疏防於平時非貽誤於今日至江中葦洲林立儘可埋伏火攻並鑿其船底壞其槳舵得旨朕早計及於此無其人為之朕徒然焦急忿恨奈何奈何又奏一切埋伏事前未能籌畫批督臣以下所誤也○命江蘇候補

知府周天爵馳赴清江浦隨同江南河道總督麟慶漕運總督朱樹署太常寺少卿李湘綮辦理防堵事務○壬寅

上詣綺春園問

皇太后安○癸卯諭內閣裕泰等奏軍需借撥銀兩請由捐輸歸還一摺此次湖北辦理崇陽軍需奏撥本省鄰省銀二十萬兩現經該省紳商等捐輸銀兩足供支應所有前此奏撥銀二十萬兩著准其先行提還封貯司庫

毋庸開銷帑項此項軍需著免其造冊報銷○諭軍機大臣等程楙采奏派兵防堵一摺逆夷闖入大江安徽界連江省防禦極關緊要該撫僅於南北對岸派撥員弁分兵設礮照例防堵所防之地既多所派之兵復少萬一該夷船隻聯踪突而來兵分力單必致一無足恃況江岸相對甚遠所設礮位據稱僅可致遠二三里即兩翼齊心夾擊亦恐礮力未必能及似此分投堵禦何如揀擇要隘

設法嚴防著該撫速行酌量該省江路扼要之區相機用計設伏截擊並於後路埋伏官兵層層接應務使該逆進有所扼退有所制大江之中葦洲林立儘可用商漁小船裝載柴薪引火各物暗藏洲內乘夜突出逼近賊船縱火焚燒當可制其死命且沿江一帶船戶居民多善泅水或以重價雇募鑿其船底壞其槳舵亦足奪其所恃不敢長驅直入又或於沿江港汊豫伏精兵誘之深入併力攻擊方為確有把握如該省兵力不敷著即照議續募勇健隨營調用並准於鄰省一面飛咨調取一面奏聞另片奏署壽春鎮總兵觀保不勝專閫之任觀保著來京引見壽春鎮總兵已有旨令岱昌帶領精兵六七百名由浙江前往署理並著裕泰吳其濬揀派得力副將一員來皖協同防堵矣嗣後有關軍務文報均著由六百里馳奏將此由五百里諭令知之又諭麟慶奏遵旨辦理情形一摺

據報初十日逆船停泊瓜洲礮傷官兵十二日逆船在由閘關橫阻河道並有匪徒搶搬軍庫現飭徐州道查明兵數並令紳商團練鄉勇等語覽奏均悉揚州距瓜洲僅四十里且為江北藩籬必須竭力保守計狼山鎮順保所帶之兵不日可到其南陽鎮都勒豐阿及所調山東河南官兵諒接奉諭旨即已啓程如李湘茶未到以前曹州兗州兩鎮兵弁已抵清江即著麟慶先行管帶並將先到各路官兵於揚州扼要口岸嚴加防範至梟匪乘間滋事尤為可慮拏獲後自應立正典刑著照該河督所議辦理御史呂賢基所奏招服鹽梟以賊攻賊原摺著鈔給麟慶閱看儻能訪其著名頭目設法招徠或懸以重賞或給予項帶既可助順討逆兼可潛戢亂萌著麟慶酌量情勢妥速辦理另片奏木筏上安籤錐較之曲鉤得用現已趕緊試辦即著照議趕緊製辦其內河扼要之所有可堵塞者

相機堵塞杜其內竄之勢至江蘇軍需部撥山東河南等省銀兩河庫既不能存貯即暫存徐州府庫再行隨時酌辦毋稍疏虞將此由六百里諭令知之○又諭本日已降旨令岱昌署理壽春鎮總兵矣安徽省防堵緊要著奕經簡派精兵六七百名交該署總兵管帶迅速馳驛前往毋稍遲誤將此由五百里諭令知之○又諭杜受田奏廣東生員張煥元防夷書內有木牌火攻之議鈔錄呈覽著

將原片鈔給牛鑑麟慶程喬采程琳采閱看聞江蘇安徽向多四川湖廣各省木牌停泊儘可將現有木牌如式改造裝載柴薪引火各物乘夜順流放下逼近賊船縱火焚燒即將來賊船駛退亦可尾追其後暗用火攻均可制其死命惟在該督撫等相度機宜妥速辦理是為至要將此由五百里各諭令知之○又諭著寶興富呢揚阿於四川陝甘省各挑選精兵一千名揀派得力將弁並將應用

軍械揀擇精良豫備調撥毋稍遲誤將此由六百里諭令知之○又諭現在逆夷駛入大江安徽防堵緊要著裕泰吳其濬於湖南省揀選得力副將一員馳驛迅赴安徽交程琳采差遣委用毋稍遲誤將此由五百里諭令知之○命廣東潮州鎮總兵官李廷鈺馳往江蘇交欽差大臣廣州將軍耆英差遣委用四川建昌鎮總兵官桂明馳往安徽隨同巡撫程琳采辦理防堵事務○甲辰諭內閣前

據御史黃宗漢奏浙江藩司常恆昌性情懶惰諸事廢弛杭州府知府凌泰封精神萎靡公事置之不問當交奕經查明據實叅奏茲據奏稱常恆昌於公事尚無畏葸實跡而精神短少未免有照料不周之處凌泰封人尚端謹惟才欠開展性情迂拘等語藩司首府為通省緊要之職况浙省現當辦理軍務之時該員等不能振作有為難資表率常恆昌凌泰封均著以原品休致○諭軍機大臣等

奕經奏併力合勦情形一摺據奏接據探報有漢奸帶領逆夷從內河駛入之信現在齊慎駐紮丹陽者英駐守無錫當已足資防守所奏調遣各員分段駐紮一切均著照所議辦理伊里布現在江蘇辦理事件乍浦地方著該將軍另派妥員屯紮控制該將軍著統帶員弁官兵仍遵前旨之王江涇地方駐紮聽候者英辦理消息無庸前赴常州一帶所奏江廣鹽船一節已有旨令裕泰團練操演

矣至外海備辦船勇潛至江陰為驚擾牽制之計不為無見著該將軍隨時察看情形相機辦理另片奏派德坤赴江應援昨已有旨令岱昌署壽春鎮總兵帶兵馳赴皖省德坤著毋庸前往即將所帶之兵交岱昌管帶啓程迅速前往將此由六百里諭令知之○又諭牛鑑奏籌防省城重地一摺江寧省城最關緊要該府八卦洲現有逆船停泊該督等分撥旗兵各門防守並於最要之儀鳳門設

伏嚴防其新到江西等省各官兵亦均相視要地分段駐紮俱著照所議妥為辦理又另片稱鄉民結社團丁不下數萬人城內心經紳士倡率辦理著有成效著該督推誠激勸俾知共切同仇當較之官兵更為得力所奏撰給照會聊作羈縻等語著俟齋文差弁回省時看其如何措詞之處迅即知會耆英等一面相機妥辦一面照會奕經庶辦理不致兩歧將此由六百里諭令知之○又諭前因

逆船駛入大江江寧告警有旨令程楙采挑派精兵赴援茲據奏稱江寧現在告援已派令參將恩長帶兵五百名前往應援自係先其所急著照議辦理其和尚港礮礮等處均屬緊要該撫惟當遵照昨旨相機布置不得以照例防堵致有兵分力弱之虞至鉛丸火藥該省存積不多現既酌撥江寧即著飭營趕緊製造多多益善米糧為兵食所需並著飭令委員迅即採買陸續運赴江寧俾資接

濟母致缺乏江北鹽梟乘機竊發尤為腹心之患自應剴切曉諭務使塵市無驚並著飭令文武各員嚴密稽查如有奸徒煽惑滋事即行嚴懲至所稱勸諭本境紳民自相團練一節該省兵力較單必應共為保衛該撫即當剴諭紳耆宣明大義務使咸知感奮如有能協助官兵立功殺賊者朕亦必破格施恩也將此由六百里諭令知之○又諭朕聞江廣鹽船最為堅固於江路素稱熟習多在武昌一帶停泊並向有隨銅船行走豫備入江撈銅之人號為水摸能於江底潛伏半日因思逆夷現在由海入江肆意猖獗總緣江防廢弛水師戰船有名無實以致逆船橫行不能堵截若果有堅實江船並募練熟習水性之人駕駛得法於沿江一帶或合力迎擊或分路夾攻當可制其死命江南現有逆船滋擾無暇辦理著裕泰於武昌停泊各船內酌量豫雇堅緻鹽船並救生紅船三五百隻即

於水摸中挑募水性最熟之人或千名或數百名認真練習水戰隨時探明安徽江蘇如有逆船闖入即派委妥弁迅將此項船隻順流而下當可大挫其鋒果能試用得力該督之功甚偉也將此諭令知之○揚威將軍奕經奏請調陝甘兵二千名派大員帶領在揚州一帶屯紮湖北江西安徽兵三四千名派大員帶領在江寧燕子磯一帶屯紮相機會勦得旨正所謂緩不濟急夢囈之談耳又

奏請調甘肅撒拉爾回民三千名揀員管帶撥赴天津江南軍營聽候調用批尤屬不可之事又批浙江非前鑒歟不但無尺寸之功翻致賊勢益張朕惟自恨自愧不能知人即再簡派閩帥無非又添一層忿恨於國計民生有何補救○兩江總督牛鑑奏自撰照會聊作羈縻之計至屢失城池總由無才無能懇恩從重治罪得旨數月之久自江口以至省垣為何虛拖歲月一無展布朕惟自恨

無知人之明也 以降調湖北布政使孫善寶為浙江布政使仍留江蘇辦理糧臺以六品頂帶已革安徽布政使管通羣署浙江布政使 命休致大理寺少卿蘇廷玉仍以四品京堂起用會同新授浙江布政使孫善寶辦理江蘇糧臺事務 以告養福建布政使鄭祖琛辦理浙江糧臺事務 乙巳諭內閣裕泰奏請將承辦隄工之知府革職留任勒限賠修一摺湖北荊州上漁埠頭工段江水漫潰府城被淹現據該督勘明水已消退惟埠頭漫口較寬勢難對口接築擬估挽外月隄一道並先於上下游各築橫隄一道著該督認真飭屬趕緊修辦該府程伊湄責重修防未能先事搶堵雖現在捐修橫隄辦理尚為迅速究屬咎無可辭著革職暫行留任勒限兩月將潰口挽月工程堵築完固所有大隄估需銀二萬八千三百餘兩即著責令賠修儻再貽誤即著從嚴叅辦被水災黎現雖

以工代賑仍著確查妥辦其估修府城及撫卹災民應需銀兩著准其於上年江漢捐撫卹款內動支至郡城用資保障現據勘估修復即飭承辦之員認真辦理務期一律堅固以資經久 諭軍機大臣等哈琅阿奏續調吉林黑龍江兵全數進關並請留副都統在關帶兵一摺覽奏均悉所有駐紮盛京之黑龍江兵五百名駐紮高橋之吉林兵五百名既有副都統富春及伊勒東阿分領足資管帶山海關地方緊要倭寇精額烏凌額均毋庸分駐高橋即照所請准其留關一同帶兵以資防守現在逆船肆擾江蘇難保不分鯨北竄儻駛至盛京一帶距山海關不遠著仍遵前旨派副都統一人帶兵迅往接應至金州復州二處海口距關較遠設該處有警祇可聽禧恩知會相機酌量也該都統務當督率將士扼要嚴防毋少疏懈將此諭令知之 又諭朕思廣東兩年有餘辦理夷務勦撫

均不得手總緣該省文武員弁不得其人以致逆夷鴟張一籌莫展若沿海守令營弁平時能得兵民之心一旦有警以之禦侮則奮勇爭先以之守衛則羣情固結以之詰奸戢暴則兵民相助眾志成城總在該督撫等平日留心人材因地器使俾得久於其任各展所長不但於海疆吏治營務日有起色且可磨勵人材豫儲大器特恐為資格所限不能及時自效當此需才孔亟之時允宜破格用人以資激勸著和碩梁寶常吳建勳張青雲並傳諭存興徐繼畲各就所屬文武員弁勤加訪察如有才能出眾民心愛戴及洞悉夷情深通韜略者隨時酌量海疆地方何人與何地相宜不拘資格即行奏請升調候朕擢用此係為地方需才起見該督撫等總當善體朕意虛衷延訪覈實保舉如所保之人著有成效朕必沛以殊恩該督撫等亦蒙薦賢之賞若虛應故事無裨實用不特將該員弁

重加懲治該督撫等亦難免薦舉不實之咎也將此諭令知之○又諭奕山等奏查明經費銀兩數目並籌辦夷務情形一摺據稱接奉諭旨通盤籌畫現在僅留各省征兵一千六百餘名本省防兵二千六百餘名水陸壯勇共一萬七千一百餘名兵勇兩項月需經費約七萬餘兩連各項費用合計不致逾十萬兩之數等語該省此時防守情形本省防兵似已足資調遣所留各省征兵仍著該將軍等隨時相度陸續撤回勿致虛糜帑餉該省西北鄉紳士聯名呈請於石井社地方建立昇平社學糾合數十村莊居民捐措銀一萬餘兩雇覓丁壯團練自衛遇警並聽調遣敵愾同仇深知大義著查明首倡義舉之人如有才具堪勝文武之任者即據實保奏候朕施恩並剴切曉諭該省各府州縣均宜照此團練自衛並備調遣將來如果得力自當從優獎賞即軍務告竣未經調撥應用者亦



必概加賞賚務期材勇倍出禦侮有資方於  
海疆武備大有裨益至虎門礮臺及大小礮  
位必應趕緊修鑄此兩項經費著自六月始  
即在紳士等續後捐輸項內籌畫辦理所有  
前經奏明備支之款不准動用該將軍等總  
當力求撙節以杜虛糜而歸實用所奏查明  
來往逆船及在粵洋停泊各船數目均已覽  
悉該將軍等務當飭屬嚴密防範毋稍疏虞  
仍隨時查明奏報另片奏高州鎮總兵趙承  
德暫緩來京等語著與新授廣西提督達里  
保均赴新任俟該省軍務完竣後再行奏請  
陛見將此由五百里諭令知之○又諭祁項  
等奏籌議經費以資備用一摺據稱該省現  
在庫貯可以提撥裁省者計藩庫可籌出銀  
八萬七千餘兩運道二庫可各節省銀三萬  
兩此項銀兩既據該督等查明係屬可以暫  
行撙節之款即著照所議辦理俟五年後察  
看情形如經費業已充裕即仍照常支給以

符舊制至各省捐輸如係紳士等情殷報效  
原不便阻其踴躍急公之意若由現任官捐  
措事不可行所有粵海關監督自願捐銀  
二萬兩及該督撫司道府縣等各請捐廉之  
處均無庸議又另片奏順德縣何懷名烟案  
內應行入官田產現經確查估報著即勒限  
三箇月嚴飭各縣如數變解作為軍需之用  
毋任再有遲延將此諭令知之○又諭前有  
旨令四川湖廣購備木料製造戰船昨復諭  
令裕泰雇備鹽船挑選水摸計該督接奉後  
自必將應造戰艦遵旨妥辦其鹽船水摸等  
項就近雇募尤易為力現在逆夷由海入江  
滋擾江蘇安徽沿江各處亟需此項人船協  
同勦辦著裕泰遵照昨降諭旨趕緊雇募練  
習探明該二省江面何處現有逆船迅即派  
員駕駛前往慎勿遲誤是為至要將此諭令  
知之○又諭朱樹奏豫備回空並酌益京倉  
糧石一摺本年回空軍船不能按限歸次所

有水手人等惟在該漕督嚴行彈壓俾不致恃眾滋事前已有旨諭令朱樹折回妥為安置並飭令李湘榮周天爵前往協同籌辦現在空船已有南下著該漕督迅即折回遵照前旨將各省軍船酌量空闊處所分幫寄泊其水手等既不可聽其自散以致聚集生事其應如何嚴密防範之處即著妥議章程具奏至所請酌撥近省倉貯以益京倉一節已交戶部議奏矣將此諭令知之○安徽巡撫

程林采奏辦理工賑力加撙節並無浮濫得旨既為封疆大吏必當任怨況制用孔亟之際耶○兩廣總督祁墳奏粵省鹽斤難議加價請照舊繳課下部知之○丙午諭內閣兵部奏接到靖逆將軍等五百里奏摺一件查驗包封印花拆動黃繩失去並有直隸獻縣印結此項摺件夾板以內雖無拆動情形其包封黃繩究由何處損失著訥爾經額飭屬由獻縣以上按站嚴查據實奏毋許稍有

隱飾現當軍務喫緊之際似此摺報往來膽敢拆動印花尚復成何事體嗣後各該縣接遞摺報查有拆動情形著將原遞之人立即扣留向上站查究明確迅即稟報以憑叅辦而肅郵政尋奏交河縣知縣潘佺未能慎選馬夫致中途落水解動奏摺包封獻縣知縣石贊清於上站遞到時僅據馬夫不知如何拆動之供具結轉遞均請交部議處從之○諭軍機大臣等據齊慎奏逆夷於二十二日

由鎮江北門退出回船仍留二千餘人在城其船有開向儀徵三江口一帶停泊等語該逆舍鎮江而北渡必係窺伺揚州前調山東河南兵丁計日可到著麟慶酌加調撥傳諭但明倫竭力守禦其河道應填塞者即行填塞以斷其竄入之路總宜層層布置設伏互為聲援前路要隘固當撥兵嚴守而後路接應尤不可虛勿專注意江干孤軍無助一經挫失該逆則如入無人之境又蹈他處覆轍

是在該河督等洞燭機宜妥為調度其所保全者大矣懔之慎之將此由六百里諭知麟慶並傳諭但明倫知之○又諭齊慎奏逆夷現在情形一摺據稱探明逆夷於二十二日由鎮江北門出城上船仍時令黑白鬼子漢奸數十百名在城內外巡遊約計城內尚有逆夷漢奸二十餘名等語覽奏均悉該夷詭譎異常既已退出鎮江復留鬼子漢奸多名難保不誘令我兵深入別圖陷害著齊慎曉諭兵民人等暫緩復業免墮奸計城內埋藏鐵礮木匣仍須探明作何用處逆船有二十餘隻係從外洋甫經駛入其開至儀徵三江口一帶究有若干船隻意欲駛往何處著一併查明具奏該參贊大臣現駐紮丹陽以西擇要防禦又飭令官兵五百名前往新豐一帶屯紮新豐為內地緊要門戶務當嚴密防守勿令該逆窺伺竄入尤宜稽查漢奸恐代為探蹤路徑至揚州一帶為該逆所垂涎本

日已另降旨飭令麟慶但明倫分別加意堵禦矣將此由六百里諭令知之○又諭前因著英奏喚逆每日閱看京報當經降旨著該督撫等嚴密查拏遞送之人一面正法一面奏聞矣茲據劉韻珂等奏遵旨嚴飭各屬於水陸要隘盤查等語此項為該逆遞送京報之人即係漢奸無疑總當設法訪查一經弋獲即著確訊如何輾轉遞送實情從嚴懲辦此外江蘇福建廣東等省亦著仍遵前旨嚴密查拏並於獲犯後根究來蹤據實奏聞查辦以杜奸宄將此諭令知之○又諭據卞士雲奏浙省兵力較單請酌量添調防守省城一摺據稱浙江所調各省官兵因江蘇地方逆夷猖獗疊經先後調往六千餘名現在奕經駐劄王江涇尚須帶兵策應省城兵力較單著准其添調黃巖溫州等處鎮協各兵一千二百名赴省城防禦至所稱溫州台州洋面均有盜船遊奕伺劫仍當迅速拏辦毋任

日久蔓延將此由四百里諭令知之 又諭敬敷奏請添設察哈爾八旗馬槍以資操演一摺據稱察哈爾八旗蒙古兵丁額設八千餘名僅有鳥槍六百四十桿未免兵浮於械請添設馬槍四百桿每旗分給五十桿責成各該總管等認真教習等語所辦甚好著准其自行捐造所用價值免其造冊報銷惟馬槍貴在有準著設立木牌認真練習不必拘定馬上三槍之數總以所發皆中克收實效

為要又據奏察哈爾蒙古官員兵丁共捐馬二千五百五十匹開單呈覽該官員兵丁等急公好義甚屬可嘉著賞收其應如何鼓勵之處該副都統即會同鐵麟定擬具奏候朕施恩所有此項馬匹即交商都牧羣總管另羣牧放以備調撥將此諭令知之 欽差大臣工部尚書賽尚阿直隸總督訥爾經額奏酌撥兵丁二千名專交賽尚阿差操又撥天津鎮標兵五百名交署提督長春管帶並請

將山西太原鎮總兵官善祿派為總辦營務大員使滿漢馬步官兵聯為一氣得旨依議同心合力妥為辦理又奏察哈爾吉林黑龍江官兵頗能耐暑均屬壯健惟馬匹倒斃甚多俟查明再請撥補批加意訓練照管免浙江商販米稅

大清宣宗效天符運立中體正至文聖武智勇仁慈儉勤孝敏成皇帝實錄卷之三百七十六

道光二十二年壬寅秋七月丁未朔享

太廟遣禮親王全齡恭代行禮。○諭內閣鐵麟奏察哈爾正黃旗祐寧寺葉古則爾呼圖克圖等願捐馬二百五十匹以備調用。具見好義急公。允堪嘉尚。惟念該呼圖克圖等平日闡揚黃教。助國佑民。若因現在辦理軍務累及該呼圖克圖等各於私產內捐輸馬匹。朕心實有不安。著該都統即傳知該呼圖克圖等毋庸捐輸。用昭體恤。○諭軍機大臣等。著英奏遵辦。羈縻情形一摺。覽奏均悉。計此次

七八七

經禧恩奏。所雇船駕駛不穩。無濟於用。業經撤散。惟是該處海面遼闊。破力不足以遠及。又無船隻為進攻之具。萬一逆船駛至。必將據為巢穴。若於此處屯紮重兵。安設礮位。恐戰守均難得力。仍著該將軍酌量情形。或移向後面。庶兵力較厚。轉為得用。其沿海居民。及海中各島民人。儘可勸其內徙。斷其接濟。俾逆夷無可劫掠。復將島內水井。設法填塞。僅留數處。置毒其中。較之分兵防衛。當更有益。其如何斟酌辦理之處。著該將軍再行悉心籌議具奏。至金州復州二處。距山海關較遠。前已諭知哈琅阿。設或有警。聽候禧恩知會。相機辦理矣。將此諭令知之。○又諭寄諭察哈爾都統鐵麟等。前經該都統等奏。察哈爾官員兵丁等捐辦馬匹備用。朕嘉其誠悃。均經賞收。並分別准予鼓勵矣。現在馬匹足敷調用。嗣後懇請捐辦之處。著即停止。將此諭令知之。○以捐輸馬匹。予蒙古商都牧羣

翼長帕克巴。吹蘇倫等。加銜升補。並賞頂翎。有差。○修築山東泇河廳攔河大壩。從河道總督朱襄請也。○戊申。

上詣綺春園問

皇太后安。○諭內閣。此次逆夷滋擾江蘇浙江兩省。沿海州縣。被其蹂躪。轉徙流離。耕耘失業。朕甚憫焉。轉瞬將屆刈穫之時。該農民當失所之餘。輸將無力。何堪更事催科。若待該督撫奏報。誠恐輾轉需時。恩澤未能逮。所

有江浙兩省被兵州縣。除定海鄞縣鎮海三廳縣本年錢糧。業經有旨豁免外。其被兵各州縣本年錢糧漕米。均著加恩悉予豁免。至鄰近州縣。雖未被兵。亦恐有妨農業。並著該督撫等分別查明請旨。酌減十之二三。以昭體恤。該督撫即刊刻謄黃。徧行曉諭。務使實惠均霑。毋任吏胥滋弊。用副朕軫念民艱。速霽恩膏之至意。○諭軍機大臣等。牛鑑奏。現在逆夷情形。一摺。覽奏均悉。昨已降旨飭令

者英會同伊里布妥為辦理諒已盡心籌畫惟此次辦理必當十分明白簡易一勞永逸勿貽後患至防禦等事仍應一律嚴密不可大意據稱在籍紳士團練協防朕心甚慰該逆反覆無常情殊詭譎省城等處仍應有備無患又另片奏遵查上海官員下落已悉仍俟查訪明確再行具奏劉允孝現在患病著傳旨令其安心調養其湖北兵丁著即交該提督所帶將領布置不可稍有疏虞將此由

六百里加緊諭令知之○戶部奏回空漕船水手人數眾多必應妥為彈壓毋致滋生事端得旨著朱樹麟慶李湘茶體察情形妥為辦理總期於恩威並用之中寓消患未萌之意戶部原片著鈔給閱看又奏據副都御史祝慶蕃奏稱漕運改道情形按會典所載輿地各圖其雇運之船可由蕪湖改道西入巢湖復出巢湖北行溯肥河而上達廬州府治西北水道至此而止其回空之船至清河改

道出洪澤湖入淮河西行經鳳陽府北境至懷遠縣之東折而西南抵鳳臺之西北各該省漕船至此宜可停泊受兌惟中間自廬州至鳳臺懷遠境內水道不通必資陸運其可否陸運至南肥河受兌抑須陸運至淮未能臆斷應請飭下漕運總督及有漕各督撫籌議具奏如事屬可行即將今歲冬漕雇覓商船改運其江寧一府漕糧應與安徽各幫一體由蕪湖改道或各處河道淺窄即豫期挑

挖所需經費統於漕項銀內支銷報部並將查勘情形先行奏報又原奏請將江浙漕糧改徵折色其折徵之款即運交安徽江西各省招商採買兌運北上查該二省漕糧現議雇船別運若再令運採買之糧辦理不無竭蹶擬請將浙江一省及江蘇之蘇松常鎮太五府州屬今歲冬漕改徵折色按米數酌減三成所有隨漕各項仍照常徵解統俟解齊後由各該撫遵員運交江南河庫道存貯聽

部撥用。並先將銀數報部。如不日克復鎮江。該二省幫船回次受兌。仍可率由舊章。毋庸改拆。應請飭下漕運總督及浙江江蘇各督撫遵照妥辦。毋任官吏滋弊。又原奏請以鹽斤加價之款採買糧石。查本年奏加鹽價。自奉旨遵行後。僅據長蘆鹽政將加價章程覆奏。復據兩江兩廣各總督體察情形。奏准免加。應俟各該省覆奏到日。統計加價銀數若干。再行覈辦。又奏據漕運總督朱樹奏稱。河南山東及附近運河省分。倉貯有餘者。應請酌撥米石。附入糧船。以益京倉。現據各省咨報。直隸已有存倉確數。其山東省動缺前項穀石。既稱飭屬買補。現在應已足數。河南省雖因被災動用。而用缺外尚餘贍若干。該省復有漕倉存穀五十四萬餘石。係截漕餘贍分貯倉存之項。自當如數實貯。應如該漕督所請。飭下直隸總督。山東河南各巡撫。飭將前項穀石。於冬漕兌開之前。全數碾竣搭運。

赴通。務宜先期籌畫。至碾運後倉存缺額。應由各該督撫於年穀豐稔時。另籌買補。均從之。○己酉。諭軍機大臣等。奏經奏。馳赴江省防堵。並會同特依順等奏。浙洋盜船擊退各一摺。奕經著仍遵前旨。駐劄王江涇。聽候耆英消息。所奏行營糧臺。令管通羣管理。管通羣昨已有旨署理浙江布政使。所有行營糧臺事務。著另派一員管理。至浙洋盜船。為數眾多。總當設法捕獲。務期淨盡。仍著該將軍等督飭地方文武各員。實力勦辦。毋稍疏縱。並剴切曉諭。儻真能悔罪投誠。呈繳器械。並能殺賊立功。即當予以重賞。務使黨羽解散。勿為逆夷所用。是為至要。將此由五百里諭令知之。○又諭。本日御史孫起端奏。請將軍船水手乘時勵用一摺。據稱糧船水手人等。編入行伍。按名給餉。可為紀律之師等語。此等烏合之眾。平時既未練習。安能望其深明紀律。即使乘時勵用。事平之後。人數甚多。又



將作何安置。且恐愈滋流弊。所奏著毋庸議。惟摺內所稱各幫俱有頭目。凡遇幫船爭鬪。得頭目一言。水手無不聽從。現雖不敢設立會首名目。而各幫暗中自有推尊之人。著朱樹麟慶李湘茶密諭總運千總。分幫詢訪頭目。諭以各就各幫約束水手。俾共安本分。或自行團練保護船隻。勿被逆夷勾結。貪一時之重利。致清白良民。頓為叛逆。日後身家俱喪。儻賊船逼近糧艘。如能奮勇抵禦。殺賊立功。自當立予重賞。如此剴切曉諭。俾共聞知。咸思感奮。庶幾該水手等不為賊用。而為我用。亦安內攘外之一道也。將此諭令知之。○又諭前有旨。令托渾布等挑選山東兗州曹州兩鎮精兵。交麟慶李湘茶撥用。茲據托渾布麟魁奏。該兩鎮所屬地方。重運經行。綏戢土匪。嚴防奸宄。在在皆資彈壓。未便抽調兵丁。已有旨允准。並諭令鄂順安挑選河南精兵一千名。備帶軍火器械。派員管領。迅赴清

軍機處存案

七

江浦。交麟慶李湘茶撥用矣。將此各諭令知之。○又諭托渾布等覆奏。山東省兗州曹州兩鎮存營兵丁較少。現值重運經由。在在均資彈壓。未便抽調兵丁。前赴清江浦等語。自係實在情形。著即毋庸調撥前往。本日已降旨令鄂順安挑選河南精兵一千名。速赴清江浦矣。著托渾布麟魁即飭該兩鎮督同員弁。等於水陸兩路。嚴緝匪徒。彈壓水手。務使軍船經行無誤。而地方悉臻安靜為要。將此諭令知之。○又諭前經降旨著鄂順安挑選精兵數百名。派都勒豐阿管帶。馳赴清江浦聽候麟慶調撥。此項官兵。計此時早已起程。茲據程霖奏。飛咨河南巡撫。先行豫備精兵一千名。以備該撫咨調等語。鄂順安接准安徽咨會。諒已如數挑選。備調現在淮揚一帶。防守尚不敷用。所有河南省豫備兵一千名。毋庸前赴安徽。即著鄂順安派委曾經出師之將弁管帶。並帶軍火器械。迅速馳赴清

軍機處存案

十

江浦。交麟慶李湘茶調遣。毋稍遲延。將此由五百里諭令知之。○又諭程桂林奏。調撥官兵。前赴米石磯等處駐劄防堵。並親往蕪湖縣駐劄。相機布置。以期聲勢聯絡。著照所議妥辦。至所稱咨調湖北河南精兵各一千名。現在河南豫備之一千名。有旨諭令鄂順安派員管帶。速赴清江浦一帶。交麟慶李湘茶調用矣。其湖北存營兵數。恐未必寬餘。已降旨令裕泰趙炳言。吳其濬。在湖北湖南兩省內酌量挑兵一千名。以備程桂林咨調。至所請軍需銀兩。准其在工賑節省項下酌提銀二十萬兩。另立專款。撥節支用。毋稍冒濫。將此由五百里諭令知之。○又諭程喬采奏。防守蘇州一帶情形一摺。覽奏均悉。據稱逆夷退出鎮江。仍任意往來各情節。昨已降旨飭令耆英等曉諭軍民。暫緩復業。免墮該逆奸計。伊里布此時已抵無錫。與耆英會商妥辦一切。程喬采惟當督飭文武員弁。分路嚴守。

要隘。勿令逆船竄入。江浙米販稀少。仍當設法招徠。源源接濟。本日據程桂林奏。已派員赴上游採買米四萬石。由蕪湖進口。應高淳縣東壩解蘇。著程喬采曉諭官紳。令其傳知軍民人等鎮靜。以待紳耆勸捐團練。經吳廷琛等召募壯丁。關廂一帶。聲勢聯絡。務當同心協力。認真堵禦。並嚴防土匪搶掠。為國出力。即所以自衛身家。昨經降旨飭令奕經在王江涇駐劄。靜候耆英等商辦消息。吳松口夷船未退。尤渤現在松江府防堵。著諭令嚴密防守。遇有逆船入口滋擾。即著設伏攻擊。儻逆船連幫而來。勢難抵敵。著臨時酌量情形。飛速知會奕經。趕緊撥兵應援。又另摺奏現將摺報等項設法改道進行等語。著照所議辦理。將此由六百里諭令知之。○又諭據程桂林奏。因防堵江路。已咨會湖北督撫先行豫備精兵一千名。以備該撫咨調等語。著該督撫等於湖北湖南兩省內酌量挑選精

兵一千名。俟程樹采咨調時。迅速派員管帶。馳赴應援。毋稍遲誤。將此由五百里各諭令知之。○庚戌。諭內閣。奕經等奏。查明乍浦接仗實情一摺。此次陣亡員弁。業經降旨賜卹。其先經潰散自行投回之兵丁張九臯等六十二名。著刑部定地發遣充當苦差。太湖營署把總沈大熊。於退敗後未隨大隊行走。先到平湖。著即革職。發往新疆充當苦差。太湖營遊擊已升廣東新會營參將洪應達。定海左營遊擊張紹廷。中營水師守備朱昌熾。嘉興協右營守備李繩滄。雖均帶有傷痕。惟未能督催弁兵奮勇禦敵。著一併革職。降為兵丁。以觀後效。杭嘉湖道宋國經。駐劄乍浦。半載有餘。辦理未能妥協。著交部議處。漢中鎮總兵德坤。帶兵策應。擊殺逆夷甚多。甘肅中衛協副將哈拉吉。那往來策應。腿受矛傷。尚非怯敵退避。著加恩免其議處。○諭軍機大臣等。奕經等奏。查明乍浦接仗情形一摺。已

明降諭旨。將陣亡員弁賜卹矣。此次接仗。滿洲陝甘官兵。最為出力。嘉湖乍太四營兵丁。聞聲驚怯。竟多潰散。不知下落。現據查出兵丁邱永福。朱甫田。前行。並未歸隊。兵丁五十三名。著即嚴飭查拏。務獲究辦。其接仗出力。受傷最重之官兵德克登額等各員名。自應酌量恩施。惟乍浦既已失守。此時礙難辦理。著該將軍等分別存記。俟軍務告竣時。酌擬如何獎勵。另行奏明請旨。並著先將此旨曉諭德克登額等。俾共知悉。至另摺另片所保之知府王用賓等。已交軍機大臣存記。統俟軍務告竣。再行降旨。其投回之兵丁張九臯等。已著該部定地發遣。把總沈大熊等。均已分別革職。所有千總朱大烈。署千總程鶴齡。即由該將軍咨部降革。以示懲儆。此次乍浦失事。文武各員。現已查明懲辦。其寧波定海鎮海失事各員。亦著趕緊查明。定擬究辦。毋稍遲延。將此由四百里各諭令知之。○

命署盛京將軍禧恩會同盛京戶部侍郎惟勤監收盛京官莊糧石。○阿克蘇辦事大臣常恆因病解任。賞烏魯木齊領隊大臣輯瑞頭等侍衛。為阿克蘇辦事大臣。已革馬蘭鎮總兵官琦琛藍翎侍衛。為烏魯木齊領隊大臣。○予浙江乍浦勦辦逆夷陣亡佐領英登布隆福防禦貴順。額特赫。驍騎校伊勒哈本根順。該杭阿。千總李廷貴。張淮泗。把總韓大榮。王榮。孫登霄。馬芝榮。署外委藍翎馬兵朱

宣宗實錄卷三七七

下五

朝貴。額外外委馬成功。祭葬世職。兵丁文秀等三十一名。賞卹如例。○以催趲漕船出力。賞江蘇同知王國佐等藍翎。餘加銜升補有差。○命陝甘總督富呢揚阿撥銀八千兩。解赴庫車。備道光二十四年經費。○修築庫車隄壩各工。從辦事大臣扎拉芬奏請也。○辛亥。諭軍機大臣等。著英等奏逆夷披猖情形。覽奏忿恨之至。前有旨諭知該大臣等。要籌商辦。現據奏稱。已由無錫前赴丹陽。如該首

業已西駛。即可趕赴江寧。善定大局等語。兩載以來。沿海生民。突遭蹂躪。朕心實有所不忍。與其兵連禍結。何如息事安民。設法羈縻。以全民命。此朕萬不得已之苦衷。諒該大臣等。必能善體朕意。期於有成。著即遵照前旨。妥為籌辦。另片奏逆蹤方張。豫為籌備。此亦不得不然之事。現已由六百里加緊諭知安徽。江西。湖北。各省。趕備兵勇。密造船筏。聽候該大臣等調遣。並諭知奕經。將所帶官兵。先

宣宗實錄卷三七七

下六

由王江涇不動聲色。前赴常州一帶。聯絡聲勢。奕經仍駐王江涇。聽候著英消息。妥商防剿事宜。其所請密派鄭鼎臣等。於江海匯流處所。相機攔截一節。亦已諭知奕經。照辦。仍著著英詳細飛咨。萬勿遲誤。僕陳志剛回報。該酋已就範圍。即著善議安辦。如詭譎披猖。該大臣等度非情理所能喻。即一面奏聞。一面飛咨。江。西。安。徽。湖。北。等省。各集重兵。整備船筏。大攻礮械。順流壓下。並迅即知照奕經。

馳赴江蘇。會同勦辦。再前有旨令潮州鎮總兵李廷鈺。迅赴江蘇。交耆英差委。建昌鎮總兵桂明。迅赴安徽。隨同程桂林。辦理防堵。著即飛咨李廷鈺。速行來蘇。酌量何處緊要。即相機調遣。耆英務即斟酌萬全。妥慎辦理。將此由六百里加緊諭令知之。○又諭。前有旨諭令奕經。帶領得力將弁兵勇。駐劄王江涇。聽候耆英消息。本日據耆英等奏。現在逆餒方張。必須豫為籌備。常州雖有防兵四百五十名。聲勢究不能聯絡。無錫路通江陰。地方緊要。必應揀派官兵。俾資防守等語。著奕經即將所派將弁兵勇。不動聲色。密行移至常州一帶。妥為安置。該將軍仍駐劄王江涇。聽候耆英消息。一經接到耆英咨會。即飛速管帶前往。相機防勦。再該逆在江肆擾。聯船西馳。本日已飭湖北江西安徽各督撫。密備船筏。豫為將來順流壓下。縱火焚燒之計。如該逆復由福山竄出。著即密令鄭鼎臣等。在於

欽定大清會典事例

卷七

江海匯流處所。隱藏火攻船隻。攔截痛剿。該將軍務當先事豫籌。嚴密妥辦。毋稍張皇。亦無誤機宜。是為至要。如能堵剿成功。豈非奕經之懋績歟。將此由六百里加緊諭令知之。○又諭。本日據耆英奏。逆船西駛。漸至浦口。儀徵等語。現在逆餒方張。儻竟汴流而上。深恐擾及沿江各省。因思江面究非海洋可比。若從安徽之安慶。江西之九江。湖北之武昌。漢陽。各集重兵。多備船隻槍礮。及火攻器具。順流壓下。則逆在下風。其勢易於焚擊。著安徽江西湖北各督撫。接奉此旨。即迅就該處情形酌量。或備船隻。或用木筏。及一切火攻器具。派委得力文武員弁。統領兵勇。隨時確探逆夷蹤跡。一經接到耆英咨會。即行順流放下。層層接應。多備槍礮。合力攻勦。並飭令互相應援。毋分彼此。不但自固藩籬。即鄰境亦藉資保衛。儻逆夷得受大創。不致天塹有阻梗之虞。該督撫等之功甚偉也。勉之慎之。

欽定大清會典事例

卷八

清 實 錄 道光二十二年七月上

將此由六百里加緊諭令知之○又諭怡良等奏探明臺灣情形並鼓浪嶼留船隻數一摺據奏嘉義之樹苓湖外夷船勾結草鳥匪船在口外窺伺經代理縣易金杓等督兵開礮擊破草鳥船二隻夷船開駛北去續有草鳥船八隻在樹苓湖外亦經千總李瑞麟等出洋圍捕擊沈三隻生擒匪犯林山一名撈獲夷人盛帽鳥槍現在探報該處並無夷船駛入其鼓浪嶼夷船現在仍留七隻等語覽奏均悉著怡良劉鴻翱嚴密防範遇有可乘之隙即行相機進剿其臺灣夷船仍著隨時確切探報並飭知該鎮道等加意嚴防毋以天險人心兩者可恃稍存大意其前次由六百里加緊覆奏逆船情形均已覽悉著即附此次報便發還將此諭令知之○以鑲白旗護軍參領慶任為鑲白旗漢軍副都統○河南布政使張晉熙因病解任以四川按察使張日畧為河南布政使福建興泉永道劉耀

椿為四川按察使○福建建寧鎮總兵官曾大觀以年老休致以四川維州協副將兆麟為建寧鎮總兵官○廣西左江鎮總兵官文哲璋因病解任以潯州協副將盛筠為左江鎮總兵官○壬子

上詣綺春園問

皇太后安○諭內閣昨據御史安詩奏阜城門外城牆有人穿穴睡卧請飭查禁一摺當派王明戴增前往查勘茲據查明阜城門北城牆有橫穿一穴穴內平坦可容睡卧等情城垣小有缺損即當隨時修治何得任令掏挖睡卧毫無覺察步軍統領及左右兩翼總兵著交部察議並著將該管員弁指名奏奏其穿穴處所著即趕緊繕修務令完固此外各門城牆如查有缺損之處亦著一律繕治經此次訓諭之後儻再玩泄從事致城牆有掏挖情形別經查出定將該管各官從重懲處至街道設立柵欄用資偵察並著轉飭查明

如有脫損虧折。隨時報明修整。毋得視為具文。○又諭德珠布奏鎮江失守。自請嚴議一摺。德珠布著交部嚴加議處。○諭軍機大臣等。祁墳奏臬司宣封越南禮成一摺。覽奏已悉。此次廣西臬司寶清。至越南宣封諭祭。來往有無騷擾驛站。需索該國餽送。收受禮物等事。著祁墳密行查訪。務得實情。遇有報便摺便。附片登覆。毋庸專摺具奏。將此密諭知之。○又諭齊慎奏。黃夜摸樁。擊殺逆夷多名。

實錄卷二百七

三

一摺。據奏六月二十七夜。隨營從九品郭藩會同縣丞齊在鎔等。帶領精兵。潛入鎮江府城。分伏暗襲。擊斃騎馬夷目一名。刀砍棒擊。傷斃逆夷。不計其數。偵探逆夷較場點人。連前共打斃八百餘名等語。覽奏欣悅。可嘉之至。此次出力員弁兵丁。准其查明保奏。候朕一併施恩。其帶傷兵丁。查明撫卹。現在京口夷船。尚有二十二隻。如有可乘之機。仍著隨時妥辦。其代理寶山縣張元揆所稟黑鬼五

六人。登岸丈量小沙背。迤北至顧隆墩一帶海塘。意欲何為。至該逆所稱定海開行之船。先往鎮江南京。後到天津等語。係向何人說及內地民人。又何以能通曉夷語。均著向寶山縣確切詢問。附便具奏。至此次江中夷船。是否即係該逆海中駕駛之船。寬廣約若干丈。裝載兵礮若干。隨時探報具奏。再本日據德珠布奏。稱摺報被搶。殊屬粗率。現在軍務喫緊。文報最關緊要。著齊慎嗣後呈遞摺報。

實錄卷二百七

三

務當小心防範。豫為籌及。毋致疏虞。將此由六百里諭令知之。○又諭德珠布奏。收集潰散官兵。並將駐防避難之家口安插撫卹一摺。此次京口失守。所有潰散之青州協防官員。除已隨者英前赴常州外。餘著該將軍趕緊收集。其駐防避難家口。此時自未便概行收集省城。其已至江寧者。即著妥為安撫。其現至丹陽者。既經著英於蘇州常州二府分飭安插。該地方官自必妥行撫卹。至另片奏。

逆夷火輪等船。已逼省城等語。前已有旨諭令奕經帶領得力兵弁駐劄王江涇。並諭令牛鑑省城。如果危急。即飛咨奕經星馳赴援。想該督等自能遵照辦理。該將軍仍當嚴飭兵弁實力防守。無稍疏懈。伍朗阿於防堵事宜。既屬諳悉。即著與各旗協領會同籌辦。至所稱摺報被劫一節。當此軍務喫緊之時。文報尤應慎重。此後該將軍摺報總須慎益加慎。毋得稍有疏虞。將此諭令知之。○又諭寄

諭兩江總督牛鑑。據德珠布奏。六月二十九日。將京口失守情形具摺由驛馳遞。是日據上元縣知縣吳廷獻稟報。驛卒行至北河口江面。被逆夷將人船搶去。復行繕摺繞道由安徽馳奏等語。馳遞摺件。必應慎重嚴防。況事關軍務。尤應倍加嚴密。該將軍粗率無能。致有此失。祇知另繕重發。不知節外生枝。許多關繫。且印花及摺奏式樣。該逆搶去。正恐描摹詐偽。諸弊叢生。防不勝防。所關匪細。嗣

後該省馳遞奏摺。務當小心防範。其必應繞道改道行走者。即飭屬早為籌度。安速酌辦。毋致再有疏虞。上元縣知縣吳廷獻。非尋常疏於防範可比。著即革職。發往新疆效力贖罪。俟軍務告竣。再行奏聞起解。將此諭令知之。○又諭前命李湘荼馳驛前往江蘇會同麟慶。朱樹防堵江北一帶。計不日即可抵江。所有選兵練勇各事宜。自必遵旨妥辦。現在耆英。伊里布。辦理羈縻事宜。尚無定議。如已就我範圍。自可不煩兵力。儻竟不肯就撫。必應大加撻伐。昨已諭知江西安徽湖北各督撫。令其豫備船筏。雇覓壯勇。以備上游焚燒夷船。並於江海匯流處所。令鄭鼎臣設伏截擊。李湘荼著俟行抵江蘇時。趕緊選募兵勇。製備器械。如江北有警。仍遵前旨。會同麟慶等妥籌防剿。儻逆夷肆擾江南。耆英辦理不能得手。一經偵探得實。即著帶領兵勇密赴下游。設法掩襲。以弱該逆之勢。此事務宜慎



之又慎。並非責成汝務為此舉。切不可貪功輕進。動則必須有成。是為至要。將此密諭知之。○緩徵山東鄒定陶唐邑莘清平濟寧汶上陽穀曹德平原禹城陵德平恩武城夏津臨清滋陽鄆城鉅野三十一州縣並東昌衛被旱被雹莊屯新舊額賦。○緩扣江西各幫上年借領天津道庫剝價銀。○癸丑。

上詣綺春園問

皇太后安。○諭軍機大臣等。麟慶奏儀徵揚州

書奏大臣等

三

漸俱安定。現仍加謹防堵一摺。據奏瓜洲江邊停泊三桅夷船二隻。儀徵沙漫洲。禮記洲。老河影。各泊火輪船一隻。其金焦兩山。上下共泊夷船六十餘隻。瓜洲口。及儀徵洲上。各有大船三隻。現已設法將水路攔截。並於旱路要隘。挖坑設伏。並發倉平糶。慰諭居民。地方漸已安定等語。所辦甚好。所有團練壯勇之知事王英秀。知縣彭以竺。署監掣同知陳延恩等。各團練壯勇。或數百名。或十餘名。協

同守城。或率同委員紳士。撫慰居民。均屬出力可嘉。另片奏催漕米工之投效。東河通判王恩燾。告假回徐之分發湖南候補布政司理問秦廣鑛。自備資斧。隨營效力。所帶壯丁驗明得力。著准其留於南河差遣。如江北有警。即著麟慶量才調委。一經勦辦得手。朕必破格施恩。或逆夷偵知江北有備。不敢窺伺。而該員等捍禦有功。統俟軍務告竣後。由麟慶確切保奏。候朕施恩。並將此旨傳示該員

書奏大臣等

六

等。以資激勸。至梟匪乘機搶劫。必須認真嚴辦。毋稍寬縱。據奏儀徵匪類爭私互鬪。現在雖已解散。仍須加意嚴防。至黃河以北。土匪聚眾。尤應乘其未發。妥速掩捕。此時外患未平。斷不可復多內顧。著麟慶相度機宜。或及時召募。或設法解散。或先事捕獲。消患未萌。是為至要。所奏漢奸翦髮刺臂。身帶腰牌。及棺木中暗藏火礮。著飭屬隨時隨地留心訪察。惟當持以慎密。僅稍露風聲。俾逆夷知我

識破勢必改換形跡。揆捕更難著手。又另片奏。沿江小船。非梟即漁。恐為逆匪所誘。雇覓難保集事等語。軍務緊要。不得不慎。雇船既屬難行。仍著嚴守江北。以杜內竄。將此由六百里諭令知之。○又諭有人奏。淮揚清江等處。向為鹽梟出沒之所。儻被逆夷勾結。暗決河隄。南則下灌淮揚。北則直衝徐宿。為害甚鉅等語。著麟慶密飭沿河廳汛員弁。隨時留心查察。雖奸夷未必計出於此。而豫為防範。自應加嚴。但不可使風聲稍露。轉啓奸謀也。懍之慎之。將此密諭知之。○又諭據麟慶奏。防堵江北情形一摺。據稱查拏漢奸。為第一要務。真正漢奸。髮辮剪齊。臂刺蟲形。或蝴蝶形。身帶夷字小腰牌為據。又吳淞口外。逆夷新造一物。狀似棺木。中藏火礮。情殊詭譎等語。逆夷滋擾。總恃漢奸為先導。現在真正漢奸。既以剪辮刺臂夷字腰牌為據。正可辨認。查拏其新造裝藏火礮之物。尤應嚴密防範。

著賽尚阿等各飭員弁。不動聲色。認真查辦。惟該逆詭譎異常。其漢奸記識。及新造礮具。一聞被人識破。難保不隨時變易。別肆陰謀。其漢奸中。最為該夷所得力者。尤必深自閉藏。不露形跡。全在該大臣等處處留心。詳細盤詰。嚴密辨認。庶使奸徒絕跡。奸計一無所施。是為至要。將此各諭令知之。○命陝甘總督富呢揚阿。撥銀二萬二千七百四十八兩。解赴阿克蘇。二萬九千三十九兩。解赴烏什。備道光二十四年經費。○甲寅。上詣綺春園問皇太后安。○諭軍機大臣等。本日據牛鑑奏。逆夷大幫船隻。駛至省城。又伊里布奏。馳抵江省。各一摺。覽奏均悉。著仍遵前旨。設法羈縻。計奉到此。次諭旨。耆英亦必到彼。務即剴切曉諭。俾該逆不致疑惑藉口。惟既經商議。必應事事著實。毋得稍留罅隙。將就目前。及至逆船他駛。又復改換帶兵頭目。再肆扶制。要

求種種說謀皆應慮及豫為杜絕方稱妥善如能就我範圍自可不煩兵力萬一該逆仍不受撫不得不大加撻伐奮力攻剿該大臣務當妥為籌畫相機辦理本日已由六百里加緊諭知奕經今其督兵進駐常州一帶者英等如措辦了結即飛咨奕經令其知悉如辦理不能得手更當飛咨奕經以便帶兵速來內外合剿毋稍遲誤將此由六百里加緊諭令知之○又諭前經降旨令奕經將所帶

軍機處

三

弁兵前赴常州奕經駐劄王江涇聽候者英等消息因思王江涇距江寧省城較遠奕經著即選帶將弁兵勇移駐常州一帶現在江寧危急者英牛鑑伊里布會同辦理羈縻事宜儻該逆狡詐猖狂不肯受撫著奕經一經接到者英知照迅即統領精兵前往應援不得稍有遲延致誤事機是為至要將此由六百里加緊諭令知之○又諭本年江浙兩省沿海州縣錢糧漕米業經量予豁免正供既

不符定額所有倉廩軍儲不可不豫為籌備因思盛京地方產穀極多可否採買高粱穀石由每歲運豆海船運至天津海口以資儲備著禧恩等體察情形應如何動項買運之處妥議具奏將此諭令知之尋奏據奉天現在情形似可援照成案採買粟米二十萬石擬請飭部撥銀三十五萬兩於秋收後督飭妥員辦理下部議尋議查各旗折放粟米每石給銀一兩二錢以二十萬石而論止須銀

軍機處

三

二十四萬兩較該將軍所請計可省銀十一萬兩且現在該將軍奏准推廣捐米章程並稱報效者頗不乏人如果輸將踴躍則運京粟米必多自無庸再議採買從之○直隸總督訥爾經額六十生辰賜

御書扁額福壽字並珍玩文綺○乙卯諭軍機大臣等據文蔚等奏籌辦浙江省城防堵事宜一摺現因逆船直逼江寧情形危急昨已降旨令奕經帶兵移駐常州一帶以便應援

矣。所有浙省防堵事宜。即責成該叅贊大臣等妥加布置。俾聲勢聯絡。現在酌調各路兵丁。防守尖山海寧嘉興等處要隘。均著照所議辦理。至省城重地。尤為緊要。特依順統帶兵丁。共有二千六百餘名。足資鎮守。仍著勤加訓練。分防要路。毋稍疏虞。曹江上虞等處。現有兵勇屯駐。並著文蔚。段永福。隨時控制。嗣後如另有調撥事宜。該大臣等一面相機辦理。一面奏聞。將此由五百里諭令知之。

丙辰。

孝懿仁皇后忌辰。遣官祭。

景陵。○諭內閣。前任福建興泉永道劉耀椿。朕因其係保舉人員。官聲尚好。昨將該員升任四川按察使。茲據廖鴻荃奏。失地之員。轉邀升擢。未愜眾望等語。劉耀椿上年失守廈門。經該督奏請嚴加議處。維時因閩浙兩省失守各員。多有未據奏到者。是以未經降旨懲辦。所有福建浙江及江蘇三省失守城池各

員。著該督撫迅速查明。叅奏。毋得再有遲延遺漏。劉耀椿既有應議處分。自未便遽加升擢。著以道員留於福建。交怡良差遣委用。仍入於應議各員內一同覈辦。○諭軍機大臣等。據順保奏。帶兵啓程一摺。現在江北防堵緊要。順保業經帶領備弁。並酌帶兵丁啓程。著即與麟慶會同妥議。於扼要處所。嚴密防守。不得任逆船闖入。至泰州地方。土匪鹽梟聚眾滋擾。尤應認真勦捕。設法解散。勿被逆夷勾結。將此諭令知之。○以廣東鹽運使潘鐸為四川按察使。○丁巳。諭軍機大臣等。齊慎奏。確查逆夷現在情形一摺。據稱逆夷每日將城斬斃。並將大馬頭木料。強拉百姓運至北教場。聲言以作蓋房之用。北固山上。插有紅旗。其大幫船隻。多已駛至江寧等語。覽奏。曷勝忿恨。該逆詭詐百端。情殊叵測。現在耆英。伊里布。已馳往江寧。會辦一切矣。惟該逆既登北固山。瞭望陸路。丹陽為常州蘇

州咽喉地方。防範宜嚴。著齊慎督率將弁。激勵兵丁。於各處要隘。相度形勢。設法嚴密。布置。毋令該逆得以闖入。昨有旨令奕經帶兵前駐常州。聽候者英等消息。萬一丹陽有警。該參贊一面嚴守。一面咨會奕經。就近前來應援。將此由六百里諭令知之。○又諭。本日已降旨。將慶佳簡放盛京副都統矣。現當海氛未靖之時。防堵攸關緊要。禧恩於各城副都統內。如有深知其人堪勝此任者。著即奏

實錄卷三百五十五

三十三

明請旨對調。將此諭令知之。○又諭。卞士雲奏。招商改道販米至浙。額懇免輸關稅一摺。前因劉韻珂遣員赴鄰省販米。奏請免輸關稅。當經加恩允准。茲據卞士雲奏稱。湖廣等省米商至浙。向皆取道長江。今查得安徽蕪湖地方。有路可以繞至蘇州。不必由揚子江行走。著湖南湖北江西安徽江蘇各督撫。出示曉諭各米商。迅速販運米石。由蕪湖改道運浙銷售。以濟兵民口食。所有米船經過各

關。著仍遵前旨。免輸稅銀。將此諭令知之。○又諭。前經降旨。著四川陝甘二省挑選精兵各一千名。聽候調遣。該督等諒已遵旨挑選矣。現在逆夷船隻。闖入大江。直逼江寧。即江北淮揚一帶。亦形喫重。著寶興即將所挑兵一千名。派委得力將弁管帶。馳赴江寧。交牛鑑調遣。富呢揚阿。陶廷杰。即將所挑兵一千名。派委得力將弁管帶。馳赴清江浦。交麟慶調遣。並將應用器械。揀選精良。各自攜帶。毋

實錄卷三百五十七

雷

稍遲誤。再前降諭。旨令寶興購買木料。製造戰船。以備水戰。著即趕緊辦理。所有船上應用礮位。亦著趕緊鑄造。並相度戰船形勢。妥為安置。候旨調用。至擡礮一項。陝甘鑄造。尚為精良。並著富呢揚阿等多為鑄造。以備調用。將此由六百里各諭令知之。○又諭。麟慶奏。調防兵丁。將次到齊。豫籌分撥。設局一摺。覽奏均悉。該逆出有偽示。擬由三江口入運河滋擾。顯係聲東擊西。鬼蜮伎倆。然不可不

防。據稱揚州三汊河及三江口。先經堵截。其餘各汊港。亦皆沈船繫樹。夷船如敢竄入。究竟能否堵禦。尚須妥為籌畫。不可稍涉大意。運河東岸。緯隄平坦。尤應設法布置。該逆槍礮猛烈。若僅恃土壘以為蔽衛。未必確有把握。仍當相度地勢。另籌良法。務臻妥善。至啓壩洩水一節。原為膠滯逆船起見。若甫見一小船遊奕。遽行啓壩。縱被膠滯。勦殺無多。實為不值。該河督等總當豫為籌畫。成竹在胸。儻能將逆夷大船。設法誘入。然後啓壩洩水。俾聯艘淺攔。進退維艱。再用火攻船筏。圍繞焚燒。定可成功。所調山東兵丁。因本境防守緊要。難以調撥。已改調河南兵丁六百名。計日可到。本日又飛調陝甘兵一千名。諭令速赴清江。該河督等務即分別派撥。總以扼要得力為妥。其高郵寶應等處。若將兵丁分派一二百名前往防禦。未免過形單薄。殊屬無益。至木筏業經繫就。所備共有若干。但乘

流放下。務當運用有準。過早則無濟於事。稍遲又不得力。總要恰當。逆船屯泊之際。酌量水勢行走遲速。約計火藥燃著之時。適與逆船相值。乘勢大攻。必可制勝。更須嚴密防維。勿被漢奸乘間暗算。致有他虞。懍之。江北辦理防堵事宜。軍需設局。以備支應。自不可少。惟現當籌畫經費之際。該河督受恩深重。必應加意撙節。務求事事覈實。勿任虛糜。所有應用各款。如能於河工項下設法節省。以供支發。方免另行籌撥。其各廳捐製棹槍。及銅山縣知縣趙毓丹捐硝二萬八千斤。著麟慶即將該員等職名開單咨部議敘。此外如有捐資出力。有裨軍務者。並著隨時奏請鼓勵。另片奏。團練鄉勇。招致頭目等語。著仍飭屬隨時團練。以資防禦。甘泉捕役頭目楊泳。既熟悉梟匪情形。著准其招致驅遣。惟梟匪等情性無常。切須嚴防。勿為逆夷買用。反受其殃。當慎之又慎。又但明倫奏。籌辦防堵情形。

一摺俱悉。著隨同麟慶認真辦理。其摺內所稱多掘陷坑。暗置地雷等語。尤應密為布置。方可於事有濟。所有揚州府地方。著但明倫妥為撫輯。以安眾志。而固疆圉。將此由六百里諭知麟慶。李湘荃。並傳諭但明倫。都勒豐阿。順保知之。○又諭。前經降旨。著裕泰豫備精兵一千名。以備安徽防堵江路之用。該督接奉後。諒已酌量挑備。現在逆船直達江寧。程楸。米帶兵赴援。駐劄蕪湖。著裕泰即將前

軍機處

三

項兵丁。派委得力將弁。迅速管帶。馳赴蕪湖。交程楸。米調遣。並帶大礮二十尊。大藥二萬斤。礮子五千斤。均交程楸。米備用。並於此項官兵。再備兵數百名。及軍械船隻。以資後路接應。再前有旨。令裕泰於湖廣購辦木料。製造戰船。並雇備鹽船。挑選水摸。探明逆船所在。派員駕往攻剿。諒已遵旨趕辦。現據程楸。米奏。需用沙木。紮薄。以備火攻。著該督速購沙木。紮成數十薄。派委幹員解往蕪湖。俾資

應用。至該逆聞入長江。勢更猖獗。咽喉要地。豈容逆賊逗留。為今之計。非與水戰。不能驅出長江。所有大船木筏。必須多備。湖廣素饒材木。該督務即飭屬廣為購買。以濟軍實。儻能乘風縱火。迅掃鯨鯢。懋建殊勳。佇膺上賞。朕惟裕泰是望。奮勉為之。至前有旨。令四川總兵桂明。前赴安徽。隨同程楸。米辦理防堵事務。並著裕泰。飛咨四川。並湖北。入川沿途地方。催令星馳。前赴蕪湖。毋少稽緩。將此由

軍機處

三

六百里諭令知之。○又諭。程楸。米奏。馳抵蕪湖。酌量改派防堵一摺。布置尚為妥協。已由六百里諭令裕泰。迅將挑選精兵一千名。趕赴蕪湖應援。並催令桂明。兼程前來矣。東西梁山。既可相對扼要。又有四合山。陳家洲兩處。犄角設伏。足資堵截。著即妥為布置。儻逆船駛入。痛加攻剿。庶該逆不敢沂流而上。所有大礮。大藥。礮子等件。亦飭令裕泰。迅速趕辦解皖。沿江葦洲林立。正可因地乘時。據稱

已購備漁船三百隻。分裝蘆柴引火之物。並雇募善於泅水之人。派參將經文泰帶領勇健四百名。前往安置。所辦甚好。惟此事必須密之又密。方不為該逆暗算。總當將船暗藏洲內。覲定逆船屯泊之處。或乘黑夜將小船前後左右圍繞焚燒。復埋伏精兵以為接應。庶可令該逆無所逃命。聚而殲旃。若逆船尚未駛近。倉皇將火藥虛放。及至攏近。反不得力。或離逆船尚遠。彼已窺見設伏。有所準備。徒將數百隻火攻之具。盡付虛擲。殊覺可惜。且恐一失機會。更難著手。該撫務宜籌畫盡善。使該逆進有所扼。退有所制。激勵將士。成此大功。佇膺懋賞。朕所望也。另片奏需用木薄等語。已飭裕泰趕緊購買沙木。紮成木薄。委員押解赴皖。並諭令於前調之兵一千名外。再備數百名。並軍械派員管帶。隨後接應。其所調河南之兵。已有旨飭赴淮揚一帶防堵矣。將此由六百里諭令知之。○又諭卞士

雲奏。桐鄉安吉二縣匪徒糾眾毀署傷官一摺。據稱浙江桐鄉縣因大雨經旬。田疇被淹。安吉縣因糧價昂貴。詳請平糶。正在籌辦間。該府縣等稟報桐鄉縣有鄉民數千人。擁入縣署。拋擲擲石。致傷該縣頭面。搶去庫貯銀錢。安吉縣民童禹甸等率領多人直入縣署。吵鬧擠翻公案。擁進宅門。致傷該縣偏左。經該府等帶兵查拏。俱已逃散等語。鄉民糾眾肆鬧。毀署傷官。夥搶庫項。實屬目無法紀。該署撫現已派委文武員弁帶兵馳往查拏。著即將滋事首要各犯按名弋獲。嚴行懲辦。不可稍存姑息。惟此等刁民恃眾滋事。或由該地方官辦理不善。以致激成事端。並著該署撫確切查明。據實具奏。又另片奏浙江石浦玉環太平樂清等處洋面俱有盜船出沒。經該文武等先後擊沈盜船。殲擒盜犯等語。盜匪聯踪結夥。屢肆滋擾。必應盡力勦辦。著該署撫督飭在洋巡緝各員弁及陸路兵勇於



水陸要隘處所。會合掩捕。務期淨絕根株。是為至要。將此諭令知之。○調鑲白旗漢軍副都統慶佳。為盛京副都統。○修浙江蕭山縣西江塘工。從署巡撫卞士雲請也。○戊午。諭軍機大臣等。賽尚阿等奏分撥各營馬匹一摺。據稱由京解來馬一千匹。照數驗收。撥給現駐新河口之吉林黑龍江兵七百六十四匹。撥往察哈爾官兵二百三十六匹。該處官兵除撥給外。尚短馬一百五十四匹。現於續

調來津之直隸營馬內撥補。其前由山海關高橋二處調赴天津之吉林黑龍江兵。亦間有倒斃馬匹。俟查明另行覈辦等語。現在南苑牧放馬匹。原以備天津官兵調撥。該處官兵馬匹。既間有倒斃。挑去馬一千匹。仍屬不敷撥補。儘可隨時奏撥。俾資騎用。著賽尚阿等據實查明。奏請撥解。仍飭該官兵等妥為牧放。將此諭令知之。○又諭李湘茶奏豫籌辦理情形一摺。據奏南糧回空軍船業已函

商朱樹。將不出江口可以歸次者。提令前行。其必由江口始能歸次者。相度地勢。劃清處所。責成幫弁及地方官妥為彈壓等語。著照所議辦理。其調劑約束章程。均俟到浦後會同朱樹妥籌具奏。至選練兵勇。製備器械。務當妥速籌辦。認真彈壓。總期得收實效。所奏逆夷賄囑私梟。導逆汰湖。及御史呂賢基摺。早經諭知麟慶密為防範矣。所奏江北及河漕兵丁隨時調遣之處。已諭令朱樹麟慶並

順保。飭知各營聽調。昨復有旨諭陝甘督撫挑選精兵一千名。速赴清江浦。以資防禦。該署少卿務須慎益加慎。與朱樹麟慶相度機宜。和衷共濟。勿負委任。將此由四百里諭令知之。○又諭李湘茶奏接奉廷寄。密咨商辦情形一摺。據稱現在回空軍船。長淮等幫銜尾而下。擬將不出江口可以歸次者。提令前行。由江口始能歸次者。劃清停泊處所。責成地方官妥為彈壓。去江南境不可過遠。逆夷

退竄。即可乘隙出口。其現調河南官兵。可當一路分防。恐不能聯絡。請就近於狼山鎮所轄之揚州。泰州。泰興。掘港等營。及河漕兩營之濱臨湖海者。臨時酌量調遣等語。著朱樹麟慶會同該署少卿。於狼山鎮所屬江北各汛。及河漕兵弁內。相度事機。酌予調遣。如實有緩急。不及會銜之處。亦著飭知各營。隨時聽調。毋誤機宜。其回空漕船。調劑約束章程。亦著會商妥辦。將此由四百里諭知朱樹麟。

慶並諭順保知之。○以正紅旗漢軍參領吳必淳。為鑲白旗漢軍副都統。○旌表守正被戕直隸東安縣民劉旺妻陳氏。○己未諭內閣。鐵麟等奏。蒙古官兵捐輸馬匹一摺。前因馬匹已數撥用。所有各官兵懇請捐辦之處。有旨諭令即行停止。茲據該都統奏稱。軍臺扎蘭章京旺楚克等。共捐輸馬一千零五十匹。係在未經奉旨停止之先。自未便阻其急公之意。即著一體賞收。該官兵等誠悃可嘉。

其應如何獎勵之處。著鐵麟等酌議具奏。再行降旨。該都統等仍遵奉前旨。通飭各屬。如再有捐輸者。即行停止。○欽差大臣廣州將軍耆英等奏。暎夷大小兵船八十餘隻。陸續駛入草鞋峽江面。當將允准通商之處。專弁前往告知。該逆首疊次覆文。總稱臣等無權不能作主。忽於初五日。向差往之弁張攀龍聲稱。初六日欲行開仗。當揀派太倉州知州徐家槐。外委陳志剛。及張禧。發給照會。推誠布公。復加開導。該員弁馳至江邊。見該夷各船張掛紅旗。車皆駕礮。人盡執槍。紛紛上岸。排列陣式。候時前進。該員弁等將照會付給。眾夷目公商良久。始鳴礮傳令。撤落紅旗。夷兵次序回船。逆首鳴禮遜等。向告暎咭喇與中國通商。豈敢無故得罪中國之人。兵戰連年。實出於不得已。現蒙准與通商。情願聽候商議。諭軍機大臣等覽奏已悉。該首既有不敢得罪中國。情願聽候商議之語。耆英已抵

省垣著與伊里布牛鑑。公同熟商。如果就我範圍。即可籌定大局。前降諭旨甚明。惟據奏驕橫之性已成。貪婪之心無厭。必須通盤籌算。永絕禍根。慎毋狃於救急之策。仍墮奸謀。致貽後患。據奏南城儀鳳門最關緊要。現在兵礮漸集。著俟佐領塔芬布等回報後。如情詞恭順。再遣職分較大之員。速行定議。儻竟桀驁不訓。難以理論。現在兵力已集。地險可守。全在該大臣等激勵將士。或竟出奇制勝。

軍機處

四十五

懋建殊勲。該大臣之功甚偉也。另片奏議有成說。該大臣等面見該苗定局等語。儻大局全定。自當昭示大信。消其疑慮。但必俟該夷兵船全數退出。酌定適中地方。約令夷目前來。該大臣等方與面見。切勿輕上夷船。致有意外之變。所請伊里布暫戴頭品頂翎。及張禧暫戴軍功頂戴之處。均准如所請行。將此由六百里加緊諭令知之。○又奏初七日據該夷將請求各款。開列清單。交委員塔芬布

等攜回。公同閱看。係索討洋錢及貿易馬頭等款。並據稱若能如所請。不敢再啟兵端。不如所請。即行開仗。並往別省滋擾等語。正在酌議。詎料初八日。該夷聞有調兵防剿之信。忽換紅旗。定於次早開礮攻城。查省城弁兵不敷防守。所謂各省官兵。曾經挫衄。士氣不揚。未敢恃以為固。且江南民風柔懦。一聞此信。男婦數萬。號呼籲救。復查該夷自犯順以來。命將出師。總未能挫其兇鋒。今竟橫據長

軍機處

四十六

江。直逼金陵。危在旦夕。萬一危城莫保。不惟京口梗塞。即安徽江西湖北各省會。該夷均可揚帆直達。且傳聞該夷有戰若不勝。即遣漢奸偷窺高堰之信。禍患尤不可問。與其兵連禍結。流毒愈深。不若姑允所請。以保大局。現已照會該夷。即照所議。速為商定。又諭覽奏不勝憤恨。念江南數百萬生靈。一經開仗。安危難保。既經該大臣等權宜應允。朕亦祇可以民命為重。均著妥行定議。惟該夷既稱

能如所請。不敢再啓兵端。現在業經俯允。該夷如何退出長江。各省夷船。如何遣散回國。該大臣等必當切實議定。永杜兵萌。不可稍涉含糊。徒顧目前。仍成不了之局。將此由六百里加緊諭令知之。○又諭。前因鎮江失守。副都統海齡自縊殉難。念其為國捐軀。特加優卹。茲有人奏。逆夷甫到江口。尚未攻撲府城。因海齡查拏漢奸。誤殺良民。不計其數。以致人心不服。將該副都統圍住。海齡因縱兵開礮轟擊。逆夷探聞內變。乘勢直入府城。海齡之死。關係被民戕害等語。查拏漢奸。本係守城要務。若因此多殺無辜。激成內變。則其死殊不足惜。惟奸民乘亂洩忿。戕官縱賊。實屬罪大惡極。縱不能悉數誅夷。必應將為首數人立伸國法。著將原摺鈔給程喬來閱看。畢竟鎮江如何失守。海齡是否被戕。確切查明。據實具奏。不得因海齡已死。代為彌縫。亦不可因亂民較多。意圖消弭。將此諭令知之。

宣宗實錄

卷三十七

○又諭。鐵麟等奏。官兵捐輸銀兩一摺。張家口滿洲營協領塔親布等。因察哈爾蒙古兵丁前往天津防堵。轉瞬秋寒。應備衣履。情願捐銀共六千兩。作為衣履之資。急公好義。洵屬可嘉。惟該官兵等在營當差。俸餉無多。此次捐輸防堵蒙古兵丁衣履。未免轉滋苦累。著飭知該官兵等無庸捐輸。以示體恤。又另片奏。廢員于克襄等捐輸銀兩等語。亦著無庸捐輸。將此諭令知之。○禮部奏。八月初十日

宣宗實錄

卷三十七

日  
萬壽節應行禮儀。得旨。照例行禮。停止筵宴。○以捐輸馬匹。賞蒙古正白旗羊羣牧長根敦扎布等頂翎有差。○添撥東河防險銀二十五萬兩。從河道總督朱襄請也。○庚申。諭軍機大臣等。奕經奏。籌撥精兵。赴皖防堵一摺。據稱漢中鎮總兵德坤所帶官兵千名。現已馳赴江蘇。歸入齊慎大隊。其調赴江蘇之壽春鎮兵五百名。原係署總兵岱昌管帶。現派

就近調赴安徽復於大營官兵內抽出二百名交付管帶俾資防守等語均著照所議辦理耆英等現在會辦羈縻事宜該將軍著仍恪遵前旨聽候耆英消息將此由四百里諭令知之○辛酉中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭內閣裕泰奏遵查荆州潰隄原修已逾固限並續勘漫潰民工各隄情形各一摺前因荆江隄決郡城被淹降旨令裕泰督飭該地方官趕緊修築安撫居民並查明厯任承修各員據實參奏茲據奏稱現潰隄工近年未經估辦其道光九年原

修之員已逾保固例限著即照例免其查參現任知府程伊湄業經該督奏明責令賠修仍著倍集人夫趕緊加築以資捍衛其被水災民經該道府等勸諭捐輸設廠散放並委員分往各處發錢查撫均著照議妥為辦理至續勘江支各隄潰口三處均係民修工程現當伏汛勢難勉強興工著先將潰口兩頭裹護不令續坍俟秋後查勘情形再行估辦其受災較重之公安縣及監利江陵等州縣

被淹情形。亦著轉飭迅速查明。一面妥為撫卹。一面據實奏聞。用副朕軫念民艱至意。○諭軍機大臣等。前因鎮江失守。經耆英等奏報。副都統海齡自縊殉難。念其為國捐軀。特加優卹。昨有人奏。逆夷甫到江口。尚未攻撲府城。因海齡查拏漢奸。誤殺良民。不計其數。以致人心不服。將該副都統圍住。海齡縱兵開礮轟擊。逆夷探聞內變。乘勢直入府城。海齡之死。聞係被民戕害等語。又有人奏。上海

宣宗實錄卷三七七

至

失事時。徐州鎮總兵王志元添報兵數。剋扣兵糧。以致兵不為用。該鎮先走。寶山縣知縣周恭壽幫辦知縣周沐潤。於五月初八日俱走嘉定。上海道巫宜楔。知縣劉光斗。於初九日不知去向。該縣被民拏住。經遊擊風某諭散。又有武弁某欲刺該遊擊之事等語。所奏鎮江上海失守情形。與耆英、牛鑑、程肅來所奏均不相符。想該大臣等倉卒之際。或憑屬員稟報。或據傳聞入奏。豈能詳細確查。以致

彼此參差。不能畫一。著將二摺鈔給耆英等閱看。究竟鎮江如何失守。海齡是否被戕。寶山上海各員如何逃走。儘實在情形。有與原奏不符之處。准其再加察訪。詳晰聲明。萬勿回護前奏。扶同掩飾。反蹈欺罔。是為至要。將此諭令知之。○又諭。前因逆船阻塞瓜洲各口。本年回空軍船。恐屆時不能前進。有旨諭令該漕督等妥議章程具奏。昨據李湘荼將豫籌辦理情形奏到。本日復據朱樹酌擬章

宣宗實錄卷三七七

至

程。開單呈覽。現在江路未通。所有回空事宜。必應早為籌畫。其因時制宜。變通盡善之處。仍著朱樹、李湘荼隨時察看情形。會同妥商。奏明辦理。將此諭令知之。○又諭。沿海向備戰船。原以為巡哨禦侮之需。近來各省多半廢弛。不能適用。是以海氛不靖。禦寇無資。廣東為沿海首要之區。必應先行整頓。前經降旨諭令該省製造大號戰船。自必早為籌畫。妥密辦理。惟此項戰船。無論大小。總以堅固

適用為主。並能於中間安設礮位。若僅依向來水師戰船修造。仍屬有名無實。著該將軍等極力講求。雇覓工匠。迅將各項大小戰船趕緊製造。其式樣如何。著先行繪圖貼說。馳奏呈覽。如木料不能堅實。製造不能如法。將來經朕派員查出。惟奕山等是問。儻一時不免湊集。如有可購買之處。著先行設法購買。再聞推升遊擊李致和。現在廣東當差。即選知縣馬永熾。亦在廣東帶勇。該二員習知修

實錄卷一百七

五十五

築礮臺。訓練藤牌等事。著祁項飭令該二員挑帶藤牌手三四名。酌帶藤牌數十面。來京聽用。並著文豐辦理堅厚竹盃一百頂。解交內務府造辦處。毋稍遲誤。將此諭知奕山。祁項。梁寶常。吳建勳。並傳諭文豐知之。○又諭奕山等奏。查明漢奸名目。並現在籌辦情形。一摺。據奏逆夷盤踞香港。尚無勒獻陋規等事。漢奸盧亞景。朱泗水。各分黨與。漸有聚眾互鬪之事。東莞新安紳士。現在團練義勇。聽

候調遣等語。覽奏均悉。招致漢奸。令其反正。

亦解散之一法。現已訪有分黨互鬪情事。正可乘機設法誘餌。俾逆夷漢奸。互相攜貳。著奕山等酌量情形。妥為籌辦。既不可有誤機宜。亦不可鹵莽愆事。所奏逆船駛進沙角海口。近城遊奕等情。仍著嚴密防範。無稍疏懈。將此由五百里諭令知之。○禮部議准。江西巡撫吳文鎔疏報。採訪興國。廣豐。二縣貞節婦女鍾李氏等八百八十六口。湖北巡撫趙炳言疏報。天門縣王劉氏等一千三百二十三口。署河南巡撫鄂順安疏報。鞏縣曹龐氏等三口。各請建總坊旌表。從之。○命陝甘總督富呢揚阿撥銀五萬五千兩。解赴塔爾巴哈台。備道光二十四年經費。○撫卹琉球國遭風難夷如例。

實錄卷一百七

五十六





製造並將擬造船式繪圖貼說具奏其該省洋商內如有深悉造船之法及力能設法購買夷船者並著文豐留心訪察加以激勸原摺著鈔給閱看將此諭知奕山祁項梁寶常吳建勳並傳諭文豐知之○予禦夷殉節江蘇典史楊慶恩祭葬世職○癸亥諭軍機大臣等著英等奏連日與英夷會議粗定條約一摺覽奏忿恨之至朕因億萬生靈所繫實關天下大局故雖憤悶莫釋不得不勉允所

請藉作一勞永逸之計非僅為保全江浙兩省而然也該大臣等所稱可救然眉是徒知救急於目前並未計貽憂於日後所商各條內尚有應行籌酌之處即如該夷船隻既退出長江又退出招寶山其前請之通商貿易五處除福州外其廣州廈門寧波上海四處均准其來往貿易不得占據久住至藉詞索欠一節該國與內地通商已二百年從前貨物交易銀錢往來俱係自行經理我國官員

向不過問且此中貿易曲折價值低昂甚為瑣屑况各國言語不通斷非地方官所能經理嗣後各處通商自應仍照舊章毋庸更改其各省貿易該夷自納稅銀由副領事親赴海關交納不經行商之手一節有無窒礙漸滋流弊之處仍著該大臣等再行妥議具奏經此議定之後該大臣等務當告以大皇帝相待以誠允准通商汝國亦應以誠相待斷不准再啓兵端違悖天理不但業經滋擾各

省不得復來尋釁即沿海之廣東福建臺灣浙江江南山東直隸奉天各省地面亦不准夷船駛入各省官兵應撤應留我國自有斟酌至內地舊有城池墩壘並礮臺等項亦應次第修築以復舊規並非創自今日此係為防緝洋盜起見不必妄生疑慮其有他省現尚不知消息見有夷船駛入輒行攻擊者亦不得藉為口實以上各節總在該大臣等深思遠慮切實定議永杜兵萌不可稍涉含糊

將就目前仍成不了之局。慎之慎之。本日據程商采片奏。哱哱亞國夷人前往吳淞江口等語。該夷所請各節。是否另有詭計。諒該大臣等於接到該撫信函後。自必妥商酌辦矣。程商采及奕山等前陳各片。俱著鈔給閱看。將此由六百里加緊諭令知之。○又諭程楸采奏遵旨籌辦防勦情形一摺。覽奏均悉。著嚴密妥辦。毋稍疏虞。所稱查照古法。有用竹大將軍。頗稱迅猛。現飭覓匠分手製造等語。如試放果能致遠。即著多多製造備用。至所請飭調精兵。多備船筏。巨礮。前赴蕪湖。前已有旨令裕泰挑撥矣。江寧省城現在危急。該撫仍隨時偵探者。著英等現辦情形。妥商豫備。將此由六百里加緊諭令知之。○又諭程商采奏現在防守事宜一摺。覽奏均悉。據稱蘇州省城地方。尚屬安謐。惟逆船除到江寧外。各海口尚有停泊。該撫惟當加意嚴防。毋得稍形疏忽。至另片奏哱哱亞國夷目遞

書求見。聲稱欲赴揚子江。勸令喫逆戢兵。未知真偽。現既未為雇船。儻該夷自行前往。亦著毋庸禁止。已有旨交著英。伊里布酌量辦理矣。將此由六百里加緊諭令知之。○又諭達洪阿等奏。二次生擒逆夷。提訊供詞。究出通夷奸民。立時拏獲。並進呈夷書圖樣等件。覽奏均悉。該處所獲逆夷。訊供後。如尚有未經正法者。著暫行拘禁。聽候諭旨。至奸民黃舟等甘心從逆。導引為奸。必應盡法懲辦。所有未獲之陳惡一犯。仍著上緊查拏。務獲究辦。以淨根株。將此諭令達洪阿。並傳諭姚瑩知之。○四川總督寶興等奏。大涼山夷匪捏特黑乃等。糾眾出巢。潛至狗腳灣地方。向零居山民搶奪。經官兵奮力撲擊。先後斃匪六七十名。並拏獲起意糾殺兇夷黑古鐵牛。連根三名。及引路漢奸劉四一名。就地處斬。梟首示眾。以昭炯戒。居民現已安堵。如常得旨嘉獎。○以勦辦逆匪。賞福建參將余躍龍守

備朱鴻恩曾玉明外委葉占春花翎千總林以成等藍翎餘加銜升補有差予軍營病故縣丞白鶴慶祭葬卹廕○除河南永寧縣衝塌地四十八頃二十畝有奇額賦○甲子諭軍機大臣等前經降旨著四川湖廣二省總督廣購木料雇覓匠工製造戰船茲據裕泰奏川湖戰船但可協濟江南未能前赴浙閩等省請各省分造等語因思四川更在湖廣上游若成造船隻駕運浙閩等省尤屬未便

實錄卷一百一十八

七

著寶興裕泰各於所屬地方購買巨木趕造戰船以備長江及各湖操練攻剿之用無須入海舵工人等即各就本地雇募於江中試演駕駛務求熟習便利將來即隨船前往方足以資得力至入海船隻應由沿海各省製造應用惟川楚向為產木之區並著寶興裕泰廣購堅實巨木以備海疆督撫隨時調取毋稍遲誤將此各諭令知之○又諭現在余步雲拏解來京交軍機大臣會同三法司審

訊江寧城守副將豐紳泰鎮海縣知縣葉榮候補縣丞謝榮光均有應行質訊之處著該將軍等迅即派員伴送來京歸案質訊如豐紳泰已回江寧省城著即咨交牛鑑飭令迅速來京候質將此諭令知之○乙丑諭軍機大臣等本日牛鑑奏嘒啞亞國夷目欲赴江寧為嘒咭喇勸和息兵一摺覽奏均悉昨已有旨飭令耆英等妥商酌辦現據奏稱俟其到後仍即委員面見該夷目好言開導著

實錄卷一百一十八

七

耆英等於則濟勒到時即告以勸和息兵具見該國恭順之意此時嘒咭喇國已不稱兵該夷目自當速回廣東照常貿易至嘒夷在京設立夷官辦事一節從前乾隆年間既未能行此時嘒夷亦再不肯提及而又與該國無干自不必另生枝節如此明白曉諭該夷自必回帆遠去並著遣員諭知嘒嘒噶告以中國現與爾國詳議條款永絕兵萌今嘒啞亞國夷目不避險阻前來口稱為爾國勸

和究竟是何意見如係真意爾即與之說明無煩該夷目代為陳說務令則濟勒聞之領會迅速回帆况則濟勒此來無非欲於中取利爾當設法勸諭破其妄念庶不致令彼攬入債事也將此由六百里諭令知之○旌表守正捐軀直隸豐潤縣民沈汶起妻宋氏○丙寅諭軍機大臣等麟慶奏籌辦淮揚地方情形一摺據稱三汊河等口分派參將繼倫等管帶兵勇駐防都勒豐阿到浦已令星夜赴揚扼要防堵並派捐丁效力之秦廣鏞前往周莊一帶巡緝私梟編就木筏酌留十架安泊坐灣處以備攔截之用其餘二十架期於轉掉便捷等語均著照所議妥為辦理該河督仍當會同李湘荼但明倫悉心講求務臻盡善所有投效之舉人朱百谷同知陳榮于昌進孔繼鏢通判曹文振黃海安知州李賡揚州同王思沛鍾照主簿黃銘仁惲保從九品姜淮等均准留於南河差遣該舉人

等或團練壯丁或捐資製備軍械著與縣丞孫旅同知陳韶等均俟軍務告竣覈實保奏實在出力著有勞績固當優予恩施即未經調用亦必量為獎勵至儀徵鹽匪現在已將頭目熊有成等召募團練並設法解散黨羽該梟匪等既知歸正該河督等仍當加以激勵其一二出色者果能管束得宜不致滋生事端即准給予頂帶其防堵分局亦照所議分派顏以燠等管理將此由五百里諭令知之○江南河道總督麟慶奏遵查現值秋汛黃河水勢甚大險工疊報已飭屬趕緊圍護搶築期保無虞至喫夷因淮揚運河水淺有欲遣漢奸盜決高家堰之謠惟本年湖水稍小智信兩壩現仍堅守其餘堰隄寬厚石工出水尚高斷非漢奸所能盜決然既有此謠不可不隨時豫防現已密飭所屬晝夜梭巡以昭慎重得旨慎密防範斷不可令人窺破底蘊反受其害也○禮部議准江蘇巡撫程

喬采疏報採訪海贛榆二州縣貞節婦女王邵氏等一千四百五十三口。安徽巡撫程楸采疏報霍山縣戴楊氏等七百六十四口。署河南巡撫鄂順安疏報息廬氏二縣丁李氏等十五口。各請建總坊旌表從之。○丁卯諭軍機大臣等特依順奏查明乍浦滿洲營失陷物件一摺。副都統衙門書冊等項著將現存失去各數目造冊咨部查覈辦理。所有該員等應得處分均著加恩寬免。所請杭州滿洲營官兵添演擡礮一百位。鳥槍二百桿。於軍需局領出。在八旗箭兵內挑選七百名訓練演習。其乍浦滿洲營內亦添設擡礮二十位。責成該副都統挑兵一百名演練。所議甚好。即著照議辦理。仍著認真訓練。無致有名無實。現在秋汛屆期。錢塘江水增長。靡定。仍當嚴飭在防員弁兵丁加意防範。毋稍疏虞。將此由四百里諭令知之。○又諭麟魁奏詳查海防情形及先期籌議河防各一摺。據稱

登州北面水城距岸十二里外。水深約十餘丈。兩岸沙隄尚堪捍衛。蓬萊閘形勢較高。現又添置棉被千條。豫備攔護。並為蓋護火藥庫房之用。該夷大船不能貼岸。桅上之礮即能轟入。亦屬摧堅無力。其可以撲岸之處。臨時挖濠設窰。足以堵禦馬車馬礮等語。著照所議妥慎辦理。至回空軍船因江路梗阻。多半停泊山東境內。沿河屯戍。必應先事豫籌。所請將現駐海口之兗州曹州兩鎮所屬八營官兵一千二百五十名。俟秋涼察看情形。先行調回本汛。與各該營留存官兵分布河干。俾資彈壓之處。著臨時察看情形酌量妥辦。該署撫現因河防事重。暫行回省。督同司道妥為布置。將來籌定之後。應否仍赴登郡督防。著該署撫屆時相度事機。奏明辦理。將此諭令知之。○旌表守節撫孤土爾扈特護盟長福晉喇什丕勒如例賜。御書扁額。曰勵節宣勤。○撥荊州旗營節存銀

修駐防官兵被淹房屋及公所堆撥並買補馬匹軍械從將軍祿普等請也。○戊辰諭內閣寶興奏訪獲匪犯多名一摺四川彭縣白石溝等處有大夥匪徒結黨橫行節次捉人勒贖恃強搶劫聚眾訂盟置備刀械經該督飭令該地方文武員弁設法掩拏捕獲首從各犯張國定等九十餘名起獲鐵礮鳥槍刀械多件有名惡匪已獲十之七八所辦甚好此等匪徒恃眾逞強疊次擾害復置有礮械等件尤恐有不法重情著該督即將現獲各犯逐一嚴行訊鞫按律懲辦其未獲匪犯仍著嚴飭印委各員迅速掩捕務須淨絕根株勿留餘孽此次派委各員緝捕尚屬勤奮著該督俟餘犯全數弋獲後擇其尤為出力者酌保數員毋許冒濫另片奏彭縣知縣毓慶於該管境內盜匪充斥毫無覺察請摘去頂帶勒限協緝等語毓慶著即革職毋庸留省協緝○又諭禧恩奏請將官兵軍器送省點

驗一摺著照所請盛京官兵軍器著自平夷撤防之日起每屆三年開列將軍副都統五部侍郎銜名奏請簡派一二員將各城軍器調至省城公同點驗○諭軍機大臣等禧恩奏查明旅順口情形一摺前因旅順口地方緊要有旨諭令該署將軍酌量情形籌議具奏茲據奏稱該處口門狹隘水勢平淺其岸上皆係荒山曠野且形如釜底無險可守逆夷不能據為巢穴其安礮練兵設伏以及曉諭島民內徙嚴斷接濟各情亦經早飭料理等語該處口外即屬大洋且登陸後距水師營不遠自應嚴加守禦著該署將軍仍飭令該協領等隨時偵探實力防範不得以該逆大船不能駛進稍存大意至山海關屯駐官兵如有應須調取之處即著知會哈琅阿相機辦理其豫備漁船攻剿一節既屬無濟於用著毋庸議將此諭令知之○又諭朕聞浙省獲一夷奸係廣東人在彼二十餘年以造

船為生。夷船多其所造。與內地造船大不相同。其人既經浙省拏獲。是何姓名。修造船隻。是否堅實靈巧。能否適用。著奕經劉韻珂詳悉查明。據實具奏。將此諭令知之。○又諭有人奏。近得一書。名演礮圖說。係丁拱辰所著。此人曾在廣東鑄礮。演試有準。亦曉配合火藥之法。著奕山祁墳查明。是否實有丁拱辰其人。現在曾否在粵。所製礮臺礮位。果否堅固適用。據實具奏。又聞廣東造得火輪船。亦頗適用。著即繪圖呈進。並將是否內地匠役製造。每船工價若干。一併詳悉查明具奏。將此諭令知之。○又諭劉韻珂等奏。浙省現難捐造船隻一摺。據奏浙省產木。多係松杉。堅大木料。非販自川楚。即來於福建。現在洋面江面。均有逆船梗阻。無從販運。浙省臨海各處。又無僻靜處所。請俟夷務稍平。路通民歸。再行籌辦等語。覽奏均悉。前已有旨。諭知寶興裕泰。令其廣購巨木。以備海疆督撫隨時

調取著劉韻珂察看情形。俟將來製造時。奏明調取木植。如式購製。又據卞士雲片。奏藩庫銀兩。應覓安頓之所。請於軍需項下撥銀三十萬兩。藩庫撥銀四十萬兩。委員解赴江西藩庫存貯。俟需用時。陸續咨提等語。准其照議辦理。將此由四百里諭令知之。○以三品頂帶前署浙江巡撫卞士雲署布政使。六品頂帶前署浙江布政使管通羣。仍辦理糧臺。○修浙江東西兩塘埧損各工。從前署巡撫卞士雲請也。○展緩浙江嘉善石門桐鄉三縣及嘉湖衛被雪被水歉區舊欠額賦。○己巳。

上詣綺春園問  
皇太后安。○諭內閣。周之琦奏。請將玩視捕務之土州判。並督緝之同知。分別革職解任。一摺。廣東陽萬地方。土人黃卜能等。因挾客民重利盤剝之嫌。輒即糾約多人。致斃多命。實屬藐法。著該撫提集現獲各犯。嚴行訊鞫。按



律懲辦陽萬土州判岑銘於土民聚眾滋事毫無覺察犯案後又未能全數獲犯實屬玩忽無能著即革職留於該地方緝拏前署百色廳同知事南寧府同知王式和責任督緝著一併解任留於該地方勒限三箇月督同嚴拏本案在逃各犯限滿有無弋獲再行分別辦理尋奏黃卜能李德洸糾眾一百一人毆斃客民黃德亨等五十九命黃卜能俟緝獲另結李德洸擬斬決業經監斃應毋庸議餘犯分別問擬岑銘王式和被叅後獲犯奮勉王式和已奏明飭回本任岑銘請予開復下部議從之○又諭都察院奏查明各省京控咨交案件逾限未結並上次展限已逾仍未審結各案開具清單呈覽各省州縣審辦不公致令來京具控經各衙門咨交之後各該管上司自應勒限嚴催將未結各案迅速審辦以免懸宕茲都察院查明該衙門咨交各省逾限未結統計五十九案之多步軍統

領衙門咨交各省逾限未結統計七案之多似此任意積壓玩泄已極著吏部即將承審逾限各將軍督撫都統府尹及委審各員應得處分查取職名分別議處並著該將軍督撫等將未結各案迅速審辦完結毋得再有遲延致干咎戾○諭軍機大臣等裕泰等奏鹽船難以駕駛擬趕紮木筏添雇划船招募水手以資攻勦一摺覽奏均悉鹽船體質笨重既屬不堪適用著毋庸議至所稱以漁船小划散布江面及擬紮木筏數十座順流衝擊筏後選雇民船裝載柴草火器以備焚攻其每筏各帶漁划等船數十隻遇有可乘之機則棄筏登划飛棹前進等語著照所議辦理現在逆船尚未退出大江難保不復肆兇悖有煩攻勦該省所造木筏既需時日必應趕緊嚴催其水摸人等亦著飭令迅速選雇該督等惟當相度機宜妥慎辦理總須先期有備不致臨事周章是為至要將此由四百



里諭令知之。○又諭。吳經奏量移官兵。屯紮常州一摺。據奏將河南官兵密赴常州一帶。並經函致著英。仍聽候咨會。以定行止等語。覽奏已悉。所奏定海鎮海夷船。近日並無增減。乍浦有船一隻停泊。亦未滋擾。並飭鄭鼎臣先行查看江海匯流口岸。暗藏船隻。豫備兜截等情。均著俟著英咨會到時。有須攻剿之處。合力攻擊。毋誤事機。另片奏請派鄭祖琛兼辦行營糧臺。昨因劉韻珂銷假回任。已

實錄卷三百六

七

有旨令卞士雲署理浙江布政使。管通羣辦理浙江糧臺。所有該將軍行營糧臺。著照所請。即以鄭祖琛兼辦。將此由四百里諭令知之。○又諭。但明倫奏。收復瓜洲。招集匪徒。各一摺。夷船退出江口。瓜洲業經收復。著招徠居民。妥為撫輯。仍飭員弁兵勇小心守禦。毋得少有疏懈。至儀徵濱臨大江。梟徒乘間竊發。現在招集頭目。尚聽約束。仍當妥為彈壓。毋任滋生事端。其事平以後。應如何設法解

散之處。著斟酌妥辦。慎勿稍留後患。其餘沿江各村。自相團練。均著照所議妥為辦理。將此由四百里傳諭知之。○庚午。諭軍機大臣等。有人奏。鹽梟結夥販私。持兵拒捕。上下江各分頭目。下江頭目黃安民。即前經正法黃玉林之子。其黨羽最繁。分布巢湖。洪澤湖。焦山等處。而上江之廬鳳。潁壽頭目。亦與合一等語。著李湘茶確加查訪。鹽梟頭目。是否實係黃安民。並是否係黃玉林之子。據實具奏。

實錄卷三百六

七

將此諭令知之。○又諭。麟慶奏。委員前赴瓜洲撫慰居民。淮揚情形大定。一摺。覽奏均悉。夷船退出瓜洲。居民陸續搬回。地方安靜。著即督同運司。但明倫。妥為撫輯。運庫銀兩。已經解還。仍當飭屬加意防範。勿謂夷船開去。斷不再來。滋擾。致有疏虞。僮夷船全數退出大江。著即隨時體察。將所調防兵。一面奏聞。一面分別截留裁撤。以節糜費。官紳士庶。如有急公好義。踴躍捐輸者。該河督開單奏聞。

朕必破格施恩。前次奏請甄敘各員。不日吏部奏上。即當降旨鼓勵。又另片奏黃水盛漲。桃北崔鎮汛楊工。上下漫水二處。直穿運河。衝破遙隄。由六塘河下注等語。崔鎮汛究係何府何縣管轄地面。雖據奏稱兩岸並無居民。但被刷口門已寬一百餘丈。溜走東崖。尚未塌定。且為驛路所關。諸形緊要。著麟慶迅即督屬搶護。勿令口門刷寬。更難措手。各廳料物。自己齊備敷用。辦理迅速。方不致潰決。

宣宗實錄卷三七八

下

為患。著該河督查明漫口實在若干丈尺。繪圖貼說。馳遞呈覽。以慰朕念。至驛路改道。應由何處行走。方能迅速無誤。著籌畫妥辦。不可誤事。將此由六百里諭令知之。○以捐輸馬匹。賞蒙古軍臺驛站札蘭章京旺楚克等頂翎有差。○准江西各幫應交餘米。分限搭解。○辛未。

仁宗睿皇帝忌辰遣官祭

昌陵○

上詣

安佑宮行禮。○諭內閣著各直省督撫提鎮於所屬水師陸路參將遊擊都司守備內擇其曉暢營伍認真操練人亦體面緩急可靠者無論曾經出兵與否不拘名數秉公酌保數員具奏候朕簡用。此項人員豫儲千城之選必須才能出眾為守兼優方昭覈實。若無員可保亦不必勉強塞責。虛應故事。所保各員將來除犯公罪僅處本員外儻涉私罪並將

宣宗實錄卷三七八

上

原保之督撫提鎮一併懲處。○諭軍機大臣等。賀長齡奏遵旨召募土兵勤加訓練一摺。據稱現計通省共募得土兵一千七十六名。又覓雇素嫻技藝之人專司教演等語。覽奏均悉。所請土兵十名內以五名習火槍。即照議辦理。惟此項土兵步射既非素習一時恐難有準。其請習弓刀之五名著改為練習刀矛。俟挑補入伍後再行學習弓箭。所需火槍刀矛及衣履等件即由該地方官捐備。其每

名每月給米三斗鹽菜五百文及所需火藥鉛丸器具等物准由該撫與藩司捐廉發給所募名數就近移知各營遇有營兵出缺即將土兵與營兵一律考試挑選歸伍仍續行募補以符原額按季申報各上司衙門查覈該撫隨時督同司道等實力奉行務期一兵得一兵之用毋得有名無實並飭各道於每年巡查營伍之期按名調閱分別賞罰不得虛應故事日久滋弊將此諭令知之○又諭

奕經奏帶兵前進移駐常州一摺該將軍將兵勇分隊不動聲色陸續行走移營暗進所見是現在耆英等駐劄江寧辦理羈縻事宜該將軍行抵常州著仍遵前旨聽候耆英等信息相機辦理如該逆反覆無常必須攻剿即帶兵就近應援毋誤事機將此由四百里諭令知之○壬申欽差大臣廣州將軍耆英等奏夷酋喋喋先有請臣等出城面訂之約亦知事屬冒險惟該夷性悍多疑拒絕不

聖訓卷三十五

三

聖訓卷三十五

三

往易啓猜疑當訂於十五日直至其三桅兵船該夷首貌甚恭謹旋於十九日在城外靜海寺行答拜禮復因請入城面訂和約詞甚諄切不得不俯順其請定於二十一日選擇公所委員妥為照料俟入城定議再行錄呈此次酌辦夷務勢出萬難策居最下但計事之利害不顧理之是非福州貿易一節前與會議時曾以既有廈門無庸兼及福州向其爭辯茲復委道員鹿澤長再向熟商該夷堅執不從儻不允其所請勢必復來攻奪殘敵之餘防守尤屬不易定海之既得旋失是其前車勢不能遏其所請諭軍機大臣等耆英等奏詳陳夷務情形親往夷船妥為招撫一摺覽奏忿恚之至朕惟自恨自愧何致事機一至於此於萬無可奈之中不能不勉允所請者誠以數百萬民命所關其利害且不止江浙等省故強為遏抑照議辦理惟該夷所請均已允准即當迅速定議全數退出大江

不得任其耽延驚擾行旅。至此外一切緊要事件。必應籌及者。均著責成該大臣等。一一分晰妥議。不厭反覆詳明。務須永絕後患。該大臣既知善後之難於措手。他國之不免生心。即應思前顧後。豫為籌畫。於勉從下策之中。力求弭患未然之計。僅稍留罅隙。日後有所藉口。以致別生枝節。辦理掣肘。是者著伊里布。自詒伊戚。不惟無以對朕。更何顏以對天下。再。哱哱亞國夷目。則濟勒到後情形。

實錄卷三十八

宣

若何。甚為廕念。著一併奏慰。將此由六百里加緊諭令知之。○又諭。程楙采奏防堵情形一摺。逆夷雖已效順。難保非甘辭飾詐。懈我軍心。該撫諄飭將士加倍嚴防。並先將江西恒怯之兵撤回歸伍。所見甚是。現在西梁山江岸被水。兵丁已移駐山頭。未能暗中設伏。東梁山尤為喫重。前派遊擊萬興。未歷戎行。所帶兵丁又多柔弱。著即撤回本汛。其遊擊嵩山。曾在定海接仗。所帶壽春鎮兵五百名。

現派赴東梁山防守。可期得力。至該撫現募鄉勇。已有一千四百餘名。沿江州縣亦各雇有鄉勇。並勸諭紳富。自相團練。均著實力辦理。以資防守。無少疏懈。其咨調江西銅礮十五位。已諭令吳文鎔。迅即委員解至蕪湖矣。將此由六百里諭令知之。○又諭。程楙采奏安徽省並無致遠礮位。前經咨調江西銅礮十五位。並礮子等件。嗣據吳文鎔覆稱。前項礮位。業經九江鎮道留於潯陽。豫備防堵。請

實錄卷三十八

宣

飭該撫趕緊委員解往蕪湖等語。安徽為江西湖廣藩籬。自應先其所急。九江固屬緊要。何難將省城存礮。隨後運往。或趕緊鑄造。所有程楙采前調銅礮。並礮子等件。著吳文鎔迅即派員解赴蕪湖。以備防堵之用。將此諭令知之。○以捐助湖北崇陽縣軍需。予職員汪榮禧等加銜。旌表有差。○癸酉。諭軍機大臣等。御史徐家瑞奏。湖北水災。請飭督撫豫籌良策一摺。地方偶遇偏災。該督撫自應實

心查辦。據該御史奏稱。檢踏災傷。申報宜實。刊刻謄黃。垵名宜詳。以及災民流徙。宜散而。不宜聚。饑民搶劫。宜嚴而不宜寬等語。著裕。泰等體察情形。妥為辦理。俾災黎不致流離。失所。吏胥不得因緣為奸。以安閭閻。而除積。弊。該御史原摺著鈔給閱看。將此諭令知之。

軍機處

五

爾係卡外遠夷。與霍罕蠻觸相爭。自應置之。不問。惟該夷既將霍罕地方併吞。其勢自強。必當示以鎮靜。密加防範。至該夷與霍罕因。何啓釁用兵。奪占地方。著圖明額等密派明。白曉事。誠實可靠之回子。探得確實情形具。奏。將此諭令知之。○又諭。齊慎奏。遵查鎮江。出力員弁兵丁。並查明夷船寬廣大數。開單。呈覽一摺。覽奏均悉。所請鼓勵員弁兵丁。俟。軍務告竣。再行降旨。該參贊現駐丹陽。著仍。

嚴密防守。不可稍存大意。將此諭令知之。○甲戌。予浙江慈谿縣勦辦逆夷陣亡守備田。錫千總魏啓明。把總顧德。邱法德。盧炳。林懷。玉。王保元。外委張化鵬。馬龍圖。沈萬忠。方鼎。憲。王千總哈皆熙。土把總余長壽。土外委巴。保壽。祭葬世職。○乙亥。

上詣綺春園問

軍機處

五

皇太后安。○江南狼山鎮總兵官順保奏。遵查。逆船仍在江面停泊。遊奕不定。現督同營員。帶領弁兵三百三十員名。於揚州境屬仙女。廟宜陵一帶各要隘。往來嚴密巡查。併親帶。官兵駐劄揚州府東北七十餘里。以壯聲援。至各倭匪鹽梟。不時嚴飭該管官勸募鄉勇。協同弁兵加意查拏。設法解散。萬不敢稍存。懈怠。報聞。○豫撥東河防險銀十萬兩。購辦。碎石。從河道總督朱襄請也。○丙子。諭內閣。前據訥爾經額奏。參直隸調防海口之提標。三屯營遊擊趙毓桂。在防所聞丁母憂。稟請。

給假不候批示即行起程請交部嚴加議處當交兵部議奏茲據該部照擅離汛守例議以革職本屬咎所應得惟念該員於丁憂後具稟請假因治喪情切先自起程與以親老親病託辭規避者情節不同趙毓桂著加恩改為革職留任八年無過方准開復○又諭卞士雲奏請將糧臺報銷先為酌定章程等語浙江省自軍興以來所設糧臺或併或分或添或撤其間經手之員不一將來覈辦報銷必應各專責成庶免歧混舛錯所有該省道光二十年六月以後各局臺支用銀錢將來軍務竣後覈理報銷均著責成經手人員按照歷次奏定章程分案別類按例造冊詳報由總局彙覈分案請銷其各經手之員無論鄰省本省彼時有因升調事故離浙者或暫行扣留或臨時飭調或隨事咨詢並著分別酌量辦理將軍參贊前後所提軍需項下銀兩作何支用既非由省局及各分局經理

事竣之日即著該將軍參贊飭令經管之員詳細造具清冊歸入總局一併報部覈銷○又諭經額布奏請撤回署副都統另行揀員更署一摺署伯都訥副都統倭陞額辦理邊務難期整頓不勝署副都統之任倭陞額著撤回協領本任所遺副都統印務即著雅青阿接署○又諭果陞阿奏自請交議一摺據奏往查吉林界內東南產邊山場實無私種私秧偷挖情弊前奏回任日期摺內漏未聲明請交部議處果陞阿著加恩免其議處嗣後務當會同經額布認真查辦力除弊竇以期邊務日有起色毋得僅以一奏了事○諭軍機大臣等有人奏縣令藉差病民幕友扶同勒索一摺兵差過境屢經降旨嚴禁州縣勒派若如所奏撤任大城縣知縣凌志召夥同在署作幕之本縣舉人劉鑑等邀請紳士勒派車輛威嚇罰錢藉公科斂侵肥入己各情如果屬實殊干法紀著訥爾經額確切查

明據實嚴叅。不得以該員業經撤任。將就了事。原摺著鈔給閱看。將此諭令知之。○欽差大臣工部尚書賽尚阿等奏。天津馬隊官兵所短馬匹無多。現有續調來津之直隸營馬匹。可以就近補給。毋庸續請調撥。從之。○前署浙江巡撫卞士雲奏。浙省現值兵燹災後。之後。各官竭蹶難支。請將定海等縣第五次攤補官墊民欠銀。分別展限。從之。○改鑄雲南鎮沅直隸同知分防經歷司獄。教授訓導。

實錄卷一百六

三

邱北縣知縣訓導。印信關防條記。從總督桂良請也。○以祈禱靈應。予四川郫縣廟祀古蜀王杜宇。開明列入春秋祀典。從總督寶興等請也。○禮部議准。四川總督寶興疏報。採訪成都漢新都崇寧彭巴。江津榮昌馬邊榮經。開溪雅。遂寧。蓬溪。東鄉。瀘忠。義邊。十八州廳縣貞節婦女陳李氏等二十八口。江西巡撫吳文鎔疏報。廣陵縣吳李氏等二百四口。陝西巡撫富呢揚阿疏報。岐山縣黃蕭氏等

六口。各請建總坊旌表。從之。○旌表守正捐軀雲南大關廳民李鐵匠妻蕭氏。陝西韓城縣民陳世德妻姬氏。

實錄卷一百六

三

大清宣宗效天符運立中體正至文聖武智勇仁慈儉勤孝敏成皇帝實錄卷之三百七十八



大清宣宗效天符運立中體正至文聖武智勇  
仁慈儉勤孝敏成皇帝實錄卷之三百七十九

監修總士官總近日講起居注官太子太保體仁閣大學士文淵閣領閣事管理戶部事務上書房總師傅翰林院掌學士兼管順

天府府尹事務簡帶加五級紀錄十八次臣貴鴻錫裁官總廷議官吏部尚書鎮撫漢軍都統管理新營城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次臣花沙納總議宣文淵閣提舉閩事兵部尚書總管

內務府大臣領白旗滿洲都統領察內七倉大臣管理察人府銀庫左翼幼官學  
宣壽宮圓明園等處精捷營御茶膳房所藥房太

醫院造辦處事務隨帶加十八級內阿靈阿副總裁官經臣領官兵部尚書隨帶加六級紀錄二十次臣周祖培等奉

軟修

道光二十二年壬寅八月丁丑朔祭

軍器監製五箇七十一

先師孔子。遣協辦大學士吏部尚書卓秉恬  
行禮。○諭內閣都察院奏。據直隸安平縣六  
品頂帶齊庚辛控稱。該縣書戶馬梅溪等勒  
折浮收。因鑄破斂費。追取各戶銀錢。並借兵  
差苛派車輛。剋扣老民賞項。偷賣倉穀。至七  
百餘石之多。又據地保弓一言控稱。該縣按  
畝派捐。拖累無辜等語。所控各情。均關官吏  
舞弊。擾累良民。虛實均應根究。以成信讞。著  
交訥爾經額督同臬司文柱。親提人證卷宗。

秉公研鞫。務期水落石出。按律定擬具奏。原  
告齊庚辛。伊子序爵弓一言。均著該部照例  
解往備質。尋奏。齊庚辛。弓一言。因疑妄告。齊  
庚辛年逾八十。應將伊子抱告齊序爵與弓  
一言均擬枷杖。馬梅溪徇隱堂兄馬因培包  
攬錢糧。應擬杖革。知縣蔡五辰失於覺察。請  
交部議處。下部議。從之。○諭軍機大臣等。朱  
樹奏。酌議漕船寄泊章程一摺。據奏糧船停  
泊之後。水手留船。諸多未便。惟資遣回籍。尚

ॐ नमो भगवते वासुदेवाय

屬可行。又另片奏空船出閘。並趲入江南境。寄泊。便於南下等語。江境黃河漫溢。該漕督所稱。可以剋期搶辦。無誤回空。自係指甫經漫口情形而言。究竟現在光景若何。是否與運道有礙。尚未據麟慶查明續奏。著朱樹會同麟慶。李湘蓀隨時體察相機妥辦。總期回空不至梗阻。仍可照常歸次。方為妥善。至水手或暫留各船。或資遣回籍。仍當臨期斟酌。妥商辦理。是為至要。將此各諭令知之。○旌



表守正捐軀山西高平縣民李新則妻焦氏  
太谷縣民王斗子妻李氏○戊寅祭

大社

大稷遣惠親王綿愉恭代行禮○諭軍機大臣  
等著英等奏夷務已定和約鈐用關防一摺  
朕詳加披閱俱著照所議辦理惟尚有須斟  
酌妥協者即如該夷赴各該口貿易無論與  
何商交易均聽其便一節須曉諭該夷一切  
聽汝自便與地方民人交易但日久難保民

平定回疆方略卷七

人無拖欠之弊祇准自行清理地方官概不  
與聞其各國被禁人口自應一律施恩釋放  
以示格外之仁將來五處通商之後其應納  
稅銀各海關本有一定則例該夷久在廣東  
豈有不知至中國商人在內地貿易經過關  
口自有納稅定例所稱定海之舟山海島廈  
門之鼓浪嶼小島均准其暫住數船俟各口  
開關即著退出亦不准久為占據以上各節  
著耆英等向該夷反覆開導不厭詳細應添

註約內者必須明白簡當力杜後患萬不可  
將就目前草率了事其有應口講指畫該夷  
方能明白者亦著飭令通事往返傳說令其  
折服據稱喚夷船隻八月初十前後必可退  
出長江著迅速妥辦以慰廑念將此由六百  
里加緊諭令知之○山西巡撫梁萼涵奏遵  
議鹽斤加價取之於民並非有累於商而豫  
省因私鹽充斥各商俱係減價售買山陝兩  
省復因引鹽滯銷於額定升斗內加增斤兩  
方能出售此時若再議加價引鹽愈貴私鹽  
愈賤民間擇賤而食官鹽更壅滯不行而闔  
網商人近年疲累已極難以支持必致有誤  
正課復查嘉慶十五年辦理河工行鹽各省  
均議加價嗣因工竣旋即奏停惟河東迄今  
未經停止是以較之他省更屬難以加增應  
請免議從之○以綏遠城軍政年逾六十官  
六員精力未衰命留任○己卯

平定回疆方略卷七

上奉

皇太后幸慎德堂進膳。○諭軍機大臣等。李湘  
茶奏察看防堵情形。並密布淮揚後路一摺。  
覽奏均悉。清江浦一帶。為水陸扼要處所。自  
應妥為布置。現在夷船未退。黃河漫溢。遊民  
乘間聚眾為匪。勢所難免。是練兵治具。不僅  
為防夷而設。至江寧夷務情形。諒已略悉。梗  
概所備各路兵丁。除漕標河標仍歸該督等  
分遣各處。照常安置防守外。其因防夷調取  
兵勇。著麟慶。李湘。茶會同商議。酌留數百名。  
分布要隘。以資防禦。總期實在得力。不在人  
數之多。轉致有名無實。河北間有旱蝗。淮徐  
之間。捻匪勾結搶掠。尤宜豫為設法。按捕淨  
盡。勿令滋擾。另片奏。河水漫溢。橫衝中河。向  
東北由六塘河海州一帶歸海。又請暫緩遣  
散水手等語。黃流漫口後情形若何。於本年  
軍船回空。有無妨礙。現在作何籌辦。著麟慶  
迅速據實具奏。至趕辦河道。冀送軍船南下。  
且夷船果能退出大江。則遣散水手。又須一

律招回。著朱樹等隨時察看。應否暫緩遣散。  
仍俟河道深通。夷船能否退出。再行覈辦。將  
此由四百里各諭令知之。○又諭。禧恩奏。遵  
旨請調副都統一摺。盛京副都統。現在毋庸  
對調。如該處防堵需人。著屆時於倭克精額  
烏凌額。二員內酌調一員前往。至新授盛京  
副都統慶佳。是否勝任。仍著該署將軍隨時  
察看。不可稍存遷就。將此諭令知之。○兩江  
總督牛鑑等奏。遵議徐州府屬八州縣係產  
硝之區。現在海氛不靖。誠恐奸匪偷漏。已飭  
屬於產硝適中處。設立局廠。凡民間埽取硝  
斤。均令赴廠秤收。按斤給價。將硝存公備用。  
查私販原為圖利。今既有利可取。自不致販  
私干罪。又例載官員盤獲私硝。有免罪免議  
及議敘等語。似亦不致規避處分。意存消弭。  
至採買硝斤。每百斤例給正價津貼。共銀七  
兩。應即以此數為定值。其不產硝處所。亦飭  
各屬嚴拏私販過境。儻不肖弁兵得現庇縱

一經查出。並將經過地方官一律叅辦。從之。  
○庚辰。諭內閣。麟慶奏。桃北廳漫口一摺。據稱桃北廳崔鎮汎楊工上下漫水情形。上首十五堡口門。業已掛淤。其下首蕭家莊口門。刷寬一百九十餘丈。臨近舊埽。間被帶埽。掣動大溜。下游正河斷流等語。本年水長。較上年尚大四尺有餘。桃北水高隄頂。僅恃新築子堰攔禦。雖屬人力難施。該河督究未能先事豫防。咎有應得。麟慶著交部嚴加議處。牛

實錄卷三百七十九

鑑有兼轄之責。著交部議處。桃北廳同知陳潞。桃北營守備張源吉。主簿劉廷理。千總戴長春。署協防事把總王廷玉。均著即行革職。署淮海道沈鎬。參將呂邦治。遊擊李承章。署淮安府知府曹聯桂。署桃源縣知縣段海龍。均著交部分別議處。其外南桃南平漫處所。已趕緊搶定。修補完整。著照議飭令該廳營各員分賠。不准開銷。以示懲儆。該部知道。○諭軍機大臣等。麟慶奏查勘桃北廳漫口。籌

辦情形一摺。已明降諭旨。將麟慶牛鑑分別嚴議議處。並將專管文武各員分別革職議處矣。此次黃河盛漲。漫水直趨中河。下注六塘河。由灌河口歸海。被淹村莊。究有若干戶口。黃流經過地方。與入海門戶。較舊道相距遠近若干。均著查明詳細繪圖貼說呈覽。至各村莊人口被淹。必當加意撫卹。著一面妥為安插。一面飛咨江蘇巡撫飭屬妥辦。勿任流離失所。另片奏漫口興埽。博採眾議等語。

實錄卷三百七十九

此時第一要義。不可有誤軍船回空。該河督惟當設法搶辦。使軍船連牆南下。迅速歸次。至應如何籌議興工。或將黃水挽回故道。多方攔截。或趁此改道。另行辦理。仍著詳察水勢。悉心籌度。再行妥議具奏。又另片奏。驛路不致遲誤等語。已悉。將此由四百里諭令知之。○兩江總督牛鑑等奏。江寧調集各路官兵。所需軍火糧餉。若由蘇州糧臺供支。實屬緩不濟急。請於江寧省城添設防堵總局。以

備支應得旨。不久竣事。斷不准味良冒濫。○參贊大臣四川提督齊慎覆奏。遵查鎮江逆夷。時來時去。據寶山知縣稟稱。六月二十日。有探差瞭見黑鬼五、六人登岸。丈量海塘。又有通事一人上岸。似是廣東口音。向居民傳說。尚有大幫多隻。在定海開行。不日到口。先往鎮江南京。後到天津之語。該通事姓名籍貫。屢經密訪。堅不吐實。其丈量海塘之意。亦不肯說明。現惟嚴密防範。以期有備無患。報

宣宗實錄卷三十九

聞。○前任山西太原鎮總兵官台費音。以年老休致。○貸江寧藩庫銀。採買截撥蘇松各屬未解漕南等米。以濟兵糈。從總督牛鑑等請也。○命陝甘總督富呢揚阿撥銀十一萬三千五百三十八兩。解赴烏魯木齊。六千一百九兩。解赴和闐。備道光二十四年經費。○辛巳。

上御勤政殿聽政。○遣官祭

文昌帝君廟。○諭內閣。刑部奏廣東省題報

秋審。有兄弟俱應正法。例准存留一人養親之案。未據該省聲明。請旨定奪等語。此案林時高、林李石兄弟二犯。罪應絞監候。秋後處決。惟定例犯罪有弟兄俱擬正法者。存留一人養親。該撫初次具題。既稱林時高、林李石之父。現年七十三歲。家無次丁。例應存留一人養親。而秋審後尾。未據聲明。礙難覈辦。著廣東巡撫即行查明該犯等如果實係親老丁單。即照例於二人內酌留一人養親。並將

宣宗實錄卷三十九

犯親現在或存或故。或家有次丁。並已死之許亞有等。是否亦係獨子。詳晰確查具奏。歸入次年秋審辦理。以符定制。尋奏。訊明犯父已故。且該犯等尚有胞弟林亞愛。年已成丁。前供兄弟二人實係捏飾。毋庸留養。下部知之。○以大理寺卿趙光為都察院左副都御史。○以辦理湖北崇陽縣善後事宜。予布政司庫大使馬章堤等升敘有差。○壬午。

上詣綺春園問

皇太后安。○荊州將軍祿普等奏查獲荊江漢城銅鐵礮位酌撥湖北安徽二省以備防堵其餘礮身較輕不堪致遠及裂縮不堪應用者移貯滿營礮庫用昭慎重從之。○以查獲湖北荊江等處礮位予荊州協領穆騰額記名以副都統用。○癸未遣官祭

關帝廟。○甲申。

上奉

皇太后幸同樂園進膳賜皇子及內廷王公大

臣蒙古王貝子額駙等食。○諭軍機大臣等

程爾采奏鎮江等處夷船情形一摺據奏鎮

江番船停泊者尚有九隻其餘劉河江陰等

處所泊夷船往來無定吳淞口外泊有啖夷

船二隻哂啞亞國船二隻等語覽奏均悉

仍著妥為防範另摺奏籌撥附近省分銀一

百萬兩已飭戶部速議具奏此項銀兩原備

現在支發及將來善後事宜之用著程爾采

嚴飭管局各員力加撙節不得稍有虛糜總

須將來善後事竣尚有盈餘方為妥善將此

由四百里諭令知之。○乙酉。

太宗文皇帝忌辰遣官祭

昭陵。○以甘肅伊犁鎮總兵官昌伊蘇署直隸

提督。○丙戌。

萬壽節遣官祭

大廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后

實錄卷百六十九

十三

孝慎皇后

孝全皇后陵寢。○遣官祭

顯佑宮。

東嶽廟。

城隍廟。○

上詣

安佑官行禮。○詣

皇太后前行禮。○御正大光明殿。皇子及王以

下文武大臣官員蒙古王貝子額駙等行慶

宣宗實錄卷二七九

賀禮。○御同樂園。賜皇子及內廷王公大臣

蒙古王貝子額駙等食。○丁亥。

太祖高皇帝忌辰。遣官祭

福陵。○遣官祭昭忠祠。○諭軍機大臣等。據潘

錫恩奏。設法濟運。並繪圖貼說呈覽一摺。所

奏以中河運道為大塘。不過兩次。啓閉漕船

可全數渡竣。需帑尚不甚多。如趕辦不及。或

用引黃濟運之法。亦無流弊。各等語。此次黃

河漫口。致阻運道。應如何趕辦濟運之處。該

河督自己妥籌辦理矣。該侍郎所奏。是否可

行。著麟慶詳加履勘。相度情形。妥議具奏。原

摺著鈔給閱看。圖併發。將此諭令知之。○戊

子。諭內閣。麟慶著即革職。暫留江南河道總

督之任。戴罪圖功。以觀後效。牛鑑著加恩改

為革職留任。署江南淮海道事。淮安府同知

沈鎬署淮安府事。試用知府曹聯桂著一併

革職。留工效力。署桃源縣事。試用知縣段海

鼐著革職。毋庸留工。江南河營參將呂邦治

宣宗實錄卷二七九

淮揚河營遊擊季承章著一併革職。留工效

力。○己丑。

上詣

安佑官行禮。○諭軍機大臣等。奕山等奏查明

天竺。佛蘭西。呂宋等國夷船情形。並現在籌

辦夷務緣由一摺。覽奏均悉。天竺。佛蘭西。呂

宋等國。既無聽從。唆夷滋擾。確據。自可毋庸

究問。至本省防兵。並水陸壯勇。據稱分撥各

路要隘守禦。其本省征兵一千六百餘名。仍

請暫留調遣。著該將軍等體察情形。如有可  
以撤回之處。著隨時陸續裁撤。總期於防守  
無誤。而帑項不至虛糜。方為妥善。將此諭令  
知之。○庚寅。

上詣綺春園問

皇太后安。○壬辰。遣官祭黑龍潭

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍

潭

昭靈廣濟普澤龍王之神。遣官祭圓明園

惠濟祠。

河神廟。○諭內閣。前署浙江溫州府知府鄧  
廷彩。應繳分賠銀二千四百十六兩零。係應  
行報部入撥之款。率即發縣買穀。與奏案不  
符。又據該撫請於正項內動支。劃還賠款。第  
經該部駁飭。該管上司並不遵辦。輒於該省  
二十年地丁奏銷冊內動支銀二千四百十

六兩零。作為劃收該員賠項。殊屬牽混。如各  
省紛紛效尤。於錢糧出入大有關係。著該撫  
轉飭該員。即將賠項迅速完繳入撥。其動用  
地丁項下。即行更正。並確查該員發縣銀兩。  
如實係買穀貯倉。俟動項買補時。再將穀價  
劃還。仍著該部將各該上司及該署府查取  
職名。分別議處。○諭軍機大臣等。寄諭浙江  
巡撫劉韻珂。前已降旨。將浙江揀發知府張  
廷樺補授寧波府知府。寧波為海疆要地。且  
現當人情甫定。攸賴撫綏。招集流亡。繕修城  
郭。隨在均關緊要。張廷樺係初任人員。能否  
勝任。著該撫留心察看。據實具奏。毋稍遷就。  
將此諭令知之。尋奏。張廷樺人地不甚相宜。  
請留浙省另補。從之。○軍機大臣穆彰阿等  
覆奏。御史蘇廷魁奏。稱變通漕務事宜。自係  
為節省經費起見。惟欲罷東南之漕。改徵折  
色。採買西北雜糧。轉運京倉支放。無論採買  
之糧。不堪久貯。陸運之費。更甚南漕。而京倉

歲需放項三百餘萬石。恐近畿省分所產雜糧未必足數。此數至八旗甲米。每歲不下二百四十餘萬石。若盡行改給折色。聽其自行買食。恐市價騰貴。旗人生計維艱。閭閻民食亦窘。且王公百官祿俸。悉以雜糧充放。亦與羣情未洽。所奏應無庸議。其所稱蘇松浮糧。請攤於各省輕額田。每畝均以一合為率。此在蘇松則為減額。在他省則為加賦。更恐紛更擾累。致失公允之道。惟是瘡痍之後。民困

宜蘇。應請飭下兩江總督。江蘇巡撫。飭屬加意撫循。如有勒折浮收。即行從嚴懲辦。至所稱各省米商。免其關稅。齎糧北上。其論不為無見。應再由戶部隨時酌覈情形奏辦。從之。

○浙江巡撫劉韻珂覆奏。查歷屆辦理河工軍務。均將鹽價加增。然係權宜之策。旋增旋止。並未日久奉行。今逆夷滋事。兩浙行鹽引地多被侵擾。且鄰私乘機闖入。引目益形停滯。而銀價每兩易錢一千六七百文。較從前

增至十分之五六。商人轉運出納。虧折甚多。若再事增加。則小民必舍官而食私。辦理殊多窒礙。此次兩浙鹽價。應請免其議增。以期疏引敵私。庶於國計民生。較有裨益。從之。

○修浙江山陰上虞三縣柴石塘工。從巡撫劉韻珂請也。○癸巳。

上奉

皇太后幸慎德堂進膳。○諭軍機大臣等。程喬采奏。撫卹被水災民一摺。本年楊工北岸。黃水漫溢。現據桃源縣縣稟稱。廬舍被淹。居民遷徙。自應妥為撫卹。該撫現因省城有事。不能分身前往。已飭淮海徐州二道酌帶銀兩。分往確勘。著即責成該二道親身前往。先將被水貧民撫綏安頓。無使一夫失所。再查此外被水之處。尚有若干。應否撫卹。並各處被淹情形。據實稟報。儻該道等漫不經心。僅委員前往查勘。以致被災戶口。或遺或濫。即著指名叅處。毋稍瞻徇。將此由四百里諭令



知之。○又諭寶興奏委員採購造船木料一摺。川河水道曲隘。成造船隻。航海固非所宜。即江行亦難適用。自係實在情形。惟該省向為產木之區。前有旨諭令廣購堅實巨木。以備隨時調取。現在各海疆善後章程。尚未定議。其海船需用木植。長徑丈尺。亦難懸定。著該督委員即將堅實巨木。尋勘標記。豫備將來各省成造海船之用。至江行船隻。已飭令湖廣督撫趕辦所需木料。即著寶興廣為採購。運赴湖北備用。將此諭令知之。○江寧副都統興倫因病解任。以荊州協領穆騰額為江寧副都統。○調鑲白旗漢軍副都統吳必淳為京口副都統。○乙未秋分夕。

甲辰卷三十九

十一

月於西郊。遣睿親王仁壽行禮。○諭軍機大臣等。刑部奏湖南邵陽縣民陳佩洸遣子陳能銀京控一案。先據該撫審擬題報。與所控情節不符。案關誣抵正兇。賄串改傷。及承審官酷勒枉招。虛實均應徹底根究。裕泰自無所

用其回護。惟外省陋習。遇有奉旨交審之案。往往任聽屬員。官官相護。設法彌縫。不肯據實平反。著該督親提人證卷宗。督同賢能之員。破除情面。秉公研訊。務得確情。按律定擬具奏。儻敢回護原題。仍有不實不盡。將來別經發覺。惟該督是問。抱告陳能銀。已由該部解往備質矣。將此諭令知之。○又諭本日據刑部奏京控案情較重。請飭交審辦等語。已明降諭旨交劉韻珂訊辦矣。此案浙江文童

實錄卷三十九

十一

蔣德尊控告蔣忠魁等包攬米石出洋。接濟夷人。汎弁得規庇縱。胥役勾通舞弊。歷控各衙門。均未審辦。案關奸民通夷。官役賄縱。虛實均應徹底根究。著劉韻珂迅即親提人證。確切嚴訊。務期水落石出。以期無枉無縱。將此諭令知之。○以刑部右侍郎成剛兼鑲白旗漢軍副都統。○以捐修廣西懷集縣城垣。予知縣黃文瑄升用。○予廣東勦辦暎夷陣亡把總潘永泰等祭葬世職。○丙申。

上詣綺春園問

皇太后安。○諭軍機大臣等。著英等奏夷情已就馴伏。詳議善後事宜。開單呈覽一摺。俱著照所議辦理。惟所稱該夷通商。嗣後若有欠項。由管事官呈明內地官著追一節。斷不可行。內地居民與該夷貿易日久。難保無拖欠情節。地方官既未經手交易。日後又安能代為追欠。況一經允許。過有無著欠項。勢必曉曉具稟。地方官事務甚繁。何暇辦理此事。且

該夷稍不如意。又將藉口追欠不力。另啓釁端。不可不豫為籌及。著耆英等剴切曉諭該夷。仍遵前旨。祇准自行清理。地方官概不與聞。至佛啣晒夷目則濟勒沙船一隻。雖經退去。而巴日一船尚在江面停泊。喚咭喇與之同係夷幫。雖非該夷招之前來。豈有不知其來意之理。著該大臣等密諭喚夷。現在諸務已定。佛啣晒夷船。何得逗留內地。務令喚夷勸令起碇回國。免致別生事端。該大臣等仍

應嚴密防範。毋稍大意。所稱該夷照覆國王出示曉諭喚民。止准在五口貿易。不准駛往各處一節。亦應詳細寫明。以見此外皆非該夷所應到之處。免得日後藉口。影射朦混。該國續到兵船。現已飭阻回國。並求咨會沿海督撫。諒該大臣等已妥為辦理矣。將此由六百里加緊諭令知之。○又諭前往天津防堵之察哈爾兵丁。著巴清德那桑阿等分起管帶。陸續撤回。賽尚阿著管帶後起兵丁。以資彈壓。並著訥爾經額飭令該地方官妥為照料。毋許滋擾。所有賽尚阿等隨帶文武各員。亦著分起帶同回京。將此諭令知之。○又諭前據僧格林沁面奏。於哲哩木。卓索圖。昭烏達等三盟內自備精兵三千名。於近口地方駐劄。當經降旨著禧恩妥為豫備。現在此項兵丁。無需調遣。著即飭令各回該盟。其管帶之將弁。著酌量賞給緞匹。兵丁三千名。著每名賞給銀一二兩。由該署將軍擬定開單。由

驛呈覽。至該處所貯緞匹。是否足數分賞之用。並著一併查明具奏。將此諭令知之。○命兵部右侍郎慧成。刑部左侍郎王植。馳往湖南查辦事件。○丁酉。諭軍機大臣等。昨據刑部奏。湖南邵陽縣民陳佩沈。遣子陳能銀京控一案。當經降旨交裕泰親提研訊。現派慧成。王植。前赴湖南查辦事件。所有此案人證卷宗。即由該督轉交慧成等審辦。將此諭令知之。○又諭。裕泰奏。設局選匠。添鑄銅鐵礮

神機營

五

位並鳥槍刀矛等件。又造火箭神機箭及火彈噴筒各項軍械。均為堅固得力等語。所辦甚好。其大小礮位及各種器械。若能陸續添造。多多益善。總期精良適用。不可好奇尚巧。致運用時轉無實效。該督務飭監工委員。認真製造。以資利用。是為至要。將此諭令知之。○戊戌。諭軍機大臣等。劉韻珂奏。匪犯日久未獲。派員帶兵查辦一摺。上年湖州府屬各縣。被雨被雪成災。業經該撫奏請蠲緩撫卹。

乃歸安縣匪徒嵇祖堂與其黨姚瀛洲葉桂青。王瀾倫。湯益藩等。膽敢藉災糾眾。抗官拒捕。並將兵役戕害。地保毆斃。阻止各村完糧。叛跡顯然。必應嚴行懲究。該撫前經出示曉諭。匪黨尚未全散。現在派委鎮道帶兵勦辦。除姚瀛洲。葉桂青。一犯已經拏獲外。其餘著名匪徒。務即嚴拏懲治。以儆兇頑。斷不可稍存姑息之見。其隨同助勢之人。良莠不齊。或因畏威不敢與較。或被誘脅入夥。該撫現又

神機營

五

徧諭鄉民。縛獻首要各犯。立功贖罪。匪徒必多解散。仍著諄飭帶兵各員。務須恩威並用。寬嚴得中。毋令玉石俱焚。方不失除暴安良之意。將此諭令知之。○又諭。有人奏。鄉勇擾害。請飭查嚴辦一摺。據稱廣東省官募之鄉勇。與紳士所募之鄉勇。於上年秋間。在教場約期互鬪。槍斃十餘名。官紳均不能彈壓。又省城鄉勇。私竄至順德縣所轄鄉村擄掠。經紳民拏送。該縣不敢詳報究治等語。團練鄉

勇。原以保固地方。必須明立規條。嚴加約束。若如所奏。倚勢互鬪。乘機肆搶。各情殊屬不成事體。且恐養癰為害。日久必致激成他變。著奕山。祁項。梁寶常。確切查明。嚴行懲辦。如地方官實有意存消弭情事。即著據實嚴叅。毋稍瞻徇諱飾。將此諭令知之。尋奏。查上年十月。官紳所募壯勇。在東教場操演爭地。傷斃三命。經該府縣照例擬罪。又有壯勇潛赴順德縣。蠶民寮內索詐。經蠶民等格殺。該縣詳請照律勿論。並非紳民拏送。現在壯勇撒騰六千餘名。應責成管帶頭目。並督飭團練局及地方官。隨時巡察彈壓。從之。○以內閣學士李煌。署吏部右侍郎。都察院左副都御史祝慶蕃。署刑部左侍郎。○以鑲黃旗滿洲印務參領興貴。署鑲藍旗蒙古副都統。禮部右侍郎薩迎阿。署兵部右侍郎。○己亥。世宗憲皇帝忌辰。遣官祭泰陵。○

上詣  
安佑宮行禮。○諭內閣。前據達洪阿等奏。查明臺灣。勦辦南北兩路逆匪。出力員弁。請將休致通判銜前福清縣知縣盧繼祖。仍以原官留閩補用。已革候補同知直隸州知州托克通阿。以同知直隸州開復。留閩補用。當經降旨允准。昨據御史何冠英奏稱。該二員所犯劣跡。均有案卷可查。若令重膺民社。難望潔已奉公。當飭吏部查覈。茲據吏部檢查該二員所犯原案。均係私罪。情節較重。前已革職休致。斷難再令服官。惟念該員等前次勦辦逆匪。究屬著有微勞。盧繼祖。托克通阿。均著加恩賞給五品頂帶。以示獎勵。其開復原官及留閩補用之處。著即註銷。○諭軍機大臣等。麟慶奏。中河灌塘事宜。業經籌辦一摺。挑北漫口。致阻回空軍船。現在自以疏通運道為急務。前據潘錫恩奏。請於中河運道。灌塘濟運。如趕辦不及。即用引黃濟運之法。有旨

諭令該河督詳勘具奏。茲據奏稱。現辦灌塘事宜。與所奏大略相同。其應建草閘並築壩挑河各工。業經估定興辦。約計霜降以後。軍船到有成數。即可灌放。無須引黃濟運等語。著該河督督催各員弁妥速趕辦。務期於回空軍船全數無誤。是為至要。將此諭令知之。

實錄卷三十九

三十七

○又諭。本日據裕泰奏。四川調防官兵飛咨截回。又據麟慶等奏。請停止陝甘官兵各等語。前有旨調四川兵一千名。馳赴江寧。陝甘兵一千名。馳赴清江浦。現在此項官兵。無須調遣。著寶興。富呢揚阿。陶廷杰。飛飭帶兵將弁。無論行抵何處。即行折回。並著裕泰。鄂順安。札行沿途經過地方官。將前項官兵一體截回歸伍。將此各諭令知之。○又諭。麟慶等奏。辦理淮揚後路匪徒一摺。據奏夷船漸次退出。現在團練義勇。招撫梟匪。請將續調之陝甘兵一千名。即行折回。已諭知富呢揚阿等。即行停止矣。惟據稱各鄉紳民團練義勇。

計有九萬餘名。招撫巴桿老回奮二百七十餘名。尚有分守要隘鄉勇一千八百餘名。人數太多。易聚難散。著李湘荃將現已到浦之義勇人等認真校閱。果係精銳。酌量留營差委。餘均飭令回籍。妥為安頓。未經到浦者。毋庸再行傳集。所奏徐州海州等處土匪竊發。並山東兗沂等屬亦多刀匪。現經各屬陸續拏解。並咨山東會辦兗拏等語。所奏均悉。土匪乘機搶劫。必應嚴拏懲辦。以安閭閻。但須

實錄卷三十九

三八

體察情形。寬嚴互用。著即嚴飭各屬。將各案首要各犯拏獲懲治。以儆其餘。其為從情輕之犯。飭令剴切曉諭。及早解散。切勿持之過急。轉致激成事端。至善後急需整頓。礮火尤為利器。該署少卿現飭趕辦擡礮等件。自應寬為籌備。妥為收貯。惟須精利適用。不可有名無實。其練習兵勇。務期精熟。不在人多。另摺奏黃安民大概情形。覽奏已悉。仍著確切查訪。務得實情為要。再現在防堵情形及一

切善後事宜。均須妥為布置。不留罅隙。計周天爵將次到江。著該署少卿先行籌度。如該員已抵清江。即行會商妥辦。將此由四百里諭知李湘葵。並麟慶。但明倫知之。○又諭據麟慶等奏。山東兗沂各屬亦多刀匪。聚散不常。恐江南逸犯竄入勾結等語。著麟魁密飭文武員弁。會同江北派委員弁。不分畛域。協拏究截。無任漏網。仍須飭屬體察情形。妥為籌辦。毋致激成事端。為要。將此諭令知之。○

實錄卷三十九

三

庚子。遣官祭賢良祠。○諭內閣。載垣等奏請補造遺失金器一摺。此項金器。自應先行補造。惟該衙門收貯。不知慎重。啓開庫門。漫無覺察。及至被竊日久。又不能訪緝賊。所有金提鑪一件。金香盒一件。金瓶蓋一箇。著工部趕緊如式補造。所需八成金一百三十兩。即著落載垣等賠繳。不准開銷。○諭軍機大臣等。孟保等奏。章嘉呼圖克圖捐銀助賞等語。此次章嘉呼圖克圖來藏。因見勦辦森巴

生番。官兵奮勉。番民亦甚艱苦。情願將徒眾送給盤費銀五百兩。捐助賞需。覽奏具見惻忱。洵堪嘉尚。自應順情分賞。以遂其慕義之誠。此項銀兩。著准其交噶布倫分賞兵民。將此諭令知之。○又諭賽尚阿等奏。管帶官兵陸續撤回一摺。覽奏已悉。所有由京帶赴天津之礮位弓箭等件。除神機神樞礮二百位。即由賽尚阿派員解回。其餘火箭弓箭火藥鉛丸。即著納爾經額分飭各營按數繳回。於

實錄卷三十九

三

天津道庫妥為存貯。毋任感受潮溼。致有損壞。另片奏買補營馬三百十九匹。又天津縣買補馬七十匹。此項馬匹。著於南苑牧放之餘馬內。如數撥還各營。毋庸買補。所請留直差委之候補道文康。已降旨准行。所有天津及各海口一帶善後事宜。著納爾經額督同天津道陸建瀛。及文康。責成該二人體察地方情形。悉心籌度。妥行辦理。侍衛奕紀。蘊香。准其隨同賽尚阿回京當差。將此各諭令知

之。○又諭本日兵部呈遞駐藏大臣孟保等報匣。報匣以外夾板以內夾有封套一箇。內裝封章一紙。寫有陝西地號內驛書因大犯法律未敢題名字樣。此項封章顯由陝西驛站夾入。著陶廷杰密派妥員逐站嚴行查辦。並著將原件發交逐細覈對筆跡。毋任漏網。將此諭令知之。○兩江總督牛鑑奏江寧省城軍需總局動支各款請俟事竣覈實報銷得旨。寸功未立斷不准藉詞冒濫。看汝等有

平定奏卷五十七

三

無天良也。○湖北提督劉允孝因病解任。以四川建昌鎮總兵官桂明為湖北提督。○以前任四川建昌鎮總兵官降調都司張必祿為建昌鎮總兵官。○實授尤渤江南提督。○武昌春鎮總兵官。○江南徐州鎮總兵官王志元因病解任。調狼山鎮總兵官順保為徐州鎮總兵官。廣東潮州鎮總兵官李廷鈺為狼山鎮總兵官。以福建延平城守營副將保芝琳為潮州鎮總兵官。○以獲盜多名。予廣

東縣丞倪森等升補有差。○展緩浙江嘉興所及台前等幫船應扣在北借支備帶銀。○辛丑諭軍機大臣等。現在黃河桃北漫口。回空軍船阻滯。朕心實深廛念。前有旨令麟慶查明漫口丈尺。繪圖貼說。馳遞呈覽。自應遵旨馳奏。以慰朕懷。昨據會同李湘蓀由六百里馳奏江北防堵情形。僅將中河灌塘約略附陳。其建閘築壩挑河各事宜。據云於本月十四日具奏。迄今並未奏到。發遞摺件。理宜

平定奏卷五十七

三

權事理之輕重。事關軍務。原應馳奏。然似此尋常防堵情形。馬遞已不為緩。何必定用六百里。至河工現當漫口之時。在在均關緊要。必應由驛奏聞。乃反照尋常摺件差遞。殊為輕重失宜。著該河督接奉此旨。即將黃河漫口情形及現辦運河各事宜。詳細繪圖貼說。由驛馳奏。毋稍遲誤。其江北一帶防堵各摺件。嗣後如無關緊要。不必動用六百里。即著酌量機宜。由驛馳奏。將此諭令知之。○又諭



昨據賽尚阿等奏。察哈爾官兵業已遵旨分起撤回。因思吉林黑龍江官兵調赴各處備防。自應一體撤回。以節勞役。著賽尚阿。訥爾經額。禧恩。哈琅阿。將調赴天津兵一千名。調赴山海關。兵一千名。駐劄洋河口一帶。兵一千名。留駐高橋。兵五百名。留駐盛京。兵五百名。陸續分起撤回。沿途妥速行走。毋任擾累地方。該官兵等成役勞苦。朕心廑念。自應分別給賞。以示珍恤。所有第一次調撥之官兵

宣宗實錄卷三七九

三十九

二千名。著賞給佐領以下官兵每員各銀五兩。驍騎校以下每員各銀三兩。兵丁每名各銀二兩。其第二次調撥官兵二千名。著賞給佐領以下官兵每員各銀四兩。此項賞銀。在天津山海關者。由訥爾經額照數賞給。在盛京者。即由禧恩發給。務令實惠均霑。俾各遄行歸伍。以慰朕念。其派出帶兵之哈琅阿。及副都統等。並隨帶各員。均著一體撤回。將此各諭令知之。○展緩江蘇高淳。吳江。震澤。江陰。奉

賢。金山。青浦。川沙。常熟。昭文。南匯。崑山。新陽。華亭。婁。靖江。丹陽。金壇。溧陽。千九。廳縣。歙。收。村莊。新舊額賦。○壬寅。諭內閣。內務府奏。職員捏造假印。冒領銀款。請旨究辦。此案庫掌璉璋等。膽敢於內庫重地。舞弊冒領。實屬目無法紀。庫掌璉璋。驍騎校慶豐著即革職。同馬甲隆兒。均著交刑部嚴行審訊。按律懲辦。太常寺贊禮郎隆寬著聽候傳質。其未獲之馬甲烏林布。拜唐阿。海陞著步軍統領衙門

宣宗實錄卷三七九

三十四

順天府五城會同內務府一體嚴拏。務獲歸案究辦。其失察之廣儲司銀庫郎中增祥。慶德。員外郎達春。明新。營造司掌印郎中德壽。及失察文領之廣儲司六庫郎中啓元。長山。均著先行交部議處。總管內務府大臣敬徵。恩桂。裕誠。阿靈阿。琰珠著一併交部議處。○命戶部尚書敬徵。工部尚書廖鴻荃。馳往江蘇查辦河工。○命陝甘總督富呢揚阿撥銀一萬四千三百兩有奇。解赴喀喇沙爾。備道



光二十四年經費。○貸山海關稅銀五千兩。支放官兵口糧。○癸卯。

上詣綺春園問

皇太后安。○諭內閣。前因奕興等奏大青山後牧地有遊民占據。請飭官為驅逐。當降旨著山西巡撫籌畫妥議具奏。茲據梁萼涵奏稱。大青山後沙拉穆楞昭盟諾們汗昭等處遊民。於封禁牧地。私行租種。本應嚴加驅逐。惟查該遊民等生聚有年。原籍均無家產。請做

實錄卷一百九

三

照成案。免其驅逐。地畝放給租種。徵得租銀。分給喇嘛蒙古。作為香火養贍之資等語。該處遊民。既無家可歸。一旦逐令回籍。必致流離失所。著准其援照成案辦理。以示體恤。惟此項地畝。與喇嘛蒙古牧場。有無妨礙。所徵租銀。應歸何員承管。並應如何分撥之處。著綏遠城將軍歸化城副都統會同該撫籌議妥辦。○又諭。鄂順安奏請將上年防護省城用過經費。分別作正開銷一摺。河南省上年

祥符汎漫口。省城猝被水圍。所有防守省城之夫工物價。昂貴異常。屢與報銷成例。多有未符。據該署撫奏稱。逐日稽覈。並無絲毫虛冒。著照所請。准其將原撥動用之司庫銀五十萬五千一百二十七兩零。全數作正開銷。免其造冊報部。該部知道。○以兵部左侍郎倭什訥。兼署戶部左侍郎。○調河南河北鎮總兵官積慶。為甘肅伊犁鎮總兵官。伊犁鎮總兵官昌伊蘇。為河北鎮總兵官。仍署直隸

實錄卷一百九

三

提督。○甲辰。諭軍機大臣等。麟慶奏籌辦回空運道情形一摺。覽奏均悉。前已有旨。飭令將被淹村莊戶口。及黃流經過地方。與入海門戶。比較舊道相距遠近。分別確查。繪圖貼說具奏。何以尚未分查明確。實屬顛覆。著仍遵前旨。迅速查明。繪圖呈覽。以慰廛念。至被淹村莊。現已動項撫綏。著嚴飭派委之員。認真經理。勿令小民流離失所。該河督博採眾議。詳加勘度。以改中河灌塘為妥。著即飭屬

將應建草間。並築壩堰。挑河鑲埽。補還緯隄等工。趕緊妥辦。工竣親驗。現於外南清口迤東。估築南北攔壩一道。以備空運。經臨導引湖水。由清口注入北岸楊莊頭壩。接濟船行。務於霜降前一律辦完。俟回空軍船陸續到齊。設法挽送。戴罪圖功。凡一切應辦事宜。俱應悉心籌畫。先事豫謀。毋令臨時掣肘。儻回空軍船稍有遲誤。惟該河督是問。恐不能當此重咎也。至挑北漫工。應堵應改。已派令敬徵廖鴻荃前往查辦矣。將此諭令知之。○又諭朱樹奏。回空軍船停泊待渡。暫緩遣散水手等語。現在夷船即日出江。瓜洲口已經收復。漕船可照常趨入淮揚。至籌辦回空運道。據麟慶奏。計霜降前後。可以竣工。是停泊已無多日。所有水手人等。可暫緩遣散。仍著該漕督會同李湘茶隨時察看情形。妥商辦理。惟此次回空漕船。連牆南下。皆在江南境內停泊待渡。各幫水手。人數眾多。該漕督等務

宣宗實錄卷三八〇

三

須派委妥員。嚴加彈壓。毋令滋事。將此諭知朱樹。並諭李湘茶知之。○貸巴里坤兵丁修理地震坍塌房屋餉銀。○乙巳。上御洞明堂。勾到上年新疆雲南貴州廣西福建情實罪犯。停決雲南斬犯三人。絞犯一人。貴州斬犯四人。廣西斬犯一人。福建斬犯一人。餘五十三人予勾。○諭內閣。賽尚阿等奏帶兵官員被控。請旨辦理一摺。此案彈春馬甲克興額等。聯名呈控。委參領驍騎校赫特亨額。侵取伊等鹽菜銀兩。並營總德昌於所帶兵內有扣存銀兩情事。案關剋扣兵餉。虛實均應徹底根究。著巴雅爾將原告被告各官兵解往盛京。交稽恩確切嚴訊。按律定擬具奏。尋奏赫特亨額前在大凌河。散放眾兵鹽菜馬乾銀兩。以銀易錢。散放不敷。致有虧短。令眾兵包補東錢二十千。又扣紙筆等費三十二千。應降一級調用。德昌因調赴山海關。製燐祭燐。每兵出銀九分。經副都統倭克

宣宗實錄卷三八〇

三六

經額申飭。仍照數發還。應免置議。克興額等因他事受責。牽控已完之案。擬答折責。下部議從之。○又諭麟慶奏礮藥失慎。燒斃官兵等語。清江小南寺監造火藥被轟。殞命之署外委羅炳彝著交部照例議卹。該管官署中營把總效力武舉濮楓失於防範。著即革職。兼管官署中營都司姜渭未能豫防。著即撤任。摘去頂帶。所有燒燬火藥七百餘斤。責令該員賠補。以示懲儆。麟慶著一併交部議處。

實錄卷三十九

三十九

大清宣宗效天符運立中體正至文聖武智勇仁慈儉勤孝敏成皇帝實錄卷之三百七十九

大清宣宗效天符運立中體正至文聖武智勇仁慈儉勤孝敏成皇帝實錄卷之三百八十

監修總纂官禮部侍郎汪大燮文淵閣閣事管理戶部事務上書房總纂官翰林院掌院學士曹文

天府府事務總辦五城巡檢十八次在官總辦總辦官文淵閣閣事管理戶部事務上書房總纂官翰林院掌院學士曹文

七次在官總辦總辦官文淵閣閣事管理戶部事務上書房總纂官翰林院掌院學士曹文

內務府文淵閣白雲閣總辦官文淵閣閣事管理戶部事務上書房總纂官翰林院掌院學士曹文

醫院總辦官文淵閣閣事管理戶部事務上書房總纂官翰林院掌院學士曹文

教修

道光二十二年壬寅九月丙午朔諭內閣裕

實錄卷四十

一

泰奏參疏防鄰境擒匪入境滋事之知縣守備請先行交議一摺。湖北棗陽縣地方有河南泌陽縣擒匪鄧韓玉等百餘人竄入境內拒斃汛弁。該縣知縣熊文鳳身任地方署都司張煜有兼轄之責未能先事豫防事後又未將首要各犯全數拏獲。熊文鳳張煜著一併先行交部議處。勒限兩箇月務將首從各犯悉數拏獲究辦。至千總李長善直前追捕致被拒傷斃命情殊可憫著交部從優議卹。

○諭軍機大臣等。本日據陶廷杰奏。坐選鳳縣典史吳恆。在西安府具稟。驛站積弊。旋又具供認誣。已明降諭旨。將該典史革職矣。惟據奏。遴委道府等官。逐一查驗。並無短絀。取具冊結等情。以本省道府。查辦本省州縣積弊。難保不瞻徇情面。扶同朦隱。即該典史具供認誣。亦恐有私和抑勒等弊。事關通省驛站。必須徹底查究。不可以積習相沿。將就了事。壁昌現已簡任巡撫。責無旁貸。且尚未經

到任。無所用其回護。著於差竣赴陝時。沿途留心查訪。務得確情。有應行叅辦之處。必須破除情面。嚴行懲辦。以除積蠹。而肅郵政。該原告現已回籍。如有應行質訊情節。即著提省審究。經此次查辦之後。儻尚有不實不盡。經朕別有訪聞。惟該撫是問。切勿沾染惡習。代人受過。懍之勉之。原摺及吳恆原稟親供。俱著鈔給閱看。將此諭令知之。○又諭。前派南陽鎮總兵都勒豐阿。管帶河南省精兵一

千餘名。赴清江浦一帶防堵。現在江北夷務情形。漸就馴伏。南陽鎮篆亦關緊要。都勒豐阿著撤回本任。其所調該省官兵。應即撤令管帶歸伍。如有應行留防之處。著李湘茶體察情形。酌留兵弁。俾資調撥。將此諭令知之。○湖廣總督裕泰等覆奏。據御史徐嘉瑞奏。湖北水災。請飭豫籌良策。一摺。查上年被水災區。當經奏請賑緩。並設廠收養貧民。間有無賴刁民。藉災搶奪。已飭按律懲辦。民情安

帖。至各府州縣漫漬隄。當即籌項修築。以工代賑。惟七月初旬。秋汛盛漲。荊州新工復被漫溢。又天門等縣湖垸民隄。亦有漫缺處所。現均查勘。設法趕辦。不敢稍有貽誤。得旨。詳慎妥辦。萬勿致滋生事端。○以大學士穆彭阿。兼署戶部尚書。科爾沁郡王僧格林沁。署鑲紅旗滿洲都統。肅親王敬敏。署管理欽天監事。禮部尚書恩桂。署管理御茶膳房事。禮部尚書龔守正。兼署工部尚書。○予故前

任湖北提督劉允孝祭葬。賞其子把總揚武以千總用。候補千總耀武以千總即補。○旌表守正捐軀直隸磁州民張得付女張氏。○丁未諭內閣。理藩院奏據卓索圖副盟長克星額。呈進馬匹一摺。卓索圖副盟長喀喇沁扎薩克頭等塔布囊克星額進馬一百五十匹。在錦州迤北豫備。可嘉之至。惟現在三盟兵丁業經撤回。所有此項馬匹。著毋庸賞收。即交克星額領回。○欽差正藍旗蒙古都統

平定回疆

四

哈琅阿奏。前調防堵山海關之吉林黑龍江官兵。現撤歸伍。所領備戰馬匹。間有倒斃。或領價買補。或自備買補。其赴各處駐劄者。又有直省馬匹。及大凌河馬匹。攪亂。儻一一查取。營牧交收。一時驟難辨認。且恐稽延時日。應請飭令乘騎歸伍。以免壅滯。從之。○安徽巡撫程楸采奏。遵查江省夷船。尚存十餘隻。難保必無反覆。所有楚省遵備兵勇木牌。現已到境。未便遽行截回。請俟確探夷情。隨時

酌辦。其代安徽購辦木植。行抵九江。亦檄催解皖。以便如法捆紮。俾資調遣。從之。○都察院左都御史沈岐。以親老乞終養。允之。以署兵部尚書李宗昉。為都察院左都御史。○戊申。旌表守正捐軀江蘇銅山縣民陳庭貴女鸞姐。○己酉。

平定回疆

五

上御洞明堂。勾到上年四川情實罪犯。停決斬犯九人。絞犯十三人。餘七十二人。予勾。○諭內閣。前因鎮江失守。副都統海齡自縊殉難。念其為國捐軀。特加優卹。嗣據御史黃宗漢奏。海齡誤殺良民。被民戕害。復降旨。令著英等再行詳查覆奏。茲據奏稱。海齡自縊身死。被火焚燒。據協領武忠阿切實供明。領催德明等十四人。於灰燼中尋得海齡屍骨。檢獲殉難時所著袍襟。並札委曾經稟許海齡之常鎮道周頊確查。取具闔營官兵押結。紳士顏崇禮。郭湘等十六人切結。實係城陷自縊。並非被人戕害。鎮江民人亦無圍署內變情。

事。惟不聽民逃難。以致城陷慘遭蹂躪。貲財盡飽夷囊。並將形跡可疑之人。概予駢誅。辦理失當等語。海齡固守鎮江。拏獲奸細。辦理草率。原有應得之咎。惟既闔門殉難。大節無虧。著仍遵前旨。照都統例。賜卹。前據禮部奏。賜卹海齡事宜。均著照議。辦理。以慰忠魂。其御史安詩所奏。總兵王志元。剋扣兵餉等情。亦經查明。該總兵實無虛報兵數。冒支口糧情弊。惟不能約束兵丁。致滋騷擾。吳淞失守。引兵卻退。實屬無能。現已病故。著毋庸議。諭軍機大臣等。著英等奏。江寧停泊夷船。均已開駛一摺。據稱草鞋夾江面。前留夷船十二隻。上月二十八日早。全數開行。其嘒嘒晒夷船亦隨同駛去等語。附省江面。現無夷船停泊。其開行夷船。究竟駛往何所。至嘒嘒晒夷船駛至江寧。究因何事。現又隨同嘒嘒晒駛。又屬因何。著該大臣等確切查明。俟夷船全出大江時。一併詳細具奏。再八月二十日。

有旨令著英等將該夷所請嗣後商太呈明地方官著追一節。剋切曉諭。仍遵前旨。由該夷自為清理。斷不能代為追討。該將軍等接奉此旨。自己與之定議。何以此次摺內。未據聲明。即著查明。迅行覆奏。將此由六百里加緊諭令知之。○又諭有人奏。候選直隸州知州鄂雲原名聯璧。因有堂弟聯芳在將軍幕下辦事。途次引進。自稱將軍隨員。到處需索。供應往來。江蘇浙江。誑騙欺朦。無弊不作。又自云能勾引漢奸。作為內應。濫支軍餉。任意揮霍。而臨陣皆為賊反間。並無內應之事。寧波之敗。首為厲階。該員冒領已多。既敗之後。仍以領不足數為詞。復求補給。局員以其在將軍幕下。不敢不給。又該員將家眷搬住杭城。招搖撞騙。各等語。劣員貪緣軍營。招搖撞騙。甚且濫支軍餉。貽誤軍機。若不嚴行懲辦。何以儆官邪。而伸法紀。劉韻珂久在省城。於該員沿途來往。撞騙作弊。必有見聞。其冒領

軍餉臨陣失機之事。尤難掩人耳目。著該撫破除情面。將所指各款逐一密查。得其確據。斷不准意存消弭。代為掩飾彌縫。致有不實不盡。將來別經發覺。朕惟該撫是問。不值代人受過也。懷之。將此諭令知之。○又諭禧恩奏請循例補打冬圍一摺。上年盛京因籌辦防堵事宜。所有進圍打鮮。降旨飭令停止一年。本年該官兵等久駐防所。戍役勞苦。此時甫經撤回。若再令照例出圍。不足以示體恤。所有本年小雪後打圍。著再停止一年。一切均照上年章程辦理。俟明年將屆冬圍時。該將軍先期奏明。請旨定奪。將此諭令知之。○又諭據孟保等奏。廓爾喀國王呈進表文一摺。此次廓爾喀差齋表貢到藏。表文內添敘該國屢被披楞欺凌。求賜銀兩。發兵堵禦。並請易換藏屬地方等情。又另有該國王之子呈進表文一道。現據該大臣等明白開導。諭以大義。反覆駁斥。並將所呈披楞原信擲還。

所辦俱好。該國求賞銀兩。上次曾經飭駁。此次復行求賞。實屬無厭。至因披楞欺凌。求請發兵救援。並懇易換藏地。更屬無此體制。必應逐一指駁。以杜妄念。該大臣所擬檄諭該國底稿。著即遵照硃筆改定處繕發。其該國王之子。向無呈進表文之例。著暫為存貯前藏。俟噶箕等回國時。仍令帶回。將此諭令知之。○實授禧恩盛京將軍。○賞撤回駐劄盛京蒙古官兵銀幣。○命陝甘總督富呢揚阿撥銀六萬四千八百五十一兩。解赴葉爾羌。巴爾楚克。八萬八千九百一兩。解赴喀什噶爾。英吉沙爾。備道光二十四年經費。○庚戌上詣綺春園問皇太后安。○江蘇巡撫程喬采奏。夷船全數出江。鎮江避難民人。漸次遷回復業。已於鹽義倉碾穀一千石。運往散放。其土匪乘機竊發。經委員各處巡查。現已均知斂戢。至丹徒縣驛站監獄。已飭酌撥銀兩。次第興修。惟上海



寶山一切事宜。應俟夷船駛出大洋。再行分別辦理。其各處調防弁兵。先後撤退歸伍。並於各州縣已經撤兵之處。仍飭實力巡防。不敢稍形鬆懈。得旨俱著依議妥辦。○轉理藩院右侍郎恩華。為左侍郎。以內閣學士連貴為理藩院右侍郎。○辛亥。

上御洞明堂。勾到上年奉天陝西甘肅情實罪犯。停決奉天斬犯二人。絞犯三人。陝西斬犯四人。餘五十五人予勾。○諭軍機大臣等。前

實錄卷三八〇

十

據訥爾經額奏請續撥直隸軍需銀三十萬兩。當交戶部覈議。茲據奏稱如數動撥。已降旨依議行矣。現在調防官兵陸續撤回。一切支銷。自可逐漸減省。所有此次籌撥銀兩。著該督撫節支。放覈實報銷。以重帑項。其調防之山西陝西官兵。著即撤回歸伍。山西官兵即著善祿管帶分起行走。陝西官兵即著胡超派員先行管帶行走。胡超著即來京陛見。仍俟出京時。兼程馳赴前途。親自帶兵回省。

以資彈壓。將此諭知訥爾經額。並諭胡超善祿知之。○又諭。但明倫奏夷船全數退出圖山關外。淮揚水陸肅清一摺。覽奏均悉。大幫夷船已於九月初一日全數退出大江南北。運道肅清。瓜洲招徠人民。業經撫卹。所有鎮江被難窮黎。著麟慶等即飭但明倫動碾倉穀。交地方官分別散給。毋任一夫失所。鹽梟頭目。既知悔罪。即著曉諭夥黨。改過自新。仍暗為防範。潛消反側。其編入保甲者。務當隨時稽查。毋令游手滋事。其情願回籍者。即逐

實錄卷三八〇

上

程資遣。交原籍州縣嚴加管束。不得復任外出。至外省調防官兵。均即陸續撤回。江都甘泉兩縣所屬及北鄉等處。所募義勇。如果得力。可資巡緝。現當驚惶甫定之際。自應暫留驅使。事竣設法遣散。所有善後一切事宜。著但明倫隨時稟商麟慶李湘荼等次第興辦。其揚州儀徵防堵出力文武員弁及紳商局內董事出力各員名。著麟慶李湘荼覈實保



奏候朕施恩將此諭知麟慶李湘荅並傳諭但明倫知之○廣州將軍阿精阿因病休致以廣州滿洲副都統裕瑞暫署將軍○賞在浙陣亡江南壽春鎮總兵官王錫朋子監生承泗生員承瀚文舉人一體會試○旌表守正捐軀直隸滄州民傅十妻邵氏○壬子諭軍機大臣等禧恩等奏遵旨賞給吉林黑龍江官兵銀兩酌擬分起撤回並開單呈覽一摺覽奏均悉依議頒賞妥為料理惟盛京為根本重地現在雖已撤防而武備不可稍弛總在平日認真講求臨事方可制勝該處大小礮位甚多斷難一律擺列海口著即擇地妥為存貯勿令損壞至於臨陣摧堅以數百斤小礮為宜既可用人扛擡並可以車載運遇有緩急隨營調撥自無笨重之虞可期得力旅順口舊有水師戰船兵數是否敷用船隻是否合宜總以輕靈便捷為主方可牽制敵船不可拘泥舊章徒飾外觀以致有名無

平定縣志

三

平定縣志

三

實總當細心酌覈務期適用盛京向無步隊應否量為變通馬隊槍箭如何練習水師兵勇如何操演施放礮位如何致遠有準各要口防守戰兵如何聲勢聯絡互為應援一呼即至不致顧此失彼有誤事機著禧恩體察情形或派委妥員分往相度或親赴履勘因地制宜不必拘以時日務須通籌全局悉心妥議章程具奏此外善後事宜有應慮及者亦著詳晰周妥加意熟籌以副朕望將此諭令知之○山東巡撫托渾布等奏遵查兗沂等屬素多梟販及披刀兇匪此時將屆深秋海上氣候較早寒威漸厲度夷船未必遽敢北駛沿海留駐多兵徒滋糜費而內地處處兵單易啓匪徒窺伺擬將前奏明之兗沂等八營官兵酌覈遠近分起撤回各守要隘協防匪類一面密咨兗曹兩鎮併責成該管官嚴密堵禦以期消患未形從之○癸丑諭軍機大臣等劉韻珂奏夷務漸平分別裁撤節

費一摺。又另片奏辦理諸務情形等語。所辦均屬得宜。啖夷業經受撫。自應將該省防勦各務陸續裁撤。以節糜費。該撫現將所雇民船儘數給還。原主領回。水手鄉勇一併遣散。其礮位柴草等物設法分貯備用。勿令毀壞。被難民人准其資遣回籍。自謀生計。並照議酌給銀兩。修葺房屋。以資棲止。乍浦十五村莊著飭令該縣查明戶口。撫卹一月口糧。旗民修建房屋之費著俟該旗人回乍浦時該

宣宗實錄卷三八〇

五

撫會同杭州將軍乍浦副都統等商酌辦理。其鄞縣鎮海兩處難民一萬九千餘名口著遣赴紹興金華衢州嚴州等府屬各縣安插。所留數千名准其大口日給錢四十文小口二十文俾資養贍。所用錢文即在軍需項下支銷。俟夷船全退之後分別覈辦。惟良民不可不撫而莠民不可不除。如歸安縣匪徒嵇祖堂等抗官滋事一案叛跡顯然豈可令其逃匿漏網。除桐鄉安吉兩縣已將吳庭發童

禹甸首從要犯緝獲懲辦外其歸安縣之嵇祖堂等及秀水縣之匪徒虞阿南等均著該撫分飭各屬員弁按捕務獲從嚴懲治並將附和黨羽究出分別辦理以儆兇頑。第居民不乏善良其有實被匪徒威脅者亦應查明分晰覈辦勿任玉石俱焚致滋擾累。是為至要。至江內巡船並各臺站人夫船隻著一併全數裁汰封禁。漁船全行開放。分案覈實報銷。所有將軍叅贊等歷次支提銀兩已諭令

宣宗實錄卷三八〇

五

自行造冊歸入總局報部覈銷。又另摺奏軍需銀兩現存無多等語已有旨令戶部如數撥給矣。將此由四百里諭令知之。○又諭昨據齊慎奏夷船全數退出鎮江江面肅清擬即與奕經會商分別撤留兵勇等語當降旨依議行矣。現在逆夷已經就撫船隻盡行出江自無庸多設防兵。虛糜帑項。所有徵調各省官兵著該將軍等酌量地方遠近陸續分起撤回歸伍其招募鄉勇亦著次第遣散仍

嚴飭帶兵員弁。及沿途地方官妥為彈壓。毋許滋擾。至江浙兩省本營派防官兵。何處應暫留差遣。何處應先撤歸伍。並著會同該督撫酌量情形。妥籌辦理。以節勞費。至該將軍參贊前後所提軍需局銀兩。著仍遵前旨。於事竣之日。飭令經管之員詳晰造冊。報部覈銷。將此由四百里諭令奕經特依順文。慰齊慎知之。○撥戶部銀六十萬兩。解赴浙江。以濟軍需。○甲寅。諭內閣。前據耆英等奏海齡

實錄卷三

七

殉難屬實。有旨仍照都統例賜卹。並將部議卹典。照議辦理。本日復據耆英等奏。尋獲海齡及伊妻伊孫屍骸。並京口副都統印信。又查明道員稟揭各款。並京口打仗陣亡受傷官兵各一摺。原任京口副都統海齡於鎮江城陷時。自縊殉難。前據耆英等詢取旗員確供。並闔營押結。復據該城紳士等眾口一詞。其為臨難捐軀。已無疑義。茲復尋獲屍骸。眼同伊子宜琛奏。檢明認領。並獲海齡原著葛

紗袍襟。及伊妻所帶玉環。確鑿有據。且據獲漢奸亦祇處斬十三人。其餘訊係平民。均經釋放。是周頊原稟各款。係屬得自傳聞。而海齡見危授命。大節無虧。允宜特為宣布。以息浮言。前有旨准照部議入祀京師昭忠祠。並於該地方建立專祠。所有隨同殉難之伊妻伊孫俱著附祀專祠。海齡靈柩著耆英等派員護送回旗。至驍騎校祥雲。先將副都統印信投入井中。旋亦投水自盡。其父馬甲長松。

實錄卷三

七

業已陣亡。其妻鄔琅罕。濟勒們氏。慮遭汙辱。先將二女刺死。復自戕盡節。伊母卜氏。懷抱伊幼子廷耀。投塘遇救。不知下落等情。闔門殉難。忠節兼全。可嘉可憫。祥雲前已有旨附祀海齡祠內。伊父馬甲長松。除歸入陣亡兵丁案內。照例賜卹外。著與祥雲妻女。一併附祀。以慰忠貞。其母卜氏。其子廷耀。仍著耆英等確切訪查。務得實在下落。無任流離失所。常鎮道周頊。所稟失實。著與該處城陷後未

經殉難文武各員一併查明再行嚴叅所有各處陣亡官兵著即交部照例賜卹○諭軍機大臣等麟慶奏查明黃水歸海處所流行未定議堵議改驟難決計等語著敬徵廖鴻荃於到工後會同履勘悉心籌度是否必須將漫口趕緊興堵挽黃歸故抑或可乘機改道以期變通之處務須統計全局熟權利害妥速定議具奏該處被水災黎並著敬徵等會同麟慶查勘情形分別輕重交地方官妥

實錄卷三八〇

六

為撫卹母任一夫失所是為至要原片著鈔給閱看將此諭令知之○又諭奕經奏長江夷船全行開駛擬將在蘇兵勇分別裁撤一摺喫夷已經就撫船隻全數開駛不日即可入海所有各路調集招募兵勇自應漸議裁撤以節經費著該將軍將所帶河南四川山西陝甘等處征兵二千名河北勇壯五百八十餘名暨齊慎所帶河南四川陝甘廣西江西官兵四千一百餘名一併分別裁撤其現

駐松汙及現駐江寧之河南等省兵應如何酌量情形分別撤留著咨會兩江總督牛鑑覈辦至浙省分募本地鄉勇及分駐杭州等處大隊兵勇並委員所募船勇現擬陸續裁撤此項招募鄉勇應如何次第遣散散後作何安置既不至聚而滋事亦不至窮而無歸著該將軍等詳細熟商會籌妥辦其所獲被脅漢奸雖未便概予駢誅惟不詳加查察一概釋放難保日後不故智復萌別生後患其

實錄卷三八〇

七

應如何分別遞籍嚴加管束及設法豫防之處亦著該將軍等斟酌妥協慎密辦理將此由四百里諭令知之○又諭本日已明降諭旨宣示副都統海齡及驍騎校祥雲殉節實情並將各處陣亡受傷官兵分別賞卹矣所有京口逃散兵丁男婦有在江寧丹陽常州一帶者著即飭令仍歸原處駐防京口副都統本日已另簡齊琅阿補授矣至京口捐軀旗婦均係節烈可嘉著德珠布確切查明一

併咨部旌獎。其常鎮道周頊鎮江府知府祥麟並理事同知全興均係失守官員。城陷後不能殉節。所稱投水遇救。暫避民舍等情。均難憑信。本日又據程喬采奏鎮江等處失守情形。覈與耆英所奏大略相同。惟鎮江失守後。文武各員存亡實情。與耆英所奏間有不符。又上海寶山二城失守各員。及參將繼倫首先逃逸。守備王嘉謨先行他往等語。均係耆英摺內所未詳敘。並恐此外在防文武聞變脫逃者。亦不止此數人。著將程喬采原摺鈔給耆英閱看。即著該大臣一併確查情節。分別嚴叅。毋任稍有朦飾。其由夷船送還兵丁。共有若干名。並各處打仗不知下落官兵。及受傷限內身死兵丁。均著查明。分別奏咨。照例覈辦。毋遺毋濫。又牛鑑奏撤兵歸伍一摺。據奏雇備船隻。由遠而近。分起行走。應給口糧。即於撤防日住支。仍令經過州縣發給行糧。其派守城樓滿洲兵及青州滿洲兵一

併撤回等情。均著照所議辦理。將此由四百里各諭令知之。○又諭麟慶等奏請撤河南防兵。仍酌留兵勇一摺。夷船駛向大洋。江面現已肅清。淮揚地方安定。防兵自宜先撤。所有前調河南南北兩鎮官兵。著即遵前旨。交南陽鎮總兵都勒豐阿統帶。分起歸伍。其挑留河南防兵四百名。一俟河漕兩標調防官兵調還。即著與義勇壯丁盡行遣撤。至江北存礮無多。自應趕緊製造。惟江防礮位與海洋情形不同。祇須三五百斤之礮。即足防禦。且亦靈便適用。不必定須五千斤以下。至千餘斤大礮也。周天爵現在抵浦。已有旨令署漕運總督著李湘茶仍遵前旨。一切事宜。與該署督妥商辦理。其黃興煜是否黃安民。曾否為非。仍著確查具奏。又另片奏捐助軍械之程倌子昌迪。師炳蔡廷榮沈子燮徐志涵秦鏡俱准留工差遣。一俟軍械敷用。即行停止。將此由四百里諭令知之。○又諭麟慶奏

查勘中河運道工程繪圖貼說由驛具陳一摺。中河灌塘事宜。據稱築堤建壩各工。霜降前後均可辦竣。現在軍船已有行抵江南者。著該河督嚴飭各員弁。無分晝夜。上緊趕辦。俟回空到有成數。即灌放南下。不准稍遲。至漫口已壩寬一百九十餘丈。所有兩岸盤頭。尤須堅築裹護。並將溜勢設法挑禦。毋使再有刷塌。又片奏乘機改道一節。現在未能定議。該處缺口。應堵應改。必須籌出萬金。已有旨諭令敬徵等迅速赴工查勘。俟到工後。該河督即會同詳察水勢。悉心籌度。妥議具奏。將此由四百里諭令知之。○調正紅旗蒙古副都統齊琅阿。為京口副都統。京口副都統吳必淳。為乍浦副都統。未到任前。仍以已革協辦大學士兩江總督伊里布署理。○先是漕運總督朱樹以親老乞養。命俟新漕抵通後再請。至是幫船歸次在耶。允之。賞候補知府周天爵二品頂帶。署漕運總督。○乙卯。

上奉

皇太后幸慎德堂進膳。○遣官祭

都城隍之神。○諭內閣。本日吏部奏駁朱煌升補杭州府知府。王壽昌調補嘉興府知府。與例未符。請將該二員撤回等語。向來請旨各缺。原不得將候補人員開單請簡。亦不得以現任人員奏請調補。係屬一定章程。自應遵照辦理。惟念該二府實係海疆要缺。非他省請旨之缺可比。現在夷務甫定。辦理善後事宜。在在均關緊要。必須揀調得人。方足以資治理。著仍遵前旨。朱煌准其升補杭州府知府。王壽昌准其調補嘉興府知府。所遺嚴州府知府。即以珠煩補授。此係朕破格施恩。所有該督等應得處分。著加恩寬免。嗣後各省請旨之缺。仍遵照一定章程辦理。概不得援以為例。○禮部奏。十月初十日

皇太后聖壽節。應行禮儀。得旨是。照例行禮。奉皇太后懿旨。停止筵宴。其在外福晉命婦進內

行禮之處。並著停止。○兩江總督牛鑑等奏。軍需總局內有必須制錢搭放之處。因於寶蘇局庫借支。以資接濟。俟事竣撥還歸款。又奏。丹徒縣倉收貯京口旗營兵米。被匪匪搶。缺無存。請於上冬截留崇明食米項下借撥支放。均下部知之。○以正黃旗滿洲參領樂斌。為正紅旗蒙古副都統。○賞撤防回任吉林黑龍江副都統協領各員。緞匹。○以商力困乏。免江蘇江海關出入船隻稅鈔一次。○

實錄卷一百一

五

丙辰

上御洞明堂。勾到上年湖北湖南浙江情實罪犯。停決湖北斬犯五人。湖南絞犯四人。浙江斬犯二人。餘四十九人予勾。○諭內閣。此次天津防所病故之吉林黑龍江察哈爾兵丁。著照八旗出征兵丁病故之例減半議卹。其山西陝西兩省及直隸省綠營各路兵丁。並吉林黑龍江察哈爾官兵所帶跟役餘丁在防病故。著直隸總督覈實查明。按名酌給銀

兩。官為收埋。事竣報部覈銷。○丁巳

上詣綺春園問

皇太后安。○以捐辦河南省城善後工程。予道員李凌雲等加銜升敘有差。○戊午。諭內閣。前據祁項奏。稱粵東外海水師乏員。請酌量變通一摺。當交兵部議奏。茲據該部奏稱。該督因水師乏人。請揀選酌保。自應量為變通。著准其於陸路將備內酌保遊擊都司各一員。守備千總把總各二員。仍令帶赴外洋試

實錄卷一百一

五

驗一年期滿。果能擒賊立功。熟諳水性。准其保題送部引見。至雲騎尉恩騎尉及隨營武舉。有願改水師者。並著准其隨時呈改。照例補用。惟外海水師與陸路迥不相同。必須於洋面情形。身親閱歷。方能勝任。著責成該督及水師提鎮。將所保人員及呈改水師各員。飭令前赴外洋。實心講求水師事宜。果能熟習風濤。足資得力。方准輪缺挨補。不得虛應故事。有名無實。儻改用水師之後。於外海巡



防。不能留心學習。除將所保之員撤回外。並將原保之該上司照例議處。決不寬貸。○又諭。訥爾經額奏。請暫留總兵等語。山西太原鎮總兵善祿著准其暫留天津。會同天津道陸建瀛候補道文康。經理善後事件。事竣後再回本任。其山西官兵一千名。即令原派之參將得升等分別管帶回營。以資彈壓。○又諭。訥爾經額奏。吉林黑龍江官兵原領直隸營馬。擬請照數撥補一摺。山海關一帶吉林

宣宗實錄

卷三八〇

黑龍江官兵原領直隸營馬五百零三匹。該官兵現俱乘騎歸伍。又陸續撥補倒斃馬三十八匹。共五百四十一匹。著准其仍於南苑牧放餘馬內一併請領。分給各營。以資差操。並著訥爾經額迅即派員來京領取。○諭軍機大臣等。訥爾經額奏調防本省官兵。應否撤回等語。直隸沿海一帶。現有添募新兵。足資防守。所有調防之本省綠營官兵。著俟山西陝西官兵起程後。再行分起撤回歸伍。將

此諭令知之。○兩江總督牛鑑等奏。行營糧臺及松江分局軍需總局需用經費。請暫貸江蘇司庫銀。以資支用。俟奉撥軍需銀兩解到。即行歸款。下部知之。○以正藍旗蒙古都統哈琅阿為御前侍衛。○賞休致廣州將軍阿精阿全俸。○己未諭內閣。吳淞海口。迨夷船駛入。又不能守。以致該夷直犯長江。進逼江寧省垣。是數月工夫。毫無準備。糜餉勞師。令人忿恨。現在吳淞業經就撫。船隻全數出江入海。朕軫念黎民塗炭。不得不曲意勉從。著英等所請。准令吳淞通商。俾吾民樂業安居。免罹鋒鏑。而追維前事。各有攸歸。牛鑑以一品大員。封圻重寄。辜恩溺職。有傷國體。若不嚴加懲辦。何以昭國法而勵官常。牛鑑著

宣宗實錄

卷三八〇



即革職拏問。由者英派員解京。交刑部治罪。程喬采亦有守土之責。究因防護蘇州省城。未經帶兵督戰。與牛鑑有間。德珠布於鎮江失守。亦有防堵不力之咎。均著交該部分別嚴加議處。尋議。均照溺職例革職。得旨。德珠布著加恩改為革職留任。六年無過。方准開復。程喬采著降為三品頂帶。加恩改為革職留任。八年無過。方准開復。○諭軍機大臣等。著英等奏夷船全數出江入海。並遵旨查覆。及請赴粵東會辦稅餉各一摺。覽奏均悉。該夷既稱除五港口外。僅有船隻駛往。即以貨物入官。情詞尚為切實。其嗣後商欠。亦不求官為代還一層。俟伊里布到粵時。再與要約切實。免致日後藉口。啓豐。唏哪。哂船。已與英夷船隻先後出江。似不致別生事端。亦著伊里布再加確探。有無別情。另行具奏。現在夷船雖已入海。尚未全行南駛。著英已授兩江總督。所有上海等處應辦事宜。著次第妥辦。

實錄卷一百一

天

者英所帶盛京杭州官兵弁兵丁。著即飭令各回本處。所有辦理餉稅。及一切通商事宜。著者英通盤籌畫。與伊里布詳細商酌。務臻妥善。以便伊里布到粵後。逐款定議。俾得日久相安。無滋流弊。將此由六百里加緊諭令知之。○以欽差大臣廣州將軍耆英。為兩江總督。○以署乍浦副都統伊里布。為欽差大臣。廣州將軍。命江蘇按察使黃恩彤。四等侍衛咸齡。隨往辦理事件。○命靖逆將軍奕山來京供職。○庚申。諭內閣。特依順奏。官兵空缺。不敷挑選等語。乍浦官兵空缺。除委署前鋒校等缺。仍著照舊遞升外。所有空缺甲兵。不敷挑選。准其暫行停止挑補。隨後再行酌量籌補足額。如現在再有缺出。准其於小糧內遞相挑拔。其陣亡官七缺。未便久懸。著該署將軍於各該員弁內。隨時察看。陸續補放。以歸原額。而重操防。○調鑲藍旗蒙古都統載垣。為正藍旗漢軍都統。以宗人府左宗人綿

實錄卷一百一

天

德。兼鑲藍旗蒙古都統。調正藍旗蒙古都統。哈琅阿。為鑲紅旗漢軍都統。以都察院左都御史奎照。兼正藍旗蒙古都統。○以防堵天津出力。賞直隸總督訥爾經額太子太保。道員陸建瀛按察使銜。提督周悅勝等。緞匹。並議敘有差。○命五城於冬春二季設廠。焚販。

實錄卷三百八

辛酉

大清宣宗效天符運立中體正至文聖武智勇仁慈儉勤孝敏成皇帝實錄卷之三百八十

載修

道光二十二年。壬寅。九月。辛酉。

實錄卷三百八

上御洞明堂。勾到上年江西安徽河南情實罪犯。停決江西斬犯五人。安徽斬犯二人。絞犯二人。河南斬犯二人。絞犯四人。餘四十五人予勾。○諭軍機大臣等。麟慶奏。查明黃流入海。比較舊道遠近。及被淹村莊情形。繪圖貼說。由驛具陳一摺。覽奏均悉。著麟慶即將應辦各事宜趕緊籌畫。務期軍船無誤回空。為要。又據稱黃流入海。查自蕭莊至舊海口。隄路四百二十餘里。至埭子口三百五十餘里。

至灌河口三百六十餘里。灌河口距舊海口一百餘里。著徵廖鴻荃到工後。詳察情形。應堵應改。會同麟慶酌商妥辦。總須日久無弊。不但下游可期通暢。即上游亦可保安瀾。方為妥善。所有被災之桃源等各州縣。應行撫卹之處。並著該尚書等會同該河督派員趕行辦理。原圖著發給徵廖鴻荃閱看。將此各諭令知之。○又諭前派慧成、王植馳赴湖南查辦事件。計此時尚在中途。本日已命

軍機大臣等

二

慧成署理河東河道總督。所有湖南案件。應派大員前往會辦。著麟魁接奉此旨。即將山東巡撫印務交托渾布接收。迅即馳赴湖南。會同王植查辦各案。至所查事件。前已諭知王植。該侍郎務悉心商榷。秉公辦理。無負委任。將此由四百里諭令知之。○以兵部左侍郎慧成署河東河道總督。○壬戌。諭內閣。德珠布奏請將京口軍政展限一摺。京口被難駐防官兵。前經暫駐各處。現在夷務既定。該

處舊有衙署兵房。是否尚堪居住。其散處蘇常丹陽江寧之男婦子女。應如何資送回郡之處。著該將軍次第籌辦。至本年京口駐防軍政。著緩至下屆舉行。○貸山東鄒縣修橫河口李家河口民堰銀。○癸亥。

上御洞明堂。勾到上年江蘇山西情實罪犯。停決江蘇斬犯三人。絞犯一人。山西斬犯六人。絞犯一人。餘四十八人予勾。○諭軍機大臣等。啖夷現已就撫。江面肅清。浙江招寶山夷

軍機大臣等

三

船亦已退出。齊慎著即回四川提督之任。所有奕經等前調各省官兵。自應撤令歸伍。以省勞役而節糜費。著該將軍等即將各路官兵分別道里遠近。陸續撤歸原省。仍嚴飭管帶各員。沿途妥速行走。毋許滋擾。奕經、文蔚俟各兵將次撤竣。即行來京供職。隨帶文武各員。著一併分別飭回。將此由四百里諭令知之。○實授特依順杭州將軍。○甲子。

上詣綺春園問

皇太后安。○湖廣總督裕泰奏。接准江省咨會。夷船全行開駛。擬將遵辦赴皖策應之木筏兵勇。分別拆卸撤回。以節糜費。報聞。又奏。楚岸行銷淮引。凡鹽船到楚。均聚泊武昌省城下游塘角地方候售。向有刁頑船戶。中途盜賣。將船鑿沉。名曰放生。又有三把槳划船受雇乘機竊運。本年夷船闖入大江。儀徵鹽艘被焚。舵工人等紛紛逃避。來楚。負鹽四出發賣。並有匪徒刊刷傳單。創議減租之事。現經拏獲各犯。飭屬分別嚴審。盡法懲治。以期弊絕引暢。報可。○以捐修福建省城。予六品頂帶何道觀等加銜議敘有差。○改鑄西安滿洲營歷年炸壞礮位。從將軍布彥圖等請也。○封閉廣西平樂縣硝廠。從巡撫周之琦請也。○戶部議准。前任陝甘總督恩特亨額疏報。甘肅臬蘭縣開墾旱田一項四十一畝。有奇。照例升科。從之。○乙丑諭。內閣。奏。現已就撫。一切通商章程。善後事宜。在在均關緊

要。著英現授兩江總督。所有江蘇省通商善後諸務。著會同程商。尤勑籌議辦理。其江北一帶善後。並著該督等會同李湘茶籌辦。至浙江福建二省。雖非該督統轄之區。惟事期經久。法宜畫一。即有因地制宜之處。亦必會商妥議。俾夷商有所遵守。辦理不致兩歧。所有浙江省通商善後各事。亦著著英會同劉韻珂段永福。一併妥議。其福建善後事宜。著怡良。劉鴻翔。實振。彪。普。陀。保。悉心籌辦。至該省通商章程。仍著怡良等咨商著英。妥為定議。現在夷務甫定。該督等務須因時因地。謀及久遠。總期盡善無弊。切不可將就目前致貽後患。至兩江總督。本有兼轄河防之責。著英事務較繁。所有南河修築事宜。暫且無庸兼管。俟各省會商事件辦理完竣。再行照常兼管。○又諭。禧恩等奏。嚴查沿江邊界一摺。盛京內地民人。私越朝鮮邊界。構舍墾田。前經降旨。令該將軍等查辦。茲據委員在榆

樹林子卡倫所屬。及帽爾山卡倫所屬界內查出窩棚二十八處。草房九十餘間。私墾田地三千三百餘畝。當經分別焚燒平毀。並將人犯唐仁等拏獲。詢據該國官員人等指稱。原報實係此地。別無遺漏等語。所辦尚好。所有拏獲人犯唐仁。江文彩。姜寬三名。著即會同盛京刑部嚴行究審。按律定擬具奏。其未獲逸犯。仍著嚴飭卡倫官兵。按名查拏究辦。嗣後春秋二季。著照所議。遴派統巡等官。親

軍機處

詣該處逐細查勘。如有沿江蓋房墾地之犯。立即拏究。仍著該將軍等隨時簡派公正得力之員。再行前往密查。儻統巡等官視為年例具文。復有隱匿遺漏不實不盡之處。一經查出。即將失察各官及原查各員。一併據實嚴叅。毋稍容隱。所有此次失察水曲流川等三處私蓋窩棚偷墾田地之總巡守卡等官。及失察該犯唐仁等越邊之邊門文武章京各職名。著即查取送部。分別議處。尋奏。唐仁

江文彩在倉病斃。姜寬擬發附近充軍。下部議。從之。○又諭禧恩等奏。拏獲售賣鴉片人犯一摺。盛京西門外訪獲售賣鴉片煙土人犯梁恩甲一名。起獲煙土三十九兩。甚屬認真可靠。該犯梁恩甲。著交禧恩會同盛京刑部嚴審定擬具奏。盛京為根本重地。嗣後仍當嚴飭所屬。隨時查訪。嚴拏懲辦。務淨根株。毋得始勤終怠。尋奏。訊明梁恩甲係創獲伊父理棄煙土。尚未售賣。擬發極邊足四千里

軍機處

充軍。下部議。從之。○諭軍機大臣等。英經等奏。江浙夷船退出。請將各路兵勇酌撤一摺。現在暎夷就撫。江面肅清。所有英經等帶赴江南丹陽無錫之河南等省各弁兵六千餘員名。即著分起陸續撤回。該弁兵所請借支俸餉添補衣履之處。即著照議。札飭糧臺。准其借支。仍報部存案。並行知各省。統俟回營之日。照例分年坐扣歸款。至遣散壯勇內有距原籍較遠者。即著自離營之日起。每名酌

給半月口糧。並按站發給制錢一百文。俾資旅費。所有領過軍火器械。一概收繳。其由餘丁募充者。著隨同各該省官兵行走。仍歸原營。餘著按日分起行走。並飭令委員及原帶官隨後督催前進。務期約束嚴明。無任逗留滋事。將此諭令知之。○又諭。特依順等奏。鎮海夷船退出。現飭妥為撫輯一摺。該夷據鎮海縣城。一載有餘。現在業已全退。亟應招集流散。安撫居民。彈壓土匪。著即照議飭令該道府等督同該署縣。受速趕辦。至城垣衙署礮臺等項。應修應建各工。亦著分別緩急。次第辦理。定海現泊夷船六十餘隻。是否即行開駛。仍著該將軍等確探具奏。其善後通商事宜。本日已明降諭旨。交著英會辦。著劉韻珂隨時咨商。著英並會同段永福悉心熟籌。務臻妥善。將此諭令知之。○丙寅。上御洞明堂。勾到上年山東直隸熱河情實罪犯。停決山東斬犯二人。絞犯六人。直隸斬犯

六人。熱河斬犯一人。餘五十五人予勾。○諭內閣。本日閱山東秋審冊。情實二十二起。內語言調戲致本婦女羞忿自盡者。共有五起。民間犯案情節。或異或同。原屬無定。惟一省之中。一年之內。情節相同者。何竟有五起之多。因思語言調戲之案。雖入情實。向予免勾。恐該地方官於定案時。先存一救生不救死之見。避重就輕。豫為開釋地步。不知死者含冤。殊失持平之道。嗣後著各直省督撫。督飭臬司及各地方官。於此等關繫人命之案。尤須詳加推鞫。務得實情。毋枉毋縱。以副朕明慎用刑之至意。將此通諭知之。○又諭。怡良等奏。州縣同時被水。請委員前往查勘撫卹一摺。福建汀州府屬之長汀。上杭。永定。連城。漳州府屬之龍溪。並龍巖州。漳平縣。因本年七月初旬。同時被雨。山水陡發。以致衝塌民房。淹斃人口。亟應查明撫卹。現據奏稱。委員前往會同各該地方官。確勘被災輕重情形。

分別辦理。著該督撫等嚴飭該道府暨印委各員。趕緊查勘。務將被水居民。妥為安撫。毋致一夫失所。以副朕軫念災黎至意。○給廣安門外普濟堂煮賑小米三百石。○丁卯。諭內閣。恩桂等奏查明

天壇各壇內乾朽樹株。請旨飭辦。著派特登額。會同德勒克色楞王。明培。成載。堪前往敬謹查看辦理。○又諭。祁項等奏委員勘辦被水情形一摺。廣東潮州府屬之海陽大埔。豐順

三縣及嘉應州。因七月間大雨連宵。河水暴漲。以致倒塌民房。淹斃男婦。亟應查明撫卹。現據奏稱。委員會同確勘。著該督撫等嚴飭各該地方官。妥為安撫。務令被水居民。不致流離失所。並著分別被災輕重情形。覈實撫卹。以副朕軫念民依至意。○又諭。已革烏什城守營都司升任遊擊徐慶元。縱容伊妾盤剝兵丁。復任意科斂。經該管大臣查叅。輒敢據款稟許。實屬刁詐。應如該部所議。徐慶元

著從重發往伊犁效力贖罪。以示懲儆。所有該處馬廠幫工錢文。應令該辦事大臣出示永遠禁革。以除陋習。而肅軍政。○諭軍機大臣等。據都察院奏。江蘇捐職州同王維嶽。以晝搶羣殺。畏盜埋冤等詞。遣抱告耿仁赴該衙門具控。已明降諭旨。交周天爵會同李湘茶嚴訊矣。此案王維嶽控稱。本年七月間。徐州府蕭縣袁家圍集。有著名大盜馬宗禹等率領多人。持械行劫。將伊兄姪王維垣。王廣

齡。圍殺身死。馬宗禹等又糾合黨羽。橫行村落。搶奪營馬兵器。拒捕扎傷把總。及兵役數人。文武官弁。規避處分。又畏其兇橫。不敢實報。各等語。案關大盜結夥。擾害閭閻。並斃命拒捕。各重情。如果屬實。大千法紀。著周天爵等確切根究。將該盜犯首夥。按名捕獲。嚴加懲辦。毋任漏網。至該地方官。如查有規避諱飾情事。並著嚴行叅處。毋稍姑容。將此諭令知之。○又諭。據都察院奏。山東民人盛立業



奉天民人李化。以擅立班館。非刑斃命。挾嫌捏稟。濫捕無辜等詞。在該衙門具控。已明降諭旨。交禧恩會同盛京刑部嚴訊矣。據盛立業控稱。遼陽州捕頭李宗成。因索賄不遂。將伊弟盛立仁。非刑斃命。經鄰封相驗。指稱伊弟自戕身死。李化一控。稱李宗成挾嫌捏稟。誣以抗糧毆差。因而率領多人。持械勒索。又該捕役擅立班館。名稱老虎班。斂取竊賊賭博月規各等語。案關索賄斃命。該縣相驗不實。捕役私設班館。擾害居民。如果屬實。大千法紀。著禧恩等確切根究。按律懲辦。以儆兇頑。毋許稍有。不實不盡。將此諭令知之。尋奏。訊明李宗成。雖無私設班館。非刑斃命等情。惟拖累無辜之盛立仁。被押自戕。應依律擬軍。盛立業所控。雖未盡實。但因痛弟情切。應請免議。李化一係外來流民。控屬子虛。應得軍罪。因年已八十。照律勿論。遞回原籍管束。下部議。從之。○以詹事府詹事舒興阿為

內閣學士。兼禮部侍郎銜。○禮部議准。江蘇巡撫程商采疏報。採訪江都甘泉二縣貞節婦女馮史氏等一千四百八十六口。廣東巡撫梁寶常疏報。新會縣陳伍氏等一千五百五十三口。各請建總坊旌表。從之。○修浙江東西兩塘柴埽盤頭各工。從巡撫劉韻珂請也。○展緩浙江海寧嘉興秀水嘉善石門桐鄉海鹽平湖八州縣災歉地畝舊欠正雜額賦。○戊辰。諭軍機大臣等。寄諭沿海各將軍副都統。督撫提鎮等。現在暎夷就撫。准令通商。各海口仍應加意防範。從前所設水師船隻。幾同具文。且今昔情形不同。必須因地制宜。量為變通。所有戰船大小廣狹。及船上所列槍礮器械。應增應減。無庸泥守舊制。不拘何項名色。總以製造精良。臨時適用為貴。即如各口岸所安大礮。及屯守兵丁。若令其終年在彼擺列駐紮。斷無是理。必應設法妥籌。期於有濟。至臨敵之際。礮位兵丁。不可排列



前面。後路應如何層層接應。或旁抄夾擊。出奇設伏。方可制勝。無論陸路水師。其兵丁應如何遴選技藝。勤加訓練。方臻純熟。船上與岸上施放槍礮。各有機宜。應如何分別講究。沿海大小島嶼。可否另有布置。儻仍視為一概相同。臨時安能得力。至江海要隘。如何布置。方可扼要固守。種種善後事宜。著各就地勢。悉心講求。妥議章程具奏。將此各諭令知之。○又諭。朱樹李湘。茶奏。同空軍船。陸續住

軍機處存案

泊。酌議應辦章程。開單呈覽一摺。據奏。同空軍船。實應歸次者二千五百九十餘隻。應飭各幫弁各就地段。或里許。或半里。酌留空地。以次排泊。其水手人等有酗酒賭博滋事者。即令本幫運弁責處。其與民人交涉事件。送交地方官懲辦。並仍令各省總運丞倅駐幫彈壓。以昭慎重。至稽查奸匪涸跡。仍令各幫弁按冊點名。如有不符。即行根究。並飭沿河委員。將未經住泊各船。實力催趲候渡。俾得

及早歸次各等語。著周天爵會同李湘。茶即照所議認真辦理。惟現在河面寬闊。水勢湍激。挽拽較難。雖已屆霜清水落。仍不可不加慎重。著會同麟慶隨時相度機宜。督飭河漕各員悉心妥辦。務使幫船穩渡。而又不致遲延。以副委任。將此各諭令知之。○己巳。諭內閣。御史黃贊湯奏。盜匪滋擾行旅。請飭嚴拏一摺。除暴所以安良。近來捕務廢弛。屢有盜劫之案。若如該御史所奏。山東河南地方。盜

軍機處存案

賊肆擾。或裝扮兵役。白晝嚇詐。或執持刀械。黃夜劫掠。實為地方行旅之害。山東河南與直隸接壤。不可不嚴行拏辦。著直隸山東河南各督撫嚴飭各該地方官。無分晝夜。實力查拏。務使匪徒絕跡。道路肅清。經此次飭諭之後。儻不肖州縣。仍復因循怠玩。視緝捕為具文。以致養癰貽患。著該督撫等嚴行叅辦。毋得稍事姑容。○又諭。劉韻珂奏。拏獲抗官滋事首要各犯。解省審辦一摺。浙江歸安縣

匪徒嵇祖堂等藉災滋事。誘脅鄉民。開堂抗糧。戕害兵役地保。種種不法。經該撫等飭令鎮道將嵇祖堂及要犯湯益藩王鳳求拏獲。並先後拏獲周阿二等犯數十名。訊有隨同滋事等情。現在解省嚴審。所辦甚好。該犯嵇祖堂逞兇藐法。叛跡顯然。著即盡法懲處。以儆兇頑。其餘各犯。俟審明後分別按律辦理。未獲餘匪。准其暫留處州兵三百名。由該鎮道等派撥撥拏。毋任漏網。此次所獲嵇祖堂

宣宗實錄卷三八一

六

等首要各犯。是否由文武員弁設法弋獲。抑係由鄉民縛獻到官。摺內未據聲明。著該撫確查具奏。至此案由於藉災起釁。該縣知縣勘辦是否允當。如有縱容書吏舞弊。激成事端之處。著即嚴叅懲辦。以昭平允。所有拏獲各犯之文武員弁。尚屬奮勉。並著該撫於定案後擇其實在出力者。酌保數員。候朕施恩。毋許冒濫。○諭軍機大臣等。本日據牛鑑奏儀徵縣老河影地方。俗名老虎頭。向為巴桿

匪徒聚集之所。專以販私為業。毫無忌憚。本年暎夷船隻入江。該處廬舍被其焚燬。而頭目人等又經收為壯勇。現在夷船退去。趁此籌辦。較易得手。已飭但明倫等悉心籌畫。是否可將奇兵營遊擊帶同兵丁移駐該處彈壓稽查。毋任匪徒造屋搭蓬。續行盤踞。並欲將該頭目人等募充兵丁。因材駕馭。祇許分散各營。不容專聚奇兵營一處。以免後患等語。私梟盤踞馬頭。久為鹽務地方之害。自宜

宣宗實錄卷三八一

十七

趁此機會。淨絕根株。新任兩江總督耆英。事務殷繁。難以兼顧。著該署少卿等親赴老河影地方。察看情形。奇兵營遊擊是否可以移駐。至不逞之徒。募充兵丁。分散各營。是否可收實用而無流弊。著通盤籌畫。妥議具奏。務使地方從此安靜。奸孽不致萌生。是為至要。將此諭知李湘棻。並傳諭但明倫知之。○又諭寄諭江西巡撫吳文鎔。御史黃贊湯奏。江西南贛會匪。沿河搶劫。終歲皆然。冬令尤甚。

有撐駕船隻假充船戶者。其船名摸牌船。又  
名白米船。見外來客商。招誘雇載。登船後投  
以迷藥。進以悶煙。乘機搬運行囊。甚至戕其  
軀命等語。匪徒搶劫客商。誘害行旅。實為地  
方之患。著該撫嚴飭沿河地方文武各員。實  
力查拏。嚴行懲辦。以除積匪而安商旅。將此  
諭令知之。○又諭。奕山等奏查明夷船來往  
情形。並酌裁壯勇一摺。覽奏均悉。現在暎夷  
業已就撫。著祁項梁寶常體察情形。即將防  
兵征兵盡撤。並將壯勇逐加裁汰。所有酌留  
兵勇三四千人。分駐礮臺防守。以後陸續收  
入行伍。俾得食糧。著照議辦理。此項兵勇。務  
須認真挑選。擇其年力精壯者。分飭將弁等  
勤加訓練。總期悉成勁旅。堪資得力為要。將  
此諭令祁項梁寶常知之。○署河南巡撫兼  
署河東河道總督鄂順安奏報秋汛安瀾。命  
詣  
河神廟祀謝。出力員弁升敘有差。○庚午。諭

內閣麟慶奏請將革職留工之道府各員暫  
緩交卸一摺。已革署淮海道沈鎬。署淮安府  
知府曹聯桂。河營參將呂邦治。遊擊李承章。  
前經降旨一併革職。留工效力。茲據該河督  
以趕辦運道回空。經管錢糧及在事各員。未  
便全易生手。請將該革員等暫緩交卸。沈鎬。  
曹聯桂。呂邦治。李承章。均著准其暫緩交卸。  
責令趕辦回空。該革員等即能辦理迅速無  
誤。斷不准再行具奏。○諭軍機大臣等。奕山  
等奏製造戰船一摺。據稱快蟹拖風撈繒八  
槳等船。僅可用於江河港汊。新造之船。亦止  
備內河緝捕。難以禦敵。惟在籍郎中潘仕成  
捐造之船。極其堅實。駕駛演放。礮手已臻嫺  
熟。轟擊甚為得力。並倣照咪喇堅國兵船。製  
造船樣一隻。現擬酌照暎夷中等兵船式樣  
製造。並將年分例修師船暫停。節省為改造  
大船之用。各等語。朕思防海事宜。總以造船  
製礮為要。各省修造戰船。竟同具文。以致臨

時不能適用。深堪憤恨。此次所造各船。自不至拘守舊日式樣。有名無實。據奏停造例修師船。改造戰船。所辦甚合朕意。均著照議辦理。惟海船大礮。係屬懸放。火藥發時。勢必向後坐掣。如何得有準頭。現據該督等奏業已嫻熟得力。著將如何施放之處。再行詳晰具奏。所進圖說各五件。著再繕就三分。咨交江蘇福建浙江督撫。本日已有旨諭令各就該洋面情形詳加履勘。何者合用。奏請製造。並將原件發給。訥爾經額轉交托渾布閱看。如果合用。將來均需粵省製造。分運各省。據奏潘仕成所捐之船。堅實得力。以後製造船隻。即著該員一手經理。斷不許令官吏涉手。仍致草率偷減。所需工價。准其官為發給。並不必限以時日。俾得從容監製。務盡所長。再喫夷就撫通商。廣東海口。為夷船經由要道。必應加意防範。戰船現已製造。其餘槍礮器械。應增應減。毋庸泥守舊制。總以精良適用為

貴。其口岸所安大礮及屯守兵丁。斷無令其終年擺列駐紮之理。必應設法妥籌。期於有濟。至臨敵之際。如何逐層接應。出奇制勝。水陸弁兵。如何精選勤練。務臻純熟。船上岸上。施放槍礮。各有機宜。亦應分別講究。並各處口隘。如何扼要固守。種種善後事宜。著伊里布到粵後。會同祁項等悉心講求。妥議具奏。將此諭令知之。○又諭。昨據奕山等奏。現籌製造戰船之法。將官紳等造成各船式樣。繪圖貼說呈覽。朕思天津海口。尤為近畿要地。防海船隻。自應豫為籌備。惟此項海船。為巡哨禦侮之需。必應因地制宜。方適於用。所有粵省進呈吳建勳等戰船圖說各五件。著發交訥爾經額閱看。並詳細體察天津等處洋面。於圖內所繪戰船。何項最為合用。悉心妥議奏聞。候旨交廣東製造。運赴天津。儻現呈船式。於天津洋面均不甚相宜。亦著據實具奏。至此項圖說。該督接奉後。即各照繕一分。

咨交山東巡撫托渾布閱看遵辦。該督仍將發給圖說原本呈繳。將此諭令知之。尋奏查戰船之設。原以備巡哨而資禦侮。惟洋面海口。南北情形不同。必須因地制宜。方適用於除遵繕圖說一分。移咨山東巡撫外。當與天津鎮道等詳悉籌計。已於善後章程內酌議備船一條具奏。候旨遵行。報聞。○又諭。寄諭兩江總督耆英。閩浙總督怡良。浙江巡撫劉韻珂等。昨據奕山等將廣東省官紳造成各

廣東奏卷八上

三

船式樣。繪圖貼說呈覽。江南福建浙江海防情形。各處互異。此項圖說各五件。現已飭令祁項等照式另備三分。分寄各該省。該督撫等俟粵省寄到後。各就所轄洋面。察看何船適用。足以禦敵。或於海道不甚相宜。而於江防亦堪制勝。即著悉心詳議具奏。候旨發交廣東。令其各就該省所需之船。如式製造。再行分別運赴各省。如或於江海形勢俱難得力。亦著據實奏聞。不必稍存遷就。將此諭令

知之。○又諭。各省設立駐防兵丁以資防衛。必須遴選技藝訓練精熟。方收禦侮之效。廣州地方濱近海洋。尤為扼要。現在夷務甫定。仍應加意防範。所有駐防兵丁。著伊里布於到任後會同裕瑞。官文認真校閱。破除積習。裁汰老羸。挑補精銳。總期一兵得一兵之用。至今昔情形不同。有應隨時變通之處。尤須詳細講求。豫為辦理。從前戰船。幾同具文。不堪適用。此後船隻及槍礮器械等件。應增應

廣東奏卷八上

三

減。或須改易製造。總以精良適用為要。萬不可拘定舊制。徒勞無益。各處口隘。應如何分別緩急。擇要駐紮。亦須詳察地勢。妥為布置。一切善後事宜。即著該將軍等妥議章程具奏。將此諭令知之。○又諭。現在辦理善後。廣東地方。水師尤為喫重。其將備能否得力。船隻如何備用。器械如何製造。以至平日如何巡哨。臨敵如何制勝。全在該提督處處留心。方能率屬講求。力加整頓。現任吳建勳。朕不

深悉其人是否於廣東洋面一切操防訓練  
駕駛攻勦事宜均能諳習著祁墳密加查看  
據實具奏如不能勝任即於水師人員內就  
該督素所深知實在可靠者密封具奏朕為  
水師得人起見且該督統轄兩省事務較繁  
如果提督得人即該督亦獲收指臂之助萬  
不可意存遷就重孤朕望將此密諭知之○  
又諭昨據奕山等奏籌畫製造戰船之法並  
將官紳等造成船隻式樣繪圖貼說呈覽此

項圖說各五件已發交訥爾經額令照繕一  
分咨交山東著托渾布於接到時詳細察看  
山東省海口情形何項船隻適用即行具奏  
候旨交廣東製造發往山東以備防海之用  
儻於該省海道不甚相宜亦著據實具奏將  
此諭令知之○以江南狼山鎮總兵官李廷  
鈺為浙江提督雲貴督標中軍副將阜陞為  
狼山鎮總兵官○以拏獲聚眾結盟匪犯予  
大學士四川總督寶興議敘餘加銜升補有

差○予故浙江提督段永福祭葬賞銀三百  
兩治喪○辛未

上詣綺春園問

皇太后安○御洞明堂勾到新疆雲南貴州廣  
西福建情實罪犯停決新疆斬犯一人貴州  
斬犯三人絞犯一人福建斬犯二人餘九十  
八人予勾○諭內閣兵部奏南苑牧放倒斃  
馬匹請變通撥補本日又據培成等奏馬匹  
全數出苑各一摺所有直隸天津各營縣應  
行撥補馬匹業據培成等提撥足數著即照  
議辦理至直隸出青在苑牧放馬匹除充補  
前次及陸續倒斃外實存馬二千二百六十  
八匹即著交該省委員收領其不敷原額馬  
一千八匹著鐵麟等於各蒙古捐輸馬內照  
數撥歸直隸以足原額即由宣化鎮就近驗  
收分領其倒斃馬匹皮張著交兩翼監督變  
價歸繳○又諭此案琿璋等疊次假印冒領  
庫貯現供有曾經司員等查出復行消弭情

事。必應徹底根究。除郎中克明額業經病故外。郎中富呢雅杭阿。員外郎明浩。俱著解任。其珽璋所供道光十六年營造司掌印司員。暨銀庫郎中。亦著內務府查明。一併解任。歸案審訊。刑部堂司各員。務當細心究訊。斷不准有所瞻徇。致令不實不盡也。懷之。○諭軍機大臣等。寄諭兩江總督耆英。御史雷以誠奏。豫籌款項及善後事宜一摺。據稱暎夷各國所需中國貨物。以茶葉大黃湖絲為最。該夷前曾不經牙行。向商購買茶葉。載回盡屬假造。請於茶葉大黃湖絲出產地方。及經過各關口。聚頓各牙行。實力稽查。酌加稅銀。現在增給口岸。將來地方如何整頓。兵將如何設備。請飭熟思遠慮等語。暎夷現已就撫。所有通商章程。善後事宜。前已有旨令該督妥籌具奏。並將閩浙二省應辦事宜。均交該督會辦。該御史所奏。陸續加增茶葉大黃湖絲稅銀。以抵所賞該夷之項。所奏不為無見。惟

有無苛累及民。能否禁絕走私。並如何整頓口岸。嚴防要隘之處。著即通盤籌畫。悉心妥議。務期操縱在我。足以收利權而杜後患。方為盡善。雷以誠原摺。著鈔給閱看。將此諭令知之。○壬申。

孝慈高皇后忌辰。遣官祭

福陵。○諭軍機大臣等。富勒敦奏。請將防堵官兵。撤回一摺。暎夷現已就撫。所有沿海防兵。自應一體酌撤。以節勞費。所有

前次調赴石河口防堵山海關冷口喜峰口滿洲營官兵二百餘員名。暨滿洲營安設礮位。均著一併撤回。其揀出尚可適用之紅衣銅鐵礮九位。著該副都統每屆操演之期。親加演試。務期精熟。其不堪適用之礮六位。即著照議交山海路遊擊收貯。將此諭令知之。

○癸酉。

上詣

大高殿行禮。○還宮。○諭軍機大臣等。敬徵等



奏。查看挑北漫口情形一摺。據稱會勘缺口水面。東西兩壩裏頭護埝。足資抵禦。其改由中河倒塘各工。約計完及九分。添建藉口托清各壩。布置尚屬周密等語。著即責成敬徵廖鴻荃。周歷南北兩岸及各海口。並舊河各道。逐一詳細查勘。應堵應改。熟審機宜。籌定大局。毋庸會商麟慶。妥議具奏。將此諭令知之。○江南壽春鎮總兵官岱昌奏謝實授恩得旨。壽春兵弁。素稱強勁。各項技藝。斷不准稍有廢弛。務當精益求精。咸歸勇壯。凜之勉之。○以服闋布政使龔綬為四川布政使。○革職留任江南河道總督麟慶奏報節交霜降。修防平穩。出力員弁議敘有差。○以孟冬時享。

太廟。自是日始。齋戒三日。○甲戌。

孝敬憲皇后忌辰。遣官祭。

秦陵。○諭軍機大臣等。本日伊里布等馳奏遵旨會議一摺。據奏通商輸稅則例案據俱在

廣東。必須到粵後體察情形。方能酌辦。其商欠不求代還一層。已與該夷議定。載入條款。各等語。著伊里布於到粵後察看情形。將稅課事宜妥行定議。萬不可稍存遷就。貽誤將來。其商欠一節。再與切實要約。不能官為代還。免致日後藉口。所有應議各事宜。該大臣務當慎之又慎。不准稍留罅隙。另片奏隨帶員弁。已明降諭旨允行矣。將此由四百里諭令知之。○又諭寄諭兩江總督耆英。伊里布等馳奏遵旨會議一摺。據稱通商舊有例案。俱在粵東。一切應行詳籌事宜。俟抵粵後查明酌辦。其嗣後商欠不求官為代還一層。亦俟到粵時。再與切實要約等語。已諭知伊里布斟酌妥辦矣。至通商及一切善後章程。在在均關緊要。前因兩江總督管轄較繁。並需會辦閩浙兩省諸務。已有旨令耆英將南河修築事宜。暫且無庸兼管。該督務當專心致志。督辦江防及一切應辦公務。所奏赴清江



浦會晤麟慶。講求河務一節。著仍遵前旨。俟各省會商事件辦竣。再行奏明請旨。將此由四百里諭令知之。○命福州將軍保昌來京。以陝西巡撫壁昌為福州將軍。未到任前。以閩浙總督怡良兼署。○以辦理漕務妥速。予坐糧廳吏部郎中重熙等升敘有差。○予因公淹斃河南知縣李雲松祭葬卹廕。○乙亥諭內閣。漕糧為天庾正供。節經降旨。令有漕各省督撫嚴飭所屬。早兌早開。剋期渡黃。毋稍遲誤。乃近年重運漕船。不能如期抵壩。抵通。以致歸次受兌。節節耽延。總緣各該督撫不肯破除情面。實力催趲之所致。現在節逾霜降。水勢漸消。中河豫備灌塘各工。據報完竣。各省回空軍船。即可次第灌放。著漕運總督及沿途各督撫分飭所屬。嚴行催趲。務使連檣渡黃南下。銜尾遄行。不准片刻停留。庶幾以速補遲。如期歸次。來年新漕。尤當趕緊辦理。按限兌開。統限於四月初十日以前。全

清實錄

卷八十二

清實錄

卷八十二

數趲至清江。剋期抵壩。以便渡黃北上。無許稍有延誤。儻意存怠玩。視為具文。仍致臨事周章。有逾例限。定將該漕督及各該督撫嚴行懲處。決不寬貸。將此通諭知之。○以江蘇布政使李星沅為陝西巡撫。調浙江布政使孫善寶為江蘇布政使。實授卞士雲浙江布政使。○以直隸永定河防汛出力。予同知馮季曾等加銜升用有差。○緩徵直隸武清大城。東安。雄安。河間。青靜海。滄南。皮鹽山。大名。南樂。清豐。廣平。磁。元城。井陘。新河。十九州縣。被水被旱被雹村莊新舊額賦。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十一

實錄卷三十四

54

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十二

監修烟葉營總監日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天廚府尹事落隨帶加五級。乾統十八次臣中興經殿官經筵講官吏部尚書鎮陳棋漢軍都統管理新營房城內官房大臣稽察內

七舍大臣特會同四譯諸事務加一級隨帶加六級軍功加三級紀錄五次臣托沙納鑾庭講官吏部尚書劉世明

月俸府大臣銀白蠟滿洲都統稽察內七分大臣管理宗人府銀庫左翼幼官學  
宣鼎堂閩明園等處耕種登御營縣屠御藥房大

督辦總辦處事務總帶十八級臣阿靈阿副總辦官無延誤官兵部尚書總帶十六級紀錄二十次臣周祖培等奉

救修

道光二十二年壬寅冬十月丙子朔享

2/20/2019 12:00

—

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○頒道光二十三年時憲書○以寧夏駐防軍政年逾六十官三員精

力未衰命留任○丁丑

上幸圓明園○詣綺春園問

皇太后安○諭軍機大臣等向來盛京將軍每歲冬間進鮮因該省辦理海防降旨將上年及本年應進鮮物暫行停止茲發去硃筆改訂清單一件該將軍接奉後即自道光二十三年為始按照此次清單數目屆時呈進永遠遵照辦理將此諭令知之○又諭怡良等覆奏遵查遞送京報緣由一摺所辦甚不切

實漢奸為夷人遞送京報流弊滋深若不嚴

禁成何政體現在外省不以公事為重相率

因循殊堪憤恨著怡良等嚴飭提塘官認真

稽查並責成沿海各州縣平日留心設法訪

查一經訪有造作謠言及私行鈔錄京報之

人即行嚴究來歷並輾轉遞送實情從嚴懲

辦毋得日久生懈將此諭令知之○戊寅諭

內閣各省州縣遞送摺報理應慎選馬夫小

心遞送不容稍有拆動形跡以致漏洩事情

如上述到時有拆動情形下站接遞之員

即時行查上站根究弊端無難立時懲辦是

上站下站均有稽查之責嗣後下站接遞人

員遇有拆動奏摺包封形跡不即行查上站

應如何酌加處分之處著吏部覈議具奏尋

奏下站接遞上站摺報見有拆動形跡如不

行查係有洩漏事情者專管員弁革職管轄

官降三級調用其未洩漏事情者專管員弁

降四級留任管轄官罰俸一年均不准抵銷

從之。○署太常寺少卿李湘奏遵查黃玉林子興煜曾名安名並無販私拒捕情事。老虎頸及巢湖一帶梟匪中別無黃安民其人得旨傳聞並不確實。汝既據有供結勿論可也。○以捐輸馬匹賞察哈爾護軍阿玉爾咱納等翎頂有差。○己卯諭內閣恩桂等奏上駟院馬匹較多擬請裁撤等語著照所議辦理。所有擇出之馬一百六匹著分賞御前行走御前侍衛乾清門侍衛批本奏事等官及奏蒙古事侍衛上虞備用處侍衛共一百二十五人每人各賞馬一匹尚不敷馬十九匹著上駟院如數撥補其餘擬請變價之馬五百二十一匹著分賞圓明園槍營健銳營火器營。○諭軍機大臣等盛京為根本重地武備不可稍弛昨已降旨飭令禧恩妥議善後章程並諭以臨陣推堅以數百斤小礮為宜遇有緩急隨營調撥可期得力其海口礮位擇地妥為存貯勿令損壞諒已遵照辦理因

思礮之為用各有攸宜防堵口隘自應安置大礮至於對敵之際小礮易於得手擡槍鳥槍本不可少亦必與火礮相間而發互相為用方可出奇制勝該處要緊海口及登岸要隘何處應埋伏礮位若干何處應兩道抄襲對發其臨陣所用之礮自以輕便為宜車載人擡隨時聽用惟大小礮位共需若干方敷調撥至省城為根本重地亦應有守城之礮或銅或鐵總宜寬為豫備庶臨時均可得力儻有須添造之處即於盛京陸續選匠監製務期一律精純造成後應責成何項官兵演習備用其守城及臨陣入隊究需大小礮位若干著該將軍妥議具奏將此諭令知之。○又諭周天爵奏水手丁船情形據稱幫丁生計大窘水手衣食不足查鹽過關之處於食鹽亦指為違例並於關稅正課之外任意浮勒重重揆查以致幫船疲困遲滯請嚴禁積弊等語幫船過關夾帶私鹽例應查禁惟浮

勒關稅於幫丁不無苦累。著耆英、程商采會同周天爵體察情形，悉心妥議具奏。務使稅課不至短絀，而於漕政不至有礙，方為妥善。將此各諭令知之。○又諭程霖奏江豫捻匪竄入皖境，拒捕傷人一摺。江蘇蕭縣捻匪聚眾行劫，前因職員王維嶽遣抱告在都察院具控，業經降旨著周天爵等按名捕獲懲辦。茲據程霖奏稱該匪縱紅馬淙禹等竄至亳州，拒傷差役壯勇多名，逃往河南交界地方藏匿等語。匪徒結黨橫行，該地方官亟應會營追捕，拏獲究辦。何至任其出沒於數省毗連之地，搶劫拒捕，毫無忌憚。捕務廢弛，已可概見。現在該匪等逃至河南交界地方，難保不比拏彼竄，愈聚愈多。著江蘇安徽河南各督撫分飭所屬文武員弁，督率兵勇四路兜擒，務期按名弋獲，盡法懲治，以彰國法。而靖閭閻，儻各該地方員弁仍前玩弛，著即嚴行叅辦，毋稍姑息。如該督撫等辦理不善，

使兇徒日久稽誅，以致釀成巨案，恐不能當此重咎也。懷之。將此各諭令知之。○命直隸提督周悅勝在乾清門行走。○庚辰上御閱武樓，閱圓明園八旗槍操。○諭內閣本日朕御閱武樓，閱看圓明園槍操，步伍整齊，施放有準。該兵丁等並非操演營分，乃甫經訓練一年，技藝已臻純熟，陣式又極聯絡，威嚴矯捷，喜慰實深。可見八旗兵弁不乏人材，如能認真激勵，操練得宜，無難悉成勁旅。該管大臣督率有方，允宜特沛恩施，用昭懋賞。賽尚阿、恩桂均著賞戴花翎，並各予隨帶加二級。每人各賞蟒袍料一件，大卷八絲緞袍褂料各一連，翼長二員各賞蟒袍料一件，八絲緞袍料一匹，營總參領十二員各賞袍褂料一副，護軍校及副護軍校六十四名各賞袍料一件，鳥槍護軍一千名每名各賞一兩重及五錢重銀鏢各一箇，擡槍甲兵四百名每名各賞一兩重銀鏢二箇，弓箭馬隊護軍

及海螺執纛鳴鑼各項兵丁九百十名。每名賞一兩重銀鏢一箇。以示獎勵。○又諭。裕泰等奏。拿獲擒匪多名。請解歸豫省併案究辦。一摺。此案河南泌陽縣人徐應青等。勾結擒匪。搶鹽竄入湖北棗陽縣地方。詐搶鋪戶。拒捕戕官。現據棗陽縣知縣熊文鳳等。盤獲匪徒李洗彩一名。復據派緝兵役協同河南兵役。續獲匪徒姚法等三十名。查明俱籍隸河南。著裕泰等即派弁兵將該匪等解往河南。交鄂順安嚴行究辦。並將該匪黨羽按名弋獲。其逃匪徐應青等。著湖北河南江蘇安徽各督撫分飭各該地方文武。協力緝拿。毋任漏網。以除奸宄而靖閭閻。○諭軍機大臣等。怡良奏。夷目在廈門投遞文書。請釋臺灣俘囚一摺。現在喫夷業已就撫。所有臺灣被獲夷人。自可施恩放還。將此由五百里諭令知之。○又諭。怡良奏。接到喫夷文書。請釋臺灣俘囚一摺。據奏該夷文稱。差人前赴臺灣索

取前獲夷俘。因總兵達洪阿不收文書。不令進見。是以將原文送至廈門等語。現在喫夷業已就撫。臺灣所獲夷人。除未經就撫以前業經正法外。餘著達洪阿等委員解至福建省城。交怡良等轉交該夷目收領。將此由五百里諭知達洪阿。並傳諭姚瑩知之。○以雲南維西協副將關亮。為山西太原鎮總兵官。○以廣州駐防軍政年逾六十官十三員。精力未衰。命留任。○緩徵奉天金州寧海二廳縣被水被風歉區額賦。給牛莊等處災民一月口糧。○辛巳。

上詣

安佑宮行禮。○諭軍機大臣等。程喬采奏江浙各局用款。分別著落經手各員覈實造報一摺。此次軍需各局用款。現應查辦報銷。著照所議著落經手人員。查照歷次奏定章程。分門別類。按例覈實造冊詳報。如有鄰省人員以及蘇省各員。因升調事故離蘇。或暫行扣

留。或臨時飭調。或隨事咨詢。著耆英。程商。督率經手各員認真覈實鉤稽。毋許絲毫冒濫。李星沅現經擢任陝西巡撫。未便留蘇。孫善寶已調補江蘇布政使。所有報銷事宜。正可責成孫善寶一手經理。崇恩前有旨令赴山東按察使任。如有緊要事件。必須該員暫留覈算之處。著即奏明辦理。將此諭令知之。○前任兩江總督牛鑑奏。夷船出江。京口運河。通行無阻。蘇松等屬漕糧。毋庸另議折色。從之。○壬午。

上詣綺春園問

皇太后安。○諭內閣。布彥泰奏。籌辦開墾地畝。一摺。惠遠城東三顆樹地方。經該將軍親往履勘。派委各員辦理開墾事宜。計可得地三萬餘畝。就本地民戶選擇種地輸糧。又阿勒卜斯地方。亦經勘明。計可得地十七萬餘畝。即責成阿奇木伯克等籌計戶口之數。酌量勻撥。至民戶應如何選充授田。回屯應如何

安插移住。以及籌備牛具籽糧各事宜。仍著該將軍飭令各委員等趕為布置。俟全工告成後。准其確查督工捐工出力各員。奏請量加鼓勵。候朕施恩。○諭軍機大臣等。昨因江豫捻匪竄入皖境。拒捕傷人。復逃至河南地方。有旨諭令耆英等分飭所屬。免擒審辦。本日據耆英奏。該匪縱紅等於九月十四日由河南折回。潛至亳州永城宿州三州縣交界之麻莊集地方。現飭徐州鎮督率將備嚴行緝拏。並劄壽春鎮一體拏辦等語。該匪縱紅等現因三省追捕緊急。四處逃竄。果能設法先擒首惡。其脅從黨類。自不難聞風解散。著該督嚴飭所屬。實力堵截。總期將著名首匪連行弋獲。盡法懲治。毋任此拏彼竄。裹聚多人。以致釀成巨案。如必須示以兵威。著即飛飭該鎮等酌帶弁兵。設法兜拏。固不可稍涉張皇。尤不可稍有疏縱。致貽後患。將此諭令知之。○以捐修庫車各工。賞阿奇木伯克皮

魯斯等花翎回子巴海等藍翎餘加銜升敘有差。○命陝甘總督富呢揚阿撥銀五萬兩解赴哈密七十一萬三千四百四十六兩解赴伊犁備道光二十四年經費。○緩徵山東鄒平臨邑魚臺滕館陶邱濟寧章邱朝城茌平平原汶上單恩歷城東阿聊城堂邑莘冠高唐臨清濟陽曹定陶范益都昌樂臨朐長清曲阜鄒泗水荷澤觀城三十五州縣並德州東昌臨清濟寧四衛被水被旱被蟲莊屯額賦。○癸未諭內閣本月二十日著停止升殿。○諭軍機大臣等富呢揚阿奏賊番分股圖搶戕害弁兵現經官兵捕逐出卡一摺此次賊番敢於白晝麋至圖搶馬廠劫掠居民拒害弁兵兇頑已極現在果否遁歸巢穴抑仍在卡外附近潛匿著富呢揚阿飭屬嚴切根究務得確情並會同西寧辦事大臣移行各提鎮及察罕托洛亥駐防副將一體設法購線嚴拏務獲究辦並令沿邊營汛及各營

馬廠經收員弁加意防範無任再有滋擾此種野番犬羊成性務令知所畏懼不敢復出滋事以安邊境為要將此諭令知之。○又諭本日據富呢揚阿奏禹元魁京控案件節經委審供詞狡展已有旨交壁昌審訊矣壁昌擢任福州將軍前經諭令來京陛見其前交該省坐選典史吳恆呈控驛站積弊一案該將軍本月內計可抵陝如尚未經審結著將吳恆控案移交新任巡撫李星沅審辦所有禹元魁控案著該將軍迅即提集人證卷宗秉公審訊按律定擬具奏儻該將軍接奉此旨時已過陝境著即折回審辦仍俟此案完結再遵前旨來京陛見將此諭令知之。○予捕番被戕甘肅都司楊棟有把總張增科祭葬卹廕。○甲申上詣綺春園問皇太后安侍膳。○以直隸天津防堵出力賞長蘆鹽政德順花翎餘加銜升敘有差。○以江



寧駐防軍政年逾六十官十員精力未衰命  
留任○旌表守正捐軀河南息縣民熊秉章  
妻劉氏輝縣民劉太女白妮○乙酉  
皇太后聖壽節遣官祭

太廟後殿

奉先殿

上率皇子王公大臣文武官員及蒙古王貝子  
額駙等詣綺春園行慶賀禮○率皇子侍

皇太后膳○諭內閣達洪阿等奏發遞摺件在

洋被盜搶失一摺據稱廈港洋面有草鳥匪  
船多隻搶劫商船並摺件概行搶去不法已  
極必應嚴拏懲辦著該督撫嚴飭該管水師  
認真追捕務期全行弋獲按律懲治毋任一  
名漏網以絕盜蹤而靖海洋○諭軍機大臣  
等前據怡良等奏探明臺灣嘉義縣樹苓湖  
有夷船勾結草鳥匪船在口外窺伺經該地  
方員弁圍捕開礮擊沈船隻擒獲匪犯等語  
當降旨著怡良等飭知該鎮道加意嚴防矣

茲據達洪阿等奏西草湖樹苓湖各口均有  
草鳥船引導夷船往來闖駛經該文武員弁  
協力堵剿擊沈匪船多隻溺斃賊匪無數生  
擒匪犯林山一名又於淡水廳擊破草鳥船  
隻拏獲匪犯陳義等十二名臺灣縣復獲通  
夷逃徒蕭石一名訊供究辦按律定擬各等  
語該匪等糾約夷船為之嚮導乘機行劫不  
法已極該鎮道飭屬兇拏悉數擒獲辦理妥  
協朕心實深嘉悅著即照所擬辦理至現在  
喫夷雖經就撫沿海一帶奸民藉端滋事在  
所不免仍著達洪阿等督飭各屬加意嚴防  
總令無隙可乘凡土盜宵小暨勾夷漢奸務  
要捕誅淨盡以絕後患是為至要將此由四  
百里諭知達洪阿並傳諭姚瑩知之○湖南  
布政使王藻以親老乞養允之以雲南按察  
使葉名琛為湖南布政使○緩徵陝西府谷  
縣被水村莊新舊額賦○丙戌諭內閣國家  
命將出師征討有罪原以保疆土而申捷伐

該將軍參贊等宜如何激勵將士申明紀律謀勇兼施剋期奏績以副朕委任之重上年  
暎夷滋擾粵省特命奕山為靖逆將軍授以  
重兵前往攻剿乃奕山抵粵未即入城遲回  
觀望迨夷兵圍困省城又不能奮我兵威剿  
除殄滅及至夷船退出省河占據香港事閱  
年餘一味因循束手無策以致該夷竄入閩  
浙江蘇肆行滋擾是以坐失事機厥咎甚重  
嗣因定海鎮海寧波相繼失守爰命奕經為

平定回疆方略卷三

六

揚威將軍文蔚特依順為參贊大臣前赴浙  
江徵調各路精兵俾得克復三城用揚我武  
乃奕經等駐劄蘇州省垣籌畫數月集兵募  
勇以期一鼓成功覽其所呈分路埋伏水陸  
並進各圖說其運籌非不周而無如謀事不  
密先期洩洩以致該夷處處豫為準備我兵  
到彼不能得手因之下浦失陷傷我兵弁遂  
得直犯長江毫無梗塞是奕經祇知株守一  
隅不圖收復老師糜餉誤國殃民文蔚擁兵

駐劄紹興坐視夷氛日熾但以退守為計一  
籌莫展殊屬無能又安用此將軍參贊為耶  
奕山奕經文蔚前已有旨飭令回京均著交  
部治罪以示懲儆特依順齊慎到粵在後未  
與暎夷接仗惟特依順在浙於乍浦失守不  
能設法救援齊慎帶兵前赴江蘇不能保守  
鎮江事後又未能用兵收復亦有應得之咎  
均著交部嚴加議處○又諭奕經等奏查明  
浙江餘姚接仗潰散情形及寧波鎮海定海

平定回疆方略卷三

七

失守潰散員弁兵丁分別定擬各一摺著該  
部將各員弁兵丁等應得罪名處分查覈定  
擬具奏○諭軍機大臣等據奕經奏撤兵歸  
伍並查辦漢奸分別遞籍保釋各等語漢奸  
被脅從逆人數眾多朕施恩法外不忍概予  
駢誅惟此等莠民若不詳查情節濫行保釋  
又未免失之過縱著劉韻珂等細加查覈其  
有助逆抗拒官兵及為嚮導內應者即與叛  
逆無異天理難容必應按律懲辦其中情罪

較輕者。即不加誅戮。亦應牢錮監禁。以杜後患。如查明實係脅從。並無逆跡。平日亦無為匪犯案各情。方准保釋。分別遞回原籍。交地方官嚴加管束。取具鄰保人等甘結。造冊查覈。並照軍流徒犯在配章程。按期查點。毋任脫逃。不得日久生懈。視為具文。至奕經齊慎所帶官兵。據奏已分起撤退。所有浙江調防各營官兵。著劉韻珂會同李廷鈺分別裁撤。其定海鎮海二處。應調何處官兵駐劄防守。

平定縣志卷之三

文

亦著酌量分撥。以資彈壓。所有收回散兵三千餘名。著劉韻珂李廷鈺隨時察看。將不能得力之弁兵陸續裁革。其精壯者仍著認真訓練。俾成勁旅。將此諭令知之。○調直隸按察使文柱。為雲南按察使。以直隸天津道陸建瀛。為按察使。○調正紅旗漢軍副都統玉明。為正白旗滿洲副都統。以正黃旗印務參領鍾方。為正紅旗漢軍副都統。○丁亥。諭軍機大臣等。昨據達洪阿等奏發遞摺件。在洋

被盜搶失一摺。已降旨飭令該督撫嚴飭該管水師認真追捕。務獲懲治矣。本日據怡良等奏。解審船盜數起。細查並無王福慶商船被劫。舡江通判驗傷案卷。與該鎮道據差役之詞所稟不同等語。洋面盜賊劫掠。大為行旅之害。而文報往來。尤關緊要。該督等務當嚴飭水師仍遵前旨追捕。務獲毋稍疏懈。至該督等查覈稟報情節不符。難保非該地方文武員弁規避處分。有心諱飾。斷不准任其

平定縣志卷之三

文

欺朦希圖了事。必當派委公正大員詳加確查。是否係該差中途遺失。藉詞被搶。冀圖諉卸。儻該文武員弁有意消弭。隱匿不報。一經查明。即行從嚴叅辦。以肅海洋而杜欺飾。將此諭令知之。○戊子。

上詣綺春園問

皇太后安。○旌表守正捐軀山西長治縣民宋建則妻王氏。○己丑。諭內閣。浙江省軍需尚未造報。奕經文蔚著仍折回浙江。會同特依

順將經手各款覈實造冊報明浙江軍需總局彙齊報部覈銷其奕經等所帶人員內有經手錢糧者著酌留浙江辦理報銷事件此外各員即著分別飭令回任回京回籍無庸仍留浙省○又諭前據達洪阿等奏發遞摺件在洋被搶當令該督撫飭屬嚴拏茲復據達洪阿等奏稱五月間發遞摺件至將近蚶江之祥芝澳洋面復被匪船多隻搶去等語洋匪疊次搶失摺件不法已極仍著該督撫嚴飭該管水師認真緝捕務獲按律懲治毋任一名漏網以絕盜蹤而靖海洋○諭軍機大臣等前有旨將奕山奕經交部治罪所有揚威將軍參贊大臣印信著耆英傳旨令奕經等交出暫存該督署中派員遇便恭繳奕山早經奉旨回京計此時已行抵江西安徽江蘇境內著耆英派員迎至前途傳旨令奕山即將靖逆將軍印信交出並由該督派員遇便恭繳將此諭令知之○又諭達洪

阿等奏覆訊夷供分別辦理一摺前因英夷就撫請釋俘囚有旨諭令該總兵等將臺灣所獲夷俘除業經正法外餘即解至省城由怡良等轉交收領計可先行接奉本日據奏覆訊各夷供詞將夷目顛林等分別禁錮正法等語著該總兵等仍遵前旨將現在未經正法各夷人派委員弁解省交怡良等轉交該夷目領回將此由五百里諭令知之○以福建臺灣勦夷出力賞知府熊一本三品頂帶同知曹謹全卅年知縣閻忻黃開基遊擊安定邦在籍員外郎鄭用錫花翎知縣魏瀛等藍翎餘升敘有差○庚寅諭內閣前有旨令漕運總督及各督撫催趲回空並趕辦來年新漕按限兌開剋期抵壩本日據敬徵等奏海口難以議改仍宜挽歸故道請俟明年回空完竣堵築合龍現已降旨准行惟河工堵築須俟回空事竣而歸次之遲速總以抵道之早晚為衡若聞兌先已耽延渡黃又復

逾限則抵通歸次。節節稽遲。必致貽誤要工。事多掣肘。著再申諭。有漕各督撫。暨漕運總督。嚴飭各該州縣。務將來年新漕趕緊辦理。於今冬按限兌開。並令該漕督實力催提。統於四月初十日以前全數抵壩。渡黃北上。儻視為具文。仍前玩泄。以致河工延誤。惟該督撫等是問。其來年重運渡黃。著該河督豫為籌畫。妥行辦理。總須先期布置。無致臨事周章。將此通諭知之。○又諭。前因南河楊工漫口。應堵應改。必須履勘定議。特命敬徵。廖鴻荃。馳往確勘。茲據奏稱。改河之議。有礙運道。擇其利漕便民。惟有堵築漫口。挽歸故道。尚屬守經不易之法。請豫籌帑項。陸續酌撥。俟明歲春融興工。分挑舊河淤墊。以工代賑。再於七八月間。購集物料。俟明年軍船回空。築壩合龍等語。朕詳加酌覈。祇可議堵。據估需銀五六十萬兩。著戶部豫為籌畫。酌量撥解。准俟明春興工挑挖淤墊。秋間購集物料。俟

軍船回空。即行築壩合龍。務使黃流仍歸故道。工程悉臻穩固。以利漕行。而禦水患。至挑挖引河工段。仍著敬徵等詳細查勘。覈實估計。並將陸續撥銀數目。濟用緩急。通盤籌畫。妥議具奏。該部知道。○又諭。著英。秦。拏。獲。擒。匪。首。夥。各。犯。一。摺。徐州擒匪縱紅等。膽敢在江蘇皖豫三省交界處所。聚眾滋擾。拒敵官兵。傷斃多命。實屬目無法紀。現經該督督飭鎮將。會合兇拏。設法將首犯縱紅擒獲。並獲夥犯李兆相等十二名。所辦甚好。縱紅等著交該督嚴訊確供。按律懲辦。其在逃著名夥黨。仍飭屬上緊追拏。務期悉數弋獲。盡法嚴懲。毋任一名漏網。此次拏獲擒匪縱紅。究係如何設法。及何人首先擒獲。著該督據實查明具奏。候朕施恩。○諭。軍機大臣等。現在夷船連檣退出。蘇省防兵亦陸續撤回。該省糧臺。即應裁撤。改為報銷總局。所有製造戰船。鑄造礮位。著耆英。程。喬。采。督同各員。實力講

求認真籌辦。仍遵前旨。不必拘守舊章。以因地制宜。精良適用為是。其軍需局從前支用款目及善後各款。應辦報銷。仍著耆英程喬采。按款鉤稽覈實造報。將此諭令知之。○又諭敬徵等奏。桃源等各州縣被水。請飭豫籌安置等語。現經該尚書等議於明歲堵築口門。雖春間挑挖引河。即可以工代賑。惟伏秋大汛經臨。被災各處。又恐黃水漫淹。著程喬采轉飭各該地方官。先期妥為安置。勿任一夫失所。以副廑懷。將此諭令知之。○又諭本日據刑部奏駁烏魯木齊都統惠吉等審擬筆帖式珠爾罕吸食鴉片煙一節。以該都統等審斷均介兩歧。未便懸揣定讞。請飭覆訊。另擬此案著交布彥泰秉公嚴審。定擬具奏。所有全案人證。是否應行提至伊犁抑或酌定一地前往審訊。著該將軍酌量辦理。務將該部所駁情節逐一覆訊明確。以成信讞。而免枉縱。將此諭令知之。尋奏珠爾罕實於戒

絕鴉片煙。後因胃痛復發。以煙灰和水調服。即被訪獲。尚未成癮。審斷並未兩歧。珠爾罕應發新疆充當苦差。下部議從之。○減免江蘇寶山。上海丹徒。華亭。奉賢。金山。南匯。青浦。川沙。江陰。靖江。丹陽。太倉鎮。洋長洲。元和。吳江。震澤。常熟。昭文。崑山。新陽。金壇。崇明。嘉定。武進。陽湖。無錫。金匱。宜興。荆溪。溧陽。太湖。三十五廳州縣。並蘇州。太倉鎮。海金山。鎮江。五衛被兵及鄰近莊屯。新舊額賦有差。○撫卹朝鮮國遭風難夷如例。

六十一

八九三

—

等。伊里布等奏。接據夷酋照會。酌量辦理一摺。該夷以耆英已授兩江總督。祇伊里布一人赴粵。疑與前約不符。懇請一同前往。業據劉韻珂移咨耆英。並該夷亦自向耆英照會。計該督接到後。自必酌量情形。覆咨到浙。伊里布現駐浙省。著俟耆英覆到。察看該夷情形。如已釋然無疑。即著星馳赴粵。妥定章程。將此由五百里諭令知之。○又諭。本日據伊里布等奏。該夷以耆英已授兩江總督。祇伊

里布一人赴粵。疑與前約不符。懇請一同前往等語。著者英曉諭該夷。以耆英伊里布皆係天朝重臣。一留江省。會辦三省通商事宜。一赴廣東。專辦一切章程。庶彼此均可隨時開會。辦理得歸畫一。且閩浙各督撫於議撫條約。均未與聞。此後種種事件。必得耆英在此方能就近商酌施行。如此剴切宣諭。看其作何聲覆。或該督另有從長計較。妥協辦理之處。著即據實馳奏。將此由五百里諭令知之。

宣宗實錄

二

之。○又諭。昨因達洪阿等奏覆訊夷供。分別辦理。有旨諭令。將現在未經正法各夷人派員解省。交怡良等轉交該夷目領回。茲據怡良等奏。臺灣鎮道稟報。夷俘所贖止十一人。恐送到後不能帖然等語。臺灣兩次拏獲各夷。在郡正法。均在未經議撫以前。其嚴行禁錮之紅夷頭目賴林等。現因撫議已成。諭令釋回。達洪阿等接奉此旨。自必遵辦。著怡良等於解到時。派員送至鼓浪嶼。交該夷目收

宣宗實錄

三

領。儻該夷或有間言。惟當諭以前此所獲夷目。彼時未定撫議。是以依法辦理。即如兩軍臨陣。互有殺傷。事後復責令償還。斷無是理。該督等務當明白宣示。俾該夷等畏威懷德。不復有所藉口。是為至要。又另片奏臺灣摺件。兩次在洋被劫。嗣後拜發。均令派委千總把總。專送泉州。交驛馳遞等語。著照所議轉行遵辦。將此由五百里諭令知之。○又諭。前因江豫捻匪結黨肆擾。疊有諭旨。令耆英飛飭該鎮等酌帶弁兵。設法兜捕。昨經該督將蕭縣捻匪縱紅等拏獲。復令飭屬務將著名夥黨全數兜擒。茲據御史陳壇奏稱。該匪馬淙禹等擾及數省。挫辱官弁。甚至經過村鎮。有勒獻錢帛之事。該匪等不過百餘人。各州縣兵勇。何至竟不能制。任其橫行如此。著耆英嚴飭帶兵員弁。協力擒拏。其有不用命者。即行嚴參懲辦。務期及早撲滅。不得因縱紅已獲。稍形鬆懈。以致潰而復聚。日久蔓延。是



為至要。該御史原摺鈔給閱看。將此諭令知之。○蠲緩湖北江陵。公安。石首。監利。江夏。咸寧。嘉魚。蒲圻。漢陽。漢川。黃陂。孝感。黃岡。黃梅。鍾祥。京山。潛江。天門。應城。松滋。枝江。荊門。武昌。沔陽。興國。大冶。蘄水。廣濟。二十八州縣暨蘄州衛被水莊屯。新舊額賦有差。給江陵。公安。石首。監利。四縣災民一月口糧。○減免浙江慈谿。奉化。餘姚。平湖。象山。海鹽。海寧。上虞。會稽。山陰。蕭山。嘉興。秀水。嘉善。石門。桐鄉。仁和。錢塘。十八州縣暨屯坐各衛被兵及隣近村莊新舊額賦。並黃灣。玉泉。鮑郎。海沙。大嵩。清泉。龍頭。穿長。石堰。鳴鶴。蘆滙。仁和。錢清。三江。東江。曹娥。金山。十七場竈課有差。○撫卹琉球國遭風難夷如例。○壬辰諭內閣。朕閱看江西省服制情實招冊。內藍長仔毆死胞兄藍木老仔一案。唐五古毆死小功兄。唐會鵬一案。鄒錫昭毆死大功兄。鄒鈞一一案。均係死者用刀柄向毆。各該犯接住刀柄求饒。

死者用力拉奪。不期奪回勢猛。致刀尖自戳殞命。因思期功卑幼毆死尊長。罪干斬決。念其尚非有心干犯。改為監候。原屬法外之仁。斷不容因有此例。竟將一切服制重案。率聽案犯狡供。移情就例。輟轉效尤。如出一轍。試思死者既經用刀向毆。豈有授人以柄。反使刀尖內向。以致自行戳傷。且手握刀刃。自不如持柄者之得力。何以彼此相奪。持柄者轉致鬆手。殊非情理。設使偶有一案。朕尚不能斷其必無。何以一省三案。不謀而合。顯有裝點情節。著吳文鎔將藍長仔。唐五古。鄒錫昭三案。親提全案人證。覆加審訊。務得確情。按例定擬具奏。本年勾到。著刑部將此三起暫行扣除。尋奏。唐五古。鄒錫昭二案。訊與原審無異。藍長仔一案。訊屬有心干犯。據實更正。照例處決。下部議從之。○以保定等五處駐防軍政年逾六十官八員。西安二十四員。精力未衰。均命留任。○蠲緩山西薩拉齊。保德。

興。三廳州縣被水被雹。村莊新舊額賦有差。給災民一月口糧。並薩拉齊廳民房修費。○癸巳。諭內閣。著英奏遵查鎮江失守文武各員。請分別革職。嚴議處。一摺。著該部議奏。○又諭。程楸采奏。請將追捕擒匪先行潰散之千總革職。拏問一摺。此案安徽亳州城守汛千總王國彩。於擒匪縱紅等竄入境內。經該州知州文廷杰會同帶領兵勇圍捕。該千總果能督兵奮勇。何難悉數殲擒。乃輒敢臨時先潰。以致該匪等得肆猖獗。將該知州等毆扎致傷。似此怯懦無能。實屬可惡。王國彩著即革職。拏問。文該撫嚴行審究。如實有臨時先行逃脫情事。著於審明後即行正法。以彰國憲。而肅軍律。所有先行潰散之營兵。並著該撫悉數查明。按律懲辦。尋奏。王國彩當捕拏擒匪時。見賊勢洶湧。因步兵落後。折回迎向喊催。並非臨時先潰。擬發往新疆充當苦差。下部知之。○又諭。德珠布奏。請酌撥大

礮以資防守。並將出力官兵仍附旗籍當差。各等語。江寧京口旗營所存礮位。不敷防江之用。著著英於各處添造大礮。內酌撥二三十位。分撥江寧京口二處。俾資防禦。其本年江寧省城所撥軍需局火藥一萬七千斤。准其毋庸解還蘇省。即照所議留貯旗局。作為儲備。每年於城守副將解到火藥時。出陳易新。源源操演。至此次防守出力人員內。有清查旗籍案內及身而止筆帖式一員。兵四十名。並已出旗謀生。仍駐旗營之子弟一百三十五名。所請准入旗籍當差之處。與例不符。著不准行。其有實在出力者。著該將軍查明。酌量分別獎賞。以昭激勵。○又諭。德珠布奏。江寧駐防辦理防堵動用銀兩。請分別扣還歸款一摺。江寧省城籌辦防堵事宜。共用過銀九千五百八十一兩零。係由該省藩庫旗庫借撥。據該將軍奏稱。所借藩庫銀兩。請於八旗官兵俸餉銀內按數分扣歸還。其動

用馬價銀兩。請由旗庫按季按月分飭交收還款。此項銀兩係為防守官兵之用。著准其作正開銷。無庸扣還。至青州滿洲官兵動借江寧旗庫銀一千兩。亦著准其作正開銷。無庸由青州副都統扣解歸款。該部知道。○以涼州莊浪駐防軍政年逾六十。官六員精力未衰。命留任。○予捕賊被戕甘肅把總蔣鶴祭葬世職。○甲午。

上御勤政殿聽政。○諭內閣。天津為畿輔藩衛。現在添設防兵六千五百名之多。該處所轄地面綿長。舊有總兵一員。於操防一切事宜。勢難統轄。朕意於額設總兵外。再添設總兵官一員。俾得分轄各營。專司操練。較為得力。因思巴里坤鎮總兵向歸烏魯木齊提督統轄。尚可裁撤。移置天津。其該鎮弁兵。即移歸提標下管理。所有巴里坤鎮所屬各營備弁等官。能否全撤。抑或酌撤數員。以抵天津添設額缺之處。著兵部覈議具奏。○又諭兵部。

奏遵旨覈議浙江餘姚接仗潰散。及寧波鎮海定海失守各員。分別辦理。處州鎮標守備金大勇。隨同葛雲飛等在定海轉戰六晝夜。手腕擊折。受傷較重。著從寬免議。都司何一鵬。護處州鎮總兵張從龍受傷。均有確處。均著革職。免其治罪。定海營遊擊胡得耀。衢州鎮總兵李廷揚。黃巖鎮中營遊擊林亮光。揀發遊擊豐陞阿。金華協右營守備張光宗。署黃巖鎮標左營守備吳邦海。升補昌石營守備羅建業。均未能指出受傷何處。著與並未受傷之江西廣信營參將國勒明。阿九江鎮標前營遊擊羅廷芳。候補都司蘇勒通阿。淳梁營都司詹華山。鎮海營參將周維藩。紹興協都司邵景揚。署提標中營參將周三友。署提標前營遊擊德昆。右營遊擊吳金標。城守營都司李宗白。湖州協都司多齡。提標中營守備魏長泰。一併革職。交刑部覈其情節輕重。分別治罪。至各城失守之地方武職專兼。

統轄各官。應令該督撫補行查明。送部覈議。其太平營參將文斌。揀發參將都林保。楓嶺營遊擊柴國順。所帶兵丁並未接仗。即行退走。且輒移礮位。以致守衛無具。並著該撫查明。據實參辦。○又諭載銓等奏遵旨定擬奕山等罪名一摺。奕山。奕經。文蔚。經朕授以將軍參贊重任。特命前往廣東浙江辦理攻剿。自應力矢公忠。勉圖報稱。乃老師糜餉。坐失機宜。辜恩昧良。莫此為甚。奕山。奕經。文蔚。均著照載銓等所擬革去職任。定為斬監候秋後處決。奕山諒已自粵起程。無論行抵何處。著沿途各督撫傳旨鎖拏解京。奕經等前有旨諭令折回浙江。辦理軍需報銷。此時毋庸留浙。著耆英。程喬采。劉韻珂。傳旨鎖拏解京。交宗人府刑部分別監禁。其經手錢糧人員。飭令留浙辦理報銷。彙交軍需總局報部。至特依順。齊慎。本應照部議革職。惟念特依順到浙。未經派令督兵接仗。即乍浦失守時。伊

亦駐劄杭州。齊慎於廣州被圍時。駐劄佛山。且到浙在後。迨鎮江失陷。尚能設法摸樁。殺斃多賊。尚可稍從末減。特依順。齊慎。著加恩改為革職留任。八年無過。方准開復。○又諭德珠布等奏請將丁憂回抵江寧駐防之直隸河間協副將伍朗阿。留於督標差委等語。該員現在丁憂。所請留標委用之處。與例不符。著不准行。○諭軍機大臣等。祁墳等奏製造礮架。繪繕圖說。進呈一摺。據稱大礮轟擊全在礮架得力。有照舊式另換工料者。有平底兩層四輪。中用磨盤心者。有照夷式四輪兩旁加用滑車。以便牽拉進退者。又有照夷船內所用礮架。分為兩層者。運用較靈等語。著耆英詳細體察圖內所繪礮架。何項最為合用。悉心妥議。若不甚相宜。亦著據實具奏。此項圖說。該督接奉後。即各照繕一分。咨交閩浙總督怡良等閱看。是否合用。妥籌辦理。將此諭令知之。○又諭據祁墳等奏。分別裁

撤兵勇。並查勘虎門礮臺。即日興工等語。所有酌留兵勇六千七百餘名。分守各礮臺要隘。著照所議辦理。仍著該督等隨時體察情形。逐加裁汰。挑選精銳。收入行伍。至虎門礮臺。為省城保障。亟應修復。著祁墳。梁寶常。會同吳建勳。周歷履勘。或照舊制修復。或不拘舊制。量為通融辦理。總期形勢扼要。足資控制。其購辦石料。並一切工程。務臻堅固。不准視為具文。將就了事。又另片奏請留李廷榮督修礮臺等語。各省官員。均有本任職守。所有粵東督修礮臺。著該督等另派幹員。會同署糧道西拉本辦理。仍責成吳建勳督飭鳩工。李廷榮著即飭赴新任。毋庸留粵。將此諭令知之。○又諭。前據耆英奏。拏獲捻匪首犯縱紅。並獲夥犯多名。嚴訊懲辦。本日又據程楫采奏。稱委員督率兵役。將該匪追至永城縣之保安山。擒獲匪犯。訊據縱立供稱。伊子縱紅在保安山被差格斃等語。與耆英所奏

情節不符。是否該匪縱紅實由江蘇兵弁拏獲。該撫所稱據供格斃之處。有無確證。著詳細查明。據實具奏。其馬淙禹一犯。及在逃各夥黨。仍飭該道等督屬跟蹤緝拏。盡數弋獲。懲治不許一名漏網。將此諭令知之。尋奏縱紅格斃之語。係犯父縱立混供。馬淙禹一犯現已訪探蹤跡。設法兜拏。報聞。○又諭。文豐奏。曉諭洋商購買夷船一摺。據稱洋商伍敦元。購買咪喇哩夷船一隻。潘紹光購買呂宋夷船一隻。駕駛靈便。又紳士潘仕成。造成戰船一隻。試驗足以禦敵等語。著祁墳等撥歸水師旗營。交提督吳建勳督飭備弁等認真操演。其船隻妥為存泊。毋令日久損壞。並著曉諭該紳商等多方購造。務須木料堅固。堪備捍禦之用。為要。將此諭令知之。○以太僕寺卿陳孚恩。為大理寺卿。翰林院侍讀學士倭仁。為詹事府詹事。○以寶坻等四處駐防軍政年逾六十。官二員精力未衰。命留任。○

緩徵安徽懷寧桐城潛山太湖宿松望江宣城南陵銅陵當塗無湖無為壽宿鳳陽懷遠定遠靈璧鳳臺潁上亳泗盱眙天長五河和含山建平貴池青陽建德東流繁昌合肥巢阜陽霍邱太和三十八州縣暨安慶建陽廬州三衛被水被旱莊屯新舊額賦○乙未上詣綺春園問

皇太后安○諭軍機大臣等前據牛鑑奏請將奇兵營遊擊移駐老河影地方並將頭目人等募充兵丁當交李相茶妥議具奏茲據該署少卿覆奏老河影地方已令就募之頭目熊有成等剴切開導咸願領資回籍其前募巴桿老回畚除沙汰外擬留二百名一半歸奇兵營交遊擊管轄一半歸揚州城守營管轄至奇兵營是否可以移駐老河影俟親往履勘再行定議等語儀徵老河影地方私梟盤踞歷有年所趁此解散之時將奇兵營遊擊移駐該處管帶募充之兵一百名其餘一

百名交城守營參將派弁管轄是否於地方有益不至日久滋弊著耆英再行派委妥員前往該處隨同李湘茶但明倫詳細查勘後由該督會同妥議章程具奏又另片奏招募壯勇實有可用之材請酌留一百二十名督練礮火等語此項壯勇著准其挑選精銳分派江北各營演試大礮總期勤加訓練方於營務實有裨益將此各諭令知之○又諭周天爵等奏據徐州鎮咨報派員帶兵將蕭縣匪徒縱紅拏獲並拏匪犯十二名現在提犯審訊等語該匪縱紅糾眾搶劫拒傷官兵實屬罪大惡極亟應嚴加懲辦以伸國法著周天爵等分別行提該犯等會同研訊並究明馬淙禹等實在下落剋日悉數擒獲盡法懲治毋任一名漏網至昨據程楦奏稱縱紅業被格斃有無確據尤應詳細確查毋稍含混將此諭令知之○命戶部尚書敬徵協辦大學士調禮部尚書恩桂為吏部尚書兼步

軍統領以吏部左侍郎麟魁署禮部尚書兼鑲藍旗漢軍都統未到京前以恩桂兼署禮部尚書兵部尚書裕誠署鑲藍旗漢軍都統○調正紅旗蒙古都統阿勒清阿為正紅旗漢軍都統以喀爾喀扎薩克親王車登巴咱爾為正紅旗蒙古都統調鑲藍旗漢軍都統賽尚阿為正黃旗滿洲都統○以黑龍江等處軍政年逾六十官二十七員精力未衰命留任○旌表守正捐軀四川江津縣民楊正倫妻何氏○修浙江仁和海寧二州縣東西柴石塘工從巡撫劉韻珂請也○展緩齊齊哈爾黑龍江墨爾根布特哈四處歛收貧民積欠銀○丙申諭內閣祁墳等奏官犯及軍流徒各犯在廣東軍營投效出力懇恩准予免罪等語已革山東知縣廖炳奎著加恩准其免罪釋回所有軍流徒各犯羅鳳祥等二百三十五名及軍犯孫培英梁濟川陳文學劉延隴等四名均著加恩准其免罪釋回即

將該犯等分別咨送回籍交地方官嚴加管束毋許出外滋事一面造冊咨送刑部查覈至已革外委梁恩陞係聽從開設窩口從重發遣新疆之犯已革拔貢謝邦鈞係吸食鴉片煙擬流之犯情節較重梁恩陞著仍照例發遣謝邦鈞著不准免罪釋回該部知道○諭軍機大臣等御史黃贊湯奏喫夷就撫港口新開江西廣東船戶挑夫宜嚴加彈壓一摺據稱江蘇閩浙港口分開一切客商勢必舍遠就近往福州上海寧波等處江廣兩省窮民無所藉以謀生必將聚而為盜請飭設法防範等語江西廣東一帶船戶挑夫向以挑運客貨為生若一旦失業難保不流為盜賊著祁墳梁寶常吳文鎔將該御史摺內所稱各情節悉心體察是否確有其事據實具奏將此各諭令知之○轉戶部右侍郎端華為左侍郎調禮部右侍郎薩迎阿為戶部右侍郎兼管錢法堂事務仍兼署兵部右侍郎



理藩院右侍郎連貴為禮部右侍郎以正白旗滿洲副都統王明為理藩院右侍郎○轉京營右翼總兵端華為左翼總兵以吏部右侍郎善燾兼右翼總兵○調鑲紅旗漢軍副都統薩迎阿為正黃旗滿洲副都統以內閣學士培成兼鑲紅旗漢軍副都統調正黃旗漢軍副都統柏蔭為正白旗滿洲副都統以署鑲藍旗蒙古副都統興貴為正黃旗漢軍副都統○調正黃旗護軍統領關聖保為鑲黃旗護軍統領正藍旗護軍統領扎勒罕泰為正黃旗護軍統領以正藍旗蒙古副都統富僧德為正藍旗護軍統領○調江西南贛鎮總兵官伍魁英為陝西漢中鎮總兵官漢中鎮總兵官德坤為南贛鎮總兵官○賞陝西漢中鎮總兵官伍魁英花翎○以密雲駐防軍政年逾六十官五員精力未衰命留任○以摸樁殺賊及辦理糧餉出力賞江蘇候補同知陳在文等藍翎餘升敘有差○丁酉

上御洞明堂勾到四川情實罪犯停決斬犯十七人絞犯二人餘一百九人予勾○兵部尚書裕誠等奏查明兩翼應修堆撥得旨此次勘估修整後著左右兩翼查城大臣八旗滿洲蒙古漢軍都統將各旗派出值宿官兵按照舊章即住堆撥值宿並懸掛木牌註明旗分以便稽查至各城值宿官兵換班接班應如何妥為交替之處著各該旗嚴定章程毋得互相推諉並飭令派出之值宿參領等官隨時認真稽查以專責成○蠲緩江蘇桃源沭陽海清河安東五州縣被水村莊新舊額賦有差賑桃源縣災民貸沭陽縣災民來春口糧○戊戌先是慶郡王奕綏服中娶妾下宗人府議處奕綏酬謝辦理處分之經歷文彬錢文不入八分輔國公綿性圖革慶郡王爵可望承襲許給供事劉均銀兩劉均復誘取奕綏多贓宗人府訪聞參奏上命軍機大臣等會審至是訊明奏上諭內閣



宗人府供事劉均。辦理議處文案。膽敢誘取  
奕綵多財。並於綿性亦聽許財物。議有成數。  
以備具奏。後向其賺騙種種狡詐。情節可惡。  
著照議革去供事。發往新疆給官兵為奴。仍  
著於宗人府門首枷號一箇月。滿日即行發  
遣。不准留養。已革宗人府經歷文彬。以職官  
事後受財。情節較重。著革去四品頂帶。實發  
盛京。雖據完贖。不准輕減。已革不入八分輔  
國公綿性。圖革奕綵王爵。向胥吏許錢居心  
巧詐陰險。著實發盛京。奕綵聽給劉均等錢  
文。例應圈禁。惟究係被人誑騙所致。著革去  
郡王爵。仍罰養贍錢糧一年。加恩免其圈禁。  
副理事官慶廉於劉均送給錢票。雖經稟呈  
破案。惟遲至三日後始行呈出。又不將劉均  
即行扣留送官。殊屬紕繆。著交該衙門嚴加  
議處。楊三即得祿葛二即增壽。為綿性許給  
劉均銀兩。雖經罪坐家長。惟希冀革去奕綵  
王爵。勸令綿性出錢打點。情殊可惡。楊三葛

二。著各枷號一箇月。以示懲儆。綿悌失於覺  
察。著交該衙門議處。○賞慶僖親王永璘側  
室福晉貝勒半俸。○以伊犁熱河荊州駐防  
軍政年逾六十官六十八員精力未衰。命留  
任。○蠲緩湖南華容安鄉武陵沅江澧巴陵  
臨湘龍陽八州縣暨岳州衛被水莊屯新舊  
額賦有差。○己亥諭內閣著英奏請將上海  
失守文武各員解部質審一摺。蘇松太道平  
宜榘上海縣知縣劉光斗揚州參將繼倫提  
標右營守備王嘉謨均著革職。交該督委員  
押解刑部審辦。○諭軍機大臣等著英奏夷  
船全數駛出江蘇洋面肅清一摺。據奏吳淞  
口外夷船自九月十四日起。至十月初三日  
止。全數往南駛去。該首來文已由該督備文  
照覆。不致復生異議等語。覽奏均悉。英夷撫  
局已定。善後事宜甚關緊要。該省吳淞海口  
及福山狼山並江陰之鵝鼻嘴圖山關一帶。  
層層門戶。有險可憑。果能嚴密備防。天塹豈

能飛越。此時籌辦善後。必應大加整頓。毋庸拘泥舊規。該督現已起程。前赴吳淞口。及沿江一帶察看情形。著即周歷各處。相度地勢。熟審機宜。戰船不拘大小。務在堅固。礮械不拘名色。務取精良。各處險要口岸。若僅安礮數位。駐兵數名。全無設伏策應之計。恐臨事仍難得力。必當設法妥籌。臨敵施放礮槍。不可專顧前面。尤須逐層接應。該督甫經簡任。責無旁貸。必須力除錮習。勉副委任。一切善後事宜。悉心妥議具奏。務使兵弁均能用命。器械全數適用。平時不忘戰備。臨事不致張皇。方為盡善。勉之又勉。將此諭令知之。○又諭吉林黑龍江將軍。每歲冬間。俱有進鮮之事。茲發去硃筆。改定清單一件。經額布接奉後。即自道光二十三年為始。該省每次進鮮。俱按照此單屆時呈進。並著該將軍咨會黑龍江將軍。一體遵照辦理。將此諭令知之。○以甘肅瑪納斯協副將林方標為浙江衢州

鎮總兵官。○庚子。諭內閣。奕絲業已革爵。著仍歸本支。其應降襲貝勒之處。暫行停止。慶僖親王著綿悌暫居本府奉祀。○又諭慶僖親王側室福晉。現在賞食貝勒半俸。所有紅甲一項。著照貝勒分內應得之數減半給與。其包衣佐領及驍騎校護軍校。應行留撤之處。著該衙門斟酌辦理。○辛丑。上御洞明堂。勾到廣東奉天情實罪犯。停決廣東斬犯五人。奉天斬犯二人。餘九十九人。予勾。○諭內閣。兵部奏遵旨覈議江蘇鎮江失守各員。分別辦理。鎮江城守營參將陳慶祥。先經該撫委赴鵝鼻嘴防堵。嗣經該督調回守城。該參將未及趕到。城已失陷。究屬策應遲延。著照部議革職。從寬免其治罪。守備盧萬春。未能嬰城固守。乃因傷躲避。改裝出城。署京口水師副將孝順武。未能先事設法攔截。致夷船駛入長江。毫無阻滯。均著革職。交刑部覈其情節。分別治罪。○以故回部郡王

職銜貝勒邁瑪特愛孜斯子邁瑪第敏襲爵。  
○展八旗兵丁應扣借支庫銀限期兩月。○  
壬寅。

上詣綺春園問

皇太后安。○諭軍機大臣等。據鄂順安奏。擒首  
縱紅已在江蘇拏獲。現在嚴拏餘匪一摺。該  
匪徒等聚眾結捻。肆行搶劫。奪犯傷官。亟應  
嚴拏懲辦。以淨根株。現在首犯縱紅雖已就  
獲。尚有馬淙禹等在逃。可見該匪徒等黨羽

平定人言八二

三

甚多。若不查拏淨盡。必致復行勾結。擾害閭  
閻。現在都勒豐阿業已帶兵回豫。如必需兵  
力。勒捕著即飭該鎮帶兵數百名。於河南安  
徽江蘇三省交界地方嚴密兜拏。務期按名  
弋獲。盡法懲治。不可稍留餘孽。將此諭令知  
之。○以河南駐防軍政年逾六十官四員精  
力未衰。命留任。○展緩河南祥符陳留杞通  
許中牟商邱鹿邑夏邑永城睢安陽湯陰臨  
漳內黃涉汲新鄉獲嘉淇輝延津濬滑封邱

考城原武武陟孟陽武孟津太康扶溝柘城  
三十三州縣被水被旱村莊新舊額賦。○癸  
卯。

上御洞明堂。勾到陝甘浙江江西情實罪犯。停  
決陝甘斬犯七人。絞犯六人。浙江斬犯二人。  
江西斬犯七人。餘五十一人予勾。○諭軍機  
大臣等。嗣後盤山行宮。朕意就近由地方官  
管理。毋庸交總管等看守照料。其各處陳設  
等件。著訥爾經額德興派委妥員詳加查勘。

禮儀志卷八二

三

應如何分別辦理之處。會同妥議具奏。將此  
諭令知之。○以青州駐防軍政年逾六十官  
二員精力未衰。命留任。○免故貝勒奕綺未  
完借俸銀一萬七千五百兩。○甲辰。

上詣

安佑宮行禮。○諭內閣。載銓等奏。南苑地畝。現  
有私行開墾。請將該管苑丞撤任清查等語。  
南苑禁地。私開地畝數頃。恐尚不止此數。該  
管苑丞等難保無知情故縱。通同舞弊情事。

正白旗苑丞常祿鑲黃旗苑丞常海均著先行撤任交載銓等審訊並究明係屬何人私開分別懲辦其正黃旗地畝並著派員一併按冊清查有無私開地畝奏明辦理又據奏東紅門內三合莊前查有民人楊永吉等被劫牲口一案此等賊匪竟敢潛入南苑行劫實屬膽大著步軍統領衙門順天府五城一體嚴拏務獲歸案審辦所有南苑總領章京海洪阿三旗苑丞常海常祿高阿布未能實

宣宗實錄卷三八四

三

力巡查俱著交部議處○又諭僧格林沁等奏試放新鑄子母礮位不甚堅固造辦處鑄造礮位自應堅固精純方能合用茲據奏新造礮位試行點放即震落子礮底一箇顯係偷減工料致做法不能如式所有此項礮位著交造辦處領回另行鑄造即於承辦司員名下著賠不准開銷並著查取職名交部議處嗣後鑄造礮位如再不能堅固除該司員等分別著賠議處外惟管理造辦處之人是

問○甘肅提督馬騰龍因病解任調直隸提督周悅勝為甘肅提督以直隸天津鎮總兵官陳金綬為提督丁憂總兵官善祿署天津鎮總兵官

宣宗實錄卷三八四

三

大清宣宗效天符運立中體正至文聖武智勇仁慈儉勤孝敏成皇帝實錄卷之三百八十三

力未衰。命留任。○丙午。

巡撫查取管獄官職名一併送部覈辦尋刑

部議奏金秀莖應照例擬斬監候未獲監犯由該撫緝獲日另結從之○命科布多參贊大臣固慶烏里雅蘇台參贊大臣盛貴駐藏大臣孟保伊犁領隊大臣凱明阿來京賞戶部郎中果勒明阿副都統銜為科布多參贊大臣以正紅旗蒙古副都統樂斌為烏里雅蘇台參贊大臣駐藏幫辦大臣海樓為駐藏大臣賞通政使司通政使訥勒亨額副都統銜為駐藏幫辦大臣烏嚕木齊協領都廣副都統銜為伊犁領隊大臣○以成都駐防軍政年逾六十官三員精力未衰命留任○戊申

上詣綺春園問

皇太后安○諭內閣前因山東秋審情實冊內語言調戲致本婦女羞忿自盡者共有五起恐係該地方官於定案時避重就輕特通諭各直省於此等命案詳鞠實情毋或枉縱本日閱看河南秋審冊情實三十三起內語言

調戲致本婦女羞忿自盡者又有六起之多此種情節不過偶爾有之何至一年之近一省之中層見疊出難保非該地方官因此等案犯向予免勾遂爾緣飾案情豫為開脫地步試思辦理刑名案件總宜覈實人命重情尤不容稍有出入儻惑於救生不救死之說致令應行抵償之犯倖逃法網何以持刑法之平特再申諭各直省督撫督飭臬司及地方官嗣後遇有關係人命之案虛衷研鞫不厭精詳務期寬嚴得中情罪允當以副朕欽恤用刑之至意○諭軍機大臣等奕經奏撥動軍需銀兩一摺已將原摺發給劉韻珂閱看並有旨諭令覈實報銷矣摺內有應劃歸江蘇報銷並江蘇動墊浙省軍需及捐款銀兩應移解浙局歸款之項著著英程喬采按款確查覈實造報毋任稍有含混又上年發去武功賞牌及花翎藍翎等件現據奕經奏明尚存賞牌七百十張計銀九萬四千七百

兩並花翎二十五枝藍翎二十五枝搬指四十箇銅管二十箇小刀四十四把火鑪三十把六品頂三十箇七品頂四十箇並火器圖說一部並著者英向奕經收取同將軍參贊印信一併遇便齎京恭繳將此諭令知之○又諭著英奏勒限追拏擒匪餘犯並陳明營伍廢弛一摺據奏擒匪滋事其始不過數十人總由地方文武不能協力兜捕以致釀成巨案現在首犯縱紅已獲餘犯馬涼禹等亦已訪有蹤跡著即嚴飭所屬設法按拏期於必獲以淨根株毋任養癰貽患據奏兩江各營兵丁積習擬將庸劣鎮將備弁嚴行叅辦等語所見甚是外省營務廢弛總緣該管將弁性耽安逸一味因循任令老弱充數視操演為具文地方偶有匪徒即已恒怯退避何怪一聞寇警不戰先逃朕痛恨之餘寒心尤甚若再不加整頓將來何所底止著英甫經簡任無所用其回護所有各營積習務當

逐漸破除遇有庸劣之員嚴行叅辦固不可操之太急尤不可再任因循以期挽頽風而肅營伍將此諭令知之○又諭前有旨諭令劉韻珂將奕經等提用軍需局銀兩飭令該將軍等經手各員造冊彙交總局覈銷奕經文蔚現已問罪解京所提軍需項下銀兩本日據奕經奏稱自上年設立隨營糧臺之日起至本年六月二十六日帶兵赴江南以前均歸浙局軍需項下報銷六月二十六日以後至撤局之日劃歸江蘇軍需項下報銷已有旨諭令著英等將奕經在蘇提用軍需按款詳查覈實造報矣其在浙提用銀兩著劉韻珂仍遵前旨飭令經手各員詳細造冊彙交總局毋任稍有牽混其內有賞需盤費及隨營密製三款銀兩錢文據稱均歸捐輸項下開除請免造冊報銷所餘銀兩錢文解交總局亦著該撫詳查覈辦至奕經等打造車礮鳥機礮並鳥槍藤牌及號衣火箭等一切

軍械俟收繳齊全著特依順劉韻珂察看應歸旗營者即歸旗營應歸綠營者即歸綠營其厯屆搶獲夷衣等件並著分別存貯收回之圓成礮十五位子母礮六位著遇便解京所有捐造礮位藥餌及雇募壯勇購買船隻等之各官紳朱圻等均屬急公好義著劉韻珂即將該官紳所捐原案查覈奏請鼓勵將此諭令知之○命襄辦浙江軍務前任提督陳階平告養布政使鄭祖琛各回籍○緩徵兩淮富安安豐梁垛東臺何垛丁溪草堰劉莊伍祐新興廟灣板浦中正臨興十四場被水被旱歉區新舊額賦○己酉諭內閣訥爾經額奏請大沽設立海防同知一員作為題缺稽察入口出口船隻查驗票照有無夾帶違禁貨物及兵民強買盜買漏稅等弊准理兵民客商詞訟其命盜重案仍歸縣辦照海疆三年俸滿本例升轉即於本省簡僻同知通判內酌裁一缺等語著照所議辦理所有

善後經費該督請於蘆綱加價銀內酌撥二十五萬兩以五萬兩作為購備商船建造衙署之用以二十萬兩發商生息以八千兩陸續歸本以一萬六千兩作為歲費如有贏餘年終報查儘數存貯天津道庫歸入交代等語准其酌撥籌辦○諭軍機大臣等據穆彰阿等奏詳議天津善後章程一摺朕逐條披閱所請將沿海營兵擇其善於泅水勤加教練一節各省水師積習僅於近海處所虛放槍礮遇有匪船滋擾不能出奇制勝輾轉效尤幾成故套此次所練水兵著訥爾經額明定操期酌籌賞項飭屬勤加訓練仍以時親往簡閱期於諳習風潮駕駛得加切勿裝點虛文仍循陋習所稱購備商船固屬因地制宜惟平時操演臨敵進兵能否資以為用仍著悉心籌議大沽望樓高至六丈有餘本賴以登高瞭望朕意現在既設巡哨兵船如果水兵得力自可隨時偵探著該督於明年夏



秋間體察情形。或將望樓拆卸。其木料留抵別項工用。至馬隊資以衝突。務須分合得宜。礮火利在攻堅。期於施放有準。酌定防守班期。以恤兵力。收貯設伏器具。以實軍儲。均著如所議行。再本地商船。不准偷越外洋。閩廣商船。即在葛沽停泊。聽候查驗。及上海寧波等處商船。酌定稽查章程。此三條係為杜漸防微起見。有應移咨江浙等省者。即著該督咨行各該省。按照現議章程。一體遵辦。惟商漁船隻。由該縣出結報查。驗明執照。編列字號。開具清冊。並葛沽派委員弁。嚴禁船戶勒捐偷盜。並上海寧波商船。由地方官取具甘結等事。恐該管官視為具文。虛應故事。並胥吏藉端需索。著該督一併移咨江浙等省。飭屬認真稽查。嚴懲需索。務於盤詰奸宄之中。仍存體恤商旅之意。方為盡善。新設總兵一員。應在何處扼要駐劄。著該督另議具奏。至天津關廂內外。分堡設局。團練義勇。及場電

民夫編查年貌二條。既經行之有效。自應照舊辦理。至天津永平等處官荒地畝。如何分飭各府州縣清查招墾納租。以資津貼。以本處地利作本處防費。較之加價生息。尤為正大。著訥爾經額查明奏辦。以上一切章程。有治人斯有治法。總須行之以實。特之以恆。此外如有未盡事宜。即由該督隨時籌議奏請施行。將此諭令知之。○又諭。天津添設兵丁六千餘名。合之原設額兵。為數已屬不少。其分撥海口巡哨及存城各兵。均應時加操練。以資熟習。現在海疆安靜。而思患豫防。不可一日無備。自當熟思早計。安不忘危。設或烽燧告警。總以火礮為先。其一二百斤之礮。尤為適用。多多益善。次之以擡槍鳥槍。次之以刀矛。又濟之以馬隊。應如何分布。如何會合。兩旁如何抄襲。後路如何策應。埋伏兵丁。如何出其不意。潛起夾攻。無事則分列各營。有事則聯為一體。務期號令指揮。捷若指臂。臨

陣方能得力。著訥爾經額即倣照速戰陣式。諄諭各將備。務將新舊兵丁勤加練習。並申明紀律。俾知臨敵皆有進無退。庶幾人人用命。不致臨事張皇。至用礮轟擊。固賴熟諳礮手。方能命中。而統率之將弁。尤不可不專其責成。南北礮臺。尤應揀派精能。妥幹武職。各一員。專司稽察。平日與看守礮臺兵丁講究方略。庶膽氣日壯。施放有準。自可呼應便捷。無堅不摧。用收有備無患之效。將此諭令知之。○又諭前據訥爾經額奏。天津善後章程。內巡哨一條。稱每年開河起至封河止。分為兩班。按月輪轉。南至山東。北至山海關。奉天等處。船隻各編字號。出哨回哨日期。報明鎮道。覈詳等情。當交軍機大臣查覈具奏。茲據穆彰阿等奏。稱請飭奉天等省一體會哨等語。奉天山東原有會哨之例。現在直隸既有巡哨兵船。則三省洋面連為一氣。於巡查哨探。自可益形周密。著禧恩托渾布嚴飭該弁

兵等酌定日期。會同直隸巡洋兵弁一體梭查。儻有洋匪竊發。果能於出洋會哨之時。擒捕擊獲。准予加等鼓勵。其有畏怯風濤。僅知泊船近洋。不能駕船遠探者。一經查出。即行嚴加懲處。務使稽查得力。洋面肅清。是為至要。將此各諭令知之。○緩徵江西南昌新建進賢建昌安義德化瑞昌湖口彭澤雲都鄱陽萬年星子都昌德安餘干清江新淦豐城新喻峽江廬陵吉水泰和二十四縣被水村莊新舊額賦。○庚戌上御洞明堂。勾到河南山東情實罪犯。停決河南斬犯一人。絞犯七人。山東斬犯六人。絞犯二人。餘六十人。予勾。○諭內閣。前據內務府奏。職員捏造假印。冒領銀款。請旨究辦。當降旨。交宗人府會同刑部審訊。茲據審明定擬具奏。此案內務府已革庫掌琿璋。疊次私雕印信圖記。先後冒領冒銷各庫貯至三十餘次之多。實屬積年巨蠹。大干法紀。余三代雕

假印始終同謀分贓。珽璋著銷除本身旗檔。與余三俱即處斬。已革驍騎校慶豐知情分贓。著銷除本身旗檔。照擬絞監候。秋後處決。拜唐阿海陞祇知冒領。不知假印。著革去拜唐阿。銷除本身旗檔。從重發往新疆酌撥種地當差。並著不准停遣。即行發配。朱大價買假領。從中圖利。著照擬杖一百。流三千里。即交順天府定地發配。不准留養。前任內務府大臣已革四等侍衛宗室奕紀。因不能查出冒領之人。輒令文景等賠繳。已屬顛預。又於月摺內詐稱大雨時行。繳回銀兩等詞。標畫入奏。更屬有心諱匿。著從重發往盛京充當苦差。已革上駟院卿豫堃。郎中文景。富呢雅。杭阿。富文。相率消弭冒領案件。均屬玩法。養奸。富呢雅。杭阿。又查出造辦處假文。不行回堂。僅予發往軍臺。未足蔽辜。豫堃。文景。富呢雅。杭阿。富文。均著發往伊犁效力贖罪。休致。堂郎中延衡。已革員外郎明濬。筆帖式景泰。

或係徇情容隱。或為送文畫押。均屬不堪延衡著即斥革。與明濬。景泰。俱發往軍臺效力贖罪。內務府堂司各官。業經降旨分別議處。此外歷年失察之堂司各官。以及各衙門歷年失察堂司各官。著吏部查取職名。照例辦理。廣儲司被領庫銀。顏料庫被領顏料。除賠繳追出外。著與冒銷煤斤一併由各該衙門按照冒領冒銷年月。著落在任堂司各官名下。酌定成數。分賠歸款。北城吏目羅維拏。獲此案。要犯緝捕尚屬出力。著以應升之缺。即行升用。○又諭本年七月南河桃北崔鎮汛地。方黃河漫決。該河督麟慶未能先事豫防。咎有應得。本應照上年東河成案。革職枷號治罪。姑念該河督起辦灌塘。俾回空軍船。得以渡黃無誤。且夏秋間辦理防堵事宜。亦尚妥當。罪不掩功。麟慶著即革職。加恩免其枷號發遣。○又諭天津為京畿藩衛。前曾降旨將巴里坤總兵裁撤。移置天津。交兵部詳查。

具奏。茲據該部奏稱嘉峪關外設立兩鎮。一為巴里坤。一為伊犁。而巴里坤尤為扼要。該處總兵未便裁撤。惟伊犁鎮總兵與伊犁將軍駐紮相離甚近。且綠營將備向歸將軍統轄。可由該將軍就近稽查等語。著照所議。即將伊犁鎮總兵裁撤。移置天津。其舊有之官弁著兵部酌裁十分之二三。詳細覈議具奏。至伊犁屯田兵丁應歸何員專轄兼轄之處。並著陝甘總督伊犁將軍參贊大臣會同妥

寶集奏言八四

立

議章程。奏明辦理。○又諭綿悌與伊弟綿悌既屬同居。其奏奏奕綠又經聯銜於綿性圖革王爵等情。斷難諉為不知。朕不為已甚。姑免深究。若僅照議降一級調用。未免過輕。綿悌著革去不入八分鎮國公散秩大臣副都統降為鎮國將軍。以示薄懲。○諭軍機大臣等。現在天津新設總兵一員。應在何處扼要駐紮。昨已降旨令訥爾經額妥議具奏矣。茲據兵部奏請裁撤伊犁一鎮。移置天津等語。

寶集奏言八四

六

著該督體察情形。詳加履勘。所有新設總兵應於何處駐紮。足資控制。天津一帶既有兩鎮。其鎮名應如何區別。至應行管轄備弁。或由現在天津鎮總兵標下酌量分派。或將伊犁酌撤之備弁隨同移駐。以及一切未盡事宜。著一併詳晰妥議。先行具奏。將此諭令知之。○調戶部右侍郎陳官儉為吏部左侍郎。兵部右侍郎何汝霖為戶部右侍郎。兼管錢法堂事務。以都察院左副都御史祝慶蕃為兵部右侍郎。仍兼署刑部左侍郎。○以乾清門頭等侍衛載增為內閣學士。兼禮部侍郎銜。○以內閣學士舒興阿兼鑲黃旗蒙古副都統。○以吏部左侍郎潘錫恩為江南河道總督。未到任前。以漕運總督周天爵兼署。○命欽差協辦大學士戶部尚書敬徵工部尚書廖鴻荅回京。○辛亥。諭內閣。敬徵等奏覆勘堵築楊工漫口。開挖引河。接挑長河淤墊工段。酌撥分撥銀數一摺。此項工程。覈實共

估銀五百七十四萬一千餘兩。著戶部先行籌撥銀一百七十萬兩於年內批解到工。於正月月底開工。再於明年五月撥銀二百萬兩。豫購料物挑挖引河興築壩基。九月初旬再撥銀二百萬兩。以為擇日進占合龍之用。俱著照所議辦理。至尾零銀四萬一千兩。如大工內有節省。亦照所議毋庸找撥。以歸實用。其豫購歲料一款。已由戶部先撥銀一百萬兩。據該尚書等查明尚有贏餘。其餘二十萬兩。即著毋庸續撥。至來年豫防大汛工需。亦當酌減。著該河督屆時覈實請撥。以杜虛糜。又另片奏上年戶部撥給南河辦工一款。現在尚有節省。請將本年揚工漫口將來補還。黃河正隄及中運河緯隄。現估銀十六萬三千餘兩。即歸入前次節省項下開銷。併將漫口兩頭盤埽及移塘中河培隄築壩鑲埽挑河。並明年重運灌塘等項經費。均不准另行請帑。亦在節省款內酌覈辦理。分別奏咨報

部如再有餘騰。即估培挑南挑北卑矮隄工各等語。亦著照所議行。潘錫恩抵任後。著周歷各工段處所。逐加履勘。總期辦理得手。以重要工而收實效。○以兵部右侍郎慧感為河東河道總督。調盛京戶部侍郎惟勤為兵部右侍郎。盛京刑部侍郎惠豐為盛京戶部侍郎。兼管奉天府府尹事。以駐藏幫辦大臣訥勒亨額為盛京刑部侍郎。正紅旗漢軍副都統鍾方為駐藏幫辦大臣。○以河南城守尉惟祿為鑲藍旗蒙古副都統。○壬子。上御洞明堂。勾到山西直隸熱河情實罪犯。停決山西斬犯三人。絞犯一人。直隸斬犯五人。絞犯三人。餘六十八人予勾。○癸丑。諭內閣。周之琦奏。拏獲拒捕匪徒審辦一摺。此次廣東匪徒關亞烏等在廣西貴縣等縣交界地方。疊次搶劫。復敢聚眾抗拒官兵。實屬藐法。經該署縣等奮力圍捕。先後格斃匪徒關亞九等多名。並陸續拏獲首匪關亞烏等多名。

所辦尚好。該匪等夥黨究有若干。此外有無另犯不法重情。著該撫督率委員嚴加根究。仍飭該府縣會營嚴緝。在逃各逸匪務獲究辦。並於各交界處所搜緝餘匪。毋使藏匿。所有此次兜拏匪徒辦理迅速之印委各員著該撫擇其尤為出力者酌保數員。候朕施恩。毋許冒濫。○諭軍機大臣等。周天爵等奏拏獲結捻首犯一摺。據奏十一月初一日經李湘棻之子李麟還留工同知于昌導帶同義

平定人等

七

勇眼線在寶應縣地方拏獲結捻首犯馬淙禹。供認與縱紅等糾夥起意搶掠斃命。拒捕傷官各情。查拏甚屬可嘉。出力員弁著據實保奏。候朕施恩。前獲縱紅現據訊明實係正犯。並未格斃。著即移咨程樑采。飭提縱立解浦。歸案嚴審。是否即係縱三捏名圖脫。務得確情。逸犯馬淙夏縱友等仍飭原拏員弁上緊分緝。務淨根株。再前據裕泰等奏湖北東陽縣地方有河南泌陽縣捻匪竄入境內。續

寶應縣人等

十

據奏獲李洗彩等三十餘名。尚有徐應青等在逃。當經明降諭旨。令湖北河南江蘇安徽各督撫協力緝拏。現在周天爵等既經拏獲捻首。則河南捻匪為首何人。是否同夥。著即向現獲各犯確切根究。如能指出蹤跡。即行知會各該省督撫迅速兜拏。毋任分竄。他省所有馬淙禹縱紅二犯著俟訊明後按律辦理。將此諭令知之。○命庫車辦事大臣孔拉芬春往奠故回子郡王伊薩克茶酒賞銀五百兩。以其子頭等台吉阿克蘇三品阿奇木伯克愛瑪特襲爵。○修直隸永定河金門閘。從總督訥爾經額請也。○甲寅

上詣綺春園問

皇太后安。○遣官祭

先醫之神。○諭軍機大臣等。前據奕經等奏寧波失守。隨同潰散陸續投回之兵丁李全等五十名。請按名責革。不准入伍等語。當交該部查議具奏。茲據刑部奏稱。乍浦失守潰

散投回兵丁張九皋等六十二名前經該將軍等奏請發遣充當苦差。今李全等僅擬革責。同一隨同潰散。擬罪大相懸殊。有無情形不同。又湖州協都司多齡提標中營守備魏長泰或稱奉委巡查。或奉委搶護銀箱出城。是否屬實。請飭查明等語。著劉韻珂將潰散投回之兵丁李全等五十名查明實在情形。另行定擬具奏。至多齡奉委巡查。是否無帶兵之責。魏長泰是否委護銀箱。一併確查。務得實情。毋任諱飾。避就。其在逃未回之兵丁潘萬清等五名。著即飭屬嚴拏。務獲究辦。將此諭令知之。○乙卯

上諭

安佑宮行禮。○諭內閣。奕山奏請鼓勵出力員弁。開單呈覽。軍營文武員弁。果能殺賊立功。一經奏到。朕必破格施恩。優加升賞。至隨營差委。練勇防堵。並未與賊接仗。若遽予議敘。必致沿海各省。紛紛請實屬冒濫。所有此

實錄卷一百八

五

實錄卷一百八

五

次懇請鼓勵之處。均不准行。○又諭陶廷杰奏審明夾遞封章之驛書。請解部審辦一摺。陝西驛書湯之相膽敢妄擬封章。夾入報匣轉遞。現經該署撫派員訪獲。比對字跡相符。所有該驛書應得罪名。即著該署撫按律定擬具奏。毋庸解赴刑部。此案該署撫等雖失察於前。業經自行查出。不致案懸不結。又無拖累。陶廷杰、劉源灝均著免其交部察議。其該管各官。亦著毋庸再行奏請交議。尋奏湯之相擬發邊遠充軍。下部議從之。○諭軍機大臣等。祁墳奏味喇哩夷人投遞文稟一摺。味喇哩國夷人向稱恭順。該夷伯理以伊熟習天文算法。懇求進京效用。業經祁墳正言諭止。其夷目咖呢所陳貿易事宜。著伊里布於到粵後。會同祁墳悉心籌議。總當循照舊章。不可有所增改。或有洋商苛累該夷之處。著伊里布查明示禁。以昭體恤。儻敢覬覦設立馬頭等事務。即剴切諭止。斷不准稍為遷



就總期於懷柔遠人之中。示以天朝定制。俾無滋生事端為要。再者英奏大黃茶葉湖絲加增稅銀。業已函致伊里有請。俟到粵時覈議等語。著伊里布於赴粵議定稅則時詳加察訪。通盤籌畫。將此由四百里諭令知之。

又諭有人奏廣東省總督署內有一方幕拔貢生余廷槐盤踞贖貨。與肇慶府訓導黃培芳表裏為奸。因團練鄉勇。乾沒軍餉。該省怨聲沸騰。有粵事壞於二豎之語。所練鄉勇大

實錄卷三百八十五

三

率游手匪徒。並薦劣紳統領。聚至三萬六千名。殺人行劫。並與土匪聯黨。擄人勒贖。搶及婦女等語。如果屬實。大干法紀。著伊里布於到粵後密行查訪。務得確情。據實具奏。毋稍徇隱。將此諭令知之。○又諭祁墳等奏查明演礮圖說。係六品軍功頂帶監生丁拱辰所著。曾經西拉本更訂數條。現將原書及更訂之本附報進呈等語。覽奏均悉。火輪船式該省所造既不適用。著即無庸雇覓表匠製造。

亦無庸購買。其紳士潘仕成所製火藥水雷。

如果造成演試有效。著即送京呈覽。將此諭

令知之。○緩徵江蘇桃源蕭沭陽上元江寧

句容溧水高淳江浦六合長洲元和吳江

震澤常熟昭文崑山新陽華亭奉賢嘉山陽

阜寧清河安東鹽城高郵泰海東臺甘泉寶

應銅山沛碭山宿遷睢寧金山南匯青浦川

沙武進陽湖無錫金匱江陰宜興荆溪靖江

丹陽金壇溧陽太倉鎮洋五十五廳州縣及

實錄卷三百八十五

五

大河徐州蘇州鎮海淮安揚州六衛被水被

旱莊屯。新舊額賦。給蕭縣徐州衛軍民一月

口糧。○緩徵陝西神木榆林懷遠府谷綏德

清澗米脂吳堡葭州九州縣歉收村莊新舊額

賦。○丙辰

上詣

大高殿

壽皇殿行禮。○奉

皇太后還宮。○諭內閣著英奏請將掣升外省



武職人員。先行考驗給咨。並請飭令掣升江  
南江西人員。迅赴新任一摺。江南江西二省  
應行赴部守備以上官。積至二十五員之多。  
所有由部掣升他省之參將王鳳翔等九員。  
及由江西都司掣升江南遊擊劉觀美一員。  
均著該督先行調考給咨。其由他省掣升江  
南江西各員。著兵部查明行文各該省。將該  
員等迅速給咨赴部引見。領劄赴任。以專責  
成。其餘應行引見武職。著准其俟善後事宜

實錄卷一百八十五

三

辦有頭緒。及升任各員到省後。接替有人。再  
行陸續給咨赴部。○諭軍機大臣等。著英奏  
查看鎮江府大概情形一摺。鎮江府城自被  
逆夷蹂躪之後。乏食難民。謀生無術。自應量  
加接濟。著該督即飭該地方官查明戶口。會  
同該撫妥為籌辦。其城垣廟宇學宮考棚營  
汛等項。著俟來歲春融次第興辦。京口駐防  
旗營槍礮器械。多有毀失。准其於蘇州總局  
內先行分給。以便操巡。如有不敷。再行補製。

無論何項總期精良適用。不得有名無實。致  
成具文。至鎮江營弁兵。尚無先行逃避情事。  
技藝人材。亦屬去得祇可責以後效。其京口  
水師左右二營。及所屬之高資水師營。額設  
兵丁。雖有二千三百餘名。而所管汛撥多至  
八十一處。又有巡江會哨事宜。本形單薄。應  
如何變通成法。酌定章程之處。著該督周歷  
查明。妥議具奏。至戰船板薄釘稀。為數亦少。  
准其暫緩興修。前已有旨。諭令四川總督選

實錄卷一百八十五

三

備木料。該處製造戰船時。即查明需用何項  
木植。再行奏聞。飭令川省運工聽用。又另片  
奏。老河影地方已桿老回畚所搭草棚。現俱  
焚毀無存。著即嚴飭該營縣。如有再敢搭棚  
棲止者。不論是否鹽梟。棚即燒燬。人即拏究。  
儻該管營縣查禁不力。弁兵吏役得賄縱容。  
分別嚴參懲辦。仍於每年場鹽旺產。及捆運  
出場之時。由該督揀派道府參遊大員。巡查  
一次。俾匪徒無立足之所。鹽斤無頓積之地。

則根株自絕。後患無虞。此是一大轉機。不可錯過。勉力為之。將此諭令知之。○又諭周天爵奏。遵查漕務弊竇一摺。漕船兌開果無遲滯。則渡黃抵通。回空歸次。皆可節節趕早。該漕督所議各項章程。著廖鴻荃於抵任後。體察情形。通盤籌畫。會同耆英及沿河各督撫悉心妥議。務當剔除弊竇。俾漕船得以依限渡黃。剋期抵壩。毋任稍有遲逾。將此諭令知之。○漕運總督兼署江南河道總督周天爵

實錄卷三八四

主

乞回籍守制。允之。以欽差工部尚書廖鴻荃署漕運總督。兼署江南河道總督。○以阿克蘇屯田豐收。予員弁議敘。賞兵丁一月鹽菜銀。○丁巳

聖祖仁皇帝忌辰遣官祭

景陵○

上詣

壽皇殿行禮○詣

關帝廟拈香○戊午

上詣

皇太后宮問安○御懋勤殿。勾到朝審情實罪犯。停決官犯一人。斬犯二人。絞犯一人。餘二十四人。予勾。○諭軍機大臣等。耆英奏接到閩浙函報。覆奏夷情一摺。據奏九月十六日淡水廳有遭風夷船一隻。救起白夷二十五人。十月初一日又有夷船到臺。該道姚瑩傳見夷酋。已將五月內將夷俘正法之故。正言曉諭。並將遭風難夷准予領回。復親至該酋

實錄卷三八四

主

船上。夷目感恩設誓。執禮甚恭。等語。計噤噤。噉此時已可到閩。著耆英接到閩信後。體察情形。如果始終恭順。即毋庸議。儻有要求扶卹。仍遵前旨相機辦理。另片奏。味喇哩商船至浙貿易。已據該道鹿澤長諭回廣東。現已啓破開行等情。前據祁墳等奏。味喇哩在粵呈請貿易事宜。已有旨諭令伊里布剴切曉諭該夷。仍循舊章辦理。儻洋商等有苦累該夷之處。查明禁止。斷不准有覬覦設立馬頭

等事。茲該夷既至浙江。難保不至江蘇。懇求著該督諄飭所屬詳察來意。妥為撫馭。如有要求事件。即告以該國向在廣東貿易。由來已久。仍應回至粵省。照舊通商。天朝制度。自有一定。不能少有改變。以示限制。為要。將此由四百里諭令知之。○修浙江海鹽縣塘工。從巡撫劉韻珂請也。○以運道無阻。命浙江漕糧仍徵本色。○蠲緩浙江淳安桐鄉富陽三縣被水村莊額賦有差。○己未諭內閣。自

實錄卷一百八十四

三

明年正月為始。凡遇致祭

奉先殿。著添派皇四子<sup>○</sup>皇子奕詝。皇六子奕訢。輪班恭詣行禮。○又諭。特依順奏。添設擡礮鳥槍。留營操防。一摺。擡礮鳥槍。均為行軍利器。該將軍前於軍需局內領出擡礮一百位。鳥槍二百桿。既經練習。著有成效。即著歸於杭州滿洲營。按期操演。毋庸再行繳還。所有新設擡礮。應用火藥三千七百五十斤。鉛彈四千六百八十七斤。零添設鳥槍。應

用火藥七百二十斤。鉛彈九百斤。著該撫飭令藩司及該協。一律照例配領製造。其乍浦滿洲營添設擡礮二十位。亦著照杭州滿洲營一律辦理。所用鉛彈一項。仍照銷三揀七之例。於年終一併報部覈銷。○諭軍機大臣等。特依順奏。軍需用項未經涉手等語。浙江軍需銀兩。既據奏稱。業經等自江蘇至浙江省城。及紹興等處。歷次提用。何員經手作何用度。共有若干。特依順均無案可稽。現在奕

實錄卷一百八十四

三

經文蔚俱已解京。前有旨。令經手各員留浙報銷。特依順既未與聞。即著毋庸會辦。至該將軍賞過官兵銀三千一百兩。准其歸入軍需項下。作正開銷。毋庸在養廉扣繳。其參贊大臣關防。仍著特依順遇便恭繳。將此諭令知之。○命理藩院尚書吉倫泰。戶部右侍郎何汝霖。正藍旗蒙古副都統富僧德。在紫禁城內騎馬。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十四

實錄卷之三百八十四

三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十五

監外編修官魏元日渠延居任官太子太師禮部尚書文淵閣學士吏部尚書禮部尚書兵部尚書刑部尚書工部尚書戶部尚書各部尚書  
太子太師禮部尚書文淵閣學士吏部尚書禮部尚書兵部尚書刑部尚書工部尚書戶部尚書各部尚書  
七倉大臣糧餉司四庫館司各一級隨帶加六級軍功加三級此錄五級  
內務府大臣錢寶琮滿洲副都統德馨內七倉大臣管理宗人府銀庫左翼內務府  
學府進納等事務應帶加十八級臣等謹將各官擬請加級數開列  
學府進納等事務應帶加十八級臣等謹將各官擬請加級數開列

收發

道光二十二年壬寅十一月庚申

上詣

大神廟

宣仁廟

凝和廟拈香○諭內閣前據陶廷杰奏陝西  
坐選典史吳恒在西安府呈控驛站積弊一  
案當降旨令壁昌於差竣赴陝時沿途留心  
查訪嚴行懲辦以肅郵政茲據該將軍奏稱  
沿途挨次點查各驛額設馬匹均無短缺所  
需麩料草束詢之民間並無勒取折扣藉端

濫派各情已革典史吳恒所控著毋庸議至該革員以事不干己妄言聳聽其中有無挾制圖幫私和抑勒情弊著陝西巡撫李星沅於到任後覈實查辦以儆刁風○諭軍機大臣等據裕泰等奏湖北黃安縣地方有豫省搶匪入境行劫拒殺二命等語此案光山縣得贓物仍回光山羅山地方似此肆行劫掠擾累數省若不悉數擒拏嚴行懲辦必致分竄各省為害閭閻著鄂順安嚴飭各屬地方文武員弁按名拏獲就近審辦斷不准一味因循坐誤致日後釀成巨案懷之將此諭令知之○以翰林院侍讀景霖充日講起居注官○以喀喇沙爾屯田豐收予員弁議敘賞兵丁一月鹽菜銀○辛酉諭內閣穆特恩奏請將協領原品休致一摺青州協領倭克津既已年力就衰著照所請倭克津准其入於計典以原品休致至各省駐防考驗逾歲人

員軍政於具題時將該員旗分職名年歲若干之處另繕清字夾片具奏乃穆特恩所奏未能畫一辦理嗣後務須與各省一律夾片入奏○又諭前據步軍統領衙門奏酌改另戶步甲額缺歸併錢糧作為技勇兵以備操防當交軍機大臣會同該部議奏茲據酌議具奏朕詳加披閱所議各條均可照辦惟是兵丁技勇全在訓練嚴明始足備干城之選儻日久生懈仍復視為具文則徒有技勇之名而無技勇之實亦何用改立章程為耶嗣後著責成該管衙門將所挑兵丁勤加操練務期一律精熟於一二年後著有成效方為覈實認真如查有施放槍礮不能整齊操演行陣不能如式者員弁則分別議處兵丁則隨時責革不准稍有瞻徇回護以副朕勤修武備整飭戎行之意○又諭前曾降旨將鎮江府失事文武各員弁交刑部分別治罪茲據該部按律定擬具奏已革鎮江府知府祥

麟已革京口副將孝順武守備盧萬春均有守城之責俱著照部議從重發往新疆充當苦差盧萬春於接仗墜馬後躲避民舍改裝出城情尤不堪著加枷號一箇月滿日再行發遣已革署丹徒縣知縣錢燕桂係屬守土州縣何以隨同齊慎在城外駐劄嗣復移駐新豐齊慎何以不飭令回城之處著兩江總督分別咨查嚴訊確情定擬具奏尋奏錢燕桂襄辦糧臺隨參贊移駐新豐折回鎮江城已失陷並非參贊不飭令回城尚非有意躲避擬斬監候秋後處決下部議從之○諭軍機大臣等前據兵部議將伊犁鎮總兵裁撤移置天津當經降旨著陝甘總督伊犁將軍等將伊犁屯田兵丁應歸何員專轄兼轄之處會同妥議具奏矣茲據兵部議奏該鎮總兵裁撤後各營大小官兵分別移駐酌裁等語伊犁地處邊陲仍著富呢揚阿會同布彥泰等詳加體察該部所議各條是否妥善如

尚有因地制宜量加酌改之處即著據實具奏請旨交部再行覈辦以期於兵制屯田悉臻妥協將此各諭令知之○又諭達洪阿等奏護送夷俘內渡情形一摺據稱接准怡良等會札將夷目顛林等提禁釋回護送內渡並安平洋面有三板進口遞書求見據探書內索還夷俘及船內銀物經該府諭以夷俘九名現予釋放護送內渡該夷聞知尚為恭順該府作書遣人至廈門明白曉諭等語所辦俱是惟該夷官遞書未交並不候示即掛帆駛去是否借投書為名來探消息有無別懷意見自應妥為防範仍著該鎮道等隨時體察就該夷現在情形妥商籌辦務期駕馭得宜不至別生事端是為至要將此諭令知之○又諭給事中杜彥士奏請飭閩省廈門文武官員照舊駐劄一摺廈門為海口要地向來興泉永道海防同知水師提督均係常川駐劄該處何以近來祇有同知顧教忠來

往廈署而該道及提督均改駐同安不敢到廈是否因夷船停泊鼓浪嶼心存畏蕙著怡良等確切查明據實具奏該給事中又奏稱閩省漳泉等府械鬪日多皆由地方官藉詞防堵不理民事以致奸民糾眾橫行如果屬實是閩省吏治民風日形敝壞並著怡良等嚴飭該地方官認真查拏從嚴懲辦以除積習而靖閭閻將此諭令知之○又諭寄諭直隸總督訥爾經額本日兵部覈議裁撤伊犁

鎮總兵移置天津並酌議改設移駐各員一摺已降旨諭令陝甘總督及伊犁將軍參贊酌覈覆奏矣惟擬裁各員或令赴部候補或令移駐天津是否能勝新移之任應由該督悉心覈議是否人地相宜得收實用再伊犁係屬邊地該員等養廉馬乾等項銀兩比內地營員較多將來移駐天津各員其養廉等項銀兩以及添建衙署鑄造印信鈐記一切事宜均著該督妥為籌議奏明請旨分別辦

理將此諭令知之○減免直隸新河隆平安寧晉西州縣積滯地畝本年額賦有差○壬戌諭內閣前降旨令督撫提鎮保舉所屬水陸將弁原為豫儲將材起見必其人才出眾為守兼優遇有緩急可當重寄方足備干城之選若僅監造器械嫻熟弓馬乃該員等分內應為之事以此率登薦牘則各省循分供職人員舉不勝舉徒為該員等開一登進之途而其人之是否將材漫無確據甚非朕

破格用人之意本日梁萼涵保舉山西武員摺內撫標中軍左營參將谷韞琛一員據稱才猷練達遇事敢為緩急可靠著准其送部引見其王學詩巴彥布二員或稱其隨同製造槍礮或稱其留心營伍有志向上皆無出色實據著不准其保舉至大同一鎮所屬保舉至十員之多而該撫則稱尚無真知灼見未敢悉登薦劄可見該總兵祇知見好屬員並不知秉公覈實遠拔真材豈緩急可靠者

該鎮獨如是之多耶。况前降諭旨指明督撫提鎮各保所屬數員具奏。該鎮果有人才。儘可自行保舉。若各提鎮濫保多名。移咨督撫代奏。是恩則歸己。怨則歸人。將來保舉不實之咎。又將誰屬。著再通諭各直省督撫提鎮。務當恪遵前旨。各於所屬將備中留心察看。擇其素行實在體面。嫻明紀律。並能與士卒同甘苦。兵民悅服者。各自具摺覈實保奏。儻仍存邀譽屬員之見。但以一奏塞責。殊失朕

聖訓

八

平定回疆方略卷八十五

七

求賢若渴之本意也。懍之勉之。○以江南江安蘇松道屬糧價增昂。暫緩收買各幫丁行月等米。○

上以冬至祀

天於

圍丘。自是日始齋戒三日。○癸亥諭內閣。富呢揚阿等奏。野番竄至青海地面。設法擒捕。一摺。據奏賊番二百餘人。在牛頭俄博遊奕。千總楊祿開槍轟擊。殲斃賊番二十餘人。追至

哈拉哈兔山溝。復有賊番三四百人。抄截官兵。楊祿因騎馬中槍。掀跌被害。副將馬奉三帶兵馳往應援。直壓賊隊。始各奔逸。其滋擾哈拉庫圖營賊匪。亦經官兵放槍轟斃。餘賊逸去等語。署西寧鎮張銳查辦鬆懈。捕逐失宜。且此次賊番沿邊劫掠。該署鎮及護副將馬奉三。不能先事豫防。致賊深入。戕害兵弁。咎無可辭。張銳馬奉三均著交部議處。○諭軍機大臣等。富呢揚阿等奏。野番竄入青海。設法擒捕一摺。此次賊匪分股滋擾。戕害兵弁。實屬異常兇狡。斷不可任其得賊飽颺。以致番族效尤。該督現將張銳撤任。並飭令徐華清前往署理。統帶弁兵。辦理防堵事宜。所辦尚妥。現屆大雪封山。不值冒險深入。此等野番搶劫。是其慣技。若帶兵將備。怠玩從事。必致該番族等恃其兇狡。肆意滋擾。著明歲春融。督飭徐華清體察情形。酌量多帶精兵。設法勦捕。務將番賊漢奸。密為購線。躡緝。毋



任漏網。將此諭令知之。○緩徵甘肅武威。碾伯。臯蘭。河。狄道。金。靖遠。寧遠。會寧。平涼。靜寧。隆德。固原。安化。寧。環。寧。夏。寧。朔。靈。中。衛。平。羅。西寧。湟。崇。信。靈。臺。鎮。原。二十六州縣暨沙泥州判所屬歉收村莊新舊額賦。○甲子

上詣

南郊齋宮齋宿。○兩江總督耆英奏。喚咭喇。控訴臺灣鎮總兵妄殺遭風難夷。冒功捏奏。雖屬一面之詞。而事涉外夷。有關體制。如實係

妄殺冒功。則該鎮咎亦難辭。應請將臺灣鎮

總兵達洪阿。解部審辦。以期水落石出。得旨。

自有辦理之處。此斷不可。該夷詭詐百出。勿

墮其術中也。即使實有其事。亦當另有處置。

○旌表守正捐軀江蘇睢寧縣民李兆瑞妻

白氏。○乙丑冬至祀

天於

圓丘。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后

孝慎皇后

孝全皇后陵寢。○遣官祭

端慧皇太子園寢。○停次日朝賀。○詣

皇太后宮問安。○諭內閣。前有旨。令保昌來京

另候簡用。福州將軍著怡良兼署。茲據怡良

奏稱。現駐泉州。未能回省。將軍事務。礙難在

泉州辦理保昌著侯壁昌到閩後再行起程來京。○諭軍機大臣等據者英由驛馳奏。啖咭喇控訴臺灣鎮總兵冒功妄殺遭風難夷請旨將該總兵達洪阿解部審辦等語。兩軍交戰之時。明攻暗襲。勢所必然。加以言語不通。來即拒之。又何能望而知其為難夷。不加誅戮耶。今既通商。不當藉口別生枝節。著者英再行剴切曉諭。現在臺灣於九月間救護遭風白夷二十五人。已於十月中旬由該道

姚瑩給還。該夷目等懸掛彩旗。迎接該道上船。持酒起誓。感激天朝。總之未定通商以前。兩國將備兵民。各有傷損。此時一概前事。各宜置之不論。若因達洪阿守禦有功。轉加重罪。試思彼國出力大將。豈能因我國一言。遽令廢棄乎。儻達洪阿實有貪功妄報情事。將來一經查訪明確。自當以中國之例處之。該夷不必過問。我國傷亡將士甚多。又豈能於事定之後。向該夷一一取償耶。現在籌議通

商。正在喫緊。惟有速定大局。以期干戈永息。如此開導。諒必盡釋前疑。同守善定章程。辦理矣。將此由五百里諭令知之。○又諭寄諭福州將軍壁昌。本日據怡良奏。現在駐劄泉州。福州將軍事務。未能在泉州辦理等語。該省將軍事務。現當喫緊之際。前交壁昌審訊之案。著即趕緊訊結。起程來京。請訓後速赴新任。毋稍遲滯。將此諭令知之。○賞八旗兵丁一月錢糧。○丙寅。以宗人府府丞劉重麟

為都察院左副都御史。○給浙江因災減歇各幫丁銀。○丁卯。諭內閣。已革兩江總督牛鑑。身任封圻。辦理防堵。半載有餘。既不能固守吳淞海口。又不能嚴守長江。以致寶山等縣及鎮江府城相繼失陷。犯及省垣。實屬防堵不密。貽誤機宜。牛鑑著照議定為斬監候。秋後處決。○戊辰。諭軍機大臣等。劉韻珂奏。咪喇啞國商船。求在寧波報稅通商。諭令仍回粵東。不得逗留浙境。該夷旋即回船等語。

咪喇啞圖向在粵省通商。本有一定馬頭。何得駛赴寧波。希圖貿易。現在該商船自三江口駛出招寶山。復自招寶山駛往定海。是否業已開往粵東。著該撫委員確查。儻仍希圖在浙貿易。務當再行明白曉諭。並嚴行飭諭內地商民。毋許潛向該夷私售貨物。致啓日後來浙之漸。至該撫因屢次失陷地方。自請從重治罪。前此乍浦失陷。部議上時。業經明降諭旨。加恩改為革職留任矣。此時毋庸再

行議罪。該撫惟當激發天良。實心任事。於地方一切公務。認真辦理。以副朕委任之意。將此由四百里諭令知之。○又諭前因有人奏候選直隸州知州鄂雲原名聯璧。因有堂弟聯芳在將軍幕下。自稱隨員。到處需索。往來江浙。誑騙欺朦。又冒支軍餉。任意揮霍。並將家眷移住杭城。招搖撞騙各等語。當經降旨著劉韻珂逐款密查。茲據奏稱。該員以募勇為名。濫支軍餉。現既查明與黃得勝等供詞

不符。又該員前後稟詞。自相矛盾。且並非挾資到浙。何得驟有捐輸銀六千餘兩之多。其為冒領侵吞。情弊顯然。又寄寓杭州多年。近復移住紹興。與紳民交接。招搖撞騙之事。斷難保其必無。著著英於查閱海口赴浙之便。再加嚴密訪查。務得確實。不准有心諱飾。致有不實不盡。將此諭令知之。○己巳

上詣

壽康宮前殿行禮。後殿問

皇太后安。○諭內閣。據劉韻珂奏。懇恩請將鹿澤長。舒恭受二人暫留寧波。責令幫同接任之員。辦理事務。俟夷務完竣後。再照刑部擬定罪名。分別科斷等語。國家設官分職。責有攸歸。失地之員。罪名輕重。自有一定。即令其人官聲素著。辦事亦有微勞。而功不掩罪。斷難因人地相需。輒准留備差遣。且恐此端一開。流弊滋甚。又何以持刑罰之平。現在鹿澤長業經革職。舒恭受已降旨照部議斬監候

秋後處決該撫所請暫留寧波幫辦之處著不准行。至所請將林亮光免予治罪與張從龍何一鵬一併開復原官或酌量降補等語。營員帶兵臨敵失律之咎罪所難逭。所請開復降補之處著不准行。姑念已革遊擊林亮光防守金雞山礮臺被夷刀傷額顙等處經該撫提省驗明傷痕皮開骨裂已將該員列入頭等傷咨部賞卹已革都司何一鵬在金雞山接仗被刀砍傷鼻梁又被槍擊碎踝骨

宣宗實錄卷三八五

七

暈絕致墮慘割股肉經義民周明珠等乘間搶回傷痕確鑿已革護總兵張從龍駐守招寶山被礮火燒傷倒地經兵丁搶回該撫親驗頭面兩手潰爛不堪該革員等均能臨陣爭持受傷甚重與奔潰逃生者迥異情節尚屬可原。何一鵬張從龍業經革職免罪。林亮光亦著加恩免其發遣一併留於浙江交劉韻珂差遣。如果始終愧奮續著勞績再行據實具奏。○諭軍機大臣等前聞在廣東當差

之推升遊擊李志和候選知縣馬永熾習知訓練藤牌修築礮臺等事當降旨著祁項飭令該二員挑帶藤牌手酌帶藤牌來京聽用。茲該員等到京經朕特派大員面加演試藤牌技藝實為嫺熟堪備臨陣之用因思各營向有習藤牌技藝之兵率皆有名無實不能得九天津海口現在添設新兵六千餘名之多儘可分撥若干名專練藤牌俟其技藝嫺熟堪以禦敵即另編為一隊或以之保護大

宣宗實錄卷三八五

七

礮或以之接應槍箭均可適用但不可每營分置數十名或百名轉嫌單薄現已飭令李志和馬永熾帶同壯勇匠役人等前赴保定省城著訥爾經額親加演試如果合式即留於該省並可製造藤牌教練該處兵丁俾皆嫺習於海防冀有裨益。李志和推升陝西遊擊尚未到任現在天津添設武員即可留於天津將來以遊擊酌量補用知縣馬永熾聞其能築礮臺足以禦礮著該督留心講究或

擇一閒曠之地或擇一坍塌礮臺令其如式築作加以演試如果有效並著將馬永熾留於直隸遇有知縣缺出酌量補用將此諭令知之○庚午諭內閣慧成等奏估挑運河淤淺工程需用土方銀數開單呈覽山東省運河為漕船經由要道必應一律深通現在上捕運洳四廳淤淺各段既經該河督等勘明必需挑辦之工所有估需募夫工價器具銀一萬九千六百十九兩零著准其動撥司庫正款其津貼銀二萬七千六百十五兩零除沛汛津貼銀六百三十兩由江南支領外其餘銀二萬六千九百八十五兩零向於東商生息項下動支現據片稱此項生息銀兩運庫僅解到銀一萬三千五百兩其不敷銀一萬三千四百八十五兩零著准其在於藩庫先行借撥由托渾布派委濟東兗沂二道會淺工程著慧成責成運河道督飭各該廳上緊趲挑並著托渾布派委濟東兗沂二道會

同分段監辦督催務期依限完竣不准稍有草率偷減經此次挑濬後將來重運經臨如仍有淤淺之處以致糧艘不能暢行除將各工員嚴懲外朕惟該河督等是問勉之懷之○兩江總督耆英奏接准閩浙錄送夷目照會覈其文義俱係商辦通商事宜又示底二紙即言臺灣正法夷人欲求伸冤之事雖未露別項要求挾制情事而探聞定海夷船尚有四十七隻之多遷延未去總之該夷性疑重利狡謀亦多恐有必須親往商辦之處此時撫局已成固不可不防其狡詐尤不可不示以誠信現已示諭濱海地方此時籌辦善後係屬整頓營伍並非重起兵端以期破夷疑而解民惑否則築室道謀恐有勦撫兩無可施之勢諭軍機大臣等仍著該督體察情形如有必須親往之處即將兩江總督關防交程喬采署理一面奏聞一面迅即起程赴粵商辦一切務須妥籌萬全以副委任將此

由四百里諭令知之○欽差署禮部尚書麟魁等覆奏審明湖南邵陽縣民陳佩洸及傷小功服兄陳華惻斃命畏罪翻控仍擬斬決唯因情急抵格實非有心干犯照例聲明下部議尋議改斬監候從之○以福建澎湖協副將孫雲鴻為江南蘇松鎮總兵官○添購河南南北兩岸十三廳山東漕河糧河二廳豫防石料從河道總督慧成請也○辛未旌表守正捐軀河南汝縣民間正體妻石氏○壬申調雲南按察使文柱署江蘇按察使○癸酉諭內閣朕恭讀高宗純皇帝實錄內載乾隆五年五月奉諭旨膺牧民之任者均有弭盜之責原不容有此疆彼界之分著嗣後凡有鄰省連界地方積窩逃盜訪實之後或徑行差捕或知會密拏庶盜案易結盜源漸清而鄰境彼此均受其益等因欽此聖諭煌煌實為息盜安民之良法允宜恪遵

成憲實力奉行乃近來各省督撫心存畛域以致該地方官互相推諉兇徒得以遠颺貽害地方實非淺鮮即如本年蕭縣擒匪縱紅泌陽縣擒匪徐應青等結黨成羣肆行搶劫江蘇安徽河南湖北四省交界之區皆被擾累現經各省兇拏首犯間有弋獲餘黨尚多藏匿若使各該地方官於匪徒犯案之初即行協力堵拏何至蔓延若此嗣後著各直省督撫務當嚴飭地方文武員弁除本境盜匪隨時嚴拏懲辦外遇有鄰省連界地方盜匪或徑行差捕或知會密拏斷不准稍分畛域任意稽延致匪徒得以免脫儻該地方官仍視為會緝具文互相推諉即著指名嚴叅從重懲究該督撫等身為大吏除莠安良是其專責儻仍前怠忽稍存觀望之見一經查出定行重懲不能倖邀寬貸也懍之慎之將此通諭知之○又諭車林多爾濟奏叅額爾德尼商卓特巴那旺吹木玻勒達旨前往喀爾喀

地方尋訪呼圖克圖之呼畢勒罕等語。前輩哲布尊丹巴呼圖克圖之呼畢勒罕皆出於西藏。是以尋訪該呼圖克圖之呼畢勒罕仍著達賴喇嘛班禪額爾德尼由藏尋訪。曾經降旨甚明。該商卓特巴自係深知。而又字寄四部落盟長。令其在喀爾喀地方尋訪呼畢勒罕。其意何居。實屬任性妄為。除將哲布尊丹巴呼圖克圖之呼畢勒罕仍遵前旨由藏尋訪外。所有該額爾德尼商卓特巴那旺吹

軍機處

主

木玻勒著交庫倫辦事大臣嚴行查辦。○又諭禧恩奏。覈議巡洋會哨一摺。巡船會哨。必須三省洋面聯為一氣。庶稽查益形周密。著該將軍會同直隸總督。山東巡撫體察情形。酌定地方界址。並會哨日期。妥議章程具奏。○諭軍機大臣等。禧恩奏查明省城礮位。足敷防守。擬再添鑄擡槍一百桿。以資操演等語。該處現有大小礮三十四位。著責成派出之槍營漢軍官二員帶領弁兵。按期演放。務

臻熟練。至沿海各口。著禧恩於明春親往查閱。何處應設何項礮位。俟有成數。其不敷用之礮。再行奏明請旨。所有上年新鑄礮位。著該將軍逐加驗放。儻有製造未精。不能致遠命中者。即勒令承辦各員如式賠造。以示罰懲。將此諭令知之。○甲戌。

上詣

皇太后宮問安。○以故雲南廣通縣屬沙矣舊土巡檢蘇庭桂子廷齡襲職。○給江蘇丹徒。

軍機處

主

寶山。上海。丹陽常熟。江陰。六縣被兵灾。民口糧。並丹徒。寶山。上海。三縣被燬民房修費。減免上元。江寧。儀徵。江都。如皋。泰興。句容。江浦。六合。通海。門。十一廳州縣並揚州鎮江。二衛。本年額賦有差。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十五

宣宗實錄

三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十六

宣宗實錄卷之三百八十六

宣宗實錄卷之三百八十六

宣宗實錄卷之三百八十六

宣宗實錄卷之三百八十六

宣宗實錄卷之三百八十六

載修

道光二十二年壬寅十二月乙亥朔諭內閣

宣宗實錄

固慶等奏請將捏報患病之郡王台吉交議  
一摺。土爾扈特協理台吉敏珠爾多爾濟沙  
津得勒格爾。例應隨同年班進京。補行引見。  
據該盟長等咨報患病。經該大臣等驗明。沙  
津得勒格爾尚有病形。著准其俟明歲隨同  
進京。其敏珠爾多爾濟一員。現據驗無病形。  
乃抗不遵行。竟回遊牧。該郡王多諾囉布多  
爾濟身任盟長。並不催令起程。復代為捏報。  
多諾囉布多爾濟。敏珠爾多爾濟均著交該



部嚴加議處。○停閱八旗及內務府三旗冰技。仍給半賞。○丙子。改鑄山東曹州府曹單水利通判關防。從前署巡撫麟魁請也。○丁丑。禮部奏。道光二十三年元旦應行禮儀。得旨。照例行禮。奉。

皇太后懿旨。停止筵宴。其在外公主福晉命婦進內行禮之處。並著停止。○戊寅。諭內閣。兵部奏。遵旨覈議上海寶山失事各員。請革職治罪等語。吳淞營守備請升南匯營都司易

占魁。吳淞營參將升任蘇松鎮總兵周世榮。署川沙營參將事提標左營遊擊崔吉瑞。署提標右營遊擊事撫標中軍參將封耀祖。均著即革職。所有應得罪名。著刑部定擬具奏。其調派防剿之各路帶兵將備。仍著該督確查。補行送部覈議。○又諭。兵部奏。遵旨覈議廈門防堵不力各員。請革職治罪等語。福建署水師提標中軍參將事南澳鎮左營遊擊陳勝元。署水師提標右營遊擊事後營遊擊

楊靖江。著一併革職。其應得罪名。著刑部覈議具奏。○又諭。福建水師提督寶振彪。前因廈門失守。降旨交部嚴加議處。經該部議以革職。實屬咎所應得。姑念廈門失守之時。該提督巡洋外出。且廈門即時收復。寶振彪著加恩改為革職留任。八年無過。方准開復。該提督惟當知感。知奮。激發天良。於海疆操防事宜。倍加整頓。以圖後效。而贖前愆。○又諭。前據御史石景芬奏。直隸冀州知州趙庭椿。藉團練鄉勇為名。按戶勒派等情。當交訥爾

經額查辦。茲據查明該州招募土兵。係照原稟章程辦理。並無按戶挑派三丁抽二。勒索滋擾情弊。惟因鄉地陳奎聚阻撓頂撞。輒用舊有加重木枷枷號。雖非違例私製刑具。究有應得之咎。趙庭椿著交部議處。○以通政使司副使劉誼。為宗人府府丞。○以捐修喀什噶爾城垣倉廩等工。賞六品伯克密爾阿比提買斯瓦特等藍翎。餘升用加銜有差。○

己卯。

上詣

皇太后宮問安。○諭內閣。富勒敦泰奏籌款歸補防堵官兵口糧等項銀兩一摺。山海關續次防堵官兵借撥稅務盈餘銀一萬五千兩。除支過口糧腳價等項。尚存銀二千一百四十二兩零。著交山海關監督歸款。其支過銀一萬二千八百五十七兩零。著准其將前次發商生息一半歸款銀兩暫停歸補。先還借撥稅務盈餘銀兩。按年儘數扣還。解交該監督查明。以清借項。其發商生息歸本停扣銀兩。俟借款歸補完竣後。仍照原案按月扣還。所有續次支過口糧等項銀數。俱著據實造冊報部覈銷。○又諭奕經等奏請將革員暫行開復頂帶等語。四川已革廣元營遊擊梁有才。現帶屯土官兵由浙江撤回歸伍。准其暫行開復遊擊頂帶。帶兵回營。以資彈壓。所有該革員浮開船價一案。著俟歸伍後仍由

寶興訊明辦理。尋奏梁有才所帶弁兵現已歸伍。浮索船價一案。業經奏革。應毋庸議。仍摘頂帶下部知之。○諭軍機大臣等。達洪阿等奏相度地勢。漸次撤兵。並請將各起逆案動用道庫銀兩併入防夷案內造報等語。臺灣兩年以來。勦辦各起逆案。動用道庫備貯經費。本應專案報銷。據達洪阿等奏多與防夷事務牽涉。難以分晰造報。著照所請。准其併入防夷案內一體造報。所有各口雇募設守之鄉勇水勇人等。准其相度形勢。漸次裁撤。仍應加意巡防。期於有備無患。將此諭令知之。○修湖北潛江縣護城隄工。從總督裕泰請也。○緩徵福建長汀上杭二縣及峯市縣丞所屬被水災區額賦。給房屋修費及口糧。○庚辰。

孝惠章皇后忌辰。遣官祭孝東陵。○諭內閣。前據耆英奏。續查上海寶山失守各員。請分別降革議處等語。當降旨交

該部議奏。茲據吏部按例定擬具奏。寶山縣知縣周恭壽。係守土之員。署主簿金文煥。分應協防。典史胡長庚。失守監獄。均著照例革職。上海縣縣丞慶仁。主簿李國璜。先經奉委離境。與同城失守者有間。著照部議降三級調用。無庸查級議抵。李國璜無三級可降。著即革職。其周恭壽應得罪名。著刑部覈議具奏。以上各員。均不准其留辦善後事宜。至兼轄上海寶山之知府知州。並同城之佐貳官。

及吳淞司巡檢。應議各職名。著該督一併查明咨部另議。○又諭。前據怡良等將福建廈門防堵不力之文武各員據實奏。當降旨交該部議奏。茲據吏部按例定擬具奏。前任興泉永道劉耀椿。廈門同知顧教忠。同安縣知縣盛朝輔。石碼司巡檢金光耀。均著照部議革職。廈門地方雖無城池。顧教忠以專防同知。較之兼轄道員。及並未駐劄之地方官。責守較重。應如何治罪之處。著刑部覈議具

奏。該管泉州府知府。亦有應得之咎。著怡良等查取職名。咨部另議。○諭軍機大臣等。裕泰奏擬造防江戰船一摺。據奏湖北省所轄岷江。迤長二千餘里。設有宜昌鎮標及荊州漢陽各水師營。戰船不能載礮。現擬製造開浪船。繪圖呈覽。朕詳加披閱。製造之法。未能盡善。即如搖橈之人。顯露在外。令人一望而知。先受其害。上面尖頂人字罩篷。用竹排釘礮手人等。即伏其下。斷不能遮蔽槍礮。且船

上祇安礮八枝。礮八位。斷難抵禦夷船。若以為捕盜之船。則盜船率多輕便。以我長六丈之師船。追趕彼船。勢難得力。現有廣東匠役何禮貴。能造火輪及各式戰船。已飭令前赴湖北。交該督面加詢問。茲先發去廣東所進造船圖說二分。該督接奉後。即行鈔錄存查。原圖說遇便封緘。俟何禮貴到時。該督酌量何項戰船。利於長江駕駛。即令何禮貴就海船式。樣量為變通。務期木料堅實。機關靈捷。

方能適用。至何禮貴本為夷人造船之人。此時既為我用。不便以罪人羈禁。惟令其安心服役。密為看管。勿令與外人交接。或至乘間脫逃。是為至要。至所請海疆造船。免其調取楚省木植之處。覽奏已悉。將此諭令知之。○又諭。造船匠役何禮貴。現在諭令李星沅於赴陝之便。帶至河南地方。轉送湖北。著鄂順安飭屬探明該撫經過。河南境內時。即派委委員。將何禮貴送至湖北省城。交與裕泰聽候差使。務飭接送之員。沿途妥為照料。毋稍疏虞。將此諭令知之。○辛巳。諭內閣。兵部奏。陣亡之瓦寺土守備哈克里一員。據四川總督寶興咨稱。實係空銜。並未管理屯務。請將議給世職之處。註銷等語。自係照例辦理。惟念該弁雖係空銜。其臨陣捐軀。忠勇之忱。與實缺者同堪憫惻。哈克里著仍照實缺例。給予世職。以示朕破格施恩。激勵將士之意。所有多給卹賞銀一百兩。亦著毋庸扣減。其造

冊錯誤各員。並著免其查取職名議處。○命署漕運總督工部尚書廖鴻荃來京。以署太常寺少卿李湘荼署漕運總督。○以故雲南趙州屬定西嶺土巡檢李泰源弟碩源襲職。○命留海疆經費及續捐銀二十二萬六千兩。暫貯南河河庫備用。○壬午。

上詣

大高殿行禮。○諭內閣。本年屆應軍政之期。兵部將在京之都統。護軍統領。副都統。右翼總兵。鑾儀使。內務府護軍統領。在外之駐防將軍。都統。副都統。領隊大臣。提督。總兵。分晰開繕履歷清單進呈。朕詳加披閱。內鑲黃旗漢軍副都統蘇隆阿。內務府鑲黃旗護軍統領福桑阿。福州副都統額勒錦。年力就衰。正黃旗蒙古副都統玖泰。正黃旗漢軍副都統倫忠。鑲藍旗漢軍副都統喀拉春。人甚平庸。均著以原品休致。餘著照舊供職。其造冊遲延之廣西提督達里保。湖南永州鎮總兵英俊。

著交部議處。浙江提督李廷銑。福建臺灣鎮總兵達洪阿。杭州將軍持依順。副都統恆興。並古城等處領隊大臣。迭冊遲延。均屬有因。著加恩免其議處。廣東碣石鎮總兵李賢。瓊州鎮總兵鮑起豹。高州鎮總兵趙承德。該三員履歷均未依限報部。是否由軍營甫經撤防。著兩廣總督查明送部。照例辦理。○又諭。周天爵奏。請將溺職。苟免之衛守備革職。拏問一摺。鎮江衛守備耿國榮。於夷匪攻破城池後。未能致命殉節。乃遲至半月有餘。復又攜眷出城。以致錢糧案卷均被遺失。所供在署固守。及後被擄掠之處。必有不實不盡。耿國榮著即革職拏問。交江蘇巡撫提同書吏人等嚴切訊究。並將被掠錢糧查明確數。損毀案卷共有若干。按律定擬具奏。○又諭。法豐阿奏。遵查喇嘛安靜悔過一摺。前因幹珠爾巴諾們汗。違例私開牧場。降旨革去該諾們汗封號。飭回遊牧。並令該大臣察看能否

改過。於一年後奏明請旨。茲據奏稱。該喇嘛回牧後。一年以來。實在安靜悔過。毫無違犯。幹珠爾巴著施恩准其開復。○調察哈爾副都統敬敷。為福州副都統。鑲白旗漢軍副都統阿彥泰。為察哈爾副都統。○以正紅旗滿洲參領海祿。為正黃旗蒙古副都統。兵部右侍郎惟勤。兼正黃旗漢軍副都統。○命和碩額駙恩醇。在散秩大臣上行走。○予江蘇睢寧縣明總兵官周遇吉。建立專祠。官為祭祀。從巡撫程喬采請也。○科爾沁卓哩克圖親王巴圖等五人。烏珠穆沁扎薩克車臣親王彭蘇克納木濟勒喀喇沁扎薩克都楞郡王色伯克多爾濟等二人。奈曼扎薩克郡王阿宛都瓦第扎布。蘇尼特扎薩克郡王布爾呢錫哩等二人。阿巴噶扎薩克郡王阿爾塔什第。扎賚特扎薩克貝勒額外侍郎拉木棍布扎布。阿巴哈納爾扎薩克貝子伊達木扎布。喀爾喀扎薩克貝子德勒克多爾濟。敷漢頭

等台吉布彥德勒格呼固魯克齊巴林二等  
 台吉扎勒沁扎布於神武門內瞻觀○癸未  
 諭內閣鑲黃旗滿洲都統奏革任輕車都尉  
 原缺應如何承襲之處請旨一摺都司德莖  
 因在浙省接仗退散發往新疆例不准伊子  
 承襲惟其立職之原任湖南提督海凌阿曾  
 因勦殺逆猺趙金隴等陣亡深堪憫惻而其  
 別房又不應承襲設以德莖獲罪不准伊子  
 承襲則念及海凌阿陣亡之處朕心深為不  
 忍著加恩將所遺一等輕車都尉飭令該旗  
 仍行揀選德莖之子帶領引見用示朕軫念  
 蓋臣至意○諭軍機大臣等有人奏廣東香  
 山新會順德高要等縣盜犯橫行無忌地方  
 官置若罔聞請飭查辦等語著祁墳梁寶常  
 按照摺內指出各案嚴切查明據實奏奏並  
 嚴飭各該地方官上緊緝拏按律懲辦以安  
 商民毋任諱飾消弭將此諭令知之尋奏遵  
 查各案該州縣尚無消弭事情惟粵東素多

盜匪入春以來稍為斂跡惟有認真緝捕舉  
 行團練以靖地方得旨嚴行督緝不可懈弛  
 勉之○以正藍旗護軍參領薩炳阿為鑲黃  
 旗漢軍副都統伊犁領隊大臣長清為鑲白  
 旗漢軍副都統調鑲藍旗蒙古副都統維祿  
 為鑲藍旗漢軍副都統以頭等侍衛齊克唐  
 阿為鑲藍旗蒙古副都統○以鑲黃旗漢軍  
 副都統劉鈺署正白旗蒙古副都統○給浙  
 江鄞鎮海兩縣被兵災民三月口糧蠲緩大  
 嵩清泉龍頭穿長石堰鳴鶴蘆港鮑郎海砂  
 玉泉黃灣十一場及坐落江蘇遠浦青村橫  
 浦浦東下砂頭二三等場新舊額課有差○  
 甲申  
 上詣  
 皇太后宮問安○命新授正黃旗蒙古副都統  
 海祿仍回參領本任以呼倫貝爾總管豐仲  
 為正黃旗蒙古副都統○以緝獲賊犯予索  
 倫營總管佛爾金布優敘賞哈薩克阿哈拉

克齊阿吉藍翎。六品頂帶。○予故湖北鄖陽府知府陳天澤。陝西漢中府知府郭維暹。署四川江油縣知縣王統。署河南虞城縣知縣周振之。入祀名宦祠。江蘇故戶部主事潘世璜。江西故四川合州知州紀大奎。山西故廣西永淳縣知縣常煜。福建故侯官縣訓導林錫齡。河南故溫縣監生原恂。入祀鄉賢祠。從總督寶興。富呢揚阿。巡撫趙炳言。鄂順安。程喬采。吳文鎔。梁萼涵。劉鴻勳。請也。○乙酉。

上御乾清門聽政。○諭內閣。前因御史黃銘先奏。山西平定州民人竇計小子被毆身死一案。竇計小子現在存活。當有旨交梁萼涵將該民人訪獲。徹底根究。嚴審定擬。茲據梁萼涵審出確情。請將承審審轉各員。分別嚴議。議處。此案原訊楊穩主使楊張保抓傷竇計小子腎囊身死。業將楊穩擬絞處決。茲據該撫查明。死者實係病斃。無名男子。從前審辦錯誤。致將罪應擬軍之楊穩擬絞已決。非尋

常疏忽可比。前任山西平定直隸州知州慶霖。相驗不實。失入死罪。前任太原府知府王有壬。奉駁覆審。不能審出實情。均著交部嚴加議處。前任山西按察使瑞元。審轉不實。著一併交部嚴加議處。○諭軍機大臣等。著英奏查明上海寶山及吳淞口情形一摺。吳淞口外。為由海入江必經之路。現在水師廢弛。不獨巡洋未能得力。即江防亦屬無備。思之令人寒心。該督議將外海內河額設戰船實

數。並水師各營原有馬匹。酌量變通。然後整飭會哨。以冀補牢。著俟履勘各要隘形勢。再行通盤籌畫。奏明辦理。將來製造船隻。必須木植堅實。運用靈捷。方能得力。若拘守舊制。名為修理戰船。其實無濟於用。又復何所裨益。至另片奏。擬酌提寶蘇局洋銅數十萬斤。鑄造大礮。並咨會河南代造擡礮等語。製造礮位。無論銅鐵。總以精鍊為要。非必專用銅礮。始能及遠命中。且購辦銅斤。不如購辦精



鐵之易。蘇局現在所貯洋銅。自應仍留備鼓鑄錢文。該督等增鑄大小礮位。惟當廣購精鐵。加工鍛鍊。並調取廣東熟諸鑄礮工匠。如式製造。務期一礮得一礮之用。方為妥善。其擡礮一項。以體質輕固者為得用。該督因江蘇所造未能如法。已咨河南巡撫。責成河北鎮昌伊蘇代造擡礮一千五百桿。亦著照議辦理。惟三十斤之礮。尚恐運動未能靈便。若每礮再減六七斤。運用時當更得力。並著該督咨會河南巡撫照辦。將此諭令知之。○又諭。前因夷酋嘯嘯喳投遞照會。訴稱臺灣鎮總兵達洪阿等貪功妄殺。遭風難夷。當令怡良渡臺查辦。茲據耆英奏。詢問李廷鈺。蘇廷玉等。均有夷船遭風漂至臺灣。被居民關閉村中。該鎮道再三向索。始行交出。迨聞該夷正法。居民等有夷船若來。惟有戕官以圖解免之語。計怡良已啓程渡臺查辦。或從兵民暗訪。或向官吏明查。務得實情。毋稍徇隱。將

此由五百里諭令知之。○以奉天府府尹賡福為內閣學士。兼禮部侍郎銜。太僕寺卿斌良為通政使司通政使。甘肅寧夏道吉年為奉天府府尹。○以翰林院侍讀學士孫瑞珍為太僕寺卿。○以內閣學士舒興阿兼署正黃旗蒙古副都統。○賞江南提督尤渤花翎。○以拏獲鄰境賊犯。予巡捕南營守備穆騰額等議敘。○撥江蘇泰州等九州縣漕糧二萬餘石。支放幫丁行月等米。○丙戌諭內閣。特依順等奏。乍浦滿洲營設有公濟銀六千兩。向為紅白賞卹之需。現因被兵以後。應行扣還銀兩。為數無多。不足以供支借。請飭部籌議等語。著該部議奏。該營額設軍器。現存無幾。自應補造齊全。俾資操演。除應歸官為修製者。仍由承辦各衙門動項修製。其向由官兵自修自製各件。現在官兵力有未逮。著准於軍需局製存各軍器內分別撥給應用。俟將來遇有損壞。再由各官兵自行修整。○



又諭著英等奏變通水師營章程等語。水師弁兵自以講求駕駛舟楫。辨識風雲沙線。熟習大礮鳥槍為要務。近來員弁缺出。皆於弓箭兵內考拔。以致弁兵皆習弓馬。而於水務槍礮均不練習。若不亟予變通。何以洗積習而收實效。該督奏請嗣後水師營將備員弁。專取水務槍礮。即騎射生疏。亦准錄用。並將赴部之員由部閱看鳥槍。如果精熟有準。再准引見之處。著兵部覈議具奏。並著妥議簡明章程。通行沿海各省。一例照辦。以肅軍政。○諭軍機大臣等。邪墳等奏民夷因事爭鬧。及夷樓失火被搶一摺。此次夷人強買民人食物。致相爭鬧。是夜夷樓失火被搶。經該地方官彈壓救護。旋據該首嘍囂喧詢問此事。該督正言回覆。所辦甚是。粵省士民因該夷情形傲慢。激成公忿。迥非藉端滋事者。比伊里布將次到粵。著即會同邪墳。梁寶常細心秉公妥為辦理。總當使該夷輸服。不至有所

藉口。尤不可屈抑士民。使內地民心因而解體。方為妥善。所奏團練情形。聲勢聯絡。一呼即集。甚屬可嘉。單開出力各員。自係遵旨查奏。原單暫存。仍著伊里布等剴切曉諭各該員。但當妥為管束。期於禦侮有資。斷不可亟於邀功。借事起釁。如果始終勤奮。著有成效。著即會同該督撫等據實保奏。候朕特沛殊恩。另摺奏製造船隻事宜。請停止拆造船師船。以期節省。並將報捐銀兩。作為造船費用等語。著俟造成一二隻後。眼同試練。施放大礮。能否便捷。再行奏明興辦。將此由四百里諭令知之。○又諭著英等奏請造同安梭船一摺。粵省寄到船圖。既於江省外海內江均難得力。自可無庸製造。據奏同安梭船於該省江海均資利用。現囑浙江提督李廷鈺。於赴任之便。帶同同知沈炳垣等。繞道上海。即就民間船廠匠工木料。先行籌款。成造同安梭船二隻。子船四隻。試練等語。著即照議辦理。

俟造成一二隻後。即於該省江海之交。先行演試。如果駕駛便利。安設礮位。施放得力。再行派定隻數。奏明興辦。嗣後江浙製造船隻。即責成李廷鈺一手經理。如有文員造不如法。武弁有意挑剔。即由該提督咨會叅辦。務將從前惡習。一力肅除。以期得收實效。前有旨諭知寶興。令於川省豫備木植。以待沿海各省調取。此次江省造船。僅木料不敷。即向四川咨取應用。其各營原有船船等項。准俟新船造成後。再行裁汰。綜計經費。妥議章程具奏。將此諭令知之。○又諭。本日據祁墳等奏。製造船隻事宜。遵旨咨商兩湖四川。將可造大船堅實木料。俟體察實在可用。即分別咨取等語。造船木料。前據寶興覆奏。業於瀘州等處標記杉木數百株。柏木數千株。備海疆隨時調用。將來廣東咨取到時。著該督即查照粵省咨調根件丈尺。妥為運送備用。至湖廣省現因議造防江船隻。需用材木。昨經

裕泰奏准。免令海疆調取。將來粵省咨取到時。仍著裕泰隨時斟酌。是否尚敷協濟粵省之處。自行咨覆。將此諭令知之。○貸卹浦駐防修理衙署兵房俸餉銀。○給江蘇上元縣被兵災民一月口糧。並房屋修費。○丁亥。諭內閣。嗣後致祭先師。著太常寺將滿漢大學士。協辦大學士。六部尚書。通行開列具題請旨。○戊子。旌表守正捐軀河南陳州府民朱秀妻齊氏。○己丑。諭軍機大臣等。賀長齡奏。演放礮位。並將廢鐵改鑄擡礮等語。行軍制勝。火器為先。除烏槍擡礮常年操演外。該撫請於每年冬操時。將大礮演放一次。俾臻熟練。著依議行。至廢鐵改鑄擡礮。是否尚堪抵用。黔省跬步皆山。所製擡礮。自以輕捷便利。施放有準為要。大約至重不過二十三四斤。即可適用。儻過於笨重。轉恐運用不能得力。以致有名無實。將此諭令知之。○又諭。據孟保等奏。官兵

斃森巴番夷賊目。取據各部落永不滋事甘結。現已撤兵歸伍等語。防邊之道。撫馭為先。該番夷等時常滋事。自不得不加以懲辦。惟恐該噶布倫等因偶獲勝仗。輒邀獎勵。或致借端啓釁。構怨不休。俾番夷等屢圖報復。勾結各夷。別生枝節。不可不防其漸。此時既具永不滋事甘結。自應妥為安撫。以期日久相安。著該大臣等剴切曉諭該噶布倫等。嗣後惟當嚴加防範。毋令生番再行竄入邊界。但

聖旨

三

不可輕舉妄動。再生事端。儻經此次諄諭之後。仍敢借事貪功。不顧後患。恐恩獎亦不能再選也。將此諭令知之。○又諭。特依順奏。校閱八旗官兵操演槍礮中靶成數。並請於廣東解到大礮內撥出八位。歸於杭州滿洲營操用等語。此項廣東解到大礮二十位。其輕重大小。既與杭州滿洲營原設之紅彝礮相等。即著全數歸於杭州滿洲營。每年撥出八位。於九月間演放。按年輪流。周而復始。於操

防更有裨益。該將軍等務當督率弁兵認真操演。一律精熟。俾火藥不致虛糜。演放得收實效。是為至要。將此諭令知之。○又諭。盛京將軍每歲冬間進鮮。前曾降旨發去硃筆改訂清單一件。著禧恩遵照辦理。茲據該將軍將原單呈繳。朕詳加閱看。再行酌減。自道光二十三年為始。即照再減之數呈進。著為例。將此諭令知之。○直隸總督訥爾經額奏。天津大沽南北兩岸。暨迤南至狼坨子一帶。天

聖旨

三

津鎮總兵足資控馭。惟北塘五十餘里。距寧河縣城二十餘里之蘆臺地方。為北塘後路南界天津。東北毗連豐潤永平府一帶。西北地接通州。實屬扼要之區。請以新添總兵駐劉蘆臺。名為通永鎮總兵官。將北塘海口豐潤玉田采育三河寶坻張灣等營。通州協。通州協右營。暨提標山永協。並所屬山海石門二路。蒲河樂亭二營共十五協營。均歸統轄。於蘆臺安設中左右三營。左營應設總兵之

中軍兼左營遊擊一員。左營守備一員。右營都司一員。並左右兩營分設左哨千總二員。右哨千總二員。頭司把總二員。二司把總二員。又分防把總二員。經制外委六員。添設遊都守千把外委共十九員。覈計裁撤伊犁鎮標之遊擊等缺移抵外。尚不敷守備一員。千總一員。即於直隸簡僻營分內裁撥移駐。並將新設鎮標之分防把總二員。撥駐新河營城二汛。將原設之經制外委二員。撤歸鎮標差操。其蘆臺之專汛千總一員。即歸新鎮石營都司兼轄。中左右三營。撥兵一千名。專操水陸技藝。除蘆臺本有專汛千總存營兵八十名外。尚需兵九百二十名。查蘆臺營遊擊駐劄北塘。計存營兵一千一百二十四名。新鎮現駐蘆臺。為北塘後勁。擬將駐劄北塘之蘆臺營遊擊作為北塘營遊擊。仍駐北塘。於存營兵一千一百二十四名內撥兵六百二十名。移駐蘆臺。其不敷兵三百名。擬於大沽

宣宗實錄卷二八七

六

協左右兩營。暨葛沽營新兵內撥兵三百名。共一千名。連北塘之兵五百零四名。作為新鎮親標。統計撥歸新鎮兵五千四百八十六名。仍歸舊鎮管轄兵七千五百零四名。下軍機大臣等議從之。○調直隸正定鎮總兵官向榮為通永鎮總兵官。以陝西潼關營副將萬福為正定鎮總兵官。○以翰林院侍講學士王廣蔭。侍講孫葆元。充日講起居注官。司經局洗馬何桂清。翰林院編修朱慶祺。署日講起居注官。○免雲南銅廠民欠無著工本銀。

宣宗實錄卷二八七

六

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十六

實錄卷之三百八十六

三六

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十七

監修總纂官經筵日講起居注官太子太保體仁閣大學士文淵閣總纂官理戶部事務翰林院掌院學士等處纂修

天府府尹事務總辦加五級紀錄十八次。自舊總纂官經筵日講起居注官理戶部事務翰林院掌院學士等處纂修內

七倉大臣楊家會同四譯館事務加一級隨帶加六級軍功加三級紀錄五次。自光緒初起是該官文淵閣總纂官理戶部事務翰林院掌院學士等處纂修

內務府大臣總辦白旗滿洲都統府內七倉大臣管理梁入府錄庫左翼總辦官學。宣統宮園明園等處管理事務翰林院掌院學士等處纂修

醫院總辦事務隨帶加十八級。自阿靈阿引經纂修官經筵日講起居注官理戶部事務翰林院掌院學士等處纂修加六級紀錄二十次。自周瑞榮奉

批修

道光二十二年壬寅十二月庚寅。

實錄卷之三百八十七

上 諸

皇太后宮問安。○諭內閣軍機大臣會同三法  
司奏請將已革提督余步雲依律擬斬監候。  
聲明情節較重。請旨即行正法等語。著未經  
與議之大學士及九卿科道再行詳議具奏。  
○又諭軍機大臣會同三法司奏遵旨嚴訊  
定擬一摺。已革江南候補知府黃冕訊無擅  
撤鄉勇情事。惟既帶兵防堵。即與同城知府  
無異。黃冕著照議發往新疆充當苦差。○又

諭稽查緞匹庫御史增齡等奏請將擅離職守之值班章京嚴議等語。庫貯重地。必應嚴密周防。該班值宿之章京馬甲等。自不准片刻擅離。茲據該御史奏稱本月十四日。因給發布匹開庫。所有該班之鑲黃旗漢軍驍騎校兼恩騎尉賈成謨滿洲恩騎尉明存並未在庫。其外門之該班兵丁。經該御史等於次日查看。亦多散去。實屬膽玩。賈成謨明存均著交部嚴加議處。其擅自散去之兵丁。並著

實錄卷三十八

二

該旗查傳嚴究懲辦。因恩庫貯關繫至重。該班章京等何得曠不到班。擅離職守。著各該旗都統嚴切申諭。嗣後各處該班章京兵丁。務須遵照定例。晝夜輪流值宿。如再有視為具文。致有曠誤等情。即著嚴行叅辦。毋稍姑容。○又諭。前因浙江杭嘉湖道宗國經駐劄乍浦。半載有餘。辦理防堵事宜。未能妥協。降旨交部議處。據吏部照溺職例議以革職。實屬咎所應得。宗國經著即革職。以示懲儆。○

實錄卷三十八

三

命江蘇巡撫程商采來京。以江蘇布政使孫善寶為巡撫。實授文柱江蘇布政使。以浙江督糧道趙光祖為雲南按察使。○修湖北荊州府萬城隍工。從總督裕泰請也。○辛卯。諭內閣。富勒敦奏添設擡槍。隨營操練等語。擡槍為行軍利器。該處現由直隸撥用擡槍三十桿。派兵習演。著即飭諭兩司協領轉飭認真操演。勤加練習。務使精益求精。施放有準。斷不可日久生懈。仍致有名無實。○諭軍機大臣等。周天爵等奏審辦擒匪馬淙禹。縱紅等案內山東嘉祥縣知縣何銘所稟該匪犯等拒捕情形。與現在犯供不符。已據鈔錄犯供。移咨山東。著托渾布按照來咨。確切查明。據實具奏。不得以奏參在先。稍存遷就。將此諭令知之。○又諭。周天爵等奏匪犯馬淙禹等於九月初一日至初六日。由河南息縣沈邱光州連界圖掠。官兵圍拏拒捕。又在息縣馬李店地方。該匪縱紅因雇車夫王姓推

送器械。王姓將槍掉落河內。當將王姓砍死。推棄河內。檢查各卷。並無報案。難保非該地方官規避諱飾。冀免處分。著鄂順安確切查明。據實具奏。其前叅革職之永城縣知縣何奇煒。據奏拏獲斬梟要犯六名。是否屬實。著鄂順安一併確查。於定案時隨摺聲明。將此諭令知之。○又諭怡良等奏夷酋在廈張貼偽示一摺。據奏夷酋喋喋喳狡獪萬端。瑪噠噠囉喇喇。為之引導。所撰偽示三張。僅貼其一。顯有不實不盡。恐人指破其奸。匿而不出等語。泉州調防官兵。著即陸續撤歸原伍。仍令暗中揀選。聽候調取。所有江廣等處礮架船圖。著即會同實振彪普陀保。密行商酌。相機辦理。固宜示以誠信。免致猜疑。尤須防其詭計。密為戒備。另片奏省城及五虎門酌撥弁兵駐守。添蓋礮房兵房。並選派水師分段駐守。其餘福寧等府所屬各海口調防兵勇。概行裁撤。分別歸伍歸農之處。均著照議辦。

清實錄

道光二十二年十二月下

理。惟廈港及梅林澳。現尚有夷船十隻。該督等惟當待以鎮靜。隨時體察。務期商民相安。不可稍存懈怠。將此由四百里諭令知之。○以故頭等公隆福子德興。二等男全山孫伊鑑額。各襲爵。○以拏獲擒匪縱紅。賞南河候補同知于昌進等藍翎。餘加銜升補有差。○貨冷口。喜峯口。羅文峪。三處及永平等四處修理官署兵房俸餉銀。○壬辰。諭內閣。近因章嘉呼圖克圖由西藏旋回。詢及現在達賴喇嘛資稟靈秀。超軼羣倫等語。達賴喇嘛為總統黃法之領袖。闔藏喇嘛人等悉賴以安。茲聞其靈秀性成。好學經藝。種種均為瑞兆。自能振興黃法。慈佑羣生。朕心深為歡悅。惟念達賴喇嘛年歲尚幼。一切需人妥為奉侍。著駐藏大臣傳諭噶勒丹錫呼圖禪師。俾伊等鄭重奉侍。達賴喇嘛盡心訓誨經藝。以示朕敦崇黃教至意。○又諭。朕因班禪額爾德尼六旬生辰。上年章嘉呼圖克圖赴藏。特命

齋賞什物。今章嘉呼圖克圖旋回。班禪額爾德尼感戴朕恩。又備進吉祥丹書克等物。具見誠悃。洵屬可嘉。其所進之丹書克等件。著派章嘉呼圖克圖以慶賀元旦禮。於正月初二日代為恭遞。並著駐藏大臣傳諭班禪額爾德尼。惟願嗣後班禪額爾德尼壽算益增。永承朕恩。○諭軍機大臣等。劉韻珂奏親往寧波鎮海一帶。籌辦各項善後事宜等語。現在倭夷就撫。各海口仍應加意防範。浙江海口情形。以定海為藩籬。定海未復。則鎮海寧波等處修防不容暫緩。該撫既熟悉形勢。此時親加查勘。必須布置得宜。事事皆勝於前。庶不致有名無實。著各就地勢詳細籌畫。即將各項應辦善後事宜。仍遵前旨會商。著英從長籌辦。毋庸拘泥舊制。轉滋窒礙。將此諭令知之。○舉行本年軍政。江寧將軍所屬卓異官三員。年老官一員。福州將軍所屬有疾官一員。西安將軍所屬卓異官四員。廣州將

軍所屬卓異官一員。熱河都統所屬卓異官一員。年老官一員。察哈爾都統所屬卓異官二員。不謹官一員。有疾官二員。密雲副都統所屬年老官三員。青州副都統所屬卓異官一員。京營卓異官四員。才力不及官三員。江南河營卓異官三員。山西卓異官五員。年老官二員。才力不及官一員。河南卓異官二員。年老官一員。四川卓異官五員。年老官四員。有疾官三員。才力不及官二員。雲南卓異官四員。年老官三員。有疾官二員。貴州卓異官三員。年老官一員。有疾官一員。分別議敘處分如例。○賞故教漢郡王幹咱巴拉銀三百兩。○禮部議准。前署山東巡撫麟魁疏報。採訪利津縣貞節婦女李趙氏等三百五十三口。定陶縣賈田氏等十九口。寧海州王趙氏等四十一口。膠州高鄭氏等三百二口。聊城縣李孫氏等一百九十五口。博平縣李趙氏等一百三十六口。廣西巡撫周之琦疏報。灌



陽縣史蘇氏等五十三口。前署浙江巡撫卞士雲疏報永康縣應胡氏等一千二百十口。請各建總坊旌表從之。○命刑部將緩決三次以上人犯分別減等發落。○癸巳諭內閣。著英奏遵旨查明拏獲擒匪縱紅之員弁據實具奏一摺。此案擒首縱紅聚眾滋事。經署徐州府知府鍾承露會督兵役將大夥擊散。旋經署千總馮景尼購覓眼線首先率同差役將縱紅擒獲。除馮景尼業經降旨施恩外。署徐州府事鍾承露著以江南知府遇缺升用。至縱紅等供出夥犯姓名。仍著督飭地方文武員弁嚴拏懲辦。不准一名漏網。以清餘孽而靖閭閻。○又諭祁墳等奏鄉民挾嫌滋事。現在獲犯辦理情形等語。此案廣東潮州府屬監生劉承祧因與鄉民爭水挾嫌始則勾結各鄉匪徒滋事釀命。繼復拒捕傷官致斃壯勇。實屬藐法。該犯現尚在逃著該督等嚴飭文武員弁上緊緝拏務獲究辦毋任遠

颺並著查明夥黨實有若干按名弋獲徹底根究起釁根由按律嚴辦毋稍諱飾。○又諭車登巴咱爾奏伊曾祖成棍扎布之墳墓被掘傷及尸骸一摺。車登巴咱爾之曾祖成棍扎布前在將軍任內宣力有年實為蒙古王中有才德者。乃伊墳墓被掘致傷尸骸殊為異事。務當趕緊捕賊徹底根究從嚴辦理著由馬遞馳交烏里雅蘇台將軍奕興參贊大臣車林多爾濟等轉飭該盟長會同提集應訊人等務期迅獲賊匪嚴審重辦斷不可稍涉輕縱致使遠颺即著該將軍等先委妥幹人員親往成棍扎布墳塋量為堅固妥修齊整用示朕追念勳舊至意。○調盛京兵部侍郎道慶為兵部左侍郎以內閣學士舒興阿為盛京兵部侍郎。○以吏部右侍郎善燾兼鑲紅旗護軍統領。○甲午諭內閣前據吳其濬列款奏前署湖南提督台湧特命麟魁王植馳赴該省密查確訊茲據奏稱訊明被

叅各款皆出有因。該總兵尚無任性妄為情事。惟賞需既自捐辦。不應收受糧道備賞銀兩。迨經該撫咨查。復不繳還歸款。究屬不合。前署湖南提督西安鎮總兵台湧著交部照例議處。即回本任。聽候部議。○又諭。訥爾經額奏。江蘇撤回山西官兵。攜帶幼孩等語。官兵收留子女。例禁綦嚴。據訊該幼孩自行隨同行走。顯係捏飾串供。該帶兵官既任參差行走。復縱令攜帶幼孩。實屬漫無紀律。現據直隸扣留幼孩十名。恐尚不止。此數著梁萼涵確切查明。如有擄掠拐帶情事。著即據實嚴叅。以肅軍伍。○又諭。經額布奏。請議處失察各員一摺。舒蘭等處禁山。遊民潛入居住。其失察之各卡站官員。及前委查不實之員。著查取職名。交部分別議處。俟明春積雪融化後。仍著該將軍派委妥員。前往額赫穆拉法退博等站北界。窺立封堆。以便稽查。並嚴禁各站丁民。以後永不准潛入新立封堆內。

墾地砍樹。窺竄燒炭。儻有違犯。即行從重懲辦。卡站各官。如有瞻徇疏縱等弊。著一併嚴叅。該將軍仍不拘日期。委員密往嚴查。不准稍有疏懈。○又諭。經額布等奏。遵旨查明土門江附近地方情形一摺。前因寧古塔所屬琿春地界。與朝鮮接壤。難保奸民不潛赴土門江一帶結屋墾地。降旨令該將軍派員確查完辦。茲據奏稱。英安河密占卡倫等處。查有該處旗人結屋墾地。經該委員等將房屋數十處全行拆毀。地畝一千餘晌。俱已平棄淨盡。並派員覆查。此外實無隱匿遺漏等語。著該將軍等即咨明該處副都統。確查蓋房墾地。究係何佐領下旗人。何年潛往開墾。地畝照例懲辦。失察各官。著查取職名。交部議處。嗣後每年春秋二季。飭令該協領親往周查。由該副都統加結呈報。該將軍等仍不時嚴查。永遠諭禁。毋得日久生懈。視為具文。○調鑲紅旗蒙古副都統特登額為正黃旗滿

洲副都統以頭等侍衛都爾通阿為鑲紅旗蒙古副都統兵部左侍郎道慶兼鑲黃旗蒙古副都統鑲黃旗漢軍副都統薩炳阿兼署正黃旗蒙古副都統○賞頭等侍衛賽什雅勒奏副都統銜為烏什辦事大臣○以捐辦軍械予江蘇同知福楸以知府升補○以捐修烏什渠壩工程予阿奇木伯克邁瑪塔里普儘先升補並賞花翎餘升用有差○乙未上詣

皇太后宮問安○諭內閣已革寶山縣知縣周恭壽吳淞營參將升任總兵周世榮署提標右營遊擊撫標中軍參將封耀祖均著照議斬監候秋後處決已革吳淞營守備請升都司易占魁著發往新疆充當苦差已革署川沙營參將提標左營遊擊崔吉瑞著發往軍臺效力贖罪○又諭已革廈門同知顧教忠署水師提標中軍參將事南澳鎮左營遊擊陳勝元署水師提標右營遊擊事後營遊擊

楊靖江均著照議發往軍臺效力贖罪○山東巡撫托渾布因病解任以前任江蘇巡撫程喬采為山東巡撫○貸京口駐防修理衙署兵房置辦寒衣俸餉銀○丙申諭內閣德珠布等奏查辦京口事宜一摺據奏該處旗庫貯銀二萬九千九百餘兩均已被掠請令官兵等按照分賠一節此項銀兩該官兵等固有典守之責惟因失守被掠若按成分賠恐力有未逮著加恩免其分賠其及身而止

之陣亡甲兵子弟請在旗營再行食餉一輩之處前據該將軍奏江寧京口防守出力人員內有及身而止之官兵並已出旗謀生仍駐旗營子弟請入旗籍當差因其與例不符降旨不准此次該甲兵等不避矢石奮勇捐軀較諸防守出力尤屬可嘉可憫著准其將該兵丁子弟在於旗營再行食餉一輩以示矜恤○諭軍機大臣等德珠布等奏查辦京口事宜一摺京口大礮著俟著英撥到擇要

安設。其應製造之擡礮鳥槍。即由蘇州總局撥解操演。京口水師應造戰船。何項最為得力。著與者英詳細會商妥議具奏。仍著該將軍等激勵將士。申明紀律。務使技藝精純。緩急足恃。方為不負委任。不可徒有復舊之名。仍無實濟也。懍之勉之。將此諭令知之。○以理藩院尚書吉倫泰。戶部左侍郎端華。杜受田。工部左侍郎徐士芬。充經筵講官。○調廣東陽江鎮總兵官張成龍。為浙江黃巖鎮總兵官。○賞陣亡江南提督陳化成子廷芳世職。廷榮舉人一體會試。○丁酉。上御撫辰殿大幄次。賜蒙古王貝勒貝子公額駙台吉及章嘉呼圖克圖等宴。並賞賚有差。○諭內閣。吏部等衙門奏遵旨議處內務府失察瑛璋冒銷案內歷任堂司各官。開單呈覽。內務府主事升任員外郎文霖著降三級調用。降調郎中德壽著降四級調用。補官日再罰俸一年。郎中蘇章阿。員外郎升任郎中

粵海關監督文豐俱著降一級調用。降調郎中增祥慶德降調員外郎達春明新著各降一級調用。補官日再罰俸一年。郎中長山著降一級留任。仍罰俸一年。郎中啓元著降八級留任。仍降二級調用。再罰俸八年。堂郎中基溥著降二級留任。以上各員所得處分。均不准其抵銷。前任總管內務府大臣耆英著罰俸八年。禧恩著改為降三級留任。仍罰俸九年。奎照著罰俸一年。文慶著改為革職留任。仍罰俸一年。現任總管內務府大臣敬徵著改為革職留任。仍罰俸十年。裕誠著改為革職留任。仍罰俸一年。恩桂著改為降三級留任。仍罰俸一年。麟魁著罰俸一年。阿靈阿著改為革職留任。仍罰俸一年。以上各員降留罰俸各處分。均不准其抵銷。○諭軍機大臣等程琳奏添製擡礮。挑選壯健兵丁。勤加操演等語。擡礮為行軍利器。現在飭局添製。自足備撥江以南營分。俾資教演。至所稱

江北壽春鎮各營挑練礮隊四五百名。交岱昌就近督率。此項擡礮。最為得力。多多益善。其演礮兵丁。尤當廣為挑選。時加演習。庶可施放有準。悉成勁旅。該撫以巡撫兼提督銜。通省營伍事宜。責無旁貸。所有江北各營。著督同總兵岱昌。認真教演。並於查閱營伍時。逐一校看。分別勸懲。以收實效。而固江防。斷不准日久視為具文。仍致有名無實。將此諭令知之。○命科爾沁扎薩克土謝圖親王色

登端魯布。在御前行走。賞烏珠穆沁扎薩克車臣親王彭蘇克納木濟勒。三眼花翎。青海扎薩克貝勒羅布藏濟木巴。科爾沁貝勒賽因瑚畢圖。喀爾喀貝勒旺楚克喇布坦。蘇尼特貝勒三達瓦喇。巴林貝子索哩雅雙眼花翎。杜爾伯特扎薩克輔國公齊默特巴勒。喀爾喀扎薩克頭等台吉阿巴爾密特。巴勒當棍布。那木濟勒多爾濟。青海扎薩克頭等台吉索諾木喇布坦。喀喇沁輔國公德里克呢

瑪烏喇特扎薩克輔國公拉旺哩克沁。鄂爾多斯扎薩克頭等台吉翰克巴雅爾。喀喇沁額駙卓特巴扎布。花翎。○肅親王敬敏七十一生辰。賞三眼花翎。並

御書扁額福壽字。文綺珍玩。○戊戌諭內閣。前據軍機大臣會同三法司議。請將已革提督余步雲依律擬斬。聲明情節較重。請旨即行正法。當今未經與議之大學士九卿科道再行詳議。茲據合詞覆奏。仍照原議定擬。余步雲由行伍出身。擢至提督。當啖夷滋擾浙江之時。伊與裕謙防守鎮海。乃定海被擾。總兵王錫朋等轉戰六晝夜之久。余步雲並不督兵應援。以致孤城失守。三鎮陣亡。已屬罪無可逭。然使鎮海寧波保全無事。則失救定海之罪。尚可稍從寬貸。迨夷船駛入鎮海。余步雲身在行間。既不能銜鋒迎擊。復不能嬰城固守。鎮海失守。退入寧波。寧波失守。退保上虞。以一品武職大員。身膺海疆重寄。從未殺

獲一賊身受一傷。畏死貪生。首先退縮。以致帶兵將弁。相率效尤。奔潰棄城。直同兒戲。每一念及。憤恨實深。且廣東之關天培。祥福。江蘇之陳化成。福建之江繼芸。皆以提鎮殉難。即定海失陷。總兵王錫朋。葛雲飛。鄭國鴻。力戰陣亡。鎮海寧波失事。總兵謝朝恩。被礮轟擊。落海身死。裕謙以文員督師殉節。獨余步雲係本省提督。乃竟志在偷生。覲顏人世。儻不置之於法。不惟無以肅軍政而振人心。且何以慰死節諸臣忠魂於地下。余步雲著照大學士九卿科道等會議。即行處斬。派刑部尚書阿勒清阿監視行刑。以伸國法。朕辦理刑名。悉本欽恤。各省應死重囚。苟有可原情節。無不予以生全。况係一品大員。豈忍遽加誅戮。似余步雲之見敵輒退。首作厲階。實屬法無可貸。不能不明正典刑也。將此宣諭中外知之。○又諭前因御史黃銘先奏山西平定州民人竇計小子被毆身死一案。竇計小

子現在存活。當交梁萼涵將該民人訪獲。嚴審定擬。嗣經該撫審出確情。按律定擬。復交刑部議奏。茲據該部覈議具奏。即著照所議辦理。生死罪名。所關甚鉅。此案從前審辦錯誤。致將罪應擬軍之犯擬絞。已決。實出情理之外。事經數載。若非黃銘先訪聞得實。奏請查辦。幾令冤獄莫伸。梁萼涵審辦此案。復能將該民人密逮訪獲。徹底根究。俾全案得以平反。均屬可嘉。梁萼涵黃銘先俱著加恩交部從優議敘。○己亥。

孝莊文皇后忌辰遣官祭

昭西陵。○諭軍機大臣等。山東善後事宜甚關緊要。前據托渾布奏到章程八條。著梁寶常於抵任後。按照原奏體察情形。再行逐條妥議。事關久遠。不厭精詳。該撫曾任山東州縣。地方情形。諒所素習。務須悉心籌議。期於有備無患。毋負委任。將此諭令知之。○調廣東巡撫梁寶常為山東巡撫。未到任前。以布政

使王篤署理。按察使崇恩署布政使。調山東巡撫程喬采為廣東巡撫。未到任前。以兩廣總督祁項秉署。

上以歲暮裕祭

太廟。自是日始齋戒三日。○庚子。諭內閣。前因耆英等奏變通水師章程。並請將赴部之員。先行閱看鳥槍等語。當降旨著兵部妥議章程。茲據覈議具奏。嗣後水師將備各官赴部時。著無須閱看馬箭。如果練習水務。精熟槍

礮。遇升補時。令該督撫出具切實考語。將例應引見各員分作四季給咨。分限二五八十一等月。按期赴部。該部即定於二五八十一等月二十八日考驗。先期奏請欽派御前侍衛乾清門侍衛一二員。會同該部堂官閱看槍礮。其演槍步數著定為四十弓。演礮以二出為度。均於城外酌擇寬闊地面演試。如不能合式。即將該員退回本任。勒限演習。並將原保督撫提鎮分別議處。其中槍合式者。准

其帶領引見。以示勸懲。惟水師駕舟出洋。施槍礮與陸路情形不同。全在帶領巡哨各員平日加意講求。庶使該員弁等技藝精純。能於洋面施放有準。著江蘇浙江福建廣東山東各督撫提鎮嚴飭所屬。勤加訓練。於考拔弁兵題升將備時。即以此為去取。庶幾有志向上之員。認真演習。日就純熟。不至視為具文。○又諭敬徵等奏京察屆期。請將內務府署卿司員及三院卿員變通辦理。著照所

請嗣後內務府署卿司員。准由該總管大臣批列等第。一體註考。其三院卿員。遇京察之年。准將年歲履歷造冊咨送吏部。隨各衙門京堂一體帶領引見。以歸畫一。○諭軍機大臣等前經降旨令訥爾經額等會同妥議。將盤山行宮就近由地方官管理。茲據該督等會議具奏。並將陳設等件開單呈覽。據稱盤山行宮。向派內圍旗營官兵稽查。非地方官所轄。不如仍循其舊等語。著照所議仍責成

內圍官兵看守。所有陳設等件。飭該總管等妥為收貯。其外圍地方。著訥爾經額嚴飭該官兵並地方官隨時認真巡防。毋稍疏懈。嗣後不准奏請修補一切工程。將此諭令知之。

○命葉爾羌幫辦大臣富興阿來京。賞已革大學士琦善四等侍衛。為葉爾羌幫辦大臣。○巴里坤領隊大臣阿精阿休致。賞太僕寺少卿福成頭等侍衛。為巴里坤領隊大臣。○修河南山東黃河兩岸各廳土工。從河道總督慧成請也。○辛丑。以歲暮裕祭。遣官祭太廟中殿。

後殿。○重修大清一統志成。

御製序曰。我大清之受天命有天下。增式廓而大一統者。於今二百年。洪惟

列祖

列宗威惠滂流。聲名懿鏘。幅員之廣。教化之洽。地利物華之盛。官方民事之詳。且備義繩軒

駕以來。未之有也。

聖祖仁皇帝始命纂修一統志。

世宗憲皇帝重加編輯。至高宗純皇帝御極之八年。甫獲竣事。嗣以天威震疊。開拓西域地二萬餘里。因於四十有九年續有成書。疊矩重規。經緯翔實。

皇考仁宗睿皇帝命史館重修。未及告歲。爰泊朕躬。荷神器付託之重。撫茲區宇。祇繹乎體國經野設官分職之大。溯惟我

皇祖

皇考所以因時順地。變通斟酌者。日不輟書。使非及時編定。俾舊典有所承。而後事有所起。朕實愧且懼焉。茲全書告成。沿述於開國之初。增輯至嘉慶二十有五年。為卷五百有六十。非務為繁富。以侈示後嗣也。我

祖

宗以仁義中正治天下。凡所損益。如權衡之於



輕重。度量之於長短大小。即一州郡之升降。一官職之分合。一臣一民之予奪彰瘡。無非本

單心之宥密。垂為律度。布為官禮。除繁存質。扶條就幹。始獲成書。實闕略是虞。而何繁富之有。稽昔禹貢九州。為後世方志之祖。周禮大司徒以天下土地之圖。周知地域廣輪之數。漢書郡國志以下。紀載日詳。唐宋而還。若元和郡縣志。元豐九域志。始專詳地理。自為一編。顧政教所及。皆弗克進。及於古。惟我朝

祖德

宗功。上繼五帝三王之盛。信乎

心法治統。不異地異民而理。攬斯編也。即其迹而道載焉矣。朕惟乾惕震恐。冀迪

前光。深知守成之難。不殊於創始。願與內外百執事。勉固封守。而阜兆民。繼自今。無疆惟休。亦無疆惟恤。續有編錄。視此典型。是朕之厚望也夫。○諭內閣者。奏查叅江陰以上不

能阻遏夷船之水師各員弁一摺。前此喫夷犯順。江陰以上之鵝鼻嘴圖山關一帶。均為要隘。已故徐州鎮總兵王志元在彼駐劄防守。所帶徐州鎮標各營官兵。素稱勁旅。果能駕馭得宜。悉屬可用。乃王志元於吳淞接仗時。觀望不前。旋即退避。迨經飭赴江陰防守。鵝鼻嘴。夷船入江。又不發一矢。不放一礮。以致夷船得以長驅直入。似此怯懦無能。喪師失律。情罪尤重。若使其人尚在。必應立置重典。以彰國法。今雖倖逃法網。仍應明正其罪。王志元著即追革其職。並奪封典。其子孫永不准其出仕。以昭炯戒。京口左營千總凌慶龍。候補千總趙慶元。京口左營遊擊李澄署京口右營遊擊事。守備袁雙魁。京口左營守備孫耀清。或係水師汛守營員。或係水師將領。均應設法堵截。乃僅知株守陸地。未能同心協力。奮勇阻遏。均有應得之罪。凌慶龍。趙慶元。均著即行革職。李澄。袁雙魁。孫耀清。著

交部分別嚴加議處。○又諭耆英等奏查明江蘇奮勇得力各員弁。據實保奏一摺。此次喫夷犯順。江南各營將備員弁。或守備不設。或堵禦無方。即間有勇往能事之員。亦屬功不掩罪。茲據該督等逐一秉公考覈。雖同一無功足錄。而其中尚有實在奮勇得力。及身受重傷各員。既據該督確覈事實。開單呈覽。自未便因未獲勝仗。沒其微勞。著照所請。著提標後營遊擊學習一等輕車都尉張蕙著以參將即行補用。提標前營守備王萬籌著以都司即行補用。提標左營外委劉國標著以守備即行補用。江寧城守左營千總劉萬清。洪湖營千總陳柏齡。均著以守備即行補用。效力武舉張攀龍著以千總即行拔補。毋庸扣計年限。提標中軍參將許聯鑣著先行賞給副將職銜。遇有副將缺出。即行補用。江陰營遊擊董占元著以參將即行補用。揀發遊擊穆郎阿著免補本班。以參將即行補用。

○又諭江南通省善後事宜。著李鴻章幫同耆英妥籌辦理。○諭軍機大臣等。耆英奏查明長江大略情形。先行設法籌備。又會同李鴻章查明江北情形。先行具奏各一摺。江陰縣鵝鼻嘴迤北沙洲。既為長江最要門戶。准其將京口現存戰船十二隻。撥往鵝鼻嘴。派署副將汪士達。挑配弁兵。嚴督訓練。暫事巡防。其京口協副將。自應仍復舊制。駐守江陰。以資巡防。所有催漕一節。是否尚能兼顧。著查明具奏。丹徒縣圖山關迤西之二磯頭。築有礮臺。現因汛兵單弱。又無船隻。祇可暫紮堅厚木筏。橫截江路。交營備用。其象山焦山各處。雖間有礮臺。但恐造築未能如法。茲發去演礮圖說原本一冊。重訂演礮圖說一冊。小銅礮及礮架式樣四匣。著耆英祇領。悉心覈酌。何者可安置陸路。何者可安置船上。僅屬得用。即不拘銅鐵。按式鑄造。總以鎔鍊精熟。施放有準為要。所有福山狼山一帶應設

戰船若干隻。應調何營將備弁兵若干員名。如何訓練巡哨。並由江面分段梭巡。以及鵝鼻嘴以上一帶江岸陸路設防之處。會同李湘茶孫善寶。尤渤等酌定章程。另行具奏。將此諭令知之。○又諭。新任徐州鎮總兵順保。尚未到任。該總兵於徐州鎮一缺。是否相宜。著著英詳加察看。據實具奏。將此諭令知之。○兩江總督者英奏。請以署漕運總督李湘茶暫署徐州鎮總兵官。得旨。朕原有將伊量材改武之意。又因漕督一時簡署乏人。是以未發耳。○命烏珠穆沁扎薩克車臣親王彭蘇克納木濟勒在御前行走。○以重修大清一統志告成。予歷任提調總纂纂修等官議敘有差。○以防堵儀徵及團練壯勇出力。予兩淮鹽運使但明倫等議敘加銜升用有差。賞守備安振業等藍翎。○壬寅。裕祭太廟。上親詣行禮。○遣官祭
--

永陵。	福陵。	昭陵。	昭西陵。	孝陵。	孝東陵。	景陵。	泰陵。	泰東陵。	裕陵。	昌陵。○遣官祭	孝穆皇后	孝慎皇后	孝全皇后陵寢。○遣官祭	端慧皇太子園寢。○遣官祭	太歲之神。○	上詣	皇太后宮問安。○修浙江東塘。從巡撫劉韻珂
-----	-----	-----	------	-----	------	-----	-----	------	-----	---------	------	------	-------------	--------------	--------	----	----------------------

請也。○展緩浙江烏程歸安德清武康四縣積歉村莊帶徵額賦。○廓爾喀使臣雜噶達拔蒙邦哲等二人。朝鮮國使臣李最應等三人。琉球國使臣向紹元等二人。於午門外瞻覲。○癸卯。

上御保和殿。筵宴朝正外藩。科爾沁烏珠穆沁喀喇沁奈曼蘇尼特阿巴噶扎賚特喀爾喀鄂爾多斯巴林烏喇特土默特青海杜爾伯特察哈爾王貝勒貝子公額駙台吉塔布囊及廓爾喀朝鮮琉球國使臣等。隨文武大臣依次就坐。諸樂並作。

上進酒。召左翼科爾沁扎薩克土謝圖親王色登端魯布卓哩克圖親王巴圖達爾漢親王索特納木彭蘇克烏珠穆沁扎薩克車臣親王彭蘇克納木濟勒喀喇沁扎薩克都楞郡王色伯克多爾濟奈曼扎薩克郡王阿究都瓦第扎布蘇尼特扎薩克郡王布爾呢錫哩阿巴噶扎薩克郡王阿爾塔什第扎賚特扎

薩克貝勒拉木棍布扎布右翼喀爾喀扎薩克貝子德勒克多爾濟扎薩克親王車登巴咱爾扎薩克郡王那遜巴圖科爾沁扎薩克郡王僧格林沁扎薩克貝子濟克默特土默特扎薩克貝子德勒克色楞奈曼固倫額駙德木楚克扎布至。

御座前。賜酒成禮。○諭軍機大臣等。有人奏請飭拏川省囑匪一摺。據稱川西北州縣近有煙客刀客兩種匪徒。互相讎殺。並有擄人勒

贖情事。本年邛州交界囑匪分頭搶劫漢州等處。鄉民聚團保護。因而有恃眾抗官之案等語。囑匪滋事。必應密速拏辦。鄉民議立團長。原屬守望相助。然人多勢重。亦必密加防閑。毋滋流弊。著寶興將所指案件秉公查辦。並嚴飭各屬。遇有匪徒。不分畛域。四面堵拏。嚴加懲辦。其生員差役等。果屬與賊相通。亦著確緝嚴究。地方官如有諱飾。即行嚴叅。至民間議團人數太多者。並著早行設法解散。

遇有抗官之案。即行按律懲治。將此諭令知之。○是年旌表孝子安徽等省方振鑑等二十名。孝友安徽等省李成喬等六名。孝義江西等省王星煒等六名。義夫安徽等省黃廷杰等二名。孝女江蘇等省蔡氏等八口。孝婦直隸等省張王氏等十一口。守節合例。宗室蘇泰妻伊特默氏等十三口。滿洲克蒙額妻文氏等一百五十一口。蒙古和生額妻趙氏等三十九口。漢軍敦爾布德魁妻趙氏等三十六口。內務府八十兒妻陶氏等十口。各省駐防王儼妻葉氏等二百四十二口。奉天等省趙清選妻季氏等一千八百三十口。夫亡殉節。直隸等省王書田妻魯氏等四十五口。未婚守志。江蘇等省金重熙聘妻葛氏等三十二口。百歲壽民婦。浙江等省吳承舉等三十五名口。五世同堂。江西等省吳肇階等五十一家。各給銀建坊如例。○會計天下民數穀數。直隸等省通共大小男婦四萬一千四

增修卷百八十七

三

百六十八萬六千九百九十四名口。存倉米穀三千二百十四萬九千三十石七斗七升九合一勺。

增修卷百八十七

三

大清宣宗效天符運立中體正至文聖武智勇仁慈儉勤孝敏成皇帝實錄卷之三百八十七

大清宣宗效天符運立中體正至文聖武智勇  
仁慈儉勤考敏成皇帝實錄卷之三百八十八

此修德殿舊址由舊址遷至太子太傅體仁閣大書堂文淵閣舊址即今之修德殿舊址在舊址之西  
天宮門外舊址在舊址之東  
上八人臣侍從會同禮部等衙門一級禮部知六級禮部知三級禮部知五級禮部知四級禮部知二級禮部知一級  
內府大臣領侍衛內大臣領侍衛內大臣領侍衛內大臣領侍衛內大臣領侍衛內大臣領侍衛內大臣領侍衛內大臣領侍衛內大臣  
兵部知道禮部知道工部知道刑部知道戶部知道兵部知道刑部知道戶部知道兵部知道刑部知道戶部知道兵部知道刑部知道戶部知道

長修

道光二十三年癸卯春正月甲辰朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

乙巳諭內閣載垣等奏執銜侍衛行走錯  
誤一摺三等侍衛那瑪善著罰俸三箇月但  
那瑪善誤走之時載垣現在左班並不即行  
攔阻亦屬錯謬載垣著傳旨申飭○展賑江  
蘇桃源縣上年災民給批源蕭沐陽清河安  
東五縣暨徐州衛軍民一月口糧○貸湖北  
江陵監利石首三縣暨屯坐各衛上年被水  
軍民籽種○丙午

高宗純皇帝忌辰遣官祭

裕陵○

上詣

奉先殿

壽皇殿行禮○丁未

上御紫光閣賜蒙古王貝勒貝子公台吉及外

藩使臣呼圖克圖等宴並賞賚有差○前任

江蘇巡撫程喬采奏撫卹鎮江居民散放口

糧被燬房屋給予修費現在旗民安堵如常

報聞○濬江蘇丹徒丹陽二縣運河從前任

巡撫程喬采請也。○戊申。諭軍機大臣等。有人奏。風聞直隸所屬喜峯口外小東溝地方。有民人私開銀礦。自二十二年七月以來。招致外來流民。聚集多人。創挖銀砂。每砂土一百斤。煎煉銀七八兩。若不嚴加封禁。恐利之所在。流民愈集愈多。難保不滋生事端等語。喜峯口密邇京畿。遊民膽敢聚眾私開銀礦。日久。恐滋弊端。不可不嚴行查禁。著訥爾經額。派委公正大員。不動聲色。密赴該處留心

查探。如果實有其事。即設法將此項流民。全行驅逐。淨絕根株。儻封禁後。再有盜挖情事。即飭地方官。嚴拿懲辦。毋稍姑容。其喜峯口既有聚集多人。私開銀礦之事。自應武職大員。專司稽察。據稱該處改設遊擊。是否足資彈壓。並著該督酌量情形。妥議具奏。將此諭令知之。○展緩直隸武清。大城。東安。雄。安。河間。青靜海。滄。南皮。鹽山。井陘。廣平。磁。元。城。大名。南樂。清豐。新河。十九州縣。上年被水被旱

被雹村莊。舊欠額賦。○展緩山東朝城。邱。鄒。平。臨邑。平原。滕。館陶。章邱。臨清。莘。單。濟寧。魚。臺。十三州縣。並德州。濟寧。臨清。三衛。上年被風被旱。被水被蟲。莊屯。本年正雜額賦。○以上辛祈穀於上帝。自是日始齋戒三日。○己酉。命山西大同鎮總兵官清安來京陛見。○是日立春。順天府進土牛。春山寶座。○庚戌。世祖章皇帝忌辰。遣官祭

孝陵。○

上詣

南郊齋宮齋宿。○諭內閣。前據敬徵等奏。改河有礙運道。惟有堵築漫口。挽歸故道。為守經不易之法。當經降旨准行。嗣據御史雷以誠奏。南河漫口。無庸堵築。請改舊為支。以通運道。復令潘錫恩。抵任後。再行查勘。茲據奏稱。灌口非可行河之地。北岸無可改河之理。不敢輕議更張。並查明應屆改河不成各案。請

仍堵築決口。漕船出重回空。仍由中河灌塘等語。所奏甚屬詳明。著即照議辦理。毋稍延誤。○又諭。富勒敦。奏。奉。獲。夾。帶。私。獲。人。犯。一。摺。此。案。民。人。王。繼。懽。充。當。創。夫。膽。敢。夾。帶。私。獲。進。關。又。代。創。夫。張。功。攜。帶。私。獲。冀。圖。偷。漏。王。繼。懽。著。解。交。經。額。布。傳。拘。張。功。並。提。同。案。內。人。證。嚴。行。質。訊。按。律。定。擬。具。奏。尋。奏。嚴。訊。王。繼。懽。等。販。帶。私。獲。屬。實。按。律。擬。徒。下。部。議。從。之。○命。刑。部。右。侍。郎。成。剛。順。天。府。府。尹。

李。德。馳。往。江。南。會。同。河。道。總。督。潘。錫。恩。督。辦。大。工。○命。太。僕。寺。卿。孫。瑞。珍。提。督。江。西。學。政。○以。大。理。寺。卿。陳。孚。恩。兼。署。順。天。府。府。尹。○以。工。部。左。侍。郎。特。登。額。兼。署。刑。部。右。侍。郎。○實。授。賴。恩。爵。廣。東。南。澳。鎮。總。兵。官。○辛。亥。祈。穀。於。

上帝

上親詣行禮。○詣

闕帝廟拈香。○詣

皇太后宮問安。○諭。內。閣。裕。泰。等。奏。審。明。安。陸。縣。民。蔣。兆。崇。京。控。一。案。分。別。定。擬。一。摺。此。案。已。撤。安。陸。縣。知。縣。德。泰。前。因。未。將。被。控。門。丁。交。出。經。該。督。奏。參。交。部。議。處。當。有。旨。飭。令。裕。泰。等。嚴。提。審。訊。茲。據。奏。稱。該。縣。知。縣。德。泰。因。門。丁。王。七。等。先。已。回。籍。以。致。拘。解。遲。延。尚。無。徇。庇。情。事。惟。於。蔣。兆。崇。等。五。控。既。將。人。證。傳。案。並。不。即。時。訊。結。以。致。差。役。乘。機。指。騙。追。釀。成。京。控。又。不。將。被。證。趕。緊。拘。解。實。屬。任。意。延。

玩。該。員。現。經。部。議。降。一。級。調。用。尚。不。足。以。示。儆。德。泰。著。再。行。交。部。嚴。加。議。處。○諭。軍。機。大。臣。等。據。李。湘。茶。奏。會。商。善。後。事。宜。等。語。鵝。鼻。嘴。圖。山。關。為。江。南。第。一。緊。要。門。戶。江。北。則。以。三。江。營。為。扼。要。該。處。應。辦。事。宜。著。幫。同。耆。英。和。衷。妥。辦。勿。涉。張。皇。亦。無。稍。疏。忽。至。該。署。漕。督。標。下。七。營。除。東。海。鹽。城。等。三。營。未。便。抽。選。外。所。有。中。左。右。及。城。守。四。營。現。擬。挑。揀。精。壯。八。百。名。演。習。擡。礮。牌。刀。著。認真。教。演。務。期。得。



力。勿致有名無實。其所留清江礮勇六十名。著准其調赴淮城。以為各營教習。將此諭令知之。○署漕運總督李湘茶奏報到任謝恩。得旨。已有旨命汝幫同耆英籌辦善後一切矣。汝其竭盡心力和衷共濟。妥慎為之。○以兵部右侍郎惟勤署鑲白旗漢軍副都統。○致仕大學士阮元八十生辰。賞御書扁聯福壽字。並珍玩文綺。○士子享太廟。遣惠親王綿愉恭代行禮。○遣官祭

太歲之神。

上詣

大高殿行禮。○辛圓明園。○奉

皇太后居綺春園。○詣

安佑宮行禮。○諭軍機大臣等。據裕泰奏。造辦防江戰船。委員造成。龍脊船一隻。繪圖貼說。開單呈覽。據稱知府顧椿所擬龍脊戰船。查與粵東在籍員外郎許祥光所擬船式相同。等語。大江戰船。與海船各異。何禮貴到楚後。

著派顧椿與之熟籌江面情形。不必拘定三船圖式。一併製造。無論何項船隻。總須駕駛靈便。順風逆風。順水逆水。皆能操縱自如。方為合用。該督俟戰船造成。水手駕駛演習純熟。即帶同文武將備。親往乘船。浮江試驗。是否衝風破浪。確有把握。勿僅據委員工匠之言。遂信為得力也。所需木料。准其咨會四川酌量調取。並委員赴粵採辦。檣櫓槳等木。其工匠亦准其在廣東召取數人來楚。隨同

何禮貴製造。顧椿已陞任浙江糧道。該員現在督造戰船。自應令其一手經理。著暫留湖北署武昌府之任。以便就近差遣。所有浙江糧道。已有旨令劉韻珂派員暫署矣。將此諭令知之。○又諭。寄諭浙江巡撫劉韻珂。新授令裕泰將該員暫留楚省。一手經理浙江糧道。正值新漕開兌之時。著該撫派員署理。以專責成。將此諭令知之。○癸丑

上詣綺春園問

皇太后安○諭軍機大臣等怡良等奏遵議礮架船式一摺據稱接到耆英咨送礮架圖四件並祁項咨到廣東官紳製造船圖五件悉心體察礮架以五千斤舊式及做造夷船內式為合用擬將擇定之式各製一具試演妥當再行如式普律成造以利軍用其廣東船式或查與福建不宜或難出大洋駕駛且不及夷船之堅緻靈捷而需費甚鉅擬請緩辦以紓經費各等語海口製造大船原為防禦起見既據該督等會同籌議未能得力著暫緩辦理惟水師捕盜船隻亦必堅緻適用舊有師船是否足資配用萬不可有名無實視同具文著俟怡良內渡後悉心會籌妥為製造至礮火為行軍利器劉鴻翱等務即將擇定之式先行試演如果施放有準即廣為製備以資軍實又劉鴻翱另片奏擬赴泉州駐劄既可釋該夷疑忌又可控制廈門漳州並

策應省垣等語著照所議辦理將此由五百里諭令知之○調福建福寧鎮總兵官鄭宗凱為浙江定海鎮總兵官定海鎮總兵官陳述祖為福寧鎮總兵官○甲寅

孝全皇后忌辰命

皇四子 祭

陵寢○諭軍機大臣等據陶廷杰奏陝西省鑄成二千斤以上大礮十尊一千斤以上大礮十尊演放可及二十里至十五六里不等即

經分撥安置等語此項新鑄礮位現在分撥何處如何安置所奏殊不明晰著李星沅查明具奏至礮位久貯儻經風雨剝蝕必至損壞如不演放日久必有鎔澀之虞此後每年應如何輪流出演數尊周而復始俾不至日久生鏽且令礮手演習嫺熟庶可施放有準並著該撫妥議章程奏明辦理以重軍實而資捍衛將此諭令知之尋奏潼關地居扼要擬將新鑄大礮每樣分撥二尊擇地安置其

餘收存礮局。不致風雨剝蝕。於春秋二季。出  
演每樣各四尊。周而復始。自無銷涸之虞。得  
旨。均照所議。認真妥辦。○乙卯。以大理寺少  
卿齡鑑。為太僕寺卿。○丙辰。諭內閣。周天爵  
保奏。拏獲捻匪出力員弁。當經降旨。將徐州  
城守營千總馮景尼。賞戴藍翎。以守備即行  
升用。先換頂帶。千總惠汝敬。把總李尚質。均  
以應升之缺升用。先換頂帶。茲據兵部奏稱。  
該弁等官職。均與部冊不符。該署漕督等。係  
越級請升。查明請旨。辦理。馮景尼。惠汝敬。李  
尚質。均著仍遵前旨升用。此因該弁等設法  
將首要捻匪拏獲出力。是以格外加恩。嗣後  
各省不得援以為例。○又諭。劉韻珂奏。定海  
鎮標兵丁。尚未歸伍。現於寧波鎮海等處分  
駐。請照內洋巡查之例。於名糧外。日加口糧  
銀二分。如有赴外洋緝捕者。再添支銀一分。  
其該標額設戰船。現均損壞。請暫雇同安釣  
槓等船。交營配用。所需雇價。於地丁項下支

給。至定海縣前經奏准。改為直隸同知。請照  
玉環直隸同知之例。定為養廉銀二千四百  
兩。在於巡撫藩司運司寧紹台道寧波府五  
員名下養廉內勻攤。其現在定海寧波鄞縣  
署任各員。均請一併准支全廉。各等語。著該  
部議奏。尋奏。查該省巡洋兵丁。向係動支生  
息銀兩。修造戰船。係動支金台米折。茲加給  
兵丁口糧。暨雇用船價。應令該撫於冊造雜  
款項下酌量動用。其請在地丁項下支給之

處。未便准行。至定海直隸同知養廉。請照玉  
環直隸同知之例。除舊額五百兩。加給一千  
九百兩。在巡撫等五員養廉內勻攤。應如所  
奏辦理。其署同知各員支食半廉。不敷。應請  
併支全廉。此係一時權宜。各省署任官不得  
援以為例。從之。○諭。軍機大臣等。據吳文鎔  
奏。江西省添鑄礮位工竣。並督辦道員捐輸  
經費一摺。已有旨准其捐辦矣。此項新鑄礮  
位。雖經委員親往江干逐加演放。現在分撥

何處如何安置原奏未經聲敘著該撫詳晰查明具奏至礮位久貯一經風雨剝蝕恐多損壞儘不演放日久必有銷涸之虞嗣後應如何輪流出演數尊俾不至日久生鏽且令礮手演習嫺熟庶可施放有準足資武備並著該撫妥議章程奏明辦理將此諭令知之○又諭劉韻珂奏查勘寧波鎮海情形一摺現在停泊定海夷船約在三十隻以外並有咪喇哩啡噶晒等國貨船亦復逗留在彼是噉夷雖已就撫防範不可不嚴該撫所議練兵造船設險三事均係當務之急惟船隻需人駛駕險隘需人堵守自當次第辦理此時總當以練兵為第一要義浙省風氣柔弱武備廢弛必當大加振作力挽頹風著耆英劉韻珂會同特依順李廷鈺悉心籌畫認真訓練並妥議章程具奏其造船一節李廷鈺所擬製造同安梭四十隻八槳船八十隻共配水勇一千六百餘名需費既屬不貲是否得

亦亦難懸擬著即照江省之例先行製造同安梭二隻八槳船四隻酌雇水勇數十名先在江海演習如果駕駛得力再行奏請製辦至鎮海防工著俟李廷鈺到任後覆加察看如前建各工外尚有應行添建之處著即相度籌辦乍浦等處著特依順親往閱看一併妥籌仍著該撫等密籌妥辦毋稍疏漏毋稍張皇為要另片奏夷人求派水手請往福州登州等處登州並無設立馬頭夷船不應駛往未氏碧得已古究係何國夷人其往泊定海之船已否開去著劉韻珂確切查明具奏已革道員鹿澤長著即飭令回籍所請暫緩旋回之處著不准行將此各諭令知之○又諭據劉韻珂奏上年十二月初六日夷船二隻駛泊石浦洋面有夷目未氏碧得已士二人求派水手帶至福州及山東登州當經該廳覆絕等語福州係許該夷通商之處該省鼓浪嶼現泊夷船洋面自所熟悉何以需人

帶領至登州並非該夷應往之處何得冒昧陳請據奏情形甚屬巨測著伊里布著著諭知夷酋噶鼎噠令其妥為約束毋許任意遊奕至定海本泊有咪喇哩佛蘭西二船未氏碧等二人是否該國夷官抑係咪喇哩佛蘭西人殊難揣測惟咪喇哩佛蘭西船隻既與該夷同泊定海亦必惟該夷首之言是聽如係該國夷人著即令噶鼎噠切曉諭令其仍回廣東聽候辦理將此諭令知之○又諭

據劉韻珂奏石浦洋面駛泊夷船夷目未氏碧得已士二人求派水手帶至福州及山東之登州等語登州本非准給通商之處其欲行前往情殊可疑且該國船隻前曾由登州經過此次何以復欲人帶領現在雖經覆絕仍恐該夷自行覓人引往著王篤劬屬瞭探嚴密防範儻有夷船駛至務須持以鎮靜如有稟求等情著正言回覆諭以山東省並無通商馬頭其通商各事宜伊里布現在廣東

籌辦該夷船務即折回粵省聽候信息毋得任意遊奕該署撫總當斟酌妥辦勿誤機宜是為至要將此諭知王篤並諭令王明知之尋奏現飭沿海員弁加意防範並無夷船駛至報聞○浙江巡撫劉韻珂奏已革石浦同知舒恭受前署定海知縣當縣城失守之際實已捐軀後因被救得免出於意外委非捏飾請格外加恩得旨諒汝所奏亦不敢虛假然因此獲罪者甚眾朕賞功罰罪豈能辦理

兩歧即如革職定罪之將軍參贊等數年來皆無片長可錄耶祇緣國法具在朕亦無可如何耳由來盡節捐軀之大小文武俱按定例予以卹典從無論及平素居官若何若失地偷生之輩其治罪與否視其平素居官之賢否以為準則有是理乎能服天下乎余步雲無軍功乎朕亦無可奈何汝祇論一面之理為一人之謀冒昧嘵嘵獨不思朕之難處之也再尚有一言朕欲問汝該革員既以

死自誓。曷不同三鎮一併捐軀。至今尚覲然於世耶。○西安將軍布彥圖七十生辰。賞御書福壽字。並珍玩文綺。○以捐鑄礮位。予江西候補道觀瑞。遇缺奏明請旨。○修直隸通州果渠村壩埽等工。從總督訥爾經額請也。○緩徵江蘇上元。江寧句容。溧水高淳。江浦六合。阜寧。安東。鹽城。高郵。泰東臺。江都。甘泉。儀徵。興化。銅山。豐沛。宿遷。昨寧。贛榆。泰興。二十四州縣。及揚州。淮安。大河。徐州。鎮江。五衛。上年災歉。莊屯舊欠額賦。並崇明縣鹽課。○展緩江西安福等幫帶交餘米。○丁巳。上御奉三無私殿。賜皇子親藩等宴。○諭軍機大臣等。據戶部奏。上年耆英等提借浙江庫項銀八十萬兩。現在曾否歸款。並借動江寧江蘇安徽等處銀兩數目。及現已籌補若干。請飭詳查。分別奏咨辦理等語。各省庫貯銀兩。一時權宜借用。亟須籌撥歸款。以重度支。著耆英等即將前項借提庫銀。現在曾否歸

款。及已籌補若干之處。確切查明。分別奏咨覈辦。再前據耆英等奏。酌展捐輸收銀期限。聲明用款。動支藩關各庫錢糧。統俟勸捐歸補足額。現計收捐之數。不敷歸款。尚多等情。紳民捐輸。本不可率以為常。除業經具呈交銀者。仍照常兌收外。其尚未交銀。及並未具呈各紳民。著仍遵前旨。斷不可稍有抑勒。以省擾累。至該省動支庫項。現除捐輸之外。是否另有籌補之方。或仍須暫藉捐輸歸還原款。著耆英。孫善寶體察情形。悉心籌計。妥為酌覈辦理。總期有裨帑項。無拂輿情。方為盡善。將此諭令知之。尋奏。查上年撫夷案內。除動用運庫商捐。並部庫山東省解到軍需外。計奏動江寧藩庫銀三十五萬兩。江安糧道庫銀十萬兩。龍江關庫銀五萬兩。又奏動蘇州藩庫銀四十萬兩。潯墅關庫銀五萬兩。浙江藩運各庫銀八十萬兩。安徽藩庫銀六十萬兩。前經奏明將動用江寧藩司江安糧道

龍江關各庫銀應俟勸捐抵補。又議勸捐歸補蘇州藩司泚豐關各庫銀兩。茲查江寧原報勸捐銀六十萬兩。已繳尚不及半。尚有未歸司庫銀二十八萬餘兩。蘇州藩關兩庫尚有未歸銀二十餘萬兩。浙江安徽奏動銀兩。如何設法辦理。已咨會各撫臣妥籌具奏。寧蘇各庫銀兩。請仍以捐輸歸款。俟歸足後。即行停止。從之。○諭廓爾喀額爾德尼王熱尊達爾畢噶爾瑪薩野。朕臨御天下。柔遠能邇。

寰海共樂昇平。王自襲爾父爵以來。恪守藩封。敬順將事。一切事宜。均照駐藏大臣指示遵行。甚屬可嘉。茲遣使噶箕咱噶達巴孟邦哲等恭請朕安。呈進表貢。朕嘉悅覽之。當令來使噶箕咱噶達巴孟邦哲等覲見。筵宴數次。使觀諸藝。至王所進表文內。添敘爾國被披楞欺凌。叩求賞派天兵救助。並賞賜銀兩地方。及易換地方等情。天朝統馭萬方。一視同仁。爾王惟有愛惜百姓。把守邊界。不可輕

舉妄動。自無他虞。且各部落各守土地。百姓日久相安。從無借兵借餉。賞賜地方。及易換地方之事。道光十八年間。曾因爾國王求賞銀兩。特降敕書明白曉諭。爾國王自己領悉。此時不當輕信虛誕之言。再有所請。天朝優待外藩。恩禮備至。爾國王效順有年。久通朝貢。自必深明大義。恪守藩封。斷不可為浮言所惑也。今噶箕咱噶達巴孟邦哲等回旋。將頒給詔諭。賞爾緞匹物件。交伊等齎往。至時

祇領嗣後。深感朕恩。遵駐藏大臣指示。永盡恭順之道。力效肫誠之心。凡爾屬下。善為管理。以期各享安樂。永受朕恩。欽哉。勿怠。特諭。○命翰林院編修丁嘉葆。在上書房行走。○撥江蘇丹陽等縣漕糧。支放災缺兵匠等米。○戊午。

上詣  
安佑官行禮。○御正大光明殿。賜朝正外藩等宴。作樂賜酒。如除夕儀。○己未。

上詣綺春園問

皇太后安。○御正大光明殿。賜大學士尚書等

宴。○諭內閣翰林院。應行保送御史。現在歷

俸三年以上。合例應保者。人數無多。著將從

前曾經保送。未經記名各員。與應行保送之

員。一體帶領引見。○貸湖南澧州洞庭二營

駐劄。勦區兵丁餉銀一月。○庚申。署漕運總

督李湘茶奏。查獲書吏劉肇興。私雕總督關

防。冒領公項。提訊究辦。得旨。摘奸發伏。甚屬

認真。嚴行究訊。按律定擬具奏。尋奏。訊明劉

肇興。令已故堂叔劉慎齋。私雕總督關防。冒

支寄貯府庫。開壩餘贖。經費銀至八百七十

五兩之多。殊屬膽大藐法。應照例擬斬監候

秋後處決。下部議。從之。○辛酉。諭內閣。敬徵

等奏。各衙門聽差人役。並各太監及聽差蘇

拉人等。出入禁門。向由內務府頒發火印腰

牌。令其佩帶。惟未註明某處人役。似無區別

且恐該聽差人等。私相換帶。請將原設腰牌

式樣。添註各部院衙門等名目。另行鑄造。火

印。職記。頒發各等處人役佩帶。以示區別。等

語。均著照議辦理。自本年二月初一日為始。

一律更換。仍著前鋒統領。護軍統領。嚴切曉

諭各門章京護軍等。除王公大臣隨帶護衛

及跟隨人等。仍遵定例額數。准其帶進外。其

餘各項聽差人役。出入禁門。務當嚴密稽查。

驗明新換腰牌。方准放行。不得稍有疏懈。以

重門禁。○又諭。前據陳階平奏。加工製造火

藥。轟擊頗為得力。當有旨。令各直省一體製

造。茲復據該前任提督將節藥成珠等法。開

單呈覽。仍著各直省。即照陳階平此次所奏。

加工各法。一律如式成造。惟此項加工火藥。

係專為軍需而設。其平時操演。仍不得濫用。

以昭撙節。○諭軍機大臣等。前據劉韻珂奏。

查勘寧波鎮海情形。一摺。所議練兵防禦一

節。業經降旨。著著英。劉韻珂。會同特依順。李

廷鈺。妥議章程具奏。其造船一節。已諭令先



造同安梭二隻八槳船四隻。如果試演得力。再行奏請製辦。並著李廷鈺將鎮海海防工覆加察看。應否添建之處。相度籌辦矣。茲據該提督奏。應辦善後事宜。覽奏均悉。所擬改造各項戰船。著仍遵前旨。俟試演得力。再行奏辦。至將來或將黃溫兩鎮戰船。於拆造時一律酌改。並雇募同安水勇。人數既多。或須籌款。或給與錢糧。加以津貼。著該提督與該撫劉韻珂從長計議。並咨商省著怡良覈定會

奏。其修建衙署以資棲止之處。著會同劉韻珂妥議具奏。至水師鎮將備弁能否勝任。陸路人員能否稱職。必當大加整頓。一洗萎靡惡習。著該提督隨時留心察看。會同該督撫秉公覈辦。以資訓練。而重海防。將此諭令知之。○刑部奏。審訊已革庫丁張亨智等朋謀作弊一案大概情形。得旨著交軍機大臣會同刑部嚴行審訊。所有案內緊要犯證徐匯川丁小眼張五馮太楊嵩年王元塽等著嚴

飭銀庫司員及東城南城吏目即行送案。如再延宕。著該部查明分別嚴叅議處。並著步軍統領衙門順天府五城一體嚴拏務獲解交刑部歸案嚴訊。○新授浙江提督李廷鈺奏報到任謝恩。得旨練兵為第一要務。不可遲緩。然必須得其實力。不可徒託空言。軍器以火器為先。槍礮如何補造。如何練習。船隻如何辦理。陸路水師如何整飭。查看明確。分擬章程具奏。○壬戌

上御山高水長。賜王公大臣蒙古王貝勒貝子公台吉及外藩使臣等食。○諭軍機大臣等。劉韻珂奏。歸安縣糧戶恃眾抗糧滋事。現飭暫行停徵。並委藩司糧道馳往查辦等語。漕糧為天庾正供。豈容刁徒抗欠。致令開兌不能如期。該縣匪徒稽祖堂上年挾制增災。業經懲辦。此次為首糾謀各犯。訊係稽祖堂案內未獲之人。著即設法查拏。首犯按律懲治。並解散餘黨。勿致聚眾激成事端。所請將該

縣上九區及中下兩區糧米一併暫行停徵之處著照議辦理其該縣已收糧米與將來續收之糧或另行起解或解充兵糧著該撫另籌奏辦至此次糧戶聚眾滋鬧是否該糧戶罔知畏法與官為難抑係該縣知縣辦理不善所致該撫即飭藩司卞士雲糧道趙光昶訪查確實秉公懲辦毋稍諱飾將此諭令知之○甲子

孝穆皇后忌辰遣官祭

陵寢○諭軍機大臣等朕聞鎮鎮總兵琦忠到任時於營伍一切尚知振作近則深居簡出不多接見僚屬所轄弁兵不甚畏服著麟魁王棹會同吳其濬確切查訪該總兵平日能否整頓營伍有無自耽安逸之處秉公據實具奏將此諭令知之尋奏琦忠於邊地情形未能諳悉遇營員有事面稟往往不即傳見赴靖州閱伍因積水未消即在該處副將署內箭道閱看亦屬疏略此外尚無偷安廢

弛確據報聞○乙丑  
上詣綺春園問

皇太后安○諭內閣激揚大典三載一行滿漢臣工有能秉公持平竭力盡心克稱職守者自當甄敘精力漸衰不勝其任者亦難姑容茲乃京察之年該部將內外諸臣開單題請朕詳加覈定大學士穆彰阿潘世恩戶部尚書祁寓藻工部尚書賽尚阿戶部侍郎何汝霖夙夜在公勤勞備至直隸總督訥爾經額去歲辦理一切殫心盡力諸臻妥善俱著交部議敘左副都御史隆勛內閣學士姚元之精力漸衰俱著原品休致餘著照常供職特諭○又諭麟魁等奏審明湖南永州府訪獲匪徒朱亮亮等一案分別定擬並請將未訊供之知府革職一摺此案已劾永州府知府尚政麟於地方重案並未公同訊供輒據該州一面之詞列銜會稟實屬不職尚政麟著即革職○諭軍機大臣等前因銀庫司員未

將茶房丁小眼送部歸案。當有旨嚴飭查拏。本日據裕誠等奏。丁小眼一名。銀庫並無該犯名目。查有茶房丁玉。已回武清原籍等語。著卓秉恬陳孚恩密派幹員。前往該縣嚴拏務獲。歸案審辦。毋許洩漏風聲。致令遠颺。將此諭令知之。○以故休致三等輔國將軍載銘子溥威降襲三等奉國將軍。○丙寅。

孝聖憲皇后忌辰遣官祭

秦東陵。○諭內閣。本年輪應查閱直隸山西陝

西四川甘肅等省營伍之期。直隸省即派訥爾經額山西著即派梁萼涵陝西甘肅著即派富呢揚阿四川著即派寶興逐一查閱。認真簡校。如查有訓練不精。軍實不齊者。即將廢弛之將弁據實劾參。毋得視為具文。其上年暫停查閱之廣東廣西浙江福建等省。仍著暫行停止查閱。○又諭訥爾經額奏請動支海口防堵款項等語。所有各鎮標州縣應行找支補領之項。及現在添設各官建造衙

署兵房並園築營堡工程所需款項。著准其在於前項捐輸銀錢內一律動支供用。統俟報銷造竣。再行分別奏咨辦理。○陝西巡撫李星沅奏報到任謝恩得旨。諸凡勉力認真。萬勿有負委任之意。又曾記朕舊作有云。勿為誘化固初心。汝其致意焉。○又奏。陝省與甘肅四川交界地方。間有賊匪闖入。節經就案懲辦。仍當認真督飭嚴拏。得旨。禁暴安良。誠為地方之要務。勉之。○丁卯。以捐修陝西

綏德州。

文廟試院。予知州江士松等議敘。○戊辰。諭軍機大臣等。李湘茶奏候選知縣馬永熾。在廣東團練兵勇。修築礮臺。最為得力。請飭前往江省交耆英等差委等語。該員馬永熾已據訥爾經額奏稱。委赴天津築打土壘。如現在尚未將礮臺興築。江蘇差遣需人。著即飭知該員馬永熾前往江南交耆英李湘茶差委。如該員業將礮臺如式興築。其如何修築

之法。是否堅固。演試是否有效。著訥爾經額詳晰具奏。將此諭令知之。尋奏馬永熾來直。即飭築三合土小礮臺一座。考驗堅實。現在礮臺已足敷用。似可無庸添建。江省既差遣需人。應即遵旨。飭知該員前往江南聽候差委。報聞。○又諭。著英等奏江蘇省議造同安梭船。改赴閩省造辦。現擬先造閩頭舢板船隻。駕駛操防一摺。據奏福建省城料多價賤。著准其動撥銀一萬二千八百兩。交委員等前赴寧波。與李廷钰熟商。或閩或浙。趕緊製造。惟造成試驗之後。再行接續興辦。尚需時日。轉瞬即屆漁汛之期。江浙洋面。難保無盜匪乘時伺劫。該督等請先行製造閩頭舢板船十隻。以資巡防。著即趕緊加工。多為製造。必須堅緻靈捷。務期於外海內江。均堪駕駛。方能得力。並著妥設礮位。酌配兵勇。飭令水師各營將弁認真練習。以收實效。將此諭令知之。○又諭。李湘棠奏籌議江防添鑄礮位

等語。覽奏均悉。江蘇江面鵝鼻嘴等處。南北相去僅寬五六里。至七八里不等。若能築臺設礮。演習精熟。實堪斷其來路。至江北添鑄礮位。著照所議採買湖北生鐵。即在河口設局委員鼓鑄。務須多為儲備。尤當煎煉加工。庶施放有準。方為適用。斷不唯草率偷減。仍成虛設。該署漕督奉旨會辦江南善後事宜。所有一切防守章程。著隨時會商具奏。將此諭令知之。○大學士軍機大臣穆彰阿等奏遵議兩江總督耆英等覆議前總督牛鑑奏請將奇兵營遊擊移駐老河影地方一摺。原奏內稱。老河影在儀徵縣城外。地勢濱江。潮易漲漫。移營徒滋繁費。可毋庸議。查該處為私梟盤踞。最為鯀網之害。既稱未便移營滋費。應請如該督所奏。嚴飭地方官逐日挨查。該管遊擊十日親查一次。以清梟藪。從之。○命保送河工內閣中書吳捧綸吏部主事劉東銖發往南河。戶部主事廷齡發往東河差

遣委用○已已諭軍機大臣等前因喫夷指稱臺灣所戮夷俘實係遭風難夷當命怡良渡臺查辦計此時應已東渡茲據達洪阿等奏前年八月夷船在臺灣洋面遊奕是時並無風暴該夷駛進口門對二沙灣礮臺連發兩礮打壞兵房我兵隨後放礮回擊九月又有三桅夷船至雞籠洋面攻破我礮臺石壁燒我哨船上年正月生擒顏林等夷眾起獲礮械號衣旗幟及印文等件均係浙江各營之物實非遭風商船各等語著怡良詳細查訪原摺著發給閱看將此由五百里諭令知之○又諭達洪阿姚瑩奏拿獲暨旗謀逆匪犯並殲擒圖引夷船之草鳥匪船分別擬辦各一摺此次臺灣彰化縣匪徒陳勇等分股聚眾謀逆經達洪阿等督飭文武兵勇勦辦將首要各犯並獲勘辦完竣又草鳥匪船圖引夷船來臺滋擾乘機出洋行劫亦經達洪阿等督飭員弁義首屢次殲擒匪徒懲辦所

有在事出力之文武員弁兵勇義首等著怡良確切查明如無冒濫即督同該鎮道酌量保奏不准稍有遷就仍著該督督同該處鎮道嚴飭所屬員弁等於水陸嚴加防範毋任匪徒潛蹤俾地方洋面悉臻靜謐為要達洪阿姚瑩原摺二件著發給怡良閱看將此由五百里諭令知之○又諭圖明額等奏探明布噶爾與霍罕起釁用兵爭奪地方緣由一摺據奏布噶爾伯克與霍罕用兵既已并吞霍罕地方嗣被希爾阿里奪回數處等語卡倫必應加意防範著該大臣等嚴飭各卡弁兵遇有進卡外夷認真稽查並隨時偵探情形嚴密防守毋得稍有疏虞將此諭令知之○引見京察三品以下京堂各員得旨光祿寺卿楊慶琛通政使司副使覺羅明奎欽天監監正忠林年力就衰均著以原品休致餘著照舊供職○朝鮮國王李昶遣使表賀

萬壽冬至元旦三大節進貢方物賞賚筵宴如  
例○庚午諭軍機大臣等前據布彥泰等奏  
新疆邊防重地兵制礙難更張未便將伊犁  
鎮總兵裁撤請裁西安鎮總兵移置天津一  
摺當交軍機大臣會同該部速議具奏茲據  
奏稱西安鎮所轄地面俱係平原非口外邊  
防緊要可比等語此次議裁總兵一節前有  
旨令富呢揚阿布彥泰詳加體察據實具奏  
現在僅據該將軍奏到其何鎮可以裁撤移  
置天津未據該督詳查覆奏著富呢揚阿接  
奉此旨務即通盤籌計是否可行悉心妥議  
迅速具奏穆彰阿等原摺著鈔給閱看將此  
諭令知之○辛未  
上詣綺春園問  
皇太后安○壬申  
孝儀純皇后忌辰遣官祭  
裕陵○癸酉  
上詣

大高殿行禮○還宮○諭內閣丁小眼著交刑  
部歸案審辦其在逃之徐匯川張五馮杏楊  
嵩年迄今未據報獲仍著步軍統領衙門順  
天府五城一體認真嚴拏一經獲案立即解  
交刑部審訊毋許耽延  
大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十八

茲將晚清各官經歷之據者述之官太子太傅陳體仁開文大學士又湖南學政等官皆著其官職附傳陳鴻儒等官亦著其官職  
天府府尹等官通帶加五級叙十八日官實授晚清各官經歷諸官吏部尚書錄用漢軍都察院副學府城內官序文官職錄內  
之倉大臣等家會同詳驗給俸加級隨帶加級軍功加三級叙叙五次此乃沈士純之孫官文淵閣長史蘭著其官職附傳  
因降降大臣額爾德穆圖著其官職附傳加倉大臣管經宗府散庫左翼副官等官著其官職附傳因降降大臣著其官職附傳  
因降降大臣著其官職附傳加倉大臣管經宗府散庫左翼副官等官著其官職附傳因降降大臣著其官職附傳因降降大臣著其官職附傳

道光二十三年癸卯二月甲戌朔遣官祭

先醫之神○諭軍機大臣等本日據保昌等馳奏夷船赴閩投書一摺據稱本年正月初五日夷目巴柏架自浙帶船五隻來閩遣其守備甲花厘等投遞書函察看地勢於十四日開駛出口其巴柏架所坐大船亦已進泊廈港等語福州廈門二處既准通商該夷船隻往來自不便於拒阻惟現在設館通商事宜尚未議定章程此次夷目巴柏架自稱係囁囁嗑令其來閩察看地勢著伊里布即向

實具奏○諭軍機大臣等者英奏密陳切要機宜冀收實效一摺據外必先安內如果民心固結即有外患何至所向披靡該督所陳江蘇州縣或於漕糧困民或於詞訟累民或於盜賊案件誣民虐民甚至營員兵丁無不以民為可欺以致民情渙散所以不能禦寇等語該督身膺重寄舉劾公明自可挽回惡習著即會同該撫擇虐民之尤者嚴行叅處愛民之尤者立予升遷至武職備弁責重操

防其平日能否訓練士卒講明紀律尤當認真查察分別勸懲無論文武大小員弁果能實心任事著有成效准該督秉公密陳候朕破格超擢以昭激勸至於攘外之難於措手該督既洞見本原現辦善後事宜尤當悉心籌度自立於不敗之地即如所奏厯觀江浙礮臺未能得力擬於江濱蘆葦叢中暗為設伏等語所奏亦不為無見尤須於密為防備之中處處示以無疑慎勿稍有宣露是為至要將此密諭知之○

上以祭

社稷壇自是日始齋戒三日○丙子遣官祭

文昌帝君廟○修山東運河加河上河下河

泉河五廳開橋埽壩等工從河道總督慧成

請也○丁丑祭

先師孔子遣兵部尚書許乃普行禮○諭內

閣前據御史德勒克呢瑪奏直隸大城縣知

縣凌志召邀請紳士勒派車輛威嚇罰錢侵

肥入己各情當交訥爾經額確切查明奏奏茲據該督奏稱該縣於兵差過境需用車輛邀請矜戶等捐錢出車供差係照舊章辦理其捐收錢文尚非藉公科斂亦非侵肥入己惟於監生鄧天一等求免派車不即稟明上司叢辦率將該監生責罰實屬不合前任大城縣知縣撤任另補知縣凌志召著交部嚴加議處○引見各衙門保送京察一等人員得旨此次京察一等圈出人員著各該堂官

再行出具切實考語交吏部帶領引見○圍出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判等官分別選用宗人府副理事官宗室慶錫吏部主事文清通政司經歷富興大理寺評事吳濬源太常寺寺丞覺羅桂森光祿寺署正志慶欽天監五官正富新萬安倉監督吏部主事福瑞順天府治中史渭綸上諭處



行走戶部緞匹庫大使伊精額太常寺讀祝官戶部主事額圖洪額太常寺贊禮郎明昌太僕寺主簿珠隆阿國子監助教法克精阿黃文琛鴻臚寺鳴贊文弼俱著交部照例以應升之缺升用翰林院典簿松壽著改為二等所有內閣侍讀崇綸等二百六十三員俱著准其一等加一級○新授直隸通永鎮總兵官向榮奏報到任謝恩得旨操兵為第一要務火器尤貴精嫻其餘次第整飭勉之又勉以副簡任○賞山西大同鎮總兵官清安頭等侍衛在大門上行走調甘肅伊犁鎮總兵官積慶為大同鎮總兵官○戊寅祭大社大稔

上親詣行禮○諭軍機大臣等前據孟保等奏廓爾喀國王呈進表文添敘該國屢被披撈欺凌求賜銀兩發兵堵禦等情當已諭令孟保等開導駁斥並給發硃筆改定檄諭今其

遵照繕發矣因思廓爾喀與披撈構釁本屬蠻觸相爭原可置之不理惟既敘入表文自應密為查訪究竟該國與披撈如何構釁其表內添敘之處及該通事傳說之語或係通事恣憑添捏著寶興密委幹員將廓爾喀與披撈構釁情節查訪明確並將該通事人等有無恣憑情事確切查明據實具奏仍飭該委員等不動聲色密行偵探切勿張皇洩洩為要將此密諭知之○河東河道總督慧成等奏河南省城被浸日久前奉旨垂詢將來大工合龍可否仍為省會臣等再四籌商汴梁自建省以來已歷數百餘年體訪輿情大都願守且他郡地狹人稠一旦增置多官其文武公廨倉庫監獄兼營並置經費維艱惟有修復城垣並將善後事宜次第興辦較為妥便得旨著依議行應辦者次第認真辦理去其繁而治其要或造或因歸於久安長治之道方為盡善慎勉為之○己卯以舉行仲

春經筵遣官告祭

奉先殿

傳心殿

上御文華殿經筵直講官吉倫泰卓東恬進講  
論語修己以敬講畢

上宣御論曰二帝三王傳心之要不外一敬堯  
曰欽明舜曰溫恭禹曰祇承湯曰日躋文曰  
小心武曰執競兢兢業業慎厥身修無康好  
逸豫先聖後聖若合一揆是豈古帝王過為

曲謹哉亦思盡乎己之量而已己量甚大天  
地萬物備於一身故曰民吾同胞物吾與也  
視己小則待己薄視己大則待己嚴非敬不  
足踐己之形非敬不足盡己之性己之外無  
物敬之外無德修之外無功詩曰昊天曰明  
及爾出王昊天曰旦及爾游衍其修之於靜  
存者可謂切矣書曰予臨兆民懷乎若朽索  
之馭六馬其修之於動察者可謂至矣由是  
而推之於安人安百姓如水濬其源而流自

清如木培其根而葉自茂蓋修己即修身也  
大學言修身曰而后家齊而后國治天下平  
中庸言修身曰知所以治人知所以治天下  
國家然則但言修己以敬而安人安百姓該  
之矣直講官宗室瑞華杜受田進講易經聖  
人以順動則刑罰清而民服講畢

上宣御論曰聖人觀於陰陽舒慘之道春溫秋  
肅之理而制為刑罰刑罰者非聖人之得已  
也天不能有陽而無陰有春而無秋聖人不

能有爵賞而無刑罰自然之勢也易豫象曰  
聖人以順動則刑罰清而民服豫悅豫也刑  
罰之設誠自然之勢用以威民非用以悅民  
而不知此正悅豫之大者蓋刑罰之所以不  
能悅豫為不服之故所以不服為不清之故  
所以不清為不順而動之故若因其有罪而  
罰之則罰之順雖執法不為苛因其無罪而  
赦之則赦之順雖肆赦不為縱順天理即以  
順人心上以順召下必以順應革面革心興

仁興讓獄訟衰息比戶可封自西自東自南  
自北無思不服矣其服也中心悅而誠服故  
其象為豫書曰告爾祥刑謂詳審也禮曰嚴  
斷刑嚴非嚴酷之嚴謂嚴密也既詳且密務  
使上無疑而下不怨則順之道得矣禮成

上幸文淵閣賜講官及聽講諸臣茶復賜宴於  
本仁殿○諭內閣向例經筵宴畢後各官在  
太和門外行禮嗣後著改於文華殿院內行  
禮○欽差大臣廣州將軍伊里布等奏現在

通商輪稅各事宜議有規模惟該夷請裁行  
商並願退居香港通市一切稽查偷漏納稅  
各章程諸費更張必須通盤籌畫方足順夷  
情而裕課額至味喇哩噶喇西各國抵粵後  
並無乞往各口通商情事得旨覽奏均悉著  
伊里布察看夷情隨時酌辦務臻妥協以副  
委任○以前任內閣學士李品芳為內閣學  
士兼禮部侍郎銜○以候補三品京堂倭什  
訥為都察院左副都御史○庚辰

孝淑睿皇后忌辰遣官祭

昌陵○諭內閣劉鴻翱等奏被水監犯守法未  
逸一摺福建長汀縣上年猝被水災監房倒  
塌該管典史陳樞搶護各犯出監押送府署  
差房復晝夜盡心防守該縣知縣王壘冒險  
入監督率救護妥為安插復曉以大義使各  
犯咸知守法均屬措置合宜王壘陳樞俱著  
給咨送部引見以示鼓勵○又諭靳大因妻  
崔氏向索養贍錢文並將與伊姦好之崔氏

辱罵起意致死洩忿乘間將其殺斃並將屍  
身碎割希圖滅跡該部議照夫毆妻至死者  
絞殺亦絞律擬絞監候係屬照例辦理惟  
謀殺無罪之妻並將屍身碎割情殊殘忍靳  
大依議應絞著監候入於本年朝審情實○  
大學士軍機大臣穆彰阿等議覆盛京將軍  
禧恩籌議善後事宜十條○熊岳副都統協  
領移駐金州金州城守尉移駐蓋州蓋州防  
守尉移駐熊岳統歸金州副都統兼轄岫巖

距金州較遠請改歸盛京將軍管轄。一旗營隊伍馬步相間請省城酌留兵二千名分日演習排槍擡槍長矛腰刀每月演習陣式合操二次步射騎射認真選拔並行知沿海各城勤加督演。一礮位二千五百斤以上擇地存貯春秋二季演放一千五百斤以下分貯附近海口數位餘俱運赴各城每月輪流試演。一旅順口水師營戰船應分別報修改造並添造巡船請飭閩浙總督派員代造務須工堅料實一律穩固以昭慎重。一省城間散旗丁學習鳥槍作為步隊金州旗勇暫緩裁撤遇有甲兵缺出即行挑補每名月給銀五錢。一奉省海口各城添派佐領防禦一員會同民署委員赴各島嶼稽查。一硝磺出境責成旗民地方官並協同山海關監督等衙門分別查拏治罪。一保甲之法嚴飭旗民地方各官照舊奉行不准仍前怠忽。一邊壕邊柵一律挑挖樹立由該管官帶領兵丁實力巡

緝以上九條均應如所奏辦理至該將軍奏稱奉天各城牆垣責令官民捐修並各鄉村自行設立窩鋪該將軍係為節省經費起見惟以捐輸之事指為該官民等應出之項難保無苛派抑勒等弊應令該將軍另行妥議具奏從之。○辛巳

上詣綺春園問

皇太后安。○幸圓明園。○遣官祭昭忠祠。○諭內閣著英泰遵旨訪查鄂雲劣跡一摺鄂雲

即聯璧著先行革去候選直隸州知州並著劉韻珂派員押解來京交刑部嚴行審訊。○又諭劉韻珂奏請將旗營孤寡男婦酌加接濟等語乍浦滿洲營旗民現自嘉興遣回所有孤寡男婦一千一百零一名口既據該撫查明窘苦異常自應量加撫卹加恩著准其照滿洲營蠲卹之例咨行該部統分別年歲造冊於軍需款內支給一月錢文以示體恤。○癸未遣官祭

關帝廟○諭內閣御史陳慶鏞奏營伍積弊一摺據稱近日各省營伍操演之日所有馬匹兵勇往往臨時雇覓替代甚至官弁人等各有蔭糧以致通融頂替其軍器或至朽爛不堪大藥或至不能遠送等語設兵原以衛民必一兵有一兵之用方為有備若如該御史所奏不獨平時操演盡屬具文而國家養兵之費適飽營員私橐上下相蒙一至於此若不嚴加汰除何以整肅綱紀著各督撫提鎮確切查明力除積弊如稍有諱飾不以整頓營伍為急務自問天良何在一經發覺朕惟執法以行斷不能倖邀寬宥也將此通諭知之○諭軍機大臣等有人奏廈門鼓浪嶼寄泊夷船干預民事上年龍溪地方黃吳村莊拾獲漂流木筏事主赴夷告訴吳姓被焚房屋十三所黃姓出洋銀六百圓獲免又同安附近械鬪夷匪得銀助鬪其赴臺載米商人洋被搶亦訴於夷目代為緝獲財米均

分其閩廣交界之南澳地方該夷蓋館築樓並設教場操演隨處肆掠婦女擅辦民事等語如果屬實則夷目干預民事奸民藉端勾結不可不防其漸再臺灣港口雞籠山打狗山二處沙礁甚險須用平底船及熟諳水路者方能前進近聞夷船在廈勾引奸民要用平底船一百四十隻難保不別存詭計著劉鴻翱嚴密訪查務得確情據實具奏並著怡良於自臺內渡後嚴飭該鎮道等於雞籠山打狗山及鹿耳門扼要之處加意防範慎勿稍存大意將此諭知怡良劉鴻翱並諭寶振彪普陀保知之○湖北鄖陽鎮總兵官恆安因病休致以浙江樂清協副將馬維行為鄖陽鎮總兵官○甲申

孝康章皇后忌辰遣官祭

孝陵○諭內閣庫丁張誠保等於兌收捐項朦混舞弊該查庫御史係何人監稱因何不能察出弊竇之處著前任查庫御史孫日堂宜

崇各於刑部呈遞親供據實登覆。○引見內務府保送京察一等人員得旨此次內務府三院等處京察一等園出人員著各該堂官再行出具切實考語帶領引見。園出之堂主事桂林委署主事瑛桂總理工程處委署主事德溥內管領德濟毓泰造辦處六品庫掌廷瑞堂筆帖式福新興綏廣毓毓溶蘊和長潤廣儲司筆帖式文奎都虞司筆帖式文華會計司筆帖式福祿掌儀司筆帖式文興掌

關防管理內管領事務處筆帖式保慶官房租庫筆帖式恆祐武英殿筆帖式成祥廣儲司無品級司庫福隆阿上駟院委署主事瑞齡武備院筆帖式榮林奉宸苑六品庫掌廣盛六品苑丞恆椿圓明園六品苑丞扎拉芬署苑副淳惠清漪園六品苑丞廣裕靜明園六品苑丞吉爾通阿俱著交吏部記名照例選用。所有一等官員筆帖式達他等俱著准其一等加一級其年已逾歲之筆帖式胡標

普慶八品催總光文無品級庫掌德瑞筆帖式善成年力就衰俱著以原品休致。○乙酉復引見各衙門京察一等園出人員得旨此次京察一等復帶引見各員內宗室海枚著交軍機處記名遇有應升缺出提奏其餘各員除宗室豫本沈鈞文鑽覺羅瑞霖沈源恆福多瑞八十二無庸記名外崇綸慶廉吳葆晉吳清臯景霖何桂清朱慶祺徐耀邱建猷楊能格路慎莊桂文耀莊俊元庚長吳珩覺

羅德齡馮德馨李命通徐有壬全順桂亮余坤毛含昱何維墀和祥周顥廷志李本仁江紹禧羅天池武棠陳慶偕崇祥鄂惠吉珩福敏鍾翔尚阿本蘇呼訥羅士芬巴克唐阿明麟多隆武熙成慶瑞花詠春齊承彥秀毓俱著交軍機處記名以道府用和昇額著記名以關差道府用。○丙戌諭內閣恩桂等奏盤查捐項完竣一摺現在盤查豫工事例捐項並捐輸經費銀兩據稱尚無短絀至該庫各

款存貯之項為數甚多。若徹底盤查。有需時日。著責成管理三庫大臣。以放代盤。此後各項應行上庫銀兩。另行封貯。不准動用。俟前項放完時。有無虧短。據實具奏。至嗣後銀庫收放銀兩。應如何分期辦理。以免擁擠牽混之處。著管理三庫大臣會同戶部妥議章程具奏。尋議章程八條。一。兌收各項銀兩。對明數目。方准進庫。不足平色。飭令補足。一。庫內收兌銀兩。按款盛桶。不准散裝。外庫存至一

千萬兩以上。奏明撥存內庫。一。王大臣等罰賠銀兩。另存北庫。積有成數。再奏歸正項應用。一。前奏積存潮銀三千餘兩。擬於各處工程銀內。每千兩搭放五兩。一。每遇平做放項銀兩。按照戶部送到平單。覈准數目。計需銀若干兩。共需若干袋。每銀一袋。給籌一根。由銀桶內支領。先將銀桶封貯。再行平做。一。八旗俸餉及各衙門領項。例由戶部造送平單。劄知銀庫發給。俸銀平單。於劄發前三日送

庫。米折銀平單。於給發前一日送庫。其餘零星領項。隨到隨放。嗣後一切放項。請俱於前一日將平單送庫豫平。以昭慎重。從之。○復引見內務府京察一等圓出人員。得旨。此次內務府三院等處京察一等復帶引見各員。內除明善桂瓊。舒興寶麟。毋庸記名外。瑞長慶瑞曾維興。凌福善。經文圖士魁。承啓。積慶文謙。俱著交軍機處記名。○福州將軍保昌等奏。夷酋巴柏架船隻開往廣東。極為安靜。

是其自稱係嘯嘯噓令。其來閩察看地勢之說。尚屬可信。應飛咨伊里布。著英等查照辦理。得旨。夷船往來無定。不可不密為防範。總當持以鎮靜。妥協辦理。是為至要。○丁亥。

上詣綺春園問

皇太后安。○御勤政殿聽政。○諭內閣。兵部等衙門奏。神武門章京等稽察門禁不嚴。請分別議處。值班鑲黃旗護軍校堆清額安和該班章京副護軍參領豐紳泰均著改為降二

級留任司鑰長護軍參領富亮著改為降一級留任鑲白旗護軍統領端華著降一級留任均不准其抵銷○以散秩大臣巴雅爾綽克托為內閣學士兼禮部侍郎銜通政使司副使張秉德為光祿寺卿○實授李湘棻太常寺少卿仍署漕運總督○戊子諭內閣大學士潘世恩年逾七旬嗣後朕御門辦事著加恩免其入班其該管衙門應行帶領引見之日亦著免其帶領以示體恤著臣至意○

己丑諭軍機大臣等前據耆英奏淮南鹽課照常奏銷銀兩分限造報一摺當交戶部議奏茲據該部奏稱淮南節次奏准減額運銷分綱緩帶原冀商力漸紓日有起色茲以湖北崇陽之警口岸售鹽被擾跌價又值夷艘入江以致該處鹽船俱遭焚燬該督議加軫恤意在保護全局惟奏銷豫報全完額課仍須續繳事屬創見請旨定奪等語淮南積疲之餘口岸又復被擾該督所請自係實在情

形著准其將壬寅一半正課一百餘萬兩按數造報無誤撥解其餘一百餘萬兩亦即趕緊催交限八月內埽數全清報部聽撥如果屆期絲毫無欠癸卯甲辰乙巳三綱始准照辦截至丙午綱復歸二月奏銷以符成例不得因此次准予分限率行援引推展如本年八月一半課項報解稍有未清即將該運司嚴叅重懲仍著耆英隨時督催勿任再有觀望其各商捐輸銀兩著即轉飭迅速悉數交

清報部存案將此諭令知之○庚寅諭內閣前據劉誼奏直隸喜峯口外有人私開銀礦等情當有旨諭令訥爾經額派員嚴密查辦茲據奏稱查明喜峯口小東溝槽洞上年十月曾經該管知縣查有民人于永泉等創挖銀砂當即獲犯三名並將洞口封閉現在並無流民聚集創挖等語著訥爾經額督飭該管文武嚴行封禁有犯必懲仍隨時稽察按月會稟一次其東北山後既係平泉州接壤



處所。並著熱河都統轉飭該州一體查禁。毋令匪徒越嶺。此拏彼竄。其于永泉等三犯。著交該督提省審辦。在逃之田文等。仍著飭屬上緊緝拏。歸案審辦。毋稍疏縱。○又諭。祁墳奏請將失察汛兵頂替及玩視捕務之副將。分別降補勒休一摺。廣東羅定協副將喀孔。阿於所屬營汛。並不認真督率巡緝。以致汛防兵丁。均有雇倩替代之事。實屬怠玩已極。現當整飭營伍之時。此等不職之員。必當從嚴懲治。該督請將該副將以都司降補。尚覺輕縱。喀孔阿著即革職。以示懲儆。護理香山協副將碣石鎮中軍遊擊布萬和。於所屬地方盜劫頻仍。緝捕不能得力。且染患目疾。斷難任其總棧。即著勒令休致。其該汛備弁。並著查明分別叅揭。○又諭。祁墳等奏官犯緝捕出力。懇請免罪等語。已革外委梁恩陞。係聽從開設窯口。從重發遣新疆之犯。情節較重。著不准其免罪。仍遵前旨。照例發遣。○又

諭李星沅奏。請將任意乖謬之知縣革職一摺。所奏是。陝西安定縣知縣康象書。心地昏庸。辦公竭蹶。因聞有甄劾之信。輒向該撫面求寬免。又復藉詞告養。規避叅劾。實屬荒謬。康象書著即革職。以示懲儆。○諭軍機大臣等。祁墳等奏修築虎門礮臺一摺。據奏舊臺過低。難以制勝。有仍照舊基建築加高培厚者。有應添建以資策應者。有應連兩臺為一臺。添築礮牆者。有原舊地勢未合。必須移建者。朕披閱圖說。臺形較舊加高。礮口亦多。所辦尚屬周密。著即照議辦理。惟防守礮臺。兵弁無多。其緊傍山麓者。設遇有警。應如何為後路接應。以防抄襲。其孤懸海中之礮臺。尤不可無策應之兵。僅遇有警。應如何一呼即至。既可保護礮臺。並可出奇制勝。該督等均未議及。著祁墳。程喬采。吳建勳。體察情形。悉心妥議。再行具奏。務須層層慮及。確有把握。毋徒以工料堅實。遽信為有備無患也。將此

諭令知之。○辛卯諭軍機大臣等。特依順等奏勘明乍浦形勢。會籌善後事宜一摺。據奏該處無險可守。多建礮臺。不能得力。當以訓練兵丁為要。所見甚是。兵丁技藝。果能膽壯。不能勝之於水者。或可勝之於陸。著即責成該將軍等。將該處滿洲綠營官兵。竭力整頓。一洗從前惡習。務使一兵得一兵之用。方為不負委任。至地利所不足。當以人事補之。若因其無險可扼。遽置不議。設遇海上有警。必至束手無策。若仍於近海口岸。設礮安兵。一被強寇轟擊。勢必如前潰散奔逃。尚安望其轉戰成功耶。所稱或可勝之於陸。臨敵恐亦無把握也。著著英劉韻珂。會同該將軍等。相度形勢。悉心籌畫。儻寇船近岸。其未登陸以前。作何準備。既登陸以後。作何截擊。務操勝算。不致臨事張皇。庶可有備無患。至現在建築城垣。修理衙署。所費已屬不貲。若一切拘循舊制。於防守仍無實濟。該處駐防官兵。有

無可以量為變通之處。並著著英等留心體察。妥議具奏。所請另造戰船。俟李廷鈺擬造同安梭船造成後。如能得力。將乍浦水師營船接續興辦。著即照議辦理。將此諭知著英。特依順。劉韻珂。恆興。吳必淳。知之。○又諭前據著英等奏江防善後事宜各條。當交軍機大臣會同該部議奏。茲據該大臣等奏稱。該督所請於福山地方添設水師總兵一節。自應於他處酌撤。以符舊額。而各省額設總兵。或本係重鎮。或所設無多。實無可以議裁之缺。請飭下該督再行悉心體察等語。海防固屬緊要。邊疆內地亦不可不防患未然。自應籌出萬全。未可顧此失彼。福山現在情形。如必應添設總兵。其應添大小弁兵。現在各營是否足資移駐。抽撥抑或尚有不足。應行添設。所需俸薪馬乾等項。應如何詳細籌款。以節糜費。均著通盤籌畫。確切查明。妥議具奏。將此諭令知之。○壬辰遣官祭黑龍潭。

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園惠濟祠

河神廟。○諭內閣戴垣等奏試放礮位情形等語。所有造辦處賠鑄子母礮。其第三號礮位既據試放便捷有準。著即頒給大器營以

資演用。其餘礮三位著該處領回另行妥為鑄造。奏請驗放。○諭軍機大臣等。現在各省官兵均已撤回歸伍。因思兵可百年不用。不可一日無備。誠恐該官兵等於歸伍之後。貪圖安逸。怠於操防。以致技藝生疏。銳氣不振。著寶興、富呢揚阿、桂良、李星沅、張澧中、賀長齡、布彥圖、舒倫保、廉敬齋、慎胡超、周悅勝、汪道誠、張國相、文祥各就所轄營分。倍加訓練。期於精益求精。斷不可存偷安姑息之見。稍

弛備禦。至擡礮擡槍為軍中利器。尤宜寬為

儲備。勤加練習。俾聲勢相聯。施放有準。方可臨敵制勝。各該督撫將軍提督副都統等。均係受恩深重之人。務須先事豫籌。有備無患。儻稍存大意。任聽廢弛。將來遇有徵調。臨陣不能得力。朕惟該督撫將軍提督副都統是問。恐不能當此重咎也。其各勉之。懍之。將此各諭令知之。○浙江巡撫劉韻珂奏揚威將軍奕經參贊大臣文蔚自二十一年十一月

至二十二年八月陸續提取銀兩。現在經手各員均已來浙。飭令查造清冊。以便彙覈。得旨。覈實認真。不可稍有瞻徇。如有冒濫出乎情理之外者。據實奏。○補行道光二十一年大計。浙江卓異官九員。年老官五員。才力不及官二員。浮躁官一員。不謹官一員。分別議敘處分如例。○以拏獲冒領庫款從犯賞正白旗滿洲步軍校景壽藍翎。仍下部議敘。餘賞頂帶有差。○旌表守正捐軀山東陵縣

民婦徐弭氏女菊姐○癸巳遣官祭賢良祠  
○諭內閣孟保等奏請開復噶布倫等頂翎  
名號噶布倫丹珍策旺達爾漢堪布羅桑稱  
勒朗結前因委辦夷務不候批示輒行轉回  
降旨摘去頂翎革去名號茲據該大臣等奏  
稱該噶布倫等自被參後隨同委員辦理一  
切尚知奮勉丹珍策旺著加恩賞還頂帶花  
翎羅桑稱勒朗結著加恩賞還達爾漢堪布  
名號○甲午春分朝

日於東郊遣莊親王綿譚行禮○

上詣綺春園問

皇太后安○諭內閣鄂順安奏參疏防盜案之  
知縣千總一摺陝西西安滿洲營協領伊昌  
阿赴京引見與前任陝甘總督瑚松額家丁  
等行至河南汲縣地方被賊匪將該協領拒  
傷攔車劫掠賊至三千餘兩之多該處距城  
僅十餘里並非鄉僻處所該地方文武平日  
緝捕廢弛已可概見汲縣知縣馬筮乾署衛

輝營汲縣汛千總李萬青均著撤任先行摘  
去頂帶責令協同接任之員勒限兩箇月嚴  
拏賊盜務獲究辦儻逾限不獲即行嚴參以  
為廢弛捕務者戒○貸湖北江陵公安二縣  
修築月隄銀○貸荊州駐防被水兵丁倉穀  
○乙未諭內閣給事中文丕奏定例

朝日壇以卯刻致祭本月二十一日禮成將  
及卯初請將承祭官交部議處等語此次禮  
成將及卯初所早不過二三刻數究與遲誤  
者有間承祭官著毋庸議嗣後凡遇遣官  
祭祀其致祭時刻總當恪遵定例不得過早  
亦不得稍遲以昭敬慎○諭軍機大臣等前  
據著英程楸采奏江防緊要擬就各營排練  
水勇造船製械並籌備經費一摺當交軍機  
大臣會同該部議奏茲據穆彰阿等分別覈  
議具奏著照所議交該督撫認真辦理安徽  
省江西為上游江廣藩籬巢湖地方又為捻  
匪鹽梟通逃淵藪緝捕巡防均關緊要現在

挑練兵丁製造船隻周歷巡查又將材勇出眾弁兵先儘拔補足以示鼓勵而奮操防惟是立法雖已周詳督率尤須嚴整著即責成該督撫認真校閱並飭令該管道將督同營員勤加操練務使技藝悉臻嫺熟以期有備無患經此次定議之後儻祇知奉行故事日久又同具文即多立章程有何裨益是在該督撫等力加振作實力講求方可日收實效將此諭令著英程霖采知之○兩廣總督祁

璜奏欽差大臣廣州將軍伊里布因病出缺所議通商輪稅事宜必須次第接辦查洋面停泊夷船二隻前據伊里布照會囑咐噠令其查明約束據該夷目等聲稱前次駛往福州委因沙水未能熟悉派船二隻沿海探量斷無欲往登州之事其味喇噠囑咐寄泊定海貨船現已駛回廣東極為安靜所有善後事宜應督同藩司存興等委員妥辦得旨著即責成祁璜督同黃恩形成齡二員趕緊

妥辦藩司存興著毋庸派令同辦○以廣州滿洲副都統裕瑞護將軍○贈故欽差大臣廣州將軍伊里布太子太保予祭葬諡文敏○丙申命禮部尚書龔守正右侍郎薩迎阿查勘

景陵月臺工程○禮部右侍郎王炳瀛因病解任○以內閣學士李煌為禮部右侍郎仍兼署吏部右侍郎○禮部議准湖南巡撫吳其濬疏報採訪安福縣貞節婦女湯雷氏等一百

四十四口請建總坊旌表從之○丁酉諭內閣著英奏捐廉修建衙署等語所辦甚是江蘇蘇州府海防同知衙署年久失修又江寧府江防同知理事同知衙署亦均坍塌為平地該員等或在省城賃屋居住或借廟宇殊屬不成事體此次該督捐發廉銀分別修建足資棲止嗣後如敢藉口辦公無所擅離職守者即行據實參辦○又諭祁璜等奏請將疏防之知縣把總交議一摺此案廣東撫標差

官於南海縣界被搶距省僅三四十里該縣等未能先事防範以致賊匪膽敢持械搶奪並失去大牌批回執照等件實非尋常疏防可比現雖獲犯過半兼獲首犯未便照例免議南海縣知縣梁星源順德協右營把總余殿榮均著交部議處○又諭梁夢涵奏籌議錢局開鑄一摺山西寶晉局前經暫緩開鑄茲據該撫奏稱停鑄已久恐錢法漸致廢弛不足以資民用著照所請准其酌減卯額先

以四鑪開鑄俟一二年後察看情形如銀價稍平再行添鑪加鑄○又諭戶部銀庫未經盤查各項存貯銀兩著派惟勤阿靈阿會同裕誠賽尚阿詳細盤查確數據實具奏○諭軍機大臣等著英奏遵旨議造礮架並辦理情形一摺據奏用礮先講鑄礮尤須先講造模並籌及膛口礮彈等項所論皆中機要至團練鄉民該督奏稱先避其害不必專趨夫利及礮臺礮架礮位務取精良不在貪多並

水陸必須並重不可偏廢團練聽民自為不煩官力惟在慎選守令將備以期兵民協力眾志成城等語現在籌辦善後自以固結民心嚴申軍律為要而民情之向背兵力之強弱總視該管文武員弁稱職與否該督所論固已得其要領務須行之以實方可收得人之效勉益加勉以副委任將此諭令知之○兩江總督耆英奏四川督臣寶興以劈山礮運用靈便飭弁領解二十位運送江寧現已

發營收存報聞○調荊州將軍祿普為廣州將軍以寧夏副都統恆通為荊州將軍陝西西安協領伊勒當阿為寧夏副都統○戊戌諭軍機大臣等保昌奏籌議訓練駐防水陸兵丁章程據稱用兵之法兵礮應距海口較遠後路再有接應方可制勝福州駐防在前鋒馬步甲內挑選操演並派協領等員專管該將軍等按季統閱其所管漢軍水師旗營現挑精壯甲兵飭本管水師協領等加緊操

演委員前往查察。仍每年春秋兩季親往校閱等語。所議是否切中機宜。臨時能否得力。著壁昌敬敏於抵任後詳察地勢。悉心講求。再行妥議具奏。將此諭令知之。○己亥。

孝昭仁皇后忌辰遣官祭

景陵○諭內閣布彥泰等轉奏護理土爾扈特盟長印鑰之汗福晉喇什丕勒呈請帶領伊孫汗那木扎勒珠爾默特策林入覲天顏一摺。汗福晉喇什丕勒情願帶伊孫朝覲實出

伊之誠悃殊堪嘉尚。惟該遊牧事務緊要。若令該福晉來京。則遊牧辦事乏人。著布彥泰等轉諭該福晉俟伊孫汗那木扎勒珠爾默特策林及歲時由該將軍奏請令其朝覲。維時喇什丕勒仍留遊牧辦事。毋庸攜同伊孫前來。○諭軍機大臣等穆彰阿等奏續議天津善後章程一摺。所奏水陸兼防巡哨船隻挑練馬隊兼習馬槍並三省會哨防守礮臺沿海瞭望存貯火器各條均照該督原議章

程惟立法雖極周詳而奉行不力日久仍屬

具文必須行之以實持之以恆方可收安內攘外之效著訥爾經額督飭文武員弁協力同心認真經理如有虛應故事者即行嚴參懲辦斷不准稍有姑息將來練習嫻熟時必當簡派大員前往校閱該督身膺重寄諒必仰體朕意勉之又勉以副委任將此諭令知之○調烏里雅蘇台將軍奕湘為廣州將軍廣州將軍祿普為烏里雅蘇台將軍未到任

前以參贊大臣車林多爾濟署烏里雅蘇台將軍○庚子諭內閣都察院奏查明京控各交案件逾限未結並上次展限已逾仍未審結各案開單呈覽各省州縣審斷不公致令來京具控經各衙門咨交之後各該管上司自應勒限嚴催將未結各案迅速審辦以免懸宕茲都察院查明該衙門咨交各省逾限未結統計二十三案之多步軍統領衙門咨交各省逾限未結者三案似此任意積壓玩

泄已極著吏部即將承審逾限各將軍督撫都統府尹及委審各員應得處分查取職名分別議處並著該將軍督撫等將未結各案迅速審辦完結毋得再有遲延致干咎戾○江蘇巡撫孫善寶奏蘇屬久未得雨據糧道稟稱潮枯水涸現度禱甘霖以冀河渠盈溢無誤漕運得旨江南一得透雨即行具奏以紓廩念○撫卹越南國遭風難夷如例○辛丑遣官祭

歷代帝王廟○調烏里雅蘇台將軍祿普為綏遠城將軍綏遠城將軍奕興為烏里雅蘇台將軍兼鑲紅旗蒙古都統以歸化城副都統成凱署綏遠城將軍理藩院尚書吉倫泰署鑲紅旗蒙古都統○壬寅

上詣綺春園問

皇太后安○癸卯諭內閣訥爾經額奏請飭粵省弁兵回營當差等語所奏是廣東外委姚麟並兵勇等前隨同遊擊李志和赴天津教

演藤牌等項技藝現據該督奏稱各兵等練習手法步法均能便捷此後各營傳習有人著該督即飭令該外委姚麟帶同兵勇等回營當差該弁兵等教演尚屬出力著兩廣總督侯該外委回粵後以把總儘先拔補兵丁壯勇存記鼓勵○諭軍機大臣等訥爾經額奏校閱省標各營操演速戰陣式情形並繪圖呈覽等語覽奏已悉所鑄五百斤銅礮六十尊添設在速戰陣頭層三十斤銅礮一百

尊添設在二層有礮車推挽礮架支放輪轉裝藥均可連環套打用之陸路足可制勝甚合朕意後路以擡槍鳥槍繼之又以弩箭藤牌刀矛馬槍繼之該督已親加校閱均屬整齊仍飭各營將領一體教演務臻純熟至海口防兵技藝膽量尤應平日認真講論方可收得心應手之效該督惟當督飭將備極力講求按期教練不得始勤終怠日久又致廢弛也將此諭令知之○浙江學政羅文俊奏



前因寧波辦理軍務請候事竣補行歲試茲查應考人眾歲科分試恐誤秋闈請一併舉行以歸簡易從之○浙江巡撫劉韻珂奏請酌保浙省防堵人員得旨些須小惠朕何所吝惜實難於降旨亦何心降旨汝雖掉弄筆鋒巧言觸動朕能任怨不似汝動輒邀譽於人也又奏上年十二月初二日夷目未氏碧得已士求派水手帶引前往福州登州情殊叵測茲查未氏碧等船隻已自石浦開行向東北外洋而去未氏碧等係何國夷人驟難詳查現飛咨廣州將軍等諭知在粵夷目轉向浙中各夷嚴加約束毋許妄向他處停泊船隻以杜窺伺報聞

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百八十九

大清宣宗敕天符運立中體正至文聖武智勇  
仁慈儉勤孝敏成皇帝實錄卷之三百九十

監修瑞春宮經筵日講起居注官太子太保領仁閣大學士文淵閣總理事管理戶部事務上書房總辦修繕翰林院掌院學士兼管

天府府尹事謫隨帶加五級紀錄十八次臣賞指題該官經廷議旨吏部尚書錄監授漢軍都統管理新營居城內官房大庫糧廩四

七倉大臣積登會同四譯館事務加一級隨帶加六級軍功加三級紀錄五次臣北沙納經筵講官太僕卿張華閣事兵部尚書總管

內務府大臣鑲白旗滿洲副都統稽察內七倉大臣管理宗人府錄庫左翼副官等 宣統三年閏辛亥歲精校書楊春騰房刻

刑醫院送解處事務隨帶加十八級直阿靈阿副總裁官職送謀官兵部尚書隨帶加六級紀錄二十次庄周祖培等奉

敕修

道光二十三年癸卯三月甲辰朔諭內閣御

史蘇廷魁奏各省搶劫肆行請令督撫提鎮嚴飭營伍以除盜賊一摺國家設立營伍分防汛地原所以禁暴詰奸遇有宵小肆行盜匪劫掠必應實力查拏跟蹤躡緝庶足以安行旅而靖地方乃近來搶劫頻仍如河南汲縣盜匪竟敢行劫參領官車拒傷事主廣東佛山盜匪竟敢搶劫摺弁批回執照此外如湖北之樊城江南之王家營湖南之宜章廣東之樂昌德慶土匪成羣藉端搶劫總由地

方文武員弁互相推諉不肯認真偵緝遂致縱盜殃民大為閭閻之害著責成各省督撫提鎮嚴飭所屬無分畛域四路兜拏儻不肖州縣玩視捕務不能將首要各犯全數弋獲及各營汛分防武弁怠惰偷安查緝不力以致盜匪遠颺即著該上司指名嚴叅從重懲處以為廢弛捕務者戒將此通諭知之○以右春坊右中允孫銘恩署日講起居注官○乙巳

上御山高水長閣侍衛等騎射○諭內閣御史  
蘇廷魁奏因災陳言請虛懷求諫一摺據奏  
邇年嘆夷犯順黃河再決近復有白氣一道  
由西指東隨星出沒請下罪己之詔開直諫  
之門等語朕君臨天下二十餘年兢兢業業  
日慎一日即無

期望至求言納諫係朕本心近來科道建言凡有裨於實政者無不立見施行即如翰林院編修吳嘉賓戶部郎中湯鵬主事丁守存等以本無言責之人條陳事件亦未嘗不虛懷聽納是言路並無壅塞况應天以實不以文正不必特詔求言反似虛應故事嗣後大小臣工務各力矢公忠屏除私見遇有用人行政闕失盡言無隱朕非飾非文過之君諸臣不必存畏罪取容之見但必揆諸時勢實

在可行方可登之奏牘儻泥古不化徒託空言仍於國計民生毫無裨益則大非朕虛己聽言之本意也○諭軍機大臣等吳文鎔奏遵查廣信南安二府所屬挑夫船戶情形一摺覽奏均悉各處船戶設有船行保家層層防範且皆出本謀生之人如果商旅運載營趁有資自不至失業為匪其各處挑夫人等現據查明各安生理並無失業滋事之處亦未便先事張皇轉滋紛擾惟此項人等為數

既多儻將來港口分開客貨稀少難保不別生事端仍著該撫督飭地方官隨時稽察設法安頓有犯必懲務使良民有以資生匪徒不致滋事是為至要將此諭令知之○以防堵清江淮海出加賞江蘇捐職道員王履謙藍翎餘升敘有差○丙午以御前行走額駙德木楚克扎布中箭六枝賞紫韁○丁未上御山高水長閣侍衛等騎射○戶部議准陝甘總督富呢揚阿疏報烏嚕木齊開墾田二

十一項有奇照例升科從之○戊申

上詣綺春園問

皇太后安○以服闋內閣學士李芝昌為內閣

學士兼禮部侍郎銜○己酉清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭內閣○耆英奏請將庸

懦無能之都司外委革職○枷號○以儆玩弛一

摺○所叅是江蘇狼山鎮標巡江兵船上年十

二月間○有被盜搶失槍械情事○該營都司楊

榮先○督率外委王連○在江巡緝○既遇匪船○並

不奮勇兜擒○轉被賊匪搶去槍械○實屬恒怯

無能○狼山鎮標左營都司楊榮先○外委王連○

著即行革職○在於江干枷號一箇月○其兵丁

十名一併革退○重責四十棍○枷號兩箇月○以

示懲儆○署狼山鎮總兵順保○著耆英詳加察

看○如難勝任○即行嚴叅○泰興縣知縣毓彬等

拏獲此案○疊劫盜犯○究出拒捕重情○緝捕尚

屬勤能○著查明首先何人下手○及該員本任

有無疏防案件○另請獎敘○該督務當不避嫌

怨○處處認真整頓○以挽頽風○勉之○又諭耆

英等奏叅驗訊命案○革率謬妄之知州○請旨

革職一摺○所叅甚是○江蘇邳州知州張心淵○

於因姦謀命重案○屍格不符○首從倒置○種種

謬妄○實出情理之外○張心淵著即革職○交該

督等飭提犯卷○遵委幹員○嚴行審究○務得確

情○按律定擬具奏○儻訊出該知州有故意增

減傷痕○出人人罪情事○著即歸案○嚴行審辦

以為驗訊不實者戒○○貸江寧八旗及江南

督協各營駐劄災區兵丁餉銀○度戌諭軍

機大臣等○耆英奏○接到夷酋照會○欲赴江浙

與該督面定章程業經飛諭該督令其在粵靜候諭旨遵行等語前因伊里布出缺通商事宜命祁項督同黃恩彤咸齡接辦惟者英係原議之人為該夷所信服較之祁項接辦更為妥協本日已明降諭旨將耆英作為欽差大臣馳驛前往廣東查辦事件矣該大臣即馳赴廣東接受欽差大臣關防辦理通商餉稅章程一切務臻妥善將此由五百里諭令知之○命兩江總督耆英為欽差大臣馳

往廣東查辦事件以福州將軍壁昌署兩江總督未到任前以江蘇巡撫孫善寶護理○辛亥祭

先農之神遣莊親王綿譚行禮○諭軍機大臣等昨因耆英奏接到夷酋照會欲赴江浙等語已降旨將耆英作為欽差大臣馳赴廣東查辦事件茲據祁項奏通商輪稅一切例案均在粵省非江浙所能懸揣若在江浙定議窒礙難行業經委員向夷酋開導等語所

見甚是前因伊里布出缺降旨著祁項督同黃恩彤咸齡接辦通商事宜今耆英到粵尚需時日著祁項仍遵前旨即照伊里布原議各款督率承辦之員逐條詳議一俟耆英到後即可酌定章程又另摺奏查察廣東船戶挑夫尚可照舊謀生不至失業等語覽奏均悉所有遊手閒民遣散壯勇將來各省港口分開之後或因生計維艱別滋事端在所不免著隨時督飭文武員弁設法稽查妥為彈

壓總以逐漸解散為要又石井鄉議立公所現在搶劫之案已少可見保甲之法不惟可禦外侮亦足消弭內盜惟在多方勸諭實力奉行自可漸收實效也將此由四百里諭令知之○壬子諭軍機大臣等據達洪阿等奏通籌經費分別撤留兵勇一摺現在臺灣南北兩路地方平靖噶夷亦經受撫雖沿海未便撤防而帑項不可虛糜自當隨時籌節該鎮等議自本年正月起將原設兵勇分別撤

留臺灣各口尚應酌留弁兵四千二十一各澎湖一廳孤懸各口弁兵應照舊留防其郡城之安平水師三營及澎湖水師兩營兵數較多仍分兩班更替休息並停給下班口糧其餘兵少之處皆不分班至鄉勇屯丁名數亦議定臺灣各口酌留一千七百四十九名澎湖一廳酌留四百名俾經費稍可持久所有各屬不領口糧之義勇亦酌量情形分別解散以紓民力等語均著照所議辦理怡良

即責成該鎮道等實力稽查毋留奸匪以固藩籬所有上年撥給臺灣經費銀兩經該鎮備文赴省請領一俟解到即歸還該道庫作為備貯將此諭令知之○以隨赴浙江軍營出力賞京營把總柏文匯等六品軍功頂帶餘升敘有差○癸丑大考翰林院詹事府各官於圓明園正大光明殿○諭內閣本日大考翰詹經監試王大臣查出右贊善如山懷挾賦本如山著即革職交刑部照例治罪○

又諭本日大考翰詹翰林院侍講邵燦因在路失跌右手閃傷不能與試邵燦著開缺俟病痊後照例補考○諭軍機大臣等富呢楊阿等奏野番滋擾情形現派提鎮捕逐並親往查辦一摺據奏上年滋事野番經官兵捕逐出卡後並未遁歸巢穴多在河北東信羣科克克烏蘇等處盤踞窺伺該督等現派署總兵徐華清站柱並提督周悅勝統帶官兵三路併進又令兩翼蒙古及阿里克等族番

各派蒙古番兵作為鄉導等情布置尚為周密著即照議辦理儻賊聞調兵捕逐遁歸河南巢穴該督檄令徐華清帶兵在於河北遊巡防堵站柱移兵河南直壓賊巢勒令將積年滋事番賊逐名擒獻自可迅速殲功惟站柱移兵河南徐華清在河北防堵相離較遠聲勢不能聯絡且站柱帶兵直壓賊巢後路並無接應亦屬可慮自應另派勁旅作為後路策應以防抄襲竄突之虞至以蒙古番兵

為鄉導尤應慎重不可冒昧深入該督請俟秋審事竣籍西路閱伍之便馳赴西寧會同法豐阿周悅勝妥為布置亦著如所議行另片奏在甘肅藩庫先行借動新疆備用款內存銀十五萬兩又借儲備專款存銀五萬兩俟事竣後設法籌補著准其先行借用以應急需即飭令蘭州道唐樹義等樽節動支妥為籌辦毋任虛糜將此諭令知之○署漕運總督李湘茶奏首進幫船過淮日期得旨竭

力趲辦不可以有閏之年藉口稍形遲滯○

甲寅

孝賢純皇后忌辰遣官祭

裕陵○諭內閣李星沅奏查明革員妄控驛站一摺已革典史吳恆以在籍坐選微員潛赴陝省敢以不干己事妄言聳聽現據該撫查明所控驛站積弊全屬子虛雖無挾制圖幫等情究屬居心奸巧行同無賴吳恆業經革職著永不敘用以示懲儆○諭軍機大臣等

前據周天爵李湘茶保奏投效捐資各員開單呈覽當交吏部議奏茲據該部查照章程並請將未經分晰各員令該署漕督等確查覈辦此項人員當江北防堵之時或團練備堵或募勇購械或捐資助餉前經降旨許以破格施恩即未經調用亦必量為獎勵惟出力自有等差捐資必有確數方可覈實定議分別加恩該署漕督等前奏單內將前旨准保之王恩燾秦廣鎔及舉人朱百谷等與捐

項並無確數之王椿齡等一併列入其出力或有實據或僅空言捐項或有確數或無定準聲敘既不明晰恩施何以公允著李湘茶即將上次單開各員查明出力等第捐辦確數分別詳細再行具奏庶於破格獎勵之中仍存杜絕冒濫之意將此諭令知之○乙卯上諭綺春園閱

皇太后安○諭軍機大臣等著英等奏陳國山關等處籌備情形一摺據稱國山關江面

現備木筏五十架小筏三架划船二十隻責成遊擊錢朝舉會同地方官收管又挑留泗水頭目壯勇三十名交該遊擊驗收督令教習京口營兵泗水之法並飭把總李天林等常川駐劄守護教演其驚鼻嘴江面一律配船造筏做照圖山關章程辦理仍多方招募泗水壯勇等語著英現赴廣東著孫善寶李湘荼尤渤妥為辦理仍俟署督壁昌到任後與之妥商務須訓練有方毋任有名無實儻

約束不嚴教演乏術即著從嚴懲辦至蘇州報銷局存貯礮位現經調到八十位分派二處著即責成江陰丹徒二縣營及京口左右二營公同籌定妥為收貯各輪流運赴江口督兵演練其如何安設之處著隨時酌量辦理將此各諭令知之○又諭著英等奏圖山關籌備情形一摺覽奏均悉前有旨令著英馳赴廣東查辦事件本日所陳籌備各事宜已諭知孫善寶李湘荼尤渤妥為辦理矣著

英著俟回任時再行督飭所屬認真籌辦總期防禦得收實效方為妥善將此諭令知之○又諭前據保昌奏籌議駐防水陸兵丁章程一摺當有旨飭令壁昌敬敷於抵任後詳察妥議具奏現在壁昌署理兩江總督到任尚需時日所有福州駐防水陸兵丁著敬敷認真訓練其保昌所議章程是否切中機宜著俟壁昌到任後再行會同妥議具奏所有前給壁昌諭旨一道即著敬敷收存統俟壁

昌到閩後面為交給將此諭令知之尋奏保昌所議請於前鋒馬步及閒散壯丁內挑出兵一千一百四十名以六百六十名操練鳥槍二百四十名操練礮礮二百四十名操練步箭均應如所奏辦理現擬按日分演步射騎射及雲梯長矛等項技藝並演放鳥槍礮礮礮礮至漢軍水師營原設兵五百一十六名保昌前議挑選兵二百六十名分習槍箭礮礮餘仍令配船巡查所議尚未允協應請



嗣後將水師兵五百十六名單日乘坐船隻  
習練水操雙日在岸習練陸操得旨依議  
真訓練務期得力方好○禮部議准江寧將  
軍德珠布疏報京口駐防遇賊捐驅婦女赫  
車爾氏等三百七十一口陝西巡撫陶廷杰  
疏報採訪鳳翔汧陽岐山膚施等四縣貞節  
婦女閭李氏等一百五十七口各請建總坊  
旌表從之○丙辰諭內閣前據特依順奏乍  
浦甲兵空缺不敷湊補請於京城八旗閒散

壯丁內分撥挑補當令八旗滿洲都統等議  
奏茲據奏稱以每旗數戶遠移外省窒礙難  
行等語特依順所奏著毋庸議所有乍浦滿  
洲營甲兵空缺即暫行停止挑補俟該處有  
可以挑補之人再行選充足額斷不准以空  
缺久懸率令老弱充數以致有名無實○丁  
巳遣官祭

先蠶之神○諭內閣此次考試翰詹各員經  
閱卷大臣等校閱進呈朕復詳加披覽親定

等第一等五員二等五十五員三等五十六  
員四等七員其考列一等之編修萬青藜殷  
壽彭俱著以侍講學士升用左庶子張芾著  
以少詹事升用左中允蕭良域著升授侍讀  
編修羅惇衍著升授侍講二等之檢討曾國  
藩著以侍講升用編修丁嘉葆著升授侍讀  
編修郭沛霖楊能格方壙吳敬義均著以贊  
善升用以上各員現在無缺可補者俱著先  
換頂帶在任候缺中允孫銘恩檢討王東槐

編修徐士穀金國均田雨公均著記名遇缺  
提奏孫銘恩王東槐徐士穀金國均田雨公  
何紹基福濟著各賞大卷八絲緞袍料一件  
小卷江綢褂料二件呂佺孫李承霖陳寶香  
梁國琮黃琮段大章譚光宸祁宿藻趙振祚  
蔡宗茂湯雲松史淳著各賞大卷宮綢袍料  
一件其考列三等之侍講和色本侍讀景霖  
均著以中允降補左贊善愛仁著以主事改  
補左庶子宗室豫德著以員外郎降補右中

允宗室英淳著以主事改補侍講學士錫祚著以郎中降補編修劉定裕黃兆麟著各罰俸半年編修卓樸著罰俸一年其考列四等之編修李道生胡光泰董似穀俱著罰俸二年侍讀學士宗室桂彬著以主事降補侍講宗室和潤著以筆帖式降補仍各罰俸一年編修吳吉昌曹炯俱著以中書改用仍各罰俸一年餘俱著照舊供職該員等其各勤學砥行以副朕培養人材至意○又諭恩桂等

奏叅都司失察捕役匿竊等語南營西珠市口汛都司甘恪修先有失察匿竊三案茲於捕役匿竊不報又復漫無覺察實屬玩忽甘恪修著即摘去頂帶勒限嚴緝賊如限滿無獲即著嚴叅究辦京城巡捕營員弁緝捕是其專責近來屢有捕役匿竊不報之案若僅將該管員弁照例記過殊不足以示懲嗣後遇有此等案件著即將該員弁等先行摘去頂帶勒限緝拏如始終怠玩即嚴行叅革

以示懲儆○予故蘇尼特輔國公巴圖鄂齊爾祭如例○修築浙江錢塘縣江塘從巡撫劉韻珂請也○戊午諭內閣潘錫恩等奏訊明妄拏無辜各員分別定擬一摺此案安徽阜陽縣知縣陳葆森於差役妄拏民人邵見成不能審出實情誣認捻匪縱紅之父幾致冤陷無辜情殊可惡之至雖未定案成招究因妄拏嚴刑斃命陳葆森著即革職發往新疆充當苦差潁州府知府唐方煦係督審之

員不能訊出實情稟請更正迨至調赴淮安覆訊始據供認錯誤實屬溺職前署漕運總督周天爵提訊邵見成時因不肯承認輒用火燙傷實屬任性濫刑唐方煦周天爵均著交部分別嚴加議處○旌表守正捐軀山東壽光縣民劉升安妻孟氏○己未

上奉

皇太后幸慎德堂進膳○庚申諭內閣穆彰阿等奏遵旨會議裁撤西安鎮總兵移置天津

一摺陝西西安鎮總兵一缺著即照議裁撤移置天津以抵新設通永鎮總兵之缺其西安鎮裁出兵一千六百餘名准其撥歸撫標兵一千二百名並准其添設中營即將原設左營參將改為撫標中軍原設右營遊擊改為左營遊擊應設右營遊擊即以鎮標左營遊擊改撥其鎮標餘兵四百餘名准其歸併西安城守營原設城守參將著改為副將准其將神木協副將並中軍都司一併改移西

安城守營其西安城守參將准其移設神木營所有西安鎮原設官弁裁抵直隸通永鎮添設各缺外其短少員弁著直隸總督於本省簡僻營分內裁撥移駐至陝西現在移撥各員是否堪以勝任並著富呢楊阿酌覈人材分別辦理○諭軍機大臣等據成剛等奏會勘挑工情形一摺現在挑河計長三萬二千餘丈經該侍郎等分段派員承辦查僅約計三月二十後子河可以全竣所有清口以

下長河四月底亦可挑竣惟挑工淺深難易不同自宜酌量增減著照所議確數辦理總於原請二百八十餘萬帑項外不致再有加派而於原估應挑之河一律通暢方為不負委任其攔黃攔潮各壩並防風護埽各工應辦事宜即著該河督飭估發辦又另片奏擬由桃南廳夫工接至攔河壩上就現辦一律興挑俾河水更資暢洩其夫工以上擬歸入進上引河頭工內於八九月相機搶挑等語

亦著照議妥辦將此諭令知之○又諭吳文鎔奏新鑄礮位妥為收貯並擬每年輪演章程等語此項新鑄礮位據該撫奏稱每年分出一半演試著改為三年一周於每年冬間將省貯礮位撥出三分之一派委司道會同營員認真演試其九江府留貯礮位及省城舊存鐵礮均著照此辦理如此輪流操演周而復始礮位既無銷澀之虞而兵丁亦資演習庶可施放有準不致日久生疏至另片奏

稱每年演試大礮及礮礮鳥槍需用火藥鉛子等項著准其另行籌備務須製煉精工收貯得法方足以收實效將此諭令知之○以陝西西安鎮總兵官缺裁撤調總兵官台湧為甘肅伊犁鎮總兵官○戶部議准陝甘總督富呢揚阿疏報烏嚕木齊開墾田二十四頃有奇照例升科從之○辛酉

上詣

安佑宮行禮○詣綺春園問

皇太后安○諭軍機大臣等寶興奏川省勘標木料咨行湖廣閩粵商辦一摺據稱湖廣咨取杉木柏木業經先期採運惟須自小河運至大河始能直達長江必俟六月水勢泛漲方足以資浮送其木植能否適用已咨楚省委員來蜀俟勘明適用再行運送至廣東福建製造海船既據訪聞柏木質脆不合戰船之用川木入海於水性果否相宜是否實可為海洋戰船之用亦咨行閩粵督撫體察妥

籌等語該督係為慎重要需節省糜費起見已諭知裕泰怡良劉鴻翱祁墳程商采各令委員赴川確勘妥籌著寶興俟各該省咨覆到時並委員到川勘定再行酌覈辦理將此諭令知之○又諭據寶興奏川省勘標木料咨商楚省一摺據奏楚省咨取杉木柏木先期揀選其株樟栗棗等木並非川省出產所採杉柏兩木須由小河運至大河直達長江必俟六月水勢泛漲始足以資浮送川楚地

土不同木性因而互異此項木植製造江船能否適用已咨楚省先行委員來川勘估等語現在湖廣製造江船是否必須川省木料儻此時率行咨取日後不適用於不惟工料運費全屬虛糜且恐貽誤要需著裕泰悉心籌議如果必須川省木料亦著遵委委員先期赴川確勘實係適用再行起運務使工歸實用費不虛糜為要將此諭令知之尋奏楚北居川省下游係商販運木必由之路製造

江船鋪底必須杉木船身頭尾宜用株樟亦有兼用柏木之處惟株樟木性堅實需用較多已分飭委員於南北兩省採買至前次行取川省杉柏等木相距數千里尚需時日且新取木植未經乾透亦恐不適於用應先就川南商販運來之木分別購買儻將來實不敷用必須川省杉柏二木接濟再當籌商咨取從之○又諭據寶興奏廣東福建製造戰船訪聞川省柏木不合戰船之用其川木入

海於水性能否相宜是否可為海洋戰船之用圖長丈尺能否合式已咨閩粵督撫體察妥籌等語閩粵製造海船事關緊要自不宜用質脆之木且海洋水性及圖長丈尺必須親涉波濤熟諳形勢之人赴川勘度方可得其實際閩粵距川遙遠海運既多不便即內河亦多山嶺阻隔一時率行咨取到後仍歸無用豈不虛糜工運抑且有誤要需著怡良劉鴻翱祁項程喬采確查各該處海洋情形

悉心籌議一面具奏一面咨覆寶興務須先事熟籌勿致臨事周章為要將此各諭令知之尋閩浙總督怡良等奏四川柏木閩省工匠向未用過其性未能深悉此時既不能遵照廣東船式製造應毋庸率行咨取請停採運以節糜費報聞兩廣總督祁項等奏兩廣地方向無柏木即川省亦從未販到無論大小長短皆未用過況由川運粵海洋既多不便而內地水路可通之處又多曲折難以運

送不如仍令潘仕成採買洋木為便得旨所奏是○刑部奏嚴審庫丁舞弊一案得旨此案庫丁張誠保於伊兄張亨智為子交捐銀兩輒敢起意虛報平數盜回四千兩之多著依議斬監候秋後處決張亨智以己革庫丁為子朦混報捐分贓獨多情節較重著發往新疆給官兵為奴遇赦不准減免仍照議暫行羈禁在逃之庫書徐匯川庫丁孟三著步軍統領衙門順天府五城一體嚴拏務獲送

部歸案審辦。前任查庫御史宜崇。解任銀庫部中榮慶。在庫監平。毫無覺察。著即行革職。前任查庫御史鴻臚寺少卿孫日萱。解任銀庫員外郎伊齊斯歡。裕馨。司庫玉振。雖未眼同平兌。咎亦難辭。俱著交部嚴加議處。○壬戌。鑄給浙江新改定海直隸廳同知教諭訓導司獄關防條記印信。從巡撫劉韻珂請也。○癸亥。桂表守正捐軀四川綿竹縣民蔡世璠妻趙氏。○甲子。諭軍機大臣等。本日據都

察院奏。江蘇民人孫玉學呈控土匪搶擄。盡役舞弊一案。已有旨交孫善寶親提審訊矣。該民人所控陳姚金等糾眾搶擄各情。如果屬實。必應嚴行究懲。何以該縣任聽盡役得賄。蒙裏捺案不辦。且該民人控府批飭詳勘。何以該縣復因搶案甚多。嘆其上控。竟行掌責四十。鎖押勒結。反將匪徒全行釋放。著孫善寶親提犯證。嚴加確究。如訊有縱役舞弊。諱案庇匪等情。即行據實嚴參。毋稍徇縱。將

此諭令知之。○貸山西夏鄉寧吉。漳源。左雲榆社。六州縣上年灾歉。貧民倉穀。緩買右玉。寧武。平魯。保德。陽寧。鄉寧。遠河。曲陽。曲靈。石。垣。曲。十二廳州縣動缺穀石。○乙丑。諭內閣。前據龔守正等奏查驗官料廠木料一摺。當交工部議奏。茲據奏稱官料廠一切木料。內楠木三十一件。角料八件。原備陵寢要工。自應倍加慎重。擬請搭蓋灰棚四間。遮護等語。著照所議。即交現派承修工程之

大臣妥為辦理。至此項存貯木料。為數較多。著交該管大臣酌派內務府承辦事務衙門司員。協同該部司員稽查。並著每年由工部查勘歲修之大臣親為查驗一次。有無虧朽情形。隨時奏明辦理。以昭慎重。○調烏里雅蘇台將軍奕興。為綏遠城將軍。以綏遠城將軍祿普。為鑲紅旗蒙古都統。熱河都統桂翰。為烏里雅蘇台將軍。○賞葉爾羌幫辦大臣琦善三品頂帶。為熱河都統。○予故教漢郡

王幹咱巴拉。祭如例。○丙寅諭內閣。禧恩等奏。遵旨審訊庫貯官物短少一摺。此案盛京解任司庫業普肯收兌銀兩。諭令掌平書吏管保。零星散放。不至短少。以致該書吏每銀百兩多收四錢。迨親提過平。方行取出銀兩。意在朦混。業普肯著即行革職。以示懲儆。司庫錫靈阿。庫使覺羅清凱。是日同在庫上。於業普肯主使盧濬私取銀兩。漫不經心。均著交部議處。至所短顏料。以道光九年起。所短

麻鐵。以道光十七年起。數明例價。著落歷任堂司各官。按成分賠歸款。並著該部將歷任該堂司各官。查取職名。分別議處。盛京工部侍郎德厚。前被司庫惠昌朦混。雖經自行查明更正。究屬先曾畫稿。又於筆帖式連祿欠交銀兩。先未奏。亦屬不合。著交部議處。嗣後該堂司各官。務於庫貯接收交代之時。認真盤查。造具冊結。報部查覈。以重出納。而杜弊混。○又諭。河南民人劉汝遂。戲殺伊妻蕭

氏身死。該撫將劉汝遂問擬絞候。隨案聲請留養。據刑部題稱。查覈此案情節。並無一語涉於戲謔。顯有彼此負氣情形。斷難憑所供嬉笑空言。遂以戲殺定讞等語。著鄂順安另委賢員。再行研訊確情。按律定擬具奏。以咸信讞。毋得稍有回護。尋奏。劉汝遂實係戲殺。並無別故。仍應按律問擬絞候。聲請留養。下部議從之。○命葉爾羌參贊大臣圖明額來京。賞喀喇沙爾辦事大臣聯順。副都統銜。為

葉爾羌參贊大臣。以古城領隊大臣全慶。為喀喇沙爾辦事大臣。賞己革戶部左侍郎文蔚。藍翎侍衛。為古城領隊大臣。己革協辦大學士吏部尚書奕經。四等侍衛。為葉爾羌幫辦大臣。○命駐藏大臣海樸來京。以前任駐藏大臣孟保。為駐藏大臣。○旌表守正捐軀山西交城縣民李淋恆妻王氏。○准大通橋車戶承買黑豆二萬石。津貼車價。○貸湖南鳳凰。乾州。永綏。古文坪。保靖。五廳縣苗佃屯

丁籽種口糧○丁卯閩浙總督怡良奏渡臺後沿途訪察兩次夷船之破一因遭風擊碎一因遭風沈擱並無與之接仗及計誘等事達洪阿姚瑩一意鋪張致為夷人藉口殊屬辜恩溺職請從重治罪命革職解交刑部會同軍機大臣審訊尋奏上得旨達洪阿姚瑩加恩免其治罪○江寧布政使王庭蘭因病解任調湖南布政使葉名琛為江寧布政使以安徽按察使萬貢珍為湖南布政使六品

頂帶已革布政使管通羣為安徽按察使○調廣東潮州鎮總兵官保芝琳為福建臺灣鎮總兵官以直隸山永協副將祥麟為潮州鎮總兵官○以捐辦工賑予安徽知縣黃鳳樓等加銜議敘有差○予浙江勦夷陣亡江南守備孫汝鵬千總蔣世洪朱匯源張修澍把總陳文貴查廷揚李全福吳廷揚外委葛大魁劉桂五張冠甲額外晏紹舟夏明中吳廷標陳錦堂哨官呂林還祭葬世職江蘇勦

夷傷亡江西都司羅必魁江南外委吳文燦受傷江蘇府知事王興榮賞卹如例○旌表守正捐軀山東冠縣民于春妻劉氏○戊辰上詣綺春園閱

皇太后安○諭內閣書讀額准其補授伊犁理事同知嗣後由筆帖式揀補之糧員著准其照廢員揀選補授理事同知之例一體辦理吏部即纂入則例永遠遵行○諭軍機大臣等寄諭盛京將軍禧恩直隸總督訥爾經額

署兩江總督壁昌江蘇巡撫孫善寶山東巡撫梁寶常閩浙總督怡良福建巡撫劉鴻翱浙江巡撫劉韻珂兩廣總督祁項廣東巡撫程喬采御史田潤奏請團練鄉兵以杜後患而節軍需一摺現在倭夷雖經就撫而思患豫防不可不籌內因藩籬之計與其臨時徵調何如平日團練惟此事一經官辦流弊滋多該御史奏稱應選素行公正才略有為之人為練兵領袖庶幾鄉民敬畏齊受約束而



後團練之事可行。至於經費宜飭民間自行籌備。不可抑勒富民。亦不得假手官吏技藝。宜設法鼓舞酌定賞罰章程以資激勵。煩擾宜概行屏除。鄉兵宜加意優恤。各省地利民情多有不同。團練之法亦應因地制宜。著該將軍督撫按照該御史所奏體察情形。是否可行。據實具奏。再團練鄉兵防禦海口。該鄉兵生長本土。保護身家臨時自能得力。惟用兵之法固宜層層設伏。而後路尤關緊要。儻

僅於海口較近地方安置兵礮。全力抵拒。而後路不能策應。斷非制勝之道。三年以來專顧海口海岸而債事者。誰不知之。必須相度地勢。將兵礮移置要隘處。所以為前路應援。臨時更當得法。其應如何酌量變通之處。著一併詳議具奏。原摺著鈔給閱看。將此各諭令知之。○以翰林院侍講羅惇衍署日講起居注官。○己巳諭內閣。戶部銀庫設有管庫司員。專司出納。管庫大臣總領其事。復疊次

派出王大臣盤查。近年又添設查庫滿漢御史各該員等果能認真經理。覈實稽查。何至羣相朦混。釀成巨案。本年因庫丁張誠保偷盜庫銀破案。特派大臣將新舊各項逐一盤查。本日據惟勤等覆奏。新收常捐等款均與應存之數相符。舊存正項飯銀竟虧空銀至九百二十五萬二千餘兩之多。實屬從來未有之事。覽奏曷勝忿恨。以國家正項錢糧。膽敢通同作弊。任意攫取。似此喪心昧良。行同

偕國盜賊。本應立置重典。以肅法紀。惟事關多年。官非一任。即書吏丁役等亦人數眾多。儻不確切查明。恐致遺漏。倖逃法網。其自嘉慶五年以後。歷次管庫及歷次派出查庫王大臣皆係親信大員。亦復相率因循。毫無覺察。並無一人能發其奸。甚負委任。不知諸王大臣有愧於心否。朕自咎無知人之明。抱愧良深。均著交部查取職名。嚴加議處。此案著派載銓。穆彰阿。敬徵。裕誠。賽尚阿。嚴實查辦。

所有歷任管庫司員查庫御史並丁書人等  
著逐細查明嚴行治罪其現在虧短庫銀應  
如何分別罰賠及設法彌補之處即著悉心  
妥議具奏○又諭現在戶部銀庫查有虧短  
歷任稽查銀庫御史不能糾察弊端真同虛  
設除聽候欽派王大臣查明懲辦外所有稽  
查三庫滿漢御史均著即行裁撤○陝西巡  
撫李星沅奏嚴飭操防並校閱本標官兵情  
形得旨認真勉力屏繁文而收實效兵額第

一要足外無可諭○以貴州糧儲道吳振棧  
為按察使○桂表守正捐軀四川富順縣民  
蕭昌懷妻黎氏○庚午諭內閣近據戶部徹  
底查明銀庫虧欠銀兩至九百二十五萬二  
千餘兩之多殊堪駭異甚屬可恨特派大學  
士王大臣等詳議嚴行罰賠從重辦理其八  
旗滿洲蒙古漢軍人等均係世受國恩世僕  
此等異事聞之自必切齒痛恨試思許多虧  
項儻不行彌補各項如何辦理前者朕即恐

用項不敷故於各項需用俱行節儉無稍奢  
費今復出此遠年積弊不可不將一切實力  
撙節現在已令將各項分外節省爾兵丁等  
須體朕之節儉於一切生計儉益加儉但恐  
支放兵丁等月領餉銀庫平兩數致有不足  
俟庫項稍裕之時必須照常支放斷不忍將  
朕子弟兵丁偏刻也爾等務體朕意妥為演  
習技藝悉成勁旅將此令八旗滿洲蒙古漢  
軍都統前鋒統領護軍統領等各諭令兵丁

知之○諭軍機大臣等現在銀庫虧空至九  
百餘萬之多各衙門一切用款本多冗費若  
仍照舊頒放恐致支絀著諭知宗人府戶部  
工部內務府三院三山太常寺步軍統領衙  
門順天府各堂官體察情形所有大小工程  
及支領款項遇有可裁減者即行裁減可節  
省者即行節省總期實力撙節積少成多庶  
於公項有裨將此各諭令知之○補行道光  
二十二年軍政科布多參贊大臣所屬卓異

官一員烏里雅蘇台將軍所屬卓異官一員  
議敘如例○辛未

上詣

大高殿行禮

時應官拈香○還宮○以內閣學士楊殿邦  
為禮部右侍郎○以孟夏時享

太廟自是日始齋戒三日○士申諭內閣劉韻  
珂奏請將參將先行革職提省審訊一摺此  
案太平營參將文斌據發參將都林保前在

餘姚帶兵防守臨時潰散歷次稟詞與文員  
不符是否文員原供失實抑係該參將等事  
後串捏必應切實根究文斌都林保著一併  
革職交該撫提同彼時在營各弁兵及已革  
知縣彭崧年都司邵景揚等嚴審確情按例  
定擬具奏尋奏文斌都林保帶兵至餘姚協  
防當臨敵之時與彭崧年意見不合及至縣  
城失守互相飾辯希圖委過以致稟詞不符  
該革員等奉委協防不能竭力守禦致陷城

池實屬咎無可逭請一併發往新疆充當苦

差下部議從之○又諭劉韻珂奏革員鄂雲

歷次具稟飾混不符等語鄂雲即聯璧著押

解到京派軍機大臣會同刑部嚴行審訊尋

奏審明已革候選知州鄂雲因前赴浙江軍

營投效私逃出京並冒支軍糧屬實雖冒支

各款業已措繳有盈無絀應仍按律問擬鄂

雲除革職銷除旗檔外應杖一百流三千里

該革員於解部嚴審時猶復任意抵賴情殊

狡詐應從重發往新疆充當苦差從之○癸

酉諭內閣前因戶部銀庫查出虧短為數甚

鉅當有旨派王大臣查辦茲據查明歷任銀

庫司員查庫御史各職名開單呈覽該員等

或司收發或掌稽查喪心昧良釀成巨案實

出情理之外自應嚴加懲治以肅法紀所有

單開各員著交吏部查明現有官職及因事

故回旗回籍人員均著先行革職並將已故

各員之子孫有無出任及現任何官詳晰確

查開單具奏一併交載銓摺彭阿敬徵裕誠  
賽尚阿從嚴查辦○又諭前據托渾布奏參  
山東嘉祥縣知縣何銘於匪徒在境恃眾抗  
官情形稟報不實當經降旨將該縣撤任交  
該撫徹底根究茲據王篤奏稱該縣因擒匪  
馬淙禹等在王家屯圍擒馳赴兜捕馬驚墜  
跌致被兇匪乘隙拉刺身披合衫商民無一  
人被害亦未被搶一物實由該縣奮勇爭先  
督捕迅疾其原稟聲敘不明係倉卒發稟一  
時疏漏所致尚非有心諱飾何銘著准其免  
議飭令回任○又諭慧成奏料垛被燒請將  
廳營分別撤任摘頂勒限賠補一摺河南黃  
沁廳同知張士鈺黃沁協備王才於該廳緊  
要工料並不小心防範以致焚燒實屬玩忽  
張士鈺著即撤任王才著摘去頂帶勒限十  
五日將所燒料垛賠貼足額報明查驗如逾  
限不完即著嚴叅並究明起火根由獲犯懲  
辦

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十

大清宣宗發天符運立中體正至文聖武智勇  
仁慈儉勤孝敏成皇帝實錄卷之三百九十一

監修總纂官日講起居注官太子太傅禮部尚書臣等奉  
天恩修纂宣宗成皇帝實錄卷之三百九十一

天恩修纂宣宗成皇帝實錄卷之三百九十一

七次大臣稽察會同四部事務加一級應加六級軍功加三級紀錄五次臣等奉  
天恩修纂宣宗成皇帝實錄卷之三百九十一

內務府大臣稽察會同四部事務加一級應加六級軍功加三級紀錄五次臣等奉  
天恩修纂宣宗成皇帝實錄卷之三百九十一

監院總纂官稽察會同四部事務加一級應加六級軍功加三級紀錄五次臣等奉  
天恩修纂宣宗成皇帝實錄卷之三百九十一

載修

道光二十三年癸卯夏四月甲戌朔享

太廟

上親詣行禮○幸圓明園○詣綺春園問

皇太后安○以河南糧鹽道溫予巽為江西按

察使○烏魯木齊都統惠吉因病解任以兵

部右侍郎舒興阿為烏魯木齊都統調盛京兵

部侍郎舒興阿為兵部右侍郎○乙亥諭內

閣鄂順安奏審擬越境搶劫拒捕戕官之擒

匪一摺此案河南泌陽縣擒匪徐應青等聚

眾搶劫拒傷汛弁李長善身死一案經該署

撫飭屬會同各委員設法偵緝將首夥各犯

先後拏獲並究出搶劫訛詐各案俾匪徒不

致倖逃法網所有前經參革之泌陽縣知縣

閔若思把總丁炳均著准其開復原官至會

同拏獲此案要犯各員弁著該署撫擇其尤

為出力者酌保數員候朕施恩毋許冒濫○

以都察院左副都御史倭什訥為盛京兵部

侍郎內閣學士賡福為盛京刑部侍郎○以

廣東按察使徐繼畲為福建布政使○調直

隸布政使陸費瑔為甘肅布政使以直隸按

察使陸建瀛為布政使○賞革任散秩大臣

成山三等侍衛為烏魯木齊領隊大臣○丙

子諭軍機大臣等有人奏順天府屬固安縣

捐職州同王鳳庭特使妻孫氏毆斃私自掩

埋王鳳庭用銀一千兩交與刑書錢四賄串

縣官含混相驗勒令屍親人等具結又該縣

有張姓十三歲幼女被人強姦殺死經該處

開立賭局之王趙二姓用銀二百兩交與郭

姓。轉託刑書錢四。賄串縣官。不完等語。如果屬實。是該縣知縣於人命重案。受賄消弭。並不詳細相驗。實屬貪墨不堪。著納爾經額。親提此二案人證卷宗。嚴行審訊。按律懲辦。並查明固安縣知縣係屬何員。據實奏奏。以儆官常。毋得稍有同譏。原摺著鈔結閱看。將此諭令知之。○福建提督寶振彪奏謝革職留任恩。得旨。水師如再廢弛。不加練習。將何以對朕。自問天良何在。懍之。勉之。○實授麟魁

禮部尚書。管太常寺鴻臚寺事。轉吏部右侍郎善壽。為左侍郎。調刑部左侍郎柏蔭。為吏部右侍郎。工部左侍郎特登額。為刑部左侍郎。○以兵部右侍郎舒興阿。兼正黃旗漢軍副都統。伊犁領隊大臣阜興。兼正白旗漢軍副都統。○以武備院卿琰珠。為總管內務府大臣。○以長蘆鹽運使陸蔭奎。為直隸按察使。○調江蘇按察使黃恩彤。為廣東按察使。以雲南迤西道趙德濤。為江蘇按察使。○丁

丑。諭內閣。本日據御史陳慶鏞奏。琦善等三人起用。為刑賞失措。無以服民等語。前因琦善奕經文蔚先後辦理夷務。未能奏效。當將琦善等革職治罪。因思從前辦理不善。總由朕無知人之明。以致琦善奕經文蔚諸人喪師失律。迄無成功。朕惟有返躬自責。愧悔交深。何肯諉罪臣工。以自寬解。琦善等貽累未嫻。限於才力。現在年力正強。是以棄瑕錄用。予以自新。今據該御史剴切指陳。請收成命。

覽其所奏。元直敢言。朕非飾非文過之君。用人行政。一秉至公。初無成見。豈肯因業有成命。不便收還。自存同譏耶。琦善奕經文蔚均著革職。即令閉門思過。以昭賞罰之平。至黜陟之權。操之自上。本非臣下所能干。儻該御史所奏。於情法未能持平。朕亦不能曲從。以邀譽。中外臣民。應曉然於朕撫躬引咎虛懷納諫之至意也。○都察院左都御史正藍旗蒙古都統奎照。因病解任。以刑部左侍郎特

登額為都察院左都御史兼正藍旗蒙古都統。轉刑部右侍郎。成剛為左侍郎。調盛京刑部侍郎。惠豐為刑部右侍郎。以禮部左侍郎關聖保兼署工部左侍郎。以戶部右侍郎薩迎阿為熱河都統。以盛京禮部侍郎明訓兼管奉天府府尹事。○戊寅。

上奉

皇太后幸慎德堂進膳。○諭軍機大臣等有人奏軍需報銷往往有浮開之弊。此次各海疆

動撥銀兩報部者已不下二十萬。現在截銷尚有陸續補報等項。且各處多未曾打仗。所造火礮戰船均不適用。並稱奕經虛糜帑項。為鄭鼎臣開銷兵餉至三四十萬。難保無侵漁浮冒等語。軍需各款理應覈實報銷。豈容絲毫冒濫。著劉韻珂將一應軍需動支各款詳細鉤稽。剔除弊竇。務使用項皆有著落。不准瞻徇情面。代人受過。如查有侵漁浮冒等弊。即行據實具奏。毋稍隱飾。原奏著鈔給閱

看。將此諭令知之。○調吏部左侍郎善壽為

戶部右侍郎。兼管錢法堂事務。轉吏部右侍郎柏葰為左侍郎。以庫倫辦事大臣文慶為吏部右侍郎。○調盛京禮部侍郎明訓為盛京戶部侍郎。以內閣學士春佑為盛京禮部侍郎。○調鑲黃旗蒙古副都統道慶鑲白旗漢軍副都統成剛為正黃旗滿洲副都統。以呼倫貝爾總管額勒恆額為鑲黃旗蒙古副都統。刑部右侍郎惠豐兼鑲白旗漢軍副都

統。○以正白旗滿洲參領那昌為正白旗漢軍副都統。○以烏什辦事大臣賽什雅勒泰為葉爾羌幫辦大臣。鑲藍旗漢軍副都統雖祿為烏什辦事大臣。賞革任科布多參贊大臣。毓書藍翎侍衛為古城領隊大臣。候補三品京堂鍾祥頭等侍衛為庫倫辦事大臣。○禮部議准。江西巡撫吳文鎔疏報採訪廣昌縣貞節婦女謝氏等三十九口。江蘇巡撫程商采疏報蕭縣劉崔氏等七百五十七口。廣

西巡撫周之琦疏報。灌陽縣蔣鄧氏等二十口。各請建總坊旌表。從之。○己卯。旌表守正捐軀直隸隆平縣民楊林祥妻韓氏。○庚辰。

上詣綺春園問。

皇太后安。○諭內閣。載銓等奏。酌擬管庫司員查庫御史。罰賠銀數。並管庫查庫王大臣管理盤查年分。分別開單呈覽。管庫司員查庫御史。均有收發稽查之責。乃喪心昧良。釀成

巨案。著自嘉慶五年起。至道光二十三年。歷任庫官查庫御史。各按在任年月。每月罰賠銀一千二百兩。已故者照數減半。其因此案先行降革之榮慶等六員。並甫經卸任之薩霖。宋林。曙均加一倍罰賠。其歷任管庫查庫之王大臣。亦應覈其年月次數。分別罰賠。所有嘉慶五年以後。管庫王大臣。著每月罰賠銀五百兩。查庫王大臣。每次罰賠銀六千兩。已故各員。按數減半。其應如何酌定期限。及

逾限不完。作何治罪。並庫丁人等應如何究懲之處。著載銓。穆彰阿。敬徵。裕祿。誠。纂。尚。阿。明定章程具奏。此次單開各員內。有無遺漏舛錯之處。並著再行詳細確查。隨時具奏。○又諭。前因戶部銀庫查出虧短。當將歷任管庫及查庫之王大臣。交部查取職名。嚴加議處。茲據該部查明開單呈覽。並請將應議之管庫王大臣等。均照溺職例革職。庫貯關繫緊要。出納不容絲毫朦混。是以特派管庫大臣

總領其事。並疊派王大臣前往稽查。應如何認真防範。實力盤查。俾不致稍有弊端。方為不負委任。乃現在盤查庫款。竟致虧短數百萬之多。似此明目張膽。通同舞弊。該管庫查庫王大臣。何至毫無聞見。可見平日管理大臣。既不實心經理。而奉派稽查者。亦止視為具文。遂使羣相蒙蔽。更無能發其奸。實屬辜恩溺職。即照部議。悉予褫革。亦屬咎所應得。姑念人數眾多。一時簡用乏人。著從寬均改



為革職留任。諸王大臣等務各知愧知感。勉贖前愆。毋負朕格外矜全至意。○又諭聯順奏請籌辦開採煤炭一摺。喀喇沙爾地方。向於附近採伐柴薪供用。比年人煙輻輳。價值倍增。於蒙古回子兵民生計。日形支絀。據該大臣轉飭查明該處所屬哈爾哈愛曼有石炭煤塊。堪以採取。且離城較近。易於稽查。著准其援照成案。令民人開採以裨生計。仍著該大臣隨時查察。毋令滋生事端。○辛巳。諭內閣。昨有旨將現任庫官查庫御史加倍罰賠。因思現任管庫大臣。事同一例。未便與歷任各員。毫無區別。所有裕誠。賽尚阿。革職留任之處。著八年無過方准開復。○浙江巡撫劉韻珂覆奏審明安吉縣匪徒童禹甸因求減平糶價錢不遂。毆官滋事。已恭請王命正法。餘犯范世行等分別問擬。下部議。從之。○以捐米運京。予湖北知府徐上鏞等江西知縣程燦策等加銜加級有差。○壬午。

上諭

時應宮。

昭顯廟拈香。○還宮。○諭軍機大臣等。現在查出銀庫虧短至九百餘萬之多。已飭在京各衙門。將一切工程經費。大加裁減。因思東南兩河。每年請領帑項。為數甚鉅。本年若照常請領。恐致支絀。著慧成。潘錫恩。通籌全局。體察情形。嚴飭在工各員。凡歷年估報各工。遇有可裁減之處。即行覈實裁減。固須隨時度勢。無誤要工。亦不可聽信各員。藉工糜費。現為豫籌國用起見。必須比較往年用項。大加節省。俟一二年後。國用充裕。再行照常請領。該河督等受恩深重。具有天良。當必仰體朕心。力求撙節也。將此各諭令知之。○以常雩祀。

天於

圓丘。自是日始齋戒三日。○癸未。諭內閣。戶部三庫總司出納事務較繁。著派戶部滿漢左

侍郎兼管。向來管理三庫大臣。僅派二員。著添派廖鴻荃、陳官俊。嗣後凡遇收放銀兩日期。六人中輪應一人親往監視。並專司啓閉。不准稍有曠誤。其管庫大臣。統俟三年期滿。再行奏請更換。所有銀庫司員。即責成管庫之大臣。兼管之侍郎。隨時留心察看。如才具中平。不能得力。即咨回原衙門當差。儻查有翫法營私之員。著即嚴叅懲辦。無稍姑容。該大臣等務當振刷精神。力除弊竇。儻日久生

懈。又復視為具文。朕惟有執法從事。不能再邀寬典也。懷之。○又諭載銓等奏。戶部銀庫歷年舞弊之庫丁人等。請交部究辦。追賠等語。所有單開之金兆龍、謝鴻、庚璣、王榮久、劉開勳、郭啓銳、宋永泰、林嵩、謝銘源、盧德煜、孟存仁、白順、盧承業、朱揆、謝繼東、宋寬、盧炳、王琦、孟琳、朱鑄、白警、鐸楊兆祥、宋洪、謝春、郭銓、馬玉書、王士奎、李源、謝淇、楊國琛、郝成幅。著步軍統領衙門按名拏交刑部。嚴追辦理。○

又諭前據禧恩等奏。請照熱河都統衙門添設漢司員之例。由京刑部揀選熟悉刑名司員。前赴盛京襄理部務。一摺。當交軍機大臣會同刑部議奏。茲據奏稱。盛京刑部衙門額設司員十八人。辦理旗民案件。足供任使。若由京部派員前往分司其事。則該處本任各員。竟成虛設。且熱河都統衙門添設漢司員。辦事乃變通於定例之初。非紛更於定例之後等語。禧恩等所奏。著毋庸議。該將軍等務

於所屬司員內。隨時留心察看。除照常供職各員。期滿仍照例辦理外。其有辦公勤奮。著有實效者。准該將軍等酌量保奏。以示鼓勵。遇有不能練習刑名者。奏明撤任。送部引見。儻敢遇事瞻徇回護。即行據實嚴叅懲辦。無稍姑容。○以內閣侍讀學士李鴻為奉天府府丞兼提督學政。甲申。

上詣

南郊齋宮齋宿。○諭軍機大臣等。裕瑞等奏酌

擬武備事宜一摺。據奏添改槍兵三百八十五名。擡礮一百位。擬照原額槍兵及子母礮。豫貯火藥之例。一體分別豫貯。所需製造火藥鉛彈工料銀兩。即於藩庫存貯旗營籌備修補軍裝項內動用製造。存貯旗營藥局。以備急用。每年操演。出陳易新。又添設無米養育兵一百名。練習藤牌。並將鳳岡操廳。改建礮臺。安置大礮。自八千斤至五百斤不等。共五十一位。派撥官兵輪班駐守。其潘仕成所

造戰船。暫在內河水深處操演。俟夏秋水旺之時。再行駛往虎門。聽候操練。裁撤之箭手大刀挑刀手兵共一百五十名。俱擬改作礮手。並將漢軍八旗餘兵八十名。撥赴鳳岡礮臺。一體演習大礮。遇有水師兵缺。遴選拔補等語。覽奏均悉。均照所議妥為辦理。其善後一切事宜。如何因地制宜。隨時變通。仍著詳議具奏。總須破除積習。認真經理。毋任日久懈生。仍致有名無實。將此諭令知之。○乙酉

常寧祀

天於

團丘

上親詣行禮。○詣

闕帝廟拈香。○幸圓明園。○詣綺春園問

皇太后安。○諭軍機大臣等。富呢揚阿等奏。西

路官兵捕逐番賊。連獲勝仗情形一摺。西寧

野番竄至青海地面。分股肆擾。經該督前赴

西寧。會同法豐阿相機籌辦。並派提督周悅

勝等帶兵勦辦。副將慶和等。於距紅溝口三

里許之大岔山地方。追擊賊匪。殲斃七十餘

人。復偵探另股賊匪。分兵馳往夾攻。槍斃二

十餘人。奪獲鳥槍馬匹。現在該督酌帶官兵

移駐察漢托洛亥防所。遙作聲援。俾各提鎮

帶兵前進。後路不至空虛。所辦甚好。其甘涼

肅等處扼要口隘。著一律嚴密防範。如有賊

番竄至。立即防堵截緝。毋稍疏虞。又另片奏

蒙古盟長及番子百戶等挑補蒙古兵番兵

隨同進剿。該蒙古等深明大義。踴躍急公。自當准其隨營效力。惟卡外地險路遙。我兵不值窮追深入。務使該賊番畏懼兵威。不敢再至近邊滋擾。並可酌量撤兵。即蒙古番兵。亦可隨時裁撤。辦理方為妥善。又另片奏代理永安營遊擊隆盛友。將零股番賊三十餘人。殲斃淨盡。著准其量予獎勵。阿里克番目多銳。帶兵迎擊。首先殺賊。著加恩賞給六品頂帶。並賞戴藍翎。所有此次進剿出力各員。升著該督等於事竣後。擇其尤為出力者。酌保數員。候朕施恩。毋許冒濫。特此諭令知之。○署漕運總督李湘棻奏。審訊私雕關防之漕房經書劉肇興。供係該犯故堂叔劉慎齋雕刻。計冒領銀八百七十五兩。與同夥撒德明、章致和分用。除劉慎齋身故無庸議外。劉肇興擬斬。肇候秋後處決。章致和擬杖流。撒德明在逃未獲。札緝另結。下部議從之。○以江西錢價過賤。命寶昌局減鑪鼓鑄。從巡撫吳

文鎔請也。○予故都察院左都御史奎照祭葬。○丙戌諭。內閣載銓等奏。續行查出署查庫御史各員。按在任年月日期。分別罰賠等語。所有單開歷任署查庫御史十九員。除業經革職外。著仍交吏部查明現有官職。及因事故同旗同籍人員。均著革職。分別罰賠。已故者照數減半。並著查明各該故員子孫。有無出仕。及現任何官。開單具奏。○又諭。載銓等奏。籌畫經費一摺。並片奏各項酌減章程等語。俱著照所議辦理。惟馬銀一項。每年除出青滅放外。約需馬乾銀四十四萬餘兩。該王大臣等請暫減一半充補兵餉。著八旗都統各營。及領馬乾餉銀各衙門。詳查妥議具奏。至外省情形不同。並著戶兵二部。分別省分。會議章程。奏明辦理。○以杭州乍浦駐防軍政年逾六十。官十七員。精力未衰。命留任。○丁亥。

上詣

黑龍潭神祠拈香。○諭軍機大臣等。稽恩奏酌擬巡洋會哨章程一摺。覽奏均悉。巡船會哨。必得三省聯為一氣。方能周密。既據該將軍妥議章程。酌加鎮密。以期慎重。著照所議。准其將水師營額設戰船十隻內。每年派撥六隻。每船派兵丁水手六十名。分為三路。派官三員。帶領巡洋。南至山東交界之隍城島。以北地方。赴山東登州鎮衙門呈驗照票。東至岫巖大孤山。與朝鮮交界處所。由岫巖城守尉查驗照票。西至錦州洋面。與直隸交界之天橋廠。赴錦州副都統衙門呈驗照票。以杜弊混。其直隸通永鎮哨船。巡至天橋廠。亦著赴錦州副都統衙門呈驗印照。其山東哨船。巡至隍城島以北地方。即由水師營協領查驗照票。並著該將軍分咨直隸總督山東巡撫。以歸畫一。該副都統等各將每年驗過船隻造冊報明。該將軍衙門查覈。至船隻除應行修造外。不敷派撥。暫雇商船。配搭出洋。

並改期三月出哨。九月歸次之處。均著照議辦理。該將軍仍會同各副都統嚴密稽查。明定賞罰。以示勸懲。該會哨官兵等。果能認真巡緝。於一年之內。捕獲盜匪三起。官則遇缺升轉。兵亦記名拔補。儻敢畏避風濤。潛匿逗留。貽誤會哨。立予嚴懲。毋得徇庇。庶幾巡查周密。不致日久視為具文。將此諭令知之。○戊子。諭內閣。戴銓等奏續行查出查庫御史各員。按在任日期。分別罰賠等語。所有單開歷任查庫御史四員。著吏部查明。現有官職。及因事故回籍同籍人員。均著革職。分別罰賠。已故者照數減半。並著查明該故員子孫。有無出仕。及現任何官。開單具奏。○又諭。梁萼函奏。請將擅自出省稟揭藩司之試用未入流革職嚴審一摺。山西試用未入流譚蕙。於回省稟到時。並不繳照。旋請給假。經該藩司批飭不准。係屬照例辦理。乃該員輒敢不候批示。擅自出省。又於不准之案。請扣

離省日期。經該司批駁後。復敢以意揣妄批等詞。混行稟訴。實屬任性妄為。譚蕙著先行革職。該撫即提同經書人等。嚴訊有無招搖撞騙。及該員有無捏病規避情事。按律懲辦。以肅官常。尋奏。訊明經書等並無招搖撞騙。譚蕙亦無捏病規避情事。業經革職。應毋庸議。下部知之。○諭軍機大臣等。都察院奏。浙江民人張夢釐。以湯溪縣知縣貪縱。珍民等詞來京具控。已明降諭旨。交劉韻珂親提嚴訊矣。此案該民人所控湯溪縣李知縣。於伊家被積匪張幅幅等聚眾搶去錢穀。控縣反遭管押。該縣聽從庫書祝春芳等。門丁劉四金。唆使勒令賄送洋錢一千圓。致伊嫁亦被抄搶。並敢輪姦。該縣又與縣役劉順之妻通姦。該役肆搶。徇庇不究。控經上司發審。僅令賠錢了事等情。案關職官貪淫不法。必須徹底根究。著劉韻珂提同人證嚴訊。如果有前項情弊。即著嚴行叅辦。不准稍有實不

盡。以儆官衷。而除積蠹。儻稍有徇縱。將就了事。別經發覺。惟劉韻珂是問。將此諭令知之。尋奏查訊湯溪縣知縣李玉典。並無貪淫情事。張夢釐因前欠張幅幅錢被控。李玉典審訊未結。挾嫌誣告。應加等發極邊充軍。下部議從之。○又諭都察院奏。河南民人李得元。以擒匪強搶捕役庇縱等詞來京具控。已明降諭旨。交鄂順安親提審訊矣。此案該民人控稱擒匪劉大山。王興等夥眾搶劫。挾嫌尋殺。差役王惻運。尤應中與武生王占教等。受賄縱延。保釋賣放等情。如果屬實。是擒匪擾害閭閻。差役賄縱搶犯。該地方官有心徇庇。並不認真查辦。似此昏庸廢弛之員。不可不嚴行叅劾。著鄂順安查明息縣知縣係屬何員。據實具奏。並將受賄放縱之差役。查拏審辦。所有案內擒匪。仍著飭屬嚴拏。不准一名漏網。儻辦理稍有不實不盡。致被害民人來京呈訴。惟該署撫是問。將此諭令知之。尋奏

訊明劉大山並非捻匪。惟挾嫌搶毆。糾聚至十人以上。應照律問擬斬決。先經在監病故。餘犯按律分別定擬。知縣瞿琪署知縣金錦淮先已獲犯多名解省。旋將劉大山等緝獲。差役王惻運等亦無受賄縱延情事。應無庸議。下部議從之。○以甘肅按察使王兆琛為四川布政使。○己丑諭內閣。御史福珠隆阿奏。旗營虛報校射。違例廢操。請飭部議處一摺。八旗操演兵丁。該部統等必應按期親往

閱視。庶技藝可臻純熟。豈容稍有曠誤。今據該御史奏稱。正藍旗漢軍於四月初四初八十三等日。三次箭期。皆未出操。且敢虛報校射印文。有心捏飾。實屬廢弛。著兵部查取該旗應議職名。分別議處。嗣後各旗營務當遵照定例。按期親往觀看。如都統副都統別有差使。不能兼顧。即著轉飭該正副參領認真校閱。經此次訓諭之後。如遇校射之期。仍有託故不往。致有廢操捏報等情。除該都統等

從嚴懲處外。其查旗御史一併懲處不貸。將此通諭八旗營知之。○以兩淮鹽運使楊以增為甘肅按察使。○庚寅

孝端文皇后忌辰。遣官祭

昭陵。○諭內閣。劉韻珂奏。拏獲藉災滋事匪犯。審明定擬一摺。浙江桐鄉縣知縣姚恩書於縣境被淹。並未一律勘辦。致吳庭發等藉詞滋鬧。實屬玩視民瘼。著即革職。以示懲儆。餘著刑部議奏。尋議吳庭發應如該撫所奏。照

刁民假地方公事出頭聚眾逞兇。嚴官例斬決。示業已病故。應割取首級。飭發犯事地方懸竿示眾。以昭炯戒。餘均如該撫所議辦理。從之。○諭軍機大臣等。有人奏歸安縣收漕釀案。由於前後任知縣辦理不善。一摺。據奏。告病歸安縣知縣徐起渭。於報災各區。輕重等差。勘詳不實。又定價賣災。以致災民不服。接任知縣趙汝和。先與鄉民約定。完納條銀。再給災單。及至完後。爽約不給。以致災民

滋開。經該撫飭令各區縛獻要犯。藩司下士  
雲親往彈壓。始就安帖等語。此案前據劉韻  
珂奏。將趙汝和撤任。委員接署。因各糧戶抗  
違如故。奏請暫行停徵。當經諭知該撫。飭令  
藩司糧道訪查確實。是否糧戶與官為難。抑  
係該縣辦理不善。秉公懲辦。毋稍諱飾。茲復  
有人奏。徐起渭。趙汝和。種種辦理不善。以致  
激變。著劉韻珂確切訪查。如所奏屬實。即著  
嚴行叅辦。不得以業經告病撤任。稍存姑息。

至該縣收漕章程。並著妥為酌定。務期日久  
無弊。免致再滋事端。原摺著鈔給閱看。將此  
諭令知之。○以詹事府少詹事李嵩為光祿  
寺卿。仍留安徽學政任。○修浙江仁和海寧  
二州縣海塘。從巡撫劉韻珂請也。○辛卯。

上奉

皇太后幸同樂園進膳。○諭軍機大臣等。桂良  
等奏。南甸土目糾匪滋擾一摺。據秦騰越廳  
屬南甸土司之弟刀承緒。因搶收田穀斃命。

脫逃。乘間裹脅野夷。焚掠村寨。戕害弁兵。經  
提督汪道誠派兵協同勦辦。旋據該鎮道府  
等稟報各路弁兵勇練。攻破賊巢。先後擊獲  
匪犯二十八名。殲斃不計其數。復於二月十  
一日。攻破猛咪賊寨。生擒七人。殲斃燒斃五  
十餘人。餘賊悉遁。現在附近山箐。並無賊匪  
伏匿等語。覽奏均悉。該督現已起程前往。著  
即會同提督商酌機宜。趕緊督率。務須迅速  
肅清。勿留餘孽。首犯刀承緒。現據探明逃往

干崖土司相近。疊允夷寨。著即懸賞購拏。期  
於必獲。毋任稽誅。並將起釁根由。確切查明。  
毋稍諱飾。龍川江巡檢馬偉堂。督練上屋放  
火焚燒。著查明出力實跡。秉公保奏。候朕施  
恩。此等匪徒糾脅至千餘人。斷非一朝夕所  
能猝集。該地方文武員弁。果能及早覺察。立  
即查拏懲究。何至釀成事端。騰越同知吳均  
署南甸都司事。守備楊濟川。於刀承緒等犯  
罪脫逃。不能緝獲究辦。又不隨時防範。實屬



玩忽著先行摘去頂帶勒令率同土司兵練實力擒拏。儻日久不能獲犯。及查有辦理不善稟報不實之處。另行嚴叅究辦。將此諭令知之。○定郡王載銓會同軍機大臣等覆奏酌擬罰賠管庫查庫官員銀兩交納限期。應賠銀六千兩以下者。予限半年。一萬二千兩以下者。予限一年。一萬八千兩以下者。予限一年半。二萬四千兩以下者。予限二年。三萬兩以下者。予限二年半。三萬六千兩以下者。予限三年。四萬二千兩以下者。予限三年半。四萬二千兩以上。至八萬四千兩以下者。俱予限四年。京員自奉旨日起限。回籍者自奉部文日起限。逾限不繳監追。已故各員。子孫代賠。管庫查庫大臣。均照限完納。逾限不完。停俸治罪。庫丁人等。交刑部追究。得旨。照議辦理。所有單開現存已故各員有無舛錯之處。著吏部詳查具奏。其在籍已故各員有無子孫出仕。仍著該部查明開單具奏。嗣後有

續經三庫都察院查出遺漏之員。即著隨時咨送該部。照例辦理。○壬辰

上詣綺春園問

皇太后安。○以翰林院侍讀丁嘉祿。右春坊右贊善郭翊清。署日講起居注官。○以拏獲盜匪。予廣西知府王彥和等議敘有差。○旌表守正捐軀直隸霸州民胡振保妻李氏。○癸巳。以正黃旗漢軍副都統興貴。署鑲藍旗蒙古副都統。○禮部議准。宗人府疏報各旗員

節婦女他他拉氏等十八口。請建坊旌表。從之。○甲午

上御勤政殿聽政。○乙未。諭內閣。前據載銓等奏。擬將庫支各款減平兌放。原為撙節經費起見。當經降旨准行。惟念兵餉一項。為該兵丁等計口授食之需。近復疊降諭旨。勤加訓練。若照該王大臣所議。雖減數無多。而兵力未免支絀。非所以示體恤。所有京內京外各旗營。及直省額設各兵丁。應領錢糧。仍著一

體照舊支放。毋庸酌減。以示朕優加矜恤之至意。該兵丁等務當力圖自效。悉成勁旅。用備干城之選。朕實有厚望焉。將此通諭中外知之。○以得雨未透。命於二十五日在黑龍潭。

覺生寺設壇祈禱。○丙申。諭內閣。祁項奏請將巡洋失去關防之署副將革職留緝一摺。廣東署龍門協副將張斌。出洋巡緝。不能捕獲盜匪。反將關防遺失。實屬庸懦無能。著先行革職。仍留於該處協同緝捕。俟盜匪有無獲案。關防能否尋獲。再行分別辦理。該督仍督飭將弁認真兜拏。務將要犯及早緝獲。毋任漏網。○又諭程高奏請將造言生事之遊棍嚴行究辦一摺。遊匪造言生釁。煽惑人心。大為地方之害。廣東省上年冬間。即有假託明倫堂名目刊貼告白等事。經該撫查無本籍鄉紳在內。所稱按戶抽丁之說。該鄉紳等並未與聞。茲據查出浙江監生錢江一名。

膽敢於出示禁止之後。挺身入署承認標貼。意在建言挾制。實屬刁健之尤。難保無黨羽潛藏。暗中附和。必宜大加懲創。著該督撫督飭所屬從嚴審究。按律懲辦。以儆刁風。尋奏訊明錢江與候補從九品卞江殷。浙江生員何大康。起意斂錢。無謀為不法別情。此外亦無黨羽。錢江應從重發往新疆種地當差。卞江殷等問擬杖徒。下部議從之。○以陝西銀價未平。命寶陝局減印鼓鑄。從巡撫李星沅

請也。○丁酉。諭內閣。鄂順安奏查明各州縣碾運通米需用水陸運費一摺。河南省現籌碾穀運通。據該撫覈計。需費較多。除安陽等縣動碾穀石。業經隨漕搭運外。其餘著毋庸碾運。以節糜費。惟各州縣額設倉穀。為儲備民食之需。著該撫隨時查察。並督飭各屬員認真經理。務須實貯在倉。毋任稍有虧絀。以裕民食而重倉儲。○以詹事府詹事周祖培太僕寺卿孫瑞珍為內閣學士。兼禮部侍郎。

<p>銜。孫瑞珍仍留江西學政任。○戊戌諭軍機大臣等。成剛等奏子河挑竣。接辦展寬並續估增挑工段情形一摺。挑工丈尺自應酌量情形。確覈辦理。據稱子河業已一律全竣。現將展寬工程逐段覆估。並將挑南廳夫工接至攔河壩挑工一併估計。實共長四萬零一百九十餘丈。比原估有增。而銀數較原估轉有撙節。即照所議辦理。著該侍郎等嚴飭趕辦。仍認真督催。如有偷減弊混。立即嚴叅。其挑竣後如不能一律通暢。以致臨事復有棘手。惟該侍郎等是問。所有多餘銀六萬七千二百餘兩。著准其存為將來各工之用。其夫工以上。既難酌減。所有原奏搶辦引河頭及撈淺抽溝之二十萬兩。自應存留。俟興辦時再行體察情形。具奏請旨。將此各諭令知之。○己亥。</p>	<p>上詣綺春園問皇太后安。○庚子。諭內閣本日據滿洲都統穆</p>
--	-----------------------------------

<p>彰阿等。蒙古都統烏爾恭阿等遵議裁減馬匹各一摺。均著照所議辦理。此項馬匹既經減半議裁。各該旗現存馬匹。為數無多。嗣後如遇恭謁陵寢。阿哥圍差。及別項用馬較多差務。著上駟院兵部先期於察哈爾牧放馬匹內調取備用。其八旗滿洲蒙古馬匹。均著准其免調。○以翰林院侍講學士靈桂。左春坊左庶子瑞崙。右春坊右庶子赫特賀。翰林院侍講景霖。充日講起居注官。○辛丑。以甘霖。遲滯。改祈為報。</p>	<p>上詣黑龍潭神祠拈香。命皇四子 詣覺生寺。皇五子奕詝詣清漪園龍神廟。皇六子奕訢詣靜明園龍神廟。成郡王載銳詣宣仁廟。</p>
--	---

凝和廟瑞郡王奕誌詣

昭顯廟

時應宮拈香○壬寅

孝慎皇后忌辰遣官祭

陵寢○諭軍機大臣等劉韻珂奏籌辦歸安漕務情形一摺該縣上九區漕糧前因嵇祖堂創議短納以致各糧戶紛紛效尤茲經該撫督屬另議章程寬嚴並用各糧戶陸續輸將所有未能徵足之糧或俟下年搭解或留充

兵糧照議另行籌辦帶徵糧米俟徵足後一併分別另籌其中下兩區業經徵收漕糧即行交幫起運除提鄭毛伯等到省審究外仍勒拏未獲餘犯從嚴究辦以儆刁風又另片奏歸安縣向來收漕情形今已連次酌減並將漕務中雜費裁汰以歸撙節官民已兩得其平等語著照所議妥為辦理嗣後如有不肖官吏復行加派即著嚴叅懲辦儻刁民復肆玩抗亦著執法從事庶使民無重累官不

誤漕以除積習而重倉儲將此諭令知之

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十一

並外隱密官題選口議起送官太子太保陳仁聞大學士滿開閣事官里丁部王學方鄭傳德林院等亦軍中  
天所所辦事務總帶加五級銀二十八日自曾獲獲官題選據官正命而書其後據漢江府龍官斯唐居內四時考大臣稽察內  
七倉大臣得定會同口簿籍事務加一級隨帶加不殿功加三級又銀五次王兆沙胡觀臣據官文周國進奏胡平岳由書堂書  
內格所大員儘由旗滿洲都統稽察內七倉大臣管理人所據庫在案知官署宜寫明問明年處稍稽察如奉賜賞及奏  
醫院造辦是事務應帶加八級臣阿寶阿爾珠克官經送該官兵衙門當隨帶加不殿功銀二十次且周振鼎等奉

道光二十三年癸卯五月癸卯朔諭軍機大

爾納托爾遞到字據聲稱科爾沁喇嘛噶勒桑索特巴越邊誑騙牲畜財物並攜帶該國喇嘛三人逃回請將該喇嘛等解往楚爾海圖卡倫質審該大臣擬請曉諭該國但將所帶喇嘛三人交還等語該喇嘛噶勒桑索特巴越邊至俄囉斯地界以念經治病為名得受財物實非安分之徒此次逃歸安知非聞拏竄逸其所供並無自稱呼畢勒罕名目亦難憑信若非解往質訊何以折服其心所有

越邊喇嘛噶勒桑索特巴。及帶來俄囉斯喇  
嘛噶勒桑吹喇克。扎勒散達瓦等三人。並財  
物駝馬等項。著該大臣卽照固畢爾納托爾  
所請解往楚爾海圖卡倫地方。以便與案內  
人證質對。俟查明後。照例辦理。此係與外夷  
交涉事件。該大臣等務當一秉大公。不可稍  
涉偏袒。致啓猜疑之漸。是為至要。將此諭令  
知之。○署漕運總督李湘荼奏。遵旨籌議剔  
除漕務弊竇。據前署漕臣周天爵原奏內稱。

蘇松二府漕糧徵兌拮据各幫被其阻壓請照道光十八年奏案無論何幫兌竣即先開行俟渡黃後再依次序行走並於過淮例限之外定以各進抵壩限期僅有各省州縣可以兌開而運弁借詞需索關津留難逾限者即行奏參應如所奏辦理餘無庸議下部議從之○調杭州副都統恆興為鑲紅旗漢軍副都統鑲紅旗漢軍副都統固慶為杭州副都統○修山東運河加河捕河泉河四廳土

石隄工從河道總督慧成請也○甲辰諭內閣梁萼涵奏審明撤回兵丁攜帶幼孩請將帶兵員弁分別革職議處一摺此案兵丁喬普雲等私帶幼孩所有帶兵之太原鎮標左營把總李建唐右營把總梁清城平陽營把總田兆鳳毫無覺察統領之署孟壽營遊擊陸朝福未能先事查出又任聽各兵參差行走實屬漫無紀律均著革職以為帶兵不嚴者戒潞澤營守備吳勇管帶本營官兵查無

私帶幼孩情事惟係督率之員未能協查著交部議處○調江寧布政使葉名琛為甘肅布政使甘肅布政使陸費瑤為江寧布政使○乙巳

孝誠仁皇后忌辰遣官祭

景陵○諭內閣劉重麟奏請飭查倉儲一摺各直省州縣設立常平社倉等原以備水旱緩急不時之需豈容稍有虧短其有因徵變等情不能不出陳易新亦應隨時買補以歸實貯若如該副都御史所奏近來州縣倉廩多成虛設交代之日即將所短穀米等項算作價值輾轉移交以致存價不買或致那移混抵雖此項價銀或經該上司提存司道各庫而請領到手或仍那解別款虛出倉收或支吾推卸不肯領解買補是現在各省倉儲竟係有名無實著各督撫即將所屬各州縣常社諸倉應存穀米實數確切查明務令實貯在倉其有存價未買者即飭令趕緊買補不

准再以價值移交後任。或其價現已提存司道各庫者。亦即飭令具文請領。買補歸倉。毋許藉詞推諉。其有領價後那解別款。虛出倉收者。即著嚴行叅辦。經此次訓諭後。該督撫如再有瞻顧徇庇。並不認真查察。以致仍有虧缺。遇有緩急。辦理掣肘。除將該州縣嚴懲外。必將該督撫等一併懲處不貸。將此通諭知之。○又諭德春等奏盤查中倉米石。並無虧短。開單呈覽。前因給事中龔文齡奏查察

中倉張字零廢。應存米石。有虧短掩飾等情。當交倉場侍郎查明具奏。茲據奏稱撤底盤量米石。均屬無虧。惟張字廢頂上間有黑黃色之米。除不准作正覈計外。雖正米數目相符。究係該監督等不能勤加風瞭。亦有不合。所有該倉滿漢監督。均著交部察議。○諭軍機大臣等。壁昌等奏請將含糊出示之護蘇松道撤任一摺。據奏喫咕喇船二隻。先於二月間去。現又另帶一船。同咪喇啞船二隻。先

後駛至。著即咨會耆董。知照。喫咕啞查明具覆。其現在逗留船隻。即諭令迅速啓碇赴粵。仍一面確查嚴禁內地奸民潛相勾串。別滋事端。所辦甚是。至通商章程。自應聽候廣東議定稅則。各處遵照辦理。何以該護道顏以喫出示曉諭。既以俟頒到稅則。再行交易。為詞。復有乘此貨物通行。趕緊轉運。冀獲利益之語。似此含糊不明。實屬自相矛盾。恐為該夷所竊笑。且易啓奸商愚民藉口交易之漸。

顏以喫著即撤任。仍由壁昌。孫善寶嚴行查訊。其措詞含糊之處。是何意見。儻有別項情弊。立即據實嚴叅。以期懲一儆百。毋稍姑息。新授道員宮慕久。已催令迅速赴任。其未到任以前。著壁昌等遴選妥員署理。仍俟宮慕久到任時。留心察看。能否熟諳夷務。另行辦理。將此諭令知之。○又諭有人奏上年十月有文安縣回民張得成。張黑等。包攷羊數千隻。在雄縣霸州大城文安地方。緣村牧放。騎

馬持械將文安縣光周村之李建邦打傷成廢。經該縣差緝到案。衙役張太和等受賕賣放。該縣並不深究。迨臘月間。該匪等挾讎至該處放火。亦不上緊緝拏。以致日形猖獗。等語。回匪結夥持械傷民放火。必應上緊查拏。隨時懲辦。若任聽胥役等庇兇漁利。有犯不懲。尚復成何事體。著卓秉恬。詢爾經額。陳孚恩。嚴密查拏。按律懲治。如有受賄賣放情弊。即著據實嚴參。毋稍徇縱。原摺鈔給閱看。將

此各諭令知之。尋奏訊明毆傷李建邦之犯。實係吳可常。劉貴。張三。黑三人。應照例發雲貴兩廣極邊煙瘴充軍。張得成並未同場共毆。惟從前曾經放羊踐食麥苗。亦應照不應重律杖八十。吳可常等並無放火。差役亦無賣放情事。現在嚴飭回民。嗣後收羊不得過百隻。下部議從之。○丙午

上詣綺春園問

皇太后安。○諭內閣劉韻珂奏請飭堵緝私鹽

並借款給商一摺。兩浙鹽引。分配江南松江等屬行銷。總由該處文武員弁。不能實力巡緝。督銷官引。以致淮私日充。額引日滯。不可不力加整頓。著江南提督酌派水師將備弁兵。移駐海門。在各港口巡哨堵緝。遇有梟販立即擒捕。以遏淮私侵浙之路。其應如何更替操防。由該提督酌覈辦理。並著該省督撫嚴飭各州縣會同營汛一體偵巡。仍各按額引實力督銷。如銷不足數。即行嚴參示儆。至

松所商力疲乏。自應量加調劑。著准其於運庫外輸雜款項下。酌借銀四萬兩。給發各商。飭即收買場鹽轉運。不准移作別用。仍令按引帶輪。限一網半繳清假款。並飭令該運司前往松江會同該管知府分司。將一切疏銷整頓事宜妥籌辦理。○又諭德珠布等奏請摺節歸補庫款。以資應用一摺。京口旗營。濟兵官兵馬價所需應用之項。著准其在於節省賞借銀內。以三千一百七十三兩零撥入



濟兵項下。併原借未完銀六千一百餘兩。仍歸濟兵銀九千三百五十兩原數。以資借濟之用。以四千五百四十一兩零。撥入馬價項下。併買馬未完銀三千二百餘兩。共計銀七千八百三十兩。作為購買馬匹之用。○緞徵浙江定海廳。甫經復業民戶。本年正雜賦課。○丁未。旌表守正捐軀直隸肅寧縣民齊倉妻周氏。○戊申。以本年鄉試。考試應開列試差人員於圓明園正大光明殿。○己酉。

上奉

皇太后幸慎德堂進膳。○署閩浙總督劉鴻翱。覆奏遵查廈門夷人。並無干預民事。並要用民船等事。自喋喋喧到廈後。囑留廈夷酋。約束夷眾。均極安靜。諭軍機大臣等。覽奏已悉。現在該夷甫經受撫。防範不可稍疏。著怡良等。密飭沿海文武員弁。於扼要各口岸。加意巡防。其閩廣交界之南澳地方。尤當實力稽查。將來粵東餉稅章程議定後。福建廈門等

處。即須開關通市。華夷雜處。一切撫馭防維。益宜籌畫盡善。該督等務當嚴飭所屬。隨時認真稽查。以杜奸民勾串之弊。是為至要。將此諭令知之。○又諭據壁昌奏。勘明鷺鼻嘴。國山關。及北固山一帶江面形勢。指定設防處所。繪圖呈覽一摺。朕詳加披閱。所擬尚屬周備。惟江面遼闊。處處可通舟楫。礮城孤峙沙洲。能不足資防禦。其鷺鼻嘴等處。傍山礮城。是否扼全江之險要。可期聲勢聯絡。保障

沿江城邑。著壁昌會同孫善寶。尤渤。李湘荃。再行詳察形勢。妥議具奏。總須層層接應。互為聲援。儻祇知迎面攻擊。而賊眾或繞至礮臺以後。兩面攻我。或棄舟登陸。以分我勢。又將何以應之。務當處處慮及。有備無患。方不至臨事倉皇。其應需礮位。仍著酌量設局開鑄。並照三板船式。量為變通。先行試造。如果駕駛得力。再行多為製辦。將此諭令知之。○辛亥。旌表守正捐軀河南孟縣民吳旦妻郝

氏○壬子

上詣綺春園問

皇太后安。○調河南河北鎮總兵官昌伊蘇為福建臺灣鎮總兵官。以山東膠州營副將德建為河北鎮總兵官。○命江西九江鎮總兵官李錡來京。以福建督標中軍副將徐捷為九江鎮總兵官。○添設涼州滿洲營。擡礮二十桿。莊浪滿洲營十桿。從副都統文祥請也。○癸丑。諭內閣。祿普等奏佐領責打誤班旗

生。經舉貢生員聯名稟控一摺。此案旗生泰成。因赴學報名補考誤班。該佐領以該生未經先向回明請假。加以鞭責。該營舉貢生員。乃敢聚至七十餘人。聯名在學政衙門呈控。且敢以武弁極惡士子。尋隙凌辱等語。妄肆稟訴。此等刁風實屬可惡。必應嚴加懲創。著祿普等。即查明該舉貢生員等。究係何人為首。應斥革者。即行斥革。嚴訊。並查明該佐領。是否有意凌辱。秉公研鞫。按律定擬具奏。毋

得稍存徇庇。致滋枉縱。尋奏。訊得文舉人達哈遜等。聞泰成被責。列名七十餘人稟控。又有廩生壽福。激怒咬訟屬實。泰成誤班被責。起意控告。應與達哈遜等一併斥革。餘分別罰科戒飭。佐領功額訥降二級留任。下部議。尋議上。得旨。兵部奏請將擅責生員之佐領降三級調用。毋庸議抵等語。各省駐防取進生員。嘉慶五年。奉有

諭旨。交該佐領約束。可見駐防生員。該佐領已有管教之責。況身當甲兵。尤其職任所轄。此案荆州佐領功額訥。因文生甲兵泰成。誤班鞭責。事屬因公。並無不合。所有該將軍原請降留及部議降調之處。均無庸議。○甲寅。諭軍機大臣等。富呢揚阿奏。官兵捕逐野番情形一摺。據奏。周悅勝兩次勝仗之後。賊已聞風逃匿。聚集克克烏蘇。擁眾自固。擬即乘其烏合。一鼓殲除。會商周悅勝。分檄徐華清站桂。邀截夾擊等語。覽奏已悉。前有旨。諭知該

督等。卡外地險路遙。不值窮追深入。務使賊番畏懼兵威。不敢近邊滋擾。即可酌量撤兵。現奏情形。自在未奉此旨以前。據稱徐華清所帶之兵。月底準可接仗。其已未得手。此時當有確信。該督現駐將軍臺行營。該處為通番總路。足可聯絡聲勢。保護糧運。著就現辦情形。通盤籌畫。仍遵前旨。務令賊番畏威潛匿。不敢復擾邊陲。即行撤兵戡事。慎勿輕聽將弁等貪功冒險之言。窮追深入。以致曠延

時日。糜餉老師。是為至要。將此諭令知之。○乙卯。遣官祭

關帝廟。○旌表守正被戕熱河建昌縣民高美妻張氏。河南邙縣民孫大妻姚氏。○修江蘇寶山縣土石塘工。從署總督壁昌等請也。○丙辰。諭內閣。裕誠等奏。戶部銀庫章程一摺。嗣後外庫著隔一年。奏派王大臣盤查一次。其內庫及緞匹顏料二庫。著隔二年盤查一次。均著會同管理及兼管庫務之大臣。認

真稽覈。○又諭。恩桂等奏。酌議裁減馬匹等語。南苑原設六圍。著即照擬裁撤二圍。其由南苑各圍所養蒙古人等。進到馬內。擇出馬六十四匹。京圍擇出馬一百四十匹。著分賞前鋒統領護軍統領十營兵丁。至該院司醫司轡蒙古醫生人等。每月每名領馬乾銀一分。並該院應領馬乾銀三十分。仍著照舊支領。毋庸裁減一半。○諭軍機大臣等。成剛等奏。夫工以下挑河全竣一摺。據奏挑工四萬

一百九十餘丈。均已報竣。覆驗如式。起除界壩。試放積水。一律通暢等語。覽奏已悉。此次所放積水。是否即係啓放禦黃壩清水。能否暢注。俾河道刷深。現在重運經臨。大工自難興築。能否於重運過竣。回空未到以前。趕辦合龍。抑必待霜清水落。回空歸次以後。方行堵築合龍。著潘錫恩體察情形具奏。成剛等傳即著回京覆命。一切應辦事宜。交潘錫恩相機妥辦。將此諭令知之。○又諭。訥爾經額

奏直隸海防軍需雜支各款。請動撥捐輸銀錢。並捐廉攤補一摺。此次天津籌防海口。動用各款。現經該督覈明。統計支銀八十九萬五千餘兩。即著在捐輸銀錢內動撥。其前撥用藩庫銀十二萬兩。著即籌議歸補。至捐輸銀五十萬三千餘兩。除新設通永鎮建造各工估需銀五萬五千餘兩。另案造報外。准其儘數作為軍需雜支之用。其不敷銀四十四萬七千五百餘兩。准其由司道府廳州縣分作十年捐廉攤補。此項用款。既將正項歸補。均係捐輸捐攤。著免其造冊報銷。將此諭令知之。○丁巳諭軍機大臣等。著英奏中途接受關防。計日可抵廣東。並詳詢廣東委員。知夷酋安心靜候。極為馴順。民情靖謐等語。覽奏已悉。到省後。自當會同督撫海關。督同黃恩彤。咸齡。妥議餉稅章程。務當體察情形。酌中定議。期於國計民生夷情。三者皆有裨益。至廣東大小文武官員。賢否不一。其於辦理

夷務。或未能得力。或措置失宜。著英為欽差大臣。既有見聞。亦應隨時具奏。方為克盡厥職。不得謂之越俎也。將此由四百里諭令知之。○以安徽按察使管遼寧。為浙江布政使。○戊午。以浙江鹽運使常大淳。為安徽按察使。○己未。諭內閣。稽恩奏查勘各海口善後事宜。校閱兵勇槍箭技藝。並演放新舊礮位一摺。金州現已移駐副都統。所有原設及抽撥兵額八百六十二名。不敷防守。著准其於熊岳額兵九百五十名內。酌撥兵一百三十八名。遇有熊岳甲兵缺出。即在原駐金州滿洲漢軍佐領下均勻挑補。其應支餉銀。及隨缺租銀。均照前次抽撥章程辦理。至蓋州之望海寨西套各海口。及雲連島海口。或為海舶必經之路。或為船隻停泊之所。現已移駐城守尉。而額兵僅止三百八十名。尚覺單薄。准其在於熊岳官兵內。擇其附近蓋州者。酌撥防禦三員。驍騎校二員。甲兵一百二十名。

飭赴蓋州差操聽候調遣至熊岳副都統衙門原設印務筆帖式二員准其由該副都統酌帶一員赴金州辦理文案仍留一員作為熊岳防守尉衙門辦事筆帖式其金州城守尉衙門筆帖式即令隨同金州協領辦事蓋州防守尉衙門筆帖式令其隨同蓋州城守尉當差毋庸另行更調其距城較遠之各海口仍著該將軍嚴飭該旗民地方各官認真講求團練不得稍生懈怠○庚申

上詣綺春園問

皇太后安○倉場侍郎毛樹棠因病賞假以禮部右侍郎楊殿邦署倉場侍郎○辛酉諭內閣工部奏議駁廣東軍需報銷一摺廣東省軍需報銷前經祁墳等奏請照浙江成案於例價之外酌加四成經部覈駁嗣據該督復請將各項價值斟酌緩急量為區分奏懇俯准報銷復批令該部再行議奏茲據該部奏稱江浙物價騰貴事屬有因廣東情形大相

懸遠何得以事同一律希冀浮銷所有奏請加價之處著不准行該督即查照奏准成案速將製造各項軍械用過工料銀兩數目分晰造報覈銷毋稍遲誤○以國子監祭酒吳鍾駿為詹事府詹事○壬戌諭內閣失察漕書雕造漕督關防及千總鈴記之前任漕運總督朱樹著改為革職留任前署漕運總督周天爵著改為降四級留任不准抵銷現署漕運總督李湘蓀於漕書雕造印信已經行

用亦有失察之咎惟係自行查出所有部議降二級留任之處著加恩寬免○癸亥旌表守正捐軀安徽阜陽縣民婦張李氏女俊姐河南光山縣民陳大妻張氏○甲子

上詣

大高殿行禮○還宮○以夏至祭

地於

方澤自是日始齋戒三日○乙丑

孝恭仁皇后忌辰遣官祭

景陵○考試應開列試差滿漢二品以下京堂各官於上書房○丙寅諭內閣富呢揚阿奏官兵剿捕賊番續獲勝仗一摺賊番竄匿克克烏蘇一帶經該督分飭提鎮各路探捕總兵徐華清副將站柱帶領官兵追擊在只黑底俄博地方接仗先後殲斃賊番二百餘人墮落山澗跌斃者無算餘賊分投奔竄所辦甚好徐華清站柱先行交部從優議敘所有此次出力各員著該督查明酌量保奏候朕

施恩其落澗傷亡之馬兵卹必西著該部照例議卹○丁卯夏至祭

地於方澤

上親詣行禮○幸圓明園○詣綺春園問

皇太后安○諭內閣僧格林沁等奏礮造火藥失火烘斃兵丁請將翼長等交部嚴加議處滿洲外火器營配造火藥礮內火發燒燬藥房三間火藥三十餘斤烘斃兵丁八名烘傷

兵丁十名該翼長等未能小心防範咎無可辭翼長烏蘭泰哈芬泰均著交部嚴加議處管理火器營大臣僧格林沁哈琅阿中山巴清德扎勒罕奏著一併交部議處所有烘斃兵丁八名每名賞給銀一百兩以示矜恤此項銀兩即著僧格林沁等及翼長按成罰賠賞給○戊辰諭內閣德勒克多爾濟等奏請將越境之喇嘛噶勒桑索特巴等解往楚爾海圖卡倫備質一摺此案喇嘛噶勒桑索特

巴越境至俄囉斯地方指稱念經治病收受財物殊屬不安本分俟與案內人證質審明確當秉公照例辦理示儆俾外夷傾心誠服○閩浙總督怡良因病解任以浙江巡撫劉韻珂為閩浙總督調湖南巡撫吳其濬為浙江巡撫以江宣布政使陸費瓊為湖南巡撫山東按察使崇恩為江宣布政使○緩徵山東鄒平臨邑平原館陶長山德平恩陵德聊城堂邑茌平清平冠高唐齊東聊城十七州

縣暨德州東昌二衛被水被旱被風被霜莊屯新舊正雜額賦○己巳諭內閣祁墳等奏訪獲詐稱差遣誑騙夷人銀物各匪犯審明定擬一摺此案匪徒涂燮商同葉聲假冒頂帶捏稱巡撫差遣向澳門佛喃晒夷人撞騙銀物非尋常誑騙內地民人可比涂燮葉聲均著發往新疆酌撥種地當差黃春張升知情隨往得受謝資均屬為從著杖一百徒三年至配所折責四十板涂燮張升據供親老

丁單均著不准查辦該縣營文武各員弁於該犯等甫經誑騙即行訪獲究辦所有失察處分著加恩免議○以山東鹽運使方濤為按察使○命陝甘總督富呢揚阿撥銀一萬四千三百七十兩解往喀喇沙爾備道光二十五年經費○庚午諭內閣禧恩奏修鑄神機等礮一百位著准其於船規項下先行借用銀一萬兩覈實備辦工料即由該將軍督飭監造所借銀兩准其由該將軍暨奉天府衙

門文武各員捐廉分年歸款屆時由該將軍奏請派員驗收再行分交各城存貯演放以資適用並免其造冊報銷○諭軍機大臣等禧恩奏試驗新鑄礮位分別勒令賠修一摺盛京新鑄礮位經該將軍等逐一演放適用致遠者不過六成其餘四成未能一律精純尚堪應用惟其中有礮身裂縫內膛不平難以演放者共礮六位著勒令承辦各員賠鑄修理即照所議如數改鑄仍俟試放妥協方

准驗收所需工費錢糧不准開銷將此諭令知之○辛未諭內閣鐵麟等奏請動項修補帳房並請領馱運軍裝腳費一摺察哈爾八旗官兵上年調往天津防堵所帶帳房現經該都統等查明均有虧缺其往返載運軍裝必須雇覓駝隻亦屬實在情形自應量加體恤所有此次該官兵等修補帳房及馱運軍裝腳費共銀四千七十一兩零准其在於該衙門八旗官兵生息項下照數動給該都統

等即嚴飭該總管等將該官兵應修帳房趕緊修補完整並將放過銀兩於年終造冊咨部覈銷○以翰林院編修龔寶蓮為雲南鄉試正考官段大章為副考官編修龍元傳為貴州鄉試正考官山西道御史王桂為副考官○壬申諭內閣裕泰奏請將認真練習民壯之知縣交部議敘等語各州縣設立民壯原應勤加訓練以資捍衛茲據該督奏稱湖南省保靖永順二縣民壯施放鳥槍並一切技藝俱極整齊純熟該二縣地處苗疆該縣等於例設民壯外復能添募認真教演尚屬盡心公事保靖縣知縣黃其表署永順縣知縣長沙縣縣丞方壽康均著交部議敘該督仍飭令該縣等不時訓練務使益求精銳毋得始勤終怠以致有名無實其南北兩省各州縣並著飭令一律辦理○福建漳州鎮總兵官張元真因病解任以前任臺灣鎮總兵官保芝琳為漳州鎮總兵官

大清宣宗效天符運立中體正至文聖武智勇仁慈儉勤孝敏成皇帝實錄卷之三百九十二



監修總辦官等擬定議取唐二官太子少保陳仁俊大博士李潤周領事官等官一書房正印傅煥昌監院院官等奉  
大府所辦事務隨帶加五級七級銀十八次主實補總辦官總巡撫官吏部尚書銀印張漢某總巡撫官吏部尚書內閣內書大臣稽察房  
七倉大臣稽察倉司總辦倉務加一級隨帶加六級單加加三級七級銀五次北河總巡撫官李潤周領事官等官共書房正印傅煥昌  
內務府大臣錢伯璣臣劉恩阿臣何基阿臣戴鴻慈臣張蔭桓臣郭玉蘭臣何基阿臣戴鴻慈臣張蔭桓臣郭玉蘭臣何基阿臣戴鴻慈臣張蔭桓臣郭玉蘭  
監院院官等奉

上詣綺春園問

皇太后安。○諭內閣前據壁昌奏稱署松江府知府事海門廳同知王紹復於夷船兩犯郡城乃能先事豫籌闔城危而獲安請免查議當交該部議奏茲據該部奏稱該署府於上海是其兼轄縣城失守各有應得未便因其保護郡城遽從寬免惟究與同城之知府有間王紹復著照部議即行革職免其治罪其餘應取知州佐貳等官職名該署督迅即開送

清實錄  
道光二十三年六月

補民戶無可通融營弁有所藉口請飭將軍督撫提鎮體察情形詳議具奏各等語著江蘇安徽江西浙江福建湖北湖南廣東廣西各督撫會同將軍副都統提鎮各就地方情形悉心籌議據實具奏可減則減可留則留不必拘定減半數目務須實力撙節而於操防亦無貽誤是為至要原摺二件著鈔給閱看將此各諭令知之尋覆奏江寧將軍所屬裁馬四百匹福州將軍所屬裁馬一百六十

匹。杭州將軍所屬裁馬二百八十匹。廣州將軍所屬裁例馬二百二十二匹。兵丁馬二十匹。福建裁馬九百六十四匹。廣東裁馬三百五十五匹。廣西裁馬一百三十七匹。餘均不便裁減。下部議從之。○以江蘇錢價過賤。命寶蘇局減卯鼓鑄。從巡撫孫善寶請也。○乙亥。諭內閣。德春等奏。委員解銅抵通。據報在途有沈溺銅斤情事。請飭部傳詢一摺。雲南委員張應揚解運辛丑年正運銅斤。於抵通後。

報稱在湖北歸州地方。沈溺銅六萬六千五百十餘斤。並未將地方官印結呈驗。所報沈溺情形。是否屬實。著戶部即將該員就近傳詢。據實覈辦。尋奏查明該員實係遭風。尚無捏報。惟未遵奏定章程。另取地方官印結。齎赴倉場衙門呈驗。究屬疏忽。請交部議處。從之。○諭軍機大臣等。本日據吳其濬由驛馳奏。武岡州高沙市地方痞徒阻米出境。糾眾戕官等語。湖南署武岡州知州徐光弼因查拏。

痞徒被戕。署州同師鳴鳳亦受重傷。現在該撫帶兵馳往督捕。永州鎮總兵英俊亦已派兵前往提督。長春著察看情形。如必須撥兵會剿。迅速辦理。務將首從各犯設法查拏。以伸國法。至武岡州界連各屬。山徑叢雜。附近。搖疆難保。不此拏彼竄。業據該撫飛飭各屬。並咨照廣西巡撫。飭屬協同兜拏。毋令勾結蔓延。是為至要。所有匪徒曾如炷等。是否即係正犯。其起釁根由。是否因該州緝拏阻米。

出境匪徒一案。抑另有別情。該州弁兵並未受傷。是否觀望不救。抑係聞風逃避。均著確切查明。據實具奏。將此由五百里諭知吳其濬。並諭令長春英俊知之。○丙子。諭軍機大臣等。有人奏。豫省盜匪劫奪行旅。請飭設法擒捕一摺。據稱四月內。有陝西渭南令俞姓家屬。行至河南廟溝地方。突來賊匪數十人。明火持械。撞開店門。將銀兩衣物。劫掠罄盡。出門放礮而去。又有現任知府之家眷。行至。

河南陝州地面被盜多人劫去箱隻銀兩等語豫省為行旅往來要路豈容盜匪肆行劫掠若如所奏各案是該省地方官捕務廢弛以致賊盜橫行尚復成何事體著鄂順安嚴飭所屬確探賊蹤將首要各犯全數弋獲盡法懲治不准一名漏網儻不肖州縣及該管汛弁仍前玩泄不行實力查拏即著指名嚴叅毋得稍事姑容將此諭令知之尋奏俞姓被劫一案先經陝州稟報並據緝獲首要各

犯十九名分別問擬至知府家眷被劫委員密訪實無其事報聞○丁丑諭內閣戶部奏請飭催雲南暨有漕各省延未入撥銀款並直隸福建二省應解應撥銀兩豫省應行報撥正款並應解部庫雜款銀兩各一摺各直省應行報解報撥銀兩必須年清年款庶庫項不致虛懸豈容任意耽延屢催罔應著各該督撫等即查照戶部單開各款嚴飭所屬實力催解毋得再有延宕以重款項而裕度

支○戊寅諭內閣富呢揚阿奏官兵分剿番賊連獲勝仗河北地方漸就肅清一摺番賊自上次在只黑底俄博地方被官兵擊散後零股餘匪在多澧溝腦加木麻里木等處山坳伏匿抗拒經總兵徐華清等簡帶精兵分路剿捕前後殲斃賊番五百餘人墮崖落水者不計其數餘匪聞風逃匿該督現駐四棵樹地方相度機宜督飭各提鎮在河北地方探捕以靖邊隅辦理尚屬妥速所有在事出

力各員弁著富呢揚阿查明據實保奏候朕施恩涼州鎮標中營經制外委何進寶首先擒上山梁致被賊匪戕害著該部照例賜卹陣亡兵丁一名著一併議卹○諭軍機大臣等本日據富呢揚阿奏官兵分剿番賊連獲勝仗已明降諭旨分別保奏議卹矣又片奏玉舒拉布寺百長喇嘛尼牙木錯族百長化拉等派兵在邊境防守協同剿捕又有德勒克族番則巴錯洛願帶屬番協同防捕自效

等語。番族等聞野番竄至。自行防範。應准其協同剿捕。至則已錯。洛久在曲瑪瘴地方。潛住。今聞大兵剿捕賊番。自帶番兵。懇請效力。該督請即令該番追剿。以夷制夷。所奏不為無見。惟番性反覆靡常。餓附飽颺。是其慣技。將來或因剿捕立功。別有懇求。亦未可定。該督惟當斟酌情形。固不可遽行拒絕。尤不可因借資番力。俾該番藉口邀恩。現在野番逃赴瑪慶雪山。道路險遠。糧運維艱。我兵斷不值窮追深入。該督仍當遵照節次所降諭旨。但令賊番畏懾兵威。便可酌量撤兵。以節軍餉。而輯邊圉。將此諭知富呢揚阿。周悅勝。並傳諭徐華清。站柱。知之。○又諭。昨據吳其濬奏。武岡州匪徒阻未出境。糾眾戕官。帶兵親往督捕。已有旨令該撫飭屬協力兜拏。毋令勾結蔓延矣。本日據裕泰奏。總兵英俊。已馳往武岡州會拏究辦。一摺。覽奏均悉。此等匪徒。不法已極。必應迅速擒拏。懲究庶免奔竄勾結。日久稽誅。著裕泰察看情形。如吳其濬到彼後。業已捕獲淨盡。該督即毋庸前往。儻辦理尚未完結。必須該督親往督辦。即著馳赴武岡。妥速商辦。並究明起釁根由。按律懲治。以儆兇頑。而靖地方。將此由四百里諭令知之。○己卯。禮部議准安徽巡撫程楙采疏報。採訪寧國縣貞節婦女程呂氏等六百六口。護山東巡撫王篤疏報。德平縣夏董氏等三十九口。各請建總坊旌表。從之。○倉場侍郎毛樹棠因病解任。實授楊殿邦倉場侍郎。以內閣學士季芝昌為禮部右侍郎。○庚辰。

上詣綺春園問

皇太后安。○諭內閣。都察院奏。歷任查庫御史到任月日。案卷不齊。懇請飭查等語。歷任查庫御史。無論實任署事。其到任月日。叅罰攸關。必應逐一查明辦理。何得遽稱文案不齊。無憑查考。著管庫大臣會同都察院再行確

切查覈。移知吏部。毋得稍有舛錯遺漏。○展緩浙江海寧嘉興秀水嘉善海鹽平湖石門桐鄉慈谿奉化象山十一州縣及嘉湖衛被災被兵莊屯舊欠額賦。○辛巳諭內閣李星沅奏撫標撥增兵額。請留添外委一摺。陝西省撫標現在撥添兵數較從前原額多至一倍有餘。據該撫奏稱原議添設員弁不敷管束。著准其將西安鎮標所裁經制外委四員酌留三員添設撫標中左右三營並將所裁

額外外委六員酌留四員添設中左右兩營各一員右營二員以資教演該部知道。○壬午以翰林院編修翁同書為廣東鄉試正考官鄧爾恆為副考官修撰李承霖為廣西鄉試正考官戶部郎中鍾保為副考官大理寺卿博迪蘇為福建鄉試正考官翰林院編修徐相為副考官。○癸未諭內閣壁昌等奏淮南捐輸操防經費一摺淮南商人包振興等情願自壬寅綱起每綱公捐銀三萬兩按引完

繳以濟公需著賞收該商等情殷報效好義可嘉著該署督等開列名單具奏候朕施恩此項銀兩即作為常年操練水師兵丁津貼之用免其造冊報銷該部知道。○諭軍機大臣等壁昌等奏淮南商人情殷報效請自壬寅綱起每綱公捐銀三萬兩按引完繳以備支用等語業經降旨賞收此項商捐銀兩該署督等擬作為常年操練水師兵丁津貼之需自宜計及經久方為盡善或將一半發商

生息一半備常年津貼之用數年之後息銀足敷津貼款項更覺充餘著壁昌等籌議具奏將此諭令知之。○又諭上年發交耆英演礮圖說原本一冊重訂演礮圖說一冊小銅礮及礮架式樣四匣今其按式鑄造嗣據奏稱將擇定之式各製一具查照演礮圖說試演妥當再行如式成造並將演礮圖說刊刻頒行等語此時計已製造如式著壁昌即將前項發去演礮圖說及小銅礮並礮架式樣

等件。遇便委員解送繳回。將此諭令知之。○甲申。諭軍機大臣等。著英奏行抵粵東。體察夷情。極為恭順。現在會同籌議餉稅等語。稅餉章程。必須通盤籌畫。五處皆歸一律。不可稍有參差。所稱擬將正稅及歸公規費。議定數目。歸作一條編徵。分款解支。例外浮費。無庸過事掇求。並嚴飭行棧胥吏。毋許需索等語。現當酌定稅則之初。此事尤宜斟酌盡善。該大臣務當會同祁墳等。悉心籌度。因勢利導。總期於民隱夷情。兩無窒礙。方為不負委任。將此諭令知之。○展緩江西幫丁應扣上年借支天津道庫剝價等銀。○乙酉。諭軍機大臣等。潘錫恩奏籌議蕭工漫口。應俟霜後興築一摺。現交伏汛。水勢湧激。難以進占。兼之新料登場。總在白露以後。屆時方能採辦。著照所請。准其於七八月間。先購料物。一面挑挖夫工。以上引河興築壩基。俟回空軍船過竣。再行擇日進占。所有應需物料。務期次

第豫籌購買。勿致臨時短缺。貽誤要工。是為至要。將此諭令知之。○丙戌。

上詣綺春園問

皇太后安。○旌表守正捐軀山東平度州民戴恩鴻婢女海棠。○丁亥。諭內閣。理藩院奏。議駁車林多爾濟等審擬損壞已故王成棍扎布棺木盜竊屍首人犯車博克扎布等一摺。已故王成棍扎布。從前宣力有年。其墳墓自應加意妥為看守。上年十二月間。據車登巴

咱爾奏。伊曾祖屍骸被傷。朕聞之深為不忍。當降旨交車林多爾濟等。務將頭骨迅速尋獲。並將惡賊嚴行根究。從重治罪。乃該參贊大臣等。至今尚未尋獲頭骨。惟草率含糊。辦理。朕心殊為忿懣。著桂輪車林多爾濟樂斌等。嚴催該旗多派幹練妥員。務期迅速尋獲頭骨。以全屍骸。另行提集案內人眾。徹底審訊。以成信讞。儻稍意存袒護。朕決不輕貸。所有失察此案。應行議處之該扎薩克等員。亦

於審明具奏摺內一併分別議罪尋奏訊明喇嘛車博克扎布因妄意供奉貴人頭顱可獲吉祥輒私至王墳竊取頭骨回家旋因屢次被人窺破復攜至山內掩藏越數日往尋不獲迄今尚無下落請將該喇嘛照蒙古律先行斬立決仍派員訪尋以全王屍失察之該管扎薩克交本盟長分別辦理下部議從之○戊子諭內閣果勒明阿等奏查驗散秩大臣病已痊愈一摺阿勒台烏梁海散秩大

臣達爾瑪阿扎拉前因久病撤任勒限調理現據驗明該員病已痊愈堪以辦事達爾瑪阿扎拉著准其回任俟該處所屬年班之便仍著隨同進京補行引見該部知道○己丑諭內閣戶部奏請飭催直省各官部借未完養廉銀兩一摺各官在部借支養廉銀兩自應按限扣追豈容日久拖延茲據該部查明自嘉慶十年起至道光二十一年止所有各直省借過養廉除本年續報扣完外尚未完

銀二十九萬四千九十兩零經該部每歲飭催而完數寥寥實屬任意玩延著各該督撫都統府尹等務即遵照案題各款分別應扣應攤並歷年未完銀兩埽數扣清即行造冊報部撥用如有應扣不扣仍前拖欠即行查明叅辦○諭軍機大臣等本日據李廷鈺奏浙省營伍情形一摺據稱溫州鎮德年由廣西陸路副將升任水師非其所長現在溫屬洋面盜案頻仍等語劉韻珂升任閩浙總督

兩省水陸將弁皆所統轄著就近察看如德年果不勝任即據實具奏於閩浙各鎮內酌量更調衢州鎮林方標到任後亦著一併察看具奏所奏郡城無賴布散謠言須究出一二名重懲一節匪徒造言生事既慮人心煽惑尤防夷眾猜疑必須嚴拏懲辦前據程喬采摺獲廣東遊棍錢江一案當令按律究辦浙省事同一律著劉韻珂李廷鈺明查暗訪務須究出為首之人懲一儆百仍須處以鎮

靜母任兵役藉端滋擾新任巡撫吳其濬到任後亦著一體嚴查認真辦理所奏浙省洋面北接江省南連閩洋必須三省會拏著劉韻珂等體察情形應咨會者即行咨會應行知者迅即行知務令上下兜擒俾匪徒無所託足是為至要餘著照所議辦理將此各諭令知之○庚寅諭軍機大臣等本日據梁萼涵奏查閱大同鎮所屬營伍情形一摺已明降諭旨將都司慶全等分別休致斥革矣據

稱此次查閱各營惟大同鎮標四營兵丁精銳情形為關南各營所不及該鎮兵力素稱強勁現在該兵丁能挽八力弓者既居十之七八其能挽十力十二力者亦復不少槍礮準頭俱好著該撫飭令該鎮仍當不時操練務期悉成勁旅無致始勤終怠至殺虎口相距大同不過二百餘里何以兵力遂至遠遜必應酌定賞罰力加整頓庶可埽除舊習將此諭令知之○命協辦大學士工部尚書敬

徵戶部右侍郎何汝霖馳往南河覆看挑挖引河並大工合龍事宜○命告養布政使鄭祖琛留辦浙江軍需總局報銷○以惠親王綿愉署鑲紅旗滿洲都統吏部左侍郎陳官俊兼署戶部右侍郎兼管錢法堂事務禮部尚書麟魁署管理欽天監事○修浙江仁和海寧二州縣海塘從巡撫劉韻珂請也○展緩山東陽信縣歉收村莊舊欠額賦○辛卯旌表守正捐軀四川鄰水縣民彭榮受妻李

氏○壬辰以翰林院編修陳枚為湖南鄉試正考官甘守先為副考官檢討曾國藩為四川鄉試正考官編修趙樸為副考官○癸巳上詣綺春園問

皇太后安○諭內閣李湘茶奏清黃盛漲五塘軍船急切不能渡黃請將湖北江西等幫催令先行一摺現在清黃並漲勢甚洶湧所有掛黃未進口軍船三百餘隻因緯道淹没人力難施勢難催提前進准其將湖北江西等



幫。僅今乘空先行。俟浙江湖南等幫進口後。即令跟隨江西尾幫前進。毋庸再行漫越。行走該署漕督仍會同該河督速飭廳營將各壩緯道趕緊修理完竣。以利漕行而免遲誤。

○甲午。諭內閣。禮部奏查出博士私給奉祀生執照請飭查辦。各省奉祀生設有定額。其充補應由該督撫學政及衍聖公等於本省嫡裔內選充。由部覈給執照。其有事故出缺者將原領印照繳銷。歷經該部通行各省。自

應照例辦理。茲據查出曾紀銓既屬私照濫充。恐冒濫者尚不止此一人。著衍聖公孔繁灝詳查各博士等如有私藏關防私給劄付概行送部銷燬。儘仍隱匿不繳即著嚴叅究辦。○諭軍機大臣等吳其濬等奏拏獲戕官首要各犯並究出積年賊匪巢穴委員據捕並請將逃回營員革職拏問各一摺。湖南武岡州痞棍戕官劫搶罪大惡極吳其濬馳抵該郡即據署新化縣知縣汪世澤拏解首犯

曾如炷並下手戕官之曾以得一犯訊出確供分別監禁斬決此外已經拏獲要犯楊老六等數十名著委員詳細嚴訊未獲之犯即飭嚴拏毋令漏網其洪厓洞地方既為逋逃淵藪自應派兵守隘以防該匪等竄出擾害惟該處地形險阻莫知路徑雖經派有練勇偵探間道仍宜加意慎重不可冒險輕進惟當設法逼令出洞分路免擒難洗淨盡以弭後患是為至要至該營弁等觀望不救以致

釀成戕官巨案情節尤為可惡且恐兵弁有交結匪徒臨時故縱情弊必應徹底根究湖南武岡營守備蕭國相把總熊登禮俱著革職交該撫提同已故知州徐光弼家丁差役及各犯質對明確嚴審定擬具奏遊擊蔡發全著解任歸案質訊又另片奏辦理情形等語著照所請嗣後拏獲下手戕官要犯訊明確供即照例立決其聽從糾約者解省審訊附和名犯酌加枷號以靖地方毋稍姑息被

戕知州徐光弼俟查明具奏再降諭旨賜卹署新化縣知縣汪世澤首先拏獲鄰境首要各犯署武岡州州同師鴻鳳身受重傷尚能督率紳士拏獲要犯數名均有微勞著該督撫等俟事竣後與在事出力文武各員一併酌量保奏候朕施恩毋許冒濫將此由四百里各諭令知之尋奏訊明蕭國相赴救遲緩應從重發往新疆效力贖罪熊登禮聽從蕭國相指使亦應從重發往軍臺效力茲發令守城未出尚非畏葸不前惟於該守備等捏傷妄稟未能查揭請交部嚴加議處下部議從之○以拏獲戕官擒匪予河南知縣徐城等升補加銜有差○築山東加河廳朱姬莊攔河大壩從河道總督慧成請也○乙未遣官祭

火神廟○諭內閣前據壁昌等奏請於福山地方添設水師總兵一員當交軍機大臣會同該部議奏茲據穆彰阿等詳議具奏均著

照所議辦理所有福山鎮新設總兵准其以孫雲鴻調補所遺蘇松鎮總兵准其以林明瑞升署所遺京口協副將准其以汪士達調補○禮部議准河南巡撫鄂順安疏報採訪閩鄉縣節婦楊李氏等七十六口請建總坊旌表從之○改浙江蕭山縣土塘為柴塘從巡撫劉韻珂請也○丙申以故奉恩將軍福祿堪子桂林襲職○丁酉命停止長蘆鹽政呈進佛手○旌表守正捐軀江蘇銅山縣民張文學妻劉氏○戊戌以詹事府詹事吳鍾駿為內閣學士兼禮部侍郎銜○己亥諭內閣潘錫恩奏參啟閉閘堰未能慎重各員等語所參是此次攔清堰坐墊過水雖因黃水陡長究係該員等辦理不善所致准揚遊擊李勝中河通判黃宗保係專司啟閉之員未能慎重各無可辭所有此次搶堵草閘及復堵臨黃攔清堰用過錢糧著不准開銷即令該員等賠繳以示懲儆該部知道○以派防

捐資出力。賞南河同知陳韶等藍翎。餘升補加銜有差。○庚子。

上詣綺春園問

皇太后安。○以翰林院侍讀吉明。先日講起居注官。○辛丑。諭內閣。前據御史田潤奏。請團練鄉兵。以杜後患。而節軍需。一摺。當降旨著沿海將軍督撫體察情形。是否可行。詳議具奏。茲據壁昌等奏稱。平時團練鄉兵。易滋擾累。弊端疊出。窒礙難行。所議甚是。該御史所

奏著毋庸議。惟鄉兵不宜無事豫練。而營伍亟須整頓。著壁昌等於江海要隘處所。派定水師官兵。勤加訓練。陸路營汛。責成會哨巡防。總期水陸交嚴。兵弁悉成勁旅。以重操防。而嚴守衛。餘著照所議辦理。○又諭桂良奏。擊獲騰越南甸滋事案內主謀要犯。審明辦理一摺。此案雲南騰越廳南甸土目刀承緒等。犯罪潛逃。糾匪焚掠滋事。經該督親往督拏。將主謀之管布黑擒獲。並獲要犯多名。分

別斬決梟示。現在邊境肅清。惟尚有首犯刀承緒及供出夥匪未獲。著該督嚴飭文武員弁。設法搜捕。並飭沿邊各土司地方。一體嚴密查拏。務獲究辦。毋任遺颺。其被戕弁兵練丁著咨部照例議卹。至該地方廳營各員。未能將刀承緒弋獲。實屬疏玩。所有原奏請摘頂帶之騰越同知吳均。署南甸都司事龍陵協右營守備楊濟川。及署南甸經歷袁榕著一併革職。留於地方協緝。其督緝不力之騰

越鎮總兵世泰。該管迤西道趙德濤。署永昌府事俸滿知府陳桐生。均著交部分別議處。此案所用兵練口糧。及撫卹等項銀兩。係由本省籌給。免其造冊報銷。又另片奏。騰越士民呈控已休守備李正榮。將刀承緒糾搶田穀案內。拘押在廳之土目刀三用。刀彗保。保出。以致幫同滋事等情。該守備以告休武職。與土目熟識。代為求保。殊屬不安本分。李正榮著即革職監禁。俟拏獲刀三用等。質訊明

確分別究辦該部知道○又諭吳其濬奏續拏戕官要犯多名及洪厓洞賊匪業已解散飭屬詰拏一摺湖南武岡州痞棍曾如炷等因阻米出境起釁膽敢聚眾戕官實屬罪大惡極業經吳其濬帶兵前往即將首要各犯拏獲訊明按律治罪並查該處洪厓洞地方藏匿奸匪素為民害當即委員偵探分路兜擒以弭後患茲據奏稱該委員等帶領兵勇會同營員前往洪厓洞搜捕賊匪擒斃多名

宣宗實錄

卷三九四

又於附近洞口一帶拏獲要犯曾辛酉等七十餘名解州訊供現共獲犯已有百餘名之多地方百姓畏威感服擬即撤兵等語辦理尚屬迅速所獲各犯除業經正法外其曾如炷一犯係此案渠魁著照議凌遲處死舒惟清一犯著照擬斬決即行正法所有同謀戕官未獲各犯仍著飭屬嚴拏盡法懲治毋任漏網餘著照所議辦理又另片奏查洪厓洞既為逸匪必由之路亟應設立卡房以防逃

竄等語著該撫妥籌辦理飭令附近紳士編列保甲地方文武定期會巡要在實力稽查有犯必懲自可潛消盜患並嚴飭各州縣經此次搜捕之後如再有藏匿匪徒立予嚴叅懲處毋稍姑容○予勘隄被溺湖北知府姚用書同知烏勒登布祭葬卹廕

宣宗實錄

卷三九四

大清宣宗效天符運立中體正至文聖武智勇仁慈儉勤孝敏成皇帝實錄卷之三百九十三

浙江杭州城守營副將阿克敦布為廣西右

成奏中河廳九堡隄頂過水奪溜南趨一攢

已有旨將慧成鄂順安等分別嚴議議處矣。現在該處口門既已塌寬一百餘丈。而溜勢仍復南趨。必須趕緊盤做裏頭。著該河督督飭工員設法迅速辦理。毋使口門再有續塌。以致將來堵合倍難。被淹災民。即著鄂順安飭司委員妥為撫卹。至上游既經漫口。下游自必斷流。將來興舉大工。江南桃北口門已成乾岸。自以現在豫省漫口為重。當此經費支絀之時。該河督所稱另有條議之處。究有何策。足以設法補苴。即著迅速詳議具奏。將此由四百里諭令知之。尋奏請開捐輸以裕工需。下部議從之。○又諭本日據慧成奏中河廳九堡隄頂過水全溜奪入南趨。口門塌寬一百餘丈。已明降諭旨令敬徵何汝霖折回東河查勘矣。豫省上游既經漫口。則江南桃北口門想必斷流。南河現無要工可辦。敬徵等接奉諭旨。自必趕緊折回。著於到工後將口門塌寬丈數及水由何處行走詳細查

宣宗實錄

一

宣宗實錄

一

勘迅速具奏。現計南河已撥經費。自可改撥東河。其餘應需銀兩。仍著敬徵等約略計算。先事豫籌為要。慧成原摺鈔給閱看。將此由四百里諭令知之。○又諭耆英奏酌定通商輪稅章程一摺。據奏五月二十六日。帶同黃恩彤咸齡輕裝減從。即坐大輪船前往香港。接見該酋。囑噪噓。已將通商章程及輪稅事例。桶定大局。該酋極為恭順帖服。即於六月初一日回省等情。其粵海關進出貨物。現已議定棉花茶葉稅則。約計開課有贏無絀。因該夷急於通市。即照伊里布前定期限。於七月初一日先在廣州開市。著即照議辦理。惟香港四面環海。舟楫處處可通。現已有內地民人零星買賣。必須明定章程。以杜走私漏稅。並一切未定事宜。著耆英會同祁項程喬采。又豐通盤籌畫。固須俯順夷情。尤當慎持國體。永杜弊端。俾各省皆可照辦。其味喇噠。喇嘛等國。請照新定章程辦理。准俟定議

後另行辦理將此由四百里諭令知之○命協辦大學士戶部尚書敬徵右侍郎何汝霖改赴東河查勘中河廳九堡漫口情形○丙午諭軍機大臣等慧成奏中河廳九堡漫口奪溜南趨口門刷寬一百餘丈已有旨令敬徵何汝霖馳驛改赴東河查辦矣豫省上游漫口則江南桃北口岸必至斷流南河工程易於措辦著該河督體察形勢次第辦理現在河流經過何處歸宿何處即探明實在情形具奏其五月內所撥經費未經解到者或飭令改撥或行知東河截留已經解到者妥為存貯聽候調撥至桃北口岸斷流清水自可暢出將來回空軍船仍由運河故道可免倒塘灌放所有一切應辦事宜著潘錫恩相度機宜悉心妥籌具奏將此諭令知之○又諭本日據鄂順安奏中河廳九堡隄身墊陷一摺昨已有旨寄諭該撫等矣此次失事雖據稱係在白晝居民得以遷避而被淹田廬

當亦不少損傷人口究有若干該撫現已飭司委員雇覓船筏前往拯救並令攜帶饌餅席片錢文分赴各處散給仍著飭令該委員等務須認真妥為撫卹應賑濟者即行賑濟應安插者即行安插無使一夫失所至漫水下注現由何處行走著該撫即將所過州縣被災廣狹及水由何處歸宿之處確切查明迅即具奏將此諭令知之○命新授山東按察使方濤仍以鹽運使候補以內閣侍讀學士陳慶偕為山東按察使○以軍需報銷完竣予直隸布政司理問姚森培等升補有差○丁未

上詣綺春園問

皇太后安○釋回遣戍已革閩浙總督鄧廷楨○命陝甘總督富呢揚阿撥銀二萬二千九十八兩解赴阿克蘇二萬九千三十九兩解赴烏什備道光二十五年經費○戊申諭內閣裕誠等奏歷任查庫科道到任卸事日期

無從根查。請仍飭都察院查明。移知吏部辦理等語。向來查庫科道奏派接查。與揀員署理均係都察院專責。該衙門自必有檔冊可稽。何得遽稱文案不齊。無從查考。著都察院將歷任查庫科道在任月日。再行確切查覈。迅即移知吏部辦理。毋許舛錯遺漏。○又諭。慧成著即革職。暫留河東河道總督之任。鄂順安著加恩改為革職留任。中牟縣知縣高均著革職。開歸陳許道福敏到任僅止半月。

開封府知府鄒鳴鶴現辦城工。均著改為革職留任。○緩徵江蘇武進陽湖無錫金匱清江丹陽金壇七縣歉收村莊新舊額賦。○己酉諭內閣。前據壁昌等奏護蘇松太道顏以燠出示含糊。請旨撤任。當降旨交該署督等嚴行查訊。茲據奏稱查訊該員實止措詞未能明晰。並無別項情弊。顏以燠著即飭回徐州府本任。仍交部議處。○又諭。前據祁墳奏廣東潮橋鹽務疲埤無商承辦。擬請做照准。

網票引兼行等語。當降旨交戶部議奏。茲據該部奏稱。票引兼行原為變通釐務起見。惟民販納餉。是否不致拖延。領票售鹽。是否不致浸灌。其有商之埤。與無商之埤。所行地面。是否無虞侵越。且潮屬接界閩疆。如引票錯雜其間。是否可以稽查防範。務須通籌全局。冀疲埤獲有起色。著祁墳督同運司悉心體察情形。逐一講求。詳晰妥議具奏。尋奏。細察情形。若行票鹽深恐商販拖延難於追繳。且

浸灌侵越等弊。亦礙難稽查防範。不如仍守舊章。加意講求緝私諸法。疏銷疲引。下部議從之。○命庫倫辦事大臣鍾祥來京陛見。○以湖南鎮筵鎮總兵官琦忠為京口副都統。廣東廣州城守營副將博昌為鎮筵鎮總兵官。○庚戌賞三等侍衛容照副都統銜。為庫倫辦事大臣。○禮部議准江蘇巡撫孫善寶疏報採訪太倉鎮洋兩州縣貞節婦女龔王氏等三百八十三口。署山東巡撫王篤疏報。



霑化縣吳蘇氏等二百八十一口。日照縣安泰氏等一百七十三口。濱州張史氏等二百二十六口。各請建總坊旌表從之。○辛亥。

孝懿仁皇后忌辰遣官祭

景陵○諭內閣太常寺奏覈覆工程領款一摺嗣後

大祀中祀羣祀遇有應修工程及祭器等項均著管理寺務之尚書侍郎及該衙門堂官敬謹看視實係必不可緩者再行咨報估修以

歸覈實而昭慎重。○諭軍機大臣等本日據敬徵等奏折回東河查勘漫口一摺此次漫口現在塌寬究有若干丈尺所有盤做裏頭是否堅固敬徵等到工後即著確查據實具奏至南河應辦事宜已有旨令潘錫恩體察情形次第興辦其五月所撥經費並已飭令該河督將未經解到者或飭令改撥或行咨東省截留已經解到者妥貯聽撥矣現在漫水究由何處行走被淹田廬當亦不少損傷

人口究有若干昨已有旨令鄂順安飭司委員妥為撫卹仍著敬徵等留心察看毋使一夫失所為要將此諭令知之○以內閣學士侯桐為浙江鄉試正考官翰林院編修楊能格為副考官詹事府少詹事張黃為江西鄉試正考官翰林院編修匡源為副考官編修蕭時韻為湖北鄉試正考官沈元泰為副考官○賞休致副都統阿精阿全俸○壬子旌表守正被戕直隸灤縣民董明姜孫氏○

癸丑

上詣綺春園問

皇太后安○諭內閣給事中成朗等奏各省應交款項隨時知照御史衙門稽覈等語嗣後各省凡有應解內務府廣儲司六庫銀兩等項並著知照御史衙門查覈俟款項交竣後將原領批回送該衙門查驗與各該庫送到收項報單互相覈對以專責成○又諭寶興奏查辦匪徒請將出力人員保奏並將功不

抵過之署遊擊革職等語。四川鹽源縣地方匪徒滋事。經該處文武委員等籌捕得宜。為時僅止一月。擒戮殆盡。地方別無驚擾。辦理尚屬勤奮。著該督於定案時。擇其尤為出力者。酌量保奏。候朕施恩。至署會鹽營遊擊。山營都司王明福。於該匪徒疊次搶劫。先既毫無覺察。又不認真緝拏。後雖有協獲之犯。究屬功不抵過。王明福著即革職。以示懲戒。○准浙江杭州四幫。湖州八幫。緩交曬颺餘

米。並浙江金衢所幫。江蘇江淮七幫。湖北三幫。遭風漂失米石分限買補。○甲寅。諭內閣。前據御史田潤奏。浙江歸安縣收漕釀案。由於前任知縣徐起渭接任知縣趙汝和種種辦理不善。以致激變。當諭令劉韻珂確切訪查。據實具奏。茲據奏稱。前任該縣徐起渭。於縣境災傷田畝。會同委員查勘。並無增減災數。定價賣荒情事。現訊各案犯。亦俱代為剖辯。至趙汝和接任。在稽祖堂等滋事。以後各

糧戶並不赴縣完糧。無從約令完納條銀。其後該縣探知案內餘黨聚眾抗糧。節經裁減浮費。不顧賠累。遵議開徵。該糧戶等復恃眾扭交醜米。以致不克徵收。並非該縣辦理不善等語。除前任知縣徐起渭。業據另摺奏參外。撤任知縣趙汝和。查無不合。著免其置議。○又諭。恩桂等奏。備弁私行保釋到汛人犯。請旨解任。交部審訊。又據東城御史鳳保等奏。稱訪聞北城地方。僧人獲賊。呈報官廳。該

廳旋即消弭。並聞西河汛弁兵有私拷賊犯。斃命棄屍之事。與四塊玉地方身帶刑傷之屍。似相脗合。難保非即係此案賊犯各等語。守備董坤。把總李慶額。設外委杜嘉瑞。著即解任。並兵丁趙文輝。陳彪。謝文桂。歐泳。標鍾義臣。陶兆安。民人馮大。即馮常兒。一併交刑部審明。辦理。僧人傳宗。工人何七。均著聽候傳質。東城揀發副指揮吳毓麟。訪聞此案。著俟刑部定案時。聲明請旨。○諭軍機大臣等

祁墳等奏籌護礮臺擬行屯田一摺。據奏虎門等處礮臺現經修復。必須重兵防守。而兵額未便請添。查出虎門附近及大角沙角一帶。多有淤出沙坦。可以圍築成田。令人承種。其餘各臺。或後靠石壁。或傍依山麓。均可酌行屯田之法。藉以保護礮臺。惟上下兩橫檔。並無後路。必須大小兵船往來援應等語。以本地之田。養本地之民。即以種田之民。為禦侮之兵。固屬守隘防虞。寓兵於農之計。現任糧道孔繼尹。既經辦有端緒。著即責成該道一手經理。務使事可經久。不致有名無實。此次捐辦屯田紳士。准按所捐銀數。照築臺鑄礮一律奏請鼓勵。另摺奏團練鄉兵。於粵省情形相宜。附省各鄉有昇平社學公所。為團練總匯之地。東路復立東平社學公所。陸續舉行。聲勢聯絡等語。著該督等體察情形。隨時妥辦。務期有濟實用。永固邊防。是為至要。將此諭令知之。○又諭本日據劉韻珂奏。請

將在籍丁憂藩司接辦軍需報銷等語。浙江在籍藩司鄭祖琛。現丁本生母憂。例應持服一年。惟該司所辦行營糧臺報銷尚未完竣。自應於百日治喪後。仍令一手經理。其省城總局報銷。並著該司於百日後。與在省各司道會同接辦。所有各項應辦冊籍。著該督飭令局員先行趕緊查造。以便該司到局。即可按款查覈詳辦。毋任稍有稽延。將此諭令知之。○以翰林院侍讀學士王廣蔭。為詹事府詹事。○以拏獲抗官要犯。予浙江知縣趙汝和等加銜有差。○以辦理糧臺管帶壯勇出力。予廣東通判沈英等升補有差。○乙卯旌表守正捐軀河南虞城縣民范雨林嫂余氏。○丙辰中元節。

上詣  
安佑宮行禮。○遣官祭  
永陵。  
福陵。

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○禮部議准江蘇巡撫孫

善寶疏報採訪邳州貞節婦女許王氏等六

百九十四口睢寧縣王李氏等六百一十口

安徽巡撫程林采疏報天長縣王阮氏等四

百四十九口山西巡撫梁萼涵疏報孟縣李

史氏等七十九口各請建總坊旌表從之○

丁巳諭軍機大臣等據慧成奏中河廳九堡

口門現在籌款集料盤築裏頭並擬估攔黃

壩及溜勢情形一摺中河口門既已刷寬二

百餘丈大溜圍注東岸南趨應將西岸裏頭

趕緊盤做至東岸形勢俟稍定後亦應趕築

以免再行塌寬著敬徵等於到工後督飭在

工文武員弁迅速集料趕築裏頭並飭將攔

黃壩上緊估辦俾正河不致受淤現在秋汛

正長水勢靡定該尚書等務當詳加履勘嚴

飭工員等加意修守毋得再有疏虞至溜勢

現由東南下注其經過州縣及由何處歸宿

並著確查具奏將此諭令知之○修江蘇銅

山蕭三縣天然閘下河埝從署總督壁昌請

也○戊午

上御勤政殿聽政○諭內閣桂良等奏請將境

內竄入鄰省匪徒延不稟報之知縣暫行撤

任等語雲南元謀縣知縣羅慶元於川省匪

徒竄入境內稟報遲延實屬疏懈著即撤任

交該督等確查。如有諱飾消弭情事。即行據實叅辦。○又諭桂良等奏。滇屬堵拏川匪。殲擒多名。地方安靜。並請將辦理率謬之廳員解任查訊一摺。雲南署永北同知黃德濂。於川匪竄入搶掠。未能立時勘報。獲犯譚加禾等六名。並未親訊錄供。輒交四川營弁帶回。辦理實屬率謬。黃德濂著即解任。交該督等確查。有無防堵不力。及諱飾消弭情事。不准徇縱。據實叅辦。○以內閣侍讀學士慶錫太

平奏奉旨已行

七

僕寺卿齡鑑。為內閣學士。兼禮部侍郎銜。通政使司通政使斌良。大理寺卿博迪。蘇為都察院左副都御史。○己未。諭內閣。裕泰等奏。請將失察家丁得贓之知縣革職一摺。前任湖北穀城縣降調知縣林鳳儀。於該縣門丁被控得贓。訊無知情徇縱等弊。惟事前毫無覺察。事後又不能交出質審。實屬溺職。林鳳儀著即革職。○諭軍機大臣等。裕泰等奏。請將督造船隻道員留楚對調一摺。據奏。釐脊

樣船。現僅造成二隻。尚擬多造數隻。分作中軍暨左右兩翼。請留浙江糧道顧椿一手經理。並將新選湖北糧道邱煌對調等語。此項船隻。既經造成。其做法式樣。以後接任之員。不難依照辦理。此時儘可暫停興造。即將造成之船。先行試演。如果駕駛得力。將來或必須添造。隨時體察情形。再行辦理。浙江糧道員缺緊要。顧椿著即飭令赴任。所請以邱煌對調之處。著不准行。其何禮貴仍留楚省。交

平奏奉旨已行

七

地方官妥為管束。毋任滋生事端。俟將來續造船隻。酌量差遣。將此諭令知之。○又諭。潘錫恩奏。豫省南岸漫溢。全黃注湖。趕籌宣洩情形一摺。現在豫省中年漫口。全黃下注。洪澤湖實形喫重。必應趕籌宣洩。以暢歸墟之路。本年該處長河。業經挑濬完竣。前經該河督將順清河等處。啟放引清入黃。察看流行暢順。惟此後全黃入湖。來源更旺。所議酌啟各壩。以期暢出。並將夫工導出湖水。設法引

入中河。暫濟鹽柴轉運。均著照所議辦理。惟現當籌畫經費之時。該河督務須覈實撙節。斷不可任聽工員濫估冒銷。致滋糜費。所有已撥銀兩。著仍遵前旨。應改撥東河者。聽候改撥。未到者。即轉飭東河截留。以濟要需。至黃河現已斷流。蕭工口門。此時存水尚深。自可暫緩堵合。惟回空即日南下。所稱先將中河繹隄補還。以通運道之處。著即迅速趕辦。俾軍船不至有誤歸次。是為至要。將此諭令

知之。○庚申。

上詣綺春園問

皇太后安。○諭內閣。訥爾經額奏。遵查直隸地方。難以興舉屯政水田一摺。據稱天津至山海關一帶。戶口殷繁。地無遺利。其無人開墾之處。乃沿海鹹灘。潮水鹹濇。不足以資灌溉。屯田之法。勢難舉行。至全省水利之說。歷經試驗墾水田。屢興屢廢。總由南北水土異宜。民多未便。而開源疏泊。建閘修塘。一切工費。皆

需重帑。未敢以有用之項。輕議試行。惟地高慮旱。地窪慮潦。但在地方官於境內溝洫。及時疏通。以期有備。或開鑿井泉。以車戽水。亦足裨益田功等語。所奏自係實在情形。均著照所議辦理。至省南民間用水車汲井溉田。需費不多。最為利便。現據該督照式製造。發交各府州。著即諄飭各屬。廣為勸導。實力奉行。如有民間不知此法。即於頒發式樣後。勸令按井製車。試行灌溉。其始未免惜費憚勞。如行之有效。互相傳造。於農功必有裨益。用副朕敦本重農之至意。○又諭都察院。奏江蘇民人朱兆吉。以另獲正犯。夥謀陷害等詞。呈控。此案先經兩江總督。以卓泳魁實已病故。將朱雲亭問擬絞監候。咨結。茲據朱雲亭之子朱兆吉。以卓泳魁又犯逼死蘇文在之案。在銅山縣監禁。如果屬實。是前此卓泳魁之病故。顯係該縣捏報。辦理重案。生死攸關。若不慎重詳鞠。何以成信讞。而免冤抑。著壁

昌親提人證卷宗。秉公嚴訊。務得確情。按律定擬具奏。毋稍徇縱。原告朱兆吉。該部照例解往備質。尋奏卓泳魁依蠹役詐斃人命。為從例擬杖流。下部議從之。○辛酉。諭內閣。富呢揚阿奏。河北近邊肅清。並河南番族畏法獻賊。酌撤各路官兵一摺。青海野番。節次偷渡滋擾。上年捕逐出卡後。多在河北一帶盤踞窺伺。經該督奏明。會同提督周悅勝。派令署總兵徐華清等。統帶官兵。分路痛剿。連獲

平定縣志卷之九

五

勝仗。賊番勢窮逃散。該提督等督率弁兵。在貢爾蓋烏蘭水公嘴腦爾等處。接捕拏獲匪多起。河北肅清。其竄匿瑪慶雪山之賊。經則巴錯洛率眾攻捕。又復竄回。適該鎮徐華清等派兵繼至。迎前奮擊。把總蕭進先。楊正才。首先衝入賊隊。該賊番腹背受敵。當經殺斃五十餘人。生擒三人。賊始奔潰。復追殺二十餘人。餘俱落崖跌斃。即於殲斃各賊內。認出著名賊首青木塔爾父子。頭目奴科那囉。

勒根增四人屍軀。奪獲馬牛羊隻及帳房器械各件。其生擒賊番三名。逐經訊明。搶劫多次。均係積年巨盜。即在軍前梟示。以彰國法。至河南為番賊巢穴。經該督派員先往曉諭。復囑以兵威。各族番知感懼。將逃回賊犯十名。擒獻。並結稱嗣後再有竄歸。隨時送出等語。此次勦辦野番。布置妥協。迅速蕲功。朕心深為嘉悅。富呢揚阿著加恩賞戴花翎。周悅勝著賞加太子太保銜。徐華清著賞加提

平定縣志卷之九

五

督銜。俱仍交部從優議敘。原派各路官兵。現俱陸續撤回。其未撤之西河兩鎮官兵一千名。稽查餘匪。俟大兵凱旋後。地方實在安靜。再行就近歸伍。○又諭。富呢揚阿奏。番族打仗出力。懇請獎勵一摺。德勒克族番則巴錯洛。聞大兵勦捕賊番。帶兵自效。追趕逃匪。在丹科地方接仗。與官兵兩路夾攻。斬獲甚眾。現在大兵凱撤。該族番嚮義可嘉。則巴錯洛著加恩賞給千戶職銜。即令管束該處族番。



捍衛邊境。該番族稟請內附。情詞懇切。著即照玉舒等族之例。准其內附。歸隸青海大臣管轄。所有應設百戶分轄及歲納馬匹數目各事宜。並著富呢揚阿悉心妥議具奏。○諭軍機大臣等。程楸來奏黃河漫入皖界。肥河水勢增長。現飭查辦。一摺。豫省中牟漫口。黃水下注。現在皖省之淝河。水勢陡長六尺。雖未漫淹。而來源正旺。各河是否足資容納。不至泛溢出槽。所有潁鳳泗等屬下游州縣。必

應一律小心防護。其太和縣與豫毗連。上年河決祥符。被淹最重。此次中牟漫口。該縣情形喫重。何以尚無稟報。著該撫迅即查明。並黃流於何處入境。何處停淤。查探明確。妥為辦理。各州縣田畝民廬。如有被淹。應行撫卹者。即行撫卹。毋使一夫失所。至江北民風剽悍。且著名巨匪。尚有漏網未經獲案。尤難保不乘機勾結滋事。並著該撫飭司遴選幹員。馳往各該地方。會同州縣嚴密訪拏。務使窮

黎不至更受擾害。以安良善而杜釁萌。是為至要。將此諭令知之。○又諭。富呢揚阿奏。官兵擒斬著名首賊。河南番族縛獻逃匪。邊境肅清。一摺。已明降諭。肯加恩獎賞矣。此次河北賊匪。經官兵擒斬多名。認出著名首犯。並由河南番族縛獻逃匪。各番咸知儆畏。邊境業已肅清。似此大加懲創。可望一勞永逸。惟番族出沒無常。大兵凱撤之後。難保不伺我兵退。復出滋擾。該督奏請將未撤兵一千名。令站柱分領過河。徐華清仍駐忙多。防範後路。稽查餘匪。該處地方遼闊。徐華清站柱所帶兵勇。是否足資防範。設遇番賊復出。能否堵禦擊散。仍著該督體察情形。熟籌妥辦。毋以此次勦辦得手。稍存怠玩。至一切善後章程。尤須斟酌盡善。務使番眾懷德畏威。永杜邊釁。方為不負委任。其爭先衝突失足跌斃之外。委劉運昌一員。及陣亡之則巴回子二名。並著該督查明。應否賜卹。照例辦理。另摺



奏。德勒克族番稟請內附。此次既打仗出力。自應准其內附。已有旨如所請行矣。但內附之後。必須妥為撫輯。駕馭得宜。方可收守在四夷之效。著該督會同青海大臣悉心籌議。毋貽後患。將此諭令知之。尋奏。分設百戶百總什總等番目。以資鈐束。責成保護河北地方。用資綏靖。酌定貢馬匹數。以肅體制。酌賞青稞。俾知鼓勵。置買糧茶。示以限制。清釐戶口。以便稽考。下軍機大臣會

部議從之。○以翰林院編修王履謙為陝西鄉試正考官。吳敬義為副考官。工部右侍郎賈禎為江南鄉試正考官。翰林院編修徐士穀為副考官。○以勦辦青海野番出力。賞甘肅道員唐樹義知府許乃安。知州邵煜。副將站柱。參將毛鴻鵬。吳珍。遊擊隆盛友。馬麟。馬進祿。朱成貴。韓仲欉。李攀林。都司佈克慎。吉連。王集賢。周邦順。陳禎。守備朱暉。南蕭。鳴章。趙玉儉。蘭呈堂。李友祿。花翎。把總蕭進先等

藍翎。餘加銜升補有差。○壬戌。諭內閣。梁萼涵奏。請將被控之知縣革審一摺。此案山西鄉寧縣革書楊逢午等。因挾責革之嫌。輒假地方公事。聚眾斂錢。將本官擡送府署。列款控告。實屬目無法紀。該縣平日不善撫綏。且難保無激變情事。鄉寧縣知縣英福著先行革職。交該撫提同犯證。研審確情。分別究辦。尋奏。楊逢午。合依刁民直入衙門。挾制官長。例。發近邊充軍。英福尚無激變情事。究屬不

善撫綏。業已革職。應毋庸議。下部議從之。○諭軍機大臣等。潘錫恩奏。漲水陡消。各工平穩。一摺。現在豫省中年漫口。南河下游各廳業已無工。惟所稱洪澤湖水日漸增長。高堰誌椿存水至一丈七尺三寸。是本年湖水來源本旺。此時全黃匯注。尤須設法疏宣。以期暢出。所有應辦事宜。前經該河督奏到。已有旨飭令妥為籌辦。著仍遵前旨。加意小心。毋稍疏懈。當此經費浩繁之際。該河督自必具

有天良。與朕同一憂急。不可視為故常。總當事事樽節。務使帑歸實用。毋任工員稍有冒濫。是為至要。將此諭令知之。○又諭鄂順安奏省城保護無虞。並拯救災民情形。一摺。此次黃水漫口。下注省垣。護城隄根。將隄坡刷去四百餘丈。當經加幫後戢。鑲築埽段。隄身一律高厚。足資捍禦。省城可保無虞等語。覽奏已悉。惟秋汛方長。仍須督飭員弁。小心防守。不可稍存大意。其通許縣被水圍繞情形。

聖旨

欽此

較重。著該撫迅即委員前往協同搶護。務保無虞。此外大溜經過地方。及水歸何處。仍著確切查明。據實具奏。被災地方。妥為撫卹。無任失所。將此諭令知之。○又諭本日召見雲南副將波啓善。據奏道光二十年七月。在廣東參將任內。經林則徐派往澳門。與英咭喇接仗。殺斃一百餘人。其額上被飛礮打傷等語。已有旨將該員發往廣東。以副將即補矣。所奏打仗情節。是否實有其事。著祁墳確切

聖旨

欽此

查明。遇便覆奏。將此諭令知之。○癸亥。諭內閣。前因河南中河廳漫口。經吏部議奏。河員處分。朕因該河督等原奏。福敏到任僅止半月。鄒鳴鶴現辦城工。是以均改為革職留任。茲據給事中黃宗漢奏。上年桃北廳漫口。署淮海道沈鎬。到任僅止十一日。署淮安府知府曹聯桂。有協防之責。均經奉旨革職留工效力等語。此次中河廳漫口。事同一律。自應照上屆處分辦理。河南開歸陳許道福敏。開封府知府鄒鳴鶴。均著即革職。留於東河效力。○又諭富呢揚阿奏。請將降調遊擊革職等語。所奏甚是。馬奉三前護察罕托洛亥駐防副將。因疏防賊番劫掠。奏經部議降調。茲據該督查明。該員人本平庸。辦事疲輒。上年稟報事件。查有掩飾欺朦情弊。實屬怯懦債事。馬奉三著革職。永不敘用。○以催漕出力。予江蘇同知曹聯桂等。加銜升敘有差。○以勦捕青海野番出力。賞台吉武爾竟加布。花

銅餘下部優敘。○甲子。諭軍機大臣等。據梁寶常奏。山東登州府屬之榮成。文登。福山等縣有雙桅夷船二隻停泊。內有廣東江西等省民人。似係內地奸匪勾通。誘夷奸商越界私販等語。誘夷就撫通商。業經議定馬頭。昨據耆英。馳奏該夷急於通商。已於七月初一日在廣州開市。其餘福州。廈門。上海。寧波等處。亦即普律通商。何以夷船二隻忽駛至山東洋面。希圖貿易。著該大臣詢問。曉諭。是

否。係誘夷。咭喇貨船。抑係別國影射圖利。務當詳晰查明。嚴行禁止。除定議通商等處外。毋任駛往他處。梁寶常原奏著鈔給閱看。將此諭令知之。○又諭。劉韻珂遵旨覆奏一摺。據稱浙洋盜匪。節經派員雇船偵緝。現在報劫之案。少於去年。寧波郡城匪徒造作謠言。曾經剴切出示曉諭。業已止息。仍飭該道府督縣隨時密查究辦。至所稱溫州鎮德年。到任三月。尚無貽誤。衢州鎮林方標。現未到浙。俟

一併詳加察看。分別遵辦等語。俱著照所議辦理。至會哨章程。已據劉韻珂等於浙江善後摺內列款具奏。該督統轄兩省海防。是其專責。務當會同該撫及各提鎮等。不分畛域。飭屬實力兜拏。並移咨江省一體會捕。俾洋匪無可潛蹤。以重巡防而戢奸究。將此諭令知之。○又諭。據梁寶常奏。登州府屬之榮成。文登。福山等縣有雙桅夷船二隻停泊。內有廣東江西等省民人。駕三板小船上岸布散

知單。欲與商民貿易。似係內地奸匪勾通。誘夷奸商。越界私販鴉片煙土等語。誘夷通商。業經議定五處馬頭。山東地方並非該夷貿易之地。著該撫嚴禁各海口商販不准私相交易。並著查明是否奸民勾串。現在開駛何處。據實具奏。將此諭令知之。尋奏沿海商民嚴禁不與交易。該夷船已向東南大洋駛去。瞭望無蹤。仍飭文武防範。報聞。○乙丑。諭軍機大臣等。敬徵等奏查勘豫省中河廳九堡

漫口大概情形一摺。據查口門刷寬三百六十餘丈。現查東壩裏頭已約齊五分。西壩裏頭亦經運料。察看水勢似不至再有塌壩等語。該廳九堡漫口以後附近災民。雖該撫立時調卹。而窮黎猝遭水患。蕩析離居。深堪憫惻。仍著督飭委員。加意撫綏。覈實賑給。毋令一夫失所。至漫水經由各州縣被災處所。並著確查具奏。此次漫口。該尚書等現在估計工需。自應通盤籌畫。悉心妥議。當茲制用孔

聖旨

三

亟之時。兩河連年漫口。堵築撫卹之費。需用甚繁。務當力求撙節。不可任聽工員濫估。致滋浮冒。將此諭令知之。○丙寅。

仁宗睿皇帝忌辰遣官祭

昌陵○

上詣

安佑宮行禮。○以吏部左侍郎文慶順天府府

尹李傳監臨順天鄉試。○丁卯。

上詣綺春園問

皇太后安。○諭軍機大臣等。潘錫恩奏。啟放橋壩。宣洩湖水各情。覽奏已悉。所有漫水所經州縣情形。輕重著即探明。繪圖貼說呈進。其蕭工口門。及中河緯隄。前已有旨諭令該河督分別緩急。次第籌辦。著仍遵前旨。妥為辦理。至所稱上游長河。因水勢陡落。不無淤墊。而蕭工迤下已估未挑之工。亦須改估。大隄多有單薄卑矮之處。均須分別挑築。並鑲做禦水埽工。堵閉洩水各壩。通盤籌計。需費亦

聖旨

三

復不少。現當經費支絀之際。該河督務當激發天良。一切覈實辦理。毋任工員任意鋪張。為將來開銷地步。現已派成剛。李德到工。會同該河督。確勘應辦各工。總須撙節估計。俾帑項不至虛糜。用紓朕宵旰憂虞之意。方為不負委任。又據御史雷以誠奏。上年原估引河頭一千五百丈。估費一百三十餘萬兩。現在漫口無用堵築。此項錢糧。可以全行節省。其挑工祇須按照舊河形勢。確實估挑。該處

上下灘嘴。仍須挑切。導行正溜。歸入中泓等語。是否可採。並著該河督悉心熟籌。酌量妥辦。將此諭令知之。○命刑部左侍郎成剛。順天府府尹李德。馳往南河。會同河道總督潘錫恩。勘估工程。○以大理寺卿陳孚恩。兼署順天府府尹。○命喀什噶爾領隊大臣華山。泰來京。賞頭等侍衛開明阿。副都統銜。為喀什噶爾領隊大臣。○予浙江定海鎮海陣亡前鋒校文魁。善興。阿勒金圖。千總楊祿羅振。萬把總蔣鶴。外委鍾崧華。祭葬世職。兵丁鄉勇吳化南等四十一名。賞卹如例。○禮部議准。四川總督寶興疏報。採訪金堂。已慶符。資陽。四縣貞節婦女陳尤氏等七口。請建總坊旌表。從之。○旌表守正捐軀河南唐縣民曲成金妻周氏。○命陝甘總督富呢揚阿。撥銀六萬四千八百五十一兩。解赴葉爾羌。已爾楚克。備道光二十五年經費。○戊辰。諭內閣。都察院奏。失察文案無存。請交部議處等語。

查庫御史署任員名。自道光三四五九十二等五年之內。文移稿案。因房間滲漏。霉爛無存。無憑查考。該承辦司員。未能先事豫防。該堂官失於覺察。著一併交部分別議處。○諭軍機大臣等。訥爾經額奏。運河水長。隄埝被衝。東光縣趙家隄。汎工漫溢。衝決四十餘丈。故城縣鄭家口北民埝。漫溢。衝決四十餘丈。並未掣動大溜等語。該二縣境內隄埝。有關運道民生。必須趕緊堵合。以免衝刷逾寬。現據該督飭委該管知府熊守謙等。督率趕辦。著嚴飭該員等。先行裹頭盤護。並多購椿料。將被衝隄埝。迅速堵築。儻有遲延。以致刷寬走溜。有礙漕運。即行據實奏參。其被水各村莊。並著查明。是否不致成災。如有應行撫卹之處。即著妥為撫卹。將此諭令知之。○又諭鄂順安奏。查明黃水經過地方。及城根漫水。現已消涸一摺。此次漫口大溜下注。所歷各州縣地方。現經該撫查明。比二十一年被水

較寬災亦較重。各該州縣自上年被災後。元氣未復。現在黃流經過。情形復寬且重。尤堪憫惻。該撫現已飭司道員分赴各地方妥為拯濟。仍著飭令該委員等認真撫卹。毋使一夫失所。用副朕軫念災黎之至意。至省垣城根漫水。雖已設法消落。惟現當秋汛之時。水勢靡常。前次既有越過隄頂之事。必須加意防護。務保無虞。毋稍疏懈。其陳留縣城垣現被水圍甚急。日來有無改道旁趨之處。即著迅速查明具奏。將此諭令知之。尋奏省垣城根水已消落。惟南面隄尚有漫水。俟全行消落。一併堵築。陳留縣缺口。亦次第堵合。節交白露。可無妨礙。得旨上緊妥行辦理。○又諭。穆彰阿等奏遵議山東海疆善後事宜一摺。朕詳加批閱。內嚴定操演章程一條。演放礮位原以備臨敵制勝。若平時祇習虛文。臨陣安得實用。且恐為時過近。出數較多。易於刷大礮口。損壞礮位。著梁寶常於每年春秋二

季。親往督操。每位不得過五出。如果校閱認真。自不至荒疏技藝。無取定期過促。轉致沿襲具文。所奏空心礮子炸裂飛擊一條。亦恐無裨實用。緣礮子既出礮口。空中炸開。飛擊何處。並無定準。即如喫夷善於用礮。其所用炸礮亦多有不能炸擊者。該撫前在廣東。當已目擊其事。著即另行妥議辦理。至慎選將領守令。自係善後要策。全在該撫實力講求。正己率屬。遇有武員廢弛苛暴。立時懲辦。各府州縣隨時隨事。董勸兼施。切不可意存姑息。尤不可日久玩生。以副委任。將此諭令知之。○己巳。命陝甘總督富呢揚阿撥銀五萬五千兩。解赴塔爾巴哈台。備道光二十五年經費。○庚午。諭軍機大臣等。賀長齡奏召募土兵。請仍由各屬公捐等語。前據御史田潤奏請團練鄉兵。當降旨令沿海督撫詳議。嗣據壁昌劉韻珂。梁寶常等先後奏駁。或稱團練鄉兵。易滋擾累。或稱平時人多勢眾。必至

恣意橫行。有警則一聞而散。乘危剽掠。或稱  
祇可於有事之時。酌量情形辦理。未可習以  
為常。所論均合機宜。均經照議辦理。現據賀  
長齡奏。召募訓練土兵。是否足收實用。恐行  
之既久。仍復視為具文。且難免前項諸弊。著  
賀長齡悉心體察。另行妥議具奏。將此諭令  
知之。尋奏。黔省土兵。與江浙等省情形迥異。  
實於地方有裨。得旨依議妥辦。仍著留心查  
看。如日久有礙難辦理之處。不妨奏明更動。  
切勿膠執。○以緝捕出力。予貴州知縣平翰  
等。升用有差。○修直隸張家口石壩。從察哈  
爾都統鐵麟請也。

實錄卷三百五

三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十四

實錄卷三百五

三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十五

聚修職官劉廷日攝起居注官太子太孫體仁閣大學士文淵閣領題書管理戶部事務上書唐經師傅斯林陳學院學士東宮

天府尹事務隨章加五級紀錄十八次臣曹爾琿總管巡廷講官吏部尚書鑲藍旗漢軍副都統管理新營房城內官房大臣稽察內

七倉大臣指察會同四譯創事務加一級隨帶加六級軍功加三級紀錄五次直花沙剌經筵講官文淵閣提舉聞事兵部尚書經堂

內務府大臣鑲白旗滿洲都統稽察內七倉大臣管理宗人府銀庫左翼幼官學 宣惠宮開明園等處積穀營御茶膳房御藥房等

醫院這科處事務隨帶加十八級。日阿靈阿副總裁官選議官兵部尚書隨帶加六級紀錄二十次。周祖培等奉

敕修

道光二十三年癸卯閏七月辛未朔調禮部

實錄卷三百七十五

左侍郎關聖保。為工部左侍郎。轉禮部右侍郎。連貴為左侍郎。調盛京刑部侍郎。賡福為禮部右侍郎。以都察院左副都御史斌良為盛京刑部侍郎。○改派大理寺卿兼署順天府府尹陳孚恩監臨順天鄉試。○壬申。諭軍機大臣等。據祁墳等奏。候選道潘仕成製造水雷已成。現由該道員派令曾經學習製造。並製配火藥之生員李光鈐議敘。八品職銜。潘仕豪議敘。從九品。李光業帶同匠役。將水

雷二十具。火藥四百斤。並繕繪水雷圖說一冊。齎送進呈等語。現在李光鈐等尚未到京。俟齎到後。再行試演。至該道員潘仕成。業經疊次加恩賞戴花翎。並加按察使銜。應如何再加獎勵之處。著祁頊等酌覈具奏。候朕施恩。將此諭令知之。尋奏。潘仕成屢次捐貲辦公。始終奮勉。得旨。潘仕成著賞加布政使銜。以示獎勵。○以故杜爾伯特扎薩克輔國公齊默特巴勒孫台吉達克敦襲爵。○癸酉。

卷之六十五

上詣綺春園問

皇太后安。○以鑲藍旗蒙古都統綿僊兼署正紅旗蒙古都統。○以河南省城積水未消。命於十月舉行鄉試。○以捐修城垣。予直隸道員彭玉雯等加銜議敘有差。○甲戌旌表守正捐軀直隸撫寧縣民楊黑頭妻梁氏。○乙亥諭內閣。散徵等奏查明失事之已革通判。請旨辦理等語。所參甚是。本年中河廳九堡漫口。已革通判王葵初既未稟請豫防。及大



溜已注。又不在工搶護。直至漫口已成。方行查看。實屬可惡之至。王夔初著即枷號在口門東裏頭。以儆其餘。○諭軍機大臣等。敬徵等奏籌計工需。並體察黃河近年情形。一摺。據稱黃河中滿。灘面積淤愈高。隄身日形卑矮。以致東南兩河。疊次失事等語。覽奏已悉。南河改撥銀兩。及江西捐輸錢文。均已諭知。潘錫恩令存貯轉解。易銀候撥矣。此次口門寬至三百餘丈。現據約畧估計。需銀六百萬兩。除南河改撥一百七十萬兩。餘著戶部悉心籌畫。以備要工。另摺奏東壩裏頭。築有六成。西壩裏頭。因溜勢東趨。露有嫩灘。施工較易。著嚴飭文武員弁。趕緊加鑲。務使堅實可靠。毋任再有疏虞。所有被災各鎮縣。已由鄂順安派員賑卹。惟枵腹露處。情殊可憫。著會同鄂順安嚴飭該委員等。妥為安輯。覈實給賑。再十九日以後。溜勢日見平緩。而前此又陡落丈餘。上游河南境內。恐有漫溢旁洩之

處。並著敬徵。何汝霖。慧成。鄂順安。迅即派委委員前往履勘。能否無意外之虞。得有確信。即行馳奏。以慰廛念。其估辦築壩挑河等工。准其會同河臣撫臣妥籌商辦。將此由四百里諭知。敬徵。何汝霖。並慧成。鄂順安。知之。○又諭本日據敬徵等奏籌計工需一摺。據稱本年五月。撥給南河銀一百七十萬兩。內有江西捐輸錢十九萬四千餘串。請飭下南河督臣。將前項錢文。留工備用。即於上年所撥銀二百萬兩內。按照制錢一千易銀一兩。共銀十九萬四千餘兩。彙同各省解到銀兩。聽候撥用等語。此項捐輸錢文。係由江西解赴南河之款。若再由清江改解東河。相距既遠。為數復多。實有未便。本年五月。撥給南河之銀。前已有旨令潘錫恩將已解到者。妥貯聽撥。所有此項錢文。即著該河督如數按照制錢一千易銀一兩。彙同各省解到銀兩。妥為存貯。聽候東河撥用。將此諭令知之。○以承

辦鑄工竣。賞福建按察司經歷徐欽、藍翎。餘升敘有差。○以福建銀價未平，仍停寶福局鼓鑄卯錢，從巡撫劉鴻勳請也。○丙子，諭內閣：前年河南祥符三十一堡漫口淹及安徽州縣，疊經降旨蠲緩撫卹，並欽派大臣頒發帑項，迅速堵築合龍。兩省災民不至流離失所，方期休養生息，元氣可復。詎意本年六月，中河廳九堡又復漫口，以甫經奠定之民，連遭水患，所過州縣被水較重之處，田園廬舍蕩然無存，老幼扶攜，忍饑露處，朕心良用惻然。前已疊降諭旨，飭令查明撫卹，毋致一夫失所。但恐地方官視為泛常，或壅於上聞，實惠未能普徧。著鄂順、客程、楸采將河南、安徽被水州縣設法籌款，認真賑濟。本年下忙錢糧，即著體察地方情形，分別應蠲應緩，奏請恩施。儻查有不肖州縣玩視民瘼，並所屬吏胥藉端舞弊，立即據實嚴參，從重懲辦。此旨著先行刊刻謄黃，徧行張貼，務令家喻戶

曉。惠澤均霑。用副朕救災恤民至意。○又諭薩迎阿奏，拏獲偷圍拒斃兵丁賊犯，審明定擬一摺。此案索諾木等偷入圍場，因官兵圍拏，輒敢放槍拒捕。現據該總管等於勒緝一月限內，拏獲兇首，兼獲餘犯過半。該防禦等又拏獲另案賊犯三名，緝捕尚屬認真。均著加恩免其議處。其本案逸犯，仍著勒令嚴緝。務獲究辦。馬甲、阿爾綱阿捕賊捐軀，殊為可憫，著賞給銀三十兩。其子穆吉勒恩，著挑補馬甲，以示矜恤。○諭軍機大臣等：有人奏東河自本年六月二十日以後，險工迭報，人心惶恐，扶老攜幼奔走道路等語。因思東河漫口在六月二十七日數日之前，情形已危險。若此該處地方官及在工員弁果能竭力搶險，未必即至失事。乃目覩情形危急，先期並不親行查勘，至臨時赴工，輒稱措手無及，漠不關心，坐貽大患。此等劣員不可不嚴加懲創。昨據奏已革中河通判王葵初已降旨

柳號河干。其專汎員弁。著敬徵何汝霖。確切查明。有似此昏庸不職者。無論已未參劾。一併據實奏聞。從嚴懲辦。將此諭令知之。○又諭程楸果奏。下游州縣被淹情形。一摺。覽奏已悉。皖省自上次河決祥符。所有被災州縣。元氣至今未復。本年漫水建瓴直下。太和阜陽潁古。以及濱淮各州縣地方。或房屋塌卸。或田畝淹沒。情形較前更重。朕心尤深憫惻。現經該撫飭司分檄各員。妥為安集。諒不致

視為具文。惟秋汛方長。來源不絕。難保不更有泛溢旁趨之處。如有續報災區。務即隨時撫卹。毋任一夫失所。至江北民風素稱剽悍。尤難保無匪徒乘機滋事。必應加意嚴防。所有本年江南秋試。已有旨派令毛式郅入闈監臨。該撫自可專心辦理。總當認真撫輯。實力查拏。使匪徒無所容留。而災黎得以安定。是為至要。將此由四百里諭令知之。○以翰林院侍講羅惇衍為山東鄉試正考官。編修

鍾音鴻為副考官。編修方壙為山西鄉試正考官。莊受祺為副考官。○丁丑。諭軍機大臣等。壁昌奏三板船隻造竣。安礮駕駛得力。請多為製造一摺。江南籌備事宜。自以嚴密防江。慎固門戶為要。據奏造成三板船隻。令弁兵在江中駛駕。使風折戢。靈捷如飛。礮火連環演放。船身平穩。實資得力。南人生長海濱。硯風測水。用其所長。擬於巡江船上。安設礮位。令各營水師弁兵。常川駕演。並請多為製

造。仍令龔潤森督同張鳳翔一手經辦。俟造成多隻。分運浙江。交李廷鈺察看分造等語。覽奏均悉。著即照議辦理。仍著該署督督飭將弁認真操演。期於江防實有裨益。毋許始勤終怠。致日久仍同具文。另片奏漕運河防諸事。不克分身等語。江南漕河諸務。固係總督兼轄。但現在上海通商期近。善後江防。皆關緊要。至漕河各項事宜。應行會同該督者。自當會同辦理。其催提漕船及南河修築事

宜。仍責成漕臣河臣妥慎辦理。將此諭令知之。○又諭據訥爾經額奏。大沽口攔江沙外。寄碇夷船二隻。內有廣東語音者。約二十餘人。白黑鬼子。約五六十人。據稱係喚咭喇國船。裝貨來售。並給咭喇號貨單。經委員等明白開導。始向東南駛去等語。喚夷就撫通商。業已在廣州開市。其通商馬頭。自有一定處所。何以前忽有船駛至山東。茲復駛至大沽洋面。徑稱喚咭喇貨船。希圖售賣。著將該船貨單。發交耆英。令其曉諭。喚咭喇查明係該國何項夷船。私自潛往各處。務須一律嚴行禁止。不得任其於議定馬頭之外。妄希貿易。是為至要。原摺著鈔給閱看。將此諭令知之。○又諭訥爾經額奏。夷船寄碇大沽海口。業經曉諭開行一摺。本日已有旨諭知耆英。令其詢問。喚咭喇矣。天津並非議定通商馬頭。此次大沽寄碇夷船。自應不准其進口。且其中查有廣東語音二十餘人。尤難保非內地

奸徒。勾串越界私販。該督於該夷船甫經下碇。即飭委員等明白曉諭。令其開行。並不准其三板船進口。自購食物。所辦均屬妥協。惟該夷等皆惟利是圖。而洋路又處處可通。前次曾有夷船駛入山東文登縣界停泊。布散貨單。此次復有夷船裝載貨物。來津售賣。現在雖經該督曉諭。業已起碇開行。實難保不更有續來之船。著該督仍嚴飭沿海一帶文武員弁。認真巡防。如再有夷船駛至。希圖銷售私貨。即照此次辦理。妥為駕馭。不准駛進海口。以杜越界而絕覬覦。將此諭令知之。○又諭管通津省洋盜。近年乘間竊發。任意劫掠。現據該提督及溫州黃巖定海三鎮。於半載之中。在各洋面巡緝。格殺擒獲之犯。已逾百名。但商民仍有報劫之案。盜匪尚未淨盡。仍應嚴密偵捕等語。浙洋盜匪。肆意剽掠。現雖緝獲多名。而餘匪未淨。必應實力嚴捕。盡

法懲治。閩浙兩省洋面毗連。若不會同兜拏。尤恐此挾彼竄。著劉韻珂管通。廖寶振彪李廷鈺嚴飭各水師將弁等嚴密偵巡。有犯必獲。如有稍存懈弛者。即著指名叅辦。務使商民綏靖。海洋肅清。是為至要。至浙江提標等營所需兵船。准由各營自行雇用。其温州鎮標及所轄各營。如額設之船不敷配用。由各營隨時酌量添雇之處。亦著照所議辦理。將此各諭令知之。○直隸總督訥爾經額。河南

巡撫鄂順安山東巡撫梁寶常會奏酌擬變通三省會哨章程。查直隸大名鎮與河南河北鎮山東曹州鎮相為控制。應請嗣後每屆冬令。該三鎮選帶將備弁兵親往三省適中之地會哨一次。其本管營員改為隔月會哨一次。專汛員弁仍按月巡哨。俱互換印照。結報查考。仍責成鎮道查察。如有不親往哨巡以空文差丁互換塞責者。指名嚴叅。並飭各該州縣協同營汛查緝。該管知府隨時親歷

稽查。道員於每年冬三月親往各屬巡察一次。遇有失事。無論在何省地面。查案輕重。將各該營汛州縣分別糾叅。若在冬令並將巡察之鎮道附叅。如一年並無失事。存記鼓勵。並由該道府等每年公捐銀一千兩。移交該鎮以為哨巡津貼之費。下軍機大臣會同吏部兵部議從之。○戊寅諭內閣。訥爾經額奏永定河水漫溢。馳往勘辦一摺。永定河北六工汛北遙隄十一號。因大清河水勢過大。頂

托渾水有長無消。初三初四兩日。隄身蟄塌二十餘丈。漫淹二十餘里。民房人口尚無衝壞傷損。請將廳汛道員分別懲處等語。北岸同知竇喬林北六工汛霸州州判嚴士鈞協防把總富泰著一併革職。暫留工次效力。永定河道恆春著革職留任。責令督同接署廳汛各員趕緊籌辦。直隸總督訥爾經額未能先事豫防。亦著交部議處。該督即馳往查勘。趕做裏頭盤護。毋任續有汕刷。並查明被淹

村莊安為撫卹。無任一夫失所。○禮部奏八月初十日。

萬壽節應行禮儀。得旨。照例行禮。停止筵宴。○乙卯。以故翁牛特鎮國公豐仲子克什克阿爾畢濟呼降襲輔國公。○旌表守正捐軀河南鹿邑縣民陳卓媳楊氏。○庚辰。

上詣綺春園問

皇太后安。○諭軍機大臣等。前據梁寶常奏。山東洋面停泊夷船二隻。又據訥爾經額奏。天

宣宗實錄卷三九五

十三

津洋面有夷船寄碇。疊經降旨。交耆英向嘯嘯查查詢嚴禁矣。茲據梁寶常奏。東洋停泊夷船。係一大一小。查明船名及船主姓名。內有粵人男婦。並稱該夷目是商非官。來自舟山。現已起碇往西北大洋駛去等語。所奏甚屬詳明。著耆英按照該撫摺內所開船主姓名。向嘯嘯查詢問。是否係英咭喇夷商。何以違約私至各處洋面。希圖貿易。務即飭諭該國商船恪守前約。向原議馬頭通市。不准越

界私販。並禁止沿海奸民。毋得勾串夷商。潛蹤遊奕。以杜弊端。梁寶常原摺著鈔給閱看。將此諭令知之。○以翰林院侍講學士殷壽彭署日講起居注官。○辛巳。旌表守正捐軀直隸清苑縣民穆慶太妻宋氏。○壬午。諭軍機大臣等。寄諭欽差協辦大學士戶部尚書敬徵等。據御史雷以誠奏。東河籌款宜就大捐之例。兼准交納各項糧石。及應需各料物重價折算一摺。據稱捐例止收銀錢。銀錢短少。恐未能十分踴躍。與其納銀錢以購料物。不如兼收料物以抵銀錢。又河夫所用者錢。所食者糧。與其徒得錢以購食。不如兼給糧以抵錢。各捐生除以銀錢報捐外。料物糧石均准其呈納。按銀折算。於籌款濟工。實有裨益等語。是否可行。著該尚書等悉心體察。會同妥議具奏。原摺著鈔給閱看。將此諭令知之。○以協辦大學士戶部尚書敬徵為閩兵大臣。○旌表守正捐軀河南孟縣民吳旦妻

宣宗實錄卷三九五

十四

郝氏杞縣民李向榮女金姐。○癸未以光祿寺卿廣林為都察院左副都御史。○旌表守正捐軀直隸成安縣民王成子母張氏。○甲申諭內閣國家分設八旗兵丁駐防各省立意至為深遠。嗣因生齒日繁披甲名糧例有定額勢不能概令食糧當差而各弁兵子弟亦有讀書向上通曉文義者聽其應試以廣進取之階所以造就人才體恤旗僕者無微不至但思八旗根本騎射為先清語尤其本業。至兼習漢文亦取其文義清通便於繙譯乃近年以來各駐防弁兵子弟往往驚於虛名浮華相尚遂致輕視弓馬怠荒武備其於應習之清語視為無足重輕甚至不能曉解朕恭閱嘉慶五年

皇考諭旨各省駐防人等准於該省考試文生原係於伊等格外恩施若專務此而廢棄清語騎射即停止此例不准考試亦屬應該俟清語騎射演習熟練時方准考試等因欽此

仰見我

皇考聖慮周詳

訓誡諄諄之至意因思清語騎射全在該管大臣官員等平日盡心訓飭操演而弁兵子弟亦必令藉此進身方能益加奮勉現在武闈鄉試各省駐防一體與考應試之人弓馬如果熟嫻不患無登進之路其應文試者必應改試繙譯庶不至專習漢文轉荒本業除本科各省文鄉試仍照例准其應考外嗣後各處駐防俱著改應繙譯考試俾有志上進者咸知非熟習清文不能倖邀拔擢自必爭相摩厲日益精通其各該將軍副都統等尤宜隨時訓練董勸兼施毋得視為具文因循積習以副朕崇實黜浮之意其考試一切章程及繙譯童試進額鄉會試中額應如何酌定之處著軍機大臣會同該部悉心詳議具奏將此通諭知之。○賞前任江西九江鎮總兵官李錡二等侍衛在大門上行走。○旌表守



正捐軀直隸文安縣民王臭妻楊氏○乙酉諭內閣慧成身任河道總督河務是其專責乃並不先事豫防致有漫口前已降旨革職暫行留任現在口門塌寬至三百六十餘丈下游州縣較之上次祥符漫口情形更為寬廣糜帑殃民厥咎甚重著即革任交敬徵等傳旨即將慧成枷號河干以示懲儆○以前任庫倫辦事大臣鍾祥為河東河道總督未到任前以河南巡撫鄂順安兼署○丙戌

上詣綺春園問

皇太后安○諭內閣敬徵等奏南河改撥銀款疊經催解未據咨報起程等語本年五月撥給南河銀一百七十萬兩前已改撥東河該處工程緊要何以屢催未解著各該督撫即將未解銀兩委員迅即起解其續撥銀二百三十萬兩亦著趕緊派委妥員即行解赴東河工次毋得稍有遲誤並將起程日期隨時報部以憑查覈至南河改撥東河之款現在

如已有解到南河者即著潘錫恩將解到之銀迅速撥解東河以濟要需○諭軍機大臣等敬徵等奏東西裏頭並攔黃壩工完竣一摺據奏兩壩裏頭及攔黃土壩現已一律築完寬長如式查量相符覽奏已悉所請先撥銀兩已明降諭旨將南河改撥銀一百七十萬兩並戶部續撥銀二百三十萬兩令各該督撫迅速起解矣所有估辦堵築大壩挑河等工著敬徵何汝霖覈實查勘摺節估計一

俟該員等造冊到日悉心酌覈具奏另片奏七月十七日水勢陡落丈餘上游河南境內惟閿鄉等州縣沿河民房田禾衝損現在並無續漲隄工亦俱平穩等情著鄂順安飭司委員馳赴被災各處會同該州縣妥為撫卹其陝州一帶有無別項情形即飭查報據實具奏將此由四百里各諭令知之尋奏遵查陝州一帶水勢並無漫洩報聞○調正藍旗漢軍副都統連貴為鑲黃旗滿洲副都統○



命西寧辦事大臣法豐阿來京。以馬蘭鎮總兵官德興為西寧辦事大臣。兼正藍旗漢軍副都統。戶部右侍郎京營右翼總兵善燾為馬蘭鎮總兵官。兼總管內務府大臣。工部左侍郎關聖保兼京營右翼總兵。○以正黃旗滿洲副都統道慶為鑲紅旗護軍統領。○添設奉天府府尹衙門番子十六名。專司緝捕提案諸事。從府尹吉年請也。○旌表守正被戕四川冕寧縣民彭興祀妹滿女。○丁亥諭

平定人等上

七

內閣禧恩等奏。參藉差受賄之驍騎校。請旨革職審辦一摺。盛京委員驍騎校富克精阿。於派查違禁私木差使。膽敢受賄得賂。實屬貪鄙不法。著即革職。並貼寫兵慶春等一併解交盛京刑部。該將軍會同該侍郎嚴訊確情。按律定擬具奏。尋奏訊明富克精阿聽賄得賂屬實。擬從重發往烏魯木齊充當苦差。慶春等說事過錢。按律問擬杖徒。下部議從之。○又諭布彥泰等奏。司員虧短公項。撤任

後列款稟控。請旨一併解任質審一摺。此案伊犂額外主事色布珍。短交布價。數至盈千。限滿仍未呈交。經該將軍等撤任聽叅。率以不干己事。列款牽控。殊屬刁健。惟所控關繫冒銷軍需。浮扣兵丁布價等款。虛實均應徹底根究。駝馬處額外主事色布珍及額外主事錫拉善協領伊昌阿。著一併解任交布彥泰慶昌提同案內人證。研審確情。務期水落石出。以成信讞。伊昌阿現在照料馬匹。進京引見。著兵部於該員到京時。即行起解歸案審訊。○諭軍機大臣等。禧恩等奏。籌議團練章程一摺。覽奏均悉。據稱奉天海疆南路尤關緊要。海口鋪商所雇壯夫。堪以兼充鄉勇。藉資團練等語。因思團練鄉勇。祇可行於有事之時。該處沿海鋪戶。多係外省客商。若令其團練。恐日久懈生。乃至有名無實。且難保無流弊。此時籌防海口。總以訓練兵丁為急務。著該將軍等督飭將弁。於所屬營伍勤加

操練務使技藝精純。足備于城之選。如果一兵得一兵之用。自較之團練鄉兵。更為得力也。將此諭令知之。○命工部尚書廖鴻荃。馳往東河。會同河道總督鍾祥。督辦中牟大工。○以禮部尚書龔守岳。署工部尚書。兵部右侍郎祝慶蕃。署管理戶部三庫事。○調吏部左侍郎柏蔭。為戶部右侍郎。兼管錢法堂事務。轉吏部右侍郎文慶。為左侍郎。調刑部左侍郎成剛。為吏部右侍郎。轉刑部右侍郎惠豐。為左侍郎。調禮部右侍郎賡福。為刑部右侍郎。以都察院左副都御史博迪。蘇為禮部右侍郎。○戊子。諭內閣吏部。奏各省查取職名。自二十一年八月奏催後。屢催未覆。並續加咨查未覆各案。共有一千八百十一件之多。其中事關實降實革者。固不容任其規避。延不開揭。即降留罰俸之案。亦豈容任意久延。該管各上司。並不實力督催。送部議結。經該部節次行催。仍未按限咨覆。致歷年行查

各案。有增無減。實屬延玩。著都察院倉場侍郎。盛京刑部侍郎。吉林將軍。暨各該府君直省各督撫。漕運兩河河道總督。熱河烏魯木齊都統。長蘆鹽政。查照吏部開單件數。迅速查明咨覆。將開報遲延各員。及歷任不行飭催之各該管上司。均按在任月日。開揭送部。一併照例議處。其早經出缺。及另案議結各案。亦著將毋庸開送緣由。咨部扣除。○己丑。命已革江南河道總督麟慶。發往東河交欽差工部尚書廖鴻荃。河東河道總督鍾祥。差遣委用。○庚寅。諭軍機大臣等。訥爾經額。奏查勘永定河北遙隄漫口。現已裹頭盤護。估需堵築。窰河銀數。籌議捐修等語。覽奏均悉。永定河北遙隄。漫水壑塌。亟應興工堵築。既據該督詳細籌勘。應就北六工正隄尾接築大壩。由柳坨村挑窰引河。即於彼處截流堵口。使大溜仍由故道。自係因勢利導。著照所議。即飭該道督同委員。趕緊辦理。所有估需

工料銀兩。准其由該督等量力捐辦。仍責成該道恆春督率廳汛委員。趕挑引河。務於霜降後一律完工。無稍遲誤。將此諭令知之。○辛卯。旌表守正被戕直隸青縣民回長有妻白氏。○壬辰。諭內閣。給事中扎克丹等奏。現在拏獲偽造假銀之劉二。供稱曾在傾銷鑪房夥做假銀。並聞已革庫丁等有密雇匠人偽造銀兩等語。上庫銀兩。向由鑪房傾鎔成錠。蓋用該銀號戳記。原以防作偽之弊。乃該

鑪房竟敢勾串匪徒。通同夥做假銀。並有已革庫丁雇令匠人偽造之事。實屬不法。已極現當清釐庫款之時。必應嚴密稽查。庶不為其朦混。著管庫大臣。飭令司員。於銀兩上庫時。率同能辨銀色之匠役。認真查察。如遇有假銀。即從嚴根究來路。不得僅令其更換了事。稍存寬縱。並著步軍統領衙門。順天府。五城。一體嚴密訪拏。以淨根株。○諭軍機大臣等。御史陳壇奏大工稽料。向係招商採買。間

因近地旱荒。酌派外州縣協濟。該州縣藉端滋擾。或按畝科派。或擇戶捐攤。或封禁民柴。或勒派車輛。弊端百出。易於激成事端。本年黃河兩岸。大秋茂盛。除被衝決處所外。其餘均已登場。即偶被雨水。而稽料不損。一二百里之內。足用有餘等語。鄰近辦料。仍須發給價銀。本地既經足用。自以招商採買為正。著廖鴻荃。鍾祥。於到工後。會同鄂順安體察地方情形。如何禁絕土棍把持。委員需索之處。

即著悉心妥議。務於國計民生。兩有裨益。方為盡善。又據奏。彰。衛。陝。洛等處。搶匪並未絕跡。瞬息辦理大工。商賈雲集。恐有搶劫焚掠之案。並著鄂順安。先事豫籌。務令匪徒絕跡。以安商販而濟要工。原摺鈔給閱看。將此諭令知之。○以安徽鑄破敝演出力。予參將恩長等升用有差。○癸巳。

上詣綺春園問

皇太后安。○諭內閣。祁墳等奏。現獲劫搶盜犯

情形。請將鎮將分別懲處一摺。廣東已革署龍門協副將張斌。前因巡洋遇盜。劫去礮械關防。降旨革職留緝。現據該處文武將案內夥犯先後獲解。惟首犯及所搶關防。未經起獲。而該革員自留緝以來。並未親獲一犯。是平日緝捕廢弛。業經叅革。又復不知愧奮。必應從重辦理。以示懲儆。張斌著先於海口枷號兩箇月。滿日發往新疆效力贖罪。瓊州鎮總兵鮑起豹。統轄洋面。並不認真督緝。至今要犯未獲。著先行摘去頂帶。如始終不能振作。即著從嚴叅辦。○又諭保昌等奏添設擡槍。分給八旗操演一摺。閩省滿洲營八旗。向止設有鳥槍。現據該將軍等。以擡槍較之擡礮。尤為便捷。請於額設鳥槍一千二百五十四桿內。挑去二百四十桿。另製擡槍一百二十桿。即以裁撤之鳥槍兵二百四十名。令其演習擡槍。著照所議妥為製造。一俟工竣。試演得力。即行分給八旗。務須勤加操演。毋致

有名無實。所有不敷演放火藥二千十六斤。鉛子一千八百斤。著准其按年一併領取。年終彙冊報銷。又敬敷奏。現存備貯火藥一萬四千四百五十餘斤。既因受潮。難於久貯。著准其加工曬晾。改為現在操演之用。其現領之七千五百餘斤。經該副都統按法提淨。僅止六成。實得淨硝四千五百餘斤。著准其將二十四五兩年八旗應領硝磺。豫先支領。加工淨煉。連前提淨之四千五百餘斤。共一萬三千五百餘斤。一併作為備貯之用。○諭軍機大臣等。祁項等奏。越南國捕弁。拏獲內地搶掠匪徒。訂期解審一摺。據稱該國巡船捕弁。拏獲匪犯船隻。內有礮械兵仗。已據匪目金二紀等。供認在洋搶劫屬實。遣使請由水路解粵。經該督等。檄飭文武員弁。俟該國船到虎門海口。管帶護送等情。覽奏均悉。即著照所議辦理。仍著密飭該員弁等。小心防範。毋致疏虞。至該國拏獲內地匪徒。解省懲辦。

實屬深明大義。應如何酌加賞資。以示嘉獎。著祁墳等於審明定案時。具奏請旨。將此諭令知之。○甲午。命雲南巡撫張澧中來京。另候簡用。調浙江巡撫吳其濬為雲南巡撫。以浙江布政使管通釐為巡撫。○烏什幫辦大臣法福哩因病解任。以正黃旗漢軍副都統興貴為烏什幫辦大臣。○乙未。

上奉

皇太后幸慎德堂進膳。○諭軍機大臣等潘錫

恩奏。沁黃壘漲。各工平穩。並趕辦中河緯隄一摺。現在辦理堵築。需用浩繁。自當力求撙節。據稱遵查御史雷以誠所奏。估挑引河一摺。現已委員查估。此項錢糧。可比原估大有節省。務當覈實估計。毋得任聽工員浮冒。至補還中河緯隄。以備空運。必應認真鑲築。著責成該管文武員弁等。趕緊辦理。毋致空運軍船稍有阻滯。其高堰廳屬頭堡。既據查有窖潮形跡。自應酌量加幫。並將堰圩兩廳子

堰加高。以防再漲。該河督仍當督飭所屬。加謹籌防。不可稍存大意。將此諭令知之。○調廣東布政使存興為浙江布政使。以廣東按察使黃恩彤為布政使。○以前任烏里雅蘇台參贊大臣盛貴署鑲藍旗蒙古副都統。○命河南癸卯科武鄉試。展至道光二十四年三月舉行。○修浙江東西兩塘柴埽盤頭各工。從巡撫管通釐請也。○丙申。以廣東督糧道孔繼君為按察使。○丁酉。諭內閣。敬徵等奏。豫省情形。既准暫開捐輸。難以並開豫工二卯事例一摺。現在籌款興工之際。自應分別緩急。各官生等。就近於河南捐輸。可期踴躍。著仍照戶部原議。於東河暫開捐輸。並准各省官紳士庶。前往具呈。輸忱自效。以濟工用。所有該尚書等。前請移開豫工二卯事例之處。著毋庸議。○又諭。前據賀長齡奏。銅鉛船隻。遇有沈溺。水摸乘機偷竊。應責成各地方官實力查拏一摺。當交戶部議奏。茲據該

部詳數具奏。銅鉛為鼓鑄要需。豈容水摸乘機偷藏。私售牟利。如果該地方官不以膜外相視。認真查緝根究。積弊自不難立破。著銅鉛經過省分各督撫嚴飭沿河地方文武員弁。嗣後遇有銅鉛船隻沈溺。務即親詣河干。眼同該運員督飭水摸。認真打撈。如或撈不足數。即派妥幹差役緝訪。遇有私賣銅鉛。查係出於水摸之手。立即嚴拏。盡法懲治。又滇黔委員銅鉛運抵天津。雇船剝運通州。由通

宣宗實錄

卷三九五

州分別水陸轉運京局。各該處船戶車夫。陸續運解。恐難免乘機偷賣情弊。並著順天府君通飭各該州縣。派役認真嚴查。毋稍姑容。以除積弊。而肅運務。將此通諭知之。○又諭賀長齡奏。錢局開鑄。請更定額鑄年分一摺。貴州省貴陽大定兩府額鑄錢文。現在開鑄鼓鑄。係用上屆存騰銅鉛。自應更定額鑄年分。覈實辦理。著照所請。貴陽大定兩局收存道光十八年銅鉛。准其作為二十三年正額

宣宗實錄

卷三九五

供鑄。其十九年採辦銅鉛。即作為二十四年正額供鑄。以後依次接算採運。局鑄報銷。均著按年覈辦。○諭軍機大臣等。敬徵等奏。遵旨查明中河漫口。專汛各員弁。搶護情形。一摺。中河漫口。據查該員弁等。均經在工搶護。惟八堡所鑲埽段。蕩沒無存。除王葵初。枷號示眾外。所有用過料物夫工價銀。即著落該河督及廳營等官。按成分賠。不准開銷。以示懲儆。至商虞通判龔慶榮。前因所辦料埽。有攙雜矮細之稽。經奏參後。降旨摘去頂帶。該員平日修防。能否勝任。著鍾祥鄂順。密察看。分別去留。據實具奏。不准稍事姑容。現在興舉大工。下游廳營各員。調赴工次。分派差使。如有昏庸不職之員。即嚴行參劾。勿令貽誤要工。將此諭令知之。○又諭。裕泰等奏。防江戰船。續造三隻。遵旨暫停興造一摺。該省鼉脊船。計前後所造共有六隻。著俟全功告竣後。由該督親往試驗。即將各船同已造

之快哨小船。均交漢陽水師營收管。並著遴派明幹將領一員。會同該營將備督率弁兵。勤加操練。務期駕駛便捷。遇有緝捕盜賊之時。即飭弁兵等配駕此項戰船。於江面往來巡哨。藉資得力。毋得日久生懈。視為具文。廣東匠役何禮貴著仍留楚省。妥為管束。毋許脫逃。將此諭令知之。○前任廣西提督薛蔭。因病休致。賞全俸。○旌表守正捐軀山東榮成縣民張莒妻王氏。○戊戌。諭軍機大臣等。祁墳等奏暹羅國王遣使呈進例貢。及二十一年萬壽貢。並補進二十年例貢。業已到粵。一摺。前經特降諭旨。嗣後越南琉球暹羅。均著改為四年遣使朝貢一次。以昭體恤。茲據該督等奏稱。暹羅國王因未接奉改定貢期公文。以致仍照舊例遣使呈進方物。並進二十一年萬壽及補進二十年貢物。具見該國王恭順至誠。所有此次貢物。准其於本年呈進。該督等即照例委員伴送該使臣起程。令

於年底到京。該國正副二貢船。准其先行回國。仍著該督等俟此次該國貢船回帆時。即將前項禮部公文。交給領齋回國投遞。嗣後著遵前旨。四年遣使朝貢一次。用示懷柔。該督等即傳諭該國王遵照可也。將此諭令知之。○又諭祁墳等奏。越南國遣使解犯抵粵。一摺。據稱該國差官張好合等船隻。業已護送進口停泊。將匪犯金二紀等。及槍礮押解至省審辦。已據該匪犯等供認在洋行劫。搶奪師船礮位。飄至越南地方被獲各情。並奏叅瓊州鎮鮑起豹。於師船被劫礮位後。並不據實稟報。迨經行查。又不詳細確查稟覆。顯有扶同捏飾情弊。著該督等即飛提該弁兵等。嚴行審訊。據實叅辦。至該國王遣官解犯來粵。深明大義。該行价等所帶壓艙貨物。著准其開艙起貨。並加恩免其納稅。用示朕嘉惠遠人至意。將此諭知祁墳。程喬采。並傳諭文豐知之。○兩廣總督耆英奏。呈進洋槍。得



旨朕親加對合。大小均各有用。內一母大小二槍箭。大靶接小靶者。可稱絕頂奇妙之品。又六眼小槍。靈捷之至。但惜其無大者耳。卿云做造二字。朕知其必成望洋之歎也。○命庫倫辦事大臣德勒克多爾濟。馳往烏里雅蘇台。會同將軍桂輪。參贊大臣車林多爾濟。樂斌。審案。○己亥。

上詣綺春園問

皇太后安。○諭內閣。管通庫奏。請將玩視命案

中書人字五

三

之知縣。撤任審辦一摺。浙江仙居縣知縣裘坤。於民婦張鄭氏具報伊子張煒耀。被應中添毆傷身死。既不立時相驗。迨經屍親上控。又不將要證暨被控縣書解質。實屬玩視人命。裘坤著即撤任。交該撫提同人證卷宗。嚴審究辦。○以通政使司副使景亮為光祿寺卿。○庚子。諭內閣。潘錫恩奏。水長工險。請留前撥東河錢文。並動貯庫備用銀錢等語。湖水接漲異常。需用甚急。所有前令撥解東河

銀款內之江西捐輸錢十九萬四千餘串。著准其仍留南河應用。毋庸解赴東河。另於河庫存款內。添撥銀十九萬九千餘兩。湊成一百五十萬兩。改撥東河濟用。其暫貯河庫之捐輸備用銀二十二萬六千七百餘兩。錢四萬二千五百串。本留為江北備防之需。現在江北無事。准將此項銀錢。均就近撥為工用。該河督務督率工員。力加撙節。毋任浮糜。如有餘存。據實報部覈辦。○諭軍機大臣等。本

中書人字五

三

日據耆英等奏。查辦咪喇哩等國通商大畧情形。並粵海關開市以來。華夷安輯。貿易照常。各一摺。覽奏均悉。西洋各國。以通商為性命。制馭之術。全在一切持平。務存大體。尤宜籌及久遠。勿得僅顧目前。所有咪喇哩等國通商章程。著議定後。即行具奏。至要約各條。現飭欒苗另派通習漢文之夷目。迅速繙譯。各等情。俱著妥商辦理。將此諭令知之。○又諭潘錫恩奏。湖水接長。搶護各工情形一摺。



高堰為全湖東障。至關緊要。昨因風暴。致將石工掣卸至四千餘丈之多。而湖水現仍接長。誌椿存水。積至二丈有餘。情形實屬危險。現據該河督已添發料物錢糧。飭員率領壩兵。添赴該處設法搶護。或用稽料。或挂柳枝。或填碎石。自可暫資抵禦。惟現當金甌司令。風信靡常。尤須先將湖水趕緊疏洩。庶免隄身喫重。山盱各壩。河前已將智信二壩。及禮義二河。啟放。其改建之仁河滾壩。灰漿未能乾老。如尚可守。自應暫守。若萬不得已。亦祇好酌量啟放。總在該河督相度機宜。隨時酌辦。毋稍貽誤。高郵各壩。向與山盱相為呼應。且本年民田二稻業已收穫。亦著次第啟放。以資宣洩。將此諭令知之。○又諭。桂良等奏。遵議練兵修械。加造槍礮一摺。並繪具陣圖礮圖。朕詳加披覽。仍是綠營惡習。專務華而不實。徒飾觀瞻而已。槍礮為行軍要具。輕便為佳。該督等現製擡礮擡槍。重皆不足二十

平定縣志卷之五

五

五斤。施放便利。辦理合宜。著督令該兵丁等隨時練習。務期施放有準。至萬斤八千斤銅礮。極為笨重。該省跬步皆山。不如一二百斤者。多為鑄造。較為靈便。操演陣式。要在技藝精熟。不可徒飾觀瞻。長矛一項。遇短兵相接時。尤宜勤加操練。以期得力。此項添造礮槍等件。所用一切工料銀兩。係由該省捐辦。著免其造冊報銷。將此諭令知之。○免浙江溫州等幫湖南頭幫三幫。遭風漂失米石。並准

實錄卷之九十五

五

浙江海寧等幫沈溺米石分限買補

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十五

宣宗實錄卷之三百九十五

六

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十六

欽此

內務府大臣領口部滿洲部稽察內七倉大臣管理宗人府欽庫在案欽此

七倉大臣將家會同四譯館事務加一級隨帶加六級功加三級欽此

內務府大臣領口部滿洲部稽察內七倉大臣管理宗人府欽庫在案欽此

欽此

欽此

道光二十三年癸卯八月辛丑朔秋分夕

宣宗實錄卷之三百九十六

一

月於西郊遣莊親王綿詳行禮○諭軍機大臣  
等李廷鈺奏浙洋現在情形一摺嘆夷現已  
通市寧波指日開港著該提督嚴禁兵役藉  
端滋擾至通商貿易事屬創始著與同城文  
武悉心商辦鎮鎮靜彈壓毋任別生枝節其浙  
省水陸鎮將備弁著與劉韻珂察看整頓秉  
公覈辦所奏閩造同安校船駕駛到浙如果  
得力即將補造之船趕緊造辦以次配補均  
著會同劉韻珂妥籌辦理將此諭令知之○

壬寅。命詹事府詹事王廣蔭提督順天學政。刑部左侍郎王植提督江蘇學政。詹事府少詹事張芾提督安徽學政。內閣學士吳鍾駿提督浙江學政。翰林院編修王履謙提督湖北學政。福建道御史陳壇提督湖南學政。翰林院編修劉定裕提督河南學政。侍講學士殷壽彭提督山東學政。編修沈祖懋提督山西學政。左春坊左中允金國均提督陝甘學政。江南道御史蔡振武提督四川學政。翰林

實錄卷一百九十六

二

院修撰李承霖提督廣西學政。編修吳存義提督雲南學政。編修胡家玉提督貴州學政。江西學政孫瑞珍。福建學政李嘉瑞。廣東學政李棠階。奉天府府丞兼學政李純仍留任。○以戶部右侍郎柏蔭兼署吏部右侍郎。兵部右侍郎祝慶蕃兼署刑部左侍郎。○癸卯。諭內閣布彥泰等奏廢員文冲呈請贖罪一摺。文冲前在河督任內疏防漫口。糜帑殃民。厥咎甚重。所有該廢員呈請贖罪之處著不

准行。惟朕以孝治天下。念伊母年逾八旬。不忍其暮年失養。用是破格施恩。文冲著准其回旗養親。以示法外之仁。○諭軍機大臣等。前據御史雷以誠奏東河捐輸事宜當交敬徵等會同妥議。茲據該尚書等逐款議奏。所有該御史請令捐生交納料物之處。事屬難行。著毋庸議。其所稱各捐生報捐糧石一層。自係為儲備民食起見。惟運赴工次及附近各州縣存貯。易滋弊混。著照該尚書等所議。

實錄卷一百九十六

三

飭令願捐米麥雜糧者俱在河南省城具呈。由藩司查覈歸入現行捐輸款內。詳請議敘。其所收糧石另貯倉廩。以為賑給災黎之用。並著鄂順安出示曉諭。廣為招徠。督飭藩司妥協經理。至此次河南暫開捐輸。原為便民利用。仍聽該官生等捐輸銀錢。各從其便。將此諭令知之。○山東兗州鎮總兵官趙光璧以母老乞養。允之。○山西蒲州協副將富勒興阿為兗州鎮總兵官。○以緝捕勤奮賞山

東知縣袁傅表知州銜開復知縣周含萬等  
頂帶○撫卹陝西沔城洋三縣被水災民

○甲辰

上詣綺春園問

皇太后安○遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍

潭

宣宗實錄卷三九六

四

昭靈廣濟普澤龍王之神○遣官祭圓明園

惠濟祠

河神廟○給河南中牟祥符通許尉氏陳留

杞鄆陵淮寧西華沈邱太康扶溝項城鹿邑

睢陽武十六州縣被水災民一月口糧○乙

巳

上詣

大高殿行禮○還宮○遣官祭

文昌帝君廟○諭內閣程琳采奏請將欠解

宣宗實錄卷三九六

五

錢糧之知州暫行革職一摺所參是安徽前任宿州知州楊斯熙任內有應解徵存新舊正項錢糧一萬數千兩延不批解輒稱承辦兵差墊用請領供兵銀兩批解錢糧為朝廷正供豈容任意列抵楊斯熙著暫行革職勒令將徵存正項逐款批解並嚴飭接署知州將楊斯熙經手倉庫錢糧趕緊盤查有無虧缺據實稟辦現任廬鳳道鄭家麟鳳陽府知府愛崇阿於所屬徵收錢糧作抵兵差賠墊事前疏於禁飭事後難任推諉並著勒限兩箇月責成該道府督令將所屬已徵銀款埽數完解儻敢稍留帶欠即行據實嚴叅如道府稍有瞻徇亦著一併叅辦○諭軍機大臣等程琳采奏皖省被淹州縣水勢及陸續報獲匪徒一摺河南中牟漫水皖省地處下游被淹必廣現據查明頂衝之太和縣通境被災分注之亳州及濱淮十餘州縣窪地淹入水中太和業已碾動倉糧發銀撫卹餘亦飭

查詳辦等語。著程琳采嚴飭印委各員認真勘辦。務須妥為經理。覈實散放。不可視同故事。所有著名匪棍。已據飭司兇拏。稟獲首次。要犯多名。仍當上緊偵緝。分路兜擒。必使匪徒無所託足。以靖地方。此次被災州縣輕重情形。著即趕緊勘報。已獲匪棍嚴行究辦。俾除莠安良。並行不悖。方為妥善。將此諭令知之。○以祭

社稷壇。自是日始齋戒三日。○丙午。以禮部尚

書麟魁為順天鄉試正考官。兵部尚書許乃普國子監祭酒花沙納為副考官。○以都察院左都御史特登額署禮部尚書。吏部左侍郎陳官俊署兵部尚書。肅親王敬敏署鑲藍旗漢軍都統。○以伊犁領隊大臣長清為庫車辦事大臣。庫車辦事大臣扎拉芬泰為伊犁領隊大臣。○命陝甘總督富呢揚阿撥銀六千一百九兩。解赴和闐備道。光二十五年經費。○丁未。祭

先師孔子。遣戶部尚書祁寯藻行禮。○諭內閣稽查崇文門稅務滿漢御史著裁撤。○戊申。祭

大社

大稷

上親詣行禮。○幸圓明園。○詣綺春園。問

皇太后安。○己酉。

太宗文皇帝忌辰。遣官祭

昭陵。○諭內閣劉韻珂奏請將水師總兵撤任

一摺。浙江溫州鎮總兵德年。由廣西陸路副將升用。到任後。雖並無廢弛之事。究於水師情形。不能熟悉。德年著先行撤任。溫州鎮總兵員缺。准其以該鎮標中營遊擊葉紹春護理。○諭軍機大臣等。劉韻珂奏浙洋泊有夷船。暫行留浙督辦等語。前據耆英議定通商事宜。已據行知各省。浙江事屬創始。有與粵省情形不同之處。著劉韻珂會同管通商李廷鈺體察寧波等處地勢民情。與該夷先申

要約俾免膠執貽誤其如何稽查偷漏之處並著妥議辦理據奏夷人即日到浙該督暫留浙省與夷面加查議若遲至八月以後即交管通羣妥辦馳赴閩浙新任等語覽奏均悉管通羣已授浙江巡撫責無旁貸如夷人到浙已在劉韻珂起程之後即將應辦事宜妥行籌辦無稍貽誤其溫州洋面盜匪尚多著該督等嚴飭鎮將添船配兵會合兜擒無分畛域以期有犯必懲所有溫州鎮總兵德年現已撤任著劉韻珂於抵閩後察看有無可以對調之員分別酌調請簡張從龍等三員均准其帶赴閩省將此諭令知之尋奏德年不勝水師總兵之任閩浙兩省各鎮亦無可對調之員請旨簡放得旨溫州鎮總兵著汪士達補授○庚戌

萬壽節遣官祭  
太廟後殿○遣官祭  
福陵

昭陵  
昭西陵  
孝陵  
孝東陵  
景陵  
泰陵  
泰東陵  
裕陵  
昌陵○遣官祭  
孝穆皇后  
孝慎皇后  
孝全皇后陵寢○遣官祭  
顯佑宮  
東嶽廟  
城隍廟○  
上詣  
安佑宮行禮○詣綺春園  
皇太后前行禮○御正大光明殿皇子及王以

下文武大臣官員蒙古王公額駙等行慶賀禮○御同樂園賜皇子及內廷王大臣蒙古

王公額駙等食○諭內閣山東曲阜縣

先師林廟係萬方觀禮之鄉遇有祀典必應致誠盡敬以示尊崇一切禮儀祭品尤宜整齊蠲潔用肅觀瞻現在雖無不備之處但恐日久懈生稍失誠敬著山東巡撫嚴飭地方官隨時敬謹察看每屆祭祀之期務須恪恭將事毋得視為具文用副朕崇儒重道至意

○辛亥

太祖高皇帝忌辰遣官祭

福陵○壬子

上奉

皇太后幸同樂園進膳賜皇子及內廷王大臣蒙古王公額駙等食○以陝西陝安鎮總兵官豐伸為喀什噶爾換防總兵官○撥陝西西安鎮標裁留撫標餘贖經制外委一員額外外委二員歸西安城守協營管轄從總督

富呢揚阿請也○癸丑

上詣

安佑宮行禮○遣官祭

關帝廟○諭內閣敬徵等奏會勘堵築中河漫口估計壩工挑河銀數一摺此次堵築漫口經敬徵等覈實查勘所有築壩挑河購辦正雜料物及匠夫等工通共實估需銀五百十八萬二千四十二兩零著各該省督撫等將撥解東河銀款迅速委員解往以濟工用

惟興工購料必須妥實合用庶不虛糜帑項著廖鴻荃鍾祥嚴查築壩料物革除挑河弊端認真督辦力求撙節並嚴飭工員等實用實銷不准絲毫冒濫至現在估定之數與現撥之款計尚餘銀八十一萬七千九百五十七兩零俟儘數解工後仍報部查覈毋稍含混又片奏戶部奏准各省支發銀兩內有應行扣平之項此次興築中河口門與別項工程不同請仍照舊章毋庸扣平等語著通飭

各省將應行撥解河南藩庫工需銀兩毋庸扣平。○甲寅以訪獲鄰境匪犯中城兵馬司正指揮方傳書下部議敘。○乙卯旌表守正捐軀河南汝陽縣民張劣子妻李氏。丙辰旌表守正被戕貴州清江廳民李奉山妻蕭氏。○丁巳

上詣綺春園問

皇太后安。○遣官祭昭忠祠。○諭內閣裕泰奏湖南耒陽縣搶犯關堂案內人證久未解到

請發回該省就近拘質一摺。此案段拔萃等供情閃爍。非提集全案人證不能質實。惟犯證眾多。北南兩省。行提多滯。且現在湖南巡撫藩司均係甫經蒞任。無所用其回護。所有段拔萃。段孟輝。即段基望。並段克明等著一併解交陸費瑒督同萬貢珍就近飭提各要犯同被控書役人等到省。東公質審。按律定擬具奏。另片奏耒陽縣刀生倚眾抗糧。飭拏究辦等語。仍著裕泰會同該撫責成該管道

府督率署縣會營嚴拏蔣慶雲等務獲究明懲辦。如敢縱延即將該道府一併嚴參。○又諭陸費瑒奏知縣驗審命案倒填年月補詳請撤任交議一摺。湖南桃源縣知縣張夢蛟於民婦何潘氏身死一案。先未錄供通詳。直至屍屬潘朝瑞遣抱京控遞回。始行倒填年月補詳。顯係意存規避。張夢蛟著先行撤任交部議處。至此案何潘氏究係因何身死該縣原審有無不實不盡。著該撫親提人證嚴

訊確情。按律定擬具奏。○諭軍機大臣等前據祁墳等奏候選道潘仕成製造水雷二十具。派令學習製造之生員李光鈐議敘八品職銜。潘仕豪議敘從九品。李光業帶同匠役齋京試演。現在李光鈐等將水雷齎到。著訥爾經額遴派幹員來京。令同李光鈐等三人將水雷火藥一併帶至天津。交善祿向榮擇水深寬敞之處會同試演。是否適用。著該督即行具奏。其水雷圖說一冊。屆時交該委員



帶給該總兵等閱看。以便如式試演。將此諭令知之。○又諭浙江提督李廷鈺。有統轄水陸之責。現在溫州洋面盜案尚多。該提督並未親自出洋。不能勝提督重任。著劉韻珂。管通羣於閩浙兩省水師總兵內。密行保舉一人。聽候簡用。至李廷鈺如何不勝任之處。仍著該督等據實奏。毋稍徇隱。將此密諭知之。○順天鄉試監臨官文慶。巡牆御史雙壽稽查磚門御史徐嘉瑞等奏。本月十五日准

軍機處

四

步軍統領衙門。拏獲在貢院牆外。向內拋擲布捲之董來升。李張氏二名。訊據董來升供稱。李張氏之子李七。在場內充當水夫。李張氏託伊用布捲燒餅。擲進場內。給伊子食用。等語。正在查辦間。詎十六日寅刻。士子放牌內場。委官不遵舊章。不候轎門御史齊集。遽行開門。李七乘間逸出。直至西轎門。被協尉富陞拏獲。請交部審訊。得旨。李七即李老兒。董來升。李張氏。俱著交軍機大臣會同刑部

嚴行審訊。協尉富陞。於該犯李七乘間混出時。即行拏獲。不令要犯脫逃。甚屬勤能。著加恩賞戴花翎。以應升之缺。即行升用。其幫同拏獲之人。並著該衙門查明。從重獎賞。內場委官。不候轎門。御史到齊。擊鼓應號。遽行開門。致使要犯逸出。咎無可辭。著即查取職名。交部嚴加議處。文慶。陳孚恩。辦理不善。著交部議處。○戊午。諭內閣。禧恩等奏。拏獲偷砍偷運木植人犯多名。交部嚴審一摺。此案賊

軍機處

一

犯孫振曲等。膽敢糾約多人。私越邊柵。砍運木植。實屬藐法。已極。必應徹底根究。從嚴懲辦。所有現獲各犯三十九名。著禧恩會同盛京刑部侍郎。研審確情。按律定擬。具奏。其案內逸犯。仍著該將軍等。嚴飭管界各官。緝拏務獲。歸案審辦。城守尉瑞。沿江堵緝。拏獲緊要賊犯三十九名。大小木植二千九百餘件之多。緝拏甚屬勤奮。著加恩賞戴花翎。以示鼓勵。防禦富春。驍騎校多倫布。附近海口

不能實力堵截疲玩無能均著交部嚴加議處福克錦布見有木排下運即行稟報著免其查叅○順天府以宗室鄉試中額請得旨取中五名○以右春坊右贊善郭沛霖翰林院編修路慎莊陳寶禾署日講起居注官○己未署漕運總督李湘榮奏練習漕標兵丁並進呈圖說得旨如法認真訓練設有用之處自必得力○以甘肅永昌協副將站住為江西九江鎮總兵官○庚申軍機大臣會同禮部議覆駐防考試繙譯章程二十條○各省駐防貢監應與駐防生員一體改為繙譯鄉試不准復應文闈○繙譯會試中額應照京旗奏請中額之例開明人數請旨○各省繙譯鄉試准照文闈各就本省舉行○各省蒙古繙譯亦應照滿漢繙譯鄉試之例辦理○繙譯鄉試題目由禮部奏請欽命試以四書文清字論題一道滿洲蒙古繙譯題一道即由派出該省之文闈考官帶往親交監

臨刊刻頒發○繙譯題目由各省將軍豫派隨印筆帖式一二員入場繕寫○繙譯鄉試點名散卷收卷彌封各事宜責成該監臨於文闈入場官員內酌留數員接辦○繙譯鄉試入場之前應由該將軍副都統城守尉等出派旗員臨場識認以杜頂替○繙譯鄉試中額每十名取中一名過半者增中一名至多不得過三名○駐防中式繙譯舉人應於會試前一月來京由禮部奏定日期覆試如遲至三科不覆試者永遠不准會試亦不准赴部銓選○繙譯中式試卷由監臨於揭曉之次日派員起解限五十日內通行解部不得逾限○繙譯試卷紙張尺寸照京旗畫一造辦仍令該士子於投卷時親寫卷面填明年歲履歷○繙譯錄科由該將軍副都統城守尉等先看騎射○繙譯錄科於鄉試年五月內由該將軍等出題考試滿洲用漢字繙譯題一道蒙古用清字繙譯題一道○繙譯

童試由該將軍副都統城守尉等先看騎射  
合式者出題局試憑文取進。繙譯童試題  
目滿洲用漢字繙譯題一道蒙古用清字繙  
譯題一道。各省繙譯童試俱於黎明點名  
入場日入出場不准繼燭。繙譯童生仍照  
京旗三年兩考歲試年於八月考試科試年  
於五月考試。繙譯童試每五六名取中一  
名。至多不得過五名。俟人數眾多再請加額  
。各省駐防文生向設有廩增額缺今既令

實錄卷一百七十六

其改應繙譯原設廩增額缺應酌量裁撤以  
免辦理兩歧從之。○修復浙江山陰上虞二  
縣衝坍柴塘從巡撫管通羣請也。○辛酉諭  
內閣周之琦奏參玩視控案致釀人命之知  
縣請旨革職審辦一摺廣西來賓縣知縣楊  
定銓於地方控告結拜之案並不上緊拏辦  
致日久釀成二命又不立即詳報迨經飭查  
始行具稟仍未將委員拏獲交辦之張漢彪  
等犯訊究聲明實屬有心隱匿廢弛不職楊

定銓著即革職交該撫提集全案人證並該  
縣門丁差役嚴究確情按律定擬具奏。○壬  
戌諭內閣吏部奏嚴議內場委官並議處監  
臨一摺向來貢院門啓閉內場御史是否均  
有稽查之責著文慶確切查明據實具奏。○  
又諭已革兩江總督牛鑑此次著無庸歸入  
朝審辦理。○又諭奕山著即釋放回家閉門  
思過。○癸亥。

世宗憲皇帝忌辰遣官祭

實錄卷一百七十六

泰陵○

上詣

安佑宮行禮。○諭內閣本日據文慶奏查明道  
光二十年新定章程貢院啓閉俱由監臨監  
試提調會同執門御史公同管理此次放牌  
時不候執門御史到齊遽行開門致令要犯  
逸出文慶等已交部議其餘應議各員著吏  
部查取職名照例議處。○甲子。  
上詣綺春園問

皇太后安○諭軍機大臣等敬徵等奏議覆御史李恩慶條陳招募商民交錢易鈔一摺據稱辦理大工銀錢並用若待部頒印鈔招募商民交錢應用實有緩不濟急之勢該御史所奏著毋庸議敬徵何汝霖如無應辦及會商要件即著回京至現當興辦大工以銀易錢儻經市儈從中把持任意擡減恐經費益形折耗著廖鴻荃鍾祥郭順安嚴密訪查務令市價均平帑項均歸實用方為有濟將此

宣宗實錄卷三九六

六

諭令知之○又諭祁墳奏請委總兵會同水師提督緝捕盜匪等語據奏西路洋面龍門協師船被盜抗拒搶去副將關防一案盜首尚未就獲探聞匪船大小不過三十餘隻惟海洋遼闊難保不此等彼竄著准其派委署南澳鎮總兵賴恩爵即赴西路會同提督吳建勳上緊緝拏毋致蔓延所有大鵬協副將准其以沈鎮邦護理將此諭知祁墳吳建勳並諭賴恩爵知之○以廣東香山協副將楊

宣宗實錄卷三九六

七

德雄署陽江鎮總兵官○乙丑諭內閣太監張成友因伊同鄉黃七鬼被中城指揮訪拏押解前往探視因官人攔阻不依肆言喧鬧該犯以太監膽敢向指揮衙門挺身滋事迨經官人攔阻猶復肆意喧鬧實屬不法張成友著發往黑龍江給兵丁為奴遇赦不赦○丙寅諭內閣漕糧為天庾正供節經降旨令有漕各省督撫嚴飭所屬早兌早開剋期渡黃毋稍延誤乃近年重運漕船不能如期抵壩以致到通歸次兌受新漕遞相延誤總緣各督撫不肯破除情面實力催趲所致現已節逾寒露水勢漸消著漕運總督及沿途各督撫分飭所屬嚴行催趲且本年各省回空軍船連檣渡黃銜尾遙行毫無周折定能如期歸次來歲新漕尤當趕緊辦理按限兌開統於四月初十日以前全數趲至清江剋期抵壩以便渡黃北上毋稍耽延儻視為年例具文仍前怠玩致令臨事周章定將該漕督

及各督撫嚴行懲處決不寬貸將此通諭知之○正藍旗蒙古副都統富興阿因病乞解任命以三等侍衛休致以吏部左侍郎文慶兼正藍旗蒙古副都統○命大學士潘世恩在紫禁城內乘轎○御前頭等侍衛特興額中箭五枝賞副都統銜乾清門二等侍衛穆特布中箭四枝授御前侍衛○丁卯諭內閣戶部奏議南河豫購來年歲料銀兩一摺著照議如數撥銀一百二十萬兩即著該督撫鹽政監督等於文到日迅即派委妥員解交江南河庫以備工需本年七月間東河南岸漫口下游斷流處所工程較少其春間所請豫防大汛銀兩必有節省此次請撥銀兩業經如數撥給著潘錫恩查明兩次節省銀兩即作為另案工程之用報部覈銷該河督總當力求撙節毋任工員稍有冒濫以重帑項東河漫口現已興工將來合龍後河歸故道水勢建瓴而下所有各廳工程如有卑薄之

實錄卷三百六

十一

處必須加高培厚並著該河督確切查明飭令各工員認真堅築如有草率偷減即行嚴叅懲辦○諭軍機大臣等廖鴻荃等奏會商設廠購料並挑河築壩大概情形一摺據奏九月初一日開廠收買物料先期出示曉諭並飭買收各員隨到隨收立時給價現在麟慶業已到工著即飭令督率廠員認真經理儻有抑勒料戶短給價值或料物不堪應用等弊即著稟請嚴叅從重懲辦至挑河築壩事宜現擬啓除埂界宣洩積水逐段撈挖並移會南河於江南交界地方挑挖引溝以期將來開放引河建瓴而下等語覽奏已悉分挑各員能否照估妥辦並著麟慶會同河北道莊瑤不時巡查麟慶係加恩予以自新之人當如何激發天良勉期報效至築做東西壩基該處土性沙鬆根腳必須牢固挑水壩基係在新淤淤灘之上尤須加倍慎重著即責成廖鴻荃鍾祥鄂順安於引河挑完之後

實錄卷三百六

十一

親往驗收。並隨時查看。壩基儻辦。理稍有不善。致誤大工。合龍。惟該尚書等是問。另摺奏請調南河參將盧永盛。並曾歷大工熟諳能事者兩三員。帶兵三百名。來豫襄辦。已諭知潘錫恩照議調撥矣。此次興築大工。著派南陽鎮總兵都勒豐阿。俟開工時。酌帶弁兵常川駐工。梭織巡防。以資彈壓。工竣仍飭歸伍。將此諭令知之。○又諭廖鴻荃奏請調南河員弁襄辦大工一摺。向來東河遇有大工。俱

宣宗實錄

宣

調南河熟練工員。並帶捆鑲兵到工幫辦。茲據奏稱。江南河營參將盧永盛。精曉河務。著潘錫恩即飭該參將迅速起程。務於九月初十日以前。趕赴豫工。毋稍延誤。再於各廳營中。擇其曾歷大工熟諳能事者。各派兩三員。帶領捆鑲兵三百名。隨後赴豫。以資差遣。將此諭令知之。○命欽差工部尚書廖鴻荃。河東河道總督鍾祥。會同河南巡撫鄧順安。辦理中牟大工。○戊辰。遣官祭賢良祠。○己巳。

旌表守正捐軀廣東南雄州民李灼華妻伍氏。

宣宗實錄

宣

大清宣宗效天符運立中體正文聖武智勇仁慈儉勤孝敏成皇帝實錄卷之三百九十六





哲等審辦情由。與邊界營官所訪情節。大略相同等語。該大臣等接到廓爾喀來稟。當時作何諭覆。何以摺內未經聲敘。嗣後儘再遞稟詞。當諭以該國自投誠以來。極為恭順。茲據來稟。係該國王本境事宜。應如何處置。儘可自行酌量。秉公辦理可也。至此次廓爾喀滋鬧緣由。現在是否安靜。著孟保等遵照前旨。密為偵探。切勿張皇。尤不可令該國知之。仍當嚴守邊界。勿令該國頭人沿邊逃竄。另

實錄卷三九七

十

生枝節。是為至要。將此諭令知之。○壬申。

上詣綺春園問

皇太后安。○御洞明堂。勾到新疆雲南貴州情實罪犯。停決雲南斬犯五人。絞犯一人。貴州斬犯十二人。絞犯二人。餘六十四人予勾。○諭軍機大臣等。成剛等奏勘估南河應辦現辦各工。并堵合緯隄一摺。據單開覈減各工。統共實估需銀八十九萬兩零。著潘錫恩按照此次覈定銀數。如式挑築。務須工堅料實。

不得稍有虛鬆情事。所奏中河緯隄現已堵合穩固。漕行無礙。覽奏均悉。現在義河未砌大石。將來是否必須越堵。並另片奏高堰山盱掣卸石工。應俟東河合龍後。水勢落定。察看情形。並著潘錫恩屆時勘估覈實具奏。將此各諭令知之。○軍機大臣穆彰阿等奏會議浙江善後事宜。一。改提標左營兵丁為外海水師。一。鎮海營改隸提督管轄。一。移昌石營都司駐石浦。並添設兵丁。一。改乍浦營參

實錄卷三九七

一

將為副將。並添設兵丁。一。海鹽縣之澉浦地方。添設外海水師。一。海寧州添設內河水師。一。添設弁兵。即在本省各營裁撥。一。通省陸路兵丁。選十分之三。專習火器。一。乍浦駐防旗兵。專習陸戰。一。水師以巡緝為操練。一。水師各鎮。照例出洋統巡。並按期會哨。一。提督每年親往沿海各營校閱兵技。一。巡撫每年親赴乍浦等處。校閱兵技。一。水師額設戰船。俟同安校船造成。試驗後。按營分設。一。錢塘



江內添設船隻以習水戰。一。水師營內招募善於泅水之人教習兵技。一。修復招寶金雞兩山及乍浦等處礮臺。一。鎮海乍浦後路添築礮臺。並將海寧州鳳凰山礮臺移建山下。一。海寧海鹽交界之談仙嶺建築石寨並修礮臺。一。沿海城寨擇要修復。一。酌裁馬兵節省經費協貼各兵賞項。一。演習槍礮添製火藥鉛丸。一。添鑄礮位補製器械。一。修建各工分別動款並勸諭捐輸從之。○癸酉諭內閣

軍機大臣會部議覆浙江善後事宜二十四

五

條內提督每年親往沿海各營校閱兵技並巡撫親赴乍浦考覈二條著閩浙總督明查暗訪如該提督巡撫視為具文並不屆時親往以致日久廢弛即著該督指名叅奏儻該總督意存瞻徇匿不舉發經朕別經查出定將該總督一併懲處決不寬貸至所稱同安梭船於錢塘江水性不宜即著照所擬船式各製一隻察看何項相宜酌量製造分撥泗

水漁戶准其酌募教演兵丁以期得力不得濫竽充數有名無實。○諭軍機大臣等昨據軍機大臣會部議覆浙江善後事宜二十四條已明降諭旨依議行矣所有招寶金雞兩山及乍浦等處修復礮臺並鎮海乍浦後路添築礮臺及海寧海鹽交界之談仙嶺建築石寨內修礮臺並沿海城寨擇要修復以備藏兵抄襲四條並添鑄礮位一節均係海疆緊要事宜著管通羣嚴飭承辦各員按款如

式確估興辦工竣後該撫親往驗收並著於

六

查驗事竣後專摺具奏候朕簡派親信大臣前往覆查試演儻礮臺工程草率偷減及演放礮位不能得力經欽派大臣查出恐該撫不能當此重咎也懍之將此諭令知之。○甲戌以捐鑄礮位予安徽知縣傅繼勳等加銜升用有差。○乙亥

上御洞明堂勾到四川情實罪犯停決斬犯五十五人絞犯四人餘一百五人予勾。○衍聖

公孔繁灝奏到籍日期得旨行者本也文者未也孝弟忠信禮義廉恥勉力而行以端風化以闡正宗朕有厚望於卿即所以欽慕先師於無既矣○展緩福建廈門甫經復業農民舊欠額賦○丙子諭軍機大臣等廖鴻荃等奏遵查排桌牌桶積弊並現擬辦理章程一摺據稱散給夫價皆用牌桶編列字號其管理牌桶之員弁賢愚不一難保不任聽跟役兵丁偷漏錢文甚且明知其弊暗與分肥種種弊端難以枚舉請加給薪銀嚴定賞罰等語覽奏均悉該文武員弁跟役兵丁等加給薪銀原所以養其廉恥第恐議加之後積弊仍未能盡除稽查仍視為具文是經費之支發徒增而官役之侵漁如故於覈實整頓之道尚未能確有把握著廖鴻荃鍾祥鄂順安悉心籌畫再行妥議具奏將此諭令知之○丁丑諭內閣現在將屆冬令天氣漸寒京師地面五方雜處良莠不齊難保無外來

匪徒潛蹤竊發該地方文武員弁及營汛司坊均有緝捕之責自應不分畛域實力查拏著步軍統領衙門順天府五城嚴飭所屬加意巡邏遇有形跡可疑之人立即究辦其堆撥兵房更棚窩鋪原所以盤詰奸宄近來日漸懈弛以致竊案累累犯無弋獲務當力加整頓不准視為海捕具文至畿輔一帶幅員甚廣即如南苑地方遼闊四處可通其緝捕各員文員係順天府統屬而武職又係直隸總督管轄設匪徒潛跡其中難免此拏彼竄緝捕之員亦易互相推諉欲使畿甸肅清閭閻靜謐應如何明定章程實力稽察之處著順天府直隸總督悉心會議具奏○諭軍機大臣等御史齊承彥奏黃河上游聞有淤塞請飭在工大臣會同河臣查勘一摺據稱小函關土山坍塌壅塞水勢雖現在業經過水仍流至漫口而出恐河底一時未能刷通來年伏秋大汛如遇盛漲挾沙帶泥而來防有

壅阻等語。著廖鴻荃、鍾祥、鄂順安會同查勘。如果小函關淤墊屬實，自應設法疏通，俾暢行無阻，以期河流順軌。又另片奏疏通黃河之法，惟爬沙船及混江龍可以蕩疏淤塞，並切灘一法，似可循照辦理等語，是否可行，著廖鴻荃等體察情形，悉心妥議具奏。將此諭令知之。○以翰林院編修惲光宸為河南鄉試正考官，檢討時大杭為副考官。○調伯都訥副都統巴雅爾為吉林副都統，阿勒楚喀副都統倭克精額為伯都訥副都統，吉林副都統果星阿為阿勒楚喀副都統。○緩徵陝西葭府谷、神木、三州縣被雹村莊下忙額賦。○戊寅。

上詣綺春園問

皇太后安。○諭軍機大臣等：本日據都察院奏，吉林旗婦德吳氏、西高氏以結黨蠶食剝民肥己等詞來京具控，已明降諭旨，交倭什訥斌良前往查辦矣。雙城堡該管旗弁原為撫

育京旗而設，若該弁等敢藉為斂財之地，朋比為奸，多方舞弊，致令不能安居於京旗生計，殊有關係。倭什訥斌良接奉此旨，著即馳赴該處，提集該管旗弁，嚴行訊究。如果有斂財舞弊情事，即據實參奏，以儆官邪而安旗業。將此諭令知之。尋奏：委筆帖式張見龍侍有管街道之職，任意侵占官地，實屬膽大妄為，擬發往軍臺效力。德吳氏、西高氏控雖未實，究屬有因，且係婦女，無知，應毋庸議。下部

議從之。○江南河道總督潘錫恩奏報秋汛

安瀾，命詣

河神廟祀謝，並下部議敘出力員弁。升敘有差。○以兵部尚書裕誠為滿洲繙譯鄉試正考官，右侍郎舒興阿為副考官。○以山東陵德、齊東、禹城、鄆城、聊城、堂邑、茌平、清平、冠高、唐夏津十二州縣麥收歉薄，暫行改徵粟米。○己卯遣官祭

都城隍之神。○諭軍機大臣等：劉韻珂奏會

籌通商事宜。請交巡撫查辦一摺。前因喫夷。即日至浙通商。該督奏明。前赴寧波體察情形。與夷酋面加約束。茲據奏該夷尚無到浙確耗。已將應議各事宜。與管通商逐一商酌。意見相同。俟該道府等與該夷要約後。具詳撫臣覈辦等語。浙省海口紛歧。此時甫議通商。自以嚴杜偷漏為第一要務。所有口內商民。應責成經管海關之員。及該地方官稽查。至夷官夷商等。尤應於到關之時。開誠布公。要以信義。著管通商飭令該管道府。於夷商到寧波海口之時。查照著英現定章程。妥為辦理。其應如何因地制宜。綜覈稽查之處。務當籌畫盡善。以期經久無弊。如查有走私漏稅之犯。立即從嚴懲辦。毋稍疏縱。將此各諭令知之。○禮部奏十月初十日

皇太后聖壽節。應行禮儀。得旨是。照例行禮。奉皇太后懿旨。停止筵宴。在外公主。福晉命婦。進內行禮之處。並著停止。○以陝西河州鎮總

兵官徐華清為福建陸路提督。甘肅中衛營副將哈勒吉那為河州鎮總兵官。○修直隸永定河北七工遙隄。暨東光縣隄工。故城縣民埝。從總督訥爾經額請也。○庚辰。旌表守正捐軀河南上蔡縣民張錫玉妻蕭氏。○辛巳。頒南河

風神廟

御書扁額曰徵祥佑順。對聯曰回瀾施惠羣生濟。應候宣和四序調。○以鑲紅旗蒙古都統

祿普署正藍旗漢軍都統。理藩院尚書吉倫泰署鑲黃旗領侍衛內大臣。定郡王載銓署管理鑾儀衛掌衛事大臣。○予故大學士王鼎入祀鄉賢祠。從陝西巡撫李星沅請也。○壬午。諭軍機大臣等。富呢揚阿奏。勦捕野番動用經費。除借領庫銀二十萬兩外。墊發銀二千三百五十一兩零。又將軍臺會亭子設防築堡等項。另借庫銀二萬兩。請於總督藩司及各道府廳州縣養廉內。無論正署。自本

年九月起。分作十年攤扣歸款等語。著照所議辦理。此項經費。免其造冊報銷。將此諭令知之。○以勦辦青海野番出力。賞甘肅守備李湖。千總續濟花翎。把總王宗訓等藍翎。餘升敘有差。○癸未。

上御洞明堂。勾到廣東。廣西。福建。奉天。情實罪犯。停決廣東斬犯八人。絞犯二人。廣西斬犯二人。絞犯一人。福建斬犯一人。奉天斬犯九人。絞犯一人。餘五十五人予勾。○諭內閣。廖

鴻荃等奏。請飭催撥款一摺。中河大工。現已興辦。必須錢糧應手。始無停工待餉之虞。所有各省撥解東河之款。前經疊次降旨。飭令派員迅速起解。茲據該尚書等奏稱。現在各省撥款。除解到及准咨已解外。其餘尚有二百十六萬兩零。未經起解。開單呈覽。著各該督撫。及各關監督。迅速委員兼程運解。務於十月內一律到工。以濟要需。毋得稍有遲延。○又諭宗室奕賚。於獲罪遣戍後。不知悔過。

自新。輒娶民女為妻。雖因被控悔悟。退婚。究屬違例。奕賚著照議改發黑龍江圈禁三年。以示懲儆。期滿釋放。後交該將軍嚴加管束。○以因病解任土爾扈特副盟長貝子那遜德勒克。孫普爾普。哈丹襲爵。並補授副盟長。○甲申。欽差工部尚書廖鴻荃等奏。分廠買料。設法招徠。得旨。安速辦理。勤慎真實。不可稍忽。○旌表守正捐軀山東武城縣尼廣建。○乙酉。

上詣綺春園問

皇太后安。○諭軍機大臣等。寄諭盛京將軍禧恩。直隸總督訥爾經額。署兩江總督壁昌。江蘇巡撫孫善寶。山東巡撫梁寶常。閩浙總督劉韻珂。福建巡撫劉鴻翱。浙江巡撫管通。羣兩廣總督祁墳。廣東巡撫程喬采。據者英奏。遵查夷船違約游奕一摺。前因直隸山東洋面。有夷船駛至。降旨令著英查詢禁止。茲據該大臣奏稱。詰詢喋喋。覆稱實因上海等

處管事夷目。尚未到口。致各商船違禁他往。現已出示曉諭。如再有不遵者。即求查照。船貨一併入官條約辦理等語。該夷五處通商。議有一定馬頭。所有江蘇。浙江。福建。廣東。各省分。本係准予該夷貿易之地。如有奸民於夷船到口。抑勒阻撓。致令商貨不能流轉。即著該督撫等嚴密查拏。其並非通商口岸。遇有夷船駛入。著該將軍督撫。督飭查明。不論何國何船。將船貨一併入官。有不遵者。咨會

兩廣總督

上

兩廣總督。行知該夷目。責令交出。儻查係奸民潛相勾結。兵役得規故縱。即行從嚴懲辦。毋許稍有徇隱。將此各諭令知之。○又諭。據耆英奏。請派各口辦事人員。並請將咸齡留於江蘇。委用等語。已明降諭旨。將咸齡以江蘇道員候補矣。現在五口通商。章程初定。頭緒紛如。一切事宜。必須明幹之員。隨同該督撫辦理。廣東省著祁墳。程喬采。督同藩司黃恩彤。一手經理。江蘇省著壁昌。孫善寶。督同

兩廣總督

上

咸齡。官慕久。覈實辦理。福建省著劉韻珂。劉鴻翔。督同藩司徐繼畬。妥為籌辦。至浙江省規模甫定。海口紛歧。著劉韻珂。管通羣邊派熟悉夷務大員。前往各海口。協同該地方官實心經理。該督撫等務當體察情形。因地制宜。嚴禁走私漏稅。不准內地奸民勾串滋弊。將此各諭令知之。○又諭。現在通商伊始。全在大小文武。撫馭得宜。方能經久。據耆英奏。水師提督吳建勳。於夷務及水師緝捕均未見其所長。是否能勝提督之任。著祁墳留心察看。據實具奏。此外水師總兵。如有熟悉夷情。諳練水務操防之員。著隨時秉公具奏。將此諭令知之。○又諭。耆英等奏。粵海關裁費歸公。實在情形。分別籌辦一摺。覽奏均悉。前因通商案內。議裁浮費。粵海關辦公無資。請將辦貢備貢。淺價三項。於額外贏餘銀兩內開銷。當由該部議令該監督自行籌辦。茲據奏請辦貢備貢二款。仍照原議。於額外贏餘

銀兩內開銷任土作貢歲有常經若取資於官項覈與獻忱之義殊未允協現既無款籌辦著自本年年貢為始每年三次貢物暫行停止俟一二年後再行察看情形奏明辦理如有應需何項物件聽候隨時傳辦作正開銷至漫斤變價據奏請照舊招商變售惟銷不足數仍請動支額外贏餘補足之處是以公項抵作變價亦於事理不合並著該大臣等再行妥議具奏將此諭令知之尋兩廣總督祁墳覆奏本年漫斤設法籌銷湊足趕解明年招商承領繳價儘數報解請免照例價飭銷下內務府議尋議漫斤加價曾於道光十六年覈減今該督復請減價飭銷似難准行請將發粵海關變價漫斤自本年一起暫行停止仍令該監督隨時體察情形三二年後若稍有起色再行奏明發交變價從之○丙戌諭內閣果勒明阿等奏會議擦察遊牧隔年輪查一摺著照所議由該參贊大臣等隔

年輪查以紓蒙古兵力○修築浙江東西兩塘柴埽各工從巡撫管通羣請也○命安徽司庫酌留秋撥銀十萬兩以備賑需從巡撫程楙采請也○賞廣安門外普濟堂煮賑小米三百石○丁亥上御洞明堂勾到陝甘浙江江蘇江西情實罪犯停決陝甘斬犯十七人絞犯六人浙江斬犯十一人江蘇斬犯七人江西斬犯十六人餘六十三人予勾○河南鄉試副考官時大杭因病乞假以翰林院編修范承典為河南鄉試副考官○戊子旌表守正捐軀四川大竹縣民雷型治妻陳氏○庚寅上御洞明堂勾到湖廣情實罪犯停決斬犯二十二人絞犯五人餘三十八人予勾○諭內閣朕恭閱皇祖高宗純皇帝實錄內載乾隆十五年六月諭內閣水師兵丁與陸路不同在陸路則以漢仗弓馬為能而水師則專以水戰為事況將



弁為兵丁之領袖。凡風雲氣色。島嶼形勢。以及往來駕駛之法。尤須練習有素。方可指揮士卒。操縱得宜。嗣後各省拔補水師千把務。留心選擇。通曉水性。熟練舟師之員。方許呈送考驗等因。欽此。仰見

皇祖慎重水師。豫儲將帥之至意。必應永遠遵循。毋致日久生懈。近來水師將弁。不盡得人。每遇出洋巡捕之事。甚至畏避風潮。逗留近島。總緣拔補千把總時。總督提鎮多取漢仗

弓馬。而不求實在諳習水師之人。循資按格。洊歷大員。其於水師一切機宜。未能洞悉。則所呈送保舉之人。安望能得習知水性。熟練舟師者耶。現在各省善後章程。飭令水師兵弁。演放槍礮。尤須不畏風浪。慣能駕駛。方能施放有準。著通諭沿海總督提鎮等。於拔補千把總時。務須留心選擇。或諳識風雲。或周知島嶼。或駕駛船隻得宜。或施放槍礮有準。覈實呈送。秉公考驗。該總督提鎮均係受恩

深重之人。各宜為國求才。實心遴選。俾水師日有起色。毋負朕諄諄訓誡之意。○諭軍機大臣等。訥爾經額奏。演試水雷情形一摺。設伏之器。必使敵人不覺。方能攻其無備。此項水雷。既無此善水之人。送至船底。轟擊雖利。亦未見為適用。惟據該督奏稱。或可變通。當再為推求。所有齎到水雷。仍著該督妥為存貯。其李光鈐等三人。並廣東帶來匠役。均著飭令回粵。將此諭令知之。○以捐鑄礮位予

江蘇府經歷莫載。以知縣儘先補用。○辛卯旌表守正捐軀江蘇江寧縣民黃文藻姊郭黃氏。○壬辰

上詣綺春園問

皇太后安。○前署漕運總督周天爵。因病乞休。命以二品頂帶休致。○癸巳

上御洞明堂。勾到安徽河南清實罪犯。停決安徽斬犯二人。河南斬犯五人。絞犯六人。餘四十四人予勾。○諭內閣。前因東河中河九堡



漫口。當將該河督慧成革職。並加枷號以示懲儆。惟念該河督到任甫及數月。與文沖之經歷三汛者。究有不同。慧成著疏枷。加恩留於河工效力贖罪。即交麟魁等差遣委用。○又諭。前據廖鴻荃等奏。遵查排桌牌桶積弊。並擬現辦章程。請加給跟役等薪銀。嚴定賞罰等語。因恐議加之後。積弊仍未盡除。稽查仍視為具文。當降旨著廖鴻荃等再行妥議具奏。茲據覆議。此次管理牌桶。光期責成。掌壩官慎選員弁。覈其所帶跟役兵丁。一併造冊查點。如有弊竇。不難立時按查等語。現在既擬加給薪銀。明定賞罰。自應實力奉行。層層防範。有犯必懲。著責成麟魁等督飭掌壩等官。隨時認真嚴查。仍不時親往督視。以期掃除積弊。毋得視為具文。稍有疏懈。○又諭。廖鴻荃等奏。工需緊急。請暫行撥借內庫銀兩。以資趕辦一摺。現在中河九堡大工正當購料興辦。所有部撥銀兩。一時未能解齊。著

管庫大臣。由庫撥給庫平銀一百五十萬兩。解往工次。以應急需。俟將來各省撥款解到。即行解部歸款。○諭軍機大臣等。據著英等奏。議定咪喇哩等國通商章程等語。覽奏均悉。現在啖夷已准通商。所有咪喇哩等國。自應准其一體通商。以示撫綏之意。著照所議妥辦。總須籌及遠大。不可僅顧目前。致貽口實。至咪喇哩有進京瞻覲之請。啖咭喇又於善後條內。添出沾恩語句。豫為地步。安知非互相勾串。巧為嘗試。著著英等。婉為開導。諭以天朝撫馭各國。一視同仁。凡定制所應有者。從不刪減。定制所本無者。不能增添。若各國紛紛請覲。觀光上國。不但無此政體。且與舊制有乖。萬難代奏。至現在已准一體通商。天恩高厚。爾等果能約束商人。公平交易。照例輸稅。無稍偷漏。大皇帝聞之。必然嘉悅也。著英接奉此旨。即飭黃恩彤等。照此明白曉諭。斷不准稍有含混。別生枝節。是為至要。將

此諭知者英。祁墳。程商采並傳諭文豐知之。○又諭前據者英等奏酌定善後條約。當交軍機大臣速議具奏。茲據覈議具奏。俱著照所議行。惟香港通市一節。最關緊要。該處為售貨置貨之總匯。課稅盈絀。全繫乎此。而出口進口之牌照。若僅責成九龍巡檢會同。啖官隨時稽查。恐辦理稍疏。即不免有偷越之弊。其應如何設法嚴查之處。著者英等再行悉心妥議具奏。其各處出海船隻。仍著嚴飭各海口文武員弁。實力稽查。至五處通商口岸。並著一體知照。各該省加意防範。毋任商船任意出入。以防偷漏。而裕課稅。將此諭知者英。祁墳。程商采並傳諭文豐知之。○又諭寄諭署兩江總督壁昌。江蘇巡撫孫善寶。閩浙總督劉韻珂。福建巡撫劉鴻翱。浙江巡撫管通羣。前因啖夷船隻駛至天津。降旨令者英查詢禁止。茲據奏稱。前赴山東等處船隻。皆在未定條款之先。現已明定條約。如敢擅

往他處遊奕。即將船貨一併入官。該首又已出示曉諭。並求中華一體嚴禁。奸民接濟。不准買辦食物。其弊自絕等語。現在各處口岸。次第開市。准予通商之處。自宜妥為撫馭。其不准通商口岸。遇有夷船駛入。除遵前旨將船貨一併入官外。著該督撫等督同經理各員。嚴禁奸民接濟夷船食物。並不准該夷人上岸買辦。如有違禁勾結私行賣給等弊。即著從嚴懲辦。毋許稍有徇隱。將此各諭令知之。○命禮部尚書麟魁。馳往東河。會同欽差工部尚書廖鴻荃。河東河道總督鍾祥。河南巡撫鄂順安。督辦大工合龍事宜。○頒直隸永定河北七工河神廟御書扁額曰。畿甸承庥。對聯曰。德义百川徵軌。順靈昭三輔慶波恬南六工河神廟御書扁額曰。功衛京圻。對聯曰。蔀屋安恬資潤。

下桑乾鞏固頌靈長○賞故緬甸國使臣孟  
腊糯牙他銀三百兩○甲午諭內閣東河興  
辦大工堵築需時錢糧繁鉅一切採購料物  
稽查排桌牌桶等弊隨在皆關緊要必應輪  
替查察以昭慎重上屆祥符大工特派王鼎  
慧成常川駐工會同河臣撫臣辦理此次中  
河九堡工程昨已有旨添派麟魁前往會辦  
矣該尚書等務當和衷協力撙節錢糧剔除  
積弊以期無誤要工麟魁抵工尚需時日其

平定縣志卷之七

三

未到以前一切應辦事宜仍著廖鴻荃會同  
鍾祥鄂順安趕緊籌辦不得因添派有人稍  
滋諉卸○又諭廣東大埔縣知縣任荃於所  
屬地方被水漫不經心迨該管本道查勘始  
含糊具稟復於到省後慮及叅劾捏病規避  
居心實屬巧詐任荃著即革職以為玩視民  
瘼者戒○以都察院左都御史特登額署禮  
部尚書前任正藍旗漢軍都統綿譽署鑲藍  
旗漢軍都統○命署漕運總督李湘荅以三

品頂帶為漕運總督○乙未

上御勤政殿聽政○以國子監祭酒花沙納為  
通政使司通政使詹事府少詹事福濟為大  
理寺卿翰林院侍讀學士和淳為太僕寺卿  
○丙申

孝慈高皇后忌辰遣官祭

福陵○諭軍機大臣等祁項等奏請改設九龍  
巡檢一摺香港為通市總匯要區若僅責成  
巡檢稽查恐不免有偷越之弊昨經降旨著

平定縣志卷之七

三

耆英等再行妥議具奏俟覆奏到日再降諭  
旨將此諭令知之○予捕匪被戕湖南知州  
徐光弼祭葬世職○丁酉

上詣

大高殿行禮○還宮○諭內閣鐵麟等奏酌添  
礮兵一摺所有前任都統布彥泰等改設礮  
礮重若干斤裝用火藥若干兩鉛子若干兩  
每桿擡運施放共用幾人著鐵麟等據實查  
明具奏又前經動撥張家口稅務積存銀兩

借給滿洲蒙古十旗官兵生息扣至明年三月歸足原借之數嗣後每年應得息銀若干兩如以此項製造擡槍足數製造若干桿著一併詳查具奏○諭軍機大臣等祁墳奏遵旨查明發往廣東以副將即補之波啓善前在澳門打仗受傷情形覽奏俱悉波啓善著仍遵前旨遇有廣東副將缺出即行補用將此諭令知之○以孟冬時享

太廟自是日始齋戒三日○戊戌

孝敬憲皇后忌辰遣官祭

泰陵○浙江巡撫管通羣奏訊明秀水縣匪犯虞阿南抗糧糾搶毀房拒捕等情擬斬立決從犯倪幅沅等分別問擬下部議從之○蠲緩直隸景安三河武清薊大城永清東安高陽河間阜城任邱故城天津青靜海滄南皮鹽山棗城元城大名南樂清豐新河寧晉東光二十七州縣被水被雹村莊正雜額賦有差○己亥安徽巡撫程琳奏勘明黃水匪

注洪湖漸次消退及高處民田望雨情形得旨既憂泛濫又望時雨吾民之怨咨何時能釋朕之愧懼更何日能釋也○旌表守正捐軀興京壯丁李雲山妻孟氏

大清宣宗效天符運立中體正至文聖武智勇仁慈儉勤孝敏成皇帝實錄卷之三百九十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十八

監修鴻臚寺卿日講起居注官太子太傅禮部尚書文淵閣總纂修官禮部尚書戶部尚書兵部尚書工部尚書

刑部尚書各部院寺司官及各省督撫臬司等官

七倉大使稽察倉司四庫館書纂修一職隨帶加六級軍功加三級光祿五品月花沙船總巡撫官文淵閣纂修官兵部尚書稽察

內務府大臣欽天監滿洲總管稽察內七倉大臣管理宗人府庶務在東宮官署 監修官同明國寺處務提督御書處總辦御書處大

醫院總辦處務總管加十八級日阿靈阿副總管總辦官部尚書禮部加六級光祿二十次月用祖姑景奉

教修

道光二十三年癸卯冬十月庚子朔享

實錄卷三百九十八

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○頒道光二十四年時憲

書○緩徵山東臨清濟寧臨邑德莊平館陶

實錄卷三百九十八

魚臺鄒平海豐利津河澤單曹聊城博平寧

海武城金鄉邱壽張定陶朝城長山辛二十

四州縣並德州東昌臨清三衛被水被雹被

風莊屯額賦○辛丑

上詣綺春園問

皇太后安○幸圓明園○諭內閣前據聯順等

奏喀喇沙爾裁屯安戶等因當經交部覈議

降旨依議准行茲據該大臣等查明該處戶

民應種之地共有十萬餘畝必須開挖渠道

方資灌溉。估需銀四千九百餘兩。現經阿奇木伯克等稟請捐辦糧麵。並由該大臣等率同章京等捐廉籌辦。此項開渠事宜。全慶既與聯順往返札商。意見相同。均著照所議辦理。聯順現已赴葉爾羌。即著全慶不時親詣查驗。務期開挖通暢。以垂久遠。至該處倉廩兵房。既多朽壞。所請補修及添蓋之處。亦著照議准其捐廉辦理。於明歲春融興辦。所有各工。均免其造冊報銷。至喀喇沙爾地土。既

實錄卷三九八

三

與曲惠不同。自難比照一律升科。著准其酌中定擬。每地一畝。徵糧六升五合。俾承種之人。益可踴躍。其屯田官弁。既未便全行裁撤。著於應撤屯田官七員內。酌留千總一員。把總一員。經制外委一員。以資差委。該部知道。○又諭聯順奏參辦事大臣遣子行賄一摺。和闐辦事大臣達明阿。於聯順到任時。屢次餽送馬匹玉器器物。伊子郭勒敏圖。係葉爾羌印房部缺筆帖式。復持該大臣名帖。呈送

實錄卷三九八

四

馬匹。難保無營求情事。達明阿。郭勒敏圖。俱著解任。交布彥泰親提查訊明確。據實具奏。所有和闐辦事大臣員缺。著聯順遴派妥員署理。○以故貝子品級輔國公邁瑪特愛瑪特子邁瑪特愛薩囊爵。○命陝甘總督富呢揚阿。撥銀八萬一千五百五十三兩。解赴喀什噶爾。英吉沙爾。備道光二十四年經費。○壬寅。諭內閣。本日據監試御史福珠隆阿等奏稱。此次考試候補筆帖式。有鑲藍旗德斌。正黃旗德亨。試卷二本未交。自請交議等語。該士子既經領卷入場。其如何未經交卷。混出之處。著該旗查明具奏。該監試御史及委員等。未能先事豫防。本有應得之咎。惟此次該士子等入場後。該監試御史等。按名稽查。勒歸本號。其有未經交卷。索取照籤者。亦經撥出攜帶試卷。即時扶出。並於刑部票傳之李四一犯。當於闈內擒獲。不至漏網。辦理尚屬認真。所有委官吳安泰及福珠隆阿等六

人自請交部議處及察議之處均著加恩寬免。○又諭理藩院奏昭烏達盟長呈請置買硝磺可否頒給信票等語。所有該扎薩克旗置買硝磺之處著仍照舊例辦理。○癸卯調直隸正定鎮總兵官萬福為四川重慶鎮總兵官。以直隸督標中軍副將閔正鳳為正定鎮總兵官。○甲辰諭內閣祁項奏請將玩視捕務復諱報盜劫重案之將弁歸案審辦一摺。廣東盜犯金二紀等在崖州洋面劫奪師

船礮位一案前經降旨諭令該督提省究訊。茲據奏稱署崖州協副將李邦漢平日玩視捕務以致所屬洋面盜賊充斥且於此案先既諱匿不報迨經奉扎飭查又不詳查稟覆李邦漢著即革職其署崖州協水師守備事龍門協右營千總龐貫超並著一併先行斥革交該督嚴訊確情毋任稍有諱飾以肅洋政而儆急玩尋奏二十二年六月署守備龐貫超派令千總葉光顯管駕巡船至榆林外

洋遇金二紀等盜船礮位被劫該署副將李邦漢諱匿不報嗣奉行查又復含混稟覆葉光顯應請從重發往新疆效力贖罪李邦漢龐貫超業已革職應請從寬免議下部議從之。○諭軍機大臣等廖鴻荃等奏挑河築壩購料齊備擬即進占一摺據奏引河加緊趲挑寬深如式壩基盤築結實埽池它深應用料物亦已源源運送擇於十月初一日進占等語覽奏均悉惟引河壩基最關緊要必須

宣洩通暢礮礮結實以後逐段進占可期一氣呵成著該尚書等通盤籌畫認真督辦總須倍加慎重不必過求迅速或致稍有草率為要另片奏令慧成分駐西壩稽查督辦該尚書等均在東壩居住著俟麟魁到工後會同鍾祥鄂順安督辦東壩事宜廖鴻荃即移駐西壩督同慧成覈實查辦免致顧此失彼將此各諭令知之。○乙巳

上諭



安佑宮行禮。○諭內閣禧恩奏酌擬辦理巡哨船隻。請雇商船利用一摺。奉天省每年巡洋會哨船隻。如遇修造年分。不能數用。著即責成水師營協領雇覓沿海出洋貿易之商船。官為給價。配搭官船。出洋會哨。所需雇價。隨時造冊報部覈銷。該部知道。○又諭鍾祥奏請豫提防險銀兩。採辦碎石一摺。豫東河工。現值豫辦碎石之期。據該河督查勘情形。請照案豫提銀兩。早為購辦。著照所請。准其豫提甲辰年例撥防險銀十萬兩。採辦碎石。藉資儲備。該河督即飭各該道分別收發。並飭上游各廳員。勒限來年挑汛以前。購堆齊全。其下游各廳員。亦先令赴山開採。一俟黃流挽復。即時起運。勒限夏至以前到齊。報候查驗。如有短少遲延。即著嚴叅懲辦。該部知道。○諭軍機大臣等。前據禧恩奏請修造戰船。並添造巡船五隻。以資巡哨。當經部議奏准。轉行閩浙總督照式成造。茲據禧恩奏稱。此

項巡船。若照本處水師營戰船改小添造。不惟需費浩繁。且恐無濟於用。應請停止等語。著劉韻珂即將現在報修戰船七隻。並需用物料。迅速修造解送。以備應用。其前請添造之巡船五隻。著即停止。將此諭令知之。○緩徵奉天岫巖鐵嶺新民海城遼陽五廳州縣。並瀋陽牛莊鳳凰城岫巖鐵嶺廣寧等旗被水被風歉區。新舊額賦。○丙午。諭內閣。前據聯順奏。叅達明阿遣子行賄一案。當交布彥泰親提查訊。茲據達明阿奏稱。聯順有擅作威福。需索伯克銀兩情事。聯順著即解任。交布彥泰。惟勤慶昌。將達明阿郭勒敏圖及案内應訊人證。一併迅速提至伊犁。秉公嚴訊。務期水落石出。據實具奏。若稍有徇隱。不難提解來京。欽派大臣審訊。懍之。惟勤即馳驛前赴伊犁。會同審辦。烏魯木齊都統著中福署理。葉爾羌參贊大臣著輯瑞署理。阿克蘇辦事大臣著賽什雅勒泰派員署理。○戊申。



上詣綺春園問

皇太后安侍膳○賞已革葉爾羌幫辦大臣奕

經二等侍衛為葉爾羌參贊大臣已革正紅

旗漢軍都統奕山二等侍衛為和闐辦事大

臣○乙酉

皇太后聖壽節遣官祭

太廟後殿

奉先殿○

上率皇子及王公大臣文武官員詣綺春園行

實錄卷三百六十八

九

慶賀禮禮成率皇子侍

皇太后膳○諭軍機大臣等著英奏通商事竣

朕思鴉片煙雖來自外夷總由內地民人逞

欲玩法甘心自戕以致流毒日深如果令行

禁止不任陽奉陰違吸食之風既絕興販者

即無利可圖該大臣現已起程著於回任後

統飭所屬申明禁令此後內地官民如再有

開設煙館及販賣煙土並仍前吸食者務當

按律懲辦毋稍姑息特不可任聽關吏人等

過事誅求致滋擾累總之有犯必懲積習自

可漸除而興販之徒亦可不禁而自止矣所

奏定海地方緊要請將舒恭受帶罪當差一

節舒恭受罪干斬候此次免勾已屬法外之

仁所奏難行該處善後需人著即咨商劉韻

珂管通羣遴選賢員妥為辦理著英現已回

任所有粵省未盡事宜著即移交祁墳督同

文豐相機妥辦兩江總督任重事繁現在善

後未結各件及上海通商事宜均須該督妥

實錄卷三百六十九

十

辦所請陞見著俟一二年後再行奏請其欽

差大臣關防俟回任後遇便齎繳將此由四

百里諭令知之○又諭成剛等奏續勘江境

培隄挑河等工連前次勘估各工一併分別

緩急繕單呈覽所奏均已覽悉各廳大隄日

形卑矮自應隨時增估以資抵禦其徐州長

河既據查明實有停墊亦應酌加挑濬以暢

河流現經該侍郎等分別輕重情形覈實減

估擇至要段落先辦六成並將前次勘估各

工內堵築臨清堰禦黃二壩銀兩。別歸常年緩辦。均著照所議辦理。所需籌撥銀六十萬兩。已明降諭旨。飭部議奏矣。該河督仍須督飭工員。於估辦各工。認真經理。務使帑歸實用。毋令稍有虛糜。方為不負委任。成剛、李德。即著回京覆命。將此諭令知之。○賞粵海關監督文豐四品頂帶花翎。○庚戌。以內閣學士周祖培為順天武鄉試正考官。翰林院侍讀學士黃琮為副考官。○命駐藏大臣孟保。

宣統三年九月

上

回京。賞已革熱河都統琦善二等侍衛。為駐藏大臣。○以綺春園行禮前引大臣福恩、吉祥保、安成、曠誤革職。秩大臣。罰俸一年。○辛亥。諭內閣。前據管通羣奏請以賴晉調署鎮海縣知縣。當經降旨允准。茲據吏部以該員題署桐廬縣知縣。尚未咨報到任。並無俸次可計。不在例准聲明之列。奏明請旨。因思鎮海縣知縣員缺緊要。前據該撫奏稱該員年力壯盛。能耐勞苦。賴晉著准其調署鎮海縣。

宣統三年九月

上

知縣。所有該撫等應得處分。著加恩寬免。仍著劉韻珂管通羣隨時察看。如不勝任。即行奏。僕因保舉在前。稍存回護。經朕別有訪聞。惟該督撫是問。○癸丑。諭內閣。前因冬令天寒。外來匪徒。易致涸跡。降旨令順天府直隸總督。明定章程。實力稽察。茲據該府尹等會議章程具奏。均著照所議辦理。惟畿輔幅員甚廣。南苑地方遼闊。必須地方文武各員。加倍緊嚴。認真緝捕。方資得力。著順天府直隸總督。與步軍統領衙門。隨時嚴飭所屬。實力整頓。毋得稍形疏懈。南苑一帶。並著該管王大臣。督飭苑丞等。及各章京輪班稽查。互為防範。用副朕肅清畿甸至意。○又諭。訥爾經額奏請飭禁流民出境一摺。據奏直隸所屬各州縣稟報。本年截回江蘇湖北二省流民。共有四十二起之多。地方偶遇歉收。無業貧民。出外謀生。固所不免。但至數十為羣。到處需索。其中良莠不齊。難保不擾民滋事。若

本境妥為安插。自不致轉徙遠方。即經過各省分隨處截回。亦不致盡行闖入直省。著江蘇湖北河南山東山西各督撫一體飭屬嚴密稽查。如有流民出境過境。即行截回。妥為安置。庶免訛離而省滋擾。○以翰林院侍講常祿。司經局洗馬和色本充日講起居注官。○甲寅。欽差工部尚書廖鴻荃六十生辰。賞御書福壽字。並珍玩文綺。○展緩湖北漢川沔陽鍾祥京山潛江天門江陵公安石首監利。

實錄卷二百九十八

三

枝江荊門黃陂漢陽孝感松滋蘄水武昌咸寧嘉魚雲夢應城江夏蒲圻二十四州縣並黃州衛被水被旱村莊新舊額賦。○乙卯月食。

上詣綺春園問

皇太后安。○諭內閣載銓等奏移居宗室蘇春之妻白佳氏呈請移居盛京。並聲明伊夫在配生子。併請覈辦等語。白佳氏著准其與因事發往盛京之伊子昇寅豐寅攜帶眷屬移

居盛京。該已故宗室蘇春前在配所違例納妾所生之子海秀著撤出黃檔。照例辦理。吉林盛京失察各官著該將軍查取職名交部分別議處。未能隨時察出之該族長等著一併交部察議。○以修防湖北江陵縣隄工出力。予知縣昇太等加銜議敘有差。○賑安徽太和五河二縣及鳳陽衛被水軍民給房屋修費。貸太和五河阜陽潁上四縣災民一月口糧。蠲緩太和五河鳳臺阜陽潁上泗鳳陽。

實錄卷二百九十八

占

懷遠靈璧霍邱亳壽宿定遠盱眙天長當塗合肥懷寧潛山宿松桐城太湖望江宣城南陵貴池青陽銅陵東流蕪湖繁昌無為巢和含山建平三十七州縣及屯坐各衛被水被旱村莊新舊額賦有差。○丙辰以捐修湖南湘潭縣城垣知縣俞昌會等下部議敘。○蠲緩湖南華容安鄉澧武陵沅江五州縣及岳州衛被水莊屯新舊額賦有差。○丁巳諭內閣本日閱看山西省情實招冊。內范守仔因

向李氏語言調戲。致該氏羞忿自盡一起。詳閱情節。疑實甚多。案情未確。著梁萼涵督同臬司羅繞典。親提人證卷宗。再行細心研鞫。務得確情。據實具奏。本年勾到。著刑部將范守仔一起。暫行扣除。○蠲緩山西岢嵐。應大同。太原。文水。汾陽。陽曲。薩拉齊。八廳州縣。被雹被水。村莊正雜額賦有差。賑卹嵐州災民。○戊午。展緩河南滎澤。商邱。夏邑。永城。虞城。柘城。安陽。湯陰。臨漳。內黃。汲。新鄉。獲嘉。淇輝。

宣宗實錄卷三九八

五

延津。濬。封邱。考城。濟源。原武。武陟。陽武。息。蘭儀。孟津。孟。二十七縣。被水被雹。村莊新舊額賦。○己未。諭軍機大臣等。廖鴻荃等奏。壩工進占丈尺。及引河挑成分數一摺。據奏東西兩壩做成丈尺。及引河已挑三分有餘等語。覽奏已悉。計麟魁此時當已到工。著即會同廖鴻荃。鍾祥。鄂順安。督率承辦各員。將引河認真趲挑。固須趕符定限。尤須宣洩深通。至大壩進占。總須於迅速之中。倍加慎重。以副

委任。將此各諭令知之。○以山東兗沂曹濟道陳功。為江蘇按察使。○庚申。

上御洞明堂。勾到山東山西直隸熱河情實罪犯。停決山東斬犯十五人。絞犯四人。山西斬犯十二人。絞犯四人。直隸斬犯九人。絞犯四人。熱河斬犯二人。餘四十七人予勾。○諭內閣。理藩院奏。邁瑪特巴什之二等台吉。或留於本身。或應削去。請旨一摺。嘉慶年間。邁瑪特愛瑪特襲爵時。因其尚無子嗣。是以將其

宣宗實錄卷三九八

六

胞弟邁瑪特巴什。作為二等台吉。今邁瑪特愛瑪特既有子嗣。所遺貝子銜輔國公爵。已著伊長子邁瑪特愛薩承襲。加恩邁瑪特巴什。仍著作為二等台吉。○予福建巡洋漂沒兵丁陳汝成等二名賞卹如例。○辛酉。

上詣綺春園問

皇太后安。○諭內閣。本年各直省辦理秋審人犯。經刑部由緩改實者。四川七起。該督及臬司等於秋讞大典。未能慎重詳覈。致有失出

多案。著交部查明。分別議處。嗣後各直省督撫。督率臬司。務當虛衷定讞。斷不可惑於救生不救死之說。意存寬厚。故從輕減。亦不可有心刻覈。過於嚴峻。總期無枉無縱。各得其平。用副朕執法用中至意。○又諭。此案哈薩克博爾得等。在烏梁海遊牧。內偷竊馬匹等物。輒敢將追捕之人捆縛。拒捕致斃。兇惡已極。茲據國勒銘阿等將已獲各犯審擬具奏。查太一犯著即先行正法。現在脫逃尚有

實錄卷一百六十八

七

犯著塔爾巴哈台參贊大臣。遴派幹員。督飭哈薩克公阿濟。趕緊將在逃各犯全數拏獲送案。按律懲辦。○又諭。國勒銘阿等奏。據伊拉固克森呼圖克圖。羅布桑薩木都布。懇請前往喀爾喀庫倫學習經卷。轉奏一摺。呼圖克圖等學習經卷。為喇嘛要務。即著照該呼圖克圖所請。予以假期。准其前往喀爾喀庫倫學習經卷。所派何項呼圖克圖住宿普安寺管理喇嘛之處。著國勒銘阿指定具奏。○

諭軍機大臣等。前據耆英等奏。請改設巡檢。移駐附近香港之九龍地方。稽查出入牌照等語。朕以香港為售貨總匯。若僅責成巡檢稽查。恐立法尚未周密。令該大臣等再行妥議。茲據耆英奏。稱體察情形。不在驗照官之大小。全在行之以實。所有前赴香港之船。既由給照口岸。按月報明粵海關。業已互有稽查。九龍巡檢。不過查其已到未到。並無稅銀可收。似可無虞偷漏等語。著照所議辦理。所

實錄卷一百六十八

六

有祁項等前奏。廣東新安縣屬之官富司巡檢。請移駐九龍地方。改為九龍巡檢。作為海疆要缺。即照所請。准以試用從九品許文深試署。俟試署期滿。如果稱職。另請實授。並定為在任三年。如經理得宜。即予保舉升擢。毋庸扣至六年俸滿。其現准試署之許文深。能否經理得宜。仍著祁項等隨時察看。如不勝任。即行撤回。另為酌調。毋得稍事因循。至該巡檢雖無徵收稅課之責。而稽查出入。務令

華夷相安。斷不可任吏胥勒索。別生事端。是為至要。再據耆英另片奏。欽遵諭旨。札飭黃恩彤曉諭。味喇哩夷目。嘔吐等語。現在耆英業已回任。儻該國果有使臣到粵。即著祁項等督飭藩司黃恩彤。婉為開導。諭以天朝撫馭外夷。悉遵定制。該夷向來未通朝貢。不但廣東督撫不能代為奏懇。即或駛往直隸海口。亦斷不准該夷上岸。是該夷徒勞往返。轉孤負大皇帝曲加體恤之意。不如安分通商。

宣宗實錄卷三九八

七

得需實惠。如此明白曉諭。庶可絕其覬覦之心。並杜各國效尤之念。萬勿稍有含混。以致別生枝節。將此諭知祁項。程喬采。並傳諭黃恩彤知之。○又諭據耆英奏。通商善後案內實在情形一摺。其香港通市一節。責成九龍巡檢稽查。已諭知祁項等揀派妥員經理矣。因思五口通市。事屬創行。必應於立法之初。詳明周布。方可期經久無弊。各海關稅課之盈絀。全在嚴查偷漏。著各該督撫等責成各

海口文武員弁。督飭卡房巡船人等。實力稽查。斷不准日久又成具文。至夷人在各口租屋賃地。自應於議定界址時。再與切實要約。以杜藉口。務當因地制宜。不准稍留罅隙。其出海船隻。並著嚴申禁令。毋得任意出入。總之有治人始有治法。各該省督撫等尤當隨時體察情形。覈實辦理。認真整頓。俾商船不至偷越。而國課益臻充裕。是為至要。將此各諭令知之。○以緝捕匪徒出力。賞四川知府

宣宗實錄卷三九八

字

宣璠花翎。知州呂偉崧等。藍翎。餘加銜升敘有差。○禮部議准。江蘇巡撫孫善寶疏報。採訪贛榆縣節孝婦女張房氏等九十四口。湖南巡撫吳其濬疏報。善化縣易素貞等五百七十八口。各請建總坊旌表。從之。○命陝甘總督富呢揚阿。撥銀六十七萬五千兩。解赴伊犁。備道光二十五年經費。○壬戌。諭軍機大臣等。據保昌劉鴻翱奏。廈門一口。已擇於九月十一日開市。遵照廣東議定條款。華夷

均屬相安等語。覽奏均悉。現在廈門通商事屬創始。全在經理之員。示以大方。持以公平。庶使民夷悅服。期於久遠無弊。除福州一口。暫停開市。應由該督撫曉諭商民。不准私相貿易外。所有廈門一口。著仍遵前旨。交劉韻珂。劉鴻翱。督同藩司徐繼畬妥為籌辦。該督等接奉前次諭旨。自應飭令該藩司馳往廈門。會同該道等辦理。俟有頭緒。再行回省。儻辦理尚需時日。即委員暫護藩篆。俾徐繼畬

得以專心經理通商事務。劉韻珂等務當酌量情形。妥為調度。並諄飭該藩司督飭廳縣盡心經理。無滋流弊。至福州一口。如該酋前來貿易。亦當諄飭該藩司查照廈門一切章程。妥籌辦理。是為至要。將此諭令知之。○福建臺灣鎮總兵官伊昌阿奏報接印任事。得旨。海疆重地。固當處以鎮靜。然鎮靜非因循也。斷不可稍有廢弛貽誤。勉之慎之。○癸亥。上御洞明堂。勾到朝審情實罪犯。停決斬犯二

人。絞犯一人。餘十一人予勾。○諭內閣。祁墳等奏。知縣查拏匪徒。被匪拒斃。並委員馳赴查辦一摺。廣東署潮陽縣知縣張深。因縣屬上圍鄉鄭姓。擄捉和平鄉人馬阿瑞等。關禁即帶領丁役壯勇。前往查拏。乃該匪徒鄭端吉等。膽敢糾眾抗拒。將該署縣張深戕斃。並殺斃門役蕭升。又另傷家丁差勇多人。實屬目無法紀。該督等現在飭令臬司及該兼護道等。馳往該縣。密速查拏。務將首要各犯鄭

端吉等。按名弋獲。嚴訊懲治。不准一名漏網。並著查明起釁根由。及夥黨究有若干人。悉數嚴拏懲辦。以儆兇頑。尋奏。拏獲起意戕官之鄭端吉。依律問擬凌遲。下手戕官及拒傷丁役之鄭端功等二十一名。問擬斬決。均梟首示眾。在場助勢之鄭大奴等三名。亦擬斬決。餘分別定擬流徒有差下部議從之。○又諭。潘錫恩奏。肅工缺口堵合穩固。並興辦挑河等工情形一摺。南河挑北廳屬蕭家莊大



隄缺口。經該河督等督率在工員弁。鑲築合龍。辦理尚屬妥協。惟現在河南中河漫口。尚未堵合。下游易於施工。轉瞬中河漫口合龍。黃流下注。僅現辦新工。未能穩固。致有他虞。惟該河督是問。其應挑長河。著即嚴飭所委員弁。趕緊興挑。勒限四十日完工。仍責成該管道員往來巡查。該河督於工竣後。親往驗收。如敢偷減草率。不能一律深通。即著從嚴叅辦。毋稍姑容。○旌表守正被戕山西臨汾

縣民范學端女桂花子。○甲子。諭內閣。前據奕興覆奏。土默特蒙古遊牧地方。請交理藩院查明辦理。當交該部議奏。茲復據成凱奏稱。派員查勘土默特蒙古遊牧草地。係在馬廠界外。不能與滿洲營公共遊牧。並查明乾隆二十八年。土默特於馬廠界外。另有奉斷遊牧。所有乾隆三年廠界之案。不得援以為據等語。土默特蒙古遊牧草地。既有奏案可憑。著仍照舊賞給土默特以資養贍。其八旗

馬廠。著仍循舊界。以杜爭端。至民人私種牧地一案。有無妨礙之處。仍著綏遠城將軍。歸化城副都統。會同山西巡撫。體察情形。妥籌定擬具奏。○命吐魯番領隊大臣額勒金泰。哈密辦事大臣德全。伊犁領隊大臣珠勒格。善巴里坤領隊大臣富成。來京。賞戶部郎中海校頭等侍衛。為吐魯番領隊大臣。已革福建臺灣鎮總兵官達洪阿。三等侍衛。為哈密辦事大臣。以正黃旗蒙古副都統豐紳。為伊

犁領隊大臣。鑲白旗蒙古副都統白文治。為巴里坤領隊大臣。○乙丑。諭軍機大臣等。本日據都察院奏。河南民人李德學京控一案。已明降諭旨。交鄂順安嚴審矣。此案據該民人控稱。張守備以私錢抵放兵餉。因眾兵不服。令李外委將伊子李占魁捆打斃命。縣役張紹安。將伊房屋霸占。因伊上控。復尋拏威嚇。希圖消弭。案關營員違例放餉。逞忿斃命。虛實均應徹底根究。著鄂順安提集人證。查



明張守備李外委究係何名。嚴行訊究。務得確情。定擬具奏。毋稍瞻徇。將此諭令知之。○以製造火器出力。開復火器營翼長烏蘭泰等革職。留任處分。餘升敘有差。○予出征病故三姓協領伊克唐阿祭葬卹廕。○丙寅戶部奏查明罰賠庫項。半年限滿完不足數。及全未完交各員。請分別展限監追。得旨。所有本身應賠完不足數之奎弼。額林布。富通著再勒限四箇月。其代賠完不足數之莊裏親

實錄卷一百六

五

王綿課等七員子孫著再勒限六箇月。經此次分別展限以後。若再逾限不完。即行革職監追。代賠全未完交之德英。繼曾孫驍騎校福佑。瑚圖里之孫戶部筆帖式良育。蘊布之繼孫世管佐領善志。福慶之孫頭等侍衛勳承。王集之孫二等子爵王基。宗室春禧之子左翼宗學副管松全。祥雲之子二等侍衛兼公中佐領岳慶。均著革職監追。達春之子馬甲吉拉。敏宗室慶全之子現食錢糧貴芬。慶

安之子現食孤子錢糧玉昆。鄂祥之子領催鄂卓善。舒英之孫養育兵清泰。福彰阿之孫養育兵法興。額均著監追。○丁卯。

上還宮。○諭軍機大臣等。壁昌奏。驗試同安梭船。並添造闊頭三板船隻。分交各營。認真巡防一摺。據稱同安梭船。喫水較深。於外洋相宜。著即飭交蘇松鎮督同將弁等在外洋駕駛巡防。俾資得力。其續造闊頭三板船隻。著照議派給蘇松福山二鎮。並京口左右營管

實錄卷一百六

五

駕一面。仍飭該員弁等。依式接造十一隻。以備派給各營。惟江南水師積弊。領船到營。多不認真管駕。該將弁等平時既漫不經心。及至飭調操演。則謊為船不堪用。甚或偷賣損具。私行租賃與人。種種惡習。實堪痛恨。著者英。尤渤。嚴定章程。認真查察。革除錮弊。所有此次派領船隻。務當隨時委員前往查驗。如有管駕不慎。及巡防疏懈之員。即行指名奏。其前赴福建成造之同安梭船二隻。八漿

子船四隻。現交蘇松鎮收管。著責成上海道按季查明。該鎮將是否親身出巡。及船隻有無拋泊損壞之處。據實結報。毋得日久視為具文。以致有名無實。將此各諭令知之。○予浙江慈谿縣陣亡甘肅外委楊福增陝西外委毛玉貴。何海祭葬世職。○予廣東陣亡水勇楊仲等一百十五名卹賞如例。○緩徵雨淮富安。安豐。梁垛。東臺。何垛。丁溪。草堰。劉莊。伍祐。廟灣。板浦。中正。臨興。十三場被旱被水。

宣宗實錄卷三九九

三

歉區新舊額賦。○以冬至祀

天於

圓丘。自是日始齋戒三日。○戊辰

御製跋成哲親王養正四箴示諸皇子。養正書屋之義。備載集序。茲不復贅。彼時朕伯成哲親王。親製養正四箴書以勸予。蓋闡發

聖旨精微

慈恩高厚也。予永矢弗諼。規模懍感。須臾曷敢忽諸。溯自嘉慶丙辰。迄今四十有八年矣。雖

不敢期諸寡過。然尚克兢兢自守者。非我皇考之慈訓。我伯父之警省。其可得耶。每一思之。感慟交縈。茲皇子等齒漸成童。蒙養之功。第一要務。我諸兒若能體朕之心。守朕之訓。義制事。禮制心。存存三畏之言。懍懍四箴之誡。庶幾免乎敗度敗禮。知誘物役也。命上書房師傅等各於本阿哥讀書處。手錄一幅。懸掛壁間。俾觸目警心。相觀而善。同歸百度。惟貞之道。方符厚望焉。○諭內閣。棍楚克策楞

宣宗實錄卷三九九

三

等奏請將受餽捏報之雲騎尉革職一摺。此案雲騎尉烏爾卿阿。於流民潛入禁地搭鋪捕魚。既經查出。並不實力驅逐。輒敢受餽私容。具結捏報。實屬不職。烏爾卿阿著即革職。城守尉常山。率請令旗丁等在禁地立網捕漁。殊屬不知大體。著開缺來京。照例帶領引見。該將軍等務即遴派妥員。將該處房屋窩鋪魚罾。拆毀淨盡。嗣後仍不時嚴查。按季結報。並著吉林將軍飭屬於松花江連界地方。

一體查察。務使禁地肅清。毋得視為具文。日久生懈。○予浙江乍浦陣亡前鋒校佛印祭葬世職。兵丁林茂通等五名卹賞如例。○蠲緩齊齊哈爾。黑龍江。墨爾根布特哈。四處歉收田畝。應交糧石有差。並貸口糧。

實錄卷三百九十六

止

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之三百九十九

監修總裁官總道日掛起居注官太子太保體仁閣大學士文淵閣領閣事管理戶部事務上書房總師傅翰林院掌學士兼掌順

天府府尹事務隨帶加五級紀錄十八次臣賈捐鵬職官經廷議官吏部尚書領監撰漢軍都統管理新學房城內官房大臣稽察內

七倉大臣稽察會同四擇館市路加一級隨帶加六級軍功加三級紀錄五次臣花沙納經筵講官文淵閣提舉開節兵部尚書總管

內務府大臣鑲白旗滿洲都統稽察內七倉大臣管理宗人府銀庫左翼副官學宣壽宮圓明園等處精捷營御茶膳房御藥房左

醫院連辦處事務隨帶加十八級區阿靈阿副總辦官經廷撰官兵部尚書隨帶加六級紀錄二十次臣周祖培等奉

敕修

道光二十三年癸卯十一月己巳朔日食○

卷之三

上  
諧

南郊齋宮齋宿○庚午冬至○祀

天於

園丘

上親詣行禮○遣官祭

永陵

福陵○

昭陵。

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○停次日朝賀○辛圓明

園○詣綺春園問

皇太后安○諭內閣前據陳階平將製造加工

火藥各法開單呈覽當降旨著各直省一律

成造並諭令平時操演不得濫用以昭搏節

茲據張國相奏稱黔省各營年額操藥合計

應造十萬七百餘斤本年遵照加工製造存

貯惟各營設居萬山之中嵐氣甚重藥經久

貯難免微變之虞著照所請除每月營操大

陣等項仍用舊製火藥外其餘槍礮兵丁打準

頭准其將加工之藥給發除陳易新期無微

變而兵丁等亦藉得熟悉藥性庶於儲備緩

急大有裨益○賞八旗兵丁一月錢糧○辛

未諭內閣僧格林沁等奏遵旨配成火藥請

交各旗營分貯所有外火器營新製配成火

藥三萬斤著交圓明園槍營四千斤健銳營

六千斤內火器營六千斤外火器營六千斤

漢軍八旗每旗五百斤前鋒營每翼二百斤

八旗護軍營每旗四百五十斤均著該管各

旗營大臣飭屬妥為存貯毋致稍受潮溼儻

漫不經心日後不堪應用惟該管大臣等是

問○壬申諭軍機大臣等給事中齊承彥奏

東河工次採買麻斤委員不肯放價苦累貧

民以致有麻之家觀望不前而交麻時攪和

水土有積慣作弊之料販串通蠹役捏報斤

稱委員藉此營私同官不敢稟揭等語大工

麻斥為編葦繩纜。捆縛埽段要物。欲使工堅全在料足。若如該給事中所奏。委員等竟敢藉此營私。料販蠱役。又復勾通。攬扣。致將來貽誤要工。所關非細。此外如收買稽料。購造土方。以及挑挖引河諸事。似此營私舞弊者。恐復不少。著麟魁。廖鴻荃。鍾祥。郭順安。嚴飭承辦各員。各矢天良。認真辦理。該尚書等仍隨時嚴密查訪。如查有前項弊端。立即嚴參懲辦。毋稍徇縱。是為至要。將此諭令知之。○

旌表守正被戕江蘇銅山縣民胡耀妻李氏。○癸酉。諭內閣。禧恩奏捐鑄賠修各項礮位。現已工竣。請派員驗收一摺。著派春佑。吉年。會同該將軍。將捐鑄熟鐵礮位。及賠造生鐵礮位。一併驗收妥協。即由該將軍分置各城存貯。按期演放。以資實用。又另片奏。此次製辦火藥。鑄造礮位。均經責成。奕紀經理。可否量予恩施等語。奕紀著俟扣滿三年。再行奏請。○諭軍機大臣等。麟魁等奏。進占丈尺。並

引河挑成分數情形一摺。現在東西兩壩。已做成一百三十餘丈。挑水壩亦做成八十餘丈。引河已挑至五分有餘。趁此時趕緊督催。分別功過。明示勸懲。以期迅速。戴功。如查有草率偷減情弊。即著嚴行叅辦。毋稍鬆勁。俟金門收束至四五十丈時。即行覈明具奏。該尚書等務當於乘時趕辦之中。倍加慎重。以期悉臻穩固。至牌桶一項。現據查出兵丁弊竇。可見偷竊消耗。實有其事。嗣後仍當嚴加

查察。有犯必懲。以除積弊。將此諭令知之。○以操防不力。降廣東水師提督吳建勳為副將。以福建南澳鎮總兵官賴恩爵為廣東水師提督。○以獲盜多名。予廣東同知劉開域等升補有差。○甲戌。遣官祭

先醫之神。○諭內閣。戶部奏。查明積年未完銀兩。請旨飭催。開單呈覽。據奏各省扣存藩庫應解部庫之款。久未報解。著各該督撫等。於接到部文日起。統限三箇月。委員解部交

納。又屬庫應解司庫之款。著統限六箇月。提解司庫。報部撥用。又鹽課項下。長蘆兩淮各網節省。並生息利銀。應解部庫。及內務府之款。著該鹽政等。按期解京。交納。務須年清年款。其鹽規匣費。及裁減養廉等銀。應解各該省藩庫之款。並著勒限嚴催。分款解往。各該省藩庫。歸還借款。入冊報撥。各該督撫鹽政等。務當督飭司道。認真嚴催。將應解部庫者。按限起解。應解司庫者。趕令催提報撥。如有逾限不解。即將延不解交各員。據實叅奏。○乙亥。諭內閣。御史江鴻升奏。請飭水師提鎮出洋巡緝一摺。據奏。近日廣東洋面不靖。閩浙各洋。時有匪徒出沒。沿海奸民。恃海洋為後路。必宜認真巡緝。遏絕奸萌等語。近年沿海水師。不能得力。兵丁將備。但利水師之速於升轉。而於海防一切機宜。平時既不講求。臨事率多避就。總由各該提鎮。養尊處優。不知以身作則。將領以下。相率效尤。每屆出洋

巡緝之時。託故不行。轉相推諉。甚或畏避風潮。逗留近島。諱匿盜案。捏報虛詞。言之憤恨。昨因廣東水師提督吳建勳。於廉州洋面盜匪。遷延觀望。特旨降為副將。各該提鎮。自當知所儆懼。嗣後沿海水師各提鎮。著於每歲出洋時。具奏一次。俟出洋往返事畢。洋面如何情形。據實具奏。其實在因公。不能出洋。即著自行奏明。均令咨稟該省總督。以憑查覈。並責成各該總督。破除情面。密訪明查。儻敢偷安畏避。及奏報不實。隨時分別叅辦。各該總督。皆係朕特簡大員。受恩深重。如稍存瞻顧之私。扶同徇隱。經朕別有訪聞。除將該提鎮嚴行懲處外。必將各該總督一併嚴懲不貸。將此通諭知之。○諭軍機大臣等。寄諭兩江總督耆英。江蘇巡撫孫善寶。閩浙總督劉韻珂。福建巡撫劉鴻勳。浙江巡撫管通羣。兩廣總督祁璜。廣東巡撫程喬采。山東巡撫梁寶常。御史江鴻升奏。請飭有水師各省。每年

另選精熟武弁一二員挑帶兵丁令其巡到各省盡頭責令本處巡船一體會哨並酌量添帶弁兵一同前往練習等語著耆英等各就該省情形酌覈定議具奏原片著鈔給閱看將此各諭令知之○又諭據御史江鴻升奏上年江西兵調到浙江遇敵先潰領兵大臣束手無策總由該鎮將等平時操練廢弛紀律不嚴等語江西營伍廢弛兵力輟弱遇有徵調不能得力此皆平日不加整頓認真

著耆英等

操防所致著耆英會同吳文鎔嚴飭各鎮將等實力講求盡心訓練選其驍銳汰其老弱務使兵將相習以收實用現在南贛九江兩鎮總兵如不稱職並將弁中有庸懦無能及操練不勤者務當隨時嚴叅毋稍姑息吳文鎔職兼提督有統轄全省軍務之責平時講求操練尤宜悉心督率竭力整飭無得視為具文耆英遇值巡閱之年尤須嚴行考覈認真訓誡務令悉成勁旅以備干城而振頹廢

將此各諭令知之○以故四川建昌道屬河西土百戶楊正祿子世福襲職○丙子

上詣綺春園問

皇太后安○丁丑諭軍機大臣等孫善寶奏辦理上海開市情形一摺內地販運湖絲前赴上海應查明赴粵路程少過一關即補納一關稅數該領事求免補納業經該道等告以定章不能更改該領事無辭而退著耆英孫善寶諄飭該道等謹守現定章程妥為辦理

著耆英等

毋任妄意干求致有增減至開市伊始商販之多寡本不能官為招徠祇可聽民自便其走私漏稅諸弊尤須實力稽查著即責成宮慕久咸齡和衷商榷認真經理毋稍疏懈致滋流弊將此諭令知之○又諭本日據都察院奏浙江民婦何金氏京控一案已明降諭旨交管通羣嚴審矣此案該民婦控稱王田得毆斃何迎清一案業經該府究出實情乃延宕不結反將伊夫及伊子酷刑逼招並據

結稱在臬司巡撫衙門各控告四次未經親提等情案關罪名出入虛實均應徹底訊究何以延擱三載疊次上控尚未訊結著管通羣將全案人證提集至省務須親加研鞫嚴究確情定擬具奏毋許再有拖延以成信讞而伸冤抑將此諭令知之尋奏訊明何金氏之夫何廷玉暨小功服姪何迎清先後與王田得之妻王吳氏通姦何廷玉以姦姦起釁糾同王田得共毆何迎清致死旋經訊出實

情定擬何金氏思欲翻案起意京控復加研鞫供認不諱何廷玉應依律擬杖流餘分別問擬枷杖下部議從之○蠲緩江蘇沐陽上元江寧句容江浦六合長洲元和吳吳江震澤常熟昭文崑山新陽華亭奉賢婁金山上海南匯青浦川沙陽湖江陰宜興荆溪靖江丹徒丹陽金壇溧陽山陽阜寧清河安東鹽城高郵泰東臺江都甘泉儀徵興化寶應銅山沛蕭碭山宿遷睢寧太倉鎮洋海桃源武

進無錫金匱崇明五十九廳州縣並大河蘇州太倉鎮海金山淮安揚州徐州鎮江九衛被水被旱災區新舊正雜額賦有差賑沐陽縣大河衛軍民○戊寅諭內閣孟保等奏西藏所屬地方訪獲哲布尊丹巴呼圖克圖之呼畢勒罕聰慧幼孩請旨入於金奔巴瓶內籤掣一摺哲布尊丹巴呼圖克圖涅槃已逾二載茲據孟保等奏訪獲聰慧異常之幼孩三名實屬祥瑞朕心喜悅著照所請班禪額爾德尼著赴前藏會同駐藏大臣達賴喇嘛及伊徒達喇嘛羅布桑楚勒特木等將此幼孩三名入於金奔巴瓶內唎經敬謹籤掣擬定呼畢勒罕名號○諭軍機大臣等給事中黃贊湯奏匪徒聚眾劫殺強搶一摺據稱山東高唐州新店地方有送信人張姓於本年十一月十一日起更時遇匪徒數十人執持刀械將張姓砍傷十餘處劫去所帶部照書信等物並銀七八百兩請飭查辦等語盜匪



聚眾劫殺強搶。最為地方之害。若該給事中  
所奏。是捕務廢弛。盜賊充斥。何以安行旅而  
靖閭閻。著梁寶常嚴飭所屬。將此案盜犯悉  
數擒拏。嚴行懲辦。不准一名漏網。並查明疏  
防之該地方文武各員。弁據實奏。以儆玩  
泄。將此諭令知之。尋奏。查明張東陽被劫。實  
係在荏平縣胡家莊地方。並非高唐州界內。  
得旨。在荏平縣知縣周秉文。在平汛把總達森  
佈。既失防範於前。又不能將全案賊賊。即時  
拏獲。著先行摘去頂帶。勒限三箇月。嚴緝懲  
辦。○吏部尚書步軍統領恩桂。因病賞假。以  
大學士穆彰阿。署步軍統領。戶部尚書敬徵。  
兼署吏部尚書。○調江西九江鎮總兵官站  
桂。為甘肅西寧鎮總兵官。陝西河州鎮總兵  
官哈勒吉。為九江鎮總兵官。甘肅西寧鎮總  
兵官福珠洪阿。為河州鎮總兵官。○以拏獲  
湖南武岡州滋事匪徒。予縣丞汪世澤等。加  
銜升擢有差。○緩徵陝西榆林懷遠神木府

谷。綏德清澗米脂吳堡葭。九州縣歉收。村莊  
舊欠額賦。及應還籽種口糧。○己卯諭軍機  
大臣等。前據鐵麟等奏。酌添礮兵。請以閒款  
銀兩議給餉銀等語。當降旨。著該都統等查  
明此項銀兩。足敷製造擡槍若干桿。茲據查  
明前項銀每年六百十二兩。足敷製造擡槍  
六十三桿等語。擡槍斤兩過重。運用必不靈  
便。著准其製造三十桿。每桿總不得過二十  
五斤。須用折鍊純鐵盤絲。以資堅固。所有製  
造工價及兵丁操演餉銀。即著該都統等。酌  
量在於前項閒款內分別動支。覈議具奏。將  
此諭令知之。○庚辰  
大高殿設壇祈雪。○以通政使司通政使花沙  
納。為都察院左副都御史。○辛巳  
聖祖仁皇帝忌辰。遣官祭  
景陵。  
上詣  
安佑宮行禮。○諭內閣。鄂順安奏。捐修省垣善

後各工全行完竣一摺。豫省前因祥符漫口。城垣被水圍繞。以致城身塌陷。並因拋磚護城。採購不及。致將貢院號舍。全行拆毀。經該撫督率各官紳。勸諭輸將。俾一切工程次第興舉。現已普律完竣。此項工程。著免其造冊報銷。又另片奏。在事出力員弁。及紳士人等。可否量予鼓勵等語。著擇其勞績尤著者。覈實酌保。候朕施恩。毋許冒濫。○直隸總督訥爾經額奏。校閱省標營伍情形。得旨。尤當精益求精。

益求精。不可因有長進。稍形疏懈也。○以刑部左侍郎江蘇學政王植。為浙江巡撫。調詹事府少詹事。安徽學政張芾。提督江蘇學政。命禮部右侍郎季芝昌。提督安徽學政。○壬午。

上詣綺春園問

皇太后安。○調安徽巡撫程楙采。為浙江巡撫。浙江巡撫王植。為安徽巡撫。○展緩江西南昌。新建。廬陵。吉水。泰和。都陽。建昌。安義。星子。

德化。德安。瑞昌。湖口。彭澤。十四縣並九江同知所屬歙收村莊舊欠額賦。及應還籽種口糧。○癸未。旌表守正捐軀河南考城縣民王祥禮女俊姐。○甲申。以捐修四川開縣城工。賞知縣陳長壩。知州銜。○乙酉。諭軍機大臣等。經額布奏。懇請賞假調理。暫將印信交巴雅爾署理一摺。經額布著賞假一箇月。調理。吉林將軍印信。毋庸交副都統署理。現已有旨。將巴雅爾調補正藍旗蒙古副都統。薩炳

阿補授吉林副都統。薩炳阿未到任以前。著倭什訥暫行署理。俟經額布倭什訥接署後。一切公事。與之和衷商辦。所有前交倭什訥斌良審辦之案。著斌良先行查訊。如薩炳阿到任時。交案尚未訊結。仍著倭什訥會同斌良。秉公查辦。將此諭令知之。○調鑲黃旗漢軍副都統薩炳阿。為吉林副都統。正藍旗蒙古副都統文慶。為鑲黃旗漢軍副都統。吉林副都統巴雅爾。為正藍旗蒙古副都統。○

緩徵甘肅靖遠。隴西寧遠。安定。會寧。環。武威。平番。寧夏。寧朔。碾伯。皋蘭。狄道。渭源。金。隆德。固原。華亭。靈。中衛。平羅。涇。靈臺。鎮原。二十四州縣並花馬池州同。沙泥州判所屬歉收村莊新舊額賦。○丙戌諭內閣朕閱禮器圖內載固倫額駙腰帶用石青色或藍色而宗人府及禮部則例內俱載有用金黃色字樣殊屬錯誤嗣後固倫額駙腰帶著遵照禮器圖辦理所有宗人府禮部則例內錯誤之處均著即行更正。○諭軍機大臣等琦忠奏演試槍礮並查察地方情形一摺京口原設大礮修整堪用者現有十位添設大礮三十位業已陸續領解俟解齊後如演放有準即著該副都統會同江寧將軍德珠布擇要安設毋許為風雨剝蝕其添設槍礮一百桿並原設及新添鳥槍共八百桿為數不為不多據該副都統奏稱演試尚屬便捷有準務當勤加訓練俾弁兵等一律嫻熟以資緩急之用至

兵民務使和睦總在該將軍副都統等平日諄飭文武等官遇有兵民交涉事件秉公辦理斷不准稍存偏袒之見務期日久相安緩急相顧其旗營官兵未能練習風濤所請毋庸配搭戰船自係為覈實起見仍著會同江寧將軍德珠布悉心籌酌具奏將此諭令知之尋奏京口水師從前疊經奏准每船酌派蒙古兵十二名綠營兵八名配搭操演前因案卷焚燬未悉原委今會同詳查原案所有水師配操兵丁仍應循照舊章辦理以重操防下部知之○以健銳營委翼長興泰署正黃旗蒙古副都統○旌表遇賊捐軀江蘇丹徒縣士民程庭梓等九十四名婦女張黃氏等一百四十一口如例○禮部議准陝西巡撫李星沅疏報採訪岐山懷遠二縣節婦張魏氏等二十三口請各建總坊旌表從之○減免直隸新河隆平寧晉安永清五州縣積澇地畝額賦有差○丁亥戶部議准雲南巡

撫張澧中疏報。祿勸縣開墾田三十畝。照例升科。從之。○以峒老山空。封閉四川奉節縣石家塘鐵廠。從總督寶興請也。○戊子。上詣綺春園問。

皇太后安。○欽差新調安徽巡撫王植等奏。遵查浙江蕭山縣知縣王滌源。係奉文勸捐。並無抑勒貪縱重情。惟失察書差嚇詐。應交部照例議處。紹興府知府定保。詢無與屬員結拜師生。亦無家丁詐贓情事。應毋庸議。下部

議從之。○己丑。旌表守正捐軀山東濟寧州民夏易榮妻高氏。○庚寅。諭內閣。戶部奏遵籌江境豫備禦水埽工銀兩等語。所有撥解江南河庫銀十五萬兩。著該督撫等。於文到日。迅即派員解赴。以濟要需。該河督仍當嚴飭道廳各員。撙節動用。毋稍虛糜。至本年豫省中年失事。下游漲水陡落。是江境上年豫購歲料。本年防汛銀兩。及年例外解各款。必當大有節省。其作何動用之處。著該河督確

切查明。專案咨報。至例收兩淮補解欠款銀二十萬兩。既經動支。如將來本款需用。即可將防汛外解節省各項。酌量歸補。毋庸另請撥還。以節帑項。而昭覈實。○又諭。戶部奏。查明各省民欠正雜未完銀兩。開單呈覽。據奏江蘇安徽山東福建四省。延欠地丁正款數逾他省。由於經徵二叅。多不按限揭報。自應趕緊清釐。著兩江閩浙總督。江蘇安徽福建巡撫。嚴飭各藩司。將因何不照例開叅之處。

據實查叅覆奏。此後均著依限題叅。以嚴考覈。其直隸等省。未完正耗。著各該督撫轉飭催徵。報部撥用。又各省積欠雜款銀兩。例應儘收儘解。著該督撫屬將徵存雜款。悉數提解司庫。所有該省應存應解實數。據實奏明。毋稍遲延含混。○諭軍機大臣等。麟魁等奏。續得進占丈尺。引河挑成分數。及籌辦一切情形。並查明上游河勢。委無淤塞。繪圖呈覽。各一摺。現在東西兩壩。已做成二百二十

九丈餘挑水壩亦做成一百七十六丈餘引河挑成七分有餘。稽料麻斤源源接濟。當此事機順利。著即趕緊督催。分別功過。明示勸懲。以期迅速。厥功如查有墊厓貼坡及草率偷減情弊。即嚴行叅辦。毋稍鬆勁。至本年災地較廣。來工傭趁之徒甚多。自宜豫籌安頓。該尚書等擬辦估築撐壩澆築土餞園埝各工程。著即妥為辦理。務令於工程實有裨益。窮民亦有所餬口。不致滋生事端為要。又所

平奉奏完

示

奏上游河勢並無淤塞。爬沙船混江龍等項器具。不可施於黃河。切灘一法。祇可施於水面等語。均悉。其下游地勢平行。河流紆緩。每有淤高之虞。即著鍾祥嚴飭各廳汛員。於隄工卑薄之處。加高培厚。以期放河時束水刷沙。一律深通。毋使稍有淤阻。以資順利。將此各諭令知之。○又諭有人奏廣東已革新安縣武生陶鳳岡糾約匪類萬餘。以九龍山為巢穴。於廣州廉州高州等府出沒往來。攔

截商賈。擄掠村莊。又新會順德兩縣接壤。有豬頭山地方。歷年匪徒聚會。今其燄更熾。各等語。奸民聚眾為匪。擾害商民。萌孽不除。滋蔓將甚。著祁墀。程喬采。選擇幹練之員。不動聲色。嚴密訪查。如果所奏屬實。即將首要各犯。設法兜拏。按律懲辦。不可姑息。以貽後患。亦不可鹵莽。以生事端。務使首惡就誅。根株淨盡。以靖閭閻。而肅邊境。將此諭令知之。尋奏遵旨確查。實無陶鳳岡姓名蹤跡。惟有因

平奉奏完

臣

案在逃之新安縣已革武生陶奉安。業傳訊該犯家屬。據稱至今未回。至高州廉州一帶洋匪。自去年勦辦後。大段肅清。仍隨時督飭查拏。豬頭山查係小島。匪徒無可藏身。九龍山亦無巢穴。得旨。雖查無其事。不可置之度外。陶奉安務期弋獲。○直隸大名鎮總兵官岳興阿等奏。三省會哨情形。得旨。所奏原屬周妥。要在實力實心。各發天良。不可徒勞往返。終無實濟。勉之又勉。○調湖北按察使郭

熊飛為江蘇按察使。江蘇按察使陳功為湖北按察使。○禮部議准。河南巡撫鄂順安疏報。採訪輝縣節婦王泰氏等一百二十口。請建總坊旌表從之。○辛卯。諭內閣。前據戴銓等奏。請禁止謄錄書手冒名頂替。責令認真謄寫。嗣據給事中和豐奏。請推廣成例。以杜修卷各等語。均經降旨。交禮部會同順天府議奏。茲據御史雷以誠奏。請變通科場舊章。以絕積弊一摺。著一併交軍機大臣會同禮部順天府。妥議章程具奏。○諭軍機大臣等。前據耆英奏。五口通商。請各派大員辦理。當照所議准行。惟所擬浙江提督李廷鈺。經劉韻珂參奏。在先有旨查辦。是以命劉韻珂等另揀熟悉夷務大員。前往海口經理。現尚未據奏到。因念該處既准通商。想夷目不日可到。章程初定。尤須早委明幹大員。專心督辦。計耆英此時已回兩江。著即與劉韻珂程楸采。趕緊會商。選派結實可靠。熟諳夷務大員。

前往該處海口。會同地方官。妥為籌畫。一面具奏。一面即飭該員先往經理。庶臨期不至遲誤。至李廷鈺如何不能勝任提督之處。著劉韻珂仍遵前旨。會同新任巡撫程楸采。速行據實參奏。並於閩浙水師總兵內。密行保舉一人。聽候簡用。將此密諭知之。○又諭。昨據麟魁等覆奏。給事中齊承彥奏。採辦麻斤積弊一摺。所稱料販蠹役。串通舞弊。及同官不敢稟揭等語。本日傳詢該給事中。據稱得自風聞。不能指實姓名。因思辦理大工。全在剔除積弊。現雖查無弊端。仍著麟魁。廖鴻荃。鍾祥。鄂順安。隨時查察。如有前項情弊。即行據實參辦。不得因其不能指實。遂謂言官所奏。俱不足憑。此聲宣布。則委員吏役等。必至益無忌憚。不可不慎。將此各諭令知之。○癸巳。

上詣

安佑宮行禮。○諭內閣。禧恩等奏。緝捕盜犯。漸

有成效。請飭吉林、熱河一體協拏一摺。奉天地方遼闊，緝捕最關緊要。現據該將軍等遴派委員，帶同兵役，分路緝獲盜竊各犯二百餘名，辦理尚屬認真。著照議，將現獲各犯分別解交飭審，按律懲辦。此時賊匪雖經斂跡，難保不往邊外潛藏，乘間竊入。著吉林將軍、熱河都統委派弁兵，於接界處所一體協緝，以期淨絕根株。此次獲犯各員，如有應行鼓勵之處，著於定案時聲明請旨。○又諭劉韻

平定奏書

寄

珂奏水師需才，請留革員效力贖罪等語。已革遊擊陳勝元、楊靖江，前因在廈門防堵不力，經部擬發軍臺效力贖罪。茲據該督奏稱，該革員等前在廈門防守奮力攻擊，俱經疊受重傷，因前任總督傳令撤兵，始行隨同退守，並無畏葸奔避情事。陳勝元、楊靖江著免其發往軍臺，即留於閩浙兩省效力贖罪。交劉韻珂差遣委用。○又諭布彥泰等奏緝獲布魯特哈薩克各賊犯，審明辦理一摺。所有

沙拉雅斯卡倫錫伯營佐領舒興阿失察，布魯特偷進開齊，本有應得之咎，惟能率同伯克回子跟蹤追趕，奪回馬匹，拏獲正兇，功過尚足相抵，著免其議處。其緝獲哈薩克盜犯之索倫營防禦薩綏阿、驍騎校富珠爾泰，派往查邊，即能督同哈薩克阿哈拉克齊等將正賊拏獲，尚屬奮勉，均著交部議敘。○諭軍機大臣等，禧恩等奏緝捕盜犯漸有成效一摺，已明降諭旨，令吉林、熱河一體查緝矣。奉

平定奏書

寄

天自添設捕盜弁兵番役以後，即經獲犯多名。兩月以來，賊蹤斂戢，所辦甚好。該將軍等仍須督飭委員認真查拏，毋得日久生懈。致令有名無實。吉林、熱河與奉天接壤，尤須防其此拏彼竄。該處緝捕盜犯，自必舊有章程，著經額布薩迎阿體察現在地方情形，如有應行變通之處，即行詳議具奏。將此各諭令知之。○又諭昨有旨諭知耆英、劉韻珂、程楙采，令其早委明幹大員督理浙江通商事務。

茲據蔣文慶奏。喚夷領事囉咄。於十月二十五日。前抵定海。即日來至寧波。商辦通商事宜。經該護撫遵照該前撫等商派人員。令寧紹台道陳之驥。寧波府知府李汝霖前往經理。並因該道府向未與夷目謀面。派令已革道員鹿澤長。協同辦理等語。覽奏均悉。著即照議辦理。仍著該督撫嚴飭該道府等。實心經畫。與夷目切實要約。嚴申禁令。並稽查偷漏。毋留罅隙。為要。將此各諭令知之。○浙

江提督李廷鈺。以不勝任革職。以福建金門鎮總兵官詹功顯。為浙江提督。福建澎湖協水師副將施得高。為金門鎮總兵官。○甲午。

上詣

大高殿

壽皇殿行禮。○奉

皇太后還宮。○諭內閣。特依順等奏。請停演小紅衣車。礙換添擡。礙演練等語。杭州旗營。添設小紅衣車。礙十位。現據該將軍等督飭演

放。不能得力。著准其仍交軍需局收貯。即將該局現存擡。礙換添二十位。發營演練。○又諭。特依順等奏。請將礙位酌留分設等語。浙江現存滿洲營廣東大礙二十位。准其酌留八位。遞年輪流演放。其餘十二位。著解交浙江巡撫程楸。采即擇礙臺扼要處所。酌量分設。俾重防守。而資得力。○命禮部尚書麟魁。都察院左都御史特登額。李宗昉。鑲紅旗蒙古都統祿普。吏部左侍郎陳官俊。右侍郎成剛。在紫禁城內騎馬。○以太僕寺卿和淳。為通政使司通政使。○乙未。

上詣

皇太后宮問安。○丙申。諭軍機大臣等。壁昌奏。遵查徐州鎮總兵順保到任未久。其能否勝任之處。必須查看得實。該署督業已交卸。移咨督臣辦理等語。現在狼山鎮中左右三營。有浮扣兵丁差費。擅那營款。墊修衙署之案。著著英嚴飭承審各員。研訊明確。如果該署



鎮順保有知情通那等弊。即於定案時一併嚴叅。並著隨時察看。該員於江北要鎮。是否相宜。據實具奏。將此諭令知之。尋奏各兵扣餉貼差。係已革遊擊楊光祚等准行之事。該總兵未能諭禁。又因修理衙署。動那公項。實屬有玷間寄。應請交部嚴加議處。從之。○丁酉。再於

大高殿設壇祈雪。

上親詣行禮。○諭軍機大臣等。據步軍統領衙

門奏盤獲鮑金堂首告丁卓然聚眾一案。訊

實錄卷之七

據鮑金堂供稱。丁卓然說有頭目陳德修。現在鳳陽縣地方。俟明春回去勾結人謀大事等語。又據丁卓然供稱。鳳陽府原有推小車之程得休。素相認識等語。與鮑金堂所供不符。陳德修是否即係程得休。著該撫遴委幹員。不動聲色。前往鳳陽府嚴密查拏。派員解交刑部訊辦。如王植尚未到任。即著徐寶森飭屬迅速拏解。不准走漏風聲。致令脫逃。將

實錄卷之七

光

此諭令知之。尋徐寶森奏。查明並無程得休其人。將所獲逃流陳德修。派員押解到部。命軍機大臣會同刑部嚴訊。尋奏。鮑金堂係山東人。曾充營兵。退役與安徽童生丁卓然相遇。疑係匪類。希圖誣出真情。送案邀功。遂勸令為盜。丁卓然隨稱安徽土匪多人。鮑金堂因口音不同。誤謂丁卓然欲回籍聚眾起事。旋即首告。查丁卓然並無與鮑金堂商謀情事。惟所著火攻秘術。怪誕不經。應照妖書惑人不及眾例。發給回城為奴。鮑金堂控告係由誤聽。尚與誣告不同。惟希圖邀功。應照不應重律。杖八十。解回原籍。陳德修無干。省釋從之。○戊戌。山西巡撫梁夢涵奏。遵旨覆訊范守仔。實係向王李氏調姦不從。輒復行強。以致該氏羞忿自盡。應按強姦未成本婦羞忿自盡律。擬絞監候。入情實。下部議。尋奏。應如該撫所擬。惟該犯情節較重。如果從前定案時。審出實情。本年秋審。早已勾決。未便因

前審不實。致稽顯戮。所有承辦此案之臬司羅繞典護巡撫喬用遷並刑部未能查出疑竇各員。請交部分別議處。得旨。范守仔著即處絞。餘依議。○補行道光二十二年軍政。吉林卓異官四員。才力不及官二員。年老官十三員。患病官一員。分別議敘處分如例。

宣宗實錄卷四〇〇

辛

大清宣宗效天符運立中體正至文聖武智勇仁慈儉勤孝敏成皇帝實錄卷之三百九十九

大清宣宗效天符運立中體正至文聖武智勇仁慈儉勤孝敏成皇帝實錄卷之四百

監修總裁臣等謹將宣宗成皇帝實錄卷之四百  
天府府尹等謹將宣宗成皇帝實錄卷之四百  
七倉大臣等謹將宣宗成皇帝實錄卷之四百  
內務府大臣等謹將宣宗成皇帝實錄卷之四百  
署理總辦慶豐等謹將宣宗成皇帝實錄卷之四百

教修

道光二十三年癸卯十二月己亥朔諭內閣

宣宗實錄卷四〇〇

鍾祥等奏。估挑運河淤淺工段需用土方銀數。開單呈覽。山東省運河為漕船經由要道。現據查明。本年受淤較厚。自應酌量加挑。一律深通。以利漕運。所有上捕運加四廳應添募夫工價器具銀二萬四千五百十五兩零。著准其動撥司庫正款。其津貼銀三萬四千三百五十二兩零。除沛汛津貼銀一千五百二十兩。由江南支領外。其餘銀三萬二千八百三十二兩零。向於東商生息項下動支。現

據奏稱本年運司應解商息銀三萬五百兩  
僅據解到一半其未解一半息銀一萬五千  
二百五十兩並不敷津貼銀二千三百三十  
二兩零均准其在於藩庫先行借撥由梁寶  
常飭追補解歸款並著嚴飭該道等督率各  
該廳趕緊加挑該河督俟大工辦竣即親往  
查驗如有草率偷減著即指名嚴參經此次  
挑濬後將來重運經臨如有淤淺不能暢行  
之處除將工員嚴懲外朕惟該河督等是問

平奏卷五

懷之○又諭祁項等奏請借款興修隄工一  
摺廣東海陽縣察哥宮洞溪竹崎頭三處隄  
工原係官民捐資築復茲據該督等奏稱約  
需銀在四萬兩上下現除官民捐輸外尚不  
足數自應酌予籌借俾資修築著准其在於  
藩庫籌備修葺隄岸項內借撥銀二萬四千  
兩飭縣趕緊興修務於年內一律完工工竣  
之日起勒限十年令各業戶按畝勻攤遵照  
上下忙及奏銷期限如數徵解歸款如遇完

不足數之年即著落該縣經徵之員照數賠  
解以重庫項○禮部奏道光二十四年元旦  
應行禮儀得旨是照例行禮奉

皇太后懿旨停止筵宴其在外公主福晉命婦  
進內行禮之處並著停止○戶部議准浙江  
巡撫管遙羣疏報富陽象山西安瑞安四縣  
開墾田地九頃五十八畝有奇照例升科從  
之○庚子

上諭

平奏卷五

皇太后宮問安○諭內閣前因鄂順安奏參河  
南前署永城縣知縣何奇燁會拏捻匪捏稟  
受傷當經降旨將該員革職旋據周天爵等  
奏稱該革員獲犯多名復有旨交鄂順安一  
併確查茲據該撫查明該革員首先拏獲斬  
梟要犯六名協獲凌遲斬遣首夥各犯十二  
名迨被參革之後復首先拏獲蔡蟒等犯三  
名尚知愧奮何奇燁著准其開復原官仍著  
送部引見○以吏部左侍郎文慶兼鑲藍旗

護軍統領○調鑲紅旗漢軍副都統奕綱為鑲紅旗滿洲副都統以刑部右侍郎賡福兼鑲紅旗漢軍副都統○辛丑

上詣

大神廟

宣仁廟

凝和廟拈香○免雲南銅廠民欠無著工本銀○緬甸國使臣聶繆那牙瑞凍等四人於神武門外瞻觀○壬寅諭內閣山東省運河

山東省運河

○

冬挑津貼銀兩向於東商生息項下動支前據鍾祥等奏本年應解息銀僅解到一半請在藩庫先行借撥當經降旨准行茲據戶部查明運河歷次冬挑自道光十七年以後共借藩庫銀八萬一千餘兩均未咨報完款司庫錢糧最關緊要本不准指工借動若再任意延宕不能按限歸還年復一年伊於胡底著梁寶常確切查明歷年奏借銀兩究竟解繳若干即飭該運司將未完之款及本年奏

借之款一併上緊嚴追如數清解仍即報明戶部以備查覈嗣後商息銀兩務須按限催徵年清年款以敷運河工需其冬挑津貼銀兩不准再行援案奏借以重庫款○閏浙總督劉韻珂等奏請留革員顧敦忠經理軍需報銷得旨一經事竣即行起解不准耽延起解時仍著奏聞○以病痊布政使陳繼昌為甘肅布政使○補行道光二十二年軍政湖廣卓異官十員不謹官一員才力不及官五員分別議敘處分如例○癸卯以翰林院侍讀奎光充日講起居注官○戶部議准廣西巡撫周之琦疏報永寧州開採崇慶鐵廠照例輸稅從之○甲辰

孝惠章皇后忌辰遣官祭

孝東陵○諭內閣裕泰等奏捐輸製造戰船及海疆經費收支數目一摺湖北省造就整脊戰船六隻哨船四隻著照議發文漢陽營收管並准其於前存捐輸錢內酌提本錢二萬

串。交武昌漢陽二府鹽典各商承領生息。以為常年撥兵操練工食。歲修油艚之用。所有製造戰船。及辦運木筏軍械火藥等項。均著免其造冊報銷。○又諭倭什訥等奏。訊明員弁私墾納租。斂財舞弊。按律定擬一摺。此案解任協領哈清阿。於私墾地畝。擅行註冊徵租。影射需索。阿爾綢阿。濫用追出地價。任意妄為。哈清阿。阿爾綢阿。均著革職。從重發往軍臺效力贖罪。解任防禦豐仲泰。招佃私墾地畝。被叅後巧為規避。著即革職。以示懲儆。所有失察之歷任將軍副都統。著該部查取職名。照例議處。○諭軍機大臣等。麟魁等奏。墾工續得進占丈尺。並引河挑成分數一摺。覽奏均悉。現在東西兩壩。計已做成三百二十丈。挑水壩共做成二百十七丈。兩壩均須再進七八占。方能計期合龍。趁此時春汛尚遠。著麟魁等督飭在工員弁。實力趕堵。以期迅速。歲功悉臻穩固。所有需用稽麻板纜等

項。准其隨時察看。量加購買。覈實支發。倘有餘贖。留為善後之用。勿致虛糜。其引河頭及抽溝溝線各工。約計已挑成九分。俟全完後。該尚書等親往驗收。毋許草率。又另片奏。傭工人夫眾多。請以工代賑等語。著准其將善後工程。查照成案。摺節估計興辦。俾要工胥歸覈實。而災民亦不致失所。並飭都勒豐阿督率弁兵。妥為彈壓。毋令滋事。是為至要。將此諭令知之。○又諭。倭什訥等奏。雙城堡京旗男婦。不諳耕作。漸至困窮。懇恩量為調劑等語。雙城堡移駐京旗。撥給地畝。房間牛犁籽種。加恩至為優渥。何至不諳耕作。生計艱難。殊失嘉惠旗民之意。著倭什訥等體察該處情形。悉心籌畫具奏。其應如何教養兼施。俾移駐旗人等安居樂業。各食其力。永無凍餒之虞。且使在京旗人。復可源源移駐。庶當年體恤京旗之善政。不至日久漸廢。方為妥善。將此諭令知之。○調山東巡撫梁寶常為

浙江巡撫以江寧布政使崇恩為山東巡撫調甘肅布政使陳繼昌為江寧布政使賞已革閩浙總督鄧廷楨三品頂帶為甘肅布政使○以造辦防江戰船出力予湖北前任知府顧椿等升敘有差○乙巳

上詣

皇太后宮問安○御乾清門聽政○諭內閣刑部奏查出盜用印文案犯據實檢舉此案鄒玉林偽造部文盜用印信實屬不法著刑部

平定縣志

嚴加研鞫按律治罪所有失察之堂司各官著交部照例分別嚴議議處具奏尋刑部奏鄒玉林因平山父子以犯竊銷除旗檔賄令設法辦理歸旗輒敢偽造部文盜用印信依律擬絞監候秋後處決從之吏部奏失察此案之刑部監印官主事李榮司庫德恩均議降二級調用掌司務廳印員外郎台斐英阿降二級留任尚書阿勒清阿李振祐左侍郎惠豐前署左侍郎祝慶蕃右侍郎賡福轉補

左侍郎魏元愷均議降一級留任係公罪可否准其抵銷得旨俱著不准抵銷○諭軍機大臣等據程楙采奏安徽徽州等府州所屬地方向有棚民現在委員清查等語徽州寧國池州滁州廣德等府州所屬山多閒曠向有浙江溫台等處民人搭棚棲止該棚民等生齒日繁兼有無業之民逗留涸跡自應徹底清查著王植飭令委員等前往該地方認真稽查編設棚頭發給門牌除歷年已久確有冊籍可憑者免其驅逐外其新添之戶一概逐令回籍毋得養癰貽患日久別滋事端其毗連浙江江蘇兩省交界地方並著知照各該撫一體挨查認真辦理毋得視為具文將此諭令知之○賞順天等省鄉試年老諸生信名賢等八十三名舉人副榜有差○修江西豐城縣石隄從巡撫吳文鎔請也○旌表守正捐軀直隸蔚州民耿光母魏氏吳橋縣民車汰妻申氏江蘇邳州民張景哲女張

氏○貸大通橋車戶修造剝船銀○丙午以京畿得雪

上詣

大高殿報謝○諭內閣德順奏請責成運司清查庫款等語運庫各款均關支發必應一律清釐著即責成新任運司陶士霖自二十四年正月開印起予限三箇月飭令逐一清查按款結報仍由該鹽政親詣盤查如有商欠未完官催不力之款著即據實嚴參分別辦理

平糶事宜

上

理嗣後長蘆運庫即定以三年清查一次以昭覈實○科爾沁扎薩克土謝圖親王色登瑞噶布等六人喀爾喀車臣汗阿爾塔什達等四人烏珠穆沁扎薩克車臣親王彭蘇克納木濟勒巴林扎薩克郡王那木濟勒旺楚克等二人喀喇沁扎薩克都楞郡王色伯克多爾濟等五人翁牛特扎薩克郡王喇特納濟哩第敦漢扎薩克郡王達爾瑪濟爾第等二人蘇尼特扎薩克郡王齊旺扎布四子部

落扎薩克郡王伊什齊當阿巴噶郡王薩爾濟勒多爾濟郭爾羅斯扎薩克鎮國公揚贊巴拉及朝鮮國使臣沈宜升等二人於神武門外瞻覲○丁未諭內閣布彥泰等奏開墾地畝分安民戶回屯覈辦章程一摺著該部議奏尋議該將軍奏稱伊犁三顆樹地方及紅柳灣迤東新墾地三萬三千三百五十畝以五十畝為一分共地六百六十七分安設正戶民人五百七十一戶量借籽種納糧每

平糶事宜

上

畝小麥八升每年應徵小麥二千六百六十八石以為惠遠城續設壯丁一百六十名及孤寡養贍之需通計有贏無絀餘糧即歸正項專款報部又阿勒卜斯地方共墾得地十六萬一千餘畝分設回莊五處共安回子五百戶及商伯克等每戶撥地二百畝所餘留為歇乏換種每戶徵三色糧十六石每石斛面三升每年應徵糧八千一百四十石作為滿營操演馬隊之用均應准照辦理惟阿勒

卜斯每年額糧八千石之多。日久儲蓄充溢。自宜豫籌抵撥。即可於兵餉之需漸次減調。應請飭下該將軍等體察情形。酌量辦理。至阿勒卜斯添設五品商伯克。六品密拉普伯克。七品明伯克各一員。玉子伯克五名。理藩院查與道光二十年開墾塔什圖畢地渠。分撥回子添設伯克一案。事同一體。應如所請添設從之。○賞乾清門行走科爾沁郡王濟克默特朗布。教漢郡王布彥德勒格。呼圖魯克齊。三眼花翎。○前任熱河都統瑚松額。因病乞休。允之。賞全俸。○以拏獲哈薩克私進開齊賊犯。賞台吉海里普。阿哈拉克齊。緡爾瑪克。花翎。餘加銜議敘有差。○緩徵伊犁被旱回屯租穀。及應還籽種。○戊申旌表守正捐軀河南上蔡縣民侯振綱女池妮。○己酉諭軍機大臣等。薩迎阿奏遵查熱河緝捕情形一摺。覽奏均悉。熱河與奉天接壤。所屬之朝陽縣。東界義州。北通諸藩。緝捕尤為緊要。

據奏現今各州縣設立太平社。俾各鄉民等守望相助。每社公舉一人充當社長。專司巡緝。現在朝陽。平泉。建昌。三州縣均已舉行。其赤峯。豐寧。灤平等處。亦設法補立等語。該鄉民人等自顧身家。互相稽查。於緝捕甚為有益。著即飭各州縣一體實力奉行。其不與蒙古毗連地方。亦著依照章程。勸諭設立。並著薩迎阿督飭道府認真辦理。總期官民協力。久而無懈。儻該文武員弁等查有怠玩之處。立即嚴參。毋稍姑息。將此諭令知之。○調兵部右侍郎祝慶蕃為吏部右侍郎。以內閣學士侯桐為兵部右侍郎。轉刑部右侍郎。魏元愷為左侍郎。以前任雲南巡撫張澧中署刑部右侍郎。○庚戌上詣皇太后宮問安。○賞故御前行走喀喇沁二等塔布囊錫林達瓦銀三百兩。○辛亥諭內閣。瑞郡王奕誌。明年年至十八。例應當差。著仍



在上書房讀書。○壬子。以故車臣汗扎薩克貝勒那木濟勒多爾濟子貢楚克扎布襲爵。三等鎮國將軍承順子景錫降襲三等輔國將軍。○以清文生疏革內閣學士巴雅爾綽克托職。○改鑄陝西撫標添設中營中軍參將關防。從巡撫李星沅請也。○予江蘇勦夷陣亡筆帖式哈豐阿武舉哈達海前鋒校松寶祭葬世職。○准江西鄱陽縣教諭黃升重赴鹿鳴宴。○禮部議准湖南巡撫陸費瓌疏報。採訪瀏陽縣節孝婦女胡李氏等七百六口。邵陽縣陳唐氏等六百六十九口。河南巡撫鄂順安疏報。沈邱縣陳張氏等八十七口。江蘇巡撫孫善寶疏報。邳州呂金氏等一百八口。各請建總坊旌表從之。○癸丑。諭內閣。戶部奏。江西省歷年未結各款。久逾例限。請旨飭催。開單呈覽。據奏。江西省歷年未結各款。積至七十餘件之多。有應提歸款入冊報撥者。計銀三萬九千五百餘兩。有動支銀款。

並未按年解部。及未經報部覈銷者。計銀十四萬四千餘兩。有行查未經登覆者。計銀五十四萬五千餘兩。穀三萬七千二百餘石。經該部節次行催。延不登覆。似此積壓懸宕。難保無侵蝕情弊。著兩江總督。江西巡撫。於奉文之日起。將該部單開各案。立即飭限分別題咨。逐款清釐。毋得仍前延擱。並將承辦遲延各職名。先行查取。送部照例議處。儻再視為具文。任催罔應。該部即將該管之督撫司道一併奏參。○予故河南衛輝府知府廖文錦。濬縣知縣朱鳳森。縣丞董敏善。四川學政聶銑敏。入祀名宦祠。湖北故刑部主事蔡紹江。廣東故新寧縣舉人陳遇夫。貴州故開泰縣廩生徐為和。河南故陝西石泉縣知縣胡具慶。入祀鄉賢祠。從總督寶興。巡撫鄂順安。賀長齡。趙炳言。程喬采請也。○甲寅。以故二等伯松文子承志。豐紳額子松岫。三等男福光子明恆。已革一等男貴麟弟鍾壽。各襲爵。

○是日甲辰年立春。順天府進土牛春山寶座。○乙卯。

上詣

皇太后宮問安。○以故一等男博善子桂林襲爵。○賞哈密辦事大臣達洪阿副都統銜。為伊犁參贊大臣。○丙辰諭內閣。禧恩等奏查勘

三陵各工應修應緩情形一摺。所有應修處所。據該將軍等查明情形較重。自應擇吉派員

備料修理。以昭慎重。著欽天監選擇明年二

三月內吉期。知照該將軍等敬謹興修。應用

物料匠夫。通共估需銀四千三百九十二兩

零。著准其照奏定章程分別動支領用。○賞

降調副都統銜烏什辦事大臣瑞元三等侍

衛。為哈密辦事大臣。○鑄給直隸移駐天津

鎮標大沽協副將。左營中軍都司。祁口營都

司。葛沽營遊擊。霸州營守備。通永鎮標山海

路遊擊。中軍守備。提標三屯營遊擊。中軍守

備。喜峯路都司。宣化鎮右營都司。大名鎮磁

州營守備。各關防條記。從總督訥爾經額請

也。○禮部議准。山東巡撫梁寶常疏報。採訪

諸城縣節烈婦女解王氏等一千三百七十

四口。河南巡撫鄂順安疏報。商城縣黃胡氏

等五十九口。各請建總坊旌表。從之。○展賑

河南中牟。祥符。通許。陽武。陳留。杞。淮寧。西華

沈邱。太康。扶溝。尉氏。項城。鹿邑。睢。十五州縣

被水災。民並貸口糧。蠲緩新舊正雜額賦。有

差。並緩徵鄆陵縣本年額賦。○丁巳。諭軍機

大臣等。李廷鈺奏。籌辦寧波通商事宜。並現

在洋面情形。及造辦船隻一摺。所奏情形。是

否屬實。所議是否可行。著劉韻珂。梁寶常。詹

功顯。會同查明具奏。至造船出洋等事。尤係

提督專責。著詹功顯悉心妥議。不准推諉。原

摺鈔給閱看。將此各諭令知之。○禮部尚書

龔守正。因病解任。以吏部左侍郎陳官俊。為

禮部尚書。兼署工部尚書。○兩廣總督祁墳

因病給假。賞還廣東巡撫程喬采。二品頂帶。暫護總督。○以辦理祥工善後事竣。河南巡撫鄂順安。按察使張祥河。下部優敘。餘加銜升補有差。○以勦捕洋盜出力。開復廣東總兵官鮑起豹頂帶。賞參將王鵬年。花翎。餘加銜升敘有差。○旌表守正被戕甘肅隴西縣民彭碌妻馬氏。○展賑安徽太和五河鳳臺三縣並屯坐衛所被水軍民。○戊午。諭軍機大臣等。著英等奏。水師亟需操練。請將公捐銀兩暫緩發商生息一摺。前據壁昌等奏。准商捐銀三萬兩。作為操練水師津貼之需。降旨。令將一半發商生息。茲據英等奏。商力竭蹶。尚未發交生息。水師操練稍有遲緩。恐致廢弛。著照所請。准其挑派兵丁。按段操巡。分班調換。周而復始。以期一律純熟。所有准商公捐經費。著准其暫緩發商。全數湊發。加給口糧。以示體恤。仍著該督飭司將營田沙洲趕緊清釐。採取花利。以供支用。並著通盤

籌畫。如有贏餘。仍行發商生息。以期經久。將此諭令知之。○轉吏部右侍郎祝慶蕃為左侍郎。調禮部右侍郎李芝昌為吏部右侍郎。仍留安徽學政任。以內閣學士周祖培為禮部右侍郎。戶部右侍郎何汝霖兼署吏部右侍郎。○命戶部右侍郎柏蔭為正使。鑲紅旗漢軍副都統恆興為副使。往祭故朝鮮國王妃金氏。○命寧夏副都統伊勒當阿往奠故御前行走阿拉善扎薩克親王囊都布蘇龍茶酒。○以江蘇清江礮局工竣。予道員徐澤醇等升敘有差。○撫卹越南國遭風難夷如例。○己未。諭軍機大臣等。吳文鎔奏查明用過兵差等項銀兩。請攤捐歸款一摺。江西省各屬應付兵差各款。據該撫覈計。統共用過銀十九萬九千八百二十三兩零。著准其由外攤捐歸款。此次攤補銀兩。同嘉慶四年清查案內未完虧項。及道光七年承造直隸剝船案內應捐覈減運費。統俟那墊民欠攤款

全完後再分作八年一併接續攤捐歸補每年攤補銀三萬六千六百餘兩先儘歸還司庫墊款次歸各縣應我之項仍按年將每年攤補銀數具奏一次另片奏上年籌辦防堵事宜用過銀二萬四千一百九十二兩零錢一萬一千七十六串零著准其於捐輸經費項下照數動支所有江西省各屬用過兵差等項及籌辦防堵支用各銀均著免其造冊報銷將此諭令知之○以都察院左副都御

史趙光詹事府詹事王廣蔭為內閣學士兼禮部侍郎銜王廣蔭仍留順天學政任○以江南江安蘇松道屬歉收暫緩收買幫丁行月等米○庚申

上詣

皇太后宮問安○諭內閣戶部奏各直省應行報撥銀兩延不造報請旨飭催以裕經費各直省應行報部撥用之款或係徵存司道州縣各庫或係各項報銷餘騰並一切覈減還

借扣繳等項並非懸款無著者可比乃各該省任意耽延竟有遲至數年終未入撥者茲據該部查明截至本年八月止共有一千九百四十一款共銀一千七十四萬八千三百七十餘兩錢一千一百三十餘串此項應行報撥銀錢款目愈多易滋膠轕懸宕日久難免侵那國家經費有常現值軍務之後繼以河工賑濟同時並舉需費浩繁各督撫具有天良值此帑藏未裕之時何得因循玩愒置

若罔聞著按照該部單開各款迅即查明認真清釐扣存司庫者悉數造入季冊現存屬庫者立即提解司庫一面趕緊造報聽候撥用斷不准視為部臣彙催具文仍前怠玩儻經此次飭催之後承辦各員並不實力徵解即著嚴行參處毋稍姑容○諭軍機大臣等劉韻珂等奏臺灣府屬民用茶葉絲斤紬緞請照舊例販運輸稅並酌議稽查章程一摺前據耆英奏內地各省販賣茶葉湖絲紬緞

不准涉海。如有願由海運者。即照西洋各國貿易章程。完納稅銀。其臺灣等處地方。由該督撫妥議辦理。茲據該督等奏。臺灣一府。民間所需茶葉。細緞絲斤。均由商民航海運往。若照外夷通商之例。一體增稅。恐價值增昂。於小民日用有礙。請仍照舊例。按則輸稅。免其增加。並嚴立稽查章程等語。商船載運茶葉等項。前赴臺灣。如權稅照舊。難保奸商不藉端影射。運赴他處。或竟私與夷商交易。致滋偷漏。自應嚴立章程。以防弊混。該督等所請出口進口各商民。均給印照。以憑查覈之處。著即照議辦理。至浙江之寧波乍浦。江蘇之上海等口。均與臺灣一帆可達。各商民往來貿易。尤難保無走私漏稅之弊。著耆英。孫善寶。梁寶常。體察地方情形。是否可做照閩省現議章程辦理。並應如何嚴密稽查之處。會同悉心妥議具奏。原摺著鈔給耆英等閱看。將此各諭令知之。尋署兩江總督壁昌奏。

光緒二十三年

三

准浙江巡撫梁寶常咨。覆寧波乍浦二口商民與臺灣貿易。議請給照販運。悉照閩省現定章程辦理。乍浦口向因達達沙堅稅則量為折減。今仍照舊辦理。寧波向有茶稅。並無湖絲細緞稅則。應查照閩海關稅例徵收。至江蘇上海地方。例本禁止茶葉絲斤細緞出口。其販運赴臺之處。應請仍行停止。下部知之。○修直隸溫榆河果渠村壩埽工程。從總督訥爾經額請也。○以福建各屬糧價未平。暫緩買補本年動缺倉穀。○辛酉上御撫宸殿大幄次。賜蒙古王貝勒貝子公額駙台吉呼圖克圖等宴。並賞賚有差。○諭軍機大臣等。麟魁等奏。時屆凌汛。疊遇大風。壩工保護平穩。並引河挑竣。現挑河頭各情形。一摺。現在兩壩計已做成三百六十餘丈。挑水壩亦共得二百四十丈。當此天寒風勁。凌汛屆期。務宜加倍慎重。防護新工。跟接進占。統期一律穩固。稽麻料物。現雖寬為豫備。仍

光緒二十三年

三

當樽節支發。毋許虛糜。至引河工程。業經告竣。驗收丈尺相符。挑挖亦尚如式。著即知照南河。啓除埂界。試放清水。其臨期搶辦溝工。尤當相度形勢。妥為經理。至善後工程。亦著即行估辦。仍飭都勒豐阿。隨時彈壓。毋致滋生事端。是為至要。將此諭令知之。○命乾清門行走科爾沁扎薩克圖郡王索特納木倫布木。在御前行走。賞翁牛特鎮國公阿宛敦羅布蘇尼特。輔國公布彥特古斯烏珠穆沁輔國公車林多爾濟花翎。○以吏部左侍郎文慶兼總管內務府大臣。○壬戌。大學士穆彰阿等奏。遵議杜絕科場積弊章程。嗣後應責成順天府尹。直隸總督。嚴飭各州縣。將正身書吏考選謄錄。各於左臂用印。送各府廳直隸州驗明覆考。其堪以供役者。派員起解赴順天府驗明覆考。由大宛兩縣各於右臂用印。屆期由順天府尹監臨。知貢舉於龍門外驗明左右臂印入場。至謄錄潦草。責成該

所官隨時察懲。御史和豐原奏內稱。慎重落卷。即以該生領卷印票繳驗。為領落卷之符。應如所請辦理。又稱推廣覆試等語。擬令各省新中舉人。於會試年二月初十日以前。全行到京。取具同鄉京官印結。送部聽候覆試。又御史雷以誠原奏內稱。於空餘號內酌添水缸。不許夫役赴號等語。應於有井之號。無庸編列坐號。專為約束水夫之所。每次注水畢後。即將水夫關入井號。不得東西撓越。得旨。嗣後各省鄉試新中舉人。著於會試前二月十五日。在貢院通行覆試。惟現距會試之期已近。若於明年即行覆試。誠恐遠省新中士子未能周知。或致到京有逾期限。所有各直省鄉試覆試。著自下科為始。餘依議。○癸亥。孝莊文皇后忌辰。遣官祭昭西陵。○上以歲暮裕祭。

太廟。自是日始齋戒三日。○甲子論內閣。前因查庫御史銀庫司員罰賠庫項限內陸續全完。降旨交軍機處存記。年終彙奏。茲據開單呈覽。所有歷任查庫御史已革左副都御史續齡著以七品筆帖式用。已革光祿寺卿張秉德仍著革職。已革奉天府府丞駱秉章著以庶子用。已革告病內閣侍讀學士張鑒著以七品小京官用。已革吏科給事中景斌著以七品筆帖式用。已革戶科掌印給事中炳輝著以七品筆帖式用。已革兵科給事中舒光仍著革職。已革工科給事中蘇芳阿著以主事用。已革工科給事中薩霖著以七品筆帖式用。已革浙江道御史宋林曙著以七品小京官用。已革內閣侍讀周春祺著以主事用。已革甘肅布政使程德潤著以主事用。已革四川布政使龔綬著以員外郎用。已革兩淮鹽運使但明倫著以員外郎用。已革河南糧鹽道沉澄仍著革職。已革甘肅甘涼道郭

增錄卷四

三

柏蔭著以主事用。已革福建督糧道劉夢蘭著以七品小京官用。已革湖北安襄鄖荊道吳式敏著以七品小京官用。已革告病福建興泉永道周日炳著以七品小京官用。已革陝西鳳翔府知府豫泰著以七品筆帖式用。已革廣東肇慶府知府趙長齡著以主事用。已革休致廣西平樂府知府俞恆澤仍著休致。已革降調給事中瞿溶著以七品小京官用。已革福建布政使曾望顏著以主事用。已革陝西榆林府知府李熙齡著以知府用。歷任銀庫司員已革告休都統蘇成額著賞還頂帶。已革內閣侍讀學士保極著以七品筆帖式用。已革兵部員外郎額爾德穆著以七品筆帖式用。已革銀庫員外郎文彩著以員外郎用。已革江西按察使文俊著以道員用。已革山西大同府知府嶸祿仍著革職。已革陝西西安府知府貴麟著以七品筆帖式用。已革兵部侍郎功普已革江蘇常鎮通海道周

增錄卷五

三

項已革給事中李達烈均仍著歸另業革職
○以禮部尚書陳官俊充經筵講官○以伊
犂惠遠城開墾地畝予同知慶辰等升敘有
差遣戍已革員外郎董夢齡等分別釋回賞
伯克楚魯克等頂翎○乙丑以歲暮裕祭遣
官祭
太廟中殿
後殿○賞御前行走科爾沁扎薩克土謝圖親
王色登端噶布烏珠穆沁扎薩克車臣親王
彭蘇克納木濟勒科爾沁扎薩克圖郡王索
特納木倫布木乾清門行走喀爾喀扎薩克
郡王托克托瑚圖噶紫韁○丙寅裕祭
太廟
上親詣行禮○遣官祭
永陵
福陵
昭陵
昭西陵

孝陵
孝東陵
景陵
泰陵
泰東陵
裕陵
昌陵○遣官祭
孝穆皇后
孝慎皇后
孝全皇后陵寢○遣官祭
端慧皇太子園寢○遣官祭
太歲之神○詣
皇太后宮問安○暹羅國使臣披耶唆哩巡段
啞派拏車突等四人於午門外瞻覲○丁卯
上御保和殿筵宴朝正外藩科爾沁烏珠穆沁
巴林喀喇沁奈曼敖漢翁牛特蘇尼特阿巴
噶西子部落土默特扎噶特阿巴哈納爾茂
明安郭爾多斯郭爾羅斯喀爾喀青海阿拉



善王爾扈特察哈爾王貝勒貝子公額駙台吉塔布囊等隨文武大臣依次就坐諸樂並作

上進酒召左翼科爾沁扎薩克土謝圖親王色登端魯布卓哩克圖親王巴圖達爾漢親王索特納木彭蘇克扎薩克郡王僧格林沁扎薩克扎薩克圖郡王索特納木倫布木郡王濟克默特朗布扎薩克貝子濟克默特烏珠穆沁扎薩克車臣親王彭蘇克納木濟勒巴

林扎薩克郡王那木濟勒旺楚克喀喇沁扎薩克都楞郡王色伯克多爾濟奈曼扎薩克郡王阿宛都瓦第扎布固倫額駙德木楚克扎布敦漢扎薩克郡王達爾瑪濟爾第郡王布彥德勒格呼固魯克齊翁牛特扎薩克郡王喇特納濟哩第蘇尼特扎薩克郡王齊旺扎布阿巴噶郡王薩爾濟勒多爾濟四子部落扎薩克郡王伊什齊當土默特扎薩克貝勒那遜鄂勒哲依扎薩克貝子德勒克色楞

右翼喀爾喀車臣汗阿爾塔什達烏里雅蘇台參贊大臣賽音諾顏扎薩克親王車林多爾濟扎薩克親王額林沁多爾濟車登巴咱爾扎薩克郡王托克托瑚圖魯那蘇隆巴咱爾那遜巴圖青海扎薩克郡王達錫旺扎勒等至

御座前賜酒成禮○是年旌表孝子江蘇等省李性等二十五名孝義江蘇等省狄翔鴻等四名孝女江蘇吳氏等五口孝婦福建趙林


氏等六口守節合例滿洲富森布妻巴岳特氏等一百十六口蒙古倭楞額妻吳氏等五十三口漢軍蔡呈瑞妻劉氏等三十二口內務府扎拉豐阿妻李氏等四口各省駐防張志松妻王氏等二百二十九口奉天等省徐蘭妻劉氏等一千一百四十七口夫亡殉節蒙古定住妾王氏直隸等省蘇勳傑妻陳氏等三十口未婚守志滿洲忠肅聘妻瓜爾佳氏蒙古德順聘妻白氏江蘇等省沈文蔚聘

妻顏氏等二十八口。百歲壽民婦。江蘇等省  
顧天祿等三十六名口。五世同堂。直隸等省  
李福功等四十七家。各給銀建坊如例。○一  
產三男。奉天等省劉祿等三家。○會計天下  
民數穀數。直隸等省通共大小男婦四萬一  
千七百二十三萬九千九十七名口。存倉米  
穀三千二百一萬八千二十一石四斗六升  
七合八勺。

實錄卷四〇〇

三

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百



統一書號: 11018·1355-17

定價: 51.00 元